





Bibliotheca Vaticana

Digitized by Google

4⁰ Bicus cell 16^m

~~XXX~~

Batesius

Hist. Bit. univ. collect. vit. gener. ~~44~~ f. 488.

VITÆ
SELECTORUM
ALIQUOT
VIRORUM

Qui Doctrinâ, Dignitate, aut Pietate
INCLARUERE.

*Inspicere tanquam in speculum vitas omnium
Jubeo, atque ex aliis sumere exemplum tibi. Terent.*



LONDINI,

Typis A. G. & J. P. & prostant venales apud Georgium Wells,
ad Insigne Solis Cœmeterio Paulino, 1681.

Eorum Nomina Virorum Selectorum.

(V I Z.)

V ita Henrici Chichele Archiep. Cantuariens, per Arthur Duck	Pag. 1
Vita Gul. Waynflet Episc. Wintoniensis & Anglie Cancellarii per Gul. Buddenham	49
Vita Joann. Pici Mirandula per Joann. Franciscum Principem Mirandula conscripti.	90
Vita Hier. Savonarola per Joann. Picum Mirandula Princip.	107
Vita Petri Bembi Card. per Joann. Casam	140
Vita Gaspar. Contareni Card. per Joann. Casam	154
Vita Desid. Erasmi per Rhemium	187
Vita Gul. Budai per Lud. Rbergium	215
Vita Christophori Longolii De Obitu Mart. Bucerii	240
Epistola dua	250
Vita Bernardi Gilpinii per Georg. Carletonum Episcop. Cisterciensem	282
Vita Vincentii Pinelli per Gualdum	314
Vita Scavola Samaritanii	379
Vita Julii Caesaris Scaligeri	404
Dan. Heirssii Epistola de morte Josephi Scali- geri	417
Vita Hugonis Grotii	420

Vita Pet. Pitbaci	435
Laudatio Funerbris Henrici Walliae Princip. per Fran. Neatherjole Accad. Cantab. Orator.	401
Oratio Funerbris in Obitum Tho. Bodleii Equitis Cele- berrime a Lud. Oxonienses Bibliotheca Fundato- ris	416
Laudatio Funerbris in Obitum Ulrici Danie Reg. Fil. per Opitium	432
Comment. de Domino Fabiano à Dona per Gerhar- dum Vossium	446
Laudatio Funerbris Frederici Henrici Ausrugonensium Principis per Frid. Spanhemium	493
Panegyricum à Baldu. Penatore	526
Julii Caesaris Lagalla Vita per Leon. Allatium	575
Commemoratio Vitae Gulielm. Cambdeni per Degor. Wheare.	589
Vita Antonii Walai	600
Vita Petri Puteani per Nic. Rigaltium	660
Henrici Valesii Oratio in Obitum Dion. Petavii	678
Henrici Valesii Oratio in Obitum Jac. Strmondi	687
Petri Molinai Vita	697
Vita Henrici Valesii per Hadrian. Valsium	719
Vita Jac. Usserii Armachani	734

Illustri Nobilissimoq; D. Domino *Gulielmo*
Russel, Bedfordiæ Comitis filio natu maximo.

Honoratissime Domine,

Historia non immeritò magna vitæ humane lux & magistra
semper habita est; quippè quæ omnes hominum ordines ad
officia cuique, propria & idonea & suaviter instituat, & mo-
veat efficaciter. Enimvero exempla in formandis hominum
animis ad virtutem vim quandam obtinent singularem, & majores,
quam nuda præcepta, aculeos habent, quibus homines ad actiones secun-
dum virtutem incitentur. Qui quum historiae usus & finis sit præcipuus,
ea demum historia maximi præfecto æstimanda erit, non quæ rebus mag-
nificis, bellorum stragibus, caterisque ejusmodi inanem quandam volup-
tatem afferre solet lectoribus, sed quæ res utiles exhibet ac imitatione
dignas. Atque hac potissimum de causa præstantium virorum vitæ fide-
liter conscripta plurimum certè habent utilitatis; ex iis enim facile con-
stat quâ ratione vitæ suæ modum instituere soleant, affectus cohibere, se-
que ipsos in variis vitæ circumstantiis moderari, tum verò, ut quando-
que vel ex imbecillitate lapsi sunt, vel per errorem à virtutis semita de-
viarant. Quapropter opus non minus utile quàm gratum & jucundum duxi,
illustrium virorum vitas à variis quidem autoribus antehac conscrip-
tas, & separatim editas, nonnullis de novo additis in unum volumen
compingere. Cujus ego frontispicium quod honorando tuo nomine decora-
verim, cum præcellentes tuæ virtutes, tum gratitudo quâ prosequor amo-
rem erga me tuum amicitiamque singularem, effecerunt.

Non est mihi animus in amplissimum simul & nobilissimum virtutum
varum campum excurrere, quæ nullis egent verborum ornamentis quibus
lustrentur, sed verbis ipsis poterunt splendorem suum fenerari. Neque
amen de eis interim omnino certè conticeſcam. Illud equidem verissimè
tiro, & absque omni adulatione affirmare, animi tui generositatem no-
litate generis adæquare. Virtus quidem non semper una cum here-
ditate ad posteros transmittitur; verum quemadmodum Jordanus fluvius
(uti testantur Geographi) è monte Libano inter cedros originem ducens,
perquam deinde longo itinere terras limpidissimis suis & sacundis aquis
regaverit, tandem in mari mortuo sepelitur; ita sapiens usu venire
oportum est, ut majoribus orti nobilissimis generis sui splendorem mo-
ris pravis obscuraverint: Tu autem, Domine, majorum tuorum vir-
tes habes unâ cum sanguine in te transfusas ac derivatas.

Si

Epistola Dedicatoria.

Si privatam tuam vitam inspiciamus, temperantia tua, justitia, bonitas, & erga Dei oracula reverentia exemplum exhibent rarum quidem & spectabile, idque etiam in hoc seculo tam corrupto & atheismi plenum, cum multi qui gloriosissima pars hominum haberi volunt, solis tamen titulis suis & comitatu, audaciore impietate, & majore suo luxu à vili plebula secernuntur.

Qua autem in publico hujus regni theatro egeris, omnem quidem laudem videntur exsuperasse. Consiliorum tuorum integritas inflexibilis, & cum prudentia conjuncta fortitudo, (posthabitis illis, qua vulgares animas captivas ducant, illecebris ac terculamentis) abunde certe testantur te studia tua & conatus omnes patria imprimis consecrasse. Inviolabilis autem illa tua erga regem fides est sanè maximè conspicua & deprecanda. Sicut enim heroica planè virtutis est (observante philosopho) & supremum gradum consecuta, ad conscientiam recti honestique conservandam famam ejus posse contemnere, ita sanè in consiliis tuis efficacissima quæque media ad regem regnumque ejus conservandum adhibuisti, ut, cumque nonnullorum hominum (qui omnem sibi fidelitatem arrogant) calumnias effugere non potneris, quasi in ea parte officio tuo defuisses. Verum his omnibus accedit & quasi coronam imponit, summus ille tuus sine omni fuco & affectatione zelus, quo veram puramque Christi religionem prosequeris. Cujus manifestum sanè indicium præbes, dum posthabitis reculis illis, speciosis quidem, at inutilibus, quibus aliqui plus nimio tribunt, conaris animitus ut qui in doctrina cultusque substantialibus conveniunt, ut in levioris momenti rebus dissentientes, in unum amicè coalescant; ne per dissidia sua communi hosti, crudeli ac inquieto, prada tandem fiant, ac triumphandi materia.

Hæc ea sunt, præstantissime Domine, quibus te ipsum optimorum sane ac prudentissimorum hominum pectoribus inseruisti. Neque ullus dubito quin bonos tuos tibi ipsi superstes, ac posteritatis memoria firmiter infixus sit futurus, illud autem præcipuè te movere debet ad perseverandum in præclaro tuo incepto, nempe ut approbationem Dei, vernique illum, qui à solo Deo proficiscitur, honorem consequaris. Ille, ille per omnes temporis vicissitudines evadet victor, præ quo omnes ceterius mundi laudationes tam nihil sunt quàm emortua scintilla, si cum meridiano sole conferatur. Sanè iste ambitiosus est qui illum querit, ac ardentissimos suos conatus omnes in eo consequendo meritisimè collocabit. Omnipotentis dei bonitati dominationem tuam commendo, ut te consilio suo dirigere dignetur, ac tandem ad æternam gloriam perducere, finem illum hominis ultimum ac beatissimum.

Honoris tui servus humillimus ac fidelissimus

GULIELMUS BATESIUS.



VITA
HENRICI CHICHELE
ARCHIEPISCOPI
CANTUARIENSIS.



ENRICUS CHICHELE in antiquo agri Northamptoniensis oppido (quod à Ferrariis, in quorum dominio olim erat, Heighamferrers vulgo denominatur) natus est Patre Thoma Chichele, Matre Agnete, familiâ obscurâ, quam virtutibus suis illustrem apud posteros deinceps reddidit. Adolefcens juri Civili & Canonico operam dedit Oxonii inter socios Collegii Novi à Gulielmo Wyckam Wyntonienſi Episcopo adhuc superſtite aſcriptus (qui duo Collegia magnifica & opulenta, illud

Oxonii, alterum Wyntonix sumptu immenso nuperrimè construxerat) in quibus studiis summâ indole & industriâ usus, Doctoris Legum insignia adeptus est. Ex Academia evocatus est à Richardo Medeford Episcopo Sarisburiensî, à quo inter domesticos & familiares primo aſcitus, & postea consiliis omnibus & secretis adhibitus, cum eo conjunctissimè semper & amicissimè vixit. Ab eo Archidiaconatum Sarisburiensem primò consecutus est, qui primus ad dignitates Ecclesiasticas illi gradus fuit, eundemque Walterus Fitzpers Sacerdos diplomate regis Henrici designatus lite intentatâ vendicabat; unde causâ per appellationem ad Thomam Arundel Archiepiscopum Cantuariensem devoluta, ab Auditore causarum legari potestate delegato dignitas, Henrico adjudicata est. Erat ille annus humanæ salutis MCCCCII, & III. cum regnaret Henricus quartus quo Henricus Archidiaconus Sarisburiensis factus est eoque munere sedulo per biennium functus, Cancellarius Ecclesiæ Sarisburiensis constitutus est. Nam cum Walterus Medeford Episcopi frater illius Ecclesiæ Cancellarius esset, ex causâ permutationis secundum juris Canonici instituta ritè factâ, uterque dignitatem suam abdicavit, & Henricus ab Episcopo Ecclesiæ Sarisburiensis Cancellarius, Walterus ejusdem Ecclesiæ Archidiaconus factus est. Erat autem dignitati Cancellarii annexa Ecclesia Parochia Odyhamensis in Diocesi Wyntonienſi: eam etiam unâ cum munere Cancellarii vacantem Episcopus Henrico tribuit, in cujus possessionem illicò missus est à Cu-

1402.

1403.

B

Node

stode juriū sedis Wyntonienſis, quæ tum Epifcopo carebat per mortem Gu-
 lielmi Wyckam, qui V. Calend. Octob. ejuſdem anni, vitam in ea Eccleſia
 ſplendide aſtam cum æterna commutaverat. Haſce dignitates Richardi Epif-
 copo Sarisburienſis beneficio conſecutus eſt, qui Henricum ſemper chariſſi-
 mum habuit, & cum poſt tres annos moreretur, ei cyathum auratum cum
 operculo in teſtamento verbis honorificis legavit, eundemque executoribus
 ſuis in iſſdem tabulis nominatis præeſſe juſſit. Cæperant iterea Henrici vir-
 tutes omnibus innoteſcere, & præſertim Henrico quarto Regi, qui eum po-
 ſtea pluribus negotiis adhibuit. Erat enim in ipſo præter inſignem litera-
 rum cognitionem ingenium acre & perſpicax, quod cum rerum uſu & pruden-
 tiâ civili conjunctum, eum ad res gerendas promptiſſimum reddidit. Præter
 negotia Regis domi præclare geſta, è publicis muneribus primum ei obtigit
 Legatio eximia, à rege inter illos legatos designato, quos ad Gregorium XII.
 Pontificem Rom. miſit, ſive ut Pontifici ſedem ſuam nuper adepto gratulare-
 tur, ſive ut eum cum Benedicſto XIII. conciliaret, qui Pontificem Maximum A-
 vinioni agebat. Legati in Italiam venientes, Romam profeſturi, Senis Gre-
 gorium inveniunt, quæ civitas Hetruriæ amæniffima ſimul & nobiliſſima tum
 temporis reip. jure ſuis legibus utebatur, poſtea à Medicæis debellata eſt, ho-
 dieque magnorum Hetruriæ Ducum Imperio paret; ibi verò legatos noſtros
 viros eximios * Theodoricus Niemenſis Gregorio libellorum ſupplicum magi-
 ſter, qui tum in aula Pontificia Senis erat, ſeipſum vidiffie atteſtatur. Ut omit-
 tam reliquos Legatos, quorum nomina è memoria hominum ſcriptorum vi-
 tio exciderunt, quam bene Henricus hoc munus geſſerit, quantamque gra-
 tiam apud Pontificem eo nomine promeruerit, Gregorius luculentè mox de-
 monſtrat: nam cum ad aulam Romanam illico delatum eſſet, Guidonem Mo-
 ne Epifcopum Menevenſem mortuum fuiſſe pridie Kal. Septem. ejuſdem anni,
 poſt legatorum ex Anglia diſceſſum, Henricum Epifcopum Menevenſem ultro
 renunciat, eumque ſuis manibus more majorum conſecrat IIII. Non. Octob.
 literiſque ad Thomam Arundell Cantuarienſem datis denunciat, ſe ex conſilio
 Cardinalium Eccleſiæ Menevenſis vacuæ Epifcopum præfeciffie Henricum Chi-
 chele, Eccleſiæ Sarisburienſis Cancellarium, legum Doctorem, & Sacerdo-
 tem, virum prudentiâ, integritate, multiſque virtutibus inſignem, rogans
 porro ut eundem in muneris ſui adminiſtratione commendatum habeat. Hen-
 ricus Gregorium Senis Lucam contendentem ſequutus eſt, & cum eo ad finem
 Aprilis anni inſequentis manſit; tum autem ex Legato Epifcopus domum re-
 dit, & VII. Kal. Sept. Eccleſiam Cantuarienſem pro more adeuns, Archie-
 piſcopo, & ſucceſſoribus ejus obedientiam reverentiâque juſtam & cano-
 nicam ſacramento pollicetur. Hoc autem munere quàm dignus ab omnibus
 haberetur, Epifcopi & Prælati Provinciæ Cantuarienſis ad Synodum Londi-
 nenſem Menſe Januarii ſequentis convocati ampliffimo teſtimonio comprobâ-
 runt. Cum enim in ea Synodo ageretur de legatis pro gente Anglorum ad Sy-
 nodum œcumenicam Piſas mittendis, Robertus Hallum Sarisburienſis, Henri-
 cus Chichele Menevenſis, Epifcopi, & Thomas Chillingdon Prior Eccleſiæ Can-
 tuarienſis, Legum Doctores, omnium ſuffragiis electi ſunt, & decretum por-
 rò, ut ſinguli beneficiorum poſſeſſores de ſingulis proventuum ſuorum libris
 quatuor denarios in eorum ſumptus erogarent. Indicebatur ea Synodus
 Piſis.

* In memoria
 unionis, c. 31.

Pisîs à Collegio Cardinalium Liburni coeuntium pro conciliando schismate inter Gregorium x i i & Benedictum x i i i, quorum ille Romæ, hic Avinionî pro Pontifice Romano se gerebat. De quo schismate, quia in sequentibus aliquoties dicendum erit, consentaneum institutæ narrationi videtur, unde originem habuerit, quibusque modis invaluerit, aliùs ducto initio breviter explicare.

Postquam Philippus Pulcher Galliæ rex Bonifacii VIII. Pontificis Romani execrationes eluserat, & amentiam ipsius coarguerat, literis ad eum datis quæ apud plerofque ejus seculi scriptores habentur, ipsumque demum dignitate Pontificia spoliaverat, Cardinales regis offensionem veriti, Clemenstem V Guasconem, Gallum, Pontificem eligunt. Ille à Collegio Cardinalium Perusii cum absens esset creatus. eos omnes Lugdunum evocat, ubi in æde Divi Justi præsentibus Philippo Galliæ, Eduardo Angliæ, & Alfonso Arragoniæ regibus coronam accipit, anno salutis reparatæ MCCCv, eodemque anno creatis multis Cardinalibus Gallis, sedem Avinionî constituit, ubi etiam eo mortuo sex insequentibus Romani Pontifices, Joannes XXIII. Caturcinus, Benedictus XII. Tholosanus, Clemens VI, Innocentius VI, Urbanus V, Gregorius XI, Lemoicensis, Galli omnes Româ derelictâ per septuaginta annos permanferunt. Horum sane Pontificum, præsertim Clementis V, & Joannis x i i i rapinas, libidines, luxuriam, gulam gravissimè perstringunt, Romanamque Curiam Babylonem appellant poetæ Itali, * Dantes Aldigerius, & * Franciscus Petrarcha, qui sub illis Avinionî in aula Romana degebant, sive quod Gallis infesti erant, sive quod viri integerrimi perdititissimos eorum mores pati non poterant. Solum Clemens V à Jurisconsultis sæpe memoratur, quod librum Clementinarum in Concilio Viennensi à se editum Juri Canonico adjecerit. Ceterum Gregorius x i, urbis Romanæ ruinis, Italiæque tumultibus commotus, relicta clam Avinione Romam redit anno MCCCLXXvi, ab excessu Pontificum septuagesimo primo, ubi incredibili omnium lætitia exceptus, basilicas, palatia, ædificia, & civitatis mœnia collapsa cœpit restaurare. Eo post biennium mortuo Cardinales, qui ferè omnes Galli erant, populi Romani injurias metuentes, qui Italum postulabat, Pontificem eligunt Bartholomeum Barensem Archiepiscopum, qui, mutato nomine, Urbanus v i dici voluit. Ille verò cum nomine mores etiam subito mutavit; nam cum ab omnibus moderati ingenij vir haberetur, Cardinales universos incipiebat graviter increpare, & cum Otho Brunsvicensis Tarenti Princeps, qui Joannam Siciliæ reginam duxerat, in genua protubens ei poculum in prandio porrigeret, principem aliquandiu ita subsistere passus est, donec à Cardinalibus admonitus ægrè ab eo poculum acciperet. Quem quidem Pontificis factum & severitatem intempestivam Cardinales molestè ferentes, Fundos, civitatem in regno Neapolitano, confugiunt, ubi renunciati prius electionem Urbani nullius momenti esse, quòd metu & vi facta esset, denuo Rupertum Cardinalem Genevensensem eligunt, qui Clemens v i dici voluit, & Avinionem cum suis Cardinalibus secessit. Ita hic Avinionî, ille Romæ creatis novis Cardinalibus Pontificem agit, & inter eos universus orbis Christianus divisus est: Germani siquidem, Angli, Poloni, Hungari, Boemi, Daci, Sueci, & Itali plerique Urbano, Galli autem & Hispani Clementi obtemperabant. Urbanus in Pontificatu suo quem per x i annos gessit, Ecclesiæ digni-

* *Dell' inferno.*
canto 19. *U*
Paradiso Canto
27.
* *Nella terza*
parte, sonetto. 8.
9. 10. *U* *eqid.*
20.

tates vilissimis Cardinalibus creatis dehonestavit, & inter principes Christianos bella concitavit, unde à plerisque pro Urbano Turbanus dicebatur: vir omnium qui unquam Romanam sedem tenuerunt crudelissimus; nam ex Episcopis & Cardinalibus qui Clementi occulto favere insimulabantur, alios carceribus, alios tormentis addixit, & postremò è Cardinalibus sex præstantissimos morte multavit, quorum unum in itinere se conspiciente immaniter trucidari, reliquos quinque dum Genuæ esset culeis infutos in mare projici jussit. Clemens interea Avinioni vitiis æmuli sui parum concessit, quem omnes tradunt fuisse ambitiosum, prodigum, pervicacem, superbum, & qui præter familiæ suæ nobilitatem (erat enim è familia Comitum Genevensium) de cætero nihil haberet quod in eo posset laudari. In Urbani demortui locum successus est Romæ Petrus Tomacellus Cardinalis, qui mox appellatus est Bonifacius 1x, & mortuo paulo postea Clemente Avinioni, Cardinales ne capite destituerent ur, Pontificem eligunt Petrum de Luna Hispanum, qui Benedictus xiiii dici voluit. Hi vero eos quibus successerunt vitiis etiam superarunt, neque eorum utervis ut pax Ecclesiæ conciliaretur, voluit de sua dignitate decedere. Bonifacius cum eligeretur non solum scribendi, canendi, & literarum omnium præter Grammaticam, verum etiam rerum gerendarum expertus erat, & in munere suo id solum contendebat, ut nepotes suos locupletaret per sacrorum omnium mercaturam, quam ille quidem ex omnibus Romanis Pontificibus turpissimè exercuit. Annatarum vestigal primus beneficijs Ecclesiasticis imposuit, sub ea lege ut qui beneficium ubivis gentium consequeretur, dimidium annui provenientis filco Pontificio persolveret, quam consuetudinem reliquæ gentes Christianæ præter Anglos admiserunt: nam apud nos ab Episcopis solis cæperunt exigi, cætera beneficia immunia permanferunt. Neque huic commento avarus Pontifex acquievit, sed Episcopatus & sacerdotia omnia sub hasta vænire passus est, in qua nundinatione fratres & nepotes suos quandoque proxenatas adhibuit, sæpius ipse licitantibus vendidit, pretiumque suis manibus accepit, & aliquando secundo emptori meliorem conditionem offerenti ecclesiam addixit, postquam à primo pecunias accepisset; adiiciens ei fraudem non fieri qui pretio minus justo perfoluto Pontificem decipere voluisset, ipsoque emptores improbissime coegit jurare, quod ecclesiam illam, cujus ipse pretium acceperat, per simoniacam pravitatem non fuissent consecuti. Post Ecclesiæ spolia pauperibus inhiabat, quorum ille supplicibus libellis nolebat subscribere, nisi singuli prius florenos singulos numerassent, quos ille sacris Christianis & anima sua potiores habuit; nam dum sacra coram eo promore peragerentur, solebat ab ijs qui prætorio erant seiscitari, Equis adesset qui aliquid attulisset, & ante paucas horas quam ex hac vita emigraret, cuidam interroganti de valetudine sua, bene se habiturum respondit, si pecunias haberet. Hæc Bonifacij sordes etiam omnes execrarentur, Jurisconsulti tamen defendebant, asserentes Pontificem Romanum simoniæ laborem non contrahere, licet Episcopatus & sacerdotia vendiderit, quod etiam * Canonistæ antiqui ferè omnes Pontifici nimis addicti tradiderunt, à qua tamen adulatione sordida abhorrebant plerique ejus temporis theologi * qui Bonifacio superstitè publice docebant Pontificem dignitates Ecclesiasticas aut beneficia vendentem simoniæ crimine se obstringere, eandemque sententiam * Theologi deinceps omnes & * Canonistæ recentiores: Panormi-

a lo. Andr. Anbaran. Cardin. & Dd ad c. 1. de simon. Felin. 162. ex parte ii. 1. de off. delog. bTheod. Niemi. lib. 2. de scibijm. cap. 32. c Thom. 2. 2. qu. 100. art. 2. & d Cajetan. & omnes Navarr. in manual. c. 23. n. 108. Paul. Arglic. in speculo auro. d Panor. in reposit. c. extirpan. d a Sol. quia vero. n. 53. de præben. & in c. 1. de simon. Barbat. ad c. cum pridem de past. Barbot. Ugelin. de Simom. Tab. 1. cap. 3. Self. 5.

Panormitanus, Barbatia, alijque amplexi sunt. Benedictus etiam Avinioni licet ingenij, eruditionis, & prudentiæ laudem ab omnibus sit consecutus, in rerum sacrarum quæstu Bonifacio simillimus fuit; nam uterque dignitates omnes, Sacerdotia, gratias, peccatorum expiationes, & Ecclesiæ prædia civitatelque proscribebat, adeo ut sacro sancta clavium Ecclesiasticarum autoritas per turpem utriusque Pontificis mercaturam apud omnes evilesceret. Sane Baldus eximius Jurisconsultus qui tum temporis jus Civile Patavij docebat, licet electionem ^b Urbani approbasse, & Clementem pro adulterino Pontifice habuisse videatur, Bonifacium tamen & Benedictum infestatur, ^b Bonifacium bovi, Benedictum bestiae efferae comparans, & neutrum esse Dei ministrum legitimumve Pontificem asserit, quod seditiones in Ecclesia foverent, quodque neuter eorum pro pace Ecclesiæ comparanda se solio suo demoveri pateretur. Eam ob causam Bonifacio mortuo postquam xii annos sedi Romanæ præfuisset, Cardinales dum ad eligendum Pontificem coeunt, pro se quisque sanctè juravit, abdicaturum se statim Pontificatu si forte deligeretur, modo alter Pontifex idem faceret; atque ita communibus orbis Christiani suffragiis unus Pontifex designaretur, sin falleret, diris seipsum execrationibus devotebat; quo iurjurando etiam Cardinales Avinionenses in electione Benedicti paulò antea se obstrinxissent: & statim Innocentius Cosmatus Cardinalis Pontifex renunciatur, qui Innocentius vii dictus est. Ille autem de juramenti sui religione parum sollicitus, dignitatem pertinacissimè retinuit, neque per biennium quo fuit Pontifex induci potuit, ut eam deponeret, vir alioquin juris Canonici peritissimus; sed ad libidines propensus, & qui opibus comparandis nimis intentus erat. Quocirca post ejus obitum Cardinales singuli in conclavi idem iurjurandum maximis execrationibus interpositis iterum concipiunt, & pollicentur etiam nolle se aliquos Cardinales creare, modo alter Pontifex à creandis Cardinalibus itidem abstineat, & pridie Kalend. Novembr. anno Christi Mcccvi. Angelum Cornarium Venetum eligunt, qui Gregorii xii nomen induit. Hic postquam sedem adeptus est, publicè verbis & lacrymis testatus est, se virum omnium indignissimum noluisse hoc munus suscipere, nisi ut pacis in Ecclesia constituendæ author esset, & apud omnes prædicabat se illud solum exoptare, ut dies & locus designaretur in quo ipse cum Benedicto conveniret, & per utriusque abdicationem Ecclesia unicum pastorem iterum haberet. Quapropter literis ad Benedictum, ad Henricum xii Regem nostrum, ad omnes principes Christianos & Episcopos statim datis, eos hortatur & rogat, ne pro schismate amovendo Ecclesiæ desint, & Legatos ad Benedictum mittit Antonium Cornarium Episcopum Bononiensem nepotem suum, Gulielmum de Vinea Episcopum Tudertinum, & Antonium de Butrio primum juris Canonici tum temporis in Academia Bononiensi interpretem, cujus legationis ipse in ^k commentariis suis meminit; quibus in mandatis dat ut cum Benedicto conveniant de loco in quo ea renunciatur faciendæ esset. Ii Benedictum Massiliæ inveniētes, cum eo paciscuntur ut uterque citra mensem Novemb. insequentem Saonam accedat, quæ civitas in litore maris Ligustici posita imperio reipub. Genuensis parebat, atque ibi post utriusque renunciationem novus Pontifex eligeretur; & Massilia Lutetiam proficiscuntur, ut cum Carolo VI Galliarum Rege hac de re agerent, ubi incredibili lætitiâ ab omnibus

^b Bald. ad c. quia propter. de elect.

(i) Bald ad c. olim. de rescript.

(k) Anton. de Butr. ad c. quod ad consultationem n. 3 de sent. & re jud.

omnibus accepti sunt: verum cum peracta legatione ad Gregorium reversi ab eo inclementius habiti essent, Antonius de Butrio paulo postea ex animi morore mortuus est. Ista enim à Gregorio subdole facta sint ut à se harum discordiarum causam amoliretur; nam ipse tergiversari primum, quod Saona locus esset suspectus, utpote quæ ad Genuenses spectaret, qui Benedicto obtemperabant, & postea recusare, obtendens Theologorum suorum sententiam, qui ab eo submissi publicè populum in concionibus docebant, non potuisse Gregorium gregis Christiani à Christo summo pastore sibi demandati curam sine piaculo deserere. Cæterum quia increbuerat Benedictum ante finem ætatis Saonam advenisse, Gregorius ne ipse solus ab omnibus redargueretur, Roma ægrè relicta Kalendis Septemb. anni sequentis Senas venit, ibique usque ad finem Januarij sequentis commoratus est. Dum Senis esset, præter Benedicti, Caroli regis Gallie, aliorumque principum Legatos, eo etiam venerunt Legati regis nostri, inter quos (ut superius dictum est) erat Henricus Chichele, isque ibi à Gregorio Episcopus Menevensis factus est: qui omnes pro pace in Ecclesia constituenda, ejus fidem coram Cardinalibus sub juramenti religione interpositam vehementer obtestabantur. Inde Februario ineunte Lucam concessit, neque inde recessit usque ad mensem Julij insequentem, ubi ab iisdem legatis (nam legati nostri Lucæ apud Gregorium manebant usque ad finem Aprilis) sæpè interpellatus Saonam contendere recusavit, & cum Benedicto per emissarios suos clam egit, ne de jure suo decederet, unde cum omnes eum prævaricari & Christianis illudere animadvertent pro Gregorio Errorum appellabant. Illud etiam Cardinales maxime cruciabat, quod Gregorius ijs repugnantibus contrà jurisjurandi sui fidem Gabrielem Condemarium nepotem suum (qui postea Pontifex fuit) & tres alios Cardinales cooptasset, & reliquis Cardinalibus porro graviter interminatus fuisset, ne cum Cardinalibus Benedicti se inconsulto agerent, quod aliqui eorum clam moliri dicebantur; & Johannem Proset Archidiaconum Norfolciensem beneficijs omnibus spoliasset, eam solum ob causam quod Cardinales diversum sentientes allocutus fuisset. Quocirca Cardinales suarum partium Pisas fugiant mense Maij anno Mcccviii: quæ civitas ad decimum à Luca lapidem posita est, ibique ab anathemate & execrationibus Gregorij quas ille in eos pronuntiaverat, appellatione publicè interposita ad Jesum Christum supremum judicem, ad Synodum generalem, ad futurum Pontificem provocant, eamque appellationem ritè interpositam, neque injusti Pontificis anathemate fuisse Cardinales obstrictos¹ Abbas Panormitanus postea asseruit. Et licet aliqui Gregorij affectu publicè docuissent, eum à juramenti religione quod pro schismate extinguendo interposuerat fuisse immunem, quod ipse seipsum pro potestate sua à jure jurando absolvere posset: contrarium tamen defenderunt præstantissimi Jurisconsulti, * Petrus Ancharanus, Franciscus Zabarella Cardinalis, & Antonius de Butrio qui omnes tum floruerunt, asserentes utrumque Pontificem hac in causa perjuri reum esse, eorumque sententiam Philippus² Decius postea secutus est. Ista Cardinalium à Pontifice secessio plerisque principibus Christianis placuit, præsertim Henrico regi nostro, & Carolo Gallie regi, qui tergiversationum utriusque Pontificis pertecti, ab eorum obedientia nuper defecerant, quod tamen Historiographi utriusque gentis

(1) Abb. ad c. inquisitioni. n. 5. de sent. excom. (m) Ancharanus. conf. 181. Card. Zabarella. conf. 150. Annus de Butrio. ad c. 1. n. 10. de Consist.

(2) Dec. in consilio pro auctoritate concilij supra Papam.

gentis stipendiarii Pontificis dolo malo omiserunt. Angli enim licet Urbanovi, & deinceps iis qui Romæ creabantur, tam religiose huculque obtemperaverant, ut Thomas Arundell Cantuariensis Archiepiscopus in juramento quod in eo munere suscipiendo Bonifacio 1x pro more præstabat, illud etiam nuncupatim polliceretur, se Rupertum Cardinalem Genuensem qui Clemens vi dictus est pro adulterino Pontifice habiturum: hoc tamen anno in Synodo Londini habitâ rege auctore interdicebatur, Ne pecuniæ ex Episcoparibus aut Sacerdotijs debitæ fitco Romano persolverentur, Cardinalibus illud per literas (quæ in acta publica relatæ hodiè conspiciuntur) rogantibus, qui asseriebant immensam pecuniarum vim quæ ex hoc regno Romam quotannis deferrebat, Pontifices impellere ad eam sedem ambiendam, & cohibere postea ne eam deferrent: quod tamen à nemine nostrorum scriptorum proditum est. Galli vero licet Pontifices Avinionenses sequerentur, Carolus tamen Benedicti pervicaciam animadvertens noluit ei amplius parere, quod etiam Baldus tradidit, illamque obedientiæ subtractionem iustam fuisse demonstrat: & postea Curia Parisiensis Senatusconsulto Cardinales, & Cameræ Romanæ servi iussi sunt ab annatarum proventibus manus abstinere, duoque Pontificis emissarii qui diplomata Pontificia attulerant, in quibus Rex & Principes anathemate percussi sunt, mitris chartaceis redimiti, & plaustro stercorario impositi per civitatem ignominiosè traducti sunt, sicuti Carolus Molinæus acutissimus Jurisconsultus desiderata historicorum ejus gentis fide, ex illius Curia actis comprobavit. Merito igitur Imperatorum Romanorum ignaviam accusat Theodericus Niemenis, nam Carolus 1111 in cujus tempora hujus schismatis initia incidebant, non solum Ecclesiæ calamitates negligebat, verum etiam imperium abdicato regno Arelatenſi in Gallia, & multis imperij civitatibus alienatis, turpiter labefactabat, posteaque ab Electoribus per sortem obtinuit, ut Wenceslaum filium suum hominem ignavum in Regem Romanorum electum fide subrogaret, qui etiam dum imperaret, nihil omnino Principe dignum gessit. Robertus etiam Bavarus, qui post Wenceslaum à Germanis electoribus imperio exutum hoc tempore imperabat, de imperio simul & Ecclesiæ securus agebat, nam Italian, Avinionem, aliaque imperij partes ab iniustis possessoribus detineri patiebatur, & Gregorij partibus favens, Ecclesiæ discordiarum præcipuus author habebatur. Certè à prioribus Imperatoribus longè degenerabat, qui Pontifices Romanos creabant, deturbabant, & pro componendis Christianorum discordiis Synodos indicabant, qua potestate Imperatoris jam maxime opus fuit: nam inter has Pontificum factiones fides Christianorum vacillare, sacra omnia venumdari, mores Ecclesiasticorum impunè corrumpi, ipsi denique Pontifices erant homines adeo profligati, ut hæc ipsa apud posteros parum fidei habitura fuissent, nisi traderentur à duobus scriptoribus probatissimis Theodorico Niemenſi & Baptista Platina, quorum uterque Pontificibus à secretis erat, hic sub Sixto 1v, ille sub Urbano vi, Bonifacio 1x, Innocentio vii, Gregorio xii, in aula Romana jam versabatur. Cardinales igitur Gregorii animadvertentes Imperatorem de hisce Ecclesiæ tumultibus extinguendis parum sollicitum esse, postquam Pisas se contulissent, Gregorium edicto publico schismatis auctorem, & dignitate sua deturbatum, omniaque ab eo ut à Pontifice gerenda irrita.

(o) Bald. add. s. olim de respectu

p. Carol. Molinæus de Monarch. Franc. n. 140. 141. 142. (q) Niemen. lib. 3. de schism. cap. 7. U. nemore unione Trad. 6. cap. 31.

(r) C. Hadrianus. n. c. in Synodo. diff. 63. c. Vili. or. Honorium. diff. 97. (s) C. Si quis. 2. qu. 7. C. c. non si in compenſer. ead. (t) C. Si ab electo. brum diff. 16. c. Valentinianus. diff. 63. c. mandati. 2. qu. 4.

(v) *Vide Niem. in nem. union. Traß. 4. cap. 9.*
(x) *2. Alalius dist. 17.*

(y) *Bald. ad. d. c. oim. de rescript. & in c. quia propter de elect. licet. m. 13. de elect. & in conf. 150. & in Traß. de schismate hujus temporis.*
Anch. ran. conf. 181 (a) Pasor. ad c. licet de visitand. n. 5. de elect. Dec. in Confli. pro Concilio Pisano Felin. ad c. super literis. n. 21. de rescript. Cardin. Jacob. de Concil. lib. 3. art. 1. n. 11. Jo. Royat. de Heret. n. 518.

(b) *Niem. in nem. unionis Traß. 6. cap. 15. 16.*

(c) *Card. Bellar. lib. 1. de Concil. cap. 8. walsingb.*

rita esse pronunciant, & Episcopis, Abbatibus, prælati, Ecclesiæque vassalis universis interdiciunt, ne annatas, census, aut alia fisco Romano debita Gregorij minutis perfolvant, & accitis ad se Benedicti Cardinalibus, qui suadente Carolo rege Gallia ab eo nuper descenderant, communibus suffragiis Pontificatæ utrique abrogant, Synodum Pisam ad festum Annunciationis Divæ Mariæ Virginis anni sequentis pro eligendo novo Pontifice indicunt, quæ omnia singulis principibus Christianis per literas significant, eorum gratiam porro & opem pro pace in Ecclesia stabilienda implorantes, & occidentalis Ecclesiæ Episcopis universis denunciant, ut eam ob causam Synodo interfint. Quamvis autem aliqui tum temporis Theologi ut Pontifici suisque commodis arte adulatoria infervirent, Cardinales schismate obligatos esse dicerent, quod * Synodus sine Pontificis Romani autoritate convocari non possit: Baldus tamen, Cardinalis Zabarella, & Petrus Ancharanus Cardinales illos defenderunt: nam ⁷ Baldus contra istiusmodi Pontifices primo verbis, dein herbis, tertio lapidibus & vi utendum, eosque à Concilio amovendos esse ait: ² Zabarella vero & Ancharanus, qui in Synodo Pisana aderant, amplissime probarunt potuisse Cardinales Synodum convocare, in qua Pontifex in jus vocari & deturbari possit, eamque sententiam post eos amplexi sunt ³ Panormitanus, Decius, Felinus, aliique recentiores, qui Synodum Pisanam expressim approbarunt: quibus accedunt ⁴ Academiarum Parisiensis & Bononiensis suffragia, quæ decreta sua contra hos Pontifices pro Cardinalibus interpoluerunt, & novissime ⁵ Cardinalis Bellarminus dignitatis Pontificiæ acerrimus propugnator, Synodum Pisanam etiam plane non approbet, neque eam tamen plane rejicere ausus est. Ad hanc Synodum valde propensi erant principum Christianorum animi, regis præsertim nostri & Galli, ad quos Cardinalis Burdgalensis vir prudentia & integritate clarus Pisis in Galliam primo, deinde in Angliam hoc anno venerat, atque hic oratione copiosa coram Rege & Ordinibus regni habita, animos omnium contra Gregorium ita commoverat, ut Thomas Cantuariensis literis etiam Academiæ Parisiensis idem ab eo rogantis adductus, ad Synodum Pisanam proficisci statuisset, nisi à rege de valetudine, itinerum incommotis, negotiisque publicis admonitus sese continuisset: quin potius placuit omnibus Legatos mitti, qui Anglorum nomine Synodo interessent. Atque hæc erat Ecclesiæ Romanæ conditio cum Synodus Pisana indiceretur. Jam ad Henricum redeamus.

1499.

Legati in Synodo Londinensi designati, ineunte anno Mcccci Robertus Hallum Sarisburiensis, Henricus Chichele Menevensis Episcopi, & Prior Cantuariensis, Pisas profecturi itinere per Galliam facto cum Lutetiam venirent, Johannes Gerson insignis Theologus, Academiæ Parisiensis Cancellarius, eruditam & luculentam coram ijs orationem habuit, super illis Osee Prophetæ verbis, *Congregabuntur filii Israel & filij Jude pariter.* In qua postquam de Academiæ Oxoniensis laudibus præfatus esset, quæ eo nuperimè nuncios pro Synodo promovenda, atque decretis contra Pontifices contumaces ferendis miserat, & fusc ex illa sacrarum literarum particulâ de potestate Synodi oecumenicæ disseruisset, legatis de eorum adventu Parisienses omnes gratulari testatur, eorum pietatem laudat qui pro Ecclesiæ pace tot incommoda paterentur, & demum Academiæ nomine ijs consilia officiaque omnia studiosè

studiosè desert. Quæ oratio inter ^{d In vol. 1. op. 1.} Gerlonis opera etiamnum extat. Inde ^{tuus Jo. G. v. 1.} Galliam emensi Pisas V Kalen. Maii splendide ingressi sunt, ubi CXL. Archiepiscopus Episcoposque præter Abbates & alios Ecclesiastici ordinis frequentissimos in Synodo reperiunt, & Sarisburiensis quod reliquos Legatos dignitate anteciret regis sui nomine oratione elegantî universos ad pacem, & ad sedandas Ecclesiæ discordias cohortatus est, idemque reliquorum principum legati qui ad Synodum venerant, Galli, Hispani, Scoti, Lusitani, Hungari, Daci, Sueci, Poloni enixè rogarunt. Ideo Gregorii & Benedicti Pontificum crimina ad Synodum deferente advocato filici, & postulante ut de iis inquisitio haberetur, à quibuscum delegatis, quibus ea cognitio demandari posset, uterque testibus in pœnam contumaciæ receptis, & aliis probationibus convictis, à ^{e Niemlib. 3 de} Synodo perjurus, schismaticus, hæreticus, dignitate Pontificia exauthoratus pronuntiatur, & Nonis Julii Petrus Philardus ^{scribit. cap. 44.} à ^{f Abb. ad. c. l. i. et} Cardinalibus potestate Synodi iis delegata suffectus, & Alexander Vididus est. Erat Alexander origine Cretensis, patre incerto natus, à quodam Franciscano dum puer victum ostiatim quæreret, perspecta ipsius indole, in ordinem suum cooptatus, ab eodem in Italia Grammaticam & Logicam edoctus, inde ad Academiam Oxoniensem amandatus, ubi Philosophiæ & Theologiæ studiis per plures annos incumbens, insignem utriusque scientiæ cognitionem adeptus est, quam deinde Parisiis docens, & commentariis in libros sententiarum acutè scriptis patefecit, postea procurante Joanne Galeatio Mediolani Duce, Archiepiscopus Mediolanensis, demum ab Innocentio vii Cardinalis, & jam Pontifex creatus est: vir doctrinâ & integritate singulari, sed studiis & vitæ monasticæ assuetus, ad negotia publica administranda ineptus ab omnibus habebatur. Verum nec diuturnam nec tranquillam sedis suæ possessionem nactus est: nam post finem Synodi, Pisas Bononiam profectus Kalendis Maii anni sequentis, decimo Pontificatus mense veneno extinctus creditur; & Balthasar Cossa, qui Bononiæ Legatus ab Alexandro constitutus præerat, ir verox & Militiæ quàm Sacerdotio aptior, à Cardinalium Collegio partim metu militum quos in urbe pro statione habebat, partim largitione usus erga popes Cardinales à Gregorio nuper creatos, Pontifex renunciatur, & Joannis xxiii nomen accepit. Dum autem Alexander Pisas & Bononiæ esset, Gregorius interea Arimini, & Benedictus Panischole (quæ civitas in ragoniâ sita est) pro Pontifice se gerebant; adeoque tres jam considebant Divi Petri Cathedra, quæ vix unius saltum continere potest, justissimo divini numinis judicio, ut redargueretur eorum vanitas, qui à perpetua in ea de Pontificum successione, sacrum Christi gregem, fidemque Christianorum inium pendere volunt. Soluta concilio Pisano, Henricus Menevensis vii etiam in libris juris ^{f Ann. 11. ff. 4.} municipalis legatus à rege hoc ipso anno perhibetur ^{fol. 73. 3.} in reliquis legatis, ingruente hyeme domum redit, ubi duobus annis ^{1410.} ^{1411.} entibus duabus Synodis Londini habitis, ab Archiepiscopo Cantuariensi ^{1411.} catus interfuit, uti ex publicis earum Synodorum actis constat: de cæo diocesin suam peragrare, de moribus populi sui inquirere, & reliqua iscopi munia sedulo obire, quotiescunque ei à publicis negotiis vacaret, ad eum ab Henrico quarto rege sæpe adhibitus est, qui eum summo ob prudentiam singulari in honore semper habuit. Eo autem vita functo Westmonasterii

1413. sterii xiiii Kal. April. anno humanæ salutis Mccccxiiii successit Henricus Vimagni ingenii Princeps, in cujus verba ob egregiam indolem ultrò jurarunt proceres, antequam coronam acciperet, quod nemini nostrorum regum ante illum præstitum fuisse traditur. Is post adolescentiam in vitâ privatâ solutè actam, regnum adeptus unâ cum conditione mores mutavit, & amotis æqualibus quos voluptatum ministros habuerat, statim prudentissimos quoque gravissimosque ascivit, quorum consiliis pater usus fuerat, & inter eos Henricum Menevensē, quem postea magni semper æstimavit, eumque in initio principatus è reliquis omnibus delectum, hoc ipso anno duas honorificas legationes obire iussit, quarum memoriam, scriptoribus Gallicis debemus, nostri enim eas, uti & alia multa omiserunt. Primo ad Gallum, postea ad Burgundum missus est. In Gallia enim inter Carolum VI. regem Galliæ, & Henricum iiii regem nostrum, bellum gerebatur ob crebras Gallorum excursions in Aquitaniam, quam Angli tum temporis possidebant, cujus causâ parer jam mortuo unâ cum hæreditate ad Henricum V. delata, Carolus intestinis discordiis inter Ludovicum Aurelianensem fratrem suum, & Johannem Ducem Burgundionum occupatus, inducias nobiscum cupiebat, à quibus etiam Henricus rex noster, rebus domi in novo principatu nondum compositis parùm abhorrebat; ideo ex Angliâ ⁸ mittuntur Richardus Comes Warwicensis, & Henricus Menevensis Episcopus, à Gallo Magister Equitum, quod munus in Galliâ primum est, & præfectus maris, qui Caleti mense Julio cœnantes inducias unius anni pacti sunt. E Galliâ reversus eodem anno ⁸ iterum cum Warwicensi ad petendam in matrimonium Joannis Burgundionum Ducis filiam Henrico regi missus est. Ii verò Lillæ in Flandria Burgundum invenientes, cum eo ex mandatis agunt, sed redierunt in insecta, sive quod virginis forma non placeret, sive quod rex interea ad nuptias cum Galliæ regis filia factus esset propensior, eamque ob causam hoc ipso tempore alios legatos in Galliam miserat. Post paucos à reditu menses uberrimum legationum istarum, & suarum virtutum fructum est consecutus: nam cum ageretur de creando antistite Cantuariensi, ex omnibus hujus regni Episcopis, sine controversia designatur, qui dignitatem illam à rege amplissimam administrare posset, & iudicio regis dignissimus omnium habitus est, qui in secretiore procerum concilio primus sententiam diceret. Etenim mortuo Thoma Arundelio Archiepiscopo Cantuariensi xi Kal. Martii anno salutis reparatæ Mccccxiiii Joannes Wodnesburgh Prior, & Monachi Ecclesiæ Cantuariensis à rege novi antistitis eligendi potestatem implorant, quam reges nostri Pontifici Romano ademptam sibi vendicaverant post Edvardum iiii ¹ qui arbitrato suo Episcopos constituit, & istiusmodi consuetudinem juris Canonici institutis esse consentaneam ⁸ Panormitanus asseruit. Eam autem cum à Rege sub diplomate publico obtinuisset, monachos absentes edicto evocasset, & Thomæ Arundelio in æde Christi Cantuariæ iuxta fecissent iiii Id. Martii in domo capitulari universi cœunt, ubi post sacra solenniter peracta & concionem habitam, in qua ex sacris literis singuli in re tam ardua de officiis suis admoniti sunt, perlecto etiam diplomate regio, omnium suffragiis illico postulatur Henricus Menevensis, eaque postulatio à Joanne Langdon monacho reliquorum nomine annunciata est coram populo, qui frequens

8 Enguerrant
de Montfrellet.
chap. 106.

h Enguerrant
de Montfrellet.
cap. 109.

1414.

i Polydor. lib. 19
in Edvard. 3.

k Abb. ad. c. 1. de
consuet. n. 4. &
ap. Mil. libid.

quens in Ecclesia novi antistitis electionem expedabat. Postulari etenim non eligi poterat ex juris Canonici regulis quibus Episcopus cum ¹ Ecclesia sua nuptias contrahere dicitur, & ab ea ^m diverti inconsulto Romano Pontifice non potest, adeoque Episcopus Ecclesie suae obstrictus ad aliam sedem non eligitur, led ⁿ postulatur, & à Pontifice non secundæ præfectus, sed à priore • translatus dicitur: quæ omnia Romanorum Pontificum ambitione investa sunt, qui plerofque orbis Christiani Episcopatus sui juris hac arte faciebant. Eodem etiam die duo ex illa societate monachi, Gulielmus Moleth & Joannes Molond Procuratores ab universis constituti sunt, qui Henricum Londini ad-
euntes Idib. Martii ei vota Prioris & Monachorum denunciarent, eorum-
que nomine suppliciter obtestarentur, ut ejus Ecclesie administrationem
suscipere dignaretur; quibus ille pro tempore respondit, se in causa tanti
momenti nihil certe impræsentiarum statuere posse, sed diem ad deliberan-
dum postulare. Postridiè accedentibus ad eum rursus capituli procuratori-
bus in ædibus Episcopi Norwicensis coram Edvardo duce Eboracense, aliisque
compluribus viris primariis qui intererant, conceptis verbis respondit. Se eo-
rum votis non posse annuere, quod integrum sibi non esset Ecclesiam Mene-
vensensem, cui jam præset, sine Pontificis Romani autoritate exuere, neque
tamen ab iis prorsus abhorreere, modo id Pontifex jubeat, atque ideo se po-
stulationem suam Pontificis arbitrio permittere. Igitur Prior & Monachi
per Procuratores Romam missos à Jobanne xxiii humillimè petunt, ut ra-
tam habere vellet postulationem Henrici Menevensis ad sedem Cantuarien-
sem, eodemque tempore Henricus rex per literas Pontifici significat se Priori
& Monachis Cænobii Cantuariensis potestatem eligendi Archiepiscopi con-
cessisse, post postulationem Henrici Menevensis iidem per libellum suppli-
cem implorantibus autoritatem suam adhibuisse, Henricum virum insignem
virtutibus suis eam dignitatem promeruisse, & illud solum reliquum esse ut
ipse in hac causa partes suas interponeret. Erant autem Henrici virtutes
Pontifici satis perspectæ, primo in aula Gregorii xii quem Balthasar Cossa
unus è Cardinalium numero sequebatur, deinceps in Synodo Pisana, cui ille
etiam intererat, ideoque capituli procuratores ab eo Bononiæ, ubi tum erat,
V. Kal. Maii facillè impetrarunt, ut rescripto suo Henricum à Menevensi
Ecclesie vinculo, quo astrictus erat, absolutum, ad sedem Cantuariensem trans-
ferret, in quo tamen rescripto postulationem Henrici non confirmat, sed pro-
visionis titulo eum Ecclesie Cantuariensi præficit, ne à recepto Pontificum
more in arrogandis sibi Episcopatum & beneficiorum donationibus discede-
ret: & conditionem porro adjicit, ne prius Archiepiscopi munus admini-
strare inciperet, quàm sibi & Romanæ Ecclesie coram Wyntonienfi & Nor-
wicensi Episcopis fidelitatem sacramento pollicitus esset: denique rescriptis
pluribus ad Priorem & Monachos Cantuarienses, ad Episcopos illius provin-
ciæ, ad prælatos, ad vasallos Ecclesie, & populum universum missis, iis im-
perat, ut Henrico Cantuariensi obtemperent, eique reverentiam, honorem,
obsequia, omniaque quæ ei numeri debentur officia exhibeant. Post postula-
tionem, & rescriptum Pontificis, supererat pallium, ^o ornamentum è corpo-
re Divi Petri Romæ sepulti assumptum, quo induuntur ¹ soli Patriarchæ &
Archiepiscopi, nisi aliquibus Episcopis ex privilegio concedatur, ad ¹ deno-
tandam

1 C. sicut vir-
94. 1.
m. c. inter corpo-
ralia extr. de
translat. episc.
n Tot. tit. extr.
de postul. prelat.
o Tot. tit. de trans-
lat. episc. & ac-
tuff. in præbe-
nec. par. 1. tit.
de translat. episc.

p C. Significasti.
4. de elect.
q C. aniq. 23. de
privileg.
1 C. nifi 3. de usu
pallii.

s C. 1. eod. tit.

t C ex m. r. m. 5
eod. tit.v d c. Signifi-
ca. de electi.

tandam potestatem plenam, qua ipsi in Episcopos sibi subditos utuntur, eoque amitti sunt duntaxat in Ecclesiis provinciarum suarum diebus festis à Pontifice præstitutis, & priusquam illud acceperint, Synodum vocare, aquam lustralem conficere, sacros ordines conferre, dedicare basilicas, aliave exercere, quæ ei muneri incumbunt, nefas habetur. Pallium igitur Henricus per Robertum Apilton Canonicum Eboracensem Bononiam missum à Pontifice impetravit, quod ei postea Wyntonienfis & Norwicensis Episcopi potestate sibi rescripto Pontificio delegata in palatio regis Suttonæ, presentibus Rege, Humfredo Duce Glocestrense, Richardo Warwicense, Georgio Marchiano Comitibus, aliisque proceribus multis solennibus ceremoniis tradiderunt: & obedientiam fidemque Pontifici ibidem spondit (iisdem illud exigentibus, quia "pallium sine iustis modis iurejurando tradidit non debuit) iurejurando hæc verborum formula concepto. *Ego Henricus Archiepiscopus Cantuariensis fidelis & obediens ero Beato Petro, Sanctæque Apostolica Romana Ecclesia: & Domina mea Johanni xxiii, suisque successoribus Canonice intrantibus. Non ero in consilio aut consensum vitam perdant aut membrum, seu capiantur mala captione. Consilium quod mihi creditum sunt per se aut nuncios seu literas ad eorum damnum me sciente nemini pandam. Papatum Romanum & regalia Sancti Petri adiutor ero iis ad retinendum, & defendendum, salvo ordine meo contra omnem hominem. Legatum Apostolicæ sedis incundo & redeundo honorifice comitabor, & in suis necessitatibus adjuvabo. Vocatus ad Synodum veniam, nisi præpeditus fuero Canonica præpeditio. Apostolorum limina singulis trienniis visitabo, aut per me aut per meum nuncium, nisi Apostolica absolvar licentia. Possessiones ad mensum meam Archiepiscopalem pertinentes non vendam, neque donabo, neque impignorabo, neque de novo in feudabo, neque alio modo alienabo, inconsulto Romano Pontifice. Sic me Deus adjuvet & hæc sancta Evangelia. Ita rerum sacrarum & Ecclesiasticarum potestatem à Pontifice consecutus, prædiis tamen aut agris Ecclesiæ inconsulto rege, se immiscere non poterat: Leycestriæ igitur regem adit, ubi III. Kal. Junii in eorum possessionem missus est, postquam fidelitatem regi juramento promississet, & singulis porro clausulis rescripti Pontificii translationem continentis expressè renunciasset, quæ regi fraudi esse, aut de maiestate regia derogare poterant: & postea universi sedis Cantuariensis proventus, qui secundum Thomæ Arundellii mortem fisco cedebant, sexcentis marcis prius numeratis ei ex gratia singulari, diplomate regio concessi sunt. Leycestriam autem venerat Henricus ad conventum ordinum regni evocatus, quem rex ibi habuit, ut cum prælatis, proceribus & populo suo, de novis legibus ferendis, de re pecuniaria, & de universo regni sui statu ageret: & in eo summa cum prudentia ab Ecclesia maximam calamitatem avertit, quæ ex invidia apud proceres & populum ex opulentia prælatorum concitata, aliquoties sub Henrico IIII emergere, jam vero propius sub rege novo imminere videbatur. Etenim in conventu ordinum Coventriæ ante decem annos convocato, erat enim annus MCCCCIII. Henrico IIII pecunias ad bellum adversus Scotos, Wallos, Britones, Flandros, & Gallos gerendum postulanti, milites & civitatum delegati ex inferiore ordinum domo responderunt, non posse aliter inopiæ publicæ succurri, quàm si immensæ Ecclesiasticorum opes minuerentur: eam siquidem esse populi Anglicani conditionem, ut non modo pecunias*

pecunias in usus belli quotidie erogaret, sed & corpora hostibus publicis obijceret, dum illi interea domi confidentes, nec corporibus nec opibus reipub. inservirent. Iis Thomas Arundelius Cantuariensis animose respondit, frequentius ab ordine sacro concedi decimas quam quintasdecimas à populo, & plures colonos, famulosque suos ad militiam nomina dare, quam colonos procerum, nobiliumve, iisque accedere sacerdotum orationes, quibus interdiu noctuque effusus, divinum numen reipublic. propitium reddunt. Et ad regem statim conversus, & in genua procumbens rogat, ut jurisjurandi memor esse velit, sub cuius religione Deo hominibusque sollemniter voverat, se jura & privilegia Ecclesiæ sacra testata conservaturum: & prentatis deinceps quibusdam proceribus, quos causæ suæ favere existimabat, tantum effecit, ut postulata militum publico ordinum decreto rejicerentur. Post sex annos in alio ordinum Concilio ab Henrico III. Westmonasterii habito, milites ex inferiore ordinum domo iterum delecti breviculo regi porrecto demonstrant, proventus Prælatorum & Monachorum, quos illi in libidines & voluptates suas exhaurirent tales esse, ut ex iis omnia regis & æarii incommoda possint refarciri: etenim ex iis posse sustentari quindecim comites, mille quingentos equites, sexies mille ducentos armigeros, & centum Xenodochia, & proinde à rege petunt ut ex iis in æarium redactis velit publicis necessitatibus subvenire. Quibus iterum respondit Thomas Cantuariensis, non peti à militibus Ecclesiasticorum prædia ad fiscum locupletandum, sed ut ex opimis Ecclesiæ spoliis fortunas proprias luxu prostratas restaurarent; id quod antea acciderat in Gallorum cœnobiis quæ propter bella inter Gallos & Anglos fisco addicebantur, è quibus ne dimidium marcæ (ait ille) regi superest. Tum etiam militum postulata rex facile rejecit, sive quod æternam Ecclesiæ expilatæ infamiam pertimesceret, sive quod existimaret eos consilii illius auctores esse, qui occultè Joannis Wiclevi partibus favebant, à quibus ille semper abhorrebat. Ab eo tempore dum regnaret Henricus III nihil in Ecclesiam tentatum est. At in hoc conventu Leycestrensi, à rege novo milites & civitatum delegati ex inferiore ordinum domo per libellum supplicem iterum petierunt, ut de postulatis suis adversus Ecclesiasticos ante quatuor annos propositis denuo cognosceretur, & sententiæ in utraque ordinum domo dicerentur. Hanc ab causam vehementer animi angebatur Archiepiscopus, qui valde sollicitus erat, ne quid Ecclesiæ sub administratione sua detrimenti acciperet, & metuebat præsertim de regis juventute, quæ ad consilia præcipitia & res novas propensa esse solet. Re igitur cum Episcopis communicata, placuit, ut sacer ordo ingenti pecuniarum vi regi oblata, eum ad bellum Gallo inferendum incitaret, pro vindicando Gallorum imperio, quod Edvardus II ex nuptiis acquisitum ad posteros transmiserat: eamque ob causam Henricum statim synodum Londini convocasse plerique ejus seculi scriptores tradiderunt, cujus tamen acta hodie in publicis archivis non reperiuntur. Gallorum autem imperium reges nostri hoc jure vendicant. Mortuo Carolo Pulchro rege Galliæ sine liberis, qui solus ex stirpe mascula Philippi pulchri, patris sui supererat, Edvardus III rex noster, Edvardi II filius ex Isabella Philippi Pulchri filia genitus, per legatos coronam Galliæ ab ordinibus ejus regni postulabat, quod ipse Philippum Pulchrum avum maternum, & Carolum

avum.

avunculum proximo cognationis gradu attingeret. Contra Philippus Valesius filius Caroli Valesiit, qui Philippi Pulchri frater erat, contendebatse Caroli Pulchri regis novissimi patrualem gentilitio jure proximum esse; Edvardum verò Philippi Pulchri ex filia nepotem, & Caroli Pulchri amicum in juri materno fidere, quod Gallia Legibus & institutis adverteretur, quæ viris tantum non fœminis regnum tribuant, legis Salicæ verba recitans, *In terram Salicam mulieres ne succedant*; terramque Salicam Franciam esse asseruit. Galli vero spreto Edvardo Philippum regem crearent, ideo Edvardus titulum regis Galliaë protinus assumpsit; quo deinceps reges nostri semper usi sunt, & Gallos fœliciter invasit, posterisque belli illius causam unâ cum hæreditate reliquit. Secundum cum Richardus I homo imbellis à Gallis abstinerat, & Henricus III princeps fortissimus partim Wallorum defectionibus, partim intestinis procerum factionibus impeditus, universas regni sui vires in eos emitte non potuerat. Erat autem in Henrico V ætas, animi magnitudo, opes, domestica tranquillitas, omniâque ad hoc bellum opportuna. Præterea Henrico Cantuariensi videbatur juvenis ingenium acre & quietis impatiens, negotio aliquo arduo exercendum, eique hostem externum obijciendum esse, ne domi res commoveret, quemadmodum torrenti non aliter potest occurrì, quàm si aqua in plures alveos distrahatur. Is igitur Regem in conventu procerum folio insidentem loco suo assurgens ita alloquitur.

De publicis regni tui negotiis consulenti tibi (*Serenissime Rex*) cùm multa hucusque proposita fuerint, quæ ad subditorum tuorum vitia bonis legibus compescenda, ad jus singulis aequè dicendum, pacemque domi constituendum spectant, non possum ego inter reliquos gradum amplissimum beneficio tuo nuperrimè consecutus, sine ingratitude nota ea reticere, quæ ad fines Imperii tui propagandos, nominisque tui famam apud exteras gentes celebrandam necessaria mihi videri solent. Postquam enim populo tuo leges utiles sanxeris, justitiam rectè administraveris, & tranquillitatem domesticam conciliaveris, incolumem vitam licet agere possis & securam, at gloria tue parùm consulēs, nisi foras prospicias, quæ ratione regni tui terminos amplificare, & hostium tuorum injurias vindicare possis, cum regum universorum animis ea opinio semper infuderit, ut Majestatis suæ fastidium non tam in generis nobilitate, voluptatibus, rerum affluentia, subditorum opibus, præ domesticis, quàm in imperii amplitudine, in multitudine subditorum, in civitatum numero possum esse existiment. Quamvis autem Anglia & Hibernia per longam majorum tuorum scriem transmissa abundè tibi ista suppeditent, exigua tamen sunt, si cum amplissimo Gallia imperio conferantur, quæ populi frequentia, opulenta civitatum, propugnaculis & præfidiis universis orbis terrarum imperiis antecellit, utpote quæ supra octuaginta provincias populo referriissimas, centum & octo Episcoporum dioceses, supramille canobias, & parochias centies trigiesies mille, ipsis Gallis auctoribus, complectatur. Ista vero omnia ab Edovardo III, proavo tuo ad te jure sanguinis devoluta, Carolus VI Gallorum rex vulgò dictus injustè possidet (ut tacem assiduas Gallorum injurias populo tuo illatas in Normania, Gasconia, Aquitania, in comitatibus Andinæ & Mavii, quæ majores tui alio jure, Gallis annuentibus, olim possederunt) & ut aliquam injuriæ speciem præferant, obtrudunt legem Salicam à Pharamundo primo Francorum rege latam, quæ cauium asserunt, Ne mulieres in terram Salicam succedant; per terram Salicam Gallie imperium

imperium denotari interpretatione subdola asserentes, ut mulieribus ab imperio suo capessendo per hunc suum amorem illuderent. Cujus Commentii novitatem ipsius lex x Gregor. Turon. lib. 2. Paul. Amyl. in princ. Girard du Fayailan. liure. 1.

gis inscriptio satis conarguit. Enimvero à plerisque illius gentis scriptoribus traditum est, Pharamundum fuisse ducem solius Franconia in Germania, & Rhenum nunquam transivisse, neque Gallia fines attingisse: post quadringentos autem annos ab ejus excessu cum Carolus Magnus Saxonem debellatos ad fidem Christianam addigisset, quosdam ex illius militibus ad flumen Salam ultra Rhenum sedes fixisse in ea parte Germaniæ, quam hodiè Alsiam dicimus, eosque Salios Francos fuisse appellatos, qui ab impudicis feminarum Germanicarum moribus abhorrentes, lege latè interdubant, Ne femina in aliquam terram Salica partem jure hereditario succederent. Ita inepte illa sanctio ascribitur Pharamundo, qua populum post quadringentos à Pharamundo annos ortum autorem habuit, neque Gallis magis quam Belgis, qui tum Gallia finibus continebantur, aut alii populo finitimo convenire potest. Vel si pro Gallis lata fuerit, ad privatas hereditates, non ad publicum imperium juri, aut regni successionem pertinet. Proinde Gallorum reges ipsi cum de regnandi jure inter ipsos ageretur, nullam unquam hujus legis rationem habuerunt, nisi quando cum principibus externis contenderent, ut eos ab imperio suo hac ratione amoverent. Pepinus enim, qui primus Pharamundi posteros regno spoliavit, deposito Childerico, ex hereditate Blithilde filia Clotharii primi auctore Zacharia Pontifice Romano, & accedentibus populi Gallici suffragiis, principatum vendicavit. Cum posterì ejus per ducentos annos imperassent, Hugo Capetus, excluso Carolo Lotharingie duce, qui solus ex heredibus Pepini & Caroli magni supererat, seipsum gestu pro herede Lingardæ filia Carlomanni, qui Caroli Magni nepos erat, eoque titulo Gallorum imperium accepit. Ejus nepos Ludovicus decimus Galliarum rex, quem Christiani omnes inter Divos relatum colimus, de jure Capeti avi sui pariter securus, ab imperii fascibus religione ductus abstinuisset, nisi in animum induxisset, Isabellam reginam aviæ suæ heredem fuisse Ermingardæ filia & heredis Caroli Lotharingici, quem Capetus vita simul & regno nefariè spoliaverat. Ab eo orti sunt posteriores Gallorum reges, & Carolus VI, qui hodiè Galliam tenet: atque illi omnes ex hereditate feminarum imperium consecuti sunt, quam tibi interdiceret volunt ex lege Salica, eaque te veluti larvâ deterrent, cum ipsi eam interea impune contemnunt. Neque enim lex jussu appellari potest, sed legis potius larvâ & imago, quæ nullam equi boniæ speciem in se continet, quin legibus reliquis omnibus humanis simul & divinis adversatur. Legibus siquidem Romanorum civilibus, quas universarum gentium consensus approbavit, & femina ad hereditates cum masculis vocatur, & agnationum, cognationumque differentia iustissima ratione antiquata est, quod illi qui eam invexerant, naturam accusare videbantur, quæ feminas, non masculos genuisset, & femina ex parentum culpa pleitebantur, quod femina, non masculus nascerentur. Eodem jure deinceps usi sunt Siculi, Neapolitani, Navarrai, Hispani, Lusitani, Scoti, & (ut de nobis ipsis nihil dicam) gentes fere universæ, quorum omnium legibus, femina, deficientibus masculis, ad capessendos regni fasces admittuntur. Isti vero omnes divine legis præscriptum secuti sunt, quam Deus optimus maximus per Moysen Hebræis tulit cap. XXVII. Libri Numerorum: si mortuus fuerit homo absque filio, ad filiam ejus transibit hereditas. Cui sanctioni si leges reperiantur usquam gentium contraria, non leges sum, sed corruptela, cum discedant à prima justitia

y Franc. Hotom. in Franco-gall. cap. 10.

z L. maximum interm. c. de liber. prateriti. l. lege 12. tab. c. de leg. ii. hered. Scit. si quis igitur. Auth. de hered. item vetustis. Instii. cod. iii.

stitia norma, quam summus legislator populo suo promulgavit. Ut omittam feminas, quæ populo isti imperabant, & reges, qui ad illud imperium ex jure materno admitterebantur, Christum ipsum fuisse regni Judaici legitimum heredem Christiani omnes agnosimus: cui tamen titulo non modo repugnant isti, qui ex feminarum hereditate jus succedendi transmitti negant, verum etiam beneficia illa immensa nobis adiungunt, quæ Deus humano generi per Christum pollicitus est. Nam cum Deus Abrahamo spondebat, beatas in ejus semine futuras gentes universas, quod Messias ex ipsius familia proditurus esset; cum Propheta Esaias & Michæas spiritu sacrosancto afflati multis retro seculis prædicebant Christum ex radice Jesse, ex familia Davidis emerisurum, & tribum Judæ inter reliquas nobilissimam esse, quod ex ea dux populi Israelitici Christus originem ducturus esset: sublata feminarum successione, in hisce oraculis veritas desiderabitur, quia ex semine Abrahæ, ex Jesse radice, ex familia Davidis, ex tribu Judæ Christus patre æterno genitus per solam matris hereditatem oriri potuit. Verum Galli promissionibus divinis fidem potius abrogare, quam principi externo obtemperare volunt, & qui se Christianissimos appellant legem scititiam Pharamundi hominis Ethnici legibus sacris à Deo editis anteponiunt. Sciscitor ergo à Gallis quæ ratione feminas à jure regnandi arcent, quas reliquæ gentes admittunt? An imperium Gallorum à masculis solis administrari potest, quod præstantius sit imperiis, tum reliquarum gentium omnium, tum etiam Judaorum, quod Deus ipse constituit? an Gallia, quæ producit viros, ut ipsi volunt, omnium mortalium fortissimos, feminas edit genere humano universo ineptiores? An forte Isabella ab avia tua aliquid sceleris admisit: quare ipsa regis filia & regum soror regno privaretur? Licet hæc omnia Gallis concedamus, cum tamen Eduardum proavum tuum repudieverint, tibi quæ omnem in eos potestatem modo abrogent, Majestatis jure optimo arguantur. Sit enim rata apud Gallos lex Salica, amoveantur femina, solique masculi imperii hereditatem adeant: ac quibus illius legis verbis excluduntur feminarum filii masculi? num exclusi feminis ob levitatem sexui innatam, eadem lex secum pugnant ratione contrariâ masculos repudiat? vel forte ipsi verba de feminis sancita ad masculos prorogatione odiosa extendunt? semota igitur Isabella quare non admitterebat Eduardum filium virum magnanimum & prudentem? quare te principem imperio idoneum non vocant? Nam apud Jureconsultos receptum est, ^a ab indigno aut incapaci posse jus aliquod ad heredem transmitti, & istiusmodi ^b leges, quæ feminis hereditates adiungunt, recte rationi & naturali æquitati contrarias esse, adeoque strictissimum in iis interpretationem admitti, neque ^c produci posse ultra verborum apices, nec ^d à feminis ad masculos, nec ^e ad speciem omittant, quin potius ^f in partem benigniorem esse ac-

a L. si ex patronis. 10. Sect. Julianus. ff. de bonis liberis. Divi fratres. 17. ff. de jure patr. l. 1. ^b Sect. si filius. ff. de suis & legitimis heredibus. l. cum dotem. 57. ff. ad leg. Falcid. l. 2. Sect. nullum. ff. de decurionibus. l. non servitum. 16. Sect. si patroni filius. ff. de bonis liberis. l. si vellem. 4. Sect. si deportatus. ff. cod. tit. l. 1. ^c Sect. filium. ff. de bonis possessorum. contr. 120. b Sect. neque autem de trientibus. ff. de servitibus. d. l. maximum vitium. c. de liber. præter Bald. ad l. 2. n. 7. c. quæ sit long. consuet. Bald. ad l. si de iuribus. n. 8. C. de suis & legitimis. Anchor. ad c. canonum statuta. n. 311. de consuet. Alex. cons. 16. vol. 1. Barr. ad l. cum sitis populi. n. 33. C. de sum. trinit. c. L. curiales. C. de præd. decur. lib. 10. l. filius sem. 7. Sect. sed meminisse. ff. de donat. l. marium. 42. ff. sol. matr. l. 6. vero. 64. Sect. si vero. ff. cod. d. L. si ita scriptum. 45. in princ. ff. de leg. 2. Rebuff. ad l. 1. ff. de verb. sign. c. L. prope. 12. Sect. 1. ff. qui & a quibus. maxum. l. commodissime. 10. ff. de lib. & posthum. f. cum dotem. 22. in princ. ff. sol. matr. f. C. statum. 22. de elect. in 6.

ipi endas. Quocirca cum ad imperium Gallorum ab humanis simul & divinis legibus vocatus sis, armis jus tuum vendices (potentissima Rex) quod Galli tibi admittunt, coronam regibus Gallicis excutias, quam ipsi per nefas inaniunt, defectiones populi istius ferro summâque coerceas, apud exterarum gentes antiquam nominis Anglici dignitatem asseras, nec patiaris ut ignaviam tuam, neglectis hostium injuriis, posteris tui incuset. Tibi enim præter justissimam belli causam, cui auxilium divinum solet accedere, atas florida, corpus vegetum, populus proceresque obsequentes, regnum potentissimum, & reliqua omnia adjunt, quæ ad bellum opportune gerendum possunt desiderari: nos denique subditi tui Ecclesiastici ampliore pecuniarum vim decreverunt, quàm majores tui ab ordine nostro unquam accepimus, quos ad bellum hoc suscipiendum animis propensissimis ad te deferimus, orationibus nostris divinum numen quotidie porrò imploraturi, ut velit prospero armorum successu causæ tuæ aequitatem terrarum orbi patefacere.

Cum perorasset Archiepiscopus, & ex oratione ejus rex videretur valde commotus, Rodulphus Nevillus Westmerlandiæ Comes qui partium regni septentrionalium præfectus erat, Scotorum incurSIONES metuens, si rex in Galliam proficisceretur, proluxa oratione suadet. Scotos prius quam Gallos bello petendos esse: & postquam literarum ignorantiam causatus initio se excusasset, quod cum Domino Cantuariensi nec facundia nec scientia posset contendere, adjecit illud se à viris doctis & rerum usu accepisse, copias conjunctas divisim fortiores esse, & securius invadi hostes vicinos, quàm eos qui longius positi sunt. Ita enim Romanos prius in ordinem coegisse Samnites, Fidenates, Volscos, & finitimos Italiæ populos quàm exteros aggredierentur, posteaque exiguum Siciliæ insulam amplissimis regionibus Pannoniarum, Numidiæ, & Germaniæ præposuisse, quod Italiæ conjuncta esset. Docere voluit adversus Scotos domi rem geri, ubi præsto sint milites aliæque omnia ad bellum necessaria: adversus Gallos opus esse classem & exercitu ingenti, sumptuque immenso, cum in hostili solo agendum sit: facilem porrò in Scotos fore victoriam, rege in Angliam jam captivo, rebusque domi ex Albani Pro-regis intemptiva severitate perturbatis: justissimam denique esse belli causam ex rapinis & latrociniiis, quæ Scoti quotidie in nostros exercent, quæque atrocius exercere poterunt, dum Angli Gallos aggrediantur antiquo & naturali quasi foedere, quod inter eas gentes intercessit, Scotis conjunctos: & proinde summum cum periculo Galliam invadi, priusquam Angli à Scotis domi secura reddatur. Orationi Nevilli respondit Joannes Dux Exoniensis prudentia & literarum cognitione insignis, quas in Italiæ Academiis comparaverat, eo à patre amandatus, ut ordinibus sacris initiaretur: Is vero contra ornatè dissertit Gallos prius invadendos esse, quod Scoti eorum opibus innixi Anglos solent laceßere: Gallis verò debellatis, Scotos sponte obtemperaturos, adducto Medicorum aphorismo, qui docet medicinam causæ morbi primo adhibendam esse, & ante omnia humorem purgandum esse, ut vulnus rectè sanari possit. Unde enim (inquit) poterunt Scoti haurire literarum aut armorum rudimenta, nisi fuerint in Gallia educati? Unde poterunt sustentari proceres Scoti, deficientibus pensionibus, quæ à Gallia solent suppeditari? subjugata Gallia, cujus gentis auxilium commerciumve Scoti implorabunt? Non à Dania, cum Danus ducta sorore tua tibi affinis sit, non à Lusitania aut Castilia, cum u-

érque Rex patruelis tuus te proximè attingat, non ab Italia, quæ nimis remota est, non a Germania, aut Hungaria, quæ fœdere nobiliscum conjunguntur: ideoque cum Gallis Scoti ultro in potestatem tuam venient, quemadmodum succo deficiente, ipsam arborem emarcescere necesse est. Propositis deinceps Malcolmi & Davidis Brufii exemplis, demonstrat Scotos nunquam Angliam ingressos fuisse, nisi dum Angli in Gallia bellum gererent, quibus propterea opponendos esse Westmerlandum cum milite delecto, ne quid absente regerent, & deniq; Scotia cum Gallia comparata, illam tenuem & exiguam, hanc opulentam & opimam victoriæ mercedem fore. Ad hanc sententiam adeo propensi erant regis procerumq; & præsertim fratrum regionum, Clarentii, Bedfordiensis, & Glocestrensis animi, quos nominis ac famæ ex bello Gallico majorum suorum exemplo comparandæ cupiditas incitabat, ut cum de bello Gallis inferendo suffragiis pro more decernendum esset, in sententiam Cantuariensis singuli quasi pedibus irent, & confusis vocibus in Concilio omnes arma, Galliamq; inclamarent. Hac ratione Henr. summam apud posteros prudentiæ laudem est consecutus, quod hoc consilio tum belli sælicissimi, tum discriminis maximi ab Ecclesia avertendi author fuerit. Rex soluto conventu, milites, classem, & reliqua omnia sollicitè comparat, quibus ad tantam belli molem opus erat, ut sequenti anno Galliam invaderet. Eo autem incunte, ut ex jure gentium ageretur, legati in Galliam mittuntur Dunelmensis & Norwicensis Episcopi ad regnum Galliæ à Carolo rege postulandum, quibus benignè acceptis, id solum respondit Carolus se brevi legatos in Angliam missurum, qui eorum postulatibus responderent. Classe autem & copiis ad expeditionem paratis, & militibus Southamtoniæ convenire jussis, ut ibi in naves conscenderent, dum Rex eò profecturus Wyntonix esset, legati Gallici ad eum venerunt à Carolo missi Vindocinus Comes, Gulielmus Bouratierus Archiepiscopus Bituricensis, Petrus Fremelhus Episcopus Lexoviensis, & Gualtierus Colus regi à secretis, quorum nomine Bituricensis oratione elegantè composita postquam belli miseria, pacisque commoda pluribus verbis ornasset, Henricum regem rogat, ut Catharina filia Caroli in uxorem ducta, ab armis vellet discedere, & dotis nomine pollicetur ingentem pecuniarum vim, & aliquam earum provinciarum partem, quas ille jure hæreditario postulabat. Cui pro tempore respondit Rex, velle se de conditionibus ab iis propositis deliberare, & postmodum in folio regis confidens, astante frequente procerum multitudine, legatis ad se vocatis id solum respondit, conditiones ab iis propositas non esse istiusmodi, quæ à se cum dignitate sua possint accipi: & Henricum Cantuariensem è reliquis evocatum ad orationem Bituricensis copiosius respondere jubet. Ille sic orditur. *Regi postquam regni gubernaculis admonitus fuerit, nihil antiquius fuisse, quam ut pacem tam domi inter subditos, tum foras cum externis principibus conservaret. Eam eò causam ordinis regni sui pridem convocasse, à quibus res domestica composita fuerint, legatas postea in Galliam misisse ad res repetendas & postulandas eas imperii Gallici partes, quas Anglorum reges per aliqua jam secula jure suo tenuissent. Cum verò legati sui à Carolo nullum responsum retulissent, regem militum delectum habuisse, comparasse omnia, quæ ad bellum necessaria essent, & jam paratum esse ad trajiciendum in Galliam, ut injuriam eorum ultum iret, cum nullam apud eos juri sui rationem haberi animadverteret. Ut tamen universis gentibus testatum faceret,*

qu. im.

quàm alienus esset ab effundendo Christianorum sanguine per manus hæcæ bellorum
lanienar, regem de jure suo aliquid remissurum, ex auctoritate militum & concili-
at a pace inter utramque gentem per nuptias Catharina, modo ducatus Aquitania,
Andium, & relique ditiones restituantur, quas olim majores sui in Gallia nec vi,
nec clam, nec precario possederint. Ea vero conditiones nisi accipiantur, regem in
Galliam cum exercitu propediem ingressurum, ferro flammæque in omnes ejus regni
partes grassaturum, neque à cadibus aut ultione temperaturum iraquam, donec eos
in ordinem coegisset, & imperium ex majorum hereditate sibi delatum recuperasset.
Denique obtestari Deum Opt. Maximum causa suæ resem simul & vindicem, cu-
jus numen armis adeo iustis propitium fore consideret. Perorantem Archiepisco-
pum excipit Rex, & verbo regio confirmat omnia quæ ille fusiùs & ornatiùs
explicasset: ad quæ cum Bituricensis convitia referre inciperet, & regem li-
berius inceslere, quàm legati munus pateretur, à rege temeritatis suæ so-
lum est admonitus, & legati omnes sub fide publica regno excedere jussi sunt,
Eos brevi postea rex secutus est, cum exercitu universo Southamptoniâ solvens
Idib. Augusti, & primo in Normaniâ appullâ. Hæstium oppidum muni-
tissimum post unius mensis obidionem capit, inde vero ingruente hyeme ver-
sus Caletum tendens, trajecto fluvio Sequana, VIII. Kalend. Novembris
propè Agincurtum in itinere impeditus & provocatus Gallos justo prelio pro-
fligavit. Nunquam sanè ab Anglis felicius pugnatum est, nam Gallorum X.
millia cæsa sunt, desideratis ex acie nostra solum ducentis, uti scriptores &
historiæ Gallicæ prodiderunt. Taceo duces Aurelianensem, Barbonium ali-
orùmque procerum numerum ingentem, qui captivi in Angliam abducti sunt.
Interea dum rex in Gallia ageret, Henricus Cantuariensis, rege ita jubente
omnes in diocesi Cantuariensi Ecclesiasticos in armis esse jubet, nequid Galli
in Cantium incursionibus opportunum, rege absente, moliantur: posteaque Syn-
nodum provincie suæ Londini indicit ad 1111 Kal. Decemb. primus autem
dies solennibus & ceremoniis tributus est. Nam post sacra à Cantuariensi manè
facta ad summum altare Divi Pauli, Gulielmus Lyndewode Cancellarius Can-
tuariensis coram Ecclesiastico ordine universo in Capella Divæ Mariæ ejusdem
Ecclesiæ coeunte, concionem habuit, propositis primo illis Jeremiæ verbis,
State super vias & videte. Diebus insequentibus Episcopi & Abbates in Ca-
pella Divæ Mariæ se conferentes; Priores autem Dæcani, Archidiaconi, &
singularum diocesum procuratores secedentes in domum Capitularem seorsim
de negotiis Ecclesiasticis agebant, atque ideo ista domus superior Synodi,
hæc autem domus inferior solet appellari. In ea Synodo Regi ad bellum Gal-
licum decretæ sunt duæ decimæ ex omnibus proventibus & beneficiis Ecclesia-
sticis quæ decimas præstare solebant, ita ut una ad diem Divi Martini proximum,
altera ad eundem anni insequentis diem exsolveretur; & 1111 Non.
Decemb. Cantuariensis singulos dimisit, postquam ex utriusque Synodi suf-
fragiis, rege etiam illud rogante, statuisset, ut dies Divi Gregorii, Davidis,
Ceddæ, & Winifredæ inter ferias haberentur. Quod decretum inter h^{is} con-
stitutiones Angliæ etiamnum referitur. Kalendis Aprilis anno sequenti
Henricus aliam Synodum Londini vocat, ut de legatis ad concilium Constanti-
enſe mittendis cum Episcopis & reliquis prælatis ageret. Divisus enim
erat hucusque orbis Christianus inter tres Pontifices, Joannem XXIII. Romæ,
Gregorium

g Paul. & Amal.
in Carol. 6.

Cap 6. v. 15.

h C. ineffabili,
deseritis. Lyndw.
1416.

Gregorium XII. Arimini, Benedictum XIII. Avenioni Pontificis Romani munia exercentes. Neque enim Gregorius & Benedictus sententiæ in Synodo Pisana contra se latæ acquieverant. Joannes autem à principibus Christianis omnibus interpellatur pro tollendo hoc schismate, ante duos annos Constantiæ in Germania Concilium Christianorum omnium indixerat, quod tamen ægrè & invitus præstitit, veritus ne à Concilio Pontificatu suo abdicaretur, id quod postea accidit, sicuti deinceps dicemus. Henricus Constantiam edicto Pontificio citatus, Robertum Appulton Eboracensem & Joannem Forst Lincolnienfem Canonicos, Procuratores suos Constantiam ante biennium ablegaverat, qui Concilio suo nomine interessent; à rege autem & ordine Ecclesiastico Comes Warwicensis, Episcopi Sarisburiensis, Bathoniensis, & Herefordiensis, cum Abbate Westmonasterii: & Priore Wigornia eodem tempore Constantiam legati missi erant: quorum numero jam imminuto per mortem Roberti Hallum Sarisburiensis, & Roberti Mascall Herefordiensis Episcoporum, qui Constantiæ obierunt, & quòd frequentiores aliarum gentium legati Constantiæ essent, in hac Synodo delectus est Richardus Clifford Londinensis Episcopus, & duodecim Doctores, una cum Academia Oxoniensis & Cantabrigienfis Cancellariis, qui ea etiam legatione fungerentur, & ad eorum sumptus ex singulis libris beneficiorum & proventuum Ecclesiasticorum duodenarii sunt. In Galliam primò, mox in Angliam venit hoc ipso tempore Sigismundus Romanorum Imperator, ut pacis tum in Ecclesia, abdicatis protervis Pontificibus, tum inter utrumque regem, depositis armis, constituendæ author esset. Eo rogante, rex cum Cantuariense & Synodo egit, ut legati Constantiam quamprimum mitterentur. Sanctum porro est in ea Synodo, deponenda esse apud sequestrum defunctorum bona, donec testamentum exhibeatur & approbetur, & ne executoribus permittatur bonorum administratio, donec justum inventarium scripserint, & ut iis solum bonis se immisceant quæ in inventario scripta sunt: additumque pro ratione temporum, ne quid ultra quinque solidos pro insinuatione testamentorum aut ratiocinio exigatur; denique in gratiam regis concessum est, ut Ecclesiastici decimam ad festum Divi Martini ex decreto superioris Synodi solvendam, ante sex menses reprefarent. Cæterum Sigismundus Imperator componendis Anglorum & Gallorum discordiis frustra studet. Nani dum ageretur cum Legatis Gallicis, qui cum Sigismundo in Angliam venerant, de pacis conditionibus, è Gallia allatum est Harfleum oppidum à Gallis obsideri, & quadringentos Anglos à Joanne Comite Arminiaco collaris signis caesos esse, qua clade ita irritatus est regis animus ut à pacis nomine deinceps abhorreret, & in Galliam illic profecturus erat, nisi ab Imperatore monitus se continuisset, ideòque Joannem ducem Bedfordienfem fratrem suum cum classe & copiis instructis in Normanniam mittit. Igitur Sigismundum aureæ periscelidis ordine donatum, & in Angliam per quatuor menses magnificentissimè acceptum, isto mutuo fœdere Rex circa finem Augusti Caletum usque cum comitatu splendido & magna navium multitudine deducit; inde Sigismundus Constantiam concedit, ut Concilio interesset. Rex autem Caleti aliquandiu substitit, ut rebus Gallicis consuleret, eoque etiam Henricus Cantuariensis, finita Synodo, ex Anglia transfugit. Dum rex Caleti esset, eò venerunt Johannes Burgundionum Dux, Archiepiscopus.

Archiepiscopus Rhemensis, alique legati à Carolo Gallorum rege missi, ut pacem impetrarent tempore longè alieno, quòd rex ob recentes Gallorum injurias in belli curas intentus erat, ne ipse in prælio Agincurtensi superiore anno victor, clade nuperrimè accepta, pacis conditiones accepisse, non dedisse videretur. Ideo compositis rebus Gallicis in Angliam mox reversus, conventum Ordinum Westmonasterii habet, in quo pecunias & militum delectum ad subsidium belli Gallici sequenti anno rursus suscipiendi faciliè impetravit. Caeto etiam rediit eodem tempore Henricus, & à rege jussus Synodum Londini V. Id. Novemb. convocavit, in qua obtinuit, ut duæ decimæ regi in Galliam profecturo concederentur, exorantibus Henrico Beaufort Wyntonienfi Episcopo unà cum summo Angliæ Mareschallo, & Henrico Ware ex Cancellario Cantuariensi pridem Custode privati sigilli factò, qui à rege eam ob causam ad Synodum missierant. De cætero nihil in ea Synodo actum est, quàm ut ¹ dies Joannis de Beverlaco, aliisque Crispini, & Crispiani martyrum in memoriam prælii Agincurtensis, qui in eum diem inciderat, inter solennes haberentur. Ad rex vocatis ad se proceribus, & conscripto letissimorum militum exercitu, classèque instructa, in Normaniam transfretavit Kalendis Augusti anni sequentis, relicto Joanne Bedfordiense, qui se absente temp. administraret: eoque abeunte, Henricus singulis provinciæ suæ Episcopis mandat, ut ad omnes Dei, Divorumque Ecclesias pro regis incolumitate, & prosperis armorum auspiciis supplicationes haberentur. Eo etiam anno Henricus egregio justitiæ & magnanimitatis suæ specimine edito, simul etiam demonstravit, quantum omnes clavium Ecclesiasticarum auctoritatem eo sæculo reformidarent. Nam cum Dominus Strange, Elizabetha uxor, multique eos comitati famuli ad Ecclesiam Divi Dunstani die Pascatis, ut sacris vesperarum interessent, accedentes, Joannem Trussell militem ex antiquis inimicitiis invisum reperissent, famuli strictis in Ecclesia gladiis militem, filium, aliisque ex ipsius familia vulnerant, & Thomam Petwardy Civem Londinensem pro rebus componendis seipsum dimicantibus immiscentem confortiunt. Delato mox ad Archiepiscopum crimine, Ecclesiæ ipsi sanguine effuso contaminatæ interdicitur, auctores & conscii ad crucem Divi Pauli coram populo pro concione execrationibus diris devoentur, & inquisitione habita in æde Divi Pauli Henricus pro tribunali sedens Domino Strange, & uxori coram eo in genua procumbentibus, & suppliciter ab Ecclesia veniam implorantibus eam irrogavit pœnam, ut famuli solis interulus & femoralibus induti, ipsè autem & uxor cereos manu gestantes per publicas Civitatis plateas ab æde Divi Pauli ad Divi Dunstani incederent: quæ omnia solenniter statim peracta sunt: & Archiepiscopo Ecclesiam Dunstani lustranti Baronis uxor vas sacra aquâ implevit: & utrique præterea mandatum est, ut pyxidem & pannos ad altaris ornamentum consecrarent. Interea in Concilio Constantiensi accerrimè disceptatum est de Ecclesiæ Schismate per creationem novi Pontificis conciliando, & de coercendis iis, qui Romanorum Pontificum superbiam, Ecclesiasticorum luxum, inertem monachorum vitam, & innumeras Romani Ecclesiæ corruptelas jam liberrimè insectabantur. Horum antesignanus habebatur Joannes Wiclyff, qui sub Edvardo 111 & Richardo 11 Oxonii publicè docens, & libris deinceps editis plurimos non solum ex Academicis, verum

i C. Anglicana
de feriis.

1417.

etiam è proceribus, & plebe in partes suas attraxerat. Ab eo ad reliquas gentes Christianas perrexerunt purioris doctrinæ semina, & præsertim ad Boëmos, qui Wiclyffiana dogmata tam avidè amplectebantur, ut Pontifici Romano jam propemodum renunciare viderentur. Ut ergo illis occurreretur, decreto concilii Joannes Wiclyff hæreticus pronunciatur, & sancitum, ut damnatâ ipsius memoriâ, ossa sepulchro eruta igni traderentur, & in omnes, qui ipsius dogmata tuerentur, tanquam hæreticæ pravitatis reos inquireretur. Inde de Boëma agitur, & damnatâ pariter eorum opinioibus, Joannes Huss, & Hieronymus Pragensis hæresiarchæ judicati, flammisq; combusti sunt. Quorum interitus maximam & Sigismundo Imperatori, & Concilio universo infamiam apud posteros concitavit, quod uterque Constantiam vocatus venerat sub fide publica, quam Sigismundus Ladislaus Boëmiæ regi dederat: eos salvos & incolumes domum reverfuros. Qua tam sædè violata, Boëmi adeo indignati sunt, ut ascito Joanne Zisca duce fortissimo, Imperatorem deinceps in summum discrimen adduxerint. Synodus autem ipsa, ut facti illius dedecus elueret, Fidem hæreticis non esse servandam decrevit, accessit Panormitano & Ludovico Romano, magni nominis jurisperitis, qui in eam sententiam tunc temporis responderunt, sicut etiam alii nonnulli, quos ¹ commovere auctoritate sua illius Concilii Patres potuerunt. A qua tamen ² Jurisconsulti recentiores deinceps abhorruerunt, ipsosq; adeo Pontificis ejus decreti pudit qui fidem publicam ³ Luthero datam ad conventum Wormatiensem, & Protestantibus ⁴ postea ad Synodum Tridentinam venientibus violare non sustinuerunt. Quid enim magis absurdum vel potius impium, quam fidem, quæ inter Ethnicos sacra semper habita fuit, à Christianis ipsis impunè contemni? Post hæc in Concilio omnium animi in componendas Pontificum discordias intenti erant. Joanni enim XXIII, quod Pontificatui non renunciaret, sicuti solenniter ipsosponderat, redeunte ex Anglia Sigismundo, gravissima crimina obiecta sunt, qua de causa ipse mutato habitu à Constantia in Austriam clam fugit; eum tamen Imperator affectus gladiatoris aut venatoris more amicum coram Concilio sistit, à quo in carcerem conjicitur, & viris aliquot primariis è singulis gentibus, quæ Concilio intererant, delegatis, qui de criminibus ipsius cognoscerent, coram iis de adulterio, incestu, veneficio, homicidio, aliisque horrendis sceleribus postulatur, præsertim de Simonie crimine, quod ipse Cardinalis, & dein Pontifex per sordes factus, beneficia, dignitates, Episcoporum & Cardinalium munera, ordines, peccatorum expiationes, & sacra omnia venum dedisset. Quibus omnibus per testes comprobatis, Concilii suffragiis sententiâ in eum latâ, dignitate Pontificia spoliatus, & ad carceres damnatus est. Supererant Gregorius XII. & Benedictus XIII. Gregorius cum videret ohtemperandum esse, Carolum Malatestam Principem Ariminensem Constantiam Legatum mittit cum liberis mandatis, in quibus ei facultas cedendi Pontificatu nomine suo data est. Carolus igitur insignia Pontificis indutus & in sella Pontificia confidens, veluti Gregorii personam gerens publicè perlecta renunciandi facultate, ipsum Pontificatu abdicat. Demum Benedictus à Ferdinando Arragonum rege, qui ei parebat, derelictus, ex Concilii sententia Pontificatu Privatur: & ut istæ Pontificum abrogationes justæ viderentur, ⁵ Concilium Occumenicum immediatè à Christo potestatem habere,

k Concil. Conf. sess. 15.

l Mar. Salomon. ad l. 2. Scil. ex. allis. ff. de orig. jur. Petr. Plac.

lib. 1. epis. de. lib. c. 37.

n Menoch. lib. 2. de arbi. Jud. Cent. 4. C. 336

Ferrinac. in prac. Crim. tit. de carcerib. § carcerat. q. 20. § Menoch. conf. 100.

o Bodin. lib. 5. de repub. cap. 6.

p Petr. Arod. de ord. Judic. par. 4. n. 15.

q. sess. 4. § 5.

habere, eique subesse Pontificem Romanum, decreto Concilii sancitum est. Jam de novo Pontifice eligendo agitur; placuitque Concilio ex singulis nationibus sex viros deligi, qui cum Cardinalibus conclave ingressi Pontificem crearent. Gerebantur enim omnia in Concilio quinque nationum suffragiis, Germanorum, Italorum, Anglorum, Gallorum, & Hispanorum. Nam in hac Synodo primum obtinuerunt Angli, ut pro natione haberentur. Ex Anglis itaque Londinensis, Bathoniensis, Wigorniensis, & Lichfeldensis Episcopi, cum Abbate & Decano Eboracensis electi sunt. Tercio autem die postquam conclave ingressi essent, ita præeunte Episcopo Londinensi, Ego Richardus Episcopus Londinensis accedo ad Dominum meum Cardinalem de Columna, reliqui omnes ejus auctoritatem secuti, subito Othonem Colmanam principem Romanum & Cardinalem D. Georgii ad vellus aureum eligunt III. Id. Novemb. qui dies quod D. Martino sacer esset, ipse Martinus V. dici voluit. Illud autem Constantiensis Concilii decretum de concilii potestate Pontifices Romanos insequentes summè cruciavit, usque adeò, ut à Leone X. in Concilio Lateranensi ultimo antiquatum fuerit: idemque Canonistæ deinceps plurimi commentariis, & Theologi Pontificii disputationibus amplissimis reprobarunt, sive Pontifici adblandientes, sive obnoxii, amissa libertate illa loquendi simul & scribendi, qua universi Constantiæ, semoto Pontifice, fruebantur. Etenim ^a Petrus Ancharanus qui Concilii Constantiensis advocatus erat, ^b Baldus & ^c Panormitanus tum temporis liberè respondebant, Pontificem subesse Concilio, & ab eo deponi posse, ^d glossæ, ^e Archidiaconi, & Geminiani auctoritatem secuti, qui idem antea scripserant: iis quoque accedunt ^f Felinus, alique recentiores qui laudato Concilio Constantiensi eandem sententiam postea tradiderunt. Neque intra eos Cancellos compingitur concilii potestas ut creato statim Pontifice, omne imperium amittat, & nihil aliud, inconsulto novo Pontifice, possit statuere, sicut Philip. ^g Decius existimavit; Nam is à ^h Carolo Molinæo meritò redarguitur, & ⁱ Panormitanus illud porro adjicit, Pontifice œcumenici concilii tempore decedente, aut deturbato, jus eligendi penes ipsum Concilium, non Cardinales esse, adducto hoc Constantiensis concilii exemplo, in quo Martinus V. à Cardinalibus, aliisque, potestate à Concilio delegata, eligebatur, idemque in ^j Concilio Constantiensi tum temporis sancitum, postea tamen in concilio Tridentino non obtinuit, prævalente Cardinalium ambitione, qui ^k mortuo Paulo III tempore concilii, ad creandum novum Pontificem Tridento Romam advolabant. Quinetiam pro suprema illa concilii potestate in ipsius concilii initio Henrico Wyntonjensi, & Joanni Lichfeldensi Episcopis sub sigillis nationum imperatum est, ut pecunias Cameræ Romanæ in Angliā debitas nomine concilii coercerent. Incredibilem autem lætitiā gentibus Christianis attulit Martini V. creatio, quod pacem Ecclesiæ tandem restitutam omnes exinde arbitrantur. Apud Anglos verò primum ab Henrico Cantuariensi in Synodo annunciata, hymnis statim & supplicationibus solenniter commemorata est. Is enim sub exitum hujus anni, jubente rege, literis à Gallia datis, Synodum Londini habuit VI. Kal. Decemb. Cui interfuerunt Thomas Dunelmensis Episcopus Angliæ Cancellarius, Thomas Bedfortius Dux Exoniensis, Henricus Percius Northumberlandiæ, & Rodolphus Nevillus Westmerlandiæ

r. Sess. 12.
 c. Canonist. ad c.
 si Papa diff. 40.
 c. significasti
 de elect.
 d. Bell arm. lib. 2.
 de Concil. auctor.
 cap. 14. Sander.
 lib. 7. de visib.
 monar.
 u. Ancharan.
 Conf. 181.
 x. Bald. ad c. o-
 lim. n. 32. de re-
 scripti.
 y. Abb. ad c.
 quia diligencia.
 n. 2. de elect. &
 ad c. significasti.
 n. 4. col. tit. v.
 ad c. fraterni-
 tatis n. 1. & 2.
 de bare.
 2. Gl. ad c. si Pa-
 pa diff. 40.
 a. Archidiacon. &
 Gemin. ad c. in
 fidei favorem. de
 bare. in 6.
 b. Felin. ad c. su-
 per literis. n. 21.
 de re scripti. Dec.
 in concil pro a-
 uctoritate Con-
 cilii supra Papam.
 lat. Cardinal.
 Jacobus. lib. 3.
 de Concil. art. 1.
 n. 11. Jo. Reyes
 de bare. n. 18.
 c. Decius ad c.
 Ofus. n. 2. de e-
 lect.
 d. In nois ad
 Decim. de c. c.
 Ofus.
 e. Abb. ad c. li-
 ces de vitand.
 n. 8. de elect.
 f. Sess. 19.
 g. Thuan. lib. 4.
 biflor.

antier,

comites, à Joanne Bedfordienſe Pro rege miſſi, ut ab Eccleſiaſticis nomine regis in Gallia jam ſalaciter bellum gerentis pecunias exorarent, qui ad petitionem etiam Henrici Arch. duas decimas conceſſerunt. In ea Synodo Robertus Gilbert ſacræ Theologiæ Profeſſor, Cuſtos Collegii Mertonenſis longa & ornata oratione commendatâ primò Academiâ Oxoniënſe, miſeram Academicorum conditionem demonſtrat, qui poſt multos annos inſcientiis addiſcendis poſitos Oxonii nulla ſtudioſorum mercede evocati conſeneſcant. Cujus exemplum ſecutus Thomas Kyngton Legum Doct̃or & advocatus Curiz Cantuarienſis de arcubus eandem pro Academia Cantabrigienſe cauſam diſertè peroravit: Uterque pro literarum ſtudioſis in utraque Academia obteſtatus eſt, ut de iis promovendis decreto aliquo Synodi proſpiceretur. Decretum igitur eſt, ut beneficia Eccleſiaſtica, quorum proventus annui ad ſexaginta marcas extenderentur, ſolis Doct̃oribus Theologiæ, Legum, aut Medicinæ: quæ quinquaginta marcas redderent, ſolis earum ſcientiarum licentiatis, aut Bacchalaureis Theologiæ: ea autem, quorum redditus non ſuperarent quadraginta marcas, ſolis Magiſtris Artium, aut Bacchalaureis Legum à patronis conferantur. Ita de beneficiis ſtatuert, quibus cura animarum annexa eſt. Similique poenæ ratio pro uniſcujuſque cenſu habita eſt in iis beneficiis, quæ non curata appellantur: additumque, ne Decretum porrigeretur ad illos qui gradus ex gratia adepti eſſent. Verum quia utriuſque Academiæ ſtatutis cautum erat, ne ſacrarum literarum ſtudioſi Theologiæ intiarentur, niſi qui prius fuiſſent artes profeſſi, & ne Juris Canonici ſtudioſi in ſcientia ſua Doct̃ores crearentur, niſi qui Juri Civili operam dediſſent, in gratiam Monachorum, & Canoniarum ei decreto hæc conditio appoſita eſt, ut niſi antiquatis iis ſtatutis, non promulgaretur. Oxonium igitur à Synodo miſſi ſunt Thomas Felde Decanus Herfordienſis, & Thomas Lentwardyn Cancellarius Eccleſiæ Divi Pauli Londonienſis, qui cum artium Magiſtris, quorum ſuffragia in Academia prævalent ea de re agerent. Cantabrigienſes etiam Magiſtri per literas Synodi ea de re moniti ſunt, quibus utrinque conditionem repudiabant, ne doct̃oribus in conſequentibus beneficiis inferiores haberentur, decretum utrique Academiæ utiliſſimum futurum eo tempore obductum eſt. Soluta Synodo de Martini Pontificis novi injuriis agi cœptum. In enim decedentibus hoc tempore multis in Anglia Episcopis, alios pro arbitrio ſuo ſuffecit. Nam initio anni ſequentis Benedic̃tum Nicoll Menevenſem, Willelmum Barrow Bangorenſem, Joannem Chander Sarisburienſem, Philippum Morgan Wigornienſem Episcopum conſtituit, pro absoluta poteſtate, quam Pontifices Romani in conferendis Angliæ Episcopatibus eo ſæculo ſibi arrogabant. Conquieverant aliquandiu Eccleſiaſtici apud nos, tempore Concilii Conſtantiënſis poſt depositum Joannem XXIII. Nam mortuis eo tempore Sarisburienſi & Herefordienſi Episcopis, ab utroque capitulo novi Episcopos liberè eliguntur, neque literis ab univerſo Cardinalium cœtu Conſtantiæ ſcriptis obtineri potuit, ut Johannes Lichfeldenſis Episcopus regis in Concilio legatus ad Eccleſiam Sarisburienſem ab eo capitulo poſtularetur. Martinus tranquillam ſe ſiſ ſuæ poſſeſſionem jam adeptus, prioribus Pontificibus longè inſolentior, ipſo Pontificatus initia, Eccleſias omnes ſuo imperio vendicat, Episcopatum univerſarum donationes proviſionis titulo ſibi reſervat, electiones Episcoporum

rum

rum à capitalis factas rescindit; & infra duos annos tredecim Episcopos in Cantuariensi Provincia præficit, tempore opportuno, rege jam apud Gallos occupato, illud ausus, quod Edwardus III & Richardus illegibus severissimis interdixerant: porro Prosperum Columnam nepotem suum quatuordecim annorum adolescentem per provisionem Archidiaconum Cantuariensem constituit, cui etiam post aliquot annos in gratiam Pontificis à rege indultum est, ut totidem beneficiorum in Anglia proventibus frui posset, qui quinquaginta marcas annuatim non excederent. Ad hæc accedebant querelæ de promissis Ecclesiarum unionibus (quæ appropriationes vulgò appellantur) & consolidationibus à Pontifice factis, de effusa gratiarum concessione, per quas tum Sacerdotes à beneficiis impunè aberant, tum Laici Sacerdotia consequentur, & demum quod Anglorum in conferendis aulæ Romanæ dignitatibus nulla ratio haberetur. Ista legati regis Joannes Lichfeldensis Episcopus, & Thomas Polton Decanus Eboracensis in Concilio Constantiensi ad Pontificem novum deferri jussi, ab eo impetrarunt, ut statim Angliis aliqua privilegia concederet, quæ in ipso rescripto Concordata inter Martinum V. & Ecclesiam Anglicanam appellantur. Ea erant, ut uniones Ecclesiarum non fierent motu proprio, sed Episcopi locorum de causis cognoscerent; ut uniones Ecclesiarum, & consolidationes vicariarum factæ tempore schismatis abrogentur; ut rescindantur gratiæ à Pontifice factæ, per quas Sacerdotes in beneficiis non resideant, aut Laici monachivè beneficia possideant; Denique ut minuat in posterum Cardinalium numerus, iique ex omnibus Christianis gentibus æquè eligantur, & ut Angli ad reliqua omnia Curie Romanæ munera admittantur. Eodem tempore legati alii à rege ad Pontificem missi postulant, ne Pontifex iis beneficiis conferendis in Anglia se immisceat, quorum donatio ad regem tum pactis inter reges Angliæ & Pontifices initis, tum jure regio spectet; ne ad Episcopatus & sacerdotia in Aquitania, aliisque ditionibus, quas rex in Gallia possideat, Galli admoveantur; ut dignitates aut beneficia in Hibernia si soli consequantur, qui linguam Anglicam callent, & Episcopi in suis diocesisbus curent, ut universi Anglicè dumtaxat loquantur; ut in cænobia Gallorum in Anglia posita Galli de cætero non recipiantur; & ut regi pro sede Romana bellum gerenti ex iis pecuniis, quæ fisco Romano in Anglia solvantur à Pontifice, subveniatur. Quibus cum Martinus parum benigne responderet, adjuncit, nisi Pontifex quam primum postulatis suis satisfaciat, se in mandatis habere, ut coram eo profiteantur, regem in iis singulis jure suo usurum, ut pote quæ non necessitatis, sed honoris causa petat, & ut publicam de ea re coram universo Cardinalium cœtu protestationem interponant. Galli etiam & Germani hæc provisiones & artes Pontificias execrati sunt. Galliæ enim ordines^a mense Majo hujus anni Parisiis convocati, antiqua statuta omnia contra Pontificum gravamina & rapinas edicto renovarunt, in quo illud additum, ne Martinus à Gallis Pontifex agnosceretur, nisi illi decreto acquiesceret: & cum brevi postea Lugdunensem Ecclesiam interdicto obligasset, interdictum illud à Senatu Parisiensi rescinditur, & inquisitum in Academiæ Parisiensis Rectorem tanquam læsæ majestatis reum, quod ab edictis regis ad Pontificem provocasset: & Germani hoc ipso tempore à quæstoribus Pontificiis expilati, à Pontifice horum onerum sublevationem postulabant. Sed tandem

E

dem

*h. Car. Molina
de Monar. xxi.
n. 155.*

i In Epistolic.
passim.

k Reguerr. de
Montfrell. cap.
200.

l Reguerr. de
Montfrell. cap.
202.

1419.

dem solis indulgentiis & gratiis sunt elosi, ut¹ Æneas Sylvius tum temporis in Germania agens commemoravit. Henricus autem exeunte hoc anno postquam dioecesim Roffensem universam visitando lustrasset à rege evocatus in Galliam trajicit, Joanne Wodnesburgh Priore Cantuariensi Vicario generali constituto, & regem ad Rhotomagum in Normania adit, qui ex eo tempore, quo in Galliam anno superiore venerat, Cadomum, Casaroburgum, Allensonium, Constantiam, Fallesiam, & plerasque munitissimas Normanniæ civitates partim vi, partim deditione ceperat, & jam Rhotomagum Normanniæ metropolim obsidebat. Convenerat eo ipso tempore inter regem & Gallum, ut legati utrinque ad pacem contrahendam coirent, Pontlarchæ oppido octomillia passuum à Rhotomago ad Sequanam fluvium posito, quod à rege nuperrimè expugnatum erat. A rege eo mittuntur² Henricus Cantuariensis & Comes Warwicensis, à Gallo Philippus Morvillerius præfex Parisiensis, Episcopus Bellovacensis, Reginaldus Tollevillius Eques, & à Pontifice Cardinalis Ursinus, qui utrinque pro pace intercederet. Ubi per quindecim dies frustra de rebus componendis disceptabant, Gallis Catharinæ Carolo filiæ imaginem affabre depictam ostentantibus, quam Regi despondere volebant, nostris verò in dotem decies centena millia aureorum, & Normanniam, Aquitaniam, comitatūque Ponthii libera à Gallorum imperio postulantibus, & demum Gallorum condiciones omnes apertè recusantibus, quod existimarent cum Carolo nihil transigi posse, qui in mentis alienationem nuper inciderat, nec cum Delphino, quod jure alieno non suo uteretur, nec cum Burgundo, quod ditionibus imperii Gallici alienandis auctoritatem non posset adhibere. Rhotomagenes interea pertinacissimè se defendebant, donec extrema omnia perpessi essent. Etenim post sex mensium obsidionem centum millia hominum partim bello, partim fame perierant, & qui supererant animalibus sordidissimis, canibus, equis, muribus vescabantur, tanta rerum omnium penuria, ut pomum tribus, canis decem solidis vènisse diceretur, neque à suis suppetias ulterius expectabant, Carolo mentis parum compote, & principibus bello intestino implicatis, quo Gallia jam universa inter Carolum Delphinum, & Joannem Burgundiæ Ducem divisa conflagrabat. Igitur è Civitate duo proceres, duo Ecclesiastici, & totidem Cives cum feciali emissi, & pedibus regis advoluti suppliciter pacem implorant, à quo ad tentorium³ Cantuariensis ire jussi sunt, potestate ei data unà cum Warwicensi & Sarisburiensi Comitibus, Fitz Hugone Barone, Waltero Hungerfordo, Gilberto Umfrevillo, Johanne Roberto equitibus, ut de deditionis conditionibus cum Civibus agerent. Quibus astipulantibus Rhotomagenes civium & fortunarum incolumitatem pacti, & trecentis sexaginta quinque millibus aureorum multati Civitatem dedunt. Inerat jam novus annus cum hæc gererentur, & XIII. Kal. Febr. Rex cum exercitu more triumphali urbem ingreditur, eamque operibus munitam, fisci, juris dicundi, & rerum Normannicarum primam sedem constituit. Tum reliquas Normanniæ partes brevi debellavit, nam Medontam primò, postea Pontosium oppugnatione cepit. Reliquæ civitates Rhotomagenium exemplo consternatæ ultrò in potestatem venerunt. Henricus Rhotomagi cum rege in civitate aliquandiu subsistit in cænobio fratrum Prædicatorum exceptus. Medontæ deinceps & Pontosiæ regem in castris secutus, ei à sacris simul & con-

Glis.

lilis sedulo inservivit; neque ab eo discessit usque ad finem Augusti. Tum autem in Angliam reversus est, ut Synodum haberet, & ut Provincia suæ administratione invigilaret. Indicebatur ea Synodus Londini III. Kal. Novemb. Ut cum Ecclesiasticis de pecuniis regi in Gallia felicissimè dimicanti decernendis ageretur, quod rex Henrico è Gallia discedenti & per literas etiam nuperrimè mandaverat. Ab iis concessa est media decima Sacerdotiorum omnium, & imperatum Capellanis seu Cantariis possidentibus, seu stipendio sacra facientibus, ut singuli sex solidos octo denarios fisco solvrent, protestatione à Gulielmo Lyndewode nomine Procuratorum Cleri publice facta, ne concessio ista fraudi iis postea esset, nec in exemplum apud posteros traheretur. Coram ea Synodos istitur Richardus Walker Sacerdos Wigorniensis maleficii postulator, exhibitis libris, imaginibus cereis, lapidibus, aliisque dirarum & imprecationum instrumentis, quæ ab eo postea ad crucem D. Pauli recognita, concionem habente Joanne Welles Episcopo Landaveniensi, flammis combusta sunt: et postquam solennem penitentiam in supplicatione publica præstitisset, artem nefandam egeravit. Adducti sunt postea in Synodum alii, qui Joannis Wiclyffi dogmata occultè amplecti insimulabantur, iisque renunciare coacti sunt, atque ita Synodo soluta singuli abierunt. Tum Henricus ad omnes aras & delubra supplicationes indicere pro felicitate regis in Gallia agentis, cui hoc ipso tempore ex Galliæ discordiis repentina spes Galliæ sine sanguine acquirendæ divinitus affulsit. Philippus enim dux Burgundionum ut cædem paternam ulcisceretur, quem Carolus Delphinus pridem Monasterioli sub colloquio specie nefariè occiderat, cum rege clam per nuncios foedus icit, eique connubium Catharinæ Caroli regis filiz, & reliquæ omnia ad victoriam adjumenta pollicetur. Rogat tantum, ut Treas pro pace publica cum Carolo constituenda posciscatur. Habebat Burgundus tum temporis in potestate sua Carolum regem, Isabellam reginam, Catharinam filiam, Lutetiam primariam regni urbem, & summam rerum administrationem, semoto Carolo Delphino ab Isabella, quæ animo infensa in Delphinum, Burgundum gubernaculis admovebat. Rex igitur, ne hanc rei felicissimè transigendæ opportunitatem elabi sineret, & porro Catharinæ formosissimæ virginis amore captus, Treas mox venit: Ibiq; despondentibus Carolo & Isabella Catharinam ducit, his legibus, ut Henricus gener, superstitute Carolo focero regnum Franciæ administraret, Reðorq; Franciæ diceretur, Carolo autem mortuo ipse, liberive ex Catharina procreati in regnum Franciæ succederent, & ut Carolus regni paterni exhæres, & hostis publicus haberetur. In easdem leges consenserunt principes, proceresq; Gallorum, qui frequentes aderant, & in Regis Henrici ipsius verba universi præeunte Burgundo jurarunt, majorem ex præsentia fortitudinem & prudentiam rati, quam ex rebus gestis & absentis admiratione coniecissent. Elapsus serè erat mensis Majus anni sequentis, cum nuptiarum solennia Treas peragerentur: Quibus domi apud nos nuntiatis, lætitia in omnium animis immedata fidem serè minuebat, & Henricus protinus in Galliam transiit. Winchelsea solvens III. Id. Junii: (Joanni Priori Cantuariensi Vicarii generalis, & Gulielmo Lyndewode Auditoris causarum munere demandato) ut recenti conjugio fausta omnia precaretur, & principatum novum consiliis suis confirmaret. Ille regem adit

1420.

1421.

Trecis mox discessurum, ut Delphinum profligaret, qui solus ex hostibus supererat, ideoque principio Julii in Senones movens Monasteriolo capto Mello-dunum urbem munitam aggreditur, quæ per quatuor menses obsidionem passa, ineunte Novembri, dedita est. Obsidioni illi cum rege nostro interfuerunt Carolus Galliarum, Jacobus Scotiarum reges, Philippus Burgundiæ, Willelmus Bavarie Duces, multique Principes, & Henricus etiam Cantuariensis, qui toto eodem tempore in castris degens urbem dedita regem cum Carolo Socero, & utraque regina Lutetiam secutus est, & in Angliam sub exitu Novembris rediit. Relicta dein Humfredo Glocestrensi, & Philippo Burgundo rerum Gallicarum procuratore; Rex cum Catharina conjuge ineunte Februario alterius anni in Angliam venit incredibili omnium gratulatione & plausu exceptus, & supplicationibus ad omnia Dei, Divorumque templa, quas Cantuariensis per quadriduum fieri iussit. Ab ordinibus regni sub adventum suum Westmonasterii cœuntibus pecunias ad bellum Gallicum rogat, & in eodem conventu regina apparatu solenni coronâ insignita est ab Archiepiscopo Cantuariensi, qui hoc ipso etiam tempore Synodum Londini convocavit, & decimam regi impetravit. quæ concessa est sub conditionibus à Gulielmo Lyndewode nomine Procuratorum Cleri interpositis; Eæ autem erant, ut familiæ regie provisorios à bonis Ecclesiasticorum abstinere, ut Clerici propter furtum manifestum solum & homicidium carceribus mandarentur, de reliquis criminibus postulati, datis fideiussoribus iudicio sisti, vinculis liberarentur; & ut ii qui Sacerdotes castrarent, feloniarum crimine tenerentur: quas omnes Rex in eo ordinum conventu ratas & sanctas esse iussit. Ad eam Synodum una cum Episcopis & reliquis prelati, Archiepiscopi edicto vocati sunt Johannes Castell Academiæ Oxoniensis, & Johannes Rykynghall Cantabrigie Cancellarius, uterque sacrarum literarum Professor, qui orationibus ornatissimis pro utriusque Academiæ studiosis exorarunt, ut decretum ante quatuor annos in Synodo latum de conferendis beneficiis in eos solos, qui Gradibus Academicis erant ornati, pro beneficiorum censu, & graduum dignitate jam promulgaretur, adjecta priore conditione, si abrogatis antiquis Academicarum statutis, Monachi, qui artes non attigissent, Theologiæ, & Sacerdotes, qui Jus Civile non didicissent, Juri Canonico initiari possent: quod artium Magistris in utraque Academiâ, mutato tandem consilio, concesserunt. Inde ad cœrendam Episcoporum, & Archidiaconorum avaritiam decretum, ne Episcopus pro institutione, aut Archidiaconus pro inductione ultra duodecim solidos acciperet, & ut ordines sacri nulla mercede accepta, gratis collocarentur. Deum in ea Synodo Simon Tetraminus quæstor Pontificis pro Martino Pontifice oratione eleganter composita pecunias rogat, qui tamen furdis auribus auditus est, Ecclesiasticis existimantibus, satis superque esse decimas, annatas, aliasque obventiones quæ fisco Romano quotannis penderentur. Henricus autem dimissa Synodo jurisdictioni suæ prospicit, quam in Gallia hætenus exercebat, ut eadem pax utrumque regnum, & utramque Ecclesiam conciliaret. Iudices enim, quos in plerisque Galliarum diocesium à rege debellatis collocasset, jam revocat, & literis ad Gallos datis, universos admonet, ut Episcopis suis, & iudicibus locorum ordinariis deinceps obtemperent. Post hæc rex accepto munio de Thomæ Clarentiæ ducis fratris sui cæde, qui in Andibus commissus

commisso nuper cum Delphini copiis prælio ceciderat, in Galliam properat, relicta domi Catharina gravida, quæ VIII. Id. Decemb. Windeforæ puerum enixa est, quem fidejumentibus pro eo Joanne Duce Bedfordienſe Pro rege, Henrico Wyntonienſi Episcopo regis patruo, & Jaqueline Hollandiæ Comitissa, Henricus Cantuariensis ritu ſolenni ex ſacro lavacro ſuſcepit, Henrici nomine indito. Qui regno deinceps potitus Cantuarienſem propterea compatrem ſuum appellare ſolitus, ſumma cum veneratione ſemper proſecutus eſt. Catharina autem partu levata inchoante Aprilis alterius anni à Bedfordienſi in Galliam ad regem deducitur, & Humfredus Gloceſtrenſis rerum Anglicarum adminiſtratione præſectus eſt. Inſtabat jam tempus, quo altera Synodus œcumenica habenda erat ex decreto Concilii Conſtantienſis, in quo inſtitutum erat, ut poſt quinque annos Concilium indiceretur, ab ejus ſine aliud in ſeptennium, atque ita ſingulis decenniis Concilium perpetuo haberetur; In quo Episcopii & prælati ex univerſo orbe Chriſtiano coeuntes de reprimendis Eccleſiæ corruptelis liberis ſuffragiis poſſent decernere. Agebatur autem annus quintus à ſine Concilii Conſtantienſis, eamque ob cauſam Martinus Papiam alterius Concilii œcumenici hoc anno habendi locum deſignaverat. Apud nos autem Henricus provinciæ Cantuarienſis Synodum Londini convocavit prim. Non. Sextil. In quo ex univerſo Episcoporum, prælatorum, & Doctorum ordine multi nominati regis arbitrio permittuntur, & decretum eſt, ut eorum nomina Cantuarienſis per literas ad regem mitteret, è quibus ille pro voluntate ſua aliquos deligeret, qui ad Concilium Papienſe nationis Anglicanæ nomine proficilerentur, & ad eorum impenſas ex beneficiis, quæ ad decimas cenſebantur, pro ſingulis proventuum libris tres denarii, ex beneficiis autem, quæ eo cenſu immunia erant, pro ſingulis libris octo denarii imperabantur. Verum legatio illa fruſtra decernebatur. Nam Martinus Concilium Papiæ inchoatam, & ſuborta peſte Senas tranſlatum ſtatim diſſolvit, quod Alphonſus Arragonum rex per oratores Papiam miſſos Benediſti XIII. Paniſcholæ adhuc ſuperſtitis, & pro Pontifice ſe gerentis partes largitione & pollicitationibus promoveret, in Martinum commotus, quia Joanna regina Neopolitana, eo authore, in regno ſuo Ludovicum Andegavenſem, neglecto Alphonſo, hæredem ſcripſerat; & Concilium aliud Baſiliæ poſt ſeptennium conſtituit. In eadem Synodo Londinenſi hæreticæ pravitatis poſtulationes ſunt Wilhelmus White Presbyter, quod poteſtate non data, publicè prædicaret, & Henricus Webb Wigornienſis, quod ſacro ordinum character non ſuſcepto, divina faceret; propterea ille hæreſi coram Synodo renunciare coactus eſt, hic autem in tribus primariis civitatibus Londini, Wigornix, & Bathoniæ ſacribus à Synodo adiudicatus eſt. Deinceps Wilhelmus Taylor artium Magiſter in jus vocatur, quod dogmata quædam apud populum iterum enunciaret, quæ in Synodo ante biennium execratus erat, unde in hæreſim reſapſus dicebatur. Ea autem erant: Deum ſolum orationibus fidelium eſſe invoandum, Chriſto ipſi non ratione humanæ naturæ, ſed divinæ cum cultum deberi; Divos, aut rem creatam implorare neſas eſſe; Crucis, aut Divorum ſtatuis donaria ponentes idololatriæ obſtrungi; vitam monaſticam à Chriſti inſtitutis alienam eſſe; civilem adminiſtrationem, & dominatum ſacerdotibus à Chriſto interdici: & orthodoxo eſſe multa dogmata, quæ à Synodo

1422.

m ſeſſ 39

nodo

tres hujus conventus indicendi causas explicaret. Primum ut regi tuores decreto publico assignentur: tum ut de pace publica, jurèque administrando decerneretur, & ut regno ab exteriorum hostium injuriis defendendo prospiciatur: denique proposito Jethronis Moysi socii exemplo, monet, ut ex proceribus prudentissimos & optimos deligant, qui regis tutelam & temp. capeffant, & universos obtestatur, ut velim regis incolumitari & recip. commodis inservire. Cum dixisset Cantuariensis Humfredi Glocestrensis imperium tutelare suffragium omnium confirmatur, eique adjunguntur ex Episcopis & proceribus viri primarii à Consiliis secretioribus futuri, usque dum rex pubertatem assequeretur, è quibus Henricus Cantuariensis primus nominatus est. Is autem post solum hoc Concilium, amissam jam Principe & Mecenate, à quo ad dignitates amplissimas evehus summè diligebatur, domi deinceps se continuit infra Provincie suæ fines, in quo officii sui munia diligentissimè obivit. Anno enim à morte Henrici V. primo diocesis Ciceftrensem & Sarisburiensem, secundo Lincolniensem iustravit, visitatione jure Metropolitico instituta, in qua ab Ordinariis perpetuam gesta rescidit, & de populi fide moribusque inquisivit. Dum Lincolniensem diocesim peragraret, divertit ad patrium oppidum Heighamfercis, ubi pio & honesto natalis soli illustrandi proposito Collegium eximium pridem inchoatum Divæ Mariæ, Thomæ Cantuariensis, & Edvardi confessori consecravit: collocatis in eo octo sociis seu Capellanis, quatuor Clericis, sex Choristis ibique omnibus Cuthode præposito, ut defunctorum manibus parentarent: ibique amplum alendis ejus loci pauperibus Xenodochium extruxit: utrumque autem multis prædiis ab eo tum donatum Robertus Chichele & Willielmus Chichele cives Londinenses primarii ordinis, fratres ejus, opinis legatis in testamento alcriptis postea locupletarunt. E. Lincolnienfi diocesi reversus Synodum Londini habuit. III. Id. Octobr. literis regis interpellatus, ut ab ordine suo pecunias in subsidium belli Gallici impetraret. Post mortem enim Henrici V. & Caroli VI. Carolus Delphinus in nomine Regio plurimum momenti esse ratus, corona Picaviæ induta Caroli VII. Galliarum regis nomen suscepit, & accurrentibus ad eum plurimis principibus, & civitatum præfectis, quibus amor Gallici nominis infederat, majore jam animo bellum instruit. E. diverso Joannes Bedfordienfis Galliarum Regens in testamento fratris nominatus, contrafacto cum Philippo Burgundo fœdere arctiore, ductâque Anna ipsius sorore, auspiciis Henrici VI. in variis Galliarum partibus Carolum aggreditur, & divisis copiis inter se & Burgundum, missisque in Senones Thoma Montacuto Comite Sarisburiense duce clarissimo cum acie instructa, novum militum delectum & pecunias ab Humfredo Glocestrense Angliæ curatore petit. Eam ob causam Henricus. Episcopus Wyntonienfis Angliæ Cancellarius, Joannes Stafford Episcopus Bathoniensis Thesaurarius pridem creati, Richardus Comes Warwicensis, Willielmus Aluewyke privati sigilli Custos, Ludovicus Bourchier, & Rodolphus Cromwell Barones ad Synodum à Glocestrense missi sunt, & Wyntonienfis reliquorum nomine postquam oratione composita rerum Gallicarum conditionem exposuisset, eos monet & rogat ut aliquam proventuum suorum partem ad profligandas Caroli reliquias vellent erogare. Tum autem apparuit quanto Henrici V. desiderio omnes tenerentur, cum post decimas frequentissimas in superioribus Synodis (uti jam diximus) animis lubentissimis concessas, ad pri-

1423-

1424-

1000

mum à rege novo postulatam hæsitaverint, quòd in illo solo omnem Gallia
 acquirentiæ ipem positam esse, illòque sublato nihil porro feliciter geri posse
 existimarent. Postquam enim Procuratores Cleri per aliquot dies ea de re
 deliberassent, Gulielmus Lyndewode ab iis delegatus respondit, ex assiduis
 bellorum sumptibus adeo atritas esse Ecclesiasticorum facultates, ut sibi fami-
 liaeque honestè alendis parùm sufficiant, & beneficiorum plurimorum censu
 ita imminutus esse, ut non inveniri possint Sacerdotes, qui eorum Curam sus-
 cipiant, & demum in omnibus Procuratorum mandatis decimarum conceden-
 darum potestatem expressum adimi. Itaque Wyntonienfis Procuratores Cleri
 in inferiore Synodus domo adit, eosque oratione proluxa & vehementi obte-
 statur, ut publicæ inopiæ subveniant, à quibus angustam mandatorum pote-
 statem identidem causatis cum nihil impetrare posset. Synodus ad VII. Kal.
 Febr. anni sequentis ab Henrico prorogata est. Eo rursus accedentibus Wyn-
 toniense & reliquis proceribus, postquam ille coram Episcopis Abbatibus, &
 Prioribus in superiore Synodo iterum regis nomine perorasset, decima ab iis
 decreta est, protestatione adhibita, ne concessio illa sibi frandis esset, nisi Procu-
 ratores Cleri eam ratam esse juberent, quoniam utriusque Ecclesiasticorum or-
 dinis in concedendis decimis seperatio hoc exemplo invecata, posteris olim
 perniciosa esse posset. Procuratores autem sententiam priorem mordicus te-
 nentes importunis efflagitationibus Wyntonienfis primò, tum Henrici Cantu-
 ariensis, & reliquorum Episcoporum parùm commoti sunt: ideoque Synodo
 mox dissoluta Henricus novam indixit post duos menses ad IX. Kal. Maji, ut
 victi suffeatis aliis Procuratoribus, res illa facilius transigeretur. In ea Synodo
 Procuratores Cleri primo oratorem summum (quem prolocutorem vulgò appel-
 lant) eligere ab Henrico jussi, designant Gulielmum Lyndewode, cujus mun-
 neris o. ipte in Commentariis suis meminit. Tum Wyntonienfis Cancellarius,
 Bathoniensis Thesaurarius, Gulielmus Aluewykus sigilli Custos, Scropus, &
 Cromwellus Barones, alique è Consilio regis secretiore Synodum iterum in-
 gressi sunt: & Cancellarius oratione ornata, reliqui blanditiis, minis, polli-
 citationibus singulos presentes ægrè tandem mediam decimam impetrarunt.
 Deinceps Robertus Hoke Lincolnienfis, & Thomas Drayton Cantuariensis di-
 ceceseos presbyteri hæreticæ pravitatis insimulati coram Synodo sistunt,
 quòd crucis simulachro non advolverent, & quòd libros penes se haberent,
 in quibus traderetur, non posse Sacerdotem in sacro solenni hostiam in Deum
 commutare: vitam monasticam & confessionem clandestinam auribus Sacerdo-
 tis insinuatam Satanæ commenta esse; inter Christianos communia omnia esse
 oportere; quæ dogmata ad crucem Paullnam pro concione egerant. Acer-
 rima autem accusatio instituta est contra Willielmum Russell ex ordine Mino-
 rum, qui apud populum publicè prædicaverat, decimas personales à Deo non
 imperari, quin Christianis omnibus fas esse, eas in pios usus pro arbitrio suo
 pauperibus erogare: anxii & solliciti Ecclesiasticorum animis, quòd perti-
 mescerent, ne amisso isto obventionum genere, ordinis sui opes plurimum im-
 minuerent, si opinio illa ad vulgus emanaret. Is autem palinodiam canere
 è suggestu crucis Paulinæ à Synodo die statuto jussus, cum ante eum diem ex
 Anglia fugeret, propositis edictis primo contumax, deinde in solenni judicio
 hæreticus pronuntiatur, & illius opinio utriusque Academiæ Oxoniensis &
 Cantabry-

o. C. Quoniam.
 v. provinciam de
 decim.

Cantabrigienſis decretis impia judicatur. Quod Oxoniensēs mox demonſtrant literis ad Henricum & Synodum datis, quæ etiam extant. Cum allatum brevi eſſet, cum Romæ eſſe, eo mittuntur à Synodo nuncii, qui eum deprehenſum apud Pontificem poſtularent, quibus è ſingulis reddituum Eccleſiaſticatorum libris quadrantem conceſſerunt. Ubi cauſæ ejus cognitione Brandæ Cardinali Placentino à Pontifice delegatâ, niſi reſpiciat ad perpetuos carceres damnatus eſt, inſique poſtea effraſtis, in Angliam reverſus, concione ad crucem etiam Divi Pauli habitâ, errori ſuo juramento conceptis verbis præſtito renunciavit. Porro Henricus edicto ſuo Franciſcanis omnibus præſcribit, ut quotieſcunque apud populum concionarentur, decimas perſonales legibus divinis ſanctorumque patrum inſtitutis eſſe præſtandas docerent. Poſt hanc Synodum tempeſtate graviffimam ex procerum diſcordiis hoc anno imminentem Henricus prudentiâ ſua ſedavit. Etenim Henricus Beufort Joannis Ducis Lancaſtrenſis filius ex Catharina Swiaſurt tertia uxore genitus, regis propatruſ, generis nobilitate & divitiis (quas ex Episcopatu Wyntonienſe coraſerat) ampliſſimis elatus, Humfredi Ducis Gloceſtrenſis regii Curatoris imperium ægrè ferens, apertas cum eo ſimilitates primo exercere cœpit: inde exacerbatis utriuſque animis, & plerique è magnatibus & plebe alterutri adhærentibus, uterque cum miniſtris & ſatellitibus armatus incedere, plurimique proſtigati, & ſeditioſi Cives eorum exemplo, armis arreptis, omnes civitatis Londinenſis vicos obire, eorumque tantus erat numerus, ut cives univerſi clauſis officiis ab operibus abſtinere, & excubias interdiu noctuque agere in ſingulis urbis compitis, ad depellendas ſeditioſorum injurias cogerentur. Tum Henricus Cantuarienſis, aſſumpto Petro Duce Conimbricenſi Luſitanæ regis filio (qui ad inviſendum regem cognatum nuper in Angliam venerat) oſtibus uno die inter ædes Ducis & Episcopii per Civitatem obequitans, tantam autoritate & precibus ſuis apud utrumque valuit, ut depoſitis armis res pro tempore componerentur. Wyntonienſis autem odio cum armis non depoſito, literas mox ad Bedfordienſem in Galliam miſſis Gloceſtrenſem inculat, & monet Bedfordienſem, ut in Angliam properaret, ſi regem incolumem & regnum tranquillum eſſe vellet, quod alioquin inteſtinis cædibus & incendiis exarſurum mox iri neceſſum eſſet. Is licet in Gallia ſalaciſſimè res gereret, multis oppidis munitis in fidem acceptis, & magno Gallorum exercitu ad Vernoſium juſta acie nuper proſtigato, acceptis tamen literis paci domeſticæ res Gallicas inniti ratus, commiſſa muneris ſui adminiſtratione Thomæ Beuchamp Comiti Warwickenſi, in Angliam advolat ſub initium anni novi, & vocatis Leyceſtrix ordinum regni comitiſ, de inimiciis inter fratrem & Episcopum cognoviſcit. Cum uterque offenſionum cauſas coram ordinibus propoſuiſſet, & ex altercationibus animi magis efferveſcerent, exorante Bedfordienſe controverſiæ omnes ex compromiſſo ad arbitros delatæ ſunt. Primus arbitrator nominatus eſt Henricus Cantuarienſis, ſecundum cum Thomas Exonienſis Joannes Norſolcienſis Duces, Thomas Dunelmienſis, Philippus Wigornienſis, Joannes Bathonienſis Episcopii, Humfredus Comes Staſfordienſis, Willielmus Aluewyke ſigilli Cuſtos, & Rodulphus Cromwell, qui præſcriptis verborum formulis utrinque recitandis eos, conjunctis dexteris, injurias mutuas remittere, & in gratiam redire jubent: eamque conciliationem ordines ſuffragiis ſuis

p. Liter. Academ.
Oxon. in Arch. m.
cp. 10.

1425.

q. Rotul. Parli.
am. 44. 4. H. 6.

F

confirma-

1427.

confirmarunt. In eo etiam conventu pecuniæ ad delectum militum decretæ sunt: eandemque ob causam Henricus hoc ipso tempore XVII. Kal. Maii. Ecclesiasticos ad Synodum Londinensem edicto suo vocat: in qua illuc accedentibus Joanne Kempe Eboracense Archiepiscopo Cancellario, Waltero Hungerford Thesaurario regni, & Bedfordiensis immensis laboribus oratione diferta à Cancellario commendatis, media decima concessa est. Secundum hæc Henricus Wyntonienſis hoc anno in Cardinalium numerum à Martino Pontifice coopatus, in Galliam cum Bedfordienſe anno ſequentē profeſſus, Caleti in maiore illius Civitatis Baſilica die Purificationis Beatæ Virginis galerum & reliqua inſignia magno paratu induit. Eam ille dignitatem ante octo annos ſub Henrico V. ſumma ambitione quaſitam à Joanne XXIII. impetraverat, qui eundem Cardinalem, & à latere ſuo in Angliam cum poteſtate maxima legatum quamprimum designaturus erat: verum Henricus Cantuarienſis explorato hominis ſaltu, apud Regem tum interceſſit, literis ad eum in Galliam agentem graviter & modeſte ſcriptis, in quibus legatorum Pontificiorum poteſtatem de regia dignitate, legibus patriis, & Eccleſiæ Anglicanæ privilegiis derogare demonſtrat. Earumque literarum, quæ ipſius Henrici manu exaratz adhuc conſpiciuntur, exemplar hic ſubjicimus.

S Duereyn Lord as your humble Priest and devout Bede-
man, I recommand me to your Highness, desiring ever-
more to heare and knowe of your gracious speed, hele of body
and of soule, also my Lordys your brethren and all your royall
hoſte. And as hertly as I can, oꝝ may thanke Almighty God
and Lord of all strenghts and hostes that so graciously hath con-
tinued his myghty hond upon you sythen the tyme of your begin-
ning hedyrtoward into your most worship, your Leige menys
most hertly gladnesse, and abating of the hy pride of your ene-
mies. And besech God both day and night with all your sub-
getts both spiriuel and temporel so continue his by Grace upon
you and yowre that the mow come to the effect of your hy labor,
pees of both your regmes after your hertly desires. Gracious
Lord like it to remember you that be your moost worthy letters
written at your towne of Caen xvj day of September you char-
ged me, that be the abys of my Lord your brother of Bedford,
and of your Chaunceler holde be oꝝdergyned that all maner of
men of your subgetts wat aſſaſt oꝝ condicion that thei were
shoud abſtyn letter of wyrtes oꝝ purſuit making to the Pope
after his election, till the tyme that he have writen to you, and
ye again to him, as it hath be acustumed of honelte of your
lond. For the which cause neither I, noꝝ non odir man as ſez-
forth as it may be knowe, hath yit writen noꝝ ſent, ne no lebe
hath;

hath of passage to the Cowrte, wold it so be that many lych at London to pursue to my Lord your brother, your Chaunceler; and your Counseil for to have leue and letters of passage. Wherefore Sovereain Lord my Lord your brother charged me write to you, and in as much as your letter foresaid was direct to me, to wite, in wat wise we shol gouerne us hereafter, for if ye have resseyved our holyfaders letters, or witten to him it is unknownen to us vnto this time. Like it therfore, gracions Lord, to write to my Lord your brother in wat maner wise this matier schal be gouerned hereafter.

Forthermore gracions Lord, of trowth that I am bound to you be my ligeaunse, and also to quite me to God, the church of your lond, of the wich God and, ye gracions Lord, haue made me gouernour, howeth to open to you this matier that supreth of the which I haue herd pryvily, but now it is more open, and in such wise that credence shold bee yive to by reason, that is to seyne, that my brother of Winchester shold be made a Cardinal, if ye wold giue your assent therto and that he shold haue his Bishopric in comend for terme of his life, and therto have a stat, and sent to yourz reynme of England as a legat a latere, to the wich maner of legacie non hath be accustomed to be named but Cardinals, and that legacie also to occupie thorgh all your obeytaunce, and all the time of his life. Souereyn Lord and most Christen Prince, What instanse schall be maad to your Highe-nesse for this matter, I wot not, but blessed be Almighty God undir your worthie protection, your Church of England is at this day, I dare boldly say, the moost Honorable Chirche Christien as wel as debin seruiſe, as honest living therof, gouerned after streit lawes, and holy constitutions that be maad of hem withowten any gret exorbitaunces, or any thing that might come to hy skandore of your foresaid Church or of your lond, and if any trespasses of mannys frelte falleth we may be corrected and punished by the Ordinaries there as the caas falleth. But wat that this offis of legacie to be occupied in the forme aforesaid, and such comendis of Bishopricches not bſed in your holy Kingdome tyme here afoze, wold extend to, or gendre ageines the good gouernance of your subgetts, in your hy wisdom I trust to God ye will consider. And forasmuch as ye schal be enformid what the office of such maner of legacie extendith to, and apply your Clemency haue not in minde, for it hath theſe be seyn, and have

not alle here bookys with hem pleynty to enforme you in this tyme of your grete laboz, I send you a scrowe writen withinne this lette; conternyng that is expresse in the Popis lawe, and fully concludyd be Doctozs. And ouer that what he may haue in special of the Popis grace no man wot, for it stond in his wille to dispose as hym good liketh. And be inspection of lawes and cronicles was there never no Legat a latere sent in to no lond and specially in to your ringme of England withowte grete and notable cause. And thei whan thei came after thei had done her legacie abiden but lytul wyle, not ouer a yer, and summe a quarter, or ii monethes, as the nedes requeryd. And yit ouer that he was tetryd with, or he cam into the lond whon he schold haue exercise of his power, and how myche schold be put in execution. An aduenture after he had be reserued he whold haue bled it to largely to greet oppression of your peple. Wherefore moost Cristien Prince and Souereyn Lord, as your trewe Prefst, whom it hate lyked you to sette in so hy astat, the wyche with othe your gracious Lordship, and suppoztation I know my self insufficient to occupie, beseketh you in the moost humble wyse that I can devise or thenke that ye wile this matter take tendirly at herte, and see the stat of the Chirche be meynceid and susteynid, so that eueryth of the Ministers therof shold hem content with her owne part: for trewly he that hath leest hath inow to rekenen fore: And that your pooze pepul be not pyled, nor oppresyd with diuers exactions and vnacustomed, though wyche thei schold be the more feble to refresche you owre liege Lord in time of nede and whan it lyketh you to clepe upon hem, and all ples and sklaundze cese in your Chirche.

Towchinge owe holy fadir the Popis Ambasiat that late cam in to your lond, I wot wel my Lord your brother wyrteth to you pleynty, and also of odir gouernance of your lond the wyche blessed be God stond in good quiet pees and rest withowte any grete ryotis or debats and all your trewe peple haue her herys opun to here good tydinges of you and continually pray for your prosperite and al rowrys, the wyche Almighty God graunte for his mercy Amen. Wryten at Lambeth vi day of March.

Your Prefst. H. C.

Indoſed. Au Roy nostre Souuerain- S.

Nike

Hisc literis à Cantuariense in Galliam missis ita commotus est rex, ut Wyntonienſe interdicere, ne Cardinalis gradum ſuſciperet, & aliquoties aſſerere, 'malle ſe videre Wyntonienſem corona ſua, quàm ornamentis Cardinalis inſignitum: iſque rege ſuperſtite ab eo munere abſtinuit. At nunc regis pueritia & Bedfordienſis nepotis ſui favore fretus illud denuò tentat, & à Pontifice Cardinalis titulo Presbyteri Divi Euſebii creatus eſt. Quæ res facilem errori eorum cauſam præbuit, * qui pro Henrico Wyntonienſi tradunt Henricum Cantuarienſem Cardinalem titulo Presbyteri Divi Euſebii hoc tempore factum eſſe, cum iſ pius & moderati ingenii vir gradum illum amiſſiſſe nunquam deprehendatur, per quem Pontificis ſervituti addiſtus neceſſe haberet aliquando à fide illa diſcedere, quam regi ſuo integram ſemper & illibatam præſtitit. Erat enim maiſtatis regiæ & immunitatum huius regni adverſus Pontificum ambitionem & Romanæ Curix rapinas acerrimus propugnator, eaque ratione hoc ipſo tempore graviffimam Martini V. offenſionem in ſe concitaverat. Siquidem Oxonienses literis Academiæ publicis IX. Kal. Auguſti hoc anno datis pro eo apud Martinum, intercedunt, in quibus ampliffimo teſtimonio, ipſum vitæ ſpeculum, morum lucernam, populo cleroque cariſſimum, candelabrum aureum in templo Eccleſiæ Anglicanæ conſtitutum appellantes, Pontificem obteſtantur, ne præſulis optimi famam privatis obteſtatorum delationibus apud ſe ſuggillari patiatur: eandemque ob cauſam tum etiam in conventu Ordinum Weſtmonaſterii univerſi Civitatum & oppidorum delegati in inferiore concilio, libello ſupplice regi porreſto ab eo petunt, ut quamprimum legatum Romam mitteret, ei in mandatis daret, ut Archiepiſcopum Cantuarienſem apud Pontificem excuſaret, cujus odium ille ſibi conciliaverat, quòd immenſæ Curix Romanæ poteſtati obniteretur. Equiſſimum ſanè erat, cum publicè ab omnibus defendi, qui pro publicis omnium commodis, & aſſerenda regni dignitate Pontificis iram parum reformidaret. Wyntonienſi autem præter Cardinalis titulum Legati etiam in Angliam, poteſtas à Pontifice data eſt, & mandata ampliffima (ſacultates vulgò vocant) quæ ille tanta avaritia deinceps exercuit, ut congeſtis opibus immenſis Cardinalis opulentus ab omnibus diceretur. Ea cum in Angliam ſequenti anno reverſus coram Gloceſtrenſe regiſ tutore ut, & multis Episcopis, proceribusque promulgaret, * Richardus Caudray Procurator regis nomine à Gloceſtrenſe cæteriſque conſiliariis conſtitutus publicè, conceptis verbis proteſtatus eſt, nullum Pontificis legatum regis inſuſſu Angliam ingredi poſſe, ſingulari regum noſtrorum privilegio, qui eo jure ab omni hominum memoria uſi fuerint: Proinde ſi quid à Cardinale Wyntonienſe pro legati munere ſecus geſſum fuerit, ſe nomine Regis intercedere, eique poteſtatem omnem abrogare. Tum Wyntonienſis Gloceſtrenſem, & univerſum aſtantium cœtum conſeſtatus paſſam proniſit, ſe inſuſſu regis munere illo non uſurum, neque in eo facturum aliquid, quod regis regniſve juribus, immunitatibus, privilegiſve præjudicare, aut derogare poſſet. * Cum vero Cardinalis & legati inſignia jam acci-

r Polychron. in Hen. 5.

r Antiq. Britan. in Hen. Chich.

t Epist. Academ. Oxon. 36. m. Archiv.

u Regul. Parliam. an. 6. H. 5.

1428.

x Joann. Foxm. in Matyrol. Sub. H. 5.

* Eodem jure ſemper uſi ſunt Gallix reges, quorum inſuſſu Legatis Pontificum nunquam licuit Galliam ingredi, aut mandata promulgare, Sicuti clariffimus Advocatus Regius * Ludovicus Servinus coram Senatu Pariſienſi Turonibus tum ſedente demonſtrabat, cum ann. MDLXXXX. Cardinalis Cajetanus ad Henricum III. Gallix Regem Legatus mitteretur.

x L. Servinus playdoyer Vell. 4.

peret,

*9. Rot. Parliam.
4m. 3. H. 6.*

peret, Cancellarii Angliæ munus egerare ei necesse fuit, id quod anno superiore in publicis regni comitiis Westmonasterii præstitit, & secretioribus consiliis regis ei interdicendum erat, cui tamen illud singulari beneficio indultum est ob generis nobilitatem, & consanguinitatem, qua Regem attingebat, ut consiliis regis adhiberi & interesse posset, nisi causa aliqua inter Regem & Pontificem ageretur, tum enim expressum amovendus erat, càmque cautionem inter secretorum acta insinuandam esse solenni ordinum^o decreto anno sequente sancitum est. Pontificem autem illud præsertim impulit ad designandum Cardinalem Wyntoniensem, ut ejus opera uteretur in bello, quod adversus Boemos moliebatur, qui Wyclevi doctrina imbuti, monachorum cænobiiis, Divorumque statuis abolitis, & antiquatis ferè omnibus Romanæ Ecclesiæ ceremoniis, ab imperio Pontificis aperte desciverant. Eum igitur bello Boémico præficit, & legatum in Hungaria, Boëmia, & Germania universa constituit cum mandatis longè amplioribus, in quibus ei indultum est, ut stupri virginum monialium, matrimonii in quarto consanguinitatis gradu contracti ætatis eorum, qui ad sacros ordines & Sacerdotia promovendi erant, interdictionum à sacris, aliorumque plurimorum, quæ à Canonicis institutis aliena erant, gratiam faceret; additumque, ut in hujus belli usum ob omnibus Ecclesiasticis apud nos decimam exigeret. Hanc ob causam Henricus tum rescripto Pontificis, tum literis regiis interpellatus, ut de pecuniis ad bellum Gallicum conferendis ageretur, Synodum, inchoavit Londini III. Non. Julii. in qua, postulantibus iterum Eboracense Cancellario, & Waltero Hungerford Thesaurario Angliæ, regi in primo conventu media decima, & prorogata deinceps Synodo, primo ob calores æstivos ad Divi Martini diem Novembris sequentis, posteaque ad IIII. Kal. Nov. anni sequentis, sescquidecima concessa est, perorante iterum Eboracense, qui cum Duce Norfolkienſe, Warwicense, Staffordienſe, & Sarisburienſe Comitibus, Cromwello etiam Tiposto, & Hungerford Baronibus à rege ad Synodum missus est. Supplicationes porro solennes pro victoria Bedfordienſis decretæ sunt, qui rebus prosperè succedentibus, Aurelianum urbem celeberrimam ad Ligerim positam jam obsidebat. Quæ concessionem decimarum ita propensè à Synodo factæ, compensatæ sunt lege legata in conventu ordinum, qui hoc ipso tempore Westmonasterii agebatur, qua cavebatur, ne Ecclesiastici, aut eorum serui, dum Synodo interfint, aut eo proficiſcantur, in jus vocari possint, eodem privilegio, quo fruuntur milites, & Civitatum delegati, cum ad publica regni comitia vocati sunt. Verum Conzo Zuolanus nuncius Pontificis Pontificis causam in Synodum sæpe veniens frustra egit. Cum enim oratione acri & proluxa subsidium adversus Boemos consequi non potuisset, literas postea à Pontifice scriptas in Synodum attulit, quibus denunciavit se regno Angliæ decimam ad sustinendam belli Boémici molem imperasse. Quod universorum offensionem ita concitabat, ut decimam negarent. Illud tantum importunis Pontificis postulatis datum est, ut ex singulis marcis octodenarii pro beneficiorum censu soluerentur; addita conditione, si concessio illa regis dignitati, aut patriis legibus fraudi non esset. Tum coram Synodo sistuntur plurimi, quibus hæreticæ pravitatis crimen intentatum est: Joannes Jourdelay, Joannes Galle, Robertus Heggley, Rodolphus Mungyn, Thomas Garenter, sacris ordinibus initiati, quod

1429.

2. H. 6. c. 1.

quod de solenni altaris sacro, de imaginum adorationibus, de peregrinationibus religionis ergo, de cultu sanctorum, perperam sentirent; quod assererent Papam esse Antichristum, non Dei vicarium; divina oracula in sacris literis solis, non in Legendis, aut vitis patrum continere; & quod multos Joannis Wicleui libros aliosque de rebus sacris vulgari idiomate scriptos penes se clām haberent: quæ omnia eorum aliqui in Synodo egerant, reliqui ad carceres dammati sunt. Post eos Joanna Dertford famina de iisdem dogmatibus coram Synodo interrogata, responsione incerta crimen diluit, asserens se symbolum & decalogum tantum didicisse, nec ausam esse arcana Ecclesiæ mysteria attingere, ideoque Vicario Episcopi Wyntonienſis erudienda traditur. Judicibus etiam ordinariis omnibus imperatum, ut acerrimè inquirerent in eos, qui ab Ecclesia Romana dissentiebant, quorum numerus indies augebatur, eosque compositis ad invidiam nominibus Wiclevitas & Lollardos appellabant, delegatis Willielmo Lyndewode officiale, Thoma Brono Cancellario Cantuariensē, aliisque juris utriusque consultis, qui illius inquisitionis formam præferberent. Verum Martinus Pontifex iniquè ferre clavium suarum potestatem quotidie apud nos imminui, decimā à Synodo adversus Boëmos non erogati, & accedentibus injuriis recentibus, quibus se læsum querebatur. Cum enim ante aliquot annos ad Archiepiscopi Eboracensis defuncti sedem rescripto suo per provisionem transtulisset Richardum Flemmyng Episcopum Lincolnienſem, Decanus & Capitulum Eboracense ei Ecclesiam suam ingressuro restiterunt; ideoque Richardum ad Ecclesiam Lincolnienſem contrario rescripto iterum transferre coactus est. Et anno proximo Joannes Opizanus Pontificis nuncius munere suo in corradendis fisci Romani pecuniis contra leges regias usus, in carcerem conjectus est; quæ de re Pontifex cum Bedfordienſe per literas vehementer expoſtulabat. Hæc omnia ad animum suum revocasset, nisi gravioribus curis mox occupatus fuisset, quas ei Concilium Basileense jam indicendum faceſſebat. Aduenerat enim tempus Concilio Basileensi præſtitutum, septimo jam anno à fine superioris Concilii excurrente; quæ ratio Henricum impulit ad novam Synodum Londini XI. Kal. Martii ineunte anno novo habendam, in qua delectis quibusdam legatis Basileam profecturis ex singulis reddituum libris duo denarii ab Ecclesiasticis concessi sunt; iisque præterea in mandatis datum est, ut Ecclesiæ Anglicanæ nomine petant modum statui dispensationibus, per quas quotidie indulgebatur aliis, ut duo beneficia, dignitatesque consequerentur, aliis, ut impunè à beneficiis abesse possent, aliis, ut puberes vix facti ad summa Ecclesiæ munera admitterentur, & ne fierent Ecclesiarum uniones, nisi cænobia infra parochiæ terminos constituta essent. Regi etiam integra decima concessa est, suadente Joanne Kempe Archiepiscopo Eboracense Angliæ Cancellario qui multis verbis ornatè demonstrat, obsidionem Aurelianensem, mortuo Montacuto Comite Sarisburiensē duce celeberrimo, solutam esse, Trecas, Bellovacos, Rhemos, aliisque civitates multas ad Carolum defecisse, multos è nostris commissos ad Patani prælio supercecidisse, & Gallos universos Caroli fidem mox secuturos, nisi pecuniæ ex Anglia suppeditentur: eam ob causam ipsum cum plerisque à Concilio regis secretiore ad Synodum missum esse. Illud præterea ad publicam utilitatem statutum à Synodo est, ut insitiores merces suas ad pondus justum vendere tenerentur,

1430.

a Fr. Guicciard.
lib. 9. 5. Paul.
Fou. lib. 2.

1431.

1432.

Seff. 2.

Seff. 4.

nerentur, prohibito pondere quodam fallaci, quod emptores decipere solebat, sanctisque execrationibus in omnes, qui eo deinceps uterentur. Concilium autem Basileense, quamvis Martinus Pontifex ægre indiceret, veritus ne vitæ & morum suorum censura ageretur, (ob quam causam^a Pontifices etiam insequentes à Synodis œcumenicis deinceps abhorruerunt) quia tamen decretis suis, & patrum suffragiis Constantiæ primo, & postea Papæ, Basileæ Synodi hoc tempore habendæ locus designatus erat, ne prævaricator publico Christianorum omnium iudicio haberetur Julianum Cæsarinum S. Angeli Cardinalem legatum constituit, ut Concilio suo nomine præset. Erat is eo tempore apud Bocos bello adversus Hussitas, post revocatum nuper ab eo munere Cardinalem Wyntonensem, à Pontifice præsetus. Priusquam vero Basileam proficisceretur, principio alterius anni, Martino Romæ mortuo, Gabriel Condemari, quem à Gregorio XII. inter Cardinales Lucæ relatum fuisse superius diximus, V. Non. Mart. susceptus, & mutato nomine Eugenius IIII. dictus est. A quo accepta denuo legati potestate, Basileam concedens Concilium ineunte Decembri inchoavit. In ea de Romano Pontifice accerrimè decretatum est: nam XV. Kal. Mart. decreverunt, Concilium statim à Christo habere potestatem, cui Pontifex Romanus subesse debeat; Concilium à Pontifice nec transferri, nec prorogari posse; Pontificis eligendi jus penes Concilium esse, si is tempore Concilii moriatur, supremum Ecclesiæ imperium Concilio dari, non Pontifici; ideoque ipsi jure suo usi, Alfonsium Divi Eustachii Cardinalem civitati Avenionensi præficiunt, & Eugenio interdiciunt, ne ante finem Concilii novos Cardinales cooptaret. Eugenius his decretis commotus, Concilium Basileæ Bononiæ edicto suo transfert, quam translationem patres Basileenses contrario edicto rescindunt, & Henricum Cantuariensem literis utrinque datis hinc Basileam, inde Bononiæ evocant. Henricus igitur Synodo Londini indicta XVII. Kal. Octob. Episcopos & Prælatos consulit, quid in hoc Concilii Pontificisque dissidio statuendum sit, & universis placuit legatos alios Basileam ad patres, alios ad Eugenium pro controversiis utrinque componendis mittendos esse, decreto uno denario ex singulis proventum Ecclesiasticorum libris præter duos denarios, qui in superiore Synodo concedebantur. Regi etiam mediam decimam tandem concesserunt, quam ab eis Joannes Stafford Episcopus Bathoniensis Angliæ Cancellarius oratione diserta regis nomine postulavit, cum quo etiam Gulielmus Lyndwode privati sigilli Custos nuper creatus ad Synodum venit. Is inter primarios ejus sæculi viros ob eruditionem & prudentiam singulare habebatur, & Henricus Archiep. valde charus, qui cum è Cancellario Sarisburiense Cancellarium primo Cantuariensem, dein Curie Cantuariensis officialem constituit, & Sacerdotiis aliquot opimis donavit: ab eodem etiam regibus commendatus, ab Henrico V. legatus primo ad Hispanum, deinceps ad Lusitanum missus, jam sub Henrico VI. privati sigilli Custos, & mox Episcopus Menevensis factus est: editique præter alia^b opera, quæ jam desiderantur, in Constitutiones Angliæ eruditus commentariis, magnam apud posteros nominis sui famam comparavit. Quod opus Henrico nostro inscripsit, quem etiam ob insignem juris utriusque scientiam, juris lucernam appellavit. Tum inferioris Synodi prælati coram Episcopis conquesti sunt, Vicarios generales Episcoporum, Commissarios,

b Fo. Bale. de
scriptor. Angl.
Cent. 7.
c in epist. Dedic.

missarios, & officiales esse plerumque juris utriusque imperitos, & nullum in Academicis gradum consecutos, ideoque sanctum, ne quis è tribunalibus Ecclesiasticis jus diceret, nisi qui gradu aliquo Academico in ea scientia insignitus esset. Ita ab ea Synodo omnes discesserunt. In hac autem Synodo commemoravimus Joannem Stafford Episcopum Bathoniensem Angliæ Cancellarium Joanni Kempe Eboracensi Archiepiscopo susceptum, qui in Cardinalium Collegium nuper electus Cardinalis titulo Divæ Balbinæ dictus, Cancellarii insignia deposuerat. Inter eum Cardinalem jam creatum & Henricum Cantuariensem accerrima de dignitate controversia mox exorta est. Nam in conventu ordinum Westmonasterii brevi postea indicto, Eboracensis pro Cardinalis gradu primam sedem præ Cantuariensē vendicabat, quam iste contra pro antiqua sedis suæ prærogativa sibi merito asseribat. Hujus causæ cognitione ad Pontificem per mutuas contentiones devoluta, Henricus per literas causam suam defendit, & Antonium de Capharellis Procuratorem suum in foro Romano constituit, qui Henrici nomine proposuit, eum in territorio suo versari, in quo ipsum omnibus præesse xquum sit, è diverso in Eboracensem nullum gradus Cardinalitii infra Provinciam Cantuariensem habendam esse rationem; qui à latere Pontificis jam semotus privetur eorum radiorum splendore, quibus à Pontificis præsentia illustratur; cum etiam Episcopus "dum sit in alterius Episcopi diocesi, pro privato, non pro Episcopo habeatur. Eugenius autem sedem suam & ascriptos fratres tuendi studio in Eboracensis partes propensor, Henrico rescribit, Cardinales primum à Pontifice gradum in Ecclesia obtinere; eos nimirum esse augustos illos Sacerdotes, quos Moses XVII. capite Deuteronomii denotaverit, fuisse postea à D. Petro institutos, pro membris corporis ipsius Pontificis habendos esse, iisque tanquam Cardinibus, Ecclesiam universam inniti. Proinde cum ex singularium Ecclesiarum moribus & institutis invaluerit, ut in eadem Provincia presbyter diaconum, illum Episcopus, hunc Archiepiscopus antecedit, multo magis Ecclesiæ œcumenicæ leges ubique observandas esse, ut Cardinalibus omnes posthabeantur, quia ut illi suis Provinciis singuli præfunt, ita hi Ecclesiæ œcumenicæ à Pontifice præficiuntur. Demum Henricum hortatur, & rogat, ut Ecclesiæ Romanæ consuetudini acquiescens, Cardinalibus falces submittat, eique porrò & sedi Cantuariensi omnia patris amantissimi officia prolixè pollicetur. Hoc rescriptum integrum Cardinalis Jacobatus libro suo postea inseruit, quem de Concilio edidit, cum de Cardinalium & Patriarcharum gradibus differeret. Quod posteris fidem facit, Henricum strenuè propugnasse Anglicanæ dignitatem contra Pontificem Romanum, cujus etiam offensionem ipsum incurrisse pro asserenda regia majestate superius diximus. Verum Eugenii & Concilii Basileensis controversiæ alterius Synodi anno sequente occasionem præbuerunt. Postquam enim Eugenius Concilium Basileæ Bononiam transtulisset, & à patribus Basileensibus de reuocando decreto suo frustra interpellatus esset, illi eum Concilio acquiescere, & Basileam ante diem sexagesimum proficisci edicto suo jubent, quod si non præitet, auctores se in eum, ut in contumacem, & Pontificatum ei abrogaturos denunciant. Idcirco Henricus in Synodo Londinensi VII. Id. Novemb. inchoata, Procuratores Cleri & universos inferioris Synodi prælatos deliberare & statuere iussit, an Pontifici pro arbitrio

d. Abb. ad c. 1. s. 1. n. 4. de for. comp.

e. Lib. 1. de Concil. art. 12.

1433.

arbitrio suo Synodum œcumenicam dissolvere fas esset, & si Basileenses patres, deturbato Eugenio, alium substituerent, huic, an illi obtemperandum esset? Ad quæ postulata Thomas Bekyngton officialis Curie Cantuariensis post aliquot dies eorum nomine respondit, Concilium solo Pontificis jussu dissolui posse, & ab Eugenio fide non esse discendum, quamvis Basileæ alter Pontifex crearetur. Quam etiam sententiam Episcopi omnes in superiore Synodo secuti sunt. Apud nos enim à patribus Basileensibus alienari jam pridem ceperant plurimorum voluntates ex illius Synodi decreto, quod antiquatâ consuetudine decernendi per suffragia nationum, ad arbitria quorundam delegatorum omnia revocabat; & propterea legati nostri, qui Basileæ jam erant, Thomas Episcopus Wigornienſis, Willielmus Prior Ecclesiæ Norwicensis, Thomas Bronus Decanus Sarisburiensis, Petrus Patrich Ecclesiæ Lincolnienſis Cancellarius, Robertus Borton Lincolnienſis Præcentor, Joannes Sarisburiæ sacrarum literarum Professor, Joannes Symondsborough in decretis licentia-tus, ab eo provocarunt; idemque domi hoc ipso tempore præstitit Gulielmus Lyndewode regis procurator, appellationis formulâ conceptis verbis recitatâ, in qua dedecreti vitio protestatus est, quod iste decernendi modus tum regi, tum Ecclesiasticorum, ordinumque regni privilegiis in posterum fraudi esse posset. Inde de decernendo ampliore Legatorum numero cum Synodo egit Henricus, quod è legatis superioribus aliquot Basileæ fatis cesserant. Ergo delecti sunt octo Doctores Theologiæ, & Juris utriusque Basileam transmittendi, addita conditione, ut à patribus sine novi alicujus jurisjurandi formula admittantur. In Gallia jam res nostræ indies inclinabant, deficientibus civitatibus primariis ad Carolum, Rhemis pridem splendido apparatu inauguratum, ideoque Bedfordienſi, qui nuper in Angliam venerat, & Glouceſtrenſi fratribus è rep. visum est novum exercitum conscribere, & pro pecuniis exorandis Joannes Staffordus Bathonienſis Cancellarius Angliæ, Comes Warwicensis & Sarisburiensis, Cromwellus Theſaurarius, Scropus, & Tip-toſtus Barones ad hanc Synodum missi sunt. Ibi Cancellarius oratione eleganti demonstrat afflictam rerum Gallicarum conditionem, & ærarii publici angustias, tum universos obtestatur, ut regi & reip. subveniant. Illi primò palam recusant, obtendentes exhaustas esse Ecclesiasticorum opes assidue in usus bellicos pecuniarum erogationibus, rapinis provisorum familiæ regie, & iniquis ad tribunalia regia evocationibus: Sed accedentes subinde alii proceres, Comes Huntingdonenſis, Hungerfordus, Audeleius, & Cornwallius Barones, & repetitis rationibus superioribus, enumeratisque porro immensis regum nostrorum in Ecclesiam beneficiis, tandem decimæ dolrantem impetrarunt. Graviter enim tum temporis Ecclesiastici de Judicum Regionum, & juris municipalis professorum injuriis querebantur, quod Sacerdotes ad eorum tribunalia contra jus & fas raperentur, quod Judicium Ecclesiasticorum potestas iniquis eorum prohibitionibus cohiberetur, & præsertim quod gravissimam legis Richardi II. contra provisos editæ sanctionem interpretatione veteratoria detorquerent in eos, qui de iis causis in foro Ecclesiastico cognoscerent, quas ipsi sui juris esse contenderent. Quæ causa Henricum compulſit ad aliam Synodum post annum indicendam Londini Non. Octob. in qua oratione vehementer testatur, quam sollicitus sit, ne quid detrimenti Ecclesia Anglicana subministras.

administratioue sua capiat, & ut ad dignitatem antiquam revocata ab injusta illius juris interpretum tyrannide vindicetur, omnesque in commune consuleretur, quare ratione de propulsandis hisce calamitatibus ab ordine suo propici possit. Verum coorta in civitate pestilentia à Synodo mox dimissi sunt: Tantum Fridelwidæ Academiæ Oxoniensis Divæ Tutelari dies solennis decernitur; & Christianorum consortio iis interdicitur, qui de Ecclesiæ privilegiis & jurisdictione derogarent. Ab hoc tempore provinciæ suæ administrationi diligentèr incubuit, nullà per tres annos Synodo indicta donec ætarii regii inopia ad sustinendos belli Gallici sumptus Ecclesiasticorum subsidio indigeret. Burgundionis enim ad Gallum defectio, & Bedfordiensis mors vehementer res nostras afflixerunt, quæ in annum sequentem incidissent. Siquidem interventu Eugenii, & Concilii Basileensis, in urbe Atrebatum convenerunt tum temporis oratores ad pacem ineundam à rege nostro, à Carolo, & à Burgundione missi, ubi nostris & Gallis ob immodicas conditiones utrinque postulatis dissidentibus, Burgundi tandem cum iis conciliati sunt; & mox Bedfordiensis Galliæ Prorex morbo extinctus est: cujus mortem ingens rerum mutatio brevi est secuta. Nam Parisiensis conspiratione clam facta, nostros anno sequente civitate ejiciunt, eorumque exemplo commotæ civitates plurimæ, & Gallorum populus ferè universus Carolo quasi facto quodam ultro se dediderunt. Igitur ad conservandas Galliæ reliquias Glocestrensis cum exercitu maximo & instructissima navium classe Caletum trajicit, quod eo tempore à Burgundo oppugnabatur, & ad novum militum dæctum habendum rex literis suis Cantuariensem interpellat, ut cum suis de pecuniis decernendis agat. Ille autem à Provinciæ suæ Episcopis & prælati ad Synodum Londinensem vocatis prid. Kal. Maji integram decimam facillè obtinuit, quod summo Galliæ recuperandæ desiderio omnes afficerentur. Infederat jam diu Henrici animo propositum constituendi insigne aliquod Ecclesiæ, religioni, bonis literis, nominique suo monumentum in Academia Oxoniense, quam pius alumnus ornatissimam esse cupiebat. Etenim exhaustis tam publicis, quam privatis ferè omnium facultatibus ex belli Gallici diuturnitate, tanta erat tum temporis Academiæ illius vastitas & solitudo, ut aulæ & hospitii pleraque olim studiosis refertissima inquilinis carerent, & ex multis Academicorum millibus, quæ eo olim convolverant, ne unus superesset, quod ipsi literis ad Henricum & patres in Synodo convocatos missis graviter, jam deplorabant. Ut igitur literas inopia publica afflictas munificentia sua sublevaret, in Suburbii Oxonii septentrionalibus aedem quadrata forma collegio constituendo satis amplas & magnificas nuper construi jusserat, operæque penè perfectæ, sive in structura desideraretur elegantia, sive loci situs non placeret, mutato animi proposito eas donavit monachis Divi Bernardi religionem professis, ut in iis novitiis ab omnibus illius ordinis cœnobii Oxonium missi, artibus & sacris literis operam darent, easdemque postea communi cœnobiorum calamitate sisco addictas Tho. White Mercator London. & eques auratus, vir in literas propensissimus, ab Hen. VIII. redemit, ibiq; clarissimum Divi Joan. Baptistæ Collegium instituit, è quo deinceps prodierunt plurimi in scientiis plerisque, & præsertim in studiis sacris viri insignes, qui propagando in Ecclesia Anglicana Evangelio felicissimè insudarunt. Exemplo sanè optimo vir prudentissimus

1436.

1437.

f. Epist. Acad.
Oxon. 125. et
Archin.

demonstrabat sacras & augustas ædes monachis ademptas, literatis, egenis, aut publicis Ecclesiæ reipublicæ commodis applicandas fuisse, quas privatorum avaritia, luxuriæ ubiq; per nefas invadebat. Henricus vero alium locum Collegio exstruendo in media Civitate juxta Basilicam Divæ Mariæ deligit, studiosis perquam commodissimum. Ibi domus à possessoribus cœmptæ solo æquantur, area quadrata designatur, primus fausti ædificii fundamento IIII. Id. Februar. hoc anno lapis subjicitur, operique curando præficitur Joannes Druell vir facris ordinibus initiatus, qui summa in eo munere fidem & diligentiam deinceps adhibuit. Eugenius interea patrum Basileensium edicto monitus (ut jam diximus) & accedente Sigismundi Imperatoris autoritate, qui cum magno principum Germanicorum comitatu Basilicam venit, Concilio Bononiense revocato, Basileense confirmat, missis eo legatis suis Cardinale S. Crucis, & Episcopo Patavino, qui causam suam tuerentur. Ibi summa cum lætitia accipiuntur Joannis Paleologi Grecorum Imperatoris & Josephi Pataiarchæ Constantinopolitani oratores, qui nunciant Imperatorem, Patriarcham, & Græcos patres ad Concilium venturos pro componendis Ecclesiæ Orientalis & Occidentalis de fide Christiana controversis, modo de incolumitate sub Concilii fide publica iis caveatur, & itineris sumptus suppedientur. Utrumque patres universitatem polliciti sunt, & missis Constantinopolim legatis suis spondērunt. Verum mortuo hoc anno Sigismundo Imperatore viro magnanimo & prudente, Eugenius metu solutus, Concilium Basileæ Ferrariam revocat, datiq; in Angliam illico literis Henricum regem rogat, ut oratores suos Ferrariam mittat, & Cantuariensi mandat, ut Episcopos suæ provincie universas ad Synodum ineunte anno novo convocatos Ferrariam proficisci jubeat. Idem reliquis etiam Principibus Christianis, Episcopis universis per literas eodem tempore Eugenius denunciât: At Basileenses patres interdicto contrario Christianos omnes Ferrariam accedere vetant. Ingrata erat gentibus ferè universis ista Eugenii prævaricatio: Itali enim plerique Germani, Hispanique Basileensibus obtemperabant, & Carolus VII. Galliarum rex non modo prælatis suis professionem⁶ Ferrariensem interdixit, verum etiam Eugenio infestus, vocato Avarici Biturigum ordinum regni sui conventu, contra annatas, provisiones, & rapinas Pontificias Pragmaticam sanctionem edidit, quæ nihil aliud ferè, quàm Concilii Basileensis decreta complectebatur, è qua in regno suo jus dici voluit: eaque Pontificum Romanorum in Gallia imperium diu coercuit usque ad Ludovici XII. tempora, qui precibus Leonis X. Pontificis devictus, eam tandem antiquavit. Verum nostri Eugenio ferè omnes favebant. Nam rex primò insignes aliquot legatos Ferrariam profecturos designat, & Episcopi ad Synodum IIII. Kal. Maji à Cantuariense evocati sumptus iisdem pro dignitate præstantioribus in Concilium Basileense studiis denegarunt; tantum cœnobiorum procuratores e singulis proventuum libris quatuor denarios concesserunt. In eadem Synodo Londinensi Henricus de recente Eugenii injuria graviter conquestus est: quòd is pro potestate sua Ecclesiam Eliensem Ludovico Rhotomagensi Archiepiscopo commendasset, ejusdemque administrationem diplomate suo contulisset: ideoque universos deliberare jussit, quomodo, rei à Pontificibus nunquam adhuc tentatæ occurri posset.

Concil. 16. Concil.
Hist.
Sess. 17. 24.

Sess. 29.

1438.

Sess. 32.

g. Favov. 1722
de Concil. Basile.
n. 6. Carol. 150.
lins. de Monarch.
Franc. n. 149.

h. Petr. Rebuff.
tratt. de nomi-
nat. qu. 2. n. 2.

posset. Et certè exemplum posteris periculosum fuisset, nisi Philippus Morgan tum temporis Eliensis Episcopus Rhotomagensi superstes conatum Pontificis irritum reddisset. Deinde coram Synodo prid. Non. Octob. ejusdem anni prorogata Richardus Carpenter Academiæ Oxoniensis Cancellarius utriusque Academiæ nomine peroravit, ut decretum de collocandis beneficiis in eos solos, qui gradibus Academicis ornati essent, annis hujus seculi XVII. & XXI. in aliquot annos prorogatum, iis jam elapsis iterum confirmaretur. Idemque rege jam per literas suas à Synodo postulante, universi faciliè concesserunt, adiectis conditionibus, quæ in superioribus decretis interpositæ, erant. Ferrariæ jam inchoaverat Concilium Eugenius, eoque Joannem Palæologum Imperatorem & Episcopos Græcos precibus & sollicitationibus adduxerat, & exorta peste Florentiam cætum transfert, ineunte altero anno. Ubi post longas de processione sacro sancti spiritus, de igne Purgatorio, de primatu Romani Pontificis, aliisque controversiis inter utramque Ecclesiam disputationes, Græci qui intererant, in Romanorum sententiam descendebant. Quos ideo tamen reliqui Græci ita execrati sunt, ut eorum morientium corpora Christianorum more sepeliri passi non essent, ipsique ne ab unico pristinae fidei articulo discedere vellent. Basileæ interea patres Eugenii perniciæ irritati, iterum pro jurisdictione sua pronunciant, Pontificem Romanum Concilio subesse: Concilium à Pontifice non posse dissolvi, transferri, aut prorogari; Eugenium quod hæc omnia tentaverit hæreticæ pravitate reum esse; eumque præterea contumaciæ, simoniæ, perjurii, impietatis damnatum Pontificatu dejiciunt, & delectis triginta duobus viris insignioribus ex quatuor nationibus Italorum, Gallorum, Germanorum, & Hispanorum (nam nostri omnes Ferrariam discesserant) & demandata iisdem Pontificis novi eligendi potestate, Amadeus dux Subaudiæ, qui resisto principatu filio suo in cretum secesserat, Pontifex salutatur, & Felix V. nuncupari voluit. Erant tum Basileæ duo longè præclarissimi Jurisconsulti Abbas Panormitanus, & Ludovicus Romanus, legati ab Alfonso Magno Arragonum rege ex Italia missi; Illi orationibus frequentissimis coram Concilio de ipsius potestate supra Pontificem differere, & Eugenii facta damnare tanta subtilitate simul & facundia, ut nemo auderet eorum dicta refellere: idemque scriptis suis posterioribus sæculis consignatum reliquerunt. Nam Panormitanus * libello pro Basileensi Concilio contra Eugenium edito demonstrat augustinorem esse Concilium, quàm Pontificis potestatem, Pontifici in Concilium nullum jus esse, Concilio contra Pontificem subjici, ab eo in jus vocari, coerceri, & de moveri posse, easque pœnas in Eugenium contumacem fidei desertorem, Ecclesiæ hostem, simoniacum, perjurum, sicarium rectè constitutas esse: & de Concilium supremo in pontifices imperio alibi sæpe in * commentariis agit: Ludovicus autem Romanus in responsis suis disserit, à * sententia Pontificis ad Concilium rectè provocari, Pontifici concilium * dimittenti non esse obtemperandum, quin Pontificem ipsum * gradu suo à Concilio posse spoliari: vir (inquit * Aeneas Sylvius) non Roma tantum sed cælo dignus, nec admirationi, sed stupori futurus, si cætatis tempora duplicasset: illium autem fortuna Italiæ invidit, quæ virum vix trigelimum annum ætatis egressum per pestem Basileæ tum abstulit. Intererat enim Basileensi Concilio Aeneas Sylvius, eidemque operam suam adhibuit, laudatis iis cœmibus, quæ contra Eugenium gesta.

1439.

Seff. 33-

i. Aene. Sylv. lib. 2. de ad. Concil. Basili.

k Panorm. tract. de Concil. Basili. ia §. vol.

l Pet. ad c. significasti. n 4. de clea. ad c. licet de vitanda. m. 8. cod. tit. ad c. fraternitatis n. 1. de barec. m Rom. conf. § 21. n Rom. conf. § 21. o Rom. conf. § 23. p. Aene. Sylv. lib. 1. de a. 7. Concil. Basili.

gesta sunt, editisque duobus libris, in quibus illius Concilii historiam descripsit. Quos tamen Pontifex postea factus, & Pius II. dictus, mutato cum fortuna animo, abolitos cupiens revocavit. Sanè istam de Concilii in Pontifices Romanos potestate, sententiam¹ Jurisconsulti tuebantur, quamdiu dicendi, scribendique libertate usi sunt, donec posteriore seculo in Pontificum servitutem redacti iis adblandiri inciperent, &² damnato expressim Concilio Basileense, Pontifices tandem supra Concilium & Ecclesiam universam exer-

q *Glinc. si Papa*
ajst. 40. Archid.
Gemin. & Fran.
ad c. in fidei sa-
vorem. de h. eret.
in 6. Card. Zeb.
conf. 150. An-
char. conf. 181.
Felin. ad c. super
interia. n. 21. de
rescript. Jo. Roy-
us. de b. eret. n.
518. Fr. Marc.
decis. 944.
r Card. Jacobus.
lib. 3. de Concil.
n. 85. Hier. Al-
ban de pontif.
Pap. n. 240. Ca-
salita. de Bon-
compag. de po-
test. Pap. n. 31.
Alfon. Floed. de
benefic. incom-
pat. par. I. n. 86.
SCard. Bellier.
lib. 2. de Concil.
cap. 18.
16. R. 2. 19.
s. Epist. Acad.
Mon. 26.

runt, & imperium illud adeo sedi Romanæ affixum esse³ Theologi deinceps asseruerunt, acsi Pontifex nec illud exuere, nec seipsum Concilio quavis ratione subicere possit. Priusquam exiret hic annus, in quo Basileæ ista gerebantur, Henricus aliam Synodum Londini vocavit XI. Kal. Decemb. cui adversa valetudine impeditus eo die interesse non potuit: sed post aliquot dies accedens a lachrymis vix abstinuit, dum oratione copiosa gravissimas Ecclesiæ ærumnas recitaret, pænis illis Iudicibus Ecclesiasticis quotidie irrogatis, quæ in provisos lege illa (quæ vulgò de Præmunire appellatur) sanctæ sunt, & clericis promiscuè ad Judicium Civium tribunalia evocatis. Ideo ab omnibus constitutum est, supplicem libellum regi Ecclesiasticorum nomine ab Henrico esse porrigendum, in quo demonstrant pænas lege à Richardo II. promulgata sanctas in eos, qui in foro Pontificio Romæ, aut alibi subditum regis in jus vocant, subdola Jurisconsultorum municipalium interpretatione per calumniam intorqueri in eos, qui in foro Ecclesiastico apud nos agant de re aliqua, cujus cognitionem ipsi sibi vendicent: unde deterritis omnibus ab illo foro jurisdictio Ecclesiastica valde imminuta sit & privilegia Ecclesiæ à decessoribus suis concessa elusoria reddantur. Idcirco regem obtestantur, ut contraria lege lata in publicis regni comitiis decernat, pænas illas ad eos solos spectare, qui actiones, rescripta, aut instrumenta publica Romæ, aut alibi extra Angliam impetraverint, & ne ex ea in quempiam agatur, qui in foro Ecclesiastico hujus regni de jure experiatur; cum iudices Ecclesiastici jurisdictionis suæ terminos egressi prohibitionibus & aliis pœnis legitimis coerceri possint. Rex autem Henrico pro ordine suo intercedenti respondit, se in proximis regni comitiis de ea supplicatione cogniturum, interea curaturum, ne Iudices sui, nisi causa prius à seipso aut proceribus consilii secretioribus probatâ, quempiam ea lege arceant. Quæ benigna regis responsio ita universis placuit, ut mox integram decimam regi concederent, adjecta nominatim conditione, ne bona & beneficia Collegii omnium Animarum ea concessione tenerentur. Ab eo tempore Henricus nullam Provinciæ suæ Synodum habuit, quin cogitationes omnes, quantum per publicas curas liceret, perficiendo Collegio adhibuit, quod Musis sacrum esse cupiebat. Jam enim muris ædificiis splendidis juxta & magnificis artifices tectum accommodare cæperant, fundosque & prædia fundator comparaverat, quorum proventus perpetui alumnis suis suppeditarentur, eaque omnia suppliciter ad regem deferret, obtestatus, ut Collegium suo nomine institui pateretur, quod regii nominis splendorem & auctoritatem Collegio legitime constituendo magni momenti esse Jurisconsulti arbitrarentur. Erat rex propensissimo animo in Ecclesiam & literarum studia, & Cantuariensem compatrem suum summo amore simul & veneratione prosequabatur. Igitur ædes illas fundis prædiisque omnibus à compatre suo cõemptis donata diplo-

mate suo Collegium esse jussit, privilegiis amplissimis auxit, eique potestatem concessit Custodem & Socios designandi, leges porro & statuta condendi, quibus ipsi cum posteris suis parerent. Henricus itaque Anno sequente Oxonium venit, Sacellum Collegii solennibus ceremoniis lustratum consecrat, Richardum Andrew Legum Doctorem & Cancellarium Cantuariensem in Custodem præficit, viginti viros leatissimos ex universo Academicorum catu, Socios constituit, iisque viginti alios in societatem suam cooptandi potestatem fecit; è quibus viginti quatuor artium & sacrarum literarum, reliquos sedecim Juris Civilis atque Canonici voluit studiis incumbere. Porro universos alunos suos jussit Hen. V. Th. Clar. Ducis, procerum, militumque, qui in bello Gallico occubissent, & Christianorum demum omnium memoriam celebrare inter divina officia pro ratione temporum peragenda, religione uti videtur percussus, quod illius belli author & suasor fuisset, in quo homines innumeri animas effudissent, ideoque Collegium suum Animarum omnium fidelium defunctorum de Oxonia appellari statuit. Tum Sacellanos duos, Choristas aliquot, & servos adjecit, qui publicis Collegii muneribus interserent. Deinceps leges & statuta præscripsit, ad quæ universorum studia, mores, officia, & emolumenta exigerentur. Denique acceptis à Johanne Druell operis hucusque confecti rationibus, ædificio tum interius exposiendo, tum extrinsecus amplificando curatorem præficit Rogerum Keys, qui postea in locum successit Custodis. Nam claustra, & aliqua ædificii pars, quæ in maximam civitatis plateam prospicit, partim Henrico superstiti, partim post ejus obitum constructa fuisse perhibentur. De cætero post constitutum Collegium nihil ab Henrico publicè gestum sive in actis publicis describitur, sive ab historicis ejus sæculi proditum est; tantum commemorantur aliquot eximia illius in Academiam Oxoniensem & Ecclesiam Cantuariensem beneficia, quæ supremam laudibus suis periodum adjiciunt. Inchoatum jampridem Oxonii erat munificentia præsertim Humfredi Ducis Glocestrensis excelsum & splendidum illud ædificium, cujus pars superior bibliothecæ, inferior publicæ Scholæ Theologorum designata est. Ad hoc opus Henricus haud exiguum pecuniarum summam contulit, & cum Episcopis, proceribusque ad conventum ordinum Westmonasterium evocatis vehementer egit, ut singuli aliquid erogarent, quæ omnia in literis ab Academia ad eum datis officiose recognoscuntur. Donavit etiam Academiæ ducentas marcas, à tribus artium Magistris, duobus regentibus, uno non regente quotannis eligendis, sub juramenti religione custodiendas in cista publica è qua Academia ad usum publicum centum solidos, cuilibet Collegio quinque marcas, Magistro artium quadraginta solidos, licentiatò & Bacchalaureo in qualibet facultate duas marcas, Scholari unam mutuo accipere liceret; ea lege, ut singuli pignore idoneo interposito prius caverent, itemque pecunià infra mensem solutioni præstitum non redita distraherentur. Optimè porro de Academicis meruit constitutione illa in Synodo Londinensi, eo rogante, edita, quam superius recitavimus de beneficiis Ecclesiasticis in eos solos conferendis, qui graduum Academicorum insignibus ornati essent. Quod illi summi beneficii loco habuerunt, eique gratias immortales sapissime eo nomine egerunt, quod viri omnium scientiarum cognitionem adepti ante eam constitutionem editam in Academia consenserant. Ita, verò, aliq; plurima in Academia ab eo collata beneficia in Epistolis Academicis.

t *Epist. Acad. Oxon.* 26.

u *Epist. Acad. Oxon.* 1. 124. 125. 143. 144. in *Archib.*

xStat.ejst.Chib
in Archiu.

micis honorificè prædicantur: quorum ut perennis esset memoria, decreto² Academiæ publico sancitum est, ut nomen ipsius inter Meczenas ascriptum à Sacellano Academiæ scholas quotannis obeunte recitaretur, & ut solennitè fieret pro eo sacrum anniversarium eodem die quo ipse è vivis excessurus esset. Illud enim jure optimo ei debebatur, qui Academiæ duobus Collegiis, & tot donariis publicis illustrasset, præter privatam ipsius in multos Academicos indigentiores beneficentiam; quibus singulis annuum proventum aliquem suppeditabat, quod ex privatis rerum suarum rationibus etiamnum constat. Cantuariensem etiam Ecclesiam sedem suam plurimum ornavit: Aedi Christi restituit, construendis Bibliothecæ & campanili magnam pecuniarum vim erogavit, gemmas & ornamenta plurima ad sacrorum usum, librosque magni præcij ex omni scientiarum genere Bibliothecæ donavit: eaque omnia à Priore & Monachis Cantuariensibus in publico instrumento inter acta Cantuariensia descripto enumerantur. In quo ipsi vicissim pollicentur, corpus ejus post mortem suam impositum iri mausoleo, quod ad partem presbyterii septentrionalem ipse jam exstrui jusserat, eumque locum nemini unquam sepeliendo permissum iri, idque se & successores suos perpetuo Curaturos. Denique Ecclesiæ Croydonensi ædificandæ, pontique Rossensi multum impendit. Reliqua taceo, ne cuijlibet exigui doni enumeratio illustriora ejus facta imminuisse videatur. Ita relictis ubique pietatis & liberalitatis suæ monumentis, senio consecutus ad cælos migravit pridè Idus Aprilis, anno salutis MCCCCXLIII. Corpus sepulchro, uti jam diximus, à se constructo illatum est, in cujus parte superiore statua ipsius marmore candido affrabrè incisa conspicitur, & è latere ascribitur hoc Epitaphium. *Hic jacet HENRICUS CHICHELE, Legum Doctor, quondam Cancellarius Sarum, qui anno septimo Henrici IIII. Regis ad Gregorianam Papam XII. in ambasciata transmissus, in civitate Senensi per manus ejusdem Papa in Menevensensem Episcopum consecratus est: Hic etiam Henricus anno secundo Henrici quinti regis in hac sancta Ecclesia in Archiepiscopum postulatus, & à Joanne Papa XXIII. ad eandem translatus est qui obiit anno Domini millesimo quadringentesimo quadragesimo tertio mensis Aprilis die XII. Henrici mortem deplorata recip. conditio subsequuta est. Nam Margareta Regina, virilis ingenii sæmina, initis cum Gulielmo Polo Duce Suffolciense consiliis, Regem & rerum administrationem ad suum arbitrium revocat: inde principes in diversas factiones abeunt, populum univerfum exactionibus oppressum unà trahunt. Tum Galli, qui Regi nostro obtemperabant, discordiis nostris commoti ad Carolum deficiunt, amissa primò Normannia, postea Aquitanià universa, trecentesimo ferè anno, postquam Henricus II. eam acceperat. Domi seditionibus, foras bello externo laboramus; nam Cantiani Duce Joanne Caddo armis arreptis tumultuantur; & fines nostros hinc Galli ad oram Cantianam, inde Scoti Limites regni Septentrionales invadunt: & quod miseriarum ultimum habetur, familia Eboracensis, arrepta hinc occasione, bellum illud intestinum omnium gravissimum concitat, in quo Henricus Rex bis in acie captus, semel ex Anglia fugere coactus totiesq; per fortunæ ludibrium regno restitutus, demum ab Ed. III. vità simul & imperio spoliatus est. Proinde mortem HENRICUS. obiit opportunam, & à posteris elogium n eruit tum prudentiæ, cujus consiliis innixa Resp, eo sublato unà collapsa est, tum felicitati, quem Deus Opt. Max. tot calamitatibus jam imminentibus superesse noluit.*



VITA
GULIELMI WAYNFLETI,
EPISCOPI WINTONIENSIS.

CLARISSIMO VIRO
Nicholao Bondo,

Collegii Beatae MARIAE MAGDALENÆ
apud OXONIENSES Præsidi Dig-
nissimo, cæteroque lectissimorum ejusdem Sodalium
Scholariumque cætui,

JOHANNES BUDDENUS,
S. P. D.



ABSOLVI tandem (clarissime Præses vosque orna-
tissimi Magdalenenses) opus à vobis mihi olim de-
legatum. Gulielmi Waynfleti maxime & quic-
quid hæcenus è sacrosancta antiquitatis penetrabi-
bus, quasi cum tempore colluctatus, eruere me à ar-
te & industria potuissem, in lucis conspectum pro-
tuli, vestroque nomini, cui ipso vel argumento vel
titulo potissimum debeatur, consecravi. Quare gra-
tes tibi ago summe Deus, qui fatalem hunc Fundatoris stipitem è tot se-
culorum quasi incendio nunc ereptum (quod olim in gratiam Meleagri
Altheam fecisse legimus,

—flagrantem mater ab igne
Eripuit ramum, sparlitque liquentibus undis.)

H

Meir

Meis manibus conservare voluisti. Quanti sanè hominis memoria con-
sumpta jam panè fuerit, vel ignium morà probari potest, quippè per cen-
tum quatuordecim plus minus annos vix potuit incendium extinguì. Vo-
bis etiam (magnifice Præses, humanissimique Magdalenses) gratias
tame si quas agam referamque non habeam, habeo tamen quas non ago,
(etiam quoad vivam) semper maximas, quod mei solius operam ad
has scintillarum reliquias consiciendas cœu aquæ situlam addidivisti.
Quorum voluntati quum morem me gesturum non ignorabam, (id quod
pro eo ac debeo plurimi semper facio) tum sepultam propè ejus viri memo-
riam excitare, cui me uni scilicet mortalium mancipio ac nexu obstructum
libentissimè agnosco, id verò perinde mihi gratum fuit ac quod era-
tissimum. Sæculi enim pudorem & infamiam fuisse necesse est, si per
secordiam nostram illorum nomina interire diutius pateremur, qui ut no-
bis prospicerent opem & diligentiam suam (parum est) impertiverunt,
immo omnia sibi posputarunt præ nostris commodis. Sed nescio quorèrum
humanarum vitio illud Aristotelis, αἱ πλεῖστοι ἀνθρώποι, οὐκ ἔστιν ἡμετέραν
ἡ δὲ τὴν πόλιν καὶ τὸν δῆμον οὐκ ἀγαπῶμεν. Sive quia illorum amor ex bonitate profici-
citur, horum ex necessitate: sive quia ejusmodi est mèritorum causa, ut
quemadmodum sua artificibus solent esse perchara opera, ita benigni in
quos beneficium contulerunt eos amant maxime. Cui ego malo dum me-
dicinam quærerem, quicquid hæcænus nostris Annalibus intactum apud
reconditis authores invenerim, summâ fide expromendum curavi: si-
mul ne tanti præfuls historiam, quam silentium diu occultuit, plane op-
pressam cerneremus: simul ne parum officio nostro defuncti videremur,
qui præstitisse quod potuerimus (plurimum certe si potuissemus præstituri)
consequimur. Vos interea caudæ labore hunc nostrum interpretari
velle, tacitâ quadam animi mei inductione cogor ut existimem: quia
quemadmodum Lucilius Consentinis & Tarentinis se scribere profiteba-
tur: sic ego affirmare possim solis me Magdalensibus ista condidisse. Quod
si nonnulla quia templis consecrantur, idcirco precium invenerunt: spera-
bo equidem fore ut quæ clarissimi Collegii vestri patrociniolubens dedica-
verim, facile apud bonos omnes aliquam si non laudis, saltem fidei indu-
striæque gratiam consequantur.

Vestri studiosissimus observantissimûsque

JOHANNES BUDDENUS.



Gulielmi Patteni,

(Cui W A Y N F L E T I Agnomen fuit)

Wintoniensis Ecclesiæ Præsulis quondam
Pientissimi, summi Angliæ Cancellarii,
Collegitque Divæ Mariæ Magdalænæ apud Oxonienses
Fundatoris celeberrimi, vita obitusque.



Gulielmi Patteni (cui Waynfleti agnomen fuit) vitam obitumque dum literis illustrare, veteremque tanti viri memoriam ab injuriâ oblivionis conor asserere, putavi illud imprimis humanissimo lectori prædicendum, nè aut quod alumnus ejus nunc sum, aut quod aliquem fortassis ingenii cultum ibi ceperim, ubi frequens quotidie numerus ad uberrimam doctrinæ messim solidamque Christianæ pietatis gloriam enutritur, aliquid supra verisidem finxisse me arbitretur. Nihil hic studio dictum, nihil gratiâ, nihil scriptum quod factum non est, nihil denique beneficiis, quæ maxima professio erga me extiterunt, quibusque fructum repetere longè amplissimum potuisset, blandientium more, repensum est. Tantum quippè vel à specie adulationis abesse cupio, quantum abesse necessitatem video quæ me impelleret. Nam si quis ab obitu ejus omnem ætatem animo complectatur indè usque ad hodiernum diem repetens, centum & quatuordecim annorum spatium effluxisse intelliget. Quæ res facit, ut quamvis historiam ipsis adhuc sensibus, omniumque memoriæ infixam scribere non profiteamur: tamen & in re non plane incognitâ, & à nostro sæculo non valde remotâ, & (quod caput est) testibus non indigente, non tam proclive est fallere quam refelli. Ubi vero vanitatis aut erroris semel perculatus fueris, auctoritatem illico omnem fidemque prudentum à tuis scriptis avertis, ipsorum dignitatem quibus maxime consultum voluisti oppugnâs; denique id agis ne non tam opus ad perpetuam possessio-

nem, quàm ad intuitum præsentem comparasse videre. Atque ego, si voti mei compos forem, optarem hercle, ut qui fœdis adulationibus historicæ venustati vitium faciunt, & fontem illum publicum læthali veneno inficiunt, ex quò clarissimorum virorum facta moreque posteritas omnis haurire debuisset, quibus ad vitam formandam deinceps instruat, Alexandrum aliquem sibi infestum habeant: Siquidem ille Aristobulo, historiam de suis rebus gestis inter navigandum recitanti, in quâ sane componendâ longe maiorem operam quàm in veri perveſtigatione posuisse visus est, ereptum è manibus librum in Hydaspem fluvium projecit, & te (inquiens) eodem sane modo acceptum esse oportebat (Aristobule) qui solus pro me sic depugnas, quique vel ipso jaculo Elephantos trucidas. Historiam quippe quæ ornet, quæque illi perennem laudem paritura est, eam ego maxime veritatem puto, quæ (si Luciano credamus) falsum quid admittum non magis ferre potest, quam arteria aspera aliud quam merum spiritum. Quod si plerique suam ipsorum vitam describere, fiduciam potius quam arrogantiam aliquam existimaverunt, neque illud iis citra fidem nedum obtrectationi fuit, credo ego mihi nunc vitam demortui hominis narraturo veniâ opus non esse, utpote qui neque propter res ab illo præclare gestas laudari debeam, neque officio pietatis excusari velim.

*Ex geneal. fun-
das. & lib. sta-
tus.*

*Hall. in vita
Henrici sexti.*

Gulielmus Pattenus (cui Waynfleti agnomen fuit) vêtère Lincolnien-
sium oppido Waynfleto, familiâ non perinde celebri atque honestâ na-
tus, patrem Richardum Pattenum, matrem vero Margeriam Gulielmi Bre-
toni equitis clarissimi filiam habuit. Qui tamen amplius in agro Cestrensi,
unde ortus est, fundos occupabat, non passus est per interitum domi in patriâ
virtutem corumpi, sed in Galliam abiit militatum, unde rem simul cum glo-
riâ reportavit, auctusque jam equestri dignitate Cadomi præfecturam obti-
nuit, & sub auspiciis Domini de Scaldis non procul à monte Michaelis (ut lo-
quuntur) maximas Gallorum copias fudit & profligavit. Quæ quum per se
clara existunt, & posterorum memoriâ non indigna, recensere tamen in hoc
loco consulto distulisse, nisi fictis vulgi rumoribus implicati nonnulli, humi-
lem atque obscuram fuisse hujus familiæ conditionem, non tam certis quàm
loquacibus argumentis soleant defendere. Putantque se tum præclare fabu-
lam egisse, si ut quisque ad excellentem aliquam dignitatem eveſtus est, ita
eum ab ignobili tugurio prius & à remo (si diis placet) ad tribunal deducunt,
quasi aut cum natalium dignitate splendor virtutis esse non posset, aut nihil
magis admirationem pareret, quàm quod propter exempli novitatem minis
indies expectatur. Sparsa est in vulgus (incertum quo auctore) fabula, Gu-
lielmum hunc fuisse tonsoris filium, qui pectine & novacula vidum querita-
bat, & ut suaviter delirent, ajunt etiamnum in monumento ipsius apparere
hujus artis aliquot vestigia, quæ temporis injuriâ etiam si multum deterantur,
liquo confirmare possunt ex qua officinâ primum prodierit. Ego sanè quem-
admodum ab istâ opinione alienior sum, quàm ut dolus per speciem veritatis
callidè excogitatus facillè mihi imponat, ita si præter erosi marmoris conjectu-
ram aliquid afferre possunt, unde ille aut tonsoris filius, aut vulgi pars ultima
nostri fuisse deprehendatur, non recuso quin adversus me lege corneliâ de Fal-
sis (quæ conditionem mentientibus prænam irrogat) judicium experiantur.

*Præter est. Se-
rv.
Instit. de pub.
judic.*

Quod

Quod si integerrimis fidei custodibus, si verustorum exemplarium auctoritati, contra infectiam importunam & temeritatem, locus non relinquatur; si levis aliqua per exoletos characteres divinatio plus valebit, quàm constans & incorrupta tabularum vox: profecto nullum deinceps antiquorum testimoniis pondus accedet, nihil erit quare à veritate potius quàm à rumoribus stare velimus. Scio non esse acriter pro umbrâ nobilitatis litigandum, neque homines humiliores in alienum ejusdem nominis genus infundendos; & Senecam bene monentem audio, Non facit nobilem atrium plenum imaginibus, Nemo in nostram gloriam vixit: nec quod ante nos fuit, nostrum est. Sed quæ tamen invidia est, & hanc si habeas velle negligere? et ut alienis titulis libenter abstineas, propriis non gaudere? Tam est in vitio qui infra sortem suam ipse se demittit, quàm qui alienam ambit. Utrumque enim vel abjecti animi vel nimis exaggerati est argumentum. Atque ego interim dum ista pro certis & compertis sic definio, sentio equidem mihi molestam sciorum turbam ex parte aliâ minimè defuturam, qui non sine indignatione multâ erroris aut saltè incurræ me infamulæ non verebuntur, ac si veritatis læsæ reus forem qui alienum huic familiz nomen temerè adscripsisse, aut famam tant communibus pœnæ omnium calculis comprobata serò mutandam affirmavisset. Quid enim? nonnè passim ab ipso collegio condito, omnium literis & linguis Waynfleti nomen semper increbuit? In concionibus, in orationibus, in colloquiis, in statutis, in fenestris, nomen Waynfleti non audivimus, non vidimus, non celebravimus? Nonne ille hoc nomine sempiternam sibi apud posteros laudem & gloriam propagavit? Quid igitur sibi vult tam repentina novi nominis currendi ratio? Equum est quicquid omnes colunt unum putari. Censores scilicet isti rigidi & acuti satis pro imperio sic me alloquentur. Quorum ego tam intolerabilem in male judicando arrogantiam dicam an infectiam, ut comperrime maximè velim aut debeam, ita hercle nunquam possum: dabo tamen quantum in me est operæ nequid Pattenicum nomen capiat detrimenti, utque suis potius quàm acquisitis aliundè titulis gloriatur. Atque ut non minus liberaliter quàm candidè secum actum putent, qui in diversam sententiam præcipites feruntur, adjiciam aliquid in ipsorum gratiam, quo magis apud vulgus hominum opinionem suam venditent. Vidi ego inter monumenta quædam Etonæ diligenter asservata, Locationum (quas vocant) formulas Waynfleti nomine insignitas, quarum inspicendi copiam mihi fecit ornatissimus Etonensis Collegii præfectus Henricus Savillus. Legi apud Lelandum *Venustulum Simoniorum Episcopum*, non semel in commentariis usurpatum. Henricus Sextus Rex (ut cum Lelando dicam) longè pientior quàm imperio fortunatior, ubi sic eum Priori cæteroque monachorum cœtui per literas commendasset, ut majori studio aut animi sollicitudine non posset amplius, *Waynfletum* bis appellat. Hoc nomen in fronte præferunt ejusdem Prioris & conventus ad Regem & Pontificem rescripta: Reges Collegii Etonensis sic illum nuncupat: sic enim habent verba: *Discretissimus vir & providissimus Willielmus Waynflete*. Denique hoc nomine Gulielmo Wyceftero, qui ipsum libellulo quodam de Sacramentis dedicationis donavit eodemque sæculo vixit, Polydoro Vergilio historiæ Anglicanæ libro vigesimo tertio, Matheo Parkero (seu quisquis ille fuit, qui vitam Archiepiscoporum Cantuariensium nobis descripsit) Johanni

Sen. epist. 44.

Symmachi. 54.
epist. lib. 10.In monum. nt.
Eton.Comment. in
Cogn. Can.
Leland. in com-
ment. Cyn. Can.In Archivis Ec-
cl. Eton.
Regist. Eccles.
Eton.
Coll.Bibl. Magd.
Col.Polyd. Virg lib.
23.In vita Jo. Staf-
ford.

Foxo.

In alio & mo-
nument Eccle-
siæ. hist. scil.
15.

E. facilibus.

Foxo ejusdem Collegii alumno, Nicholao Harpsfeldio, sibi denique ipsi, de
cujus fide sacrilegii instar est dubitare, hoc (inquam) Waynfleti nomine
notus semper & descriptus fuit. Accedit huc etiam aliud non leve incommod-
um; nam quo minus ipsum Pattenicâ gente oriundum putemus, vel maxime
faciunt diversarum familiarum notæ, clypeorum insignia, in quibus præter
quadratas illas albi atrique areolas (quæ propria sunt Pattenorum symbola)
Waynfletus supremam scuti regionem trium liliorum floribus distinxit, id quod
fecisse proculdubio vir prudens nunquam cogitasset, si violatas ob eam rem ma-
jorum imagines vel levissimè credidisset. Nam quid (quæso) opus fuisset an-
tiquæ nobilitatis schemata propter novam aliquam fortunæ accessionem muta-
re, aut ab iis in tantillâ præsertim re differre voluisse, qui splendoris digni-
tatisque tuæ authores extiterunt? Ego contrâ ut pro me proque Fundatore
meo quam brevissimè respondeam, poeticum illud usurpare soleo.

— Pudet hac cognomina nobis

Et fingi potuisse, & non potuisse refelli.

Tollendus est enim è medio iste difficultatis obex, qui omnem hætenus ad ve-
ritatem præcludit aditum. Utque quod in ultimo loco propositum est primum
amoliatur, illud ego frequenter usu venisse inter legendum comperi, quod
ut quisque novâ aliquâ dignitate, aut rebus serundioribus auctus esset, ille si
sacræ militiæ nomen suum dedisset, tum adicere aliquam clypeo suo quasi tes-
seram solebat, quâ facilius à cæteris ejusdem stirpis agnatis, dignosci potuif-
set. Non opus est longè repetitis exemplis. Nam Joannes Staffordius nobili-
ssimi Comitissæ filius (ut summum Antistitem faciliè agnoscas) insigniis suis tia-
ram apposuit. quamvis illis majoribus prognatus foret, qui bina tigna, mutuo
sibi invicem contractu inclinata gestitabant. Et Gulielmus Courtneius ut Ar-
chiepiscopi honorem repræsentaret, scutum gentilicium tribus infulis episco-
palibus illustravit. Super quâ re ubi ego aliquandò Gulielmum Camdenum vi-
rum (ut cætera taceam) totius antiquitatis interpretum consultissimum inter-
rogassem, ultrò sententiæ meæ patronus esse non recusabat. Quod quum
præter morem illorum temporum & exempla majorum factum non videtur,
tum ex optimis etiam rationibus profectum esse minimè dubitandum. Mea liqui-
dem opinio semper fuit, atque adeò nunc est, hoc modo profiteri eum voluisse
mirum Principis favorem, cui scilicet uni regum omnium plurimum debebat.
Senserat quippe ille Henricum sextum sibi perbenignum patronum, Collegium-
que ab eo Etonæ positum matrem indulgentissimam. Quocirca ubi ad ampli-
orem fortunæ locum eVectus esset, saltem si non paribus officiis, gratum ta-
men & memorem se comprobavit. Hanc itaque ob causam liliis scutum suum
depinxit, quæ sunt Etonensis gymnasii perpetua Emblemata; illis nimirum
artibus usus, ut Pattenica gente pariter atque Etonensis, natum se confirmaret.
A parentibus accepit hujus vitæ usuram, à Collegio decus & dignitatem: ut-
rique pro eo ac debuit respondendum fuit, gessit id cirçò in eodem clypeo ut-
riusque insignia Rhombos cum Liliis. Sed modestiam simul & prudentiam vide;
gymnasii insignia censuit anteponenda suis. Quæ si vera sunt, tum argumen-
tationis institutæ hæc est futura clausula. Omnia ista honoris generisque or-
namenta

Parkerus in vitæ
Archiepiscopi, c.
Cant.

Parkerus in vitæ
Archiepiscopi, c.
Cant.

namenta jure semper optimo ad Pattenos spectasse, Gulielmum nostrum qui Pattenorum insignis usus est, vel pro admitti qualitate lege Corneliā puniendum, vel eo nomine donandum fuisse. Venio nunc ad illum nodum solvendum qui primo in loco proponatur. Cui quidem explicando non opus est vel gladio vel bipenni, itā palam se produnt omnia. Illud enim affirmare sexcentis pœne exemplis possum, condita plerumque atque imposita fuisse pro vulgi arbitrio hominibus cognomina. Simon Sudburius paterno nomine Tiboldus est dictus: Cæterum ex oppido Sudvolgorum unde prodiit, Sudburius passim audiebat. Mons acutus nomen loci apud Belgas Anglicanos celebris, at inde nobilissima Vicecomitum de Monte acuto familia (non sine insigni honoris præfatione etiā atque etiā à me nominanda) originem simul cum appellatione deduxit. Notius est quam ut nescire quisquam possit, pientissimi præsulis ad verum decus & immortalitatem natī Gulielmi Wiccami, à loco originis inditum cognomentum. Infinitus sim si singula persequar. Testis in rem presentem omni exceptione major Thomas Fanshaeus advocetur, is est qui vel labantem hanc sententiam ex fide antiquæ cujusdam syngraphæ queat sustentare. Sed ne ulterior fiat agnominis controversia, sobriini sui causam obsignatis tabulis defendit Juliana Churchstilia, quæ cum fundum alienare, jure agnationis (ut asseruit) ad se spectantem voluisset, & legibus cautum sit, quoties de genere gentevæ quæstio oboriatur, ei qui dicit probandi onus incumbere, rem universam sic deducit. *Sciant presentes & futuri quod ego Juliana Churchstilia vidua nuper uxor Rich. Churchstile defuncti, consanguinea & heres, Magistri Willielmi de Waynflete nuper Winton. Episcopi: videlicet, unica filia & heres Roberti Patten fratris & hæredis Richardi Patten (alias dicti Barbow) de Waynflete, patris predicti Willielmi de Waynflete nuper Episcopi, in pura viduatate mea &c.* Quin tu igitur negabis mihi, quisquis es, hanc quasi fatalem optimis quibusque atque eminentibus viris familiæ mutationem ejusmodi fuisse ut in Fundatorem nostrum non conveniret? Richardus Pattenus hujus nostri pater cum eo in loco natus esset, occasionem novi nominis primus innox, ex quo cæteri Waynfleti vocarentur; sed nec ille simpliciter Waynfletus dicebatur, sed Waynflete oriundus. Nam cum multæ essent tam generosæ stirpis propagines, nisi usq; ab alia commodè discerneretur, ingens profectò eveniret non minus confusio. Quamobrem Fundator iste noster paternarum virtutum æmulus & agnominis fuit, & vici titulum dari sibi magis præoptavit quàm familiæ. P. Scipioni (ut est apud Livium) à devictâ Africâ cognomen Africano fuit: nostro huic ab instauratâ perpolitæ Waynflete, multo meā quidem sententia aptius Waynfleti ~~instaurat~~ accommodatur. Quippe omnis oppidi splendor (ut ego accepi) in scholâ publicâ est, quam ibi loci in altricis gratiam benignissimus alumnus erigendam curaverat. Hinc nomen patri repperit, simulque natalibus debitum, deinceps nunquam sibi dimittendum statuit. Hincque adeo late serpsit, quæ etiā hodie intimis nonnullorum fibris grassatur opinio, grādem Fundatori illatam injuriā asserentium, si quisquam vero potius quam alieno nomine, insinandum putaverit. Illi interim vel ad ravim reclamitent, mihi ut videtur suscepta causâ peragenda sic fuit. Hæc igitur vitæ primordia Gulielmus sortitus, postquam iis literis quibus ad humanitatem pueritia informari solet, imbutus esset, opportunam Academiam

D. Ad leg. Corneliā de Falsis.

Parker in vita Sim. Sudburii. Cambdenus in sua Britannia.

D. Martin. in vita Wiccami.

Thomas Fanshaeus.

E. Registro Collegii.

Genealog. Fundat.

Studios

studiis suis obsequendo, Oxonium ratus, eò se contulit. In Collegio ipso quærendo, sedulitate plusquam ambitiosâ (sit venia verbo) usus sum, Aëta diligenter excussi, historias veteres, recentiores indagavi, famam consului, nihil denique non tentavi, quo fugitivam ejus rei memoriam ad me retraherem. Raphael Hollinshedus dum à communi hominum opinione longius discedit in Mertonensi Collegio narrat ipsum prima studiorum stipendia fecisse. Thomas Nelus, Nicolaus Harpsfeldius, unum è *Wiccarnensi Lyceo* contendunt fuisse, quibus præter consentientem multitudinis vocem, ad stipulari videtur *Thomas Chaudlerius*, qui eodem simul tempore ipse vixit, & librum de *Wiccarni* vitâ, & rebus gestis, sane perelegantem conscripsit. Huc accedit etiam depicta in folio sedentis *Wicani* imago, dextrum sinistrumque latus claudentibus hinc Cantuariæ Archiepiscopo *Chicheleio*, illinc *Gulielmo Wintonia præfule*, quasque honorem tanto Mecænati exhibentibus, id quod de alio præterquam de *Gulielmo Wainflete* dictum verè affirmare nemo potest. Neque enim illis temporibus præter *Gulielmum* hunc, sedem episcopalem quisquam occupabat. Nam quod in extremo loco firmamentum huic opinione esse potest maximum, nimirum, ut unus vel duo de sociis ipsius Collegii aut de illis qui aliquando fuerunt ipsius Collegii socii & ex causis licitis & honestis inde recesserunt, aut unus vel duo de Collegio Beata Maria virginis Winton. in Oxonia, vel de hiis qui quondam fuerunt socii ipsius Collegii & ex causis recesserunt honestis, ad gubernacula resp. Magdalenensis, deposcerentur, non potest esse non veteris in illis ædibus hospitii vitæque antea tæ argumentum, Quod.

Chaudel. in
vit. Wic.

E. Status col
magd.

Ang. Polit.

Gratos blanda officio nutricis alumnus
Esse jubet longumque piâ mercede laborem
Pensat, & emeritis cumulat compendia curis.

Ego certe ab hac sententia sive plane cognitâ & perspectâ, sive à majoribus quasi per manus traditâ, propter summam Collegii celebritatem & hominum, non libenter recedo. Neque ut Atticum Lysiam, quasi Liciniâ & Mutiâ lege, Timæus Syracusanum esse vendicat, ego eum cultissimæ Societatis jure privarum, in aliud Collegium redactum cupio. Quinimò plurimum ad famam eruditionis arbitror, pertinere, quis tandem vel forte oblatu, vel consilio quasi tus institutionis locus illi contigerit (adeo est illud verum quod de Henrico Chicheleio ad pietatem & studia literarum recreanda divinitus nobis concessio, ibidemque educato, usurpatur, *sæpe docet fructus de quâ suis arbore ductus*) quem noster tamen virtute suâ illustriorem (si fas sit dicere) reddidit quam accepit. Quamobrem ex tantæ fundationis pullulans radice (verba sunt *Chaudlerii*) *florescens quasi virgula, ope & adiutorio Thoma Bekingtonis beneficentissimi domini & Vellensis Ecclesia præfatus leicissimus, semè in cedrum crevit magnam, quasque lignum plantatum secus decursus aquarum, aberrissimos fructus proculis.* Nam ut validiorem ejus ætatem præteream quæ excellentissimis ornamentis decorata in supremo autoritatis fastigio collocata fuit: Adolescentis cura in bonis literis persequendis prorsus occupata lucentulum præsentis ævi mortalibus exhibuit specimen, quò tanta indoles (ubi semel maturuisset) foret porrectura. Ingepium scilicet, vigilantissimus, studium pertinax, crebra contentio,

Chaudel. in
vit. Wic.

Chaudel. in vi
ta Wic.

Post adept. Pra
fules. & Cam
cellar.

entio, ecquid aliud prædicare possunt quam insigne aliquod & egregium deinceps secuturum? Invieta corporis vis quæ non aliunde magis quam per labores crevit, ingens ingenii aviditas quæ expleri non potuit, frequens concertatio quæ nunquam nisi victorem dimisit, spem certè nunquam mentiuntur humilumque prælagia. *Doltrina sed vim promovet insitam—Reitque cultus pectora roborant*; inquit poeta. Quamobrem ad eas quas naturæ beneficio dotes acceperat, sælix pro illius temporis infortunio, accessit institutio. Nam humanitatis & eloquentiæ quidem studia ita ardenti animo excoluit, ut in illis longè supra vulgi consuetudinem excellere, peculiarem illi laudem adscriberem, si Johannes frater illius in hujus quoque participationem non esset admittendus. Cujus cum præclaræ aliquot ab ipso habitæ orationes recensentur, faciunt propemodum ut existimem, gentis potius singularem illius, & non unius hominis fuisse prærogativam. Jam in philosophiâ quantum operæ industriæque posuerit, quantoque illam amore complexus est, eximia quadam illius in professoribus ætendis mercede propositâ satis declaratur. Neque tamen cum humanioribus studiis, aut cum philosophiâ ita consuetudinem habuit, quasi cum illis ætatem omnem traducturus foret, quemadmodum (ut est in fabulis) procos Penelopes sœditasse legimus, qui ubi ad dominam affectarent viam ejusque positione spe excluderentur, ceperunt pedissequas & ancillas eas perditæ amare. Eorum quippe familiaritate tantisper usus est, donec ingenium probe jam subactum cœlesti prudentiæ vacare liberius potuisset. Cui ille studio dum totumquod supererat vitæ suæ consecrare destinasset, ratus nimirum id quod est, nullâ in re aliâ se gratiorem Deo operam, aut humano generi utiliorem locare potuisse, ad *Schola Wiccamica* præfecturam, tum forte propter *Thoma Alwini* discessum vacuam, postulatur. Ad hoc munus subeundum quum judicium gravissimorum de se virorum non plurimi facere non potuisset, utpote qui nisi moribus atque eruditione spectatum satis admittunt neminem: tum nullâ aliâ re magis impulsus reor, quàm promptâ atque expositâ bene merendi voluntate. Prægehebat scilicet illius animus, utcumque tenui fortassis in re, luculentum aliquod magnificentiæ suæ documentum hominibus ostendere, quumque facultates non admodum suppetere, subsidio sibi diligentiam & laborem comparare, quibus prodesse quamplurimis posset. Certe extremâ li-
neâ bene facere haud nihil est; & si recte interpretari volumus, haudquam video, quare ultima beneficiæ pars sit teneriores puerorum animos bonis præceptis informare, ineuntis ætatis inscitiam seniliprudentiâ regere & constituere, ferocientes à licentia deterrere, disciplinæ severitate discipulorum mores adstringere, talemque erga pupillos affectum induere perinde ac si parentum vicibus ipse defungeretur, denique ita se gerere quasi ipse vitia nec habeat nec ferre posset. *Henricus Benfortius*, (quis nescit?) in *Henrico principe* edocendo, quot ille simul quasi per compendium informavit. *Rogerus Aschamus* dum *Elizabetam* serenissimam Reginam ad eas artes adduxisset, quarum vitæ par usus & possessio est, universam prope Angliam singulari beneficio complexus mihi videtur. Ceterum ille, ubi per annos duodecim, hanc docendi provinciam sic administrasset, ut neque bonus aut eruditus quisquam ejus operam aut fidem improbaret, ab *Henrico sexto* rege longè pientissimo, ad scholæ *Etonensis* moderationem accersitus est. Utque nova surgentis Col-

Horat. 4. lib. Od.

Balcani in lib. d. scriptor. Brut.

Plutarch

Willens Epig. ram. Parker & Harpsfield.

Terent. in Euc. much.

*Parker in vita
Stafford. &
Harpsfield.
D. Martin. in
vit. Wic.
E. Regist. Coll.
Wim.*

legii fundamenta felicioribus auspiciis ponerentur 35. discipulos Wiccamicos, sociosque ejusdem Collegii quinque simul adscivit. Ita cum recenti puerorum examine in hoc alvearium traductus, locum verius mutavit quam vite institutum. Nam qui transacto quasi duodecim annorum curriculo, multam jam salutem operolo docendi muneri dicere debuisset, non tam studiosum usum & consuetudinem intermitteri sensit quam augeri. Hic itaque rursus oeconomia scholæ instituenda, optimis confestim exemplis pueritia imbuenda, docendi dedocendique geminatum onus perferendum, condendæ leges magis ut pueri quæ honesta sunt facere incendantur. quam ubi non fecerint puniantur; danda cum primis opera, ut amplissimæ recentis gymnasii dignitati, parentum votis, juvenum indoli, patriæ desiderio, conceptæque de tam illustri præceptore opinioni, cumulate satisfiat. Id verò ille (eximius scilicet ac perfectus magister, cujusque domus cunctæ Angliæ quasi ludus quidam patuit, atque docendi officina) quam sedulo præstitit, copiosa quidem pro illius sæculi fato eruditorum hominum seges ab eo sata & culta, ex utriusque Collegii agro, magno cum Christiani nominis Reipub. quo bono pululantium, aperte testatur. Summa interim & prima regendi Collegii autoritas penes *Johannem Stamberium* fratrem (ut scribit *Bulani*) Carmelitanum fuit, cui antè alios omnes propter vite inculpatae literarumque celebritatem rex sic indulserat, ut primum ad *Etona* gubernacula admotum, deinde à conscientie colloquiis factum, postea ad *Nordovicensis* Ecclesiæ præfalarum promovendum curaverit. Sed ille ubi propter *Gulielmi Poli Sudovolgarii* ducis, hominis (ut *Lelandi* verbo utar) invidiosissimi potentiam, inde esset deturbatus; provincie *Ban-*

*xix. Harpsfield
scil. 15. hist.
Eccle.*

*Bulani in script.
Brit.*

*Elend. Com-
ment. in C. 15.
Cant.
Ex Arch. Coll.
Weston. Harps-
field. 25.*

gorensis pedo donatus est. Verum de hoc, suo loco uberius pro re nata, dabitur dicendi occasio. *Stamberio* successit *Henricus Seaverus Collegii Mertonensis* Custos, huic *Gulielmus* noster, qui propter egregiam & fructuosam operam in pube instituenda collocatam, summus Collegii moderator à Rege est designatus. Ab eo confestim tempore, maximis dignitatis, fortunæque præsidii sic abundare caput ut paratiorem certè ab iis rebus diceret neminem, in quibus felicitas sita est. *Henricus* quippe Princeps otii & solitudinis cupientissimus, totius imperii curam aliis demandabat: Ipse interim ubi à negotiis feriari per tempus licebat, totum se studii pietatis consecrabat: nactusque tam fidelem, atque suis moribus obsequentem *Achatem*, ad sacra primum, deinde in consilium adhibuit. O quam rara est hæc felicitas, & verò tua (*Henrice*) quæ haud scio an unquam majorum cuiquam acciderit, ut unum haberes virum cui omnia consilia tutò posses concedere, neque de illius minus quam de tua fide certus esse. Alebantur ea tempestate magnâ animorum contentione inter principes nobilitatis, partium studia, *Humphredum Gloucestriæ* ducem & *Edmundum Pelum Sudovolgarii Marchionem*: Inimicitiarum caput hoc fuit; Muneribus à Gallo captus, ità cum principe egerat *Sudovoleus*, ut pernu-

*Antes Sylvi-
us & Hall.*

*In epist. Reg. ad
Prior. & Con-
vent. Wims.*

tationis nomine Gallo restituendam *Andegaviam* impetraret. *Gloucestrensis* haud æquo animo ferens, malis proditoris artibus fraterni filii famæ, Reipub. que bono pessime consultum, huic incepto solus obstitit, & quod virum fortem decebat, honorem patriæ saluti suæ præferendum judicavit. Hæc prima ingruentium malorum semina fuerunt, hæc prima Imperii *Henriciani* calamitas; quæ, postquam adoleviscent, ingentem Reipub. *Anglicanæ* cladem pepererunt.

*Leland. in Com-
ment. in C. 15.
Cant. Hall.
Hall.*

runt. Nam *Gallia* quæ jure sanè optimo in Anglorum potestate diu fuit, quasi postliminio reversa libertatem sibi asseruit: Studebat rebus novis *Hibernia*: Annates An. cum *Scoto* tumultuatum est, verius quam pugnatum. Domi impurus ille *Canus* funesto civium sanguine patriam sædavit: *Richardus Eboraci* dux, omnis moræ impatiens Regiam dignitatem per civiles furores præreptum fuit: Hinc magnæ bellorum tempestates commotæ, multæ præliandi vices, nobilitati mutuis cædibus *Angli*, adversis aquilis quasi duodecims dunicatum, nonaginta plus minus hominum millia ceciderunt, Octoginta familiæ principalis desiderati sunt.

Annates Ang.
Annates Ang.
Comineus 7.
Cap. 1.1.

*Hen, quantum potuit terra, pelagique parari
Hoc, quem civiles hauserunt sanguine dextra?*

Lucanus, 1. bell.
Phar.

In hoc sæculum varium, seditionibus atrox, domesticis insidiis infame, crebris fluctuationibus obnoxium, ubi eousque periclitata est Reipub. salus ut quam majores florentissimam reliquissent, satagerent hujus ævi mortales plane nullam habere, quum incidisset *Gulielmus* noster, tum quo ille consilio, quâ fide & innocentia valuerit, inter reciprocos fortunæ æstus tamdiu jactatus, satis demirari non queo. Sub idem tempus è vitâ excessit *Henricus Beaufortius*, Episcopus *Wintoniensis*, Cardinalium omnium facile ditissimus, cujus prudentiâ atque opibus ita *Henricus* juvari potuisset, ut depulso quantivis periculi impendentis metu, summa animi tranquillitate frueretur. Quamquam eam gravem jacturam, quam *Henricus Rex* in ejus morte fecerat, farscere posse visus est *Gulielmus Waynfletus* qui illi in episcopatu successit, uti scribit *Polydorus*. Et gerebat ille quidem Reipub. quamdiu vixit optimè; Sed ubi divitiis cumulandis immodicus fuit, excellentem rerum ab illo gestarum memoriam vitiavit. Cæterum *Henrico* è vivis sublato, surrogatus est *Gulielmus Waynfletus*, insignis doctrinâ & pietate vir, (inquit *Mathæus Parkerus*,) quem *Nicholaus* quintus dum pro nimia illorum temporum licentiâ, per provisionem (ut loquuntur) Episcopos passim constituit, Ecclesiæ *Wintoniensis* præfecerat. Sanè ea demum magna voluptas est, æqualem ac parem meritis gratiam apud eos, qui dignitate eminent, invenire: neque fraudi propterea esse debuit *Gulielmo*, si *Nicholaus* quinti pontificis optimi beneficio ad hunc honorem evectus fuisset, utpote cujus ea sanctimonia fuisse perhibetur ut nulli unquam magistratum precio vendiderit, qui singulos *Homeri* libros ducentis aureis, latinis versibus reddendos curaverit, qui doctos coluit, & præmiis ad studia literarum invitavit, ut facile primum vel solum honoris locum occuparent, de quo nullo unquam sæculo magis compertum esse illud.

Polyd. Vir.

Polyd. Vir.

Harpfield.
Arch. Win.
Parker.

Sabellicus. Af-
cerius in epi.
Polit. pag. 118
Perotus in præ-
fat. Polib. Ha-
drian. Barland.

Sint Macanates non deerunt Flacce Marones.

Denique cui renunciatum quum esset, quosdam esse Romæ qui bonos versus facerent, negavit bonos esse, cum enim ad me (inquit) non veniunt, qui poetis etiam malis pateo. Ab illo (inquam) laudatissimo Pontifice ad summam auctoritatem perductum esse, non video quare cuiquam vitio verti debeat. At enim effraznata huic in episcopatibus disponendis licentiæ assensum non præ-

Hermol. Bar. in
epi. ad Alex. 5.

buisset, non simulatæ (inquiunt) in Regem observantiæ argumentum fuisset. Nam quid sibi volunt tam absolutæ rerum alienarum largitiones? tantumnè cuiquam hominum ut liceret impune mearum facultatum domino esse, & pro arbitrio suo hos creare, illos ad præfultatum dignitates transferre posse, concedi? Præviderant hoc malum non procul abfuturum illustrißimi Reges nostri, qui quum intelligerent nihil esse tam sanctum in civitate, quod non corrumpat audacia, gravissimis sanctionibus nos ab huiusmodi maleficiis deteruerunt, quæ apertè vetant ne quisquam per provisionem (ut loquuntur) Pontificiam cujusquam dignitatis ambitæ sentiat beneficium. Verum toto hujus Archiepiscopi tempore, Papa (inquit *Parkerus*) provisione adhuc episcopos statuit, inter hos insignem doctrinæ & pietate virum *Willielmum Waynflet*. Sed non gravabuntur Reverendissimi *Parkeri* manes (ut spero) si ego pro illo veritatis studio impulsus, cujus ipse amore si nunc viveret, in seipsum excitaretur, in medium quædam proferre non dubitaverim, in quibus incorrupta fide dignorum exemplarium autoritas, (quibus ego ut debeo plurimum tribuere soleo) ab illius opinione coëgit me dissentire. Illud autem est huiusmodi: *Gulielmum* nostrum, tametsi pro illius sæculi consuetudine, & virorum illustrium autoritate gaudere talibus privilegiis potuisset, ut omnino fortassis ab illis non abstinerit, ita melioribus rationibus ad suæ dignitatis fastigium pervenisse, nam & *Henrici* Regis candidatus fuit, & communibus *Cleri Wintoniensis* suffragiis, factus est Episcopus. Id quare tam constanter affinem, nunc subijciam. Supremum jam diem clauserat *Henricus Beaufortius* Episcopus *Wintoniensis*, anno salutis instauratæ, 1447. Aprilique (quod satis constat) undecimo: ibi Rex, tametsi quod *Henricum* primus ab *Anselmi* obitu fecisse narratur, itidem *Henricum* sextus facere potuisset, plenum quinquennium expectare ut ejusmodi tandem episcopum constitueret qui vel æquis passim virorum Antecessores suos consequeretur vel emularetur proximo: rejecto tamen huiusmodi furo, mulroque antè exploratà *Waynfleti* præstantiâ, continuo & eodem die quo nuncium acceperat, Ecclesiæ *Wintoniensis* veniam alterum Episcopum eligendi concedit, simulque obnixè rogat (quamvis sua luce conspicui precariis testimoniis non juvantur) maximam in comitiis suis *Gulielmi Waynfleti* rationem haberent. Epistolæ forma sic se habet.

25. *Edoard. pri.*
25. *Edoard. ter.*
m.

Parker. in vit.
Jo. Stafford.

Parker. in vita
Episc. Cant.

Licet. Regis ad
Trior. Wint.

De gestis Pon-
tif. Angl. lib. 1.
Malines bu-
vicis.

Symmach. li.
epi terit. Ex.
Arch. Wint.

LETTERS

Sent by the KING, to chuse WILLIAM
WAYNFLETE, Provost of Our Lady
Colledge of ETON, Bishoppe of WINCHESTER.

TRusty and well-beloved in God, we greete you well:
Letting you werte that it is come to our knoledge, to
our greate heaviness, ne weare Goddis wil, hobo that
ourlate Cardinall of England and Bishoppe of Win-
chester is past out of this uncertained life. And howbeit that
ye ought not to procede unto the election of a new pastor and
fader for the Chyrch of Winchester aforesaide without our li-
cence first had in that party, yet nacheles we as well for the
greate loue and affection that we beare unto the said Chyrch, as
for other great causes moving us, wolling in no wise the said
Chyrch to stand eny while viduate, licence you to procede unto
the election of a newe pastor there. And pray you hartely that in
all the hast that you goodly may, ye wolle so doe. Having by one
assent our right trustie & wel-beloved Clarke and Councellour
Mastur William Waynflete, Provost of our Colledge Royal
of our Lady of Eton at the reverence of us and contemplation of
this our writing, on your said election to be Bishoppe of your
saide Chyrch before all other especially recommended, whom as
you know well, we have in the most tender favour of our good
grace. Wherin you shall not only provide your said Chyrch of
right a notable Clarke and a substantial person to Goddis pleisr,
and to the worthipp & wele of the same as we trust, but also doe
unto us right singular pleisr, and cause us to have both you and
the said Chyrch in the moze special favour of our god grace in
time to come. Geven under our signet at our Castle of Wynd-
sor the xi. Daie of Aprill.

Cæterum Ecclesia Wintoniensis tanti patris orbitate percussa, haud diu nego-
tium differendum rata, literas ad Regem statim ablegavit; quibus ipsum su-
per

per *Henrici Cardinalis* morte certior fecit (tàm subitæ festinationis parùm ut videtur conscia) potestatem sibi novi præfultis surrogandi dandam hisce verbis humillime deprecata.

L I T E R A

Missa Domino Regi pro licentia obtinenda ad Episcopum eligendum.

Ex Archiv.
Wim Eccl.

Excellentissimo in Christo principi, & Christianissimo Regi nostro Domino Henrico, Dei gratiâ Regi Angliæ & Franciæ, et domino Hiberniæ, nos vestri humiles & devoti oratores continui, Prior Ecclesiæ vestræ Cathedralis Winton, & ejusdem loci Capitulum salutem in eo cui omnes Reges famulantur, & per quem principes proximè dominantur, Vestra regiæ Majestati cum ea quâ decet reverentiâ, tenore præsentium intimamus, quod recolenda memoria Dominus Henricus Bensfordultimus Episcopus noster, die Martis, undecimo Aprilis jam instantis ad vitæ suæ terminum (quod dolentes referimus) pervenit (verumtamen feliciter ut speramus;) ne igitur sedes Episcopalis amediâ, diuino pastorum solatio destituta, suæ vacationis detrimenta depleat, aut iacturam in spiritualibus seu temporalibus patiatur, ad vestra celsitudinis Regiæ præsentiam unanimi nostro consensu & assensu, nos fratres Robertum Puriton Subpriorem, ac Richardum Marlebergh Florarium, confratres & communachos nostros mittimus per præsentem dicitæ vestræ excellentiæ humiliter, quo possumus, supplicantes, quatenus, ut ad liberam futuri Episcopi & pastoris Ecclesiæ vestræ memoratæ electionem procedere valeamus, licentiam gratiose concedere dignetur vestra regalii gratiæ magnitudo; quam ad sui laudem & honorem, ad inimicorum colla subinganda, atque ad populi sui meritorum regimen felicissimè regat & gubernet clementia Salvatoris per tempora duratura. Datum sub sigillo nostro communi in domo nostra Capitulari 12. die dicti mensis Aprilis. Anno Domini 1447.

Rex ubi votum Ecclesiæ intellexisset, haud diù cunctatus (illorum quippe precibus ad id incitatus quod ultro sponte sua facturus esset) peramanter in gratiam Fundatoris nostri sic rescripsit.

A L E T.

A

LETTER

Sent by the KING to proceed to Election
the *Saturday* following.

TRuffy and wel-beloved in God we greete you wel, and doubt not but that you keepe well in remembrance, how we vpon knowledg that we have of the decease of our Uncle, late your pastour and governour, wrote unto you our most speciall letters for the recommendation of our right trustie and wel-beloved Clarke Master William Waynflete Probost of our Colledge Royall of our Lady of Eton, in your next election to be made for your Bishoppe, Desiring you furthermore in our said letters in asmuch as we would not the Cathedral Church of Winchester should any while stand viduate, that you would procede to election in all godly hast, and forasmuch as we desire in the most effectuous wise that we can, that ye shall procede to your saide election on *Saturday* next coming, for divers right great causes especially moving us, we pray you to dispose you thereunto, not abiding vppon any letters under our great seale. For we have in such wise ordeined that ye shall not neede them at that time, but have them in goodly hast after, bearing date before. And as touching a Doctor necessarie in your said election we have writen to Master Stephen Wilton to assist you. Wherefore we desire and pray you in as herry wise as we can that all excusations laide a part, you procede to your seide election on *Saturday*, hauing recommended in most speciall wise our seide Clerke Master William Waynflete before all other. And furthermore that ye give full feith and credence unto the bearer of this in that he shall say unto you in our behalfe, and that ye fail not hereof as ye desire us to be enclined to shew unto you the favour of our good grace in tyme to come. Given under our signet at our Castle of Windsor the xiii. Day of April.

Cognita.

Cognitâ principis voluntate, frequentes ad electionem statodie conveniunt, prompti alacresque & pro interpositâ Regis autoritate, *Gulielmum* salutem episcopum, quod ut ratum fixumque habeatur his literis deposcunt seriò.

L I T E R A

Ex Arch. Wint. Procuratoria missa REGI HENRICO Sexto
ad confirmandam Electionem factam
de GULIELMO WAYNFLETE Episcopo
WINTONIENSE.

Excellentissimo & Christianissimo in Christo Principi & Domino nostro Henrico, dei gratia illustrissimo Regi Angliæ & Franciæ, ac domino Hiberniæ, vestri humillimi & in Christo deuotissimi oratores Willielmus Aulton Ecclesiæ vestræ Cathedralis Winton. Prior indignus, ac ejusdem Ecclesiæ vestræ capitulum, orationum suffragia, & in eo prosperari per quem Reges regnant & Principes dominantur. Sublimitati vestræ regiæ presentibus literis humiliter intimamus, quod vacante nup̄r Ecclesiâ pralibatâ per mortem naturalem celebri & recolenda memoria domini Henrici miseratione diuina titulo Sancti Eusebii sacrosanctæ Romanæ Ecclesiæ presbyteri Cardinalis Angliæ, dictæque Ecclesiæ vestræ ultimi & immediati (cui deus pareat) Winton. episcopi, ac obtemperata ex vestrâ regiâ clementiâ, alium nobis & Ecclesiæ vestræ in Episcopum & pastorem licentia eligendi: Nos venerabilis & insignis prudentiæ virum magistrum Willielmum Waynflete sacrosanctæ Theologiæ Bachalaurem, serenitatis vestræ consiliarium, virum utique providum, & in agilibus discretum deo deuotum in spiritualibus & temporalibus plurimum circumspectum, ac nobis & Ecclesiæ vestræ necessarium, vobisque & regnis vestris (ut firmiter credimus) utilem & fidelem, unanimiter & concorditer spiritus sancti (ut speramus) gratiâ inspirati, in ipsius Ecclesiæ vestræ & nostrum episcopum consensu nostro unanimi nullo penitus reclamante elegimus, & pastorem. Requisituque pluriès postmodum ipsius electi magistri in hac parte consensu, ipsoque sapienter lachrymabiliter reclamante, tandem præfatus electus post deliberationem diuinam, dictæ electioni de se facta suum consensum adhibuit pariter et assensum. Ad implorandum igitur vestrum consensum Regem electioni, & electio hujusmodi gratiosè per vos concedendum, Fratres Robertum Puryton Subpriorum & Richardum Marleberg horarium, commonachos, & confratres dictæ vestræ Ecclesiæ Winton. conjunctim & diuim, consensu nostro unanimi destinamus, vestræ Regiæ celsitudini supplicantes humiliter & deuotè, quatenus dicto electo

& Electioni hujusmodi sanctè ritè, & solennitèr celebrata vestrum Regium consensum favorabiliter impertire dignetur vestra Regia Clementia Majestatis; quem in prosperitate continuè, ad Ecclesiæ suæ sanctæ, & regnorum vestrorum iustissimum regimen, & maximen, diuissimè felicitare dignetur filius virginis gloriosa. In quorum omnium fidem & testimonium sigillum nostrum commune presentibus apposimus. Datum in domo nostra Capitulari, quoad consignationem presentium, sub sigillo nostro communi decimo septimo die mensis Aprilis. Anno, 1447.

Satis jam constare arbitror cuiquàm, modò pertinaciter incredulus non fuerit, quemadmodum legitimo suffragiorum jure, & non imperiosis (ut vocant) diplomatis (quibus sacerdotum beneficia conferri aliis solent, in diem mortis eorum qui ipsis fruuntur) ad Pontificiam dignitatem aspiraverit. Cæterum ut in re satis luculentâ verbis etiam utar minime necessariis, illud quoque auctarii vice subiungendum curavi, quod in publicis Ecclesiæ Wintonienfis tabulis descriptum reperi. Nam peractis comitiis, literas confectum Romam ablegant, ipsum Pontificem universæ rei, ità uti gesta est, certiores faciunt, & quia virum dignum qui secundus à Cardinale numeretur creaverint, Papam deinde demissimè oblectant, ut author foret.

Duar. de benef.
lib. 5. cap. 8.

Eccl. Arch. Wint.

Sanctissimo ac beatissimo in Christo patri, ac Domino, Domino Nicholao divini providentiâ sacro sanctæ Romana ac universalis Ecclesiæ summo Pontifici, Frater Willielmus Aulton Prior Ecclesiæ Cathedralis sancti Swithini Winton. & ejusdem Ecclesiæ capitulum & convenus Ordinis sancti Benedicti, sui humiles ac devoti oratores, obedientiam & omnimodas reverentias & subjunctiones ad devotissimam pedum oscula beatorum. Sacris Canonibus &c. & interjectis nonnullis. Statim, subito, & repente spiritus sancti gratiâ (ut fortitè credimus) inspirante, nulloque nostrum penitus discrepantè vota nostra direximus in venerabilem virum magistrum Willielmum Wainflete sacre Theologia Bacchalaureum serenissimi in Christo principis Henrici dei gratiâ Regis Angliæ & Franciæ, Consiliarium, ac Prepositum Collegii Regalis beati Mariæ de Etonâ (virum utique providum ac discretum, literarum scientiâ, vitâ, & moribus meritiò commendandum, in ordine sacerdotali & atate legitimâ constitutione liberum ac legitimum, nec non de legitimo matrimonio procreatum, in spiritualibus & temporalibus plurimum circumspèctum, aliis virtutibus insignitum valentem & scientem jura dictæ Ecclesiæ nostra defendere & tueri) & eum quasi una voce & uno spiritu nostrum & Ecclesiæ nostræ episcopum elegimus & pastorem. Eapropter beatissime pater, sanctitati vestræ tam devotè quam humiliter voto unanimi supplicamus, quatenus electionem eandem sancti sanctè, solennitèr, concorditèr & canonice celebratam dignetur vestra sanctitas confirmare, ac eidem electo Magistro munus consecrationis favorabiliter impertire; ut deo auctore nobis & dictæ Ecclesiæ velut pastor idoneus præesse valeat militèr & predeste; nosque & aliis ipsius subditi & illius regimen possimus cum deo salubritèr militare. In quorum omnium &c. Datum in domo nostra Capitulari &c.

Distin. 81.
cap. Statutum.

Cæterum Pontifex ubi rem omnem per nuncios intellexisset simul studio principem optimum demerendi, qui Amedeum Allobrogum ducem huic Nicholao diu adversantem deposita similitudine conciliasset, simul quia quod factum est insectum reddi non potest, ne quidvis impunè sibi licere non putaret dum pro arbitrato suo cuncta dispensare ac distribuere soleat, in hæc verba

Fabianus.

Ex Arch. Domini
Redmanni
Regii Cansi.

Hæ Arch. Wint.

In præg. sedis
Caus. Parker.

Ex Arch. Red-
man. Parker in
vit. Henr. De-
nei. Ex Arch. W.
Domini. Red-
man.

Ex Arch. Eton.

In Alb. Regii.
Capas sic dicta
quod totum ho-
minem capiat.
Lindwood, de
Eccle. ad ipsam.
Ec. cap. 2.
Parker in vit.
Parhami.

rescribit. Nos decernentes per præfata Sedis providentiam utilem & idoneam præsidere personam provisione, &c. sexto Id. Maij. Pontificatu anno primo : Sed quid sibi vult (inquis) hoc provisionis verbum ? Nonne eo potestatem sibi vendicat præter meram consecrationem scilicet aliquid indulgendi ? Ergone quoties providentiæ aut provisionis injecta est mentio, tantam largiendi licentiam comministri opus est ? Sane Gulielmum Aulorum eadem voce usum fuisse, qui nec ausus nec potuit tam immensam sibi auctoritatem unquam arrogare, non semel observavi ; Ego inquit (nam obsignatis tabulis agendum est) *Wilhelmum Waynflete* in episcopum & pastorem hujus Ecclesiæ eligo, (parum fortassis illud est) ac huic Ecclesiæ provideo de eodem. Neque id alio fuisse consilio factum videtur, nisi ut auctoritatem quam jure suo episcopi obtinebant maximam, perinde ac si à sede Romana primum effluisset, illi acceptam denovo referrent. Quippe ex quo rerum Ecclesiasticarum summa potestas penes Archiepiscopos *Canuarienses* in Angliâ fuit, eos nimirum ut suos legatos nominabant *Romani* Pontifices ; eo nimirum consilio, ut quæcunque in administratione sua alii gessissent, universalem illam auctoritatem illis semper acceptam ferrent. Sed ut è diverticulo in viam iterum redeamus : *Fundator* ubi per suffragii cleri renunciatus esset *Episcopus*, regiâque voluntate confirmatus, dein coram illustri Archiepiscopo *Johanne Staffordio* in ædibus *Lambethanis* sacramento fidem obligasset, decimo quinto Kalendas Julias, jubente eodem Archiepiscopo, spiritualitatis (ut loquuntur) jura liberant, & onus administrandæ tutelæ deponunt *Richardus Episcopus Rossensis*, *Thomas Johannesque Langthorn* utriusque juris consultissimi Bachalarei. Tertiò deinde Kalendas Augusti, sacris cæremoniis de more inauguratus, faustis omnium acclamationibus Episcopus Wintoniensis est salutus. Et peracta hic est (ut videtis) totius dramatis fabula. Fuere tamen (ut ego aliquando accipit) qui narraciunculam (haud pol illepidam) à communi tamen judicio valde differentem, nobis excogitarunt, quam ego in ipsorum gratiam nunc subjiciam. Ferunt accitum ab *Henrico sexto Gulielmum*, tunc fortè ubi collegii Etonensis præfecturam gerebat, atque istis verbis compellatum Magister (inquit) *Gulielme* (sic sæpe & per familiariter princeps solebat ipsum alloqui) si beneficium aliquod ex benignitate mea obtinueris, potin'es ipsum retinere ? annuenti *Gulielmo* se posse & quando ita juberet rex, facturum sedulo, proin refert princeps, volo jubeoque te esse Wintoniensis Ecclesiæ præfulem. Recensere in hoc loco necesse non habeo, quos ille sumptus & quam grandes faciebat, dum universam Archiepiscopi familiam laucissimis epulis excipiebat, *Cappam* (uti vocant) professionalem Archiepiscopo donabat, remunerationis benevolentiaque ergo centum libras eidem dabat, rapeta sua & vestes solutâ pecuniâ redimebat, magnam quietiâ pecunie vim inter famulos distribuēbat, quæ tam copiosa largitas ab aliis ægrè fortassis expressa, ab illo lubenter effusa prolixam imprimis & beneficam naturam satis declarat. Sed istam rei familiaris jacturam resarcire posse visa est amplissimorum proventuum spes, quos ab uberimò Præfultu itatim colligebat, in eminentiori folio federint alii, se tamen in pinguiori collocatum probè meminerat. Nam si nunc dicrum detritis (proh dolor) bonorum præfulum facultatibus, propter nimias potentiorum sordes, species tamen antiquæ dignitatis non planè inminuitur : Quem olim

olim splendorem tum fuisse arbitremur, ubi eo fortunæ statu usi sunt, qui vel hominum opinione fingi potuit maximus? Multa sunt hujus Ecclesiæ & peregrina ornamenta quæ cum susceptâ novâ dignitate simul advenerunt. Nam & nobilissimæ Equitum *Georgianorum* societati à sacris est, & Cancellarii munere apud primate[m] suam defungitur: quâ ratione interdum *Angliæ* reges ab episcopis *Wintoniensibus* utpote *Canuariensium* vicariis ungi & sacri non dedignantur. Igitur ille ubi opulentissimum pontificatum non fœde (quod plerumque solet) per summum dedecus mundinatum, neque citrà principis aut cleri voluntatem adeptus, Quid deinde tantâ *Cathedrâ* tantaque amplitudine dignum gesserit aut quomodo tanti nominis mensuram impleverit, id nunc potissimum conscribendum suscepi. Fatalis enim invidia est quæ bonis inceptis semper obstat, prohibetque videlicet, ne quantum homini datum est nostra provehantur. Inscuit animis hominum hoc semen noverca aliqua natura, ut dum privatam vitam agimus magistratu non indigni videamur, at pauci sunt qui utriusque vitæ personam sic cum dignitate possunt sustinere, ut non sit longè deterior eorum conditio postquam dignitatibus aucti fuerint. Adeo est illud poetæ verum.

Parker pag. 24.

Parker.

Anselm.

*Spem frustrate senex, privatus sceptrâ mereri
Visus es, imperio proditus inferior.*

E Nim vero noster harum rerum minimè imperitus, anxius agebat quo beneficium genere non solum præsentis ævi mortales, sed longo post tempore nascituros sibi devinciret. Nam et novis acceptis honoribus parem se exhibere volebat, & magno Reipub. cum bono natum se demonstrare id vero vehementer discupiebat. Itaque dum ingens bene-merendi ambitio animum illum occupabat, opus sanè sæculorum omnium prædicatione dignum inchoavit. Et quod sæelix faustumque bonis literis & pietati sit, *Annam beatæ Mariæ* ex Regiâ Cui. consecravit. Inceptum (ne quid parcius dicam) verè heroicum. Fides numinum! namque altero à consecrationis ipsius anno tam grande negotium paraturum, quod sine maximis prudentiæ fortunæque subsidiiis aggressus operam omnem eluderet, & maturitate tam festinatâ contendere quasi serius quam par erat ad rem adeo præclaram animum adjecisset, incredibile in bonis literis promovendis, desiderium apertè proficitur. *Nervatius Priscus* inter Juris conditores author non ignobilis, è tribus constare collegium affirmat; quam sententiam *Marcellus* quoque secutus est: *noster* verò sodalitium hoc suum numero quinquagenario definivit. Cæterum ne quid, sub sacri conventus prætextu, adversus leges molitus videretur quinto nonas Maji illis coeundi jus ab *Henrico Rege* impetravit. Simulque insignem illâ tempestate virum, *Johannem Hornley* Sacræ Theologiæ Bacchalaureum *Præsidem*, artium magistros tredecim, septemque Bacchalaureos (quibus bonus ille senex cum imperio præesset) collegas admisit: reliqua studiosorum multitudo ex minorum gentium Scholaribus constata est. *Johannes Godmanshonius* ex eâ nobilium notâ, qui Armerigeri appellantur, bonarum artium summus admirator, *Fundatorem* sponte suâ satis incitatum, benignè etiam instigavit. Et ne in alieno solo temere ædificaret, fundum pie est elargitus. Jamque servère opus incipiebat, quum

D. de verb. signific.

E. Regiâ. Cui. leg.

Charita fundationis.

E. Regiâ. Cui. leg.

Saljd Virgil.

derepente causa belli propè erubescenda emicuit, quæ *Wintoniensem* à tam sancto proposito parumper avocavit; quippe *Londinum* pariter & bellum, vir ultimæ sortis *Johannes Cadus* invaserat; dubium liber an servus, sed qui *Pseudomortimerus* tamen vocabatur. Ibi Rex ut concitatis rebellibus frænos mature injiceret, sic quasi explorabundus, & ut verum dicam, contentim *Humfridum Staffordium* cum electâ militum manu præmittens ab illo imaginario & scænicò *Mortimero* in primo statim congressu profigatum desideravit. Inde qui rebellantium fuerit furor: Quæ post victoriam insolentia, vel ex eo intelligi potest, quod summo (proh dedecus) Angliæ Quæstori *Johanni Sayæ* cervicem amputarunt, locupletissimum quemque maxime proscripserunt, optimos ut fors obtulerat, fœde trucidarunt, nihilque ad extremam crudelitatem reliqui secerunt. Quocirca cives non tam ex fiducia, sed quia oppressi erant, ut audere aliquid viderentur, improbum perduellem in tempestâ nocte adoriantur, pari fortunæ alæ utrinque ad summum mane decertantes; documenta cladis mutux, cruenta aliquandiu *Thamesis*, plenæ cædibus viæ, pons cadaveribus interclusus, flammamque alii fugientes in subiectum flumen præcipites dati.

Virgil. Æneid.
2.

Quis cladem illius noctis, quis funera bando
Explicet, aut possit lacrymis aquare dolorem?

Hall.

Ad eò est illud verum *Cornelii Taciti* in turbis & discordiis pessimo cuique plurimam inesse vim, pacem & quietem non nisi consilio & bonis artibus comparari. Prima redeuntis, atque ut sic dixerim, repubescens imperii spes, *Cantuariensis* & *Wintoniensis* fuere, qui novam de perfido latrone victoriam commenti sunt, non pugnare: novum sane illud sed salutare Reipub: consilium. Accersitus quippe à *Cancellaria Wintoniensis* ab ædibus *Halywellensibus* (in quibus ob metum seditiosorum sese continuerat) rogatusque sententiam quid in tam præsentî calamitate factò opus esset, re diu deliberatâ, utriusque visum est è re Reipub. futurum, ut, quos armis compescere hæcenus non valebant, eos tumultu per spem impunitatis summovent. A Turre igitur trasecto flumine, *Sudovercam* appellant, edictoque per præconem promulgato omnibus delictorum gratiam (excepto *Cado*) impertiunt, bonam mentem modo deinceps colerent, & serenissimam majestatem comiter observarent. Hæc ubi per exercitum disseminata sunt, dici vix potest quibus lætitiis perfusi, & quam immortaliter gavisi seditiosi: neque datâ acceptâque salute, sed incredibili celeritate uli domum repetiverunt. Quod si gubernator præcipua laude fertur qui navem ex hyeme marique scopuloso servat: tum quantum ejus viri prudentiam existimari par est, qui ex tot tantisque processibus plusquam civilibus, Reipub. ceu laceræ ratis membra eripuerit. At *Cadus* jam fractus animo, postquam in latibulis salutem diu quævisset, ultimò deprehensus, animam simul cum victoriâ (quam non bene coxerat) evomere est coactus. hic est ille fraterculus Gygantis, terræ filius.

Cujus supplico non debui una parari
Simia, non serpens unus non culens unus.

Cætrum

Cæterum Rex ut omnes flammæ tam exitialis restingeret reliquias, non ita multo post *Cantuariam* profectus est. Ubi illum pro eo ac decuit obsequio acceperunt illustrissimi Antistites *Cantuariensis* & *Wintoniensis* noster, convocatique in *Capellam Domini Prioris* consiliariis, (aderant autem *Johannes Staf-fordus* Archiepiscopus *Cantuariensis*, *Johannes Kempius* Archiepiscopus *Eboracensis*, *Wintoniensis* noster, Episcopus *Elyensis*, dux *Somersetensis*, *Salopia Comes*, *Wiltonia* & Prior Sancti *Johannis Baptista Londoni*; quid de facibus & furiis Reipub. teterrimis statuendum foret, in commune consulebatur. Post benè longum deliberandi spacium, vicit tandem eorum sententia quibus æquitatis quam justitiæ potior fuit ratio. Itaque sublati è medio perniciosissimis seditionum patronis, innocentia ubique tuta & incolumis evasit. Vix dum respiraverat Insula, quum statim *Richardus Eboraci* dux homo potens & factiosus, quique Regem ipsum cognatione proxime attingebat, opprimendæ Reipub. consilium cepit. Bonus *Glocestria* princeps *Humphredus* iniquissimæ damnationis ruinâ prostratus ad superos abiit, insectus subditis *Somersetensis* propter amissam *Normanniam*, exhausta bellis *Gallicanis* militum virtus, in *Anglia* exercitus nullus, Ipsi imperium consequendi spes magna, tutæ tranquillæque res omnes, sed ea prorsus peropportuna *Eboracensi*. Igitur cum amicis re communicatâ copias conscribit. Quod ubi *Hemrico* nunciatum est venienti morbo occurrendum putans, *Blacethi* castra metatus est, indeque ad *Eboracensem* legatos misit (non quales olim populus Ro: in *Bythiniam*, cæ quibus Cato Censorius dicere solebat, illos nec pedes nec caput nec cor habere) sed eximie spectatæque prudentiæ præfules duos *Wintoniensem* nostrum atque *Elyensem*, penes quos causam tanti motus intelligendi deque pacis conditionibus transigendi summa autoritas fuit. Qui postquam in conspectum Ducis prodissent, hujusmodi orationem habuisse dicuntur.

Quo te nomine insigniamus (*Richarde?*) principemne hodie alloquamur an proditorem, tute ipse ambiguum nobis reliquisti. Nam principis dignitate perinde ac titulo alienum eum judicamus qui patriæ statum vel mediocriter labefactavit: Et cognomentum proditoris ab antiquissimis Regibus originem repetenti tibi indecorum non negabis. In tuâ manu positum vides, quid nunc sis aut velis esse. Quamquam opinio nostra quid velis esse, ubi instructam aciem, insectaque signa conspiciamus, haud amplius incertum sit. Huc nimirum te adegit impotens dominandi libido, & quam errore animi finxisti, principatus spes. Sed per vim quidem patriam administrare, quamquam & possis, & facinorosos coerceas, præterquam in deum impium est, etiam est importunum: quum præsertim omnes rerum mutationes parricidia, direptiones & injurias secum adferunt; Frustra autem contendere, neque aliud tumultuando nisi apud bonos & cordatos cives opprobrium quærere, hominis est tum opibus tum ingenio intemperanter abutentis. Quare si vel ullus dignitatis aut salutis tuæ apud te sit locus, quod fieri tandem necesse est, lubens facito: Exue quamprimùm arma, dimitte exercitum, recipe te in clientelam non minùs metuendi, quàm amati Regis, ipsum (& autoribus nobis) æquissimum habiturum tuarum litium judicem, aut si mavis arbitrum. Quæ ubi accepisset *Eboracensis*, subitòne dicam Regis adventu & certaminis periculo percussus, an expectatione lætioris fortunæ paulum recreatus ita fertur respon-disse.

Deum.

Jo. Utin de obli.
& memorand.
Eccle. Cant.

Annales Ang.

Annales Ang.

Deum hominesque testatur (Reverendi patres) nos contra Rempub: aut facratissimam domini Regis personam, nihil hostile machinatos fuisse, neque quo periculum cuiquam bono crearem propterea copias eduxisse. Sed uti ē sanctoribus Regis consiliis improbos quosdam nobilitatis carnifices, reique Ecclesiastica sacrilegos prædones summo veremus, quorum violentia & crudelitate miseri egentesque diu vexati fuimus. Horum flagitiorum caput & authorem *Edmundum Ducem Somersetsensem* omnes poscimus, quem si in carcere tantisper coniectum viderimus, donec illum in publicis Angliæ Comitibus propositis criminationibus reum peregerimus, ut debitum supplicium proditor nefarius persolvat, reprimam me illico, & ab armis discedam. Vos interea obtestamur (Legati) consuletis miseris subditis, Regique (à quo nemo unquam frustra auxilium petiverit) nostris omnium nominibus supplicare velitis, ne eam nobis necessitatem imponat, ut rebus turbatis alacres, & per incerta tutissimi, misérias nostras cruore vindicantes, consoli inter præliandum occumbamus.

Hall.

Hall.

de. Vien.

His ita expositis Regem continuo totius negotii certiore legati faciunt, qui ubi præter æquum & bonum nihil postulari audiverat, *Somersetsensem* captivum esse jubet, mox *Eboracensem* dedititum clementer accepit: qui non ita multo post, apud Regem in *Edæ Paulina*, una cum nobilissimis consiliariis, adstante *Wintoniensi* (utpote totius negotii bene conscio) jurisjurandi religione devinctus, professus est clientuli in fide & obsequio, se deinceps permanfurum. Atque ita sopita est civilis discordia quæ longius procul dubio processisset, nisi fide & consilio *Wintoniensis* nostri commodè fuisset interrupta. Per istas ab intestinis conjurationibus inducias, nascitur *Edwardus Wallia princeps*, quem peperit *Hemrico Margareta Andium Ducis* filia; cum sacris lotionibus intinxit *Wintoniensis* noster, interque ipsas confirmationis ceremonias (quod munus obibat *Archiprasul Cantuariensis*) infantuli nomine fidejussorem sese exhibuit iterum *Wintoniensis*. Sed ille de improvviso quasi terris subductus, tristissimum sui desiderium Angliæ reliquit, de quo *Maronianum* illud affirmari verè potest.

*Ostendent terris hunc tantum fata, nec ultra
Esse sinent.*——

Eripit se subito, aufertque ex oculis præclara virtus, & invidia certè est aliqua, quæ spes maximas semper depascitur; vix dum enim annum suprâ decimum octavum impleverat, quum miserrimâ laniâ *Tewsharia* occiditur, & incredibili dolore simul & orbitate *Wintoniensem* afflixit.

*Quis tibi chare pater cernenti talia sensus,
Quosque dabas gemitus?*——

Ex Arch. Ebor.

D. de originis
Fur.

Hactenus, quæ levi brachio pertransivimus, luculentum de *Fundatoris* nostri virtute & sanctitate specimen præ se ferunt: integritatem nunc & sapientiam videamus: quas *Hemricus* (certè eximius ille Regum) adeo est admiratus, ut administrationem duorum Collegiorum, quæ amplissimis redditibus nuper dotaverat, bonis etiam legibus & institutis cupiens exornare, *Wintoniensis* nostro, una cum *Johanne Episcopo Lincolnensi* commiserit. Quos ille duos ut olim populus *Rom*: decemvros constituit, non solum ut jura conderent verum etiam corrigere si opus esset, & interpretarentur, neque provocatio ab eis
sicut

sicut à reliquis magistratibus fieret: Qui ubi animadverterunt deesse aliquid primis legibus, pro re natà alias ad easdem, tabulas adjecerunt. Hæc summa potestas diplomate Regio facta illis est, 3. Iduum Juliarum, Regnique 33. *Ex Arch. Eton.* in hæc verba.

Henricum Dei gratiâ Rex Angliæ & Franciæ, & Dominum Hiberniæ omnibus ad quos præfentes litteræ pervenerint, Salutem. Scitis quod nos intendentes, qualiter ad intentionem nostram perimplendam, de & in fundationibus Collegiorum nostrorum Regaliæ beati Mariæ, & Sancti Nicolai de Cantabrigiâ, & Beati Mariæ de Eton juxta Windesforam, plura bona & notabilia statuta, & ordinationes pro salubri regimine & gubernatione eorundem Collegiorum nostrorum per nos edita, condita, ordinata, & stabiliata existant, sicut nobis constat. Ac licet ordinationes ac statuta prædicta in seipsis appareant fore pro hujusmodi regimine & gubernatione eorundem Collegiorum valde necessaria & opportuna: Jam tamen per executionem earundem ordinationum & statutorum videtur & reperitur, quod aliqua eorundem reformatione egent, & magis perfectâ ad dictam intentionem nostram perimplendam fieri possunt. Ac pro eo quod nos circa tam plura & grandia alia necessaria, regimen & gubernationem Regni nostri Angliæ concernentia tam sollicitè occupati sumus, quod circa reformationes defectuum ubi oportebit in ordinationibus & statutis prædictis contentorum, ut supra dictum est, ad intentionem nostram perimplendam continè attendere non possimus; Nos de gratiâ nostrâ speciali commisimus & tenore præsentium committimus Reverendis nobis in Christo patribus Willielmo Winton. & Johanni Lincoln: Episcopis potestatem & auctoritatem nostrâ in hac parte, ut ipsi per advisamentum & consilium præpositorum Collegiorum nostrorum prædictorum, ubi eis videbitur necessarium fore, seu quomodolibet opportunum, dictas ordinationes & statuta, durante vitâ nostrâ in hac parte declarent, corrigant, & reforment ad honorem dei & gloriosissimæ virginis Mariæ matris suæ, & ad commodum & perpetuum stabilimentum Collegiorum nostrorum prædictorum. In cuius rei testimonium, has litteras nostras fieri fecimus patentes. Teste ipsis apud Westmonasterium, duodecimo die Julii. Anno Regni nostri. 33.

In hoc officio quum ita se gessisset Wintoniensis ut omnes fidei prudentiæque numeros præclare absolvisset, non eò solum contentus, *arma apulas* meditatus, beneficium porro erga Etonense Collegium se ostendit. Nam bona adificiorum pars accrevit (sic Lelandus) ut ego aliquando à fide dignis didici & operâ & impensu Gulielmi Wenslæli Episcopi Venta Simenorum, favebat quippe is impensius operi ab Henrico incepto. Et ne quis temerè Lelandum vanitatis insimulet, quasi famæ tanti viri & non veritati inservivisset, subjungam hujus rei clarissimum argumentum. A Gulielmo Orgardio lathomo principali stipulatus est Wintoniensis eam saxorum molem è lapidicinâ Hedingtonensi sibi effossam, quanta satis esse possit, dari (intra definitum aliquod tempus) ad sui, Etonensisque Collegii exedificationem. Quo quidem factò quum insignes ab omnibus Etona alumnis gratias promeritus fuerit, tum virtutis hujus (ut ego conjicio) benevolentiaque ergo (quam is erga Etonenses incredibilem semper habuit,) quotannis supplicatio pro eò decreta est. Sic enim statuta jubent. Ut, Singulis annis infra duodecim dies, festum natalis domini proximo præcedentes,

*Leland in Com-
muni. Cg. Cant.*

E Statut. Eton.

precedentes, ubi congruentius fieri poterit, pro animâ Reverendi in Christo patris Willielmi Winton. Episcopi, nuper Præpositi nostri Regalis Collegii, quum ab hac luce migraverit, animabusque omnium benefactorum ejusdem Regalis Collegii solennes exequia cum commendationibus atque missâ in crastino, celebrentur. Quisquamne hominum est qui tantis præconiis & honoribus quibus Rex Wintoniensem affecerat, posse addi aliquid putet? Meâ quidem sententiâ, itâ prioribus certant proxima, ita nova semper efflorescunt, ut vel principis gratia, vel fides præsulis, inter scribendum mihi videantur crescere. Religio testamenti condendi habita est semper antiquissima, neque supremam voluntatis nostræ sententiam nisi optimo cuique atque integerrimo conceditam volumus. Rex vero cum neminem haberet, quem aut ipse plus diligeret, aut cui plus fideret, ultimæ voluntatis suæ executioni (negotio inter homines longè sanctissimo) Wintoniensem deputavit, hæredemque fidei commissarium in tabulis scripsit.

Ex Arch. Eton.

In the name of the blessed Trinitie fader Sonne and holy Ghost, of our Lady Saint Mary moder of Churk, and all the holy company of heaven. **I** Henry by the grace of God King of England and of Fraunce, and Lord of Ireland after the conquest of England, the first, for divers great and notable causes moving me at the making of these presents, have doo my will and in yne entent to be witten in manner that followeth. Forasmuch as I have enfeoffed before this time John Cardinall and Arch-Bishop of Poike. John Archbisshop of Canturburie. Robert Bisshop of London. William Bisshop of Lincolne. William Bisshop of Salisburie. Thomas Bisshop of Bath and Welles. John Carpenter elyte of the Chirch of Worcester, now Bisshop of the same. Adam Molerynes Clerke now Bisshop of Chichester. Walter Lyhert Clerke now Bisshop of Exowich. John Langton Clerke late Bisshop of Saint Davids, and now to God passed. John Delabar clerke now B. of S. Davids. William Erle of Suffolke, now Marques of Suffolke. Henrie Erle of Northumberland. John Viscount Beumont. Walter L. of Hungerford. Rafe Lord of Cromwell. Rafe Lord of Sendly. John Beuchamp knight now Lord Beuchamp of Powike. and James Ferris squire, now Lord of Saye. John Somerset. Henry Sever. Richard Andzewe. Walter Shyrington Clerkes. Edmund Hungerford and Edward Hall knights. John Saintlo now to God passed. John Hampton. John Roztis. William Cresham. John Wampage. and Richard Andzied now to God passed, squiers: In divers Castelles, Lordshippes, Mannours, Lands, Tenements, Rentes, Services,

SerVICES, and other possessions, Parcell of the Dutchie of Lancaster within England and Wales, as it is moze especialle and at large conteined and writen in diuers letters patents thereof made, of which letters, the first beareth date the last day saue one of November the yeare of my reigne xii. The second beareth date the seabenth day of Julie the same yeare. The third beareth date the xxiii day of febrer the yeare of my raigne the xxiii. The fourth beareth date the xxix of June the same yeare. Which Castels Lordships, Mannours, Lands, Tenements, Rents, services and other possessions bene of the yearly valew of 3395. lib. xi. s. vii. d. When they be discharged of the fees and annuities with which they be now charged. Which letters patents and all things contained in them, by the authorizy of my Parliament last holden at Westminster, as by an act of the same Parliament it plainly appeareth, were authorized, approved, ratified and confirmed for to performe and fulfill my will of and uppon the disposition of the seyd castels, Lordships, mannours, lands, tenements, rents services and other possessions by me to be made and ordained and to my seyd lessees on my behalfe, for to be declared and notified I by these my present letters declare and notifie unto my seyd lessees according unto the seyd Act, that in these my letters is contained my seyd will, which I desire to be done and performed by my seyd lessees of the castels &c. aboue seide.

Remozandum that the King his pleasure is that these castels &c. shall remaine in the lessees hands untill the time that all his will in every point be entirely executed, and that afterwards they remaine to his heyres and successors, Kings of England. But if it fortune that befoze his will take effect, they die all save thre, two, or one: then these thre, two, or one, must enfeoffe fouretene in all those castels &c. videlicet William B. of Winchester. Rinald B. of S. Maph Thomas Erle of Devonshire, Richard Erle of Sarum. Henrie Erle of Northumberland, John Erle of Shrewsburie. Thomas LORDE Cliford. Lyonell Lord of Welles. Master John Chadworth Probof of my Colledge of Cambridge. William Westburie Probof of my seyd Colledge of Eton. Master William Say. Master Andrew Hulles. Sir Robert Rolfe Knight, and Sir Thomas Standley Knight. And if it so fall that these fouretene persons which the seyd thre, two, or one should so enfeoffe at that

L

time

time as such enfeffement should be made, be alled; then these thre, two, or one, must enfeffe fourtene other spirituall and teinpozall of god fame, faith and credence. Whobided alwaies that if any of the first fourtene be on liue, he would haue them all put in the seffement befoze any person of the same state or degre. Furthermoze for the small performing of my seid will, to be put effectually in execution, I considering the great discreti-
 on of the said worshipfull fader in God William now B. of Winchester his high truth and seruent zeal, which at all times he hath had and hath vnto my wele, and which I haue found and proved in him, and for the great and hoale confidence which I haue in him for thoo causes, wol that he not onely as surbeout, but also as executoz and directoz, of my seid will, be preby vnto al and every execution of the performing of my seid will, and that his consent in any wise be had thereto. And if any execution of the performing of my seid will, or if any part thereof be doo in any wise contrary to the tenour and effect hereof, I will that it stand voide and for euer bee had for none. And if it befall that there be any diuers opinions, variance or discord betwene my seid seffes and mine executozs, in or for any execution of the performing of my seide will or of any parte thereof, I gibe then and grant vnto the seid B. of Winchester by these presents, plaine power and authority, And finally I will that he as vnpier in that behalfe haue at all times power and authority for to call and take vnto him such discrete persons of my seide seffes as vnto him for the accomplishment of my seid will, shall seem best disposed, and he after their aduice herd, do make the small conclusion in that party. And I will that the power, state, title, and interest of that person, and of thoo persons of my seid seffes in home the cause of such variance and discord by the seid B. of Winchester and thoo other of my same seffes shall be found, cease and be void al wel in all things touching my seide seffement, as in all things touching my seid will. And if so be that the seid B. of Winchester passe vnto God out of this mortall life I being on liue, then I will that this authority and power by me vnto him in the forme aboue seide reuen and granted, retorne againe wholly vnto me and abide in mine own disposition. And in case that I be called out of this mortall life, the seide B. of Winchester me ouer libing, I will then that at such time as God shall giue vnto him knowledge by likely hood of his
 briefe.

bryefe passage out of this world, my seyd will at that time not fallie accomplished, he remember him of the most discrete faithfull and true person a Lord spiritual of trespasall, which the said B. of Winchester by very experience had, the meane time shall finde and pprove for to be best and most godly disposed, and most fervent in zeale to the performing of my seyd will; and as well unto the same Lord without inordinate affection or acception of person, as he shall in bryefe streich answer herein before the tribunall seate of Christ our alder Saviour and terrible judge, as unto the Brounks of both my seyd Colledges for the time being, commit fully under his letter and seale the seyd power and authority which he hath in the forme abovesaid of my gift and grant made unto him in this behalfe. And if it so be that the seyd Lord, unto whom the seyd power and authority, in the forme abovesaid by the seyd B. of Winchester be committed, be not profittable unto the performing of the seyd wil, I wil that the Brounks of my Colledges discharge him of the authority. And that then they commit by their letters and seales full power unto another Lord, and so from time to time untill the will be entirely accomplished.

Hujus testamenti videndi, excribendique facta est mihi copia *Henrici Savilli* viri clarissimi operâ, qui dum bonos conatus promovet, etiam ad hæc usque officia se demittit. Quare ubi tot exploratz & perspectæ fidei documenta Rex jam haberet, ad supremam *Anglia Cancellariatus* dignitatem ipsum evexit: & ducentarum librarum in singulos annos salario donatum, assiduum deinde in aulâ regiâ esse jussit. Qui magistratus ut inter rogatos præcipuus est & a Rege securus, ita summam rerum omnium potestatem ad se trahit. Jam errantibus veniam, miseris subsidium, oppressis patrocinium, supplicibus aram, præstare solet; & æquitatis pariter ac justiciæ suavissimâ temperaturâ illustis apud Anglos semper effulset; denique hic est.

E Pelle canis.

— *Qui regni leges cancellat iniquas
Et mandata pii principis æqua facit.*

Ut non incitè dixit *Johannes Sarisburiensis*. Serius opinione vulgi hanc augustam Cancellarii purpuram *Wintoniensis* induit; qui nequem locum aut tempus in illo orando prætermittant, simul cum episcopatu, hæc quoque insigni dignitate amplificatum arbitrantur. Sed ego synceris Chartophylacii tabulis, quæ in turre Londinensi custodiuntur, fidem potius meam adstringo, quam plebeculæ rumusculis. Tuæ singulari humanitati acceptum fero (*Franciscæ Thymæ* antiquariorum splendor maxime) qui istas errorum nebulas prius dispulisti.

L 2

Memorandum

In turri London.
rotula Clausu-
rum 35. b. 6.
dorso rot. mem-
bran. 10.

*Memorandum quod undecimo die Octobris anno præfenti, venerabilis pa-
ter Tho. Archiepiscopus Cantuariensis &c. & Cancellarius Angliæ, in præ-
sentia venerabilium patrum Tho. Episcopi London. Johannis Episcopi Lin-
coln. Tho. Episcopi Vigorn. & Reginaldi Episcopi Covent. & Lichfeldiæ :
nec non honorabilium Dominorum Richardi Ducis Eboracensis : Humfre-
di Ducis Buckinghamiæ : Henrici Ducis Somersetensis : Jacobi Comitis
Wilton. & Johannis Com. Salopie, Thesaurarii Angliæ, ac aliorum quam-
plurimorum Dominorum spiritualium & temporalium, exhibuit Domi-
no Regi in Camerâ suâ infra Prioratum de Coventrye, tria sigilla sua regia in
tribus bagis de corio, sub sigillo prædicti Cancellarii sigillatis inclusa ; viz.
Magnum sigillum aureum, ac aliud sigillum argenteum de magnâ formâ, &
tertium sigillum argenteum de minori forma, quas quidem bagas prædicti
Cancellarius ad tunc, ibidem aperiri fecit & singula omnia sigilla præ-
dicta, manibus suis propriis præfato domino Regi in præsentia dominorum
prædictorum liberavit. Ac idem dominus Rex receptis per ipsum de præ-
dicto Cancellario sigillis prædictis præfatum Archiepiscopum de officio
Cancellarii & sigillis prædictis penitus exoneravit, Et eadem sigilla venera-
bili patri Willielmo Episcopo Winton. ad tunc Cancellario Angliæ, per
præfatum dominum Regem ordinato, & constituto, ad eadem sigilla salvò
& securè custodiendum, occupandum, & exercendum, nec non ad breviam
& literas prædicti domini Regis patentes cum sigillis illis quotiens opus fu-
erit & necesse pro commodo & utilitate ejusdem domini Regis & Regni do-
minorum & populi suorum sigillandum & sigillari faciendum liberavit, præ-
dictusque Episcopus Winton, præstito per ipsum in præsentia domini Regis
& dominorum prædictorum prius sacramento, in formâ consueta, de offi-
cio illo benè & fidelitèr faciendo & exercendo, prædicta sigilla à præfato do-
mino Rege recepit, ac quasdam literas patentes de perdonatione præfato
Archiepiscopo, prædicto undecimo die Octobris confectas, sigillo argenteo
de magna forma sigillari, & deinde omnia & singula sigilla prædicta in bagis
prædictis reponi, & bagas illas signeto suo per Johannem Bale unum Cleri-
corum Cancellariæ prædicti Domini Regis ad tunc & ibidem sigillari fecit &
demandavit.

Sub idem tempus, quo ista Coventriæ sic geruntur, Eboracensis unâ cum
Warvici & Salisburie comitibus ad Regem venerant, quibus nisi melius sibi
prosperissent & clanculum ex aula se subduxissent, ab impendente mortis
periculo evadendi spes nulla fuisset. Namque Margareta Regina ipsorum vi-
tæ insidias callidè retenderat, dum nimiam illorum potentiam suspectam ha-
buerit. Cæterum *Wintoniensis* noster dum in hoc honorum cursu ita versare-
tur ut & princeps optimus consilium & industriam ejus indies collaudaret : in-
cepti tamen operis apud *Oxonienfes* memoriam ex animo deleri haud passus est.
Itaque longè magnificentius hospitium excipiendis Musis conditurus (regiâ
quippe benignitate adjutus) *Aulam Magdalena* quamvis parentem *Collegii* de-
reliquit, domumque consanguineam ne omnino perisire videretur, in suam
quasi corpus iterum transtulit. *Tullii Hostilii* prudens in hoc nimirum exem-
plum imitatus, qui postquam *Albam* esset demolitus, civitate *Romanâ* mox

Albanor.

Hall.

Albanus donavit. In ipso Oxonii suburbano, Eurum versus Collegium vergit: à quâ regione amne perspicuo præterfluente alluitur, qui *Cherwellus* dicitur, latus septentrionale arboreto clauditur. Utrunque multæ ambulationum & secessuum amœnitates, & in utroque elemento quasi delicias excogitante natura. Surgit quadrato lapide, visendum ipsa vel materia vel subtrili junctura ædificium. Duplici pinnarum ordine adversus paries decoratur. Frontem Collegii occupat excelsa turris, quæ erudito statuarii opere incisa, intentum oculos mire ad se trahit, aream interiorem cingunt claustra, (sic hodie appellamus) costâ latere perstrata, quæ topiarii vel porticus usum non incommode præstant, vivis animalium figuris tibicines, occultum nescio quid & hieroglyphicum significantibus exornantur. Antiquissimorum codicum suppellectile instruitur bibliotheca. Templum augustum & divini numinis religione vere suspiciendum. Aula elegans & spatiosa. Collegium qua boream spectat ingenti murorum ambitu defenditur, qui nisi horribilis illa disjiciendarum urbium machina ex inferis ad nos prodisset, insignem Πυλαγοντία, aut eludere, aut prohibere diu potuissent. Bonis studiis in hoc contubernio invigilant *Sodales* quadraginta, *Scholares* triginta, sacræ theologiæ unus, & philosophiæ utriusque prælectores duo, scriptiorum præfectus qui ætæ domestica excipit, Grammaticæ informatores duo, quatuor præbyteri capellani facellani, clerici octo, pueri symphoniaci sedecem, chori præcentor, famulorum haud exigui numerus, quos ille omnes bonus paterfamilias suis sumptibus benigne alit. Leges porro sancivit quibus singuli in officio contineantur: si quid recte fecissent præmium, sin secus pro admitti criminis qualitate, poenas relaturi. Huic à se tam prudenter constitutæ Reipub. litterariz præesse aliquem voluit, moribus atque usu rerum gerendarum præstantem virum qui reliquis cum summa authoritate jus diceret; quippe multo antea futurum præviderat (homo minime imperitus) frustra aut Collegium conditum, aut compositas leges, si per incuriam, aut temeritatem nostram has non observaremus. Est enim *Lysias* illud contra *Alcibiadem*, verum. *οὐδεὶς ἐστὶν ἄνθρωπος ὅστις οὐκ ἐστὶν ἐκείνῳ ὅτι οὐκ ἐστὶν ἐκείνῳ*. Idcirco nobis ceu liberis impuberibus, qui propter ætatem se defendere nequissent, testamento suo tutorem dedit. Quod officium fide optimâ nunc administrat clariss. Præles *Nicholaus Bondus*, vir (nam satis manifesta sum diuturnus) non authoritate magis quam prudentiâ, & virtute venerabilis. Præteriri in hoc loco absque singulari ingratitudinis infamiâ piam *Henrici sexti* beneficentiam, non debeo: qui ubi *Wintoniensem* nostram bonis litteris promovendis intentum viderat, nascenti Collegio suppetias tulit: & divi *Johannis* hospitium eâ lege *Fundator* concessit, ut non deesset quâ Collegium commodè poneretur, & studiosi censibus in pauperum usum prius erogatis, ad vitam sustentandam ampliter uterentur. Bonis deinde auspiciis surgere jam incepit Collegii fabrica Anno *Christi* domini. 1458. mentis *Junii* duodecimo. Quod postquam absolutum foret *B E A T E* *M A R I E M A G D A L E N E* nomine Rex insigniri jussit, Titulo (ut verum fatear) ad rem ipsam significandam valde accommodato, neque à factis & laudibus ipsius *Magdalene* abludente. Videntur enim (*Nicholai* *Harsfeldi* verbis dicam) & *Christi* pedes fragranti & pretioso horum bonorum.

E libro statui.

Lysias contra Alcibiadem.

E Regist. Coll. Mag.

E Registro Colleg.

E Scaccarii Reg. Harsfeldi. fol. 150.

rum ejus operum unguento, in pauperrimis *Christi* membris delibuti, quum quicquid ob ejus gratiam uni vel ex his minimis tribuitur quasi sibi *Christus* erogatum adscribat. Videtur & capillis terfisse pedes *Christi* & adhuc tergere, dum externis illis bonis & divitiis, quæ illi, ut capiti capilli, quasi ex abundanti & superfluo supererant, tenuiores foveat. Videor mihi videre (quoties divinissimum Fundatoris nostri benignitatem contemplor) respondentem per omnia utriusque, *apud nos. Christi* genibus pronus uterque advoluit. *Christi* pedes uterque abluit, nec utrique capilli defunt pro linteis, quibus *Christi* pedes tergant. *Christum* uterque lavat, & ab eo vicissim uterque lavatur. Ità quod de *Maria Magdalenâ* non incondite (ut mihi videtur) olim cecinit poeta, id etiam de Fundatore nostro pulcherrimâ (*Hercules*) *magis* queat usurpari.

Procurantibus Christi pedibus non lota Lavatrix,

Inde lavanda suis sordibus, unde lavat.

Vasa quidem defunct, sed sunt expressa decenter

Creme, sum, lachrymis, linteis, peluis, aqua.

O Christi pietas! ô gratia grata, vicissim

Ambo lavant, Christum fœmina, Christus eam.

Enim verò nihil jam apud eum antiquius fuit, quàm ut opus inchoatum ad exitum perduceret. Hoc unum spectabat, huc denique cogitationes suas referebat. Quum interim *Reginaldus Pecockius* Episcopus *Cicestrensis* propter disseminatas in concionibus suis hæreseos occasionem, de fide *Christianiana* parum sanas opiniones inbibisse perhibetur: adductus igitur in iudicium, quæsitusque an illarum partium esset, quas antea propugnasset. Intrepidè respondet, nullo se partium studio abductum (quæ in causa religionis vacare periculo non possunt) in diversam sententiam abivisse, rem ipsam modo æquâ lance expenderent, ipsum (si veris vinceretur) errores suos libenter agniturum. Ibi patres post multam disceptationem *Reginaldum* imminutæ religionis reum faciunt; ultricibus flammis primum libros comburunt: deinde ipsum ad *Divi Pauli* sententiam abdicare coegerunt, domique suæ custodiæ mancipatum continuerunt. *Wintoniensis* noster tametsi suapte ingenio mitissimus, nèquid Respub: *Ecclesiastica* caperet detrimenti, rem ampliandam minimè existimans, in ferendo calculo *Archiepiscopum* reliquosque *presules* secutus est. Quod si eandem proceres in suis iridem discordiis sedandis diligentiam adhibuissent, quam Episcopi in componendis *Ecclesiæ* dissidiis, & ferale illas inimicitias, amica potius disceptatio quàm *Mors* diremisset: nunquàm illuxisset ille *Angliæ* dies, qui tot calamitatum quasi myriadas secum ad vexit. Assidui verò & perversissimi hostes fuere herilis *Eboracensis* filius & *Warwicensis* quibus quum ex parlamenti senatusconsulto perduellionis crimen intentatum, adempte possessiones, irrogata insuper infamia, bilem commovissent: ferro rem simul ac famam repetituri *Norhamptonum*, quo Rex antè contenderat, collecta militum manu perveniunt. Deip oratores ad Regem *Warwicensis* nomine aleggati, petunt saltem ad colloquium Regis admitti *Warwicensem*, qui illorum innocentiam exponeret. Negat fas esse *Buckingham*.

mihi:

*Baleus in apend.
ad vit: Reg. Pe-
cockii.*

Baleus.

Hall.

Stevens.

mius: Item supplicatum est, sed frustra. Hac indignitate vehementer permotus Warvicensis. Narra igitur (inquit) Henrico (sacialis,) & confidenter narra, quando æquissimas postulationes nostras tam nihil faciat, horam à meridie circiter secundam, vel in acie pugnans occumbam, vel ipsum conveniam. Per triduum antequam hæc in castris sic agitabantur, apud Regem fuit Wintoniensis: qui cum videret eos classicum canere quos ex officio pacis cultores magis esse oportebat, ut ex tam manifestis animum dissonantibus concordia amplius sperari haud potuisset, resignatis honoribus, Cancellariatu sese abdicavit. Unde minuenda mihi est Polydori Virgilii sententia, qui fallacibus quantum ego puto, conjecturis fretus, opinionem à veritate alienam promulgare non dubitavit. Is quippe ubi Fundatoris nostri injecta est mentio, sic scribit. Etenim propter justitiam prudentiamque diu Anglia Cancellarius fuit. At quamdiu? Certe non per decennium: quod tamen temporis intervallum (diu) interpretatur Ulpianus. Quinimo nec per trientem decennii. Namque die Julii septimo earum molestiarum pertæsus, quas Cancellarii munus afferre solet, simulque rerum humanarum satur, quicquid supererat vitæ, totum Deo consecravit. Quare adis pro tam insigni beneficio ingentibus gratiis, sigillum in manus Henrici principis lubens tradidit. Sic enim habent Archia turre Londonensis. Memorandum quod die Luna viz. septimo die mensis Julii circa horam quintam post meridiem, Anno regni Regis Henrici sexti: 8. venerabilis pater Willielmus Episcopus Wintoniensis tunc Cancellarius Angliæ. deliberavit prefato domino Regi unum magnum sigillum suum argenteum in tensorio suo tunc situate in quodam campo Hardinstonsfelda, juxta Albatibiam de pratis, propè villam Norhampton, presentibus tunc ibidem venerabilibus patribus Johanne Herefordensi, L. Dunelmensi custode privati sigilli Domini Regis, Episcopis, Magistro Thoma Marninge Secretario Regis, Bartholomeo Hully, & Willielmo Elton Armigeris, Et super Hoc de mandato domini Regis prefatum sigillum positum erat in quadam cistâ suâ in tensorio prædicto, & claves ejusdem cistæ prefato Regi continuo liberat. Moxque eodem munere in auctortus est Georgius Nevillus Exoniæ Episcopus, magni illius Warvicensis frater natu minimus; Triduo interjecto secundum Nynam flumen commissis prælio, postquam albescere jam dies incipiebat, ad meridiem usque dubio fortunæ eventus victoriæ pendit. Tum Henriciani paulatim hostibus cedere incipiebant, mox in fugam sulsi profligatique civili triumpho Warvicensem decorarunt. Hanc funestam bonorum civium stragem, vel quia futuram Wintoniensis multo antea prævidebat, vel quia tacitus apud se indignam Eboracensis conditionem deplorabat, quem infinitis impotentiissima melicercula injuriis expositum viderat, et propterea neque interesse ipse Winton. neque ulla diutius insignia gestare sustinebat, quibus pro temporis ratione, etiam ad nobilissimum & optimum quemque opprimendum uti cogeretur: Certum illud est gravi suspitione apud Pium secundum pontificem maximum laborasse eum; quasi parum fidelis in obsequio Regis permanisset, aut quasi medius inter duos fortunam expectasset (cujus criminis insinulatus Johannes Tiptotus Vigornie Comes & in publico Nobilium confesso reus peractus, capitis iudicium pertulit, securi percussus.) Sed hac infamia Rex eum liberavit scriptis ad Papam litteris in hæc verba. *in archiepiscopatu*

Ex. Arch. Turris London.

D de fidei commissar. lib. 1. 16.

E turre London: Claus. 38. ff. sexti in dorso membrana. 5.

Thrin. in Catalogo Cancell. Annales dugl.

Baleus. E libro fo Rya in Coll. corp. Christ. Cantuariæ.

Beatissime.

Beatissime pater humillimā recommendatione pramissā, cum devotissimū pedum osculis devotorum. Fidelem atque catholicum principem rem dignam peragere credimus quotiens praelatos & benemeritos viros vestra sanctissima paternitati curamus addicere: ut perinde bonis juxta sua merita condigna virtutum pramia liberaliter irrogentur, & de eisdem sinistra sentiendi, si fortē per annulos & falso quicquam deferri contigerit, occasio qualibet amputetur. Hinc est beatissime pater quod, quum nuperrimis his temporibus, quibus vehementer & civili quadam tempestate, regni nostri publicus status gravem jacturam senserit, ne pernicious evolans alis ambigua fama, veris nonnunquam falsa permiscens, unā cum noxiis viris infantes alios & in nullo demeritos in culpam trahat: Animo nobis est, vehementer & cordi, clarissimo viro fortasse per annulos tracto in infamiam, nostro testimonio quantum in nobis est omnem adimere culpam, huc praesertim quem plurimum carum habemus, Reverendo in Christo patri Willielmo Vinton. Episcopo: Cujus cum opera & obsequiis, in regnis nostris gerendis non parum usi sumus, in nihilo tamen cum excessisse testamur quod justē denigrari possit aut debeat tanti fama Praelati, quam hactenus omnium ore constat intemeratam existisse. Ea certē putatur in eo vitā & honestissima conversationis integritas, ut deo placeat, & regni nostri majores & inferiores status hominum bonam & synceram de eo opinionem sentiant, in sanctam Apostolicam sedem devotum semper fuisse & obedientem filium testes sumus, pro quā nec unquam instare desistis, quod minus omni conatu, honorem, reverentiam & obedientiam, sacra Sedī debitas, omnibus terrenis re & verbo anteponeret. Hec quum itā sunt beatissime pater, rogamus quod valeamus devotius semper piissimam paternitatem vestram, ut ad partem positis annulorum commentis, si qua in hujus nostri & indubitati testimonii contrarium referuntur, eum uti fidelem ac devotum filium vestri status & nostri, pacisque zelatorem quem ob sua merita uti colendum patrem honoramus, & plurimo dignum honore censemus, in uberiore gratiam sedis Apostolicae, virtutum suarum & nostrarum precum intuitu gratiosius velitis admittere, atque in gerendis ejus negotiis in curam G. V. singulariter habere recommissum. Et velit vestra eadem beatissima paternitas fideli nostro Johanni Lascey, & praesentium latori de nostra voluntate sufficienter instructo, in his quae pro parte hujus venerabilis patris dicturi sunt, indubiam habere fidem. Et aliam vestram personam ad gregis Domini regimen salutare, votivā felicitate faciat prosperari Jesus Christus Ex London. Octavo Novemb. Anno Dominicae incarnationis, 1460.

E. V. S.

Devotus filius Henricus Rex
Angliae & Franciae.

PRorogabitur in omnem æternitatem, sæclisque innumerabilibus apud posterios confenscet indulgentissimæ pietatis tuæ erga *Wintoniensem* nostrum famam (dive *Henrice* princeps clementissime), qui virum innocentem de te, deque Repub. tuâ præclare meritum, crebris sycophantarum calumniis, cum mucronibus impetitum, tuâ æquitate recreare voluisti; quod adhuc vigeat æternumque (ut spero) vigebit illius fama, quam nulla unquam violentia, id typum facile agnoscit & postremum & maximum beneficium; Namque ab illo tempore conversâ rerum sceni, summam potestatem *Edoardus* occupavit. Cæterum *Wintoniensis* quamquàm hoc uno malo sic afflictus videretur, at nulla ampliùs fortuna ipsum posset efficere scelerem: dejecto scilicet è summo dignitatis folio *Henrico*, in quo spem unicam senectutis suæ reposuerat, cuiusque patrocinio nupèr unus ex omnibus & erat fortunatissimus & habebatur: In maximo tamen luctu, ipsum consolata est *Edoardi* clementia (quippe qui tam benignus ac facilis fuit, ut nemo unquam senatui populoque *Anglicano* charior contigerit, nec qui perinde omnibus in gratiâ conciliandâ obvis atque expositus ferebatur) sic ut rem ipsam si putare volumus, patronum mutaverit verius quàm amisit. Scio non deesse quamplures, quibus hæc sententia minus arridet; qui principis ingenium ex intestinâ familiarum discordiâ metientes, in qua necesse erat partes mutuò sibi esse infestas, *Edoardum* amicis & factis *Henrici* iniquissimum fuisse judicant: quocirca & *Wintoniensem* nostrum carum injuriarum illicò asinum esse volunt, quas fert inimicitia. Enimverò *Johannes Episcopus Herefordius*, quod militum animos oratione suâ ad pugnam, contra *Edoardum* in prælio *Northamptonensi* accenderat, in Castellum *Warwicense* coniectus est: Et *Georgius Nevillus* omnibus fortunis multatus, cum libertatis etiam dispendio, infenso regi pœnas perfoluit. Denique Comes *Oxonii* nobilissimus jam provectæ ætatis senex, ultimo supplicio affectus est. Nam quid *Beumontium*, aut *Cliffordium*, aut alios nonnullos memorem: qui serò, sed non absque aliquo vitæ suæ discrimine didicerunt, quanti esset in scopulum implacati regis impingere? Undè & bonis rationibus adduci mihi videntur, qui tam communem sortem *Wintoniensi* subeundam existimarunt, uni scilicet ex omnibus *Henricianis* amicis, fidelissimo. Ego sane *Thoma Cooperi* memoriam, propter eloquentiam, rerum prudentiam, industriamque singularem, pro eo ac debeo, unice colo & revereor: sed si hominem (tametsi insignem) dixero, hoc est quem latere aliquid interdum potuerat, quique ut plurima ipse rectè, ità alius vicissim aliquid non male scripsisse putaretur, non multum puto ipsius laudibus detractum iri. Verùm ut de re nostrâ dicamus (quantum ego inter legendum observare potuerim) nullibi gentium me reperisse memini, unde vel levissimam contra hæc cum Rege simultatis suspicionem possunt adstruere, nedùm ut eo nomine fidei & existimationis suæ iacturam cum Rege fecisse deprædicent. Nam diploma illud, in quo plurima privilegia habentur, antiquitus Episcopis concessum, *Wintoniensi* huic nostro confirmavit. Id, quo illustrior fides fiat, subijciam.

Nos autem chartas prædictas, ac omnia & singula in eis contenta rata habentes & scaccario & grata, ea pro nobis & heredibus nostris quantum in nobis est, acceptamus, approbamus, & venerabili *Wilhelmo Wainflete* nunc Episcopo *Winton.* & successoribus suis ratificamus & confirmamus, prout charta prædicta rationabiliter testatur.

*Tho. Morton in
hist. Richard. 3.*

*Leland & Tho.
Cooper.*

Stowens.

*E scaccario
Regio.*

tur. In cuius rei testimonium has literas nostras fieri fecimus Patentes. Teste meipso apud Westmonasterium primo die Julii. Anno regni nostri secundo.

Atque ne simpliciter duntaxat beneficio Wintoniensem affectisse videretur: Ecce jam alterum Regiæ benignitatis argumentum, quod iisdem verbis describendum curavi.

*R. Scaccario
Regio.*

Nos de gratia nostra speciali concessimus & per presentes concedimus, venerabili in Christo patri Wilhelmo nunc Episcopo Winton. quod ipse & successores sui Episcopi Ecclesia prædicta in perpetuum erga nos heredes & successores nostros, quieti sint & exonerati, tam de omnibus & singulis escapis omnium & singularum personarum pro feloniam convictarum & convincendarum & ex quacunque causa jam attactarum & attingendarum et custodia ipsius nunc Episcopi Winton. & successorum suorum ut loci ordinario salvo & securo secundum legem & consuetudinem regni nostri Anglia custodiendam, commissarum & committendarum, quam de quibuscunque factis, demandis, pecuniarum summis & penis quas prædictus nunc Episcopus & successores sui arctati prædicti. nobis seu heredibus nostris forisfecerunt aut forisfecerant, vel ad nos, heredes seu successores nostros pertinere potuerint aut potuerint &c. Et de uberiori gratia nostra volumus & concedimus quod si presentes litera in formam vel materiam seu ex quacunque, alia causa quoad debitum effectum & intentionem exonerationis sive prædicta concessionis nostra minus valida seu insufficientes existunt &c. Quod Cancellarius Anglia pro tempore existens tam presentes literas nostras reformet, quam fieri faciat alias literas in ea parte validas & sufficientes, quoad dictum Episcopum & successores sui debitum effectum exonerationis & concessionis nostra habuerint vel habuerint; nec non alias literas de perdonatione, remissione &c. Validas & sufficientes de tempore in tempus, quum per præfatum Episcopum seu successores suos &c. fuerint rogatus. T. R. apud Westmonast. 16. Novemb. Anno Ed. IV. 6.

*R. Scaccario
Regio.
E. Regia. Coll.*

Sed nè incredibile in summâ rerum potestate modum & inusitatum regis optimi mansuetudinem requiras, literas (ut vocant) patentes, quas ab Hemrico ejus adversario Wintoniensis impetraverat, insepexit simul & comprobavit: Collegium ipso adventus sui splendore illustravit, & (quod plus ames) sponte, non rogatus, quæ res non mediocriter complacuit domino Fundatori. Collegii dignitatem sibi deinceps curæ futuram gratiosè spoliavit: Denique, eximium sane & singulare erga Magdalenses studium cum verbis magnificè significavit, tum re ipsa cumulativè implevit. Cætera quæ sunt in hoc genere multa maximeque, sciens prætermisi, ne cui non tam fidem facere videar quam molestiam. Tantorum igitur meritorum ut Regi præstaret eam, quam debuit, memoriam Wintoniensis, spirantem defunctumque, gratissimis suorum obsequiis celebrandum statuit. Nam quid quæso in causa potest esse, quare istud humanitatis & clementiæ exemplum à regis moribus adeo alienum quisquam putet, quando (ut verissime scripsit sophus ille) principi non minus turpia, multa supplicia, quam medico funera? Joh. Mortonum in durissimis Reip. tempor. Hemrico sic adhærentem ut ne in castris etiam aut summo rerum omnium discrimine ab eo unquam discederet, ob fidem & integritatem hominis, tanti fecisse perhibetur, ut multis beneficiis primum pellectum, & arcanis consiliis deinde adhibi-

*R. Statut. Coll.
M. g. d.*

*Sententia de clem.
ment.*

*Part. r. in vita
Joh. Mortoni.*

tum tandem ad *Elyensem* Episcopatum eum promovit, summamque in eo rerum bene gerendarum fiduciam postea collocavit. *Johanni* Duci *Somerfensi*, *Rodolpho Percio* equiti auratæ militiæ aliisque compluribus ad ipsum suppliciter confugientibus delictorum veniam fecit; sic ut qui de hac re amplius dubitare velit, in evolvendis illorum temporum annalibus cum aut omnino indiligentem fuisse aut incredulum necesse est, ut operæ pretium propterea non sit, aliud ad hanc rem probandam argumentum inducere. Sed ut contra veritatem semel agnitam ne hiscere quidem diutius valeant, ad assertionis nostræ coronidem, ultimo in loco hoc etiam adjiciam. Templum *Windsore* posuit *Edoardus quartus*, absolutum elegantis structuræ exemplum: ad id maturius perficiendum, Academicorum lathomi jussu Regio avocantur. Id ægrè ferentes *Oxonienfes*, ne inceptum scholæ theologicæ opus per moram corrumpi possit, ex iis operariis quos Collegio suo absolvendo à Rege Fundator impetraverat, aliquot sibi per benignitatem Regiam concedi, his literis supplicem in modum obtestantur.

Hæc.

Leland. in Comment. ad Cyp. Cant.

Christianissimo Principi Edoardo, Dei gratia Regi Angliæ & Franciæ, Oxoniensis Reipub. protectori singularissimo, Cancellarius Universitatis Oxon universisque Regentium in eadem cætus sese cum omni reverentia commissos faciunt. Et si possumus, illustrissime principi, quamplurimos vetustiorum tui regni commemorare, quorum beneficio litterarum studia vehementer illustrata sunt, hac tamen imitanda virtutis commemoratione, nobis apud te nequaquam uti oportere visum est. Quippe qui sine ullo superioris ætatis Regum exemplo, singularem tuenda nostræ Universitatis curam tuâ sponte suscepis. Nos itaque potius in hac tuâ presenti bonitate, quàm in illâ umbratili verum dubiarum memoriâ confisi, tuam celsitudinem imprimis hortabimur, ut in his potissimum rebus quæ ad honestandam nostram Rempub: maximè conducunt, eum nobis rogantibus præbeas quem semper præbiturum non rogatus iurò statueris. Quod si abs tuâ benignitate impetrabimus, nulum certè beneficium magis hoc tempore necessarium abs te in nos proficisci potuisse cognosces. Nacti etenim sumus paucis his diebus viros nostræ Universitatis observantissimos, qui ornatissimum sacre Theologiæ domicilium, quum sexaginta ferme annis derelictum jam diu squalesceret, perficere instituerunt. Quæ res quo celerius tandem expedire possit, profecto nec laboribus nec impensis reperimus, quum perquisitis lathomis supremam operi manum imponeremus; nunc vero, quod quos summa diligentia perquisivimus ad tuâ magnificæ operæ sunt accessiti, progredi non possumus: atque hac operis intermissio eam nobis desperationem affert, ut nisi quam primum cæpta maturemus, verendum erit, ne illis qui sumptus hactenus suppeditarunt, ad consuevendum vitæ non suppetat. Et dum animadvertimus tuam ardentissimam in ædificandâ ad Dei gloriam Ecclesiâ diligentiam repetere audeamus: hoc tamen postulamus, ut si Reverendus pater Episcopus Winton. nostro rogatu persuasus, aliquos ex his quos nui suo concessis, nostro etiam usui impertire velit, illis saltem utendi nobis potestatem facias, quod quon non tuis ædificiis officere potest, tum nostris utilissimum erit. Vale serenissime princeps & Christianissime Rex nostræque Universitatis protector unice.

Hæc ut forte confirmata verbosius, ita prætermitti prorsus haud decuerat,

M 2

nc

E. Thienus in
Catal. Cancell.
lar. Ang.

Epist. Oxon. in
Coll. Corp.
Christi. Cant.

ne qui indignationem Regis adversus *Wintoniensem* bellè excogitarunt, aliud præter expertem rationis opinionem secum attulisse videantur. Cæterum hoc commentum quamlibet frigidum, illis hæcenus arrisit, quibus aliquid dici satis erat, nimirum haud ignaris, probationes ab se non esse exigendas. *Wintoniensem* (sicut ego accepi) sunt qui *Oxonii Cancellarium* fuisse asserunt, quibus libenter etiam assentior: sed de tempore quo hoc officium gesserit liquido pronunciare nihil possum, dissipatis per quorundam incuriam *Academiae* monumentis. Regnante tamen *Edoardo* illustra aliquot ejus patrociniis vestigia nondum detrita vel ex his *Oxonienſium* litteris perspicue apparent.

• *Cupimus, magnifice præsul, eas paternitati tuæ gratias agere, quæ vel tua erga nos merita æquarent, vel nostram erga te voluntatem declararent: non quod arbitramur gratiarum expectatione impulsus te tam de nobis bene mereri voluisse, sed quo nihil videamur in te officii (quantum nos præstare possumus) prætermittere. Verum tametsi tantus est tuorum in nos meritum cumulus, tantusque nostræ in te voluntatis ardor, ut nec illis respondere, nec huic satisfacere nobis posse concessum est: tamen nec nostræ quidem humanitatis est, quod possumus, omittere: nec tuæ quod non possumus requirere. Immortales itaque Reverende pater tibi gratias agimus, quippe qui te omnium quos nostræ atas tulit, cupidissimum nostræ Universitatis præbueris: tuam ad hoc præstantiam majorem in modum rogantes, ut qui tuâ sponte incitatus, tantam publicarum utilitatum curam gesseris, privatarum etiam (quæ ad nostros potissimum spectant) rationem habeas; ex privatis enim commodis publica sapenimèrò crescant. Quamobrem quum jamdudum accepissemus magistrum Gilbertum Haydock sacra Theologia professorem, & Thomam Davers ex tuis fidelissimis familiaribus unum, diuturnis litibus versatos esse, ad te (constantissime præsul) rem omnem referendam putavimus. Iste publicis judicii magistrum laceſcit, ille iterum Universitatum privilegia requirit: quo sit ut non parum timeamus, ne nostræ tandem libertates periclitanda sint. Te igitur magnopere obsecramus (humanissime præsul) ut his vel tuorum vel nostrorum perturbationibus exitum imponas. Hoc enim perinde nobis gratum erit, ac si in nos omnes contulisses.*

Clarissima sunt (ut mihi quidem videntur) hæc voces: *Ad te constantissime præsul rem omnem referendam putavimus. Ex his perturbationibus exitum imponas &c.* Neque præter Cancellarii munus, tam commodè quidquam expriment; sed de tempore nihil habeo quod definiam: nam probabiles rerum conjecturas sequi omnino non placet, quarum vestigiis ut aliquando ad veritatem pervenitor, ita frequentius à scopo aberratur. *Mæcenās, interim si*

bonus

bonus fuerit & in Academicos benignus, cujus autoritate ornati, & ope adiuti fuerint, quemque ipsorum commodis & dignitati ubique præsentem fenserint, loquatur vel me tacente manuscriptum Epistolæ exemplar, quod in selectissimâ Collegii Corporis Christi apud Cantabrigienses Bibliothecâ custoditur.

Non potuerunt (Amplissime præsul) tua nos ingentissima beneficia deterrere, quo minus pro communi Reipub. nostræ utilitate, si quid ipsius interesset, ad tuam præstantiam conscriberemus. Est enim (ait Cicero) nobilis animi atque ingenui, cui multum debeas, plurimum velle debere. Quapropter quum statuentibus jam nobis ad novarum scholarum perfectionem prorsus incumbere, tuum quoque subsidium ad eam rem perquam opportunum videatur: te rogamus (optime pater) ut qui semper ad communes utilitates amplectendas, tuâ sponte satis incitatus es, nostris etiam precibus ad eas ipsas incitari velis. Atque ut intelligas quid est quod tantoperè cupimus, desunt profecto nobis ædificiales machinæ adeo quidem ad nostrum institutum necessaria, ut sine his nihil aggrediendum sit, quas si de integro parabimus, necesse erit tum grandem in illis pecuniam exhauriri, tum expectati operis consummationem diutius retardari: quibus equidem malis, te unum imprimis (magnifice præsul) facile mederi posse intelligimus, si vel illis ædificialibus instrumentis, quæ ad tui clarissimi Collegii fabricam comparatæ sunt, utendi nobis copiam feceris. Hoc certe nihil erit nobis vel ad levandos sumptus, vel ad celeritatem conficiendi, accommodatius. Quod si nostrâ causâ facturum te recipis, curabimus equidem nos, ut gratiarum actiones tibi fæneremur. Nam quum pro illis meritis quæ non rogatus ultro contuleris, magnas tibi gratias agere debemus: tum pro his quæ postulantibus nobis concesseris multò maximas agemus & habebimus. Et sæliciter valeat tua sancta paternitas, reverende præsul ac domine.

Epist. Oxon. in Coll. Corp. Christi Cantab.

Ipsa meherculè Scholæ theologicæ testudo, si loqui potuisset, *Wintoniensis* gratias referret vel hoc nomine maximas; quippe quæ per totos sexaginta annos, illustrissimorum principum & magnatum beneficentiam experta, non nisi ad mortis jam tandem insignissimæ præfuls machinis absolvi potuisset. Fato siquidem debebatur illi, utpote Scholarchæ olim clarissimo, scholarum extruendarum gloria. Nam *Oxonia* juxta ipsius Collegii pomeria, nobile særum educandorum plantarium posuit, unde prima literarum cunabula juniores edificant. (quod ille Academix Cancellarius si quâ in bonas artes via favire incipiebat radicitus extirpasset, maximi sceleris apud posteros omnes infamia se obligasset,) deinde etiam *Wainfleeti* alterum erudiendæ pueritiæ gymnasium instituit.

Epist. Oxon. in Coll. Corp. Christi Cantab.

Prudentiam vide interim & suspice. siquidem initio Collegii cœtum Magdalenensem sine scriptâ lege, sine jure certo per multos annos institutum legimus, omniaque arbitrio fundatoris (ut olim in Rep. Rom. à Regibus factum narrat Pomponius) gubernabantur. Postea usu id postulante leges quaidam tulisse nunc has nunc illas, prout opportunum videbatur, novas etiam prioribus adjecisse traditur, atque ita paulatim absolutam Reip. literariæ formam excogitasse. Cujus fontes & capita quisquis viderit, ut ævo interim suo nihil

Regist. Coll.

nihil detrahat, ita quin plurimam etiam majoribus nostris prudentiam diligentiamque adscribat necesse est. Nam *Richardus Foxus*, felicis memorie *præsul* quondam *Wintoniensis*, idemque prudens rerum æstimator, quantum *Waynfleti* inventis tribuerit, non modo hinc in Alvearium suum derivatis ejusdem decretis satis declaravit, nisi diligentissimos mellificandi artifices duos, tanquam primarias apes, recenti examini præfecisset, alterum *Elaimundum*, Collegii nostri *Præsidentem*, & *Morventium vicepræsidentem* alterum: Sed multo etiam magis tacito quodam cultu, & veneratione tam præclaræ fundatæ Sodalitatis, Artium Bacchalaureos, & magistros omnes, ceu sedulas quasdam apiculas, ad Philosophiæ utriusque *rhythmum*, sacraque theologiæ necciar colligendum huc convolare jussit; quod si per lævitiam pestis, novas sedes quaeritum ab *Oxonio* aliquando abigerentur, tam ad locum aliquem præpè *Magdalenenses* si talis commode pro eis provideri posset, illos confidere voluit. Præterea nè vitio nostro, bonæ sanctiones per desuetudinem aliquam abrogentur, (magno, quod necesse est, Collegii cum dispendio & iacturâ) neve certa, ubi opus esset interpretatio desideretur: idcirco Collegium suum, relique & personas, in fide & clientelâ *Præsulum Wintoniensium* esse voluit. Te verò, Reverende pater ac domine *Tho. Bilsene*, locum nunc duodecimum ab ipso occupantem, verum patronum & protectorem præcipuum Collegii nostri hæcenus experti sumus, indiesque eum te futurum omnes auguramur: quem incredibili studiorum & religionis bono natum esse semper speravimus. Nam quid eruditio, prudentia, pietas, in te uno summæ, simul cum eminente dignitate conjunctæ efficere possunt, non tam opinione aliqua, quam presenti fide omnes colligimus.

Sed enim inter ipsas munificentie *Gulielmi* nostri laudes, quibus apud omnes hominum ordines gratiam sibi conciliavit, absque flagitio pietas dissimulanda non est: quanto nimirum præstabilius videtur esse, divini iuminis cultu quam magnificentie opibus gloriam quaerere. Itaque repositæ apud deum salutis suæ non immemor, virtutem nullam non magnopere exercebat. Adeo *Christiana* pietatis studiosus, ut cælestis disciplinæ lex consultissimos theologos assidue foueret, quorum oratione & precibus divinam misericordiam sibi conciliaret: Memorque repositæ in cælis beatitudinis illius, quam in omnes venturam pronuntiaverat Servator Christus, quotquot erga indigentes pii benigne extiterant, sic erogandis in pauperum usus opibus suis assiduus fuit, ut Eleemosynarium huic muneri perpetuo inservientem apud se haberet; ratus nimirum quod res est, Deum invocanti nemini subventurum, qui invocantem prius pauperem ipse non exaudiverit. Sæpius ob eximiam sanctimoniam in penetrale Regium adhibitus, cæteroque Senatu super arduis regni negotiis consilium inituro, Quin abite, (inquit Princeps) ego interim & Cancellarius meus pro salute Reipublicæ vota Deo nuncupabimus. Utque futuræ immortalitatis meditationi totus posthac incumberet, mausoleum quod mortis nunquam adrepere cessantis ipsium admoneret, condendum curabat. In quo statua supino decubitu inculpta, oculis in cælum contuentibus, manibus supplicantium more tensis, & effigiem cordis humani complectentibus, devotissimi vatis exemplum referre videtur: *Ad te Jehovah animam meam attollo, Deus mi, in te confido, ne erubescam, ne exultent inimici mei de me,*

Arist. c. 40. lib. 9. hist. animal.

E. lib. 8. cap. 23. Coll. Corp. Christi. cap. 23.

Verba. statim.

E. Reg. 8. Co.

In fine 8. statim.

E. Testamento Fundatorum.

In templo Winton. Psal. 25.

me, Semperque de eò apud se cogitans, (de quo nemo nimis, perpauca meditantur satis) humanæ dico vitæ quàm brevis tàm in horas omnes incertæ, fugi: quarto calendas *Majas* Anno salutis instauratæ. 1486. quasi illud *Ezechia* nuncium divinitus accepisset: *Da præcepta familie tue, nam tu brevi moriturus es, ac non vives*, Nihil prius habuit quam supremam voluntatis suæ sententiam contestari. Ibi vero divinæ sanctimonie sapientiæque plena omnia, fuisse ipsum Angelorum quasi consortem, cœlestique beatitudinis, etiam dum in terris agebat participem, propè faciunt ut existimem. Ego (inquit) *ad vitam futuram, ad quam conditus sum, anhelans, cernensque diem expectationis meæ, in hac valle lacrymarum quasi nunc advesperasse, & quod tempus resolutionis parè jam instat: condo testamentum in hunc modum, &c.* Quot verò quantasque donationes in pios usus erogandas defunctus reliquerit, haud facile fidem adhibuerit, nisi qui ipse in testamento viderit. Nullus fuit in Ecclesiâ *Winton.* vel in *Monasteriis* suburbanis Monachus aut Monialis, in *Wexle* quique Sanctæ Crucis missellus inops inter religiosos ordo, in urbe parochus aut clericus, in Collegiis *Wiccamie* vel suo locius aut scholaris, Denique inter familiares aut domesticos nullus, cui datum aut legatum aliquid non fuerit; ut non mortalem (utî *Gilliam Agrigentinum* dicit *Val. maximus*) sed propitiæ fortunæ benignum esse finem diceret; quin abeant (igitur) quo digni sunt navigenduli quidam leves, qui sic redactum ad summam rerum omnium inopiam illum contendunt fuisse, ut Collegii sui præfecturam, studiosissimè ambire non erubuerit: quando non ex egestate aliqua, sed ex opibus manare necesse sit huiusmodi beneficentiam. Et ne tenuitatis pristinae conditionem, aut tam copiosæ benignitatis recordationem aliquando ex animo effluere pateretur, hanc beatæ virginis symbolam non ipse modo usurpare solebat, verum parvæ gentilitiæ adscribendam curabat. *Qui potens est fecit pro me magna, & sanctum nomen ejus.* Servos complures quos dura gentium constitutio dominio alieno contra naturam subiecisset, libertate donabat. Cum interim nullis ille famæ illecebris, nulloque nominis amplificandi studio delinitus quicquam faciebat: sed ad exaltationem fidei, Christiana Ecclesiæ profectum, divini cultus augmentationem, tanquam ad scopum omnia referebat. Nam quanta (bone Deus) verborum suavitate aures meas replent, quibus in ipsâ quasi exacti operis peroratione usus est. *Nostri Collegii Presidenti & sociis & aliis omnibus commorantibus in eodem, juxta informationem Christi, tanquam ejus discipulis, divinum obsequium commendamus pacisque ac unitatis fœdus, ac perfectæ vinculum charitatis.* Ingens hoc in Deum pietatis studium proximus honoris & reverentiæ gradus excipit: cui ille præstando ut nunquam deesset, Archipræfulum Cantuariensium inaugurationibus præsentem se exhibere solitus est, id quod sedulo fecisse eum scribit *Mattheus Parkerus*. Quinimò *Thomas Bourchierius* Antistes *Cantuariensis*, ubi ex rescripto Pontificis *Romani* in amplissimum patrum purpuratorum Collegium cooptandus esset, in frequentissimâ præfulum & nobilium coronâ rubrum galerum *Wintoniensis* manibus indutum protenus gestabat: id quod utrique perinde fuit honorificum. Sæpe convocatis ad comitia cleri ordinibus, Archiepiscopo jubente, ipsum præfuisse legimus, iis nimirum inter cætera, quibus ad repellendos *Scotos* decretum est regi subsidium, quòd immunitates & Ecclesiastica jura, legulciorum calumaniis convulsa

*E testament.
Fundatoris.*

*E testament.
Fundat.*

Ex Arch. Winton.

E. Statut. Colleg.

In fine Statutor.

*Parker in vita.
Kemp. & Bourchier.*

*Ex lib. Fo.
Adm. Coll.
Corp. Christi
Cantabrig.*

&c.

*Ex a. lris synodi
Londinensib.*

E. pelle Exitus.

E. pelle Exitus.

*Biblioth. Corp.
Christ. Cantab.*

*E. d. lris. ejus-
dem Wincestria
manuscripto, &
in Colleg. Corp.
Christ. Cantab.
servato.
H. Regij. Coll.*

& labefactata, regio diplomate restaurasset. Jam comitas, humanitas, affabilitas, quanta fuerint, eximîâ quadam in eum patrum plebisque benevolentia satis declaratur. Sed enim inter hæc omnia liberalitas & magnificentia ex-
plendescabant maxime. Reges ipsos quos ille creditores habuit, fecit debito-
res; nova scilicet ratione inventa, ut à quibus ipse accepisset omnia, vicissim &
illi deberent aliquid. *Emanuel*em quendam auratæ militiæ equitem Constanti-
nopolitanum, urbeque expugnata profugum, non modo benignissime ipse ac-
cepit, verum etiam ut acerbam hominis fortunam leniret, viginti nummum
aureorum honorario è fisco Regio donavit. Atque ista quum nemo affirmare
potest, non fuisse humani ingenii & perliberalis animi officia, tum demirari
satis nequeo projectam *Gulielmi Botoneri Wyrcestrii* (equestris præsertim ordi-
nis viri) impudentiam: qui quod aureolum *M. Cic.* de Senectute libellum
sermone anglico donasset, eoque sub specie honoris *Fundatori* consecrasset,
ob tam luculentum (si Diis placet) opusculum conqueritur (videte interim
elegantiam hominis) se nullum *regardum de Episcopo* recepisse; & dignus mea
certe sententia eras cum *tuo isto regardo* nullam mercedem retulisse, qui vena-
lem nescio quam diligentiam tuam, si emptorem inveniret, prostruisti: & ei
præsertim viro præmiolum aliquod extorquere sperasti, qui ultro non rogatus
beneficentiam in omnes erogare solitus est. de quo verissime usurpari pos-
sunt illa quæ olim in gratiam *Alexandri Lincolnensis* Epif. decantabantur,

*Qui dare festinans aliis ne danda rogentur,
Quæ nondum dederat nondum se credit habere.*

Adeo ab omni partium studio inter alumnos suos vel levissime inchoato alienus
fuit, ut quos litium ferendorum reos, aut dicto Præsidis minùs audientes se-
mel deprehendisset, tanquam inutiles ramos amputandos censuerit, Epistolæ
formam, ne fides quovismodo vacillet, hanc adtexui.

Right entirely well beloved, We greet you well. It is come
to our knowledge and to our displeasure, that there is
growne a diuision and discord within our Colledge, wantonly
and vndiscretely for the election of the Proctors of the Uniuersity.
In case bee, that there bee any person of our Colledge un-
der your rule, that will be seditious wilfull and not confor-
mable to the aduise and the guiding of you, and of the moze partie
of the Hallers of our seyde Colledge, it is to be presumed and of
great likelihood, that such a person is not apt nor disposed ad
conuiuendum. But that such will be troublous and full un-
profitable for my seyde Colledge, giuing greate impediment to
vertue and cuning. Wherefoze whome soeuer ye and the moze
partie finde criminous & obstinate, taking wilfully away con-
trary to the moze partie, we command you that then you dis-
charge

charge such person & persons from all manner interest that they
have in our foresaid Colledge. Christ have you in his guiding.
Writte in our Mannour of Southwaltham the xix of April.

W. B. of Winchester.

Quantum autem industriae operæque posuerit in comparandis veriusque
linguæ optimis authoribus, quantosque in ea re & quam immanes sumptus
fecerit, dum octingenta plus minus librorum thesauro bibliothecam suam
instruxerat, (ut ego nihil dicam) res ipsa loquitur. Tantis itaque virtutum
dotibus insignitus (& opinione quidem mea, in hoste laudatissimis) quibus
stantem subiectam resistentemque fortunam moderatus est: simul ipse dum vixit
Reipub. commodus fuit, & principibus (licet in diversas partes abeuntibus)
non insensus. Nam capitalem illum Angliæ tyrannum, non modo in Colle-
gium suum pertraxit, verum efferatum illius ingenium ita penitus demulsit, ut
eruditis studiosorum disputationibus gaudere, & amplis muneribus bene-
meritos afficere, denique universum Magdalensium cœtum vino & pingui fe-
rina donare, haudquaquam gravaretur. Cujus interitu, quom patriam è
lupi quasi faucibus ereptam videret, & redditam denuò libertatem, *Waltha-*
mia jam agens in gravissimum morbum repente incidit; qui ubi per artus &
medullas in arcem cordis furtim irrepsisset, sic hominem senio & laboribus con-
fectum prorsus debilitavit, ut tertio Iduum Augusti, horâ post meridiem
quartâ, majore superstitum damno quam suo, supremum ætatis diem clau-
dens cœlo sit redditus. Hunc vitæ exitum habuit pientissimus Antistes, in
extremo senectutis quasi stadio hinc ereptus, vir ad omnia summa natus, post-
quam annos triginta octo, dies duodecem, provinciam *Wintoniensem* sanctis-
sime administrasset, supremum Cancellarii munus integerrimè obivisset, &
extincta factionum semina, confirmatam in Repub. pacem, incomparabili
divini numinis beneficio iterum vidisset: elatus est magnâ cum pompâ funeris
sepultusque *Wintonia*, juxta *Henricum Bonfortium*, cui ipse vivus mortuo suc-
cesserat. Apparet nescio quid ejus memoriæ sacrum æneis characteribus in
sepulchri ambitu descriptum fuisse: verum illud sacrilegorum hominum ma-
nus, in ipsas demortui umbras impunè sævientium, nobis per summum scelus
jamdiu inviderunt.

E. Regiæ. Col.

E. Regiæ. Col-
leg.

E. Regiæ. Col.

FINIS.

N

Joan.



JOANNIS PICI

*Mirandula & Concordiæ Principis V. C. Vita,
per Joannem Franciscum Illust. Principem
Pici Filium conscripta.*

Joannis Pici patrui mei vitam scribere Orfus, præfandum lectoribus imprimis duco, ne aut quod fratris filius, aut quod discipulus fuerim me aliquid in gratiam Blandientium more, dicturum suspicentur. Nihil hic amicitiae datum, nihil familiae, nihilque beneficiis (quæ maxima profecto in me extiterunt) fidei laude repensum. Tantum quippe ab Adulatione sejuncta est narratio mea, quantum absuit adulandi necessitas, tantumque cavi, ne me, vel mentitum, vel vehementem in laudibus legentes arbitrentur, si quicquid de ipso conceperam, literis tradidissim, ut illud fuerit fortasse periculum, ne parum potuerint, vel ipsæmet virtutes excelsæ, vel earum assertores coarguere: Quod vel hoc argumento videre licet. Cum plurimæ doctorem nostræ ætatis hominum & ex primoribus quidem elucubratissimæ scriptiones non modo his quæ sumus dicturi, locupletissimum reddiderint testimonium, sed dum uteretur hac luce & postquam eam cum potiore commutavit, in ejus ræ & morum & doctrinæ præconis præcelluerint: quarum nonnullas in bujus libri calce post commentationes ipsius adscribi jussi ut firmior testibus, non gentiliis fides adhiberetur. Paternum genus (licet ab Constantino Cæsare per Picum pronepotem, à quo totius familiae cognomentum memoriæ proditum sit, traxisse primordia) missum facientes, ab ipso tempore nativitatis sumemus initium, tum quod familiae forsitan non minus honoris ille contulerit quam acceperit, tum quod proprias animi dotes reliquaque totius vitæ & obitus seriem præ se ferentia, quæ vel propriis aut auribus, aut oculis hauri, vel ab gravissimis excepti testibus, aperienda duxerim, posthabitisque & stemmate & præclaris avorum facinoribus recensenda.

Anno à partu virginis tertio & sexagesimo supra millesimum & quadragesimum, Pio secundo Pont: Maximo Ecclesiæ præside, & Federico tertio, habenas imperii Romani moderante, mater Julia, ex nobili Boiardorum familia, Joanni Francisco patri, ultimo eum partu peperit; jam enim Galeotum majorem natu, ex quo sum genitus, & Antonium Mariam, sororeque duas

enixa.

enixa fuerat, quarum altera, Leonello jam conjugi, Albertum Pium ex Carpi principibus unum edidit, nunc Rodulphi principis Gonzagæ confors: altera Piao Ordelapio Forolivenſi principe, cui jam pridem nupterat, vita functo, Montis agani Comiti ſecundas nuptias conceſſit. Prodigium haud parvum ante ipſius ortum apparuit: viſa enim circularis flamma eſt, ſupra parientis matris aſtare cubiculum, moxque evaneſcere, fortasſe nobis inſinuans, orbicularis figuræ intellectus perfectione ſimillimum eum futurum, qui inter mortales eadem hora proderetur, univerſoque terræ globo excellentia nominis, circumquaque celebrandum, cujus mens ſemper cæleſtia ignis inſtar petitura eſſet, cujuſque ignita eloquia, flammata menti conſona, Deum noſtrum (qui ignis comburens eſt) totis viribus quandoque celebratura: ſed ſtatim obtutibus hominum, ut illa evanuit, occulenda. Legimus quippè doctiſſimorum ſanctiſſimorumque hominum ortus, inſolita quandoque ſigna aut præceſſiſſe, aut ſubſequuta fuiſſe, veluti eorum inconabula infantium ab aliorum cœtu divino nutu ſegregantia, ſummisq; rebus gerendis natos indicantia. Sic ut omittam reliquos, examen Ambroſii magni ora luſtravit, in eaque introgreſſum eſt, deinde exiens, altiſſimumque volans, ſequè inter nubila condens, paternos, aſpectusque aliorum qui aderant viſus eluſit: quod præſagium Paulinus pluſfaciens, ſcriptorum ejus favos nobis indicasſe diſſeruit, qui cæleſtia dona enunciarent, & mentes hominum de terris ad cœlum erigerent.

Forma autem inſigni fuit & liberali, procera & celsa ſtatura, molli carne, venuſta facie, in univerſum, albenſi colore, decentique rubore interperſa, caſiis & vigilibus oculis, flavo & inasſectato capillitio, dentibus quoque candidis & æqualibus. Sub matris imperio, ad magiſtros diſciplinæque delatus, ita ardenti animo ſtudia humanitatis excoluit, ut brevi inter Poetas & Oratores tempeſtatis illius præcipuos, nec injuria collocandus eſſet. In diſcendo quidem celerimus erat, prompto adeò ingenio præditus, ut audita ſemel à recitante recenſeret, tenaciſſimæque retineret memoria, quod cæteris contra euenire ſolet: nam qui celeri ſunt ingenio, natura fieri ſæpè ſolet, ut non multum memoria valeant, qui verò cum labore percipiunt, tenaciores perceptoris euanant. Dum verò quartum & decimum ætatis annum ageret, matris juſſu, quæ ſacris eum initiari vehementer optabat, diſcendi juris pontificii gratia, Bononiam ſe tranſtulit: quod cum biennium deguſtaſſet, meris id inniti traditionibus conſpicatus, alio deſſexit, non tamen abſque bonæ frugis fœtura, quando puer, & quidem tenellus, ex epistoſis ſummorum Pontificum, quas Decretales vocant, epitomen quandam ſeu breviarium compilaverit, quo omnes conciliis, quàm fieri poruit, ſanctionum illarum ſententias, conſuſit, conſummatis profeſſoribus, opus non tenue. Sed ſecreтарum naturæ rerum cupidus explorator tritas has ſemitas derelinquens, intellectus ſpeculationi Philoſophiæque cum humanæ, tum divinæ, ſe penitus dedit, cujus enanciscendæ gratia non tantum Italiæ, ſed & Galliarum literaria gymnaſia perluſtrans, celebres doctores tempeſtatis illius, more Platonis & Apollonii ſcrupuloſiſſimè perquirebat, operam adeo indefeſſam ſtudiis illis impendens, ut conſummatus ſimul & Theologus ſimul & Philoſophus imberbis adhuc & eſſet

& haberetur. Jamque septennium apud illos versatus erat quando humanæ laudis & gloriæ cupidus (nondum enim divino amore caluerat, ut palam fiet) Romam migravit, inibique ostentare cupiens, quanta eum à summis floribus in posterum manaret invidia. Nongentas de Dialecticis, & Mathematicis, de naturalibus divinisque rebus quæstiones proposuit: non modo ex Latinorum petitas arcus, Græcorumque excerptas scriniis, sed ex Hebræorum etiam mysteriis erutas, Chaldæorumque arcanis atque Arabum vestigatas. Multa idem de Pythagoræ. Trimegisti & Orphei, prisca & subobscura Philosophia, multa de Cabala, hoc est, Secreta Hebræorum dogmatum receptione (cujus & Origenes & Hilarius ex nostris potissimum comminiscuntur) quæstionibus illis intexuit: multa etiam de naturali Magia, quam non parvo interstitio ab impia & scelestâ separari edocuit, idque multorum testimonio elegantissime comprobavit, nec non duo & septuaginta nova dogmata Physica & Metaphysica propria inventa & meditata, ad quascunque Philosophiæ quæstiones elucidandas accommodata, defuerunt: his novam per numeros Philosophandi institutionem adnexuit, cunctaque simul publicis locis, quò facilius vulgarentur, affixit, pollicitus se soluturum eis impensas qui ex remotis oris disceptandi gratia Romam se contulissent.

Verùm obtrectatorum similitudine (quæ semper velut ignis alta petit) nunquam efficere potuit, ut dies altercationis præstitueretur, ob hanc causam Romæ annum mansit, quo tempore vitiligatores illi, palam eum, & libero examine non audebant aggredi, sed strophis potius & cuniculis sugillare, clanculariisque telis suffodere, pestifera corrupti invidia (ita enim arbitrati sunt plurimi) conabantur. Livorem hunc, vel hac ratione sibi maxime commovisse existimatum est, quod multi qui vel ambitione fortassis vel avaritia literario negotio diu incubuerant, notam sibi fore autumarent, si juvenis ille aggestis atavorum opibus, multaque doctrina, quasi fertilis ager luxurians, in prima orbis urbe, de naturalibus divinisque rebus, deque multis per plura secula nostris hominibus non accessis, periclitari doctrinam, & ingenium non vereretur, & cum nihil adversus doctrinam veris machinis moliri posse animadverterent, attulisse eisdem in medium tormenta calumniæ tredecimque ex nongentis quæstiones, rectæ fidei suspectas acclamavisse, quibus fortè se junxisse nonnullos, qui quæstiones illas, utpote insuetas eorum auribus, ut pie, ita fortasse parum eruditè, & zelo fidei & prætextu religionis incesserent: quas tamen quæstiones, non pauci, & quidem celebrati Theologiæ doctores ceu pias & mundas prius approbaverant, eisdemque subscriplerant: quorum cæteri Bonfranciscus Regiensi Episcopus annumeratus est, vir omnigena doctrina, acerrimoque judicio, & morum gravitate præclarus, qui Romæ ad Pontificem Maximum ea tempestate, pro Ferrariensium duce agebat legatum: adversus tamen cum blaterones illi nihil attentarunt, cum fortè ab eis labefactari ejus famam non posse vererentur, quando quicquid tractasset, correctioni matris Ecclesiæ, & Pontificis submisisset. At is, famæ istæ dispensia non percessus, Apologiam edidit, varium certè opus & elegans, multa, rerum scitu dignarum cognitione refertum, Vigintique tantum noctibus elucubratum, qua editione luce clarius conspici datum est, non tam conclusiones, Catholicos potuisse sensus recipere, quam illos, qui primus adlarrayerant, insolentiæ & ru-

ditatis coarguendos esse, librumque ipsum, & quæ scripturus erat in posterum matris Ecclesiæ, ejusque præsidis sanctissimo judicio Christianissimi hominis more commisit: id enim vel expresse vel tacite geri oportere, persuasissimum est: quasi illud Augustini proferret: Errare possum, hæreticus esse non possum, quando alterum sit hominis proprium, alterum perversæ & obstinatæ voluntatis.

Sed ubi Innocentius octavus Pontifex Maximus accepit per editionem Apologiæ interpretatas conclusiones illas, quæ prius calumniis infestata fuerant in catholicum sensum, & à nota criminis relevatas, referentibusque nonnullis, quibus conclusionum examen demandatum fuerat, decipulas opponi posse fidelibus, si nonnullæ quæstionum illarum (crudè quidem & inexplicite discipularum more jacebant) passim vacarentur, libelli lectione, quo continebantur interdixit, quæ omnia per Alexandri sexti Pont. Max. sub quo nunc vivimus diploma, quod, Breve nominant, liquido visuntur, quod cum Apologia ipsa impressoribus tradere exarandum duximus. Verum in ipso Apologiæ calce quod postea Pontifex auctoritate præstitit, quibus ille poterat rationibus antea factitaverat: obsecraverat quippe amicos & inimicos, doctos & indoctos, ut nonnullæ quæstionum illarum (crudè quidem & inexplicite discipularum præterirent illectum, quando in eo plurima continerentur quæ non passim vulganda trivis, sed secreto congressu iater doctos & paucos disputanda susceperat, scholasticamque exercitationem, more Academiarum meditatus, multa veterum Philosophorum, Alexandri scilicet & Auerrois aliorumque quàm plurimum impia dogmata proposuisset, quæ semper publice & privatim asseruorat, professus fuerat, prædicaverat, non minus à veræ rectæque Philosophiæ, quàm à fidei semitis declinare: atque in hunc modum de libello illo nongentarum conclusionum verba faciens, Apologeticum opus conclusit. Qui ergo me oderunt, ideo illa non legant, quia nostra sunt: qui me amant, ideo non legant, quia ex illis quæ mea sunt, cogitare plurima possent, quæ non sunt nostra: cæterum immensa Dei bonitate, quæ ex malis etiam bona elicit, effectum esse (quemadmodum mihi retulit) judicabat, ut calumnia illa falso à malevolis irrogata, veros errores corrigeret, eique in tenebris aberranti (ut quantum exorbitasset à tramite veritatis, contueri posset) seu splendidissimum jubar illucesceret. Prius enim & gloriæ cupidus, & amore vano succensus, muliebribusque illecebris commotus fuerat: fœminarum quippè plurimæ, ob venustatem corporis orisque gratiam, cui doctrina amplæque divitiæque & generis nobilitas accedebant, in ejus amorem exarserunt, ab quarum studio non abhorrens, parumper via vitæ posthabita, in delicias defluxerat: verum similitudo illa experrectus, disfluentem luxu animum retudit, & convertit ad Christum, atque fœminea blandimenta, in supernæ patriæ gaudia commutavit, neglectaque aura gloriæ, quam affectaverat, Dei gloriam & Ecclesiæ utilitatem, tota capit mente perquirere, adeoque mores componere, ut post hæc vel inimico iudice, comprobari posset. Cumque de ipso gloriosa statim fama, & per vicinas & per remotas oras volitare accepisset, plures ex Philosophis, qui eruditissimi habebantur, ad eum tanquam ad mercaturam bonarum artium (ut inquit Cicero) confluebant, vel ob commovenda literaria certamina, vel quibus inerat rectior mentis sententia, ad audienda tenendaque rectè vivendi salubria:

Calubria dogmata, quæ tantò magis expetebantur, quanto ab homine d o c t i s s i m o & pariter nobilissimo profuebant, qui quandoque devios mollitudinis voluptaria anfractu secatus fuerat. Videntur enim ad disciplinam morum, auditorum mentibus inferendam, ea plurimum habere momenti, quæ & suapte natura sint bona, & à præceptore converso ad justitiæ semitas, ex distorto & obliquo libidinum calle, profiscantur.

Elegiaco carmine amores luserat, quos quinque exaratos libris, religionis causa, ignibus tradidit, multa itidem Rhythmis ludit Hetrustici, quæ pari causa pari gnis absumpsit. Sacras deinde literas ardentissimo studio complexus, statim in templo Deo, ceu frugum primitias, octavum tunc & vigesimum annum agens, de operibus sex dierum Geneseos, & die quietis Heptaphum obtulit, opus quippè & perfectum ingenio, & elaboratum industria, cum sublimibus Philosophorum dogmatis, tum profundissimis nostræ Christiæ Theologię mysteriis refertissimum, septemplicique varia enarratione connexum, septenarium capitum numero cuilibet septenaræ expositioni conserto libri nomini maxime quadrans. Quod tamen ob erutas è naturæ gremio res & difficiles divinarum quæstionum evolutiones, atque ob Prophetæ reconditissima sensa sermonisque elegantiam non se passum Philosophiæ & eloquentiæ rudibus offert, sed preciosæ illius & raræ supellectilis usus paucis paratur : quod & ipse animadvertens, in ejusdem Proœmii calce, mentionem de hac re non illepidam fecit. Cum primum sacras degustavit literas, non tantum veram sapientiam, sed & veram eloquentiam, invenisse lætabundus exultabat, multaque ut omittam, ab eo testamenti Novi allata præconia, Pauli epistolas, oratorum omnium scriptionibus eloquentia præstare dicebat. Tullii etiam ipsius Demosthenisque primarii (ut inquit ille) dicendi artificis, lucubrations nominatim citans, non quod essent, ut illæ calamistris inustæ, & corraïs undique fucis, & cincinnis constipatæ, sed ut veram, solidam, & redolerent, & saperent eloquentiam, veris sententiis, vera arte suffultam, essentque ut dicam brevis, Aegyptiorum opibus non consulto suffarcinatæ. Omnia porrò veteris Legis eloquia, consummatissimæ scientiæ & sapientiæ plena prædicabat, quod & si cum alii, tum Augustinus in libro de Doctrina Christiana luculenter ostenderit, Septimiusque Tertullianus Eusebius Pamphili, & Cassiodorus affirmant : Grammaticos, Rhetores, Oratores, Philosophosque omnes priscos eloquentiæ & doctrinæ suæ fluentes, ex divinarum Scripturarum fontibus epotasse : ipse tamen aliis id muneri rationibus prosequeretur, quarum partem, in Heptapli celebratissima exordiis inque ipso secundæ expositionis Proœmio videre operæ precium est. Inter tot juges divinæ legis evolutiones secundo anno ab Heptapli editione, opusculum etiam de Ente & Uno decem capitibus distinctum, absolvit : breve quidem corpore, sed amplum viribus, sed altissimis & Philosophorum dogmatis, & Theologicis sensibus undequaque respersum, quo superius Ente non esse unum, sed sibi invicem respondere, æqualique esse ambitu ostendit, controversiamque super ea re à Platoni Aristotelisque sectatoribus habitam, recensuit, asseverans Academicos illos qui contrarium contenderunt verum Platonis dogma non assequutos, sensumque prorsus communem inter Aristotelem & Platonem de Uno & Ente, sicut & de reliquis in universum, & si verba diffiderent, demonstraturus erat non de-

fuisse: ultimo quoque Operis capite, totam disputationem, ad institutionem vitæ & morum emendationem, non minus ingeniosè convertit. Adversum quod opus Antonius Faventinus, egregius alioquin Philosophus, nonnulla quatuor epistolis objectamenta protulit, quarum tribus ipse respondit, quartæ verò, vel quia fideliter delata non fuit, vel quia ex præscriptis responderi posse putavit, vel alia quapiam de causâ, quæ iusta tamen credenda est, mentionem non sciverim non habuit, cui nos, postquàm decessit è vita, ne falsa vel latranti malevolis, vel sinistri aliquid credendi rudibus præberetur occasio, respondendi munus obivimus. Illudque potissimum curavimus, ut ex præcedentibus ipsius sententiis, fuisse magna ex parte responsum monstraremus. Vidimus etiam nonnulla Platonica vernaculo sermone ab eo digesta, quibus multa ad priscorum Theologiam enodandam facientia, multa in ænigmatibus & scirpis abstrusa sapientum sentia referantia, deprehenduntur, quæ forsân, majus ocium naçi, Latina reddere tentabimus, ne tanti hominis supereminens doctrina hîc de rebus maximè pervia, quibusque vulgi ante ora feratur.

Hactenus de perfectis lucubrationibus, quas ante mortem emiserat, veluti nuncios & anteambulones præclarorum operum, quæ conceperat, & procedebat. Verus enim testamentum, interpretamenti jam facibus illuminarat, id ipsum muneris, ut Novo præstaret accinctus, nec eos tantum, quos literaræ series ferre poterat sensus, protulerat, sed in his locis, quæ treis alios divinorum eloquiorum proprios latura fuerat, superædificabat, Græcisque & Hebræis exemplaribus nostrorum codicum, discordes sententias conferebat: sed hoc potissimum in ejus mente constitum fuit, hoc de universis propositis, quæ in commentandi genere conceperat, altius insedit, ut aliorum dogmata non adduceret, utpote quæ jam haberentur, legerentur, noscerentur, sed sua prorsus inventa, & meditata differeret, ut propriis, non alienis facultatibus, famelicæ veritatis animas, pro virili saturaret: Post hæc Hebraico idiomate pollens, de veritate translationis Hieronymi adversus Hebræorum calumnias, libellum edidit, necnon, defensionem pro septuaginta Interpretibus quantum ad Psalmos attinet adversus eosdem, libellum item de Vera temporum supputatione conscripsit. Postremo ad debellandos septem hostes Ecclesiæ animum appulerat, qui enim nec Christo, nec illius paret Ecclesiæ, & quod est sequens, ejus est hostis, aut impius existens, nullum recipit credendum dogma, sive falsis inservit idolis, subque hîc simulacris dæmones adorat, seu Moysaicam perditissimorum Judæorum ritu legem colit, nefandumve Mahometem sequitur, detestandis illius placitis mancipatus: aut Christianam auditu tantum non operibus & mente sincera vitam vivens, Evangelica documenta pervertit, Catholicæque Ecclesiæ non consentiens, obstinato corde recalcitrat, vel non casta fide, sed variis adulterata prophænataque superstitutionibus Evangelica suscipit: aut licet solida nitidaque ac constanti fide receperit, operibus adversatur. Hos itaque septem, quasi duces sub quibus reliqui velut gregarii continentur, propriis eorum armis conflicturus, ad congressum citaverat, adversus impios Philosophos, qui nullæ religionis jugo colla depressi nullique addicti numini, naturales tantum rationes adorant, eisdem rationibus dimicabat: Veteris testamenti sententiis, propriisq; Judaicæ

scholæ:

scholæ auctoramentis, validissimè contra Hebræos præliabatur, cum Mahumetanis Alkorano nixus pedem contulerat, Idolorum cultores, & multis vuneribus, & vi non multa prostraverat, superstitionibus vanis irretitos, eos præsertim qui divinatricem colunt Astrologiam, & veræ Philosophiæ, & peculiaribus rationibus Astrologorum acriter taxaverat: duodecimque jam libris, & quidem absolutissimis, ex tredecim ad hoc destinatis, eorum deliria insectatus fuerat. Demùm Hydromantiam, Geomantiam, Pyromantiam, Haruspicinam, & cætera id genus inania, sigillatim exploserat. Sed in Prophetantes Astrologos, cuneum ex professo direxerat, totisque viribus Arietem temperaverat, quando eorum dogmatis, futilibus quidem & nullius momenti, superstitionibus cæteræ suis erroribus fulcimenta aucupentur, vel inspectæ Geneseos momenta trutinantes, vel in elegendis horis, aut Hexagynos aut Trigonos aspectus (quos benignos vocant) conciliantes, & ejusmodi reliqua quibus nec insanus Orestes accederet. Nec contentus Astrologiam omnem funditus evertisse, ut ostenderet nostri temporis Astrologis Græcæ potissimum linguæ ignaris, Vanissimam omnium professionum Astrologiam, perverfis translationibus vaniorem, (si dici potest) effectam. Ptolomæi fructus, quos centiloquium vulgò nuncupant, inter scribendum adversus eisdem quasi aliud agens è Græco in Latinum sermonem vertit, & elegantissima expositione honestavit, quo in libro plura, ut ita dixerim, errata, quàm verba vulgata, illa translatione contineri demonstrat, quam tamen semper in arcanis veluti preciosum thesaurum custodierunt, ejusdem cultores signavi. De Christi fide perperam sentientes, nec matris Ecclesiæ parentes imperio, quos usitatori vocabulo nominamus Hæreticos, & Novo instrumento, & rationibus egregia objurcatione incessiverat, nonaginta serè hæreses in propatulo habentur. Verùm ille cuncta rimatus, ducentas invenit, quas sigillatim non modò eliminare, & profligare proposuerat, sed & pariter docere, qua ex parte Philosophiæ non ritè percepta, suos errores traxissent, aut furcillafissent. In Christianos postremò, quorum fides sine operibus visitur, vehementer investus fuerat, necnon diligenter exploraverat, qui fieri posset, ut ignem in meditullio terræ constitutum homines credant, quo perpetuò data sunt pœnas damnatorum corpora, cæteraque id genus tam animæ quàm corporis inexcogitata supplicia: immensa quoque deitatis visæ gaudia, quibus animæ corporibus junctæ beantur, atque diâs Ecclesiæ quæ ad credendum compellunt, obaudientes non sint, & nihilominus passim debacchantur in vitia, divitiisque incumbant cumulandis, nihilque minus formidetur ab eis, quàm pœnæ, aut affectetur quàm regnum Dei: pro morborum item qualitate idoneam opem admovere tentabat, tetros scilicet morbos, & suapte natura impuros, acribus acerbisque medicaminibus inurere: ea verò vulnera quæ minori infecta malitia depravataque forent cicatricemque obducere deyderarent, lenibus placabilibusque fovere: adeptis verò valetudinem & recidiva metuentibus, saluberrimas potiones, celebrataque antidota præparare. Multa alia opera fuerat exorsus, quibus sperari poterat futurum, ut Philosophiæ studia in universum, eliminatis erroribus, explosaque barbarie reflorescerent.

Inter hæc potissimum Platonis & Aristotelis numerabatur concordia, quam
jam

jam coeptam brevi perfecturus erat, si vita comes paucis adhuc annis superfuisset, ita enim Philosophiam ab incunabulis lactando nutriverat, & ad usque nostra tempora perduxerat adultam, ut nostræ tempestatis Philosopho nil amplius aut in Græcis, aut in Latinis, aut in barbaris codicibus desiderandum esset: citasset udam Thaletem, ignitum Heraclitum, circumfusumque atomis Democritum, Orpheus item, & Pythagoras, prisique alii, ejus ope & gratia in Academiam convenissent. Postremò Philosophiæ principes Plato scilicet fabularum velamentis, Mathematicisque involucris confitatus, & Aristoteles vallatus motibus dextra data fidem futuræ amicitie sanxisset. Inter Auerroem quoque & Auicennam, inter Thomam & Scotum, qui jam diu conflictaverant, si non pacem in universum, in multis tamen impetrasset inducias, quando in eorum pluribus controversiis si quispiam dissidentia verba rimeretur attentius & exactius libret, scrupulosiusque vestigans, cutem deferens, introrsum ad imas latebras profundaue penetralia mente pervadat, unionem sensuum indisse paratis pugnantibusque verbis citra ambiguitatem comperiet. Neotericorum turba partim pro meritis, partim pro culpis, & honorata fuisse & taxata.

Totus igitur Deo dicatus, Ecclesiam quibus poterat armis defendebat, atque latitantem (ut ajunt) è Democriti puteo veritatem educebat, & ignorantie gramen inexpugnabile, quo multorum mentes præfocant, subnascentisque perniciosas herbas abrumpebat penitus, & detruncabat. Sed mors adveniens, tot tantarumque vigiliarum laborem, & exultatæ lucubrationis partum inanem serè reddidit, hocque potissimum fuit in causa, ut plurimas quamquam magna ex parte exassecatas, dedolatas, imperfectas commentationes dereliquerit, quod scilicet sibi ipsi tantum, non autem nobis scribebat. Nam sicut celeri in commentando ingenio, ita veloci in scribendo manu fuit, & cum antea pulcherrimos literarum characteres delinearet, factum erat, ut ex usu nimie in commentando velocitatis, vix eorum quæ exarabat capax existeret: huc etiam & illuc scribere solitus erat, vetusta interdum supervenientibus novis obliterans, ea propter exoleta quædam & dispuncta reperit, quædam saltem & vellicatim exarata, omnia denique adeo confusa & inordinata, ut sylvarum aut farragines putarentur. Ex libro septemplici quem Adversus hostes Ecclesiæ prætitulaverat, pars illa, quæ divinaculos Astrologos genethiacosque potissimum infectatur, ab incude (ut dici solet) ad limam perducta fuit, quam non parvo tamen labore, ne mediocri cura, ab exemplari liturato, & penè discerpto depromptimus: quo in opere summum Philosophum, summum Theologum, summum Oratorem, acerrimum Christi Ecclesiæ propugnatorem, incomparabili præditum ingenio, quod in cunctis ipsius commentationibus cernitur, se demonstrat. Quædam item minutula non tornata adhuc apud me comperi, interpretationem duntaxat Dominicæ orationis, regulasque bene vivendi circiter quinquaginta, breves perfectio nimis & inexplicatas, quas in multa capita, si vixisset, deducturus omnino fuerat. Dñas quoque ad Deum Deprecatorias, quarum unam Rhythmis Hetruscis, elegiaco metro alteram, qua gravioribus defatigatum quandoque studii animum cantando ad lyram mulcere posset, composuerat: primis enim adulescentiæ annis genus omne musicæ artis adeo excolverat, ut

excogitata per ipsum modulamina, notatæque debitis concentibus harmoniæ celebres haberentur. Plurima quoque in ejus scriniis quanquam inordinata pervidimus, ex quibus tamen utile aliquid præsertim Plalorum enarrationem compilari posse putaverim. Sed & epistolæ circiter quinquaginta diversis editæ temporibus, tum familiares, tum doctrinales, tum adhortatoriæ emersere unâ cum Oratione, quam Romæ, si disputare contigisset, habiturus fuerat, quæ non tam juvenis quartum & vigesimum annum nondum nati perspicacissimum ingenium, & doctrinam uberrimam redolet (quod & cunctæ ipsius scriptiones faciunt) quàm fertilissimæ ipsius eloquentiæ locupletissimum nobis testimonium præbet.

Stylo quidem valdè probando usus est, semper non ascito, sed ingenuo, multiformi etiam, pro rerum varietate, qui & si totum (ut ajunt) Illocratis Myrothecion consumpserit, mundicie tamen & decore majestatis ornamento fervavit. Nam & celebrata illa dicendi genera, quorum tria Gellius, Macrobius quatuor enarrat, ex commentationibus ipsius, nec impendio colliguntur : ibi copiosum, in quo Cicero dominari fertur : breve quod Salustius ascribitur : siccum Frontoni datum : pingue & floridum in quo Plinium & Symmachum lascivisse prodiderunt. At fortè copiam hanc Brutus non vocasset elumbem, nec Salustius immoderatam, siccitatem quoque Frontonis humectatam, Salustii breviter elongatam, floridam pinguedinem Plinii latiori in campo deportatam, non difficile recto judicio orator deprehendet. Adde his Livii lætium fontem, fortè sine Patavinitate (ut ille inquit) adjectis flosculis plurimis Apulei. Verùm non hic in mutuata à Græcis Philosophia se exercuit, non in Atticis noctibus, non in fictis Saturnalibus ad laudandam propè Vergilii Æneidem fabricatis : non in Romana historia, non in mera historia, naturæ altissimis difficilibusque speculativis vacua, sed in admiranda illa mundi fabrica, in incessendis sacrosanctæ Catholicæ Ecclesiæ hostibus defudavit, in eliminandis Astrologis fatigatus est. In Theologicis questionibus excutiendis, in Aristotelis & Platonis concordia laboravit, in erranda sacra eloquia incubuit, in commonendis & adhortandis amicis navavit operam. Verùm hanc (de qua agimus) eloquentiam tantùm aberat ut affectaret, ut eos potius damnaret, qui pigmentata lenocinia scrupulosius exquirentes, omnes ingenii vires in vestigandis vocabulorum originibus accommodabant. Quæ omnia plurimos eò propensius in ejus admirationem convertere, quod inter eorum literas diu & propensissimè versatus esset, qui Latinas, literas eloquentiæ floribus refertas non sunt professi (patiantur hæc æquo animo nimis antiquitatis amatores) nam hæc & si concisius compendiosiusque tamen eò fortè verius, quò me doctiores, & Hermolaus Barbarus, & Baptista Carmelita, & Marcellus Ficinus, & Matthæus Bossus, & plerique alii doctissimi & eloquentissimi viri prodidère, Bibliothecas amplas tam Latinarum, quàm Græcorum incredibili celeritate & perlegit, & excerptit, nullasque (si modò facultas data) commendationes illectas præterit. De priscis Ecclesiæ doctoribus tantum cognitionis adeptus fuerat, quantum credere difficile est, etiam in eo, qui in ipsis solum evolendis totum vitæ tempus consumpisset : de Neotericis verò Theologis qui eo stylo sunt usi, quem Patriscentem, vulgò nuncupant, tantum judicii apud eum residebat, ut si quis ex impro-

improviso abstrusam illorum cuiuspiam maloque explicitam quaestionem, enucleandam petisset, tanta ingenii fertilitate adaperiebat, tanta solertia celebrabat, ut diceres doctoris illius universa dicta, præ oculis & in numerato habuisse, cunctasque pari modo familias agnoverat, cunctas schedas excusserat, nec uni illorum sic addictum credas (qui nostris hominibus mos est) ut cæteros aspèrneretur. Ipse enim à teneris sic institutus fuit, sic animatus, ut in illis veritatem quæreretur, parique honore, quousque illa elucesceret inventa, quoscunque veneretur, privata affectione nudatus. Quid tamen de singulis sentiret, qui in universum famosiores habentur, in Apologiæ Proæmio, cum de barbaris, Græcis, Latinisque Philosophis, proprietates, peculiariæque laudes retulerit, videre datur. Thomam vero Aquinatem quando interloquendum de his Philosophis Theologivæ, qui Gallico more disceptando scripsere, mentio fieret præ omnibus laudare consueverat, utpote solidiori præ aliis veritatis basi nitentem : cum quoque in Heptaplo nostræ Theologiæ splendorem nominat : de hoc percunctatus creberrimè & à me ipso, idem respondit, nec oppositum suadere cuiquam debent, nonnulla quæ in ejus Apologetico continetur disputanda, alioquin Thomæ opinionibus ex professo adversantia, cum juvenis admodum esset, gloriæque tunc cupidus, in urbe celebratissima Gorgiæ Leontini more quascunque tutando partis famam aucuparetur, adde quod ex decem millibus propositionum, tribus tantum, aut quatuor non consentire, sed & adversari id non conuincunt.

Disceptandi porrò peritissimus fuit, frequentemque & impensissimam operam literariis agonibus, dum fervet animus, impendit : eo objectante scilicet, Scoti acumen & vigilantiam, Francisci acrimoniam, copiam & multitudinem Areoli deprehendere potuisses, nec decesse nodos illos multiplicitibus flexionibus complicitos, nec tam titillantibus argutiis, quàm gravitate subnixos. Eo respondente, Thomæ fortitudinem & robur, Alberti amplitudinem conspexisses. Verum his consiliis nuncium pridem remiserat, & magis atque magis id muneris in dies perosus fuerat, adeoque detrahebatur, ut Herculi Estensi Ferrariensium duci, & internunciis, & seipso enixissimè postulanti, ut dum Generalis Prædicatorum fratrum synodus Ferrari celebraretur, disceptare non ægreferret, diu obsequi reluctatus fuerit, multis tamen rogatibus, annuens principi illi, cuius amor in ipsum non mediocris extiterat, morem gessit : unde datum est ambigi solertior ne an eloquentior, doctor an humanior appareret : ex ore quidem disceptantis, talis semper animi patebat alacritas, ut de re comi, & placida potius, quàm subacida & difficili altercari videretur, quapropter qui ab ore pendebant audientes in mirum ejus amorem excitabantur, sed frequens ei adagium inerat : Munus id esse Dialectici, non Philosophi. Aiebat item eas disputationes prodesse, quæ placido animo ad vestigandam perquirendamque veritatem privatis in locis semotisque arbitris, exercebantur : at illas obesse plurimum, quæ in propatulo fiebant, ad ostendendam doctrinam, vel ad captandam vulgi auram, atque imperitorum applausum, vixque posse fieri omnino confesbat, ut honoris cupidini, qua frontivagi illi disputatores exagitantur, inseparabili vinculo annexus non sit, illius cum quo disputatur, desiderium infamæ confusionisque, lethale vulnus animæ, venenumque charitatis mortiferum. Latuit enim nihil

omnino, quod pertineret ad captiunculas, cavillasque sophistarum & suiseticas quisquillas, quæ calculationes vocantur: hæ Mathematicæ commentationes sunt, subtilioribus, ne dixerim, an morosioribus excogitationibus naturalibus applicatæ: verum & si in eis esset eruditus, ac ejusmodi scriptiones legisset, quas fortè ad plenum non novit Italia (nulla enim tam invia & innacella literarum reperiri poterant, quæ illius vestigio lustrata, abundè explorata non essent) odisse tamen & detestari videbatur, valere meo judicio, earum communem usum animadvertens, ad sociorum parandam infamiam labefactandamque in replicando memoriam, veritati verò inveniendæ, cui indefessam operam navandam arbitrabatur, aut nihil, aut parum conducere, sed ne plura conflecter, lectoremque detineam, comprehendam brevi. Enicuit aliquis eloquentia, sed inscitia rerum naturæ secretarum dehonestatus est: alius peregrinas linguas, sed universa Philosophorum decreta non calluit: priscorum alius inventa perlegit, non nova dogmata concinnavit: scientiæ ab altero hominum tantum & humanæ gloriæ causâ, non Christianæ Reipub. emulamento, & divinæ, & humanæ quæsitæ sunt: Ille verò cuncta hæc pari studio ita complexus fuerat, ut turmatim & coacervatim in eum confluisse viderentur, nec ut multi, qui non aliquo uno excellentes, omnium participes sunt, sed in omnibus usque adeo profecerat scientiis, ut quamlibet ex his in ipso considerasses, eam sibi propriam & peculiarem elegisse judicavisses: hæc quoque eò admirabiliora erant, cum à seipso vi ingeniû, & veritatis amore, quasi absque præceptore assequutus esset, ut quasi de seipso, illud quod de se dicebat Epicurus, possimus proferre: Se sibi ipsum scilicet fuisse magistrum. Ad quos mirabiles effectus, tam parvo temporis spacio producidos, quinque ego causas convenisse reperi, incredibile ingenium, tenacissimam memoriam, facultates amplas, quibus ad cœmendos tum nostræ, tum Græcæ, tum barbaræ linguæ libros adiutus est. (septem quippè aureorum nummum millia, retulisse mihi memoria repeto, in asciscendis sibi usque ad diem illam, omnifariæ literaturæ voluminibus, erogasse) jure & insatigabile studium, contemtionem postremò terrenarum rerum. Hunc igitur si prisca illa ætas Laconum tempore protulisset, si Aristoteli credimus, divinum illum virum appellavisset.

Sed virtutes intellectus, jam (ut arbitror) relinquendæ videntur, & nunc præclaræ ejus animæ partes, quæ actiones spectant, prosequendæ, exactissimique mores in publicum educendi sunt, ut flammatus ipse in Deum animus innotescat, ut erogatæ in egenos divitiæ collaudentur, ut his, qui tandem divinæ legi sunt addicti, referendi gratias, in bonorum omnium auctorem quàm cumulatissimè, paretur occasio. Triennio igitur priusquam diem obiret, ut posthabitis dominandi curis, in alta pace degere posset, securus quo sceptrâ caderent, cuncta patrimonium, quæ Mirandulæ Concordiæque possidebat, hoc est, tertiam partem earum, mihi nescio an dono, an venditione tradidit: quod factum, postea Maximilianus Augustus, quinobis est Rex & dominus, ut ita dixerim immediatus (neque enim alium tot sæculis quot est exadificata Mirandula atque Concordia, nisi qui successivè in regali imperia hinc Romanorum throno consideret, recognovimus) Cæsarea liberalitate firmavit: quicquid autem ex hoc negotio pecuniarum acceperat, partim pauperibus

peribus elargitus est, partim in emendis agris, unde & ipse, & ejus familiares alerentur expoliuit, nominatimque Corbulas, in agro Ferrariensi, multis aureorum millibus nummum sibi comparaverat, multa itidem vasa argentea, preciosasque suppellectilis partes in pauperum usus distribuit: mensa mediocri contentus fuit, retinente tamen nonnihil lautitiæ prioris, quantum ad fercula, & ad vasa argentea pertineret. Diebus singulis preces ad Deum suis horis effundebat, pauperibus semper si qui occurrerant, pecunias tribuebat, nec eo contentus, Hieronymo Benivenio civi Florentino, literato homini, quem pro magna in ipsum charitate, proque morum integritate dilexit plurimum, demandaverat, ut propriis pecuniis, semper subveniret egenis, nuptum quoque virgines traderet, eique statim ut erogatos nummos, quam primum restituere posset, renunciaret. Id enim muneris ei delegaverat, quo facilius, veluti fido internuncio, pauperum civium calamitates & miseras, quæ ipsum latuissent, relevare quiret, dedit & sæpius (quod silentio prætereundum non puto) de corpore proprio elemosynas, scimus plerosque (ut verbis utar Hieronymi) porrexisse egentibus manum, sed carnis voluptate, & illecebris superatos: at ipse propriam carnem diebus potissimum, qui Christi cruciatus & mortem nostræ salutis gratia repræsentant, in summi illius beneficii memoriam, delictorumque expiationem cædebat, meisque oculis sæpius (cuncta in Dei gloriam redeant) flagellum vidi. Vultu hilari semper erat & placido, adeoque miti natura, ut nunquam se fuisse turbatum, multis etiam audientibus testatus sit: recolo mihi interloquendum dixisse. In nullum eventum (ut res pessimè cederent) ira commoveri posse credere: nisi scrinia quædam deperirent, quibus elucubrations ejus & vigiliæ reconditæ stipabantur. Sed cum animadverteret pro Deo Optimo Maximo ejusque Ecclesia laborare, eisdemque omnia opera, studia, actionesque dedicavisse, & id fieri minimè posse, nisi aut eo jubente, aut permittente, confidebat se non contristatum iri: ô felicem mentem, quæ jam nullis posset adversis deprimi, nullis quoque commodis (ut palam fiet) extolli: non illum certè universæ Philosophiæ peritia, non Hebrææ, non Chaldææ, Arabicæque linguæ, ultra Latinam & Græcam, cognitio tumidum reddiderant: non etiam amplæ divitiæ, non generis nobilitas inflaverant, non corporis pulchritudo & elegantia, non magna peccandi licentia in mollem illum, & spatiofiam multorum viam revocare poterant. Quid igitur poterat esse tam admirabile, quod illius quireret mentem pervertere? quid, inquam, supra illum esse poterat, qui (ut verbis Senecæ utar) supra fortunam erat, cum illam sive secundis statibus tumidam, sive adversis reffatis humilem, aliquando contempserit, ut ejus mens Christus & supernæ patriæ civibus spiritali glutino copularetur: quod vel hoc argumento liquido percipitur: Quod dum Ecclesiæ officia & dignitates, à plerisque nostris temporis (proh dolor) licitatas actionataque, non paucos videret expetere, flagitare, suspirare, enixissimè mercari, ipse à duobus regibus, per internuncios oblatas, testes adfuit gravissimi, testis ego, se sacris initiari nolle respondens, repudiavit. Alter verò quidam, cum seculi dignitates & amplos redditus, se datum spondidisset, si regem ejus adiret, conspiciatus angulum non relinqui in quem se conderet, ademptaque esse cuncta suffugia, tale illi dedit responsum. Ut intelligeret,

intelligeret, se non dignitates aut divitias expetere, sed potiùs, ut Deo & studiis vacare posset, illas neglexisse. Ferrariæ quoque eum ex amicis quidam, Pandulpho Collenutio Pifaurensi, jurisconsulto perspicacis ingenii viro, & multifariæ lætionis, quo amico familiarissimè utebatur, suassissent, ut eum adduceret quibuscunque rationibus posset, ad Cardinalatus dignitatem petendam, vel certè si eam Pontifex offerret (quod multis futurum videbatur) amplectendam idque Pandulphus subhæsitans pertentasset, quippè qui non ignarus esset, omnia illum malle, quàm hujusmodi honoribus commiseri, ipse qua erat animi magnitudine, responderi protinus propheticum illud, per epistolam jussit: *Non sunt cogitationes meæ, cogitationes vestre*, contemplans fortè de bonis Ecclesiæ, quorum pars maxinia pauperibus hæreditario jure debetur, magnificos ducere apparatus non oportere. Sanctissimorum item hominum exempla ante oculos posita, Ambrosii scilicet, Augustini, Martini, cæterorumque, qui Episcopatus dignitatem oblatam effugerunt, diuque id muneris antequam obirent, detraxerunt. quid quod & non modo ab Cardinalatu ipso, sed & ab suprema summi pontificii potestate sanctissimum Cælestinum se abdicasse legerat, ipsumque totius Christianæ reipublicæ humeris onus excussisse (onus verè, cum subeuntibus maximum paretur præmium, invitis scilicet & parendi tantum juvandique gratia illud amplectentibus) persuasissimum erat viro Philosopho, non esse laudis cumulasse divitias, non quæsisse honores, sed renuisse: & umbratilem renuendo gloriam, veram adipisci, quæ semper virtutes, ceu comes individua & assecra comitatur, humanam gloriam vel pro nihilo habebat, aiebatque sæpiùs, famam vivis non nihil, mortuis minimè profuturam, tantumque propriam æstimasse doctrinam agnovimus, quantum utilitati Ecclesiæ, & eliminandis explodendisque adversis erroribus conduceret. Quinetiam ad eam perfectionis metam pervenisse percepimus, ut scilicet parum curaret, si ejus commentationes, non sub proprio nomine publicitè ederentur, dum tamen id ipsum quod sub Pici nomine facturæ fuerant, afferrent hominibus emolumentum, minimumque aliis amplius affici libris, præterquam Veteri Novoque testamento, ætatique residuum in eis semper voluendis, consumere statuisse: nisi publica eum stimulare utilitas, cum videret tot, & tanta quæ conceperat, & parturierat passim ab omnibus non efflagitari modo, sed & immatura exigi: minutulumque quantulumcunque devoti, vel seniculi, vel aniculæ affectum in Deum pluri quam omnem ejus humanarum divinarumque rerum notitiam faciebat. Admonebat sæpius familiæ inter loquendum, ut animadverterent, quantum laborant nutrenteque mortalia, quamque caducum & fluxum quod vivimus, quam firmum & stabile quod sumus futuri, sive scilicet detrudamur ad inferos, sive subleveamur ad cælos, hortabaturque ut ad Deum amandum converterent & incitarent mentes, quod opus præponderaret, cuicunque, quam in hac vita habere possemus cognitioni, hoc etiam in libello ipso de Ente & Uno luculentissimè est exequutus: quando ad Angelum Politianum, cui librum nuncupavit, in ipsa disputatione conversus, hæc verba effatus fuerit. Sed vide, mi Angele, quæ nos infania teneat amare Deum dum sumus in corpore, plus possumus quàm vel eloqui, vel cognoscere, amando plus nobis proficimus, minus laboramus, illi magis obsequimur: malumus tamen semper per

per cognitionem nunquam invenire quod quærimus, quam amando possidere id quod non amando frustra etiam inveniretur. Illud quoque Divi Francisci (Tantum scit homo, quantum operatur) illius in ore frequens fuerat.

Cæterum liberalitas sola, in eo modum excessit, tantumque aberat, ut aliquid curæ terrenis rebus apponeret, ut etiam incuriositatis nævo macularetur, ab amicis quoque sæpius admonitum comperimus, ut in totum divitias non contemneret. Assueverantibus id sibi probro dari, cum vulgatum foret, siue id verum, siue falsum, furti dispensatoribus præbuisse occasionem. Nihilominus mens illa quæ semper contemplandis perscrutandisque totius naturæ consiliis inhærebat, demittere se facile non poterat, ad hæc infima abjectaque pensiculanda. Memini dum Ferrariæ cum eo obversarer, obsonatorem pagella quadam oblata expensarum approbationem expetere, quo visum mirabundus extiti, percunctatusque illum, Mentemne ad id quod retroactis temporibus neglexerat, apposuisset, respondit familiaris: Non modo ab eo efflagitasse, sed exegisse, ut id subiret officii, quibus ut morem gereret fastidataverat: tantum vero curæ, quantum prius habuisset. Quinetiam dum eius dispensator primarius eum interpellasset, ut ejus pecuniarum, quas per multos annos contraxerat, disputationem fieri juberet, quò securius menti suæ confuleret: atque ejusmodi libros, coram attulisset, talia eidem verba respondisse percipimus: Scio me quam sæpissimè abs te & potuisse, & posse fraudari, quapropter liberatione expensarum harum opus non est: si tibi debeo, quamprimum nummos exolvam, si mihi debes vel in præsentia, si potes, vel in posterum, si non adest facultas, debita relue. Amicos vero semper multa indulgentia tractavit, quibuscum hortatoriis ad bene vivendum locutionibus uti solebat. Hominem novi qui dum ejus doctrina fretus & fama, secum loqueretur, & haberetur sermo de moribus, duobus tantum ipse verbis commotum, ut via vitiorum deserta, mores reformaverit. Verba fuerunt ejusmodi: Si Christi mortem, nostri amore perpeffam, præ oculis haberemus, propriam quoque identidem cogitando caveremus à vitiis: Modestiam & comitatem in eos admirabilem exhibuit, quos non à viribus, aut fortuna probatos, sibi devinciendos duxerat, sed à moribus & doctrina: eos tamen qui quantumcunque pollerent literis, vel saltem bonarum artium studiis, gnavos aptosque inspiceret, diligere consueverat. Similitudo namque amoris est causa, & erga sapientem virum, ut teste Philostrato, Apollonius inquit, affinitas quædam est: scientiam quoque perficere hominem, quæ homo est: perfecta verò bonitatem consequi super aliosque probos esse diligendos non ambigitur. Cæterum nihil ei intolerabilius, quam (ut verbis Horatii utar) superba civium potentiorum limina, militiam quoque sæculi, & conjugale vinculum, perosus fuerat: interrogatusque inter jocandum. Quid ei ad alterum subeundum onus, ferendumque & necessitate cogente & optione data, levius videretur: hæsitabundus aliquantulum, nutabundusque nec non: pauxillum subridens: Conjugium, respondit, cui non tantum esset & servitutis annexum, & periculi quantum militiæ: libertatem enim supra modum dilexerat, quam & natura sic affecta, & Philosophiæ studia suggererant, vagumque ob id plurimum extitisse illum autumo, nec propriam sibi unquam sedem delegisse: licet Florentiæ sæpius, & Ferrariæ quandoque commoraretur.

retur, quarum alteram civitatem sibi quasi domicilium præstituisse putaverim, quod scilicet in ea, post Bononiam primum literarum studia coluerat, illiusque princeps cum mirifice diligeret, quadamque veluti affinitate conjunctus, utpote ex cuius ego sorore scilicet Blanche Maria Estensi natus sum, nec etiam longè nimis esset à patria, quando triginta tantum passuum millibus ab Mirandula orientem solem versus Ferraria distet: alteram sive aeris amœnitate, sive plurimum amicorum suavitate, sive ingeniorum subtilitate dilexit plurimum, & incoluit, quos inter literarios amore, duos sibi potissimum devinxit: Angelum scilicet Politianum virum Græcè Latineque doctissimum, nec non variarum literarum florum refertum, ac propè vindicem Romanæ linguæ: alterum, Marsilium Ficinum Florentinum, hominem omnifariae literatura redolentem, sed maximum ex his qui nunc viuunt, Platonica: literarum opera in Academicis sibi vendicandis, usus fuerat.

Exterioris patriæ cultus, non multum diligens fuerat, non de eo loquimur, quem observandum præcipit Ecclesia (gestasse hunc quippè præ oculis me vidimus) sed de his cærimoniis mentionem facimus, quas nonnulli posthabito vero cultu Dei, qui in spiritu & veritate colendus est, prosequuntur, & provehant: at internis affectibus ferventissimo Deum amore prosequeretur, interdum etiam alacritas illa animi propemodum elanguescebat & decidebat, majori quandoque nixu vires assumens, adeoque in Deum exarsisse illum meminimus, ut cum Ferrariæ in Pomariæ quodam de Christi amore colloquentes, longis spaciaremur ambulacris, in ejusmodi verba proruperit. Tibi hæc dixerim, in Arcanis recondito: Opes quæ mihi reliquæ sunt, absolutis consummatique elucubrationibus quibusdam, egenis elargiar, & crucifixo munitus, exercitis nudatisque pedibus, orbem peragrans, per castella, per urbes, Christum prædicabo: accepi postea illum mutavisse propositum, & Prædicatorum ordini se addicere statuisse, interim eorum quæ conceperat operum quæque inchoaverat, maturabat editionem.

Sed M. CCCCLXXXIII. Anno Redemptionis nostræ, dum ipse secundum & trigésimum ætatis annum impleret. Florentiæque moraretur, infidiosissima correptus est febre, quæ adeo in humores & viscera grassata est, ut nullum non medicamentorum genus adhibitum contempserit, eumque omnino naturæ satisfacere, intra tertium decimum diem coegerit. Sed quem admodum in infirmitate se gesserit, licet eo tempore, ab eo procul essem, narrare tamen non desinam, quæ ab gravissimis testibus, qui aderant, acceperim. Quale illud, cum post sumptum Eucharistiæ sacramentum, sigillum ei Crucifixi Christi offerretur, ut inde plenos amoris haustus, ob ineffabilis illius passionis nostræ salutis gratia memoriam, priusquam exhalaret animam sumere posset, fortissimum duntaxat, adversus quæcunque adversa munimen, validissimumque contra iniquos dæmones propugnaculum: interrogantique mox seniori. An firmiter crederet, veram esse illam Dei veri, verique hominis imaginem: qui quia Deus est ante tempus, & ævum ab ipso Patre Deo, cui æqualis in omnibus genitus esset, deque Spiritu sancto, qui & Deus est, ab ipsoque & Patre, quæ tria unum sunt cœternè manente, in utero Mariæ semper Virginis conceptus esset in tempore: qui famem, qui sitim, qui labores, qui æstus, vigilias perpessus esset, qui demum pro

contradiis

contrastis ab Adæ semine sordibus nostris abluendis, proque referenda janua cœli, maxima qua genus humanum charitate complectebatur, preciosissimum sanguinem, & spontè & libentissimè in ara crucis effudisset: cæteraque id genus recenseri quandoque solita: Non modò se credere, sed & certum esse, responderit. Et item illud, cum Alberto Pio sororis filio, quem nominavimus inter hujus vitæ initia, juveni, & ingenio, & bonarum artium studiis & moribus conspicuo, eadem ratione, qua Alexander ex Aphrodisiade, & Themistius in auscultatoriorum librorum Proœmio, fortitudinem è Physicis contemplationibus sumi, contra mortis metum declaravit, quam mox sententiam usurpavit Auetrois, conanti inquam Alberto mortis confinia reddere placabiliora, in hunc modum verba reddiderit. Non illa duntaxat ratione pacari animum, non finem mortis cruciatibus poni, sed hac potissimum, quod Dei sui offensis terminus jam poneretur, quando breviusculum vitæ ejus tempus, crebriores in Deum offensas non contenturum arbitraretur. Et illud præterea, quando pluribus ex Prædicatorum collegio probatissimis testibus, & Alberto ipso, paulò antè citato, revelaverit Cœli reginam, ad se nocte adventasse miro fragrantem odore, membraque omnia febre illa contusa, contractaque refovisse seque morti omnino non concessurum promississe, hilari placidoque ore, in strato, dum ægrotaret jacuisse, compertum est, atque inter mortis aculeos, quos sustinebat, quasi cœlos sibi patefactos cerneret loqui solitum, salutantesque omnes, & operam suam, ut moris est, pollicentes blandissimo ab eo sermone & receptos & exosculatos. Ab servis item omnibus, si cui molestus fortè fuisset, ignosci sibi postulasse, certiores facti sumus, quibus anteacto anno testamento caverat, victum aliis & tegumentum dum viverent, aliis pecunias pro meritis erogari. Hæredes Florentini Xenodochei pauperes instituit, eorum duntaxat, quæ moveri non poterant: mobilia verò Antonium Mariam fratrem.

P

PAULI



PAULI JOVII DE JOANNE PICO

Mirandula Elogium.

JOANNES Pius Mirandula meritò cognomine Phoenix appellatus est : quòd in eum, Dii superi, supra familiæ claritatem, omnis corporis, ac animi vel rarissima dona contulerint : Mira enim altitudine subtilis ingenii, decora facie, lectissimisque moribus, & incomparabili, quum disputaret, aut scriberet, facundia omnes ejus seculi sapientes in admirationem sui facile convertit : Gravissimo autem opere, nec dum absoluto, tanta eruditione atque vehementia Astrologos, totius divinationis vanitate confutata, persecutus est, ut subtilium disciplinarum professores à scribendo deteruisse videatur. In Heptaplo autem dum Sacrarum literarum mysteria, divino ore nobis recludit, & in Apologetico gravissimis disciplinarum omnium rationibus proposita ad disputandum, ingenii sui decreta defendit, seipsum doctrina atque memoriæ felicitate supergressus esse videtur. Excessit è vita dignus Cælo, trium & triginta annorum Juvenis, eo die tam celebri, quàm postea Italiæ maximè funesto, quo Carolus Galliæ Rex octavus Florentiam est ingressus, scilicet, ut tanti funeris luctus, quum sub signis ornatus in pompam externæ gentis exercitus urbem intraret, vel eo inusitato spectaculo, & in tanta receptæ libertatis lætitia, minimè vinceretur.

JOANNES JOVINIANUS PONTANUS, *Lib. Tertio de Fortuna ad A. Colotium Bassum, in Proæmio de Joanne Pico Mirandula Comite.*

NE Cnos deterrebit Joannes Pico magna tum nobilitate, tum etiam ingenio, ac doctrina vir, qui nuper diruere prorsus syderalem conatus est disciplinam. Cui quo minus ipsi respondeamus, labore eo nos omni liberavit, vir in omni disciplinæ genere clarus, ac perquam acutus, Lucius Bellantius cui ætas nostra multum profectò debet : debitori autem longè amplius postero, no ad eos tanta hæc indignitas penetraret.

ret. Quid enim indignius, quàm tot seculorum tradita, tot excellentium hominum velle inventa labefacere, & quæ disciplinarum omnium est antiquissima, eam longo post tempore insectari? Videlicet Picus noster (voco eum nostrum, quia magna mecum benevolentia conjunctus fuit, quodque doctissimum quandoque maximè mihi familiarem atque amicum statuo) tractus ipse quidem exemplo est aut Pyrrhonis, qui Physicam & moralem omnem doctrinam evertere conatus est olim: aut Laurentii Vallenſis, qui nuper vel decem Predicatorum seriem, ne Dialecticam dicam omnem, ut subrueret quid non tentavit? Hæc Joan. Pontan. loco præfato.

V I T A
 REVERENDI PATRIS
 F. HIERONYMI
 Savonarolæ

ORDINIS FF. PRÆDICATORUM.

*Auctore Illustrissimo Principe D. Joanne Francisco Pico Mirandulæ
 Domino & Concordia Comite.*

PROŒMIUM.

VITAE HIERONYMI SAVONAROLÆ FERRARIENSIS, viri ætate nostra longè præstantissimi, decreveram jam inde, terris ut mutavit cælum, litterarum mandare monumentis. Facturus enim videbar operæ pretium, si nostris hominibus, quos ab eo rerum gestarum veritas latuit, plurimorum etiam interpolata calumniis id aperirem, unde sibi faciliè consulere possint. Idipsum quoque posteritati gratum arbitrabar fore, si rarissimis exemplis daretur occasio, ut excitaretur ad bene beateque vivendum, & pro veritate certandum. Sed cum & multa & dura emerſissent impedimenta, distuli ad hoc usque tempus editionem, cui propterea non parva eaque sincerior facta est rerum scribendarum accessio; dum & major & diligentior (longioris beneficio temporis) delectus haberetur

potuit eorum, quæ variè à diversis afferebantur. Veritatem sanè quam per me ipsum novi, sequutus sum. Nam cum ipso Hieronymo constitutam habui non vulgarem amicitiam sexennium antequam apud mortales morari desissem, deinde non auritos tantum testes habere volui sed oculos, eis maximè de rebus quæ & mortem concernebant & miracula: in cæteris verò quæ quasi per manus tradita cognoveram, quantum licuit explorandum statui & mores, & diligentiam ejus qui retulisset. A te qui leges, (si forte meus tibi labor aliquando fuerit usui) repensum id mihi velim, ut in tuis sis ad Deum precibus memor mei, simulque ad ipsum *Hieronimum*, è Mirandula, anno M. D. XXX.

Quod Hieronymo genus, qua patria, qui parentes, qua statura.

HIERONYMO paternus avus fuit Michael, patria Patavium, familia Savonarola nobilis, ut hinc ex civitatis portis una cognomen habuerit. Nobilior autem cum esset artis Medicæ professione, Ferrariam ab ejus Principe Nicolao Attestino accitus est, qua in urbe diu vixit. Nam & sub Leonello ejus filio grandior natus, & sub fratre Borsio (qui primus ex ea familia Ferrariam, Mutinam, & Regium Lepidi titulo Ducis obtinuit, cum inter medendum civibus, tum inter scribendum exteris etiam prodesset sollicitus, in extremo senio diem obiit. Michaeli fuere duo filii, *Joannes*, & *Nicolaus*. Hic ex Bonacorsiorum familia in matrimonium *Helenam* duxit, ex qua præter duas neptes, quinque tulit nepotes, *Hieronimum Albertinumque* Medicinæ perdiscendæ operam daturus, tresque alios, quorum duo rei domesticæ curam exercuisse, alium, cui *Maurelio* nomen fuit, sacris primò initiatum, deinde sub Hieronymo fratre, dum floreret, arctioris vinculo degendæ vitæ religatum constat. Virum egregie pium fuisse *Michaellem*, & pauperibus nulla mercede mederi solitum puer audiivi ex *Blanca Attestina* matre, quæ dum virgo esset, sub tutela fratris ejus *Principis Borsii* eo fuerat Medico-usa. Natus est Hieronymus undecimo Calend. Octobris, qua die *Matthæi* Apostoli peraguntur solemnia. Annus is fuit à partu Virginis millesimus quadringentesimus supra quinquagesimum & secundum. Statura fuit penè justa, sed quæ in parvam potius desineret, quàm in magnam excelleret, erecta tamen & egregia. Cutis color in album subrufumque vergebat: sublimis extabat frons, grandiusculus per transversum sulcata rugis. Oculi penè caprini, quibus imminabant falcata supercilia pilis conspersa crassioribus. Hinc natus inter malas turgidas venustè incurvatus atque ori pleniori paululum impendens vultum honestabat. Subinde prominulum castigato ventri pectus incumbens, & collo ac brachiis cruribusque conveniens ostendebat in totius corporis habitu, sic aptam esse inter se membrorum confessionem; ut nec ea fulcirentur toris, nec macie conficerentur. Ossæ tantum & carne prope-modum exemptæ manus, quarum digiti oblongi protendebant ad ungues in acutum. Incessus ita sibi constans, ut modestia simul, & urbana quadam præditus elegantia videretur.

*Quæ Hieronymo pueri studia, quale
ingenium, qui mores.*

AVUS *Michal* ut arte Grammatica institueretur *Hieronymus* quoad vixit operam dedit, quo vita functo, tradidit artibus erudiendum: eo quidem consilio ut imitatus avi vestigia, & opibus & gloria familiam pergeret exornare. Addiderat ipse literis & religionis cultum, cui à teneris (ut a-junt) unguiculis adeò se dederat, ut si quando cum ejusdem ætatis pueris ludere congressus esset, paulò post inde digrederetur ad altariola construenda, quamquam pietas ubi aliquatenus adolevit occultebatur quodam quasi velamento literarum, quas sic excoluit, ut spem de se amplam illarum in gymnasio concitaret. Erat Hieronymo intellectus perspicax, erat solertia per-rara, judiciumque quod in veritatem ipsam suaptè natura ferebatur. Accedebat huc & jugis lectio, & delectus auctorum in versandis Philosophorum Theologorumque monumentis, quibus se totum crediderat, nihil sibi ad ea non legenda modo, sed ediscenda reliqui faciens, nihil ferè temporis ab eis vendicans sibi, nisi dum parcius linguæ vernaculæ & Etruscis rithmis (quibus per id ætatis plurimum oblectabatur) operam daret. Philosophiæ Peripateticæ, (quæ ferè sola eo tempore excolebatur) pro viribus incubuit. Et cùm in eo multæ sectæ haberentur, Aquinatis Thomæ Commentariis adicebatur, quem assidua contemplatione se perdidicisse referebat, & Latinorum Philosophorum Theologorumque, qui antea scripserant, extare principem. In ipso autem philosophandi munere ducebatur minimè eo impetu, quo feruntur innumeri, qui quem sequi malint Doctorem, non lectione ipsa, sed vulgi opinione deligunt; qui error omnium habetur perniciosissimus in discendo, quandoquidem non juxta voluntatis affectum, sed ex ipsa rerum notitia, non de vaga, quam circumferat vulgus, opinione, sed de percepta perpen-saque cognitione veritatis rerum sectandarum & opinionum pendere delectum oporteat. Unde illud ab eo sæpius repetitum, vitari ob id plurimum studia literarum, quod ordine præpostero in auctoribus deligendis voluntatem intellectus sequeretur. Mirus erat veritatis amator, eo usque provectus ejus grãtia, & in his quos coleret Doctoribus, ut si quid non placeret ingenue lateretur, quod ætate procedente, sumpto jam Religionis habitu, & claritate nominis ejus sese diffundente multò ostendit apertius: quippe qui audiens Græca quæpiam *Sexti* Philosophi monumenta adservari, in quibus universæ doctrinæ humanitus inventæ essent, ea è Græca transferri in Latinum, paululum antequam moreretur mandaverat, perosus multorum, qui se scire jactabant, ignorantiam. Idque ipsum muneris *Georgio Antonio Vesputio* utriusque linguæ gnaro qui ex ejus erat sodalitate, delegarat. Volebatque eidem operi *Zerobinum* etiam *Acciasolom* utriusque linguæ compotem ejusdemque virum sodalitatis incumbere, fecissetque votis satis, nisi mors ipsa sum violentia rapuisset. Eatenus verò ducebatur amore veritatis, ut dum maxime floreret, & ingenti gloriæ quæ diceret, quæ scriberet circumferebatur,

rentur, cum rogaretur ab amicis quatenus suis sententiis acquiescere auditores vellet, non aliter responderit, quam aliorum quorumlibet, demptis iis quæ superno lumine hausta patefaciebat divino munere. Idque mihi tum primum dixisse memini. Ad Doctorum hominum coronas disputare adolescens consuevit. Unde oriri cœpit opinio, futurum eum magni nominis virum. Nam propter disputandi peritiam & acumen ingenii multos sibi conciliaverat. Non erat facillè iudicatu, utrum ejus eruditio, morum gravitatem; an hæc doctrinam excelleret, virtutibus hujusmodi sic inter se certantibus, ut ex earum conflictu rarum quoddam, imò uni *Hieronymo* proprium resularet, quando inter eos qui liberalibus artibus vacabant, prodigio par esset, qui *Philosophorum* literas Christianis virtutibus redimitas profiterentur; quæ tamen, si eis non condiantur, uti gladius in fureatis manibus, & hostem persæpè & Dominum etiam jugulant. Consuetudo ei cum aliis perrara, sibi ipsi semper comes. Mos autem fuit spatiandi seorsum, foyendi animi gratia, illudque frequentissimè meditandè, maximam hominum partem laborare stultitia, ob id quod finem, ad quem est nata, aut ignoraret omnio, aut notum non procuraret acquirere. Propterea à populari cœtu & curia abstinebat maximè, atque ab aula Principis *Herculis*, qui *Borso* fratri successit, abhorrebat, adeo ut non nisi semel totà vità in ejus arcem, quo cives omnes confluxebant introierit, totus scilicet veritati contemplandæ mancipatus.

*Causa sumpti Religiosi habitus & Epistola
ad parentes & amicos missa.*

HOC vitæ tenore ad annum usque ætatis secundum & vigesimum servato, cogitare se cum cepit, perseverandumne sibi foret in ea vita quam vivebat, an alia potior quærenda: diuque ambigenti ei ac variarum concursu opinionum anxio, nocte per soporem frigidissima quædam aqua in corpus illabiebat, ob quam de somno continuo excitatus, animatus est ad novam capessendam vitam, Deo ita volente, qui animabus eum quam copioribus mederi malebat, moderabatque in eo jam illecebras carnis; & saluberrimo illo frigore, fervorem ætatis sæpenumero noxium restinguebat: Quare & Christum omnino sequi, & omni humanæ gloriæ nuntium remittere statim constituit: ad quod faciendum non nihil etiam ex sacerdotis cujusdam ex Augustini Eremitarum ordine, quasi divinis stimulis urgebatur. Sed cum nulli religioni earum, quæ à quibusdam Theologis *Palitine* appellantur, (una enim & sola est Christiana religio) quæque vivendi regulæ dicuntur à quibusdam, nulli inquam magis afficeretur quam ei quæ Fratrum Prædicatorum nuncupatur, tam ob egregiam ejus famam & merita, quam ob id quod *Thome Doctoris* eorum præcipue placita sectaretur, in hac se militaturum preparat. Sed cum parentes & fratres & amicos omnes id consilii latere voluisset, die eo Aprilis qui & Martyri Georgio sacer est & Ferrariensibus celeberrimus habetur, occupata urbe in spectandis ludis omnifariam, ipse Bononiam pergit, ibique Prædicatorum Fratrum habitum induit. In ipso autem ingrediendæ Religionis

Religionis limine oblitus (idem ut ipse mihi retulit) propositi ejusdem, quod altè infederat menti, iacrorum ordinum refugiendorum & sacerdotii renuendi, veritus ne de seculo (ut aiebat) in seculum prolaberetur parum distare religioni additos viros, quibus Fratrum nomen est factum, à cæteris hominibus secularium appellatione signatis existimans, qui literis, Aristoteli & disputationibus plus nimium vacarent. Ipse verò qui versatus in eis etiam cum honore fuerat, metuebat apprimè, ne crederetur eisdem studiis, & disputandi munere manciparetur, conducibilis sibi fore existimans aut hortum colere, aut tunicas suere, vel quippiam id genus efficere, quod fratres hi qui conversi vulgo dicuntur, consueverunt. Sed hujusmodi sententiæ, cum cænobium adiit, profunda eum adeò tenuit obfivio, ut nihil omnino quod ad eam rem faceret, obreperet cordi: Dei ut arbitror decreto, qui eum ad erudiendos populos instituerat, quo factum est ut & comam præcidi & verticem radi & cætera sibi fieri permiserit, quæ consueverant his qui sacris solent initiari. Parentes autem & amicos quos ejus discessus afflixerat, per Epistolam Italica vulgarique lingua conscriptam, & objurgavit simul & consolatus est. Objurgavit quidem, quod molesto id animo tulissent, quod æquissimo alioquin & lætando decuerat exceperat, quando se spiritali quam affectus fuerat dignitate tristabantur, qui si temporariam adeptus fuisset, summa lætitia afficerentur. Consolatus est autem, sperare illis jubens, præstituendum se à Deo hominum animis medicum, dum cuperet ipse corporibus mederi.

De simplicitate Christiana vitæ quam delegit, & de militibus ad ejus verba conversis.

UT autem eorum quibuscum vivebat fratrum mores & acta diligenter observavit, ea cum antiquis illis vel primitivæ Ecclesiæ viris, vel sanctissimis Ægypti Monachis conferens, non eam esse ipsorum vitam collegit, quam nomen prætenderet, quando nec in eis, præterquam in paucis qui strictissimæ se addixissent, Christianum decus fulgeret. Alios namque ditandis cœnobii intentos adverterit, alios innumeris vanitatibus implicitos, alios vanis acquirendis literis & Aristoteli magis quam Christo deditos expertus est, & eò quidem molestius hoc illi fuit, quo se ad obeunda eadem munia compellendum timeret. Naturali namque Philosophiæ & Metaphysicæ perdocendæ (quarum peritiam plus ipse nactus fuerat) ipsum addixere. Quod munus ubi per multos annos excoluit, & discipulos complures erudiit, posthabitis disceptationibus vanis & ambitiosa questionum subtilitate seposita, Christianæ simplicitati se penitus dedit, eos libros sibi familiares delicens, quorum lectione ad pietatem identidem provocaretur, & divinarum rerum, quarum avidissimus erat, quandam quasi animi saturaret ingluviem. Sed ad id officii quamquam à Cassiano editæ collationes, perscriptæ à B. Hieronymo SS. Patrum vitæ, Augustini Meditationes conducere, horum tamen contemplatio ad nutriendum animum & ad replendum non satisfaciebat, nisi potiorem sibi alimoniam.

alimoniam quæssisset. Ea propter spirata divinitus eloquia Veteris & Novi Testamenti, quibus homines vivere (Christo referente) didicerat, comparavit sibi; & nocturna diurnaue manu ita versavit, ut totum fere sacrorum librorum canonem & memoria teneret, & profundè exactèque (quantum homini licet) intelligeret. Per id tempus & peccatis hominum audiendis, & iis de suggestu profigandis addictus est; quæ delegata sibi munera viribus omnibus implere satagebat, quanquam illud, ut hoc commodius exequeretur, postremis vitæ annis deposuit, totis scilicet viribus sacris Concionibus vacans. Quibus perorandis, tametsi & vocis & gestus gratia, & selectu etiam dicendarum rerum in ipsius initiis destitueretur, divino tamen munere proficiebat; & non parum multos de summis vitiis ad virtutes summas avocabat. Nec solum quæ de pulpito ad plebem faciebat verba, verum etiam quæ privatim etiam extrâ suggestum & populi conventum diserebat, vim secum Evangelici illius probati seminis afferebant. Atque inter cætera quæ ejus linguæ ministerio Deus omnipotens effecit, illud magnum & admiratione dignum videtur, quod dum Ferraria solvens Mantuam concionaturus navicula proficeretur, octoque & decem milites eodem navigio simul eandem urbem peterent, ludentibus illis, & obscæna verba jactantibus, postulavit ipse & impetravit dimidiæ horæ spatium verba faciendi; quibus nec dum finitis, undecim ex illis ad ejus pedes provoluti, & ingentia crimina eaque multis annis inveterata fassi sunt, & eorum ab ipso veniam suppliciter atque cum lachrymis etiam postularunt.

De divinis citra velamen revelationibus, quarum particeps factus Hieronymus futuras prædixit clades.

PER id tempus divinarum revelationum particeps factus, ingruentes & Italiae & aliis regionibus calamitates ad futuræ renovationem Ecclesiæ prævidit, quamquam non adeo tunc ea extra dubitationem illi paterent, ut omnis ei ambigendi occasio præriperetur: quod evenit si prophetiæ lumen citra velamen humanæ ratiocinationis effulgeat. Etenim adventitio lumine divino partim collustrabatur, & ex parte alia caligabat humano, sed duce ratione in eam inclinabat partem, in quam divina quoque visa inducebant. Existere namque sibi videbatur divini justitiæ majestatem, ut de scelestis hominibus, de iis potissimum qui præsumunt, pravoque subiectos exemplo populos corruptunt, atroces poenæ sumerentur, cum perditum humanum genus, divina patientia tot seculis abuteretur, pariterque essent Asiæ & Africæ populi multis erroribus & ignorantiae tenebris circumvoluti: summæ item providentiæ ordinem id poscere dubio procul arbitrabatur; si quidem ab ipso rerum primordio & conditi orbis incunabulis, mira quædam & imperscrutabilis divinorum judiciorum series innotuit, ut simul & amabilis clementia & justitia tremenda perspectæ sint. Sic & humani generis parentem nec ad inferos trusum, nec poena etiam innumunem fuisse. Sic in libidinis commune crimen, quo terra omnis infecta fuerat, non statim animadversum, sed universali

tali postea cataclysmo vindicatum. Sic Pharaonis Ægyptii regis impietas non continuo ad internecionem ducta, sed undis demum rubri maris absorpta. Sic nefarii puerorum amores, quibus quinque urbes illæ penitus tabefactæ fuerant, non ex ipso initio supplicii affecti, sed igne postea & sulphure deleti. Haud aliter infestio orbi nostris temporibus eventurum rebatur, ubi & virtutes omnes pessum iverant, & scelera universa rerum potiebantur: videbaturque verosimile, ut eorum tandem Deus miseretur, qui tenebris affecti veræ lumen religionis ignorabant; hi verò qui relicta luce sese barathro volentes immergerent, excitarentur sic ut vel clementiæ participes fierent, si modo virtutes, abactis vitiis, amplecti vellent; aut iustitiæ tribunal subirent, si obstinatius fordescerent in scelere, exemploque forent cæteris pravorum vindictæ facinorum. Consentaneum quippe videbatur suam ut Ecclesiam Deus eodem perpendiculo, quo semper usus fuerat, metiretur, & obliquo ejus parietes revocaret ad lineam, monitis primum, deinde flagellis pro scelorum varietate diversis. Pontifices summo astu & dolo, necnon simoniaca perfidiâ supremum aucupari sacerdotium dicebantur palam, sic ut nec quilibet id ferè revocaret in dubium. Mox adepti solium, scortis & cynædis eos, auroque coacervando vacare, fama publica circumferebat, atque ad eorum exemplum qui suberant Cardinales & Episcopi sese instituere. Nutus in eis vel modicus Dei cultus, iis eadem vivendi ratio, nullaque religio. Quin etiam ferebatur eorum aliquos Deum non colere, & in fidei nostræ contemptum & contumeliam pleraque spargere: sed & plures eorum qui religioni addicti vitæ, ab institutis se laxioribus secreverant, & traditas regulas profitebantur, unde & sibi cognomen usurpaverant, ad hypocrisim dilabebantur. Proinde fervorem illum Christianis debitum non modo in universum tepuisse judicabant hi, qui Deum in spiritu & veritate colunt, sed torpuisse penitus & friguisse. Ad hæc Principes tyrannicam vim publicè exercebant, & qui vexabantur, nihilominus rapinis, stupris, sacrilegiis, concussionibus, adulationibus inserviebant, ut illud sacrum repeti posset, *non esse*, videlicet, *qui faceret bonum usque ad unum*. Tantis itaque de causis, propter propheticum etiam spiritum quo afflabatur, nonnihil de imminente clade pronuntiare coepit, quamquam sacrarum literarum involucris tegebat arcana, ut impuros homines a perceptione mysteriorum arceret, veritus ne sanctum canibus traderetur, simulæ visis adhuc ambiguis deluderetur. Hanc ob causam sæpissime Deo preces fundere, & jejuniis corpus macerare, & flagellis atterere, & alios ad id officii cohortari studuit: quo tandem hæc divinæ clementiæ munere extra dubitationem lucideque innotescerent sibi quæ prius ambigè & subobscurè monstrabantur. Oranti igitur ipsi & divinas laudes in Ecclesia persolvendi, dum in divinæ bonitatis contemplatione absorptus esset, iisque præsertim versiculus caneretur, *Bonus es tu, & in bonitate tua doce me justificationes tuas*: fugatæ à sensu & intellectu omnes tenebræ sunt, & suborta lux, quæ dubitationem omnem de futuris quæ praverat events expulit. Mihi enim hoc privatim narravit, publicè autem sæpenumero dixit, quæcumque de futuris prædixerat, non secus (ipsa luce divinitus infusa) vera se comperisse, ac quilibet compos mentis partem omnem suo tanto minorem esse novit, & de re qualibet aut affirmationem aut negationem veram esse oportere.

tere. Proinde cœpit confidentius prædicere futuras clades, & eis veluti quibusdam adminiculis, collabentem & tanquam intermortuum pessimis moribus Christianum orbem instaurandum.

Quibus de causis Florentiam appulerit Hieronymus, ibique quam magna egerit, missusque fuerit ad Regem Carolum VIII. Legatus de Pace.

POST hæc & Angelicis colloquiis monitus, & ab ejus præpositis accersitus, qui *Joanni Pico* patruo meo hac in re morem gerebant, *Florentiam* appulit, ubi & *Joannis Evangelista Apocalypsim* è Lunari suggestu *Florentinæ* plebi interpretari exorsus est in sacra æde *Sancti Marci* Ordinis Prædicatorum. Agebatur tunc annus corporali Verbi octogesimus novus supra millesimumquadringentesimum, cœpitque tum ea quæ futura præviderat inter exponendum asserere, tametsi eas ipsas quas haulisset futurorum notas, citra corticem non proferret, sed velamentis illis Apostolicæ revelationis obtectas daret in vulgus, veritus ne multitudinis partem simpliciorum insolito prophetici tonitruu fulgore terreret, duriorum autem & effrenem ad risum & scommata concitaret, ob monstruosam illam persuasionem vulgo multis retrò sæculis inolitam, non esse scilicet postremis hisce temporibus Prophetas viros, neque post *Joannem* cognomento *Baptistam* hoc divinæ providentiæ munus in Ecclesiæ visum. Quam quidem opinionem minuti & exiles Philosophi Theologi que comprobare ausi sunt, quamquam successu parum felici. Nam & ab ipsomet propheta, & ab aliis atque etiam à meipso cum rationibus, tum auctoritatibus editis adhuc opusculis confutati sunt. Prædicabat itaque renovandam siue reformandam Ecclesiam, sed cadendam prius & purgandam flagello gravi, nî penitentia partes susciperentur. Et quamquam id ipsum ex Apostolico textu decerpere videbatur, non potuit tamen effugere, quin & risus submoveretur ignaris, & invidorum linguæ acuerentur, quas, ubi publice vitia eorum qui præerant aggressus est persequi, in se atrocissimas expertus est. Appropinquante vero calamitatum tempore apertius aliquid atque illustrius quàm consueverat, de arcanis ipsis deprompsit. Quo factum est, ut multiplices in se constatas calumnias, à celesti edicto promulgando penitus cessare statuerit, alioque animum convertere pavore quodam humano consternatus. Pristino igitur prænuntiandi munere deposito, objurgandis solum criminibus, virtutibusque suadendis operam dare decreverat; celesti nihilominus ad idem voce & minis revocatus est. Adduxerat autem jam in eum nonnihil populi fidem, & prædicta nonnullis mors Innocentii VIII. Pontificis, & prævisus ab eo prædictusque Caroli ejus nominis VIII. Gallorum Regis in Italiam adventus, qui jam accelerare ferebatur ad expugnandum Apuliæ regnum, & pari voce asseverata *Mediceæ* familiæ calamitas & ejus potissimum capitis *Laurentii*. Is cum eo tempore in republica Florentina princeps esset, & haberetur, sic ut ferè omnia ad ejus nutum agerentur, quamquam.

quam sub specie civilis instituti, audissetque *Hieronymum* apertius in tyrannicos usus invehi, eum ut sibi conciliaret multis tentavit; quod ubi frustra cessisse comprehendisset, quinque urbis cives magnæ autoritatis ad eum destinavit, monitos, uti ex sese *Hieronymo* suaderent, ex re esse & Religionis & reipublicæ Florentinæ, ut aliorum more concionaretur, hoc est, in universum, & à futuris rebus prænuntiandis abstinere, nec aggrediretur particulatim res non admodum necessarias.

Hos viros ad se venientes *Hieronymus* prius benignè reprehendit, asseverans non, uti dicebant ipsi, proprio, sed *Laurentii* Medices instinctu locutos. Deinde ejus nomine *Laurentium* monendum adjecit, ut errorum pœniteret, quoniam ipsi, ejusque domui calamitas divinitus imminerebat. Tres alios misisse audiavi, non jam opertis, sed apertis *Laurentii* nomine verbis locutos, quibus palam respondit, se *Florentia* manere, *Laurentium* autem ex ea discedere oportere. Cujus rei memor *Laurentius*, cum æger non multo post temporis jaceret, & proximus morti fieret, *Hieronymum* vocari iussit, virum scilicet intrepidum, & quem nec blanditiis nec ullis artibus à veritate flecti posse comperisset. Quem accessitum (præstò enim affuerat) comiter allocutus rogavit, ut Christiano more peccata ipsius audire vellet, cûi facturum se quod peteret annuit, si antequam noxas contractas confiteretur, tria præstaret. Primum fidem habeas oportet, inquit, *Laurenti*: Adest, inquit, Pater. Secundum, restituas opus est, si quæ injustè ablata sunt. Tum ille cogitabundus aliquantulum repressit verba, mox ait, hoc dubio procul efficiam Pater, aut hæredibus efficiendum meis relinquam, si ipse non possim. Tertium adjecit, Libertatem Patriæ restitue, ut in statu pristino Florentina Respublica collocetur. Quibus verbis cum nullum responsum dedisset, paulo post discessit *Hieronymus*, nec multo post *Laurentius* excessit è vita.

Fuga deinde & exilium *Petri Medices Laurentii* filii, & nota *Hieronymo*, & prædicta fuerat, simulque Pisarum à Florentinis futura desertio, quo tempore Rex Gallorum Etruriæ Fines intrasset. Quamobrem cum *Carolus* ipse Florentinorum cervicibus immineret, jam Pisas ingressus. Florentiam inde, deinde Romam petiturus, & Neapolim, potiundi ejus Regni avidus, quo obtento non difficile factu arbitrabatur, se posse ad invadendos Turcas Christiani nominis hostes instructa classe transire: tum missus est. *Hieronymus* à Florentina Republica ad *Carolum* Legatus de pace, ut Regis animum & fretum Regni potentia, & ipsius invictò calore excitaret, necnon *Petri Medices* qui ei adversatus fuerat, urbisque vim omnem in ipsum duxerat, offensis iratum, quæ erat & sanctitate & prudentia leniret.

Pisas *Hieronymus* accessit, Regi quod volebat persuasit, subindeque Florentiam pacatus venit, ibique cum multa in Florentinos agitantur, *Hieronymi* ingenio & autoritate sedata sunt. Eo ipso tempore quo *Carolus VIII.* Rex Francorum Florentiæ morabatur, divina viâ cepit confidentissime patrefacere, ad idque venit ut *Joannis Pici* Patruj mei, viri utique doctrinâ & ingenio incomparabilis animam, quæ inibi proxime migraverat è corpore purgatorio igne torqueri, multis auditorum millibus (quibus ego tum forte aggregatus fuera) asseveraret. Multa itidem de imminente clade, multa de

Reformatione Ecclesiæ prædicere, multa de Pontificum & Regum vita dicere, multa de iis quæ passurus erat ob prædicatam veritatem prænuntiare divino jussu palam exorsus est.

Quàm admirabilis Hieronymo gratia sacris in concionibus effulsit.

EA autem dicendi gratiâ, quâ scilicet antea distituebatur, ubi ad prædicandas orbis clades, & Ecclesiæ spirituales instaurationem divinis monitis accinctus est, adeo copiose abundavit, ut à quibus olim auditus fuerat, pro miraculo haberetur: quippe cum ipsa linguæ celeritas, rerum allatarum sublimitas, magnitudoque, & verborum sententiarumque elegantia prodigio par essent. Pronunciabat voce libera & acuta; non fervido solum sed ardenti vultu, gestuque venustissimo. Ita verò illabebatur in auditorum aures, immò verò in præcordia, ut attentos eos extra se pene raperet. Et cum vox ipsa nec legentis prorfus esset, nec clamantis, nisi cum effulminaret in crimina, in ea tamen sentiebatur utrumque, neutrum discernebatur. Super eo verba faciente, signa cælitus multa apparuere suo loco referenda: quæ ubi aliquantulum vulgari cepta sunt, tantus in dies singulos per compita plateasque, fiebat populorum concursus, videre hominem affectantium, dum ab Ecclesia quæ *Sancta Reparata* dicitur, in qua sermones habuerat, canonicum S. *Marci* repeteret, ut peregrinis proposita sibi itinera peragentibus, viarum aditus per confertam multitudinem non pateret. Armatis etiam custodiebatur, dum iter faceret, qui se sponte, ipsoque reculante, sæpius offerrebant, & ipsum adversus invidos & hostes propriorum laterum & corporum oppositione tueri pollicebantur. Res autem stupore digna existimata est, per complures illum totque continuos annos sic in eodem Prædicationis officio, eadem in urbe fundum fuisse.

Quanta Hieronymo auctoritas apud Florentinos: & quibus eos beneficiis cumulaverit.

EA ipsa in urbe duo potissimum procuravit efficienda & impetravit, quæ nullo pacto fieri posse una omnium voce perferebatur. Primum publicè pax inter cives inita est, eò difficillima facta, quòd qui sub *Laurentio* & *Petro* vexati fuerant, plurimum vindicare se, & acceptas reponere injurias, mutato rerum statu satagebant. Afferuerant enim sese in libertatem cives *Medicibus* expulsi, cum primum *Carolus* Civitati sese proximum fecit. Deinde instaurata sunt Reipublicæ officia, delapsa prius & ad potentiores devoluta. Neque enim qui *Petro* *Laurentii* Filio adversati fuerant, æquo ferebant animo, populari Instituto gubernari, ambitu enim honorum tenebantur, viderique volebant indignos non esse qui ad *Petri* *Laurentii*que fastigium ascende-

re.

re non possent. Quibus rebus *Hieronymus* reluctabatur, & rationibus ostendendo non ita debere fieri, & in concionibus publicè asserendo, quod ipse procuraverat de pace omnino futurum esse eo ulque, ut in Comitibus fabæ, si qui forte albas darent, in nigras verterentur. Mos enim Florentinis erat, ut tabis nigris uterentur, si suffragari voluissent, albis verò si refragari, contra morem antiquorum, præcipuè Græcorum, qui lapillis atris damabant reos, albis autem absolvebant, Romani verò literis A, & C, tum absolvebant tum condemnabant, & neutri faventes parti N. & L. utebantur literis: quasi *Non Liqueret*, quod in quæstionem venerat.

Probavit autem eventus (ipsum etiam adversariorum testimonio) vera esse quæ *Hieronymus* prædixisset, quando hi qui se fabas in pixide albas posuissent certò sciebant, ut adversarentur, nigras inspexisse testabantur, sic ut inviti sese suffragatos agnoscerent. Cumulabat auctoritatem tentatus frustra reditus *Petri Medices*, quem ille neutiquam reversurum in patriam & irritos conatus ejus omnes pronunciaverat.

Pari voce annua spectacula, & equi cursu victoribus more veterum propoliata præmia, (quæ tolli posse nemo existimabat) sublatum iri dubio procul asseruerat, idque evenit, quamquam omnes fere in adversum Cives niterentur, albis uti fabis quas nigras inspexissent: Sublatorum spectaculorum causa bene moratis viris gratissima fuit, quoniam eo potissimum die *Joanni Baptiste* sacro luxus civitatis multus effundebatur, multaque subinde accreverat inconditæ plebi semper grata licentia (ex qua proclivis in mala facinora, nec difficilis lapsus) populoque nihil non permittebatur. In hæc enim ut alæ ludum & perditos plurimum ritus acerrimè invehebatur.

Alia quoque non parum multa, quæ bene institutæ beneque moratæ Civitati adversantur, tolli penitus enitebatur, & quæ radicitus evellenda nosset, sæpenumero prænuntiabat. Difficillimum esset colligere quæ prædixit antequam evenirent. Certè oppugnationem Pisarum, & cò tempore & eis quibus utebatur modis incassum tentari monuit, quod suo etiam loco sumus indicaturi. Sed enim *Maximiliani Cesaris* in vexandis Florentinorum rebus, dum Pisas appulit cum Genuensium classe, Pisanis instructuosum adventum prænuntiavit, nec non alia complura, quæ veros exitus invenère, ex quibus maxima illi fides habebatur ad ea quæ monebat de moribus, deque omni sexu ad pietatis regulam & Christianæ Religionis normam instaurando. Proptereaque vitæ instituta adeò in plerisque mutata sunt, ut priorum comparatione morum multi in alios omnino homines evasisse viderentur. Ordines Civitatis sunt seorsum ad normam prisce societatis instaurati, Pueri Christianam simplicitatem edocui servare: cavere à lascivis vestibus, & à supervacaneo cultu, monebant ipsi viros antiquiores, incensi adeò, calore pietatis Christianæ excitarent, in eorumque penetrarent domos, & illicita scelerum raperent. Quorum fervore multitudo ingens excitata, & mirum in modum ad bene beateque vivendum animata est. Femine quas partes corporis minus operatas gerebant velare didicerant, auctore *Hieronymo*, castisque actionibus operam dare, illecebras, & malitiæ fomenta depellere; Primores urbis ab honorum ambitu deterriti, intra fines civibus concessos continere se didicerunt. Pecuniarum vim ingentem pluribus incessit restituendi cupido, qua in re non solum fre-

quentes

quentes erant, sed in pios usus longè profusiores fiebant : adeò ut honestis sanctisque moribus Civitatis facies quodammodo videretur immutata.

Quibus ex causis multiplex invidia in Hieronymum exorta est, deque ipsius constantia & animi tranquillitate.

POST QUAM autem sanctitatis ejus crevit in universum opinio, crevit & apud multos invidia, atque ex invidia manarunt calumniæ; nam sicuti amicos ob eximiam sibi virtutem complures conciliavit, ita inimicos etiam non parum multos, eadem ratione in se concitavit. Poterat ille quidem universos diligere, ita jubente Christo, ita suadente natura. Poterant & maligni homines suadente Dæmone, strenuum Christi militem persequi, quem odisse plusquam vidisse nonnulli ferebant. Inter omnes verò persequutores Hieronymi hi acerrimi inventi sunt, qui moribus pessimis, & potissimum Ecclesiæ præsidēs quorum vita scdissima universum orbem sctore repleverat, Florentinique illi Cives qui usurariæ pravitati obstinatè operam navabant, & vitiorum ceno impensius volutabantur; illorum libidinem avaritiamque, illorum luxus simoniacasque laves insectabatur; publicè privatimque monere solitus, à Babilone (Romam intelligens) fugiendum esse, quoniam illuc & ea confluxissent vitia, quæ fuerunt olim dum rerum potirentur Romani, atque in Tyberim Sirus Orontes deflueret, & quæ posterioribus etiam seculis aut hominum malitia excogitasset, aut in Christi invidiam malignus dæmon terrarum orbi suggessisset, & ipsam flagitiorum omnium sentinam cloacamque effecisset.

Monachorum, Monacharumque & pene Religiosorum omnium contumelias ob id in se conflaverat, quod tepiditatem eorum (ita enim appellabat) & abusus quam plurimos coarguebat, suorumque Prædicatorum Fratrum calumnias & insidias expertus est, quoniam Congregationem fratrum Etruscæ, ab ea quæ Cisalpinam incolit Galliam, segregaverat Pontif. Maximi auctoritate, atque illam divino jussu constituerat. Dabant illi arrogantiz nimiz atque ambitioni, quod maximæ adscribere laudi debebat: siquidem secretionem hanc fecerat, quibus fuerat antea iustis etiam de causis instituta, ob varios provinciarum mores, variamque victus rationem ab ambientis aëris & ingeniorum discrimine pendentem. Optabat autem ut eam vivendi normam tenerent sodales, quæ à Dño Dominico servata est, & paulò post fratrum omnium consensu, firmata & acceptata fuit. Nonnihil enim aliqui laxioribus habenis percurrere sinebant quod alioquin eorum legibus cautum ipse sciebat ne fieret, præsertim de prædiis possidendis. Cùm autem factu hoc longe difficillimum videretur, multique & magni viri primores etiam ordinis totis ei viribus obfisterent, eam prædixit tamen ipse futuram, atque inde ad bene beateque vivendum commoda sequutura. Ad hoc quippe divinis monitis & animatus & impulsus est; selectus enim ad id erat officii, ut emortuum fere vigorem Christianum, & perfectæ vitæ, publico exemplo, & sacri eloquii permulga-

permulgatione revocaret, expurgandamque prius, deinde reformandam Ecclesiam præcineret, ea potissimum in urbe, quæ & præclaris ingeniis sit referta, & quasi in ipso Italiæ meditullio collocata, ut Prophetica videlicet vocem, ipsi Florentini qui negotiationi multiplici & peregrinæ mercaturæ vacant, non solum per Italiam, sed per universum orbem dispergerent.

Quæ delegata sibi divinitus munia quam libentissime obibat, doctrina simul & exemplo, tum discipulos, tum sectatores instituens, nil amicorum elatus laudibus, nihil vituperatione inimicorum commotus, sed per utrasque quasi per vulgatos Syrenarum cantus & per Scilleos latratus auribus cera obductis medius pertransibat, & Crucis vero, non navis fabuloso ligno religatus, procellosæ vitæ hujus æquora perfulcans, ad optatam patriam properabat, ita liber curis, ita sine omni sollicitudine (quamquam & persecutores gladio mortem intentabant, & veneno etiam insidiabantur) ut nihil minus quam de tutela vitæ cogitaret, non ignavia quidem aut stupore, aut contemptu, verum humanæ sortis expensione, meditationeque communis interitus, & contemplatione futuræ gloriæ, ad quam sitibundo pectore sic anhelabat, ut postrema vitæ hora, summe illi esset in votis. Deserebantur sæpe ad eum fallaciæ & doli quos inimici procurabant, iactataque ab eisdem in eum probra & contumeliæ: ad quæ lætus ille ajebat, putare se nil pati ab inimicis posse, ubi tranquillam animi pacem, quam possidebat, nequirent interturbare; quin immo optare (si modo id ita expediret aut commodè fieri posset) per compita plateasque, per fora, per tabernas ire; ut quæ in eum iactabantur maledicta, propriis auribus exciperet.

Quenam Hieronymo esset victus ratio, qui sermo, quæ proloquia.

VICTUS ratio illi cum aliis communis, id magni illius & nunquam satis laudati Bernardi pro comperto habens, mirari homines eum solere, qui agit quod non confueverunt cæteri. In ipsa scilicet ratione cibi & potus ac huiusmodi. In vestibus mundities apparebat, ejusdemque in id sanctissimi viri verba repetebat, *Paupertatem sibi placere, non sordes.* Cibo & potu quantum fieri poterat abstinentissimus fuit, quos semper de communi sumebat mensa, nisi cum homines non omnino vulgares Florentiam ad eum visendum accederent. Tum enim hospitem mensæ convivebatur, tamen gustum ob assiduas contemplationes postremis annis pene omnem amisisset.

Sermo ei familiaris, qui & nullam sanctitatis speciem affectatam prætenderet, & inhortamenta virtutum, vitiorumque detestationem magna cum dulcedine spiritus accederet. Quæ autem sepiissime proferret, & quæ tanquam proloquia libentissime usurparet, hæc fere in universum erant, *Tantum scire homines quantum operarentur*, quod à Divo Francisco Assisino (cujus vita vehementissime afficiebatur) prolatum olim memoriæ proditum est; nec id quidem abs re ut opinor, cum ex operibus quæ de charitate procedunt pendeat beatitudo, cujus adæptione sciendi desiderium impletur. *Similem item esse*

animam.

animam hominis aiebat, ferro, quod in medio duorum magnetum ponitur, quorum superne unus, alter inferni collocetur, conandumque esse assidue, ut eum, qui inferius positus est, addicemus, & ad superiorem illum sublimemque trahamur, terrenis videlicet voluptatibus, quibus sensus illicuntur, & ad inferna trahuntur, omnino posthabitis, hæreamus rebus spiritualibus & invisibilibus, ad quas & facti sumus & divinis monitis invitamur.

Illud quoque, ut à vanæ gloriæ quæstu amicos removeret, solitus erat afferre, Spiritualem cibum hac in parte non differre à corporali, quod sicut hic etiam si suavissimus sit, si laudatissimus, non in ejus tamen qui nutritur naturam evadit universus, sed pars ejus insito calore non omnino concocta modificataque per corpus in excrementa vertitur, & loca petit inferna. Sic & ille similiter, qui tamen si bonitate fultus videatur, & prima fronte cælum petere, parte tamen aliquantula vergit in ima quæ veneno gloriæ præpeditur, ne charitatis calore concoqui possit ex integro, modificarique per corpus & numeris omnibus absolvi.

Ad indagandam quoque veritatem & ad invidias reliquasque affectiones animi pravæ effugandas, profatum hoc sæpè repetebat; Eum qui exquisitissime videre velit, insecta oculorum conspicienda deponere oportere: nam si pura & nitida sint perspicilla, rerum species uti sunt in papilla recipi: si verò viridia, carulea, purpurea, cærea, vel fusca fuerint, adulterari quodammodo formas quæ ex rebus deprimuntur, talesque qualia sunt conspicienda videri solent; haud secus evenire intelletui, qui phantasmatibus tanquam speculis quibusdam utitur ad contemplandum: ea, si adventitiis coloribus permixta fuerint, lucidam in respiciendo & in ratiocinando veritatem patere, ne cuon tranquillam & congenitam pacem præstent: si rubedine, fulcedine, viriditate maculata, falli primum spirituales visum, deinde vitam, contumelias, cades, livorem, tristitiamque quadrari.

Solebat item monere studiosos literarum, ne authores sibi voluntariè deligerent, sed ratione, nec præponendum sibi putarent Aristotelem vel Platonem, vel illum aut alium ex Theologis, quoniam ex nimia affectione, veri iudicii inficitur: duce igitur intellectu, non voluntate hujusmodi in rebus utendum esse, ut liberum postea fiat de veritate iudicium.

De mira Hieronymi lenitate & amore paupertatis.

VISENDI cum & alloquendi omnibus facultas data est, ut inimicis etiam & persecutoribus aditus non negaretur: qui si quando colloqui cepissent, eorum plerique qui oppugnatores venerant, mox propugnatores facti discedebant, dulcissimo quodam humanitatis & lenitatis vinculo irretiti. Idque nonnullis aliquando contigit; ut ab ejus aspectu se prius non subtraherent, quàm quæcumque in eum maledicta iparissent, quæcumque decipulas moliti fuissent, suapte sponte faterentur: quibus ille nihil successus, non ignoscebat modo, sed ea mansuetudinis & benignitatis verba rependebat, quibus se ab eis veniam postulare magis quàm præbere videretur. Ea quippe nativa fuit hominis placabilitas, ut nunquam ad acerbam reprehensionem infrendere visus sit, nunquam iracundiæ vocem extollere, nunquam vultum quantum;

quantumvis plurimum laceffitus, indignabundus mutare, In eliminandis vitiis exardescere quidem, sed cum è suggestu verba faciebat ad plebem; communi autem in sermone, pressa potius & lani oratione, verbis simplicibus, quam aut soluta exaggeratione & impetu, aut exerta voce utebatur. Et quamquam vitia, non homines insequeretur, in ipsis tamen vitiis objurgandis commodius interdum etiam & utilis arbitrabatur, pacato & tranquillo sermone quam turbulento & exagitato uti, probatos corporum imitatus medicos, qui vulneribus quidem medicamenta interdum admovent caustica & acerrima, adhibentque ferrum & ignem, si fomenta non prosint, ægris autem non modo non succensent, verum & compatiuntur potius, quin aliquando, si conducere putent, blandiuntur. Discipulos suos crebro monebat, sibi à Principum hominum qui omnino Christianè non viverent, cavendum esse commercio, ratus iis qui Christi se Cruci affixissent, divitum & Principum virorum amicitias venenum fore. Quod quidem tantum aberat, ut ipse non modo servaret, ut & ab affinium consanguineorumque conversatione, potestèquam religionem adiit, enixè caverit. Sed neque unquam curavit, ut & illi opibus juvantur, quæ non satis etiam ad decentiæ victum suppetebant. Cum enim *Nicholam* ejus pater vir probus, ex honestis opibus ad modicas, ob crebra vadimonia devenisset, abstinuit etiam vir sapientissimus ab hoc pietatis officio, tum quia divitias illis impedimento fore ad consequendam animi salutem rebatur, mediocritatemque eam quæ in paupertatem declinat conducibiliorem esse, tum etiam quia calumnias in se non parum multas conflasset, quibus ei officio quod sibi delegatum divinitus fuerat derogatum iri cognosceret. eoque magis quod ejus persecutores spargebant in vulgum, quæsi eum sororibus dotem, à qua sæpe etiam oblata quàm maxime abhorruerat: quandoquidem *Joannes Picius* patruus meus, dum venditis mihi patrimoniis duo aureorum millia dempsisset ex acervo pecuniæ, ipsamque egenis erogare proposuisset, quæ potuit voluntaria propensione *Hieronymum*, quem ad id negotii delegerat, rogavit, ut quadringentos ex eis in dotem sororibus daret quod tunc maturo ipse consilio renuit. Renunciatum tamen *Laurentio Medicis*, qui tunc Florentinam Rempubicam gubernabat, aliisque per multis, persuasisse *Hieronymum Pico* ipsi eadem de causa, omnia illa ducatorum millia pauperibus distribuenda, ut inde nuptui sorores traderet. Quam quidem rem tantum abfuit ut aut cogitaret, aut proponeret, aut acciperet, ut etiam ipse *Joannes Picius* patruus meus, in maximam *Hieronymi* laudem & mihi & aliis retulerit, ut acciperet ab eo nunquam nec rogantem se potuisse impetrare. Voluntariæ paupertatis ardentissimus amator fuit, ad eamque totis præcordiis sitiendam sodales suos identidem hortabatur. Nec secus honoratos habebat Christi servos strictiori addictos religioni, pagnosis indutos vestibus & rudibus, ac seculi divites in auro & coccino, servorum etiam cuneis constipatos. Fratrum Sodalium vestes breviores strictioresque aliquando constituit quàm esse consueverant, ad normam eos & exemplum revocans antiquorum, qui pauperrimam (ut ita dixerim) paupertatem docuere. Movenit item, ut a gestandis crepidis abstinerent, superfluas eas existimans, quando earum loco soleas quasdam calceamentis inferere, & commodius foret, & his etiam à quibus victum mendicabant gratius, quos minus quam fieri

fieri poterat vexandos dicebat, exemplo Pauli, qui tamen si victum à Corinthiis jure suo vendicare posset, maluerit tamen icenosationem artem exercere, unde sibi ad tolerandam famem provideret.

De Hieronymi mira totius vitæ puritate, in Dei amorem etiam per extasim propensa, deque miraculis quibusdam.

NULLIS omnino earum rerum, quæ sub lunari machina continentur, intento afficiebatur animo, nec discipulos affici volebat, ut in Deum totis viribus commodius ferri possent, & quo pacto id facile assequerentur nonnullis regulis explicatum reliquit. Idipsumque exemplo prius quam verbo monstravit, siquidem implendæ superiorum voluntati promptissimus fuit, cella sua contentus, nihil doctrina elatus, nihil ob id quod præsideret tumidus, nihil curiositate inquietus, verum calcatis animi pede terrenis omnibus, jugi divinorum meditatione & satur & placidus. Qui si quando vehementius quam oportuerat affectu se rei cuius inhaerere comprehendisset, id à se quanto ocius fieri posset, abiciebat, etiamsi tale esset ut spirituale magis quam, five temporarium five seculare dici posset. Namque & sacros libros, & sanctorum imagines, & quæ etiam in Dei honorem iple cuderat commentaria, vel quibus suberat, vel discipulis, vel (impetrata venia) amicis tradebat, ne qui totus in Deum ferri animus atque integer esse deber, ad sublunaria isthæc diligenda divisus paulatim procumberet, Integritatem carnis ad extremum custodivit & qui eo pollebant munere, mirificè ab eo diligebantur. Inter omnia verò à quibus caverat vitia, insultus humanæ gloriæ diligenter observabat, simulacrum ob id cranii ex ebore fabricatum frequenter habebat in manibus, quod attritu digitorum assiduo ferè consumpserat: ajebat enim, ejus aspectu gloriæ vanæ stimulos obtundi; quando & quæ fuerant, suntque, & quæ item futura putarentur hominum capita, horrida falce mortis, quæ humanæ gloriæ sterculos quantumlibet florentes excindit, calvario illi essent evasura similia. Sed & pro ea maxima quæ pollebat augenda fide ancæ crucifixi Jesu præ manibus habebat effigiem, aut tunicæ manibus infertam frequenter gerebat: ut si quando (quod futurum expectabat) occideretur, gestu saltem & opere, si linguæ officium interelusum fuisset, Christianam fidem, ipsa exhibita Christi Crucifixi imagine, profiteretur. In orando Deo & frequentissimus & assiduus fuit tantaque in eum animi propensione ferebatur, ut Evangelicum orationis indefessæ decretum se implessè palam faceret. Noctis tempus omne, præter id parum quod somno dabatur, oratio sibi & contemplatio vindicabant. Dies inter publicas & privatas orationes finem accipiebat, ea duntaxat ejus parte vix denipta, quæ naturæ necessitati & ordinariis divinorum eloquiorum lectionibus impendebatur: quamquam præpediebatur sæpe amicorum concursu, qui variis de causis hominem consulabant, atque eo veluti internuncio quid esset opus facto, Deum sciscitabantur. Eam namque cum ipso amicitiam ob cordis puritatem & assiduas orationes injerat, ut nihil à Deo sibi, quod non impetravit, revelari petierit: eo-

que.

que jam devenerat ut per decennium antequam moreretur, nil de sermonibus quos habiturus erat ad populum (tantâ erat in Deum propensione) inclineret cogitare, priusquam id de quo dicturus esset, divinis oraculis erudiretur. Rarissimum quidem donum paucissimisque à Deo concessum: Et quamquam scribit *Areopagita Dionysius*, Corpus illum Cretensem Episcopum nunquam consecrassse mysteria, nisi visione propitia præcunte: hoc tamen illi huic homini, ex innumera multitudine munus est commodatum. Rapiebatur in cælum etiam ejus anima per sæpe, divinæque Luci adeo copulabatur, ut destitutum sensibilibus officiis corpus velut emortuum relinqueret. Evaniebat hoc illi dum divina faceret; atque ob eam causam semotis, quantum fieri poterat, arbitris, Dominicum sub altaris Sacramento corpus & sanguinem pertractabat: sed qui lucernam, non sub modio, ut occultatur, verum sub candelabro, ut patefiat ponendam statuit, quandoque in cœtu sodalium fratrum corpore ejus exanime remanente; mente eum ad cælestia gaudia trahibat. Brixia olim dum esset, nocteque ea qua Christi Nativitas præsentatur, cum divinæ laudes in Ecclesia vocibus peragerentur, corpus ejus immobile per quinque horas mansit, sic mente & affectu penitus in Deum absorptus ob sancti Spiritus præsentiam, ut facies ejus magnum lumen emitteret. Extractis enim divinis, qui regressi postea sunt ad finem rei contuendum, se vidisse testati sunt, ipsam *Hieronymi* faciem, extinctis etiam lampadibus noctis tenebras fugavisse, ejusque fulgore Chorum ipsum Ecclesiæ universum illustratum fuisse. Sic me præsentem *Augustinus Morus Brixienfis*, ejusdem Professor Ordinis non auritus tantum sed oculatus hujusce rei testis, nostræ Mirandulanæ plebi de pulpito asseveravit. *Silvester* ejus vitæ comes & martyrii cōsors, roganti mihi de *Hieronymi* sanctitate, atque obsecranti ut occulti gulppiam proderet in rerum ejus confirmationem (sciebam enim eum multorum secretorum consciū) affirmavit, columbæ speciem, quæ sancti Spiritus præsentiam gratiamque indicaret, semel atque iterum se vidisse *Hieronymi* humero insidentem, argenteis aureisque coruscantem pennis redimitam, & rostro in aurem ipsius porrecto insufurrantem. Eodem Spiritu sancto revelante, humanarum ille mentium arcana exquisitissima prope perspexit, & plerisque hominibus suorum maculas criminum leniter coarguendo & detexit simul, & ut eas elicerent auctor extitit. Objurgavit enim ex sodalibus quendam, & peccata nonnulla sub oculis posuit, quæ ille postea in penitissimis recessibus diu celasse solique Deo nota fuisse confessus est. Sed & Florentinum quoque civem, detecto animi, quod tegebat, ulcere sanavit. Nam licet is divina diu mandata ferveret, in id tamen implegerat criminis, quod visam de fenestra venustorem feminam concupivit, & mente adulterium commisit. Postea verò cum *Hieronymo* per Bibliothecam ambulanti occurrisset, salutatus ab eo statim & reprehensus est, quod non is esset qui pridie fuerat, quo audito ad sacerdotem ille tremebundus confitendi criminis gratia statim eucurrit, & supplex veniam deprecatus est. Demones qui vel obfessa corpora vexabant, vel ad hominum terculamenta per ædes sancti Marci strepebant, mirum in modum ab aspectu *Hieronymi* formidabant, nec unquam ejus fatere nomen præ rabie exprimebant, sed aut literas invertentes, aut nomen decurtantes, aut in aliud ludicrum alludentes transformabant. Illud maxi-

mè dolebant, magnaue vociferatione conquerebantur, impetrare illum à Deo quæcunque vellet, nec unquam genua ubi ea posuerat levare solitum priusquam voti compos evaderet. Minabantur illi perſæpe, sed illico evanescabant, sanctissima quæ in eos effunderet verba subveriti. Eo tempore quo Ethrurix fodales fratres à Cisalpinis seceverat, dæmonum numerosa cohors, bono quod inde sequi conjectabantur infesta, cœptum præpedire opus molitis est: proinde & cœnobii habitatores universos molestiis impetere, & terroribus quætere, quorum insultibus, tum orationibus, tum adjurationibus continuis *Hieronymus* obſiſtebat, & noctu etiam sanctæ aquæ asperſione per monasterium pſallens eos à cellis & adibus abigebat. Sed postquam juvari discipulos *Hieronymi* precibus magis quam lædi suis infestationibus ac umbratilibus bellis animadvertère dæmones, cessandum sibi duxerunt: plus tamen in *Hieronymum* conaminum, quo poterant impetu molientes, cui & noctis intempestæ silentio consuetudinem iter arriperet, & cellas omnes pſalmis & aquæ sanctæ guttis seu propugnaculis armaret, sic densarunt ærem (mihi posſtea sicut ipse retulit) ulterius ut sibi facultas omnino per cœnobium incedendi præclusa videretur; hisque sint illi verbis interminati. Quot tibi malorum acervas & quaris; Nos in te namque tot & tanta concitabimus ut sustinere non vales. Ad quæ lætus ille respondit, quæcunque vellet pararent & exerceant, horum nihil se formidare, quia adiutorium ejus in nomine Domini qui fecit cælum & terram.

Tanta erat ejus animi puritas, ut semper eadem polleret lætitia, siue à dæmoniis tentatus, siue à pessimis hominibus molestiis affectus, siue à carne vexatus: Convenereque omnes qui cum eo familiariter utebantur, nihil in ejus conversatione mirabilius à videri pace, quam & corde gestabat & vultu prætendebat. Quæ quidem inter omnifarias procellas secunda semper & immobilis perseveravit, eademque cum illa fuit aut illius certe particeps quam Christus Apostolis dedit & mundus dare non potest: nihil enim in ea momentanei, nihil perituri, imò iisdem omnino spretis, in æterna illa & semper mansura quiete sui radices amoris fixerat. Proinde merito pax illa florebat. Nam qui res fluxas amat, diffuit & ipse animo, momentisque mutatur; qui verò stabiliioribus rebus affectu inharet, fluxis calcatis omnibus, ab omni motus & temporis injuria, mente liber æternitatem ipsam assequitur, & felicitati futuræ iniatur. Quandoquidem ea est amoris conditio, ut res natura ipsa discretas colligat, uniatque, adeo ut amantem in amatum ipsum quoad fieri potest planè transformet. Quapropter ibi esse quæque ubi desiderium ejus est, & receptum jam ab antiquitate, & divinis etiam atque humanis libris extra omnem controversiam confirmatum est adagium.

De

*De Commentariis, libris, opusculis, Epistolis, ab Hieronymo
compositis atque editis.*

SED etsi tot & tantis, ut diximus, occupationibus detineretur *Hieronymus*, eo tamen non destitit, quin & suo & posteritatis seculo, non tam exemplis vitæ quàm literarum monumentis opem ferre niteretur. Multa namque varii generis latina lingua composuit: nonnulla quoque italico idiomate tam prosa quàm versu, ex omnibus autem quæ unquam cuderit operibus, præcipuum id certe fuit quod in probationem Christianæ fidei editum quatuor distinctum libris, *Triumphus Crucis* inscribitur, atque ceteris præponendum, non tantum stilo, qui certè cæteris eruditior est, sed & ipsa, quam tractat, materia. Proximum & illud huic existimo rerum utilitate, cui *De viâ simplicitate* titulum fecit, quinque libellis exaratum, in quo certissimum est ea contineri omnia, quæ ad bene beateque vivendum homini Christiano judicantur utilia; sed & illud, cui titulus *Solatium itineris mei* nihilo inferius, si ejus & doctrina & subtilitas probè spectetur: quamquam illius materia plurima sui parte duobus quæ recensuimus superioribus voluminibus pertractata sit. Ad hæc viâ quæ sibi divinitus offerebantur scriptis mandata, uno complexus est libro, cui titulus est *Revelationum compendium*, in quem insipienter invectus est quidam *Samuel Cassinensis* ex ordine Minorum, qui vulgo Zoccolanti dicuntur libello proprio & peculiari, quem vix in publicum datum inita defensione *Hieronymi* confutandum suscepi, defensionemque illius inscripsi *Hieronymo Tornelio* Præfidi ordinis Minorum. Opusculum item edidit, quo illi erudirentur qui & audiendis peccatis & impetiendo poenitentiae Sacramento præsumunt: quod *Mannale confessionum* vocavit, ex aliorum opinione magna ex parte confectum. Librum quoque in defensionem fratrum sodalium, qui sub *Ethruscæ* Congregatione degebant, instituit, ob Summi Pontificis *Alexandri VI.* molestiam, qui laxioris vitæ fratribus in ea quæ Romana dicebatur congregatione degentibus miscere modis omnibus volebat eos, qui sub auspiciis *Hieronymi* sacris, & disciplina militabant. Cui nusquam voluit acquiescere Hieronymus reunionem illam & Dei contrariam voluntati & in proximum charitati protestatus. Quam ob causum in *Hieronymum* magna est conflata calumnia & anathematis irrogata sententia: minas autem ille non est veritus, Pontifice rem minimè iustam & sacris literis adversam procurante. Namque is, ubi crescere Christianum vigorem animadvertit, suffragari quæ bonos viros undequaque Hieronymo tam in ipsum Pontificem, quam in cæteros Romanæ Curiae vitiiis inhumanis implicitos, divinis armis palam ferocienter paratas illi cohonestare fategit infidias. Volebat igitur, ex *Ethruscæ* atque *Romanæ* quam nuper in id exererat congregatione una hoc prætextu coalesceret; quæque sub *Hieronymo* merebatur *Ethruscæ*, aliam quæ desertoribus plena erat reformaret: Cui Hieronymus, & malis bonos inquinari non sustinens, præterquam quod ad se unum res illa non pertineret, ad sanguinem usque restitit, sciens his non religionis zelum & incrementum, sed suorum quæri discipulorum populationem & exterminium, qui sub jugo

pravorum.

pravorum præsidum sic attererentur & à reprehendis emendandisque criminibus eorum ipse iussu & minis & carceribus arceretur: Eam autem sententiam Pontificis vanam, irritam, nullius roboris & momenti, ipsemet in suis ad populum sermonibus multis rationibus ostendit. Ego quoque duobus libris editis, quibus titulum feci *De iniusta excommunicatione* idipsum monstrare curavi. Extat & ejus liber, cui *de Prophetica veritate* titulus est, in multis distinctis disputationes, sub mysticis vocabulis divinorum munerum exactus. Extant & *Epitomata in naturalem moralemque Philosophiam* confecta. Extant & *decem libelli de Dialectica* scripti more pene Mathematico, posteaquam centum questionuculas brevissimas de eadem facultate composuit; opus item *de Poetis* edidit, idque, ut ipse dixit, *Joannis Pici* Patru mei rogatu, ad retundendam quorundam in Poetis gentium colendis nimiam curam, quamquam ipsimet *Hieronymo* sacra placebant poemata, hoc est quæ pura sinceraque essent, nil superstitionis immixtum haberent, nisi inter confutandum aut obijciendum, ut nostra magis, hoc est Christiana religio resplendeat, licet hujusmodi carminum scriptoribus appellatio Theologi verius congruat quam poetæ: Quin nec ipse dedignabatur cudere carmina. Edidit enim quandoque *Rithmos* religione fretos, lingua vernacula, quorum multi extant & decantantur. Commentationes præterea plurimas in sacra eloquia perscripsit. In mundi *Genesim* à Moise narratam, In eandem *Genesim* sparsim complura. In parvem libri *Levitiici*, In *Psalterium Davidicum* cursum & paucis, sed in nonnullos plasmorum ampliter, In eum præsertim cujus initium. *Qui regis Israel imende*. Quinquagesimum quoque psalmum dum esset in vinculis absque ullo librorum adminiculo, imò omni corporis vexatione & mentis angustia jactatus latissime interpretatus est. Explana vit item quinque versiculos ejus psalmi cui principium est. *In te Domine speravi non confundar in aeternum*. Ad hæc commentarios cudit in *Solomonis Cantica* brevissimos, & stilo quasi laconico exaratos. In *Hieremia Threnos* etiam, quæ *Lamentationes* à nobis dicuntur. Sed & *Quadruplicem Dominica orationis expositionem* perfecit, & qui fieri commodo possit simul edocuit, ut ex lectione ad orationem, ex eaque ad meditationem & contemplationem ascenderemus. *Job* quoque librum interpretari aggressus, at in quinto & decimo capite ejusdem variis dissentus occupationibus desit, quæ impedimento etiam fuere ne captam *Evangeliorum interpretationem* absolveret. Adde *Conclusiones* perbreves Pontificiorum decretorum, quæ exposuit, ac *Expositionem exactam in Gradus Bonaventura Ordin. Minorum*, quibus ad perfectionem vitæ spiritualis ascenditur, quam *Arcanum* *Banoniensis* rogatu edidit. *Questiones* etiam plurimas, tum *Philosophicas*, tum *Theologicas* terminatas reliquit vario argumento; nec non *bene vivendi Regulas* complures extruxit. Simul & *Epistolas complures* scriptis variis de causis: & hæc quidem omnia Latina lingua ad meam notitiam pervenere, quamquam & multa alia extare, ab hisqui videre, perdidici. Quæ autem vernacula lingua perscripserit hæc fere habentur. *Liber de Christi amore*. Liber de oratione, alius *In mentalis orationis defensionem*. Tractatus unus de *Humilitate*. Alius *De sacrificio Missæ & mysteriis ejus*, alius quo *Decem præcepta divina* explicantur. Opusculum *De viduæ vita*. Aliud opus *Contra divinatricem Astrologiam*, quod ex *Joannis Pici* Patru mei disputationibus

onibus collegit. Idque in ejus ipse præmio præfatur. *Ad Sacerdotes item & Clericos* themate ex Levitico sumpto *Monitorium opus* quod pro eorum vitæ norma haberi potest. Sed & *Regula ad Religiosos viros exhortatoria & monitoria*. *Epistola* non parum multæ spectantur, quarum præcipua est ea quam *ad Magdalenam* sororem meam cenobium Virginum sub sanctæ Claræ *Regula* jamjam ingressuram, rogatu meo conscripsit. Quæ circum tria quæ vocant essentialia Religiosorum vota diligentissimè versatur. Scripsit & *Expositionem salutationis Angelicæ ad Virginem Christi matrem*. Et *spirituale adversus corporalem pestilentiam antidotum* confecit. Et *Hymnos* cecinit carmine Italo, *Laudes* vulgus appellat. *Crucis* præterea. *Triumphum & Revelationum compendium* quæ Latino sermone prius ediderat, vernacula etiam lingua exaravit, ad eorum utilitatem qui Latinas literas ignorant. Extant & *Sermonum* eorum quos habebat ad populum nonnulla volumina, quæ formis excusa sunt, & in publicam data utilitatem : & de suggestu pronunciantis ab ore notarii velocissimi calamo & opera excepta sunt, & pro miraculo est habitum potuisse quemquam scribentem manu, viri linguam tam velociter & servide disferentis immo fulminantis assequi.

Laudes prædictorum operum Hieronymi summatis attinguntur.

CONARER lectoribus librorum hujusmodi utilitatem pandere ni viderer in re tam aperta verba prodigere : Illud duntaxat proferam, præter Philosophorum, præter *Thomæ Aquinatis* Theologica dogmata, præter proprias in utraque facultate non parum nobiles inventiones, quibus ejus referti sunt libri, tria etiam hæc in eis peculiaria nec laudata satis plurimum elucere ; maximum scilicet fidei lumen, clarissimum prophetiæ jubar, ardentissimamque in Deum hominesque charitatem. Tria quoque alia, in quorum singulis insignes etiam excelluisse viros, magno semper est honori datum, in eo uno simul egregiè fuere collecta, hoc est partis rationalis irascentiæ & concupiscentiæ munia, peculiari quodam modo fulgere, cum tamen laudi non modicæ sit *Augustino* datum, & *Thomæ*, quod in ea quæ rationalis est parte fuerint eminentes ; *Hieronymo* & *Ambrosio* quod irascentiæ ; *Gregorio* & *Bernardo* quod concupiscentiæ facultatem exornaverint. Primi ordinis viri veritatis contemplatione celebres habiti : Secundi, criminum osordes & expulsiōes egregii : Tertiū, præcellentes divini bonitatis dulcedinisque scrutatores. Et quamquam propriæ virtutes hæc, quas recensuimus, in antiquioribus illis, communes non excluderint, *Hieronymi* tamen *Opera* seorsim, hæc & specialiter, simulque omnia quæcunque alia complexi videntur egregiè : quæ tanta facilitate explicuit, tantaque dexteritate protulit, ut horum in quolibet tam summus habeatur ac si uno tantum consummatissimus toto vitæ tempore laborasset. Illud silere noluerim, de probationibus fidei quas meditatus est, memoriæque mandavit, si periculum fiat, facili invenitum iri, nec tot nec tales unquam superioribus seculis excogitatas. Prophetica

verbo

verò munia novo illum & eminenti modo traſtaſſe, conſtat, utque prioribus, ſic & noſtro huic corrupto etiam congruere ſeculo oſtendiſſe, quòd hominum pars maxima humanæ ignorantix caliginem, luce divinæ ſcientiæ fulgentiorum autemet. Dei autem proximique charitatem notum eſt eum ſic excoluiſſe, atque ſic in ea maxime ſuccenſos homines inflammaviſſe, ut hoc longè lateque ſerpat adhuc incendium: tam vividus erat ignis, adeo & illius cordis & oris & calami folliſus exagitatus eſt.

De propoſito ignis periculo ſuper concertatione rerum Hieronymi.

CÆTERUM perſeverante in eum malevolorum civium rabie, quæ Pontificis invidia creverat *Franciſcu* quidam *Apulu* ex Minorum Ordine, qui *Zoccolanti* vulgo nuncupantur, tunc Florentiæ in eorum ſanctæ Crucis templo concionabatur: Pontificis pollicitationibus (ut creditum eſt) animatus, *Dominicu* *Piſciens* calumniis impetere cepit, quem ſibi *Hieronymu* ſacris habendis Concionibus ſubrogat, atque ob eam præcipue cauſam, quod ad populum verba faciens, pro veritate doctrinæ *Hieronymi*, ac Prophetiæ, nec non pro aſſerenda anathematis irrogati vanitate, igni ſeſe expoſitum obtulerat, ſi quis ex adverſo periculum ſubire voluiſſet. Res hæc à Dominico ne fieret ſacris canonibus cautum prima fronte videbatur, ob id quod vulgaris probationis prohibitum aliquando videretur à Canonibus experimentum: animadverſum tamen ab eruditis eſt longo hanc ab ea diſtare intervallo: quin obſervatum, hunc veritatis maniſeſtandæ modum olim in Eccleſia uſu fuiſſe receptum, cum ab *Helenu* *Heliopoleos* antiſtite, qui ad abolendam hæreſim imperterritus inſilivit in ignem, & evaſit incolumis: tum à *Coprete* ſanctiſſimo Monacho, qui ad conſutandam Manichæorum hæreſim non ſolùm ardentiffimum ignem tranſivit, ſed in eo dimidia hora illæſus omnino perſiſtit: tum etiam in ipſa civitate Florentiæ per *Joannem Gualbertu* virum ſanctiſſimum, id poſſe fieri confirmatum; quandoquidem ob pellendum è ſede Florentinum quendam Epiſcopum, qui labe ſimoniaca pollutus erat, quòd contradiceretur ex adverſo, & negaretur illius eſſe criminis Antiſtitem inquinatum, in veritatis ipſe teſtimonium, fecit ut unus è ſuis Monachis ignis rogam paſſibus pertranſiret. At majoris momenti eſſe quæ à *Hieronymo* dicebantur, aſſerebant; quandoquidem non ad unius urbis ſolùm ſed ad orbis univerſi pacem felicitatemque pertinerent; nec ob unum duntaxat crimen, quo Florentinus unus afficiebatur Epiſcopus, ſed ob univerſa quæ & Pontificem Maximum & reliquos fere omnes cum Eccleſiæ præſides, tum ſeculi Principes inſecerant crimina, atque ex eis maxima populis univerſis immineret perniciēs. Agitabantur hæc fortè inter prudentes & eruditos viros: horum verò nihil ad *Apulu* offerentem ſocium ad id experimentum pravorum civium impuſiſſe, nec eo quidem conſilio, quod immunem à conflagratione ſe fore putaret, (identidem ut ipſe jaſtabat) verum ut adverſæ partis deſenſore puri conſecratione conſumpto, res *Hieronymi* vana probaretur. At ubi

Dominicu

Dominicus urgere cepit, & de standis promissis *Apulum* postulare : involvit ille verba, & honestam subterfugendi viam ratus, non cum *Dominico* se, sed cum *Hieronymo* tantæ molis authore congregi velle profitetur. Hoc se, per fugio tutum existimans, minimeque sibi datum iri confidens *Hieronymum*, qui omnes Ecclesiæ primores, quos rebus à se prædictis repugnare noverat, in certamen ciebat, & ipsum *Apulum*, modo & Pontificis Maximi & inimicorum omnium summam delegari sibi imprimis obtineret. Res ad summum Magistratum urbis desertur, à quo & accersitur uterque, *Dominicus* quidem subscribit alacriter, *Apulus* autem cum *Hieronymo* duntaxat paratum se ait disceptare, corpulque suum & flammis objicere, non quod inde præsidio veritatis evalurum se consideret (ab hac enim spe longissimè aberat) sed ut ipse quidem confligaret, *Hieronymumque* unà ad incendium raperet. Reclamat *Dominicus*, multò æquius ad seipsum quam ad *Hieronymum* hanc pertinere contentionem, ut quo cum cœpta esset absolveretur. Provocatus namque ab eo fuerat in Prati oppido ad id discriminis, qui mox & annuente *Dominico* tacita se fuga subduxerat. Instat itaque *Dominicus*, polliceturque non tantum sui corporis, sed suorum etiam omnium fratrum in flammam ingressum. Idemque *Hieronymus* per autographos codicillos confirmat, fratresque omnes circiter 300. viris urbis Principibus offert, non utique arsiuros, sed futuros incolumes, quibus tanta erat alacritas, tamque certa victoriæ fiducia, ut eam quasi frontibus inscriptam præ se ferre viderentur. Assurrexit etiam innumera populi multitudo, sexus, ætatis & conditionis cujusque, longo ignis periculum deposecens agmine. Ad hoc tandem post longam concertationem ventum est, ut *Dominicus* isque quem *Apulus* subrogasset, flammis se crederent. Ignis aperto foro maximus in longitudinem astruitur, ut subeuntium vel salute, vel interitu veritas patefieret, definitur dies, partes conveniunt. Prior *Hieronymus* *Dominicusque* innumera comitati turba, ad forum ubi pyra structa fuerat, perveniunt; pars altera eodem proficiscitur cavillis & dolis instructa; si quidem *Dominico* se ad ingrediendum ignem præparanti obijcit *Apulus*, exuere cum, qua indutus erat, tunicam oportere, ob id quod incantatum putaret, & magica fortasse superstitione munitam, ne posset exuri. Nihil ille cum ætatis libens, ea spoliatus alia mox induitur, opponit iterum *Apulus* Christi corpus (uti volebat *Dominicus*) in ignem una deferre secum non licere, quod & peracilè comburi posset, tutelamque gestanti præstare, ne incendio periret. Respondet *Dominicus* in pactis esse, nihil ut obijci possit alterutri partium, modo *Dominicus* ipse cum eo quem *Apulus* obtulisset per flammam ingrederetur; vanam præterea hanc esse censeri que objectionem, cum sola quæ foris apparent, panis accidentia flammis obnoxia forent, corpus autem Christi læsionis aliquid ab igne pati nequeat, sed nec perfidum (ut obtendebat) hominem solam ob ejus sacramenti præsentiam illesum evadere posse ostendit. Quibus etiam addebat *Hieronymus*, reum se mortis fore & confiteri, idemque pro sectatoribus spondere, si vel pilos panni ejus è serico vellere, quo consecrata tegebatur hostia, vel leviter ignis exureret. Renuunt tamen *Apulus*, impique cives, veriti ne miraculum illud perageretur futurum tori orbi conspicuum. Quare discedunt omnes res insectâ, quod modis omnibus *Dominicus* peregisset, à *Silvestro Florentino* ejus sodali

& sacerdoti revelatum fuisset angelico affatu nullo pacto debere *Dominicum* se flammis committere, nisi consecratam manibus hostiam gestaret. Id autem ea forte de causa potuit evenire, ne magicæ superstitioni (cui mysterium illud maximè obfistit) miraculum adscriberetur, neve alio quopiam verti posset, & in malignum dæmonem referri, cui facultas sublunaria ista hæc movendi suapte natura data est.

De tumultu plebis in Hieronymum & ejus captivitate.

EFFERBUIT hanc ob causam pravorum civium furor, qui magnam populi manum die sequenti ad ædem *sancti Marci* oppugnandam fuscitant, ut *Hieronymus* eis omnino tradatur. Occluduntur fores ab amicis, ingruunt inimici, quorum illatam vim perpauci strenui retundunt. *Hieronymus* choro cum sodalibus clausus preces ad Deum pro amicis & inimicis fundit, stratus humi ad Christi corpus consecratum quod diu manibus gestaverat. Ignis interim valvis Ecclesiæ ab oppugnantibus admotus patefacit ingressum, invadunt hostes, nullaque habita sacri loci ratione, obvia quæque diripiunt deprædanturque: Tentat interim disposita jam hostium turma chori aditum, & alia parte quâ ad claustrum itur: quod animadvertentes Religiosi quidam, tirunculi, Deo fide fores aperiunt, accensisque cereis obviam eunt: quorum aspectus sacrilegos illos adeo perterruit, ut non secus ac tacti fulmine ad terram ruerent, excussis etiam amissisque armis. Suffusi pudore regrediuntur, ad septem horas acriter utrimque certatum est, concursus in horas fiebat major, cum ab octoviris qui primores urbis consensu constituunt, passim edicitor capitali poena, ne quis ædem *sancti Marci* defendat, eodemque mox edicto cavetur, ne *Hieronymus* intra ditionis Florentinæ terminos præterquam paucas horas immorari audeat; cui libens ille paruiisset, ni qui tutabantur, honesta quadam cum violentia detinuisset. Ubi hoc à Magistratu supremo rescitum est, ad *Hieronymum* ipsum mittitur, accersiturque fide publica ut incolomis ad cœnobium reverti posset, pariter & *Dominicum* & *Sylvestrum* citant. Arripit itaque iter cum sociis, inimicorum cuneis stipatus, nocte intempesta, vespere namque pugnari ceptum est: Prius tamen fratres omnes hortatus est præceptis stare, fidereque divinæ bonitati, scivisse se jam pridem addens futuram hanc cladem, sed destinatum diem ignorasse, ipsosque monens, ut quæcunque prædixisset pro certissimis haberent, æternum etiam sibi (ni vera loquutus fuisset) imprecatus interitum, Christi corpus quod manu retinuerat infumit. Confertque se ad Palatium Reipublicæ multis oppressus, inimicorum crudelitate, & opprobriis & iectibus, quæ suis locis operis progressu convenientius explicabuntur, cum poenas simul eorum qui sævierant recensebimus. Tum vero fidem sefellerunt, qui futurum eum incolumem polliciti fuerant, capiunt enim detinentque in custodia.

De carcere ac tormentis Hieronymi & ejus responsis.

POST QUAM igitur ad palatium ventum est, sciscitantur ab Hieronymo Præfides, vera ne an falsa essent quæ divinitus se dixerat accepisse? quem solita sua & cœlitus impertita libertate affirmantem, spreta, posthabitaque data securitatis fide, carceri mancipant, simulque socios disparatis cellis concludunt, cruciatibus falsum ab iis extorturi. Deliguntur infestissimi viri quindecim ex omni inimicorum ejus numero selecti, quibus examen demandant, facturos eos in ipsum carnificium (quo flagrabant odio) existimantes: quod quidem illis evenit ex sententia, eoque vehementius, quò majoris hebdomadæ sacramentum nihil veriti divinum excruciare hominem aggre-
diuntur, eo potissimum tempore quo Christi cruciatus in Ecclesia solem-
nibus officiis explicantur. Datus enim vinculis est nocte eâ, quæ sacrarum palmarum diem subsequitur, & biduo post tormentis hujusmodi traditus: manus decussim post terga revinciunt fortissimis vinculis, quibus ab alto demissus funis religatur; quo primùm in sublime trahitur, mox in præceps rueret ita finitur, ut & terram corpus non tangat, & in aëre suspensum ita proprio pondere resiliat, ut luxatis humerorum ossibus ac lacertis, maximum toto corpore dolor inuratur; alios demum excruciandi modos excogitant. Multæ tum in eum calumniæ, multa congesta scommata probraque, sputa & ictus, suis ut diximus referenda locis, varique torquendi instrumenta ob oculos posita, illud tantùm ab eo quærentes, ut quæ de futuris præcinerat recantaret, & se, quem futurarum rerum à Deo nuntium esse asseruerat, modò iret inficias. Ad id quoque extorquendum pedibus carbones accensos admoverunt, ut carne & nervis semiustulatis, præ dolore & cruciatus acerbitate dicta retractaret. Negat alacriter se facturum *Hieronymus* quod petunt. Repetunt ipsi funis tormina, eumque identidem exagitant, qui nihil aliud præterquam hæc in veterum Prophetarum ore versari solita, iterum atque iterum afferre voluit, *Tolle, tolle Domine animam meam*. Et ut cumulatius meritum proveniret, genibus positus, ubi tormina cessaverant, pro tortoribus supplex Deum rogabat: Antea verò his qui eum vexabant protestatus est, se vera prædixisse, ea credi ab iis ipsis deberi, si qua tamen illis adversa vi tormentorum dicturus esset, pro falsis tenenda. Insistunt tamen carnifices, nonnullaque ejus responsa tabellione adhibito excerpunt, id potissimum molientes ut falsum vatem ostenderent. Reddit Hieronymus ambigua obscuraque verba; sed alia quam interrogantium iniquitas exegisset, quæ omnia illi pro liquidis accipiunt & falsa quæpiam addunt, atque aliena pleraque & insulsa non parum multa comminiscuntur, bene actum putantes sibi, si plebis ignaræ & rudis animos ludificent, conceptamque de eo sanctitatis opinionem de universorum mentibus extrudant.

Sed quamquam homines erant alioquin pravi, adeò tamen sive occurrante malitia, sive Deo ita volente improvidi, ut nihil ausi sint intextere libellis ipsis quæstionum, quos vocant processuum, quo jure neci posset adjudicari. Si-
quidem nec ob ea omnia, quæ commenti sunt, quivis, etiam ex inimicis ra-
tione

tione utens judicare, vel dare suspendio *Hieronymum*, vel afficere capitali poena, ut ullo demum genere mortis plectere posset. Verum ut iis qui prudentia pollerent, mentis oculos perstringerent, sex ex illius collegio sodales asciscunt, atque in Palatium ducunt quo *Hieronymus* detinebatur quem coram advocant, ut tabellionem libellos recitantem audiat. Hic cum ambages omnes quas veris quibusdam sententiis commiscuerat, exerta voce recensuisset, *Hieronymum* interrogat, *verane an falsa legisset?* Cui vir Dei, *Quod scripsi verum est, Totum ne repetit*, respondit *Totum*; ait iterum, *ad verbumne? ad verbum inquam.* Tum ad suos qui accersiti fuerant sodales conversus, ad hanc sententiam verba fecit. *Quali ait vita & doctrina inter vos usus sum, eorum cum quibus versabar, latet neminem. Duo, magna hac & extrema in clade posui vobis mando: primum Novitios fratres omnes commendatos habete, proque viribus procurare memineritis, ut Dei timorem in quo enutriti, & christiana vita, quam edocti sunt simplicitatem custodiant. Secundum, ex intimo cordis affectu pro me ad Deum preces fundite, quem spiritus pene prorsus deseruit.*

Autumarunt quidam, quibus mens non omnino bona, negavisse Hieronymum responsis ad tabellionem factis, quas prius affirmaverat rerum prædictiones, dixisseque non *qua scripsi* sed *quod scriptum est*, quippe cum Italica lingua vulgari duo hæc invicem adeo consonent, ut nisi magna prolationi verborum diligentia adhibeatur, difficillimè distinguantur, siquidem mutata vocali, aspirationeque interposita, alterum in aliud quam facillimè vertitur. Fuit & alia sententia, dixisse illum *verum esse quod scriptum est*, non ad eos qui præve interrogabant, sed ad id quod probè scriptum erat referens verba. Sed quoquo modo responsum dederit, compertum est ex re illud reddidisse, quamquam varia ab audientibus interpretatio facta est: Nam alii ambigè de industria loquutum eum, & quidem consentaneè judicarunt, quo accipi simul possent, verum esse & notarii scriptiones fuisse scriptas, & suamet commentaria illis adversantia & divina etiam verba: Quum mos in Ecclesia sit apud eos qui de divinis loquuntur, identidem dicere *sicut scriptum est*, id semper ad sacra utriusque instrumenti verba referentes. Alii qui prædictionibus ad illam horam firmissimè persisterunt, mutato gradu vacillarunt: Alii negationis expressæ avidi prorsus deciderunt: nutabundi alii expectandum rei finem statuerunt: attamen eorum qui aderant plurimi, quos inculcata Hieronymi vita & clarissima doctrina, rerumque prædictarum consentanea ratio & visa miracula in fide stabiliverant, verbis quæ proferebat acrius intendentes animadverterunt, non quæ à tabellione contra jus & fas extorta, tum aut adulterata fuerant, sed quæ ipse de rebus futuris scripserat vera asseruisse, & in hanc ipsam sententiam plerosque confirmarunt. Illud affirmantes fuisse in usu prioribus illis veteris Testamenti prophetis, perfidis interrogantibus obliquè adeo ambigueque respondere, ut quæ affirmaverant negavisse viderentur, contraque quæ negaverant viderentur affirmasse. Sic *Micheam* Acabo Regi de Assyrii expugnantia respondisse; Sic Prophetam *Amos* nec se Prophetam esse, sed nec Prophetæ filium dixisse. Sic *Joannem Baptistam* dum de Prophetæ munere rogaretur loquutum fuisse. Et in hanc quoque sententiam Prophetæ *Ezechielis* nonnulla, deque responso *Elisei* ad *Hazaelem* depromi dicebant. Addi poterat ex *Hieronymi*, *Augustini*, & aliorum testimonio,

testimonio, quod clarissimus Propheta *Joannes Aegyptius Eremita* se non esse Prophetam asseruit. Scivisse autem hæc omnia virum sanctissimum, & in sacris literis præterea eruditissimum, qui & *Thomam Aquinatem* legerat, affirmantem non teneri quemquam in judicio veritatem aperire, qui non secundum ordinem legibus præscriptum percunctaretur, quemadmodum illis evenerat, quibus nihil erat curæ, jure an injuria procederent, modo ipsum vexarent *Hieronymum*, & ex humanis rebus eximerent. Nec enim ulla malitiæ indicia præcesserant, quibus opus est æquo sanoque judici, si cruciatus uti velit ad veritatem extorquendam.

Inventum est etiam in quæstionum libellis, confessum fuisse Hieronymum Pontificis Nuntio, quæ prius negaverat Florentinis iudicibus: at in illis plurima contradictoria pugnantiæque reperiebantur, quorum & pars magna consona erat iis, quæ ille liber à vinculis & solutus asseruerat. Inventum est item in posterioribus confessionum libellis obtestatum *Hieronymum*, se vi tormentorum multa dixisse & abalienari animo cum torqueretur. Atque hisce rationibus adducta permotæque vulgi pars præcipua, in fide rerum prædictarum stabilis perseveravit. Quin etiam plerique in dogmate perstiterunt, tamen si ambigerent *Hieronymum* tormentis victum, quæ prius de futuris testatus erat; ivisse inficias; quando & martyres complures, ut apud multos, & apud ipsum *Cyprianum* videre est, præ carnis imbecillitate torturam non sustinentes, ne torquerentur amplius mortem elegisse & peroptasse quo citius victoriam reportaren & coronam acciperent, quibus à tyrannis negabatur occidi, meritis tamen illorum fuisse postea concessum prioribus quod novissima carnis infirmitate fugerant, illud & addentes, hanc fortasse sui prævidisse Hieronymum infirmitatem in quam debebat impingere, & propterea præmonuisse plebem sæpius, ne etiam sibi ipsi fidem haberet, his ubi contraria loqueretur, quæ semel divino jussu de pulpito promulgasset.

De duobus iudiciis ab Alexandro VI. contra Hieronymum missis, atque oratione morituri ipsius ad altaris sacramentum, & de patefacto sociorum cordis arcano prædictioneque novissima.

PONTIFEX autem insensus *Hieronymo*, quem non eatenus quia futura prædiceret, sed quod in sacerdotes multa diceret, odisse ferebatur, ubi per Florentinorum Epistolas rescivit, captum eum & datum in vinculis, fategit ad se Romam mitti: cui obstitunt qui tunc Rempublicam gubernabant tumultum plebis subveriti. Verum satiandæ immanitatis occasionem sibi præreptam intelligens, instat per iudices tradi neci, nuntiosque ipse duos mittit Florentiam, idipsum qua ratione possint effecturos: Alterum Clericum: Hierdensem Hispanum nomine *Franciscum*, cognomine *Romulinum*, qui tunc erat minister Romani gubernatoris; alterum Prædicatorii Magistrum *Ordinis Joachimum* nomine. Si postquam Florentiam applicuere, hominem

conveniunt,

conveniunt, quemetsi reperiunt vigiliis & orationibus fraenum, inedia maccatum, tormentis semimortuum, cruciatibus tamen iterum exponunt, ut crimina quæpiam, quæ plecti capitis poena debeant, fateretur; quæ ubi nequicquam se querere, ob *Hieronymi* constantiam, animo comprehenderunt (siquidem nihil de quo sumi posse huiusmodi vitæ supplicium, in ejus tota vita ab incunabulis usque ad sextum & quadragesimum quem tunc agebat annum, reppererunt) de nece statuunt, & ei mortem indicunt in crastinum; quod ille nuntium intrepido Imperterritoque exceptit animo, statimque sacerdotem sibi dari petit, cui peccata quamquam minuta Christiano ritu confiteretur, huic illius petitioni & voto per adversarios satisfactum est, tametsi oblique & præter usum, quandoquidem non de ipsius Collegio, hoc est, ex Ordine Prædicatorio (ut par erat) sed de Florentino sub regula sancti *Benedicti* Monasterio tres illis accersiti sunt sacerdotes, ut *Hieronymo*, *Dominico*, *Silvestro* morituris poenitentiae Sacramentum impertiant. Nox ea quæ supplicium præcessit huic muneri destinatur. Hinc sub ortu solis, sumenda Eucharistia avidi in oratorium, sive triclinium ab ergastulo producuntur. *Hieronymus*, priusquam illam infunderet, dari sibi in manibus postulavit, quam cum accepisset, mira perfusus animi lætitia in ejusmodi verba prorupit, *scire se ibi esse Deum illum Maximum Optimum, qui cælum terramque & universam denique naturam condidisset & scire & perfectam esse Trinitatem, indivisibilem & inseparabilem, tribus personis à se distinctis complexam, quæ Pater est, Filius & Spiritus sanctus, Filiumque ipsum æterni Patris verbum è cælis ad terram in Maria Virginis utero descendisse, in lignum crucis ascendisse, proque miseris nobis à peccato liberandis preciosissimum sanguinem effudisse, rogare eum & obsecrare se, ut sanguis iste non frustra, sed in peccatorum suorum effusus sit abolitionem: eorum se denum quacumque à die qua sacris undis ablatus, ad hanc usque horam perpetrasset mala, veniam suppliciter petere.* Hæc ubi ipse & socii pari sententia sunt effati, sumpta ipsa Eucharistia ad locum inferendo supplicio constitutum, quasi latrones trahuntur. Cupidus autem alloquendi socios *Hieronymus*, vix potuit esse voti compos, Jacobo Nicolino intermedio idipsum consecutus, cui secreta magnarum, quæ ab ipso prænuntiata fuerant, calamitatum Florentiæ præsertim & tempus aperuit, easque jussit expectandas, cum in Petri Cathedra federet qui *Clemens* diceretur. Hoc enim ex ore ipsius *Jacobi*, *Hieronymus Beniventus* vir probus & prudens manu sua literis testatus est, socios autem monuit, ne quæ corde premebant foras exprimerent, cum essent morituri: cogitaverant enim ad populum verba facere, alterque se innocentem mori dicere proposuerat, alter qui senior erat *Dominicus* tantum abesse ut mortem perhorresceret, quin etiam se vivum flammis paratum asserere, certiores facere cupiebat spectatores. Vetuit hoc *Hieronymus* Christi salvatoris exemplo, qui tametsi supra quam dici potest innocentissimus esset, noluit tamen huiusmodi quicquam asserere, sed tanquam agnus ad victimam ductus est, & non aperuit os suum. Agnoverunt illi conceptum errorem, & abstinerunt. Agnovit *Jacobus* peculiare Dei munus *Hieronymo* collatum, ut arcana cordis humani perspiceret; hoc verbis *Jacobi* ipsius, narravit *Jacobus Nardus Vicentio Scævola* Episcopo Hieropolis, qui mihi prior id negotii patefecit.

De his que gesta sunt ipso tempore mortis Hieronymi, deque ipsius supplicii genere & reliquiis membrorum.

IN descendendis autem Palatii gradibus, spoliatus Religionis habitu, quem ubi comprehendit manibus, flevit, eum se olim appetivisse cupide, & immaculatum hactenus custodivisse testatus. Quibus quam fuisset innoxia & inculpata ejus vita, susceptæque religionis servantissima, & verbis, & lacrymarum abundantia satis manifestum erat, quamque inaniter in eo noxas & maculas minis atque tormentis extorquere iudices adniti. Tum *Sylvestri* qui timidissimus omnium ad id usque temporis fuerat, futuræque mortis horrore tremebundus, divino quodam quasi æstro percitus, inflammataque adeo facie, ut quodammodo radios emittere videretur, *Hieronymum* alloquitur advenisse tempus, inquit, quo bono deberent esse animo, modo opus esse fortiter ut permanerent, & eam quam erant subituri mortem, alacriter & animosè perferrent. Ad quem *Hieronymus* sic faciendum esse respondet, eumque ac *Dominicum* simul adhortatur, eadem ut in sententia stabiles perseverarent, pavorem omnem ex animo procul abigant, curas mittant universas, proque certissimo habeant cœlum se quam citius adepturos, ubi illud Davidicum canerent, *Ecce quam bonum & quam jucundum habitare fratres in unum*. His peractis eo perveniunt, ubi antistes quidam & sacerdotes nonnulli se se comparabant, morituros ut exauctorarent: ritus hic apud vulgus *degradatio* nuncupatur. Illos itaque sacerdotalibus vestibus induunt spolianteque, & cætera peragunt quæ fieri hoc ipso ritu consueverunt. At cum ad illud esset eventum, ut eos à manu mitteret, apprehensa Hieronymi dextera, dimissaque ait Antistes, *Separo te ab Ecclesiâ triumphante*. Cui Hieronymus, *mitigante, non triumphante, nec enim id patet*. Aderant qui morituros ad perferendam libenti animo necem suaderent, iisdemque cibo etiam & potu desolatos eorum corporis spiritus excitare satagebant. Horum cuiuspiam hujusmodi recreamenta procuranti *Hieronymus* ait. *Quidnam causa est ut hæc mihi parietis, qui de presenti vita jam jam emigro*; Alteri item, qui inter confertam adhortantium multitudinem, vocem in ejus laudem extulerat, respondit; *humans laude & gloria non egea*. Erat & quidam *Nerotius* nomine, officio Sacerdos, qui cupidus *Hieronymi* fortitudinis constantiæque explorandæ, ipsum interrogavit, æquone animo mortem imminentem Christi amore toleraret? Cui & voce & vultu mirum supplicii desiderium præ se ferens inquit: *Nonne ob eum emoriar ego libentissime, qui pro eo quo me humilitem peccatis infectum amore complectebatur, voluit innocentissime mori*? *Nonne ego animam hanc ejus gratia libenter effundam, qui nec pro millelimâ eorum unquam, quæ pro me vult, parie, satisfacere possim*? Inque his verbis oculos ad Crucifixi signum, quod illuc attulerant, flectens, deosculatus est eum. Non multo post Hieronymum interpellat *Nerotius*, suo an in discessu quicquam supremo mognendum haberet atque commendandum sectatoribus suis & fratribus? cui respondit, cunctas aliquantulum tamen, *Magna visuros eos esse*: Cui iterum ille,

ille, *Qualia nam Pater? Vestris*, inquit, *animis consuletur*. Nerottum ergo Fr. Dominicus ad se vocat amicitiae vinculo sibi devotissimum à puero, quam pridem inter eos literarum studia conciliaverant, inque hunc modum illum alloquitur. *Scias, Nerotte, velim innocentem me mori, & pro certo habere futurum omne illud quod praedictum est*. Ille autem quasi verbis ipsis offensus, *Cave*, inquit, *ne falsis promissis deludaris*. Ad quem Dominicus. *Futura omnino etiam atque etiam affirmavit, quae Hieronymus praenunxisset*. Quibus peractis, Hieronymum deinde & socios suspendendos exurendosque prehensant carnifices. Ingentem rogam medio in foro struxerant, quem cubitorum fere viginti supereminebat palus. Superiorem ejus partem quae vergebat in aërem transversum ligni frustum quoddam secabat in modum crucis; illuc versus dum vehuntur, Monachus hic, à quo Hieronymus Sacramentum poenitentiae susceperat, percunctatur eum, velut ne quicquam extremo in discessu proloqui? Cui altum suspirans ait nihil sibi reliqui esse, hoc excepto, quod enixius eum rogaret, ut Deum pro se morituro orare dignaretur, suaeque doctrinae sectatores praemonere, ne mortis hujus, quam subiturus erat, infamia foret illis offendiculo, sed in ea quam illos edocuerat vivendi regula & sancta pace constantes perseverarent. Ad crucem perducti, Silvester primus ad summum ipsius per scalas trahitur, & capistro quod cervici ejus iniecerant, cruci religato, praecipit à carnifice dejicitur. Deinde Dominicus pari suspensio traditur; mox & Hieronymus Apostolorum symbolo recitato, medius inter enecatos locos injecto ad collum fune de cruce mittitur, decimo Calendae Junii, & vulgi more tertio atque vigesimo mensis Maji, die quo Christi Ascensionis in caelum tunc agebatur vigilia, anno à Deiparae Virginis partu millesimo quadringentesimo nonagesimo octavo, ætatis vero suae quadragesimo quinto, & mense octavo. Ubi animam exhalavit; puerorum immanium multitudo, & ipsum & eos qui prius pependerant, diu saxis impetivere, & extructae pirae facies admove, quæ statim struem illam lignorum oleo plurimo illitam, eoque aspersam pulvere quo per aenea tormenta in murorum oppugnatione saxa & ferri mittuntur orbes, temporis momento incensam inflammaverunt. Deinde corporum absumentorum cineres quoscumque potuerunt in unum redactos, plaustrisque delatos, in Arni fluvium iniecerunt. Ex incendio superfuere nonnulla, quæ cautè rapta religioseque servata sunt. Item os, quod puer quidam dum veheretur in Arnem, delapsum vehiculo pertulit ad matrem: Item & digiti ejusdem paræ dum penderent de cruce, saxorum decussa grandine. Ab ipsis reliquisquæ prodierunt signa divinitus, suis referemus locis. Sed & biduo post ejus obitum, dum molendino ad Arni ripam puer quidam inisteret, rapi perspexit à fluvio quamdam, quasi pilam orbicularem puniceam, ustulatam, acutumque, ab his qui aderant, magna subfannatione acclamatum esse, Hieronymi cor illud esse, quibus puer (ita enim antea pater, persecutionem veritus, statuerat faciendum) verbis consentiebat, mente verò adversabatur. Atque hac dissimulatione quasi clypeo tutus, cor de Arni fluctibus sublato in sinu reposuit, & ad genitricem detulit, quod postea Prophetæ cor esse, quemadmodum impli illi nescientes acclamaverant, miraculis multis quæ decursu operis enarrabantur proditum est. Hujus cordis divino dono & amicorum charitate & diligentia,

ab eadem muliere partem obtinuimus nobis utique & gemmis & auro chariorem, propter viri conjunctissimi amicitiam: sed habuimus longè charissimam gratissimamque, postquam ad ejus præsentiam depulso morbo & torta divinitus fugataque dæmonia cognovimus.

Quid & mores & mors persecutorum Hieronymi fautoribus collata magnam rebus ejus atque martyrio fidem cumlaveris.

CÆTERUM præter prænuntiationes impletas, præter sanctissimam ejus nitidissimamque doctrinam, præter inculpata vitam, quibus & lumen fidei, & ratio & miracula adstipulantur: par esse ferebatur, ut æqua etiam penderetur lance, quàm foetidi hostium mores, quàm putida persequentium vita, quàm sancta sectatorum conversatio, & quàm undequaque pietate suffulta, etiam si numero persecutoribus hostibusque posthaberentur. Neque enim semper & omnino majorem numerum præstari debere minori in opinione deligenda receptum est: quandoquidem innumera contra Christum, & Apostolos, Scribarum, Phariseorumque, & Sacerdotum, populorumque adversantium caterva surrexit. Contra *Athanasium & Hilarium* paucosque alios rectæ fidei defensores, numerosissimi hæretici præliabantur. Numerus quoque Episcoporum copiosior quæ Arimini fuit Synodus, quàm quæ in Nicæa Bithiniæ, quæ in Bisantio: quæ in Calcedone. Sed hæ rectæ fidei propugnatrices sanctis viris munitæ, Ariminensis autem illa pravis, subdolis, impiisque sacerdotibus freta impugnatrice, & in æternum rejecta & damnata.

Quare expendenda causa seorsum, expendendaque vita & mores hic faventium, illinc persequentium, unde illud tandem corrogetur, tres illos sacerdotes sanctissimos, nihil ob aliud quàm ob invidiam, quam in se propter veritatem prædicatam armaverant, veluti scelestissimos latrones à pessimis hominibus suspensio datos. In probatissimam enim vitam, in sanctissimam doctrinam nil nisi livor & odium inveniri potest. Confirmabantur autem hæc omnia literariis monumentis, quæ ab amicis multifariam scribebantur; quæ si forte Præsidum malitia non haberentur in pretio, nec totò ab hominibus legi possent, meminisse probos tamen viros ea optare, quæ nunc & magno æstimantur, sed & ipsa quoque Evangelia quondam sine cæde & sanguine culta non fuisse. Qui enim ea prædicabant tormentis afficiebantur, & morte; atque ita quæ dicebant proprio sanguine testabantur: unde Martyrum ad nos manavit nomen, inter quos egregium sibi locum vindicasset *Hieronymus*, tametsi non fuisset occisus à vetustis illis cultoribus idolorum. Neque una solum de causa Martyres, siquidem novimus ab *Herode Juniore* trucidatos infantes quibus Innocentium Martyrum nomen factum est. Alterius *Herodii* jussu, caput abscissum *Joanni Baptista*, ut puellæ satisfaceret incestuæ matri gratum facturæ, cujus causa trusus in carcerem *Joannes* antea fuerat, obtestatus fas non esse fratris abuti conjuge, cujus veritatis testimonio martyris palmam adeptus est. Lapidatus à Judæis *Stephanus*, dum Christum prædicaret.

prædicaret: à Gentibus varii & innumeri eandem ob causam trucidati Martyres. Sed ab Hæreticis *Petrus Martyr* Ordinis Predicatorii neci datus est. *Thomas* verò Cantuariensis Episcopus, Christianorum non quidem re, sed nomine, ob res Ecclesiæ repetitas gladio occubuit: Et tamen quos recensuimus, titulo sunt martyrii celebres. Hic autem trucidatus ob celebratum lumen fidei, ob vitia depulsa, ob veritatem Christianæ fidei patefactam.

Accedebat putidæ prorsus & infami persecutorum vitæ, mors horrenda, contaminatis moribus congrua, siquidem de multis qui eum & socios ceperant, deluserant, inter eundum ad carcerem vexaverant, debitum parvo temporis spatio supplicium sumptum est: quorum alii statim ad extremum positi, sed ducti pœnitentia temporarias (quantum nobis conjectari licet) pœnas dedere; alii non in præsentis duntaxat, sed in futuro etiam, quoad probabilitus signis comprehendi licuit, suppliciis plectuntur, siquidem fœre qui dum in vinculis torqueretur *Hieronymus*, & assereret vera esse quæ prædixerat, ab eo petierint, ut thoracibus quibusdam clam appensis juberet ut ambularent, & fabarum mutaret colorem, & id genus alia, quæ etiam interrogantium vanitatem simul manifestant, simulque Christo cum aliis in rebus, tum in hac maxime parte fuisse similem, qui de peragendis miraculis, ubi patienti tempus advenerat, in derisum & contumeliam rogabatur.

Fuere qui levioribus calumniis non contenti, barbam vellere, vultum sputis scedare, calcibus impetere, pudibundas corporis partes nudare, injuriari, insultare & necem denique, quibus possent modis, procurare; sed paulo post miserando obitu exemplum posteris tribuerunt. *Joannes Manettus* civis Florentinus, ex eis unus, qui prophetam calcibus impetiverat, ejusque pudenda patefecerat, paucis post diebus ad mortem ægrotans, propriam dexteram dentibus moriens dilaniavit, ipsamque etiam manum, qua sacrilegium patraverat, moribundus intuens; dixit *O manus! O manus!* Tum ubi paululum quievisse videbatur, in hanc vocem, semet allocutus erupit. *Nunc, nunc, de Hieronymi Savanarola salute, & de sua damnatione factus es certior:* quod dicto exhalavit animam.

Tabellio ipse qui libellos quæstionum commentus fuerat, non multò post viri obitum, pestilenti tabefactus febre dixit, non posse pœnitentia Sacramentum ob id percipere, quòd virum Prophetam, quem cum Angelis etiam colloqui perspexerat, fretus pecunia prodidisset. Alios qui dum perduceretur ad carcerem, manus pudendis injectit, paulò post diro circum pudenda morbo correptus, liberè ac ingenuè confessus est, se dare pœnas ejus, quod in Prophetam sceleris perpetrasset. In municipio Florentinorum *Piscia* nomine, *Fulianus* quidam *Hieronymo* ejusque doctrinæ cum maledixisset, & ejus Sectatoribus sanguinis fluxum impræcatus esset, sequenti nocte sanguinis fluxu miserabilem animam crebra invocatione dæmonum effudit. Faber ille qui ferrea percuiderat monilia, quibus *Hieronymus* & socii de trabe penderunt, dum super urbis mœnibus in eminenti turre succensa facula *Hieronymo* illuderet, identidem clamitans id esse verum lumen, cujus crebra in concionibus *Hieronymi* mentio habetur, præceps ruit, contractisque membris vita spoliatus est. Alii apoplexia correpti; morbis enecati, omnibus præterquam his qui divino judicio excæcati fuerant, palam socere sumi pœnas de iustorum hominum effuso sanguine.

Pontifex

Pontifex Maximus, à quo in *Hieronymum* infesta persecutio emanaverat, haud multo post tempore miseranda morte diem clausit extremum. Cujus obitus duplex est fama: alii produnt à malo dæmone strangulatum quocum ineundi supremi sacerdotii pactum fecisset; dediturum sese illi pollicitum ferebant, si suis artibus illud assequeretur, & in eo multos annos viveret. Alii sibi venenum imprudenter propinavisse intulerunt, dum illud Cardinalibus quibusdam, ut ante diem eorum bonis potiretur, magna diligentia paravisset. Certe constat cum more utris inflatum discentiumque perisise.

Augebat fidem rectæ mentis hominum isthæc observatio, quod ex fide rerum *Hieronymi* pacem animi & tranquillitatem, & spem aut oriri aut ortam adulescere, aut adultam proficere, nonnulli se dicebant expertos; contraque illis, qui rebus ejus tanquam vanis abnuntiarent, fluctus animi, perturbationes, sollicitudines scaturire, ut ad desperationem quodammodo impelli viderentur, quæ tamen precibus pio ac humili ad Deum affectu fufis pellebantur, ubi de illo sanè sentiebant & optime, pristina animi pace & tranquillitate affatim eis reddita. Illudque animadversum à multis divinum extra controverfiam haberi signum quod ex omni sexu & ordine qui ei verè atque sincerè hærebant, eisdem promebant charitatis fructus, qui olim apud Christianorum priuitias visebantur; illisque erat cor unum & anima una in Domino. Et quanquam non ea prorsus, quæ inter eos, qui Religionibus addicti sunt per tria vota, bonorum quæ fortunæ dicuntur communicatio; mira tamen & liberalis erat cum daretur opportunitas: idem sapere inter eos, idem & velle erat. Persecutorum vero, quot capita, tot sensus, nulla opinionum, nulla facilitatum communicatio, sed animi perturbatio, & quædam quasi rabies, unde *Rabidorum* nomen obtinuerunt.

Nec quemquam reperias qui verbis aut scriptis *Hieronymum* lacesierit, qui aut vitii animi & corporis, aut judicii vanitate non laboraverit: Copientaneum est quippe discerniculis ejusmodi futuram agnosci renovationem. Nam alioqui promiscui sunt omnes Christianorum ordines, discernique haud eos posse securius quam ex operibus, maxime probabile videtur. Aequum quoque videtur, ut & hisce temporibus ea Deus conferat signa, quæ inter initia prædicati Evangelii tradita fuisse, sacra nobis monumenta testantur, utque instaurata Religionis facies conditæ atque perfectæ legitimè planè respondeat signis. His omnibus non modo conjiciebatur, falso contraque jus & fas *Hieronymum* cum lociis damnatum, nec aliam ob causam, quam ob simultates & odia, quæ ob veritatem prædicatam in semet concitaverat: sed etiam constabat, virum fuisse sanctissimis moribus & divinis donis illustrem, quandoquidem ejus opera factæ erant sceneratrici pecuniæ restitutiones innumera, Christique fides & voce & scriptis indefesse prædicata, roborataque & explicata fuerat. Renovatus item erat in plurimorum mentibus emortuus jam Christianus vigor: spectabaturque multorum à pravis & impiis moribus ad probos piosque conversio. Quod quidem auctore *Gregorio* non tantum majus est resurrectione mortuorum, sed etiam majus quam cæli & terræ creatio, si *Augustino* credimus. Accedebatque quod futurarum rerum multarum atque magnarum prædictiones ipso eventu confirmatæ, eo majori viderentur admiratione dignæ, quo cum proferebantur, fieri posse non crederentur;

'Atque hinc fides, inde livor & persecutio: hæc ab improbis hominibus, illa improbis conspicua manaverit.



PETRI BEMBI

VITA.

PETRUS BEMBUS VENETIIS NATUS EST, annis post Christum ortum MCCCCCLXX. Patrem habuit Bernardum Bembum, hominem, cum vetere nobilitate, tum doctrina, tum etiam dignitate clarissimum: nam res Venetum publica à certis nominatim familiis administratur: earum claræ habentur: reliqui cives; quamquam sunt eorum multæ amplæ honestæque familiæ, neque genus suum magnopere extollunt, & in sua quique re gerenda occupati, civitatis procuracionem fere non attingunt. Inter eas familias Bembi antiquissima stirpe orti, cum omni tempore in rep. floruerint, ampli in primis, illustresque numerantur; erat præterea Bernardus suo etiam privatim nomine, propter juris scientiam, qua plurimum excellebat, apud civitatem multum admodum graciosus; & propter summam prudentiam, multiplicemque rerum usum, propterque vitæ gravitatem, magna in homine erat auctoritas. Hic cum à sua civitate ad populum Florentinum legaretur, qua in legatione obeunda biennium domo abesse Venetorum legibus cogeretur; faciendum sibi esse existimavit, ut Petrum filium, quamquam admodum is tum puer erat, secum educeret; propterea quod Florentinorum instituta parum à Venetorum moribus illo tempore abessent: nondum enim sub unius dominatione illorum erat respublica, sed nobilitatis fere arbitrio regebatur; &, quod ea civitas præstare ingenis creditur, acui puerum, in quo jam tunc præclara indoles elucesceret, volebat: tum Italicam linguam, qua non elegantissime Veneti, illis præsertim temporibus, uterentur, emendari in illo, Florentinorum hominum consuetudine, existimabat posse: nam omnium Italiæ nationum commodissime eam loqui civitatem autumant. Nec vero patris consilium filii fessellit industria: sic enim excitatum puerile Bembi ingenium Florentiæ est, sic teneræ pueri aures, animusque puro ac dulci illo Etruscorum sermone imbutus, ut jam inde à prima adolescentia, multa cum Latine, tum vero Thuscæ à se scripta ediderit, quibus nihil hominum auribus politius, nihil omnino.

omnino elegantius, aut suavius accidere possit. Jacebat omnino temporibus illis eloquentia: inquinata enim loquebantur; nullus erat verborum defectus, nullum scriptorum discrimen, nam & ipse negligebatur Cicero, vel contemptui potius erat; & Cæsarem propter historiam modo cursim & negligenter legebant; Terentium, Virgilium, bonos ceteros, in ludo tantum; idque perpauci, ediscebant: post puerilem illam disciplinam sumebat eos in manus nemo, duos, obscuros, asperos scriptores adamabant; confectabanturque abditas, abstrusasque historias, aut fabulas: qui iis ineptis referti essent auctores, ii eruditi numerabantur: itaque unus Ovidius de veteribus in honore erat, ergo, si verum quærimus, nihil ante Bembi ætatem Latine scriptum octingentis ipsis annis, aut eo amplius est, quod Romam illam veterem redoleat; aut magnopere lætione dignum sit: solœcisum enim vitabant, quantum quidem ex arte grammatica didicerant, idque ipsum haudquaquam semper: id unum præstare qui poterant, Latine loqui sese putabant: nulli, qui purus ille, incorruptusque veterum Romanorum sermo esset, noverant, ac ne suspicabantur quidem. Par erat atque idem eorum error, qui Italice scribebant: qui cum duos haberent scriptores, mea quidem sententia, vel cum Latinis, vel cum Græcis conferendos: nam alterius versus et suavitatis plurimum habent & dignitatis: & variis ingenii, aut etiam artis luminibus referti sunt, & animum sæpe permovent atque impellunt; ut de amore ne Græcus quidem quisquam melius; alterius oratio dulcis, copiosa, polita, ornata, mollis, faceta, rem ante oculos ponens, utgeri ea, quæ legas, non narrari videantur. Hoc cum haberent auctores duos, utrumque in suo maxime genere excellentem, scribebant ipsi inepte, abjectissimis verbis nullus erat orationis ornatus, nullæ homine erudito dignæ sententiæ, nulla compositionis, aut numerorum ratio: licet in manus sumere, quæ tunc multi scriptitarunt: præter unum Politianum, illumque ipsum minus dulcem, minus omnino elegantem, quam ut legisse Petraræ lectissimos versus videatur; ceteros ad unum indignos dicas, qui in scriptorum numero habeantur: unum scurille vigeat genus; in eo sane ridiculi nonnulli; sed ipsi quoque multis in locis inertes ac languidi.

Hanc igitur inter erroris atque incitiæ calliginem Bembus ad veterum scriptorum tanquam lumen ac lucem respexit primus, primusque ab hominibus, magnis quidem hortationibus, magno suo labore, multis reclamantibus ac repugnantibus, impetravit, ut Ciceronis, ut Virgilii, ut Cæsaris similes sese in dicendo, quam Apuleii, Macrobii, Statique esse mallent, cum contenderet oportere, qui scriberent, eam dicendi formam, quæ optima esset, habere animo & cogitatione comprehensam; ad eam tanquam ad exemplum aliquid orationem scriptionemque suam dirigere; Demosthene autem, aut Cicerone perfectius in dicendo aliquid promere se posse qui profiterentur, sua quidem sententia nimium subire oneris, nimium suis fidere viribus; quorum etiam jam olim errore ac temeritate factum esse existimabat, ut malos multos scriptores haberemus: nam, cum nonnulli à Cicerone discere, sui que plane esse vellent, cum aliter, atque ille, dicere studerent; quoniam is perfectus, absolutusque esset; deterius dicere cogebantur. Hæc Bembus cum dicitaret, cumque etiam litteris mandaret; egrè ille quidem, sed

sed multistandem persuasit, spretos ac repudiatos antea scriptores optimos illos, repeterent: propósitosque sibi ad imitandum haberent. Quo quidem Bembi labore, quibusque præceptis, quantum eloquentia adaucta sit, cuius facile est noscere; si ea, quæ ante hanc illius disciplinam scripta sunt, cum hujus ætatis scriptoribus conferantur. Ea obita legatione domum Bembus cum patre rediit, jam bonarum artium studiis incensus, jam eloquentiæ, ac scribendi magno quodam amore flagrans; itaque in Siciliam usque ad Constantinum Laksarem Græcarum literarum causa profectus, trienniumque ibi commemoratus est; tantumque ingenio, labore, assiduitate profecit, ut Græce non modo optime sciret, sed etiam polite, luculenterque scriberet: atque in Sicilia cum esset Latine de Æternæ incendiis scriptis ad Angelum Gabrielem: qui liber, ab eo editus, in manibus hominum eruditorum non sine aliqua laude versatur. Post eam peregrinationem celeriter Bembus affecutus est, ut maxima apud omnes Italiæ civitates, tum apud externas etiam nationes, ejus esset ingenii admiratio: ita enim, uti res est, sic homines statuebant; perdifficile factu esse unum atque eundem duabus linguis tam scire, tamque ornate copioseque uti posse; quodque pauci uno in sermone unquam præstiterunt, ut præclare scriberent, id ab adolescente Bembo & in Latina & in Italica oratione effici, omnibus, qui de iis studiis aliquid judicare possent, permirum videri necesse erat: præsertim id ipsum in utraque lingua & prosa oratione & versibus, id quod Ciceronem ipsum expertum, sunt, qui negent assequi potuisse. Ac miramur profecto interdum, quid causæ sit, cur, cum oratori poeta maxime finitimus sit, negent fieri posse, ut idem orator bonus, idem egregius poeta evadat; idque non hominum modo existimatione, sed etiam re ipsa comprobatum esse: nullos enim, aut certe perpaucos utramque facultatem adeptos videmus: sed cum diuturno studio, magnisque lucubrationibus utraque ars egeat, non suppetit ad utramque tempus, atque otium: & quoniam longa exercitatione, assiduoque usu consuevimus aut oratorie dicere, quod vitio maxime datur versus scribentibus, vel poetice, quod contra in prosæ orationis scriptoribus vitiosum in primis habendum est: si quis utrumque studium copularit atque conjunxerit, magnæ cujusdam intelligentiæ, acrisque judicii est, præstare alterum genus, ne incurrat in alterum, præterea oratorum, poetarumque ingenia atque naturæ contrariæ propemodum inter se sint, oportet: hi enim ratione atque humanitate reguntur; illos, furoris afflatus ac divinitas quædam, impellit: atque omnino proximis, conjunctisque in rebus faciliior a recto declinatio, ac lapsus est, reprehensio vero vel insignior: creat enim errorem similitudo; & cum varium est, celeriter, propter rei similis comparisonem ac propinquitatem, inversio animadversa internoscitur ac reprehenditur. Neque ii tamen nos sumus, qui aut Ciceronis versus valde improbandos existimemus, aut Platonem atque Æschinem (utrumque enim versus in adolescentia scriptitasse memoriæ proditum est) malos, contemptosque fuisse poetas credamus. Post Siciliensem illam peregrinationem, perpaucis interjectis annis, Ferrariam Bembus pater Prodominus missus est: eum magistratum, magnum in primis atque honorificum, illis temporibus Veneti, virtute belli partum, victorique tamquam insigne, gerebant in aliena civitate; eo quoque cum patre filius

filius exiit: sicque eo in oppido perdiu fuit, ut cum ab omni juventute, ab omnique nobilitate plurimum coleretur, tum verò Herculi Estensi, maximo ac fortissimo viro, qui in ea civitate imperium obtineret, Lucretiæ Borgix, quam in matrimonio Alphonsus habebat, gratus in primis, acceptusque esset. Per idem tempus, cum annos natus esset haud amplius XXVI. Eos sermones, qui Asulani ab eo inscripti sunt, confecit; opus omnium pigmentorum flore atque colore distinctum, fœminas omnino cum adolescentibus de amore loquentes amœnissimis quibusdam in hortis facit, ita lectissimis verbis festive ac venuste, ita sententiis copiose atque ornatè, nihil ut ejus oratione cum uberius, tum verò suavius modulativse esse possit. Eos libròs tanta hominum, mulierum etiam mediis fidiis approbatione & tamquam plausu exceptos recentes esse meminimus, ut extemplo cuncta eos Italia cupidissime læstitarit atque didicerit: ut non satis urbani, aut elegantes ii haberentur, quibus Asulanæ illæ disputationes essent incognitæ; erat per id tempus Urbini Guidusubaldus Feltrius, vir maxime spectata, maximeque nobilitata virtute: is suæ civitatis tenebat imperium; atque cum eo Helisabetha Francisci Gonzagii, qui eisdem civitati imperabat, soror, nupta erat: cujus de mulieris laudibus mira quædam litterarum monumentis, cum ab aliis multis, tum etiam ab hoc ipso Bembo mandata sunt. Ac datum est profecto Urbinate civitati, ut non suos domi modo principes omni genere laudis claros atque insignes habeat, sed etiam, ut ex alienis civitatibus mulieres, quas illi in matrimonium duxerint, lectissimæ fere, præstantissimæque illi seminarum omnium obtineant: Nam præter eam, quæ à me appellata est, Helisabetham Gonzagiam, habuit Franciscusmaria hujus Guidusubaldi pater ex eadem familia uxorem Eleonoram, quæ proximis diebus mortua est, omni mulieris laude præter ceteras ornatam atque illustrem. Nec vero de Victoria Farnesia, quando in hunc sermonem venimus, sileri ullo modo potest (quamquam invitatus facio, ut de iis, qui nunc sunt, dicam aliquid) cujus quidem mulieris modestia ac pudor ingenuus illud profecto præstitisset, quod Periclem ajunt dixisse, primam in muliere laudem esse, ut ne de virtute quidem illius ulla ad viros fama emanet: sed nulla ratione occultari tanta primariæ fæminæ virtus potest, quin ad viros quoque emergat, ac suo ipsa splendore se prodât.

Fortunatus igitur Guidusubaldus cum sua illa animi magnitudine atque æquabilitate, suaque illa prudentia; tum vero hac tali conjuge, vitæque sociâ. Sed cum Urbini quemadmodum dicere incœperam, Guidusubaldus atque Helisabetha Gonzagia essent, hominum excellentium peramantes, perque hospitales, conveniebant ad eos ex omni Italia, ut quisque præstanti aliqua in arte præcelleret: eo cum Bembo quoque forte venisset; præcipuo præter ceteros in honore haberi cœptus est: multa enim habuit Bembus, quæ, ad hominum animos conciliandos, plurimum valere consueverunt: nam & in forma summa quædam oris species ac dignitas inerat, & in statura ac proceritate decor; mira præterea in moribus suavis quædam lenitasque amabilis; dulcisque cum sermo, tum tota vitæ, vitæque consuetudo mitis ac clemens: ad ea cum præclara ingenii vis ac natura accederet, expetebatur, scilicet unus omnium, maxime ab illustri illo virorum, fœminarumque conveni-

tu : quibus rebus efficiebatur, ut multum domo abesset, Urbinique fere videret : quam rem multum etiam vicinitas adjuvabat, atque ultro citroque Pisaurum quidem usque perfacilis atque expedita navigatio : ita factum est, ut minus domi honores assueceret admirari, minusque ambitionibus implicatum animum haberet. At vero id pater reprehendere, graviter ferre, ac prope patrio jure, ut uxorem duceret, ut remp. capefferet, atque ex ordine magistratus peteret, imperio cogere : fit enim fere, ut qui in libera civitate, præsertim clara atque opulenta, vivant, omnia ad honores referri putent oportere ; id unum confectentur & expetant, ut dignitates, ut magistratus adipiscantur : siquæ sint laudes, quæ alio pertineant, eas aut non agnoscunt, aut leves atque inanes judicant : atque hæc liberorum populorum consuetudo, quamquam per se ipsa, vique sua fortasse minus probanda, est : nec enim compendii, honorisve causa, si ad veram illam rationem dirigas, petendi magistratus sunt, civibusve aliis ullo studio, aut ulla contentione præripiendi ; sed unius reip. ratio habenda est, ejusque unius utilitati, salutique serviendum ; ut dignioribus concedamus ; & sæpe delatus nobis major aliquis, aut magistratus, aut imperium, aut curatio, si minus ei rei gerendæ nos idoneos sentiamus, accipiendus non sit, aut etiam deponendus : nec enim errare patriam, pati æquum est. Sed, quoniam non vivitur cum perfectis hominibus, percommode popularis hæc ambitio cecidit : honorum enim cupiditate incensi, non ad suum se quisque format atque instituit arbitrium, sed ad populi, civitatisque judicium, consilia, mores, vitam, voluntatemque institunt ; dantque operam, non ut sibi ipsi, aut aliis fortasse quibusdam probati sint ; sed, ut populo, civitati, a qua honores scilicet expetant, placeant : ita fit, ut una, eademque perpetuo permaneat civitatis forma, atque una, eademque sit omnium civium communiter disciplina ; neque singulorum privatim studiis, voluntatibusque variatis, reip. quoque ratio atque institutio vertatur atque mutetur ; quam quidem cautionem, prudentiamque, una, præter ceteras omnes, Venetorum civitas semper adhibuit ; ut domesticos suos mores diligentissime retineret, essetque plane sua, neque quicquam exterum infundi in civitatem, aut ulla infici se peregrinitate pateretur. Cum igitur Bembo pater in eum cursum, quem tenuerat ipse, quemque summa cum laude, plausuque confecerat, filium induceret, atque compelleret, ille contra, alia spatia, cursusque alios animo agigaret, quamquam patri obsequi suadebat pietas, civium consuetudo hortabatur, propinqui, necessarii que efflagitabant ; tamen sic animo cogitabat, cujus ipse gloriæ cupidus esset, eam ad se non à suis modo civibus, sed ab omnibus etiam gentibus ultro deferri ; prehensandum sibi ejus rei causa neminem esse, supplicandum nemini, nullius suscipiendas inimicitias, nemini os lædendum : unam enim esse, ex omni laudum genere, ingenii gloriam, qua, sine ulla cujusquam querela, perfui, ad extremum usque, homines soleant : honores imperitæ modo multitudinis testimonium præ se ferre ; ingenii laudem ac famam, etiam intelligentium hominum habere probationem : nec vero aut voluntatum mutationem, aut fortunæ temeritatem extimescere ; sed ita bilem, firmamque etiam ad posteros commendationem habere : postremo permultos omnibus ætatibus exoriri, quorum opera, pro sua cujusque parte,

reip.

reſp. geri poſſit; at, cujus ingenii monumentis civitas ornetur, ne multis quidem ſæculis unum extare, aut alterum: ſatis vero jam Bemboſ, magnos honores in republica, ad illuſtrandam familiæ dignitatem, eſſe conſequutos; ſatis nobilitatam, majorum ſuorum rebus geſtis, ſuæ memoriam ſtirpis eſſe; quando & vetuſtiſſima templa à ſuis jam olim gentilibus conſtruſta, ea ſcilicet, quæ Juliano dedicata ſunt, Bemborum nobilitatem illuſtrent, & pietatis ſint teſtes; & Franciſci Bembi ejus, qui, multos annos ante Patriarcham Venetiis inſtitutum, ſacrorum antiſtes ac pontifex fuit, memoria, gentis vetuſtatem oſtentat; tum maritima imperia, clariſſimæque Franciſci itidem Bembi victoriæ; tum Marci, qui à Cypriis interſeſus eſt; aliorumque multorum ob remp. ſuſceptæ calamitates, interituſque, Bemborum et virtutis, & in patriam caritatis teſtimonio ſint: nec vero ne in præſentia quidem deſuturos, qui ſtirpis, gentiſque gloriam tueantur atque adaugeant; habere ſeſe Carolum fratrem, in quo mirificam ingenii indolem, maximam virtutis ſpem inefſe intelligat; eſſe præterea cum alios nonnullos, tum Joannem mattheum Bembum ſumma itidem virtutis & ingenii ſpe præditum adoleſcentem. Et vero hic quidem, nec Bembi de ſe judicium ſeſellit, & multis, magniſque in rebus domi, foriſque perutilis reip. civis eſt, ſemperque fuit: nam Carolus, priuſquam patriæ prodeſſe per atatem potuiſſet, ex-tinctus eſt: unam hanc litterarum atque ingenii laudem minus illos adhuc eſſe adeptos: eam ſe in ſuam gentem inferre cupere, ac propemodum etiam ſe id perficere, ac præſtare poſſe compertum habere: ſin honores ſeſcari velit, certo ſcire, minus eam ſibi rem ex ſententia ſucceſſuram, quam invitus ſuſcipiat, & injucundam exiſtimet; & multa præterea à natura impediementa habere ſe, ſibi ipſe ſit conſcius: nam & blandiri ei qui poſſit, quem fortaſſe minus aut probet, aut diligat, pudore ſeſe quodam ingenuo impediri; & exiſtimationem ſuam vulgi voluntati, comitorumque caſibus, & tanquam undis, quotannis commiſſam eſſe, propter animi quandam aut libertatem, aut, ſi quibus ita videtur, ſaſtidium, pati non poſſe; nullam autem omnino rem facilem eſſe, quam invitus facias. Scire ſeſe illam alteram honorum atque ambitionis incertam, ac periculorum plenam viam, plus fortaſſe utilitatis, plus apud parvi, anguſtiſque animi homines ſplendoris polliceri; ſed eam ſe ſequi malle, quæ plus veræ ſolidæque dignitatis habeat: ut enim fruſtuosos fundos parare utilius ſit: voluptarios autem, atque animi modo cauſa inſtitutos, honeſtius ac magnificentiſ; ſic, illam ambitionis rationem uberior in vulgus fruſtus fortaſſe ferre, hanc certe bonarum artium ac litterarum inſtitutionem, plus apud præclara hominum ingenia magnificentiæ, plus honeſtatis offendere: ac, ne multa, nihil ægrius factum eſt, multis filii contentionibus, multa contra patris, matris quoque Helenæ Marcellæ, primariæ faminiæ, caſtigatone, ſæpe etiam objurgatione, quam, ut ne ſingulari ac prope divinum Bembi ingenium, ad bonarum artium ſtudia atque ad has manuſciores miſas natum, vulgo atque imperitiæ multitudini proderetur: ſed pervicit tamen, ut, per parentes ac neceſſarios, perque cives ſibi ſuos aliquid vitam in litteris agere, idque unum, reliſtis rebus, curare ſibi liceret. Sed paucis poſt annis dum ſeſe Bembus libris, litteriſque obruit, dum ſolitudines, reſeſſuſque ſibi pro ſoro, ſibi pro curia, proque comitiis

per summum otium, summamque tranquillitatem habet; Joannes Medices Cardinalis, is cui Leo. X. nomen postea inditum est, Pont. Max. Romæ creatur. Mos, consuetudoque Pontificum est, ut si quid publicæ privatæve rei incidat, quod proloato opus non sit, quodque secreto per litteras agi oporteat, si quando, aut regibus, aut civitatibus respondendum, aut si quid postulandum ab iis sit, si quid denique paulo majoris negotii implicitum cum aliquo est, id, quasi per familiares epistolas, transigant: eas litteras cera obducant; nam publicis decretis in plumbo signum est: eorum litterarum scribendarum negotium datur hominibus, ob scribendi prudentiam, atque elegantiam, eruditissimis; ob muneris, locique dignitatem, gravissimis atque honestissimis, ob autem rerum pondus ac magnitudinem, summa fide, summaque probitate præditis: ii magna cura ac diligentia conquiruntur, magnis præmiis evocantur. Eum Leo morem cum vehementer probaret, cumque ad dignitatem pertinere arbitraretur, diligentissimeque eum retinere velleret, sine ulla dubitatione Bembum accersiri, eique muneri, negotioque præponi jubet. Magnam in spem, magnam in dignitatem vocabatur Bembus: munificentissimus enim Leo, liberalissimusque & habebatur & erat: ipsi autem res erat familiaris pertenuis; vix ut necessarios sumptus suppediaret, idque ipsum magno Caroli fratris, quem sui amantissimum, observantissimumque habebat, labore atque industria: confluebant præterea ad Leonis famam ac bonitatem, ut quisque in quaque excellebat arte, aut disciplina; ut propemodum homini erudito, Roma abesse, turpe esset. Huc accedebat reprehensores suos convincendi studium quoddam; cum quanti suæ illæ artes fierent, quas illi nulli rei esse dicerent, quasque, tamquam nugas ac dehramenta, sæpe Bembo objicerent, ostendendi magna data esset occasio: nec vero à suo vetere instituto, aut à litteris abduci sese propterea arbitrabatur, quippe, qui ad scribendum invitaretur, qua una in re omnis sibi cura atque opera posita semper fuisset. Proficiscitur Romam Bembus, cum annos natus esset tres & quadraginta; præponiturque epistolis Pont. Max. nomine scribendis; eoque in munere gerendo datur illi focus, & tanquam collega, Jacobus Sadoletus is, qui postea Cardinalis factus est. Scripsit eorum uterque eas epistolas cum plane Latine, quod ante id tempus neque acciderat ulli, nec adeo fieri posse ullo modo homines existimabant; ac, si verum quærimus, ne cogitabant quidem: nostri enim homines, sæpe etiam Transalpinae nationes, sic Latine scribebant, ut sæpe quisque civitatis tamen loquendi formam, consuetudinemque retineret; ac Latinis verbis, quamquam ne id quidem usquequaque, Gallicæ nihilominus, aut Italice, nescio quo pacto, loquerentur: sed ex epistolæ cum plane Latine à Bembo, Sadoletoque scriptæ sunt; tum vero summa à doctissimis, exercitatissimisque hominibus adhibita est elegantia, summaque dignitas; id quod ex iis libris intelligere licet, qui à Bembo editi, epistolas à se Leonis. X. nomine scriptas continent. Cum itaque Pontifici Bembus, homini nec natura hebeti, nec in scribendo rudi, cumulatissime satisfaceret, magno ab eo honore afficiebatur: tantum porro in illum suæ liberalitatis Leo contulit, ut, qui Romam pauper tandem venisset, suis ex fructibus Sest. amplius CXX. caperet, Pontificis plane beneficentia dives factus. Fuit ætas, tempusque illud humanitatis suavitatem nimiam.

prope

prope quadam perfusum; ut delectationum multarum studia seculi illius licentia; propemodum omnium permisso, concessa essent: nec enim ne voluptatum quidem quarundam blandimenta nimium severe aspernabantur; sed multa ad oblectationem, multa ad ludum data erant cujusque ordinis, cujusque ætatis hominibus: nec vero religioni habebatur, honestos, gravesque homines in hortis viles esse; aut paulo liberiore in convivio, symphonia cum caneret, & mulieres accumberent, interfuisse quamquidem sæculi illius nimium plane profusam hilaritatem, eorum temporum, quæ sequuta sunt, tristitia, vehementer corripuit, magnoque opere castigavit: quo magis vereor, id, quod dicturus sum, ne multis secus, atque est, de Bembo, existimandi aliquid det loci. Sed quoniam nobis susceptum id est, ut de illius vita, non de laude, dicamus, ne hoc quidem reticendum nobis esse arbitrati sumus. Ac sit fere, ut mores, consuetudinesque locorum, aut ætatum, pro ratione sibi, proque disciplina homines habeant: denique, quod fieri vident, licere putant; atque id, quod in præsentia minus reprehenditur, in posterum quoque tolerabile, concessumque fore arbitrantur, atque omnino apud omnes gentes, etiam, quæ natura gravia sunt, fieri consueverunt moribus leviora. In ea igitur morum, sæculique licentia, eximia forma mulier quædam perpulisse Bembum dicitur, neque, diu resistentem, continere eum se à lapsu potuisse, præsertim qui nullis dum sacris initiatus esset: verum ea, ut temporibus illis lapsio, ut hac ætate fortasse lades, eum habuit eventum, ut magno, si modo naturam audire volumus, fructu compensaretur: suscepit enim ex ea muliere liberos tres; qui ut nominentur à me, res propemodum postulat, nec ipsi nolunt; Lucilium, Torquatum, & Helenam Bembam, firminam lectissimam, quæ cum Petro Gradenigo primario adolescente nupta est: cui etiam liberos ex sese peperit totiusque orbis terrarum præclarissimam civitatem civibus nobilissimis auxit: ut, si qui sunt, qui in eo Bembum gravius accusandum censeant, meam illi quidem ad suam sententiam adscribant licet: sed ii tamen se meminerint id improbare factum, quod infectum esse, optare certe non audeant. Nec vero in litteris modo scribendis Bembi fidem atque eruditionem Leo periclitatus est; sed etiam in rebus agendis hominis prudentiam, sollicitamque plurimum adamavit, itaque cum conspirare adversus Galliarum regem cum Cæsare Maximiliano, cumque Hispaniarum rege catholico, ita resp. temporibus postulantibus, cogitaret; misit de ea conspiratione Bembum ad Venetorum senatum, qui eam magnopere civitatem hortaretur, uti à Gallorum, quibus cum consenserat, amicitia discederet, ac sese cum Pontifice reliquisque conspirationis auctoribus, ducibusque sœdere & societate conjungeret. Habita est à Bembo in Venetorum senatu ea de re oratio pergravis sane perque vehemens, quam etiam scriptam reliquit: perlegant eam nostri homines; nihil Italice scriptum, gravius ornatiusve ea oratione, dicent esse. Tenebatur præterea impendio magis Bembus studio signorum antiquorum, idque genus rerum reliquarum, credo, quod eam pulchritudinem, ordinem, partium convenientiam, quam mente atque animo in scribendo unus cereret præ ceteris, iis etiam minus liberalibus in artibus cum propemodum agnosceret, paulo magis commovebatur, atque omnino fingendi pingendique artem poeticæ ex altera parte ajunt respondere:

illa enim animorum, hæ sensuum mulcendorum magistræ: quam quidem ingenii doctrinæque causam, ii, qui nostra ætate eousque harum rerum cupiditate efferuntur atque insaniunt, magno ut propterea ære in alieno sint, cum asserre homines sine ingenio, sine litteris, non possint, quam morbi furorisque sui rationem allaturi sint, ipsi videant: quid enim attinet, cum animum partim per se, vique sua turpem rudemque, partim malevolentia, invidia, perfidiaque inquinatum gererent: domum modo atque hortos, villasque tot verforis faciendis, tot frustrandis, fraudandisque creditoribus, affabre factis signis ex marmore, aut ex ære ornatas habere.

Cumque in dictis factisque honestatis faciem nunquam, ne insonnis quidem, apexerint, decorem pulchritudinemque tanto in ære ac lapidibus opere adamare? equidem nec domum, nec villam, nec vero oppidum umquam, non modo exornatum, sed ne satis quidem mundum dixerò, ubi illi cum ea seditate, cum iis animi fordibus habitent. Nam siqui sunt, qui talium rerum intelligentiam, tamquam suæ, in reliqua vita, munditiæ atque elegantiae, aut reclarum artium, in quibus ipsi excellant, corollarium quoddam adferant, id quod in Bembo usu evenerat, iis non modo suscensendum non est, sed etiam gratiæ habendæ sunt: at, qui omnium disciplinarum expertes, in omni vita rudes atque agrestes, hujus unius studii commendatione nitantur, aut in eo non virtutis quasi appendiculam, sed tamquam vitiorum ac scelerum suorum, ut ipsi sperant, integumentum, ut ego interpretor, additamentum quoddam, quærant; ii non modo acriter vituperandi, sed etiam vehementer illudendi sunt. Sed cum tenui Bembo valitudine atque imbecilla esset, cumque noctu magnis lucubrationibus, magnis vigiliis scribere necesse haberet; nam interdiu, cum à Pontificis latere discedere vestigium vix liceret, cumque multi audiendi, salutandi, deducendi, honestandique, ut Romanus ferebat mos, essent; relinquebatur otii nihil: gravem diuturnumque in morbum incidit; ex quo cum ægre ac difficulter convalesceret, nec recreari reficique videretur posse, de medici consilio, ipsius Pont. hortatu, cæli mutandi causa, Patavium petiit: atque eo anno Leo moritur. Incredibile dictu est, quanta animi alacritate, quantaque lætitia Romanis laboribus, eurisque liberatis, longa sane, annorum novem, ipsorum intermissione facta, optatum ad otium studiumque suum vetus sese Bembo receperit; nullum ut urbis urbanarumve rerum, aut deliciarum desiderium in eo resedissee, liquido appareret. Et vero eos, qui à pueris, bonarum artium studiis dediti, ætatem egerunt in litteris, mordere in adolescentia interdum solet, quod à rebus agendis abstint: quod si casus eos forte aliquis ab otio ad agendum evocaverit atque traduxerit, nã illi rem totam, quam, incognitam dum haberent, admirabantur, expertam atque perspectam, præ suo vetere studio, contemunt, quid enim in se continet, quod magnopere aut laude, aut etiam appetitione dignum sit, præclara ista agendi solertia? si modo rem inspicimus, ac speciosa illa vocabula, communitas, utilitas, salus hominum, paulisper ab hac disputatione facessant, rogamus: qua enim tota in re non ratio, sed, maximam partem, fortuna dominatur, quamque non prudentia, sed plerumque (non enim libet semper dicere) malitia, regit; quid aut gloriæ, aut jucunditatis inesse possit? quasi enim cum ludas tesseris, neque

contra

contra ejus ludi formulam ut venias, adversarioque ut fucum facias, animum inducere velis, si te is, quicum ludas, contra sine ulla dubitatione circumveniat, atque decipiat, numquam tu tantum scientia atque artificio profeceris, ut cum illius dolo atque fallacia certare possis; sic in hominum vita hac, & tamquam alea, cum viri boni, ut à justitiæ certa quadam præscriptione, ne latum quidem unguem, discedant, abduci sese nullis aut honorum, aut pecuniæ præmiis patiantur; alii autem vulgo fraude, præstigiis, sæpe perjurio, perfidiaque pugnent, vincitur nimirum simplicitas caliditate, ingenuitas impudentia, pudor molestia, fides scelere, veritas mendacio: itaque tardi, parumque efficaces habitus boni inter improbos, ludibrio sæpe sunt.

Careant igitur insigni hac rerum gerendarum laude homines litteris dediti, animo non modo æquo, sed etiam hilari; ac sic habeant, nihil fere honestati hominum, in vita hac communi, esse relictum loci; sed scelus pleraque, ac turpitudinem invasisse; quamquam, operam dare se reip. maximam plerique prædicent, eam omnem, communis rei simulatione, in sua quemque privatim utilitate augenda positam, occupatamque habere. Unos omnino excipio Venetos; Nam Christiana quidem res communis Romæ, non hominum consilio, sed dei immortalis mente, regitur. Unos igitur Venetos excipio, quorum præclarissima in rep. optabile statuam esse versari: quam quoniam peregrinis nobis non licet capessere; nec vero ea civitas, post hominum memoriam, prudentissima ac fortunatissima, nostræ, aut cujusquam opis eget, illam, utpote libertatis arcem, prudentiæ gymnasium, justitiæ domicilium, veneremur: otium autem hoc ignobile litteratum, adolescentes senesque retineamus. Quam quidem Bembus prudentiam studio ac voluntate hujus sententiæ auctoribus præclare emensus, re atque exitu ad extremum usque præstare non potuit: nam, cum Patavii multos jam annos esset, in civitate quietis ac tranquillitatis plenissima, ab omni contentione, ambitioneque longe ac multum remota; cumque omnem curam, cogitationem, operam, ad ea studia, quæ à puero adamasset, celebranda, contulisset, vel in iis jam consumpsisset potius, magno quodam casu clementem illam vitam, quietam, tranquillamque prope jam decurso spatio, atque ætate jam fere exacta, recusans atque ingratis coactus est mittere. Erat Romæ temporibus illis, vir summus atque clarissimus, singulari prudentia, admirabili animi magnitudine præditus, Alexander Farnesius Cardinalis, qui Paulus III. appellatus est, qui, simulac Pont. Max. factus est, exemplo tanto imperio ac potestate accepta, ut initium rerum, actionumque suarum ab illustri aliqua laude duceret, faciendum sibi esse existimavit, ut qui quaque in civitate, quibusque in terris homines essent, illustri quadam aut pietatis, aut prudentiæ, aut doctrinæ laude, celebrati, illos ultro ipse, eam dignitatem haudquaquam petentes, ac ne tale quidem quicquam suspicatos, amplissimum in Cardinalium collegium cooptaret. Ea re sperabat cum pontificatu, collegique, tot clarissimorum hominum accessione facta, auctum iri majestatem; tum, specimen se quoque suæ virtutis maximum cum dedisset, magnam de se famam, opinionemque esse facturum: itaque semel atque iterum, magna cura, magna adhibita diligentia, summos viros pervestigavit atque delegit, quibus.

quibus gravissimam illam dignitatem, nimio à plerisque opere sæpe frustra ac nequicquam expetitam, ultro mandaret: quo facto, opinione majorem est gloriam consequutus.

Sed, ut aliis ea res evenit, Bembo quidem perincommodè cecidit, quod suo ex otio, suæque solitudine dulci illa erutus, rursus in eam turbam, molestiamque senex raperetur, à qua, vix dum inclinata ætate, sese tamen cupidissime vindicasset: etenim cum præstantes denuo gloria viros Paulus conquereret, atque indagaret, quos in collegium legeret; occurrit in primis homini Bembo: is forte Venetiis erat. Gaudeo, gaudeo, optima post homines notos, atque amplissima civitas, cum investigaretur perquirereturque virtus, ad te iterum potissimum ventum esse, etenim cum bonorum, prudentiumque hominum res Christiana publica egeret; sumpserat à te scilicet, jam antea, Gasparem illum Contarenum, Italici nominis lumen; in quo, cum summa probitas, castimonia, moderatio, prudentia cum summa doctrina atque eruditione contenderet, ejus ipsius insignita pietate ac religione longe eæ laudes omnes vincebantur: ergo de tua magnorum virorum copia bis suppeditatum paucis annis rei Christianæ communi est: semel in Contarenos, iterum in Bembo. Ad eum cum Pauli missi Carolus Gualterutius Fanensis, vir apprime bonus, navisque & industrius, venisset cum diplomate, cumque ejus dignitatis insigniis, ille enimvero recusare ac deprecari, neque adduci, nunc demum ætate confecta, pati se posse dicere, à quiete ac solitudine illa, quam unam, rerum omnia jucundissimam, antiquissimamque, jam inde à prima adolescentia habuisset; magnas tamen sese Pontifici, magnas collegio gratias agere atque habere; quod senectutem suam honorificentissimo de se judicio, clarissimoque decreto tantopere honestatam voluissent, cum in eo, multos jam dies, perseveraret, neque de sententia depelli posse videretur, nihil propius factum est, quam, ut Romam Gualterutius, re infecta, reverteretur. Non sum nescius multos fore, qui nostræ orationi hac in re parum fidei habeant: plerique enim omnes, quid de aliena voluntate credendum sit, de sua conjecturam faciunt: itaque incredibile multis visum iri intelligo, Bembo id vere atque ex animo alpernatum esse, quod omnes, fere summa cupiditate, expetendum atque optabile esse existunt; tamen scribimus hæc recenti hujus facti memoria, multisque, qui in agendo adjuverunt, superstitibus, quos, mendacii atque impudentiæ nostræ conficiis ac testes, habere, cur velimus causa nulla est. Sed quoniam par eorum peccatum esse consensum, qui mentiri in historia audent, atque eorum, qui dicere verum reformidant; mendacii speciem, verum cum dicturi essemus, non horruimus. Erat periuriosum futurum, respici tantam dignitatem, præsertim quæ non honoris modo splendorem, sed etiam muneris contineret officium: eam enim ob causam collegium dicitur Cardinalium à majoribus institutum, ut illi & adfuit Pontifici, & ad omnia reip. tempora præsto sint; ægerimeque laturus eam rem Paulus erat; quod minui Christianæ civitatis majestas, cujus ipse princeps constitutus esset, videbatur, atque ejus privatim & consilium condemnari, & auctoritas contemni, qui non beneficium modo Bembo à se datum existimaret, sed etiam onus quoddam officii pro sua potestate impositum: ut si de suo ille honore putaret sibi liberum esse recusare, dicto certe

te pontificis audientem non esse, in eo vero & collegium, quod sanctum esset, & Pontificem violari, itaque accurrunt ad eum undique amici ac necessarii; agunt, hortantur, obsecrant, si sua ipse gloria minus moveatur, gentis ac posteritatis tamen memoriam nomenque respiciat; ac tantam dignitatem in domum suam illatam ne ipse à sese abjudicet. Parum primo Bembus eorum moveri oratione; utpote qui eadem saepenumero audisset jam olim prope omnia, ac refutasset: ubi vero ad eum Petrus Landus adiit, qui civitatis, haud multo post, princeps fuit; qui unus apud Venetos magistratus amplissimus est, idemque perpetuus; isque longa atque accurata oratione cum eo agere coepit, cum ostenderet quantum ea re subditurus esset offensionis atque invidiæ; quam indigne Pont. Max. quam graviter omnem sacerdotem amplissimum ordinem eam ignominiam ferre necesse esset; eumque adderet numquam hæc, sine nutu atque consilio dei immortalis, accidere solere; diligenter videret, ne divino numini refragaretur; tum vero, animo sane suspensio ac perturbato, hominem Bembus in præsentia dimittit, rem in diem posterum differt; & quoniam religionem sibi iniieisset, diligentius deliberaturum sese pollicetur. Posttricis ejus diei, cum res homini in religionem plane venisset: fuit enim non versuta hæc, atque ad hominum opinionones captandas simulata, quam in multis videntur, rugis supercilioque horridam, tristitia; sed, vere atque ex animo, pietatis colentissimus; proximum in sanum mane ingressus est. Erat tum forte sacerdos ad aram, atque historiam de his, quæ à Christo dicta, aut gesta in terris sunt, quod evangelium appellamus, clara voce, utrimos sacrificium facientibus est, cessari inceperat: vix dum pedem in templum intulerat Bembus; ac sacerdos Petre, ait, sequere me, ea vero illi vox, dei prope ipsius ore mitti, visa est. Itaque, cum omnem ex animo dubitationem sustulisset, quasi dei accitû, Romam proficisci statuit, magnus sit ad domum ejus omnium hominum atque ordinum concursus, frequens gratulatio, maximus totius civitatis plausus, ille vero, paucis post diebus, silvas, recessusque suos, in quibus placatam, tranquillamque vitam prope omnem traduxisset atque exegisset, crebro appellans, atque identidem respectans, Romam ire perrexit. Vere hoc dicere possum; sic homini hoc discessu hilaritatem prorsus excusam, ut ejus pristinam jucunditatem, suavitatemque amici, familiaresque ex illa die desideraverimus, atque, in omne tempus amissam esse, doluerimus. Cultus est Romæ Bembus cum à bonis plerisque omnibus Contareno, Sadoletto, Cortesio, Morono Cardinalibus amplissimis, hominibusque eruditissimis; tum verò præcipue à Reginaldo Polo, homine, dei immortalis, dubio procul, beneficio, ex ultima usque Britannia ad nos vecto, vel de cælo potius; si modo dictu fas est, lapsus; cujus de laudibus, quamquam de tam præclara ac plane divina virtute nemo satis digne umquam loquatur, alius mihi profecto dicendj locus dabitur, hoc certe haud facile in præsentia disjudicare audeam; plus ne eam, insulam, multis vulneribus Christianæ reip. per summam impietatem insidigens, nocuisse dicam? an, quod in illo solo talis, tantusque vir ortus & procreatus sit, unde vere, planeque Christianæ pietatis, vitæque exemplum petere mus; profuisse. Is igitur cum Bembo familiarissime vixit; cumque senis optime multas, magnasque animi dotes maximi fecit; tum vero apertum,

simplexque:

simplexque hominis ingenium, suæ ipsius voluntati atque naturæ consimile ac par, plurimum semper adamavit. Sed, cum diligentissime Bembus coleretur à multis, summo etiam à Paulo honore afficiebatur; tantaque apud eum fuisse gratia dicitur, ut nullam unquam rem ab eo postulari, quin perfectum, atque abstulerit: sed enim hoc non solum auctoritatis, gratiæque fuit, sed etiam moderationis & pudoris. Tum ea erat Bembis, in dicenda sententia, libertas, ea simplicitas, eaque in omni vita clementia atque ingenuitas inerat; ut, si ante cum Paulus mortem obisset, quod natura postulare videbatur, aliquot enim annos illum Paulus antecessit ætate, creatum iri cum Pont. Max. plerique compertum haberent. Sed, cum equo Bembus forte veheretur, paulum in ostio ad parietem latus offendit; qua ex plaga, homo senex ac debilis, in febriculam incidit; atque ex ea, cum sensim extenuari, conficique se intelligeret, cumque mortem multos dies quasi præstolatus esset, animo non modo forti, sed etiam æquo; ut de sua illa migratione cum amicis interdum etiam jocaretur; diem suum pie, sancteque obiit. Cultus erat jam pridem omni officio Bembus ab Hieronymo Quirino Isnerii filio; homine partim genere ac nobilitate, partim fide, munificentia, humanitate, morum suavitatem ac dulcedinem, clarissimo. Is illi statum mortuo posuit nobili artificio factam ex marmore, atque eam celeberrima Antonii in æde Patavii locavit; inscripsitque in basi in hanc fere sententiam: propterea ea se illam statum Bembo statutam, atque in publico positam esse, ut cujus animi similitudo orbis terrarum cerneret, ejus ne corporis quidem desideraret imaginem.

Fuit omnino perpolitum Bembis ingenium, perque acre; maximeque perspicax, acutumque judicium; plurima in alios, in se nimium pæne multa inquirens; in seligendis, collocandisque verbis, multum ponebat operam, atque in ea re magnam cum prudentiam, tum vero etiam diligentiam adhibebat; hoc enim unum sibi persuaserat esse, quod in oratione novitatem, & quasi patris moribus conservatis, peregrinitatem tamen quandam effingeret; quæ, cum multum omnibus in rebus admirationis habeat, ob id ipsum plurimum etiam non modo dignitatis, sed etiam jucunditatis adferre solet. Ac profecto, quantum intelligere nos possumus, præclare hoc, quod difficillimum semper habitum est, Bembus præstitit, ut, cum minus fere usitate loqueretur, hujus speciem tamen effugeret, quod si qui sunt, qui vulgi opinione ducti, quotidianam hanc tritam, communemque dictionem in hominum eruditiorum, aut versibus, aut prosa oratione vel possulent, vel expectent, atque ob eam causam Bembis oratione, quæ à plebeo ac pervagato hoc tabernaculorum atque opificum sermone longe dissonat, minus delectentur; ii erunt ex eorum numero, qui de iis studiis existimare aut leviter, aut nihil possint. Cui quidem Cæsar, ut litteris proditum video, & ipse bene loquendi laudem, non populi consuetudine, sed multo studio, multisque litteris; & iis quidem reconditis & exquisitis, assequutus est; & cum de ratione Latine loquendi ad Ciceronem ipsum accuratissime, pluribus quidem libris, scriberet, verborum delectum, originem dixit esse eloquentiæ. Jure igitur Bembus, majore quadam cura, in verbis eligendis torquebatur, præsertim cum Etrusce scriberet: itaque nova, splendida, decoraque ejus in primis varia est: parum enim fidei consuetudini semper habuit; quod ea partim varia atque

inconstans

inconstans, partim etiam vitiosa atque corrupta esset; &, quoniam ne Romanum quidem, nec adeo Athenas illas ipsas Atticas, quibus temporibus eloquentia maxime floruit, diutius tenere illud potuisset scriptum legerat, ut ne barbarie earum infuscaretur, atque inquinaretur oratio; repudiandum sibi hunc sermonem, qui nunc est, statuebat esse; atque cum, qui fuerat in Etruscis olim hominibus purus atque emendatus, cum minus dum exterarum nationum in Italiam confluxerat, addiscendum: qui cum illi non de populo, futili inanique doctore, discendus esset; sed e veterum libris, gravissimis auctoribus, percipiendus; illud etiam eadem opera adsequebatur, ut ejus, dignitatem, gravitatemque haberet oratio: nam quotidianus quidem, vulgarisque hic hominum sermo, è sordidis artibus maximam partem ductus, multum ex officina, multum è taberna, è sellaque redoleat, necesse est. Sunt igitur Bembi de ratione Etrusce loquendi libri tres, in dialogo mirabiliter scripti; quibus profectio effectum est, ut, quod homines Etrusce loquantur, non bonæ modo jam consuetudinis sit, quam tamen fluxam atque instabilem videmus esse, sed jam etiam scientiæ ac rationis, quæ mutari nullo modo possunt: quamquam video non deesse, qui, cum cogitandi laborem ferre ipsi aut nolint, aut etiam nequeant, Bembi scripta non tam expurgata, quam religione nimia prope quadam attenuata esse contendant. Sed sit sane suus cuique modus: difficile est enim, in omni re statuere quatenus: & tamen, si cum aliorum libris Bembi scripta conferantur, facile judicium erit: mihi quidem ejus oratio vehementer probatur: non modo, quia elegans, nova, splendidaque est, &, ut ita dicam, nobilis; sed, quia est etiam, Iſocrateo prope modo, uber atque ornata. Sunt etiam ejus versus Etrusce scripti, & quidem permulti, graves atque pleni, ut hanc quidem laudem, si modo nos de iis rebus existimare aliquid possumus, Bembo à ceteris omnibus concedi, necesse sit: in iis est carmen de Caroli fratris morte: videor mihi hoc vere affirmare posse, neminem unquam tam plane, tam ornate, tam dolenter quemquam luxisse, atque illis Bembo versibus fratris obitum lamentatus est. Scripsit præterea volumina epistolarum aliquot: quarum paulo magis decoram video à nonnullis locutionem existimari, suum cuique omnino judicium; eamque ob causam difficillimum est, omnibus æque placere: nam, ut Theognis ait, laudatus à Platone poeta.

Οὐ γὰρ ἴσθ' ἔλθεις

Οὐδ' οὐκ οὐδὲν ἀνέστη, ὡς ἀνίσταται.

Mihi quidem, cum has epistolas cum iis, quæ à Græcis, Latine scriptæ olim sunt, contuli; valde hæc cum illis congruere videntur. Sed pollutas plerique lue quadam etiam nunc aures habemus; nec plane dum è vulgi sæce enatavimus atque emerſimus: paucos enim adhuc bonos auctores Etrusca habuit lingua, quibus lætitandis nostrorum hominum expoliretur, expurgareturque judicium. Itaque homines ornata, factæque orationis inſueti, nec pulchritudinem intelligunt, aut cernunt, & splendore ipſo præſtricti læduntur; præſertim qui in veterum Græcorum ac Latinorum libris usque adeo verſati, volutatique non ſint, ut illorum virtutes aut transferre ipſi in ſua ſcripta, aut in alienis agnoſcere non poſſint: atque Etrusce quidem à Bembo ſcripta hæc ſunt. Latine vero de Ætna ad Angelum Gabrielem ſcripſit adoleſcens;

lescens; quem video libellum illi postea Seni non valde probatum fuisse: de Virgilii Calice, & Terentii fabulis librum unum: de Guidobaldo Fere-
trio, atque Elisabetha Gonzagia ad Nicolaum Teupolum librum itidem
unum, qui valde doctis omnibus probatus est; à Gabriele quidem Faerno,
homine cruditissimo, atque hujus generis acerrimo existimatore, in cælum
fertur. Sunt etiam Bembi, præter eas epistolas, quæ Leonis nomine ab eo
scriptæ sunt, suarum quoque privatim epistolarum volumina; ac seorsum e-
pistola de imitatione ad Joannem Picum, libri prope instar, sane perlegenda,
sunt prætera ejus versus Latini multi, dulces, elegantisque; ut me quidem
æque propemodum, ac veterum illorum poetarum scripta, delectent, scripsit
etiam magna cura, magnæque assiduitate civitatis suæ historiam, nudiuscu-
lam illam quidem: est enim unum Cæsarem imitatus; sed puram in primis
atque illustrem.

GASPARIS CONTARENI, VITA,

Auctore Joanne Casâ, qui & Petri Bembi vitam scripsit.

CUM PERMUL-TUM INTER LAUDATIONEM
atque historiam interesse oportere facile intelligerem; propterea
quod illa virtutis modo præconium quærit: hæc veritatis in ut-
ramque partem testimonium continent; sæpe mihi de GASPA-
RIS CONTARENI vita cogitanti veniebat in mentem, vereri, ne,
si eam litteris mandassem, laudare me hominem magis quam, qui ejus vitæ
cursus fuisset, narrare voluisset, multi arbitrantur, qui cum commemora-
tum à me de illo nihil viderent, quod esset à laude sejunctum, quæ reprehensionem
habitura fuissent, dedita opera à me prætermissa esse existimarent.
Sed cum laudatoris sit, de cujus laude dicit, ejus bona verbis amplificare, ali-
quid etiam alieni asingere; vitia oratione attenuare, aut etiam silentio
præterire; in altero facile præstare possum, ut hic meus commentarius plu-
rimum à laudatione dissentiat: nec enim sermone nostro Contareni virtutem
augere conandum nobis est: in altero, ut de ejus vituperatione indicem ni-
hil, non eos, sed res ipsa laudationi persimilem narrationem nostram effi-
ciet. Quod si qui erunt, qui cum plus de aliena virtute prædicari sentiant,
quam quantum de sua ipsi sibi polliceri soleant; aut ægre id ferant, aut ora-
tioni meæ fidem non habeant, ii sic cogitare debebunt; dici hæc à nobis de
eo, qui jam non fit: quique cum suæ civitatis probis viris omnibus, tum alia-
rum gentium, exterarumque nationum clarissimis quibusque hominibus notus,
beneque cognitus fuerit, quorum cum magna pars sit superstes, nulla nobis
causa.

causa est, cur de mortuo mentientes, tot vivorum, illustrium præsertim hominum, vanitatis impudentiæque nostræ testimonia colligere velimus: clarorum autem virorum laudibus, favere potius quam obtrectare omnes debent, mihi certe aut de Contareno tacendum fuit: aut de eo, ni mentiri fore maluissim, cum laude dicendum.

VENETORUM Civitas optime morata, optimeque constituta est: id ex eo intelligere licet, quod una temperatione, unis legibus, sine ulla seditione, sine ullo intestino malo, annos eorum respublica amplius mille nunc: quodque à parvis initiis profecta ad eam opulentiam atque ad id imperium, quod videmus pervenit: complures urbes, easque magnas atque florentes, socias vestrigalesque habet: Corcyræ, Cretæ, Cypri, multis magnisque insulis, transmarinisque provinciis dominatur. Classem instructam paratamque habet, quantam nullus rex, nullæ nationes valeant comparare. Ea civitas una omnium, de quibus memoriae proditum sit, libertatis æqualitatisque maxime amans, maximeque retinens est: quippe quæ durissimis quondam Italici temporibus, servitutem fugiens, è continenti sese in undas æstusque coniecit; fortunisque omnibus relicta, unam modo secum extulerit libertatem, atque in ea tuenda tot sæculorum spatium versata, studium voluntatemque, usu etiam atque exercitatione corroboravit. Itaque libertatis fortasse nomen alibi quoque gentium invenias; libertatem ipsam puram atque incorruptam, ab omni metu vacuam, utinam aspicere in aliis civitatibus, utidquondam fuerat, Deorum nobis beneficio aliquando liceat. Illud salutare institutum mordicus à Venetis retentum est, ut reipublicæ attingenda præterquam iis, qui initio in civitatem convenerunt, quique germani Veneti & tamquam Aborigines sunt, potestatem præterea facerent nemini; nisi siquidam deliberata re, bene de republica meritis, ejus urbis inquilinis, aliisve quibuscumque, id jus nominatim ad hodiernum diem concessum est. Ex eo igitur priscorum genere civium Aloisius Contarenius fuit, cum prudens paterfamilias & locuplex, tum præstans senator & nobilis: atque is Polyxenam Malipetrium in matrimonio habuit, sœminem primariam; ea, cum aliquot jam peperisset pueros, neque ii diutius viverent, ad amicas æqualesque dicitur rursus prægnans retulisse; à quibus, ut sunt pleræque mulieres religiosæ, admonita esse dicitur; uti qui natus esset puer, ei nomen imponeretur unum ex iis nominibus, quibus vocati ii reges sunt, qui ad Christum Deum nostrum parvulum ac lactantem venerunt: fore enim ut vitalis esset. Cum salva igitur paucis post diebus peperisset, puerum nominari G ASPAREM jussit, qui primus ejus familiæ hoc nomine appellatus est. Is ubi adolevit magna in eo ingenii indoles erat, magna ad litterarum studia propensio: itaque facile Aloisius pater, consilium, quod de puero ceperat, mutavit: mercaturis enim illum faciendis, reique augendæ, quippe cui multæ atque amplæ multis in locis res rationesque cum multis essent contrariæ, scilicet natum maximum Venetiis destinaverat: est enim fere in liberis civitatibus, mercaturis rem quærere, nobilitati quoque non modo non turpe, sed, si bono modo fiat, etiam honestum, verum ubi pueri ingenium naturamque, majus quiddam spectare atque polliceri intellectum est, consilium illud de mercatura funditus pater abiecit; neque ulla in re filii voluntati ac studio

defuit. Is ubi quod satis esset operæ Antonio Justiniano, Laurentioque Bragadeno Venetis visus est dedisse: nam ii publice à civitate constituti erant, qui juventutem in dialecticis, atq; in philosophia erudirent: Patavium profectus, Petro Pomponatio Mantuano, magno nobilique philosopho, in disciplinam sese tradidit. Erat in adolescente naturæ vis peracris illa quidem, &, ut mihi videbatur, peracuta, sed tamen nescio, quo modo, magnitudine & firmitate potius præstans; &, quod maxime rem continet, ad sapientiæ studia accommodatum & tanquam philosophum inerat ingenium, memoria omnino valebat plurimum: huc accedebat animi ac victus vitæque totius constantia quædam, ut, quam semel instituisset rationem, de ea non desatigatione, non pistricia, non voluptate depelleretur. Opinio est in omni vita re venerea illum omnino usum esse nunquam, defixa mens scilicet in eo studio, cui se ab ineunte ætate dederat: eoque capta atque alta, nihil præterea concupierat, itaque celeriter assecutus est, ut æqualium magister, grandiorum natu magistrorumque tanquam æqualis, & compar haberetur, certum temporis spatium, horarum sane haud amplius trium, meditationi & bibliothecæ attributum, & tanquam, sepositum habuisse dicitur, cui temporis nec unquam quicquam detraheret nec fere adderet; qui reliquærat dies in congressionibus amicorum, colloctionibusque consumebatur: eæ de litteris scilicet erant, ut in suo studio, ne cum vacare quidem videretur, cessaret. Idque ipsum, nihil agens, ageret tamen urgeretque propositum, & tamen animum à contentionibus relaxaret. Illud etiam narrari nobis ab eo ipso meminimus, cum diceret nunquam se in omni adolescentia commisisse, ut mane aliquid postridie aggrediretur edificare, quin prius ea quæ pridie percepisset, diligentissime reminiscendo recordatus esset: vitandam enim afortorum consuetudinem aiebat, qui crudi sese tamen ingurgitant, quoque magis cibo replentur, oneranturque, minus virium, munus valetudinis habent; in eo igitur cursu, cum sedulitate magis quam contentione, aut labore, admirabiles progressus efficeret: atque eos, qui in eodem curriculo erant, longo intervallo antecederet, mortem Aloisius pater obiit. Duodeviginti ille annos natus erat eo tempore. Liberos autem, magnum sane numerum, filios septem, quatuor filias, præterea magna cum multis contracta implicitaque negotia, Aloisius reliquerat. Atque odiosum omnino negotium est homini in cogitationis ac doctrinæ studiis occupato, familiaris rei procuratio; ut minus mihi mirum videri soleat, Democritum, nobilem quondam philosophum, ut ea cura, eoque impedimento liberaretur, omnes fortunas suas, sicuti litteris proditum est, abjecisse. Verum tamen quanquam invitatus ac mærens discedebat à litteris, tamen Patavio profectus est: atque eandem illam animi moderationem æquabilitatemque adhibens, fratribus partim in Apuliam, partim in Alexandriam (ibi enim magnas societates Aloisius pater habuerat) distributis, partim Venetiis relictis; bene domi constitutis rebus Patavium reversus est: studiumque haudquaquam longo intervallo à se intermissum, cupide renovavit, in ea urbe doctissimorum hominum plena, ac liberalibus artibus affluenti, aliquot annos commoratus est: cum in principibus jam philosophis numeraretur, atque ejus nomen plurimum indices increbresceret: Atque hoc loco postulari exigique à

nobis.

nobis arbitrati sumus, ut, qui ejus progressus & quale tanquam iter ad percipiendas fuerit disciplinas, demonstraremus. A primis igitur dialecticæ elementis profectus sic omnem philosophiam perlustravit, ut illius singulas tanquam oras non videret modo atque inspiceret, quod plerique facimus, sed in unaquaque etiam illius quasi regione commoraretur, & habitaret, itaque illud affectus est, nihil in ea ut arte, ita copiosa & magna atque varia, tam esset magnum atque arduum, aut tam minutum atque parvum, quod ejus aut diligentiam lateret, aut fugeret intelligentiam: nihil autem tam abstrusum aut reconditum, quin promptum illi expositumque, quamvis subito esset atque ex tempore. Ejus nos rei permagnum quondam specimen cepimus: nam cum Florentiæ forte essemus, qua ille Roma profectus, iter in Germaniam habebat ad Cæsarem, erant in ea urbe, cum alii complures in ea philosophia, quæ de natura est, docti atque exercitati, tum duo præter ceteros Petrus Victorius, & Franciscus Medices, quorum erat utriusque & natura admirabilis & exquisita doctrina; tum studium ardens in utroque ac peacre vigeat, flagransque & singularis in utroque industria: sed alterius breve tempus doctrinæ augendæ & declarandæ fuit; Victorius qualis vir, quantumque jam tum esset, ea, quæ nunc est ejus doctrina, librique ab eo editi declarant: ii per eos dies ad Contarenum sane ventitabant, à quo nos quoque non fere discedebamus: hoc affirmare possum, cum omnis inter eos sermo esset de physicis, nullius rei mentionem esse factam à summis illis viris, ingenio præstantibus, animo vacuo, otio abundantibus studio incensis, tempore paratis, à bibliotheca & litteris recentibus, quin eam Contarenum, & memoria teneret, & intelligentia comprehensam haberet, & oratione tam facile explicaret, quam quæ facillima sunt. Præstabat id non tam credo memoria, qua tamen valebat, ut antea dictum est (natura enim quoque plurimum ille excellenti fuit) quam ipsa, via ac ratione percepta, doctrina: sic enim eum ipsum dicere solitum esse accepimus. Non modo certam artium multarum inter se quandam naturalem esse dispositionem, ut aliam alia suo quæque loco deinceps tanquam subsequatur, & cum priori posterior quasi roagmenetur: sed unius quoque ejusdemque cujusvis scientiæ si quis ordinem & tanquam feriem conturbaverit atque resciderit, ad exitum perveniri non posse: magnoque in errore versatos, superioris ætatis homines ajebat esse, qui multa properantes transilirent; aut ullam artem edificere se posse dissipatam arbitrarentur, aut mutilam atque hiantem: ambutatis enim interfecissisque disciplinis progredi perveniri ad scientiam non magis posse, quam interruptis iter pontibus confici. Unum autem omnino sibi comitem ac monitorem ad Aristotelis iter, multis sæpe obstructum difficultatibus, Thomam Aquinatem asceverat, hominem non contentionis, sed veritatis amantem, qui & subtilitatem habeat, nec ultra, quam par est, progrediatur acumine; atque idem articulatim partiteque ac distribute doceat; doctus etiam Græcis Latinisque litteris erat. Poëtas, Homerum, Virgilium, Lucretium, Horatium lectitaverat atque didicerat. Itaque cum non artis faciendæ, sed eruditionis liberalisque doctrinæ fruendæ causa, philosophiæ se dedidisset, omnes tamen artifices, magistrosque omnes, non scientia modo, sed fama quoque & celebritate facile superabat. Erat hominis vita atque victus non tam excultus atque:

atque expolitus, quam cum gravitate quadam simplex, ac lenis, placatusque; oratio inculta illa quidem atque inornata, sed hoc ipso, quod omni careret fuco elegans, ac cum auctoritate. Nulla mollities, nullæ, ne in adolescentia quidem, animi aut corporis delicæ; sermo nulla assentatione suffusus, nulla animus malevolentia infuscatus. Et cum festivitas leposque haud magnopere adesset, aberat etiam rusticitas atque tristitia. Quin etiam hoc ab eo dici memini; devorare sese certorum hominum (qui in aliqua vitæ parte claudicaret) incommoda, aut etiam vitia solere, simulac de bonis, quibus illi excellenter, aliquid degustasset. Ac cum Galeatius Florimontius, qui nunc Suevæ episcopus est; vir cum omnibus honestis artibus perpolitus, tum præcipue castus atque integer, tum religione ac pietate in primis incensus; in notandis autem reprehendendisq; amicorum vitiis unus omnium maxime acer ac liber: castigatior nonnunquam etiam subamarior, atque is à Contareno in fratris locum diligebatur. Cum ille igitur nobis audientibus nequire se satis mirari diceret, illum, qui omnium esset mundissimus ac sanissimus, cum hominibus quibusdam, quos ipse appellabat, id, quod nobis minime necesse est, qui turpitudine aliqua, tamquam morbo, adfecti atque inquinati haberentur, tam sæpe consiliari. Quæ ille cum sane commotus ac stomachans diceret. Quid nos, inquit Contareno, nunquamne absinthio aut scamoneæ radice curari nos patimur? Quid ni? inquit ille. Ergo inquit Contareno earum potionum exorbeamus sapores tæterrimos, ut succo epoto, illius juvenum vi saluari, horum vitia, siqua sunt, non devorabimus, & tanquam amaritatem perferemus atque exorbebimus; ut illorum tanquam vescamur virtute, atque alamur bonis? quid autem ipsis nobis fiet, si amandum statuerimus, nisi qui perfectus absolutusque fuerit, esse neminem: laudare se, quod in quoque probaret, libenter agebat, quod reprehenderet, vituperare non se necesse habere. Hanc animi æquitatem, hanc tam præclaram maximarum artium doctrinam, alia longe iis majora bona decorabant. Summa integritas, summa innocentia, pietas, non hæc quæ facie, motu, amictu commendatur, quam in multis cernimus, simulata, & specie, atque oratione hominum opinionem captans, sed solida, nuda, sinceraque, in mente atque in animo inerat, quibus ille rebus instructus, cum magnum ejus esset nomen, magnæque non solum laus, sed etiam admiratio, aliquanto citius quam constituerat Patavio decessit. Nam cum omnis, prope dixerim, terrarum orbis eo tempore contra Venetos conspirasset, tæterrimumque ei civitati bellum intulisset, afflictis Venetorum opibus, Patavio ipso obfesso, nec multo post amisso, maturius omnino, quam in animo habebat, invitus, nondum discendisti scilicet expleta, domum sese recipere coactus est. Erat ejus ætas nondum firmata, ut reipublicæ operam navare posset: itaque in iis sese studiis aliquot annos continuit, cum ejus domus tanquam bonarum artium gymnasium quoddam ab iis, qui doctrinæ desiderio tenebantur, frequentaretur. Verum tamen ad rempublicam ubi primum accessit, ejus ingenium, quod de Hortensio est memoriz proditum, tanquam Phidiaz signum, simul aspectum ac probatum est. Itaque cum tres & triginta tum haberet annos, à civitate ad Cæsarem Carolum hunc V. in Germaniam orator (sic enim Veneti appellant) est missus. Legationis munus magnam apud Venetos habet dignita-

tem, magnam ad summos honores magistratusque adipiscendos commendationem; sæpeque à multis una petitur, & in comitio suffragiis oratores magna ambitione creantur.

Gerebat illis temporibus in Italia bellum Cæsar cum rege Galliæ, cum quo illi antea quoque continentia bella intercesserant, atque cum eo Pont. Max. Leo. X. sese conjunxerat: cum rege Veneti conspiraverant, atque omnis impetus belli ad Mediolanum confederat; nam eam urbem Gallis Veneticisque defendentibus, Cæsaris ac Leonis copiæ oppugnabant. Ad eum, qui cum bellum suæ erat civitati, planeque ad hostem ire se Contarenius intelligebat, apud quem exploratoris, non legari locum obtinere eum necesse esset, atque ipsa res cogeret. Accedebat etiam quod Cæsaŕem quibuscum inimicitias exerceret, iis solere esse amariorem audierat: illisque maxime, qui Gallorum faverent rebus. Itaque animo sane commoto ad Cæsaŕem adiisse dicitur; nam & sponte ipsa sua verecundus, ingenuo quodam, quod tamen sine segnitia esset, pudore fuit. Verum eadem illa doctrinæ, castitatis, ingenuitatis, innocentia opinio, multo ante ejus adventum ad exteras quoque nationes perlata, Cæsaris illi animum voluntatemque conciliaverat; nam amare ille plurimum ingenuos apertosque hominum animos dicitur. Itaque ut semel in primo illo, qui ei cum Cæsare fuit, congressu, hilari vultu acceptus & comiter appellatus est, faciles ad eum deinde semper aditus habuit: & illo, quamquam civitati erat iratus, non modo pacato, sed etiam propitio usus est. Ac paulatim cum eam, quæ antea de se fuerat, opinionem magis ac magis indies confirmaret atque augeret, jam ipsi Cæsari non modo gratus, sed etiam familiaris erat.

Itaque cum certior factus esset, Gallorum Venetorumque copias in Insuŕibus fufas superatasque, Gallos ex oppido esse expulsos cæde & fuga suorum, qui eam rem nuntiarent Contareno misisse dicitur, atque iis præcepisse, ut de incommodo, quod Veneti accepiŕŕent, reticerent, neque illorum copias in eo prælio dicerent interfuisse: eam in illo sese corporis imbecillitatem aspicere, ut excruciaci eum illam noctem suæ tanta illa patriæ clade nuntiata nolit. In Hispaniam Cæsar constituerat reverti, neque per Gallorum fines, qua proximum erat iter, quod exercitum non habebat, ire poterat, itaque per Belgas profectus ad oceanum perrexit, atque ibi navibus confectis in Britanniam appulŕit, paucisque intermissis diebus rurŕum naves solvit atque in Hispaniam contendit. Toto hoc itinere eum Contarenius prosequutus est, cumque in Hispaniam pervenissent, biennium apud eum est commoratus, atque in ea legatione omnino quinquennio consumpto Venetias rediit. Cum illud re confirmasset, quod à Græcis quibusdam poetis mandatum versibus video: Magnam gratiosi nuntii esse utilitatem.

Nam cum omne id temporis spatium inimico inter se animo Cæsar & Veneti essent, ac fere continenter bello inter se contenderent: multa ille tamen ob eam, qua suo nomine erat apud Cæsarem, gratiam, obtinuit: multa suæ civitatis mandata consecit: magno quoque usui reipublicæ fuit: simulque illud est assequutus, ut multarum magnarumque rerum diuturna tractatione ac consuetudine; tot nationum naturis, moribus, institutis cognitis atque perceptis, magnam rerum agendarum usum, magisquam habere.

beret prudentiam. Itaque cum diligentiam, operam, curam, prudentiamque suam civitati mirifice probasset; absens & in senatum lectus est: qui honos Venetorum legibus non fere diuturnior anno & mensibus quatuor est: & quod olim, exiguis etiam tunc civitatis rebus, precibus rogandi erant, qui domesticis suis relictis negotiis, ad consilium de publicis capiendum convenirent. Rogatorum concilium appellatur: ejusque permagna & potestas est & dignitas; quippe cui omnis respublica permixta sit, vicissimque in hac civitatis amplitudine ac dignitate à clarissimis quibuscque civibus luminis opibus, summa contentione expetitur. Magnæ præterea auctoritatis est in ea civitate magistratus, cui ab eo nomen inditum est, quod præcipua, magna atque ampla procuratio demandata illi est, ærarii ac vedigalium, quæ in continenti, Veneti magna atque ampla habent; nam cum magistratum illi Sapientes terræ firmæ appellant, hanc quoque potestatem Contarenus statim renuntiata legatione; maxima totius civitatis voluntate, omnibus suffragiis adeptus est. Habuit de ea ipsa legatione, more majorum orationem in senatu uberem ac plenam, cum de Cæsaris ingenio, voluntate, institutis, opibus, copiisque disserteret; earumque nationum, ad quas adjisset, mores, leges, facultates, consilia exponeret: quæ cum ab eo distinctius scilicet atque eruditius dicerentur quam Venetorum hominum aures audire ad eam diem consueverant; tanta diligentia; tantoque silentio atque attentione audiebatur, ut vocis bonitas, qua ille sane exili fuit, non magnopere desideraretur. Non sum vulgi opinionis, judicii que nescius: arbitrantur enim philosophiam, hominum, vitæque hujus communis quasi corruptelam esse quandam: atque eos, qui in studiis cogitationis ac doctrinæ, paulo ulterius progrediente ætate versati sint, homines in solitudine atque in angulis educatos, curiæ lucem aspicere, aut in hujus civilis turbæ, ac fori strepitu & concursatione, & in rerum agendarum tumultu, & tamquam acie, sine magna animi titubatione negant ausuros esse consistere, hominum consuetudinis imperitos legum, morum, sermonum, voluntatumque ignaros, atque à communi vita et hominum sensibus, victuque longe multumque abhorrentes: sic vulgo existimant. Sed falluntur sane, multoque id aliter evenit. Nam, qui, tanquam inermes, ad prælium & pugnam; sic nullis aut levibus doctrinæ præceptis, quasi armis, instructi ad rempublicam accedunt, ii artem, quam facere intendunt, unam quidem omnium maximam ac difficillimam, reipublicæ patriæque periculo discere coguntur; atque ut in veteri Græcorum proverbio est, dolio faciendo figlinam aggrediuntur percipere: idque ipsum de malis auctoribus, magistrisque sane insciis atque improbis, vulgo & foro. Quamquam nobilitari homines iidem Græci in foro ajunt: qui si hoc sentiunt, virtutem, ut majore in luce posita locataque sit, ita magis magisque splendescere atque illustrari, ipsi sane videant, ubinam eam potissimum in bono lumine collocent: sin illud præcipiunt, à populo, bene vivendi rationem, tuendarumque civitatum disciplinam peti oportere, aut in foro cum reliquis mercibus expositam, virtutem vxnire, næ ego, mihi loco modo demonstrari, magno emere possum. Sed non est ita.

Nam sponte quidem sua, aut prudentiam hominum animus atque ingenia non magnopere gignunt; aut hujus nobis ætatis, tamquam sterilitas quædam vehet-

vehementer lamentanda est, quibus autem opinionibus imbutæ eorum mentes, & tanquam consistæ, ad temp. è populi disciplina, & quasi cultura prodire soleant operæ pretium est attendere. Nam ii, qui animum philosophiæ præceptis excoluerunt, regendarumque civitatum artem edidicerunt; neque timidi sunt, quod scientia earum rerum, quas quisque tradet, animum addere, non adimere solet; neque audaces ac temerarii, quod stultitia ac temeritas plurimum ab arte ac sapientia dissident. Reipublicæ vero gubernator ille de populo, nec ignaviam à verecundia segregare, neque præcipitem aut pertinacem civem sejungere à forte atque constanti magnopere novit, nisi usu demum atque experientia doctus, cum sæpe lapsus, sæpe deceptus multa in rep. offenderit, & civitatis periculo ac detrimento (ut antea à me dictum est) prudentiam didicerit. Philosophia autem, quæ vel maxime in effingendis, atque ad virtutem conformandis, hominum sensibus atque motibus occupata sit, & ut ut illi morati tandem sint, quemadmodum cum iis consistari non incommode queamus, vias rationesque tradat, neque ab hominum abhorret moribus, & qui sit optimus reipublicæ status, intelligit, & quibus artibus, inclinatæ ruentes civitates subleventur, tenet; & ad eas, quæ non optimis institutis ac legibus temperatæ sint, accommodari sese tamen non recusat: remediaque temporum, locorum, casuumque incommodis adhibet salutaria, eadem multa de hominum vitiis, quæque eorum cautiones sint præcipit, eadem qui, cuique arti, cuique fortunæ, cuique animi aut corporis affectioni, mores sensulque comitari soleant, commonet. Ad eam doctrinam tam fructuosam, tamque optimam ubi usus quoque atque exercitatio accessit, tum vero præclari illi ac singulares cives existunt: qualis vel in primis Contarenius sua in republica fuit: qui cum ingeniarum artium in gremio educatus & tanquam philosophiæ alumnus quidam, ad agendum descendisset, maximoque sibi usui ea præcepta, quæ olim imbiberat, esse intelligeret, suos cives hortari non desisteat, ut ea pervestigarent, quæ de naturis humani generis, deque rerum publicarum gubernationibus à philosophis explicantur. Nec vero occultabat hoc ipse de se; nam à principio, cum primum in senatum lectus fuit, sæpe factum esse aiebat, ut in suggestum ascendere, sententiæ dicendæ causâ, cum cuperet, ausus non sit; quod pudore quodam & rei insolentia retraheretur: eamque rem magno sibi dolori esse solitam; itaque in animo habuisse, nisi cum animi timorem ac verecundiam pervinceret, ad rem publicam posthac non accedere, suumque locum aliis concessurum, quibus ad dicendum animus non deesset: nec enim verum esse, fortibus ac strenuis civibus ab ignavis timidisque locum præripi: verum nihil necesse fuit, talis civis prudentia ac consilio temp. privari. Nam paucis mensibus, cum sese animo facile confirmasset, sic sententiam dicebat, ut neminem magis prudenter, magisque composito loquutum unquam fuisse constaret. Docere ille quidem verbis, quam maxime poterat, propriis, cum partite ac distincte, tum memoriter ac copiose, animos autem cum oratione minime conaretur impellere, auctoritate ipsa vehementer permovebat & fide, lingua celeri ac volubili leporem atque ornatum illum oratorium neque adhibebat, neque adhiberi æquum esse consuebat: animos enim civium inflecti atque incitari, quo maxime tempore sedatos rectosque eos esse oporteret, cum consilium capturi

de rep. essent, turpe atque inutile esse existimabat: eosque qui magno quodam conatu orationis vim ad sensus animorum & motus commovendos admovent; si id suæ privatæ utilitatis causa fusciperent, improbe; si reip. causa, arroganter sine controversia facere ajeant; quod tantum sibi sumant, ut non communi remp. consilio regi velint, sed suo; quamque ipsi probarent sententiam, in eam ceteros cives non adducere, sed compellere studerent. Eodem tempore Contareus Brixie præfectus renunciatus est, cum magistratum Capitaneum Veneti appellant: quo cum proficisci cogitaret: jamque impedimenta imposita in lintrem haberet, repente horribilis nuntius affertur; Romam à Cæsaris militibus captam, Pontificem Max. in arcem compulsum, urbem ipsam diripi ac vastari, quibus rebus Venetias nuntiatis, magnus subito cum dolor, tum etiam terror invasit. Itaque mutato consilio Contareus, cum vereretur aliis armis Brixiam egere, quam, quibus sese ipse assuefecerat, consilio atque auctoritate, eum magistratum recusavit, atque interim otium à rep.actus, studiis scilicet suis illis pristinis obsequabatur. Bellum, cum gravis hæc plaga accepta est, cum Cæsare Veneti, ac Clemens VII. Pont. Max. communiter gerebant; sed totius imperii summa tradita erat Franciscomariæ Urbinatium principi, quem illi ducem appellant; eum Veneti suarum copiarum seorsum ducem habebant; nam civem terrestres copias ducere, per leges non licet: ac cum deditione facta, Clemens jam complures menses in custodia à Cæsaris militibus asservaretur, cumque urbis depopulandæ, vastandæ, incendiandæ, modum homines feri ac barbari sibi statuerent nullum; cui rei Cæsarem, quod longe abesset gentium, cum maxime cuperet, negant potuisse occurrere: commoti rei indignitate atque acerbitate Christianorum principes plerique omnes inter se de Pont. Max. è custodia educendo conspiraverunt, ejus rei causa concilium Ferrariæ indictum est, quod Alphonsus Estensem, qui ejus urbis imperium, à majoribus acceptum, eo tempore obtinebat, maximi animi hominem, rei que militaris peritissimum, ad jungi sibi vehementer studebant: à quo cum propter consilium ac virtutem, tum propter oppidi opportunitatem, opes, bellicque instrumenta, quibus ille abundaret, earumque rerum omnium facultates, quæ ad bellum usui erant, multa, magnaque auxilia subministrari sibi ad id bellum intelligebant posse. Eo Galliæ Britannique reges Legatos miserunt cum mandatis homines nobilissimos; idem & ii, quibus Pontificis Max. salus privatim curæ erat, fecerunt, & Mediolanensis dux Franciscus Sfortia. Eodem Veneti Contareum mittunt: maxime enim eorum reipublicæ intererat eam confici rem, propterea quod cum Pontifice, quemadmodum dictum à me est, societate & fadere conjuncti, continentibus bellis, non longe ab suis finibus, cum Cæsare contenderent. Eo concilio peracto, atque haud ita multo post Pontifice liberato, ad eum Contareus, suæ civitatis jussu legatus profectus est. Magna erat eo tempore omnium rerum perturbatio, magni Galliæ, Italiæque totius videbantur motus impendere, quod & Clemens ipse iniquissimo animo contumeliam, quam acceperat, ferre existimabatur, quod per pacis simulationem circumventus in hostium potestatem venisset, quod superbe crudeliterque tractatus, & in deditionem receptus tamdiu in custodia fuisset retentus, atque ad extremum quod non dimissus, sed elapsus è manibus & catenis esset: quod omnia exempla

cruciatusque in suos editi Romæ atque in omnibus vicis, & oppidis essent. Accedebat quod Florentini Hippolytum atque Alexandrum Pontificis fratrum filios, qui ipsius potentia in ea urbe imperium antea obtinuerant, à civitate eiecerant, quod ille gravissime atque indignissime ferebat: ejus dolor quam in partem erumperet, expectabatur ab omnibus. Eadem Galliæ regis causa erat, atque conditio: nam & bello superatus captusque, tantum se de veteri virtutis opinione deque bellica gloria deperdidisse, maximo erat illi dolori; & sui liberorumque suorum mercatu (ut ipse existimabat) nudationeque illa Cæsaris, hostili scilicet in eum odio exarserat. Tum Veneti multis de causis Franciscum Sfortiam in regnum restitui volebant: atque eam rem ad suam remp. magnopere pertinere arbitrabantur, quibus omnibus rebus efficiebatur, ut, in tanta animorum incitatione & discordia renovari in Italia bellum necesse esse, omnibus videretur. Interim Clemens cum Cæsare in gratiam redierat, amicitiamque conciliaverat: &, quo liberius in patriam iracundiam exercere posset, justissimas suas in Cæsarem moverat inimicitias; & suas illi injurias aut condonaverat, aut vicissim pacis simulatione, idoneum doloris sui ulciscendi tempus expectabat. Atque cum Cæsaris duces & exercitus, illius nomine Florentiam oppugnarent, sciendum sibi esse existimavit, ut propius ipse accederet: itaque Bononiam sese contulerat. Eo Cæsar quoque ex Hispania venit, ut à Pont. Max. cujus unius ea potestas est, diadema ceteraque imperii insignia acciperet, atque ei advenienti cum obviam Contareni extra urbem processisset, dicitur cum Cæsare perquam longo sane intervallo à se visum agnovisse, atque iis oculis, eaque vultus hilaritate cum aspexisset, ut id à multitudine, quæ visendi causa prodierat, & omnes vias opplexerat, animadverteretur; atque ex ea re conjectura fieret, rem inter Cæsarem & Venetos conventuram: id quod exitus comprobavit. Nam præter omnium opinionem, in tanta animorum incitatione & discordia, tot ultero citroque illatis acceptisque injuriis ac detrimentis, cum pacificationi locus vix ullus videretur esse reliquus, recessum tamen ab armis est, paxque inter omnes constituta. Quæ res per Contarenum acta magna ex parte & confecta, cum suæ civitati gratissima atque optatissima accidisset, mirifice ejus & gloriam & auctoritatem auxit, ut nullam rem tantam, aut tam difficilem esse censerent, quin eam ille animo & cogitatione suscipere, & consilio tueri, & auctoritate atque industria conficere posset. Memoria teneo me Romam illis temporibus venisse; tantus erat omnium, qui in ea urbe tunc aderant, de Contareni doctrina, prudentia, continentia, pietate, consensus, tantaque admiratio, ut non amarent modo eum, qui tunc erant civitatis principes, sed etiam vererentur & colerent. Atque omnino multa præclare legibus sancita sunt apud Venetos, in his, quod vetantur legati ab his, ad quos missi sunt, ulla aut munera, aut beneficia accipere; quod utinam aliæ quædam civitates aut repertissent, aut repertum à Venetis, imitari saltem vellent; ne suos cives (id quod usu fere evenit) plerosque foris venales, domi hostes haberent. Quam diu enim abunt neglecta, quam susceperunt, reipublicæ cura, à quibus locupletari se sperant, eorum gratiam aucupantur, atque iis sese venditant: iidem domum reversi, beneficiis ac muneribus alligati, atque devincti, quam patriæ caritatem debent, eam alienis, sæpe etiam hostibus, præstare ac perolvere

coguntur, ita dum alii aliorum aut regum aut nationum rem gerunt, deferta nimirum à civibus publica res eorum jampridem labat & corrui. At Contarentum eæ civitates, apud quas magna cura, summaque fide ac diligentia rem suam publicam gessit, præclarissimis muneribus donaverunt: tot enim tamque variarum gentium constantissimo consensu mirifice probatum, summoque laudatum opere, maxima dignitate, exultatione, gloria muneratum, ditatumque domum dimiserunt. Severissimis legibus Venetiis ambitus restrictus est; suffragium ne per se, neve per alium quemquam rogent interdium est, itaque cum à civitate ipsa universa, non à singularibus civibus nominatim, petendi magistratus sint: idque sæpe (iidem enim eisdem magistratus, certis intermissis temporibus, crebro gerunt) una virtute nixam omnium civium ambitionem esse oportet: ut qui sæpissime amplissimas dignitates adepti sint, ii non amicorum aut propinquorum diligentia, aut tenuiorum hominum officii, aut etiam fortasse avaritia, sed ipsius reip. certissimum de se testimonium habeant: nam multis locis reprehendendi erroris sui civitati facultas datur: itaque sæpe usu venit, ut, qui semel primo aliquem honorem cunctis suffragiis affecti sint; iidem, iterum petentes, repulsam ferant. Quo major eorum civium splendor est, qui omnium dignitatum cursum & tamquam spatia & circuitum iterum & sæpius sine ulla offensione confecerint, ii clarissimi apud civitatem sunt: iis honos ab omnibus ætatibus, omnibusque ordinibus habetur, ii, cum opibus & potentia ne infimos quidem cives antecedant, dignitates, exultatione, auctoritate, gloria anteferuntur omnibus: eadem est enim civium omnium parque species, una toga, eaque simplex; nullis omnino non modo comitatus, sed ne comes quidem; ut primi civitatis (si quis illorum consuetudinis ignarus intervenerit) uni de multis facile videri possint. Sed ii, quoquo venerint, salutantur, appetuntur: iis in viis deceditur, obviam itur: in curia, in foro assurgitur: ut mihi virtus nudata phaleris omnibus & adventitiis ornamentis exuta, in una eæ civitate sua ipsa pulchritudine & lumine nitere ac splendescere semper sit visa. Prorsus visendæ Venetiæ sunt, non propter urbis modo eximiam pulchritudinem, novitatemque antea inauditam, etenim maximam formosissimamque urbem, in mediis excitatam æstibus sese è fluctibus erigere, quis non miretur? naves onerarias maximas, passim ad privatorem januam religatas, triremes in plateis navigantes, quis sine magna admiratione ac voluptate aspexerit? Mihi quidem sic videtur, hanc profecto urbem si conspicata modo esset antiquitas, Neptunum nimirum aliquem ex profundo ac latebris excitasset, atque eum celssima illa tecta struentem ac fabricantem fecisset: qui tametsi nullus scilicet unquam fuit, tamen si sit, aut esse si possit aliquis, nullum illi attribui munus aut opus illa urbe præclarior posset: aut quod magis divinæ conveniret naturæ. Sed hæc oculorum, illa animi ex ejus urbis cognitione voluptas capitur, ut equidem sentio, vel maxima, quod unæ dominantur apud eos leges: iis & magistratus obtemperant, & cives æque ad unum omnes: atque eo usque mihi potentiam execrata prudentissima civitas videtur, ut neminem unum ulli magistratui præesse passâ sit, terni, quini, seni, deni imperia, potestates, singulos magistratus gerunt, ut non solum domini os, quo nulla tætrior, nulla oculis detestabilior obijci species potest, aspiciendum civibus non sit; sed ne domini quidem imago & similitudo,

litudo, aut effigies. Quamobrem spectatum exteræ nationes alacri animo Venetias eant; nec urbis modo causa, quod dicere institueram, sed vel maxime civitatis; pulcherrimo totius orbis terrarum spectaculo sese ad eam diem casuisse profecto intelligent.

Postquam Roma Contareni rediit, confestim ad summos honorum gradus sine ulla dubitatione vel controversia elatus est, nam & maturius, quam civitatis consuetudo antea tulisset, Sapiens magnus factus est, & Consiliarius, qui duo magistratus summæ apud Venetos sunt, neque dubium erat quin, si quis ex Marci Procuratorum collegio demortuus esset, ejus Contareni in locum substitueretur, ea una procuratio perpetua Venetorum legibus est; id unum ad honorum perfuctionem Contareno abfuit. Itaque sic in republica versabatur, ut etiam si litteras omnino non didicisset, illustrissimum tamen civitatis locum obtinere eum necesse esset; sic autem doctrinæ gloria celebrabatur, ut, tamesi rempublicam attigisset nunquam, civium omnium, qui fama ac nomine excellunt, clarissimus suo tamen nomine fuisset futurus. Accedebat Christianæ Theologiæ singularis quædam atque exquisita cognitio: eaque non scientiæ modo aut ostentationis disceptationisve, sed vitæ ac disciplinæ causa comparata: ad ejus enim præcepta animum mentemque referens, omnes suas cogitationes, consilia, actiones, vitam denique omnem conformaverat atque direxerat: ut non modo ad philosophorum regulas bene beateque, sed etiam ad Christianorum divinum hoc præscriptum pie sancteque viveret. Est Venetiis quidam, quasi Romanorum, qui quondam fuit, campus ille atque comitium, quod Magnum ab illis Concilium nominatur, ad id concilium omnes, quibus ferre suffragium per ætatem licet, statutis diebus conveniunt, ibi cum Contareni forte esset consiliarius, custosque positus fortibus, quibus Veneti in petendis magistratibus utuntur; nam quorum fors exiit, ii pronuntiant quem potissimum sua sententia ei magistratui, cujus comitia habentur, gerendo idoneum esse existiment: itaque mirifico casu accidit, ut ibi eum esset, in universæ civitatis conspectu atque oculis, publicæ Roma allatæ litteræ sint, in quibus res omnibus nova, omnibus inopinata: illi quidem certe ipsi prorsus incredibilis, scripta esset, cooptatum Contarenum à Paulo Pont. Max. in Cardinalium collegium esse. Legerunt eas inter se litteras primum ejus Collegæ; à quibus satis magno interposito ille intervallo, ad sortium urnas, ut dixi, affidebat. Itaque excepta inter legendum vox ab iis, qui proximi consederant, faustum primum & rumore dubio, bonam evenire, felicem, faustamque eam illi dignitatem precante, ad aures Contareni profuit, ille vero respondere, nec adduci posse ut eam sibi rem narrari saltem pateretur: atque omnino ne aures quidem ad audiendum præbere. Verum recitatis palam litteris magna universæ frequentiæ approbatione ac lætitia, inter se colloqui consurrexerunt Collegæ, atque ad eum cum magna, cum lætitiâ, tum etiam observantiæ significatione adierunt, quod ille cum vehementer commotus recusaret, ac sese id ætatis ad aliud vitæ genus negare posse traduci, ad curiæ vestibulum ab iis, universo eo concilio comitatus, deductus est. Cumque Collegæ, hominis honestandi studio, domum reducere eum summa contentione pergerent, prorsus non tulit. Erat eo tempore inter collegas Aloisius Mozanigus, grandior nativus, qui apud civitatem gratissimus cum esset, princepsque consilii publici haberetur,

beretur, sæpe à Contareno de republica disenserat: is ad eum gratulatum cum aliis non adiit, credo quod pedibus erat admodum infirmis, hic clara voce, ut à cuncto exaudiretur senatu, rei novitate percitus, adjurans, cum frontem feriret ac Paulo malediceret, affirmasse dicitur maximam ab eo civitati injuriam fieri, quod eam cive privaret, quem illa unum omnium habuisset optimum. Concilio dimisso, id enim is conventus nomen habet, universa civitas domum ad Contarenum læta atque alacris confluere cœpit, ille vero suspenso animo incertusque etiam nunc quid ageret, minus multo erat, quam ceteri, hilaris; nec mehercule injuria, quid enim honos ille homini in re sua familiari ampla atque illustri, in republica principi, in toto orbe terrarum claro atque nobili, afferebat, præter molestias ac labores? mutanda, vitæ victusque quinquagesimo demum anno ratio tota & consuetudo; suæ civitatis dediscendi mores, alienæ discendi, haud parum quidem ab ea, ad quam ille sese exercuerat, disciplina abhorrentes; vivendum ad unius hominis non semper prudentissimi, pæne arbitrium atque nutum; comitatus magni alendi, sæpe diu eodem censu; aliæ cogitationes, consilia, instituta, officia, actiones, persona suscipienda prorsus alia. Sunt hæc homini, æquabilitatis ac dignitatis potius, quam potentiæ atque opum cupido incommoda vehementer odiosa, gravia ac molesta, præsertim si quis antepartis honoribus tamquam exsaturatus, & partam jam gloria contentus est. Sæpe mihi narravit vir omnium clarissimus atque gravissimus quem Romæ his paucis annis à sua civitate legatum, summa apud duos Pontifices Max. auctoritate summaque gratia vidimus, Paulum & Julium tertios (in utriusque enim tempora ejus legatio incidit) Mattheus Dandalus: sese, cum vehementer auctor Contareno fuisset ejus honoris accipienda, qui non ab eo expetitus, sed ad eum delatus esset, magna contentione ratiocinandoque vix ægre ad extremum homini persuasisse, ne committeret, ut Pauli consilium, in quod non ille temere incurrisset, sed sine ulla dubitatione duce Deo devenisset, aspernari videretur: præsertim his reip. Christianæ temporibus: multos enim fore, qui eam rem aliorum acciperent, atque ille faceret: quique in Romanam Ecclesiam impietatis scelerisque nefarii Gasparem Contarenum, virum unum omnium maxime pium, maximeque religiosum, subscriptorem habere gloriaturi, seseque in eo impudentissime jactaturi essent; quippe qui, cum à Pont. Max. ne beneficium quidem accipiendum sibi esse statueret, quid de causa illa tota judicaret nemini dubium relinqueret. Hæc cum Dandalus diceret; adderetque, eos, qui Contareno æquissimi futuri essent, suspicatueros tamen esse non ob animi magnitudinem atque æquabilitatem, tantam illum dignitatem à se removisse, sed propter imbecillitatem atque ignaviam defugisse: pervicit homo gravis atque eloquens, omnique necessitudinis genere cum eo ab adolescentia conjunctus, cum propter affinitatem, tum præcipue propter morum, voluntatum, studiorum similitudinem, ut dubitantem confirmaret: atque in suam sententiam diu multum cunctantem ac tergiversantem perduceret: qui maximam partem eorum quæ à me posita in hoc commentario sunt, nos docuit. Omnino verum id est, quod ait apud Euripidem Theseus, cum Herculem, quo tempore ille Athenas in exilium venit, multis honoribus ac beneficiis prosequeretur: sic enim ait. Laudem feremus omnium pulcherrimam universa à Græcia, fecisse cum memorabimur bonis bene:

bene: quod ille Græce optime, nos Latine ut potuimus. Verum tamen is est virtutis splendor, ut non modo ii, qui ejus compotes sint, honore digni habeantur, sed etiam siqui honorem illis, qui adepti eam sint, habeant, honorati ipsi & clari ob eam rem evadant. Id, quod Theſeus de ſe ſperabat, Paulus etiam aſſequutus eſt: nec enim dici poteſt quantum in Contareni dignitate ampliſſima ſua ipſe gloriam propagarit.

Quoniam fuit ille ſuo quoque nomine inſignibus laudibus ornatus, virque egregie magnanimus & plane maximus. Ab hoc tempore aliud tamquam vitæ egorium & quaſi origo, Contareno naſcitur. Antiquiores habentur Venerum mores, propterea quod inquinari ſe externis conſuetudinibus ea civitas paſſa non eſt. Viſtu & cultu non modo à luxuria longe abſunt, ſed etiam de lautitia hac, quæ, pleraſque Italiz civitates nuper invaſit, per multum circumſcripſerunt: quippe qui priſco more eſſe ſe principes, quam videri malunt; conſuetudo autem eorum moderatioque vitæ quotidiana diſcrepat illa quidem fortaiſſe nonnihil, ſed ita, ut ad ſummam expolitionem deſit forſitan aliquid; firmum autem quiddam ac ſolidum certe ſubſiſt, & levitate atque ineptiis vacet, quod Romæ contra mihi viſum eſt fieri: aptiores enim in conviſtu & congreſſionibus Romani homines ſunt: ſed accerſito quodam interdum genere, minimeque vernaculo, vitæ autem cultus lautior eſt, atque, ut video nonnullos exiſtimari, etiam delicatior, in principibus quidem luxur pæne regalis; magnus equorum, jumentorumque numerus, multitudo familiarium; lauta, ſplendida, ſumptuoſa ſupellex: ut dediſſe mihi operam videantur non modo re magni ut eſſent atque clari, ſed etiam ſpecie ac pompa. Neque eo hoc dico, quod exterarum rerum, quæ ad dignitatem ac decorem pertinent, rationem non habendam eſſe exiſtimem, aut quo mihi id arrogem, ut utrius civitatis Rudia reſtiora ſint, dijudicare me poſſe profitear: ſed illud affirmo, hanc quaſi migrationem è ſua in alienam, non illam quidem deterius, ſed longe longeque aliter moratam civitatem Contareno, ingreſſeſcente jam ætate, ſubitam ac repentinam neceſſario moleſtam fuiſſe. Verum tamen ita vitæ victuſque mutatio facta ab eo eſt, ut ingenium tamen, inſtitutaque illa ſua priſtina retineret: nec ullos ſpiritus, tanta facta acceſſione dignitatis atque fortunæ, ſibi ſumeret: ſed probitas, affabilitas, & eadem, quæ in privato fuerat, facilitas atque humanitas (quamquam invidioſa illa, tantoque opere à multis expetiſta purpura recens induta erat) integumentis involuta, & quaſi perſonata elucebat tamen, & agnoſcebatur ab omnibus. Nam cum intempeſtivi ipſi complures, moleſtiſque ſæpe eſſent, propterea quod omnibus præſto ille ſemper erat, admonitus eſt à ſuis, non tam faciles ejus ordinis ceteros ſeſe præbere conſueviſſe, ſed certam die horam conſtitutam habere, antequam adiri ad ſe non paterentur: neque cuique ſui poteſtatem facerent. Quibus ille reſpondit non ſe putare honorem illum ſibi ſoli eſſe datum, ſed ejus partem amicos, partem inopes homines & egentes jure ſibi optimo vindicare, ad quorum arbitrium vivendum ſibi eſſe ſtatuere, non ad ſuum: nec enim æquum eſſe amicorum clientumque negotiis, tempus, idoneum quod ſit, à ſe præſcribi, ſed ab iis ipſis, quid rerum ſuorum occaſiones ac momenta exiſtant, ſtatui oportere. Itaque ut quique ad eum veniebant, ſtatim admittebantur, ac quibus operam ſuam ſemel eſſet pollicitus, fidem in eo religioſiſſime ſervabat; ut ſæpe tenuium aut miſerorum hominum

hominum causa ad summos reges iterum & sæpius adire non dubitaverit : cum id præcipue Christiani esse officii contenderet, id maxime hominum genus auxilio juvare, quod maxime opis & auxilii egeret.

Quod iudicium ipsius etiam faciebat, ut reliquias Græcæ nationis, multis gravibusque malis conficiatas, foveret, ac, quibuscunque rebus posset, sublevaret; accedebat autem huic animi propensione erga illos, ut miseros & durissima servitute oppressos, quod memor erat veterum beneficiorum, quæ universi mortales ab erudita ea gente acceperant : inde namque & bonas artes, & cuncta ingenua studia profecta per omnes terras manasse affirmabat. Nam quin majores eorum pietatem Christianam, cultumque hunc optimum nostræ vitæ strenue juvissent, dubitari non posse dicebat, cum Basilii, Chrysostomi, Nazianzenus quasi signiferi hujus sanctissimi doctorum hominum gregis fuissent, qui pectora nostra excoluerunt, ac scriptis laboribusque suis veros ritus, explosis inde falsis opinionibus, eo inseverunt, quare oportere nos, si grati esse velimus, lapides etiam stirpesque ejus telluris amplexari, ne dum homines, cum quibus tot arduissimis vinculis conjuncti sumus, omni amore prosequi non debeamus : vigeat autem eo magis in animo ipsius hæc opinio, quia illos ipsos summos theologos, quos appellavi, ut philosophos quoque ejusdem gentis, quotidie in manibus habebat, & eorum laboribus, vigilisque se instruendum esse recordabatur. Benigniorem cum esse cum res non pateretur, quod proximum erat, fidem diligentissime præstabat, ut ad diem, quibus deberet, semper persolveret, quæ res à potentioribus non paucis neglecta, efficere solet, ut multis in locis sit fides angustior, neque, hoc tantum majoribus in nominibus custodiebat : ad tempusque his, qui se grandiore pecunia juvissent, respondebat (quod tamen ut faceret ægre & urgente tantum aliqua necessitate committebat) verum etiam adversus tennes homines, quibus aliquid deberet, se talem præbebat, quæ culpa moribus eorundem inhærens, inquinat non parum eorum splendorem; miserosque illos creditores ad desperationem & laqueum aliquando adigit. Declarat quantopere maculam hanc fugeret : quamque omni in re justitiam coleret, vox edita aliquando ab ipso, quum forte audissent diocetem suum jubere minutum quandam opificem cras redire : castigatum enim illum jussit pecuniam eam statim dissolvere : addiditque, si unde id faceret, non esset, sumeret ex abaco vas, ipsumque divenderet : arbitrari enim se tunc veni illum hominem magis mercede sua, quam se argento illo, mensæque ornatu egere.

Eodemque pacto toto animo abhorrebat ab indignis gravi & honesto viro quæstibus : non pauci enim ne desit ipsis pecunia in minime necessariis sumptibus, & ut inanem splendorem retinere possint, cogunt illam illiberalissima quavis ratione ac sordidissima. Quum igitur eo tempore, quo Bononiam legati nomine obtinebat, qui, pars illius muneris obeundi, illatarum injuriarum causas audiebat, ita cum eo egisset (putabat enim Contarenum ejusdem animi esse, cujus plerumque sunt, qui negotiis illis implicantur.) Efuribimus profecto : nullum enim emolumentum parit imposita mihi cura : cunctaque in civitate concordie atque otii plena sunt : inquit ille : Voluptatem magnam mihi nuntias, cupioque hunc statum rerum permanere, videreque diem illum, quo ego, ut habeam sumptum unde faciam, mulam etiam, qua vehor, cum omni ornatu

ornatu proferbere cogar. Non putavi autem alienum esse has etiam ipsius voces memoræ mandare, quum præsertim hujusmodi breviter dicta, quia ab intimis sensibus proficiuntur, subitoque prolata sunt, in singulis factis ac motibus animi, ut reliquis etiam casibus humanis, videantur in primis mores voluntatemque eorum, unde erumpunt, indicare: eademque voces multum valere non sine causa semper existimatae sint, ad homines informandos: illosque etiam emendandos, qui contariis vitiis tenentur, quam causam fuisse puto, cur plures & docti prudentes viri sedulo multas collegerint, & volumina etiam ex ipsis confecerint. Saepe multumque ineunte adolescentia cum iracundia, quæ paulo sibi consuevisset esse molestior, quasi luctatum, ad extremum prostratam illam & domitam aiebat oppressisse: non modo enim turpe, sed etiam miserum sibi semper visum, ira incitatus à consilio atque à nobismetipsis abscedere; quod de se Terentianus ille prædicaret, Præ iracundia Menedem non sum apud me: Bibulum autem illum, qui cum L. Libone fuit ad Oricum (quamque hoc Scribonio ab inimicissimo homine memoræ traditum est, & qui quacumque re potuit, exultationem ejus semper violavit) sibi nullius pretii hominem videri fuisse, qui cum de compositione agendum esset cum Celsare, ad colloquium non prodiit, ob eam rem, quod furenter consuevisset irasci; ne res maximæ spei, maximeque utilitatis ejus iracundia impedirentur. Itaque non modo stomachantem, sed ne commotum quidem visum illum à se unquam esse, qui cum eo familiarissime vixerunt, affirmant, ut nimium prope patiens ac lentus existimaretur: neque iis, qui in epulis, in cubiculo ipsi ministrarent, sæpe cessantibus, sæpe etiam peccantibus, non modo non convicium faceret, sed ne verbo quidem malediceret. Quod igitur de nonnullis doctis viris memoræ proditum est; ut Socrate, Stilpone Megareo; quum illi natura propensi essent ad aliquod vitium, effecisse tantum eos studio ac diligentia sua, ut nullum unquam in vita ipsorum vestigium rerum illarum appareret, id vere de hoc nostro prædicari potest: in illisque sine dubio Contarenius enumerari debet, qui vitiosam naturam compresserint: ac quidquid illis aliquod majus malum, si crevisset, ferre potuisset, tenerum adhuc & imbecille fregerint, & omnes ejus fibras extirparint. Superiorem ipsum (de quo etiam supra nonnihil significatum est) copia bonorum, quæ aut à fortuna acceperat, aut ipse suo labore industriaque quæsierat, non fecerat: in quod vitium passim multi, minoribus multo ornamentis decorati, ruunt, & sane hanc culpam ille, ut scopolum alicumque, magnopere vitabat, quod si unquam in sermone aliquo aliquid à se forte prolatum intelligeret, quod tenuem modo umbram illius mali retineret, valde dolebat, ut contigit quodam tempore. Cum enim Paulus III. loqueretur cum ipso de augendo numero Summorum Antistitum, ostendissetque se in animo habere quosdam in eum ordinem cooptare, Contareno minime probatos (quod ille etiam pre se ferebat, atque id tunc palam dicebat) videns ipsum suæ voluntati refragari Pontifex Max. inquit, iis ipsis verbis. Insitum fuit semper Cardinalibus, ut novis repugnarent, ne sibi alii dignitate exæquerentur, respondit igitur ille commotior quam solebat. Noli sanctissime pater ita de me existimare: cognitum enim tibi plane est, quot ego nominarim, idoneam prorsus materiam huic operi efficiendo: & unde fingi possint personæ tantæ dignitati sustinendæ aptæ, nam quod ad me attinet, non puto purpuram hanc

maximum

- Z

maximum esse eorum, quos in vita affectus sum, honorum. Extrema hæc verba, illa occasione edita, statim ut domum rediit, dohuit sibi excidisse, ut qui noluisse specimen aliquod à se unquam datum, aut superbi hominis, aut inanis hujus honoris & gloriæ cupidi. Quin etiam distitabat amplissima sacerdotia plus in se oneris, quam splendoris habere : quoque majora illa forent, eo molestiæ plus sollicitudinisque continere, quare se sæpe vicem dolere solitum eorum, qui Pontifices Maximi creati forent, quia pondus Aetna gravius humeris suis sustinerent, cujus judicii Seleucus quoque rex quondam fuit : ille namque dixit ; quæ vox ejus monumentis litterarum mandata est à doctis viris, ut errorem eorum coarguerent, qui falso putant, opulentissimos quosque homines beatos esse, magnisque semper voluptatibus frui, cernentes splendorem vitæ illius ac florem ; inquit igitur ille, nescire privatos illius status incommoda : ideoque magnopere falli in judicio de illo faciendo, quod si scirent tantum, quam arduum sit, ac molestiæ plenum, tot Epistolas scribere ac legere, futurum prorsus ut diadema abjectum jaceret sine honore ullo : nec quemquam inuentum iri tam stultum, qui ipsum tolleret ac capiti suo imponeret, nec tamen non multo majoribus gravioribusque curis premi necessario illos, si munus suum fideliter obire vellent, qui vitam moreque eorum, quibus præsumt, regendos suscepunt, animosque ab omni labe purgandos, quam qui in eo tantum eximio statu rerum suarum, regnoque conservando, occupati sunt. Quum igitur hoc crimen Contarenius vehementer reformidaret, ac, siquis vere existimare posset, vacuus prorsus ab ipso foret, non tamen penitus potuit ea suspitione carere. Erat ille in omni suo sermone, factoque, integer ac liber : remotus ab omnibus blanditiis orationis : acerrimus inimicus vanitatis illius, assentationisque, quæ nunc in locum invasit simplicis veritatis, libertatisque loquendi, merito quondam magnopere probatæ ; ob quod etiam ingenii bonum ferunt eum Carolo Cæsari valde acceptum fuisse, quum ob alias etiam animi dotes ab eo diligeretur. Hæc igitur probitas nuda, experisque omnis fuci ac fallaciarum : quæque, uti eo venerat, ita se Romæ in longe aliis moribus, institutisque conservarat, causa fuit, ut superbiæ à nonnullis insimularetur, quasi ille contemnens ceteros præ se, quidquid sentiret de omni re contra commodam illorum diceret : nec sua quicquam interesse putaret potentioribus adversari, quam animum quidam arripientes, ipsum, ut contumacem & inhumanum apud Paulum III. criminati sunt, quod nimis libere in senatu contra ipsum sententiam diceret, atque honestissimos quosque viros offenderet, ipse vero id diverso consilio faciebat : neque ut impediret commodam aliquorum, sed ut religioni suæ & ei, quod rectum esse sentiebat, serviret. Ut autem, quod non verum esset, nec ordine factum, quamvis intelligeret se apud aliquos offensurum, accusabat, ita gratiam aliorum astuta simulataque oratione non aucupabatur : cui rei ostendendæ in utramque partem exemplum hoc satis accommodatum erit. Contigit aliquando, ut eo astante in senatu ageretur de Camarino in potestatem tradendo uni alicui Pont. Max nepotum, eo genere juris, quod feudum appellant, admonuit igitur Contarenius Paulum, ut antiquam de tanta re quicquam statueretur, colendæ justitiæ causa, vacuæque à culpa conservandæ sanctissimæ sedis, mandaret ut jura Varanæ familiæ, quæ diu in possessione ejus oppidi fuerat, diligenter noscerentur : ne injuriæ ali-

quid :

quid ipsa in ea re acciperet. Hæc sententia, præsentī animo dicta, illa ipsa die per urbem sparsa disseminataque est: quare Hercules Varanus, qui Romæ tunc erat, statim domum ad Contarenum venit, gratiasque illi maximas egit, causamque ei suam totam commendavit, cui quidem ille, eadem animi simplicitate, quod tamen quidam ab agrestī inhumanoque ingenio profectum potius dicerent, respondit.

Non necesse erat te mihi isto nomine gratias agere: quod enim feci tunc, ut æquitati officioque meo satisfacerem, feci, nec quicquam amplius cogitationis fuscipiam de ista re, præter id, quod mihi fides mea præscripserit, nisi aliquid à Pontifice ipso, quod eo faciat, curæ meæ mandatum fuerit. Blandus aliquis, illa occasione usus, studuisset gratiæ illi, sine ullo suo labore partæ; novam gratiam addere: animumque honesti viri inani spe, falsisque pollicitationibus, lætasset. Quare mihi venit in mentem arbitrari non paucis in rebus simile fuisse Contareni ingenium naturæ moribusque Dionis Syracusani: ut enim reliqua, in quibus ipsis inter se magnopere convenit, taceam, non deerant etiam in regia illa Dionysii filii (ut ab eruditissimis viris memoriæ proditum est) qui castissimi illius & integerrimi viri maximas virtutes & sine easdem has, propinquis vitiorum vocabulis deformarent, ac gravitatem superbiam esse dicerent: libertatemque loquendi contumaciam vocarent: qui Dion, cum induci non posset, ut una cum aliis peccaret, qui se omni genere vitiorum contaminarent, eorum peccata videbatur dissimilitudine vitæ coarguere. Fertur tamen ille durior fuisse natura, tristiorque, unde temperare indolem illam summo studio ipsum debere à doctissimo viro, studiosissimoque gloriæ ipsius elegantissima voce dictum est: hortatus enim est Plato ut Gratiis hostias immolaret, suasque ut aliquid etiam daret moribus suorum temporum, institutisque reliquorum mortalium, non quia id omnino verum esset, sed quia ad congressus hominum frequentandos: benevolentiamque eorundem retinendam, obsequium sæpe necessarium foret. Atque hæc privati officii sunt, illa publici; quod malas consuetudines tollendas curavit, illas veteres renovandas; quod multarum legum præclarissimarum auctor suasque fuit; quod in dicenda sententia nunquam invidiam reformidavit, multaque contra Collegiarum suorum commodum sæpe suscepit atque perfecit. Vitiosa quadam consuetudine duabus, sæpe etiam pluribus civitatibus, unus & idem dabatur custos, qui Græco verbo Episcopi appellantur: neque in iis ipsis ætatis progressus expectabatur, qui annalibus Pontificum Maximorum legibus constitutus est; adolescentuli, sæpe pueri, maximis administrationibus præciebantur. Has atque huiusmodi alias pravæ corruptasque consuetudines sua Contareni sententia delebat: moreque sacerdotum hominum, nimium nonnunquam deformatos emendabat, magnæque suæ ipse offensione comanem reipublicæ levabat invidiam. Non eadem conditione est collegium Cardinalium ceterarumque civitatum Senatūs aut Concilium; nam illæ ex ea, quam habent, civium copia in suos Senatus, qui aptissimi visi sint, legunt, in Collegium Cardinalium è toto orbe terrarum, qui aut doctrina, aut nobilitate, aut prudentia, aut probitate, religione, pietate excellunt, si Pontifici Maximo visum sit, eos cooptare licet: eoque factum est, ut summa is ordo amplitudine, summa auctoritate, summo splendore, omni ille quidem tempore fuerit; quippe è Christianorum flore

deceptus atque collectus. Verum tamen iis, de quibus institutus mihi sermo est, temporibus præcipuum quoddam in eo lumen enituit: propterea quod Paulus Pont. Max. magni atque acris iudicii vir, eximia singularique virtute homines nactus, ad eam illos dignitatem ultro ipse evocaverat, ut ei Collegio, quod per se antea esset clarissimum, ea re lucis tamen permultum attulisse videretur. Ex hac virorum clarissimorum copia, cum mittendus ad Cæsarem Legatus esset, Contarenius potissimum ad id munus delectus est: causa mittendi ea fuit. Vehementer erat Cæsar anxius sollicitusque, quod Germani, qui plurimum armis possunt, neque præsto illi in bellis erant, neque cum pecunia juvabant; propterea quod maximis inter se seditionibus de religione contendebant, atque intestinis dissensionibus dissenti, nullo illi usui esse poterant. Abiectionem quidam perditique ac desperati homines, XXXX. fere abhinc annis, jampridem receptas rataque disciplinæ Christianæ sententias in controversiam revocaverunt, multitudinique persuaserunt imperitæ, uti à Romano Pont. quod caput Christianæ reip. atque Ecclesiæ est, desciscerent, seseque in libertatem vindicarent, quod malum tarde initio serpens, ab iis neglectum à quibus opprimi id & poterat & debebat, paulatim infimæ plebis, vulgique mulierum, animis, legum vinculis laxandis & dissolvendis, pollicendaque cupidatium multarum licentia in fraudem inductis, paucis annis opinione magis accreuit, idemque nefarius furor, postquam populare exitimari cæptum est pietatem evertere, multos quoque principes invasit. Alios metus impellebat, veritos ne à suis defererentur, si ab illis dissentire pergerent, partim rerum novarum studio, partim levitate & stultitia, quod Deo immortalis, legibusque spernendis, fortitudinis opinionem facere sese de se nonnulli arbitrantur; partim etiam avaritia, quod sacerdotum maximas amplissimæque possessiones publicatas, inter se particbantur, multi tamen, quibus esset Deus pro sua forum pietate propitius, veram integramque pietatem constantissime complexi, nullis permulceri illecebris, nullis illiciti præmiis, nullo timore depelli sese passi sunt, eaque à majoribus, quæ acceperunt, instituta ad hoc ulique tempus fortissimo animo retinuerunt. Sed tanta inter utroque exitit non modo contentio ac disceptatio, sed jam concertatio atque pugna, tantumque exarsit odium, ut maximæ, bellicosissimæ, florentissimæ, atque adeo, ante hunc furorem, religiosissimæ, optimæque de rep. meritæ nationis, vires, opes, & copix absumptæ, in sese ipsa conficienda atque defenda, sint. Quibus rebus permotus Cæsar animo & cogitatione in ea cura defigebatur, si per compositionem minui id malum fedarique discordiæ possent, qua de re cum omni contentione cum Germaniæ civitatibus ageret; primo Christianorum omnium concilium in iis maxime locis indicere postulaverunt, quo adire tuto ipsi possent; is erat locus nusquam gentium: quippe cum ab omnibus desciscissent, nec ullis sese gentibus committere auderent, præterquam in eorum ipsorum finibus; ad id concilium venturos, ejusque decretis iudicialique staturos sese pollicentur, id eo ab illis consilio fiebat, quod Pontificem Max. nunquam eo descensurum sibi persuaserant, verum ubi probari à Paulo III. conditionem, ac ne de loco quidem, cuius iniquitate deterritum iri cum maxime sperabant, reculari senserunt; paulatim regredi, neque in eo quod ultro ipsi postulaverant, manere; dirimi controversias per colloquium posse; id brevius, expeditius, certiusque

tiusque effe, dicere; longum effe expectare, dum ex ultimis terris conveniretur. Omnia ſibi Cæſar experienda exiſtimabat, ſi ulla ratione mederi ei tanto malo poſſet. Itaque deliguntur homines docti ex utroque numero undeni, ad colloquium venit; magna contentione, magna pertinacia, ab iis, qui ſe ipſi Proteſtantes appellant, diſputatur, atque in omni generi calumniæ deliteſcit: eos ii, qui ratas veteres ſententias effe volunt, Catholicique appellantur, acriter reſellunt, conſtantiffimeque in ſententia perſeverant. Ad extremum, cum concertationum exitus nullus reperiretur; nec quicquam inter eos conveniret, prorſus diſjunctis diſcordiſque opinionibus, inſeſe re à colloquio diſcedunt: quod, quoniam ſe abſente ſadum erat, Cæſar ſperans Germanos ſuum aſpectum atque auctoritatem reveritos, aliquid de pertinacia atque calumniis remiſſuros, iterum deligi homines jubet, qui colloquendi cauſa Ratiſbonam conveniant: atque eo ipſe proficiſcitur, ut majore auctoritate de concordia ageretur, ſimulque magnopere à Paulo III. per litteras petit, legatum ut ad ſe mitteret, qui ad rem tantam & tam gravem maxime eſſet idoneus. Paulus è tanta præclariffimorum hominum facultate & copia Contarenum ſine ulla dubitatione delegit, atque hominem in Germaniam mittit; quod is & magnum jam antea ejus gentis propter eas cauſas, quæ commemoratæ à nobis ſunt, haberet uſum, & Cæſari eſſet gratiſſimus: idemque innocentia, doctri-næ, prudentia, facilitatis, animique moderationis, magna apud Germanos opinione excelleret: quique (id quod Cæſar magnopere poſtularat, maximeque ad rem pertinere arbitrabatur) in diſputando minime eſſet ambitioſus, minimeque pertinax: eo cum veniſſet mirabiliter acceptus à Germania eſt, & magno in honore apud Cæſarem fuit.

Nam cum omnes Germaniæ principes, tum rex Romanorum ipſe, officii, honorisque hominis cauſa, domum ad eum venit; & in ſacris carimoniis ſolemnibus, datus ei locus eſt ſecundum Cæſarem primus: nihilque earum rerum, quæ ad homines magnos honeſtandos adhiberi conſueverunt, in eo prætermiſſum eſt, quæ, tameti ordinem ſcilicet debebantur & dignitati, tamen cum alacrius aliquanto, tum etiam cumulatius, quam antea ſolita ſint, perſonæ dicuntur eſſe perſoluta. Accedebat quod Cæſar, jucundiſſima ejus conſuetudine & ſermonibus delectatus, ſæpe hominem ad ſe extra ordinem vocabat; cumque de graviſſimis negotiis, deque republica collocuti inter ſe eſſent, multa ad eum Cæſar de ſuis privatim rebus referebat; multa de Geometria, multa de Geographia quærebat quibus ille ſcientiis, quod eæ ad rem militarem (quæ illi ſpectanda erat maxime) pertinent, operam multam illis temporibus dabat, illa autem cum in promptu Contareni haberet, quod puerili diſciplina erat in iis artibus ſtudioſe verſatus, omnia ſcilicet certa, dilucidaque reſpondebat. Quæ cum de Contareni apud Cæſarem familiaritate ac gratia, apud omnem Germaniam auctoritate & fama, Romæ eſſent allata; ventum eſt in ſpem fore, ut res conveniret, mitigatiſque Contareni lenitate & prudentia Geranorum animis ætèrrimæ diſcordiæ tollerentur, quæ res quoniam majorem in modum illi gloriæ futura erat, homini vehementer invideri coepta eſt. Nec deerant etiam Romæ, qui dicerent, nulla alia de cauſa ipſum Germanis gratum acceptumque eſſe, niſi quia adverſariis indulgiſſet; ac decreta, quæ pugnaciſſime defendere debebat, iſdem prodidiſſet. Hæc ve-

ro graves acerbæque voces ab iis, qui æquo animo laudem gloriamque Contarini non ferebant, emanabant: nec tantum illic ubi plurimum ipsi obesse poterant, improbe mittebantur, verum etiam per omnem Italiam fuscæ ac diffiminatæ, magnopere illius existimationem ac dignitatem lædebant, quas tamen ille, magno animo præditus, rei que ipsius naturæ non ignarus, primo contempsit, ad eum namque malevoli hi sermones invidiorum in Germaniam usque delati sunt; simulque sperabat exitum earum rerum innocentiam suam, fidemque patefacturum: cui sane ipse toto animo incumbebat. Contigit tamen tunc, quod sæpe in magnis arduisque rebus usu venit, ut negotium illud, Christianæ reip. magnopere utile, atque adeo salutare, in medio cursu fractum ac dissipatum sit, id autem magna ex parte factum est malitia fraudeque illorum, qui Cæsaris potentiam, quæ multum compositis rebus, Germanique pacata crevisset, suspectam habebant, suisque rebus periculosam existimabant, hi namque non modo veterum discordiarum fibras, ut oportebat, communis utilitatis causa non evelebant, verum etiam novarum simultatum semina occulte jaciebant, in aures eorum, quibus commissa res erat, insusurrantes, ac falsos quosdam metus eo inferentes.

Ut autem astuta hæc consilia rem morabantur, & ne ad exitum adduceretur impediabant, ita subito exortum est, quod animos Germanorum ad longe alias curas traderet; finemque disputationi illi ac colloquio faceret: hoc autem fuit incursus Turcarum regis in Pannoniam cum maximis copiis, communisque hostis metus: nec enim effecit tunc timor ille, quod plerumque consuevit, magnopere exacerbatis animis, ut stimulum periculum tantum admoveret ad odia extinguenda & gratiam reconciliandam; sed potius spem, quæcumque erat, malorum illorum sedandorum eo tempore intercidit, ac sustulit. Missis igitur sermonibus illis, quod factum est extremo mense Quintili, ceperunt Germani arma: totosque se ad impetum illum coercendum, sine quo suos tuendos contulerunt. Cæsar vero aliam rationem inivit ejus periculi callido consilio propulsi; quod a veteribus etiam ducibus non semel usurpatum fuit, & satis tutum semper utileque cognitum est: statim nempe cum classe, quam maximam ædificaverat, ornaveraturque, in Africam navigare: magno namque spatio Solimanus inde remotus, auxilium illis locis ferre nullo modo poterat, & ne majorem etiam aliquam plagam in Græcia acciperet, non sine causa metuere debebat. Urgebant præterea Carolum, ut hoc faceret, assiduæ preces Hispanorum, crebraque damna stimulabant, quæ cuncta illa maritima regio quotidie accipiebat, ob frequentem irruptionem Piratarum, adeo ut mare pæne omne clausum illic foret. Quare ut tam gravibus malis regnum illud suum liberaret, delecretque maculam, quam sibi videbatur suscipere ob tantam licentiam prædonum, statuit, ut dictum est, apparatus illius belli non deesse, sed etiam nefariorum hominum, si posset, omni ratione evertere: quamvis inimici timoris ipsum arguerent, quod ferocissimum hostem declinare, ac tellurem, quam maxime tueri debebat, tanto impendente periculo, destitueret: in Italiam igitur celeriter venit. Cum vero muneri, quod sustinebat, non sine magna animi sui molestia finem factum esse vidisset Contarenum, nec se posse amplius navare operam reipublicæ, una cum Cæsare reversus est. Postea vero quam Tridentum ventum est, Imperatorem, ut se dimitteret, rogavit: velle enim

enim se, quum commode id facere posset, Ecclesiam suæ fidei commissam, quæ non longe inde abesset, invisere: ac, postquam publice non posset, privatim religioni officioque suo servire. Venerunt tamen eo tempore Roma à Pontifice Max. litteræ, quæ juberent ipsum, persona legati retenta, apud imperatorem esse, Mediolanumque una cum eo proficisci, in quam urbem ille, ut veteris Imperii juris, non multo ante receptam, volebat (ut moris est) cum pompa ingredi, indeque Lucam accedere, quo in loco Pontifex ipse Cæsarque statuerant simul congregi, ac de communibus rebus studiose agere. Accidit hoc in itinere res, quæ vehementer animum optimi viri commoveret: cum enim Brixiam ventum esset, civis ejus loci, honestus sane vir, ac vetus amicus Contareni, qui ad ipsum salutatum venerat, quæsitiv ex eo simpliciter, quæ mens ipsum impulsisset, ut capita, quæ ferrentur prolata ab adversariis, adeo absurda, & à vera ratione aliena, in Germania comprobaret, cui statim respondit ille; eas esse meras nugas, rumoresque prorsus inanes, & quos omnium aures respuere deberent, se namque, nedum anceps quod esset, & in quo scrupulus aliquis resideret, sine auctoritate Pontificis Max. concessurus adversariis fuisset, ea etiam quæ rata in primis sunt & firma aliter recepturum non fuisse, non destitit auctor ejus sermonis, sed addidit; rem aliter, atque ille putaret, se habere: neq; enim incertam esse, ac nullo auctore prolata famam illam: se namque litteras vidisse ab ejus ordinis homine scriptas, summo viro, quem etiam nominavit, quæ id commemorarent, ac verum esse contenderent, non potuit tunc homo lenissimus sibi temperare, quin stomacharetur exclamaretque. Digna vero merces hæc est meorum laborum: si vera sunt, quæ narras. Statimque ut innocentiam suam, existimationemque tueretur, misit epistolam ad Pontificem Max. qua valde questus est de injuria, sermoneque improbitissimo, quem Roma profectum, ac per omnem Italiam ab iniquissimis dissipatum, contra dignitatem suam comperisset: rogavitque simul, ut, si penitus eum non aspernaretur, saltem se indicta causa ne condemnaret: nec quicquam de illa re secum statueret, antequam ipse ad eum pervenisset: sperare enim se facile causam suam probaturum, ostensurumque, laude se ac præmio, non reprehensione aut pœna ulla, ob ea, quæ in Germania gessisset, dignum esse. Cum Mediolanum perventum esset, quæ civitas omni genere lætitiæ, magnificentiaque apparatus Cæsarem exceperat, mirifice suo quodam facto Contarenum Carolus decoravit, ac, quid sentiret de virtute, singularique probitate hominis, norum testatumque omnibus esse voluit: lateri enim suo ipsum in omni ea pompa hæere voluit: cumque hoc ille modestiæ causa recularer, sequereturque aliquanto post, mandavit humanissimus Princeps uni è famulis, ut pæne invitum ipsum traheret ac prope se collocaret, omneque id tempus, donec eo perveniret, quo paratum illi hospitium erat, consumpsit cum eo jucundissimis sermonibus, id vero quum personæ dignitatiq; datum non sine causa aliquis arbitrari posset, licet tamen existimare, multum etiam ad hoc valuisse judicium, quod secerat de homine; quod putaret, ut qui veræ gloriæ non ignarus esset, eam rem non minus sibi, quam Contareno, laudi & honori futuram. Et sane litteris mandatum est, ejus nominis primum Augustum Cæsarem, quum primum Alexandream, quam bello ceperat, ingressus est, in magna copia honestorum ac clarorum virorum, Arcum, gravissimum & eruditissi-

mun hominem, sibi adjunxisse, familiariterque cum eo solo in tanta illa lætitia, fortunæque suæ magnitudine locutum esse, quem etiam, ut magis cum cives sui suspicerent ac fortunatum judicarent, manu teneret: erat enim philosophus ille Alexandrinus.

Sed aliæ quoque res, dum illic mansit, indicio esse potuerunt, quantopere Contarenum diligeret: id quod animadversum ab aliis opulentis viris, qui in eo comitatu erant, fecit ut omnes ipsum colerent, ac de illo celebrando quasi inter se contenderent. Cæsar, qui, ut supra ostendi, mare transire statuerat, quæ ad cursum illum necessaria erant, studiose parabat: imperatæque ut Genuam classis, propinquosque in portus cogeretur, quare, ut id celerius fieret, statuit sibi in eam urbem accedendum, indeque Lucam eundum, quo Pontifex Max. se venturum significarat. Contarenus igitur breviori via se Lucam contulit, atque illic, quod maxime cupiebat, post paucos dies Pontificem Max. vidit; qui sane hilari vultu, nulloque signo edito offensionis, ipsum accepit, nec multo post eodem Imperator venit, qui non cessavit etiam in aliis magnis rebus, quas cum Paulo III. egit, multa prædicare de prudentia, industria, probitate Legati; quibus omnibus virtutibus, in munere illo obeundo, usus fuerat in Germania: nec non questus est, quod Romæ multa falso jactata forent contra fidem & dignitatem ipsius, quum ille integre sincereque personam eam sustinuisset, ac negotia cuncta cum fide administrasset, cui statim sapientissimus senex, quique ignavus non erat artium malarum, quibus plerique Romæ utuntur, aut invidia commoti, aut, si alios deprefferint, sperantes se in locum illorum invasuros, respondit, sibi eximie cognitam esse ac probatam Contareni virtutem; seque eam ob causam ipsum tunc in Germaniam misisse; tantumque oneris ei imposuisse; facturumque etiam brevi, ut nemo dubitare possit de benevolentia sua erga illum, ac, quo denique loco eum haberet, se omnibus declaraturum. Non contentus autem hoc Pontifex, ut omnem scrupulum ex animo Contareni evelleret, gauderetque ille secum tam prompto erga se animo fortunatissimi hominis ac tam præclaro testimonio suarum virtutum, notum esse voluit ipsi eum sermonem: simulque suasit illi, ut contemneret malevolas voces improborum, nec putaret eas quicquam valere ad existimationem suam violandam, fontem etiam hujus mali aperire volens, testimonium citavit veterum poetarum, qui naturam invidiæ versibus suis expresserunt; moremque illam habere tradiderunt, ut summa loca feriret non minus, quam venti editissima quæque appetere, ac violentius verberare consueverunt: omnique demum ratione, qua potuit, ostendit se eum valde carum habere: cumque etiam gratias amanter egisset pro susceptis laboribus, fecit ei potestatem, ut tot itineribus defatigatus Romam reficiendi sui causa breviori via accederet: ipse namque vicinitate invitatus, Bononiam profectus est; indeque Ariminum venit, ac Flaminia denique via Romam reversus est, nondum autem duobus mensibus transactis, memor ejus quod dixerat, de augenda dignitate Contareni, legatum ipsum Bononiæ declaravit: quæ publica cura provinciarumque reliquas omnes superat, quas intra suos fines imperiumque status reip. possidet. Ille igitur hoc novo onere sibi imposito, ut qui non minus rebus gerendis, quam contemplandis factus erat, Martio mense se in provinciam contulit, factumque est, ut VI. K. Aprilis in urbem ingrederetur: qui dies apud eos maxime

maxime celebris agitur, consecratus genitrici ejus, qui salutem nobis dedit, summa igitur lætitia totius civitatis exceptus est: conataque est illa, quam spem conceperat animo de probitate & prudentia ipsius, externis etiam rebus, honoribusque omnibus indicare: certo enim sciebat futurum sibi illum potius esse optimum parentem, quam durum aliquem & avarum dominum, aut etiam fortunarum suarum expilatorem, in quo certe illi falsi non sunt: ut primum enim res illas attigit nullo negotio cognitum est, non minus ipsum in rebus judicandis clementia uti & æquitate, quam summo illo jure, quod sæpe merito reprehenditur, ac, si quis vere exiitimet, quod alio nomine appelletur dignum est. Totos dies ille causis audiendis, controversisque tollendis operam dabat: nec unquam molesto sane hoc, & odioso munere, præsertim homini in aliis curis studiisque educato, defatigabatur, hoc autem faciebat: naturamque ille suam, consuetudinemque flectebat, quia veræ gloriæ deditus erat, ac prodesse mortalibus, quacunq; re poterat, studebat, quare quodcunque munus obiret, dignum viribus operaque suâ, in ipsum tota mente incumbebat. Erant hæc curæ cogitationesque hoc tempore Contareni; procurabatque ille comoda ejus nobilissimæ civitatis: cum repente, inopinante illo, Roma litteræ venerunt, quæ ipsum ad aliud munus traducerent, in quo sane ille diutius versatus fuerat, quodque omnes numeros honestatis in se habebat. Cum enim sedari nunquam potuissent ulla ullius opera iræ inter Franciscum Gallorum regem, & Carolum V. imperatorem, sed quotidie magis novis injuriis inferendis inflammarentur eorum animi, gereturque aut pararetur ab ipsis semper bellum tæterissimum, quod in singulos dies reip. Christianæ gravissima vulnera imponeret, & ad internecionem denique redigeret maxime pias nationes, officii sui esse ratus est Paulus Pont. Max. tanto malo, si ulla ratione posset, mederi, tantumque & tam sævum incendium extinguere; quare mittendos sibi esse censuit seorsum ad ambos potentissimos reges, legatos, prudentissimos viros & tanto oneri sustinendo pares: præclare enim sciebat, quanta vis esset in Ministris ad unamquamque rem efficiendam; hæcque curam, omnium maximam, requirere personas in primis sapientia & auctoritate præditas atque ornatas, & non minus gratas acceptasque principibus iis, quorum animos delinire ac flectere deberent. Elegit igitur, quem ad Cæsarem, in Hispaniis tunc degentem, mitteret, Gasparem Contarenum: & ad Gallorum regem ire voluit Jacobum Sadoletum; ambos viros probos, atque omni ingenii laude florentes; & ut Collegas in amplissimo sacerdotio, ita multis honestis artibus inter se conjunctos, ac maxime bonis omnibus probatos: quæ res gesta est Sextili mensis. Erat eo tempore Sadoletus Romæ, quare significavit per litteras Pontifex Contareno, qui de illo statuisset: mandavitque, ut, quæ ad iter necessaria erant, expediret: socium namque ipsius in honestissimo illo munere intra paucos dies in viam se daturum. Hoc accepto nuntio ille, qui nullum unquam utilitatis aliorum causa laborem recusarat, quamvis ætate jam consecutus esset, & satis imbecilla valetudine, æquo tamen animo tulit sibi onus illud imponi, quod si animam, etiam in ea legatione se profusurum esse, certo scisset: tanta erat pietate præditus, & ita dicto audiens esse summi Pontificis cupiebat, ut ipsam prorsus repudiaturus non fuerit. Appropinquabat sane illi mors, quæ tamen longe alia ratione, & ubi minime expedabatur, ipsum oppressit:

nec enim (ut à me nunc diligenter narrabitur) aut laboribus, aut defatigati-
onibus novis accelerata est.

Agebat Contarenus ætatis suæ annum LIX. in his curis, quas ostendi, to-
to animo occupatus: partem tamen illarum jam in id munus, quod instabat,
derivans. Incumbens igitur illis, quæ multæ profecto ac graves erant, molesto
anni tempore, ut par esset ipsis sustinendis, aliquando reficiendi sui causâ se in
propinquum urbi locum conferebat: ubi manens & æstum declinaret, quo con-
ficebatur domi, & aliquantulum à perpetuis suis laboribus animum relaxaret:
nam si quid majoris momenti subito evenisset, facile illuc adibatur; ubi etiam
potestatem sui omnibus faciebat. Locus autem valde animo ipsius, temporî-
que illi accommodatus, ac quo plurimum variis de causis delectabatur, erat fa-
cellum Divæ Mariæ à Monte vocatæ, cujus possessio procuratioque est sode-
lium Divæ Justinæ. Acciderat autem, ut illis ipsis diebus, qui primi Sextilis
mensis fuere, fratris filius, illius salutandi & visendi causâ, Bononiam veniret,
qui superiore anno Patavii inter sodales illos receptus fuerat: vocabatur vero
novo nomine, ut consuetudo est eorum, qui se sacris aliquibus initiant, Placi-
dus. Cum autem probus adolescens esset, feminaque nonnullarum virtutum in
se contineret, à Contareno diligebatur, ille igitur primo apud suos in urbe
mansit in Divi Proculi dicato ipsis domicilio, ut tamen eo facilius frui posset
Contarenus, ipseque itidem sitim suam exleret videndi virum, quem maxime
optabat, secum sanguine conjunctum, cujus etiam visendi alienigenæ desiderio
flagrabant, impetravit à suis, ut se illic esse paterentur, quæ causa reliquis
causis addita est frequentandi recessum eum, diutiusque illic commorandi.
Hic collis ab urbe abest spatîo mille passuum, amoenissimus, & natura & arte
factus ad animum multis modis pascendum, atque omni honesta voluptate ex-
plendum, & sane qui desideria optimi hujus viri, gaudiaque cognita haberet:
quod non magno negotio omnibus contingere potuit, qui familiariter cum eo
vixissent: facile judicaret paucos illos dies, quos illic traduxit, jucundissimos
ei fuisse omnium, quos in vita unquam degustasset: vivebat enim cum sui a-
mantissimo fratris filio, cumque aliis nonnullis comitibus illius, eorundemque
sacrorum sociis, honestis sane viris & eruditis: rem divinam crebro faciebat;
omnisque sermo illic erat de rebus, quibus maxime capiebatur. Cum igitur,
ut traditum à me est, calores essent maximi, crebro in porticulum quandam
declinandorum illorum causâ veniebant: &, ut illic frequentius deambula-
bant, ita etiam aliquando posita mensa cibum capiebant: vergit enim illa ad
Septentriones; urbemque ipsam quasi ante pedes positam prospicit, planiti-
emque omnem, quæ ipsam cingit: quin etiam remotiores urbes illinc com-
mode cernuntur, Mutina, Ferraria, allaque nobilia oppida, quare non sine cau-
sâ expetitur prospectus ille, paritque oculis incredibilem voluptatem: quam-
vis tunc, capto jucunditate illius, Contareno nihil tale timenti, exitium com-
paraverit: aura enim illa lenis, quæ stabat: frigidiusculusque aer; cum tem-
peramentum corporis ipsius rarius esset, parvoque momento sæpe commove-
retur; facile ad imas partes penetravit, sanguineque inflammato abscessum in-
latere creavit, è genere eorum, quæ *Ασθήματα* Græci vocant, quare, statim fe-
bris consecuta est, quæ septimo die ipsum consumpsit; quamvis magna dili-
gentia summorum medicorum curatus sit: simul ac enim primum cognovit se
ægotare.

ægrotaſe, Bononiam reverſus eſt. Ipſe autem in primis naturam vimque ejus morbi mature perſpexit: tribus namque diebus, antequam animam eſſaret, omnem rem Ludovico Beccatello, uni è familiaribus ſuis, quo plurimum in rebus majoris ponderis utebatur, enarravit. Dixit igitur gravitatem ejus morbi non apparere: reconditaſque corporis partes magis iplum oppreſſiſſe, quam exteriores male habere, in pronipituque eſſe: addiditque genus id morbi periculum magni in ſe continere: quod ſi vires corporis eæ forent, ut ſpatio trium quatuorve dierum reſiſterent, ſine dubio morbum iplum impetum ſua remiſſurum: ſe tamen magnopere vereri, ne contra ipſe deficiat; naturaſque penitus frangatur: intelligere enim ſe venæ motum valde imbecillum eſſe. Cui ille, qui ſaluti iplius omni ſtudio proſpiciebat, reſpondit, rogans ut abduceret pauliſper animum ab his moleſtis cogitationibus, rationemque omnem ſui curandi in prudentia diligentiaſque medicorum poſitam eſſe vellet: affirmans præterea Deum optimum maximum, quem ſemper ille pie coluiſſet, ipli præſidio futurum: eſſe autem accurate incumbendum valetudini recuperandæ, ut cito mandatum ſibi munus obiret, iterque ad imperatorem faceret. Ille vero ſtatim hilari vultu, ad alium longe majorem imperatorem ſibi iter inſtare, dixit, idque ipſos brevi cognituros: neque tamen ſe hoc dicere, quia mortem valde perhorreſcat, parumque animo æquo ſerat ſe è vita diſcedere: intelligere enim ſe præclare quot quantaſque beneficia à Deo acceperit, quorum etiam pluraſque commemoravit, non gloriæ cauſa oſtentationiſque, cui tunc locus minime erat, verum ut ſe gratum eſſe erga auctorem, illorum ſignificaret. Inquit igitur ſe ortum eſſe ea in civitate, quæ nulli earum cederet, quæ in univerſo terrarum orbe exiſtunt: è familiaſque, quæ haud poſtremum locum in ea rep. teneret: conſecutumque itidem illic eſſe honores non parvos: & ut domi, ita etiam foris gradus maximos dignitatis adeptum eſſe: utramque vitam ſe cum laude aliqua coluiſſe: & eam, quæ in contemplatione rerum verſatur, & eam, quæ rebus agendis incumbit: perveniſſe ad ætatis annum L I X. quem terminum vitæ non multi attingere poterunt: quare ſecum quoque hac parte non male actum eſſe: canereque ſe debere una cura ſacro Hebræorum vate carmen, quod ad æquum gratumque animum ſignificandum pertinet, nomenque illius laude gloriaſque cumulandum, quia non tam liberaliter ſe geſſerit erga multos, neque tot bonis expleverit omnem populum, gentemque. Unum tantum ſibi moleſtum eſſe, quod, ut optabat, commodiſ quorundam tenuiorum hominum non proſpexerit, qui ſibi, poſtquam ad ſacrum illum honoris gradum aſcenderit, fideliter miniſtrant: ſperare tamen ſe Deum optimum max. Pontificemque, cujus dignitati toto animo infervierit, fortunas eorum ſublevaturos. Nec oblitus eſt ſuo opportunoque tempore mandare cuſtodi iplius, ut privilegium, quod beneficii loco à Pontifice impetrarat, ad deſicta penitus abſtergenda traditum, ſibi legeret, dum mente orationeſque conſiſteret. Cum hæc animo verſaret, ſane conſtanti ac forti, atque hoc ſermone conſolaretur; ſuos, qui præſentes aderant (ſi autem erant, ut quique maxime illi acceptus probatuſque fuerat) angebat, atque ita perturbabat, ut lacrimas vix tenere poſſent: à quibus tamen ſibi diligenter temperabant, quamvis intelligerent ne magna quidem copia iplarum ſpectante illo effuſarum, poſſe iplum commoveri, & è ſtatu illo animi dejici. Eadem vero

hominis providentia in intelligendo, prædicendoque suis vitæ suæ fine, exitu ipso comprobata est, quæ in ceteris rebus judicandis significandisque sæpe apparuerat : crescente enim semper vi morbi, remediisque omnibus superatis, oppressus ille est; animamque efflavit . K. Sept. meridie. Quamvis autem horas circiter sex antea voce orbatus esset, non tamen sensu animi, intelligentiaque extremo illo tempore caruit, ut certis quibusdam notis indicisque perspectum est; confiditque clementia conservatoris nostri, ut Christianum virum deceat; & cum aliter non posset, se spem omnem suam in eo collocaram habere nutu, admonitus diligenter de hoc, significavit. Ut vero se constantem in hoc, maximeque pium præbuit, ita, quæ moris est consuetudinisque, non solum magno, verum etiam alacri animo geri, custodirique passus est, quæ sane, ut nuntia mortis, perterrefaciunt plerosque; ac valde omnes, qui non firmas radices egerunt in persuasionem Christianam, perturbant.

Reliquit vero ille discessu suo suos omnes mœroris ac luctus plenissimos : ut uniuersam quoque civitatem dolore magno affectam, quæ sane, quacunque ratione potuit, funus illius honestavit, & quam molesta ipsi optimi custodis mors fuisset, planum fecit, die autem, quæ secuta est mortem ipsius, funus ductum est. Orationem de laudibus ejusdem, & honeste acta cuncta vita, habuit Romulus Amazeus, disertus & nobilis orator, qui tunc in ea urbe, domicilio quodam vetere omnium disciplinarum, & humaniores litteras docebat, & negotia publica recip. administrabat, corpus in Divi Proculi depositum est, eo consilio, ut Venetias postea comportaretur, in sepulchroque majorum ipsius, clarissimorum virorum, collocaretur. Paulus III. nuntio allato de obitu Contareni, ægre admodum illum tulit : declaravitque quanti hominem fecisset, omni genere liberalitatis usus erga omnes illius, nec tantum Pontifex Maximus, qui sæpe opera ipsius fideli & utili usus fuerat, verum etiam Romæ ceteri probi viri morte ipsius vehementer consticti sunt, nam, quantum lucum eadem in patria excitavit, non facile dici potest, omnes denique, qui aliquando doctrinam illius gustarant, singularisque probitatis hominis specimen aliquod acceperant, publicam illam cladem existimarunt. Civis autem collegæque ipsius in amplissimo sacerdotio Petrus Bembus quantum dolorem cepisset ex gravi morbo Contareni, desperataque jam à medicis salute, notum omnibus esse voluit : in Epistola enim ad Flaminium Tomarotium, quomodo affectus animo esset audito casu illo, & propinqua morte optimi & honestissimi viri, diligenter narravit. Verbis ipsis, quum illustri loco posita sint : alioque sermone edita, supersedebo. Possent etiam aliorum multorum, doctorum & excellentium virorum, testimonia citare, qui quantum damnum morte illius factum esset, scriptis suis testati sunt : in quibus etiam nonnulli, qui ab eo vehementer dissentiebant de ratione vivendi, veroque cultu Christiani hominis, & acerrimi adversarii opinionum, quas ille in Germania defendit, extiterunt : magnifice tamen de eruditione, continentiaque illius in illis ipsis libris, quibus sententias ipsius oppugnabant, locuti sunt, quod fere usu venire non solet, ut à quibus de veritate homines dissentiant, non eosdem etiam conentur deformare, atque ita auctoritate omni ipsos spoliare. Et quoniam de dolore, quem illo tempore cepit Paulus III. mentionem feci, libet etiam commemorare, quod ab eodem illo familiari Contareni, & omnibus officiis cum eo con-

juncto Ludovico Beccatello, honesto in primis & fide digno viro, accepi, ad id confirmandum vehementer accommodatum: declarat enim mansisse diu in animo Pontificis ægritudinem hanc, ac levi quoque momento refricari solitam tantam plagam, nisi forte aliquis putet sapientissimum illum senem quotidie magis, in magna penuria talium virorum, cognovisse quantum incommodum olim acceptum fuerit obitu ejus viri, qui ut quietorum temporum ornamentum ingens, ita perturbatorum præsidium firmum erat: quum enim ad se illum evocasset, opera ipsius quibuldam in rebus usus, diligenter ex eo quæsit, an præsens forte ille adfuisset, quum fato Contarenius functus est: rogavit, ut diceret aliquid de institutis & vita illius, cui statim, mihi affirmavit ille, se respondisse id, quod erat: mirificam fuisse Contareni integritatem fideique in iis omnibus rebus gerendis, quæ mandatæ illi ab ipso forent, intellexeret ipse sua sponte, facere ad dignitatem Romanæ reip. conservandam, virumque illum vera probitate præditum fuisse, non ficta ac simulata, quam personam plerique, ut eo perveniant, quo cupiunt, sibi callide imponunt, unumque omnium Contarenus veteres ac maxime ratas opiniones & animo probasse, & verbis etiam semper defendisse, quo sermone accepto commotum Pontificem Maximum, qui deambulabat, stetisse, manumque iterum percussisse mensam prope positam, dixisseque non sine gemitu quodam ac suspirio, quod indicavit evulsam fuisse penitus omnem ex animo ipsius suspicionem, quæ quondam eo inculcata de illo vocibus malevolorum fuerat. Amifimus profecto magnum virum, ac valde utilem reip. nostræ civem, sed, ut alia, ita hoc magno constantique animo ferendum.

Quoniam autem non semel dictum est in hac vita de magna labe animi quorundam, quum ab ipso illo vitio magnopere Contarenius abhorreret, qui alienam personam induentes (unde Græco vocabulo, sumpto ab actoribus fabularum, vulgo *Λογογράφοι* appellantur) & eam quidem semper meliorem, vel optimam potius omnium, longe alii videri volunt, quam vere sint; atque ita magnis in rebus imponunt simplicibus hominibus, nihil inde mali suspicantibus, unde plurimum ipso expectare oportebat; non alienum esse duxi de hoc etiam disserere: etsi enim nunquam defuerunt, qui fallacias & dolos horum nefariorum hominum aperirent, ac maxime illos esse cavendos in vita admonerent, nunquam tamen ita probi viri eruditi & instructi fuerunt, ut satis possent artes eorum intelligere, atque insidias etiam vitare. In primis autem in pietatem nostram Christianam, quæ tota in simplicitate animi fundata est, radices egit, atque incommoda sæpe magna apud nos peperit hæc fraus. Quo majore odio digni sunt hi pessimi mortales, qui in re, quæ quo magis pura integraque est, eo magis probatur, astutis consiliis utuntur, ac dolos malos exercent. Hoc etiam aliquo modo significasse videtur doctissimus vir Plato, qui, hoc genus hominum notans, inquit, postremam injustitiam esse, videri velle optimum virum, quum minime sis. Idemque ab Æschylo, non solum gravi poetæ, sed etiam docto in disciplina Pythagorea prolatus est, quum ferret in cæteris magnis laudibus Amphiaræum, summum illum augurem, eundemque sanctissimum virum: inquit enim ipsum non studuisse quod multi faciunt, ut videretur optimus, verum ut esset, nam quod nos, malis multis docto, reddunt etiam aliquando dubios & incertos: faciuntque, ut probos honestosque viros

ab improbis & impuris distinguere nequeamus, non dici etiam potest quantopere hoc pacto obliuit, cum apud Euripidem etiam sapiens antea semper habitus Theseus, eo nomine suspectam habuerit eximiam probitatem, castitatemque filii: insimulatus enim falso Hippolytus, quod cubile ipsius violasset, quum se ille apud eum purgaret, quod vita sua ab eo scelere valde remota esset, fidem ea de causa non fecit: timuit enim pater ne tenuis viduus, cultusque, quofilius delectabatur: abstinentiaque à vescendis animantibus, simulata foret: simulque ne disciplina Orphei, quam ille profitebatur, familiaritasque demum Dianæ, in qua se valde iactabat, ficta esset, quare in alteram partem miserabiliter peccavit. Sed eo redeamus unde digressi sumus. Idem etiam intimus consiliis Contareni, nec minus studiosus famæ existimationisque huius optimi, ac prudentissimi viri, quem sibi in vita tanquam viuum quoddam exemplar probitatis proposuerat, notam, quam improbe vitæ ipsius inurere præposterus quidam amicus studuit, hoc pacto delevit. Narrat enim forte evenisse, ut illo ipso tempore, quo graviter Contarenius ægrotabat, Bernardinus Ochinus, illæ novæ condendæ Franciscanæ familiæ dux & auctor, Bononiam venerit, Romam ad causam dicendam evocatus: insimulabatur enim in iis concionibus, quas Venetiis habuerat nonnulla dixisse, quæ veteribus decretis Romanæ reip. adversabantur: additque habuisse illum litteras ad se scriptas à Giberto Episcopo Veronensi, quibus à se petebat, ut diligenter ageret cum Legato, ut hortaretur hominem ad sistendum se in iudicio: coramque ad ea, quæ ipsi obijciabantur, defendenda: quum cognovisset ipsum timide ad id descendere, egeretque stimulo quopiam & auctoritate magni alicujus & gravis viri: neque enim adhuc Gibertus hominis levitatem inconstantiamque perspexerat: is autem vesperi venerat, quum jam cenassent omnes, Legatus tamen adhuc in lectulo vigilaret: qui, quum speraret morbum postridie leviolem fore, ut commodius eum audire posset, loquiique cum ipso familiariter, iussit ut præberentur illi, quæ ad curandum corpus pertinerent: contigisse vero contra, ut ea nocte morbus ingravesceret: quare mane Legatum totum distentum fuisse in remediis, quæ medici adhibenda iusserant, sumendis, novisque curationibus: unde factum fuerit, ut neque de hospite illo, neque de alia ulla re agi cum eo potuerit. Bernardinus interim, cui in primis mala sua mens, malusque animus cognitus erat: atque umbras etiam, ut, qui sibi alicujus sceleris conscii sunt, faciunt, reformidabat, cepit vereri ne astute illic detineretur: putabat enim fingere morbum Legatum, quo metu homo oppressus (nam hoc verum esse non multo post è consilio, quod cepit perspectum est) non cessabat Ludovicum urgere, ut rogaret Legatum potestatem sibi faceret abundi; in quo ille ipsi non obtemperabat, putans brevi fore ut melius esset Legato: videbatur enim sibi perspexisse cupere illum magnopere cum Bernardino loqui; qui sane usque ad id tempus magnum sibi nomen ex facultate illa dicendi, & opinione sanctitatis conciliarat. Cum autem, magis magisque semper timore crescente, infaret, Ludovicus importuno sane tempore coactus est, cum æstu febris in lectulo Legatus iactaretur, eo impetere, rogareque ut pateretur ipsum abire: in quo sane humanissimus vir ei morem gessit, quumque ad eum Bernardinus introductus esset, hæc ipsa verba protulit. Vides quo in statu sim, excusatio hæc apud te iusta sit: & ora, ut Deus opt. max. mihi propitius sit: scilicetque institutum

institutum iter perage, cui ille tantum, demisso (ut moris est) capite, respondit se prorsus ita facturum: illicoque abiit. Hic est sermo, quem Bononiæ habuit cum sanctissimo, & modestissimo viro Bernardinus, nec verbum præterea additum est, qui tamen postea, quum susceptam vitæ rationem deservisset: accerrimumque se hostem Pontificiæ potestatis præbuisse, ut se sapienter id fecisse ostenderet: à perditaque causa & flagitiis multis contaminata, merito desecisse: habereque se multos socios ejus consilii probare vellet, non veritus est criminari amicum, memoriæque ac litteris prodere: quæstum secum esse eo tempore Contarenum de moribus institutisque Romanorum antistitem: & infectione sava atque injusta bonorum: hujuscemodique alia multa scribere prorsus inania, & quæ non solum à veritate abhorrerent, sed etiam vitæ ejus, cui afficta erant, nullo modo convenirent, quæ cuncta Ludovicus (ut est vir optimus & omnis officii, quod in amicicia coli debeat, observantissimus) asperseverabat, refellendi ejus mendacii causa, & purgandæ innocentæ viri illius mortui, quem vivum magnopere dilexerat, nec tantum hoc se ita habere, testimonio suo confirmabat, sed alios etiam testes hujus rei producebat, qui præsentibus illic adfuerant: in quibus etiam nominabat Julium Contarenum, fratris Legati filium: qui post ejus mortem & ob naturæ probitatem, & ob commendationem patris, creatus est Pont. Civilis, cui præfecturæ regendæ præpositus antea fuerat. Cum hoc tanti momenti sit ad integritatem Contareni ostendendam, abstergendamque maculam illi falso aspersam, volui totam rem, ut factam eam accepi, ac pæne iisdem verbis, quibus mihi exposita est, commemorare.

Rebus autem gestis ab eo dum vixit enarratis, nunc quæ monumenta ingenii reliquerit, fructusque otii ipsius indicabo, prius tamen, quod adhuc valet aliquid ad confirmandam doctrinam hominis, testimonium de ea re gravissimi & eruditissimi viri citabo: quod additum superioribus testimoniis, quæ prodidi de eximio ingenio ipsius, præstantique cognitione omnium disciplinarum, vera esse declarabit: simulque non finet quempiam dubitare, quomodo ille, in vita plerumque occupata, tot tamque præclara opera efficere potuerit, quæ multum etiam posteris prosint, perpetuoque testentur, qualis ille, quantusque vir fuerit. Ludovicus igitur, cui cognomen ferrei oris fuerit, nobilis philosophus, & qui multos annos in Bononiensi gymnasio summa cum laude & admiratione omnium, qui aliquando ipsum disputantem audierunt, matrem eam omnium optimarum artium coluit, mortuo Contareno, quum sermo ipsi esset institutus cum honestis quibusdam viris de damno, quod eo tempore factum esset interitu illius, plurimisque animi dotibus, ac maximis virtutibus, una cum eo extinctis, inquit doloris plenus: (nam virum eum valde dilexerat, in familiaritatemque se ejus insinuarat illo tempore, quo Legati nomine urbem eam rexit.) Ego, quod mihi videor meo jure facere posse: nec enim malum me omnino esse existimatore harum rerum arbitror; affirmo hunc hominem omnibus, quos aliquando cognovi in philosophiæ studiis merito laudatos, qui sane non pauci fuere, præstitisse & scientia multarum rerum, & judicii firmitate: ipsumque vere philosophi gravissimo nomine dignum fuisse judico. Certe quum ego de aliqua re, propria ejus studii, cum eo dissererem, videbar mihi præ illo minutus quidam philosophus esse; vel potius novus quispiam auditor,

ditor, & plane rudis ejus artis, quam profiterer, quare ad ipsum sæpe me conferebam, ubi locus aliquis obscurior mihi negotium faceretur: in qua quaestione quum paulo antea ipse toto animo versatus essem, & aliquas etiam horas, evolutis pluribus voluminibus, præterita die consumpserim: ille vero, ut existimari potest, spatio multorum annorum nullam cogitationem de ipsa suscepisset, ita tamen apte & exquisitè nodos illos dissolvebat, ut videretur diu multumque non multo antea de ea cogitasse, quare (inquit) sæpe ego pæne stupidus evasi; mihiq; potius cum cælesti aliqua natura, quam cum mortali homine visus sum loqui: idque nunc, quia res ita se habet, verumque id prorsus est, prædico, nulla alia causa impulsus, quis enim non videt assentationi nunc locum non esse; quæ præterea à persona, quam sustineo longe semper abesse debet? Hæc assueverant tunc ab illo prolata quum essent, auxerunt magnopere opinionem, quam, qui aderant, de præstanti Contareni ingenio antea in animis habebant. Sed etiam scripta, quanta fuerit eruditio ipsius, aperiant: quæ sane, ut ordine à me tradantur, hæc sunt. Edidit juvenis adhuc (xxx. enim tertium ætatis annum tunc agebat) librum contra judicium Petri Mantuani doctoris sui; nec tamen ea de causa minus pius, quamvis contra pietatem facere videretur, fuit: ille enim in omni sermone suo affirmare solitus erat, ex opinione sententiaque Aristotelis existimari debere animos nostros esse mortales, quum contra ipse, sedulo adversus eum disputans, citatis multis locis, & tanquam tabulis obstrictis, ostenderit longe aliter principem Peripateticorum de ea re sensisse: viderique potius immortalitate donatos ipsos Aristotelem esse voluisse, cujus opinionis antea Plato, unde didicerat, sine ulla dubitatione fuerat. Argumenta autem illa firma ad probandum & gravia fuisse, opusque totum valde elaboratum, perspicitur, quia acutissimus ille physicus in libro, quo defendit opinionem illam suam, acriter oppugnatam ab eo, quem instruxerat, tradit eum librum & doctissimum omnium & uberrimum esse, qui omni tempore materiam illam persecuti sunt: additque videri prorsus eum divina opera & manu fabricatum fuisse. Scripsit etiam de Elementis libros quinque; in quibus viam omnem, rationemque Aristotelis diligenter expreflit: misit autem illos ad Mattheum Dandalum sororis suæ virum: cujus hic supra mentio cum magnis verisque ipsius laudibus facta est. Addidit his, in altiore philosophiæ parte, libros quatuor, quos dicavit Paulo Justiniano, nobilissimo & clarissimo suo civi, qui odio rerum humanarum, quum pertæsum esset varietatis ipsarum; ut facilius divinas contempleretur, Deoque ipsi toto animo serviret; in Etruscos montes cætumque Camaldulensium se contulerat. Hi libri ei, qui attente legerit, nullo negotio patefacient, quæ fuerit vis animi ipsius, & quanta prudentia in rebus gravioribus tractandis. Sed idem etiam (ut melius adhuc intelligatur factum illum natura et studio fuisse ad personam eam sustinendam, quam ipsi multo postea sapientissimus Pontifex, multumque semper omni in re providens, imposuit) juvenis adhuc, vitamque colens liberam, ac nullis sacris astrictam: occasionem hanc ejus rei nactus, quod familiaris ipsius Pontifex Bergomas destinatus fuerat, ipsum institueret cupiens, duos libros scripsit de officio eorum sacerdotum: finxitque ita atque informavit talem virum, quales si forent, quibus tantum hodie commissum est, non laboraremus. Quis enim non fateatur pias in primis castasque fuisse cogita-

tiones

tiones ipsius : totaque mente ac studio solitum esse in illis volutari optimum virum, postquam alium instruere & ornare in ea vita ausus est, quam ipse adhuc non attigerat : nec unquam cogitarat, præcepta illa sibi utilia aliquando futura ? Præterea, quum orta quæstio esset in senatu de Pontificis max, potestate, divinitusne illa stabilita foret, an humanis consiliis regeretur : quumque multum de ea re illic in utramque partem disputatum esset, domum reversus, ut quid ipse de eo sentiret, ostenderet : omnique errore cives suos liberaret, spatio unius noctis libellum confecit, qui nunc excusus in manibus versatur. Sed, ut iisdem etiam in suo proprioque ipsorum munere prodesset : effigiemque ejus reipublicæ, in qua natus erat, exprimeret, quinque libros confecit de magistratibus, reque publica Venetorum, qui itidem divulgari sunt. Postquam vero in amplissimorum Antistitum collegium cooptatus est, perlectis diligenter synodis omnibus, quæ variis temporibus ob emendandum statum Christianæ reip. coactæ sunt, in breve quoddam corpus gravissimas quasque ipsarum collegit : servato temporum ordine, materiaque omni, quam persecutæ sunt, demonstrata. Utile vero mirifice potuit esse volumen illud ei synodo, de qua tunc summis contentionibus agebatur : quamque Paulus III. adversariis, reconciliandorum animorum gratia, proponebat : multumque opus afferre illis omnibus, qui in eo certamine versari deberent, misit autem opus hoc multarum vigiliarum ad eum, cujus maxime intererat, quid de ea re fieret : & qui eo tempore tota mente in illam curam incumberebat. Absoluto autem illo, par huic opus ; & quod eundem finem haberet, aggressus est : scripsit enim quatuor libros de ritibus cerimonisque nostræ religionis perfunctis Christianæ, quæ Sacramenta appellant : quibus libris complexus est materiam illam omnem, & quæ radix visque ipsarum fuisset, declaravit : quidque demum pie credi, & custodiri de illis deberet, veris rationibus, argumentisque satis firmis comprobavit, nam ipsum, argumento hoc sumpto, si, quod pollicitus erat, præstare voluisset, debuisset omnem quæstionem, de qua nunc tot tantæque lites & concertationes inter dissidentes partes reip. existunt, explicare planum & exploratum est, quare sic quoque præclare instruxit & armavit illos, qui pro veritate comminus congressuri erant cum hominibus magno errore inflatis, & causam eam malam obstinate defendentibus.

Ut autem libellum alium, admodum utilem pravis opinionibus ex animis hominum evellendis, conficeret, occasionem hanc habuit. Factum est, quum ille Bononiam Legati nomine obtineret, ut vir prudens, salutisque gregis illius, qui fidei ipsius potestatisque commissus foret, ut pastorem bonum decet, valde studiosus, ad eum veniret, medicinam ab eo petens ; rationemque accipere cupiens, quæ salvum ipsum incolumemque redderet, quum graviter ægrotare non parvam partem ipsius cognosset : quam tamen totam rem ille ita tractari volebat, quum honestam nobilemque civitatem regeret, ut ne ignominia illa notaretur, & tamen remedium cito adhiberet, ne magis malum serperet. Consilium ipsius quum mirifice probasset Contarenius, multa animo revolvens, ut erat summus & accuratus medicus hujus pestilentis morbi, statuit demum ita rem esse agendam. Confecit tanquam institutionum quandam brevem Christiani hominis : collegitque, quæ magis mordere animum debent, probra omnia : & ita, ut aperire ipsa oporteat cum dolore sacerdoti : illum au-

tem commentariolum *salutis* appellavit, qui sane non uni illi civitati sanandæ factus videretur, sed Christianis omnibus in officio retinendis, & ab illa contagione liberandis; eum vero gravis ille vir ad suos comportavit, divulgatumque studio quodam & arte effecit, ut vulgo reciperetur, cunctique se viæ illi tenendæ, legibusque servandis astringerent: statim enim probatus fuit omnibus, exceptis paucis illis, qui plane perditæ ac desperatæ forent: posteaque & ipse formis excusus est. Quum autem, ut gesta tunc res est, temporique illi aptum fuit, nomen & civitatis & præfecti ipsius in sacris rebus curandis celaverim, illa postea patefacta, quum incommodi nihil amplius inde nasci possit, deberi puto personam etiam à me indicari. Moronus enim Mutinensium Episcopus is fuit, qui & ipse non multo post ob singularem prudentiam in rebus gerendis, præclarasque alias animi dotes, auctus dignitate est à Pontifice maximo: cujus amplissimi sacerdotii insigne Bononiæ manibus suis Legatus capiti ipsius imposuit. Illustravit etiam Scholiis quibusdam suis Contarenum multos obscuros locos in Epistolis Divi Pauli, quum ipsas accurate legeret, quo sane in studio toto animo occupatus erat, cum mors eum oppressit. Sed etiam Epistolæ ipse non paucas conscripsit eruditæ, & optimorum præceptorum plenas: ut libellos etiam nonnullos alios, aliquam occasionem illorum conficiendorum nactus: præcipue autem studiis amicorum, variisque eorum temporibus serviens, in quibus est quæstio diligenter explicata, perdifficilis sane, magnique semper momenti habita ad vitam bene beateque degendam; quæ traditur liberam esse potestatem nostram, omnique nexu causarum ac necessitate solutam, veteres illi *mei* & *ipsum* ipsam vocabant, & qui de fato differebant, re huius contraria, necessario de ipsa disputationem suscipiunt, eum vero librum misit ad Victoriam Columnam: feminam lectissimam, & quæ ob extremum amorem erga virum mortuum, admirabilemque ingenii laudem in condendo carmine, maximo quoque honore digna est. Sed etiam, ut sorori suæ, quæ se in castissimum cœtum mulierum Muranarum conjecerat, morem gerreret: animumque ipsius suavissimo cibo aleret in ea solitudine, cui se dicaverat, interpretatus est duos Hebræorum illorum cantus Italico nostræ ætatis sermone: cum enim ille doctrina ingenioque suo prodesse quoque alienis studeret; non visum sibi est posse suis ullo modo deesse.

Quin etiam, eodem honesto desiderio incensus, ut utilitatibus fratrum suorum serviret, qui crebro, mercaturis faciendis operam dantes, navigabant, confecit libellum de astu maris, & quam causam reciproca illa fluctuum agitatio haberet, diligenter monstravit; qui tamen liber amico ipsius commodatus magno adhibito studio, recuperari nunquam potuit. Sed ne omniâ diligentem minutiora ipsius opera, quæ plurima sunt, enumerem: in quibus tamen appareret specimen illius doctrinæ ac iudicii, finem faciam: possum enim vere affirmare, quodcunque temporis vacuum à negotiis nanciscabatur, in his rebus ipsum consumere solitum: omnesque vigilas suas cum consuevisse temporibus amicorum necessariorumque suorum consecrare: neque enim ostentationis & gloriæ causa huiusmodi scriptiones suscipiebat: in hisque se dies atque noctes macerabat: quamvis iustus inde honos, nec magnopere reprehendendus consequatur: sed ut dixi, voluntati amicorum, commodisque indulgens: sive studiis suis memorisque serviens, à scribendo nunquam cessabat.



COMPENDIUM VITÆ ERASMI ROTERODAMI.

NATUS Roterodami in Vigilia Simonis & Judæ. Supputat annos circiter 57. Mater dicta est Margareta, filia medici eujusdam Petri. Ea erat à Septimontio, vulgo Zevenberge, Fratres illius duos vidit. Dordraci pene nonagenarios. Pater dictus est Gerardus. Is clam habuit rem cum dicta Margareta, spe conjugii. Et sunt qui dicant intercessisse verba. Eam rem indigne tulerunt & parentes Gerardi & fratres. Pater erat Helias, mater Catarina: uterque pervenit ad extremam senectutem, Catarina pene ad nonagesimum quintum annum. Fratres erant decem, nulla soror; ex eodem patre & matre; omnes conjugati. Gerardus erat natu minimus, uno excepto. Visum est omnibus, ut ex tanto numero unus Deo consecraretur. Nosti affectus senum. Et fratres nolebant minui rem, sed esse apud quem ipsi convivarentur. Gerardus videns se modis omnibus excludi à matrimonio magno consensu omnium, fecit quod solent desperati, clam aufugit, & ex itinere misit parentibus & fratribus Epistolam cum munusculis complexa; addito elogio, Valet, nunquam vos videbo. Interim relicta est sperata conjux gravida. Puer alius est apud aviam. Gerardus Romam se contulit. Illic scribendo, nam tum nondum erat ars Typographorum, rem affatim paravit. Erat autem manu felicissima. Et vixit juveniliter. Mox applicuit animum ad honesta studia. Græce & Latine pulchre calluit. Quin & in Juris peritia non vulgariter profecerat. Nam Roma tunc doctis viris mire floruit. Audivit Guarinum. Omnes auctores sua manu descripsit. Parentes ubi resciscunt eum esse Romæ, scripserunt illi, puellam, cujus matrimonium ambiret, esse vita defunctam. Id ille credens, præ merore factus est presbyter, totumque animumque ad religionem applicuit. Reversus domum comperit fraudem. Nec illa tamen unquam post voluit nubere, nec ille unquam tetigit eam. Puerum autem curavit liberaliter educandum, & vix quatuor annos egressum misit in ludum litterarum. Ac primis annis minimum proficiebat in litteris illis inamoenis quibus natus non erat: ubi nonum ageret annum, misit Daventriam: ma-

*Ubi natus.
Mater.*

*Avunculi.
Pater.*

*Avia, &
Avia.*

*Pater Erasmi
confert se in ex-
teras regiones.*

*Erasmus libe-
raliter educatum
Missus qua-
dragenis in lu-
dum literarum,
Novenarius
Daventriam.*

Sic omnibus literis est in Autographo: quid sit, nondum capio. An à Patre Erasmi quid Rudimentorum scriptum; quoniam in Græce Latineque pulchre calluerit, Vir istoc ævo literatissimus? Pests matrem Erasmi soluit.

Pater Erasmi moritur. Tutores Erasmi. Erasmus ablegatus in Bursucum.

Redit ad Tutores.

Invenit ad monachium.

ter sequuta est, custos & curatrix teneræ ætatis. Ea schola tunc adhuc erat barbara. Prælegebatur * pater meus: exigebantur tempora: prælegebatur Ebrardus & Joannes de Garlandia: nisi quod Alexander Hegius & Zinthius cœperant aliquid melioris litteraturæ invehere. Tandem ex pueris collusoribus, qui grandiores natu audiebant Zinthium, primum cepit odorem melioris doctrinæ: post aliquoties auditiv Hegium, sed non nisi diebus festis, quibus legebat omnibus. Hic pervenit ad classem tertiam: tum pestis vehementer ibi sæviens sustulit matrem, relicto filio, jam annum decimum tertium ægente. Quum pestis indies magis ac magis incrucesceret, tota domo, in qua agebat, delolata, reversus est in patriam. Gerardus, accepto tristis nuncio, cœpit ægrotare, ac paulo post mortuus est. Uterque decessit non multo supra annum quadragesimum. Tres tutores instituit, quos habebat fidissimos. Horum præcipuus erat Petrus Winkel, tum ludi litterarii Magister Gaudæ. Legavit rem mediocre; si tutores bona fide administrassent. Itaque ablegatus est in Bursucum ducis, quum jam satis maturus esset Academiae. Verum illi Academiam metuebant, quod statuerant puerum religioni alere. Illic vixit, hoc est perdidit, annos ferme tres in ædibus fratrum, ut vocant: in quibus tum docebat Romboldus. Quod genus hominum jam late se spargit per orbem, quum sit perniciēs bonorum ingeniorum, & seminaria monachorum. Romboldus, qui mire adamabat ingenium pueri, cœpit eum sollicitare, ut suo gregi accederet. Puer excubabat incertam ætatis. Hic exorta peste, quum diu laborasset febri quartana, reversus est ad tutores, jam stylo quoque satis prompto, ex aliquot auctoribus bonis parato. Unus tutor perierat peste: cæteri duo, re non admodum bene gesta, cœperunt agere de monasterio. Adolescens languens febri, quæ supra annum illum tenuerat, non abhorrebat à pietate: cæterum à monasterio abhorrebat. Itaque sinunt diem ad cogitandum. Interim Tutor subornat, qui pelliceant, qui minitentur, qui perpellant animum imbecilem. Atque interea repererat locum in monasterio canonicorum, qui vulgo vocantur Regulares, in Collegio, quod est juxta Delft districtio: quæ domus est principalis ejus Capituli. Ubi dies venisset respondendi, respondit prudenter adolescens: se nondum scire, neque quid esset mundus, neque quid esset monasterium, neque quid esset ipse: proinde videri consultius, ut adhuc annos aliquot agat in scholis, donec sibi notior esset. Hæc quum videret constanter dici ab adolescente, statim infremuit Petrus. Ergo, inquit, frustra laboravi, qui talem locum tibi magnis precibus paravi: tu es nebulo: non habes spiritum bonum: abduco tutelam tuam. Vide, unde alaris. Adolescens respondit, se accipere abdicationem, & ea esse ætate, ut non opus sit tutoribus. Ubi vidit se minis nihil proficere, subornat fratrem, qui & ipse tutor erat, negotiatorem. Is blanditiis agit. Accedunt infugatores undique. Habebat sodalem, qui prodidit amicum; et urgebat febris: nec tamen ardebat monasterium, donec forte fortuna videret monasterium ejusmodi ordinis in Emaus sive Steyne, juxta Gaudam. Ibi reperit Cornelium, quem Davenportiæ habuerat sodalem in eodem cubiculo. Is nondum acceperat sacrum illum cultum: viderat Italiam, sed audierat parum doctus. Hic suum agens negotium, cœpit mira loquentia depingere vitæ genus sanctissimum, copiam librorum, otium, tranquillitatem, sodalitatem angelicam. Quid non? Trahebat affectus.

affectus ille puerilis ad veterem sodalem. Alii alliciebant, alii propellebant. Onerabat febri. Hunc locum delegit, altero fastidito; * laetabat interim, donec haberet sacram vestem. Interea, tametsi adolefcens, sensit quam non esset illic vera pietas. Et tamen totum illum gregem excitavit ad studium. Parantem abire ante professionem partim pudor humanus, partim minæ, partim necessitas coërcuit. * Tandem per occasionem innotuit Episcopo Cameracensi, Henrico à Bergis. Is sperabat Cardinalicium galerum; & habuisset, nisi defuissent præsentis nummi. Ad hoc iter optabat hominem Latine doctum. Itaque per hunc evocatus est cum auctoritate Episcopi Traiectensis, quæ sola sufficiebat. Et tamen ille adiunxit auctoritatem Prioris & generalis. Concessit in familiam Episcopi, servato tamen habitu. Quum Episcopus esset destitutus spe galeri, sentiretque illum in amore parum constantem erga omnes, egit, ut iret Lutetiam studii gratia. Promissum est stipendium annuum: nihil missum est. Sic solent principes. Illic in Collegio montis acuti ex putribus ovis & cubiculo infecto concepit morbum, hoc est, malam coporis, antea purissimi, affectionem. Itaque rediit ad Episcopum. Acceptus est honorifice. Recreatus est à morbo Bergis. Revisit Hollandiam hoc animo, ut maneret apud suos. Sed ipsis ultro hortantibus rediit Lutetiam. Ibi destitutus auxilio Mæcenatis vixit verius, quam studuit: & ob pestilentiam ibi multis annis perpetuum, singulos annos redeundum erat in patriam. A studio Theologiae abhorrebat, quod sentiret animum non propensum, ut omnia illorum fundamenta subverteret; deinde futurum, ut Hæretici nomen inureretur. Tandem, ubi totum annum sæviret pestis, coactus est Lovanium commigrare. Ante inviserat Angliam in gratiam Montjoy tum discipuli, nunc Mæcenatis: sed amici verius quam benigni. Id temporis omnium honorum apud Anglos benevolentiam sibi conciliavit, ob id præsertim, quod spoliatus in littore Doveriensis, non solum non ultus sit injuriam; sed mox emisit libellum in laudem regis, & totius Angliæ. Tandem à Gallia magnis promissis revocatus est in Angliam, quo tempore nactus est amicitiam Archiepiscopi Cantuariensis: Ubi promissa non apparerent, petiit Italiam: cujus adeundæ desiderio semper arserat. Egit paulo plus quam annum Bononiæ, jam vergente ætate, hoc est ferme quadragenarius. Inde contulit se Venetias, & edidit Adagia; inde Patavium, ubi hibernavit: mox Romam, quò jam suâ celebris ac plausibilis præfesserat. Raphaeli, Card. S. Georgii, præcipue charus fuit. Non defuisset ampla fortuna; nisi mortuo rege Henrico VII. & successore VIII. amicorum literis amplissima pollicentibus revocatus esset in Angliam. Illic decreverat reliquum ætatis peragere: verum ubi ne tum quidem præstarentur promissa, subduxit se in Brabantiam, invitatus in aulam Caroli * nunc Cæsaris, cui consiliarius factus est opera Joannis Silvagii Cancellarii magni. Cætera sunt tibi nota. Mutati cultus rationem reddidit in libello primo, quo respondit Laicis lycophantiis: formam ipsi describeris. Valetudo semper fuit tenera; unde crebro tentabatur febribus, præsertim in Quadragesima ob piscium esum, quorum solo odore solebat offendi. Ingenium erat simplex; adeo abhorrens à mendacio, ut puellus etiam odisset pueros mentientes, & senex ad illorum aspectum etiam corpore commoveretur. Linguae inter amicos liberioris, nonnunquam plusquam sat esset: & se per falsus non poterat tamen ami-

*Municipale
Monasterio.
* Sic habet
Autographum:
scribere voluit
laetabatur.
* Hic in mar-
gine adscriptum
erat, professus
est, eadem, ut
videbatur, ma-
nu.
Evocatus ab
Henrico Ber-
gensi Episcopo
Cameracensi.
Lutetiam profes-
citur, studio-
rum gratia.
In morbum
lapsus rediit ad
Episcopum.
Hinc in Hol-
landiam.
Mox Lute-
tiam.
Abhorret a
studio Theolo-
gico.
Migras Lo-
vanium, post
peregrinatio-
nem Anglica-
nam.
Ex Gallia:
revocatur in
Angliam.
Petis Ita-
liam.
Edi præcisi-
on Adagia.
Adit Romam.
Revocatur in
Angliam.
Regressus in
Brabantiam se-
cundum pri-
ncipis.
* Imperet, am-
nunc, an tunc
scriptum.
Valetudo.
Erasmi.
legimus.
Mores..*

ciis.

cis diffidere. Putidulus erat, neque quidquam unquam scripsit, quod ipsi placeret: ac ne facie quidem propria delectabatur: visque extortum est amico- rum precibus, ut se pingi pateretur. Dignitatum ac divitiarum perpetuus contemtor fuit: neque quidquam habuit prius otio, ac libertate. Candidus æstimator alienæ doctrinæ, & fautor ingeniorum unicus, si fortuna suppetisset. In provehendis bonis litteris nemo magis profecit, gravemque ob hanc rem invidiam sustinuit à barbaris & Monachis. Usque ad annum quinquagesimum nec impetiverat quenquam, nec impetitus est à quoquam stylo. Idque habebat sibi propositum omnino stylum incruentum servare. A Fabro primum est impetitus: nam Dorpiana orla suppressa sunt. In respondendo semper erat civilitate. Lutherana tragœdia oneraverat illum intolerabili invidia, discerp- tus ab utraque parte, dum utrique studet consulere. Augebo catalogum ope- rum meorum: ex hoc quoque multa colligentur. Scripsit ad me Gerardus Noviomagus quosdam meditari vitam Erasmi, partim carmine, partim oratio- ne. Ipse cupiebat instrui secreto: sed non ausus sum mittere. Si contingat cum illo colloqui, poteris illi communicare. Nec tamen expedit aliquid ten- tare de vita, nisi res ipsa urgeat. Sed his de rebus fortassis alias, aut e- tiam coram.

Primum Erasmus
adversarius.

* Sic in Auto-
grapho erat:
voluit addere
preditus; vel
scribere civi-
lor.

Hæc ubi scripsissem venit Berckman onustus mendacis. Scio quam sit diffi- cile, continere arcatum, tamen uni tibi credo omnia. Celebravi Viandulum nostrum: Livinus exhibebit libellum: hortare Ceratinum, ut, si quando re- legat auctorem, annotet aliqua. Favendum est Frobenio: ego non possum illi semper adesse. Et ejus causa gravior magna invidia. Nostri, quam sint figu- li. Rursus vale.

Notat inter alia, quam ob causam monasterio, cui se invitum satis manciparat, fuerit egressus, immo cuius auctoritate evocatus. Quam autem lapsu temporis eo no- mine multorum calumniis vir pius obiceretur, & Servatius etiam, qui Paris dig- nitate cambio huic præerat, literis cum revocaret, nervosam ad eum scripsit Epi- stolam, qua se viri a monastica caloniis: ferre non posse testabatur: rationibus additis, quibus motum vestibus se exuerat Monasticum. Eam ab C. L. V. Petro Servetio, Erasmi nostri studiosissimo, acceptam hoc loco apponere opera precium duxi, cum quod in Epistolarum volumine nusquam compareat, tum quod universe vite rationem, uti scribens ipse inibi loquitur, exponat.

REVERENDO



Reverendo Patri Servatio

ERASMUS,

S. P. D.

HUMANISS. Pater. Literæ tuæ per plurimorum jactatæ manus, tandem ad me quoque pervenerunt jam Angliam ingressum, quæ mihi sanè voluptatem incredibilem attulerunt, quæ veterem illum tuum in me animum adhuc spirant. Paucis autem respondeo, utpote ex itinere jam scribens, & ad ea potissimum quæ tu scribis & ad rem maximè pertinent. Tam varia est hominum sententia, & suis cuique est avium cantus, ut omnibus satisfacere non possit. Ego certè hoc sum animo, ut quod sit factum optimum sequi velim, testis est mihi Deus, nam si quid olim juveniliter sensi, id partim ætas, partim rerum correxit usus. Nunquam fuit consilium vel vitæ genus, vel cultum mutare, non quod probarem, sed ne cui scandalo essem. Scis enim me ad id vitæ genus tutorum pertinacia, & aliorum improbis hortatibus adactum magis quàm indoctum. Tunc Cornelii Ulderemini convitiis, & pudore quodam fuisse retentum, quum intelligerem, mihi hoc vitæ genus haud quaquam aptum esset. Nam non omnibus congruunt omnia. Sejuniorum impatiens semper fui, idque peculiari quadam corporis ratione. Semel excitatus à somno, nunquam potui redormiscere, nisi post horas aliquot: ad literas tantum rapiebatur animus, quarum isthic nullus usus, adeo ut non dubitem, quin si in liberum aliquod vitæ genus incidissem, non solum inter felices, verum etiam inter bonos potuissem numerari. Itaque cum intelligerem me nequaquam esse idoneum isti generi vitæ, & consilium non sponte suscepisse, tamen quia receptum est (publica nostri seculi opinione) pauculum esse, à semel suscepto vitæ genere discedere, detreveram, & hanc infelicitatis meæ partem perpeti. Scis enim me multis in rebus infortunatum esse, at unum hoc cæteris omnibus gravius esse duxi, quod in hujusmodi vitæ genus detrusus essem, à quo tum animo tum corpore essem alienissimus: Animo, quod à ceremoniis abhorrescem, & libertatis amans essem: Corpore, quod etiam si maximè placuisset vitæ institutum, corporis natura non ferebat istiusmodi labores. At obijciat mihi aliquis animum probationis (ut vocant) & ætatem ma-

TUSAN.

turam. Ridiculum, quasi quis postulet, ut puer anno decimo septimo, maxime in literis educatus, norit seipsum, quod magnum est, etiam in sene: an anno uno id edicere potuerit, quod multi tamen nondum intelligunt. Quanquam ipse nunquam probavi, & gustatum jam multo minus, sed iis quas dixi rationibus sum irretitus. Tamen fateor cum qui verè sit bonus, in quovis vitæ genere bene victurum. Nec diffiteor me ad magna vitia fuisse propensum, non tamen usqueadeo corrupta natura, quin si commodus accessisset gubernator, & vere Christianus, non Judæicè supersticiosus, potueram ad bonam duci frugem. Hoc igitur interim spectavi, in quo vitæ genere minimè malus essem, atque id sanè me affecutum puto. Vixi interim inter sobrios, vixi in studiis literarum, quæ me à multis vitiis avocarunt. Licuit consuetudinem habere cum viris verè Christum sapientibus, quorum colloquii factus sum melior. Nihil jam jacto de liberis meis, quos fortasse vos contemnitis: et multi fatentur redditos eorum lectione non solum eruditiores, verum etiam meliores. Pecuniarum studium nunquam me attigit. Famæ gloria nec tantillum tangor. Voluptatibus, etsi quondam fui inquinatus, nunquam fervivi. Crapulam, ebrietatem semper horui fugique. Quoties cogitabam de repetendo contubernio vestro, succurrebat invidia multorum, contemptus omnium, colloquia quàm frigida, quàm inepta, quàm non sapientiâ Christum? convivia quàm laica, denique tota vitæ ratio, cui, *ἡ ἀγάπη τοῦ θεοῦ καὶ τοῦ πληρώματος τῆς χάριτος*, *ὡς ἔστιν ἐν τῷ πατρὶ, οὕτως ἐστί ἐν υἱῷ καὶ ἐν τοῖς ἀγγέλοις*. Postremo succurrebat corporis imbecillitas, quæ jam ætate & morbis, ac laboribus aucta est, quæ facit, ut nec vobis satisfactorius essem, & meipsum occiderem. Jam annis aliquot obnoxius sum calculo, gravi sanè morbo & capitali. Jam annis aliquot nihil bibo, nisi vinum, neque quoddvis vinum, idque cogente morbo. Non fero quemvis cibum, nec cælum quidem quodlibet. Nam morbus hic facile recurrens, maximam postulat vitæ moderationem: & novi cælum Hollandicum, novi victus vestri rationem, ut de moribus nihil dicam. Itaque si rediissem, nihil aliud fuisset assectus, nisi quod vobis molestiam attulissem, mihi mortem. Sed tu fortassis bonam felicitatis partem existimas inter confratres emori. At fallit & imponit ista persuasio, non solum tibi, verum etiam propemodum universis. In loco, in cultu, in victu, in ceremoniosis quibusdam Christum & pietatem collocamus, Actum putamus de illo, qui vestem albam commutavit in nigram, aut qui cucullum pileo, qui locum subinde mutet. Ausim illud dicere *μικρὸν τῆς χριστιανικῆς πολιτείας ἀλλοτρίον, ἢ τὸ πῶς, καὶ ὅπου καὶ πότε, καὶ μετὰ τίς*, tamen pio fortassis studio primum inducæ sint. Deinde paulatim creverunt, & in sex millia sese discriminum sparserunt. Accessit summorum Pontificum auctoritas nimium ad multa facilis & indulgens. Quid enim laxis istis religionibus, *ἡ μακάριος ἡ ἀρετὴ τῆς ἀποστολικῆς διδασκαλίας*, haud scio quam Christi reperias imaginem. Ex his sibi placent, ex his alios judicant & contemnunt. Quanto majus est è Christi sententia totum orbem Christianum unam domum & velut unum habere monasterium, omnes concanonicos & confratres putare, Baptismi sacramentum summam religionem ducere, nec spe dare ubi vivas, sed quàm bene vivas. Vis me sedem stabilem figere, quod etiam ipsa suadet senectus. At laudatur Solonis, Pythagoræ, Platonisque peregrinatio. Vagabantur & Apostoli, præcipue Paulus. D. Hieronymus etiam monachus, nunc Romæ est, nunc in Syria, nunc in Aprica,

Erasmi Scrip-
ta.

Qualem se
habuerit Eras-
mus.

An beatum
Monachis
convivere &
commori.

Erasmi pe-
regrinationum
radius.

nunc alibi atque alibi. Et canos etiam sacras prosequitur literas. At non sum cum hoc conferendus, fateor, sed tamen nunquam mutavi locum, nisi vel peste cogente, vel studii causa, vel valetudinis, & ubicunque vix, (dicam enim de me fortassis arroganti, sed tamen vere,) probatus sum à probatissimis, laudatus sum à laudatissimis. Nec ulla est regio, nec Hispania, nec Italia, nec Anglia, nec Scotia, quæ me ad suum non inviret hospitium. Et non probor ab omnibus (quod nec studeo) certe primis placeo. Romæ nullus erat Cardinalis, qui me non tanquam fratrem acciperet, quum ipse nihil tale ambirem: præcipue vêtro Cardinalis Sancti Georgii, Cardinalis Bononiensis, Cardinalis Grymanus, Cardinalis Navetenis, & hic ipse qui nunc Pontifex Maximus est, ut ne dicam de Episcopis, Archidiaconis, & viris eruditis. Atque hic honos non tribuebatur opibus, quas etiam nunc non habeo, nec desidero, non ambitioni à qua semper fui alienissimus, sed literis duntaxat, quas nostrates rident, Itali adorant. In Anglia nullus est episcopus, qui non gaudeat à me salutari, qui non cupiat me convivam, qui nolit domesticum. Rex ipse paulo ante patris obitum, cum essem in Italia, scripsit ad me suapte manu literas amantissimas, nunc quoque sæpe sic de me loquitur, ut nemo honorificentius, nemo amantius, & quoties eum saluto, blandissime amplectitur, & oculis amantissimis obtuetur, ut intelligas eum non minus bene de me sentire, quam loqui. Regina conata est me sibi præceptorem assequere. Nemo est qui nesciat quin si vel paucos menses velim in aula regis vivere, quantum libeat sacerdotiorum mihi accumulaturum, sed ego huic ocio meo, & studio, & laboribus omnia posthabeo. Cantuariensis Archiepiscopus totius Angliæ primas, & regni hujus Cancellarius, vir doctus & probus, me sic amplectitur, ut si pater essem, aut frater, non posset amantius. Et ut intelligas hoc eum ex animo facere, dedit mihi sacerdotium 100. ferè nobilium, quod postea volente me in pensionem 100. coronatorum mutavit, ex mea resignatione, ad hæc dedit dono supra 400. nobiles. His pauculis annis, idque nihil unquam petenti, dedit uno die nobiles. 150. Ab aliis Episcopis supra 100. nobiles accepi gratuita liberalitate oblatos. D. Montjois hujus regni Baro, quondam meus discipulus dat annuè mihi pensionem C. Coronatorum, Rex & Episcopus Lincolnienfis, qui nunc per regem omnia potest, magnifice multa promittit. Sunt hic duæ universitates Oxonia & Cantebergia, quarum utraque ambit habere me: nam Cantebergiæ menses complures docui Græcas & sacras literas, sed gratis, & ita facere semper decretum est. Sunt hic collegia, in quibus tantum est religionis, tanta vitæ modestia, ut nullam religionem non sis contempturus, si videas. Est Londini D. Joannes Coletus D. Pauli Decanus, vir qui summam doctrinam cum admirabili pietate copulavit, magnæ apud omnes autoritatis. Is me sic amat, id quod sciunt omnes, ut cum nemine vivat libentius quam mecum: ut omittam alios innumeros, ne sim vobis molestus, & jaçantia, & loquacitate. Jam ut de operibus dicam aliqua. Enchiridion opinor te legisse, quo non pauci fatentur se ad pietatis studium inflammatos, nihil mihi arrego, sed gratulor Christo, si quid per me boni contingit illius dono. Adagiorum opus ab Aldo impressum an videris nescio: Est quidem prophanum, sed ad omnem doctrinam utilissimum, mihi certe inæstimabilibus consistit vigiliis. Edidi opus de rerum verborumque copia, quod inscripsi Coletus meo, opus

*Amulius petrum
& domalia*

Erasmi Scipii
14.

utilissimum concionaturis, at ista contemnunt il, qui omnes bonas contemnunt literas. His duobus annis præter alia multa castigavi Hieronymi Epistolas, adulterina, & subditiua obelis jugulavi: obscura scholiis illustravi. Ex Græcorum & antiquorum codicum collatione castigavi novum totum Testamentum, & supra mille loca annotavi non sine fructu Theologorum. Commentarios in Epistolas Pauli cepi, quos absolvam, ubi hæc edidero. Nam mihi decretum est, in sacris immori literis.

Abhorret ab vita Mousifica.

Ornatu quo præsum in publico natus.

In hisce rebus colloco otium & negotium meum. In iis magni viri dicunt me valere, quod alii non valent. In vestro vitæ genere nihil valiturus sum: cum tam multis doctis & gravibus viris habui consuetudinem & hic, & in Italia, & in Gallia neminem adhuc reperi, qui mihi consulere, ut ad vos me recipere, aut qui hoc judicaverit melius. Quin & ipse felicitis memorie D. Nicolaus Uvvererus, qui te præcessit, semper mihi hoc solitus erat dissuadere, suadens ut alicui Episcopo potius me adjungerem, addens se nosse & animum meum, & fraterculorum suorum mores: nam iis utebatur verbis lingua vernacula. Et in hoc vitæ genere in quo sum video quæ fugiam, sed quid potius sequar, non video. Nunc restat, ut de ornatu quoque tibi satisfaciam. Semper antehæc usus sum cultu Canonicorum, & ab Episcopo Trajectino cum esset Lovanii, impetravi ut sine scrupulo uterer scapulari lineo, pro veste linea integra, & capitis nigro, pro pallio nigro juxta morem Luteriorum. Cum autem adirem Italiam, videremque toto itinere Canonicos magna veste cum scapulari, ne quid offenderem novitate cultus, veste nigra illic vel cepi cum scapulari. Postea pestis orta est Bononiæ, & illic qui curant peste laborantes, linteum album ex humeris pendens ex more gestant, hi congressus hominum fugitant. Itaque eum die quodam doctum amicum viserem, quidam nebalones eductis gladiis parabant me invadere, secissent, ni matrona quædam admonuisset Ecclesiasticum me esse. Altero item die cum Thesaurarii filios adirem, utrinque cum sustibus in me concurrerunt, & pessimis clamoribus. Itaque a bonis viris admonitus, occultavi scapulare, & impetravi veniam à Julio 2. ut ornatu religionis uterer, aut non uterer, ut mihi visum esset, modo vestem haberem sacerdotalem. Et si quid ante peccatum esset ea in re, liberis id totum condonavit. In Italia ergo perseveravi veste sacerdotali, ne mutatio esset alicui scandalo. Postquam autem in Angliam redii, decrevi meo solito uti ornatu, & domum accersito amico quodam primæ laudis, & in vita, & in doctrina ostendi cultum, quo uti stutuissem. Rogavi an in Anglia conveniret, probavit, atque ita in publicum prodii. Statim admonitus sum ab aliis amicis, eum cultum in Anglia ferri non posse, ut celarem, celavi: & quoniam non potest celari, quin aliquando deprehensus scandalum pariat, reposui scirium, & veteri Pontificis autoritate sum usus usque adhuc. Excommunicant Pontificiæ leges eum, qui religionis habitum abjecerit, quò liberius inter seculares verteretur. Ego coactus deposui in Italia, ne occideret quidem, deinde coactus deposui in Anglia, quia tolerari non poterat, cum ipso multo maluerim uti. At nunc denuo recipere plūs gigneret scandalum, quam mutatio ipsa gignebat. Habes universam vitæ meæ rationem, habes meum consilium. Cupio & hoc vitæ genus mutare, si quod videro melius. Sed in Hollandia quid agam non video.

Præmi genus alicuius a patria

video. Scio non conventurum cum cælo, neque cum victu, omnium oculos in me excitabo. Redibo senex & canus, qui juvenis exivi. Redibo valetudinarius, exponar contemptum etiam infirmorum, solitus & à maximis honorari. Studia mea computationibus permutabo. Nam quod polliceris officium tuum in quaerenda sede, ubi eris maximo, ut scribis, vitam emolumentò: quid sit, non possum cogitare, nisi forte collocabis me apud monachas aliquas, & serviam mulieribus qui Archiepiscopis, nec regibus servire volui. Emolumentum nihil moror, neque enim studeo discere, modo tantum sit fortunæ, ut valetudini, & ocio literarum suppetat, & vivam nulli gravis. Atque utinam liceat hinc de rebus coram commentari. Nam literis nec satis commode nec tuto licet. Tuæ enim quanquam per certissimos missæ tunc sic aberrant, ut nisi ipse casu in arcem hanc me contulisset, nunquam fuero visurus, & accipi jam à pluribus inspectas. Quare ne quid scripseris arcani, ni certo cognoveris ubi sim, & nuncium nactus sis fidelissimum. Peto nunc Germaniam, id est, Basiliam, editurus lectiones meas. Hac hyeme fortassis futurus Romæ. In reditu dabo operam, ut pariter colloquamur alicubi. Sed nunc ætas ferme præterit, & longum est iter. De morte Guilhelmi, Francisci, & Andrea, sciebam ex Rasbondo, & ejus uxore. Dominum Henricum resaluta diligenter, reliquosque qui tecum vivunt omnes, in quos habeo eum animum quem debeo. Nam pristinas tragœdias imputo erratis, aut (si ita vis) meis fatis: Literas tuas, 3. à pascha die scriptas accepi Nonis Jul. Rogo ut salutem meam tuis piis votis Christo commendare non negligas. Cui si certo scirem rectius fore consultum, si ad vestrum rediero contubernium, hac die, ad iter accingerer. Bene vale quondam sodalis suaviss. nunc pater observande. Ex arce Hannienfi juxta Calecium, postredie Nonas Julias.

Comitetur & hoc loco superiores ob argumenti similitudinem Prefatio, ad IMP. CÆS. CAROLUM QUINTUM P. F. AUGUSTUM, Viri Cl. Beati Rhenani, Operibus præposita Desiderii Erasmi, quum quadragenno post ejus mortem in 1 x divisa, ex ipsius præscripto, Tomos Frobenii Typis ederentur. Hac enim viri magni vita aliquanto fusi, & qualis etiam sub ætate exitam ad obitum usque fueris, suis coloribus fideliter delineatur.

C c 2

INVICTISIMO



INVICTISSIMO IMPERATORI

CÆSARI CAROLO

Hujus nominis quinto, Pio, Felici, Augusto, &c. Beatus:

Rhenanus Selestatiensis. S. D.

*Germanicus
variarum ur-
bium de Natali
principis Patris
loco.*

*Erasmi dum
postliminio re-
didi sum Reip.
secrare decor.*

*S. ripporum
Erasmi copia.*

Stilus.

Quantæ semper laudi fuerit apud veteres, Invictissime CAROLE Auguste, cives habuisse viros insignes, ad posteros traditum inclytum illud septem Græciæ civitatum certamen satis indicat: quarum quælibet, natum apud se præclarissimum vatum Homerum contendit. Nec injuria. Quod enim majus ornamentum ulli vel urbi vel provinciæ potest accidere, quàm si talem progenuerit, per quem apud omnem posteritatem, illustrem sit laudem consequuta? quæ ex nulla re solidior obveniat: atque ex literis, quibus ad æternitatem ipsam nihil magis durat. Hinc igitur moti Smyrni, Rhodienfes, Colophonii, Salaminii, Ienies, Argivi, & Athenienfes, certatim Homerum sibi vendicant, ut de Ægyptiis nihil dicam, qui illum suæ gentis videri volebant. Quòd si magni fecit Homeri natales ingeniosa Græcia, ceu omnis doctrinæ parentis & fontis perennis, cur tua Majestas non meritò gloriari queat, DES. ERASMUM illum ROTERODAMUM in tua ditione certò natum & educatum, cuius industria vel postliminio revixere plenius literæ, non tantum in istis proximis Germaniarum Galliarumque regionibus, in quibus mirabaries antè regnabat, verum etiam in ipsa nobilissima terrarum Italia, quum instructius, tum felicius hujus ope florere coeperunt, ut si fortassis ambitiosum sit eum alterum parentem literarum vocare, tamen instaurator ac primarius illustrator dici & possit & debeat. Quis enim à mille annis extitit, qui plura scripsit quum in sacris, tum prophanis, tanta humanioris literaturæ peritia perpolitus? cujus libri in longinquas provincias frequentius exportati sint, & avidius lecti? denique quem omnium nationum eruditius magis coluerint observarintque? Nihil hic fingo, sed rem omnibus notam narro. Valebat namque stilò arguto, extemporali, amœno, terfo, feliciterque fluente, quem assidua juvenis adhuc exercitatione sibi paraverat: nec minus iudicio valebat, quod habebat longè acerrimum. Hoc docti in eo præcipuè sunt admirati vene-

neratique:

neratique. Miraculo autem simile videatur, exactum adeo iudicium seculo tam rudi. Felicitati raræ perspicacissimi ingenii ferendum acceptum magis quàm ullis præceptoribus, si mutos illos magistros excipias. Natus enim est abavi tui Friderici III Aug. primis imperii annis ad * quintum calend. Novembris, Roterodami in Hollandia tua inferioris Germaniæ provincia, quam olim Batavi possederunt: nunc magis notam studiosis omnibus, ob unius indigenæ ERASMI Incunabula, quam veterum incolarum memoria quamlibet bellico robore præstantium. Hoc alumno Roterodamum oppidum se semper jactabit, & doctis erit commendatum. Proximam sibi laudem vendicat Daventria, quæ puellum adhuc ex æde sacra Trajectensi cantorcium deductum, ubi præcantiunculas obire solitus phonaſcis etiam tenuissimæ vocis gratia pro more temporum cathedralium inservierat, instituendum suscepit. Præter illic ludo literario tum Alexander Hegius Vestphalus, homo bonarum literarum minimè expers, & Græcarum nonnihil peritus, Rudolpho Agricola communicante, cujus amicitia familiariter utebatur nuper ex Italia reversi, ubi Guarinum Veronenſem Ferrariæ profitemem, & alios aliquot eruditione celebres audiverat. Ingenium Erasmi mox eluxit, quum statim quæ docebatur, perciperet, & fideliter retineret, æquales suos omnes superans. Erat tum inter eos, quos illic fratres vocant, non quidem monachos, sed contrubernii ratione & vestitus simplicioris & uniformis convenientia monachis similes, Joannes Sintheimius vir probè literatus, ut illa ferebant tempora, testantur id Commentarii Grammatici quos edidit, magnum ea tempestate nomen in scholis Germaniarum consequutus. Is deſectatus Erasmi profectu, namcenobitæ isti palliati quibusdam scholasticorum classibus præſunt & publicè docent, complexus aliquando puerum, Maſte ingenio Erasme, inquit, tu ad summum eruditionis fastigium olim pervenies: simulque osculum dedit, & dimiſit. Non seſellit hoc augurium, quod omnibus conſtat. Orbatos autem utroque parente paulo poſt, ut tutor omne procurationis onus discuteret, ejus improbitate in cenobium Canonicorum, quos addita Latina interpretatione Regulares appellant, ex Daventrienſi schola monachorum omne genus ferriſſimo ſeminario, detrufus eſt. In eo loco Gulielmum Hermannum Goudenſem literis deditiſſimum juvenem aliquot annis ſtudioſum ſodalè habuit, cujus extat Odarum Sylva. Hoc focio adiutus & accenſus nullum Latinorum autorum volumen non excuſſit. Diu noctuque erant in literis. Tempus quod æquales alii jociſ, ſonno, comellationibus iguaviter abſumebant, hi duo ſibris èvolvendis & exercendo ſtilo impendebant. Audita Erasmi ſama Cameracenſis antiſtes Henricus ex Bergenſium reguſorum familia prognatus, juvenem jam ſacris initiatum ad ſe vocat, adornans iter in Italiam Romamque petiturus. Videbat enim Eraſmum valere literis, valere eloquentia, moribus ingenuis præditiſ, Epistolis elegantè ſcriptis id docentibus: unde quum viliſ tum ornamento comitatu ſuo eſſe poſſet, ſi cum Pontifice Romano, ſi cum Cardinalibus agendum foret. Verum quid intervenerit, quò minus ea profectio ſit ab Epifcopo ſuſcepta, mihi non liquet. Certè Gulielmus ipſe valde doluit creptum ſibi Eraſmum: ſic enim in Oda quadam canit.

Ingenium.

Quando natus.

* Anno à

Chriſto

nato 1467.

Ubi natus.

Et prima lite-

rarum jeceris

fundamenta.

Alexander

Hegius Schole

Daventrienſis

moderator.

Erasmi doctiſſi-

tas.

Joannes Sin the-

imius Grammati-

ca.

Ejus de Eraſ-

mo vaticinium.

Erasmus Tuor-

is improbitate

in Monachium

detrufus.

Gulielmus

Goudanus Poe-

ta, Eraſmo ſidu-

ſtiorum So-

dalis.

Erasmus evo-

catur ab Henri-

co Bergenſi, Ca-

meracenſium

Antiſte.

* Caſum indi-

cat Eraſmus in

ſua via.

Ad:

*At nunc sors nos diuellit, tibi quod bene uertat,
Sors per acerba mihi,*

*Me sine solus abis, tu Rhœni frigora & Alpœ.
Me sine solus abis.*

Italiam Italiam lætus penetrabis amœnam.

*Primi Erasmi
Amici.*

*Erasmus Lutetiam
proficiscitur.*

Anglis innotescit.

*In Angliam de-
lectus spectant.*

*Docti ubi in
Anglia.*

*Erasmus docet
in Academia
Cambrigienſi.
Item Louani:
Conſerſe in
Italiam;*

Et reliqua. Quanquam uero de Roma adeunda conſilium mutauit Cameracenſis præſul, tamen Eraſmum in aula ſua retinuit ingenii ſuauitate & præſtantia ac candore iuuenis delectatus. Hicque ille in multorum amicitiam ſeſe inſinuauit uerè *Ereus*, in primis Anthonii abbatis apud diuum Bertinum, qui ex eadem Bergenſium gente ducebat originem, & Jacobi Batti, qui ſenatus oppidi Bergenſis fuit à ſecretis, ad quem tot ejus extant Epiſtolæ, qui poſtea apud Annam Berſolam Adolphi principis Verienſis matrem diu uixit in ſummo honore. At Cameracenſis feliciffimum Eraſmi alumni ſui ingenium contemplatus, haud gravatim eum ſumptibus inſtruxit, ut Lutetiam proficiſceretur, & illic Theologiæ, quam ſcholasticam uocant, daret operam. Ergo Scotiſta factus eſt, in Collegio Montis agens: nam inter Theologos diſputatores Joannes ille Dunſius Scotus, ab acumine ingenii maximè prædicatur. Quumque uitam collegiaticam durioſiorem experiretur, non inuitus emigravit ad Anglum quendam generoſum, aduſcentes duos generoſos ſecum habentem. Montioium alterum ex illis fuiſſe conſicio. Videbant enim Angli inter profeſſores donarum literarum in tota Academia Pariſienſi nullum exiſtere, qui uel eruditus poſſet, uel fidelius docere conſueſſet. Nam Fauſtus Andreliens, alioqui carminibus magna cura pangendis intentus, deſuſiorem proſitebatur, joci quibuſdam magis ſeſtiuis quàm doctis plauſum rudium auditorum captans. Gaguinus obeundis legationibus ad exteros principes occupatus erat, in iſtis ſtudiis non ita præſum abſolutus: nec docebat publicè. Atque hinc cœpit Eraſmus in Anglia innotescere. In quam inſulam paulo poſt ipſe conſeſſit à diſcipulis illis ſuis domum regreſſis inuitatus. Ubi quum aliquandiu manſiſſet, in reditu apud Dovarienſe litus à teloneo fortunis propemodum omnibus exutus eſt, ac nondum nauem ingreſſus, naufragium fecit, quod compluſculos aureolos ultra præſcriptum numerum & ſine regio diplomate (nihil periculi, niſi in Britannica moneta à Montioio, & Moro perſuaſus, imprudens legum Anglicarum) efferre tentaffet. Quæ injuria utcumque muſſitanda fuit: nec enim erat ullum remedium obſtante lege. Nec tamen hoc damnum uel alienauit animum Eraſmi, uel deterruit, quo minus in Angliam ſæpius poſtea diederit. Abundare tum cœperat ea provincia uiris doctiſſimis, Gulielmo Grocino, Thoma Linacro, Gulielmo Latimero, qui in Italia literis operam dederant, utriuſque lingue peritia celebres: item Joanne Colecto, Thoma Moro, Richardo Pacæo, & Cuthberto Tonſtallo, à quibus omnibus certatim amabatur: ut de Epiſcopis nihil dicam, quorum ut quiſque erat literarum callentior, ita pluri Eraſmum faciebat, & benignius tractabat. In Academia Cantabrigienſi docuit aliquandiu: idem & Louanii fecit, quum apud Joannem Paludanum ejus Scholæ Rhetorem diuerſaretur. Demum perſuaſus ab amicis, quo tandem Italiam uideret, cujus miro deſiderio ſemper tenebatur (nec immerito

immeritò, quando totus hic orbis ea regione nihil modis omnibus cultius habet) cum filiis Baptistæ Boerii Genuensis, regii in Britannia medici, Joanne & Bernardo Bononiam profectus est: non ut pædagogus, nam morum curam exceperat, nec ut præceptor, sed ut inspector futurus ac studiorum viam commostrarurus, teste Epistola ad Botzhenium, ubi inter professores Paulum Bombasium amicum habuit hominem, nivei pectoris, & eruditum, qui vicissim ingenio ac doctrina Erasmi mirificè delectatus est. Jam enim obierat Beroaldus professorum sui temporis Achilles, & Baptista Pius antiquitatem infelicitè æmulaturus Olcos & Volscos somniabat. In itinere cum socio Anglo Taurini in Alpibus Cotiis Theologiæ doctor factus est. Itaque dignitatem & eruditionem in Italiam importavit, quam cæteri inde reportare consueverunt. Dum Bononiæ volumen Adagiorum pridem ceptum absolvit, nam breve & rude specimen operis futuri Lutetiæ ante multos annos ediderat, cultum Canonico-rum cornobiticum, quo hætenus usus fuerat, hujusmodi de causâ mutare coactus est. Mos est ejus urbis haudquaquam reprehendendus, ut si suspicio sit de quoquam infecto peste, Chirurgus ad hoc constitutus statim accersatur. Is ut commodius ab obviantibus & prætereuntibus devitari possit propter contagium exitiabile, solet albam mappulam ab altero humero transversim pendentem gestare, & virgam in manu. Forte fortuna die quodam nescio quid adurus Erasmus per plateam oppidi infrequentiore solus incedebat in cultu suo canonicali quemadmodum consueverat. Ibi duo tresve juvenes imperiti obviam veniunt, & omophorio candido conspecto, pestis exploratorem illum-rati, quum in via pergeret Erasmus nihil hujusmodi suspicans, correptis faxis vim minati sunt, & convitiis impetiverunt, intra verba tamen grassati. Causam indignationis scimirans inquirat. Ajunt de ædibus prospicientes, qui rixantes audierant, scapularem illam vestem eos provocasse nodo substrictam ad-tatus, deceptos ob cultus similitudinem, qui putarint eum ab infecto aliquo-redire, nec de via decedere velle. Proinde ne simile periculum deinceps in-curreret Erasmus, ad Iulium secundum Pontificem Max. misit supplicem li-bellum, quo sibi religiosi cultus utendi aut non utendi gratiam faceret. Id-promerentibus suis singularibus virtutibus haud gravatim concessum, modò-veste sacerdotali uteretur: quod Leo decimus, dein accedentibus aliis etiam-justis causis, non tam ad vitæ institutum, quàm ad illustrandam Erasmi existi-mationem pertinentibus, in plenissima (quod ajunt) forma corroboravit: omnibus & singulis specialiter & expresse derogans, quæ (ut verbò dicam) quomòdocunque obstarent: tenores obstantium quoruncunque pro sufficien-ter expressis enumeratiquæ habens. Equis autem dubitat Pontifices Max. in hujusmodi humanis constitutionibus plurimum posse, quum Juris interpretes ipsæ in ea, quæ vel Juris Divini sunt, vel Gentium, interpretanda mode-randaque non parum concedant: imò in omnibus, exceptis fidei articulis, li-beram ex causa disponendi dispensandique, ut ipsorum verbo utar, potestatem esse tradant. Ad umbilicum perducto opere Proverbiorum, scripsit Aldo-Manutio, an librum excudendum formis suscipere vellet: is respondit id se subenter facit. Venerias delatus quum in officinam venisset, diu coactus est expectare donec ad colloquium admitteretur, cum quia Aldus recognoscendis Archetypis operarum laboribus formulas stantæas tumultuariè concin-

Immense in doctis.

*Taurini sit
Theologiæ
doctor.*

*Cultum Cano-
nicorum corn-
obiticum certam
ob causam mu-
tato.*

*Ponticem pro-
fectum opem edid-
it ad quodam-
modum.*

in minia.

Cum aliis.

*Erasmi Discipuli.
Amici.*

*M. Musuri
Lan.*

*Romam invitavit
Erasmus.
In mulorum
venia amiciti-
am.*

*Invitatur ad
penitentiarii
dignitatem.*

nantium occupatus erat, tum quia putabat eum esse ex vulgaribus saluatoribus unum, qui magis curiositatis studio, quam auxilii vel consilii præbendi causa assidue ventitando, homini aliis rebus intento nunquam non molesti erant. Ubi cognovit Erasmus esse, veniam precatus suavissime eum complexus est, & in ædibus Andreæ Asulani famigerati illius mancipis, socii sui, secum tenuit, ubi contubernalem habuit Hieronymum Aleandrum Mostensem eruditione trilingui nobilem, nunc Cardinalem, inter alios etiam amicitia Pauli, Canalis, Patritii, Ambrosii, Nolani medici præstantis, Baptistæque Egnatii familiariter usus: nec adeo brevi tempore: nam & Euripidis Tragedias duas, Hecubam & Iphigeniam in Aulide recognitas hic denuo edidit, & Terentii Plautique Comœdias habita carminis ratione castigavit. Sub id tempus Alexander, Jacobi Scotorum regis filius, Patavii literis operam dabat, Raphaelis Regii auditor, & jam Ecclesiæ divi Andreæ in Scotia archiepiscopus: is Erasmus sibi in Rhetoricis præceptorem adsciscit, cum quo postea benas commigravit. Boërios enim discipulos post unicum cohabitationis annum, dudum dimiserat, ob patris morositatem. Patavii doctissimorum virorum Marci Musuri Cretenensis, & Scipionis Cateromachi Pistoriensis usus est commercio, quorum humanitatem sæpe me audiente deprædicare solet, expertus candorem non semel, dum in corruptis Græcorum autorum exemplaribus manu descriptis, quorum magnam partem Aldina bibliotheca suppediabat, videlicet Pausania, Eustathio, Lycophronis interprete, Euripidis, Pindari, Sophoclis, Theocriti, similiumque commentariis, horum exquirat iudicium. Nihil erat tam reconditum, quod non aperiret, nec tam involutum quod non expediret Musurus vere Musarum cultos & antistes. Omnia legerat, excusserat omnia, Schemata loquutionum, fabulas, historias, ritus veteres ad unguem callebat. Hanc tam consummatam eruditionem etiam insignis pietas commendabat, dum patrem Græculum jam grandævum amanter seduloque foveat. Scipionem multiplicis doctrinæ & ingenuitatis dotes exornabant. Uterque Romæ periit, sed Musurus à Leone Pontifice Monofascensem Archiepiscopum jam nactus, Dum agit Senis Erasmus in ædibus præfatus divi Andreæ quem instituebat, cujus indolem sæpe laudavit, & illum vera dixisse magis appareret, nisi cum patre rege latus ejus claudens in prælio, quo exercitus Henrici Britannicæ regis, cujus soror huic conjunx erat, tum in Belgica agentis & Tornacum instigante Julio secundo Pontifice Max. obsidentis, cum Scotis irruentibus qui Galliarum partes fovebant, concurrat, clarissimus juvenis paulo post cæsus esset: dum illic, inquam, in Etruria agit Erasmus, comæcatum impetravit vicinam Romam invifendi. Ibi dici non potest quanto plausu quantoque gaudio literatorum hominum sit exceptus, non mediocrium tantum, sed & eorum qui Cardinalitia dignitate præfulgebant: in quibus præcipuus Joannes Medices, qui in Julii 11, demortui locum successit Leonis decimi nomen obtinuit, & Dominicus Grimanus Venetus, atque Ægidius Viterbiensis trium linguarum peritissimus, tres quidem egregii Heroes fovendis studiis nati ac dediti, in quibus adeo non vulgariter excellebant. Vidit, ut audire memini, & Thomam illum Phædræ facundia extemporali incomparabiliter eloquentem, qui Ludis & Comœdiis recensendis præfæm antiquitatem repræsentabat. Vidit & alios professores. Oblata est Penitentiarii dignitas,

nitas, si Romæ manere vellet, via futura ad altiora conscendendi: nam emolumentum non contemnendum inde esse poterat. Sed redeundum fuit ad Archiepiscopum, cum quo postea denuo Romam adiit, quam nobilissimus adolescens videre cupiebat, priusquam in Scotiam suam rediret: nec Roma sola, quamquam dissimulato Archiepiscopi fastidio, ne cuiquam molestus esset: sed ulterior illa pars Italiæ Cumas usque perlustrata, ac antrum Sibyllæ subintratum, quod illic ab accolis etiamnum ostenditur. Post discessum Antistitis Ecclesiæ divi Andreae, veterum amicorum memoria, quos in Britannia reliquerat, in causa fuit Erasmo cur reditum in patriam & ipse maturandum duceret. Itaque per Alpes Rheticas Curiam primum, deinde Constantiam ad lacum Brigantium profectus, transito Lentiensium tractu qui sunt ad Martianæ sylvæ initium, quod præficus Orcynium fuit, per Brisigavos Argentoratum venit, unde secundo Rheno in Hollandiam vedus est. Mox amicis suis Antuerpiæ & Lovanii salutatis, Angliam adit. Tenebatur desiderio Joannis Coleti Theologi, qui Londini decanus erat apud divum Paulum, Grocini, Latimeri, Linacri, quorum ante meminimus, & præcipue Thomæ Mori. Vetus Mæcenas erat Gulielmus Waramus Cantuariensis Archiepiscopus, totius Angliæ primas, & ejus regni Cancellarius, hoc est, iudex summus, qui omnes Episcopis ejus insulæ sua liberalitate viget. Hic & pecuniam dedit, & præterea sacerdotium Ecclesiæ Aldingtonensis in agro Cantuariensi: quod quum religione Erasmi obstringeretur quo minus statim acciperet, emolumentis integris potius ad pastorem pertinentibus, qui præfens diu noctuque subjectam plebem institueret, id quod nullus inficiari potest, ad cunctabundum Cantuariensis, Quis, inquit, te æquius ex Ecclesiastico proventu vivat, qui scriptis tuis utilissimis ipsos Ecclesiarum præfectos presbyteros instruis, doces, adjuvas, unus omnes: nec illos tantum, sed & cunctas ubique terrarum Ecclesias, quibus illi singulis singuli duntaxat præfint & profint. Sanè plus semel Erasmi dicere memini, Principum esse debere officium, ut propria liberalitate studiosos juvent: sed illos suis impensis parafuros ad sacerdotiorum collationem confugere, ad quæ accipienda sectatores disciplinarum cogi, ut ocium literarium tueri queant. Cæterum ut Montjoium inscriptione Proverbiorum honestavit, & Johannem Coletum, novæ scholæ Londini institutorem, libris Copiæ duplicis, verborum & rerum, ad quem ludens aliquando dixit, se pauperem plane factum emissa utraque copia; ita præstantissimum Mæcenatem suum Gulielmum Waramum recognitione Hieronymianarum præcipue lucubrationum immortalitati consecrare statuit. Opus Adagiorum Aldum æmulatus flagitantibus studiosis Joannes Frobenius Typis suis non infelicitur excuderat: quæ aridente editione, simul officinæ diligentioris celebritate motus Erasmi, quum alterum Proverbiorum exemplar cum acceffione pridem Badio promissum & destinatum, ad junctis aliquot Plutarchi libellis recentem versis Francisci Pirrcmanni consilio Basileam aberrasse cognovisset, & illic omnes divi Hieronymi lucubrationes sub Frobenianis prælis esse, ipse quoque eodem se contulit, simulans iter ad Urbem voti solvendi gratia. Nec fuerat vanus rumor. Pridem enim Joannes Amerbachius absolutis Ambrosii Augustini que libris totum se comparaverat ad castigationem voluminum Hieronymi, undique conquisitis vetustis exemplaribus, & doctis viris conductis, qui

*In ulteriorem
Italiam progre-
ditur.*

*Per Rhetiam &
Germaniam vo-
dit in patriam.
Angliam
adiit.*

*Amicos illos
suorum Scripto-
rum bene se in-
scriptionibus.*

*Basileam pro-
fectum. Paris
edit.*

Græcas dictiones passim restituerent de quorum numero fuit Joannes Reuchlinus Jureconsultus, qui è Lexicis vacuas lacunas replere conabatur, cui successit felicior Joannes Cono Norimbergensis instituti Dominici, qui meliorem viam sequutus, è vestigiis antiquorum codicum ea, quæ vel deerant, vel erant depravata, diligenter reponebat. Idque poterat homo propemodum Græce quam Latine doctior, versatus nimirum in optimis autoribus, aliquot annis excellentissimorum in Italia professorum Mufuri & Scipionis, quorum ante meminimus, atque Joannis Cretensis minime pœnitendus auditor. Et jam defuncto patre, Bruno & Basilius filii: una cum Joanne Frobenio Hieronymi informationem aggressi erant, & in Prophetis aliquousque progressi. Erasmo novo hospiti statim in ædes Frobenianas recepto placuit editionis nitor, sed in primis incredibilis fratrum Amerbachiorum in castigando sedulaque diligentia. Ipse ergo siquando consulebatur, ubi judicio opus erat propter exemplarium variationem, nusquam deerat. Verum Epistolarum volumina sibi peculiariter vendicabat, partim absolvendis scholiis, quæ jam pridem cœperat, partim novis addendis & argumentis adscribendis occupatus. Hic labor non erat exiguus. Accessit longe Major. Desiderabant studiosi Galliarum & Germaniarum seorsim edi Novum testamentum Græce, quod cum Veteri Venetiis conjunxerant. In id olim scripserat Annotationes, Laurentium Vallam imitatus. Eas quum reperisset inter schedas suas, tumultuarie recognovit, & auxit inter prælorum strepitum. Nec deerant qui ipsum Novum Testamentum elimandum putarent, vulgo Christianorum, ut videtur, scriptum vel potius versum. Et hæc monentibus pro sua facilitate paruit. Hunc vero laborem Leoni X. Pont. Max. inscripsit, & quidem merito, primum nostræ religionis instrumentum summo ejusdem Præsidi. At Hieronymianorum operum recognitionem Cantuariensi Archiepiscopo Waramo consecravit æternæ observantiæ singularis monumentum. Rediit tum in inferiorem Germaniam propter negocia, ac non ita diu post ad nos reversus, commodum illuc recurreret, quum Majestas tua Romani Imperii fascibus, cujus nobis ab ipsis Gothis Theodorico illo Veronensi & cæteris antiquitas, apud Aquas-grani inauguraretur. Mox Coloniae Ubiorum adfuit sub conventum Wormaciensem, in ordine eorum, qui tibi sunt à consiliis, spectabilis: nam in horum cœtum jampridem à te prudentissime erat adscitus, adhuc vivente Joanne Sylvagio, summique Cancellarii munus obeunte. Solutis comitiis Vangionum & urbe Tornacensi recepta, quum in Hispanias ex Brabantia Majestas tua esset regressa, Basileam repetiit Erasmus, iterum editurus Adagiorum Chiliadas & Paraphrases Paulinas atque Evangelicas absoluturus, quas dubium est, Majorene studiosorum applausu orbis exceperit, an Majori alacritate ipse scriperit. Hic sum, inquit, in meo campo. Et hæc erat. Inspiciebat veteres maxime interpretes, ex nostris Ambrosium, Hieronymum, Augustinum, Hilarium, ex Græcis Chrysostomum & hujus imitatore Theophylactum, ipse stilum accommodabat tantum. Ex his unam majestati tuæ inscripsit, nempe primam, quæ est in Evangelium Matthæi, & postremam germano tuo Cæsari Ferdinando: nam qui te juvenem summo opere veneratus est tot regnorum heredem, qui minus suspiceret ad fastigium Romani Imperii concordibus principum suffragiis erectum, aulæ tuæ dicatus honestissimoque officio.

*Consiliarius
Principis.*

Repetita Basileæ, iterum variis edendis est inclinata.

officio obstrictus? Juveni adhuc Institutionem principis Christiani paravit, sanctis ceterum brevibus Aphorismis comprehensam, libellum ita me Deus amet, in quo velut in speculo destinatus summarum rerum administrationi, vel ipse functiones Christiano dignas addiscat, vel huic additus præceptor intueatur qualibus doctrinæ elementis puerilis regum animus, dum etiamnum tener est, imbuí debeat. Siquidem hoc Erasmus semper studio habuit, nobilissimam Austriacæ familiæ tot Cæsarum parentem, cujus imperium vix Alpibus Julius Rheticiq; & Oceano Septentrionali terminatur, omni obsequiorum genere, quæ literarum sectatori convenirent, colere. Docet hoc Pannegyrus patri tuo Philippo ex Hispaniis reduci exhibitus, & ab eodem perquam amanter susceptus: quod ille officium singulari magnificentia censuit prosequendum, tanquam omnino quodam felici primus ostendens quantam omnium æstimationem essent habitura hujus viri scripta, ac tantum non exemplum statuens quod cæteri magnates æmulerentur. Nec aliter accidit. Etenim similem multorum Regum & Pontificum Max. benignitatem expertus est Erasmus, ut tuam in primis, Imperator Auguste, ut Ferdinandi nunc Cæsaris germani tui, ut Henrici Britannici regis ejus nominis octavi, à quo vivente etiamnum parente Henrico Septimo literis ipsius manu scriptis salutus est, ut Clementis VII. Pontificis Max. Nec alia mente Hadrianus Pontifex fuit, si sacerdotium oblatum, vel munus honorarium Erasmus accipere voluisset. Quid porro Erasmo à Francisco Valesio Galliarum rege non expectandum fuit, si animum spectemus, & quid in eum conferre voluerit? Unis certe literis, longe gratissimum ejus adventum fore, sua ipsius manu subscribere non est designatus. Paulum vero Pontificem Max. ejus nominis tertium, quam virtuti & eruditioni Erasmi cæ judicio & animo, tam etiam effectu ad quamlibet opportunitatem favere fuisse paratum, inde apparet, quod præterquam de Erasmo in collegium Cardinalium cooptando actum fuerat, ipse eidem præposituram Daventriensem Trajectensis diocesis, quæ sexcentorum aureorum redditum tribuere dicitur, ultro obtulerit; obtulerit autem? imò contulerit, literas non solum Apostolicas super ea ne expeditionis tædio atque impensa beneficium comminueretur promittens, sed illustrissimam Hungariæ reginam Mariam sororem tuam, Flandriæ tuo assensu præsidendam, ut pro sua erga Romanam sedem filiali observantia, & reginæ viros benemeritos benignitate, dictæ præposituræ (ut appellant) possessionem vacuum abintrinsecus pro Erasmo conservari curaret, literis bene amantibus interpellans: quas tamen Erasmus à tempore quod sacerdotium recusare instituisse, penes se reservavit, satis viatici sibi paulo post morituro superesse dicens. Principum sane & Episcoporum in Erasmus munificorum catalogum texere perlongum sit. Nec solum à Principibus honoratus est Erasmus, sed etiam à civitatibus Germaniæ: si qua transiret, & Magistratus rescissent, vino donatus, qui honor Magnatibus & civitatum legatis more gentis impenditur. Id me præsentem contigit Basileæ, Constantiæ ad sacrum Brigantium Bartholomæo Plauræo Jureconsulto & consule ad convivium sua sponte venire dignato, Schellhusæ ab Abbate & Magistratu, Friburgi Brisigavorum, in Monte Brisiaco. Selestadii, Argentorati, & aliis iteris locis. Nam notum erat non paucis eum tunc Majestati esse à consiliis. Equidem ob excellentiam doctrinæ, quam editis indies libris

Affectum Erasmi in Domum Austriacæ.

Multorum in Erasmus benignitas. Caroli Cæsaris Ferdinandi Regis Rom. Henrici Angliæ Regis, Clementis & Hadriani Pontificum, Francisci Galliarum Regis. Pauli Pontificis.

Mariæ Hungariæ Reginæ.

Altorum Principum & Episcoporum, Civitatum.

testatorem cunctis faciebat: dignus alioqui censebatur, quem omnes missis muneribus nihil tale ambientem certatim ornare, & quovis honoris genere reverenter cuperent afficere. Quod si vulgò videmus eos nullis non militaris gloriæ titulis insigniri, qui, si quando opus fuerit, & incidat necessitas, defendere patriam vitæ suæ periculo sunt parati: quando iustius honoratur, qui non breve aliquod tempus, sed omnem ætatem in literis pro publica utilitate ultro absumpsit exercens ingenium, genium suum defraudans. Potuisset esse magnus & indies fieri major apud tuam Majestatem. Annon ad summum auctoritatis Ecclesiasticæ fastigium præceptor olim ille tuus Adrianus Trajectensis evectus est? Potuisset in splendore vivere apud quosvis Reges, quis enim summorum principum eum non ambiit? potuisset in ocio, in voluptatibus versari: sed prætulit communem studiorum utilitatem universis honoribus, & hujus vitæ crassis delitiis. Verisimile est præter alias causas felicem quoque succrescentium studiorum successum hominem haud parum inflammasse ad quidvis perferendum. In Germania Galliaque mirè frigebant literæ: vix & unus & alter Latine sciebat, Græcè nullus. Et ecce statim, ut editæ sunt Adagiorum Chiliades, & libri de utraque copia, velut in nebulis coorto sole, emergere linguarum peritia cœpit. Prodibant alii atque alii libelli ad hanc rem conducibiles. Theodori Grammaticæ Institutiones Latine versæ, multorumque autorum in utraque lingua monumenta Græcè citra præceptoris operam discere volentibus admodum accommoda. Nam hac ratione etiam Hermolaus Barbarus immortale decus Venetiarum olim professile fertur privato studio collatis doctissimi Gæzzæ versionibus. Jamque quasi signo dato, literarum causam in his provinciis optimus quisque promovebat. Sed omnium maximum subsidium attulit Trilingue collegium illud in Academia Lovaniensi institutum suadente Erasmo. Magnas opes moriens reliquerat Arienensis præpositus Hieronymus Buslidius, Francisci Vesontini quondam Archiepiscopi in Hispania peregre extincti frater, quas quum ille studiosorum usibus destinasset, Erasmus Testamentariis autor fuit, ut Athenæum Lovanii constituerent, in quo stipendiis ordinatis tres linguæ publice docerentur, è quo tanquam ex equo Trojano innumeri cognitione linguarum instructi prodire haecent, & faventibus superis deinceps sunt prodituri: quo universa ditio tua, Cæsar invictissime, nihil habet præclarior. Ea res Franciscum quoque Galliarum regem movit, ut ad similis collegii Lutetiæ Parisiorum institutionem animum adijceret, Erasmus per literas evocando, cujus consilio omnia disponentur: Et jam regium diploma acceperat aditineris securitatem, sed intervenerat causæ quæ perfectionem impedirent. Instituti tamen & illic professores. Itaque in confesso est, literarum in his provinciis incrementa potissimum Erasmo deberi. Quem enim ille lapidem non movit (quod ajunt) ut studia procederent? Quanto candore tradidit omnia, ab omnibus intelligi volens: quum multi res obscuras multo obscurius explicent. Editurus Proverbiorum opus à quibusdam doctis audire coactus est, Erasme tu evulgas mysteria nostra. Sed cupiebat is omnibus ea aperta esse, quo perfectam eruditionem consequerentur. Hoc candore destituebatur ille, qui Venetiis olim Aldo Manutio commentarios Græcos in Euripidem & Sophoclem edere paranti, dixit, Cave cave hoc facias, ne Barbari istis adiuti, domi mancant, & pauciores in Italiam ventitent.

*Potuisset
magnū fieri
Erasmus, si vo-
luisse.*

*Per Erasmus
revicerunt
literæ.*

*Autor fuit in-
stituendi Trilin-
guæ collegii Lo-
vanii:*

*Locum in Gal-
liam ut præficeret
instituendo in-
dem simili colle-
gio, impeditur.*

ventitent. Jam nihil tam humile fuit, quo tantus vir studiosorum gratia se non demitteret. Etiam ipsum Catonis carmen juxta titulum, emendare & interpretari dignatus est, ut nec in magnis, nec in minutis ejus opera desideraretur. Adeo vix proferri queat, qui unus studiis communibus plus profuerit. Habet quidem Gallia Budæum principem literarum, quem libenter opponat, qui quum abstrusissimum rei nummarie, quæ apud veteres fuit, materiam prius doctissime copiosissimeque explicuit, tum priscae loquendi formulas Jureconsultorum elegantissime edidit, maxima (quod negari non potest) nationis suæ gloria editis in Pandectas Annotationibus: denique Commentariis linguæ Græcæ conscripsit, quibus nihil utilius Græcitatibus studioso contingere potest. Sed noster in Theologicis plus operæ posuit. Quam studiorum partem paulo liberior tractavit, quod videret (ut ipsius utar verbis, ad amicum quendam scribentis) plus satis tribui Theologiæ argutatrici, veterem profus aboleri: sicque Theologos argutius Scotis incumbere, ut non attingant fontes divinæ sapientiæ. Ad hæc disciplinam Ecclesiasticam longè prolapsam esse à sinceritate Evangelica: populum Christianum multis modis gravatum esse: conscientias hominum variis tricus illaqueatas. Atque hanc ob rem alicubi quorundam arrogantiam, ambitionem, avaritiam, superstitionemque liberiori stilo subtaxat, nemini hic adulatus quamlibet potenti, quod tamen hodie nimium multi faciunt. Nec alia res plus offit principibus maximè Ecclesiasticis dum laudamus quod faciunt, non quid facere debeant commonstrantes. In hac ille parte nusquam cessat. Quanquam cum sæpe dicitare memini dum viveret, si præfisset tale seculum exoriturum quale hoc nostrum est, se multa non fuisse scripturum, aut isto modo non scripturum. Sed Dei gratia, videmus istarum admonitionum aliquem fructum. Theologorum manus pro Halesio, pro Holcoto, Cyprianum, Augustinum, Ambrosium, & Hieronymum suis hōis versant. Studium Theologicum diffusum Petrus Langobardus in methodum redigere conatus est, collectis Sententiarum libris: sic enim appellant. Sed in commentariis recentiorum modus desideratur. Similem rem apud Græcos tentavit Damascenus. Ex veteribus licet cognoscere nascentes Ecclesiæ exordia simplicissima, quæ paulatim ad hanc Majestatem increverunt. Absque quorum lectione citra judicium de rebus disseret, qui in neotericis tantum versatus est, amissis juxta proverbium alba ad sacrorum expensionem. Quare veterum cognitio scriptorum futuro Theologo perquam necessaria ad quam tantopere studiosos cohortatus est Erasmus, emendatis illorum lucubrationibus, & ad exemplaria vetusta collatis. Extant libri, nec est opus nominatim recensere. Addidit plerisque locis censuras, quas ceu singularem dotem ac evidens argumentum præsentissimi perspicacissimique ingenii magis admior, quàm quidvis aliud. Nullum enim arbitror fuisse multis jam seculis, qui judicio plus valuerit, id quod consummate eruditionis postremo omnium contingere solet. Quibusdam visus est non satis esse Ciceronianus, ad structuram & verba Tullianæ dictionis omnia severè exigentibus. Sed ipsum stilum apertum, extemporalem, purum, facilem, & argutum semper amavit, vocabulis quibusdam uti coactus est Christianæ religionis, materiæ quam tractabat servientibus. Neque enim probabat eorum superstitionem, qui verius inanes modulos quosdam antiquitatis referunt, quàm sententias densas & præstantes.

Sanè

Guillemi Budæi Jam.

Erasmi maximam operam impendit Theologicæ.

Erasmi filius.

*Quibus locis
Erasmus maxi-
me sua scripta
elucubrauit.*

*A'orbus Eras-
mi.*

Mors,

Testamentum.

Sanè fateamur seculum Ciceronis fuisse purissimum & imitatione dignum, ac proinde magnam felicitatem si quis sinceram illius temporis, quo lingua Latina maximè floruit, phrasim assequatur. Et quibuscum rem bellè procedere cernimus, nec invidemus. At proferant nobis in medium tot tamque utilia scripta, tam sancta, tam cordata, quot ab Erasmo Christianis orbis accepit, & cum illis sentiemus, ac Ciceronianos etiam à pietate sanctorumque prædicabimus. Horum librorum magnam partem Basileæ in ædibus Frobenianis in monte divi Petri sitis, partem etiam Friburgi Brisigavorum elucubravimus, hoc enim oppidum in ditione fratris tui regis Ferdinandi positum, monitu Bernardi à Gles Cardinalis Tridentini cum sarcinulis suis migrare coactus est, verentis ne quid illi accideret Basileæ mutato sacrorum cultu, quæ tamen res longè placidius transacta est, magistratum prudentia, quam multi divina-bant, nemine ex universo numero sacerdotum per contumeliam attacto. Friburgi primum in ædibus illis magnificis habitavit, quas Avos tuos divus Maximilianus pro senectutis suæ nido per Jacobum Villingernum suæ Majestatis à Theauris parari quondam sibi jusserat. Deinde propriam domum emit. At quum ab illustissima sorore tua Maria Hungariæ regina, quam tu ab obitu amitiæ tuæ Margaretæ provinciis inferioris Germaniæ gubernandis præfecisti, in Brabantiam revocaretur, & Ecclesiasten suum prius esset editurus, ut præsens adesset dum excuditur in officina, ac operi colophonem (quod ajunt) adderet: nam nescio quid ad calcem restabat attexendum, simul ut cœli mutatione reliquias morbi pertinaciores discuteret, vendita domo Basileam cum universa supellestili sua, quæ libris maximam partem constabat, post septimum annum reversus est, ad Hieronymum Frobenium amicum veterem hospes gratissimus divertens, hoc consilio, ut recuperata bona valetudine, & absolutis iis quæ habebat in manibus, navigio per Rhenum, in inferiorem Germaniam descenderet. Interim articularis morbus, qui aliquandiu conquieverat, rursus hominem corripit & miseris modis vexat, ut se loco movere nequiret, frustra cœlo mutato. Hic remittentibus cruciatibus ex bipede primum quadrupes, deinde tripes factus est, scipionum auxilio se sustentans & sensim prorepens. Quinque sciedas Epistolarum, quas annis superioribus à diversis scholis acceperat, figillatim evolveret, novæ nescio cujus editionis gratia, ac plurimæ eorum qui à rebus humanis excefferant, in manus venirent, subinde agebat: Et hic mortuus est: ac tandem, Nec ego diutius vivere cupio, si CHRISTO Domino placeat. Hic languentem & viribus destitutum, dysenteria, malum exitiale, ferme mensem integrum vexavit, ac paulatim exhaustum in summa æquanimitate & tolerantia tandem extinxit, CHRISTI misericordiam extremis sæpe repetitis vocibus implorantem. Qui CHRISTI doctrinam vivens tam sincere tractavit, mortuus indubiè mercedem ab illo summo Agonotheta amplam accepit. Testamentum Majestatis etiam tuæ fretus autoritate condiderat, quo pauperum inopiæ relictis à morte facultatibus suis trifariam consultum voluit, invalidis senioque confectis, virginibus elocandis, quibus dos deesset mariti conciliatrix, & studiosis fovendis. Id Bonifacius Amerbachius Juris professor, hæres nuncupatus, redemptis annuis stipendiis redivitisque bona fide cum sociis juxta testatoris mentem exequutus est, & quæ fieri ille voluit cuncta ad amissum accuravit. Is ipse memoriam in æde

sacra

*Res regia,
tueri literas.*

censebant, istum Erasmicorum librorum Thesaurum, quo nihil universa res literaria vel ornatus habet, vel utilius, vel pium magis, inter monumenta recentiorum, sartum tectum conservandum suscipe, hominis tot modis tui, sive patriam Hollandiam respicias, quæ te Dominum agnoscit, sive Consiliarii dignitatem, quam tibi fideliter obivit, sive probi pectoris devotionem, quo nobilissimæ isti familiæ Austriacæ sive Burgundiæ semper deditus fuit. Verè enim regia res est tueri literas, quibus extinctis miserabili caligine cuncta confundentur, nec homines à brutis animalibus differant. M. Virtruvium haud puduit de Architectura scribere ad Octavium Augustum, qui in ordine vestro Romanorum Imperatorum secundus fuit, Julii ut hæres, ita successor: Dictionarium suum Pollux Græcus autor Commodi Cæsari dedicat. Oppianus *πὶ ἀλιευμάτων*, Antonio L. Sept. Severi F. inscribit: non quod architectus esset Octavius, à quo struendarum ædium consilia peterentur: aut Commodus, Grammaticus: aut physiologus, Antoninus: sed ut liberalium artium patronos agere meminissent tanti Monarchæ. Et disciplinis quidem illi delectabantur ut docti, & à teneris recte instituti, non favebant tantum. Quin florebat ipsum Romanum Imperium ab hominibus virtute & eruditione excultis per diversa officia administratum. Sume ergo tibi lucubrations Erasmicas defendendas, verè *τῆς Ἀμαθίας νίκης*, partim quod in his quædam tuæ Majestati privatim dicata sunt, velut Institutio principis Christiani, & in Matthæi Evangelium Paraphrasis: partim quod ut tu summus es orbis Monarcha, sic etiam omnium commodis prospicere debes. Proderit autem orbi talem Thesaurum esse conservatum, nec sycophantis quibusdam & studiorum ofensoribus vel hujus intercipiendi vel concerpandi fieri potestatem, non quod Erasmo magnopere timendum sit, quem amare extinctum iaciunt, qui vivum oderant: Pascitur enim, ut Ovidius ait, in vivis livor, post fata quiescit: sed ut malevolis omnis vel calumniandi vel sinistri conatus alia penitus amputetur: Id fiet, si tuæ Majestatis quasi Ajacis clypeum opponas, & reipsa ostendas, non solum imminutæ Majestatis reos esse, qui in te principem Romanum sed & qui in Consiliarios tuos conspirant: id quod Honorius & Arcadius AA. censuerunt. Quis enim rabularum non obmutescet, si protegentem CAROLUM viderit? Quis illorum aspectu tui territus non terga dabit? quem Aphri congregientem expaverunt, quum depulsum ditione sua Tunetensem regem ultramarina expeditione suscepta rem maximam atque difficillimam ausus, feliciter & celeriter restitueres. Qui Italiæ pacem dedisti, inque eam diu nobilissimam regionem conservas. Qui proximis diebus Gandavensem tumultum in gravem totius Flandriæ perniciem erupturum, dicto citius compescuisti. Quem spes est Germaniæ nostræ pristina concordiam refarturum lite partium utrinque audita, ac per tuam prudentiam quæ vases, auctoritatemque æqualiter dirempta. Atque utinam immortalitate dignus ERASMUS tantisper superfuisset, dum ista à te fortiter & præclare gesta suavissimo stilo suo memoriæ æternæ consecrasset. In nulla re ille, certò scio, libentius fuisset occupatus. Denique addam hoc unum, priusquam finem faciam: Gloriantur cæteri Imperatores, hujus vel illius quamlibet magnæ, per hæc etiam atrocis rei casu suum principatum sacrum insignem, CAROLI CÆSARIS tempora candidissimi scriptoris ERASMI Monumentis il-

*Defunctus a-
meri captem E-
rasmus, qui sur-
gesces odio ab
multis babebat-
ur.*

*Brevis victo-
riarum Caroli
enumeratio.*

*Exaudiorem
laudes in suis
oriam Principis
redundant.*

— hinc:

lustram

illustrata nunquam ignorabuntur, nam solet eruditissimi cujusque laus etiam in principem redundare, sub quo vixerit, ut non dicam in cujus clientela fuerit numeratus. Bene valeat Majestas tua, CÆSAR Invictissime, & ERASMI sui lucubrationes sibi commendatas perpetuo tueatur. Selet-
stadii, calendis Junii, Anno à CHRISTO nato M. D. XL.

*Quam autem decens & accurata Scriptorum suorum partitio supra modum cordi fuerit Erasmo, Majoremque ejus rei curam post mortem haberi supremis verbis voluerit ab Amicis, quam, ut ipse loquitur paulo ante ad Conradum Goclenium scribens, Psalteriorum & Anniversariorum, quæ defunctis superstitione quadam præstari consueverunt: non abs re fore censui, si Epistolam Viri Magni ad Helio-
rem Boetium missam apposuero; quæ ipse paucis ante obitum annis stupendum ab lucubrationibus suis instruit, & aternitati consecrat Hortum; singulis in suos pul-
villos & areolas aptissime distribuitis. Ea sic habet.*

DES. ERASMUS ROTERODAMUS
ERUDITISIMO HECTORI
BOEOTIO DEIDONANO

S. D.

LITERAS tuas Boeoti ornatissime, datas Aberdonæ septimo ca-
lendas Junias, anno salutis millesimo quingentesimo vigesimo octa-
vo, accepi Friburgi, quæ civitas est Brisgoiæ sub ditione regis Fer-
dinandi, non incelebrem habens Academiam: accepi autem cir-
citer idus Februarias, anno à natali CHRISTI millesimo quingentesimo
trigesimo: ne forte mecum exoptules, quod serius respondeam. Ea res fuit
in causa, ut has literas tibi per Typographos excusas mittere maluerim, quam
per amanuensem descriptas. Sic enim arbitror celerius ad te perventu-
ras. Ergo ad tuas paucis accipe. Quam mihi tua consuetudo jucunda fuit
HECTOR eruditissime, quum ante annos triginta duo Lutetiæ in litera-
rum stadio pariter curreremus, licet te pro ingenii tui singulari felicitate
multis passibus præcurrente: tam mihi gratum fuit eam voluptatem ex tanto
intervallo mihi tuis literis refricari. Ad laudes autem quas rursus candor mihi
tribuit affatim, plenaque (quod ajunt) manu, nihil aliud audies, quam te de
Erasmo

E. t.

*Scotia Regnum
lucris deditum.*

*Alexander
Jacobi Regis fi-
lius Erasmi
discipulus.*

Erasmo non minus diserte quam amanter, non dicam menitri, quod à tuis moribus semper fuit alienissimum, sed multum à vero aberrare. Faveo tamen interim tuis de me præconiis, vehementer optans ex meis lucubrationibus aliquid utilitatis, ad disciplinarum ac veræ pietatis candidatos pervenire. Eorum Catalogum, uti petis, huic subtexam Epistolæ. Nec mihi medicrem attulit voluptatem, quod intelligo Scotiæ regnum ut aliis pluribus ornamentis, ita liberalium artium studiis indies magis ac magis expoliri. Hoc nomine semper amavi Jacobum regem, quod ditionem suam non tam proferre studuerit quam exornare, inter felicissimos Monarchas numerandus, si præclaris virtutibus hominis fortuna respondisset. Nec dubito, quin filius illius ut in paternum regnum successit, ita paternis vestigiis ingrediatur. Quum Jacobi regis filium Alexandrum Archiepiscopum divi Andreæ Senæ instituerem, aderat illi frater vix decimum agens annum, incredibili puer indole, ac jam tum nescio quid eximium de se pollicens. Aveo scire quid illi acciderit, utrum paterni fraternique fati comes fuerit, an adhuc supersit. Pro istius Academiæ non ignobilis in me favore studioque gratiam habeo plurimam, cujus commodis & ornamentis utinam mea opera possit aliquid accedere. Certe, quod unum possum, precor ut Dominus per te tuique similes viros, eam omni genere disciplinarum, veræque pietatis dotibus bene fortunet ac locupletet. Datum ex inclita Academia Friburgensi, idibus Martiis.

INDEX



INDEX OMNIUM LUCUBRATIONUM DES. ERASMI ROTER.

PRIMO TOMO HÆC HABENTUR;

DE copia verborum ac re-
rum, libri duo.
Theodori Gaza Gramma-
tices, libri duo.

Symaxis.

Ex Luciano versa: Saturnalia.

Cronosolon.

Epistola Saturnales.

De luctu.

Abdicatio.

Icaromenippus.

Toxaris.

Alexander, sive Pseudomantis.

Somnium.

Timon.

Tyrannicida.

Erasmii declamatio Lucianica respon-
dens.

De iis qui mercede conducti degunt.

Dialogi amatorii XVIII.

Hercules Gallicus.

Euxuchus.

De sacrificiis.

Lapitha, sive Convivium.

De astrologia.

De ratione conscribendis Epistolis.

De pueris statim ac liberaliter institu-
endis.

De ratione studiū.

De laude medicina.

Libani aliquot Declamationes versa.

Similium liber unus.

Colloquiorum liber.

De recta Latini Gracique sermonis
pronuntiatione.

Ciceronianus, sive de optimo dicendi ge-
nere.

De civilitate morum puerilium.

Galenii exhortatio ad bonas artes, ver-
sa per Erasmum.

Epitome in elegantias Laurentii Valla.

Euripidis Hecuba & Iphigenia, Eras-
mo interprete.

In Nuce Ovidii Commentarius.

In Nuce Ovidii Commentarius.

SECUNDO TOMO.

Adagiorum opus.

TERTIO TOMO.

Epistolarum opus.

QUARTO TOMO.

E Plutarcho versa.

De discrimine Adulatoris & Amici.

Quomodo militas capiat ab inimicis.

De tuenda bona valetudine.

Principi maximo philosophandum.

Animi an corporis graviores morbi.

Nam recto dictum sit, ratio suadet.

De cupiditate divitiarum.
De cohibenda iracundia.
De caritate.
De vitiosa verecundia.
Apophthegmatum libri VIII.
Moria Encomium, hoc est, Stultitia
laus.
Panegyricus ad Philippum Burgundio-
rum principem.
Ad eundem carmen gratulatorium.
Institutio principis Christiani.
Isocrates de regno administrando.
De morte declamatio.
Declamatiuncula gratulatoria.
Pacis querimonia.
Lingua.
Xenophontis tyrannus.
De senectute carmen.

QUINTO TOMO

Enchiridion militis Christiani.
Oratio de virtute amplectenda.
Ratio vera Theologia.
Paraclesis.
Modus confrendi.
Enarratio Psalmi, Beatus vir.
Enarratio Psalmi, Quare fremuerunt
Gentes.
Paraphrasis in Psalmum, Domine quid
multiplicati.
Concio in Psalmum, Quem invocarem.
De puritate Ecclesie Christi.
Enarratio in Psalmum, Dominus re-
git me.
De bello Turcis inferendo Consultatio.
Enarratio in Psalmum, Benedicam do-
mino in omni tempore.
Enarratio in Psalmum, Dixi custodiam
vias meas.
De amabili Ecclesia concordia.
Concio in Psalmum LXXXV.
De misericordia Domini Concio.
Virginis & martyria Comparatio.
Concio de puero Jesu.
Epistola consolatoria ad virgines sacras.

Christiani matrimonii Institutio.
Vidua Christiana.
Ecclesiastes, siue de ratione concionanda.
Modus orandi Deum.
Symbolum, siue Catechismus.
Precationes.
Pan Virgini matri dicendum.
Oratio ad Mariam in rebus adversis.
De contemptu mundi.
De radio & pavore Christi disputatio.
De preparatione ad mortem.
Ode de casa natalicia Jesu.
Expositio Jesu cum homine pereunte.
Hymni varii.
Liturgia Virginis Lauretane.
Carmen votivum Genovesa.
Commentarius in duas Hymnos Pruden-
tii, de natali & Epiphania pueri
Jesu.
Christiani hominis institutum, carmine.
Epitaphia in Odiliam.

SEXTO TOMO

Novum Testamentum, cum Annotatio-
nibus.

SEPTIMO TOMO

Paraphrasis,

In Matthaeum.
In Marcum.
In Lucam.
In Joannem.
In Acta.

In Epistolas Pauli:

Ad Romanos.
Ad Corinthios I.
Ad Corinthios II.
Ad Galatas.
Ad Ephesios.
Ad Philippenses.
Ad Colossenses.

*Ad Thessalonicenses 1.**Ad Thessalonicenses 11.**Ad Timotheum 1.**Ad Timotheum 11.**Ad Philemonem.**In Epistolam Petri 1.**In Epistolam Petri 11.**In Epistolam Iuda.**In Epistolam Jacobi.**In Epistolam Joannis 1.**In Epistolam Joannis 11.**In Epistolam Joannis 111.**In Epistolam ad Hebraeos.*

OCTAVO TOMO.

*Ex Chrysostomo versa.**Adversus Iudeos, Homilia V. 2.**De Lazaro & divite, Homilia 1111.**De visione, Homilia V.**De Phylogonio mariyre, Homilia 1.**De orando Deum, Libri 11.**De David & Saule, Libri 111.**Quom praebiter esset designatus, Homilia 1.**In Psalmum, Cantate domine.**Quom Sarianinus & Aurelianus a. i. essent in exilium, Hom. 1.**De fide Anna, Homilia 11.**Commentariorum in Acta Apostolorum, Homilia 1111.**Commentariorum in secundam ad Corinthios, Hom. VII.**In Epistolam ad Galatas.**In Epistolam ad Philipenses, Homilia 11.**Ex Athanasio.**De sancto Spiritu, Epistola 11.**Contra Eusebium de Nicana synodo, Epistola 11.**Apologietici duo adversus eos, qui calumniamur, quod in persecutione sumus, Epistola.**De passione Domini, Homilia 1.**De hoc quod scriptum est, Euntes in civitatem quam contra vos est.**De virginitate.**De peccato in Spiritum.**De Spiritu Sancto.**Ex Origene.**De vita, phrasi, & operibus Origenis.**Fragmentum in Evangelium Matthaei.**Ex Basilio.**Principium Isaia.**De Spiritu sancto, Liber.**De laudibus ieiunii, Homilia 11.*

NONO TOMO.

*Epistola Apologetica ad Dorspium.**Ad Jacobum & abrum Stapulensem.**Ad Jacobum Latiensem.**Ad Augustinum pro declaratione Matrimonii.**Apologia de In principio erat sermo.**Apologia tres ad Notationes Eduardi 11.**Ad Jacobum Lopim Siunicam.**Adversus Sanctium Caranzam.**De loco, Omnes quidem resurgemus.**In Natalem Beedam.**Adversus Petrum Sntorem Cartusianum.**Appendix de scriptis Clitobuci.**Declarationes adversus Theologos Parisienses.**Ad Phimosomum De divorcio.**Ad iuventem Gerontodiscalum.**Ad Monachos quosdam Hispanos.**Ad Album Pinum Corporum principem.**De usu carnum.**De libero arbitrio Collatio.**Hyperaspista diatribes, Libri 11.**Purgatio adversus Epistolam Lutheri.**Detectio praestigiarum libelli cuiusdam adversus.*

*Adversus pseudoeuangelicos Epistola.**Ad Eleutherium Epistola.**Ad Grunnum.**Ad fratres Germaniæ Inferioris.**Spongia adversus aspergines Huteni.**Pantalanus, sive adversus fabrician-
tem.**Adversus mendacium & obstinaciam.**Antibarbarorum liber.**Ad quosdam graculos Epistola.**Responsio ad Petri Curii defensionem.**De Terminis, Epistola.**Catalogum Operum Des. Erasmi Rotterodami*

FINIS.

EPITAPHIUM.

DES. ERASMI ROTER.

Basileæ; Christo Servatori S.

DES. ERASMO ROTERODAMO, VIRO OMNIBUS MODIS
MAXIMO, CUYUS INCOMPARIBILEM IN OMNI DIS-
CIPLINARUM GENERE ERUDITIONEM PARI CONIUNCTAM
PRUDENTIA POSTERI ET ADMIRABUNTUR ET PREDICA-
BUNT. BONIFACTUS AMERBACHIVS, HIE. FROBENTVS,
NIC. EPISCOPIVS, HÆREDES ET NUNCUPATI SUPREME
SUE VOLUNTATIS VINDICES, PATRONO OPTIMO NON ME-
MORIE, QUAM IMMORTALEM SIBI EDITIS LUCUBRATI-

ONIBUS COMPARAVIT, IIS TANTISPER DUM ORBIS

TERRARUM STABIT SUPERFUTURO, AC ERU-

DITIS UBIQUE GENTIUM COLLOQU-

TURO, SED CORPORIS MOR-

TALIS QUO RECON-

DITUM SIT ERGO,

HOC SAXUM

POSUERE.

MORTUUS EST 4. IDUS JULII. JAM SEPTUAGENARIUS ANN.

A CHRISTO NATO M. D. XXXVI.

*In Saxo, quo Sepulchrum integrum est Terminum Faciei, basi quadrata, cum his
verbis.*

DES. ERASMUM ROTERODAMUM AMICI SUB HOC SAXO
CONDEBANT. QUARTO IDUS JULIAS.

1629.

Gul. BU.



Gul. Budæi Clariss.

VITA

PER LUDOVICUM REGIUM

AD

GULIELMUM POIETUM MAGNUM

FRANCIÆ CANCELLARIUM.

Amplissimo Viro atq; Illustrissimo GULIELMO POIETO, Magno-Francie Cancellario, Ludovicus Regius. S. D.

PHILIPPUS Cossus Constantiensis Antistes, cujus jussu Gulielmi Budæi vitam explicandam suscepi, author mihi fuit, ut hunc meum laborem nomini tuo consecrarem: existimans, quoniam Budæum paulo antè vita fruentem unicè dilexisti, quicquid de eo mortuo scriberetur, tibi fore gratissimum. Ego vero tamen si videbatur id alienum institutis meis, & in primis arduum, statuebam tantam rem, tam expectatam & diligentia consequi, & memoria complecti, & oratione exponere: tamen viro clarissimo atque doctissimo & iusta imperanti, & præclara cupienti non parère nefas esse putavi, eoque magisque non aliunde poteram honestius primam ineuntis adolescentiæ commendationem ducere. Itaque non ausus Patroni mei aut auctoritatem aspernari, aut voluntatem negligere, recusandi pudore scribendi onus suscepi. Quod autem erat optandum maximè, ut mihi juris studioso daretur aditus ad te summum juris Antistitem, jurisconsultorumque principem, & quod unum ad meas rationes maximè pertinebat, id non fortuito, sed propè divinitus datum atque oblatum videtur. Quamobrem quoniam

quoniam propter obscuritatem in hominum ignoratione adhuc jacui, nixus præstantissimi viri autoritate, ad tuam Amplitudinem confugio: inde aut præsidia adversus invidiam, aut laudi, si qua forte nascatur, adjumenta quaesiturus. Nemo enim te uno dignior occurrebat: quem in maximis gravissimisque causis Reip. nostræ cognitum, in primisque spectatum Franciscus Rex Regum potentissimus & sapientissimus per omnes honorum gradus ad summum exulit Magistratum. Quem ita geris, ut diligentiam admirentur omnes, virtutem agnoscant: sitque intellectu difficile, utrum is magistratus ornent te magis, an ornentur à te: Nec vero in minima tua laude ponendum est, quod ut semel tanto honore auctus es, tecum habuisti Budæum semper, captus ejus & virtute & doctrina: hunc nusquam à te dimittere, tecum quocunque proficisceris deducere, in suavissimo convivio tuo honorificentissime detinere voluisti, qui cum remotus ab oculis populi in studiis cognoscendi semper aliquid aut discendi, quantum reipublicæ superfuerat temporis, libentissime atque multo verius cupidissime contereret. Quare interim extimesco, ne reficem hisce meis literis desiderium, ac dolorem tuum: quem ex interitu illius longè acerbissimum accepisse te sciunt omnes. Quid enim non doleas creptum tibi hominem magno ingenio? admirabili doctrina? singulari prudentia? & tecum omnium consiliorum societate conjunctissimum? Quæ si unà cum illo occiderent, immoderatus doctissimi viri desiderium ferendum esset. Sed nec illa occiderunt, alenturque ære mirate, & augebuntur totius posteritatis memoria. Doctrinam ejus viri coluisti, quæ vivit, semperque vivet in omnium gentium mentibus ac sermonibus: multò notior, atque illustrior posteris quam præsentibus futura. Accipies igitur hunc librum exiguum quidem & tenuem, sicuti nascentia omnia sunt & incipientia, nec tam re & maturitate, qualia solent esse adolescentiumque spe fortassis & expectatione commendandum, quem tamen spero tibi fore jucundum, tum Budæi ipsius causa, cujus honori destinatus est, tum Constantiensis Episcopi tuæ amplitudinis observantissimi nomine, cujus cum essem mæcipio & nexu proprius, tuum tamen esse voluit usu & fructu,

Vale.

PRÆFATIO.

P R Æ F A T I O.

SIQUIS conversiones rerum humanarum consideret, & vetera animo repetat, comperiet non omnibus ætatibus, sed auris (ut ita dicam) quibuldam sæculis egregios homines extitisse, in quibus vires suas natura potissimum sit experta. Non enim Demosthenem & Ciceronem præstantissimos oratores, nec Platonem & Aristotelem principes ingenii & doctrinæ, nec Homerum & Virgilium clarissimos poëtas, nec Hippocratem & Galenum medicorum lumina temerè aut fortuito satos & creatos fuisse credendum est. Sed profectò fuit quædam vis quæ generi consuleret humano, illosque gigneret & aleret: ut artes ad bene beateque vivendum necessarias aut invenirent ipsi, aut inventas perpolirent, absoluerent, atque ad summum perducerent. Ac nostra quidem ætate, qua omnes bonæ artes sese rursus erigere cœperunt, natura ex superiorum temporum caligine recreata, multos homines claros & magnos in omni virtute, omni disciplinarum genere protulit: inter quos admirabile est, quantum Budæus unus excellat, sive utriusque linguæ cognitionem, sive magnarum artium, & reconditarum rerum scientiam, sive vitæ integritatem, sive præclara ingenii monumenta, spectemus. Itaque suscepi more Majorum laudabili illo quidem, sed multis sæculis intermisso, vitam tanti viri explicandam. Nam fuit olim usitatum, statuere claris hominibus ex marmore, aut ex ære statuas, testes diu futuras magnorum in remp. meritorum: & simul eorum dicta factaque posteris prodere, ut cum has imagines intuerentur, animum & mentem ipsa præstantium hominum cogitatione confirmarent, certarent cum illis probitate & industria: neque prius conquiescerent, quam virtute famam illorum ac gloriam adæquassent. Nostra ætas nescio quo pacto virtutem invidia potius, quam imitatione prosequitur, & honestos labores contumelia libentius, quam splendore decorat: ac spretis his quorum aut scripta aut facta proximè ad antiquorum gloriam perveniunt, veterum laudes cupidius audit. Perinde quasi omnis flos ingeniorum siti veteris ubertatis exaruerit, aut antiquis solis aditus ad virtutem patuerit, nobis vero sit interclusus. Minuenda nimirum est hæc opinio tanquam inimica virtuti, vel potius ex animis hominum evellenda: quam sit ingrati, credere naturam omnium parentem cuncta sua munera olim effudisse, ut in posterum sterilis effozetque maneret? Quòd si ad hujusce nostri sæculi foelicitatem animum convertere velimus, sine dubio comperiemus nostros homines antiquis ingenio non inferiores, multos doctrina pares, studio autem & industria longè superiores: nec minoris æstimandos, nisi cæcitate quadam animi eorum laudi & gloriæ invidere, quam favere mallems. Quamobrem rescipiscamus aliquando, grati simus in æqualium virtute decoranda: simus diligentes in illis celebrandis, quibus nulla laus tribui non debita potest, tametsi Budæus pro se satis habetur illustis, nulliusque prædicatione eget quo celebrior sit & commendatior. Est ille quidem præclaris ingenii monumentis ad omnem

Memoriam commendatus. Tamen è dignitate patriæ, ex usu omnium qui literis dant operam, fore putavi, si ejus imaginem non solum ad intuendum, verum etiam ad imitandum quoquomodo exprimerem. Quemadmodum enim qui vi tempestatis à recto cursu longius aberrarunt, in noctem coniecti, si ex continente locisque superioribus, unde est propinquus aspectus in mare lumen conspexerint, facile naufragium effugiunt, tutumque receptum inveniunt. Eodem modo qui sese scientiæ cognitionisque studiis dederunt, si varietate rerum magnitudinemque tanquam fluctibus oppressi, animum contrahant aut demittant, splendore præstantium hominum & exemplo, velut gubernaculo, eriguntur ac resistunt, atque ex protellis difficultatum, ex æstibus curarum, per angustias, per vada, per saxa & cautes in portum doctrinæ velis passis perveniunt. Itaque cum omnibus exploratum erit quæ subsidia Budæus habuerit ad tantam eruditionem, quibus initiis ac fundamentis tantæ summis in rebus laudes excitatae fuerint : quam contrà impedimenta obliterint, & qua industria superarit, ut jam planè grandis & sine præceptore literas didicerit, quam multa in vita occupatissima legerit, tractarit, scripserit, ex his fructum illum vel maximum precipient in rectam disciplinæ viam ingressi : quod intelligunt, qui majorem discendi commoditatem habent, minime illud ipsum quod est summum, desperandum esse, modo quod efficere, aut quod progredi possint experiantur, & adhibeant ad considerandas res honestas, cognitioneque dignas & tempus & diligentiam. Ad hæc cum genus vite, naturam, mores, gravitatem, constantiam, præstantiam, atque prudentiam intuebuntur, id quoque intelligunt quod precipue his temporibus salubre & frugiferum existimo, nempe ex literis non ostentationem scientiæ, sed integritatem morum multo magis esse querendam. Nam videre licet quosdam ex his qui literas profitentur, tanta esse levitate & jactatione, ut his fuerit non didicisse melius : alios gloriæ cupidos, temerè & inconsultò quodvis scribere : maledicendi avidos nonnullos, alienæ samæ passim obtrectare : multos, omnis generis flagitiorum servos ut literarum dignitatem mirabiliter comminuant, vel dedecorent potius. Nec verò me fugit quanti sit negotii vitam tanti viri totam explicare : & eam non modo in animis, sed etiam in oculis conspectuque omnium exponere. Quod si minus ea bene dicendo consequar (Quis enim id ullo modo posset ?) quæ Budæus bene agendo consecutus est, etsi nequaquam parem illius virtutis facultatem orationis asseram ; at pro nostro studio meritam gratiam debitamque retulisse, nullam apud æquos rerum æstimatores reprehensionem habebit. Erit interea satis id quidem nobis contendisse, non modo uti doctum, quod orbis terræ judicio comprobatum est : sed summum etiam ac singularem virum fuisse Budæum, & cum prudentia, tum omni virtute excellentem per nos posteritas cognoscat. Sed jam ad id quod nobis institutum est, veniamus.

GUL. Budæus Lutetiæ Parisiorum nobilissima & antiquissima stirpe ortus, majores habuit amplissimis honoribus functos : qui multis in rebus principibus nostris magno usui, & resp. ornamento fuerunt. Patre usque copioso in primis, & ut tum erant tempora, à literis non abhorrente. Puer admodum ab eo præceptoribus est traditus, ut literis institueretur. Personabant adhuc omnes scholæ vocibus imperitorum hominum & barbarorum, nec-
dum

dum politioris doctrinæ splendor Gallis illuxerat. Quapropter cum vix primoribus labris Latinos scriptores attigisset, quod fuit in more majorum institutoque positum, Aureliam celebrem urbem, ut ibi jus civile disceret, est missus. Quo in gymnasio triennium versatus, operam penè omnem perdidit. Neque enim ignarus latinæ linguæ, & ab aliis disciplinis imparatus, artem illam reconditam & multiplicem subtilemque cui sese dederat, cognitione & scientia poterat comprehendere. Domum revocatus, cum aliis quibus odolefcentia capitur voluptatibus, tum venationi atque aucupio præcipuè indulgit. Quæ tamen cum non diu occupatum impeditumque tenuerunt. Nam paulatim deservolcentibus ejus ætatis cupiditatibus, illisque deliciis maturè deflorescentibus, omnium opinione celerius immutatus, tanto demum literarum amore exarsit, ut negociis omnibus omisis, totum se in cognitione & scientia collocaret. Itaque omittere omnes voluptates, relinquere studia delectationis, atque scientiam. In ea persequenda omnes cruciatum corporis parvi esse ducendos, esse hanc unam, quæ brevitatem vitæ, immortalitatis spe, posteritatis memoria consolaretur. Hanc neque cripi nec adimi posse, neque naufragis neque incendio amitti: cætera omnia caduca & incerta in fortunæ temeritate posita, parva interdum offensione, veluti grandine totius anni fruges auferri. Quæ secum persæpe reputans, cuncta sciendi cupiditate posteriora tandem duxit. Primus certè Gallorum rudi adhuc sæculo, sine præceptore ac duce, nullo socio aut consorte gloriosi laboris, nullo æmulo atque imitatore studiorum, in optimarum artium curriculum prodiit. Cæterum cum is non posset per ætatem optimos quosque authores eligere: nec sciret a quibus potissimum auspicandum esset, in constituendo studio plurimum peccavit. Deterrissimum enim quemq; librum sumens in manus, interpretes aliquanto intentius quam authores ipsos legebat. Ex quorum illiteratis annotationibus, nihil præter inconditam rerum temerè congestarum sylvam poterat comparare. Quo errore intellecto, etsi graviter ferebat se vestibulo in ipso adituque impegit, non tamen animum despondit: sed sensim vitia in quæ dilapsus erat, quæque per imprudentiam hauserat, eluit, & magna sustulit difficultate. Hanc verò fecit instituti mutationem, ut optimum quemque legeret sine interpretibus, & Ciceronem in primis ad verbum disceret. Sæpius enim lectionem à capite repetendo, hoc boni consequeretur, ut prima cum mediis, media cum extremis conferendo, faciliè totius orationis cursum cerneret, ipsumque authorem suæ sententiæ quasi interpretem haberet: res etiam reconditas, quæ plærumpque in scriptoribus occurrunt, intelligeret eadem exercitatione & diligentia. Itaque paucis quidem annis, sed plurimo certe studio Romanis artibus & literis ita profecit, idque intra domesticos parietes, ut jam sive ad oratores, sive ad poetas, sive ad historicos se converteret, facilem & expeditam

eorum intelligentiam haberet. Cupiebat magnopere Græcas quoque literas discere: à quibus omnis rerum optimarum atque artium ubertas petenda est. Id fuit eò difficilius, quòd nulli suppetebant præceptores, à quibus doceretur atque erudiretur: tum quòd Græcorum lingua nondum erat in Gallia cognita, quodque posteaquam cognita, non multum culta, paucis certè grata & probata, pluribus etiam suspecta & invisa diu fuit. Sed incredibilis discendi ardor nequaquam restingui potuit his difficultatibus. Venit eodem tempore Lutetiam Georgius Hermonynius, qui se Lacedæmonium nuncupabat, homo mediocris, & aut nulla aut humili doctrina præditus. Hic quia solus in Gallia ea tempestate græcè scire videbatur, initio fuit nostris hominibus summa admirationi. Quem Budæus nactus, magna mercede conductum ad se accersivit, & antequam dimitteret, amplius quingentis nummis aureis donavit. Adeo nulli nec sumptui nec pecuniæ parcere in animum induxerat, dum id quod cupiebat quoquo modo assequeretur. Itaque huic Græco cum aliquot annis operam dedisset, & eo prælegente audivisset Homerum autore fque aliis insignes, nihilo doctior est factus. Neque enim præceptor ille plura docere quam sciret, poterat: & Græcas literas eatenus noverat, quoad convenit sermone literato cum vulgari: & nisi quod legere optimè, & è more doctorum pronunciare videbatur, expers erat omnis eruditionis: & qui pingendis literis Græcis victum quærere tantummodo nosset. Non ita multò postea decedens ex Italia venit in Galliam Janus Lascaris, vir cum genere & nobilitate præstantissimus, tum Græcorum omnium hujus memoriæ faciliè doctissimus. Qui cognito Budæi studio in Græcas literas, quanquam erga hominem mirificè afficiebatur, ejusque causa omnia cupiebat, non multum tamen potuit juvare: quum ferè ageret in comitatu regis, aut legationes longinquas obiret, & Budæus in perennibus studiis domi se contineret. Fecit tamen non invitus quod potuit vir humanissimus atque facillimus, ut præsens Budæo aliquid prælegeret: quod vix in omni consuetudine vicies contigit, & absens libros suos quos emendatos maxime, & lectissimos habuit, ejus fidei mandaret. Mathematicas disciplinas ab Jacobo Fabro nobili philosopho didicit: ad quas tantum ingenii & alacritatis initio attulit, ut evolare non excurrere videretur. Itaque dum Faber multa proponit, Budæus omnia assequitur, eò res venit, ut prius ille docendo defatigaretur, et si magnam mercedem accipiebat, quàm hic discendo. Neminem præterea audit, sed partim felicitate ingenii, partim assiduitate & diligentia cætera quæ ad optimarum artium, & utriusque linguæ cognitionem spectant, esse consecutus. Ab his autem initiis profectus, tantos in suis studiis progressus fecit: ut nostra ætate principem locum in literis tenuerit omnium confessione. Ipse quidem Lascaris, et si Græci in communicanda sua cum exteris laudè parciores sunt, tamen admiratus elegantiam Attici sermonis, quam scribendo feliciter exprimebat, de eo dicere per sæpe solebat (ut scribit Lazarus Baysius vir amplissimus atque eruditissimus) quod olim de Cicero Apollonius dixit, nempe doctrinam & eloquentiam quæ solæ Græcis erant relictæ, sic per Budæum hoc tempore in Galliam esse perlatas, ut olim per Ciceroem ereptæ languenti Græciæ, Romam adveniant. Atcepi Christophorum Longolium, dum Lutetiæ in utrisque subsecillis juris consultorum versaretur, interea cupiisse græcas literas discere, & maximo

prece:

pere à Budæo petivisse, ut sibi quotidie aliquid prælegeret. Existimabat enim auctoritatem viri præsertim tanta eruditione cumulatam, magnum sibi ad eam rem calcar addituram: tanto certè uti præceptore in primis honorificum ducebat. Budæum respondisse, negotiis familiaribusque & forensibus districtum prælegendi ocium non habere: adjuturum tamen quod posset, adhiberet alium magistrum vel mediocrem si inveniret, loca obscuriora animadverteret, & notaret, quum liceret, sui copiam faciurum. Posteaquam Longolius id obstinate sibi vidit negari, omni spe impetrandi adempta, graviter commoveri cœpit, malè suspicans Budæum hanc eruditionis partem, qua solus præstabat, aliis invidere, ac propterea neminem velle in societatem ejus gloriæ admittere: Consilium exinde iniisse cum Lazaro Bayfio Romam proficiscendi ad discendum Græcas literas, ea præcipuè causa, ut Budæum superaret, à quo acceperat repulsam, illum à seipso edoctum tantum processisse in literis Græcis, & omni arte ingenua liberalique doctrina: sibi facultatem, sibi magistros sibi denique paratiora omnia ad discendum fore. Quibus ex rebus in magnam victoriæ spem & propè exploratam venerat. Romam ergo profectus cum doctissimis adhibitis præceptoribus quinquennium in Græcis scriptoribus legendis perseverasset, Græcè Epistolam ad Budæum misit, jam tum sese homini arbitratus exæquatum. Cui Budæus tam concinnè & accuratè rescriptit, (extat autem Epistola) ut Longolium primum in admirationem summam adduceret, deinde etiam in desperationem. Bayfius quoque ejus Epistolæ elegantia ita obstupuit, ut tum ingenuè fateretur, multum adhuc superesse quò progredirentur: & Longolium identidem admoneret, vix illud perfici posse quod tentarent. Quocirca Longolius, quanquam esset magni vir animi, tamen desperatione debilitatus, noluit amplius in eo laborare quod se assequi posse diffideret. Verum se retulit ad Romanas literas, fururus haud dubiè; si diuturniorem lucis usuram Superi concessissent, omnium non nostræ modo ætatis, sed eorum etiam qui post Ciceronem latine locuti sunt, in dicendi facultate Princeps. Magna ergo Budæi laus, quod à duobus excellentis ingenii juvenibus, hisce studiis ardentibus, ocio abundantibus, ejus æmulatione incensis eaque causa domo tam longinqua profectis, uberrimis præterea artibus ornatis, consuetudine, sententiis, voluntate consociatissimis, omnibus vel naturæ præfidiis, vel fortunæ adjumentis ad discendum paratissimis, toto denique pectore ad laudem incumbentibus non potuerit anteverti. Horque in eo magis mirum: quod jam ætate provectus literis studere cœpit, quod in tanta occupatione vitæ, tot impedimentis principio illatis cursum nihilominus potuit tenere. Sed ita in humanis rebus à natura comparatum videtur, ut pulcherrimo cuique operi difficultas proponatur, & tardè crescentia sint diuturniora & perfectiora. Proinde sicut animalia majora diutius visceribus parentum continentur, & arbores præcæriores tardius adolescunt. In arborum autem ipsarum. Baccis & frugibus terræ, quæ lentius maturescunt, hæ sunt meliores & longius servantur. Sic præclara ingenia quæ ad frugem sunt perventura, non continuo se proferunt: sed quanto uberiores fructus datura sunt, tantò difficilioribus utuntur progressionibus, præcæla verò tanquam strobili celeriter ementur, vel rito sine offensione ad excellentem statum perveniunt. Quapropter quò serius ad literas se applicuerat, eo majore cursu celeritatem corrigenda

dam ratus, brevi jacturam superioris ætatis refarciivit. Tantus erat in eo bonarum artium amor innatus, ut cæterarum rerum oblitus, quidvis perpetere-
tur ipsa cognitione & scientia captus: curas, sollicitudines, vigilas perferret,
nec voluptatem requirens aliam, quam quæ ex literis capitur, nec ullum fugi-
ens laborem. Ita mentem suam in rebus cognoscendis quæ sunt ab antiquis re-
perta; aut investigandis novis alebat cum oblectatione solertia: quæsi unum
suavissimum animi pascium judicabat. Erat in eo inexhausta aviditas legendi, nec
satiari poterat. Quæcumque librum semel arripuisset, nulla nec obsecratione
terreri, nec novitatis illecebra adduci potuit, ut de manibus deponeret prius-
quam pervenisset ad metam. Forte evenit ut haberet sermonem de suis stu-
diis apud Franciscum Regem multis audientibus viris amplissimis, in quibus
aderat Vistus Præses concilii Parisiensis, Budæo non solum vicinitate, sed etiam
consuetudine & benevolentia conjunctissimus: tum summa ejus diligentia &
testis locupletissimus, & laudator certissimus. Producto longius (ut sit) ser-
mone, cum alia aliis adderentur quæ obstupescerent audientes, & rex magno-
pere miraretur: hæc Vistus subjunxit, Budæo è regione ædium mearum
(ait) plus decem annis jam habitavit: tamen quoad possum totius ejus spa-
tii memoriam recordati, hunc nunquam vidi, ne diebus quidem festis in limi-
nem domus (ut assolet) ociantem, nunquam horis pomeridianis circulantem,
aut prætereuntes circumspicientem, nullum denique tempus vacuum laboris
sibi dantem animadverti, aut unam dieculam remittentem relaxandi animi
causa. Quorum admiratione cum omnes in se convertisset, rex à Budæo scilicet
citatus est, num ille vera prolocutus esset: verecundè agnovit omnia, & his
alia majora quotidie facere se dixit: quæ si vulgò proferantur, vix habuerint
fidem. Atque hæc quanquam difficillimum est non dicam augere aut ornare
oratione, sed enuneriare aut consequi, tamen commemorabuntur quomodo-
cunque ne ejus ingenium admiramur, ejus ignoremus industriam. Itaque die-
bus festis operatus sacris, quod reliquum erat diei, non intempestivis convivi-
is, non alex, non pilæ (quemadmodum magna pars hominum) sed recolendis
suis studiis impertiebatur. Nuptiarum etiam die, qui est lætitiæ & hilaritati
dicatus, minimum tres horas studuisse commemorant, ne parva quidem mo-
menta per incuriam solitus prætermittere. Quod si gerendis rebus interdiu
distingueretur, nunquam se somno dabat, quin tantundem lucubratione noctur-
na rependeret, quantum perierat diurni temporis literis destinati. Non ux-
oris amor quam unice diligebat, non liberorum blandimenta, non rei familiaris
cura illum à literis ullo unquam tempore abstrahere, aut retardare potuerunt.
Diem ita consumebat. Mane excitatus è somno, literis se addebatur usque ad
tempus prandii: priusquam discumberet, se exercebat modica ambulatione.
Post cibum duæ propemodum horæ, variis sermonibus ducebantur: inde ad
eandem vices redibat, nihil, à cœna quam serò admodum faciebat, solitus te-
gere, aut scribere. Utebatur summa in victu continentia, cibi potulque mo-
dum naturali desiderio, non voluptate finiens: neque extructa mensa, neque
apparatus conviviis magnopere delectabatur. Memoria tam felici fuit, ut ea
quæ semel in animo hæserant, nullo temporis spatio longinquitateve deleerentur.
Visus est sæpe, cum multos versus recitaret non modo integris sensibus,
sed singulis etiam verbis eorum authorum quos in manibus viginti aut triginta

TOTOS

totos annos non habuerat. Porro autem fuit, sicut dictum est, usque eo diligens & industrius, ut quicquid in suis studiis profecerit assiduam penè soli deberi videatur. Itaque nihil erat ulla in arte rerum omnium quod ipse nesciret, omnium bonarum artium scriptores ac doctores cum Græcos tum Latinos legerat & pervoluntat: nec solum has artes, quibus ingenuæ ac liberales doctrinæ continentur, literarum cognitionem, & poetarum, & antiquitatis totius memoriam, atque illa quæ de naturis rerum, de hominum moribus, de rebus publicis disputata sunt, affectus erat: sed etiam jus civile perdidicerat, medicinam cognoverat, disciplinam sacram universam perreperat cum antiquiorem, tum novam, quæ sunt in hominum vita omnia quæ sita, audita, lecta habebat. Postremo nihil his temporibus sciri discive poteit, quod ille non cum investigarit, tum etiam scierit. Quamquam is quidem doctrinæ suæ diffiniator magis quàm ostentator fuit. Nemo illo parcius loquebatur, nemo minus aliis sese vendicabat, nihil unquam fere nisi peteres, nisi etiam rogares, explicabat. Ineunte autem ætate amici videntes illum sic additum studiis humanitatis ac literarum, abjecta cura rei familiaris vel tuendæ, vel amplificandæ, quisque pro sua virili revocare nitentur, modo ignominiam, modo inopiam, si in instituto persisteret, denunciantes. Esse id factum quodam literarum comparatum: ut quo quis ingenuas artes complectatur studiosius, hoc fortunæ studiis factetur averbius. Jus civile sibi potius perdiscendum proponeret, quod à prima coluerat ætate: ex ejus artis cognitione fore, uti magnam gratiam colligeret, & ad honores summamque gloriam perveniret. Pater vero ubi rescivit illam sine intermissione effusam contentionem, opinionem omnium majorem animo cepit dolorem. Timebat enim filio jam ingenii laudibus efflorescenti, ne tempestate aliqua abriperetur, eoque magis, quod in decursu studiorum & illo adolescentiæ flexu videbatur prudens & sciens, tanquam ad exitium ruere voluntarium, cum tamen in eo magnam dignitatis suæ & familiæ spem dudum collocasset. Itaque refrænare illum tanquam vehementiore ad literas studio concitatum, suadere, monere, aliis atque aliis occupationibus distingere, personarum etiam civillum, quas olim gesserat, unam imponere: quasi hoc invitamento honorum de sententia deduci posset, & erigi ad majora. Sed neque patris auctoritas mentem converteret, nec cohortatio voluntatem commutare, nec honorum splendor alacritatem studiorum potuit reprimere. Quinimo quanto pater acrius instabat, tanto ille magis & laborem & industriam augebat. Hanc ergo pertinaciam, quæ adeo effræbuerat, cum nec indulgentius monendo, nec severius objurgando mitigare posset, nec saltem perficere, ut id quod agebat, ageret temperatius, visum est tandem patri cum filio scorsim sic agere & loqui, Quid tibi vis, aut quid quaeris? quid hoc tempore omni noctes & dies in istarum disciplinarum meditatione versaris? an me vivo conficies te vigiliis & laboribus? ideo ne te tanta cura educavi, ut te in exitium ultro præcipitares? in tua indole spem collocavi, ut senectuti meæ mercedem & orbitatem afferres? Te enim inveni, quies mihi charissimus, non possum non miserescere tuæ fortis, quod in sano literarum amore flagrans, nec modum studio facias, nec finem labori, finxerit te natura ad humanitatem & doctrinam, ad eam te serius applicueris, an propterea festinandum tibi ita putabis, ut per incuriam corporis in morbum

bum incidas? & per negligentiam rei familiaris, iacturam patrimonii feras? Quanto satius esset Majores tuos respicere, & illorum vestigia persequi, aut saltem quando sententia stat a tatem in studiis agere, in his moderatius versari, in primisque valetudini servire. Satis superque ad discendum longa est vita, si ordinem serves & rationem & modum. Quamobrem videas etiam atque etiam & consideres quid agas, & quo progrediare. Si te oratione mea non flectam, nihil cuiusquam proficiet apud te dehortatio. Nam neque auctoritate quisquam, neque benevolentia apud te plus valere debet. Erat eo robore animi leptus, ut illa eadem sepe & graviter audiendo vinci non poterit: adduci vero ut perseverantiae finem faceret, multo minus: & quodvis potius periculum sibi adeundum, quam à sperata eruditionis gloria dilcendum putaret. Adeo nihil quicquam tam asperum, tamque arduum occurrebat, quod moraretur inceptum. Atqui progrediēte tempore, usu rerum & magno suo periculo, patris verbum nimis verum comperit: nec tam ab indignatione (ut fit) expressum, quam prædictum hominis & ætate & experientia plus scientis & providentis: quippe qui propter valetudinem quæ usus erat infirma, ab anno a tatis quinquagesimo usque ad septuagesimum, quem tum agebat, medicinæ studiosus experientique evaserat, quò certius prælagiebat quæ ventura erant filio, nisi monitus præcaveret. Postremo res eò rediit, dum literarum magis studiosus quam lucis cupidus esse pergit, dum hoc sublato bono vitam nihili putat, in gravem & diuturnum morbum est prolapsus, quo annos plus viginti ita afflictatus est, ut omnis prope hilaritas è fronte, alacritas ex animo, festivitas in occurſu, urbanitas & comitas in convivio eximeretur, ingravescentes quoque indies literarum amor infringeretur, ne vestigium quidem ejus nec simulachrum, sed quædam effigies spirantis mortui appareret. Morbus erat ejusmodi, ingens dolor cum tumore circum fauces fiebat, & jugulum tumuloſe appetens tantum terrorem interdum noctu injiciebat, ut postridie mane miraretur se incolumen, spiritum recordatus interclusum, & subinde restitutum, uxor edocta, advenientem morbum & crescentem intelligens, virum variè versando, humeroſque seriendo levabat dolorem. Verum inde pallor multus in vultu, raritas pilorum in capite, macies & stupor in corpore, in omnibusque artubus debilitas summa sequebatur. Quæ cum medicis stupentibus per sepe narraret, fidem tanti mali facere non poterat, cujus ipsi exemplum non meminissent: idque alternis propè mensibus recurrebat. Accedebat ad hæc quotidiana capitis gravedo: quæ illi commentanti aut legenti quidpiam erat mirum in modum infesta. Et quoniam ex humoribus gravantibus caput hic morbus effici creditur: si exitum in capitis vertice haberent, per quem evaporarent, magnam morbi allevationem medici pollicebantur. Quare consilium dederunt, ut candenti ferro sinceret cutem densam, quæ caput obtegit, perforari. Esse meatus in calva, per quos sursum exissent vapores. Id factum est, sicut præceperant, magno cum cruciatu. At nihil momenti habuit curatio tam anceps & difficilis. Quippe ubi in cerebrum ascenderant halitus spissi & graves, insisterant, finemque faciebant se altius efferendi: simul ibi concreſcentes, deinceps liqueſcebant, & defluentes suapte nutu in frontem, in tempora, in oculos ſerebantur, ut sæpenumero in media lectione obdormisceret, & invitiſſimus ſomno conſopiretur. Verum nihil horum

horum malorum, quanquam peracerba erant, cum labefaciavit, ut erat animo invicto, & relictante semper difficultatibus. Quinimo quod magis mirandum censeo, omnia ipsius scripta intra id tempus, quo tam graviter periculoseq; ægrobat, fere instituta, orsa, & edita fuerunt. Primum ingenii specimen dedit Græcis authoribus in Romanam linguam transferendis. Quæ exercitatio plurimas & maximas commoditates continet, ingenium alit, judicium auget, facundiam locupletat optimis verbis. Quo in genere sunt ab eo explicati Plutarchi libri De tranquillitate animi, De fortuna Romanorum & Alexandri Magni, De placitis philosophorum: qui tantum commendationis habuerunt, ut vix crederentur ab eo versi, nisi postea aliis industriæ ingentique documentis opinionem de se excitatam confirmasset, vel potius vicisset. Deinde cum libros Digestorum diligentius ad suum studium evolveret, & multis in locis partim mutilatos, partim mendosos deprehenderet: tum verò quod flagitiosus erat, verba plurima lecta & propria animadverteret in alienum usum ignorantia temporum translata, hac indignitate permotus scripsit Annotationes in Pandectas, quibus in posterum libri illi emendatius & intelligentius legerentur. Primus quidem nostra ætate juris civilis fontes aperuit, unusque tam excellentis ac singularis scientiæ in veterem dignitatem vindicandæ: quæ hætenus fœdissima barbarie percussa jacuerat & prostrata, fundamenta jecit, & princeps tanti operis authorque extitit. Reliquit aliud opus de vocabulis forensibus, ad illustrandam quoque juris civilis disciplinam pertinens, impolitum quidem illud & adhuc rude, qualia erant quæ annotabat, ordine structuraque per otium informaturus. Idcirco salva dignitate authoris vix posse evulgari videtur. Post cum & Plutarchi translationibus jam celebris, & annotationibus in Pandectas clarissimus evasisset, divinum opus de Asse instituit. In quo ægram ac propè comploratam rei literariæ partem suscepit, atque à nullo dum præ difficultate sublevatam, animadversione multa, ingenii singulari felicitate, industria mirabili, instauravit. Nam pondera & mensuras veterum, nominatis Græci Latiniq; rationem & æstimationem, tum numerandi modum & colligendi, res densissimis obscuritatis tenebris obductas, longis errorum anfractibus implicatas, corruptis exemplaribus propemodum comploratas, incuria temporum neglectas, & non modo à quoquam scriptorum nostræ aut aorum memoriæ, sed ne ab his quidem qui intra mille annos ac longe plures fortasse fuerunt, intellectas, omnibus vestigiis indagavit, explicuit, illustravit, & restituit in pristinum nitorem. Priscam quoque mundi opulentiam, atque omnium gentium divitias in ærarium (ut ita dicam) civitatis Romanæ, jam planè tot seculis exhaustum, intulit. Quo nomine posteritatem omnem immortalis beneficio devinxit. Quid enim erat in quo studiosis hoc tempore plus prodesset? Quid erat quod aut nationi Gallicæ honorificientius? aut exteris nationibus gratius? aut tuendæ dignitati literarum accommodatius? aut ad intelligendos autores totiusque antiquitatis interpretationem magis necessarium asserre posset? Librarum, sesteriùm, talentorum, totiusque rei numariæ, ponderum, mensurarum, numeri, modi, vocabula græca juxta ac Romana propter vetustatem obsoleverant. Hermolaus, Politianus, & alii complures viri ingenio & doctrina præstantissimi rem tantam infelicitè adorti propter obscuritatem tam honesto conatu destiterant: unus ad extre-

num Budæus huic parti ægrotæ ac propè desideratæ reperit medicinam. Quamobrem quis illum non jure miretur, summeque in eo laudandum arbitretur, quia quo uno adhuc carebamus, quod jacuerat ad hanc ætatem, nec habuerat lumen ullum, in eo illustrando & excitando omnes nervos ætatis industriaque contenderit? nullo emolumento: nisi ut quamplurimis prodesset invitatus. Sed opus tam elegans tam perfectum, tam elaboratum effugere non potuit invidiam & obtrætionem. Innuentique sunt nonnulli, quos non tam præstantia ejusdelectaret, quàm splendor offenderet, qui quod laudando debuerant comprobare, invidendo infringere maluerunt, quæ est hujus sæculi labes & macula. Sed si quid malevolentissimis obtrætionibus detrahere conati sunt, id majori illis fraudi fuit, quàm Budæo. Editis enim lib. 5. de Affe, & quoquo gentium dilapsis, tum longè lateque diffusa Budæi laude, inventus est in Italia Leonardus Portius, qui se offerret in hujus societatem gloriæ, immo verò laudem omnem ejus inventi depecularetur, suam esse totam, & propriam contenderet. Quod cum est ad Budæum allatum, graviter exarsit, quod nihil tam præter opinionem accidisset, quàm ut depelleretur de ejus laudis possessione, quam caducam & vacuam primus bona fide occupasset, & sine cujusquam injuria quasi usufruxisset. Igitur vehementissima animi, ingenii, virium, contentione jus suum defendit, atque hoc ipsum palam testatus est; à nullo se unquam homine duntaxat qui viveret, his de rebus quas tradidisset, quicquam didicisse vel sando vel legendo: tantumque abesse ne quid à Portio acceperit, ut omnia quæ sub nomine Portii ad eam prodierant, illa uno eodem continuato perpetuoque furto essent ex suo affe translata. Ac æmulo illi sempiternam notam ad ignominiam inuississet, nisi intercessissent amici. Hæc enim contentio ne latius serperet, Jani Lascaris autoritate perfectum est. Qui cum utrique amicissimus esset, haud æquam putavit, inter honestissimos homines simultatem diutius ingravescere. Et cum apud Budæum plurimum gratia polleret, impetravit, quanquam ægrè, ut digressio in Portium, contumeliolosa quidem illa, sed certe expressa à justa indignatione, quam removendæ suspensionis, siquæ purgandi causa Budæus libris de Affe inferuerat, eximeretur inde. Ac Budæo quidem tantæ contentionis causam attulit: Baptista Ægnatius Venetus, omni liberali ingenuaque doctrina apud Italos id temporis florens, qui editis in Suetonium annotationibus tam præclaris inventi laudem modo Budæo, modo Portio tribuens, de eadem fidelia duos parietes dealbaverat, & utrique gratificari cupiens, ambos inter se commiserat. Cæterum ut deferbuit ira, usque adeo penituit ejus criminationis, qua usus erat in Portium, ut postea noluerit cujusquam injuria magnitudinem animi sui insectare: quod iracundia præceps in eum esset invectus, quem postea cum juris civilis disciplina eruditissimum, tum morum probitate alioquin integerrimum intellexisset. Inde exagitatus à multis & laceratus, semper quievit: nec Georgio Agricola Germano eam quoque laudem proximè delibanti, respondere voluit, ne in eandem quam prius fraudem incideret: distitans se quod scripseret, scripsisse animo juvandi rem literariam, omnem diligentiam adhibuisse, ut res obscuræ per se illustrarentur; si quid melius proferretur, se non gravatè concessurum. Posteritatem de eo & sine amore & sine cupiditate, & rursus, sine odio & sine invidia incorruptius judicaturam. Ex quo

eius.

ejus moderatio & æquitas cognosci potest, qui nec ad inferendam injuriam ullo modo posset adduci, nec ad referendam facile impelli: magisque probatâ commendationem quæreret, quàm famam ingenii aucuparetur. Qui candor in doctis multis hodie desideratur. Scripsit commentarios linguæ græcæ valde & illos probandos. Continent enim omnes propè divitiæ orationis græcæ, & ostendunt sermonis latini cum græco cognationem, opus immensi ac propè infiniti laboris, & à nemine quod sciam prius tentatum, ubi arcana Græcorum mysteria enunciat, & cuius edificanda proposuit, quæ vix antea solertissimis aperiebantur. Genere dicendi usus est amplo, copioso, gravi, ornato, vehementi, grandi verbis, & omnibus partibus elaborato. Sunt in eo sententiæ exquisitæ reconditæque, verba lecta & illustria, figuræ plurimæ, translationes crebræ, ambitus productiones, numerus gravis & plenus dignitatis, affectus concitati, acerbitas mira, maxime ubi corruptos mores hujus ætatis insectatur, omnia quæ suscepit clarissimis dicendi luminibus ornat, & facit ampliora, novata plurima venuste, prisca & vetera in usum scitè renovata. Atque hæc quanquam scienter & eleganter faciebat, nimium tamen inquirens in sese, atque ipse sese observans, dum in medio posita nimium refugit, longinqua prosequitur, dum græca profusus admiscet, dum metuit ne quid in verbis & sententiis aut tritum aut vulgare, aut commune colligat, dum uni gravitati studet, nec suam copiam temperat, dum stylum ad humilitatem vulgi non vult deducere, dum ubique sublimis & grandiloquus cupit haberi, plerique visus est nescio quid tragicum & confragosum personare. Itaque ejus oratio nimia cura & religione composita, doctis & attentè legentibus est illustris, cæteros non perinde delectat. In hoc genere extant ab eo scripti libri tres: Transitu Hellenismi ad Christianismum, De Contemptu rerum fortuitarum libri tres, de Philologia lib. duo, Digressiones plurimæ in lib. de Asse & Annotat. De studio literarum commodè instituendo liber unus. Quæ ideo minus habentur in manibus, quoniam per pauci retrusam illam atque abditam dicendi formam figuramque assequuntur. Sed enim ad hæc intendenti animum, res omnium difficillima visa est, judicare de aliorum scriptis. Nam multiplices naturæ, variz voluntates & judicia semper effecerunt distantia inter se genera dicendi. Alios delectant ea quæ non discedunt à communi more verborum, aliis ornata & elaborata sunt cordi. Ideo non est promptum aut explicare quæ forma dicendi maxime excellat, aut præscriptum aliquod in hac re fervare, cum aliud aliis videatur optimum, & in omnibus, ut ait M. Tullius, sit aliquid excellens. Referam tamen quæ in eo plerique vel reprehenderunt, vel desideraverunt, & quomodo se purgare solitus sit, ne quid quod ad eum pertinet, prætermisum esse videatur. Metaphoris dicebant nimium delectari, quæ magnum ornamentum orationi afferunt: sed ut virtutibus vitia proxima sunt, sic in his obscuritatem esse fugiendam, tanquam stellis quibusdam notare & illuminare orationem: sed si crebriores fuerint, ea fieri quæ dicuntur ænigmata. Habere autem mirè raras & insigniter argutas, sed quam semel amplexus esset, ab ea vix unquam divelli. Præterea cum ejus sermo sine intermissione, sine varietate sit conspersus verborum sententiarumque floribus, & fusus æqualiter per omnem orationem, nec umbra adsit aliqua aut recessus, quo magis id quod est illuminatum extet atque emineat,

ejus orationem à naturali simplicitate, longius recedere; ac propè verum sanguinem perdere. Ad hæc cum ingressus eſſet aliquid, cum repente quaſi quidam æſtus ingenii à terra abripiebat, aque in altum à conſpectu penè omnium abſtrahebat, nec vela colligere, nec ſatis poterat modum velficando tenere: ſed ventis ſe permittens auferabatur quocunque *libin* duceret. Unde per pauca ab eo dicta partitè, deſiitè, diſtinctè reperiri. Certe dum ingenio ſuo indulgere mavult quàm temperare, plurimis viſus eſt redundare & effundi. Horum cauſam hanc afferebant, quòd initio parum liberaliter educatione, doctrinaque puerili inſtitutus neminem habuiſſet, qui veram eloquendi viam, rationemque commonſtraret, qui ornatiffimos ſcriptores, oratoresque ad imitandum proponeret, quique eum reprimeret juvenili licentia ſuperfluentem. vel quòd ita conſueſſet, vel quòd ad hoc unum genus natus eſſet, vel quòd aliter non poſſet. Amici enim ſæpe commonefecerunt, ut paulum ſe demitteret. Et Eraſmus hæc quæ commemoravi, in eo reprehendit omnia, & exaggravavit, illudensque dixit ea gratius influere in ſenſus hominum, quæ naturæ eſſent propria. Ipſe autem ita ſe purgare ſolitus eſt. Primum quod ſit alicubi obſcuros, de induſtria factum, ſua retuliſſe id temporis quo ſcribebat, ut intelligeretur à paucis. Si quos offenderent crebriores tranſlationes, hoc ſiquærent, reperiri id exemplo procerum linguæ Latinæ factum: qui tranſlationi primas partes in elocutione dederunt, eique in ſcribendo plurimum indulſerunt, ardque graviter & ſplendide dicere conatum, ac proinde nec tropis, nec numeris, nec reliquo apparatu epidictico parcè uſum, nec tranſlationibus, quæ ſe benigne non quæ gravatè obtulerunt. Quod pauci retruſam atque abditam ſuam dictionem aſſequerentur, habere pleroſque ſcriptores. multum ſui, apud illos majorum gentium authores ſuam cuiuſque ſemper fuiſſe notam, ſic ſemper naturam tuliſſe, ut vel vitiis noſtris indulgeamus, vel invitis nobis ſe proferant. Non pœnitere quòd naturæ ſerviret, ſibi interdum ſcribere non tantum populo & ſcænæ. Non præſentem ſolùm voluptatem attendere, in poſterum etiam proſpicere. Scripta quæ primo aſpectu lectori ſe ſubmittant, aculeum nullum in futurum relinquere, ſed in præſens tantum mulecere, hæc ut avidè arripiant homines, ſic diu non reſugitent, nec iterata ſæpius lectione proſequantur. Poſtremo quod eſſet prolixior, malle ſe luxus ac munditiæ proſuſæ, quàm ſordium aut frugalitatis jejunæ poſtulari: è copioſa penu non poſſe religioſe promere. Ad ſaſtidium copiæ eximendum acrimoniam pro ſale eſſe. Diluit ad hunc modum quæ Eraſmus objecerat & obiter alia his non pauca in Eraſmo notavit, quæ referre longum eſſet, & non neceſſarium. Quorum controverſiam Chriſtophorus Longolius tanquam honorarius arbiter voluit indicare, ſcripta ad id perbella & ſcita Epistoſa, quam ſubijcere non pigebit, propterea quòd virtutesque & vitia amborum ſi qua fuerunt, diligenter examinat, & unum alteri miro artificio comparat. Qua ex collatione magnum percipient fructum eloquentiæ ſtudioſi, quòd intelligent quid in noſtra ætatis doctiſſimis hominibus, aut imitentur aut probeant. *Longolii, verba hæc ſunt, Quod ad eruditionem pertinent, non video qua in re Budæus Eraſmo cedat ſive humaniores literas, ſive Chriſtiano dignas homine libeat eſtimare. Quod vero ad dicendi facultatem pertinet, parem meæ ſententia in tam diverſis dicendi genere laudem merentur. Braviſſima in ambobus & rerum & verborum copia.*

sed ita ut alter altius exspatietur, alter angustiore quidam alveo, verum altiore ingentem aquarum vim trahat, fluit ille plenior, hic fertur rapidior. In Budæo video mihi agnoscere plus nervorum, sanguinis, spiritus. In Erasmo plus carnis, cutis, coloris. In illo plus diligentia, in hoc plus felicitas. Creber ille sententiis, hic facetiis. Ille omnia utilitare, hic plurimum delectationi tribuit. Pugnat Budæus cura, ingenio, gravitate, dignitate: Erasmus acie, subtilitate, lenitate, iucunditate ad victoriam contendit. Hunc amare possis, illum admirari, huic favere, parere illi. Profecto ille me violenter cogit, hic suaviter allicit. Ducit alter blanditiis, alter viribus trahit, verborum delectu religiosus, proprietate perspicuus. Si res translationem expostulat, in metaphoris felix, sententiis gravis, figuris varius, summa orationis specie honestus, sublimis, severus, grandiloquus. Contra Erasmus venustus, modestus, popularis, floridus, verborum suppellectile dives, compositione simul expeditus, simul nitidus, frequens exemplis, densus argumentis, gravis salubus. Ille in oratione sua totus semper est, sed tunc potissimum tonat, tunc fulminat, quum materia temporum nostrorum obijurationem admittit. Hic etiam cum moribus conviviunt facit, magis instituto suo servire, atque dolere videtur, malagmatis, ooljyris, ceratis & ceteris id genus leviorum medicamentorum remediis consulens, ut ille amarulentis quidem illis, sed hac tempestate necessariis potionibus, sectionibus, cauteriis alie grassantem vim morbi infestat. Brevis si historiam scripturam fuit, Budæus Thucydidem magis quam Sallustium: Erasmus Livium quam Herodotum retulerit. Si poema pangendum sit, hic tragicum & heroicum quiddam verborum sententiarumque pondere altius intonabit: Ille comædium urbanus, Lyricos suavis, elegiam mollius inspirabit. Affurgit tamen & hic quoque alieno ingenio, suo vero tam difficulter, quam ille nunquam etiam si velit, sese demittere queat, aliqui superiores illa virtutes ut neutri desunt, sic in altero magis patent, in altero magis latent: effectus pares, habitus dissimiles, ut haud prorsus abiret quisquis hunc concioni, illum iudiciis natum dixerit, alterum Palladis numine affatum, alterum Gratiarum choro stipatum. Cæterum ut intelligas nihil esse quod sit ab omni, ut ille ait, parte beatum, aut certe quod omnium stomacho satis possit facere, audi quid in eis hic desiderant, qui se aliquod opera precium in re literaria fecisse arbitrantur. Budæus hoc illis peccare videtur, quod nihil peccet: Erasmus quod vitiiis suis faveat. Illum enim dum scrupulosius omnia ad veterum normam exigit, sepe oblitum eorum quibus scribit, sibi tantum & musu canere: Hunc dum ingenio suonimis indulget, nihilque putat esse tam vulgare, quod non aliquando in oratione suum sibi locum honeste vendicat, turbidum interius fluere. Illum potius nobis significare quid velit, quam dicere. Hunc immodica sermonis ubertate veluti læto gramine facta strangulare. Illum oratione nunc obliqui verticofum, nunc figuratæ elatum, sepe intumescere: Hunc recto nudoque ductu humiliorem, plerumque locum serpente. Hunc lascivia molliorem, illum austeritate duriorum. Denique alterum doctis mirum in modum posse placere, alterum etiam imperitis, si in tam secunda ut illorum verbis utar, secundum modum tenerent, & suo semper freti ingenio, alieno nonnumquam essent discreti vel iudicio vel consilio. Nam cum præstare possim quæquid voluit, par est (inquias) ut optima quaque velint, nec sese ambitiosius nobis vendicent, eo rei nostras recidisse, ut maturè potius iuvandi quam intempestivè delectandi simus, pro suscepto operis instituto fideliter docendi, non crebria licentisusque exursionibus ambagiosè suspendendi. Digredi quidem Senecam & Plinium, scilicet

alterum.

alterum parce, alterum raro, nec sic quoque, quaesito, nec nisi oblatto argumento. Hac critica, quorum sententia quo minus statim subscribam, faciunt cum alia multa, tum quod non desuere clari oratores, qui non grammaticos, sed populum, eloquentia judicem staterint. Esto, sit porrigendis doctis modo calculi, sint soli literarum principes hac de re in consilium mittendi, quisnam amabo hac aetate dignus, cui tam superba censor a jure credatur? Tuebuntur se uterque haud magni solum exemplis, sed etiam validissimis argumentis. Dicent se non perperam scribere, sed illos corrupte judicare in orationibus suis non nasci, sed ab imperitis spinas afferri. Erasmus se omnium rationem habuisse, Budæus paucorum theatro contentum esse. Itaque ipse nihil decerno, vel ne suior (ut ajunt) supra crepidam, vel quod apud me paria faciant, hoc est, virtutibus si qua sunt vitia pensent, atque adeo superent, habent enim plus quod laudem quam quod ignoscant, Hec ille. Budæus quoque in quadam ad Erasmus Epistola cum multa de se & Erasmo dixisset, ad extremum addidit hac qua sequuntur. Ex quibus Longolius superioris Epistola argumentum arripuisse videtur. Inter nos hoc interest (inquit) quod qua tu sermocinantis more lepidè & festivoiter dicis, hac ego concionabundè quidem, non tamen immari voce, sed ex audibili effero, vel etiam vociferor. Sicque fortasse ego vim affero & rapio, tu blandiris & imperas, ego irrumpo, turrepis, *tu minoris es curæ & tuum est iudicium*, tu *impiorum* & tu minore sed certo conatu, ego ingenti redultisque supra modum brachiis, tamen non idem fortasse efficio. Denique quid oppugnantem, expugnantem, propugnantem deceat, tu melius nosti, palestramque illam philosophicam tenes, *tuus amicus* praefervore destinatum impeto. Sed hac haftenus. Quoniam ad hunc locum perventum est, non alienum esse videtur, de amicitia etiam utriusque proponere. Est difficillimum, inter illos nullam intercedere obestimationem, inter quos tantæ laudis est æmulatio, quantam fuit incidere necesse, inter Erasmus atque Budæum, cum se uterque in literis esse principem cuperet. Nam quicquid est ejusmodi, in quo excellere præclarum existimant, in eo plerumque fit tanta contentio, ut vix possit benevolentia servari. Et revera non defuerunt, qui in Budæi & Erasmi animis cæcæ æmulationis fomites residere judicarent. Tamen si quæ interciderunt, non tam re, quam suspicione violata ea & falsa & inania fuisse ausim contendere. Is enim erat vir Budæus, & cum esse Erasmus existimabat, ut quoniam in eandem ætatem inciderant, conjunctionem amicitiamque mutuam utrique honorificam duceret, & gloriosius putaret cum tali viro certare, quam omnino adversarium non habere, cum præsertim illi nullum à Budæo amoris, nullum studii, nullum benevolentia officium defuerit. Etenim de Erasmo nunquam nisi pleno & amico ore locutus est, ejus honori & dignitati semper favit, quoad ejus fieri potuit. Quod ne dubitare possimus, maximo est argumento, quod Erasmus in Galliam alficere magnopere studuit, propositis ad manendum amplissimis præmiis, quæ à rege impetraverat. Sed quædam pestes hominum laude aliena dolentium, & Erasmus à Budæo alienare, & Budæum aliquando immutare, illosque inter se tanquam par nobile gladiatorum committere conati sunt, cum revera fuerint semper amicissimi, & ab omni obestimatione invidiaque alienissimi. Causas comperio multas, quæ alienationis inter illos simulatitiquæ mutaræ, & æmulationis suspicionem dederunt. Hæ sunt profectò hujuscemodi, quod acerbioribus sese Epistolis ultrò citroque laceraverunt, dum aut de suis libris disputant

disputant, & alter de altero sententiam aperit, aut Budæus dolet Jacobum Fabrum in altercatione quadam Theologica parum honestè tractari, aut ingenia Gallica despici, aut sibi Badium præferri. Id etiam parum amicæ voluntatis argumentum crediderunt, quòd à Budæo in tot numero libris mentio nufquam facta sit Erasmi, quanquam ut fieret multis precibus ab Erasmo ambiretur. Præterea putant id quoque ad ista quæ dixi accedere, quod Budæus dissimulante Erasmo in suis libris nonnunquam perstringere videtur, velut in commentariis, quando ridet illos, qui de singulorum ingenio, & eloquentia sententiam ferre audent, qui Laurentio inferiores præscribunt loquendi formulas, qui leviora quædam scripta in vulgus edunt, quæ nec solem nec ætatem ferant. Quæ de Erasmo homines nimium suspiciosi interpretabantur, videlicet qui Ciceronianum composuit, & Commentarios de Copia, quique scriptabat novos quotidie libellos. Tamen si attentius consideranti non tam ad Erasmo, quàm ad alios quosdam nostræ ætatis scriptores pertinere videntur. Nihil enim temere de tantis hominibus suspicandum est, nec nisi modeste & circumspècto iudicio pronunciandum. Verum enimvero si quid fuit offensionis, id non tam ex obrectatione atque invidia, quàm ex cupiditate quadam gloriæ, cuius uterque visus est avidior profectum est. Pares enim virtutes in maximis animis præstantissimisque ingeniis nonnunquam edunt simulacrum quoddam contentionis: non eorum culpa, in quibus existunt, quid enim esset indignius? sed immodico fautorum studio, qui dum unum alteri cupidius præferunt, & de principatu intempestivius certant, interdum contentiones gravissimæ enascuntur, quæ in ipsos etiam nec opinantes, quorum causa suscipiuntur, redundant. Sic qui præstantis doctrinæ, aut alicujus præclaræ artis opinionem habent, si in idem curriculum descenderunt, suntque in pari vel proximo gloriæ cursu, in æmulandi suspicionem, suorum vitio incidunt. Quod si quibus unquam id contigit, certe his duobus contigit, cum uterque suarum virtutum præcones & buccinatores existimationis haberet innumera- biles, qui talium discordiarum semina ubique gentium sererent, partim huic, partim illi, ut quisque animo afficiebatur principatum in literis tribuentes. Atquæ nulla unquam Budæo tanta offensio visa est (& si qua potuit esse tanta) sed ne hæc quidem ipsa, ut aut amicitiam deponeret, aut inimicitias susci- peret, aut bellum cum eo gereret, quem & propter virtutem præcipue dilige- bat, & propter eloquentiam suspiciebat maximè. Quinimo hunc honorem ve- teri amicitia semper tribuit, ut cum in culpam esse duceret, qui faceret: non cum qui pateretur injuriam, atque hujusmodi, vel suspiciones vel contuma- lias negligeret, in ipsa conscientia rectè factorum satis magnum laborum fructu- um reponens. Qua facilitate & patientia, vel prudentia potius, omnes illas in- vidia tempestates facile sopivit. Nec vero minus ille prudens & attentus pater- familias habitus est, quàm vir doctus. Neque enim literis ita prorsus deditus erat, ut rem familiarem negligeret. Sed cum studiis plurimum tribueret tem- poris, tum vero quando quippiam aut acceptum ferre aut expensum oportebat, id diligentissimè faciebat; cæteraque per se domestica negocia curabat. In omni re contrahenda, in vicinariis & confiniis æquus & facilis. Illud autem ita prudenter temperabat, ut neque curæ rei familiaris quicquam obest- set studiis doctrinæ, nec literarum amore languidior redderetur ad rem tuendam.

dam. Possessiones habuit, si utilitate judicandum est, satis amplas: sive ad vulgi opinionem, & illius virtutem respicimus, mediocres. Quas tamen minimi estimabat, nec exaggerare, amplificareque cum posset, magnopere laborabat. Quippe cui in libris, & liberis, ipsaque virtute essent omnia. Patri copioso & in primis locupleti successit, at septem liberis audio, quorum maximus natu moribus nostris tulit semissem, ceteri hæredes reliqui sunt singuli ex singulis unciiis. Hunc autem ætate tres fratres anteibant, quatuor subsequebantur. Quo circa unciam unam, eamque vix solidam consecutus est ex bonis paternis, ex maternis vero paulo post alteram. Id fuit subsidium studiorum & familiæ, cum his quæ deinceps accesserunt ex stipendiis munerum publicorum. Quod si dives habendus cui tanta possessio suppetit, ut ad liberaliter vivendum facile contentus sit: si usum pecunie non magnitudine sed ratione metiri oportet: si non æstimatione census, sed cultu vitæ penduntur divitiæ: Budæus sanè ditissimus fuit, quæ ex mediocribus suis vestigalibus rem familiarem ita prudenter constituerebat, ut non modo quicquam sibi ad vitam eleganter & civiliter agendam deesset, verum etiam superaret. Domum habuit in via D. Martini, plenam dignitatis, qualem hominis honorati & clari esse convenit: quam ipse à fundamentis crexerat. Duas villas suburbanas possedit, non minus amœnas quàm fructuosas, videlicet Sammaurianam & Marlianam, quas cum aliis ornamentis tum ædificiis non inelegantibus auxit, ut jocans aliquando cum Erasmo villas propè Lucullianas ædificare se dixerit. Sammaurianum prædium quarto lapide ab urbe situm præcipuè coluit. Quod sibi in lib. de Asse scribit instar amœni cuiuspiam Tusculani fuisse, ubi occupationibus animum relaxabat, & quasi in jucundo studiorum suorum diversorio requiescens sibi fumebat ocium ad commentandum. Cum Luteria abesset nusquam potius erat. Sæpe enim à fluctibus urbanis, forensisque tempestate, tanquam in portum se, in solitudinem recipiebat, rursusque cum tota familia abdebat, ubi nulla vi interpellante, vacuus ab interventoribus, liberius & solutius in literis viveret. Nunquam minus negotio vacabat, quæ cum in eo ocio agebat. Nempe erat perfugium illud non desidii aut inertii, sed securitatis tranquillitatisque animi, in quo præclara ingenii monumenta mandabat literis, in quo omnem sapientiæ rationem omnemque doctrinam & contemplabatur & tractabat, atque semper ea promebat ex se quæ juvarent alios & delectarent, nomen authoris apud omnes gentes celebrarent, & sempiternis laudibus illustrarent. Erat in supellestiliæ, in vestitu, in reliquo apparatu domestico & ornatu magis elegans quàm sumptuosus, omnique diligentia affectabat munditiam non affluentem. Nemini unquam visus obtruncare. Sæpe rogatus sententiam de ingeniis nostræ ætatis, semper & loquebatur honorificè, & candidè sentiebat de omnibus, sibi nihil arrogans, aliis tribuens plurimum. Conspiciebatur & sine segnitia moderatus, & sine tarditate taciturnus: rursus & sine objectione facilis, & sine arrogantia gravis. Itaque haud facile discerneres utrum propter severitatem auctoritatemque magis observaretur, an propter facilitatem & comitatem diligeretur. Gloriarì solum accepimus omnes animi motus à se victos, excepta iracundia, quam tamen ipsam ita quoque cohibebat, ut quamvis contra voluntatem commoveretur interdum, nunquam præter rationem exanderet. In quo præ-

rum

rum aut nihil omnino culpandus videtur: cum præsertim non defuerint summi philosophi, qui laudarent iracundiam tanquam eotem fortitudinis, & utiliter a natura datam contenderent. Res secundas & ad voluntatem fluentes moderatè, adversas fortiter (sæpe enim illi fortuna reflavit) ut viro dignum tulit. In omni vita præclaram quandam æquabilitatem retinens: ut penè idem semper vultus, eademque frons appareret. Rei forensis habitus paulo rudior, quod ab ineunte ætate lites & judicia non secutus esset: nec amasset forum, sed destinato quodam proposito consilioque refugisset. Theologiæ ab initio ætatis summè studiosus fuit, omniaque quæ de divinis rebus à sapientissimis tradita essent, summo studio curaque didicit: existimans id esse hominis Christiani non semper hærare in humanis disciplinis, & in his tractandis cum desidiosa delectatione usque ad senectutem detineri, oculos ad cælestia erigi, mentem ad divinam sapientiam oportere excitari: ad illam dirigendas artes cæteras, ad illam velut ad certissimam veritatis normam, regulam vitæ, præscriptionem justitiæ & æquitatis exigenda studia omnia, referendas omnes & rationes nostras & actiones. Sub ingravescentem verò ætatem acrius in literas sacras incubuit, credo vel judicii maturitate ad sapientiam, vel tædio aliarum artium, vel appropinquatione mortis admonitus: quæ à senectute non potest longè abesse. Quo certius sibi vaticinium ad cœlestem piorum sedem & æternam domum pararet. Veræ religionis observantissimus in omni vita fuit, singulari in deum pietate, in omnes homines benevolentia charitate commendatus. Longè semper abfuit ab his contentionibus quæ in nostram ætatem eruperunt: sui judicii quid se facere par esset potius intuens, quàm quid alii aut laudaturi forent, aut improbaturi. Quamobrem cum in maximis opinionum procellis & turbulentissimis tempestatibus ingens Græcæ linguæ conflata esset invidia, quod harum stirps, & semen malorum omnium videretur, cum odii faces undique ab improbis præferrentur, cum in perturbatione veteris disciplinæ spem haberent inimici ad elegantium literarum non dignitatem modo extinguendam, sed etiam gloriam per principes viros infringendam, cum in his asperitatibus rerum cruditi plerique de religione suspecti haberentur, nec satis essent inter imperitorum greges tuti: hic solus non modò integra mente, verumetiam existimatione permansit. Nihil in ejus vita aut in oratione quisquam potuit invenire, quod jure reprehunderet. Quod labenti rei literarum certissimum præsidium attulit. Nisi enim iscontigisset orbæ politiori doctrinæ quasi legitimus tutor: qui eam apud Principem, in senatu, in concionibus exagitatam tueretur, ac tantisper dum invidia consideret, domi septam teneret liberali custodia, atque à sceleratorum hominum impetu prohiberet, haud dubiè nostris sinibus coacta esset excedere. Tantum valuit in rectam sententiam perpetua permansio, tantum judicii constantia, tantum vitæ integritas: ut hi qui nocere maxime cupiebant, propterea quod ejus autoritate solius nitebantur Græcæ literæ & meliores: tamen quemadmodum nocerent, non invenirent. Sic cum honoribus atque ingenii gloria floreret, ita prudenter vitam instituit, ut in negotio sine periculo, & in ocio cum dignitate viveret, ac simul in florentissima orbis terrarum republica sapientiæ laude usque ad summam senectutem sine ulla offensione perfrueretur. Et quisquam dubitabit illum non sanctè modò

H h

graviterque

graviterque, sed beatè etiam fortunateque vixisse? Porro autem ut ejus eruditio se extulit & lumen suum ostendit, omnes ubique gentium, qui aliquid de ingeniis poterant judicare, se ad ejus amicitiam cupidissimè applicuerunt. Ipsi qui hominem nunquam viderant, nec visuri erant, qui ejus usû & moribus frui nullo modo poterant, propter reconditam & multiplicem doctrinam, integerimos mores, singularem virtutem, dignissimum benevolentia judicabant, & literis ultrò scriptis, tanquam sibi valdè honorificam futuram expectebant. Plerique etiam commoti ipsa fama, ex ultimis nationibus ad eum videndum Lutetiam venerunt. Ipse verò qui nihil minus hominis duceret, quàm non respondere in amore his à quibus provocaretur, nullius officii in hac re unquam concessit, nullius humanitate superatus. Quippe qui rectissimè judicaret, nihil nobis à natura datum remuneratione benevolentia, vicissitudineque diligendi melius: nullum vitæ suppellectilem pulchriorem præstantissimorum hominum amicitia. Illos qui eruditionis commendatione se insinuarent, vel qui spem aliquam de se ingenii darent, non minus quàm conjunctos propinquitate dilexit: omnibus qui ejus vel opera vel consilio egerent, maximè expositus. Plurimum ex omnibus detulit Ludovico Rusæo, & Francisco Deloio: quos constat summis ornamentis honoris, fortunæ, virtutis, ingenii præditos, inter eos qui tum Lutetiæ erant, gratia & auctoritate plurimum floruisse. Ambos ætissima consuetudine devinctos pro Pomponio & Bruto Ciceroni olim conjunctissimis habuisse quodam loco prædicat. Ex eruditis Jacobum Tusanum eximie dilexit, suæ disciplinæ alumnum, quem post Budæum ipsum multò peritiss. Græci sermonis nostram tulisse Galliam verè videor posse contendere, nec minus virum bonum optimisque artibus eruditum. Hunc græcè docere non est gravatus, propterea quòd ei linguæ propagandæ aptissimum esse cernebat. Corporis rationem initio nullam habuit. Atque dum ingenio soli servit omnis omnibus exercitationibus imprudens in perturbationem totius valetudinis incidit. Quomobrem sero experimento edoctus, non esse habendam rationem animi sine corpore, quòd eo aegro aut malè constituto, fungi nequeamus animi muneribus, aliquantum de summo illo remisit studio, quo ab ineunte ætate fuerat incensus. Atque hæc solitus est facere confirmandarum virium, relaxandique animi causa, lignum findere, aquam è puteo haurire, irrigare hortum, & colere more veterum, vitem putare, in curiam à qua procul domus aberat pedibus ire cælo sereno, ædificare in prædiis, arbores ferere, & describere ordinibus, in locis nonnunquam planis, sæpius montuosis & asperis cursu corporis fatigare. Quæ tamen leviora videntur, illi tamen fuerunt longè saluberrima. Hac enim exercitatione & temperantia adhibita effectum est, ut optimis esset viribus in extremo tempore ætatis, & multò melius habere videretur in senectute, quam in constante ætate, ac fuerit adhuc propter summam corporis siccitatem roburque complures annos victurus, si morbi casus abfuisset. Maximo fuit in honore apud nos quoad vixit, multaque de eo & præclara judicia (id quod maximè facit auctoritatem) nostri principes fecerunt. A Carolo VIII. cum primum ingenii laudibus effloresceret in aula comitatum honorificè accersitus est, procurante id potissimum Guidone Ruffortensi viro amplissimo, & in rep. regenda cui præerat, diligentissimo. Fuit enim princeps ille cum felicitate, tum etiam virtute nulli regum secundus.

dus. Cujus immaturo interitu damnum non mediocre fecerunt & res Galli-
 cæ, & meliores literæ, quas instituerat fovere. Siquidem in recepta armis
 Neapoli, ac peragrata cum instructissimis copiis universa Italia, ea tempesta-
 te eruditissimis hominibus liberalissimisque studiis affluente, bonarum artium
 nomen audiverat: quæ ibi prius propter tranquillitatem vehementer coleban-
 tur, atque inde accersere illas in Galliam decreverat, nisi repentinus casus
 ejus spem atque omnia vitæ consilia morte prævertisset. Ludovico XII. qui
 durior ad hæc studia videbatur, jucundus quoque fuit. Nam honoribus plu-
 rimis illum affecit princeps, in cognoscendis perpendendis hominum inge-
 niis planè mirus, & de maximis rebus legatum bis in Italiam misit cum ali-
 quot Proceribus suis. Quibus in legationibus sic fidem suam, diligentiam,
 ingenium regi probavit, ut magnam gratiam ab eo ipso iniret, ac paulo mox
 in Scribarum regionum numerum adscriberetur. In centumvirale concilium
 quod Lutetiæ cogitur, cooptari sæpius recusavit, quòd infinitis causis & ju-
 diciis ea vita distrida nihil ad recordanda cogitandaque studia temporis reli-
 ctura videretur: ipse autem summa facultate vacui ac liberi temporis ad com-
 mentandum egeret. Proin à negociis publicis aut valetudinis imbecillitate
 exclusus, aut voluntate sua seriatius, omne suum tempus vel legendo vel
 scribendo serè trans mittebat. Quæ de causa abhorrebat quoque judicio qua-
 dam animi ab aula, & se quantum poterat, illinc removebat, quietem atque
 otium secutus: cui in primis inimica est vita errans & vaga aulicorum. Quæ
 in voluntate permansit, usque ad principatum Francisci regis: quem ut au-
 divit in summa omnium rerum potestate, tanta imperii amplitudine, inau-
 dita quadam mansuetudine & clementia ac penè divina sapientia præstantem,
 vel elegantium literarum amore in primis flagrare, haud difficulter est de
 veteri sententia depulsus. Primum evocatus Ardeam: quem in locum rex
 quoque Britannorum Henricus convenerat, cum tanti conventus splendore
 excitatus, tum admirabili fama incredibilem virtutum sui principis incensus,
 sanè quam libenter regis imperio obtemperavit, atque eò magis quod virtutif-
 que & literarum ergo se intelligebat accersiri. Tantum valuit humanissimi
 principis prædicta benignitas: ut omnis doctrinæ studiis, posthabita rei fa-
 miliaris cura hunc etiam in aliquot expeditionibus sequeretur, oblitus institu-
 ti sui, jam grandis natu, castrensis laboris insolens: ac si verum faceri volu-
 mus, pacis togæque potius, quàm belli alumnus. Sed enim hoc non solum
 fatis, verum etiam felicitatis cujusdam fuit: ut cum princeps in Gallia in ef-
 fectus qui literis & literatis honestissimè cuperet, qui supra consuetudinem ma-
 jorum suorum, contra morem & exemplum, non eorum modo principum qui
 nunc sunt, sed eorum etiam qui multis antehac sæculis fuerunt: omnes bo-
 nas artes tueretur & ornaret, eodem tempore haberemus virum hujus æ-
 tatis doctissimum: qui optimum principem sua sponte satis incitatum ad id
 quotidie magis ac magis inflammaret. Enimvero sicut erat honorificum Re-
 gi virtutis cultori, præstantium ingeniorum fautori eximio, aliquem ex suis
 habere, quem omnibus aliis nationibus opponere jure posset, haud secius
 Budæo præclarum videbatur ultro à principe longè maximo atque sapientissi-
 mo magnis propositis præmiis in aulam evocari, & singularem ejus tum virtu-
 tem, tum doctrinam non jam latere in umbraculis eruditorum otioque sed il-

hustri & excelso loco sitam, in luce Galliarum ac regni clarissimi oculis auri-
busque versari. Sæpe & multum audiebatur à principe magnis de rebus or-
nate exquisitèque differens, colebatur à primoribus aulæ, summoque afficie-
batur honore: quòd cum non solum observabant qui literis ex animo fave-
bant, sed etiam si qui fortè simulabant. Itaque rex liberalissimus hoc speci-
men virtutis, hoc indicium animi, hoc lumen principatus sui præcipuum fore
putavit, si Budæi dignitatem amplificaret, fortunæque cum primis auge-
ret. Principio illum præfecit scriniis suæ bibliothecæ. Deinde libellorum
supplicum magisterium, qui honos est in regia amplissimus, non postulanti,
non ambient, ac ne cogitanti quidem sua sponte detulit, codicillis ejus rei
domum usque cum summa benevolentia testificatione missis, in quam paulo
ante ipsius regis injussu se receperat, nullo relicto in aula aut stipulatore aut
suffragatore. Et quo magis amorem perspicere possis, rex quoque separatim
ad illum dedit literas gravissimis verbis & sententiis plenas: quibus jubebat
majora sperare. Quo tempore populus Parisiensis cunctis suffragiis præfectum
decurionum declaravit ejus urbis. Sic ille in quadam Epistola vocat eum qui
præfectus mercatorum vulgo dicitur. Qui magistratus biennii est, sed maxi-
mus inter eos cives, & amplissimis viris solitus tantummodo deferri. Sic
mibi in eo augendo atque honestando videtur cum summo rege quasi certasse
ea urbs: quæ est magnitudine amplissima, judicio eruditissima, celebritate
refertissima, studiis autem liberalissimis ita affluens, ut omnibus urbibus,
non dicam quæ ad septentriones solisque occasum pertinent, sed quæ in or-
tum etiam & meridiem spectant, facile antecellat. Budæus autem arbitra-
tus hunc honorem non sibi, sed literis delatum: cupidius quàm antea opti-
marum artium patrocinium suscepit, atque in primis suasit principi, ut se-
dem illis stabilem ac domicilium certum Lutetiæ præberet. Quod brevi per-
fectum iri speramus cum sempiterna ipsius principis gloria. Certe hoc interea
impetravit, ut viri doctissimi annuis stipendiis aucti, literas græcæ, latinæ,
hebræas, omne genus disciplinarum in ea urbe interpretarentur, quod satis
magnum ac luculentum futuri operis specimen arbitrantur omnes. Quamob-
rem homines nostri partim exemplo principis excitati, partim liberalitate
commoti, certatim amplexari literas cœperunt, tantosque progressus in om-
ni virtute, omni disciplinarum genere, neque ita longo intervallo fecerunt,
ut non multum aut nihil omnino antiquis Græcis Romanisque cedatur. Quæ
res à principe major unquam gesta? Quis triumphus conferendus? Quæ mo-
numenta aut trophæa comparanda? Hoc scilicet verè est imperare, suam
virtutem aliis exemplum facere, eos quibus præsis reddere meliores, eorum
non modo fortunis ac corporibus, verumetiam animis excolendis prospicere?
Reliqua quidem Francisci regis vita multis erit præclarisque monumentis ad
omnem memoriam commendata. Bellicæ laudes commemorabuntur multa-
rum gentium literis ac linguis, obdurescent posterì admirabilem illius & in-
credibilem & penè divinam in regno tuendo atque administrando sapientiam
audientes. De hoc autem singulari in optimas artes amore semper populus
Gallus, semper omnes gentes loquentur, nulla unquam ætas conticescet,
nulla obmutescet verustas. Florescet quotidie magis hæc liberalitas, ita ut
quantum cæteris ejus operibus dignitas detraheret, tantum huic benignitati
afferat.

asserat gloriæ. Nam quo cupidius ipsi se homines in regnum mores formant, hoc magis de republica merentur optimi principes, qui non vitia concipiunt ipsi, foventque, sed virtutes in suas civitates infundunt, nec peccato nocent, sed exemplo profunt. Etenim licet videre si replicemus memoriam temporum, qualescunque magni reges fuerunt, tales nimirum & subditos fuisse: quæque mutatio morum in principibus extiterit, eandem in populo semper secutam. Porro autem sicut fruges bonitate soli, cœlique temperatione exuberant, haud fecius bonæ artes ex benignitate principum efflorescunt, & honore præclara ingenia incenduntur ad discendum. Quidnam fuisse causæ putemus, cur regnante apud Græcos Alexandro, apud Romanos Augusto, tantus numerus præstantium hominum extitit? nisi quod delectabantur hi principes optimis quibusque rebus, & in expendendis hominum ingeniis atque operibus iudicio valebant, & virtutem meritis honoribus, præmiis atque splendore decorabant. Quid in liberis quibusdam civitatibus eloquentiæ studia olim tantopere viguerunt? nisi quod is certissimus erat gradus ad remp. aditus ad honores, ascensus ad Magistratus & potentiam. Quid postea artes eadem in Græcia sunt extinctæ, in qua & natæ, & altæ, & ad summum perductæ intra mille annos fuerant? Quid Roma cesserunt, totaque Italia? Quid exulatum ad Arabes discesserunt? Quid tam multis annis incitria grassante intermortuæ jacuerunt? An aliunde id factum, nisi ex sordibus, morositate, invidia illorum, qui civitatibus, & amplissimis regnis, atque imperiis præfuerunt? Itaque sicut longo ævi situ, longique temporis exercitatione fatigata & efficta humus, consenescere nonnullis videtur in locis, nec jam fruges mortalibus pristina benignitate præbet, sed noxias herbas fundit & vitæ inimicas: Sic mundi conversione, & quadam rerum serie sæpenumero accidit, ut natura ipsa oblita materni officii, tanquam superioris ævi fecunditate exhausta, in perniciem humani generis, pestiferos quosdam homines, & sceleratos principes proferat: qui furore & amentia præcipientes, divina & humana cuncta pervertant: qui res præclaras à prioribus vel inventas vel usurpatas, non modò negligant, (quod esset ferendum) sed etiam habefactent; & funditus delere conentur. Qualis fuit C. Caligula, qui Homeri carmina abolere, qui Virgilio & T. Livii scripta ex omnibus bibliothecis amovere, qui jus civile Romanorum delere tentavit. Qualis Domitianus, qui omnes sapientiæ professores urbe Italiaque summovit. Qualis Licinius imperator, qui literas virus & pestem publicam appellabat, ne commercium Cambyas, Neronis, Valentinianos, Phalaridas, Dionysios, orbis terrarum peste natos. Quænam sentina teterrimorum sive ducum, sive regum scaturit Gothorum, Alanorum, Vandalorum, Suevorum, Turulorum, Hunnorum, Longobardorum, Sarracenorum, & Turcarum tempestatibus? Qui cum essent ferè immanes, ab omni cultu ingenii alieni, & quicquid non intelligerent aut suspectum haberent, aut damnarent: primum ingentem bibliothecis cladem attulerunt, exusserunt magnorum ingeniorum opera, simul irriserunt linguas & studia omnia, nec solum illis prætiùm detraxerunt, sed contumeliam addiderunt: seu quod nolent in victis plus quenquam sapere quàm victorem: seu quod ea re ad laborem ferendum remollescere homines, atque emeryari opinarentur, ac minus bello idoneos reddi, cui omnia tribuebant:

tribuebant. Igitur gratia habenda superis, & naturæ, quæ ex superiorum temporum caligine tandem aliquando recreata excellentes quosdam reges nostra ætate protulit ac principes in compendium humanæ societatis, qui disciplinas jacentes extollerent, studia dilcentium foverent & excitarent, quos tanto Rex Franciscus gloria vicit, quanto omnibus imperii magnitudine præstat. Non est humano consilio, nec mediocri quidem Dei Opt. Max. cura illud perfectum. Qui mihi videtur aliquando oculos aperuisse ad instaurandas iterum literas ac renovandas, simul mentem injecisse quibusdam principibus, ut illas tuendas ornandasque susciperent, ut bibliothecas extruerent, ut selectos in omni varietate doctrinæ libros, quos superiorum temporum injuria nobis salvos reliquit, è Græciæ ruinis, è faucibus Barbariæ, ex incendiis bellorum eriperent, & in usum communem descriptos publicè omnibus proponerent legendos. Quandoquidem non solum ea quæ densissimis ignorantiae tenebris obducebantur, in lucem velut ab inferis revocata sunt, sed quæ veteribus fuerant penitus obstrusa, nova maria, novæ terræ, ac species hominum, viz cæli pelagique nunquam antea ne sando quidem auditæ, nova sidera patefacta nobis, multæ artes repertæ priscis incognitæ sæculis, religio in pristinam vindicta dignitatem, magna ergo Francisci Regis gloria, in cujus principatum bonæ literæ incurrerunt, sub quo principe tantus honos habitus eximius studiis, hominibusque doctis: ut nunc primum quasi reviviscens rei literariæ speciem aliquam videre videamur. Nec verò debetur laus parva Budæo: qui primus bonarum artium incunabula in aulam intulit, ac scriptis Galliarum illustravit suis: nostramque locupletavit ætatem, qui elegantiores literas propagare consilio, studio, gratia, labore connixus est: qui earum dignitatem non minus charam habuit, quam propriam, ac omnique injuria prohibuit, protexit, defendit. Denique nihil prætermisit, quo florent magis in patria, ac ne longiorem quidem vitam optavit, quam ut tam præclaro operi à Rege inchoato fastigium impositum videret. Cæterum cum inter eos qui tum in regia versabantur, opinione virtutis, commendatione doctrinæ magnam cum gratiam, tum auctoritatem apud omnes ordines adeptus esset, nonnulli quorum mentes angustæ, humiles, pravæ, oppletæ tenebris ac sordibus, tantum ejus splendorem nec intueri nec sustinere potuerunt: & regis animum ab eo clandestinis insidiis alienare tentarunt. Quod ipse animadvertens, licet non dubitaret de humanitate regia, tamen declinans hominum offensiones, de aula sese subduxit, & eo magis quòd sibi parum cum Antonio Prato conveniebat. Causam dissensionis non commemorabo, ne videar illis temporibus notam inurere. Nec ibi postea visus, nisi necessitate muneris obcundi cogeretur, cujus præcipua functio erat in prætorio regio. Posteaquam vero Gulielmus Poietus vir singulari & præstantissima virtute Galliarum *νομοθέτης* à rege creatus est (Cancellarium nostri vocant) nihil tam conveniens suæ dignitati putavit, quàm Budæum secum habere velut aliquem in consiliis capiendis Nestorem. Itaque eum nunquam à se dimittere, secum quocunque proficisceretur deducere, observare, ferre in oculis, colere, toto animo de illo ac de ejus ornamentis & affectu, rectorberi se aulicis fastibus sivit. Proinde cum in summis Julii mensis ardoribus, qui tanti eo anno fuerunt,

fuerunt, quanti maximi post hominum memoriam: rex vitandi æstus causa in maritimam oram Normaniz concessisset, & Budæus Poietum secutus, alienissimo tempore eodem contendisset, paulo post vel cæli injuria, vel magnitudine caloris, quò tum omnia torrebantur, vel imbecillitate ingravescentis ætatis, in gravem & assiduam febrem incidit, ex qua postea non convaleuit. Cum multa in spem salutis medici dicerent & pollicerentur, nunquam persuadere potuerunt, quin is morbus finem vitæ esset allaturus. Quamobrem peregrè agens, domum se referri nihilominus jussit, ut in patria, conspectuque suorum moreretur, id quod paulo post evenit. Nam accrescente in dies dolore confectus, peractis omnibus quæ rite decentibus adhiberi solent, sacris, integra etiamnum mente, cæterisque sensibus, sine ulla vi tranquille placideque decessit, vir immortalitate dignissimus. Posteaquam de ejus obitu regi renunciatum est, graviter doluit interitu tanti viri dignitatem Gallici nominis imminutam. Poietus autem *ποιοιτης* non potuit, non vehementer commoveri, tali amico orbatu, qualem Gallia nunquam tulit, & ut verè judicabat, vix parem sit habitura. Multas hic significationes nec exiguas dedit, quàm moleste ferret se hominis eruditissimi jucunda consuetudine, admirabili sapientia, tum multorum officiorum conjunctione in perpetuum privari. Incredibile porro est dictu quantus moeror bonorum omnium, & quæ publica lamentatio ejus funus sit prosecuta. Omnes docti memoriam mortuo, quam par erat principi doctrinæ humaniter ac piè præstiterunt. Cum summis totius corporis doloribus oppressus dubia spe vitæ spiritum duceret, mortem aliquantum videbatur horrere, & reformidare, non vitæ desiderio, satis enim naturæ, satis gloriæ vel fortasse nimium diu se vixisse prædicabat: at suis certe parum, quorum fortunas cum liceret amplificare, neglexerat. Hic dolor hominem præcipuè tangebatur, hæc cura sollicitabat. Reliquit autem liberos numero undecim: filios septem, omni liberali ingenuaque doctrina apprime institutos, & quatuor filias: uxore superstiti, fœmina summæ tum prudentiæ, tum pietatis: ex qua hos omnes liberos sustulit. Elatus est noctu, ut ipse anno antequam moreretur testamento præscripserat, sine ulla pompa funeris, præeunte unico lumine, comitantibus doctis plurimis, & viris primariis ejus urbis, vulgi maximo concursu. Perijt tertio & septuagesimo ætatis anno. X. Calend. Septemb. Anno salutis generis humani M. D. XLI. atque Lutetiæ Parisiorum in D. Nicolai, qui Campester dicitur, quemadmodum jusserat, sepultus.



CHRISTOPHORI LONGOLII VITA.

CHRISTOPHORUS Longolius Maclinæ, nobili Germaniæ oppido, honesto splendidoque inter suos loco, natus fuit. Quoniam vero eo vivo non desuere qui cum Parisiensem dicerent, libri etiam ab eo scripti, hoc titulo circumferrentur: non ab re erit quæ ipse in altera defensionum suarum, errorem hunc librariorum resellens, de patria sua dicit, hoc loco commemorare: ut deinceps qui de hac re dubitant, ipsi potius Longolio de se, quàm aliis credant, ejus verba hæc sunt, Ego P. C. Maclinæ natus sum, Maclinæ educatus, Germanicæ linguæ & Cæsarum ditionis oppido, cum aliis laudibus multis illustri, tum vero Philippi et Caroli Hispaniæ regum incunabulis percelebri; hæc ille. Puer admodum, cum vix annos IX. natus esset, parentum studio et diligentia Lutetiam Parisiorum, ut ibi literas disceret, est missus. Neque enim vel id ætatis, propter summam ingenii docilitatem, immaturum censebant, qui in celeberrimo illo literarum domicilio politioribus disciplinis animum excoleret. Celeriter vero omnibus artibus quibus puerilis ætas imbui solet, ita profecit, ut æquales suos omnes doctrinæ laude longe præstaret, ex his autem generosissimum quemque imitandi cupiditate incenderet. Ingenio acri & vehementi præditus fuit, in quacumque partem se dedisset, atque omnium disciplinarum (quod postea res ipsa declarabat) capaci. Quemcumque scriptorem sibi legendum proposuisset, eum nunquam fere de manibus, nisi diligenter ab eo perlectum, dimisit. Neque unquam in eo animadversum est, aut obscuritate scriptoris alicujus, aut prolixitate deterritum, quo minus totum perdisceret, si modo talem putaret ex quo fructum aliquem capere posset. Cum autem ea quæ in antiquorum scriptis tradita essent, celerrime perciperet, tum vero quæ addita fuere nemo majori facilitate eruit. Atque huic rei testimonio esse possunt multa ab eo penè puero, in C. Plinii de naturali historia libro, scriptoris non ita facilis, et plurimis mendis deformati, ingeniose excogitata & notata, quæ postea ipso imprudente & invidi in Gallia fuere edita. Memoria vero tanta fuit, ut ad ea tollenda quæ animo semel infedissent, diuturnitas temporis vix aliquid valeret. De pluribus & variis rebus sæpe interrogatus, de quibus à multis annis nihil legerat, non minus prompte de singulis solitus est respondere, ac si eo die ab eo perlecta fuissent. Cujus rei cum familiariter cum eo viverem, in consuetudine quotidiana crebro

bro periculum facere licuit. Hocque in eo magis mirum fuit, quòd cum plurima legisset, omnia autem quæ Græcæ aut Latine scripta essent sibi legenda proponeret, nunquam sere ad metam semper properanti, ad eundem scriptorem reverteretur licuit. Si quando de iis rebus sermo incideret, quæ à diversis & variis scriptoribus tractatæ essent: cum res ipsæ essent eadem, ita tamen oratione solebat distinguere, sua verba singulis scriptoribus à quibus ea acceperat referendo, ut non memoriter ea dixisse, in quo sæpe offendi solet, sed de scripto pronuntiasse videretur. Quæ sæpe cum faceret, ita auditorum admirationem incendit, ut eum artificio quodam, non naturali memoriæ bono uti existimarent. Ad hæc tanta naturæ bona doctrinæque summa adjumenta, cum industriam adhibuit, ut quicquid in literis profecerit, huic penè soli gratia habenda videretur. Ineunte ætate cum earum rerum cognoscendarum magno studio teneretur, quæ à philosophis tractantur, amici, qui eum honoratum magis quàm doctum videre cupiebant, verentes ne talium rerum studium, eum longius ab honorum petitione abduceret, magnopere illi autores fuere, ne aliud sibi eo tempore, præter jus civile discendum proponeret. Ex ejus enim artis studio affirmabant fore, ut celeriter ad honores & ad summam gloriam perveniret. Quorum precibus & hortationibus cum sibi omnino parendum esse duxisset, sex annos in eo studio ita consumpsit, ut nullis interim aliis literis, præterquàm oratoris, quæ maxime etiam artem illam vel ornare vel adjuvare existimantur, operam daret. Ulus est præceptor Philippo Decio celebri juris interprete, qui tum Valentiz in Narbonensi Provincia maximo auditorum concursu qui undique ad eum confluxebant, jus docuit. Eo vero tempore ita profecit, ut cum postea ab amicis Latetiam Parisiorum, ut jus ibi exerceret, esset revocatus, cum agendo, tum respondendo, tantam laudem est adeptus, ut vixdum biennium in Jurisconsultorum subselliis versatus, in centumvirale illud consilium, quod antea solis senibus vel certe ætate provectis patebat, admodum juvenis adlegeretur. Quare amicorum voluntati jam satisfactum putans, tempus adesse putavit, ut animo etiam suo majorum rerum cupiditate flagranti morem gereret. Itaque C. Plinium cujus lectioni se totum dicaret, delegit: quem varietate & copia rerum cæteris Latinis scriptoribus præstare, ac velut in unius operis compendio quæcunque à philosophis Græcis, pluribus & libris & verbis tractata essent, mira brevitate collegisse existimavit. Sed cum res ipsæ, quæ quamvis copiose tractatæ, per se ipsæ difficultatem afferunt, in angustum à Plinio conclusæ, vix spem aliquam sui intelligendi darent: ibi partim necessitate coactus, quòd aliter ea quæ ita concisæ tradebantur intelligere non posset, nisi easdem fufus apud alios tractatas videret, partim magnitudine & varietate rerum eum invitante, ut ex uberrimis illis fontibus potius, ex quibus Plinius ipse hausisset, quàm ex illa seclusa aquula illarum cognitionem peteret: animum ad majora erexit: ut eos etiam scriptores videret, à quibus illa Plinii emanasse putabantur. In hac vero sententia cum esset, omnes illi agricolæ, omnes sere medici fuere perdiscendi: rerum Romanarum & totius antiquitatis memoria diligenter tenenda. Orbis denique illi disciplinarum, quam *ἱστορίαν* Græci vocant, evolendus: cum nulla sere ars sit, cujus non expressa vestigia aliqua apud Plinium reperiantur.

rur Hæc vero perficere illi multo fuit difficilimum, præsertim Græcarum
 literarum adhuc ignaro & prorsus rudi. Verum nihil horum eum retardavit :
 ut erat animo semper reluctante difficultatibus, tumque incensus cupiditate,
 ut philosophorum & aliorum scriptorum mysteria cognosceret. Principio
 itaque Græcis literis tanto studio tantisque ingenii viribus incubuit, ut non-
 dum se vertente anno, sive ad philosophos, sive ad oratores se converteret,
 ignoratio linguæ nusquam cum ab eorum intelligentia excluderet, eodem-
 que temporis intervallo Græce etiam ad Gulielmum Budæum Gallorum doct-
 issimum Epistolas sæpe mitteret. Pari ergo studio atque industria cum quin-
 quennium in Græcis scriptoribus legendis perseverasset, jam lingua ipsa
 maxime illi familiaris fuit, eademque opera doctos illos scriptores assidue le-
 gendo, uberrimam maximarum rerum cognitionem ex illis hausit. Memor
 vero ubique, cum illos legeret, instituti sui, & cujus causa initio tot sibi
 scriptores evoluendos sumpsisset, nihil in his omisit, quod ad pleniorum C.
 Plinii intelligentiam aliquo modo faceret, quin id diligenter notatum, quo
 loco & in quo autore legisset, in Plinii libro scriptum relinqueret : ut ante
 omnia subsidia in hac re, quæcunque ex sectione comparari poterant, ten-
 taret, eandem rationem in recentiorum scriptis legendis servavit. Quando
 vero de stirpium natura, multa Plinius traderet, nonnulla etiam de piscibus
 scriberet, rebus à cognitione hujus seculi ita remotis, ut ne nomina quidem
 intelligantur : non contentus eorum autoritate, qui aliquid de his scribere,
 voluit ipse verba rebus accommodare, hisque diligenter inspectis videre,
 quo pacto res ipsæ cum antiquorum scriptis convenirent. Itaque ea causa illi
 in Narbonensem Provinciâ iterum proficiscendi fuit, cum adolescens antea
 ibi jus civile didicerat : quam quidem stirpiem fertilissimam, piscium etiam
 abundantissimam, propter illius maris vicinitatem existimavit. In qua qui-
 dem peregrinatione librum etiam, quem herbarum historiam appellavit,
 scripsit. Eam vero partem, in qua Plinius terrarum orbis descriptionem
 complexus est, diligentissime est persecutus : atque in hoc etiam oculorum
 judicio uti voluit, omnesque & sylvas ac montes, & antiqua oppida, à Plinio
 descripta, quorum aliqua vestigia manerent, ipse adire. Itaque cum
 adolescens Hispaniam totam peragrasset, adulta jam ætate, Britanniam,
 Germaniam, Galliam, Italiam emensus est. Statueratque in Orientem pro-
 ficisci, nisi Turcorum arma, quibus omnia Christianis hominibus clausa es-
 sent, eum ab hoc consilio deterruissent. Quamquam etiam apud homines no-
 stros peregrinando in magna pericula sæpe incidit. Apud Helvetios autem,
 dum eorum regionem viferet, nihil propius fuit, quam ut interficeretur.
 Quid vero illi acciderit, & quomodo periculum evitaverit, non erit alienum
 commemorare, quo magis & industria ejus cognoscatur, & animus, qui
 nullo periculo à rerum dignarum investigatione deterri potuit. Profectus
 est eo cum duobus familiaribus Gallis, eo sane tempore, quo accepta clade
 apud Mediolanum Helvetii à Gallis maxime dissenferunt. Ex comitibus
 ergo cum in suspicionem venisset, speculandi causa accessisse, pars quedam
 cohortis Helvetiorum eos aggressa est. Ibi cum aliquandiu repugassent, ne-
 que pares esse potuissent, unus eorum fuga Rhodanum tranatando, vitam sibi
 servavit : alter in pugna cæsus, ipse gravi vulnere altero brachio accepto
 captus

captus & in carcerem abductus est, ubi triginta fere dies, cum neque medicum neque remedium ullius facultas daretur, vulneris dolore magis magisque ingravescente, in summo morore jacuit, donec casu antistes Sedunensis, qui apud Helvetios dignitate et gratia maxime potuit, eo venisset: cujus opem cum Longolius per literas suppliciter implorasset, ipse casum viri valde miseratus statim custodia liberavit, adhibitisque medicis, tam diu apud se retinuit, dum à vulnere prorsus sanatus esset: tum equo donatum, & viaticis liberalissime instructum, in patriam remisit. Nec vero ille antea discedere voluit, quam id cujus causa venerat perfecisset, regionemque totam lustrasset, atque tabellis descriptam secum domum reportasset: cujus rei perficiendæ majorem tum facultatem habuit, quam ei Sedunensis autoritas dabat. Itaque cum in omnibus quæ videre cuperet abunde satisfactus esset, illinc in patriam decessit. Sed ut eo de quo inceperam revertar, hoc eum sæpe prædicantem audivi, se quicquid rerum naturæ cognitione profecisset, id C. Plinii lectioni acceptum referre, qui in omnibus illi occasionem plura quærendi & investigandi semper dederat. Oratoriis artibus à puero semper deditus fuit, earum verò summam cognitionem, non artis solum præceptis, sed multa exercitatione firmaverat. Declamandique consuetudinem multis jam sæculis intermissam & propè mortuam, qua nihil unquam utilius iis qui oratores evadere cupiunt, inventum fuit, in seipso primum, post in aliis renovavit, cum argumento proposito, sæpe in scholis declamando alios suo exemplo, ut idem facerent, commovit. Genus dicendi ineunte ætate secutus est, quod postea vir factus, valde improbavit. Nam cum adolescens per omnia scriptorum genera vagaretur, neque quencquam unum sibi imitandum proponeret, sed ut ipse de se dicere solebat, tantum in uno quoque notaret, quantum acute aut sententiose dictum esset: eo factum est, ut prudenter semper fere diceret: quod fuit etiam naturæ: oratio verò ejus, quæ ex verbis undique accersitis constaret, nullam neque elegantiam, nec venustatem præ se ferret, formaque dicendi inconditam & minime æquabilem redderet. In hoc tamen genere multa scripsit: Orationem de laudibus C. Plinii, alteram de laudibus Gallorum: Comparisonem juris civilis cum re militari, in qua juris laudes extollit: Commentarios quosdam in jus civile: Historiam herbarum: Commentarios in XI. libros Plinii ab eo admodum adolescente, quo primum tempore Plinium in manu sumpserat, conscriptos: postremo verò omnium, cum jam etiam majorem elocutionis rationem habere inciperet, quinque orationes de laudibus urbis Romæ fecit. Quod verò genus scribendi mutaverit, id Petri Bembi consilio, qui eo tempore hac laude eleganter & Latine scribendi multum Italis omnibus præstitit, acceptum referre solitus est. Ille enim cum Longolio amicissimus esset, multaque ejus prudenter quidem scripta, sed inquinatis & corruptis verbis referta videret, dolere se apud eum sæpe testatus est, quod cum à natura & literis ad oratorias artes instructissimus esset, voluntate etiam in eas maxime propensus, negligeret tamen eam partem emendatæ & Latine loquendi, quam M. Cicero eloquentiæ Romanæ parens solam & quasi fundamentum oratoris esse judicavit: unde etiam eloquentia ipsa nomen sumpisset. Magnopere igitur est cohortatus, ut totam suam dictionem, ad præstantem illam Ciceronis dicendi formam revocaret,

eumque solum ex oratoribus sibi imitandum proponeret. Cujus consilio & auctoritati tantum tribuit, ut quinque annos continuos ab ea cohortatione, nullum alium autorem Latinum in manibus haberet, nullum legeret, præter unum Ciceronem: in quo tantum studio industriaque profecit, ut post breve tempus, cum sibi eam legem indixisset, ne aliis atque à Cicerone sumptis verbis uteretur: ac omnia ferè quæcunque animo concepisset exprimenda, abunde ex illo uno verba electa suppetrent. Cumque se totum ad summum illius oratoris imitationem dedisset, sicque toto animo contendisset ut nihil unquam magis, ut perfectam illius scribendi formam animo inclusam habere, etiam in omnibus quæ scripsit, ut eodem modo dicere posset, magnopere laboravit. In hanc verò formam scriptæ sunt ab eo orationes duæ, quibus eorum accusationi respondet, qui eum Romæ perduellionis reum egere: una præterea ad Luterianos oratio, et aliquot Epistolæ ad amicos: reliqua omnia quæ scripsit, ipse abolenda censuit: idque ut ita fieret, amicis moriens commendavit. Causam verò totam Luterianam, cujus oppugnationem jussu X. Leonis Pontificis Maximi, à quo etiam commentarii totius causæ missi ad eum fuere, susceperat, quinque orationibus complexi statuerat: brevique perfecisset (excogitatis jam lectum, ut ex ipso audieram, quæcunque tali in causa dicenda forent) nisi prima statim absoluta, immatura mors consilium ejus prævenisset. Theologiam, & eos scriptores, qui de divinis rebus tractant, omni ætate coluit: idque putavit hominis esse Christiani, non in senectutem, ut maxima pars hominum facit, hoc studium differre, sed quotidie addiscendo in eo, quanquam lentius id fieret, aliquid tamen procedere. Hoc autem modo ipse & Græcos & Latinos plurimos, quos maxime in rerum divinarum explicatione excellere putavit, diligenter evoluit. In his verò literis, & in aliis artibus, tot perlegit, tam multa, tanto judicio, in tam paucis annis, ea etiam ætate qua aliis vix maturum iudicium adesse solet: tot interim laboribus ex peregrinationibus exercitus, ut iis, qui eum & mores ejus non novere, penè incredibile videatur. Sed adjuvabat præter cætera quæ modo commemoravi, temperantia summa in victu, & in omni vita, ut voluptatibus, quæ apud cæteros ejus præsertim ætatis magnam partem temporis sibi vindicant, nullum omnino tempus daret. Cibi et potus erat parcissimus, mero nunquam, dilutissimo semper utebatur, maxime verò frigidæ potu delectabatur: quo etiam sæpius usus fuisset, nisi medici, quod maxime inimicum stomacho dicerent, eum magnopere deterruissent. Somno parum indulgebat: cum plurimum, non amplius sex horas dormiebat. Reliqua genera voluptatum summus ille ardor in studia literarum ita restinxit, ut nulla profusus in eo aliarum rerum cupiditas appareret. Neque verò ita profusus studiis deditus erat, ut reliqua omnia, quæcunque in Republica Christiana agerentur, tanquam ad se nihil pertinerent, negligeret, sed cum studiis plurimum tribueret temporis, tum verò quando vel salutis ratio, vel quævis alia necessitas, cum à studio avocaret, libentissime & diligentissime de iis quæ foris agerentur, inquirebat. Quo factum est, ut simul & doctissimus & prudentissimus haberetur: ut neque hæc curiositas rerum externarum cognoscendi quicquam de legitimo studiorum tempore detraheret, nec illa languidiorem ad cætera redderent, aut: quicquam de prudentia rerum di-

minuerent.

minuerent : sed contra alterum ab altero adjutum hanc pulcherrimam in eo prudentiæ & sapientiæ conjunctionem efficere. Corporis eatenus rationem habuit, quatenus studiis sufficere posset : quotidieque ante cibum parva pila se exercebat. Quanquam per se laboris apta membrorum compositione patientissimum corpus habuit, & quod multis magnisque laboribus ad omnem patientiam ineunti ætate firmaverat, quippe qui adolescens laborem etiam militarem fuerat perpassus : milesque Neapolitano bello cum Ludovico Gallorum Rege in Italiam venisset : etiam à robore militari multum abesset, corpusque decorum magis habere quàm robustum videretur. His vero rationibus ita corpus & animum curavit, ut alterum semper sanum, alterum quàm doctissimum, variisque et multis artibus repletum haberet. Quantum vero doctrina & eloquentia inter hujus sæculi scriptores præstiterit, si demum intelligent, qui pauca ea quæ suo judicio probata, scripta reliquit, cum aliorum in illo genere scriptis conferent : aut is denique, qui in simili scribendi argumento sui periculum fecerit. Neque verò istis artibus atque virtutibus præmia omnino indigna his temporibus tulit : multaque præclara de eo judicia principes viri fecere, A Rege Hispaniæ Philippo duodeviginti annos natus, sanctioribus illis reconditarum rerum notis, quibus hodie unis omnia prope regnorum arcana committuntur, præfectus, A principibus Pannoniæ magno proposito præmio accersitus, ut regem puerum optimis artibus instituendum susciperet, A Ludovico Francorum rege multis honoribus affectus : de quibus ille in iudicio cum pro se diceret, adversarii maxime conditionis obscuritatem objicientibus, commemorare eum coactus. Quo tempore Regis decretum recitari fecit : à quo ille non unius aut alterius (ut ejus verbis utar) suæ ditionis urbium, sed universi regni viribus uno edicto est donatus. Sub quod etiam aliud decretum consilii illius centumviralis, quod Lutetiæ Parisiorum cogitur, intulit. In quo illi jura ti summo consensu in collegium suum cooptarunt, habiturum in perpetuum jus viræ & necis, ac summam fortunarum omnium potestatem, non in plebem modo, sed in omnes regni proceres. Viceesimo verò octavo ætatis anno civitas ei Romana ultro est oblata, virtutisque & literarum ergo civis factus. Quæ res quanquam initio multarum illi turbarum causa fuit, multis clam invidentibus, nonnullis verò nobilissimis viris palam eum oppugnantibus, & virtutibus ejus obrectantibus, inter quos magno periculo est versatus : postea tamen optime cessit, nomenque ejus & gloriam magnopere auxit. Nam cum statim post civitatem adeptam in Gallias redire studeret, ut amicos & propinquos, à quibus multos annos abfuerat, viseret : crebræ verò adversariorum ejus voces exceptæ essent, palam dicentium, se nomen ejus delaturos : ea res fecit, ut paulo diutius consilium professionis differret : ne si tali tempore urbem relinqueret, non amicos salutandi causa discessisse, sed timore & minis inimicorum perterritum ab urbe aufugisse videri posset : sed cum diutius mansisset, quàm ejus rationes paterentur, expectans quorsum obrectatorum invidia procederet, cum illi interim nihil contra eum nisi convitiis agerent, existimans ulterius eorum indignitatem non progressuram, iter Galliam vertus jam diu ab eo deliberatum, est persecutus : relictis tamen apud amicos defensionibus suis scriptis, ut contra omnes conatus adversariorum, si absentia ejus aliquam.

quam illis occasionem accusandi daret, præsto haberent quod opponerent : jam tum ex eorum convitiis animo prospiciens, quæ maxime objecturi essent, quibus ille omnibus medicinam fecerat. Cujus sui consilii prudenter exco-
gitati magnum postea fructum & voluptatem cepit. Vix enim Venetias in
eo itinere pervenit, cum ad eum literæ amicorum sunt allatæ, nuntiantes
gravissimam accusationem, qua statim post discessum ejus adversarii sunt usi,
& quo pacto consilium de relinquendis defensionibus processisset. Accusa-
vit eum nobilis & disertus adolescens Romanus, in quo magnam dignitatis
sue spem majores natu Romani collocarent, ad id inductus inimicorum Lon-
golii multis & assiduis precibus, objecto etiam falsæ gloriæ splendore, quod
patriæ laudibus, quas oppugnatas a Longolio esse voverunt, in hujusmodi
accusatione adesse eum asseverarent. Ita vero acerbe & vehementer, ipso
audiente principe Romano, cum multi nobilissimi & clarissimi viri judicio in-
teressent, egit, ut nonnulli amici Longolii essent qui de causa obtinenda
desperarent, donec amicorum præcipua cura defensiones ejus in lucem pro-
diere : quæ ita ab omnibus passim probabantur, ut multi dicerent non Lon-
golium civitatis donatione ornatum, sed ipsum civitatem illis orationibus
ornasse, in quibus pristinam dignitatem civitati & vetera sua ornamenta om-
nia restituisse videbatur. Principi ipsi verò ita placere, ut oblitus penè
quid adversarii ejus tribuisset, quem paulo antè, nulla magis re alia mo-
tus, atque ejus in Longolum actione, in familiarium numerum receperat,
protinus juberet ut diplomata Longolio expedirentur, quibus ratum esset,
quod S. P. Q. R. de cive eum asciscendo decrevisset : præterea quod
ipse de privato ærario ad tuenda studia ejus concessisset : atque ad eum ubi-
cunque terrarum esset, deferrentur : ea tamen lege, ne sedem studiorum
alibi quàm in Italia poneret. Multis præterea honoribus affecti, nam in
Palatinum & sacrosanctæ Lateranensis aulæ comitatum sua sponte coopta-
vit, & in Romani Pontificatus scribarum numero esse voluit. Quæ cum ad
eum perlata essent, cum alia omnia libenter audivit, tum verò conditionem
de commemorazione sua in Italia non invitatus accepit, lætusque in Galliam quasi
ex inimicorum dolore triumphum agens, animo statim revertendi est profectus :
us : ubi magno amicorum gaudio exceptus, quod nihil tam præter opinio-
nem eorum accideret, quàm ut eum quem vix salvum in tantis contentionibus
arbitrabantur, honoribus etiam auctum viderent, magna eum studio
apud se retinere contenderunt, pluribus etiam ad manendum præmiis &
privatim à multis, & publicè à rege ipso Francorum propositis. Ex priva-
tis autem qui hoc maxime ab eo contenderunt, Ludovicus Ruzerus Parisien-
sis, cum multa alia, tum verò suburbanum fundum lautum & fructuosum mu-
neri obtulit : nullam aliam beneficii sui remunerationem aut operam ab eo
expectans, nisi ut urbe illa quasi domicilio studiorum suo eum contentus, in
Italiam amplius non rediret. Ille verò quanquam Galliam semper non mi-
nus charam quàm patriam habuit, existimans non inferiori amoris loco ha-
bendam quæ excepit, quàm quæ genuit, plurimi etiam in hac re amicorum
studia æstimaret : tamen cum recordaretur quam fidem X. Leoni Pont.
Max. & reliquis amicis de reditu dedisset, ab eo nullis cuiusquam promissis
aut precibus deduci potuit. Mirifice verò ipse sua sponte erga Italiam & Ita-


los afficiebatur : ut etiam in Epistola quadam ad Sadoletum, reditus sui rationem probare volens, cum alias causas attulisset, postremo addit, ideo se redisse, quod ad excitanda fovendaque studiosorum hominum ingenia plurimum conferre arbitratus esset cœli ipsius Italiæ clementiam, seque in eo felicem illum & planè divinum Italiæ genium secutam. Antequam vero rediret, Britanniam nobilem insulam videre voluit, adductus præterea fama eorum quos præter cæteros illic Græcis literis & Latinis eruditis, omni liberali & ingenua doctrina pollere audiverat. Cum quibus pluribus diebus jucunde consumptis, quod eorum doctrina ita delectaretur, ut etiam summæ admirationi esset, quemadmodum sæpe eum prædicantem audiri, tantam & tam politam atque exultantem doctrinam in illis locis, apud eos homines, vel usquam penè terrarum, his temporibus, quibus propè omnes elegantiores artes jaceant, potuisse reperiri : ad constitutum sibi in Italiam iter reversus est : Pataviumque venit, quem studiis suis locum accommodatissimum elegit. Quamquam simul ac de ejus in Italiam adventu auditum est, populus Florentinus non solum in civitatem suam, si illic ad instituendam bonis artibus juventutem se conferret, invitavit, verum etiam vicena quina in annos singulos sexcentiorum nummum millia ex ærario publico decrevit. Verum ille recordatus, quæ præmia antea contemplerat, quod nullum oculi sui partem aliis vendere voluisset, nulla mercede à suscepta propostaque sententia potuit avelli. Patavii autem se continuit, sibi & studiis suis serviens, primum in contubernio Stephani Saulii nobilis Genuatis, qui literarum causa eò se contulerat, optimarum artium etiam ipse studiosissimus. Deinde verò eo in patriam revocato, cum multi nobiles viri (quorum tum Patavii propter celebritatem eorum qui literas docuerunt, magna copia fuit) certatim Longolium ad se invitarent, quod ejus consuetudinem non honorificum tantum sibi, sed etiam fructuosam fore putabant : ille in domum Raynoldi Poll nobilis juvenis Britanni, quem per eos dies Rex Britannicæ literarum causa eò miserat, migravit : quocum conjunctissime in literis usque ad extremum vitæ diem vixit. Amicitii usus est magnis & illustribus, quas illi ubique ferè vel felicitas quædam ejus, vel doctrinæ fama cor cilia verat. Neque verò in conciliandis amicis sælicior, quàm in retinendis prudentior habebatur : quos summa fide observantiaque semper coluit. Quantum verò officio in amicos tribuit, vel extremus ille vitæ ejus actus facile declaravit. Nam cum gravissime ex febre laboraret, ex qua etiam periit, eodemque tempore ab Hieronymo Savanarola amico suo, qui tum filium summæ spe & indole adolescentem amiserat, literas accepisset, valde miserabiliter de morte filii scriptas : existimans se non aliter officio suo in amicum non posse satisfacere, in mediis ipsis doloribus cum gravissime cruciaretur, literas ad eum consolatorias, morbum suum silentio tegens, ne hoc etiam ad amici dolorem, dedit. Quæ quidem ut tum scriptæ, maxime vim morbi auxisse existimari possent, sic uberrime quo officio in amicos esset declarare : qui ne eo quidem tempore sibi parcere voluit, aut officium intermittere, quo omnes illi libenter remisissent : aut sane amicus non esset, qui hoc ab eo exigeret : & tum alium consolaretur, cum magis consolatione ipse egeret. Sed ab ea humanitate quam in omni vita erga amicos retinuerat, ne tum quidem dolor corporis &

& propinqua mortis expectatio potuit eum deducere, aut facere ut suorum commodorum rationem haberet, qui semper quacunque in re declarare posset, amicorum comoda suis prætulisset. Quo factum est ut charissimos illos semper firmissimosque haberet: idque maxime est expertus, cum absens Romæ in iudiciū vocaretur. Quo tempore neque adversariorum ejus potentia, quæ maxima fuit, nec acerba eorum in eum accusatio, quenquam eorum qui amicitia vel consuetudine aliqua, dum Romæ esset, conjuncti videbantur; ulla in re flectere potuit. Plurimum vero ex omnibus deulit Jacobo Sadoleto, & Petro Bembo, viris cum autoritate & gratia inter eos qui tum Romæ erant, maxime florentibus, tum vero doctrina & omni politiore humanitate præpè singularibus. Quorum opibus & gratia quàm diu Romæ fuit, in omnibus rebus est usus. Ut verò alios in se benignos & liberales est expertus, sic omnibus quos aut opera aut consilio juvare posset, maxime fuit expositus: præcipue vero iis qui spem aliquam de se vel ingenii, vel doctrinæ darent. Novi ipse multos qui cum à patria absentes & amicorum subsidio destituti ad eum confugerent, ab eo sæpe pecunia sublevatos: cum tamen valde tenues facultates haberet, & aliorum opibus casus suos sustentaret. Quando vero diutius sumptus tales se ferre non posse sentiret, per amicos omnia egisse ne quid illis deesset, non secus ac si omnia necessitudinis officia sibi cum illis intercessissent, qui neque cognatione, neque patria eum contingebant, indole tantum & spe doctrinæ ei commendati. Adversæ fortunæ vulneribus multis, ut in tam paucis vitæ annis, ictus, nihil unquam aliter atque virum decuit, tulit. Primum Philippi Regis Hispaniæ morte inopinata, ad quem se post amissum utrumque parentem contulerat, ex quo cum magna sperasset, jamque apud eum gratia & supra ætatem autoritate multum valeret, ille præter omnium opinionem in Hispania ereptus est. Deinde multis peregrinationibus & molestiis agitatus, carceris etiam molestiam & difficultatem est perpeffus. Post contentio illa Romæ accessit cum potentibus & factiosis adversariis: inter quos cum sæpe discrimen vitæ adiit, nunquam sine magno periculo versabatur. Extremum vero omnium, quod aliqua ex parte eum attingere videbatur, fuit decimi Leonis Pontificis Maximi mors, in cujus vita omnem spem fortunarum suarum sitam habebat, cujus autoritatem & promissa sequutus, contra omnium amicorum suorum voluntatem in Italiam redierat. Cum autem neque ad suos honestum reditum, quorum antea promissa spreverat, neque quo pacto in Italia defuncto jam Leone, qui antea sumptus suppeditabat, otium suum cum dignitate tueri posset, satis videret, hæc nonnihil eum conturbant. Nusquam tamen se commovit: sed veteribus tantum amicis, quos in Italia habuit de statu suo per literas admonitis, ille in contubernio illius nobilis juvenis Britanni se continuit. Cum vero decem menses post obitum Leonis perpetuo fere in literis versaretur, constitutum se habere dixit in Forum Julium proficisci, cum ut animum suum curis literarum districtum peregrinatione relaxaret, tum etiam ut eam partem Italiæ sibi non satis cognitam videret. Itaque paucos ante dies quàm egredi statuerat, cum nihil omnino incommodæ valetudinis sentiret, semotis arbitris multa cum Polo suo, cui semper plurimum tribuit, fertur disputasse de periculis, de fragilitate, de miseria humanæ vitæ.

vitz. Hanc vero tandem summam orationis habuisse, ut quoniam sibi peregrinandum esset, neque ignoraret multa sæpe peregrinantibus pericula præter opinionem, quibus obfisti non posset, intervenire: ut rebus suis, quicquid sibi accideret, provideret: testamentum se velle facere dixit, atque apud eum deponere: flensque pene rogavit, ut siquid sibi adversi accideret, testamenti capita persequeretur, famamque suam & memoriam charam haberet. Atque hæc cum magna admiratione illius cui hæc commiserat, fecit. Quis enim non miraretur, quod in proximam provinciam exiturus, optima etiam valetudine, ut sibi & aliis videbatur præditus, ea diceret & faceret, quæ magis ex vita quam ex civitate migrantis videbantur? Verum sive divinatione de propinqua morte sua id faciebat, sive prudentia quadam, quam casus postea divinationem videri fecit, eodem die qui profectioi constitutus est, in gravem & assiduam febrem incidit, ex qua non convaleuit, eo etiam tempore cum forte abesset Polus, cui antea res suas omnes crediderat. Quem tamen per literas statim quo statu esset certiores fecit, nihil de testamento mutans: hoc tantum rogans, ut quemadmodum coram recepisset, curam & quasi dispensationem rerum suarum acciperet, mortuoque memoriam pie & inviolate præstaret. Quo nuncio tristissimo ille percussus, quod eum unice amaret, subito accurrit, multaque cum in spem vitæ diceret, eadem etiam medici pollicerentur, nunquam ab eo deduci potuit, quin eo sebris finem sibi vitæ esset allatura: id quod paucos post dies evenit. Antequam vero discedere, in divi Francisci familiam voluit adoptari, ejusque habitu post mortem & templo sepeliri. Obiit XXXIII. ætatis anno. III. Idus Septembris. Anno salutis generis humani M. D. XXII. atque Patavii in Francisci, quemadmodum præscripsit, sepultus.

K k

DE



D E

Obitu doctissimi

E T

Sanctissimi Theologi Doctoris

MARTINI BUCERI.

Regii in celeberrima CANTABRIGIENSI

Academia apud Anglos publicè Sacrarum Literarum prælectoris

EPISTOLÆ DUÆ.

DOCTISSIMO VIRO ET AMICO SUO

SINGULARI D. PETRO MARTYRI

JOANNES CHECUS.

S. D. P.

ITa natura feret, ut quos doctrina exquisita, aut singulari virtute viros noverimus, aut etiam necessitudine graviore, vel benevolentia conjunctos, illorum mortem graviter & acerbè feramus, quia indignos illos putamus, ut luce & spiritu communi priventur, & nos etiam ita diligimus, ut non modo nobis, sed ne nostrorum quidem ulli, miserum & calamitosum aliquid accidere debere judicemus. Te autem puto Domini Buceri gravissimi & religiosissimi viri mortem moderate & Christiane ferre, neque naturam ita voluntati Dei repugnantem habere, ut vehementiorem aliquam

aliquam perturbationem in communi & naturali omnium exitu, in animum tuum intrare permittas. Scis cujus esset cum viveret, quis in illo habitaret, quam non sui juris esset, qui totum se illius servituti addicebat, à quo redemptus fuerat. Hic cum non donatus nobis à Deo, sed ad aliquam temporis usuram commodatus sit, acerbius feremus, quod Deus hunc evocaverit, quam gratias agemus, quod talem nobis tam diu reliquerit, & cursus hic ætatis fuerat, atque adeo inclinatus, ut etiam si longiore vita dignus esset, natura tamen illum longius provehere non posset. Et cum constantissime vitam omnium traduxerit & eadem constantia vitæ quoque finem fecerit, quanto hoc debet familiares illius & necessarios gaudio perfundere, quod ita à Deo raptus sit, ut malitia mentem illius non perverteret, sed vitæ innocentiam, mortis constantia superaret? De divina autem potentia, sapientia, bonitate, quis poterit dubitare, neque nos cum illo pugnare debere, sed nos illius magnitudini & potentie subicere, ut grato animo accipiamus, quicquid nobis à tanto auctore obiectum sit, ne vel reclamando obstinati, vel non ferendo imbecilles, vel male accipiendo ingrati reperiamur. Stultissimum est autem & spiritu Christi indignum, ut nos quicquam melius & præstantius putemus posse facere, quam divinæ providentiæ regula constituit, cujus etiam stultitia, longe omnem humanæ intelligentiæ solertiam superat, sapientia autem à nemine cerni potest, cum ne intelligentiam quidem nostram multis modis depressam atque obscuram, aliquid spirituale aut divinum, nisi spiritus lumine introductum cadat. Qui vero Deum suis bonum & propitium cogitant, qui omnia non modo misera & calamitosa, sed etiam scelestia et nefaria ad bonum convertit, quomodo hoc sibi in animum inducent, ut hoc inutile, damnosum & noxium suis sit, quorum tam arctam curam gerit, ut ne pilus quidem capitis sine illius voluntate de capite decidat?

Cum autem in omnibus apud Deum precationibus hoc adjungimus, ut illius voluntas fiat, quam inconstantes & leves erimus, si antequam res eveniant, à Deo contendimus, ut quod velit faciat, postea autem et hoc quod expetebamus, non ferimus, & quod precabamur antea, hoc nunc idem deprecemur, eam commutationem non ferentes, qua Deus suos ad patientiam et perpersionem rerum exerceri atque erudire vult. Nam quoniam nos magnum ornamentum & columnen integritatis, religionis, doctrinæ amissimus, neque tamen ille lugendus, qui hæreditatem paternam adiit, de qua nos hic cum miseria laboramus: neque status Ecclesiæ descendus, quæ tantum & talem in colum emisit, neque nostras rationes afflictas, ut videtur, & collapsas lamentari debemus, qui plus opis et præsidii in spiritu Christi, quam in voce Apostoli collocare debemus. Sed hinc abducere cogitationes nostras discamus in Christum & spiritum ejus salutarem, etiam atque etiam petere, ut omni extremo præsidio Ecclesia quasi destituta, internis spiritus subsidiis recreetur, et in hac tanti parentis nostri orbitate autoritate spiritus levemur. Atque hic feliciores aliquanto nos Cantabrigienses sumus, quod tantum virum Cantabrigiæ Deus commendaverit, quod ita altas radices disciplina Christi per Bucerum egerit, ut hoc laboris & muneris curia confecto, fructum & præmium exoptatum Magister percipias. Nondum

iniquitas Amorbeorum completa est, nondum tibi in liberum cœlum & domicilium hæreditarium ire fas est, major tibi moles rerum, majus negotium miscendum, fervore adhuc tuo carere non possumus, tibi elaborandum est, ut quanto minore comitatu septus et munitus es, tanto acrius et majore cum contentione dimices, & ita te pares, ut non unus trium, sicut ille apud Historicum, sed solus omnium impetum sustineas. Atque hoc sidenter tibi et animose suscipiendum est. Christus enim mundum devicit, et evertit sapientiam sapientium *ἡ τῶν λόγων σοφία*. Sed quid ego ista, Deus bone, apud te? Dum tecum loquor, me ipse consolor, et dum levationem doloris tui meditor, aliquam ægritudinis etiam meæ medicinam quaero, minus laborans quid par sit mihi ad te scribere, quam quid conveniens meo dolori detrahendo videatur. Nunc autem quod me nonnulla, ut verum fatear, lætitia afficiat percessebo tibi, quam honeste se Cantabrigia gesserit, quæ tales honores D. Bucero mortuo habuit, quales maximos potuit, & ita ejus furus prosequeretur, ut verum amorem quem ipsi in cœlum sublato exhibere non poterant, ad futuræ resurrectionis memoriam, ergastulo animæ exhiberent. Sepultus est in celeberrimo Academiæ templo, deductentibus illum non modo Procancelario Academiæ, Doctoribus, aliisque qui graduum dignitatem in Academia obtinebant, sed etiam cæteris omnibus, qui ad ingenii humanitatisque cultum capiendum eo confluerant. Eadem eruditionis & integritatis opinione commoti Major oppidi cæterique Oppidani, novo atque insolenti, sed laudabili tamen modo, cum scholasticis se junxerant, & quemadmodum poterant, funus illius honestabant, virtutis illius magnitudinem, officio tam raro & voluntario commendantes. Itaque ad tria hominum millia confluerant, voce, lachrymis, lamentis, quantum sui desiderium Bucerus reliquisset, attestantes, cum ne plebei quidem, qui illum docentem & concionantem non intellexerant, fama et prædicatione doctrinæ & religionis excitati, ab illius funere abessent. Precationibus nostro more confectis, & gratis Deo patri misericordiarum actis, quod curriculum hoc vitæ tam pie & Christiane ab illo decursum esset, & ad erumnarum atque angorum finem, quibus immortalium vita obfessa atque excruciatæ, jaçtatus, cum laude & constantia pervenisset. Ibi tum Haddonus Academiæ orator Legum Doctor, eloquentiæ laude præstans omnibus, ipse morbo viscerum fractus, & de mortuo loquens ipse semimortuus, siue magnitudine calamitatis commotus, siue consuetudine tam Christiani & religiosi viri orbatus, seu frequenti dolore tanti concursus animo perculsus, gravem de re tam gravi, orationem habuit, ut lachrymæ ubertim omnibus manerent, cogitantibus cujusmodi Magistro essent orbat, quo majorem vix universus orbis caperet, siue scientiam veræ religionis, seu vitæ integritatem atque innocentiam, seu inextinguibile studium sanctissimarum rerum, seu laborem intollerabilem promovendæ pietatis, seu auctoritatem & amplitudinem docendi, siue quid aliud in illo laudabile & gloriosum fuit. Ille ardor orationis fuit, ut lachrymæ caderent omnibus, clarissimi viri desiderium animo repetentibus, & sine pastore quasi palantibus, præeunte Haddon, non modo voce & querela, sed etiam lamentatione & lachrymis. Hunc sequutus D. Barkarus Theologiæ doctor, vir pius & gravis, concionem angli-

cam.

cam apud populum habuit, qua docuit, quatenus mortui lugendi nobis essent, & quatenus gaudio & gratulatione prolequendi. Deinde, quot incommoda nobis ex unius Buceri morte, tum publica tum privata, invidia essent, & quibus rursus de causis sedatè atque æquo animo ferre hunc communem omnibus vitæ exitum, sed paucis tam memorabilem, deberemus. Sic ea nocte singuli domum quasi in orbitatem & solitudinem se conferebant. Postridie ejus diei ad templum rursus convenerant, & gratiis de more actis, quod ex hoc ærumnoso solo in portum et perfugium salutis suos satis idoneis temporibus traducit, & beneficio mortis Christi in mensa Dominica proposito, ad Eucharistiæ communionem quadringenti accesserunt, mortis Christi commemoratio-
ne habita, & spe resurrectionis illius ~~communione~~ adaugeta. Tum Redmanus Theo. D. vir eruditus et pius, concionem in maxima frequentia habuit, et quid mors esset, disseruit, et quomodo universa bonorum & Sapientum vita, meditatio mortis esset, nihilque ita in auribus omnium personarum debere, ut discessus ex hac fragili caducaque vita, bonorum exempla nobis ad perpetuam de morte cogitationem proposita esse, atque ad eum finem omnia facta, dicta, studiaque nostra conferenda esse, quid in Buceri vita laudabile et sequendum, quid in illius morte memorabile et gloriosum esset. Atque hac oratione usus, finem dicendi fecit. Eadem aurora studiosi omnes qui aliquid poterant, et vel in græcis vel in latinis litteris profecerant, non quid Bucero dignum esset, quem laude suâ superiorem indicabant, sed quod officio suo conveniens esset, quod sibi omni studio colendum putabant, secum reputantes, quibus poterant versibus, græcis, latinis, soluta etiam oratione, tumulum illius honestabant. Neque in festorum celebritate magis solitum est loca quædam fertis et corollis undique redimiri, quam locus ubi humabatur, Epitaphiis et acroamatis distinguebatur. Hunc honorem scolastici & oppidani Cantabrigienses, pietatis ac litterarum nomine, Bucero detulerunt. Precor autem à Deo Opt. Max. ut hæc externæ benevolentiae testimonia, ab interno et propriore animi affectu oriantur, et quam ille veram doctrinam reliquerit, eandem studiis, sententiis, vita persequantur, ut vir tam nobilis si quidem ullus esset in Christo quiescentium sensus eorum quæ hic agerentur, fructu laborum quos hic posuerat, lætaretur. De familia ejus video te laborare D. Petre, in quo nihil est quod te exerceas. Nam et D. Cantuariensis, reliquique illius amici hoc in se munus receperunt, ut illi abeunti, honestis conditionibus provideatur, et Academia etiam quod potuit fecit, scripsit ad Regiam Majestatem & conciliarios Regios in hac causa, & Rex qua est singulari pietate et prudentia, se justam illius familiæ rationem habiturum promissit. Condonabis mihi ~~amici~~ *domini tui* &c. Dominus Jesus te & familiam tuam servet.

Westmonasterii. X. Martii. Anno Domini M. D. II.

A D



A D

Clarissim. Virum

Et Singularem Patronum suum JOAN-
NEM CHECUM, nobilissimi &
serenissimi EDVARDI Sexti, Dei gra-
tia Angliæ, Franciæ, & Hybernici, Regis, &c. in bo-
nis literis Institutorem, de obitu D. Martini Bucerii
sanctissimi viri, Epistola Nicolai Carri Novocastrensis
Angli.

MAGNUM dolorem Calendis Martiis, vel potius incredibi-
lem accepimus, clarissime patrone, ex immaturo obitu M.
Bucerii optimi & sanctissimi viri. Quem sive fatalis nobis ca-
sus aliquis eripuit, sive is perenni quodam studio suo extinctus
occubuit, non lugere qui possumus? cum adhuc ei per ætatem tamen senii
aliquot superesse annos videretur, quibus divino ipsius ingenio perfrui po-
tuissemus. Et quanquam hic dolor cum multis nobis fuit communis, qui
maxima frequentia, publico luctu declararunt, qualem & quantum virum,
quamque omnibus charum amisissimus: tamen ad nos præcipue qui illum ut
præceptorem reverebamur, ex ejus interitu mœror pervenit: cum quo
morte perempto, duabus præstantissimis rebus orbatii sumus, exemplo inno-
centis, & excellentis utilitate doctrinæ. Etenim eo tempore cessit è vita,
quo maximus ab ejus doctrina fructus expectabatur: iis hominibus, quibus
in primis opus esset tali virtutis Magistro: ea denique causa, quæ D. Mar-
tini Bucerii, id est summi artificis & in omnes partes comparati, facultatem
atque acumen desideraret. Quo magis venia danda est huic pio dolori no-
stro, & omnes qui præstantissimi hominis divinæ virtuti favent, in ejusdem
societatem luctus vocandi sunt. Quanquam, quid dico vocandi; cum du-
bium

bium non sit, quin ad quoscunque fama pervenerit tanti vulneris, si non ejus quem constat esse beatissimum, tamen nostra causa à quibus ablatus est, in mœrore sint futuri. Te ipsum arbitror Clarissime patrone, qui ætate non multis, doctrina antecellis omnibus, quique princeps nostrorum hominum in omni genere putaris, principem Germaniæ cum magno nostro incommodo avulsam, ægre molesteque ferre. Quis enim illo charior tibi? Quem is dilexit te magis? Cui majora præstitit, vel observantiæ, vel charitatis officia? Quem tu æque atque illum complexus es? Ut mihi & is beatus, qui talem virum observavit, & tu felicissimus videaris, qui cum sanctissimo homine & eruditissimo magistro tam arctam conjunctionem habere voluisti. Veruntamen si te absentem fortè non tam graviter ipsius mors perculsit, quam nos jam pridem nostrasque cogitationes afflixit: siquem eodem modo reliqui, quorum oculi absuerunt, tardiores ad luctum sint: ferendum id quidem in eo est, quod nihil à communi sensu & more alienum accidit. Acrius enim ferire solent, quæ aspectu, quam quæ auribus sentiuntur. Et ipse oculorum dolor stimulos habet vehementiores, cum ad communem luctum major aliqua necessitudo accesserit.

Nos eum lugemus amissum, cujus eruditissima voce frui, quem adire, quem alloqui, quocum etiam conjunctissime vivere solebamus: vos ereptum doletis, quem non ita sæpe audire, non oculis aspicere, non convenire poteratis: à cujus vos sanctissimo convictu, cum locorum intervallum sejunxerat, tum vita civili procuratione districta avocaverat. Quanquam sit par, vel si vultis major in eum vester amor, dummodo hoc concedatis, causas amoris nos habere & justiores & uberiores. Qui certe cum in eum incredibilis esset susceptus ex ipsius charitate erga nos, ex eoque cum utilitas ad nos pervenerat, ad eum labor & sollicitudo redierat: optimo jure ingrati habemur, si aut ejus mortem non lugeremus, quæ orbitatem nobis attulit, aut vitam literis non exornaremus qui nostra causa vitam amisit. Dicam enim verè quod res postulat. Nos Bucero vitam ademimus, cum eas nostra causa vigiliis susceperit, quibus afflictæ ipsius vires considerant. Itaque ad nos præcipuè cum nostrum casum lugendi, tum illius virtutem laudandi officium pertinet. Quod tamen ab omnibus jam factum est, quibus ipsius virtus & doctrinæ clara fuit, tamen eorum maxima pars, voce id magis & fronte, quam scripto declararunt. Ego autem quæ mihi de ipsius divina virtute cogitanti in mentem venerant, ea neque pro ejus erga me benevolentia reticere potui, neque pro mea in te observantia non ad te perferibere. Sed id quo facilius fiat, & ut in toto hoc tempore quo nobiscum fuit, omnium ipsius præclarorum & factorum & institutorum ratio constet, atque omnes intelligant, qua fide, quo studio, quibus laboribus in hac quasi perpetua sui muneris vigilia, versatus sit, & ut ipse quoque distributis temporibus, notatis generibus, singula persequi et commemorare queam: Complectar primum hujus nostræ molestiæ principium, (non quod id te latere existimem, sed ut intelligas non solere nos excellentium hominum oblivisci) deinde progressionem, in qua & offensiones valetudinis & redditus sæpe variis: vulnus etiam ipsum attingam quo maximus nobis iniustus dolor, et summum allatum desiderium est: et causas intexam, cur necesse fuit in tali nos mœrore esse.

Quæ

Morbus Bueri.

*Diligentia &
studium in mor-
bo.*

*Quo primum
tempore capere
prelegere.*

*Ejus auctoritas
in docendo.*

Quæ cum omnia audieris, nec me ut spero reprehendes, qui luctum nostrum mandari literis: & omnes nos quod ita luxerimus, pio amicorum officio perfunctos judicabis. Ergo initium nobis hujus luctus præbuit is annus, quo Londino discedens Cantabrigiam rediit. Secum enim Londino morbum extulerat, qui in ipso itinere ingravescens, cum se, nulla interposita medicina, multorum dierum consuetudine corroborasset, graviter eum affixit, & plures uno tempore corporis partes obsedit. Aderat frequens intestinorum dolor, pungebat calculus, afflictabat eum stomachus, vitioso fastidio cibos respiciens, tum alvi tanta siccitas, ut quamquam ventriculus crudis humoribus oppletus, summopere frigeret, tamen ibi gravissimo ardore ureretur. Fons omnium malorum caput ita colliquefactum, ut rivos à se humorum dimitteret, qui cum per reliquas partes corporis, tum musculos etiam serpentes, magnopere vires enervaverant. Jacuit ita toto corpore oppressus aliquot menses, cum interea nullum propè tempus passus est sibi vacuum esse à studiis, semper aliquid aut scribens, aut legens, aut secum ipse meditans, aut alios erudiens. In quo genere tanta flagrabat erga omnes charitate, ut cum publicè se ostendere, & fontes ingenii patefacere propter valetudinem non possit, domi tamen suæ quasi scholam quandam aperiret. Quò cum multi boni viri confluerent, perfecit, ut eos non solum occupatis temporibus se audiendo occupatos teneret, verum etiam illa solenni ludorum festiuitate, quibus homines gratulandum nato Christo existimant, graviter & severe levissimum morem reprehendendo, ab otio & ludis domum ad se sevocaret. Nondum ejus divina vox è domesticis parietibus dimanaverat, non virtus, non doctrina majori quasi Theatro proposita erat: Sed jam tum omnis integritatis & scientiæ officinam domi instruens, futuræ cum diligentia tum etiam copiae ac varietatis certissimum signum dedit: eaque cum non amplissima viderentur privatis parietibus tecta, tamen domo & è paucorum coetu in lucem & frequentiam educta, omnem omnium opinionem ipsa specie & novitate & genere interpretandi docendique accuratissimo facile superabant. Nam cum hac domestica laude multorum animos incredibili audiendi studio ad se convertisset, & ad quintum Id. Januar. nondum recuperata valetudine, nec confirmatis viribus processisset in publicum: dici non potest, quo concursu, qua frequentia summorum, mediocriorum, infimorum, ipsius conspectus celebrabatur: quanta cum expectatione exorsus: quam attentè auditus sit: quam brevi tempore plurimorum mentes occupaverat: qua fide, quo studio, qua auctoritate docuit. Nemo tam improbus est repertus, qui si minus sua vellet, tamen omnium causa putaret tam sanctum hominem, tanta pietate & doctrina præditum, auctorem nostris studiis & adiutorem fuisse datum. Idque ab universis non opinione tacita, sed perspicua admiratione declarari videbatur. Sic enim ejus non mens solum, verum etiam nutus observabatur, ut unus existimaretur, qui voce præire, sententia moderari, auctoritate imperare reliquis deberet. Quid enim? parumne auctoritatis in eo fuit, cujus vox quasi sacrosancta habebatur? à quo quicquid exibat id raturum confirmatumque videbatur? aut ulla potest esse auctoritas, nisi cum alicui ipsius probitatis et doctrinæ causa fides adhibetur? aut non huic tantum tributum fidei, ut solus propè multis annis existerit,

titerit, cui de omnibus rebus cum maxima laude sit assensum? Habuit divinus vir, sicuti te meminisse arbitror, cum permultas excellentium virtutum expressas imagines, tum ab his doctrinæ & literarum fontibus profluxerat, ut si tam bonus vir non fuisset, quam illum fuisse omnes gaudemus, tamen vel hac commendatione studii, ad summam pervenire existimationem potuisset. Sed ita omni integritatis laude cumulatus fuit, atque ita propria quadam tectus innocentia sua, ut cum in vita quod reprehenderetur nemo posset notare, præceptionibus ejus non obtemperare turpe putaretur. His nonnullum momentum addidit senilis prudentia, & ex omni parte communium ingenium, usus etiam plurimarum & maximarum rerum, qui cum omni ætati prudentiam affert, tum vero senectuti ornamentum adjungit. In hoc noster quantum effecerat, declaravit studium florentissimæ civitatis Argentoratensis, à qua ita dignissimus est judicatus Ecclesiæ procuratore propter scientiam, ut idem habitus sit dignissimus senatu propter prudentiam. Hæc autem in illo omnia vultu, oculis, voce, magis eminentia. Etenim per se ista auctoritatem non faciunt, cum illis tamen quæ dixi, afferunt aliquid dignitatis. Vox igitur grandis & canora cum orationis forma congruens, quæ plenis & sonantibus verbis constabat: is oculorum obtutus, ea frontis & proreædio & contractio, ut quam alta mente præditus esset, facile appareret. Non me præterit residere aliquando in vultu mendacium, & oculis fingi probitatis significationem solere: Sed hominum non improborum ingenia, non fallacibus signis suarum effigiem cogitationum in vultu repræsentant. Quibus igitur è rebus universis auctoritas comparatur, eas ejusmodi in se habuit, ut si acervatim in eon non coisissent, tamen singulæ per se satis ad permovendum momenti habere viderentur. Sed parum profuisset in docendo auctoritas, nisi liberior quædam admonendi objurgandique ratio accessisset. Quam licet facete in Gorgia irridet Socrates, tamen in his perditissimis temporibus, tam multorum socordia & molliæ nisi adhibeatur, nec in vita integritas, nec in studiis constantia reperiri poterit. Hac ille medicina usus in sanandis nostris moribus, (sed neque tam immoderate ut *ῥαυτὸς αὐτοῦ* sophistæ, neque tam lentè & frigide quam solent nostri *παιδαγωγοὶ*) primum amicos ipsorum pudore, deinde inimicos & reluctantes, cum sanctissimæ vitæ exemplo, tum severiore objurgatione in officio continebat. Ad quod si hoc quoque adjungerem, quam frequenter in ipsa occupatione obeundi muneris sui omnium mentes & studia inflammavit, posito ante oculos cum gravi querela Germaniæ casu, commemoratis cladibus, quibus Ecclesia vastata, literæque deletæ sunt, rem nimis pervulgatam attingerem, et modum fortasse Epistolæ tam multa prosequendo egrederer. Quare si de diligentia pauca annotavero, satis videbor dedisse significationis, quantum damni ipsius morte percepimus. In quo illud mihi primum difficultatis objicitur dubitanti, utrum magis ornandus sit, quod ipse semper occupatus esse voluit, an quod alios ociosos esse non permisit. Ultraque laus præclara, & habuit utraque plurimas commoditates. Nam si utile fuit à tali magistro erudiri, certè etiam optandum fuit, ut id quam creberrimè fieret: & si quicquid excellit, eo magis eminet, quo sapius usurperet: hujus profecto diligentia qui præclarissimarum rerum notitiam in aures nostras inculcabat,

cujus opera & assiduitate multarum difficultatum molestiæ removebantur, quæ satismagnæ laudes reperiri possunt. Quo die schola, si liceret, quo templum ipsius voce caruit? Quando non multo amplius quam lege ei præscriptum fuit, prætitit? Nos si quæ detur à studiis intermissio, quam libenter amplectimur? Is nec relaxationes serebat, & in repetendo, moras graviter reprehendebat. Mémint aliquando *mibi* cum referre, cum ex te diceret audivisse, si nihil agendo doctrina comparari posset, præstantissimos in omni literarum genere futuros Anglos. Quam vocem is quoque recte ut mihi videbatur, nostrorum hominum ingenia & mores animadvertens, usurpare solebat. Et cum tuani in eo prudentiam ac virtutem collaudans, qui notato vitio, à tuis id moribus quam longissimè abesse voluisti, tum ipse hoc in nobis delicatum fastidium non ferens, licet peregrinus & afflicta valetudine, tamen nec novitatis offensionem pertimescens, nec suarum virium rationem habens, & verbis acriter reprehendere, & exemplo accusare nunquam destitit. Felicitissimus quidem in eo, quod omnes ejus conatus, facta, consilia, cum per se fuerunt salutaria, tum præclaros semper exitus habuerunt. Quis enim eo hortante adeò dissolutus extitit, qui se ad severiorem morem non reciperet? Cujus ille aures fabellis assuefactas & nugis, non ad graviora *à te æquæ* traduxit? Quem ludis, spectaculis, voluptatibus deditum cognovit, cui non illo oculo suo gravissimo, terrore incussit? Itaque dici non potest, quam celeriter hominum studia commoverat, & ab otio ad negotium, à ludis ad libros, à domesticis latebris ad publicas disceptationes pertraxerat. Sed hujus divinæ charitatis & studii non diuturnum tempus fuit. Siquidem triginta ferè dies, non amplius, in hoc curriculo versatus erat, cum ecce tibi subito sive quod affectu valetudini non pepercit, sive quod plus laboris sumpsit, quam ferre potuit, in eundem paucis diebus morbum relabatur, è quo se paululum recreaverat. Sed quemadmodum ad eundem scopulum bis allisa navis, gravius secundo quam primo ictu periclitatur: ita is antequam è superiore valetudinis naufragio se planè collegisset, ad idem saxum rejectus, majore periculo ac duriore conditione cum redintegrato morbo confligit. Nam primus morbus quamvis satis penæ sumpsit de sanctissimo homine, qui omni morbo vacare debebat, tamen neque tam crudelis fuit, ut penitus affligeret, neque tam perpetuus, ut nullum respirandi locum daret. Hic vero tetrior quam Phalaris, qui uno impetu totum corpus obruebat doloribus, sic autem assiduus, ut semper premeret, & cum aliquid faciendi tum colloquendi etiam potestatem eriperet; hunc sedatè, ut omnia, tulit. Veruntamen angebatur impediri voluntatem suam nostris studiis commodandi. Quorum tanto desiderio flagrabat, ut tam nolestum esse morbi cruciatum diceret, quam quod eo cogeretur, nihil agendo contabescere: Ex quo illa ejusdem crebra vox clarissimo viro digna, qua se optavit aut celeriter emori, aut utilem Ecclesiæ fieri. Sed quod postremo loco voluit, id ei primum accidit. Quoniam ex hoc quoque morbo gravi & diuturno cum cœpisset paululum ad se redire, unà cum vere aliquam quasi valetudinem recuperavit: tamen ejusmodi, qualis ex tanto naufragio vix sane expectenda, vel diuturna fore videretur: Sed ut nautæ quamvis portum non conspiciant, tamen sedata tempestate in spem salutis veniunt: ita is sub-

*Orat. Angli-
can.*

*Secundum Bucer
morbum.*

*Rediit ad va-
letudinem.*

lata morbi gravissima vi, bene de reliquo sperare & integram sibi polliceri valetudinem cepit. Veruntamen in eadem serè parte peccavit, qua hi de quibus dixi, nautæ. Etenim ut illorum animi procellis franguntur, serenitate negligentes fiunt: ita is represso morbo, quasi neglexit valetudinem, & totam curam ac cogitationem defixit in eo, ut sui quam simillimus, id est occupatissimus esse videretur. Et quidem certe constat nunquam illum esse visum magis occupatum, quam illa ætate fuit. Cujus in ipso ardore (ut cætera non attingam) cum magna nostra Comititia haberentur, & omnes eum privatim amici, publica voce magistratus, universo consensu cuncti ad solennes disputationes, non præsentia tantum sua, verum etiam opera, studio, & professione honestandas deposcerent: concessum est ei privilegium totius Academix maximo plausu (id quod ante eum nemini) ut absque ullo publico ritu & usitata ceremonia, quoniam id postularat, inauguraretur. In eis autem ita se gessit, ut cum primo comitiorum die ipse responderet, secundo disputaret in maximis & gravissimis controversiis, nihil relinqueret, quod cujusquam animum posset aliqua dubitatione retardare. Sed ut in pervulgatis artificijs solet esse inter se artificum contentio, & peritissimo atque optimo plerumque invidetur: ita doctissimi viri laus in aliquo invidiosorum numero effugere reprehensionem non potuit. Fatale hoc nescio quid est, ut Virtutis comes Invidia sit, & præstans atque egregia doctrina semper habeat obrectatorem. Auxit in tunc invidiam novitas, quæ multis sæpe claris hominibus obfuit, huic autem obfuisse nunquam, nisi ejusmodi fuissent quibuscum diserebat, qui omnia docere, nihil discere didicissent. Itaque tametsi exaudita fuit ab omnibus summa cum admiratione divini hominis vox & oratio, tantamque ex eo sermone etiam inimicorum judicio laudem adeptus erat, ut nihil unquam in nostra schola præclarius esse factum constaret, sparsæ sunt tamen in rus malevolorum calumniæ, & sacrificulorum aures istiusmodi voculis oppletæ, quibus de nostri Buceris fama & ingenii & doctrinæ permultum detrahebatur: omnis vero laus in eam partem conferretur, ut Jungus quocum ei certamen fuit, obruisse eum acumine *Jungus.* suo, & copiosissimis disputationibus, ac maxima scientia fregisse diceretur. Qui rumor ita hunc non movit, ut aliquando in multis causis irator: ita Jungum incendit, ut nunquam in ulla elatior esse videretur. Cujus rei fati magnum nobis judicium præbuit, cum (priusquam Oxonia Buceris nosster rediret, quo visendi Petri Martyris causa profectus erat) commotus scilicet nonnulla gloriola & prædicatione suorum fratrum, interpretandi sibi docendique munus assumeret: in quo non fuit contentus quæ videbantur asferre, famam quoque Buceris lædere voluit, & maxima eorum idem in sanctissimum virum convicium effundere, quod vulgo per sacrificulorum ora jactari audierat. Hic homo lenissimus & patientissimus stonachi, licet omnium contumelias & jurgia multos annos ferre didicisset, tamen ægrè tulit ab inimico doctrinam suam in invidiam vocari. Nam cætera ad ea assuefactus sic perpetuo ferebat, ut vita potius quam oratione refellenda existimaret. In literis siquid reprehenderetur, id sibi quovis modo palam præstandum arbitraretur. Quapropter & apud nos multa publicè cum assensione omnium bonorum, & de eadem re privatim ad nos. Sed tuo maxime adventu, utri-

Æstiva academia comitia.

Bucerum sine cerimonia coopertus in numerum doctorum Theologia.

Petrus Martyr.

*Comparatio
Fungi & Buc-
eri.*

usque hominis ingenium perspectum fuit. Nam cum ambo coram te sisterentur, & alterius summa gravitas, singularis prudentia, excellens in omni genere doctrinæ probaretur: alterius cachinni & puerilis sermo vehementer tibi displicerent: ita uterque à te discessit, ut noster Bucerus honorifice tractatus, Jungus ignominia notatus videretur. Quod quamvis ei accidisse ipsius causa nollem, præsertim cum & ingenio & lingua valeat, & multa commode faciat: tamen sic omnes existimabant eam poenam homini fastidiosè arroganti debitam fuisse. Sed quam tu pro summa humanitate tua, & illa qua omnibus præstas, moderatione animi non infixisses, nisi & is se nimium pueriliter gessisset, & tuæ lædi præstantissimi viri famam ac nomen moleste tulisses. Itaque sapientiæ fuit, quòd tantum crimen non es passus supplicio carere: moderationis, quòd diuturnum esse nolebis: humanitatis, quòd quaecumque fuit, id te invitum statuere videbamus: ut si nunc, quòd nonnulli criminantur, durius cum eo agatur, id tibi sua temeritate accivisse, non vos vestra severitate imposuisse putandum sit. Sed redeo ad nostrum, qui præclarissimis jactis fundamentis ejus controversiæ, & omnibus quæ in eam pertinerent conquestis rationibus, ita uno libro sententiam suam complexus est, ut vestro iudicio, quibus statuendi potestas fuit nihil plenius perfectiusque dici aut scribi videretur. Quapropter cum minimè ferendum putaretis à sedato docendi munere hominem moderatissimum ad jurgia & lites advocari, repressi adversarii contentione, reliquum ei tempus liberum & vacuum ad cætera studia reliquistis. In quo pergratum ei fecistis, homini cum ab omni litigioso congressu alienissimo, tum in ipso ardore adversariorum & disputationis æstu, sedatissimo. Quæ res eo majorem illi laudem afferebat, quo in meliori causa justius commoveri incendique iracundia poterat: eo scdiorum maculam inussit adversariis, quo in rebus sæpè leviculis, aliquando etiam apertissimè falsis vociferari, & clamores profundere impudentissimè consueverunt. Sed hunc morem hic noster non convitiis incessans, sed verbis deplorans, à se quam longissimè removerat, & ut ab omni liberorum colloquio ac Christianorum disputationibus absentes, magnoperè & frequenter optare solebat. Siquidem hanc unam dicebat præcipuam pestem adversariorum animos & studia occupare, quæ usque eo sensus omnes verborum temeritate obrueret, & mentis ac rationis lumen offunderet, ut cum in profundissimis erroribus demersi jacerent, tamen severitatem manibus tenere, & in sinu conditam habere arbitrarentur. Verissime quidem ut mihi videtur, senties, cum ad perspicendum quid in quaque re verum sit, nihil pacato tranquilloque animo accommodatius, nihil irato & incenso magis adversarium esse queat. Nam ex eo fit, ut dum adversarii cum clamore & impetu & convitio, sæpè etiam ferro, flamma, cruce, verterem ut ajunt, possessionem & majorum jus tueri ac retinere volunt, ardore animorum & præcipiti quodam studio ad inanitatem & inscitiam devolvantur, sæpè etiam turpitudinem Christiano homine indignam. Multa solebat noster Bucerus hujus rei exempla proferre. Sed ego ex omnibus unum attingam, quod et propter rei ipsius novitatem, et ejus quem nominabat auctoritatem, mirabile videatur necesse est. Cujus enim iracundiæ est, sic disputando effervesce, ut prius in manibus, quam in vultu perturbationis

notæ

*Liber Buceri
contra asserio-
nem Fungi.*

*Adversariorum
maximum viti-
um.*

*Stephanus Gar-
dinerus quon-
dam Winton.
Episcop.*

notæ deprehendantur? Aut quem tu hominem existimes, qui cum amplissimi muneris procuracionem sustineat, & regiæ Majestatis legatus ad publicum totius penè Europæ conventum consiliumque mittatur, non animi moderationem, sapientis consilii gubernatricem, sed alterius partis odio inflammatam contentionem afferat. Hunc ego nominarem, nisi ita omnibus esset notus, ut nullus ferè nunc sermo in circulis versetur, nisi quomodo ille se gesserit & gerat. Sed retulit mihi noster Bucerus, cum in Ratifponensi concilio, quo is mandato Regio profectus erat, permulta à gravissimis viris sapientissimè agitata & acutissime disputata essent, hunc præ cæteris omnibus (tamen ad eum conventum aliquot præterea satis graves inimicitias secum attulissent) sic furia quadam percitum fuisse, ut mente vix consisteret. Sic autem secum & cum Alefio rixari, atque ita convitio incallescere, ut in dextra ejus manu, inter pollicem et indicem, id quod Bucerus in nemine se dixit unquam animadvertisse, vena quædam intumescens, tam celeri & perspicuo motu palpitaret, ut omnes qui illum aspexerant, ad pugnandum quam ad disputandum, ad arma quam ad consilium paratiorem venisse dicerent. Quod si idem semota iracundia, vel ipse per se considerare, vel ab aliis audire voluisset, quid inter *πολεμὸς ὁ βασιλικὸς* interesset, nam de his sermo fuit, neque tum ulla extitisset inter eos acris concertatio & convitiorum, quibus postea sanctissimum hominem concidit, occasio fuisse sublata. De quibus nihil dicam, nisi me magnoperè dubitare, utrum Bucerus sanctior, moderator, patientior fuerit, qui tot falsis criminibus commotus non est, an ille impudentior, qui non est veritus in totius orbis oculis manifestissimum mendacium defigere. Nam profecto si unquam nostris temporibus in ullo continentia fuit, in Bucero fuit, quem is libidinosus senem in convitiatore libello vocat, nos temperantissimum & moderatissimum hominem, sanctissimum virum cognovimus, cujusque vitam cum contemplaremur, doctrinam virtutis assequi, verba cum audiremus, veritatis vocem in auribus nostris insonantem percipere solebamus. Quò utinam nobis licuisset diutius perfrui. Non verendum sanè fuisset, ne pro temperantia voluptates, pro mansuetudine jurgia, pro moderatis moribus, iratos & truculentos animos abstulissemus. Sed nunc sive nostro, sive suo sublatus vitio est, quod vel nos ad imitandum tardiores eramus, vel is ad docendum laboriosior & promptior, revocare certè non possumus: pro virtute tamen ejus singulari optare licet, ut aliquid à studiis temporis se junxisset, atque ad vires & valetudinem contulisset. Quod si voluisset facere, neque illum tam inopinata mors, nec nos tam inexpectatus dolor attigisset.

Sed hoc semper in summi viri laudibus vitium fuit, quod se immoderatus maluit laboribus frangere, quàm ullum momentum perdendo, suæ salutis & nostræ utilitati consulere. Nam quid commemorem hujus prætergressæ hyemis labores? Quid nocturnas vigilias? Quid matutinas excubias? Quid perpetuas commentationes? Cum uno tempore pluribus operibus satisfacere vellet, cum idem & publicè nos doceret, & domi regnum Christi literis mandaret. Qui liber si cætera non essent quod ejus à nobis discessu multa desideret, satis causæ habere debet, cur graviter mœreamus. Continebat enim absolutissimam & perfectissimam totius Christianæ doctrinæ effugiem,

Fortis

*Immoderatus
Buceri labor in
studiis.*

*Liber Buceri de
regno Christi.*

non coloribus expressam, sed lineamentis informatam, sed qui pulcherrima specie prodiiisset, si ejus migratio conatum non impedivisset. Universum de omnibus rebus proposuerat sibi erudire hominum cœtum, & in totum orbem divulgare doctrinam judicii & opinionis suæ: quod etiam antè provocatus aliorum calumniis fecerat; neque apud nos destitit, licet afflicta valetudine, fractisque viribus idem ulque ad extremum spiritum facere. Quando enim illum vel ingravescens senectus, vel temporum difficultas, vel obtruncatorum convitia, vel debilitas, vel morbus retardare ac reprimere potuerunt, quo minus omnes vias quibus Ecclesiæ orbitati succurri posset, experiretur. Quis illum adivit unquam, qui otiosum offendit? Quis convenit, qui non velior vir discessit? Ipsa prænèdia & cœnæ sanctissimis colloquiis, eruditissimis disputationibus sermonibusque refertæ. In hac ille constantia & perpetuitate studii, cum adversante valetudine perseveraret, cumque nec amicorum consiliis, nec fidissimæ conjugis crebræ hortationi parere vellet, & homo occupatissima mente atque ardore incredibili perpetuo aliquid agendi

*Tertius morbus
qui finem vitæ
attulit.*

valetudinem contemneret, cui nostram utilitatem semper anteposuit, Idibus Februar. in eum morbum incidit, qui mortem quam secum annum jam amplius circumtulera, paucis post diebus attulit: & quæ aliquot post annis maturiore ætate obrepisset, nisi in operibus nimium festinans & properans, antè in medio spacio defatigatus corruisset, quam cursum sibi propositum conficere potuisset. Grave nobis omnibus spectaculum, domesticis vero suis etiam ludivosum, cum summa totius corporis debilitate, enervatis membris, afflicto ventriculo, ita perpetuo singultu cruciaretur, ut ægrè cujusquam congressum colloquiumque ferret. Non quod vel de humanitate erga nos, vel pietate erga omnes aliquid esset diminutum, sed sensit præclarus vir & omni sæculorum memoria dignus sensit extremum sibi diem imminere. Itaque non jam cum aliis, quos omnes scientia vincebat, sed secum ipse loqui ac meditari cœpit. Memini cum M. Joannes Bradfordus sanctus adolescens & huic nostro charissimus, singulari quodam commemorationis genere usus esset, & Christi servatoris ac domini nostri promissa explicaret, hortareturque ut qui vir esset cogitaret, quid docuisset, qua semper constantia, qua fide, qua pietate usus esset, & ut tum præcipue cum maxime urgeretur, totam mentem, cogitationem, curam in Deum copjiceret, esse unum qui nobis nostra peccata præstitit, qui à tenebris ad lucem, à desperatione ad spem, à morte ad vitam revocarit: memini inquam paulo commotiorem esse factum, & ut videbatur iracundius respondere, se nolle mentem ab ea cogitatione in qua esset, cujusquam sermone vel cohortatione distrahi: observatori oculis Christum Crucifixum, habitare Deum in corde, nihil meditari nisi cœlum, nisi celum ab hoc corpore discessionem. Idque tum multo magis confirmavit, cum medicorum hortatu jussus cibum capere, negavit se id facturum, quod aliud vitæ genus meditaretur. Sed cum illi infarent, ut cogitaret non sibi se, sed multorum utilitati esse natum: geramus igitur morem inquit. Ita summus & sanctissimus vir cum se intueretur, mori maluit quam vivere. quod eam quam expectabat, quam qua fruebatur vitam, beatiorum cognosceret: ad nos cum respiceret, vitam poscebat, motus scilicet incredibili charitate, qua omnes sanctos & Christi Ecclesiam complectebatur.

*Taciturnitas in
morbo qualis.
Bradfordus.*

*Finis hujus con-
sueptio.*

*Charitas erga
Ecclesiam
Christi.*

Quoties

Quoties ego illum audiui deplorantem Germaniæ vastitatem, idque gravissimis verbis, cum cœlum contemplans, à Deo. Opt. Max. precaretur, ut & suæ gentis cum misericordia caperet, & non pateretur Angliam in ea vitia dilabi, quæ jampridem Germaniæ cladem attulissent. Vereri se quod in tanto ardore multorum cognoscendi Dei & restaurandæ Ecclesiæ cum disciplina deesset, qua improbi castigarentur, & ordo in ministerio retinebatur, non posse diu bonos eorum conatus progredi. Hæc ille sæpe quidem, sed tum vehementissime, cum extremo halitu Ecclesiam hanc nostram quasi filiam complexus pius pater, Regiæ Majestati atque omnibus bonis commendavit, optavitque nobis audientibus, ut quæ ad Regiam Majestatem de disciplina Ecclesiæ scripserat, locum et sedem in hoc florentissimo regno, & sine controversia Dei domicilio, reperirent. Sperare se si id foret, nullam huic Reip. calamitatem, nullam deformitatem evenire posse: & timere ni foret, ne non tam paucorum studio restaurandæ Ecclesiæ Deus placari, quam multorum improbitate et luxuria irritari velit. Atque hæc ejus charitas erga universos. Suæ constantiæ testes edidit breves sententias, quas ut commodum ei videretur, ad amicorum mentes confirmandas, & bona piaque de se opinione imbuendas, proferebat. Veluti cum Bradfordus, de quo ante mentionem feci, concionatum iret, seque dixit velle in precibus ejus meminisse, collachrymans: Ne inquit, abiciās me domine in tempore senectutis meæ, cum defecerit virtus mea: tum addidit, Castiget fortiter, abiciet autem nunquam, nunquam abiciet. Raro quidem ille loquebatur, quod tota mente in Deum defixus erat, ægrè etiam patiebatur alterius vocem: attamen ne tacendo stuporem nobis afferret, aliquando paucissimis verbis, sed suavissimis & plenissimis consolationis, utebatur. Quemadmodum admoneretur, ut se armaret contra periculosissimum tempus, & contra diaboli impetum obfirmaret, qui tum maximam ei conaretur molestiam exhibere: Nihil habeo, inquit, cum diabolo commune: in Christo solummodo sum. Et, Absit, absit, ut nunc consolationes dulcissimas non experiret. Iam illud mihi prætermittendum non videtur, quod medicis ac reliquis ejus amicis metuentibus, ne deficiente luna, vires quoque ipsam deficerent, & morbi vi opprimeretur: cum postridie paululum recreatus videretur esse vegetior, atque ad eum pro suo more venisset Bradfordus, & medicorum timorem, solitudinem amicorum, ex eo lunæ defectu ac cœli perturbatione explicasset, porrexisse dicitur tres digitos, & oculis in illud sempiternum cœlum elatis: Ille, ille inquit, regit & moderatur omnia.

Qua autem patientia, qua magnitudine animi fuit, cum continuis acerrimisque doloribus ureretur, omnes qui verum fateri voluunt, commemorare possunt: nos qui cum eo magis assidui eramus, tale mansuetudinis & tolerantiae spectaculum perpetuum vidimus, quale ut crebro videamus optandum est, et verendum ne unquam posthac simile visuri sumus. Nullum auditum fuit ejus lachrymabile verbum, nulla querela valetudinis, nulla vox significatrix doloris. Ita constanter et moderatè perpetui cruciatus immanitatem pertulit. Vitæ simillima mors, quam si noris, quomodo sit mortuus nescire non potes. Timidè mori nequit, cui viriliter ægrotat: nec in-

*Liber Bucer
de disciplina
Ecclesiæ.*

Luna defectu.

*Patientia in
morbo.*

Mat.

vitus

*celebritas in
funere.*

*Omnium erga
Eucerii mortuum
benevolentia.*

vitæ discedit, qui abesse cupit: nec cui mors optabilis est, ei vita potest esse suavis. Sic vixit, ut nemo melius: ita est mortuus, ut nemo beatus: sic ægrotavit, ut nemo dolentem videret: sic demigravit, ut nemo morientem cerneret. Dignissimus tali & vitæ & mortæ, quarum altera gloriosorum laborum plena, altera omni sensu vacua fuit. Etenim sic vitam cum morte commutavit, ut ipse sua sponte quasi efflare animam, non mortis violentia extortam, dimittere videretur. Vulnus attingi quod fecit dolorem, sed ita ut causas quoque possis videre cur fecerit. Nunc de luctu dicam, in quo si nos soli fuimus ferendum, sin cum multis, lætandum etiam præstantissimi viri funus à multis esse deploratum. Sed quomodo, qua frequentia, quo genere, à quibus id quoque dicendum videtur. Primum qui potuit abesse moror ab ejus funere, cum quo exquisitissima doctrina in tumultum illata est? aut quomodo deesse sepulchræ honor, in cuius laudem omnes erant honores effundendi? Semper hoc usitatum apud omnes gentes, ut in clarorum virorum funeribus omnis celebritas quæreretur: adessent amici qui exequiis darent operam: convocarentur vicini, qui amicorum studium adjuvarent: cives evocarentur, ut frequentia & comitatu funus cohonestarent: pompa in sepultura, quæ nec vulgaris, nec temporis causa constituta, sed & singularis & jure tributa esset. In hujus divini hominis sepultura tantus est concursus omnium factus, tanta frequentia stipatum funus, is comitatus omnium generum, ætatis, ordinis, ut vicini non accersiti, sed sua sponte parati: cives non aliena voce evocati, sed per se effusi: honores non quærati, sed allati, non flagitati, sed condonati esse viderentur. Neque tamen defuit amicorum voluntas, & Magistratum diligentia, ut amplissimus vir amplissimè supremo die suo esseretur. Siquidem à Procancellario mandatum, à præconibus edictum, ut omnia Collegia adessent, in funere cum honorem mortuo tributuri, qui esset tantæ præstantiæ & virtutis memoria dignus: ut quoniam is semper nostram utilitatem pluris fecisset quam valetudinem suam, & plurimis maximisque ornamentis Academiam nostram affecisset, hac una in re, cum in alia non possent, quam maximæ ei gratiæ haberentur. Hoc ita gratum omnibus fuit, ut tamen non inexpectatum neque novum. Ut autem esset ea celebritas quæ deceret, primum diem sepulchræ selexerunt, quo maximè populus vacaret: deinde locum ejusmodi, qui & frequentia celeberrimus esset, & ipsa specie atque forma nostrorum templorum augustissimus: horam & à reliquis negotiis vacuam, & huic functioni accommodatam. Eam cum instare campana significaret, ita subito cunctæ se familiæ ejecerunt, tantaque concursatio fuit muliercularum & puerorum, tam frequens virorum cœtus, ut omnis illa via quæ est ab ejus domo usque ad templum Mariæ, quo funus ducebatur, omnibus ex partibus obstita oppletaque teneretur: tanta autem singulorum admiratio fuit, cum propter exquisitos in ejus funere honores, tum propter incredibilem oppidanorum frequentiam, uno in loco, uno tempore collectam, ut & noster luctus augetetur, quorum calamitatis tot essent spectatores, & illi misericordia commoverentur, quod eam lugendi causam haberemus. Inde vero perpetuum per agmen funus ad templum diductum est, cum quo tanta est ingressa multitudo, tanto concursu & jactatione, ut celerrime universum complectetur,

compleretur, maximaque pars coacta sit in ipso vestibulo & aditu templi consistere: ita ut ipse populus quasi valvarum loco ad excludendum introeuntes oppositus esse videretur. Hic quasi laudis prænuncii valvis ipsis affixi verius, & numero & varietate & elegantia conspiciendi. Horum numerosam prædicationem, posito funere, præclara oratione subsequutus est noster Haddonus, qua divini hominis desiderium sic reficiebat, ut multorum lachrymas, per omnium ora peragrante mœstitiâ cerneret. Eam quod melius ex ipsius scripto, quam ex meis literis cognosci potest, eisdem verbis quibus ad me aliquot dies post perscriptam misi, interpofui.

Epistola.

D. Gualteri Haddoni oratio.

MUltæ fortassis auribus, nulla potest major contra terrores mortis disciplina percipi, quam hoc ipso præsentē funere lucuosissimo quidem illo & ærumnosissimo, sed tamen ad communem naturæ nostræ fragilitatem ponderandam aptissimo. Charissimi patres & fratres, patrem nostrum & fratrem, excellentissimum doctorem D. M. Bucerum cognovistis vivum, intuemini mortuum, vidistis hominem, cadaver cernitis, audistis Theologum præstantissimum, truncum sine sensu contemplamini, vivus Magister erat ad vitam Bucerus, idem mortuus præceptor sit ad mortem: vivens & spirans assidue nos erudiebat ex Ecclesiarum et scholarum pulpitis Bucerus, nunc mortuus clamat ex pheretro, invocat ex fasciis, quid clamat? quid docet? quod ferè nunquam meminisse possumus, cum tamen semper in animo inherere debeat: Exuendam hanc mortalem vitam, induendam immortalē: deponendum præsens et laboriosum tabernaculum, ut sumatur ad æternitatem perpurgatum corpus: Denique exeundum ex hoc sæculo, ut transferamur in aliud: migrandum ab hominibus, ut jungamur Deo. Quæ si nobis omnia debent omnibus funeribus occurrere, singularis animadversio in hoc divinitissimo præceptore nostro M. Bucero esse debet. Deus enim naturam ejus omnibus doctrinarum luminibus & virtutum ita compleverat, ut unus nostra ætate dignissimus immortalitate videri posset: recidit tamen ad cineres, ut surgeret ad coronam, & corpore correptis in terram, ut spiritu subvolaret in cælum. Nos igitur, nos fratres & vehementer quidem allaborare decet, ut excellentissimi præceptoris nostri vitam imitemur, mortem expectemus, subeamus labores, consectemur præmia, toleremus contumelias, ascendamus ad gloriam. His itineribus præceptor noster antegressus est, eisdem viis erit nobis subsequendum. Qua in re certiores ut cursum tenere possimus, utinam tempus & valetudo mea ferrent, ut hunc nobis eximium virum particulatim, & omnibus membris expingerem. Sed non licet. Semimortuus enim de mortuo loquor, de familiari familiaris, amicis de amicissimo. Quapropter et morbus diligentiam impedit, et familiaritas minuit authoritatem, et amicitia vix aliquid conari sinit. Magnum enim et planè incredibilem præceptoris nostri morte dolorem accepi, neque dubito

G. Haddoni oratio.

M m

dubito quin omnes acceperitis, quibuscumque vera Dei religio & vitæ honestas curæ est. Non enim unus erat ex doctoribus plebeis, sed singularis ex omnibus Theologiæ principibus, non quem multi laudare, sed quem omnes admirari, non quem omnes amici expeterent, sed quem universi inimici reformidarent, non ad quosdam Christianos, sed ad totum Christum, non ad certos homines, sed omne humanum genus adjuvandum natus & procreatus. Multum videor dicere, tamen cum immensitatem ejus bonitatis & doctrinæ animo colligo, superat ejus doctrina meam orationem, virtus etiam cogitationem. Sed de vita non loquar, quam licet propius aspicere poteram, propter nieam interiorum cum eo consuetudinem, tamen nimis mihi longum esset, & amicus frustra laudarem, quod nemo unquam ausus est inimicus reprehendere. De literis hoc unum summam ponam: Quæ ipse aliis singula singulis, ea in uno pariter universa concidisse. Augustini fuit in illo acumen, Hieronymi linguarum varietas & doctrina, disciplina Cypriani, Ambrosii autoritas, Originis scientia, Chrysostomi in docendo perspicuitas. Bernardi integritas in vita: vel hæc in illis priscis Ecclesiarum heroibus uberiora si fuerint (uri fuisse confiteor) tamen particulas ex omnibus excellentissimas noster Bucerus tanto studio arripuit, tot ornamentis perpoluit, ut si non unus cum omnibus, tamen separatim cum singulis comparari possit: aut in illo augusto veterum choro si non præsideat, in hominibus nostri sæculi, omnibus ex partibus inter alios emineat. Sed infinitas ejus laudes oratione non sequar, ad quas pauci, aut ne pauci quidem pervenire possunt, imitationem ejus vitæ ac fidei nobis iterum atque iterum diligenterissime commendo, ad quos omnes se quantum possunt, conformare debent. Quam ad rem si vita Buceris magnum momentum attulit, mors certe majus asferre debet, qui præsens & domesticus testis ante oculos jacet, præsentis, vitæ occidentis, & futuræ nascentis. Bucerus si solus testis est, ne curetis: si maximus contemnite. Sed prophetæ mortui sunt, & Apostoli magnis & immensis coetibus, si multitudo spectatur, si dignitas Dominus noster Jesus de gloria divina se ipse depressit, ut non solum mortem, sed etiam infamem & tetram oppeteret, ut primum communis mortis, deinde etiam æternæ vitæ in illo exemplum cerneremus. Primus igitur ad Christum respectus est; quem Paulus primitias mortuorum vocat, quoniam primus viam ex morte ad vitam nobis communivit. Secundus ad Apostolorum & martyrum catervas, quos Dominus noster Jesus Christus ex horum corporum gurgustis, ad æternam perpetuæ felicitatis domum iisdem itineribus evocavit. Tertius in hoc ipso defigatur Doctor Martinus Bucerus, quem ad Apostolorum ordinem aggregare possumus. Cum enim illorum in vitam fidem & doctrinam sequutus sit, non dubito, quin gloriam in morte sit assequutus. His igitur exemplis ita nos ipsos instruamus, & tam altè mentes nostras exaggeremus, semper ut sursum sint: tum enim fidentibus animis, cum opus erit, ad mortem gradiemur, & ad illam hereditatem perveniamus, quam Deus communis noster clementissimus pater, propter Jesum Christum omnibus reservat, qui sinceris moribus et vera fide ad illum confugiunt.

Hæc cum ille depressa ac lamentabili voce & vultu tristiore dixisset, mi-

rifica ~~munda~~ omnium animos occupaverat. Quid multa? Quas laudes D. Haddonus ex inferiori loco & ad nostros et ante humationem mortuo tribuerat, eadem ex superiori loco iustis persolutis humatoque corpore, persequutus est D. Parkerus singulari orationis varietate, maxima totius populi admiratione. Atque ille non solum eas sibi partes sumpsit ornandi ac defendendi nostri Bucer, quas paulo ante D. Haddoni præoccupaverat oratio, verum etiam & gratulandi et lugendi modum rationemque præscripsit. Cujusneque necesse mihi erit singulos locos attingere, neque si id quidem maxime vellem, commodè in hoc loco facere possem: omnino ut præteream, cum ipsius singularis diligentia, tum amor erga Bucerum eximius, coegerunt: quorum alter perfecit, ut omnia si persequerer deformare ejus scripta, non ad aliorum aures transmittere viderer: altero & nobis detraxit sollicitudinem, qui nostras vires contemnebamus & cæterorum studia ac voluntates adjuvit, qui universum illius decursum orationis cupiunt cognoscere. Unum tamen prætermittere nullo modo possum: cujus recordatio propter utilitatem præceptionis semper debet in animis nostris inhaerere: & in quo non major putabatur vis ad reprimendas (quam hoc studiose faciebat) quam ad provocandas & extorquendas lachrymas inesse.

Etenim proposita primum scelicitate nostri Bucer, & collaudato sancto-
rum coetu, enumeratis præmiis quibus vita integerrime acta solet affici, ve-
luit nos sanctissimi viri mortem lugere: siquidem præclare cum eo esse actum, qui laboriosissima vita perfunctus, & plurimis devoratis molestiis, tanquam è fluctibus in portum, è turba & colluvione hominum, in sempiternam pacem & coetum sanctorum receptus sit. Rursus commemoratis poenis quas impiorum hominum & non obedientium sceleribus infligit Deus, nostraque ante oculos posita tarditate, qui tam salutarem nuntium negligenter complexi sumus, quorumque è dissolutissimis moribus sit creptus ad consequentis graviorem poenam temporis, justissimam esse oblatam dixit morrendi lachrymandique causam: eamque si delabi pateremur, ac non omni mente & sensibus ad luctum, lachrymas, suspiria, gemitus, converteremur, fore ut obduratos nostros animos non ferens Deus, licet jampridem ex hujus morte magna ruina quatefecisset, multo tamen post hac atrocioribus suppliciis sit excruciaturus. Constitisse videlicet eum quasi præcipuum quem iam inter nos architectum, qui diem, qui horam nullam intermitteret aliquid semper comportandi, quod ad domum Dei ædificandam videretur esse idoneum: nos, nos Cantabrigines partim temporibus assentientes, ad idem opus devolutos esse, vix tamen ad unum lapidem porrigendum manum admove: partim invidia, cæcitate, & veteribus superstitionis sceleribus oppressos motus ciere, vim parare qua fundamenta subruere, tecta & parietes dejicere possimus. Itaque alterius partis simulatam industriad, odium alterius infinitum diutius ferre Deum non potuisse: ac propterea hanc nobis poenam sceleris si perseveremus, sin revertamur & doleamus, medicinam erroris adhibuisse. Atque ita universo hoc loco in Bucer, felicitate gratulationis, in nostra miseria luctus et lachrymarum copiose, sane & accurate explicato: de præstantissime virtutis et incomparabilis doctrinæ laudibus

Doflor Parkerus

Bucer in morte
felicitas.

Nostratardus.

Buceris Archi-
tectus domus
Dei.

Thoborauar.

Papiste.

laudibus multa adjecit, quarum aliquæ partes à me paulo superius tadæ, ab eo fulsime pertractatæ erant: quarumque ego umbram et speciem paucis verbis sequutus sum, is eminentem et expressam effigiem dicendo erat assequutus. Quam orationem, quod brevi speramus in vulgus exituram, optamus etiam ut eorum manibus teratur, qui divinis Bucerî nostri laudibus favent. Nam ex ea non solum alicuius voluptate, cum in mentem redeat sanctissimæ conjunctionis recordatio, verum etiam multo magis lætitia effertur, cum ejus integerrimos mores, vitæ exemplum innocentissimæ, autoritatis, diligentia, frugalitatis, modestia, continentia, omnis denique virtutis imaginem oculis suis propositam videant. Nam de invidiis non laboramus, quos cum nihil ita exedit, ut alienæ virtutis prædicatio: eis nec jucunda memoria, nec grata præstantissimi viri imitatio esse potest. Sed de Parkerò satis, cujus eruditam vocem malo te & reliquos ex ipsius scriptis percipere, quam me referente cognoscere. Is igitur cum peroravisset, discessum est, & reliqua celebritas in posterum diem dilata. Quo die cum de more sacra peracta essent, nec satis magnæ optimo & sanctissimo viro laudes tribui potuissent viderentur, qui omnium studia et conatus exquirendarum laudum virtute superaret: rogatus est D. Redmannus, ut quoniam auctoritate & existimatione reliquis præire videretur, vellet sibi eum locum sumere, et pro concione aliquid de clarissimo viro loqui. Quod cum is se facturum libenter receperat, sic processit, tanquam à quo populus aliquid egregium pro ipsius pietate, erga bonos expectaret. Neque is omnino in eo plebis opinionem fefellerit. Siquidem ex ejus oratione crevisse etiam videbatur existimatio et gloria nostri Bucerî. Quæ quoniam uberrimam in se laudis fegementum continebat, ita ut unam aliquam ejus particulam ornanti, deesse oratio non posset, tamen eo magis tum ipsius virtuti gratulabamur, quod ne is quidem, cujus interdum actionibus repugnabat, & à quo dissentire putabatur, ullius rei vituperandæ aut calumniandæ materiem reperire poterat. Quapropter si hominum opiniones & judicia spectes, florem attulit & speciem ornamentis superiorum oratio, hujus vero etiam defensionem. Nam quæ à veteribus amicis & omni studio conjunctissimis proficiuntur, gratia nonnunquam & benevolentia concedi putantur: Sed cui repugnes, ab eo prædicari & ornari, id vel singularis in teipso virtutis indicium habet, quæ omnem reprehensionem effugit: vel laudatoris probos mores significat, qui paucarum rerum dissentione semota, reliquas non solum debita commendatione fraudare. Utrumvis ut fuerit, equidem præclare nobiscum agitur, & cum Bucerum in oculis gerimus, cui nihil vituperationis loco obijci potuit, tum D. Redmanni probitati gratulamur, qui è nonnulla inter ipsos de arduis rebus discordia, injuste eum lædendi occasionem noluit arripere. Nam hac mente, ut videbatur, prodians, tot laudibus nostrum Bucerum convestivit, ut si quæ usquam macula in ejus vita extitisset, tamen his illius ornamentis obruta planè deletaque fuisset. De quibus si roges, difficile mihi omnino est, eadem varietate & copia, qua erat usus, distributè, dispositæque repetere. Scis enim propositis quibusdam capitibus, si quid incurrat, quod ad rem augendam minuendamve pertineat, quod ad excitandum, deterrendum, objurandum, resellendum, commiserandum.

Dolior Redmannus.

Defensio Bucer.

commiserandum spectet, quam mirabiliter id solet & magnifice tractari à nostris artificibus, præsertim in eo genere peritis, & vernacula nostra domesticaque lingua exercitatis: ut mihi instituenti ad te actorum quasi commentariolum aliquod scribere, non eodem sint artificio & ubertate singula exponenda, quæ ab illis, quorum facta & dicta percenseo, explicata perpoli-
taque erant. Quare licet capita quædam degustanti, de reliquis conjecturam facere. E quibus sit mihi primum illud, in quo parum se dicebat Bucero & Augustino laudem tribuere: quorum in utriusque libris, cum multa divinitus conscripta reperiantur, tamen & à Bucero cum viveret quævisisse, & ab Augustino si revivisceret quæsiturum esse, reprehendens neutrum, sed non utrique omnibus assentiens, planeque de multis dubitans, quomodo ipsi suas sententias & scripta interpretarentur. Nam & in Augustini volu-
minibus esse permulta cum structura verborum impedita, tum sententiarum acumine, dicendi quoque ratione fortasse non nimium perspicua, quasi aliqua caligine offusa: et ex Buceri scriptis existere nonnunquam eisdem ferè de causis dubitationem. Licere igitur de utriusque nonnullis locis hæsitantem, ab utroque quid uterque voluerit, sine contumelia sciscitari. In hanc sententiam plura: sed nihil præclarius, quam quod idem uberrimè laudatis iis commentariis quos in D. Pauli Epistolam ad Rom. & in Davidis hymnos edidit, illud quasi corollarium adjecit: habere videlicet eos in se tam plenam & perfectam undique doctrinam Christianæ religionis: interpretationemque tam luculentam & perspicuam, ut cum illorum veterum augustissimorum hominum & virorum doctissimorum monumentis, quorum jam multis sæculis consecratæ literæ atque artes fuerunt, quosque religionis & sacrorum interpretes cuncti hos mille annos amplius asciverunt, omnibus ex partibus conferri compararique posse existimaret. De reliquis, & A Bucero satisfactum esse Redmanno in multis. Dolet amissum Bucero Redmannu.

quo tam multa didicisset, verum etiam quo deinceps à quo discat, habitum neminem. Simul & illud dolorem auxisse suum, quod talem non obrectatorem, sed authorem conatus ac diligentia suæ amisisset, qui & crebro eum domum invitaret, & ad omnem congressum se humanissimum præberet, hancque in præcipuis ejus ornamentis laudem reponebat, pluribusque verbis prædicabat, quod non difficilis ad eum aditus, non superba responsa, non insuavis, sed sine aculeis sermo, tum humanitas, consuetudo, consilium, auxillum prompta omnibus, sibi vero etiam paratissima fuere. In ipso colloquio mentem laudabat simplicem & apertam, & sine furo meditationes defensionis, & in concedendo, si quid dandum esset, facilitatem in resellendo, si minus placeret, lenitatem. Omnino hoc à se animadversum dicebat, nunquam illum fuisse victoriæ magis quam veritatis cupidum, nec cuius in speciem gloriosior responso, sed cuius probabilior esset, curasse, victrixque si triumpharet veritas, se victum æquo animo tulisse. Postremo, nunquam eum adiiisse, nunquam cum eo fuisse congressum, quin melior, probior,

Comparatio
Buceri & Augustini.

Comment. in
Epist. ad Rom.
& Psalm.

A Bucero satisfactum esse Redmanno in multis. Dolet amissum Bucero Redmannu.

Crebro ad se invitavit Redmannum Bucerus.

Facilitas Buceri in congressibus.

Veritatis magis quam victoriæ cupidum Bucerus. Bonos viros fecit Bucerus.

Redman. Gardinero ex omnibus Papistis opponitur.

Gardinerus in Bucerum, postremo libro.

Bucerus.

Gardineri ingenium.

ἡ ἀντίστα.

Gardineri φιλανθρωπία.

probior, sanctior vir discederet. Nos igitur cum hujus testimonium habemus, quem nostro Bucero adversarium, quem inimicum plerique putabant, quid Papistæ vociferentur magnoperè curabimus? & cum Redmannus Theologus laudaverit, quid Gardinerus jurisconsultus loquatur omnino spectabimus? Sit huic Bucerus homo vanus, mendax, nullius conscientiae, nullius fidei: Certe Redmanno, cum frequentissima corona, doctissimis viris audientibus concionem haberet, gravis, constans, sanctissimæ vitæ, nullius in se vestigium perfidiæ habere visus est. Avocat Gardinerus, vel convitio potius abaret ab Ecclesiarum ministerio Bucerus: at Redmannus orbatum ejus opera ministerium lugeat: Postulat impudenter Gardinerus ut sibi reconcilietur & redeat in gratiam: offendisse aliquem aliquando negat Redmannus. Certet igitur cum Gardineri impudentia, Redmanni verecundia: hujus modestia, cum illius convitio: cumque infinito illius odio, spectata hujus erga Bucerum benevolentia. Sed me quoque dices incallescere. Equidem commoveor ab homine ingeniosissimo & cum acumine tum etiam dicendi facultate præstanti, discerpi convitio Sanctissimum virum: quem nos ut patrem colebamus, ut præceptorem audiebamus, ut hominem nobis charissimum, cuique nos vicissim chari essemus, complexi sumus: & doleo in tam excellens ingenium tam depravatum morem incidisse, quod aliqui modestia excultum, detractaque ambitione præjudicatæ de se opinionis nutricula, omnibus qui nostro hoc sæculo excellentissima fuerunt, præstare facile potuisset. Sed hunc eadem labes oppressum tenuit, qua solent præstantissima plerumque ingenia obrui: & quæ si Sacræ literæ non essent, tamen vel unius testimonio Platonis evelli penitus è nostris moribus delerique deberet.

Siquidem præclare est apud eum, *Τοῦ αἵματος αὐτοῦ τὸ φιλεῖν ὁ θεὸς αὐτοῦ*. Quique se nimium amat, & suo assentatur ingenio, pravum se bonarum & malorum rerum, honestarum & turpium, falsarum & verarum judicem præbet. Pluribus hæc assero, ut singularis modestia & timor ac circumspexio laudetur nostri Bucer, qui ita se non amavit, ut omnium sententias libenter audire, de omnibus in utramque partem disputare, non pertinacem & durum animum asserere solitus sit: sed quemadmodum ante dixi, ita se gerere, ut constituto quod verum esset, æquo animo vel vincere vel vinci posset: ex altera parte notetur Gardineri *φιλαυψία*, qui quam opinionem domo exportare consueverat, quod se falli non posse putaret, omninoque turpe videretur coargui & reprehendi, eandem semper statuit, spreitis & contemptis aliorum quamvis doctissimorum sententiis, domum secum referre. Sed aliter facio, quam de principio institueram. Siquidem acta solum exigui cujusdam temporis decreveram ad te perscribere: nunc vero etiam in eadem Epistola laudationem inclusi. Sed meum in hac parte errorem (si modo error sit veras alicui laudes tribuere) sublevabit, cum tua præstans ac divina humanitas, tum omnium qui hæc nostra attingent, singularis in Bucerum amor. Qui cum ejusmodi fuerit, quem omnes amissum luxerint, quem amici requisiverint, inimici laudarint, alieni receperint, sui semper præstantissimum judicarint, nec horum in viventem pietas non amari, nec tuum in mortui virtute renovanda studium vituperari credo poterit. Fu-

nus

nus habes, luctum habes, causas nonnullas quidem, sed nec omnes nec *Ephlog.*
 maximas, tamen tam multas & tam graves, ut si nullæ præterea essent, fa-
 tis momenti habeant, cur nos in mœrore simus. Utinam mihi vel eâ notitia
 daretur vel facultas, qua universam ejus vitam præclarissimè actam cognos-
 cere, eamque literarum monumentis mandare possem. Sed brevi tempore
 nobis cognitus fuit, & scribendi industria vana est, cum rerum proposita-
 rum excellentiam oratione assequi nequeas. Has igitur partes Germanis
 hominibus doctissimis relinquo, aquod quos cum diutissimè vixerit, facient
 pie, ut quoniam & norunt quomodo vixerit, & facultate præditi sunt, ve-
 lint Sanctissimæ hominis vitam nobiscum communicare.

'Ego pro ea facultate quam mihi Deus largitus est, dedi operam, ut in
 eum vita functum, ingrati non videremur, à quo vivo plurimis ornamen-
 tis afficiebamur. Vale, Cantabrigiæ & Collegio Trinitatis. Anno Dom.
 M. D. LI. Id. Mart.

VITA.



VITA

BERNARDI GILPINI.

Viri Sanctissimi, Famaque Apud Anglos Aquilonares Celeberrimi.

A Reverendo in CHRISTO Patre GEORGIO CARLETONO Episcopo Cicistrensi fideliter conscripta, et in gratiam Popularem suorum, à quibus jamdiu vehementer desiderata est, in publicum edita.

GEORGIUS CARLETON,
Episcopus Cicistrensis, Gulielmo
Beluffis, Equiti aurato, Salutem
in Christo precatur.

Si in Ecclesia multi essent, qualis unus erat Gilpinus, non estimarem opera pretium memoriam hujus viri aliis commendare: nunc vero cum paucissimos, aut si quod sentiadicam, multos viderim qui normam pietatis et sanctimoniae tam rara secutus, exemplar aliis ad beatam vitam properantibus tam illustre proposuit, tam egregie sustinuerit, sic sentio, exemplum tale bonis pietatis igniculos

igniculos additurum, ut formam tam perspicuam sequantur, si fortè non assequantur. Exempla hujusmodi insignis pietatis in sanctis antiquis multa audivimus, & in scriptis eorum frequenter legimus, sed in hominibus nostri seculi non invenimus: tantum enim absumus ab hoc zelo in pietate promovenda, ut jam metuendum sit, ne vera religio quondam cum magno studio & gaudio suscepta, nunc à nonnullis cum fastidio rejecta, tandem subruatur: etenim experientia seculorum anteactorum satis nobis hanc veritatem confirmavit, profanos mores religionis ruinam secum traxisse, ut ne dubitemus deinceps etiam tracturos. Non dubitamus in tanto antiqua sanctimonie caligine, Gilpini vitam evdlaturam, sicut noctuam inter alias aves multis invasam. Nec idcirco supprimendam puto, habeant alii quod mirentur, alii quod illudant, alii quod imitentur. Tu vero vir inter paucos prestans habes quod votis multis desiderasti. Scriptum hoc multos jam annos apud me delituit, editionem diutius distuli, consultò ne forte se lesos querantur, qui ab hac sanctimonie forma procul abesse videntur: sed mei instituti erat neminem ledere, omnes quantum in me est juvare. Si quis se hoc scripto adjutum sentiat, hoc tibi debere se agnoscat, qui sollicitatione tua hoc qualecunque scriptum à me extorseris. Cumque eo loci degas in qua Gilpini vita tota et virtus optimè nota sit, cumque tam enixè hoc à me efflagitavis, quis dubitare potest prastantem virum esse oportere, qui tanto studio Gilpini memoriam conservandam procuraverit? Hic tuus insignis animus coegit me, ut tuo nomini hanc opellam dedicarem, ut & religiosi animi tui in Gilpinum, & amoris in te mei testimonium extaret. Vale.



VITA BERNARDI GILPINI.

BERNARDUS GILPINUS natus *Kentmire* in comitatu *Westmorlandia*, Anno Domini 1517. ex antiqua familia et clara. Patrem habuit *Edwinum Gilpinum*. *Edwini* frater senior occisus erat in prælio apud *Bosworth*. Qui quintus erat hæres à *Richardo Gilpino*, qui tempore regis *Johannis* donatus erat agro illo *Kentmirano* à *Barone Kendalia* pro meritis egregiis in bello et in pace. Hic *Richardus* est ille qui aprum sylvestrem occiderat, qui in montibus proximis tanquam aper *Erimanthi* furens, plurima damna populis intulerat. Hinc est, quod in armis Gentilitiis *Gilpini* gerant aprum. Matrem habuit *Margaretam*, filiam *Gulielmi Laton de Dalmain* in *Cumbria*, ex antiqua familia, et bellicoso illo sæculo illustri, ex qua plures equites viri fortissimi prodierunt.

Bernardus vix infantilem exuerat ætatem, quum futuræ sanctimonie indicia quædam ædiderat: fraterculus quidam circumibat victum queritans, et ut animos hominum perliceret ad beneficentiam, concionandi zelum quandam ostentabat. Erat hoc hominum genus sordidum, et improbum. Quidam eorum habere satagebant formam pietatis virtutem ejus abnegantes. At alii ne formam quidem retinuerunt. Hic erro domum *Gilpini* patris accesserat die Sabbati, quasi crastino die Dominico concionaturus. Susceptus erat satis liberaliter: Nam ex istis locustulis offendere quenquam erat piaculum. Bonus frater inter cœnandum ingluviem invitabat, et potandi finem bellua non ante secerat, quàm ebrius pudendum spectaculum tam castæ, sobriæque, familiz præbuisset. At crastino die veluti sanctulus de cœlo subito lapsus ad concionem populum convocati. Inter concionandum bona quædam verba erudians, contra vitia quædam exandescere, adeoque etiam contra ebrietatem ausus fuit intonare. *Gilpinus* puerulus qui tum loqui cœperat, postquam inslam hominis scditatem ex hesternæ cœnæ collegisset, nunc audiens belluam intonantem contra illa vitia, quæ ipse perpetraverat, sicut erat præpe matris gremium in templo, exclamat subito his verbis: Mater audin quomodo iste contra ebrietatem loqui audet, qui erat in nostra domo hesternæ nocte ebrius. Mater pueri os manu opposita impedire properat, ne plura effunderet. Parentes pueri ingenium ex variis iudiciis perspicientes, eum bonis litteris sedulo educandum curarunt. Condiscipulum habuit *Edwinum Airium*, quem propter ingenium et spectatam:

tam probitatem postea colebat. At reliquos omnes *Gilpinus* ingenii acrimonia longè post se reliquit. Itaque cum laude decurso in schola tyrocinio, à parentibus, qui jam spem magnam conceperant de filio suo, mittitur *Oxonium*. Tunc temporis *Oxonii* erant omnia in literis, et religione turbata et barbara rubigine obducta. Agebat *Gilpinus* annum decimum sextum, quum se *Oxonium* contulerat. Is erat annus Domini 1533. In Reginensi Collegio susceptus mirificè in bonis litteris profecit. In operibus *Erasmi* studiosius hærebat, sicut omnia illius sæculi ingenia bona. Ad Dialecticæ & Philosophiæ cognitionem sedulo ferebatur, in quibus excellere videbatur, & in scholis dominari. Addidit humaniores litteras, Græcæ, & Hebraicæ linguz peritiam singularem, in quibus literis *Neli* opera, & amicitia utebatur, cui cum *Gilpino* ex studiorum similitudine familiaritas intercesserat. Is erat socius collegii Novi, & postea Hebraicarum literarum professor *Oxonii*. Post aliquot annos in his studiis gnaviter collocatus, ita clarus *Gilpinus* charusque suis *Oxonienfibus* esse cœperat, ut nullum literarum præmium videretur, quin infra *Gilpini* virtutem subsederit. Quærebantur tum doctiores atque insigniores viri, qui *Edem* Christi noviter tunc *Oxonii* inchoatam complere, & bonarum literarum laude ornare possent. Inter eos imprimis ascriptus erat *Gilpinus*. In religione veritatem, & sinceritatem non tum obtinuerat, qui in traditionibus Ecclesiæ Romanæ fuerat institutus: Neque enim religionem & pietatem ad verbi divini normam, sed ad paternas & per manus susceptas traditiones plerique tum temporis revocabant. Hærebat aliquandiu animus ad sancta compositus, in tenebris, & præjudiciis interceptus non sine aliqua antiquitatis umbra sub superstitionis onere luctabatur. Fortior adversus vitia & sordes, quam adversus paternas traditiones. Itaque tum temporis magnum causæ Pontificiæ momentum videbatur *Gilpinus*. Disputabat publicè contra *Johannem Hooperum*, qui postea Episcopus *Vigorniensis* erat, ac tandem gloriosus Christi Martor. Mortuo Rege *Henrico* octavo, quum jam *Edwardus* sextus regnum obtineret, ejus munificentia & pietate adductus *Petrus Martyr Oxonii* sacras literas docebat. Huic obfistere nitabantur sophistæ *Chedseus*, *Morganus*, *Westonius*. Qui *Gilpinum* etiam cupiebant adducere, ut Martyri majorem ex ejus consilio & auxilio crearent molestiam, atque ea res tandem eo devenerat, ut *Gilpinus* productus fuerit ad disputationem contra *P. Martyris* positiones. Ex quo conflictu *Gilpinus* ut causam susceptam tueretur, accuratius cœpit Scripturas & Patres antiquos excutere. Quoque majori studio ad susceptum causæ patrocinium incubuerat, eo minorem causæ fiduciam habere cœperat, putabat se pro veritate decertaturum, quam invenire pro virili certabat. Sed dum veritatem ardentius quæreretur, paulatim agnoscere cœpit errores suos. *P. Martyr* subinde profiteri solebat se non multum moveri de *Westono*, *Morgano*, aliisque similibus: At de *Gilpino*, inquit, vehementer commoveor, qui sincero animo omnia ager & loquitur. Reliqui de ventre suo videntur solliciti, levissimi homines ambitionis & cupiditatis quasi vento feruntur. At *Gilpinus* morum gravitate & laudatissimæ vitæ testimonio subnixus, causam quam suscipit virtute sua cohonestare videtur. Sæpiusque Deum orabat, ut *Gilpini* animum ad omnia honesta studia compositum ad veritatem

veritatem tandem convertere dignaretur. Valuit *P. Martyris* oratio apud Deum. Nam ex eo tempore non subito, sed ut ipse fatebatur, pedetentim ad veritatis agnitionem accessit. Magnam *Oxenienſibus* lucem intulerrat *Martyr* ad veritatem Theologiæ, & ad humaniores literas illustrandas. *Gilpinus* ex eo acrius studio, & præcibus incumbere statuit, ut veritatem investigaret. Itaque controversiam quæ inter ipsum & *Hooperum* fuerat, scriptis etiam mandare constituit. Sed in ea controversia explicanda dum accuratius ea versat quæ refutare decreverat, dum altius rimatur, & ad Scripturæ autoritatem Ecclesiæ instituta revocat, sine qua nec Ecclesiam aliquam esse cognoscebat, sensit se facile victum, & à veritate vinci gaudebat. Scripta illa inter *Gilpini* scrinia reperta, ingenuam confessionem & veritatis vim, adeoque misericordiam divinam in ejus conversione declarant. Dum religionem Pontificiam accuratius examinat, plurimos errores in Ecclesiam irrepsisse coactus est agnoscere, qui salutis negotium impediunt & obscurant. Adeo ut iis, qui sitiunt justitiam & veritatis cognitionem, magno sint offensiculo. Videbat plurimas sanæ doctrinæ corruptelas & commutationes: de septem sacramentis ante *P. Lombardum* magnum silentium reperit: cœnæ Dominicæ usum sub una tantum specie contra expressas Scripturas tradi, transubstantiationem à scholasticis confictam esse. In Sacramento doctrinam operis operati nuper natam: Missam ex Sacramento in sacrificium conversam. In Ecclesia ubi omnia ad ædificationem populi instituta sunt, omnia contra edificationem populi in lingua ignota peragi: imaginum adorationem institui contra expressum præceptum Dei. Dum istis cogitationibus distraheretur, ecce in concilio *Tridentino* regula fidei immutata perculsit ejus animum. Nam ex antiquis scriptoribus adeoque etiam ex recentibus, *Lombardo*, *Scoto*, *Aquinato*, et similibus observaverat, regulam fidei tantum è divinis Scripturis petendam esse: at in consilio *Tridentino* videbat traditiones humanas æqualem locum paremque autoritatem cum verbo Dei obtinere. Cumque intelligeret traditiones istas nihil aliud esse, quam perversas & inversas sacrarum Scripturarum interpretationes, à Pontificibus Romanis excogitatas, & inter Decretales Epistolas insertas; tum Decretales illas Epistolas omnino supposititias esse, quod multorum eruditorum virorum testimoniis probatur, ipsorumque adeo Pontificiorum confessione, ut indubitatum agnoscitur: tanta rerum confusio his posterioribus sæculis orta in Ecclesia, *Gilpinum* ad veram pietatem anhelantem, eo tandem adegerat, ut subdubitare cœperit, Papa nã sit Antichristus ille in Scripturis prænuntiatus, Ecclesiæque Pontifica planè Antichristiana. Nam quid est sese efferre & oppone- re adversus quicquid dicitur Deus aut numen: adeo ut in templo Dei tanquam Deus sedeat præ se ferens se esse Deum? Si hoc non sit quod Papa sit universalis Ecclesiæ caput, Dominus, Monarcha, & tanquam Deus: quod verbum Papæ defendatur esse tanquam verbum Dei? Nam cujus verbum est tanquam verbum Dei, quomodo is non erit tanquam Deus, & sese opponens Deo, & præ se ferens quod sit Deus? Verbum autem hoc, quod dicitur verbum Dei non scriptum, est ex impurissimis lacunis illis Decretalibus ortum, hoc est, ex supposititiis, & falsis scriptis concarnatum. Atque hoc verbum quod nullo modo est comparandum verbo honesti viri, est

verbum.

verbum Dei non scriptum, pari pietatis affectu cum sacris Scripturis suscipiendum. Numquid Antichristus cum venerit (si quis alius adhuc venturus sit) majore Christum, & sacras Scripturas injuria aut blasphemia afficiet, quam Papa facit? Hic tandem subinde suspensus hærebat. Nam quis putaret Papam esse Antichristum? Quis hoc dicere auderet ante *Mart. Lutherum*? Sic igitur secum ipse versabat: Si Papa sit Antichristus, video non solum probabiles sed & necessarias causas discedendi ex Ecclesia Pontificia: Sin Papa non sit Antichristus, non video satis firmam discedendi causam. Discedere ab Ecclesia non licet; discedere ab Antichristi Ecclesia non solum jubemur, verum etiam horrendam Dei vivi iram, & minas fulminatas videmus in eos, qui in *Babylone* illa Antichristi synagoga permanferint: Quum cœlestis vox dicat, *Apoc.* 18. *Exite ex ea, Popule mi;* & denuncia- tur, *accepturos ex plagis ejus, quicumque participes fuerint peccatorum ejus.* Hic igitur hærebat aliquandiu: Quia nisi Papa proderetur Antichristus, non videbat quomodo deferere Ecclesiam illam potuisset diuque quærendo, legendo, orando, meditando in hoc incubuit ut veritatem indagaret. Ex antiquis patribus *Tertulliano, Hieronymo, Ambrosio, Augustino, Chrysostomo, Cyrillo*, aliisque observabat, locum illum quo describitur *Antichristus*, 2 *Thess.* 2. *Id quod nunc tenet, tenebis donec de medio tollatur:* sic exponi, ut de Romano imperio intelligatur: ut imperium Romanum quod tunc tenebat, teneret locum suum, donec Antichristus venerit, qui Romani imperii sedem sit occupaturus. Deinde cum eodem loco dicitur non prius venturum Christum, quam venerit discessio, hoc etiam similiter impletum observabat. Discessionem immanem factam videbat Ecclesie Romanæ à primitiva simplicitate & veritate. Deinde alteram etiam discessionem non minus manifestam Ecclesiarum scilicet reformatarum ab Ecclesia Romana.

Gilpinus dicere solebat Ecclesias Protestantium non aliam firmam & solidam suæ discessionis rationem reddere potuisse præter illam, Papam scilicet esse Antichristum. Nam ab Ecclesia Antichristi discessionem mandatum intelligebat ex monito illo cœlesti: *Exite ex ea, popule mi; ne participes sitis peccatorum ejus, et ex plagis ejus accipiat:* *Apoc.* 18. 4. Quo loco *S. Johannes* disertè prænuntiat populum Dei evocandum fore ex Ecclesia Antichristi: nihil tertium hic reliquum, vel Romanam Ecclesiam non esse deferendam, vel Papam pro Antichristo habendum; et cujus Ecclesia Dei Ecclesia cœlesti voce & mandato evocatur. Jam vero hæc omnia eventus, qui est prophetiarum interpret, nobis certissimus comprobavit. Multis jam sæculi vidimus regnum illud quod Apostolorum temporibus obtinebat è medio sublatum. Et in ejus loco regnum Ecclesiasticum erectum, quale sæculis antea actis in Ecclesia nunquam fuerat visum. Vidimus horrendam discessionem Ecclesie Romanæ ab antiqua Ecclesie puritate & virtute. Vidimus & quotidie videmus populum velut cœlesti voce evocatum, exeuntem è *Babylone*, id est, ex Ecclesia Antichristi. Oculi nostri viderant hæc completa, quæ tot sæculis ante hæc tempora prædicta legimus. Hæc *Gilpini* animo vehementer moverunt, ut Ecclesiam in verbo Dei monstratam sequeretur. Ecclesia Romana regulam fidei integram servabat, antequam in *Tridentino Concilio* regula illa fuerat mutata. Tum necessario videbatur exeundum.

exendum ex illa Romana Ecclesia, ut vera & evocata illa Ecclesia sequeretur verbum Dei. Hæc enim evocatio peculiarem Ecclesiæ conditionem videbatur designare. Sic *evocatus Abraham ex Ur Chaldaorum*, *evocatus populus Israel ex Egypto*, *evocati Judæi ex Babylone post captivitatem septuaginta annorum*: ac tandem ad illam formam evocata Ecclesia reformata ex *Babylone mystico*, sive Ecclesia Romana. Hæc admirando Dei consilio & potenti manu confecta videbantur. Igitur exeundum necessario videbat & Ecclesiam illam Apostolicam deferendam. Verum hæc non impetu, sed lento molimine egit.

Interea *Cuthbertus Tonstallus Dunelmensis* Episcopus *Gilpinum* suis sumptibus ad exterarum Ecclesias visendas mittere decrevit. Erat *Tonstallus* matris *Gilpini* avunculus. Sed antequam peregrè proficisceretur evocatus ad aulam concionem habuit coram Rege *Edwardo* sexto de Ecclesiarum rapinis: Concio illa publicè typis excusa extat. Deinde ad peregrinandi studium se contulit. Amicorum cura sacerdotium ei collatum erat. Illud sacerdotium *Tonstallus Gilpino* retinendum suadebat, ut impensas itineris facilius tolleraret, honestiusque sese ac liberalius exciperet. At *Gilpinus* cum parvo temporis spatio sacerdotium retinisset, ante professionem amicum quandam ad se vocavit, quem hominem pium & doctum, & in sacri ministerii functione impigrum cognoverat, huic sacerdotium ipsi non multo ante collatum, resignatione sua conferendum procuravit. Quod ut resciverat *Tonstallus Gilpinum* increpat. Ego, inquit, tui curam gero, & tu curam meam tanquam mutilem projicis. Sed ego præmoneo quod tu his artibus mendicus morieris. *Gilpinus* primo verbis officiosis Episcopi optimè de se meriti animum placare studet. Deinde subjungit, se sacerdotio renuntiasse necessario, quod quieta conscientia retinere non potuerat. At, inquit, Episcopus cum dispensatione retinere potes, & tecum in hac re dispensabitur. Respondet *Gilpinus*, at qui Diabolus nulla dispensatione, aut ullis vinculis retinebitur, quin me absente in populi mihi commissi perditionem ruat. Et vereor quàm mihi sit inanis responsio apud Deum villicationis meæ rationem exegentem, si dixerò mecum dispensatum fuisse dum Diabolus disperderet. Qua responsione Episcopus videbatur offensus. Sed perspecta sancti animi sinceritate *Gilpinum* in majori honore habere cœpit. Minabatur tamen sapius, sicut *Gilpinus* referre solebat: per patris animam, quo verbo Episcopus familiaris uti consuevit, cum moriturum mendicum. Profectus est primum *Machliniam* ad *Georgium* fratrem ipsius literis eò vocatus, deinde agebat *Lovanii*, *Antverpiæ*, & *Lutetiæ*. Postquam ex *Angliâ* discederet, accepit literas à *Georgio* fratre quibus monitus erat, ut fratrem *Machliniæ* conveniret. Quia quædam haberet ipsi coram communicanda quæ literis expediri non facile possent. Itaque *Machliniam* ad fratrem properavit. Postquam congressi fuissent, intellexit *Gilpinus* causam quare eò vocatus esset, nihil aliud fuisse, nisi ut à fratre persuaderetur sacerdotium excipere, quo aleretur dum exterarum Academiis lustraret. *Gilpinus* in angustiis interceptus videbatur, noverat se nuper Episcopi animum hac de re offendisse, videbat Episcopi consilio hoc negotium à fratre *Georgio* agitatum. Tandem literas ad *Tonstallum* Episcopum in hæc verba transcripsit.

Domine

Domine mihi plurimum honorabilis, omniique officio mihi colende, Amplitudini tua celandum non existimaui, fratrem meum nuper mihi scripsisse, ut omni excusatione postposita ipsum Machliniæ convenirem, habere se qua mecum agas de necessariis rebus, quæ literis expediri non possent. Quum conveniremus intellexi nihil aliud esse, nisi ut tentaret an sacerdotium suscipere velim, dum interea me in Academia studio continerem. Quod si hanc perfectionis causam præsentissem, non arbitrarer necesse, studium meum interruptum iri, ut Machliniam proficiscerer. Hoc enim cum omnibus doctis jam mihi discussum fateor, maximè vero cum Sanctis Prophetis, & antiquissimis piissimisque à Christi sæculo Scriptoris, quod mihi fiducia firma manet, quamdiu vixero nunquam conscientiam meam ex ea re onerare, nec sacerdotium ea conditione suscipere, ut interim absens ab eo sim. Illa mihi retulit dominationem vestram ad ipsum scripsisse, libenter velle in me sacerdotium conferre; vestramque dominationem, ceterosque amicos meos, (inter quos unus ipse fuerat) existimare me nimis scrupulosa conscientia in ea re fuisse. Ad quod respondi. Si scrupulosior sim (quod ego non puto) res tamen est ejus generis, ut malim in ea re paulo strictior esse quam conscientia mea fræna laxare. Quandoquidem mihi semel persuasum est, offensionem Dei me non incursum vitando sacerdotium tale, cui non possum residentiam præstare, quamdiu de aliis non male judicem. Quod me facturum spero. Imo pro omnibus qui curam habent animarum quotidie Deum oro, ut cura sibi commissæ ita possent Deo rationem reddere, ut & Dei gloria maximè cedat, & Ecclesia adificationi. Dixit ille mihi: Noluisse dominationem vestram sacerdotium mihi conferre, quin ut Ecclesie prospiceretur tam bonè, ac forte melius me absente quàm si præsens essem. Ad quod respondi me non dubitare quamplurimos in Angliâ esse multo præstantiores, qui curam suscipiant, quàm ego sim. Ac proinde illud imprimis opto, ut illi & officium, & beneficium retineant, ut & animas, & corpora pascere possint, sicuti omnes pastores teneri arbitror. Quod vero ad me attinet, non possum conscientia mea persuadere, ut commodum ex eo suscipiam, in quo alii labores suos ponunt. Nam si alius tantâ fide atque industria doceret, & predicaret, quantâ S. Augustinus non tamen existimare possum me aliorum laboribus exoneratum. Quod si conscientia mea vim intulero, ut ea conditione vel hic, vel in alia quacunque Academia manerem, conscientia inquietudo non omnino permitteret, me in studiis proficere. Hoc tempore Deo gratias ago, gratiam in studiis quietem. nactus sum prope fratrum minorum monasterium, ita ut ad egregiam fratrum bibliothecam

cam quoties volvero libere possum accedere. Usor familiaritate doctissimorum virorum, nec unquam majori discendi studio tenebar. Proinde quum ex Georgio fratre meo intelligam, dominationem vestram porro etiam de sacerdotio mihi conferendo cogitare, (qua res studia mea interromperet,) audaciam sumpsi singularem, (dominationis vestra benevolentiam cognitam, ac perspectam habens) qua mentem meam liberè bonitati vestra aperirem. Humiliter obsecrans ut dominotio vestra permittere velit me liberum ab Ecclesiastica cura vitam agere, quo quietius studiis incumbam. Et quoniam intelligo dominationem vestram sollicitam esse, qua ratione mihi prospectum esse posset, si Deus vestram dominationem jam etate gravem ex hoc mundo vocet, ne te illa cura moveat obsecro. Nam si ad necessitatem redactus fuero, non dubito me brevi tempore lecturam aliquam obtinere posse vel in hac Academia vel a'ibi, ubi tempus non frustra impendam, qua vite ratio magis mihi placet, quam si sacerdotium susceperim. Christus precor dominationem vestram custodiat. Lovanii. 22 Novemb. 1554.

Haftenus Gilpinus. Equis ex hodiernis nostris hiantibus corvis sacerdotia majore artificio acquirere, quam hic vitare laboraverit? Tum temporis, cum primum ad transmarinas regiones migraverat, agebat plurimum Lovanii, deinde Lutetiam profectus est.

Dum esset Lutetia, curabat Tunstallus Episcopus, ut liber quem tum temporis scriperat, de veritate corporis, & sanguinis Christi Domini in Eucharistia, Gilpini diligentia excunderetur. Scio Pontificios quosdam Gilpino objecisse, quod ab eo opus illud corruptè depravatum esset præter autoris sententiam. Me etiam audiente dum posthæc Houghtona sub Gilpino literis operam darem, Franciscus Wicklesus admonuit Gilpinum de rumore depravatæ editionis. Ille quum variis rationibus diluisset hanc suspicionem, tandem protulit literas Cuthberti Tunstalli, in quibus maximas ei gratias egit Episcopus, quod opus illud summa fide ac diligentia ab eo ederetur.

Lutetia Gilpinus in ædibus Vascosani agebat. Cum viris doctis contulit. Dum doctorum sententias quæreret de iis rebus quæ ipsius animum permoverant, ita plurimum respondebant illi, non ut pacem conscientiarum spectarent, quam ille unicè quærebat; sed ut Ecclesiæ traditiones firmarent. Erat tum Lutetia Nelus, quo cum liberius agit Gilpinus, ut utrique ad veritatem aspirarent. Erat inter eos fortè Sermo de cultu imaginum. Gilpinus graviter commovebatur, quod Idololatriam verbis quidem Pontificii damnarent, & tamen populi passim permitterent cultum imaginum. Quærebat quo conscientiarum solatio quis posset incurvare se coram imagine, & nonne, inquit, hæc est idololatria prohibita in secundo præcepto decalogi? Hoc ex eo quærebat libentius Gilpinus, quia observaverat hominem pertinacius hærentem in Pontificiis placitis. Respondet Nelus distinctione usitata de idolo, & imagine. Imagines Sanctorum non esse idola. Ac proinde nec venerationem imaginum esse idololatriam. Gilpinus subtilit, in secundo

secundo decalogi præcepto non est idoli mentio. Sed prohibetur incurvari ad sculptile, aut ad aliquam similitudinem eorum quæ sunt in cœlis, vel in terris, vel sub terris. Ubiqunque sint prohibetur prostratio ad similitudinem eorum. Et quid facit idolum? faber fingit similitudinem hominis cuiuspiam, fabricata imago non est idolum. Sed cultus facit idolum. Itaque Apostolus dicit, *idolum nihil esse, quia unus tantum Deus est*. In cogitatione colentis videtur esse aliquid, sed id quod cogitatio colentis apprehendit, revera nihil esse in mundo. Itaque idolatria est cultus Deo debitus creaturæ exhibitus. Qui vero inter orandum incurvant se coram creatura quacunque exhibent creaturæ cultum Deo debitum. Divinum mandatum prohibet, ne faciant sibi sculptile, aut similitudinem alicujus creaturæ. Faciunt sibi qui faciunt in religiosum hunc usum, prohibet etiam ne se incurvent coram tali creatura: Nam qui sic faciunt, creaturæ serviunt, eamque colunt. Frustra est hic distinctio in Latriam & Douliam, (quæ verba idem placeat significant;) quia distinctio illa tollitur per expressa mandati verba, non incurvabis te eis. Prohibetur incurvatio, quod tamen passim fieri videmus. *Nelms* ad hæc: quæ, inquit, instituta sunt in Ecclesia, non temerè mutanda sunt. *Gilpinus* respondit, non est potestatis nostræ mutare Ecclesiæ instituta. Sed quia non possum mutare ea quæ sunt in Ecclesia instituta, illud mihi imprimis laborandum superest, ut meipsum mutem, & ad sincerum Dei cultum transferam, quod gratia Dei præstabit.

Profigiteri solebat se dum inter Pontificios versaret multa observasse, quæ animus ejus ab illa religionis specie abalienaverant. In articulo justificationis summam hominis consolationem consistere intelligebat. Quem articulum ita videbat, in Papismo obscurari, ut solida consolatio tolleretur. Itaque Scripturam & Patrum scripta diligenter versabat.

Reversus in *Angliam* temporibus *Marianæ*, Ecclesiam cum magno dolore vidit sanguine & flammis oppressam: ab Episcopo *Tunstallo* invitatus ad Rectoriam de *Esington*, cepit verbum Dei prædicare, vitia quæ in Ecclesia regnabant acrius reprehendit. Salutis doctrinam simpliciter & solidè proponebat. Qua in re multos invenit adversarios maxime Ecclesiasticos, quorum vitia redarguerat.

Erat inter Clericos *Dunelmenses* *Dunstallus* quidam rector Ecclesiæ in illa Diacesi. Hic erat animo in *Gilpinum* insensissimus, ipsumque sæpius apud Episcopum accusabat quasi hæreticum, meritoque cum aliis hæreticis comburendum. Episcopus à sanguine fundendo abhorrebat, leniter cum eo agebat, eumque ab adversariorum machinatione eripuit.

Audiui *Ananiam Carleton* narrantem, (is tum in Episcopi familia degebatur,) capellanos Episcopi cum *Gilpino* sermones habuisse de *Luthero*: quærebat unus quid de *Luthero* ejusque scriptis sensisset? *Gilpinus* fatebatur se *Lutheri* scripta non legisse. Ego, inquit, sacras Scripturas, & de iis patrum sententias imprimis mihi explorandas proposui. Recentiorum scripta levius attigi: Quanquam si antiquis consenserint, non repudio. Unus ex iis *Gilpini* propositum laudabat. Bene, inquit, cum Ecclesia ageretur, si veterum scripta omnibus in honore fuissent. Non enim tantopere novorum hominum novæ opinioniones Ecclesiam turbarent: quales sunt istæ novæ opinioniones *Lutheri*. At *Gilpinus* non novi, inquit,

homines antiquas producant sententias non hominum novitas aspernanda est: Sed doctrinæ antiquitas est suscipienda. Illi statim subdole *Gilpinus* ad disputationem protrahunt, de Sacramento Altaris duo quærebant de reali præsentia, & transubstantiatione: De reali præsentia *Gilpinus* fatebatur se nihil habere solidi, quod contra realem præsentiam opponi posse videretur ipsi. Misterium, inquit, puto in ea re latere, supra captum meum, venerandum potius, quam contentionibus exponendum. Rogabant ergo de transubstantiatione quid sentiret? Respondit ille non esse necesse ut credamus ea quæ in verbo Dei fundamentum solidum non haberent. Non ergo credis, inquit, quod credit Ecclesia? Respondit *Gilpinus*, ecclesiam illud non semper credidisse: tenet me fides Catholica, sed fides Catholica non mutatur. Ego video in hac re mutationes, quales fides Catholica non patitur. Rogant illi quas observasset mutationes in fide de Sacramento Altaris? Ille rursus nihil, inquit, de transubstantiatione in antiqua Ecclesia auditum, aut scriptum reperi. *P. Lombardus* vel primus vel inter primos mutationem ab antiqua fide induxit. Sed quid vobis videtur? Num in transubstantiatione panis convertitur in carnem & sanguinem Christi? Respondent hoc se sine dubio credere. At inquit *Gilpinus*, *P. Lombardus* qui primus in hac re antiquam fidem mutarat, hoc non credidit. Nam sic habet ille: *Lib. 4. D. 11. F.* Non fit conversio panis nisi in carnem, nec vini nisi in sanguinem. Id si verum sit, sine dubio sequitur in pane conversio non esse sanguinem. Quærebat ab iis quomodo hæc conciliarent? hærebant illi, nec habebant quod dicerent, quia *Lombardi* verba perspicua negant in pane converso esse sanguinem, aut in vino converso esse carnem. Quos quum *Gilpinus* hæsitantes viderat, agnoscite inquit, fidei Catholicæ immutabilitatem. Transubstantiationis mutationes videmus. Nam quum *Lombardus* mutationem aliquam docuerat, non aliter conversionem illam intelligendam voluit, nisi ut panis converteretur tantum in carnem, vinum tantum in sanguinem. Neque aliter tum temporis conversionem in Sacramento Altaris intelligebant: donec à *Thoma Aquinase* concomitantiz commentum ederetur. Intelligebat *Aquinas* difficultatem, itaque introduxit adminiculum illud de comitantiis, ut scilicet propter concomitantiam in pane converso sit & caro & sanguis. Sed hæc sunt novorum hominum inventa. Fides Catholica respuit inventas mutationes in fide. Dum illi submissiore voce disputarent à tergo Episcopi, qui tum fortè ante focum sedebat, (erat enim bruma:) Episcopus sellam in qua sedebat retrorsus paulo longius reclinabat, ut audiret quid illi inter se dicerent. Cum autem loquendi finem fecissent, conversus Episcopus ad eos, capellani suis ait Anglico sermone: *Fathers sive let him alone, for he hath more learning then you all.* Hoc est, per patris animam desistite, nec ei molesti sitis, nam eruditior est vobis omnibus. Dum *Esingtona* ageret, verbum Dei populo sedulo annuntiavit. Erat Archidiaconatus *Durvelmensis* annexus Rectoriæ de *Esington*. Itaque *Gilpinus* ad aliquod tempus utraque officia exercebat: fortè autem cum *Gilpinus* intelligeret Episcopum tantam sui curam habuisse, ut etiam de augendo salario cogitaret, satis superque sibi provium esse dicebat, & Episcopum rogabat, ut aut Rectoriam, aut Archidiaconatum per ipsius voluntatem sibi deponere lice-

ret:

ret: Nam eorum alterum, inquit, sufficiet: utraque simul conjuncta sibi nimis onerosa videri. Episcopus videbatur irasci: Non ego te, inquit, prae-
monui morituum mendicum? Ego illa duo conjuncta inveni, & conjuncta
relinquam. Non multo post tempore *Gilpino* contulit Rectoriam de *Hough-*
ton: parochia est amplissima, quatuordecim villas continet cum latifundiis.
Gilpinus Houghtona susceptus diligentissimè in officio concionandi persevera-
bat, ædes collapsas restituit: Domus illa videbatur tanquam Episcopi pala-
tium. Nec facillè invenies inter multas domus Episcopales, quæ cum illis æ-
dibus conferantur, si varietatem ædificiorum spectes, & situs elegantiam.
Dum *Houghtona* ageret *Gilpinus*, non illius tantum Ecclesiæ, sed multarum
etiã Ecclesiarum cura animum ejus permovit: videbat, dolebatque quod
multæ Ecclesiæ per illum quem vocant improprationis morbum dissipatæ
viderentur, & pastoribus destitutæ. Nam Rectoriis à laicis occupatis non
restabat quod pastorem alere potuit. Laici quippe illi tenues ac sordidos
Presbyteros quærebant, qui matutinas & vespertinas legere populo possent.
Nec amplius aut isti præstare, aut illi curare solebant. Ecclesiæ desolatio,
& ignorantia plebis sanctum *Gilpini* animum movebant. Itaque proposuit
sibi quanta potuit cura & vigilantia non damnum resarcire, quod erat impos-
sibile, at officium suum præstare qua potuit, ut veritas propagaretur, &
Deus glorificetur. Desolatio illa Ecclesiarum maxime apparebat in *North-*
umbria, & propinquis regionibus, quæ *Riddesdall* & *Tindall* vocantur. Nam
illis regionibus, illo præsertim sæculo, verbi Dei annuntiatio nunquam au-
dita fuit, nisi per *Gilpini* ministerium. Quotannis semel ad eos excurrere
solebat. Ad hoc negotium opportunitatem arripere solebat, ad festum Na-
tivitatis quando itinera propter frigora & nives molestiora aliis videbantur.
Tempus illud ei maxime placebat, quia tunc plures dies festi concurrerent,
& populus facillè diebus festis conveniret: Alias non tam facillè aut crebro
cogendus. Magnam sui venerationem apud illas gentes conciliavit, tum
concionando, tum pauperibus nummos distribuendo in illis itineribus, ali-
quando nocte interceptus, in nivibus pernoctabat. Interceptus necessitate
illa, jobebat *Gulielmum Airium*, quem secum frequenter habebat, equos cir-
cumagere, nec quietem ullam aut sibi aut equis permittere. Ipse interim
circum cursitabat, aut ambulabat, nec sustinuit quietem capere: Domi assi-
duus erat in ministerio & pauperum cura. Erat *Houghtona* viculus in oppi-
do ad pauperum habitationem assignatus, ad eorum alimoniam providebat sin-
gulis septimanis die qui dicitur *Jovis*, ut olla magnæ amplitudinis & capaci-
tatis carnibus elixatis plena pauperibus destinaretur. Nec *Houghtona* tan-
tùm, sed ubiqueque opportunitas erat, pauperum curam habebat, ita ut
communi consensu popularium, pater pauperum diceretur. Quodam die
dum in itinere fuisset, erat colonus quidam in arando agro versatus, cum su-
bito unus ex equis coloni in terram collapsus, vel morbo vel molestia extinctus
occubuit. Colonius ille & qui præsto erant collapsum equum quibus po-
tuerant viribus attraheste satagebant, ut aliquo modo si fieri possit, erige-
rent. Sed id frustra fuit, nam equus mortuus jacuerat. *Gilpinus* fortè
præteriens, eventum rei expectabat. Postquam autem equum videret nullo
labore suscitandum, colonumque dolenter mortem equi ferre, exclamantem

se casu illo vehementer afflictum: *Gilpinus* iussit famulum desilire de equo suo, & sellam Ehippiumque patienter ad proximum oppidum portare: E-
 quumque illum cui famulus infederat colono tradidit. Exclamat colonus: se
 non posse pretium numerare equi tam robusti. *Gilpinus* bono inquit, animo
 esto, tunc pretium solves equi quando ego petiero, interim in opere tuo per-
 gas: frequenter dum iter faceret, egenos hoc modo sublevare solebat.
 Quum nudos pauperes reperisset, indumenta sua exuebat ut nudos tegeret:
 Ad mensani etiam plerumque pauperes aiebat.

Quum *Elizabetha* beatæ memoriæ regina post truculenta sororis tempora
 regnum auspicaretur, paucitas virorum doctorum qui verbum Dei prædicare
 possent, non solum multos pios viros, sed & ipsos regios consiliarios permo-
 vit, ut quibus possent rationibus huic incommodo medelam aliquam præsta-
 rent. *Gilpinus* observans egregia multorum studia in Ecclesiâ adjuvanda, ip-
 se etiam Provinciam quam nactus erat magno studio exomare satagebat. Ita-
 que de Ecclesiæ seminario cogitabat. Scholam exadificavit, instituitque sti-
 pendia magistro atque hypodidascalo: Ipse etiam ex ea schola quos placuit
 assumpsit circa se labore suo instituendos, cuius instituti fructum amplissi-
 mum suscepit *Gilpinus*, immo & Ecclesiâ Dei per universam *Angliam*. Nam
 ex illa schola plurimi viri docti prodierunt, qui Ecclesiâ laboribus suis &
 vitæ honestate exornarunt. Confluebant multi ad illam scholam, quorum
 multi in oppido degebant, multos *Gilpini* domus suscipiebat. Equitum, &
 armigerorum filios parvo pretio soluto aiebat. Qui erant ex genere suo gra-
 tis aiebantur. Multos egenorum filios habebat, quibus & victum & vesti-
 tum cum educatione contulerat. Quibus modis *Gilpini* schola celebris ubi-
 que habebatur, *Gilpinus* ipse celebrior. Ex ea Schola ad utrasque Acade-
 mias plurimos subinde mittebat, quorum multos etiam in Academia suis sum-
 ptibus fovebat. Dum his studiis inhaereret, gloria quæ fugientem sequitur,
 sequentem fugit, celeberrimum *Gilpini* nomen extulerat, ut non modo apud
 Ecclesiæ patres charus, sed & apud regni proceres clarus haberetur.

Erat inter aulæ proceres Comes *Bedfordia*, qui *Gilpino* maximopere favit.
 Hic Episcopatu *Carloliensi* ex obitu *Owini Oglethorp* jam vacante, ut Episcopa-
 tus ille in *Gilpinum* transferretur, impetravit à Regina, obtinuitque. Comes
 literas ad *Gilpinum* misit, unâ cum eligendi venia quam vocant *Compedeslier*:
Gilpinus Comitibus literas accipiens unâ cum *Comgedeslier*, nuntium statim expe-
 dit cum literis ad Comitem, quibus postquam maximas gratias Reginæ,
 Comitique egisset, submisit rogavit Comitem ut causam suam apud Reginam
 agere dignaretur, & se de Episcopatu excusare: Vires suas sibi optime esse
 cognitatas, tanto muneri sustinendo imparem se esse profitebatur. Si quid in-
 terim ad Ecclesiæ utilitatem efficere potuisset, se in humiliori loco diligen-
 ter curaturum. Erat tum temporis *Edwinus Sandes* Episcopus *Wigorniensis*,
 vir prudentiæ, eruditionis, & vitæ sanctimoniz testimonio venerandus, qui
 postea *Londinum*, deinde *Eboracum* translatus est. Is tum fortè erat *Londini*,
 quando *Bedfordia* Comes de *Gilpino* ad Episcopatum promovendo cogitabat.
 Qui sive hortatu Comitibus, sive ex amore quo *Gilpinum* amplectebatur, (erat
 enim huic *Gilpinus* cognationis propinquitate conjunctus,) scripsit ad *Gilpi-
 num* literas, quibus eum ad Episcopatum oblatum suscipiendum retinendum-
 que

que hortatur. Literæ illæ inventæ sunt inter *Gilpini* chartas; in hæc verba.

Cognate mi multum colende, ego Ecclesia Christi commodum magis quam quietem tuam respiciens, quibus potui modis, onus hoc quod & tibi honori & Ecclesie Christi utile sit futurum imponendum tibi curavi. Verissimum meum de te testimonium ita apud Reginam valuit, ut ipsa se jam ad Episcopatum Carliolensem nominaverit. Scio te propensiorum esse ad vitam privatam tranquillitatem. Sed si statum Ecclesia Anglicana animo aequiore respicias, non potes cum bona conscientia officium hoc tibi impositum renuere. In eoque potissimum loco, in quo ad benè merendum de Ecclesia nemo te aptior invenitur. Quapropter omnibus excusationibus positis, confessor te coram Deo, sicut & Deo in hac re responsurum sis, ne fugias patria tua opem ferre, & Ecclesia Dei servire quantumcumque poteris. Intelliges interea Episcopatum illum intactum tibi relinquendum, nihil enim abscindetur ex eo (sicut in aliis nonnullis fieri solet) sed & integrum Episcopatum accipies, sicut eum reliquit Doctor Oglethorp. Proinde exhortans obtestansque ut divine vocationi pareas, & vocationis tue officium non negligas, divine providentia teque & hoc negotium commendo. Raptim Londini 4 Aprilis 1560. Cognatus & frater tuus, Edwinus Wigorn.

Gilpinus gratias egit reverendo Episcopo cognato suo. Sed de Episcopatu se excusat, & proposito suo pertinacius inhaesit. Multi reprehendendum putabant, quod tanta pertinacia rejecisset Episcopatum. At nonnullis fama *Gilpini* major videbatur ex eo crescere quod Episcopatum renuisset, quam si cepisset.

Memini audivisse me *Gilpinum* de hac re inter amicos differentem: querebant ex eo quidem, quare Episcopatum tam pertinaciter rejecerit? Respondit se non Episcopatum sed loci incommodum vitare voluisse. Si Episcopatus alio loco ei designaretur, dicebat se non recusaturum, sed in illa provincia se molestias vitare voluisse, ubi frequentes erant amici ejus & consanguinei, quibus vel multa erant concedenda non sine offensione sui, vel multa neganda non sine offensione ipsorum: quas difficultates facile vitabat vitando Episcopatum. *Johannes Bessius* vir doctus & pius eligitur Episcopus. Sed num iisdem conditionibus tenuisset quibus *Gilpino* oblatus fuerat, nempe ut nihil ex eo decederet, nescio. Non multo postquam subduxerat se ab onere Episcopali, alia postulatione pulsabatur, ut Reginensis Collegii praeposituram in *Oxonio* delatam ad se susciperet, vel saltem alium nominare vellet, virum bonum & idoneum. Scripsit ad eum *Thomas Francis* literas in hanc sententiam salute praemissa, Quandoquidem in animo mihi sit, ut locum hunc relinquam, quem jam in Reginen Collegio retineo *Oxonii*, illud in votis habens.

habens ut vir honestus, doctus, pius, quique ex Collegii statutis idoneus sit, ad hoc officium promoveatur: visum est iterum tibi præposituram hanc offerre. Quam si tibi placuerit acceptare, libenter ex literis tuis hac de re scriptis socios commonfaciam, quos in te optimè animatos novi. Quod si non tibi placeat tanta inquietudo in tantula portione, (sic enim verè appellare possum hoc onus,) consilium amice rogo, & iudicium, ut indices in quem transferre possum hoc officium, quem & idoneum, talemque qui eligi posset ac debeat noveris. Ego consilio tuo obsequar quam primum mentem tuam cognovero ex literis tuis, quas ad me festinas cures transmittendas. Raptim *Oxonii*, 17. *Decembris*. 1561.

Quid ad hæc responderit *Gilpinus*, non invenio: Sed constat ipsum oblatum honorem repudiasse. Ad omnes amicorum petitiones infractus & inflexus manebat. Sicut de Rege Latino Poeta dixit.

Ille velut pelagi rupes immota resistit.

Gilpinus interim Episcopi munus videbatur implere docendo, pauperum curam agendo, necessitatibus aliarum Ecclesiarum providendo, Scholas instituendo, literatos & idoneos viros Ecclesiæ ministerio præparando. Domus *Gilpini* erat tanquam monasterium, si quis monasterium consideret, sicut erant illa *S. Augustini* tempore, non autem qualia recentiora sæcula protulerunt.

Gulielmus Cæcilius Baro de Burghly, primarius Reginae secretarius missus in *Scotiam* de regni negotiis cum reverteretur fama *Gilpini* allectus *Honghtonam* venit, *Gilpinum* salutavit. *Gilpinus* illum cum observantia & mensæ hospitalis officio recepit. Postquam *Cæcilius Gilpinum* observasset, expertus humanitatem viri singularem, & in tanto hospite tam inexpectato excipiendo, tantam diligentiam, tantam rerum omnium copiam & urbanitatem: jam discessurus dixit, multa se de *Gilpini* fama audivisse, at quod vidisset, expertusque sit, multò magis esse quam quod prius audiverat. Itaque *Gilpinum* familiariter alloquutus: Si quid, inquit, negotii habiturus sis, vel in Aula, vel apud regios consiliarios, utere me sollicitatore tuo. Clarissimus *Baro* reversus *Dunelmum*, quum pervenerat ad montem qui dicitur *Rainton Hill*, retro respiciens planiciem omnem quam reliquerat, & *Gilpini* aedes, & situm loci accuratè prospexit. Non, inquit, reprehendo hunc hominem quod Episcopatum recusarit. Quid enim huic deest, quod Episcopatus conferre poterat? & à maiore curarum mole liberatur. Non negligebat *Gilpinus* *Riddefaldenses* & *Tindalenses* quotannis invisere. Apud quos habebatur Propheta, eumque in maxima veneratione habebant homines semibarbari. Accidit fortè dum *Gilpinus* concionaretur apud eos, ut latro clam *Gilpini* equos abstulerit: quod postquam rescitum fuerat, mittitur clamor per omnem viciniam, *Gilpini* equos furto ablatos esse, omnique diligentia quaerendos esse. Ille qui abstulerat cum primum audiverat equos illos fuisse *Gilpini*, (nam cuius illi fuerant nesciebat:) in magno tremore fuit. De furto non erat adeò sollicitus, sed *Gilpini* nomen auditum eum in horrorem & tremorem conjecit. Itaque trepidus cum magna festinatione equos restituit, & patris *Gilpini* viciniam, & benedictionem postulavit: & professus est, postquam resciverat *Gilpini* iumenta esse quæ ipse abegerat, vereri se ne vivus ad inferos detruderetur,

deretur, siquam illi injuriam intulisset. Dum aliquando in illis locis esset *Gilpinus Rothburia*, factio erat pestifera inter aliquot eorum qui ad Ecclesiam illam convenire solebant. Sanguinariii homines ultionem sanguinariam exercebant, quam vocabant *deadly feud*. Si altera factio ad Ecclesiam fortè accederet, altera abstinuit: quia simul convenire non solebant sine sanguine fuso. Dum autem *Gilpinus* esset in concione in illa Ecclesia, utraque factio accessit *Gilpino* presente: una per superiorem partem supra cancellos Ecclesie, altera per mediam Ecclesiam, utraque pars armata stabat cum gladiis & hastis in manibus suis: *Gilpinus* insolita rerum facie nonnihil turbatus in concione progreditur: fit iterum armorum sonitus, & una factio propius alteri accedit: periculum erat ne in media Ecclesia concurrerent. *Gilpinus* descendit de suggestu: Ad utriusque factionis primarios accedit, & primo tumultum sedavit. Deinde pacem inter eos stabilire laborat, sed non obtinuit propositum, pacem quidem integram servare polliciti sunt, quamdiu *Gilpinus* esset in Ecclesia. *Gilpinus* quum odium inveteratum inter eos extinguere penitus non poterat, rogabat ut pacem inter se haberent quamdiu in illis regionibus ipse fuisset. Id concessum erat: *Gilpinus* in suggestum conscendit iterum, non enim concionis finem facerat, reliquum quod habuit temporis consumpsit in barbare illo & sanguinario more explodendo, & si fieri posset exterminando. Quoties *Gilpinus* ad illas regiones adventaret, siquis sanguinarium inimicum metuisset, solebat se ad *Gilpini* comitatum conferre: in ejus comitatu se magis in tuto futurum prospiciebat, quàm si armata manu incederet. Quodam die Dominico *Gilpinus* ad Ecclesiam in illis locis accedens antequam populus ad preces coiret, ambulans in templo videbat altius pendentem chirothecam. Ab ædituo quærit, quid rei hoc esset, & quare suspensum in illo loco? Respondit ædituus fuisse chirothecam parochiani ejusculdam qui in adversarii sui contemptum suspenderat signum illud, significans se duello pugnaturum cum adversario, aut cum alio quocunque qui signum illud tollere auderet. *Gilpinus* rogabat hominem ut aliqua arte signum illud tolleretur: Non ego, inquit ille, illud efficere audeo. At inquit *Gilpinus*: si mihi hastam attuleris, ipse tollam: hasta igitur porrecta, *Gilpinus* chirothecam sustulit, & in sinu reposuit. Populus postea ad Ecclesiam confluebat, & *Gilpinus* ad statutum tempus suggestum ascendit: Inter concionandum oportunitatem arripuit corripendi barbaras illas provocaciones: exprobrabat ipsis morem illum quo solebant ex chirotheca suspensa duella suscitare. Audiens, inquit, quendam è vobis, etiam in hoc sacro loco chirothecam suspensisse, & duellum minitari ei qui tolleretur. Ecce ego sustuli. Tum chirothecam produxit, & palam ostentabat: Deinde docuit quantum à Christiano tam barbari mores abhorrerent: & ad pacem & mutam inter se charitatem exercendam animos eorum commovere certabat. Post concionem solebat numeros distribuire in pauperiores: sæpius etiam solebat visitare inclusos in carcere, & postquam in carcere habuisset concionem ad incarceratos, numeros eis largius concessit: Multosque ex iis ad vitæ antea poenitentiam, & ad honestos mores reduxit. Multis qui more peccandi erant, veniam vitæque impetravit.

Nobis pueris rebellio à Comitibus *Northambria & Westmorlandia* excitata fuit:

fuit : quam futuram ex quibusdam indicis præsensit *Gilpinus*. Et quia intelligebat in tam turbida tempestate potestatem sibi defuturam se suaque defendendi secedere ad tempus cogitavit. Itaque oratione habita ad pueros in schola & ad ludimagistros, ut donec ipse redierit studiose & pacifice se gererent, ipse *Oxonium* petit. Commoratus ibi donec : regius exercitus Duce Comite *Suffexia*, ad rebelles profigandos *Dunelmum* properaret. Rebelles *Dunelmum* tenebant : Sed ad Regiarum copiarum famam dissipati sunt : fugatis illis acerbè & crudeliter sævitum est in simplices homines quos rebelles ad suas partes traxerant sub prætextu obedientie Reginæ præstandæ. Nam sollicitabantur simplices homines ut officium suum Reginæ præstarent. Rebelles passim Reginæ nomen auctoritatemque iactabant. Dum Rebelles *Dunelmum*, cum exercitu tenerent, & Missa quotidie in Ecclesia Cathedrali haberetur, nonnulli ex iis *Sloughtonam* advolarunt. Invenerunt *Gilpini* horrea frugibus repleta, juvenecos saginatos, multaque ad hospitalitatem parata. At illi omnia dissipant, fruges vendunt, alia consumunt : eaque omnia quæ *Gilpinus* in pios & honestos usus paraverat, improbè destruunt. Erant inter eos unus quem patibulo destinatum *Gilpinus* servaverat. Is erat omnium improbitissimus in *Gilpini* bonis dissipandis. Effugatis rebellibus, & questione acerbius nec sine avaritiæ infamia instituta in homines simplices à *Georgio Bowes* Equite, ad id negotium martiali constituto, *Gilpinus* qui jam domum redierat, multis intercessione sua vitam impetravit : intellexit enim multos homines non dolo malo, sed per ignorantiam suam, & aliorum fraudem, velut in laqueos fuisse coniectos : Omnibus turbis jam compositis, *Gilpinus* ad consuetudinem studiorum & charitatis officia redit.

Erat inter doctissimum & reuerendum Episcopum *Dunelmensem*, *Jacobum Pilkintonum*, & *Gilpinum* ex consuetudine & morum similitudine amicitia non vulgaris. Episcopus *Gilpinum* domi suæ frequenter convenire solebat. Episcopus etiam *Gilpini* exemplo excitatus Scholam *Lancastria* instituit, & statuta Scholæ *Gilpino* versanda & examinanda exhibuit. Magna etiam familiaritate & benevolentia amplectabatur *Thomam Leverium* virum pium & doctum *Sherbornensis* hospitii magistrum.

Prodiit in lucem liber *Thoma Cartwright* de disciplina Ecclesiastica : qui liber à multis tum temporis aude suscipiebatur. Unum ex libris illis *Gilpino* legendum misit *Gulielmus Birch*, Canonicus *Dunelmensis*, vir doctus, sed qui ad illam disciplinæ formam quam *Cartwrightus* descriperat properantius ferebatur. Rogat *Gilpinum* ut librum perlegat, & de eo libro iudicium suum non gravetur perscribere. *Birchum* videbatur festinantius agere : Nam exiguo temporis interjecto, literas iterum misit ad *Gilpinum*, quibus rogavit ut librum cum iudicio suo transmittat, antequam *Gilpinus* totum perlegisset. *Gilpinus* librum quidem remisit cum literis ad *Birchum*. Atque sicut erat amæno ingenio ad carmina etiam componenda, literis illis carmina quædam adjecit. Sunt verò carmina quæ sequuntur.

*Multa quidem legi, sed plura legenda reliqui :
 Posthac quum dabitur copia, cuncta legam.
 Optant ut careat maculis Ecclesia cunctis :
 Præsens vita negat, vita futura dabit.*


Accessit ad eum postea *Cambrigiensis* quidam, qui vir doctus videbatur : Is multis egit cum *Gilpino* de disciplina & reformatione Ecclesiæ. *Gilpinus* dicebat se non posse probare ut humanum inventum loco divini instituti in Ecclesia locum haberet. Num ergo putas, inquit ille, hanc disciplinæ formam esse humanum inventum? Omnino sic existimo, inquit *Gilpinus* : Et qui antiquorum patrum scripta diligentius versaverit, idem mecum existimabit. Suspecta est mihi disciplinæ forma illa quæ in nulla antiqua Ecclesia suscepta videtur. At inquit ille, recentiores multa vident quæ antiqui illi patres non viderunt : & multorum ingeniis & laboribus instructior Ecclesia præsens videtur. *Gilpinus* commotior videbatur, ego inquit, recentiorum virtutes non puto comparandas esse Patrum infirmitatibus. Dicebat alter se putare *Gilpinum* in eo errare. *Gilpinus* verba illa consultò habuit quia intelligebat eum de virtutibus nescio quibus jactare, quam jactantiam *Gilpinus* reprimere voluit.

Georgius Gilpinus qui librum *Philippi Marnixii Aldigundia* Comitis *Aluearum Romana* Ecclesiæ ex *Belgico* in Anglicum sermonem elegantissimè transtulerat, venit à *Belgio* ad *Bernardum*. Is erat *Bernardi* frater : fuit Regi-næ Agens apud *Belgas*, & apud *Belgas* propter singularem prudentiam celebrem sui memoriam reliquit. Hic ubi aliquod temporis cum fratre *Bernardo* jucundissimè vixerat. Reverurus in *Belgium* Reginam, & conciliarios-regni convenerat de rebus quas Reginæ nomine apud *Belgas* esset acturus. *Leicestrius* & *Bedfordius* Comites utrosque fratres, *Georgium* propter prudentiam in rebus agendis, *Bernardum* propter vitæ sanctimoniam magno favore amplectebantur. Isti rogabant *Georgium*, ut persuaderet *Bernardo* fratri conversionis suæ a Romana superstitione ad Evangelicam lucem rationem modumque scripto exponeret. Cui postulationi respondit *Gilpinus* apertè & candidè sine omni fūco. Ego literas illas ex Anglico sermone, in quo scripsit in Latinum, quæ possunt fide translata exhibeo.

Exemplum.

P p

LITERÆ



LITERÆ

BERNARDI GILPINI ad GEOR-
GIUM Fratrem, Anno Domini :

1575.

ROgas frater ut fusiori scripto modum tibi conversionis meæ à Superstitione ad lucem Evangelii referam : Quod tibi non ignotum esse credo, non fuisse paucorum annorum opus : veruntamen sicut per tempus & valetudinem licet, nihil celabo. Constebor opprobrium meum in confusionem diaboli : Dicam cum Apostolo, *1 Tim. 1. 13. Misericordiam consequutus sum, ignorans feci.* Temporibus Regis *Edwardi* protractus eram ad disputandum contra quasdam assertiones *P. Martyris*. Quamvis ex naturali propensione semper (quantum potui) controversiis & disputationes vitaverim. Quamque junior Theologus essem, & in illa disputatione reperissem fundamentum, cui innitebar non tam solidum quam ipse prius putârim : proinde sacras literas & patrum scripta cœpi accuratius evolvere, ut meipsum in receptis opinionibus confirmarem. Sed Deus animum meum ab illo præjudicio paulatim liberavit : & quotidie fervor ille quem habui ad Papismum deservescere cœpit. Contra autem sensu igniculos qui me ad veritatem investigandam adegerrunt : Interim contuli me ad Episcopum *Dunelmensem* ut amplius discerem : Qui in Transubstantiationis negotio dicebat mihi *Innocentium* tertium inconsultius egisse, quod illum articulum fidei fecisset. Papæ etiam culpam magnam profitebatur, quod de indulgentiis, aliisque rebus non rectius consulisset Ecclesiæ. Postea doctorem *Redmannum* conveni, in quo propter insignes virtutes, & eruditionem magnam spem reposui. Ille mihi affirmabat librum de publicis precibus pium fuisse atque Evangelio consonum. Hæc me in multis meditationes conseruerunt. Deinde unus ex sociis *Reginensi Collegii Oxoniæ* narrabat mihi se audivisse Doctorem *Chedsey* inter amicos dicentem, oportere ut Protestantibus cedant nobis realem Christi præsentiam in sacramento, nos itidem ut illis cedamus in Transubstantiationis sententia atque ita conveniemus. Doctorem *Weston* prolixam orationem habuit de Cæna Domini sub utraque specie administranda. Magister *Morgan* narravit mihi, Doctorem *Ware* virum & vita, & eruditione clarissimum, affirmasse sibi quod præcipuum sacrificium Ecclesiæ Dei, fuisset sacrificium gratiarum actionis. Hæc erat ejus responsio quum quæsissem quid pro sacrificio Missæ dici poterat. Eruditissimi

in

in hoc regno Episcopi eo tempore primum Papæ, & verbo & scriptis refutarunt. Magister *Harding* nuper ex *Italia* domum reversus prolixa & celebri concione tam clarè exposuit, & coloribus suis depinxerat fratrculos, & Episcopos indoctos, qui in *Tridentino* Concilio in viridibus togis convenierant, ut in me plurimisque aliis plurimum imminebat de opinione, & fiducia quam in generalibus Conciliis habueramus. Hæc & multa alia occasionem mihi præbuerunt, ut scripturas & antiquorum scripta investigarem: unde plurimos & maximos abusus, & aliquot enormitates usitatas, & defenſitatas in Papatu animadvertere ceperam, & reformationes ex altera parte necessarias judicare. Dum hoc modo progrededer amicorum quorundam suasionibus adductus, sacerdotium suscepi. Ad quod invitatus trahebatur: Si Deum offenderim curam suscipiendo ante quam doctior, & in religione confirmator essem, veniam à Deo peto. Nec dubito quin in ejus conspectu misericordiam consequutus sim. Antequam sacerdotium illud intrassem, concionem habui coram Rege *Edwardo Greenwichi*: Concio illa bonorum virorum approbationem habuit. Dominus Thesaurarius, tunc secretarius, obtinuit mihi licentiam Regiam per regnum prædicandi, quamdiu Rex *Edwardus* regnaret, quod tempus deinceps non multum superavit spatium dimidii anni. In concionibus ea tractabam in quibus optimè confirmatus eram, & in quibus Scripturas certas haberem: Missam examinavi: Abusus quantum observare tunc potui, erant in nimia reverentia, & crassiore populi cultu: quia Transubstantiationem non credidi. Veruntamen tandem aliquando Missas dixi, paucas aliquot & clanculum. Tum continuo trans mare missus fui, ut Domini Episcopi *Tanishalli* librum de Eucharistia imprimendum curarem, cum aliis duobus aut tribus libris ut nosti, *Antuerpia*: ubi per trium annorum spatium *Luætie*, *Antuerpia*, *Lovanii*, nonnullisque aliis in locis crassam idolatriam conspexi. Ea res me à Pontificia religione magis ac magis abduxit: maxime quod viri qui eruditione præstabant inter Pontificios in Scholis cultum imaginum tollerent, in Ecclesiis intolerando abusu permitterent. Hic dum sacras Scripturas, & patrum scripta avidius consulerem, multa observavi quæ meum animum à Pontificia Ecclesia abduxerunt. Animadverti in illa Ecclesia sacræ doctrinæ corruptelas insignes; in sacramentis multa contra Scripturas instituta. Quædam sacramenta nuper addita: In sacramento Cænæ alteram speciem ablatam: Transubstantiationis figmentum inductum, Traditiones Ecclesiæ verbo Dei, & sacris Scripturis adæquari, pari pietatis affectu suscipiendas. Cultum imaginum in Ecclesiis inventum, in Ecclesia omnia coram populo ignota lingua peragi: maxime me exercuit quæstio de Antichristo: quia non tutum videbatur discedere ab Ecclesia Pontificia, nisi prius in animo meo illud hæreret, Papam esse Antichristum: quantis hic constitutionibus exercebar non facile dicere possum. Posthac domum revocatus Rectoriam de *Esfington* ab Episcopi collatione suscepi: ubi quum in concionando sedulus esse studuerim, subito mihi magnos gravesque adversarios excitatos sensi: contra pluralitates, & non residentiam prædicaveram. Clamabant adversarii mei, omnes qui doctrinam illam attulissent, citò hæreticos evasuros. Aliis vehementer displicuit quod prædicarem resipiscientiam & salutem per Christum. Id mihi objiciebant, quod non (sicut

tunc fieri mos erat) integras conciones haberem de Transubstantiatione, Purgatorio, aqua benedicta, cultu imaginum, invocatione Sanctorum, & similibus, quæ ex me nunquam audire poterant. Quanto acrius populus prædicationem meam susceperat, tanto acrius in offensionem & odium incidi: parva res periculum mihi creavit. Hæc quædam materfamilias quum in puerperii doloribus Deum sæpius invocaret, à reliquis matronis graviter fuit reprehensa, quod non beatam virginem invocasset. Respondit illa: audiivi clarum quendam concionatorem *Gilpinum* nuper è *Gallia* reversum: Si ille admoneat me ut sanctas invocem, consilium de ea re capiam: dixi me ad invocationem Sanctorum non audere quenquam hortari. eos verò qui Dei solius opem in periculis suis implorant ad solidam conscientie fux consolationem, niti mandato divino, & habere firmam promissionem. Hæc res multos mihi inimicos excitavit: Interim cum viris doctis mihi consuetudine conjunctis sæpius contuli. Quæsi quare nulla esset reformatio tot abusuum circa imagines, reliquias, peregrinationes, venundationes Missarum, & Trentalium, cum multis aliis erroribus, quos tempore Regis *Edwardi* Pontificii non solum superstitiosas fuisse concesserant, sed & reformationem polliciti sunt, Ecclesiæque purgandam fatabantur: quos eos libenter sacuros dixerunt, si unquam auctoritas ad ipsos rediisset? Cum interrogassem ubi potissimum reformatio hæc esset inceptura, cujus rei expectatione libentius *Parisiis* redierim: responsum mihi fuit non esse quicquam concedendum populo ignoto. Si fateamur errores aliquos, illi statim clamabunt, alia etiam multa non minus esse reformanda, quam quæ concesserimus: atque ita ulterius semper progredientur, ut nunquam à reformando desistant. Hæc me graviter vulnerarunt, & ad conscientie pacem querendam adegerunt. Post hæc duabus aut tribus concionibus *Novi-Castri* habitis, cæpi conscientiam meam magis perspicue aperire: ubi contra me duodecim aut tridecim articuli collecti fuerunt, & ad Episcopum missi. Hic adversarii mei ex clero, quos graviter offenderam, obtinuerunt tandem quod diu expectarant. Non destiterunt donec me Episcopus coram ipsis vocasset, ut me in sacramenti materia examinaret. Episcopus mihi gratiam, quantam credo ausus fuerat, præstitit. In Transubstantiatione mihi molestus esse noluit: tantum quærebat de reali præsentia. Quod quum ego concesserim, liberatus ex eo periculo fui. De reali præsentia non videbar mihi certus & confirmatus. Mysterium ibi latere arbitrabar supra ingenii mei captum: veruntamen conscientia mea me subinde sollicitabat, quod coram illis disertis verbis illud concesserim, quod mihi videbatur dubium. Sed sperabam Doum ignorantiam meam condonaturum, & in tempore majorem mihi cognitionis lucem daturum. Hieme proxima moritur Regina *Maria*: Tunc plenius mentem meam aperire ceperam. Antea enim (nam necessario mihi verum confutandum est) imbecillitas, ignorantia, & terrores adversariorum me retinuerunt. Circa Pascha accusatus fui coram Episcopo de multis articulis, & ex *Eboraco*, & ex *Durwelm*, quæ tamen omnia mihi ulterius non nocuerunt, quàm quod Episcopus adversariorum quærimoniis adactus, me ex testamento suo expungeret, & quod vulgares homines & populus offenderetur: quod dispositionem bonorum Episcopi amiserim, magno me onere levatum libenter intelligebam. Quod au-

tem ad populi favorem spectat, quo magis ad ædificationem prædicatio mea proficere posset, (alias enim favorem popularem nunquam desideravi :) sperabam in tempore per Dei bonitatem illum recuperare. In Autumno venerunt visitatores: Doctor *Sandes Aucklandiam* me accersivit, & constituit mihi locum, & tempus concionandi contra Primatum, *Danieli*. At ipse pridie concionem habens, dum penitus ut videbatur tolleret realem præsentiam, teneram conscientiam meam adeo vulneraverat, quod sequenti nocte dormire non potuerim: & mentem meam multa in dubium traxerunt, an proximo die concionem habiturus fuero. Tandem profectus sum serè à lecto in suggestum, ubi sive illud fuerat per conscientie inquietudinem, sive per somni inopiam, sive quod Deum offenderam quod inquieta conscientia conscenderim, nescio: sed nunquam mihi magis defuit elocutio: & tamen videbar mihi materiam satis luculentam congestisse, gravesque rationes. Sequentie die omnes in Diocesi Presbyteri conveniunt ut subscriberent. In uno aut altero articulorum puncto conscientia mea non videbatur mihi tam plenè informata quam ipse optaverim. Itaque secessi paulum, sperans futurum ut non vocarer. Quum vero Curatus meus ad librum accesserat, quem ex sermone prius cum ipso habito, putavi nunquam hæsitaturum. Ille quasi invitatus ad subscribendum subtraxit se: id effecit ut ego vocarer: liber mihi erat oblatum: ubi protinus sic mecum cogitabam, consolatio mihi maxima reposita est in hac religione, quia gloriam Deo, auctoritatem verbo Dei exhibet ad superstitionis & doctrinarum humanarum extirpationem. Tantum hærebatur mihi animus in quibusdam minutis, quæ Deus mihi ut spero in tempore revelabit. Si recusavero, multis aliis autor ero recusandi, ac proinde cursum verbi Dei impediendi. Itaque subscripsi, & nocte sequente Doctori *Sandes* protestationem misi de duobus illis punctis quæ me moverant. Ille non offensus, protestationem meam cum humanitate recepit: subscripsit etiam Curatus meus, & die proximo in morbum incidit. Dum vero ego una cum visitatoribus *Kendalliam Lancastriamque* proficiscerer, ille mortuus est ante reditum meum, ex ægritudine unius serè septimanæ: Quidam putarunt animum ejus subscriptione fuisse perculsum: Alii dixerunt infirmitatem illi ex nimia potatione, quam fortè intemperantius sumpserat, provenisse. Deus novat quæ fuerat mortis ejus causa: temporis progressu ut mihi videbar fortior & confirmatio evasi: veruntamen quod verum est fatebor, multas, gravesque tentationes habui, quæ per multas noctes mihi somnum eripuerunt, meque semi-vigilantem, semi-dormientem, in talia adegerunt somnia, qualia paucos habuisse credo. Natura mea controversias semper fugit. Delectatio mea desideriumque in eo consistit, ut Christum simpliciter, & sincerè prædicarem, & salutem per Christum, ut meipsum in suavisimis promissionibus sacrae Scripturae solarer, & in precibus ad Deum fundendis. Insatiabilis illa, & nullis aut temperantia, aut moderationis metis cohibita avaritia cum superbia & carnis libertate, aliisque ejusdem cognationis vitiis conjuncta, quæ inter omnes ordines regnant, maxime verò in nobis Presbyteris ac ministris, qui *sal terra* ut dicimur esse debemus, sæpè mihi somnos excusserunt. Sed rediens, in Deo quiescebam: quanto magis hominum iniquitas abundat, tanto gloriosior apparebit Deus purgando, sanctificando, & servando populum.

lum electum in medio generationis pravæ. Anxius semper fui sive in subscriptionibus, sive in juramentis ne laqueis tenerer : Illud satis esse videretur, & satis esse debet Ecclesiæ præfatis, ut omnes in Scripturis, & articulis fidei quiescant ; in aliis sicut Scripturis consona sunt : quia sacra Scriptura locum, & autoritatem eminentem habere debet, supra omnia omnium hominum scripta. Memini quando ad ordines suscipiendos proficiscerer ad Episcopum *Oxoniensem*, Capellanum Episcopi juramentum nobis ministrasse, ut probaremus ordinationes editas, & postea edendas. De quo juramento, quum alius meditaremur, quid esset nos obligare ordinationibus futuris, de quibus nihil potuimus intelligere : hæc non me solum anxium reddiderunt, sed novem decemve alios, qui mecum juraverant, homines multo me doctiores turbarent. Ego quod me attinet mecum statuebam, nullis scriptis juramentum præstare nisi cum exceptione quatenus sunt verbo Dei consona. Quam mihi mentem anxiam fecerit, quod juramentum exigeretur in rebus dubiis, alio scripto aperui propter conscientiæ tranquillitatem. Atque hoc verè affirmare possum, postquam hanc viam ingressus fuerim, ut infirmitates meæ scripto aperirem, non metuens si quis eas noverit, modo vel in meam vel aliorum profectum cederet, multimodam inveni pacem & conscientiæ tranquillitatem ; & quotidie magis ædificor & confirmor Scripturas legendo. Et in hac re Deum laudo, quod quando maximè anxius & infirmus videbar, fides mea in Dei misericordiis tam firma, ut credo, fuerit, ut si vel eo ipso momento morerer, fiduciam tamen habui & habeo, quod anxietates illæ salutem meam non impedirent. Teneo *Pauli* sententiam illam, *misericordiam consequutus sum, ignorans feci : & aliam Jobi, si me dominus occiderit, in eam sperabo*. Sæpius tamen misericordiam Domini imploravi pro istis offensionibus, infirmitatibus, ignorantis, aliisque omnibus, idque perpetuò faciam quamdiu in hoc mundo vixero. Nobis omnibus misericors sit Deus.

Hactenus *Gilpinus*, vides Lector *Gilpini* sinceritatem : Nihil de suis virtutibus loquitur, sed de infirmitatibus suis agnoscendis, & enumerandis totus est. Nasutuli fortè ridebunt hominis simplicitatem : Ego Apostolicum Spiritum suspicio, qui beati *Pauli* exemplo de se gloriari non audet, sed in infirmitatibus suis gloriatur, ut in ipso habitet Christus : veruntamen utcumque ille torus sit in prædicandis infirmitatibus suis, virtutesque suas studio superpreslerit : illud tamen constat, bis eum fuisse accusatum temporibus *Marianis* ab inimicis apud *Tunstallum* Episcopum.

Tunstallus Episcopus qui à sanguine fundendo abhorrebat contra varias adversariorum accusationes præsidium dulce *Gilpino* fuit. Tandem accusatus est apud *Bonnerum Londinensem* Episcopum. Is nuntium paratum esse jubet, qui *Gilpinum* apprehendat. *Gilpinus* periculum imminens vidit, (audierat enim nuntium expeditum qui ipsum comprehendat) præsidium illud quod prius in *Tunstalli* clementia expertus erat, jam sublatum sentiens, sanctam animam Martyrio parabat, mandat *Gulielmo Airo* domus dispensatori, ut tunicam ei oblongam paret, quo honestius ad palum procederet. Sed inexpectata Regine *Mariæ* mors ab eo periculo hominem liberavit. Post editum Concilium *Tridentinum*, quum sermo fortè inter *Gilpinum* & *Thomam Leverium* incidisset, de Concilio illo, quævisserque *Leverius* quid de Concilio illo

scnsisset

senfisset *Gilpinus*. Patres inquit *Tridentini* pessimè consuluerunt Ecclesiæ. Nam quod ante liberum fuerat, jam non liberum relinquunt. Memini *Tunstallum* Episcopum sæpius narrasse *Innocentium* tertium inconsultius fecisse, quod transubstantiationis opinionem articulum fidei fecisset. Quum antea liberum fuisset vel sic vel aliter sentire. Episcopus dicebat se non dubitare quin si ipse tum temporis adesset in concilio, potuisset Romano Pontifici persuadere ut ab eo negotio desisteret. Quod ille de Transubstantiatione iudicavit, idem iudicium esse potest de universo Papismo post editum Concilium *Tridentinum*. Nam quod antea liberum fuit, jam non liberum relinquunt. Itaque patrum nostrorum quamvis multa ignorantia oppressorum tempora felicitiora fuisse puto, quam sæcula insequentia esse possunt apud Pontificios. Quia jam Concilio *Tridentino* multa veteris Ecclesiæ instituta mutarunt: Nam quod regulæ fidei partem in Traditionibus posuerint, id in Ecclesia ante factum nunquam fuit. Multa in articulis de justificatione, de Sacramentis quæ prius in Ecclesia doceri permittebantur, jam non permittuntur. Ex his *Tridentini* Patres aliis Ecclesiis necessitatem seperandi se ab Ecclesia Romana imponunt: in quo mihi non benè ab illis consultum videtur. Nam Ecclesia in dissidia & partes distrahitur: & quod prius in dubiis liberum fuit, id omne *Tridentini* Patres sustulerunt; & partem duriorē sibi sumpserunt.

Ex Pontificiis erant nonnulli qui quum *Gilpinum* à Pontificia religione quam in iuventutis ignorantia primum coluerat, jam aversum intelligerent: multa movebant ut si fieri posset, revocarent. Inter eos erat quidam claræ familiæ *Thomas Gelsthrop Gilpini* cognatus: Hic ad *Gilpinum* literas misit, in quibus eum admonuit de religione avita retinenda. In iis literis hæc inter alia *Gelsthropus* inseruit: fama tua magna est, & *Londini*, & in omnibus locis. Ego in ista sum opinione, te his temporibus vel magnum bonum præstiturum si Ecclesiæ adhareas, vel quod Deus avertat majus malum in Ecclesia excitabis, quàm *Arrim* excitaverat. Quod peccatum abundet, non est Missa, non sunt matutinæ in causa, sed perniciofa doctrina, vitæque impura & cleri & aliorum. Jam communionem reformarunt, & librum reformatæ liturgiæ ediderunt. Sed hæc reformatio malum non sustulit, quia videmus populum multo quam prius in peius ruere. Hæc reperi inter *Gilpini* chartulas, plura episcopi cari non potui, adeo erant improbè corrola plurima. Ad has litteras recepta est integra responsio *Gilpini*. Literæ inscriptionem habent: Cognato suo *Thoma Gelsthrop*: & sic se habent.

GRatiam & pacem. Longiores tuæ literæ allatæ mihi sunt, quum parum otii haberem ad respondendum, sicuti is affirmare potest, qui has ad te reportat. Curandum tamen putavi ne ad te rediret sine responso: quanquam conclusio litterarum tuarum scribendi parum solatii mihi tulit. Quis enim scribendi laborem suscipiet, quum certum apud te firmatumque sit, sicut affirmas, nullis argumentis à suscepta opinione abiturum. Non potuit non molestissimum esse Prophetæ *Jeremie*, quum ille clamaret ad populum; *audite verbum Domini*: ut illi interim cum dura cervice responderent: *non audimus*. Sed permittamus hæc divinæ operationi, quæ cor tuum molire potest, & aures aperire *sardi serpentis obtinuit aures suas*, &c. Sæculum ante-

anteactum respicis bene illud si etiam ad sæcula Patriarcharum, Prophetarum, Christi, Apostolorum, aliorumque Sanctorum respicias : quos si sine præjudicio occurrat affectionis consulas, abducent te procul à cæcitate, ab errore, merito dixerim à profunda idololatria quæ repperat in Ecclesiæ dum dormierent homines. Quod te Monasteriorum ruina moveat, doleo te in hîc re cæcutire. Plurimi enim religionis vestræ falsi sunt illa diutius stare non potuisse, quia clamor eorum ut *Sodomorum* venit ad aures Dei. *Sodomica* illa vitia manifestiora erant, quam ut celari possent, non potuit istos diutius ferre Deus. Quod si ad animum tuum revoces, quam inimici fuerint isti verbi Dei ministerio, sacrilegio suo tollentes alimoniam ministris verbi constitutam, in plurimis regionibus vix unam Rectoriam non exspoliata relinquentes, facile estimares istos diu stare ac florere non potuisse : fructus doctrinæ *Lutheri*, totiusque verbi Dei verè annuntiati, hic est : ut Deus spiritu oris sui interficiat impium. Quod dicis accedentem ad Deum oportet credere, utinam illud recte considerares, fidem & religionem nunquam posse pacem ac requiem invenire, nisi in sacro Dei verbo. Fides ex auditu, auditus per verbum Dei. Ita fit ut si quis credat in Bullas, Indulgentias, Imagines, aliaque plurima vana hominum instituta, veram fidem habere non possit. Ista omnia evanescunt ubicunque Dei verbum vim atque auctoritatem habeat. Requies illa quam in Romana invenire te dicis Ecclesia, (Catholica scilicet vestra) si non majorem adhibeas curam, sine dubio in extrema necessitate te faller. Dicis te in ea religione nihil malignum contra Evangelium invenire. Sed si penitus introspicias, videre potes in ea religione verbum Dei rejectum, legendas aureas, & festivia, cum Bullis, Indulgentiis, multisque ejus generis ut plurimum verbi Divini loco obstrusa. Sed hic campus spaciosus est, & oculum deest. Spero me opportunitatem nascturum, ut de his rebus fusius ad te scribam. Deus oculos tuos aperiat, ut videas *abominations Civitatis illius, quæ super septem montes adificata est* : *Apoc. 17.* Vide *Hieronymum* in eum locum. Si in Ecclesia illa Sacramenta corrupta sint, num tu gratiam Dei rejicies, quum fervorem suorum oculis aperiat ut corruptelas illas repurgent ? Cave de illa *S. Johannis* tremenda sententia : *qui sordidus est, sordescat adhuc.* Dicis si incipias ex alio poculo bibere, &c. Planè oblitus quod in Romana Ecclesia, tu cæterique omnes Laici penitus à poculo exclusitis, contra manifestum Dei mandatum, *bibite ex hoc omnes.* Tantum *Cænx* abusum cum plurimis aliis doctissimi *Lovanenses* non potuerunt defendere. Si nos hæreticos vocetis, fugiatque quod tam magnis abusibus, superstitionibus, erroribus valedixerimus, ut ad purum & sacrum Dei verbum, sacras Christi institutiones accederemus : appellare possumus à præjudiciis sine charitate conceptis, & cum Sancto *Paulo* dicere possumus, *mibi pro minimo est ut à vobis judicer, Dominus est qui judicat me.* Sed periculosum esse dicis nostras audire conones. Ita eixerunt *S. Stephani* persecutores, *Act. 7 :* aureisque suas occluserunt. Sic dixit *Amasias* de Propheta *Amos* : *Amos. 7 :* *Non poterit terra sustinere omnes sermones ejus.* Similes istis sunt quos *David* assumpsit aspidi sordide, obtinanti aures, *Psal. 58.* Quales multi fuerunt Apostolorum sæculo, quibus celatum erat Evangelium, in quibus Deus hujus sæculi excavit mentes *Infidelium*, ut non fulgeat illis *Lux Evangelii*, &c.

De fulminibus illis Romanis nihil est quod metuamus: terriculamenta illa quæ ad pueros terrendos fabricantur, non sunt metuenda hominibus proveſtis: *Erafmus* vocat ea *bruta fulmina*, &c. Si in Papa & Cardinalibus qui nos tanta acerbitate exſecrantur, vel ſimilitudo aliqua fuiſſet *S. Petri*, & *S. Pauli*; ſi Sanctorum illorum fervens charitas ad Chriſti gregem extaret, accurataque diligentia dies nocteſque paſcendi, unâ cum aliis virtutibus Apoſtolicis. Tunc metuendæ erant illorum minæ: ſed humilitatem *Petri* in *Luciferi* ſuperbiam converterunt: paupertatem, affiduoſque labores Apoſtolorum, in *Craſſi* divitias, otium & luxum *Sardanapali*. Denique quæ conventio lucis cum tenebris, &c. Promiſit Deus *Malach*: 2. *Benedictiones illorum in maledictiones convertere, qui ponunt, &c. Vide Hieronymum. Eſaia* 3. *Qui beatos vos dicunt, ſeducunt vos, &c.* Quod hominum millia ſeducuntur ab Indulgentiis, quæ ad multa annorum millia excreſcunt, ſi pretium excreſcat? Quomodo fratres hospitalis *S. Johannis* licentias conceſſerant illis qui ſibi violentas manus intulerint, ut liceat illis frui cæterorum Chriſtianorum ſepultura, cum multis huiusmodi adulatoriis ſigmentis, videt mundus & ingemit: **De Avia** tuæ vita nihil niſi honeſtum audivi. Sed credo illam fuiſſe ſuperſtitioſam. Si te domi ſecum illa retinuerit ex tenera & naturali affectione tantum, & non ut ab Evangelio arceret, veniam poſtulabo opinionis non rectæ. Multi tamen putant illam avunculoſque tuos ſuduxiſſe à te ſororibuſque tuis magnam portionis reliſtæ partem. Sed tranſeant hæc: quia pro te niſi efficere potui, nec adhuc effecerim: pecuniam illam mihi legatam, ſorori tuæ ſi placet, etiam cum additamento reponam, quia illa mihi videtur magis indigere. Ad Eccleſiam Catholicam quod attinet, Deus mihi teſtis eſt, totum cordis mei deſiderium eſſe, & certam fiduciam, ejus Eccleſiæ membrum me moriturum. Quod ſi ex pompola ſpecie Eccleſiæ Romanæ eo adducar ut probem omnes illas intolerandas abuſiones, ſuperſtitiones, & idololatrias, quæ Deum honore ſuo tam multis modis exſpoliant, non crederem me membrum eſſe Jeſu Chriſti. Si nullam ſacræ Scripturæ interpretationem probetis niſi quæ Roma proſciſcatur, poteſtis facile quicquid placuerit affirmare. Nihil eſt tam abſurdum, tam æterni Dei veritati contrarium, quod non impuris gloſſematis torqueri poſſit, ut cauſe perditæ videatur inſervire: cum huiusmodi hominibus nulla eſt inſtituenda diſputatio. Quod de *Arrio* inferſ cum reliquis ejus generis, nihil eſt ad propoſitum. Omnes enim Scripturæ Prophetarum, unâ cum aliis maniſeſtis Scripturis ad quas in huiusmodi dubiis conſugere debemus, illiſque acquieſcere *Arrianum* perſpicue confundunt, cæterosque ejus participes. Conſubſtantialitas, quod *Græci* *homoion* dicunt, plurimis evidentiſſimis Scripturæ teſtimoniis confirmatur. At non ita Tranſubſtantiatio; *Scoti*, *Occami*, *Bipſi*, omniumque Scholaſticorum Theologorum ita vexaverat cerebra, ut ſæpenumero neſciant, quid potiſſimum dicant, quò abſurditates amoliantur quæ inde oriuntur. Itaque conſtat eſſe commentum ſine aliquo Scripturæ fundamento. Ita ut *Scotus* (quod & Episcopopus *Tranſſallus* ſæpenumero ingenuè fatebatur,) exiſtimarit, multo melius faciliſque potuiſſe Eccleſiam uti commodiore interpretatione verborum in ſacra Cæna, reverenter cum antiquis Patribus de ſacra Cæna loquendum judicavit Episcopopus, & Tranſubſtantiationis opinionem mittendam eſſe. Illud etiam idem

idem *Tunstallus* & scriptis & sermonibus affirmare solebat, *Innocentium* tertium nescisse quid ageret, quando Transubstantiationem inter articulos fidei posuerit: dicebatque *Innocentium* doctis circa se hominibus caruisse: adeo equidem inquit *Tunstallus*, si ipse fuisset ei à Consilio, non dubito me potuisse Pontificem ab eo Consilio retraxisse. Quando Magister *Chedsey* dixerat Catholicos cedere oportere in articulo Transubstantiationis, ego non audivi ipsum loquentem, sed qui audiverat mihi narrabat. Quod autem de ejus, aliorumque incarceratione scribis: equidem judico (quod præsentem hanc vitam attinet) quietissimam vivendi rationem illis obtigisse. Nec puto majorem vitæ quietem eligi posse, si non conscientia morsus illis molestiam faciat, quia causam sustinent non bonam, sed super arenam fundatam. Quod si vis homines concinnare oportere ad tot Romanorum Pontificum supra triginta vitas abominabiles & planè bestiales: potes & Christum etiam reprehendere quod palam aperuit perniciosas enormitates & *Phariseorum* (qui tum sancti scilicet patres habebantur,) atque etiam Patrum eorum tunc mortuorum: reprehendite etiam *Esaïam*, qui non vult malos dici bonos, denunciare maledictum eum qui sanctum appellat eum qui non est sanctus. Reprehendite S. Bernardum qui vocat eos ministros *Antichristi*. Nos merito excusant ea, quæ alii viri pii scripserunt in hanc sententiam. Reprehendit apertè ea de quibus fatetur turpe esse dicere. *Non aperta revelo, inquit, sed aperta redarguo.* Ad quod etiam divino mandato sumus obligati, *Esaïa* 58. 1. *Quæde populo meo scelera eorum.* Quod dicis quinque Sacramenta apud nos esse reprobata: non rectè reprobata dicis: nos enim reverenter eis utimur secundum Dei verbum, adeoque nec nomen Sacramenti tollimus, sicut est Sacramentum generaliter dictum. Sicut erat Lotio pedum, & multa alia quæ nomen Sacramenti in genere retinere possunt, ut & apud Patres retinent. Verum antiqui Patres, & Scholastici nonnulli affirmant Baptismum, & Eucharistiam propriè tantum dici Sacramenta: *Bessarionis* etiam testimonium est; hæc duo sola Sacramenta in Evangelis manifestè tradita legimus. Mirore te verba S. *Pauli* ad eum sensum torquere, ut ex iis verbis omnes in Missa ceremoniæ stabiliantur. Quum non ignores earum plurimam partem additam multis postea sæculis ab Episcopis Romanis. Legimus etiam Apostolos cum verbis Evangelii, & oratione dominica consecrassent. Præterea S. *Paulus* jamdudum ordinaverat, ut populus non solum manducaret panem cum ministro, (sicut verba ejus manifestè declarant:) verum etiam ex poculo biberent vides istos penitus abstulisse Ecclesiæ ordinationem illam Christi & Apostolorum. Quæ autoritate hoc factum sit ipsi viderint. Autoritatem illam ego nunquam legendo cognoscere potui. Contrarium invenio nempe omnes omnino homines, prohibitos esse, ne quid de verbo ac voluntate Dei mutant in sacris scripturis tradita. Dicis Scripturas probare orationem pro mortuis, & hoc te bene scire. S. *Hieronymus* dicit librum *Machabæorum*, ad mores non ad stabilendum dogma valere. S. *Augustinum* dicis in multis locis dubitasse utrum fuerit purgatorium. Id si sit dubitabile, non est obtrudendum tanquam articulus fidei, sed relinquendum ut liberum. Nam fides est substantia &c. *Heb.* 11. 1. fides non fluctuare debet, inquit S. *Jacobus*. *Ros.* sensus de purgatorio scribit. Apud præfatos vel nulla, vel quam rarissima fiebat

mentio.

memio. Et quamdiu nulla erat de purgatorio cura, nemo quaesivit indulgentias. Atque ita innumerabilia illa ex indulgentiis lucra nunquam nota fuerant priusquam purgatorium fuisset inventum. Quid jam dicemus ex illis Pauli verbis nobis innui, *Existimantes quæstum pietatem*, si hoc non sit? Hæc mercatura paverat, & adhuc pascit multos pigros ventres, qui verbum Dei strenuè abigunt quantum possunt ne pereant porci! Tandem tamen prævalēbit veritas utcumque illi conjuraverint. Quod addis de invocatione Sanctorum, S. *Augustinus* hortatur nos Scripturis potius quàm suis, aut aliorum scriptis adhærere: nec ipsius scriptis acquiescere sine Scripturarum autoritate. Et certè mea in conscientia hoc sedet, nihil esse ex iis omnibus quæ in controversiam vocantur, quod magis evidentibus Scripturæ testimoniis demonstretur; quàm quod solus Deus sit invocandus: & per unum Mediatorem, nempe Jesum Christum, Rom. 10. 14. *Quomodo invocabunt in quem non crediderunt?* In solum Deum credendum, ergo solus invocandus. Distinctio illa de Invocatione & Advocatione, ut si non invocationem Sanctorum, saltem eorum Advocationem probes, inutilis est; quia sicut Christum spoliant honore suo, qui alium Mediatorem quærent, sic non minus Christo injuriæ sunt, qui alium Advocatum quærent, quia Christum habemus Advocatum apud Patrem, 1 Job. 2. 1. Et *Esaia* 63: affirmat quod Abraham ignoret nos. Equidem credo Abrahamum partem credentium non minus esse sanctum quàm alium quemcumque ex Sanctis in Cælo. Dicis te credere Communionem Sanctorum, quod & omnes credimus. At subinters te non intelligere quomodo communio Sanctorum esse possit, si non Sancti defuncti orent pro nobis, & nos advocemus illos in subsidium. Atqui Ecclesia Dei longè aliter intelligit Communionem Sanctorum. Nam ex usu communi loquendi sacræ Scripturæ Sancti intelliguntur non defuncti in cælis, sed viventes in terris. Nec ferè per universam Scripturam veteris & novi Testamenti, Sancti nomen homini additum reperies, quin ut eo nomine intelligatur Sanctus in terris vivens. Aliquando expressius loquitur Scriptura, *Psal.* 16. 3. *Sanctis qui sunt in terra, &c.* Omnis voluntas mea in eis. Si quis habuit vel habere potuit, Communionem cum Sanctis in cælo, David certè habuit. Hic autem Communionem quam novit, explicat, hoc est Communionem Sanctorum in terris. S. *Johannes* sic hanc rem exponit, 1 Job. 1. 3. *Quod vidimus & audivimus, annuntiavimus vobis, ut & vos Communionem habeatis nobiscum, & Communio nostra sit cum Deo, & Filio ejus Jesu Christo.*

1. Omnis Christi Ecclesia Communionem habet cum Ecclesia Apostolica, ut vos nobiscum Communionem habeatis.

2. Consistit hæc Communio Sanctorum in prædicatione verbi, in variorum donorum communicatione ad Ecclesiæ ædificationem in publicis & privatis precibus.

3. In precibus autem fundendis Communionem habemus cum Patre & Filio, vel cum Patre per Filium. Nulla est hic defunctorum Sanctorum mentio vel ratio habita. Hæc communio ex verbis sacræ Scripturæ non ultra progreditur, quàm ad Ecclesiam in terris. Qui ultra quærent ambulat in tenebris. Sancti defuncti non vocantur in Scripturis Sancti simpliciter, sed Ecclesia primogenitorum in cælis, & Spiritus iustorum consummatorum, *Heb.* 12. 23.

Erit nobis cum illis communio post hoc sæculum, sed in hoc sæculo qui quærunt hanc communionem, vel è sacris literis proferant quod dicunt: vel audiant illam Domini sententiam: *Frustra me colitis, docentes doctrinas mandata hominum, Matth. 15. 9.* Fateor si usum nostri sæculi, aut aliquot superiorum sæculorum respicias, Sanctos vocari defunctos: sed non hujus aut illius sæculi consuetudo, sed sacra Scripturæ regula nobis sequenda proponitur. Sed quid de hac re certamus? Qui pro Invocatione Sanctorum tantopere decertant, concedent nobis liberum esse: scilicet tutissimum est accedere ad fontem misericordiæ relictis rivulis. Nec te moveant illi qui dicunt Deo nihil eos detrahère qui orationes suas ad Sanctos dirigunt. Nemo enim magis Deo detrahère potest, quàm qui cultum uni Deo debitum creaturæ transfert. Nam invocatio est pars cultus divini; hunc cultum nullæ creaturæ communicat, qui *gloriam suam non communicat alteri.* Quod attinet ad argumenta illa tua, de imaginibus, de Jejunio: (quod quidem jejunium abisti, ut vel ego, vel quispiam neget: Imò potius ad illud omnes exhortamur: superstitionem tantummodo pravasque opiniones sublatas cupimus.) Cum aliis illis argumentis de reliquiis, exorcismis, in spiritibus scilicet immundis ejiciendis, quod quum ad idololatriam ducit, *Pseudo-Propheta* signum est, *Deut. 13.* Ad hæc quamvis omnium facillimè responderi possit, quia tamen otium nunc mihi desit, utpote negotiorum cumulis onerato, quum jam mihi desit Curatus, & parochiam latissimam habeam ad visitandam, & tenuè sit corpusculum citò præ lassitudine languens, laboribusque multis attritum: his igitur omnibus de causis responsum in aliud tempus differendum censui. Si cogitas te nolle *Houghtoniam* accedere die Dominico, ne sis parochianis offendiculum: (qua in re non reprehendas me si de parochianis meis maximam sollicitudinem geram, pro ratione magni oneris mihi impositi: constat enim Prophetarum temporibus, sæculisque subsequenter omnibus, vulgus pronius fuisse ad superstitiones: & malum facilius crescit & longius serpit uno die, quam bona præcepta per mensem integrum.) Proinde illo die Dominico excepto, (nisi fortè in chorum accessurus, quod meo judicio recusare non debes:) si post diem Dominicum finitum protinus accedas, discedasque post mediam diei Saturni, hospes mihi gratus eris. Itaque illa quam præterdis excusatio, accessum tuum non debet impedire. Postrema conclusio tua quamvis sicut jam dixi spem fiduciamque omnem tollere potest ei, qui sit tecum collaturus, non tamen ego cessabo de conversione tua meliora sperare, quàm tu videris de teipso sperare. S. *Paulo* propositum firmum fuit aliquandiu, ut *Pharisæus* moreretur, & Christianorum persecutor: Deus tamen ei & potentia, & misericordiæ Thesauros servaverat, quo illum ordinaret ut prædicaret gloriosum illud nomen, quod ante fuerat persecutus. Commendo te omnipotentis Dei bonitati, quæ te spiritu scientia ducat in omnem veritatem. Vale *Houghtonæ* 14. *Octobris.* 1580. Avunculus amantissimus, *Bernardus Gilpinus.*

Quamdiu *Pilkingtonus* Episcopus vixerat; jucundissimam cum eo consuetudinem tenuit *Gilpinus.* Mortuo *Pilkingtono* successit *Richardus Barnes:* Is in *Gilpinum* infensor videbatur. Hæc res paulo altius repetenda est. *Gilpinus Oxonium* subinde proficisci solebat, maxime, quum junior esset, & sustinendis itineribus idoneus. Accidit forte dum *Oxonium* iret, ut puerum per-

viam.

viam cerneret nunc ambulantiem, nunc cursitantiem. Rogat quis esset, unde, & quò proficisceretur? Respondit ille se ex *Wallia* profectum, *Oxonium* discendi causâ petere. *Gilpinus* puerum examinat, invenitque in Latinis literis promptum, in Græcis non ignarum. Num ergo placet, inquit *Gilpinus*, mecum proficisci? Ego tui curam habebô. Assensit ille. Puerum ergo primum *Oxonium* tulit, deinde *Houghtonam*, ubi in Græcis, & Hebraicis literis egregiè profecit. Tandem ad Academiam *Cantabrigiam* misit. Hic est *Hugo* ille *Broughtonius* in Græcis, & Hebraicis literis capessendis promptissimus, sed homo levissimus. Nam senescente *Gilpino* utrum sacerdotio *Gilpini* inhians, an ex alia causa ipse *Gilpino* apud *Dunelmensem* Episcopum molestias, & offensiones creâsse dicitur: ita ut Episcopus in *Gilpino* occasiones aucupasse videretur. Dum in Episcopo animi hæc ab alienatione nasceretur mittit ad *Gilpinum*, eumque monuit ut in visitatione loco & tempore constitutis concionem habeat. *Gilpinus* jam paratus erat ad consuetum iter boreale, nempe ad *Tindalenses*, & *Riddesdalenses*: itaque ad Episcopum expedit famulum suum, qui apud Episcopum se excuset, & rationem itineris propositi doceret: oroque Episcopum, ut alium in visitatione concioni accomoderet; multos esse qui in visitatione concionare velint, ad apud istos limitaneos nullum esse qui officium illud suppleat, si ab ipso negligatur: se paratum futurum quocunque alio tempore voluerit ad officium præstandum. Famulus profectus ad Episcopum, redit ad *Gilpinum*: quærit ab eo *Gilpinus*, num excusationem suam ad Episcopum detulisset. Detuli inquit ille. Et *Gilpinus*, quid ergo respondit Episcopus? Famulus retulit, nihil Episcopum respondisse, sed tacuisse. At qui tacet, inquit *Gilpinus*, consentire videtur. Itaque *Gilpinus* in suscepto itinere pergit. Id ubi primum resciverat Episcopus, *Gilpinum* continuo suspendit ab omni munere Ecclesiastico, *Gilpinus* reversus reperit se suspensum quod minime excogitarat. Rem patienter tulit. Episcopus de *Gilpini* reditu certior factus, protinus ad eum mittit, monuitque ut ipsum unâ cum reliquo clero *Cestria* conveniat. *Gilpinus* *Cestriam* profectus, invenit Episcopum cum multis ex clero. Omnes in Ecclesiam sunt iussi convenire. Erat cum Episcopo Cancellarius *Johannes Barnes* Episcopi frater, homo flagitiosus in libidinem, an ad turpe lucrum propensior incertum: is multorum in Dioiceli flagitiorum inspector esse debebat, autor erat: fordidus homines numeris impunitatem redimebant: Episcopus passim malè audiebat. Quum jam omnes convenissent, Episcopus *Gilpinum* ad se vocat: hodie, inquit, oportet te concionem habere. *Gilpinus* se excusat: non, inquit, paratus veni, & suspensus sum. At ego te à suspensione liberare possum, inquit Episcopus, & libero. *Gilpinus* respondit se non audere imparatum ascendere. At novimus, inquit Episcopus, te nunquam imparatum esse; id enim ex usu concionandi jam consequutus es, ut & subito id præstare possis, si volueris. *Gilpinus* pertinaciter hæret in proposito, non ita Deum tentandum respondit: satis sibi esse, si ex justa meditatione aliquid præstare possit. Episcopus protinus ut ascendas, ego te jubeo, inquit, sub intuitu canonicæ obedientiæ. *Gilpinus* paulisper moratus; age, inquit, quum aliter fieri non possit, fiat quod jubet dominatio vestra: & post aliquam moram *Gilpinus* concionem inchoat. Inter concionandum prospexit quosdam non solito more expeditos, qui.

qui scriptis excipiebant ea quæ *Gilpinus* protulerat: Pergit ille in concione donec ad exhortationem, & vitiorum reprehensionem pervenerat. Dilabitur tandem ad illa vitia reprehendenda quæ in illa Dioecesi regnabant, & in ore omnium erant: atque hoc loco, inquit, Reverende Pater, sermo meus ad paternitatem vestram est convertendus: Deus paternitatem vestram ad hujus Dioecesis curam extulit, eam Deus administrationis vestræ rationem exposcit; eorum omnium quæ tam inordinatè gesta sunt in hac Ecclesia à Paternitate vestra expectatur emendatio, exigitur ratio. Et ne forte quum tanta flagitia perpetrata esse constet, respondeat dominatio vestra hæc nescisse, nec ad vestram noticiam hæc fuisse perlata: (hæc verba *Gilpinus* dixerat, quia intelligebat hanc fuisse usitatam Episcopi responsionem: quum homines quererentur de mala Cancellarii administratione; solebat dicere Episcopus illa ad suam noticiam non pervenisse: quæ facta sunt insecta fieri non posse: melius in posterum se provisorum, si quæ ad noticiam suam pervenerint.) En, inquit *Gilpinus*, ego hæc ad noticiam vestram produco: ne dixerit dominatio vestra aliorum vitio hæc mala perpetrata, non vestro consilio, nam vestrum est quicquid sive feceritis, sive ab aliis factum dissimulando permiseritis: itaque coram Deo, & Angelis, & hominibus, ego Paternitatem tuam horum omnium malorum autorem denuntio: ego etiam in illo stricti iudicii die testis adeso hæc omnia ad vestram noticiam pervenisse per me: testes aderunt omnes qui hic me loquentem audiunt. Dum hæc *Gilpinus* intonaret, amicos suos in magnum timorem & anxietatem conjecit: itaque quum finem dicendi fecisset, conveniunt eum amici, & cum lacrimis dixerunt, tandem habet Episcopus quod diu quesiverat: tu telum contra te porrexisti in ipsis manus: si prius sine causa offensus fuerat, quid faciet is qui jam irritatus jure suo, vel juris specie utetur ad nocendum? Quibus *Gilpinus* respondit, nolite timere; Deus nos omnes gubernat: dum veritas propagetur, & Deus glorificetur, de me fiat voluntas Dei. Post concionem omnes ad prandium convenerant: omnes de *Gilpino* metuebant aliquod malum ab Episcopo, tacitique eventum rei expectabant: Post prandium *Gilpinus* ad Episcopum accedit, ut Episcopo salutato; & valedicto domum redeat. Non ita fiet, inquit Episcopus; nam ego te domum tuam perducam: ergo domum redit *Gilpinus* in Episcopi comitatu. Quum jam *Gilpini* ædes intrassent, & ad conclave penetrassent, Episcopus subito arrepta *Gilpini* dextra, hæc habuit verba: Pater *Gilpine*, agnosco digniorem te esse qui sis Episcopus *Dunelmensis*, quam me dignum qui sim rector hujus Ecclesiæ tuæ: præteritarum offensionum veniam postulo; da veniam Pater: scio quod pullos quosdam educaveris immorigeros, qui contra matrem calcitrant: sed quoad ego vixero Episcopus *Dunelmensis*, securus esto, nemo tibi molestus erit. Amici *Gilpini*, hoc est omnes boni exultare ceperunt, & gratias Deo agere, & potentem Dei manum agnoscere, quod Episcopus ei insensus ita divina potentia correctus fuerit, ut quod in ejus contumeliam primò excogitaverat, cederet ei in honorem. *Gilpinus* interea uberrimum pietatis suæ fructum tulit.

Postquam senectus ei ingravescere cæperat, erat in oppido *Novi-Castri Genisensis* qui fratris filium è transmarinis regionibus redeuntem susceperat: *Genisensis* vehementer dolebat de fratris filio quem Jesuitam factum intellexe-

rat,

rat, eumque ad *Gilpinum* misit orans ut juvenis curam habeat, eumque à pravis & perniciosis opinionibus fieri possit reducat. *Gilpinus* postquam sapius cum eo contulisset invenit hominem abjecta humilitate insolentissimè superbi-entem, audacia arque impudentia armatum novis asque inauditis glossematibus sacras scripturas corrumpentem. Scripsit *Gilpinus* ad *Genisonum* avunculum; juvenem illum audacissimum venisse ad se non ut disceret, sed ut doceret. Homo inquit magnificum nescio quid sese ipso sentiens sperabat etiam me hac ætate ingravescentem ad absurda quædam agnoscenda allicere. Video *Jesuitas* novas invenisse scripturarum expositiones antea nunquam auditas. Abjecta omni reverentia, audacià grassantur. Audent probare invocationem sanctorum ex *Abrahamo*, *Isaco*, *Jacobo*. Ille pertinaciter tenet Ecclesiam Romanam nulla in re errasse. Errores maxime horrendos de indulgentiis, miraculis falsatis, falsatis reliquiis, peregrinationibus, imaginum cultu, de reliquis ejus generis, hæc omnia iste homo mirificus reperit in Evangelio. Omniaque hæc bona esse & sancta contendit. Ego cum tam horrido hominum genere, qui os suum in cælum aperiunt (nam quid est os in cælum aperire, si non hoc sit sacras Scripturas tam violenter, tam contumeliosè tractare?) cum jam horridis ingenuis, nihil mihi negatius amplius esse volo: excogitarunt & quotidie extogitant horrenda glossemata, quæ nec in Romana Ecclesia antea fuerunt audita. Hunc igitur tanquam morbidum pecus ne gregem inficiat missum facio.

Postquam tenuè corpusculum variis laboribus consecerit tandem mortem præsentibus pauperes convocari jubet, ad quos orationem habuit, eisque valedixit. Deinde & alios. Egritudinem contraxit, propè finem Februarii, post varias exhortationes ad Scholares, ad famulos suos, aliosque tandem placide in Domino obdormivit Martii. 4. 1783. *Amstelædæ* ætatis suæ 66.

Corpore fuit proceros, & molesto, naso aquilino; vestitus erat pretli paulo vilioris. Fulgentes vestes omnino fugiebat. In iis quæ ad corpus proprium pertinent, parcissimus erat & antiquam austeritatem retinebat. In iis quæ ad aliorum bonum cederent munificentissimus erat, maxime in pauperes & Scholasticos. Januam aperiri esse voluit pauperibus & peregrinis. Domus suæ Scholasticos aluit ut plurimum viginti quatuor, quandoque pauciores. Eorum quæ domi habebat major numerus erat pauperum quibus victum, vestitum & educationem in bonis literis præstitit. Conviviis suos parochianos hospitesque excepit non tantum Saturnalibus diebus ut mos est, sed quia late diffusam habuerat parochiam, magnamque populi multitudinem, convivium exhibuit singulis diebus Dominicis a festo *S. Michaelis* usque ad *Pascha*. Separatos habuit & velut in classes dispositos generosos, colonos, & pauperes, quos omnes suo ordine excepit. Laudare solebat conjugium in clero, ipse celebs vixit. In Schola ædificanda, instituenda, consumenda, & in stipendiis annuis Ludi Magistro & hypodidascalo instituendis insumpsit quingentas libras. Ex ea Schola *Anglicanam* Ecclesiam doctorum virorum ingenti multitudo adauxit. Non vitia tantum verum & levissimas suspensiones virabat. Iudicio etiam inimicorum si quos habuit Sanctus habebatur. Fide non ficta, & bonis operibus repletus. Sepulchro tandem sicut acervus tritici tempore suo infertur.

V I T A
JOANNIS VINCENTII
P I N E L L I
PATRITII GENUENSIS.

*In qua studiosis bonarum artium, præponitur typus
viri probi & eruditi.*

AUCTORE PAULO GUALDO,
PATRICIO VICETINO.

ILLUSTRISSIMO
ET REVERENDISS.

D. DOMINICO PINELLO, S.R.E. CARD.

EPISC. OSTIENSI,

Sacri Collegii Decano.

PAULUS GUALDUS VICETINUS

SALUTEM.

EXIMIUM illum Philosophum, Magistrum, ut Cicero ait, intel-
ligendi & dicendi, cujus nomen æternis præclarum monumentis,
nemo non admiratur, gloriatum ferunt aliquando, quod Socrate
vivere vixisset. At ego non præclarè minus mecum censeo act-
um, cui contigerit primum eo sæculo nasci, quo non tantum de facie nosce-
re, sed & còtere observareque licuit per annos non paucos JOHANNEM
VINCENTIUM.

VINCENTIUM PINELLUM, doctum & probum supra omnia pæne nostrorum temporum exempla; tum vero deinceps vitam ejusdem morefque elegantissimos commendare posteritati, in quo quidem munere, ut rei magnitudini mihiq; adeo ipsi non fecerim satis, (quæ enim ejus viri merita explicet pro dignitate?) confidam tamen obventurum inde mihi laudis & estimationis non parum, quod lubens contulerim vires omnes meas in Viri CLares, si non universas, at quas licuit mihi, sermone celebrandas. Illud vero quam eximium? extare te nunc ex eadem gente DOMINICE CARD. Illustrissime qui ut JOH. VINCENTIUM, non vi magis affinitatis quam charitatis, perpetuo amaveris, ita videaris hilaris excepturus scriptiorem hanc meam, quæ gentilis tui laudes prædicare sit aggressa.

Et sane cui hæc alii inscripsissem, quam tibi? in quo absolutum actionis exemplar, ut in JOH. VINCENTIO contemplationis propositum habemus. Ille per faciles semitas, & amœna Philosophiæ vireta, tu per salebras & sentes Jurisprudentiæ; ille in Musarum congressu, tu in Judiciario & forensi pulvere; abditus ille in domestica bibliotheca, tu in conventibus, in Legationibus, in amplissimorum Patrum pæne quotidiano cœtu; in Academia ille Patavina, tu Romæ in oculis orbis terrarum, variis adeo itineribus eo pervenisti, ut JOH. VINCENTIUM intra limites umbratilis illius vitæ suspexerint omnes, te vero civilibus muneribus exercitum, fides, prudentia, integritas in sanctiss. Cardinalium Collegium cooptarint, in quo collegas omnes, & universos Christianæ Reip. Episcopos, à Summo Pontifice primus, anteis dignitate, fastigio illi proximus, à quo non absuturum te diu boni omnes augurantur. Munus igitur hoc tibi tot nominibus debitum, apud te esse patere Vir Illustrissime non indignum prorsus quod extet meæ in nominis & gentilitii splendoris tui gloriam observantiæ testimonium, complectendum tibi si nos auctoris ratione, at ejus memoria, cujus laudes prædicare consilium fuit. Illius ego enarrandis rebus gestis, ut non quam illum decebat operam præstiterim, at quam ego potui impendisse. Et quid homini potest dari majus (inquit junior Plinius) quam gloria, laus, & æternitas? At non erunt æterna quæ scripsi! non erunt fortasse; scripsi tamen (ut respondeam ejusdemmet Cæcilii verbis) tanquam essent futura. Tu hæc DOMINICE CARD. Amplissime, accipe uti dantur, non sine jucunda magni gentilis tui memoria, delectationi proculdubio futura.

Vale.

R i

MARCO

MARCO VELSERO II.
VIRO AUGUSTANO,
PAULUS GUALDUS VICETINUS.
SALUTEM.

QUI serio amant MARCE VELSERE, eo allicentis naturæ propensione ducuntur, ut rei quam amant bona omnia, perpetuitatem adeo ipsam, in hoc vicissitudinum humanarum æstu contingere flagrantissime cupiant, qui sane affectus, quo magis intimus, eo semper solentior fuit in perquirendis rationibus, per quas tendere ad propositum hunc finem liceret. Hinc antiquioris ævi decora, historicæ narrationes, tabulæ, signa ærea, marmoreaque; posterioris calceographicum inventum, quæ omnia eo spectant, ut non solum habitus corporum delineare, sed & animorum exprimere ornamenta possimus. Qui sane affectus amores benevolentiaque impulit etiam me ipsum, non modo ut JOH. VINCENTII PINELLI imaginem describendam curaverim, sed &, cum per annos prope XXX, à die quo primum studiosè magnum virum observare cœpi, ad eum quo supremo in sinu meo animam egit, dilexerim supra quam sermone explicari queat, coegerim etiam intra non magni voluminis angustias, è latissimo rerum campo, præcipua quædam ipsius vitæ capita, tum ut mihi etiam nunc exemplar referrent, ad quod formare me possem, tum vero etiam ut mororem levarent, quem mihi incusserat amplissimi viri quam feceram jactura. Propositum hoc meum cum plerique communium amicorum ut sit explorassent, perurgere cœperunt, ut ne publicæ literatorum rei lucubrationes meas inviderem, studiosis scilicet omnibus gratas futuras, apud quos PINELLI memoria, & grata & sancta jam diu esset. Me vero hæc preces, ut non permulcebant, gnarum videlicet tenuitatis meæ, ita in eam sententiam traxerunt, ut sortum hunc meum dispiciendum traderem, examinandumque tibi V. Clarissimo PINELLI amico, bonarum artium patrono, qui prudentia, eruditione, & animi candore in consilium advocatis, tum demum pronuncies an è re PINELLI, an è literarum, an è mea sit, ut in lucem hominum prodire sinam qualescunque hæc subsecivarum horarum reliquas, hoc tibi arbitrium ut deferam, faciunt multa; præstantissimorum quo teneris studiorum amor, impollutæ quam nobiscum profiteris religionis patrocinium, & princeps in Pinelliana amicitia locus, qui te potissimum alliciet, ut more majorum his animum advertas, quæ pro tuo nutu vel abeunt sese, vel dabunt in conspectum. Mihi enim, cui non alius quam JOH. VINCENTII

VINCENTII gloriæ observatur finis, si tibi cum me affectum non videatur, sufficere voluisse saltem, continebiturque scriptio hæc mea intra domesticos parietes, contestatio utique gentilibus meis non injucunda, fuisse mihi cum ætatis nostræ maximo viro non vulgares præstantissimæ amicitie rationes.

VALE.

ANTONII QUÆRENGI.

PERPETUA rapidis annis
obfiste juventâ

Musarum pia cura liber.

Quaque decem promit, qua mergitur
æquore Titan.

Fer magni super astra decus

PINELLI; non raris alta sapientia mentis.

Non morum sine labe nitor,

Invida Letheæ metuant obliviam
noctis.

Promeritis quoque tollat bonos

Insignem calo PALLUM, quem
dulcis amici

In tantum laus egit opus.

Gloria Germanæ gentis te VEL
SERUS heros.

Ante alios per docta virum

Agmina dimittat celebrans: ibi
auspice tutam

Ad Gades ad Bæthra viam

Carpe volans, fama que diu te cre
de vocanti.

Ingressum quocunque feres

Te lata excipient urbes, sed lumina
Tusci

Præsertim tibi clara maris;

Magnanimi plaudent Ligures, c
vemque verendum

Posteritas imitata colet.

R r 2

ALOY-

ALOYSII VALMARANÆ

VICETINI E SOCIETATE JESU.

TEPINELLE, reum
 mortis genuere parentes,
 Es vita ingressus janua mortis
 erat :
 Lætæa Lethæis miscebas pocula po-
 cliis
 Parvuli, eratque viri tempus
 edentis edax :
 Longa brevi moriens traxisti fune-
 ra vitæ,

Longior at longo funera vita
 subis :
 Nam GUALDUScalamo, quod
 non potuere parentes
 Stirpe, virum in memori vive-
 re mente dedit.
 Quæ tibi vita fuit, non est: tibi
 vita perennis.
 PINELLI inscriptus Vita,
 libellus erit.

BERNARDI STEPHONII

E SOCIETATE JESU.

OPACA PINUS, & ve-
 tuſta, nobilis
 Gnidi Paphique ſylvæ, ſibilantibus
 Comis ſonora: ſic ſuſurrus ingruat
 Tepentis aut Favonii, vel arduis
 Seranus Auſter implicata brachiis
 Volutet uſque ludibunda murmura :
 Beata ſic perennitas aqua tibi
 Amica, ſemper obloquente ſibilo
 Coma volumem humidum ſecus ci-
 sans,
 Amœnitate fertili riget nemus :
 Ut hinc & inde Pineæ gravis nuce.
 Comas onuſque ſuſtinere vix queas :

Vige ſalubre Cypridis nemus do-
 mus :
 Vige perenne gaudium Liguria :
 Quod & benignus educat Gnidi le-
 por :
 Quod & leporis anra Paulus edu-
 cat,
 Superſtitatque, ſpſitatque ſetibus
 Tuſis, ſuiſque : Paulus unus omni-
 um,
 Quot & fuere, quotque ſunt, erunt-
 que poſt.
 Amœnitatis inſtar intogellula,
 Amorû, & decoris, & tui ſequax,
 Tenaxque

Tenaxque veritatis, & boni te-
nax,

Vige: vigebit aureus simul decor:
Vige: vigebit elegans simul fides:
Datura frigus hospitale posteris,
Domus virentis usquequaque tex-
tili

Repeza fronde: sive litoralibus
Maritimisque florem leporibus
Cubile perbenigna garrientibus,
Ut ante, semper apparare gesties:
Alumna seu Cytheris evocaverit
Ligusticasque Romulasque Gratas,
Focis remixta Lydiis & Atticis.

Tuos ad hosce cespites frequens
ego.
Mensque Paulus, ingeni grauis le-
por.

Tuos ab usque Regia Cypro satas:
Ab ultimaque Pineos origine
In hoc cacumen editos, in id decus,

Redordiemur invicem: modis ego:
Ut ut libebit ille: sive libera,
Severiore lege sive mavolet
Rotundiora verba dulce volvere:
Utroque mirus artifex, tui memor.
Vigebis usque: spondet id Gnidi
Charis.

Et hic vigebis in sodalis hortulis,
Loquente semper irrigata rivulo:
Ut alba poscit, alba reddit ut fides.
Et has, arata literis fidelibus,
Sodalitatis indices notas geres.
Med ne stirpe latiore creverim,
Tua ne PALLI culte diligentia
Amica Pinus, ambigo. Sed hoc li-
quet,
Quod interire posset, id dedit ge-
nus,
Quod interire nescit, hoc A M O R
dedit.

FAMIANI STRATÆ.

E SOCIETATE JESU.

A MOREM audieram pa-
trem doloris;
Nec dum credideram, atriusque
mores
Longe dissimiles, fefellerant me.
Sed jam percipio miser, querorque
Vero verius esse quod negabam.
Nec solus queror, hoc idem querun-
tur.

Mecum, docte PINELLE, qui te
amarunt,
Nam quis docte PINELLE, non
te amavit?
PALLIUS ante alios pereleganti
Ne totus percas vetas libello.
Partum in pectore sentiunt dolo-
rem.
Infantem sine lacrimis dolorem
Quis:

*Qui nasci nequit, Et Catoniano
Mi supercilio quis exprobat
Lachrimas oculis perenne fusas!
Quid ergo? ex oculis Amor crea-
tus
In pectus cadit, hic creas dolorem.
Qui vestigia per paterna, ad ipsos
Se refert oculos, & inde adamus
Lachrimis, velut annis imbre,
prima
Incunabula pectoris revisit.*

*Hinc dolere, & amare se sequun-
tur.
Qui dolor modo natus occidente est
Te P I N E L L E, in Amore deli-
sebat.
Proque uno dolor occidente, mentes
Mistrum numerosus occupavit,
Sic qua sidera per diem latebant,
Apparent moriente Sole, & uni
Plurima face funus exequuntur.*

JOSEPHI CASTALIONIS

J. C.

EDITUS antiqua Lignurum
de stirpe parentum,
Parthenope imperii claro quos aux-
it honore,
Venerat exemplar morum PINEL-
LUS in urbem.
Quam posuit pulsus Phrygiis Ante-
nor ab oris,
Ingenii ut cultus caperet juvenili-
bus annis.
Ac licet in libris illic exegerit
ævum
Abditus, & Regum vitæ testis
superba,
Pollicitis magnis, precibusque vo-
catus in aulam;
Haud latuit, vixitve nullo tamen
ille beatus
Rege minor. Testis Germania, te-
stis Hiberus,

*Cumque Italo testis celeberrima
Gallia tractu.
Nam quo non adiit P I N E L L I
gloria? Quisve
Conspicua titulo doctrina floruit us-
quam,
Cui cum P I N E L L O fuerint
commercia nulla?
Democriti incultos quis jam mira-
bitur agros?
At tibi susceptos nemo non P A-
L L E labores
Laudibus in celum tollit. Tu poste-
ra secula
Quod stupeant, serique imitentur
rite nepotes,
Digeris in libros, & mores expri-
mis ejus,*

Sollicitis

*Sollicitis qui opibus Regum secunda
 potentum
 Privata novit proponere commoda
 vita,
 Trepidus officium merito persolvis
 amico,
 Cumque tuo longum producis nomen
 in aenum
 Illius, officiantque caves obliviam
 neutri.*

*Hinc quoque permultum sumit V I-
 G E T I A lucis,
 Et tanto natale solum se jactat
 alumno.
 Felix qui caro capiti, patriaque ti-
 bique
 Struxisti doctis monumenta peren-
 nia chartis.*

LAURENTII PIGNORII.

QUOS sollicitas doctarum
 forma Sororum.
 Dulci alit aut sapientia cura,
 Quos juvat emerita splendescere
 frontis honore.
 Decerpta ex Helicone beato:
 Si lubet o longum caelesti accumbere
 mensa,
 Atque animum perfundere sacro
 Nectare, non alios quam P A U L I
 evoluite chartas.
 Quis pius inclita nomina amici
 Imprimis aeternum mansuris, ille
 perenni
 Eluquo bonus, aurea vis.
 Concludit praecepta, virumque in-
 format amantem

*Musarum, & laudabilis oci,
 Qua valeat certam Sophia contin-
 gere metam.
 Et Fame decurrere campo.
 Non legat hanc cui stat foribus con-
 fixa superbis
 Mens, effrangi perditam luxu:
 Non qui inhiat gemmis, perituro-
 ve incubat auro.
 Qui patriam, miserosque penates
 Servitio promittit infando. Num di-
 cere laudes
 G U A L D E tuas ego carmine
 tentem?
 Anne idem, mare cum servet, de-
 prendere nostrum
 Quot veniant ad litora fluctus?*

VITA

VITA
JOANNIS VINCENTII
PINELLI,
PATRICII GENUENSIS.

HOMINUM qui in scientiarum minorumve literarum studia incumberent, reperti sunt omni ævo adeo pauci, quibus solidus unicusque earum fructus propositus ex animo esset, ut si quis ejusmodi sorte fortuna compertus aliquando sit, ad miraculum vergeret, raraque ut dicitur in terris avis, spectaculo magis esset quam imitationi. His enim qui literis operam unquam navarunt, is ut plurimum obversatus est finis, ut aut rem quærerent, nummaria quadam nundinatione profectum distrahere, aut inanes honores ut consequerentur, proposita sibi scenica quadam & insolenti ostentatione, iis omnibus deliciis despectui penitus habitis, quas literarum suavitatis, optimorum auctorum tractatio, doctorum hominum repetita consuetudo, eruditorum & sui amantium animis instillare consueverunt. At non ita quos expressit Christianus Rhetor; Magno, ait, & excellenti ingenio viri, cum se doctrinæ penitus dedissent, quidquid laboris poterat impendi, contemptis omnibus & publicis & privatis actionibus, ad inquirendæ veritatis studium contulerunt, existimantes multo esse præclarior humanarum divinarumque rerum investigare ac scire rationem, quam aut fruendis opibus, aut cumulandis honoribus inhærere. *Luculenter ut solet, Doctrina enim ipsa,*

Laſſan. in præfat. lib. 1. de fals. Relig.

Claudianus Tanagerius. in cons. Mani. l. 1. in prin.

— pretium sibi, solique late
Fortuna securâ nitet, nec fuscibus ullis
Erigitur, plausuque petiit clarescere vulgi,
Nil opis externa cupiens, nil indiga laudis,
Divitiis ammosa fuit, immotaque cunctis
Castis, ex alta mortalia despiciit arce.

Hæc omnia, ætate nostra intimè nota, & vitæ instituto comprobata fuere, uni sermè **JOH. VINCENTIO PINELLO** Cl. viro, cujus nunc vitam in publicæ rei commodum, & in veteris amicitie testimonium exordimur. Ejus rei specimen, ab ipso, ineunte etiam adolescentia exhibitum, testem habet **PAULUM MANUTIUM**, qui anno MDLXVI. per Epistolam **OCTAVIO SANMARCO** gratulatur, quod se Patavium

Epist. 16. lib. 7.

vium studiorum gratia contulerit, & amicitiam cum *PINELLO* iniv-
 rit, in hæc verba; 'Nam de *JOH. VINCENTII PINELLI* con-
 'suetudine nihil dico, non enim dubito, quin ipse jam perspexeris, quæ sint
 'in illo juvenæ virtutes, quæ probitas, quæ humanitas: ut omni dignissimus
 'honore sit, qui tamen ab omni honorum cupiditate, sola virtute contentus,
 'longissimè distat. Hæc ille. Quæ sanè laus, ut ad animi compositionem, & ad
 'institutionem educantium creantur, manat etiam à majorum præstantia, &
 'nobilitate; sortes enim oriuntur fortibus, ut in confesso est. Cujus dome-
 'stici ornamentum compendium hic attingemus, non quia monstrari egeat, sed
 'quod ea demum germana laus est nobilitatis, quæ inter majorum imagines ad-
 'ditum sibi comparat ad immortalitatem. Gentis *PINELLÆ* unius è
 'duo de triginta Reipub. *GENUENSIS* nobilioribus & antiquioribus,
 'meminit *UBERTUS FOLIETA*, his verbis: 'Gens *PINELLA*
 'nobilis & per vetusta, multos egregios atque insignes viros, patriæque petu-
 'tiles tulit. At encomium hoc, jejunum fortasse visum, extorsit acris judicii
 'viro laudationem illam, qua vix ullam apud eundem reperias ampliorem, ea
 'sic se habet: 'Gens enim *PINELLA* apprimè nobilis, turbulentissimis
 'civitatis nostræ temporibus, procul ab omni fastu & ambitione, ab omnibus-
 'que civilibus contentionibus remota, cum nullo loco operam & industriam
 'suam Reipub. subtraxerit, nullumque illius procurandæ aut munus unquam
 'intermiserit, aut laborem subterfugerit, non tamen aut ex malis publicis cres-
 'cere unquam stuidit, aut per publicam privatamve cujusquam injuriam in al-
 'tiorè potentiam aut dignitatis locum ascendere contendit. *FOLIETÆ*
 'præclarum testimonium de familiæ *PINELLÆ* splendore & vetustate,
 'comprobat minimè novitius Scriptor *ELUTHERIUS MIRABEL-
 LIUS*, cujus de Gothorum Regibus sermonem habentis hæc sunt; Ex fa-
 'milia *PINELLA* ortus est *ILDOALDUS* sextus Rex Gotho-
 'rum. Exscripsit hæc *FANUSIUS CAMPANUS*, auctor non-
 'dum editus, cui Gentes Italicas illustrioris, earumque origines recensere cu-
 'ræ fuit. Ejus mihi copia facta est ab amicissimo viro *PAULO TAGIO*,
 'cujus animi candorem, & multiplicem rerum usum, liberalemque doctrinam,
 '*PINELLUS* noster magni semper fecit. Sunt autem qui nervosè asse-
 'runt (rumore ne domestico, an certis argumentis nixi, non satis scio) *PI-
 NELLOS* Cypro oriundos, manasse à Regia Lusitanorum domo. Mihi ne-
 'que in horum, neque in Eleutherii verba juranti, compertum quidem est,
 'gentem hanc insignibus præditam ornamentis, inter Italicas clariores recen-
 'teri jure merito posse. Ideoque ego domestica *PINELLORUM* or-
 'namenta consulto prætereo, Senatores videlicet, Militiæ Præfectos, Rei-
 'pub. Duces, & alios complures, optimè de posteritate meritos, quorum,
 'domi forisque, ad laudem, & gloriam extant gestarum egregiè rerum præ-
 'clara monumenta. Summorum item Pontificum, & Regum aliquot perhono-
 'rifica decreta, *INNOCENTII* scilicet VIII. cujus avia *PINELLO-
 RUM* Gentilis fuit, *ALEXANDRI VI. FERDINANDI* pa-
 'tris, & *ALPHONSI* filii, Arragoniorum regum, quorum mihi omni-
 'um diplomata videre contigit, lubens omitto, rem actam minime acturos,
 'illud sane satis superque fuisset, *DOMINICI PINELLI* Cardinalis

Lib. de Cleric
Liguris.

Lib. I. cap. 18.

amplissimi nunquam intermoriturus laudes, institutæ narrationi leviter aspersisse: at iis, optimo quidem fato, scriptorem alium tantæ oneri parem obligasse gratulandum. Supra gentilitia ut diximus decora, *JOH. VINCENTIUS* noster, natalibus Neapolim patriam sortitus est, Urbem Italicarum ferè omnium nobilissimam & elegantissimam, quam loci æmœnitas, & urbanæ nobilitatis splendor eò provexerunt, ut Hispæis, qui nunc ejus potiuntur, vernaculæ vocis, qua Italicè Neapolim appellamus, illud Hispanicum etymon unicè probetur, quo urbs Neapoli ornatior in eorum ditione extare usquam pernegatur. Et sane Hesperidum Alcinoique horti, præ Neapolitano agro ignobiles inamœnique fuerunt: nec aliunde videtur maximus poetarum laudandæ Italiæ, multiplex illud, & nobile argumentum arripuisse. Eximia enim sunt illa, tractusque hujus terrarum peculiaria.

*Virg. Georgic.
lib. 2.*

*Sed grævida fruges, & Bacchi Massicus humor
Implevere: tenens oleaque armenta que lata.
Hic ver assiduum, atque dienis mensibus Æstat,
Bis grævida pecudes, bis pomis utilis arbor.*

*Cic. Epist. 7. ad
Treb. lib. 6.
sum.*

Et profectò apud non iniquos rerum æstimatores, quid mollius eo cælo? Quid uberius eo solo? quid hospitalius illo mari? Splendidissimam igitur patriam nactus *PINELLUS*, nascitur anno MDCXXXV. patre *COSMO*, animi maximi viro. Huic Enniam illud animo volenti, Multos rem suam bene gessisse patria procul, Genua placuit Neapolim proficisci, magnam ibi copiosamque mercaturam facturo. Et vero Genuensium privatæ publicæque cum Hispaniarum Regno contractæ rationes, Neapolim eos frequenter advocant, cujus regni non contemnenda hodie portis Genuensibus cessit. Negotiationem autem liberalem illam & minimè sordidam, civibus urbium liberarum & probari, & ornamento esse, extra controversiam est. Ex quo capite *COSMUS* apprimè laudandus, quem Bartholomæus Maranta 'probræ vitæ, sanctæque religionis unicum exemplar appellat. 'In quam sententiam Folietæ; *COSMI* enim eximia animi moderatio, & nostræ ætati conspecta, & posteritati memorabilis inprimis est, nam nemo in quærendis opibus castius est versatus, famamque & mentem ab omni sordium & avaritiæ labe integriorem purioremque fervavit; & iis opibus partis, quæ ad cultum honorificè tuendum sufficerent, modo cupiditati salubriter posito, omnique quæstus genere, ac sollicitudine valere iussa, præclarum exemplar posteris ad imitandum in se constituit, præterea, nulla in re privatæ ac civilis vitæ modum excessit, præterquam in ædificiorum magnificentia, sumptibusque in filiorum cultum, in bellis, in aulis Regum, in gymnasiis magnificè tuendum largè suppeditandis: qua in laude perpetuæ & contestatæ gentilitiæ commendationi proximus fuit. Nupsit *COSMO CLEMENTIA RAVASCHERIA* ex Lavaniæ Comitum nobilissimo stemmate, Bariensis, uti appellant, Prioris filia. Suscepit is ex ea filios sex: mares quaternos, feminas binas *CORNELIAM* & *LUCRETIAM*: illa *JOH. SIMONI CARACCIOLO*, hæc *ANTONIO GUEVARÆ* collocatur: Capuæ ille, hic Nidi primarias equestris ordinis curias (vulgo Seggi) domesticæ dignitate attingebat.

zingebat. Spectat autem ad quinas patriciorum hæc curias, seu conventus mavis, Neapoli urbanæ annonæ, & civilis Junis procuratio. quibus è statò, & legitimo familiarum numero quinque viri ex urbana nobilitate præficiuntur. Eo proceres itare, tum Reipub. tum animi gratia confluverunt, ex quo fit, ut magnam etiam apud externos consecutæ sint hæ publici Consilii Sedes sermonis hominum celebritatem. Ei fratrum qui primus natus est, *GALEATIO* nomen fuit. *JOH. VINCENTIUS* secundo loco, *CAROLUS*, qui admodum adolescens periit, tertio, *JULIUS* quarto editi sunt. *JOH. VINCENTIO* contigit ut geminus nasceretur; eodem enim partu, & ut serunt octimestri, infrequenti admodum, & dubiæ videlicet ut medicis placet, vitalitatis, cum *CORNELIA* sorore prodi-
it in lucem. Et sanè æquum erat admiranda vitæ primordia illi obtingere, ^{Plutar. lib. 5. de placit. philoso- ph. c. 18.} cujus ingenium, & vitæ rationem posteri nunquam satis admirabuntur. At *COSMUS* pater cum ad CCC. Mil. aureorum summam rem domesticam & familiarem, sælici eventu redegisset, *JOH. VINCENTIO* tum Patavii degente, obiit jam octuagenarius. Is filium qui reliquos ætate antecedit, ceterosque deinceps è familia maximò natu, amplissima Primigeniorum jura testamento sibi habere jussit. Dum viveret, oppidum Neapoli proximum comparavit, Julianum nomine, loci deliciis insignis, & incolarum frequentia: ibi ipse Prætorium elegantissimum, peramænos hortos, laxa vivariorum septa, regio prope more excitaverat. Multo antequam vita excederet, mercaturæ nuncium (quod etiam *FOLIETA* testatur) lubenti animo remiserat, atque à majore natu filio minoribus certam pecuniæ partem testamento legaverat, quam *GALEATIUS* religiose persolvit semper, *JOH. VINCENTIO* præsertim, & quidem magna cum accessione, quod fratris enixos ad virtutem conatus vir ornatissimus unice amaret: ideoque inter hos fratres ad ultimum usque vitæ spiritum gratia non rara, mutuique amoris specimen per jucundum animadversa: & quod mirere, adeo fratrum omnium horum pectoribus *JOH. VINCENTII* virtus infederat, ut siquando dissidiorum exordia uxoribus filiisve seu affinibus (ut fit) incidissent, tunc cum per litteras non consulere, ejusque rescriptis non obsequi religioni haberent. *GALEATIUS* adolescens ad bellicam gloriam aspiravit, navavitque strenuam operam *PHILIPPO* II. Hispaniarum Regi in bellis, Senensi, Truentinoque, & ad Echinadas nobili illo navali certamine, quo Turcarum opes debilitatæ assiditæque, nostris maris imperium veluti precario concesserunt. Itaque *GALEATII* spectata industria *PHILIPPUM* allexit, ut Tusconensem Ditionem, quam ille in Lucania sui juris fecerat, Marchionatus titulo ornaret, cui beneficio majus quippiam adjectum volens, eundem Acheruntinum Ducem declaravit, cum Acheruntiam vetustissimam Apuliæ civitatem, cujus Horatius meminit, quæque hodie Acerenza, sibi acquisivisset. Viri hujus encomium ex *FOLIETA* desumptum excerpissimus, quia narrationi nostræ animadvertimus non minimo ornamento futurum. *GALEATIUM* in paterno sinu, paternaque cura & diligentia educatum, omnesque artes non modò libero homine, sed summæ fortunæ amplitudine dignas edoctum, non magis paternæ peramplæ opes, quàm suæ ipsius virtutes ac merita extulerunt, quippe qui omnia vitæ munera cumulata implerit,

* implevit, omnesque officii gradus erga propinquos, & ditioni subundos, at-
 * que adeo omnes homines, persanctè, & diligenter servavit: nam propinquos
 * & amicos liberalitate & hospitalitate, subundos vero aequitate, iustitia,
 * charitate coluit, veritatis in omni vita retinentissimus. Duxit uxorem,
 * *LIVIAM* nomine, è vetustissima familia Squarciafica, a qua dotis nomine
 * accepit, in Japygia Galatena Marchionatum, Galatena, CuPERTINO, Velia,
 * & Librano, elegantibus oppidis insignem. Delectatus est is polytropia qua-
 * dam, & varia peregrinarium rerum experientia, quam ipse sibi, non pervo-
 * lutandis libris, ut *JOH. VINCENTIUS*, sed professionibus pepe-
 * rerat, & gentium externarum moribus indagandis. Et profecto bivium hoc
 * ad civilem prudentiam ducit regis & compendiaris itineribus. Libri enim,
 * ut sensit Demetrius Phalereus, nos de plerisque admonent, quæ ne amici
 * quidem audent attingere: turpia honestaque omnium ætatum exempla ob ocu-
 * los ponunt, quæ à vitio avocent, quæ ad virtutem impellant. Peregrinati-
 * one verò, nisi quispiam secum ipse peregrinetur, tanta rerum vis, tanta un-
 * dique colligitur sapientiæ copia, ut quilibet illa afficitur, ceteris excellere
 * videatur. Itaque nobilis ille orbis terrarum peragror, domo Tyanæus,
 * conducere adolefcentibus aiebat, voluntarium sibi met ipsis exilium indicere;
 * hoc tamen, ut nihil aliud, profecturis (quæ fuit *GALEATII PI-
 * NELLI* sententia) ut res admirari desinerent, seposita, quod nemo non
 * præclarum ducat, eorundem ignoratione. Ita mihi ille, cum ipsum officii
 * gratia Neapoli aliquando convenissem. Decessit is de vitæ statione anno
 * *MDXCVIII.* exacta planè ætate, omnium pene hominum ordinibus Neapoli
 * ejus mortem dolentibus, ejus vitam summo cum splendore traductam proba-
 * rant, cujus virtutem, cujus prudentiam non semel experti erant. Unicum
 * filium reliquit *COSMUM* avi cognominem, qui partæ jam gentis existi-
 * mationi, præstantiori aliquo decore consultum in posterum volens, magni
 * Cancellarii munus è septenis Regni Neapolitani, post Proregem, insigniori-
 * bus, grandi pecunia, *LXX.* aureorum millibus coemit, successitque *CE-
 * SARI D'AVALO*, magni illius Vastii Marchionis filio. Proceres Nea-
 * politani permolestè tulerunt, honorem eum sibi ereptum, & in peregrinum
 * hominem collatum; egeruntque cum *PHILIPPO REGE*; ut empti-
 * onem irritam faceret, quod advenis hæc capessere non liceret. At *COS-
 * MUS*, & exemplo *ANDRÆ AURIÆ* affinis sui, qui æquè olim
 * magno munere fuerat Neapoli functus, & gentilitis meritis, apud Regem
 * obtinuit: At in semitam redeunt, lectorem monitum volumus, secuisse
 * nos narrationem hanc vitæ *PINELLIANÆ* in præcipuas sectiones
 * duas. Continebit altera, quantopere *JOH. VINCENTIUS* eru-
 * ditionem eruditique amarit, quo conatu in scientias incubuerit, quo de-
 * lectu nobilium ingeniorum monumenta conquiescit, qua demum via perve-
 * nerit ad fastigium immortalitatis. Complectetur altera, tum mores ejus-
 * dem, animique ornamenta, tum vitæ, cultus, nobiliumque institutorum ra-
 * tiones, quibus ipse quoad vixit laudatissimè usus est: Perspicuum hinc erit
 * & constabit, primum, ingentem eam esse voluptatem, qua perfunditur seri-
 * us, qualis ipse omnino fuit, literarum amator: deinde cuilibet qui velit ip-
 * sum imitari, lapsum patere (curis & ambitu procul) existimationis &
 gloriæ

gloriæ campum, in quo summa cum animi tum corporis tranquillitate, Philologia & Musis comitantibus, versari possit. Verè enim ille; 'Unam esse ex omni laudum genere, ingenii gloriam, qua sine ulla cuiusquam querela perfrui ad extremam usque homines soleant. Quibus accedet in corollarii non minimi vicem, mentis molestias, & animi ægritudines levare semper, abigi plerumque, suavissimis illecebris studiorum, quæ & ipsas eruditorum animi remissiones condire adeo solent, ut quæcunque sine illis aliquando obtigerint, insuavis prorsus animi palato videantur. Optimæ igitur indolis puerum **JOH. VINCENTIUM** pater eruditus viris, nobili Philosopho **JOHANNI PAULO VERNALIONI** inprimis tradidit instruendum, qui cum brevi græcè latineque doctum, ad eum profectum evexerunt, ut literarum humaniorum periodo Neapoli absoluta, Juri civili, Philosophiæ, & Mathematicis non perfundiori fuerit initiatus. Vidit hæc prædicavitque Bartholomæus Maranta insignis Medicus, qui Methodum suam simplicium medicamentorum evulgaturus, inscripsit eam Anno MDLVIII. **JOH. VINCENTIO**, tres tunc & viginti annos nato. Appellat autem in Epistola ea quam editioni præfixit, 'doctissimum, medicæque materiæ peritissimum: hæc addens; huc accedit, quod bonam partem eorum quæ in meo libro continentur, in tuis hortulis observavimus, in quibus quam plurimas plantas ex variis remotisque regionibus, magno illas quidem impendio advectas, perpulchrè aliis, de quibus sæpe etiam inter nos commentati sumus, innumeras admirabileque naturæ varietates magna cum admiratione pensantes. Illa vero ejusdem **MARANTÆ** quàm præclara! Hanc Plan- Lib. 2. cap. 71. tam, non contemnendis conjecturis, Dioscoridis Pistacium credit esse **JOH. VINCENTIUS PINELLUS**, vir (ut ceteras animi dotes propè innumeras taceam) materiæ medicamentorum ut quivis alius peritissimus. Neque hoc tantum adolescens callebat, sed & alià plurima, si eidem Marantæ credimus, ita scribenti; Nam etsi in gravioribus studiis à teneris usque annis versatus, inprimisque in Jurisprudentia, atque in re tam Philosophica quàm Mathematica, in quibus ita excellis, ut nolligorum qui sese in iis jactant concedas; Medicam tamen materiam ita perfectè calles, ut omne studium in hac una scientia consumpsisse videaris. Hoc vero eo magis verum est, quod non minus in Græcarum literarum, Latinæque eloquentiæ, & poeticae rerum studiis præstas. Ut ex his in magnam admirationem traducamur, qui fieri potuerit, ut omnia hæc in adolescentem convenirent; præter suavissimos & sanctissimos mores, de quibus ita **MARANTA**; 'Adde & optimos integrosque mores, quibus omnis te, nobilissimamque familiam tuam, ita exornas, ut pater tuus **COSMUS**, probæ vitæ, sanctæque religionis unicum exemplar, hoc uno inprimis se felicem prædicet; ac jucundam se agere senectutem testetur; nihilque non sibi de te magnum, quod prudentem virum sperare deceat, promittat. At quia musices cognitio sapientibus viris non minima Philosophiæ portio semper visa est, eo quod humanas affectiones egregiè curret, animosque ab officio desistentes in semitam revocet, ideo etiam huic operam suam impensam voluit, præeunte domestico tunc & familiari præceptore Philippo de Monte, quem vidit nostra ætas Phonasum Cæcærei Chori. Animi recte constituti indicia hæc sunt, quæ usque adeo Philo- phorum

ΓΙΝΕΣΘΕ ΦΟΝΙΜΟΙ ΩΣ ΟΙ ΟΦΘΙΣ ΚΑΙ ΑΚΕΡΑΙΟΙ ΩΣ ΑΙ-
 ΠΕΡΙΣΤΕΡΑΙ, docturus, prudentiam sibi non vaftriciem placere. Oderat
 ille versutos, fallaces, & veteratores, qui subdolis ingenii virtutis nomen
 obtenderent, informi persona virtutum parentem prudentiam dhonestantes :
 aliud agere aliud simulare improbum ducebat, cui nefas fuit semper, not ita se
 gerere, uti inter bonos viros bene agier oportet. Prudentia autem sine
 simplicitate calliditas est, simplicitas sine prudentia, stultitia. Symbolum hoc
 in auctarii vicem, imagini JOH. VINCENTII, quam amici ΜΗ-
 ΜΟΣΤΝΟΝ, in æ affabre incidi curavit, adjunxit MARCUS VEL-
 SERUS II. VIR Augustanus, humaniorum literarum, & Catholicæ re-
 ligionis laude clarissimus. Gestabat ille quandoque aureum annulum signato-
 rium, in cujus pala itidem aureus hic idem columbæ orbis & serpentis charact-
 er extabat, nullis tamen adscriptis literis, nisi quæ circuli pars interior di-
 gitum amplexatur, ubi hæc è Pindaro incisa :: ΜΑΚΥΝΩΝ ΤΕΛΟΣ ΟΥ-
 ΔΕΝ. Utebatur hoc ille, quoties se rei alicujus commonesieri opus esset, ex-
 citans sese Pindarica gneme, ut innueret, momentum præcipuum conficiendi
 negotii, in arripendi occasione consistere. Venit ergo Patavium PINEL-
 LUS vergente jam anno MDLVIII. indicante id Maranta, qui sub ini-
 tium Julii mensis ejusdem anni, ita ad Gabrielem Fallopium Medicum prima-
 rium scribit, 'DE PINELLO, est enim juvenis, præter antiquam ge-
 neris nobilitatem, & Græcis, & Latinis literis impenitè eruditus, & cum
 liberalium artium serè omnium cognitionem proficeatur, tum in hac ipsa de
 simplicibus medicamentis scientia plurimum excellit, in primisque in expen-
 dendis doctissimorum virorum sententiis acriter pollet judicio; quod & tute ipso
 fatebat, cum illum intus & in cure (ut dicitur) noveris: paucis enim post
 mensibus Patavium studiorum causa se recipiet. Hoc postremum caput con-
 firmat Epistola Hieronymi Seripandi Archiepiscopi Salernitani, & maximi
 Cardinalis, qua ille anno MDLIX. Patavium ad JOH. VINCENTIUM
 Italice ita scribit, inter cetera; gaudere se sibi, quod ex laudati-
 one sua in funere CROLIV. optimi Imperatoris, striperit occasionem
 amicitie cum PAULO MANUTIO contrahendæ. Hinc duo præte-
 rea ciliuntur: alterum; jam tum à magnis viris PINELLI habitam ra-
 tionem, alterum, hoc anno eam cum MANUTIO consuetudinem & ami-
 citiam junctam, ut hic nunquam Patavium veniret, quin ad PINEL-
 LUM hospes familiaris diverteret.

Placebat patri, ut in Gymnasio Patavino Juris prudentiæ operam daret,
 spectanti nimirum opes & existimationem, quas I. C. nostro & patrum ævo
 longe maximas habuere. Aulæ Romanæ amplissima munera animo revolve-
 bat COSMUS, quibus filii studia pridem destinarat, ideoque cogitabat
 (ut ALPHONSUM SOTUM Dominicani instituti Sacræ Theolo-
 giæ in Gymnasio Patavino Professorem narrantem memini) Apostolicæ Came-
 ræ, ut vocant, Clericatum ipsi comparare, quæ sententia jamdiu federat &
 GALEATIO fratri, Duci Acheruntino. Neque patri aliquandiu non
 obtemperavit JOH. VINCENTIUS, ut ex Paulo Manutio discimus,
 cujus hæc verba; 'Magna fuit, atque etiam nunc inter homines est de genere
 vitæ controversia, cum alios ita doctrinarum cognitio delectet, ut ab agen-
 dia

Matib. c. 10,

Pinel. ode 10.

Juprinc. Me.
thod simpl. dis-
dicament.Lib. 4. epist.
selektor. viro-
rum illustrum.

Lib. 4. epist. 55.

dis rebus abhorreant: alii non sibi tantum, verum etiam amicis, & patriæ, planeque omnibus hominibus homines esse natos existunt, ex quo sequitur, ut scientiarum studiis usum rerum anteponant; hoc discrimen, in quo valde pro sensu partium dubia veritas fluctuat, tu quidem, quod ad te attingit, optime *PINELLE*, optimisque & eruditis viris merito charissime, egregia quadam, vulgo non satis cognita, ratione sustulisti; simul enim utrumque studium complexus es, tum earum disciplinarum, quibus exulta mens uberimos in omni fortuna ferre fructus solet, tum Juris civilis, quod alienos ad usum maxime porrigitur: ardua res & operosa, quod exemplorum declarat inopia; sed ingenio tuo nihil difficile. Hæc ille ad *PINELLUM*, uti parer, adolescentem; cum pergit scribere: in Philosophia quidem, cum operam studiose des *M. Antonio* Genæ, cui veterum doctrinarum arcana patent, quo nemo peritior Aristotelis interpres, nemo vir melior usquam vit. Et inferius: Hauries enim ex eodem fonte, non ea solum quæ vel olim in Lycæo, vel etiam in Academia disputabantur; sed id quod longe præstantius est, Christianam pietatem, à qua manat una, & in qua item una Philosophia perficitur. Obiit autem Genua Anno *MDLXIV*.

Jam verò, cum Philosophiæ Philologiæque suavissimis fontibus labra admovisset, Jurisconsultos cum operosis illis suis voluminibus res suas sibi habere jussit eo animi ardore, ut cum ipsi pater pecuniam curasset, qua Juris interpretum libros coemeret, in Græcos ille codices, Eustathium præferrim, nobilem illum Homeri explicatorem impenderit. Scio ego non deesse, qui hæc studia effusius rideant, perinde ac inania quædam, & fluxa, quæ neque nobis ornamento, neque aliis usui sint: dedecere hæc Principes viros, & verè nobiles, ad quos publicæ rei administratio pertinet, quorum operam familiarium, & cognatorum commodis inservire par est. His *Picus*, Italiæ nostræ *Phoenix*, unica responsione faciet satis. Scriptis est olim ad *Andream* Corneum, 'studia hæc non ad ostentationem, sed ad cultum animi dirigi, in quo uno consistere legitimam felicitatem: cum ipsius Philosophiæ studio nec ad vitæ constantiam, nec ad delectationem animorum ullum majus, aut melius à Deo munus homini datum sit. Et nemo certe negabit, quin *PINELLUS* recte fecerit, & sapienter, genio, quo se ad has artes raptari intelligebat, indulgendo. Carnificina ingeniorum nulla major, quam promissæ, & sine ullo delectu impellere hominem in ea studia, quæ ipse fastidiat, & aversetur. Hinc torpent animi juvenum pestilenti hoc fidere afflati; hinc bonarum artium, & bonæ mentis verius, contemptus, & odium; hinc rerum rumor, & sententiarum vanissimus strepitus, ut ille ait. Neque aliunde sædi plerumque exitus, quos tum demum vitare liceret, si patres sapientis naturæ monita non aspernarentur. Prodit in hanc sententiam gravissimus auctor *Plutarchus*, *Apollinem* Delphicum Romanæ eloquentiæ parenti, qua ratione ad immortalitatis fastigium pervenire posset consulenti respondisse, hoc illum asssecuturum, si ad propensionem, præscriptumque naturæ, non ad sententiam aliorum vitam institueret. Atis, famæ & gloriæ præposterè sitiens, vulgi rumustulis percitus, & domesticorum commodis consultum volens, ultro se perditum avit, non secutus atque ille.

Enlil. epist.

*Plutarchus in princ.
in Cicero.*

Quæ

*Quem pater ardentis massa fuligine lippus.
A carbene & fercipibus, gladiisque paratis
Incendit, & Iuoco Vulcano ad Rhetora misit.*

*Demoftrici,
Furvalis,
Sat. x.*

Illud sane observandum (ut in orbitam redeamus) sinistro genio, & invita Minerva aliquid agere dicere temerarium esse, ne quid dicam majus.

Patavii **PINELLUS** cum Dominico, gentili atque affine suo conjunctissime vixit, quem non multo post vidit, & lubens, clarissimum Cardinalem; amicosque tum primum habuit excoluitque officiis sane omnibus, Guidum Ubaldum è Marchionibus montis, Cæsarem Benedictum postea Pisaurensem Episcopum, **AUGUSTINUM VALERIUM**, doctrinæ etiam tum sanctitatisque meritis ad Veronensem Episcopatum, & ad Cardinalis honorem proludentem; Johannem præter hos, & **HYPPOLITUM** Aldobrandinos, quorum alterum vidimus Cardinalem, Summum Pontificem alterum. Vixit Patavii annos III. supra XL. per quos nemo fuit apud Italos vel exteris qui ingenii laude claret, qui non **PINELLUM** officiosè observarit, & quamvis consilium mihi sit ab eorum indice contexendo abstinere, ne lectores tædio afficiantur, eos tamen parcè admodum recensabo, quos narrationis series sive rerum gestarum fides, ad finem properanti obtulerint. Id unum, exquisitum sane & singulare, haud silentio prætereundum, anno videlicet MDXCII. **CLEMENTE** VIII. Ferrariam Roma profecto, ut eam urbem ex morte **ALPHONSI** II. Atestini caducam reciperet, Cardinalium & insignium virorum plerosque omnes, qui ut Venetias se conferrent Patavium attigerant, ad **PINELLUM** honoris gratia divertisse. **CÆSAREM** Baronium Card. inprimis, amplissimi ordinis decus, quem ævi nostri lumen nos Romæ nuper morte interstinctum cum bonis adeo omnibus dolumus. Baronio aderat **Robertus** Bellarminus, doctorum votis, & propriis meritis diu olim designatus Cardinalis, qui & ipse congressus est cum **Pinello**, gestiente præ gaudio, quod tunc temporis domi sibi invisere contigisset, quos non nemo in disitis undecunque regionibus maxima cum admiratione veneraretur. Meminique ego Card. Barroreum juniorem, probum illum non minus quam eruditum, & alios complures literatos viros, audisse me Romæ dicentes, sibi non alia de causa Patavinam urbem videre in votis fuisse, quam ut **Pinellum** fama notum, de facie agnoscerent. Percupivit hoc I. Lipsius, qui id scripto etiam testatum voluit; 'spero enim (ita ille) quia penè decretum mihi, sub annum instantem sæcularem in Italia me sistere; & abit ut ea exeam, nisi te videam & amplectar, quid exeam; imò cum inibo, hoc fiet opinor: & inter prima & calida desideria mea est, ut hoc reddam affectum. Vive, vivam: nisi casus aut vis impedit, videbo. Et verò tantam eruditorum consensionem quis admiretur? nemo opinor, nisi qui ignorabit, **Pinelli** domum Patavii animorum Prytanæum, Bibliothecam ingeniorum, Musæum doctrinæ fuisse & eruditionis. Vixit **Pinellus** Patavii domicilium collocar, cum accerrimo studio ductus nobilium quotquot erant rerum dignoscendarum, quo ipse ad extremum usque vitæ spiritum honestissime flagravit, Tridentum proficisci decrevit, ut ibi sapientissimos, & religiosissimos orbis Christiani viros de maximis Catholicæ religionis dogmatibus consultan-

*Epist. com. 31
ad halos &
Hispam.*

res, & agnosceret, & audirét. Socium sibi peregrinationis ascivit *Joh. Franciscum Musatum* Patavium, Philosophum cognomento, literarum omnium apprimè scientem, qui morum elegantia, & vitæ innocentia *Pinellum* sibi adeo devinxit, ut nihil supra. Contigit autem *Musato Joh. Vincenzæ* Superstiti esse, ut nimirum defundi vicibus in re literaria tuenda & exornanda, ut facit, perfunderetur. Linguas hic noster non tantum Græcam, & Latinam callebat, sed & exoticas quoque, Hebræam, Gallicam, Hispanicam, quarum & auctores perpendere, & speciem formamque amare, & intueri jamdiu noverat. Vernaculum sermonem ita pridem excoluerat, ut nitorem in eo suspiceret & elegantiam, non elaboratam concinnitatem; & sanè prodiit animum frequenter oratio: nec aptius vitro facies, quàm sermone mores exprimentur.

Hor. ad Pisonem.
Miles.

Format enim natura prius nos intus ad omnem

Fortunarum habitum: juvat aut impellit ad iram.

Aut ad bonum microrum gravi deductus, & angit:

Post effert animi motus interprete lingua.

Neque vero pœnituit Patavium secessisse. Hic enim consueque in scientiarum cognitione profecit, donec omnibus admirationi esset. Audivi ego cum domi sæpe sæpius maximis de rebus in cruditorum toronâ disserentem, animadvertiq; mirari omnes quotquot aderant, serum selectarum copiam cum orationis splendore certantem. Proprium Græcorum fuit, ex tempore dicere ad proposita omnia. Extemporalis hujus eloquentiæ auditor laudatur nobilis *Sophistes Gorgias Leontinus*, à quo arripuerunt Græci, à quibus Romani. Abstulit autem secum bonarum artium interitus exercitationem hanc, quæ linguam acueret, excogitandique celeritatem compararet. Excitavit vero *Pinellus* magno cum fructu, ut qui orationem mente, & scientiarum gravitate honestaret. Hinc *Hieronymus Mercurialis*, magnus ille sine controversia Iatronices, cui medice ars ornatum debet selectum illum & peculiarem, quo pristinam dignitatem nunc demum abundè testatur, in admirationem actus aliquando cum *Pinellum* domi audisset, egrediens (aderant ibi forte communium amicorum plerique) ecquem ait vidistis viro huic multiplici doctrinâ conferendum? Comprobavere qui audierant, nec injuria profecto. Hæc enim quæ dignitas ita eminebant in ipso, ut in his regnare propè omnibus videretur, ostentatio tamen ab ejus dictis factisque procul aberat, nihil de se magnificentum, præclarumve sentientis; quo fiebat, ut egreium duceret senescere se, ut ille olim, *semper addiscentem*. Si quando vero, ut inter loquendum fit, animadvertibat, asseruari à se libros, scripta, aliavè quæpiam recondita ac singularia, quæ amicis visa hætenus non essent, ea promere, atque adeo commodare ultrò nec petentibus aiebat. Quo studio incitatus, in usum omnium, difficile dictu est quantis laboribus vir natus ad literarum reipub. commoda fuerit perfunctus. Vera hæc, & citra assentationem dicta. Is enim quæ volebat valde volebat; *Lydiæ* ingeniorum lapidem dixisset, amicorum omnia non secus ac sua ad amissum explorantem. Reposcebat ille ab amicis eandem sedulitatem; quam tamen præstare contigit admodum paucis, quos ille.

ille: (ut par erat) aureos homines appellabat. Et profecto plerosque eximia illa diligentia, ne dicam morositas deterrebat, non aestimantes quanti interire temerere, an consulto quidpiam agas. Instruxerat ille præclaram hanc suam discendi cupiditatem ope multorum, qui eadem voluptate afficerentur. Hos non in Italia, Europæque urbibus modo, sed & in oppidis, vicisque selegerat, quorum industria continenter uteretur, ad quos Epistolas schedulasve opportunè mitteret. Illud sane in *Pinello* mirandum, quam ratione ipsi per imbecillam valetudinem liceret tot rerum meminisse, tot negotiis sufficere. Et verò hanc ille sibi præter ceteras methodum præscripserat, ut perfectis amicorum literis, earum capita compendiaria via in codicem referret. Hunc sibi proponebat responsurus, sepositis Epistolis, in quarum mox tergo adnotabat nomen ejus qui scripsisset, annum, diem, locum, & negotiorum indiculum. Harum fasciculos singulis hebdomadis in cistulas transferebat. Ad literas cum demum responderat, selectas in manipulos cogi, annorum, mensium, septimanarum, dierum habita ratione digeri, & in unum secludi imperabat. Consueverat insuper tabulas sibi quasdam conficere, in quas referret ea omnia quæ ipse ab amicis, quæ ipsi ab eo vicissim postularent; descriptisque summis negotiorum, petentiumque nominibus, uno intuitu discernerebatur quid actum esset, quid agendum restaret: re confecta, nomina inducebat, postquam rescripta cum codice contulisset: & omnia manu plurimum sua conscribebat, (duobus quibus ægrotavit annis exceptis) ne scilicet ulla in re officio deesset, neve cuiquam minus diligens videretur. Et quamvis firma satis non sit amicitia, si qua, velut tibicines, ultro citroque concursantium literarum sibi vicissitudines postulat, quæ nutantem infirmiusculamque succillant, frustra: ri tamen desideria amicorum inurbanum sanè est. Negociorum referentiam Epistolam scriptitanti, mos erat præcipua capita subdita linea indicare, ut eo confestim excurreret legentis oculus. Ego profecto neminem novi, tum in scribendo, tum in respondendo, *Pinello* diligentior; cum enim annum Romæ sæcularem integrum exegerim, neminem omnino tabellarium, cui non ad me literas daret, sibi unquam elabi passus est, quantumvis æger, & medicis conclamatus decumberet. Id omnem superat admirationem, quod cum per annum è lecto surgere non licuisset, febrienti sine intermissione, vexato stranguria intimisque doloribus, lithiasi in vesica, & renibus laboranti, ad extremum tandem quâ tabe, quâ nimis vigiliis redacto, quod inquam hæc & non minora patienti, libri tamen, scriptiones, plantæ, semina, fossilia, nummi veteres, & alia hujusmodi, nunquam ex animo exciderint. Dolori (quod mirum) ita imperabat, ut unis medicis proderet, non ostentaret; mecum sanè interdum, & cum amicorum nonnullis strictim, & aliud agens, de morbi gravitate conquestus, illico digrediebatur, hilarem se, & communem præbens ad miraculum usque. Hinc, ni fallor, patet quanti interit præclaris actionibus consuevisse. Amplectitur enim eas animus, neque se ab his ullo patitur incommodo divelli. Obstrept licet, obtundantque, hinc animi egritudines, inde corporis morbi: is qui semel, serioque literarum suavitatem animum adpexerit, attendet uni sibi non minus, quam fidicines & circulares in magna hominum celebritate. Actum sanè de bonis artibus esset, nisi ipse id auditoribus suis præstaret, quod de plebe sordidis & iliberalibus non paucis

Joan. Nic. in
epist. ad Andr.
Cornam.

lucris cupiditas. In eam curam, dum vixit, ardentem incubuit, ut libros editos, manuscriptosque, linguarum doctrinarumque omnium in unum cogeret, cui operi destinaret scriptores librariorum plerumque, quorum ipse unus operas ferè omnes mercede conduxerat. Bibliotheca ejusdem, quæ inter omnes penè Italicas, ac ferè dixerim Europæas, una eminebat, quinquaginta annorum opus fuit, magni ex eo saltè æstimandum, quod accuratissimus vir in illud unum contulerit curas suas omnes & cogitationes. Effinxit eum ad hoc munus natura, quam ipse solertia & ingenii acumine eo usque provexerat, ut non magis frequentes olim Apollinis tripodas consulentes, quam Bibliothecas instructuri *Pinellum* inviscerent, à quo veluti à cortina Musarum, aurea hujusmodi rerum præcepta domum referrent. Librorum numerum mihi incomptum, ex eo investigare quis poterit, quod Neapolim post ejus obitum capse librariæ plus minus centenæ tricenæ delatæ sunt. Et sanè librorum quos probitas, aut probitatis plerumque comes raritas commendaret, paucos admodum in ejus Bibliotheca desiderasses. Jurisconsultorum commentarios non passim, sed parce admodum, & cum delectu admittebat, veluti Alciatum, Budzum, Cusacium, Duarenum, Goveanum, Augustinum, & ceteros qui jus civile in pristinam dignitatem restituerunt: alios ab his longum valere jussit. Hanc illi fortasse mentem *Paulus Manutius* injecerat, 'Non enim te arbitror, studiorum tuorum elegantiam ineptissimis, planèque barbaris, quorundam scriptis inquinare velle, quæ cum immensa sint, pleraque tamen inania, laboris & molestiæ plurimum, utilitatis & oblectamenti minimum habent. Hæc ille. Nundinarum Francfurtensium, Venetorumque bibliopolarum librariorum quotquot erant indices sedulo perlustrabat, & ab amicis qua Italici qua transalpinis omnia diligenter in bibliothecæ ornamentum pereunstabatur. Si quid Romæ, Florentiæ, Parisiis, Antverpiæ, Augustæ Vindelicorum, Venetiis, & alibi, *Pinelliana* bibliotheca dignum prodiret, non deerant, qui vixdum edita volumina, & quaterniones aliquando è prælo recentibus *Pinello* missitarent. Vidimus etiam doctorum hominum plerosque, egregios dico & nominis magni, ad suam dignitatem pertinere arbitratos, Musæum *Pinelli* exornari commentario quoquam è suis. Vidisses ibi sphaeras coelestes, terrarum globos, organa Mathematica, tabulas geographicas, hydrographicafque, antiquorum ædificiorum typos, ichnographias, orthographias; fossilium rariorum prædivitem metallothecam; loculos præterea formulasque, in quibus plurima eorum, quæ ars, naturave ad ostentationem elaborarunt, condebantur. Veterum numismatum copiam non affectavit: selectioribus tamen nonnullis unicè delectatus, quæ antiquariis fingeret crucem, studiosius quæsituris, si quid in ipsis reconditi eruditivè lateret. Uno ille Neronis nummo inviso hætenus & valde singulari, ingenia provocavit complurium eruditorum, obtinuitque ut symbolum perobscurum, amici conscriptione, quatenus licuit, illustraretur.

*Laurentius
Pignori.*

Recentiorum libros empturus, disquirebat an habenda esset fides titulis, qui speciosis plerumque verbis, ineptissimis voluminibus lenocinantur. Ideoque bibliopolarum consensu investigationi huic impendebat horas aliquot, male emptionis fastidiis obviam iturus, quæ exprobare jugiter stultitiam domino solet. Librorum qui olim prodierant iteratas editiones cum primis conferebat;

bat, & si quid additum seu demptum intellexerat, in eorundem margines refererebat, magno cum sui tum aliorum fructu. Accidit enim sæpenumero, ut optimaæ notæ libris frequentes editiones suavitatem adimant, & prohibitatem. Bibliothecam hanc suam conspici, aut contractari haud patiebatur, quod, ut ipse dicebat, variarum congeriem informem contineret: cum tamen omnia aptè disposita essent, & suis quæque regionibus collocata. Artium porro, quæ ingenuas appellamus, unaquæque suas hic, easque perpetuas stationes habebat. Grammaticem dico, Rhetoricem, Dialecticem, & ceteras; quarum agmen claudebant graviore illæ, quibus mores formare curæ est, & rerum humanarum divinarumque arcana contemplari. Harum omnium scriptores in varias dialectorum tractationumque classes distributos, antiquos à recentioribus ætatum series distinguebat: Armaria litteris quadratis, loculi numeralibus notis insigniti, elementario indici respondebant, in quo libris descriptos omnes habebat. Perquiramus cum *Pinello* si lubet *Plinii* codicem; syllabus ipsum dabat in elemento *P.* cui scripiam adscriptum *T.* cum loculo *111.* & ad hanc rationem omnia. Libros manuscriptos tum chartaceos, tum in membranis, scorum ab impressis in bibliothecæ umbilico, ut ita dixerim, collocarat. Incluserat vero capsis, extructis ad eam altitudinem, ut in summis, tanquam in mensa abacove, locari orbes cælestes & terrestres, & alia hujusmodi statui commodè possent.

Commentarios denum, libellos, Epistolâs, Historiolas, & alia hujus ordinis, quæ ipse plurima anxie cœgerat, insigni collocatione aptis & accommodatis locis composuerat. Cui rationi rerum disponendarum, uti studiosis non injucundæ, paulisper immolari operæ prætium duxi. In fasciculos ille singulos conscribere commentarios aliquot, quorum scriptiori narrationis alicujus, bellicorum verbi gratia apparatus, rerum hortensium, similiumque, scopus propositus esset. Hos fasciculos in libri morem, non tamen compacti, charta emporctica operiebat, cui inscripti unus pluresve characteres elementarii, prout manipulorum numerus exigebat. Scriptiunculas quotquot erant, chartæ puræ folia disparabant, cum adscripta numeri cuspiam barbarica nota. Hæc omnia uno aut altero exemplo illustrabuntur. Inerant congeriæ, *A.* nobilissimi Mathematicorum scripta; inter quæ commentarius *Caroli Teltis* de Circini usu, notatus 18. In codice *F.* quem rebus Hispanicis destinarat, numeralis nota 31. Escuriaci descriptionem, aliæ quæpiam *Caroli V.* Tunetanæ expeditionem indicabant. Ad manum erant hæc omnia ope codicis, quem in elementariis sectionibus dispersitum indicem vocamus. In hoc sub littera, *A.* censebantur ea, quæ ad Mathematicas disciplinas, nota numerati præcunte. Exempli gratia,

1. *Commentarius Galilei Galilæi, Florentini Mathematici Patruini Prof.*
pro Copernico adversus Jacobum Maxzonium.

2. *Josephi Molesii de emendatione anni.*

In quem ordinem relegerat ea omnia, quæ primo illo elemento complexærat. Subsequeretur littera *B.* qua sub iisdem numeris alia continebantur, appa nihilominus inter se & convenientia. Neque verò ad calcem codicis ha-

jus.

jus doceret libellus alter, in quo, elementaria ratione, summa quaedam capita descripta essent omnium quotquot erant Manipulorum, hac methodo. Nota, *V*, res omnes Venetas indicabat, conjectas in fasciculum *GG*. Demum ergo, collubium fuisse illi commentarium perlegere de actu Veneti maris, quod Adriaticum vocant, ad alterum ille indicem hunc actum confugiebat, à quo ad priorem illum amandabatur, elementa *GG* inspicitur. Hic ille rerum Venetarum breviter perleto, comperiebat, latere commentarium de actu maris sub numerali nota *8*, congeriet illius ejus charader duplex *G*.

Non adeo faciles aditus (ut diximus) præbebat ipse ad hanc suam bibliothecam inspicendam. Illis vero, qui illaudata pericleria ducti, nullius pretii homines, illam videre affectassent, omnino interclusam volebat; sufficere dictitans commonstrari illis imagines illustrium virorum, quarum decurias aliquot in domesticis conclavibus asservabat. Hoc idem *Urbani Duci* propositum olim audivi. Invisenti enim mihi aliquando Pisarensem ejus bibliothecam, refertam optimorum librorum, admirantique quod esset ornamentorum, tabularum videlicet, signorumque inanis, bibliothecæ Praefectus respondit, dedita opera id factum, ut ne illuc convolarent, qui re literaria non afficiuntur; multos enim bibliothecas inspicere, ut oculos, non ut animum oblectent. Illud singin *Pinello* apprime laudatum, quod libros libenter commo-

Cic. lib. 2. de
off.

dabat, doctis præsertim, & iis quos brevi restituros opinabatur, quorum si qui opinionem sefellissent, librosve inquinassent, aut corrumpissent, his iterum petentibus duriusculum se præbebat, velut & illis à quibus ipse vel quidpiam impetrare non potuisset, vel quos rudet, & imperitos arbitraretur; Ehlense sententiæ memot: *Bene fuit a male locata, male facta esse*. Cum verò commodare aliquid noller, utebatur communibus quibusdam non inurbane inficiationis locis, quorum ille princeps, librum qui peteretur jandiu cum aliis Romæ esse. Annis enim ferme viginti antequam decederet, affinium flagitationes elusus, amandavit Romam capfas librorum duodeviginti, quas illic quoad vixit manere voluit, ut affines negotium sibi facessere desisterent, illuc aliquando ut ipsi rebantur migraturo. Statim atque librum commodaverat, describebat in schedula præter diem, nomina tum auctoris, tum illius qui accipiebat. Quæ omnia adjuncto conspicuo aliquo ligneo, vel chartaceo legmento inibi reponebantur, ubi statio libri erat, ut mittamus, relata hæc in codice huic uni designatum. Diderat hæc ille ab Attica Musa Xenophonte, cujus verba Latine reddidit nobis maximus Oratorum Cicero in hanc sententiam: *Hæc postquam omnia secrevimus, tum suo quæque loco dispositimus, deinde quibus quotidie servuli utuntur, quæ ad lanificia, quæ ad cibaria coquenda & conficienda pertinent, hæc ipsa ei qui uti solet tradidimus, & ubi ea poneret demonstravimus, & ut salva essent præcepimus. Addit autem; Hæc annumerata ipsi excipimus, eumque admonuimus ut quodcumque opus esset sciret unde daret, & meminisset, atque annotaret quid & quando & cui dedisset, & cum recepisset, ut quidque suo loco reponeret. Et sanè quis non videat plurima ordine destituta pessumire? Vetus est proverbium, paupertatem certissimam esse, cum alicujus indigeas, uti eo non posse, quia ignoretur ubi projectum jaceat quod desideratur. Pergit porro gravissimus Philosophus sententiam suam obvis & de media hominum vita arreptis exemplis comprobare, in choro canentium, exercituum, militum, armamentorumque in navi,*

Apud Columel.
lib. 12. de re
rustic. c. 2.
§ 3.

quæ omnia rite disposita & usui sunt, & voluptati. Hæc omnia aptus & conveniens rerum ordo præstat, & alia non minora, veluti expediti citra laborem omnia, omnia celerrimè confici, servosque fides quantumvis & ineptos imperaris esse omnino parci. Vidi ego apud *Pinellum* nostrum, decennem puerum Hieronymum nomine, quærefertissimè (ut diximus) Bibliotheca seriem ita mente & memoria complexus erat, ut omnia Domino, nutibus penè poscenti, protinus exhiberet. Invidit mors conatibus pueri, qui *Job. Vincenzio* triste sui desiderium reliquit. At quia ad ordinem, quo vir clarissimus. est egregie usus, nostra delapsa est oratio, quid vetat prodere nos minuto, at sane concinno exemplo, quanto is odio perturbationem prosequeretur? Pecuniam si quando vel dare vel exigere necesse erat, antequam numeraret, disponere per series, nummorum & metallorum classes conducerat primum, argentum videlicet ab auro, majorem & minorem pecunia dispartire, componere deinceps eas monetas, quæ idem penderent, postremo addnumerare. At vero ut narrationibus hujusmodi in futurum abstineamus, illud faciet ab eodem fonte haustum, *Pinelliano* videlicet, a quo nihil impurum, turbidum nihil nos unquam manare animadvertimus. Attingat ille ex rei veritate temporis iacturam, quam is faciat necesse est, qui nullam sibi proposuit actionum suarum rationem. Sunt in hac vita plerique male feriati, quos non pudeat bonas horas tibi agendo, male collocare, eos non inepte similes his dixeris, qui pecunias, qui patrimonium prodigunt. Ut enī ab his frustra effusarum pecuniarum rationem exorquas, tum multas liqueat in penitis esse? Ita illos vite lapsus, temporis fuga, nequaquam admonent perire sibi non cogitantibus rem adeo pretiosam, & conera humanum vorum, aditum immortalitatis obicari. Rem hanc dignam Democriti vili. Sunt qui humani unius iactura non parum afficiuntur, diei vel horæ, atque adeo anni non item, cum tamen hæc abeant in præceptis haud unquam remeatura. At quia non sunt hæc publici gustus, ad *Pinellum* revertamur. Is a me cum audisset *Marcellum Cornelianum Episc. Patav.* clarissimum lumen ordinis sui, frequentibus aduentium, & salutantium officijs distineri, monuit, ut iussu *Aygoni, L'etruoi Card.* Granvelani factum quod oculos propone-rem. Is dum pro Rege Neapoli esset, matutinarum horarum statas quadam, & certas, quibus se conventiri volebat constituerat, iusserat etiam, ut adituri vespere præcedenti nomina proferrentur, e quorum ipse agmine XII. aut XV. se siegebat, quos admitteret. Curabat autem ne inanibus exordialis tempus sibi & reliquis profuturum dilaberetur. Quo factum, ut cum aliquando admissus nescio quis iactare coepisset, se Archiatrum esse, conductum publico aere, & alia quædam ad dignitatem, ut ipse opinabatur suam, non exigui momenti, exceperit Cardinalis, per me esto ut lubet, rejicienda hæc in aliud tempus, hinc ad rem de qua agnus aggrediamur. Ita ille garrulos & molestos in publica commoda peccantes, coercere solitus. Curabat sibi *Pinellus* librorum editorum inventu difficilium quatuor comparari poterant exemplaria, tum ut haberet quod substerneret his, quæ casu vel furto pereunt; tum ut prospiceret, si quando iis egerent, commodis amicorum. Quod de libris diximus, de commentariis calamo exaratis idem puta. Autographa enim perire sibi nolebat, exempla lubens commodare, atque adeo largiri consueverat. Desidium & torporem ingeniorum maxime insectabatur, quo fiebat

Præf. de jure
Provinc.

ut amicorum eruditos impelleret semper, ad novi quidpiam vel pangendum vel meditandum. Si quid vero animadverterat dignum quod hominum manibus tereretur, in amicorum pluteis latere, tum demum omnes machinas admove, ut ne studiosis diu invideretur, libris, opera, & præsentī pecuniā juvare. Huic *Pinelli* rei literariæ promovendæ studio, non pauca doctorum virorum monumenta accepto serenda. Testis de semetipso *Carolus Sigonius*, 'Me vero ut hæc facerem, (*Joh. Vincentium* alloquitur) cum res ipsa per se cognitione dignissima, tum tua in primis auctoritas impulit, quæ in omni re semper apud me plurimum valuit. Et infra. Quod autem mea sponte propter summum meum erga te studium, tuamque constantem erga me voluntatem eram facturus, ut aliquo te scriptorum meorum genere appellando, veterem meam necessitudinem notam posteris facerem, id mihi multo justiore ratione in hoc libro retinendum esse duxi, ut quod te porissimum hortatore opus ad exitum perduxissem, id etiam in manus hominum in tuo multo ornatissimo nomine darem.

Lib. de viro
quod.

Hieronymus etiam Mercenialis hæc olim prælat: 'Complures aguntur anni ex quo Patavii, atque etiam in ædibus tuis, ad quas veluti ditissimam quandam disciplinarum omnium officinam, & cunctorum literatorum celebrem conventum, quotidie concurritur, de vini abusu semel differentes, in eam incidimus disputationem, utrum ad nutrienda corpora hominum adeo conducere, quemadmodum a veteribus esse putatum passim existimatur, cumque recepissem, interdum mea de re publicè esse in prælectionibus meis seriò locuturum, ad perficiendum non modo es adhortatus, verum etiam sæpè penumero ita acriter inflammasti, in negotio admodum utili & jucundo potissimum esse parendum judicaverim; & in fine ipsius Epistolæ, inquit; collatis simul pluribus scriptorum exemplaribus, publicari mandavi, tibi que primario similis hujus laboris & auctori, & patrono, dedicare volui, ut cum ab hoc dogmate minime præsums coram me aversus sis visus, si non mordicus tueri, saltem non infructuosum penitus fuisse conatum ostendere possis. E-misit conscribentibus hæc nobis librum cui titulus: *INDAGATIO VERÆ ET PERFECTÆ DEFINITIONIS LOGICÆ, HORATIUS CORNACCHINUS*, vir pietate & doctrina insignis, in quo studium hoc sibi compertum *Pinelli* nostri extare voluit, honorificis hisce verbis: 'Non desuerunt etiam, qui acerrimis stimulis me ad inceptum prosequendum incitarunt. Præ ceteris, dum viveret *Joh. Vincentium Pinellum*, immortalis memoriæ vir, atque in omni optimarum artium genere versatissimus, præcipuè vero in rerum additarum causis, naturæque arcanis perscrutandis, studiosissimus & curiosissimus, cujus optima, & suavissima consuetudine utinam mihi diutius frui licuisset. Sed hanc mihi felicitatem mors invidit, quæ cum rapuit, cum miram hominis eruditionem, morumque suavitatem degustare vix cœpisssem. Ad hunc quasi ad oraculum confuebant omnes literarum studiosi, non Italix modo, verum etiam totius serè orbis terrarum: cujus rei testis est ingens Epistolarum vis, quæ undique ad ipsum quoties mittebantur. Cum hoc itaque præclarissimo viro, hæc meas cogitationes cum quandoque communicassem, vererique me dixissem, de nova promulgando sermonem alicui de me darem, ille me valde hortatus est, ne

Præf.

* ab incepto detereretur, quod diceret, novi aliquid proponere, si tamen id
 'neque temere neque sine ratione proferatur, haudquaquam verendum esse.
 Et quoniam studiorum similitudo amorem parit, literatos explicari non po-
 test quantum amaverit. Non ille se incondito affectum impetu raptari pa-
 tiebatur, noverat quid & quatenus amandum. Vetus dictum haud de ipso
 dictum: 'Amans quid cupiat scit: quid sapiat non videt. *Antonium Quaren-*
giu Can. Patavinum dilexit unice, allestus suavitate morum, animi candore,
 divinarum humanarumque rerum, & nobilium linguarum notitia penitior-
 re. Vidit hæc probe *Raninus Parma Dux*, non paternis tantum laudibus in-
 signis, à quo est evocatus *Quarenghi*, ad historiam conscribendam, quæ res ab
Alexandro ejus patre clarissimo Imperatore in Gallia & Belgio fortiter gestas,
 pro dignitate complecteretur. Ejus ego specimen historię, ac veluti universę
 narrationis typum, visum & laudatum magnis viris, perlegi summa cum vo-
 luptate, gratulatusque sum sæculo nostro extare quod & in hoc genere con-
 ferre cum optimis antiquorum possimus. Cum *Quarengo* eximie amavit *Claudio*
Puteanum Nob. Gallum, cujus non sistæ laudes, & amplissima munera
 recensentur à *Jacobo Augusto Thuano*, è quo hæc descripsimus: 'arctissimam
 'in Italia amicitiam coluit cum *Job. Vincentio Pinello* Patric. Genuensi, omni
 'literarum genere ac rerum cognitione viro excultissimo & Philologorum
 'fautore eximio, quam ceteris officiis, postquam domum rediit, semper reno-
 'vans, ad mortem usque servavit. Oderat *Pinellus* eos qui in hoc universitatis
 theatrum, quem mundum vocamus, spectatum introducti, oculis tenus, tanquam
 hospites minime curiosi, eo munere fungerentur. Allicit nos ad sui specta-
 culum natura variis admirandisque imaginibus, quas qui despiciat, idem se
 brutorum plerisque inferiorem fateatur necesse est. Haud ita hic noster.
 Quicquid enim natura aut arte admirandum, quicquid bello paceve insigne in
 Europa dum is viveret uspiam contigit, id penitus scrutari pulchrum ducebat.
 Multiplices amicorum narrationes, delineationes varias, eo studio congere-
 bat, ut nihil supra. Exemplum sit in multiplici iride, & tergemino sole anni
 MDCL. VII. ID. Februarii: Patavii, Venetiis, Romæ, & alibi, phasma
 illud sibi describi, & commentariis explicari curavit, ab amicis quorum peri-
 ergiam alias probaverat. Ætas nostra librorum tum veterum tum recentio-
 rum oppido ferax, paucos vidit in eo genere literarum quas humaniores vo-
 camus, quibus non inscriptum alicubi esset *Pinelli* nomen: & sanè decebat ho-
 norifice appellari eum, in cujus bibliotheca viri docti maxima studiorum fuo-
 rum præfidia collocata intelligebant. Ninium hic & fastidiosum sit, recen-
 re *PANCIROLOS, SCHOTTOS, PERSIQS, SALVIA-*
TOS, & alios non paucos, quibus placuit eam *Pinello* mercedem rependere,
 quæ *Milesius* *Thales* sibi perfolvi optavit. Unius certe *Sigonii* testimonium
 quin adscriberem mihi ipsi imperare non potui, adeo luculentum est & singu-
 lare. 'Omittam, inquit, illud, quod vere mihi videor posse dicere, eum
 'esse te, quem ego cum propter veterem erga me animi propensionem unice
 'diligam, tum propter variam præstantium multarum artium cognitionem, &
 'incredibile ac constans virtutis ac scientiæ studium, omnibus istius ætatis ac
 'dignitatis hominibus anteponom. Itaque cum in te omnia eluceant, quæ
 'præclara videri hominibus atque eximia solent, Genuæ patriæ claritas, *Pi-*
nello

Ex libro eius
 historiarum.

Apuleius in
 Florid. lib. 4.

Sigon. in præf.
 lib. 1. de antiq.
 jur. provinc.

‘nellæ familiæ decus, Cosmi patris optimi ac magnifici viri splendor, fortunarum amplitudo; tu hæc omnia perpetuo uno virtutis, ac doctrinæ, quo flores studio ita obscurasti, ut qui te laudant, hoc in maximis tuis ornamentis ponant, quod his omnibus quæ vulgo homines suspiciant posthabitis, solum laudem ex beneficentia, comitate, multarumque atque egregiarum disciplinarum notitia conseceris. Fuerunt plerique qui ne de facie quidem noto librorum suorum patrociniū commendarent: tum ut cum eo amicitiam inirent, tum ut ex ejus nomine libris quos edebant exstimatione non vulgaris, sed doctorum hominum accederet. Quas rationes *Ludovicum Septaliū* clarissimus medicus obversatas sibi profitetur, cum *Pinello* suos in Hippocratem commentarios nuncupavit. Neque minus laudatum quod mox narraturi sumus. Ab ipso, tanquam tabularia Musarum asservaret, exquirebant quibus id curæ, quid editum, quid non, scriptorum ætates, nomina, & alia sexcenta, quibus ille scrutandis eum sibi reconditarum rerum apparatus congesserat, ut nulli non faceret fatis. Expertus hæc idem *Sigonius*, qui ad calcem auroreum librorum quos inscripsit de regno Italiæ, hæc habet: *Joh. Vincentius Pinellus*, ‘vir plane in omni studiorum genere singularis, ac propter eximiam humanitatem inter omnes maximè memorabilis, qui non solum pretiosissimum ingentis suæ bibliothecæ thesaurum totum explicuit, sed nullum etiam diligentiæ atque impensæ officium in hoc opere provehendo reliquit. Experti *Antonius Possevinus*, & *Guidus Pancirolus*, viri nunquam satis laudati. *Petrus Pithæus* vir rei literariæ studiosissimus, ad novellæ Juliani antecessoris hoc abundè testatus, ‘sed & permulta debeo viro clarissimo, & nunquam laudato satis, *Joh. Vincentio Pinello*, ex cujus unica bibliotheca plura mihi de *Iustiniæ* anno didicisse contigit, quam ex ceteris omnibus.

Sigonius.

Biblioth. D. n. s. utri. Imper.

Neque libris tantum inquirendis navavit operam *Pinellus*; *Caroli Clusii*, *Ulyssis Aldrovandi*, *Ferrantis Imperati*, & aliorum hortos, metallothecas instruere ornareque satagebat: labores pecuniasque optimè impensas arbitratu, quæ in amicorum commodum, & publicam cederent utilitatem.

Borromæus jun. Gard. cum insigniorum virorum autographa schedia discerneret, dignoscendis marginalibus librorum annotationibus calamo exaratis ut sui futura, uni *Pinello* negotium detulit, qui diu gravissimeque ægotans, brevi tot nobilium scriptorum manus congestit, ut & Cardinales multa transmiserit, & sibi non pauca in bibliothecæ ornamentum reservavit; Cujus rei gratia hæc ad *Pinellum Josephus Scaliger*; ‘Duo autographa patris tibi mitto, fragmentum Epidorpidum, & indicis cujusdam, quæ locupletissimum in *Galenum* confecerat, ut una opera perspiceres, quæ fuerit ejus *id. X. n. 2. n. 2. n. 2.* tam in mundo quam in litura. Libros idemmet à *Pinello* sibi comparari exoptans ita scribit; Nos magna in penuria librorum sumus, qui immanibus sumptibus bibliothecam nobis paramus. Neque verò nos tam caritas afficit quam raritas, quæ hic accendit pretium eorum librorum, quos alibi copia vilescit. Itaque sæpe cogimur inviti ad opem amicorum confugere, quod secit ut & tuam implorarem. Itaque quanquam sentio quàm incivilem rem, faciam, qui tuas meliores curas morer, ut te meis rebus adjutorem parem; tamen, nisi grave est oro te, ut tua opera Judæi curent mihi illos libros quorum nomina in schedio seposui. Ego frustra illos libros

‘in

in Germania, Anglia, & Italia conquifivi. Et infra. Non fatis eft ſemel perfruiſſe frontem, niſi rurſus orem te, ut ſi qui nummi priſcorum Principum Scaligerorum reperiri poſſint, quales apud patrem vidi, eorum aliquot, aut unius ſaltem copia mihi fiat, quod mihi non ſolum majorum meorum, ſed etiam tuo nomine chariſſimum *nummus* erit.

Franc. Maria Urbini Dux, quem veterum Regum ſtudia æmulantem admiratur ætas noſtra, *Pinellum* conſulere haud gravabatur. Idemque cum acta rerum in orbe noſtro quotidie geſtarum, quæ Imperiorum olim inſtrumenta qui rerum potiebantur in arcanis habebant, colligenda ſibi decreviſſet, ad unum *Joh. Vincentium* confugit, qui ejus votis egregiè reſpondit. Is horum actuum per annorum ſeriem compoſitorum, non modicam ut ita dixerim ſtruem aſſervabat, in quam non ea tantum quæ ipſe ſingulis hebdomadis accipiebat, ſed & quæ amici, deſcripta conſecerat; ut auctior minimis etiam rebus, ſeu alia interdum à ſuis, animadverterat. Minuta hæc, & alicui forſan leviora, at cordatis viris ſecus. *Spero Speranini*, Patavinæ urbis decus & *Pinello* per familiaris, *Plinianum* illud commendabat plerumque; *Nullum eſſe librum tam malum, ut non aliqua parte proſit*. Qui enim hac rerum geſtarum cognitione delectantur, non oculos tantum auresque inani lectione paſcunt, ſed & animos exemplis inſtruunt, pretioſum ſibi theſaurum civilis prudentiæ comparantes. Contemplatur animus, è præteritis eventibus doctior factus, ea quæ in conſpectu ſunt, & mala ſi qua impendent, minus fractus, bona ſi qua adventant, minus inſolens opperitur.

*Plin. Jun. lib. 3.
epiſt. ad Alarc.*

Siquando ipſi aliqua de re dubitare contigerat, omnes quos penes ejus rei arbitrium eſſet, conſulebat, quorum reſponſa componere, & examinare ſolebat. Si quod denuo non liqueret, monebat modèſtè & cum fruſtu. Unus Neronis nummus de quo dictum ſupra, fuit in cauſa, ut ego Romæ non ſemel *Pinelli* nomine *Fulvium Urfinum* convenirem, cui uni, & non immerito, detulit ætas noſtra primas in antiquitatis reliquiis cenſendis & diſquirendis. Admonuit ille me, ut ad *Pinellum*, quem is magni faciebat, ſcriberem, non uni datum ut omnia ſciret, relinquendas & poſteris aliquas ingeniorum exercitationes, laudatum illud *Ne quid Nimis*, in literis etiam ſibi locum vendicare, in quibus perquirendi modum qui ſibi non conſtituit, iſe plerumque inanimè diſcruciet necèſſe eſt. At non his ſe limitibus contineri volebat hic noſter, qui plurima, abjecta aliis & deſperata, hac ratione protulerat in lucem.

Accidit quandoque, perraro tamen, ut amicorum quiſpiam expoſceret ab ipſo librum commentariumve, quos ipſe non noſſet, quo veluti claſſico excitatus, perquire, ſcriptitare, omnia miſcere conſuevit, eo ſtudio, ut & ipſum non lateret ſiquid ejuſmodi extaret, & pleraque ejus generis præclara alioqui a tenebris & ſitu vindicaret. Adejus arbitrium diremptas vidimus omnes fere de humanioribus literis controverſias, quæ inter noſtri ævi doctos viros in gymnaſio Patavino, exortæ: in quibus tamen æquum ſe adeo & officii non immemorem præbuit, ut Biantæ major, amicos amiciores habuerit ſemper. At verò ut bibliothecam ſuam, quam in oculis ſerebat, quotidie locupletaret, hanc ſibi inter alias rationem propoſuerat, ut à literatorum, qui diem nuper obiiſſent, hereditibus, librorum indices compararet, ex quibus ea omnia perdiſ-

perdiceret, quæ sibi in bibliothecam essent transferenda. Quod tamen raro admodum accidit, cum haud æquè dominis, ac ipsi nota essent, quæ in cuiusque bibliotheca latebant. In his vero perquirendis quàm fuerit accuratus, declaratum volumus unico exemplo. Vir clarissimus Venetiis idemque doctissimus annis præteritis vita functus est, *Pinello* charus, ut perique omnes Venetorum, quos doctrinæ illicio, & nobilium studiorum amore sibi devinxerat. Libros aliquot magni nominis manuscriptos ille diu in deliciis habuerat, quos *Joh. Vincentium* divenditos redemit, & cum ejusdem bibliothecæ reliquias bibliopola nescio quis, schedas videlicet, atque alia ejus generis coemisset in gratiam, falsamentariorum, re comperta, illico hic noster nobiles illustrum virorum Epistolas perire non est passus. Emissarios ille habebat, quorum industria ex orci faucibus sæpe sæpius eripuit insignium virorum liberales labores, in quam curam qua sedulitate incumberet, ex eo patebit, quod mox narraturi sumus. Cribrorum, cymbalorum, & cithararum artifices, quod non modicam vim membranarum in artificium suum absumerent, singulis saltem mensibus conveniri à suis volebat, & id optimo ut plurimum eventu. Amicos *Pinellus* sibi conciliatos similitudine studiorum, tanquam exemplar aliquod intueretur sui, singulari benevolentia prosequabatur, eos præsertim quibus curæ esset rerum admirandarum, quæ ab arte vel natura proficerentur, accurata disquisito: *Edmundum Brutium* in his nobilem Anglum, disciplinarum Mathematicarum, rerumque militaris, & herbariæ apprime scientem, cujus ille commentationes non semel suspexit, cujus se quandoque impari curiositati est ingenue professus. Hujus quam diximus disquisitionis ille in *Pinello* character, quod cum is aliquando nescio quò proficeretur, animadvertit non incolarum mores tantum regionibus distinguui; sed & herbas, arbutaque alia in aliis locis nasci, substituique à natura in denascentium locum quotidie recentiora, quæ suis tamen limitibus contineantur, ac si externi soli horrescerent peregrinitatem. His qui animam advertit, confectum plerumque itinerum molestiis, nã ille in sinu Musarum conquescentes omnia rimabitur, abdita licet semotaque, nullumque sibi temporis articulum sine fructu diffuere patietur.

Hominum quò quisque inclinaret atque propenderet illico pervidere solitus, non è Metropiscopi alicujus traditionibus, sed præstantium tot virorum consuetudine congressibusque eruditus. Unica illi allocutio penetralia ejus cum quo loquebatur in conspectum dabat; versabat enim sermonibus variis, seria jocos temperabat, Protea dixisses multiformem illum, nec præfagientem minus atque divinum. His verò quos intimè nosset, insignia cognomina certas rerum notas plerumque procudebat, quibus animi propensiones, corporis formas, aliæque id genus indicaret. Modestos ille & verecundos suspiciebat; à garrulis & gloriosis, ut à pestiferis & nocentibus fugiebat. Bardos, & inelegantes formidabat, odio insito penitus à natura, quod in horridos etiam incompotosque præposterè inurbaneve aliquid agentes erumpebat. Tu illum elegantiarum patrem meritò appellasses, ita omnia cum modo & ad præscriptum rationis sibi gerenda constituerat.

Communibus & urbanis mirum in modum delectabatur, famiones à congressibus suis abigebat, turpe hominum genus, cui in gratiam alicui risus, in-

fania perpetuo convenit in manum. Eruditos quantumvis, maledicos tamen & intemperantes, oderat odio Vatiniano, quorum pridem consuetudini renuntiabat, qui rem honestissimam scditate morum dehonestarent. Hos si quando necesse habuit, invitus tamen admisit, egitque data opera ut animi adverterent illorum sibi congressum, colloquiumque haud probari; malle se cum illiteratis at bene moratis multum esse, quam illis tantillum. Et sanè qui literis & probitate animum excoluerit, is supra fastigium mortalitatis elatus, Dei opt. max. gentilis videri solet; at vero si quis mihi potestatem optionemque fecerit, ut eligam utras velim, literas an probitatem, ineptus profecto sim nisi posthabeam illas huic. Quid enim distat literatus vitæ informis à geniis malis? dixerunt illos Græci Dæmonas, appellati-
Hier. Garimbi.
in vita ejusd.
Card.
um: At illud huic longè præstare, cum ex integris moribus uberes magis, quam ex bonis literis fructus percipiamus. Doctrinam ergo & mores qui coagmentaverit, glutino pietatis religionisve, omnium ille sibi amorem concillet necesse est. Hæc fuerunt in causa ut Pinellus nobilissimam Societatem quam Jesu appellamus, diligeret charamque haberet, in qua ille amicos habuit; Antonium Possesivum, Augustinum Justinianum, Julium Negronium, Paulum Comitolum, Laurentium Tertium, Fratres Galiardos, Barisonos, Bisciolos, Franc. Porteciam, Alexandrum Granellum, Richardum Eslum, aliosque non paucos, qui morum sanctitatem cum doctrinarum cognitione sociarent. His officia omnia præstare, de his honorificè multa prædicare jamdiu assueverat; hujus societatis non Patres tantum sacerdotesque, sed & fratres quos vocant maxime admirabatur, ut quibus modus decorumque in omni vita sit in promptu. Ex hac Pinelli cum his Patribus consuetudine, suspicati sunt nonnulli fore, ut ipsis bibliothecam suam testamento legaret. Quod utinam factum, & memorie profecto suæ, & publicæ utilitati optime consuluisse.

Domus Job. Vincentini quotidie conveniebatur ab omnibus quotquot Patavii literarum ingeniarum ornamento nobiles erant, neque ab his solum, sed & ab advenis, qui eo ventitare gloriosum sibi ducebant. Hic docere & doceri pulchrum, quò nemo asymbolis veniebat unquam, nemo sine recondito aliquo munere literario, quibus ille ut erat instructissimus ad docendum, parem gratiam retulit semper. Transalpinis hominibus, qui bonas artes non tralaticie amarent, curæ erat cum primum Patavium venerant, hunc nostrum de facie noscere, ab eoque in albo, ut vocant, amicorum concinnare philothecam sibi comparare. Has ille elegantie & amoris plenas concinnare solitus, in gratiam studioforum, quos etiam munusculis plerumque prosequabatur. Religionem in congressibus habebat digredi, quantumvis necessario, tantisper ab iis qui eum convenerant, nisi prius libros aliave illis è bibliotheca promississet, quibus moræ tedium levaret. At quàm officiosus fuerit ex eo possis arguere, quod cum ipsi cum plerisque, qui in Patavino Gymnasio profiterentur, amicitia intercederet, ipsorumque aliqui (ut fit) alter alterum non omnino amarent; haud tamen unquam is officii lineas transiliverit. Quo factum, ut & ipsi Pinellus certatim bene vellent, & is pacem inter ipsos non semel concilia-

ret.

*De infit. Tra-
jan. Imper.*

Lib. 1. Satyr. 2.

ret. Pacis vero, concordiaque adeò fuit studiosus, ut illi valde soleret in ore esse, diffuere qui possit, si incidat minus rectè facere: comitate, ut innueret, facilitateque nihil non expugnari. Et sanè de *Pinello* id prædicare possumus, quod de *Solone* *Plutarchus*, nullis cum se in civitatis dissidio immiscuisse factionibus, non magis huic, quam illi favisse, sed conatus omnes suos parasse in civium concordiam. Quos invitus vel occupatior admittebat, in vestibulo domus excipiebat, stare vel deambulare solitus. Hominem enim præclara cogitantem, nihil æquè torquet ac temporis iactura, quam tum maxime percipit, cum otiosis ineptisve aures suas dedere cogitur. Jure & festivo *Horatius*, quem nescio quis de genere hoc miserandum in modum obtuderat.

*Hunc neque dira venena, nec hostium auferet ensis,
Nec laterum dolor, aut tussis, nec tarda podagra;
Garrulus hunc quando consumet cunque, lequaces,
Si sapiat, vitet simul atque adoleverit ætas.*

Moris ipsius fuit, omnes qui cum venerant salutatum, ad infimos usque scellarum gradus comitari, domesticos ut libet atque familiares. Irascitur quippe ineptis quibusdam, qui nescio cujus existimationis magis, quàm amicorum rationem habentes, sanctissimum amicitia nomen inani verborum gestulationumque observatione turpissimè polluant. Ne vero fructus illos quos ex amicorum congressu perceperat, ulla sibi abriperet oblivio, cum illi abiissent, secedebat in in cubiculum interius, ubi quæ præclara in colloquendo animadverterat, in commentarium manu sua referebat. Imò & cum amici adessent, nunquam non illi ad manus fuit calamaria theca, ut summa rerum quæ placuissent capita ne exciderent, annotaret. In hos commentarios si quis fortè studiosorum incidere, is tum denique leonem ex unguibus, ut dicitur, æstimabit. Testatus sanè mihi est *Antonius Persius*, selecta doctrina non minus quàm *Pinelli* antiqua familiaritate illustris, consuevisse *Joh. Vincentium* adnotare ad omnes quotquot nancisceretur alicujus pretii auctores, ubiores & politiores notas, quas acerrimo studio ab aliis non conquirebat modo, sed & excogitabat ipse doctè & eleganter. *Aristotelis* libellum commonstrans amico, ejusdem confubernalis *Paulus Aicardus*, & quidem ad eum modum compactum, ut pagellæ puræ in usum scriptionis essent interjectæ, subdidit; en quæ *Joh. Vincentius* elaborat *Aristotelis* interpretamenta! Fuerunt sanè qui crederent, habere præ manibus historicum quidpiam, quod viderent anxie propemodum perquirentem quidquid ubique terrarum contingeret dictis factisve memorabile, *Nomothecam* præterea explorantem, & *Topographiam* regnorum insigniorum, urbium, oppidorumque. At quid *Aristotelicum* interpretaretur, quidve operis ille seposuisset sibi, in quod unum præclaras studiorum suorum opes conferret, nos adhuc ignoramus, ut ut simus anxie percontati. Quocirca in eam devenimus, ut arbitremur cum *Juliano Mediceo*, *Leonis XI.* magni Pontificis charissimo agnato, juvene quidem ornacissimo, quem *Pinellus* ipse unice amavit, doctum probumque expertus, displicuisse quidquid vel olim adolescenti, vel jam seni exercitationis gratia excidisset, assueto nihil probare, quod non esset numeris omnibus absolutum; cum quotidie

tidie magno reipublicæ literariæ detrimento, nec minimo cum fastidio, videret scripturientes eos, & ineptè passim volumina procedentes, qui literas vix à limine salutassent. Tantis curis implicitis, non abjecerat hic noster, ut plerique faciunt, familiarium curam, in quibus probandis mihi semper diligens, nonnullis plerumque difficilis visus est. Et sanè formas speciesque verius rerum, quam res ipsas intueri dixisses: adeo nihil non eximium perfectumque spectare didicerat. In his, ut probitatem mittamus, nihil æquè diligebat ac vigilantiam & attentionem, quas ut acueret, nutu quandoque si quid fieri vellet, significare solitus. At si qua minus exaudissent, repetebat, subiratus tamen, & stomachanti similis; quæ omnia eò tendebant, ut illis socordiam excuteret. Quidquid imperasset ad unguem factum volebat, ferebatque permolestè, si quid ipsi aliquando non ex præscripto ætitassent. Nihil non componebat, ipse & quidem meditatus, ad normam rationis: hanc abjici, compendii vel sapientiæ obtentu, pati haud poterat. Quo facto familiarium factum, nimiosque spiritus obtundebat, quorum est spe fortunatoris eventus, consilii, ut ipsi arbitrantur præstantia, ab imperatis discedere, cum detrimento ac perniciæ eorum, quæ ipsorum fidei committuntur. Servis enim, ut ille aiebat, utilius est parere quam consilium asserre. Cavebat autem hac in re, ut in ceteris, à perturbatione confusioneque, tum ut familiares sibi quisque attenderent, tum ut clamoribus & jurgiis abstinere: quod ita executus est. Locos plerosque insigniores in templo D. Antonii, quod in ejus vicinia situm, memoriæ commendarat, in quibus quotidiana omnia, tum dicta, tum facta ordine collocabat. Quo subsidio munitus, ad vespèram in summa schedà notabat literam I, præcipuam nominis sui, quæ agmen duceret eorum quæ in crastinum peragere constituerat. Hæc demum linea concludebat, sub qua per classes familiarium nomina, litera ut diximus capitali adnotabat, cum indiculo eorum quorum curam cuilibet demandasset. Quæ tamen sibi referarat, ut emissitios famulorum oculos celaret, Græcè scribebat. Exinde die crastina primo diluculo serius in cubiculum accitis, curabat ut ipsi in schedula exscriberent, quæ singulis obtigerant, ea prope serie, qua & ipse descripserat. Si qui scribere nescissent (quod tamen raro admodum contingebat) scribebat ipse non invitus. Quibus peractis, curabat unusquisque sua, quorum ipse dominus exitum in secessu bibliothecæ præstolabatur. Qua methodo citra confusionem, & omnes quod sibi quotidie faciendum noscebant, & familiares, rudes licet, imperitique, ingeniosi exercitatieque brevi evadebant. Torpentes ille tardesque, Lentulorum gentiles appellabat; & narrabat subinde, *Ferdinandum* Regem, Catholicum cognomento, ea ratione familiarium novitiorum ingenia explorasse, ut omnes juberet officii negociive gratia convenire: & ad magnatum plerosque amandaret, à quibus cum demum rediissent, quæ dicta quæ facta sciscitabatur, atque eadem opera quis aptus ad ejusmodi munia obeunda, quis secus, observabat. Servorum peccata, quæ modo alicujus essent momenti, memoriæ mandabat hic noster usque adeo, ut nunquam ex illius animo discederent. Meminerat eorum multis post annis, interpellabatque sæpe sæpius, ut eorum reprimeret confidentiam, meminissentne quid peccassent, quid præpostere egissent superioribus annis eodemmet die? *Horum familiam satis frequentem aluit, & quod mixere, alium domi silentium* inter:

inter tot capita, quorum plerumque est non modo eadem non sentire, sed perpetuò dissidere. Hos ille fidos licet, minimeque loquaces, ita instituerat, ut advenientibus amicis decederent statim, ne videlicet aut illi obliuiscerentur conditionis suæ, aut hi se adhibitis arbitris exceptos suspicarentur. Iisdem tamen ope vel consilio, indigentibus ægrotantibusve defuit nunquam, ino summa benevolentia illis opibus, his adhibita medicorum opera, ut convalerent sedulo curabat, quò factum, ut quod raro contingit, metueretur idem & amaretur à suis. Horum agmen secum trahentem nemo unquam vidit, vix uno cum processerat contentum, eoquè frequenter amandato, cum copia comitis esset, qui cum deambulare & colloqui liceret. At quia ut diximus, docere vel doceri eximie auebat, recepit lubenti animo in contubernium doctos aliquot viros, quibuscum disserere de re literaria contiaenter & per otium posset. Nec sane minimum hoc ingeniorum incitamentum; cum intra domesticos parietes monitores alimus, qui forment studia nostra, qui animum excitent reverentia sui, quos neque subrusticus pudor, neque inanis assentatio à dicenda sententia deterrerat.

Horum primus (quod ego sciam) *Michael Sophistinus*, à quo Græcè peritissimo ejusdem linguæ haulit intimas notiones: cui deinde succedere non magno intervallo, *Theodorus Rendius*, *Constantinus Patricius*, *Nicasius Ellebodius Belga*, qui Latine nobis Nemesium de natura hominis expressit, quem apud *Pinellum* degentem anno *MDLXVIII.* magni, ut par erat, fecit *Paulus Manutius*, callidus elegantium ingeniorum æstimator. Præter hos domi habuit *Benedictum Octavianum*, res Philosophicas Theologicasque doctum, *Joannem Caresum*, & *Leonardum Sguttam*, domo Chios, optimarum artium studiis impensè eruditos, *Mariangeli Accursii* filium *Franciscum* ni fallor, insignem moribus & doctrina. At egregium hoc studium doctorum hominum iuvandorum, mala valetudo intercipere aggressa, obtinuit, ut præter binos. I. *Lipsii* alumnos, neminem amplius domi habuerit. Horum alteri *Thoma Segeta* nomen, alteri *Erycio Puteano*, cui eruditio modestiaque adeo suffragata, ut primum artis Oratoricæ interpretem Mediolani, & *Chronographum Regium*, deinde fuffectum in præceptoris locum, in *Lovanienfi* Schola declararint. His grave præclarumque testimonium impartitus I. *Lipsius*.

I. Lip-

Quicumque hæc legetis.

Testor apud vos ex animo, Erycium Puteanum bene benefique natum, educa- Cem. 3. epist. ad
tum, institutum: Ingenio ad optimas artes facili, & tenaci, in utraque lingua halot & Hispa-
Græcâ, & Latina peritum, versu & prosa bonum, vita moribusque modestum, & nos
plura etiam reprienda in eo si quis pernoverit, quam hic dicam. Habet Mathe-
sim, Philosophiam, Muscam quoque, & plane dignissimus est cui bene velis siue
bene faciat, quisquis doctrinam, elegantiam aut virtutem amat. Commendo vobis
talibus hunc juvenem, à mea quoque institutione & quam profectum: ac spero, vel
confido potius, gratiam me debiturum quidem, si quis mea causa bene fecerit, sed &
habitueros mihi, si qui propius aut familiaris sibi iungent. Rogo, fides vubi sit
sincerè scribenti; rogo gratia aliqua & subsidium in mea scriptiōe. Lovanii æ-
no MDXCVI.

I. Lipsius Professor, & Historiographus
Regius ipse scripsit.

De Segeto vero hæc ille.

Qui hæc Legetis.

Testor apud vos scribò, hæc mea manu, Thomam Segetum, gente & domo Sco- Ead. cem.
tum, notum mihi à pluribus annis fuisse. Immo ab ipsa prima ejus adolescentia, mo-
ram vel discipulum, vel auditorem. Eo omni tempore, probis se probasse, ac mihi
inprimis, ob acutè, & excellens ingenium, ardorem studiumque discendi: atque
ita profecisse, ut in meliori omni literatura, paucos sibi æquales habeat, in æquali
ævo. Addo & moribus modestum ingenuumque esse, & dignum quem tales omnes
assistent, atque ament. Peto igitur atque absens rogo, uti hunc in occasione adju-
mentis velitis, favere animis, consiliis, factis: bene locaturi beneficium quodcumque
in eum conferetis. Stirpes ista fovenda & attollende sunt, in commune reipublicæ
bonum, cui bono omnes studemus. Lovanii.

I. L.

Idem Lipsius eidem alibi gratulatur, quod fuerit receptus in Joh. Vincentii do- Epist. 64;
mum. Gaudeo in Italiam incolumen venisse, gaudeo in domum magni Pinelli ad-
missum, quem virum, ævo & gloria jam veterem, Italia vel inter veteres suos
præferat & jactet. Idemmet Pinello gratias agens, quod Segetum apud se volue-
rit esse in unius testimonii sui gratiam, ita præfatur: Si quis in Italia hodie veteri Epist. 76.
& merita fama est, cum ego te cenfeo Vincenti Pinelle, & ideo jam à pluribus an-
nis tacito quodam affectu & colo & amo. Eiusdem quam præclara illa, & lucen- Epist. 78.
tema? Malo fato & raro factum est, ut una Epistola bis missa, nec semel pervene-
rit. Haud magna aliqui jactura, nisi quod testimonium cultus mei, & affectus
retardavit, non tamen oppresserit, vel nunc ecce revelandum. Nam ego tum no-
men ab adolescentia prima & novi, & amavi, & veneratus adeo sum: ut debui
ejus, qui virtutem, & doctrinam eximie coleres, & in se haberet, & in aliis excita-
ret.

ret. Sunt ista breves, sed vera tua laudes, quas in his annis, & maturiore aetate,
quia permixti, magis etiam amo. Si aliqua similis effectus in te incitabit in me; & tri-
umpho, non solum gaudeo, & esse cum aliorum litera, tum tua loquatur, ante duo
menses plus minus ad me amanter scripta. Ergo amare amatum me possim dicere,
& ut semper possim, te per genium tuum, virtutis & honoris sic amicum, rogo. La-
varii Kal. Decemb. 1699.

Cont. 2. Epist.
24.

Mihi verò animadversum quod est; haud videtur prætereundum, *Lipsium* quoties *Piselli* incidere mentio, magnum fere vocare, ut proxime vidimus ad *Segetum*; & ad *Clusium*: *Illustri viro Vincentio Pinello* cum scriberet, *quæso te salutem ei à me dicito, ignoto de facie, non de fama, amo virum magnum apud omnes magnæ*. In eadem cent. ad *Mercurialem*: *Abjisse te benevolentissima vocatione Bononiam audimus.. Ni id esset, valde rogarem in viri magni Vincentii Pinelli familiaritatem me infirmare, quem ego jure æstim inter Italorum primos. Quem vero- roreorum Pinelli contubernaliis quos supra recensuimus, designet Paulus Manutius, haud sanè novi. Is hæc ad *Joh. Vincenium* in calce Epistolæ: *Vale, & familiaritatem tuam, cujus doctrinam, & ingenium in Lucretiana interpretatione mirum in modum probe, saluta meis verbis*. Non paucos, præter hos, quorum fecimus mentionem, domesticos habuit literatos viros, inter quos unum in delictis habuit, cujus & nos vitæ scribendæ non aliquid super immorari, plerique nefarium videatur: tum quia hic *Pinelliana* animæ dimidium fuit; tum quia par viguit inter nos & mutua benevolentia, ad extremum usque vitæ spiritum. Neque vero id sine lectorum voluptate, quos certo scio jucundè spectaturos, amicorum nobile par, quos cum celebratis illis componere possumus, tot annos summa concordia sine ulla querela vixisse. At mihi liceat quæso (ut cum *D. Gregor. Nazianzeno* dicam) *ὅταν τις πικρὸν ἐν τῷ πνεύματι ἢ ἐν θυμῷ μνησθῇ*, Detur id amici docti piique memoriæ, quæ nunquam discedet ex animo meo, quem ipse sibi aureis in perpetuum catenis devinxit. Hic fuit *Paulus Aicardus*, cui patria Albingaunum Litugitæ oræ nobile oppidum. Is Taurini primum per aliquot annos versatus, ubi in Philosophorum Medicorumque album descriptus est, anno 1570. Patavium venit, ut insignes aliquot Medicos, qui tunc temporis hic proficiebantur, tum audiret tum assisteretur. Hic, ut Genuensem, eundumque eruditum decebat, sæpe sapius *Pinellum* conveniebat; quo accidit, ut genio conciliante alter alterum certatim amaret, charumque haberet. Nec mirum utique, cum *παύλος καὶ πινέλλος, φιλάλλως φιλάλλως, μισοπικρὸς μισοπικρὸς* amplectatur: Cum sit ad connexendas amicitias vel tenacissimum vinculum morum similitudo. Amoris hujus eximium illud indicium, quod cum *Joh. Vincen- tio* tunc obtigisset Neapolim proficisci, uni *Aicardo* bibliothecam suam commendavit. Ex quo arguas licet, quanti æstimavit *Pinellum Aicardi* & probatè & integritatem, cujus spectatissimæ fidei crediderit literarios illos thesauros suos, à quorum etiam conspectu plerisque arcere consueverat. Reverfus aliquot post menses *Joh. Vincen- tius, Aicardum* secedere volentem comiter rogavit, ut secum paulisper maneret, hoc unum ejus gratiæ & consuetudini indulgeret, in cuius domo per tot menses solus, & non invitus fuisset. Annuit ille, non diu se mansurum arbitratus.*

As a result,

At cum pestilens morbus annis 1574. & 1575. Venetias primum deinde *Lucr. lib. 6.*
 Patavium pervasisset, in quem Lucretii carmina optime quadrabant.

— & mortifer æstus
*Finibus Euganeis sivebros reddit agros,
 Vastavitque vias, exhausit civibus urbem.*

Hunc declinaturus *Pinellus*, ut nemo non faciebat, secessit in amoenissimum agri Patavini oppidum, Euganeorum collum decus, cui Montis silicis nomen, quo mala hæc lues appellere haud valuit. Eo divertit cum *Pinello Aicardum*, magno amborum bono, cum invicem longe lateque grassantis morbi molestias excutere suavissimis colloquiis valerent. Huc accessit, quod cum illuc migrasset Venetorum Patavinorumque Patriciorum non minimum agmen, ædes *Pinelliana* iis omnibus paterent, eò doctrinæ animique gratia confluentibus.

Ut primum abiit pestilentia, reversus Patavium *Pinellus Aicardum*, cujus suavissimos mores, eruditionem, vitæque integritatem prehenderat, ut apud se aliquandiu esset exoravit. Quod sane ambobus optime vertit, cum alter sine altero esse minime posset, acciditque brevi, ut quæ inter ipsos intercessit benevolentia tam altas radices egerit, ut neque mors illas convellere potuerit. In *Pinelli* consuetudine ejusmodi evasit *Aicardum*, ut sapientia, animi moderatione, humaniorum omnium literarum cognitione, non paucos antecederet, inter quæ modestia, & ingenuus pudor ita eminebant, ut nemo eum, vix de facie notum non amaret. Linguas nobiliores, Græcam, Latinam, Italicam usque eo callebat, ut si quid ipsi præci insolite interpretari libuisset, prorsus quid adderes non haberes. Ad 620. annos Patavii moratus, magni semper est habitus, idque ultra vulgarem modum. Memini ego *Meliorem Guilandinum*, rem Herbariam Patavii magna cum laude profitemtem, & non minoris apud eruditos nominis, parcum aliqui laudatorem, advenis quibusdam de *Aicardo* sciscitantibus respondisse, neminem illo Patavii doctiorem, etiam si gymnasi quotquot erant interpretes adnumerassent. *Jacobum Davy Perona* D. Episcopum Ebroicensensem, quem *Clemen VIII.* in Cardinalium collegium cooptavit, in quo ambigassutram mirere, pietateme nam multiplicem eruditionem, Roma redeuntem ubi summa cum fide Regis sui cum Catholica Ecclesie reditum in gratiam procurarat, Patavii anno 1596. *Marcus Cornelius* Episcopus Patavinus splendidissime excepit. Is ut hospitem tantum commodissime liberalissime haberet, ut sedulo curavit, ita *Aicardum* illis diebus in Ebroicensis gratiam domi habuit, quocum doctis & eruditis sermonibus horis succisvis congrederetur. Hinc ille *Aicardum* admiratus dixit aliquando, per id tempus quo sibi in terra Italia esse licuit, præter quatuor aut quinque magnos & eruditos viros, in quibus & *Aicardum* reponebat, haud obtigisse ut alios nosceret. Quam amicitiam contractam similitudine studiorum, aluit in posterum uterque communibus officiis, epistolisque doctorum problematum refertis ultro citroque missitandis. Omnia dicta *Aicardi* factaque citra venditionem animadvertere, qui hominem noverunt. Et licet frequenter litterarum congressibus adesset, non ideo tamen obtrudere sese visus unquam, erumpebat

impēbat sane aliquoties, ne pedaria omnino sententia videretur, at parē, & ea ratione, ut qui aderat animadvertent ipsū ad scopum collinasse. Quæ nimirum seriō doctis familiaria, ut & paucis se expediant, & è verbo non temerē prolato virum multiscium metiantur. Quæ si cui non sufficiunt, is demum fciat, *Hieronymum Mercurialem* (qui nobis hæc scribentibus prope octuagenarius diem functus est) edere cogitantem librum illum suum de morbis cutaneis, quem is olim auditoribus suis dictarat, *Aicardum* selegisse, qui menda tolleret, errores corrigeret, redigeretque in legitimam & germanam libri faciem. Neque verò imparem se oneri præstitit *Aicardus*, qui librum *Guilielmo Syrisio* laudatissimo Cardinali inscripsit, & *Mercuriali* fecit abunde satis. Ea illi à natura instita humanitas, ut omnes sibi promiscue doctos, indoctos, summos, infimos, devinciret. Quæ ratione qui illi obtrectaret reperiisses neminem, nisi malevolum insigniter & maledicum. Veriebatur ille sese in omnes omnium propensiones *in avaritia* quadam, cujus comites mansuetudo morum, ac facilitas, lenitasque animi, quarum est animis, velint nolint, dominari, pellicereque ad sese alienas quantumlibet hominum voluntates. Ejus opera quisquis usus, nihil unquam habuit quod amplius desideraret, seu fidei seu diligentia. Quæ id est assecutus, ut nemo non auderet ejus comitatem & industriam periclitari: Invitarant eum non semel amici, ut profrendi munus in gymnasio Patavino capesseret; neque desuere ex ipso gymnasio moderatioribus, qui eadem proponerent, quos ille omnes unico responso resellebat, imparem se oneri & non translatitia illi doctrina opus esse, qui alios publice docere vellet. Eadem opera Cardinales, & Dynastas non paucos, à quibus, magnis propolitis conditionibus est plerumque evocatus, *Pinelli* domesticæ consuetudini posthabuit. Quæ res in causa fuit, ut *Aicardum Pinellum* eo impensius amaret, quod ejus sibi consuetudinem cernebat acrius invideri: cum nihil æque (ut nescio quis ait) amorem incitet accendatque, quam cærendi metus. At *Joh. Vincentio* non erat quod metueret, despexerat enim jampridem hic noster inanes honorum titulos, effrenemque pecunia cupiditatem, uni mentis tranquillitati intentus; quam abjiciat necesse est, qui illis sese fluctibus jactari patiatur. Non nesciebat nimirum quantas immodicum honoris studium miseris auscibus constituat cruces, didiceratque pervolutandis nobilium scriptorum monumentis, viro honesti otii amanti, nihil æque fugiendum ac superba, ut *Horatius* ait, *terribilis potentiorum limina*. Meminerat nobilis adagii; Procul à Jove procul à fulmine, appositè ad illud ejusdem Poetæ,

Epod. od. 2.

Lib. 2. od. 10.

Sæpius ventis agitur ingens

Pinus, & celsæ graviore casu

Decidit turres, feriuntque summos

Fulmina montes.

Hanc illi mentem, præter alia, injecerat *Pinelli* contubernium, à quo videbat omnia hæc, uti apinas tricasque conterani & rejici. Optimum *Aicardo* visum, docti sapientique convictum, à quo fratris loco haberetur, Principum virotum consuetudini præferre, quos nonnunquam deprehendens *Phryxos* arietes, personamve *Asopiam* illam, cui extrema species, & præterea nihil

interiore

Interiore se quandoque animi motu ad Ecclesiasticam vitæ rationem corripere sentiebat, at abstinuit, quia cum *Marco Cornelio Episc. Pat.* charus esset supra quam dici possit, videri noluit eo instituto proventus aliquid amplioris accipari. At in morbo qui postremus illi fuit, decreverat cum primum convalesceret, animum religione liberare, mecumque, si *Pinello* superstitem esse contingeret, aut Veroraz cum *Ptolemao Oliveto*, quod vitæ restitisset absolvere. *Aicardi* liberalitas eo magis enituit, quò minus ipse dives fuit. Neque enim valuerunt rei familiaris angustiz continere animum magna cogitantem, quin erumperet sæpe sæpius collatione insignium beneficiorum. Res domestica non omnino ampla ut diximus illi fuit, cujus ne experiretur tenuitatem, *Pinellus* quæ officiis quæ beneficiis eximie juvit. Neque sanè iis quibus minimæ fortunæ sunt, præcelsus omnino est aditus liberalitatis, si *Aristotelem* audiamus, *Reb. lib. 1. c. 5.* cum divitem faciant (inquit ille) non possessio, sed usus. Amicis hic noster omnia largiri, ut ut pretiosa, consueverat, modo animadverteret jucunda esse quæ donaret. Inde jocari nos cum ipso, esse in potestate nostra quicquid haberet, ablaturusque, cum libuisset, ne petentes quidem. Monstrabat aliquando amicorum cuiuspiam numismata quædam argentea recondita & selectiora, cumque notasset in eximia quæpiam oculos (ut fit) conjectos, misit sub vesperam familiarem, qui amicum domi conveniret, numismataque suis verbis donaret: Ut fuit elegantiarum omnium amator, librorum, nummorum, gemmarum, tabularum, nulli unquam pepercit impendæ, deterruitque *Pinellum* aliquando, qui magnos in his comparandis *Aicardi* spiritus non semper approbabat. Quod tamen nullum inter ipsos unquam dissidium peperit, cum alter alterum summe diligeret, *Pinellum*que *Aicardum* filii, hic illum parentis loco haberet. Rectè enim *Tyanæus*, causam esse amoris similitudinem, quæ in sapiente in affinitatem evaderet. At quod dictu mirum, cum familiaritas pariat contemptum, nemo unquam illorum ad id dilapsus, ut alterum minus, *Philosoph. lib. 46. Lib. 1. epist. 10.* quam amicitia leges ferunt, amaret suspiceretque; ut enim (inquit *Plinius Jun.*) *desensuore, pictore, filiore, nisi artifex judicare, ita nisi sapiens non potest perspicere sapientem.* *Lib. 1. od. 13.* Horatii carmina in ipsos quadrabant.

*Felix ter & amplius,
Quos irrupta tenet copula, nec malis
Divulsus querimonis,
Suprema citius solvet amor die.*

Et sanè, cujus oculos non præstringat, cujus animum non alliciât doctorum hominum par, volentium idem idemque nolentium? Thesauros & opes pemo sanus prætulit his bonis, quæ eo majora, quo rariorem hujusce notæ amicitiam reperias. Neque non norat hæc *Joh. Vincemius*, homo si quis alius per spicax, & acer in judicandis rebus. Ideoque largitionibus & congiariis *Pau-lum* sibi devinctum frequenter voluit, ut illi suppetere unde partam existimationem sustentaret. Ideoque, non multis ante obitum annis, aureæ præceptionis memor, *anti mortem amico benefaciendum*, donavit illi inter vivos IV. *Ecc. c. 14.* millia aureorum, e corpore grandis pecuniæ quam Romæ habebat. Quæ in re *Aicardus*, idem qui semper, à *Pinello* impetravit, ut non nisi mortis causa donaret, quasi jam tunc animo prævideret præmoriturum se, & liberalitatis rivum ad

ad caput unde manarat, turbato ordine reverfurum. Quod si Aicardum Pinello superstitem esse contigisset, non dubito quin ipsi Joh. Vincentius bibliothecam suam legasset. Cum enim Aicardus decedens libros suos Pinello testamento reliquisset, ille tum mihi qui aderam, en qui rerum humanarum lusus! is mihi bibliothecam suam legatam vult, cui ego meam volebam. Aicardi bibliotheca (ita enim præ Pinelliana operosa illa & voluminum sane multorum videtur appellanda) selecta erat, classicisque auctoribus referta, veteribus nimirum, quorumlectionem ille amicis decantato carmine subinde commendare consueverat.

Em. apud Cie.
in lib. 6. de Rep.

Moribus antiquis res stat Romana virisque.

Horum plerosque eruditissimis ad marginem notationibus illustratis, veluti Polybium, Cæsar's commentarios, libros universos Ciceronis, de Officiis præsertim, Plauti comœdias, Corneliū Celsum, aliosque non paucos, quos ille veterum exemplariorum collatione meliores fecerat & auctiores, quos ni supprimit il ad quos Pinelli bibliotheca pervenerit, animadvertent brevi omnes, qui hæc nostra legent, non fecisse nos gigantem è pumitione. Commentarium in Aristotelis Ethica elaboraverat præterea, in gratiam Aloysii Oricellarii, præstantissimi adolescentis, qui nunc Romæ in conspectum dat quicquid è Pinelli & Aicardi consuetudine sibi olim comparavit. Fastidiebat Aicardus immanem copiam librorum, quos Joh. Vincentius coegerat, distabatque nolle sibi tot libros, & alia ejus generis donari, quæ possidentis animum rape- rent in diversa: quæ profecto vera esse nemo negabit, nisi qui bibliothecam non modo in sumum (ut fecit Pinellus) sed & in aliorum usum intruxerit. Qui enim ostentationis gratia librorum strues affectant, næ illi ridiculi sunt, qui Musarum delicias, supervacaneam suppellectilem faciunt. Adde, congeriem tot auctorum sine ullo delectu, quorum plerisque mos est, recentioribus præsertim, aut veterum scrinia compilare, aut meras nobis nugas obtrudere, horum qui acervos domi habet, quid mirum si minimè sapiat; & sane vidit superior ætas in librorum inopia viros magnos, quibus curæ fuit antiquos auctores, probos videlicet atque eruditos, læsitare. Obiit Aicardus anno 1597. IV. ID. Aug. sexto martyris Laurentii die, cum octo aut ad summum decem dies æger decubisset, laborassetque primum lateris doloribus, incidisset deinde in malignam febriculam. Tercio postquam ægrotare cœpit die testamentum condere voluit, quod est Joh. Vincentii manu scriptum. In eo ut amicos vivens dilexerat, & munusculis fuerat prosecutus, ita & amoris in eisdem sui moriens extare optarat illustria monumenta; quicquid enim ille Patavii habebat inter amicos; quicquid domi, inter affines & fratres partiri constitue- rat, vir amicorum ad miraculum amans. Testamentum nimirum speculum morum frequenter est, in quo datur iacturi, an testator quos amavit serio amaverit necne? Detrahitur ibi persona captantibus, & subdolis amoribus præteritionis adspersitur labe. Aicardum utinam omnes illi imitarentur, qui amicos justos & legitimos nacti. Quid enim pulchrius, quam gratiæ pieque eos prosequi iudicio supremo, quos individuos vitæ comites habuimus? Quid turpius quam eorum memoriam cum vitæ exitu interstinctam velle;

Quibus

Sener. lib. de
Wang. c. 9.

Quibus in testamento legavit quidpiam, & quidem cum honorifica appellatione, fuerunt, *Joh. Vincentium* primum, cui libros suos fere omnes reliquit. Quanquam ille (exceptis manuscriptis quibusdam, impressisque nonnullis ad ad marginem adnotatis) reliquis abstinerit, ea mente, ut pretium illorum *Aicardi* fratribus representaret. Immo ut audivi, constituerat ejusdem fororibus mortis causa donare 1v. illa aureorum millia, quæ ad se ex *Pauli* morte rediissent, ut haberent quod expeditius nuberent.

Post *Joh. Vincentium*, honorati ab *Aicardo* inter cæteros *Cæsar Niebesola Patric.* & *Can. Veronenis*, Latine græcæque peritus, tabularum, signorum, numismatum, gemmarum amator si quis alius: munificentia adhæc, vitæque splendore insignis, & plerisque è Dynastarum ordine apprimè charus; & *Ptolemæus Olivetum Patric.* itidem *Canoniusque Veronenis*, quem suavissimi amici, Dominique elogio in testamento prosecutus est, nec sanè injuria. Ut enim prætereamus nobilium scientiarum cognitionem, in quibus Mathematicarum disciplinarum peritiam excellit, vitæ sane candor, & aurea morum integritas, *Aicardum* adeo raptim in amorem sui pellexerant, ut quod amplius adjiceret nihil haberet. Me hic tertium nisi colloce, haud faciam recte. Exigit enim id suo prope jure mutua inter nos benevolentia, quæ corpora quatuor, totidemque animos, unum corpus, unam animam effecerat. Quæ nos Patavii studiorum morumque similitudo conjunxerat, eadem nos alibi comitatus est, quam semper honoratam, sacro-sanctam semper habuimus. Neque aliunde vindemiales illæ nostræ seriæ, quas in agro tum Vicetino, tum Veronenfi, & ad Benacum quandoque, cum amicis quotannis exigebamus. Hinc illa delibenter, curaturos nos aliquando, ut pictor quispiam insignis, nos in tabula iconicos delinearet, apposito videlicet emblemate aliquo, indice futuro apud posteros amicitiae nostræ. At invidit mors honestissimæ deliberationi, eripuitque nobis potiorem animæ nostræ partem. Suppellectilis domesticæque instrumenti quod supererat *Aicardus* distrahi jussit, & pecuniam quæ inde redigeretur familiaribus, *Pinelli* arbitrato, distribui pro salute animæ suæ. Fratres, sores, affines elegantissima Epistola consolatus est, biduo triduove antequam moreretur. Me autem ille per amicitiae jura obsecratus est, ut adesset sibi, & præstarem, ut sedulo feci, officia suprema. Nec vero quidquam eorum omissem quæ Christianum hominem decet, migrantem è vita hac ad meliorem & beatiorum. Ita ille obiit in tempeste quidem si annos quos vixit spectemus, & commoda nostra; at tempestivè satis si uberes sapientiæ proventus, & innocentis vitæ rationes dispiciamus. Quæris (inquit aureus Philosophus) *Sen. epist. 93.* quod sit amplissimum vitæ spacium? Usque ad sapientiam vivere. Quæ sane cogitatio, illustribus ingenis ad sapientiam consequendam acre incitamentum sit necesse est. In hos enim bacchatur mors, quæ præclara quotidie ingenia suffuratur, ut innuat nimirum vitreas esse laudes nostras, tunc demum cum splendcant frangi solere. *Aicardi* obitum nemo amicorum non descevit, inter quos fuit *Laurentius Pignorus*, qui dolorem suum, & *Pauli* in se merita, utut poterat contestaturus, in viri optimi memoriam, qui sibi bonarum literarum semitam digito velut ostenderat, hæc apposite cecinit.

*Qualis bonos pelagi vitreis emergit ab undis
Gemma nitens, qua matris amor, qua gloria conche,
Tale decus tulerunt te orbi sacra improba nostro,
Aicarde : ab propere heu nimium decus addere caelo.*

Hanc jacturam *Pinellus* ægerrimè tulit, diuque nulla lætus levamenta admittit, cum illum sibi ipse videret exceptum, quem (ut ille semper præ se tulit) habuerat in omni vita fratrem verius quam familiarem, is me aliquando conantem lenire desiderium quod sui reliquerat *Aicardus*, ita est allocutus : Nunc demum *Pauli* morte sentio quàm nullus prope sum. Ille mihi studebat, mihi laborabat : ego nihil (neque pœnitebat sane) inconsulto ipso audebam, amicos ille mihi parabat, paratos retinebat, consilio siquid impedimentum aderat expediebat. An non hæc mihi, oro te, desenda, ægrotanti præsertim, seni, peregrino, & quod caput est, mercenariorum familiarium injuriis expositò ? Hæc ille, vera sane, & citra ullam assentationem. Postremis enim iis annis, quos æger *Pinellus* exegit, ætate præsertim ingravescente, si qua inciderat literaria quæstio, si quis recens prodierat liber, in *Aicardi* præclara diligentia totus conquiescebat. Abstinit ille per aliquot dies ab ædium parte inferiore, ne conclavia videret, in quibus *Aicardus* diem obierat, in quæ & jam non nisi post annos aliquot ingressus est, ne recrudesceret vulnus, quod ex amici jactura ad intimas ulque animæ partes adactum senserat. Abjecerat utique omnem spem in posterum aliquem *Aicardo* parem reperiendi, nec opinione sua frustratus est ; doctrina enim & probitas ejus indicaturæ, raro admodum inter se conveniunt, ævo præsertim nostro, quo rerum nomina speciosa, rebus ipsis ablegatis, in pretio sunt. At non fecit *Aicardi* mors, ut ille deliciarum suarum oblivisceretur, literarum inquam, & hominum qui illas amarent, Deceverat enim domi habere *Laurentium Pignorium*, probe cognitum sibi ex *Aicardi* familiaritate, cujus ingenium ille prædicare solitus, bonarum artium cupidum supra conditionem, cujusque lucubrationibus ipse *Pinellus* multum tribuere visus. Hujus non irritum conatum in exponenda vetustissima tabula ærea, quæ fuit *Petri olim Bembi Card.* summo opere eruditi laudant. Intactum sane aliis opus, & quod non modo ævi nostri hominum, sed & posterorum plausum mereatur. Dabit is alia propediem, acquitati, cujus ille supra modum studiosus est, non obscuram faciem prælatura : ab illo ego non minimum adjutus in his consarcinandis, ut qui *Pinellum* observare, & convenire terquaque ; quotidie solitum cum fructu, ut *Pinelli* in re literaria curas acerrimas nemo illo hodie melius norit. Domo raro egrediebatur postquam *Aicardus* vita functus est. Festis tantum modo diebus ad templa divorum *Anthonii, Justinive*, ut sacris matutinis interesset, ceteroqui intra domesticos se parietes continere solitus. Extra urbem nemini visus, nisi cum processit (ut diximus) ad pestilentiam declinandam, & cum Neapolim ad invisendos affines. Amicis vero ut secederet instantibus, e-
quum objectabat, rhedam, lecticam, ipsam adeo cymbam incommodam sibi. Frater ipse, quem non perfundiorie amabat, nonquam ab eo impetrare potuit, ut iterum Neapolim proficisceretur, incassum precatus, incassum obtestatus. *Julium* frater *Cosmus* & *Cesar* fratrum filii, non semel Patavium profecti, ut ipsum abdu-

cerent

cerent, irritis conatibus recessere. Hic ille jam diu sibi & Musis vivere decreverat, ubi literarum bonarum amorem hauserat, ubi doctrinarum suavissimos fructus degustarat. Nihil sibi posthac negotii cum patriâ ab hoc otio avocantis fore tunc aperte denunciavit, cum tot Neapoli turbarum pertusius, sæpe sæpius inlamarer, ô Patavium, ô Patavium, quamdiu abero abs te?

At quæ causæ cur unam urbem omni orbi terrarum prætulerit? Patavium (ut nobilissimæ urbi quod bene de nobis merita est, rependamus) literarum cupientes præ cæteris omnibus, amœnitatis & otii philtro allicit mirum in modum. Insigniores duas, mea quidem sententia, in terram Italianam colonias Trojani deduxerunt, Romam, & Patavium, advenarum ambas frequentia celebres, dissimili tamen & prope diversa ratione. Ille enim laboriosis hominibus, honorum divitiarumque cupidus, hæc otiosis doctrinarum amatoribus patet, quos.

*Pax sena juvat, salicis & otia vicia,
Et nunquam turbata quies, somnique peralli.*

*Statius lib. 3.
Sylv. ad Claudiam uxorem.*

Nullibi enim (Europam ut libet pervagare) Academiam reperiis, in qua Musarum altrix quies literatos æque ad se invitet. Hic nemo est, qui advenarum vitam curiosius exploret, hic seu genio indulgere quis velit, seu ipsum defraudare, nemo erit qui impense curet. Animadverterat hæc Pinellus, narrabatque Patavii omnes, peregrinos quantumvis, perinde vivere ac si in patria essent; Germanos enim, Gallos, Polonos, eandem vitæ victusque rationem asservare, cui domi assueverant, quod nullibi videas. Advenis enim alibi usitata transire in mores incolarum, & patrios averfari. Bononiæ namque, ne longe abeamus, Germani, Galli, Hispani, Italicissanti omnino, conformantque sese ad civium consuetudinem; at Patavii nihil tale. Cujus cæ possunt esse rationes: vel quod Venetorum moribus, honestæ huic ad placitum vivendi licentiæ Patavini assueverint, ideoque nihil ad se pertinere putent, quo quis corporis cultu utatur, quid agat, quid meditetur; vel quod hic advenarum frequentia non nisi æquis conditionibus se in civitatem, ut ita dicam, recipi passa sit. Huc ergo peregrini se lubentes tanquam in portum recipiunt, quotquot literarium otium amant, quæ sibi lucubrationibus, quæ aliis publicè interpretandi munere consuluri. Clementia præter hæc aeris advenis omnibus, sub alio quantumlibet cœlo natis, domesticæ & familiaris, non minima in causa est, cur qui hic aliquandiu vixerint, honoribus quamvis & dignitatibus in patria & alibi aucti, ad Patavinam tamen libertatem quoties meminerint, suspirent. Neque hac non usus Pinellus, in cujus victu & vestitu elegantiam quidem & splendorem, sed non ultra privatum modum notasses. Vestibus ille fericis in perpetuum abstinuit, laneis usus, sed optimis & præstantissimis, luxum & fastum quacunque ratione declinans: Socratis imitator, cui Sicyonii calces habiles quidem aptique ad pedes visi, at sibi non convenientes omnino. Domum qua parte se in conspectum interiorem dabat, instruxerat ornatque Geographicis grandioribus tabulis, iconibusque illustrium virorum. Anno enim MDLXXXII. cum Nicolaus Primus Patricius Epidaurius Patavii diem obiisset, Pinello amicorum principi tum legavit non paucas clarorum imagines, quas

Cicero lib. 1. de orat.

quas domi habebat. Arripuit studium hic noſter, grandique acceſſione bib-
liothecam, conclavia, atrium, ejuſmodi ornatu honeſtavit. Ut enim plerif-
que moris fuit libros illi ſuos inſcribere, aliſve inſcriptos elargiri, ita non de-
ſuerunt, qui imaginem ſuam bibli-^{thecæ} ejus dicatam vellent. *Carolus Cluſius*
hæc ad ipſum; *Meis literis ſignificabam, me Franciſco Raphaelenſis mea planta-
rum hiſtorie exemplar majore & nitidiorẽ charta expreſſum tradidiſſe Francofur-*
tum, ut inde ad illuſtrem veſtram Dominationem ablegaretur. Et Matthiæ Lobel-
lii effigiem mittere etiam volui, quam exiſtimo ill. V. D. non fore ingratam.
Multi autem, qui imaginem ſuam haud paſſi evulgari, *Pinelli* ſtudio perſpecto,
à propoſito facilè declinarunt; inter hos *Joſephus Scaliger*, qui effigiem patris
& ſuam his verbis comitatus; *Effigiem meam tibi mitto nobiliſſime Pinelle, magis*
quia ita viſum eſt, cui nihil negare debeo, quam quòd libenter id faciam, paucis
enim id conceſſi, & ſi qui impetrarunt, ab invito expreſſerunt. Quandoquidem
igitur neſas mihi denegare, quod tuo jure à me exigere poteſ, age fiat, & habeat
illa locum in angulo quodam, ubi non obruitur ſplendore illarum Heroicarum imagi-
nium, quibus totum Muſæum tuum ut audio colluget. Ad patris imaginem hæc;
addidiſſem illi comitem imaginem, patris, ſi natiuſ eſſem qui cetera bene fingere poſſet
qualem protomen habeo, os ſenſis elegantiffimi referentem: Si erit copia ejuſmodi
artiſciis dabo operam ut habere poſſis. Quæ ſere omnia etiam Gallicè ſcripſit il-
le ad N. Episcopum Valentinum nobilem Gallum, qui Pinello amiciffimus,
quibus referendis ſuperſedemus, tum magis vitaturi.

Hæc imagines elegantiffimis carminibus exornavit *Hieronymus Alexander*
junior, qui domeſticum & familiare ornamentum *Hieronymum Card.* illum
magnum, ab ineunte uſque adoleſcentia amulatus, Muſarumque delicias *A-*
maltheos, avunculos ſuos, doctos viros, & in his *Pinellum* cum Patavii ſtudio,
rum cauſa degeret, officioſiſſime coluit:

Quæ præclara tuos ornant ſimulacra penates,
Heroum Pinelle decus, virtutis alumne;
Quam mire paſcunt animos, ac lumina fallunt,
Dum tacitis ſpirant verboſa ſilentia labris,
Immotosque oculis volvunt radiantibus orbes;
Magnanimi hic Reges, auro gemmiſque coruſcam.
Oſtentant frontem, quam majeſtate verendam
Mirantur, piſtaque omnes ſub imagine honorant.
Illic ſanguinei viſuntur fulmina belli
Heroes, quos nunc etiam ſpirare ſurorem,
Et rigidum vultu jures accendere Martem;
Parte alia Tyrio decorat ſucata veneno
Purpura longe vos pulchro velamine patres.
Queis pia religio mundi commiſit habenas,
Candidaque in nitido ſe carbaſus implicat oſtro.
Nec minus intentos rara ad ſpectacula forma:

Allicium

*Alliciunt matronæ oculos, radiisque micantes
 Hæc vana picti flammas jaculantur amoris.
 Vos quoque, quos vigili studio, multoque labore,
 Mercurius Pallasque suas duxere per artes,
 Conspicuis tabulis spatiosa hic artia servant:
 Vivida pallenti fulget sapientia vultu,
 Hi mentes animosque trahunt, oculosque morantur.
 Sed velut ætherei qui gemma gaudet Olympi
 Atænia scrutari, & dædæm percurrere sedes,
 Frigida Hyperborei miratur planstra Bootæ.
 Nimboſasque Hyadas, claræque Lycaonia urſam,
 Et Lunam, & ſera qui noctis nuncius, idem
 Lucifer auroræ rutilanti provocat ore,
 Cunctaque per tacitum labentia ſydera mundum.
 Nil tamen ille magis, quam Solis ſuſpicit ignes,
 Hunc lucis fontem dicit, rerumque parentem.
 Sic variis quicunque animata coloribus ora
 Circum antæm aſpiciunt, in te unum lumina ſigunt,
 Te te admirantur ſolum, te cernere gaudent,
 Nec mentes oculoſve queunt ſaturare tuendo,
 Semideum Pinelle genus, tu maximus ille es
 Unus, qui reliquos claris virtutibus anteis,
 Neſtare quem Divum pavit Tritonia virgo,
 Cæleſtesque dedit depromere pectore ſenſus,
 Ac ſolem veluti toto ſplendefcere mundo.*

Habitu corporis Joh. Vincentius gracili fuit, ſtatura grandiori, colore candido, valetudine non nimis firma. Coquinæ cupidias jamdiu aſpernatus: munditiarum tamen, optimorumque eduliorum appetens. Vini ejuſque diluti ita parvus ut toto anno Patavini dolii quadrantem circiter abſumeret. Aqua utebatur hauſta è Medoaco flumine, quam uti Romæ fit de Tiberina, ſiſtilibus vaſis aſſervabat percolandam, donec limus ſubſideret. Vino capiebatur albo magis quam rubro, leni, non tamen dulci, generoſo, aucterove, pellucens cupiebat, ex uvīs lectis in ſolo aprico, & optimæ notæ: circa panem & cæterum victum eadē diligentia fuit, quam explicare pulchrum profeſſo eſſet, utique iis qui valetudine imbecilla ad ſtudia doctrinarum minus valentes accedunt. Hæc mihi probe nota, qui per multos annos Vicetia in patria moratus, Pinella vinā, obſoniorumque præſtantiſſimorum apparatus quotantiſſiſcurabam. Nec difficile fanē, cum ubertas agri noſtratiſ non Italiſ modo, ſed & exteris probè cognita ſit. Oculorum illi acies obtuſior fuit, tum quia dextrum oculum tormentario pulvere per luſum cum fratre puer offenderat, tum quia ex viſus imbecillitate frequentes floccos ſibi ante oculos concurſare conquerebatur. Qua de cauſa cubicula viridibus aulæis exornabat, præſiniſq; adhi-

Cicer. Tuscul.
quest. lib. 5.

bitis è vitro orbiculis reficiebat. visum. Hepate ad hæc utebatur iniquè calido, unde illi facies plerumque rubicunda. At quo minus corporis oculis valebat, eo magis animo viguit, in opera præsertim amicis præstanda, quos opibus & consilio supra eorum votum enixè iuvabat; C. Druso nobili illi I. C. perfamilis, qui cæcus optime videatibus dux in consulendo adhibebatur.

Liv. lib. 22.

A Pinello ego non pauca didici, quorum selectiora quædam supprimerè, & aliis invidere turpis animi sit: Quamvis plane videam, ejus generis plurima & superius relata, & inferius esse referenda. Monebat ille cum obstrictis & retractariis hominibus ea ratione agendum, ut sinamus errare quandoque, mitius acturos in posterum, neque suæ omnino sententiæ consiluros. Monumentum comprobabat auctoritate Nicolai de Ponte, quem nostra ætas Ducem Reip. Venetæ tanto oneri parem vidit. Is cum in nescio qua legatione collegam haberet ingenii quam par esset ferventioris, didicitabat, permittamus eum impingere, ut & nostro consilio uti discat aliquando. Quod sane & de Q. Fabio Max. legimus, qui Magistrum equitum Minutium hujusmodi nactus, elati animi, & plurimum sibi confidentem, eodem consilio habuit in posterum morigerum, & obsequentem. Narrabat Pinellus, se ex Donato Iannolio, viro magni suo ævo in Italia nominis, didicisse, decedendum de via, declinandumque tantisper, cum equos aliasve è genere bestiarum quæ pauperiem facere possint, cicures quantumlibet, obuias habemus; hac enim cautione totovix anno mille passus confici, propulsarique ingentia pericula, quæ tum demum cum nobis acciderint, magno velimus redempta. Belluas ille ut cavere-mus monebat, quibus addimus nos efferos homines immanesque, à quorum consuetudine eò magis nobis impendit periculum, quo minus hominum munera quæ sunt, modestiam, æquitatem, morum facilitatem amant. Admonere præterea consueverat eos qui ad longum iter se accingerent, ut ne dies certos ad præscriptum itineris destinarent, neve pecuniam parcè conficerent; accidere enim nobis repentina pleraque, & inopinata, quæ domi initas rationes non impediunt modo, sed & planè evertant. Prudentiam non versutiam, magni faciebat; ingenui animi ratus ea dicere quæ sentias non plani in morem elabi passim, dataque opera ita loqui, ut sententia contra naturæ institutum, sermone tegatur magis quam aperiatur. Candidas enim (ut in proverbio est) & apertas esse Musarum januas, neque homines quidam appellandos eos, qui uno eodemque fundunt ore calidum & frigidum. Eleganter sane L. Annæus Seneca pronuntiavit; 'Si certè vivendum est; tanquam in conspectu vivamus, sic cogitandum, tanquam aliquis in pectus intimum inspicere possit, & potest. Quid enim prodest ab homine aliquid esse secretum; nihil Deo clusum est? Interest animis nostris, & cogitationibus nostris intervenire. Namque qui bonum virum profiteatur, cordis sensa, cum opus sit in propatulo habere, tanquam si is, qui cum loquitur, cogitationis intima oculorum acie introspiceret, meminisseque ejusdem dicti, neminem posse personam fictam diu ferre, siquæ in naturam suam cito recidere. Cognatum vafricie mendacium, vix diei potest quantum odisset. Servilis ingenii, parum certe liberalis esse dicebat mentiri subinde, & veritatem pulcherrimam virginem, cuius nitor & forma respuant omnem cultum, fucò & lenociniis mendaciorum ioterpolare. Vidi ego non semel, dimissos ab eo parum honesta missione fami-

miliars,

Idem cap. 1. de
elementis.

Græc. ep. 83.

miliares, quod hujus vitii labeculis adpersos agnovisset. Ab illis ipse non alia de causa (si quando quidpiam interrogasset) exigebat ingenuam responsionem, *est & non*, ablegatis omnino verbis quibus se opinari profiterentur. Huiusmodi homines affirmabat, quibus asseverare aliquid religio sit, non nomine Stoicorum, sed stolidorum appellandos, ut qui vix unquam compotes sui, diffidere sibi plerumque, & inanibus concuti soleant terculamentis, quibus de mentis statu, si quem habent, dejecti, in opinionum fallo perpetuo æstu jactantur. Non nimis æquus illis erat, quorum sumptus censum superarent, optimæ sententiæ memor, *stultum esse id sequi, quod assequi non possis*. Privatos ideo homines, nec multarum sane opum, ægre ferebat in conquirendis veteribus nummis, gemmis, tabulis, signis patrimonia prodigere: studium hoc beatis tantum & luxu affluentibus convenire, apud quos multa ejus generis reperias, quæ singula tenuioris fortunæ hominum multas congeries obruere specie & pretio possint. Quod ad tabulas attinet, his consulebat qui pinacothecas supra vires instruerent, ut exemplari quopiam contenti essent, quod Bonarotti, Raphaelis Urbinatis, Titianive protypon bona fide referret. Præstare enim veteres illos pictores recentioribus, quos graphices non ita studiosos, vividorum colorum lenocinio vulgi plausus captare stomachabatur. Id familiaribus amicorum colloquiis, sermonis varietatem amabat, docendi per cupidus & dicendi; ut enim agros multiplici conferimus semine, ita ingenia, quæ Clemens Alexandrinus agros animatos appellat, non iisdem semper meditationibus excolenda.

In Pædag. li.
cap. 10.

Sermones veterum auctorum dictis, plerumque Græcorum, distinguebat, condiebatque nonnunquam distictis jocivæ, quos vel vetustas, vel illustrium virorum recens auctoritas commendaret. Horum omnium copiosam adeo supellectilem sibi comparaverat, ut nemo unquam ab ejus congressu discesserit nisi doctior. Ipse vicissim colloquentes in omnem partem versare, ut erueret quod sibi hæcenus minime cognitum in promptuario seponeret. Quæ ratione aliquem nullius pretii hominem cum vellet designare, dicebat ab ejus colloquio divertisse se inanem semper & vacuum. Si quid novi Patavii accidisset, rei seriem amabat ab omnibus quotquot eum inviserant, cognoscere; quasi tum primum inaudisset. Afficiebatur enim varietate illa narrationis, quam ipse callidus verborum æstimator, in sermonis auctore, cui amoris odii ve causæ adessent, deprehendebat. Neque hoc sine fructu, eruebat namque latitante sæpenumero veritatem, eventusque causas acu (ut in proverbio est) solerti ratiocinatione tangebatur. Eodem consilio rumorum, si qui percrebuisent, auctores investigare consueverat, quod hac ratione disquirere se posse confideret, verine an falsi quidpiam continerent. A levibus enim hominibus vii alios quam inanes sermones prodire. Cujusmodi nescio quem narrabar Romæ olim tabellarii adventum, veluti magnum quidpiam, in aulam insusurrasse *Gabrieli Silvæ* Patriæ. Genuensi contubernali olim suo, leporum ac facetiarum, perinde ac bonarum literarum studioso. Ridebat suavisimè, si quando in aliquos Regum molestos amatores inciderat, quos neque officiis, neque spei beneficiorumve acceptorum ratio, sed inconsultus quidam genius permoverat; Horum è re dicebat fore, si aulas eorum quibus insisterent inviserent, multa ibi conspecturos, quæ amorem abigant, odia pro-

vocent.

vocent non pauca. Illorum nonnullos eburneis aureisque simulacris perfimiles, externa illa Imperii, felicitatisque specie, latere intus non ut in illis asseres, clavos, araneorum telas, sed animi vitia plerumque vix ulli ferenda. Horum consuetudine si quis utatur, animadversurum brevi, quam perniciofa sit; ignis enim in morem illuminare quæ remota sunt, quæ admoda comburere. Et hæc præcepta *Pinellum* ita animo infixerat, ut quamvis domi quotidie audiret magnorum regum acta, non ideo tamen visus fuerit unquam gratiæ odive causa incescere quempiam, aut de æquitatis semita declinare. Quod illi in universa vitæ apprimè placuit, ut se amicis omnibus præstaret eundem semper; *ad hoc* vultu frequenter & cum primis commendans, & neutram in partem moveri. *Joh. Vincentii* sapientiam una certè, quando alia non suppetcerent, constantiæ laus commendaret, ut qui in proposito susceptoque consilio permaneret semper; Patavii ille habitare constituit, huic deliberationi incassum admotæ preces assinium, & amicorum. Domum conduceit, utitur ea per triginta & amplius annos, migraturus nunquam, si per dominum licuisset; familiarium quidam ad triginta annos, quidam ad extremum vitæ spiritum eodem domino usi; Vivendi denique rationem, quam sibi ab ineunte adolescentia præscripserat, remisit nunquam. Quæ faciunt, ut dogma hoc præcipuum Stoicæ sectæ paucis complectar, illustraturum quæ diximus cum magna *Pinelli* laude. Constantis hoc ille vitæ institutum *εὐλαγία* vocabat, quam Cicero convenientiam appellat; convenientem nimirum per virtutem consentientemque vitam, cujus origo à divinarum humanarumque rerum scientia sit. Hoc fundamento nititur vera sapientis felicitas, cum sapientia nihil aliud sit, *Seneca* definit, quam semper idem velle & idem nolle, à quibus rectum abesse nullo modo possit; non enim potest cuiquam semper idem placere, nisi rectum, (liceat mihi interferere orationi meæ mundum orationis alienæ) si vis eandem semper velle, vera oportet velis. Qua ratione impulsus nescio quis, agebat sapientem *κατὰ διδασκαλίας ἀνθρώπων* *ἔλπεω*. Recte sanè. Nisi enim sapienti, sua non placent: omnis stultitia laborat fastidio sui. Nec aliunde quam à constantia compositus ille perpetuo, mitisque sapientis animus, quem à vulgi turbis feceretur, propriæ & manuræ semper opes beant. Ex quibus non magno negotio eliciamus nos, non nisi sapientem esse eum qui vitam ad certam constantiæ normam dirigere velit, neque se de hoc statu mentis dimoveri patiatur. Animum enim insipientis quot fluctuationes agitent, nemo non videt. Huic nihil certi, nihil explorati; vivere in diem, & quovis vitiis æstu abripi assuetus. Hæc qui in *Pinello* non laudat, nã ille aut invidum se, aut tenebrionem profiteatur necesse est. Expresit enim hic noster nostrum ævo *T. Pomponium Atticum*, nobilem equitem Romanum, cujus ea præcipue laus literarum monumentis commendata, quod in summa Principum virorum gratia, summa etiam moderatione usus sit, quodque pari fastigio steterit in utraque fortuna. In constanti hoc vitæ instituto nihil in moribus non apertum aut inter se conveniens observasses. Modestiam enim, ut in Boteri carminibus habetur, jam tum à puero *Joh. Vincentius* sibi desponderat, cujus in hac nostra narratione non obscura frequenter indicia prodierint, nolui tamen indicia præterire; ut detur nimirum intelligi, quam prudenti pocillatore usus, labra admovent calici voluptatis. Nemo in ipso unquam inconsultam famam sitim

I. Lip. Mæander
lib. 2.
Dissertatio XV.

Epist. 20.

Corn. Nep. in
vita Pompon.
Attici.

litum deprehendit; adeo parvus patriæ, gentis, affinium laudator fuit. Actiones suas, aut elevare, aut obægere silentio; dicta etiam si quando præclara, ut non semel excidissent, adscribere aliis solitus. Qua ratione ambitionem, tragedorum Erynnim procul à moribus suis amandarat, cum affurgeret, caput aperiret, decederet de via, non religiosis modo viris quotquor obvios habebat, sed & his qui perfuncti ullis honoribus, Patriciis Venetis, Gymnasii interpretibus, aliisque non paucis, quorum plerisque nobilitate, opibus, doctrina maxime præstabat. Cum plures istum obsoleta nostris penè moribus Illustrissimi appellatione, multis tamen illi capitibus convenienti, compellarent, abstinuit tamen pertinacissimè ab ea, & ne posthac ita vocaretur, ab amicis deprecatus est; corripuit etiam repressisque amicis verbis eos, qui ipsum honoris gratia Excellentem, seu Excellentissimum nominarent, eo prætextu, quod hæc non sibi, sed magnis in re literaria viris debèrentur, vixque possent ad se traduci, qui adolescens relatus in album scholasticorum, vitæ institutum, cui semel assuevit, deseruit nunquam. At despectui haberi se, redigive in ordinem, non ferebat; uti & injurias in familiares suos, quorum æstimationem perinde tutabatur ac suam. Appellari se in aliqua scriptione minus honorificè quam decebat, enixe prohibuit. Exemplo sit *Philippus Plegaseta* civis meus, nobilis ille polytropia & vario rerum usu, qui non ita pridem in patria obiit. Hic in commentario de Sestertiis, quem Romanæ ediderat, *Pinellum* nostræ ætatis summum Criticum appellavit, ea mente, ut penes coryphæum animorum (eo enim loco *Joh. Vincentium* habuit) rei literariæ arbitrium esse pronunciaret. At non huic ita visum, cum induci nomen suum, vel in aliud commutari epitheton illud postularit. Aegerimè tulit habitam mentionem suam à nullius precii scriptoribus, obsolesceri hæc ratione arbitratus nomen suum, cujus cura magno cuique præcipua. At vero non ita penitus hominem exorat, ut à laudatis viris amicisque profectas laudes aspernaretur; quæ si veræ sunt (referebat *Picus*) nos ipsos nobis, si falsæ illorum nobis amorem voluntatemque commendant. Ut Romanæ non migraret, ostendimus jam quibus artibus fratrum cognatorumque petitiones eluserit: cui tamen proposito, præclaro licet minimeque populari, non defuturos obtrepatores compertum habeo; amasse illum, videlicet otiosam & desidèram vitam, quam cum laboriosa illa commutatam noluisse, quod ad eximios honores patere sibi viam utique desperasset. At valeant hi cum somniis suis, desinantque tum demum virtuti maledicere, cum legerint, quæ ego mox retulero, non sine admiratione. Ad *Clementem VIII. Pont. Max.* recens declaratum, cum *Dominicus Pinellus Card.* venisset gratulandi causa, quæsitit ille de *Joh. Vincentio*, num valeret, atque ubinam moraretur: cumque Cardinalis Patavii degere etiamnum respondisset; hortatus illum est Pontifex, ut suo ipsi nomine salutem diceret, Romanque invitaret, ejus sibi adventum jucundum omnino futurum. Noverat illum Patavii *Clementis*; ut diximus, & viri moribus doctrinaque valde permotus, apud se jam ante constituerat Romanum illum Patavio advocare, in urbis & Pontificatus sui ornamentum. Cardinalis cum *Joh. Vincentio* nulla interposita mora accuratè egit; ut *Clementis* desiderio satisfactum vellet, patereturque se in lucem & conspectum hominum ab ocio literario, cui pridem assueverat, cum nominis gloria & gentilium com-

modo avocari: non defuturos in urbe viros ejusdem ordinis, quibus eadem studia cordi sint, apud quos esse, quorum congressibus perfui posset. Hæc & alia, quæ Cardinalis ad hominem excitandum studiosè collegerat, *Joh. Vincentium* minime exoraverunt ut Patavium desereret. Quinimo ad Cardinalem referpsit Epistolam modestiæ plenam, in qua enixè petebat, ut ageret suis verbis optimo Pontifici gratias ingentes: non licere sibi ætate confecto, imbecillæ ad hæc valetudinis, morem gerere Sanctitati suæ; tanti beneficii oneri imparem esse: gratias quas referre non possit pro dignitate, animo habere, curaturumque ne unquam è memoria dilaberentur. Involvit silentio hæc omnia eo studio *Pinellus*, ut etiam fratri, ad quem singulis hebdomadibus litteras dabat, cælata esse voluerit: essetque voti compos effectus, nisi frater de tota re factus fuisset à Cardinali certior, ut mihi ipse Neapoli aliquando confessus est, cum haud modicè remissi adeo animi moderationem, quæ admiraretur, quæ commendaret. Capuæ Archiepiscopatum (ut audio) eodem ardore quo non pauci appetere, rejecit; neque se nobilissimæ urbis præstantia, amplissimi Sacerdotii preiunctis, de proposito dimoveri passus est; ut qui optimè nosset, in quas ærumnas incidant ii qui se muneribus Ecclesiasticis incogitantes urgeri sinunt: obeundas ipsis molestias complures, nisi officii sui esse desertores turpiter malint. Quæ sanè *Gasparem Contarenum* nobilissi. Cardin. impulerunt ut diceret, amplissima Sacerdotia plus in se oneris quàm splendoris habere, quoque majora illa forent, eò molestiæ plus solitudinisque continere. *Pinello* sanè in patria & alibi, satis ampla patuisset quorumvis honorum via, modo ipse non noluisse; at maluit ille, ut prædicaverat, de adolescente *Paulus Marutius*, ab omni honorum cupiditate, sola virtute contentus, longissimè distare. Receperunt eum Patavini lubentes in civitatem, magno splendori publicæ illorum rei futurum. At is Scholastici nomen ne dimitteret, quod arripuerat semel, constantissime recusavit. Orus Neapoli & educatus, Neapolitanum dici se non serebat; non quod assines, quos Neapoli splendore opibusque præstantes habebat, non amaret; sed quod Genum patriam agnosceret, in qua à sexcentis jam annis gentilitii decoris primordia, & libertatem in oculis ferret: pulchrum ratus ejus civitatis primarium esse ciuem, quæ propriis consiliis, non alienis nutibus, avitum imperium tutaretur: hanc patriam vocabat, hujus se desiderio teneri asserebat, dolebatque quòd eo nunquam accessisset, ubi omnibus charus, amicorum & affinium copias recenseret. Ostentationem quæ sapienter repudiavit semper; ideoque neque se unquam ad fastigium studiorum, quod vocant Doctoratum, emeritum licet, promoveri passus est; quam deliberationem egregiè tutatus est in omni vita. Et cum Patavii complures clarorum virorum cætus cogerentur, quos Academiæ appellamus, Elevatorum, Occultorum, Æthericorum & aliorum, nulli unquam nomen dedit; amplissimis viris *Basilio*, *Gregorio*que *Nazianzeno* in hoc non impar, qui ab ambitione & theatri quadam ostentatione procul abhorruerunt.

Nazianzeni oratio in laud. Magni Basilii.

Morum integritatem adeo adamavit, ut cum adolescens Patavii domum conduxisset è regione ædium clarissimæ tunc temporis forinæ *Constantiæ Fulgosiæ*, ad quas animi causa horis subsecivis ventitabant, quotquot Patavii tunc ingenii laude florebant, nunquam tamen eo diverterit *Pinellus*, pudori suo labeculam

labeculam quampiam adspergi posse ratus, si de instituto genere vitæ aliquantulum remisisset. Quod sibi propositum ne excideret unquam, vitreas fenestras, per quas in lectissimæ matronæ, ejusque pulcherrimarum comitum cubicula introspectaret, pessulo obfirmatas perpetuò voluit, quod (ut ajebar) existimaret, nolle illas spectari se, molestæque laturas si quis earum acta parum tempestivè exploraret. Interdixerat sibi conviviorum, & chorearum præsertim, celebritatem, quod iis mulierum virorumque parum sanis conventibus avocari se a studiis extimesceret, eorum exempla animo volvens, qui harum illecebrarum turbine in voluptatum scopulos acti, existimationis naufragium fecerunt. Macte animo vir clarissime, qui adolescentibus nostris Canonæ expressisti, ut ad tui conspectum voluptates blandissimas dominas procul haberent, modo gloriæ culmen attingere aliquando exoptarent. At quoniam hunc nostrum sæpe sæpius curiosum appellavimus, non diximus ea mente, ut alienorum exploratorem vitiorum notaremus, cui fuerit curæ alienum dedecus ob oculos ponere, inquirenti videlicet in dicta omnium & facta; longè aliis illum moribus imbuerat natura, ne per annos quidem XX. & amplius scientem quales in vicinia essent ii inter quos vix unus domesticus paries interfectus. Ea nobis voce propositum fuit nobilem animi propensionem exprimere, quam ille ad omnes investigandæ veritatis rationes acerrimam conferebat, aliarum omnino rerum, quarum huc non tenderet cognitio, negligens & incuriosus. Hinc fiebat ut spectaculorum minimè amans esset, irrideretque eos, qui pompas, fabulas, saltationes, hastiludia spectatum irent. Cumque Vicetiz anno M.D. LXXXV. Academia uti vocant Olympicorum, regio prope apparat, Sophoclis Oedipum tyrannum, Italicè redditum ab Urato Justiniano Patric. Veneto, agendum decrevisset, confluerentque eo turmatim è vicinis urbibus docti passim & indocti, substitit tamen ille domi, præcesque meas & amicorum quotquot aderamus averſatus est, sibi suffeduram confessus *Aicardi* in eo genere diligentiam, quem nolenti similis, permisit tamen fabulæ nobiscum interesse. Ferrariam itidem cum Pontifex Maximus Clemens VIII. adventaret, ut eam urbem ditioni Ecclesiasticæ suis auspiciis incurrento bello restitutam inviseret, nuptiisque Hispaniarum Reginz, Flandriæque Comitum, dictus ibi esset dies, cujus, & Pontificis gratia, Ferrariæ convenirent Italorum procerum flos, Cardinales, Regum Dynastarumque exterorum legati, & tota pene Italia avulsa sedibus suis, unus *Pinellus* prætulit nobilissimo conventui quietem Patavinam, & audire maluit quam invisere, quid actitatum esset in frequenti illa procerum virorum celebritate. Non illum Pontificis Maximi minimè obscura erga se benevolentia, non purpuratorum patrum amor, quorum plerisque officiis sibi & studiorum similitudine devinxerat, non affinium charitates, quorum haud pauci inter Principes viros illius conventus numerabantur, flexerunt ut pedem porta efferret, conjiceretque se in turbas illas, è quibus non nisi post insignem bonarum horarum iacturam regredi liceret. Venetias, proximo & commodo trajectu, ut appelleret, spectatum Regum seu Ducum adventum, statumque ac solennem inaugurationis Serenissimæ Principis *Maurœna Grimana* diem, nunquam adduci potuit, maluitque solus Patavii esse (discesserant enim cives pene omnes) quam vulgi se conversationibus inepte immiscere: memor dicti Senecæ; *vita-*

re, quæcumque vulgo placeat. Patavii, ubi degebat, ubi habitabat, si quid incidisset ejusmodi spectaculorum, quæ curiosos allicerent, perstitit ille in proposito nihilominus, neglexitque eo adjicere oculos, unde animus doctior reddere non posset. Quo in genere eximium illud fuit, quod narraturi sumus, documento futurum iis omnibus, qui sapientiz laude censi volunt, ne temere credant, meminerintque esse germanas sorores, unoque partu editas, credulitatem & pœnitentiam. *Marcum Bragadenum*, Cyprium Chymistam illum, Patavio Venetias trajicientem, nemo non accurrerat ut de facie nosceret. Nec deerant qui se beatos arbitrarentur, quod *Paetolus Hermunve* aureas volventes undas cernere daretur, atque adeo contredare: continuu se domi subridens *Pinellus*, narravitque mihi, qui cum tunc forte conveneram, chymistarum insigniora quædam tum dicta tum facta, quibus me sub vesperam utque lubentissimum detinuit. Sentiebat nimirum vic magnus cum maximo oratore, quem legerat ita scribentem: *Me autem quid pudeat? qui tot annos ita vivo, ut à studiis nullo me inquam tempore aut commodum aut ocium meum abstraxerit, aut voluptas evocarit, aut denique somnus retardarit. Quare quis tandem me reprehendat, aut quis mihi jure succenseat, si, quantum ceteris ad suas res obviandas, quantum ad festos dies ludorum celebrandos, quantum ad voluptates, & ad ipsam requiem animi & corporis conceditur temporis, quantum ubi tribuuntur tempestivis conviviis, quantum denique aleæ, quantum pile, tantum mihi egomet ad hæc studia recolenda sumpsero? Liberalitas etiam, quæ magna in viro nobili laus, in *Pinello* non minimum enituit, cum vel beneficia minima rependeret maximis, vel dignos conquireret studiose, in quos aliquid conferret. Modum tamen rationemque ad amissum adhibuit, ut ne videretur agere præposterum quidpiam. Cavuit enim sanè quàm accurate, ut bonos tantum sibi obstringeret, ut beneficia tempestive collocaret in eos qui officium agnoscerent, quosque res muneri data oblectaret: patebit hoc ex iis quæ hic describemus, in quibus animadvertemus profecto, si non immanes profusiones, at convenientiam saltem, qua munera non vilescerent. In me ille olim audiverat ab Episcopo Vicetino collatum honorem Canonatus, cum munere adjuncto Theologica scholæ; disquisivit statim, quid ejus mihi tractationis præceptum esset, cumque Genesiam conperisset sacrorum voluminum caput, de industria selectum, ea ratione, quod mihi primum in Ecclesia Vicetina, & in patria id numeris demandatum esset, instruxit is me, nihil tale cogitantem, elegantissimo librorum commentariorumque apparatu, quò desumerem quæ liberet ad ornatum interpretationis meæ, quibus adjunxit aureorum monitorum centuriam, quibus quatenus progrediendum, ubi sistendum, deliberandumque cum laude in suscepta interpretandi ratione, quæ mihi insistenda vestigia, qua methodo utendum, peramanter doctæque præscriperat. *Cæsarem Nichefolam*, quod inaudisset politicæ rei studiosum, luculentarum de ea re conscriptionum fasciculus voluit locupletatum, quod sibi, præclari sane opus artificis horologium, minutum tamen, dono dedisset. Ab Archiepiscopo Bariensi salgarum quædam cum accepisset, renunciassetque illi Archiepiscopi familiaris, habere se in mandatis à domino suo, ut in comparanda librorum aliquot non contemnenda serie, *Pinelli* opera uteretur, prævertit hic noster, conquistosque, & redemptos sua pecunia libros, tradidit Archiepiscopi familiari, frustra*

*Hic in orat.
pro Archiep.*

Joh. Vincentii fidem obtestanti, frustra domini sui mandatum inclamanti. At non Italos modo, sed & transalpinos homines sibi dederunt, siquando opera sua indigere animadverteret. Cum nobili Gallo, cujus nomini parcimus, recte factorum conscientia contenti, amicitiam Patavii contraxerat, colueratque mutuis officiis. Hunc domum redeuntem, & Mediolani politiam curiose, ut advenæ eruditi consueverunt, explorantem, coniecerunt in carcerem Hispani, suspectum duplici nomine, & quod Gallus esset, & quod haberet tunc temporis solertissima natio, cur suspicionibus per finitimorum bella indulgeret. Vix hæc inaudivit *Pinellus*, cum Mediolanum ad *Jacobum* Menochium, & ad *Jacobum* Mainoldum, Senatorii tunc ordinis clarissimos, sibi que amicissimos viros, literas dedit enixè rogans, ut dimitteretur vir nobilis, quem male consultus discendi ardor, nihil hostile cogitantem, eò loci provexerat. Mercatoribus etiam mandavit, ut pecunia juvarent, curantque ne quid illi deesset. At Gallus longioris moræ impatiens, cum dies ejus missionis adven-taret, muliebri veste ex arce proripiens sese, primis excubiis deceptis, à secundis in ponte sublicio deprehensus, prodente virum gressu ultra muliebrem modum, in arctiorem custodiam datur, non sine capitis discrimine, quæ tamen omnia bene illi verterunt, cum *Joh. Vincenius* quâ auctoritate, quâ testimonio, libertatem ipsi amicorum ope impetrasset.

Neque non munificus in suos fuit, qui in alienos adeo liberalis; *Nicoletta Grilla* Agapiti clarissimi Tricerarchi filiz, virgini lectissimæ, quæ fratris filio Cosmo Duci Acheruntino convenerat in manum, nuptiarum causa dono dedit uniones duos, inaurium ornamento, preciosæ indicaturæ. At hæc largitas cum illa minimè conferenda est, in quam *Pinellus* mirè propensus: cum videlicet egentes, qui non sua culpa rei familiaris jacturam fecerunt, opibus juvamus. His ille, & probis quidem præ ceteris, nunquam defuit. Deo Opt. Max. animo lubenti hanc operam navare solitus.

Jason Denores Cyprius, ante patriam acerbissima Turcarum dominatione oppressam & afflictam, vir opulentus olim & fortunatus, ac primariæ apud suos nobilitatis, quique in Gymnasio Patavino Philosophiam de moribus aliquandiu cum laude est interpretatus, Patavii diem obiit anno 1580. huic venti ut omnia abunde præstitit amici officia, ita ejusdem uxorem & filios, cum sibi moriturus commendasset affectus suos, impensè fovit. *Carolus Teltium* Mathematicum amicum suum vita Patavii fundum, pecunia sua non modo extulit magnifico funere, sed & sepulchro, & nobili honestavit elogio: haud passus perire memoriam ejus, quem interioris notæ amicum habuerat, quem ægrum omnibus officiis recreaverat. Imò quod multi laudabunt, imitabuntur pauci, affinem ipsius & hæredem institutam, litibus implicitam, cum solvendo non esset, suis opera & sumptu gratis explicitam voluit. Hinc fiebat ut in probos & literarum amantes, inopes tamen, si quando incidisset, nihil relinqueret intentatum quò eis opitularetur. Hæc demum germana vocanda est liberalitas, cui non majora præmia proposita sunt, sed ingenua virtutis forma, sed candidus honorum amor. Apage captiosos illos, qui se liberales videri amant, ut paria sibi, atque adeo majora rependantur. Et quia non infrequenter fit, ut qui mutuo pecuniam accipit, amicus esse desinat, consueverat hic noster bonæ frugi pauperibus, nummos non quot ipsi mutuos poscerent,

poscerent, sed pauciores elargiri. Inopem enim amicum (sive mutuo des, si ve neget) inimicum mox experiri necesse est, negantem averfatur, quod nullum sibi in ejus opibus paratum subsidium, averfatur dantem, quia qua ratione alienum æs dissolvat non videt. Eximium illud, quod ter in anno quaterve, sub insigniores quosdam profectos dies, sibi in vicinia curabat describi, quotquot maxime egerent, monasteria item, & inopum per urbem stationes, quibus viritim nummos dividi citra ostentationem imperabat. Pestilentia ut diximus in agro Patavino grassante, haud facile dictum est, quam se munificum pauperibus præbuerit, quibus etiam antidota adversus imminentem morbum largiri consueverat. Hæc nimirum veræ liberalitatis artes sunt, quæ eo magis alliciunt oculos animumque, quo minus ævo nostro, depravatis videlicet moribus, munificentiam amamus, captare assueti & captari, speque lucri potioribus, speciosa virtutum nomina aucupari. Hospites quibus domum suam patere perpetuò voluit, lautè satis habebat, amator in hoc quoque genere munitiarum. Mensæ apparatus, & oboliorum seriem qui viderunt, illi sanè domini mores unico argumento pervidere soliti. In hospitum verò gratiam, sobrius alioqui & abstiniens, remittebat aliquantisper de proposita vivendi ratione, amicorum id ratus consuetudini indulgendum, & genio mensæ communis.

At inhihendus mihi demum progressus orationis meæ, impar videlicet magni viri virtutibus assequendis, quas nostratium & exterorum nemo non suspexit, non admiratus est. Divertam igitur (invitus licet) ad morbum ejus & mortem, in gratiam eorum qui nosse velint, quantam in uno homine fecerimus bonarum artium jacturam. Nec sanè indignum quod expendatur, cur *Joh. Vincentius* adeo infirma valetudine usus sit, qui sobriè admodum vixerit, quia in victus ratione omnia ad normam exegerit, qui demum honestarium voluptatum lineas nunquam transilierit. Et hæc profecto in eam me sententiam compellunt, ut arbitrer duabus potissimum de causis hoc *Pinello* accidisse; aut quod majori animi studio quàm valetudo ferret, libros pervolutaret, quorum est universa trahere ad se animi corporisque munera; aut quod nimis familiariter cum medicis versaretur. Horum siquidem nonnullis, familiaritatis vel existimationis specioso obtentu, est in votis (venia sit dicto) homines torquere per varia artis experimenta. Quæ ut in medicos, quos sibi *Pinellus* optimos, optimo eventu, prolatum ut licuit vitæ, delegerat, minimè cadunt, ita me in alteram illam sententiam procliviorē reddunt, per libros illi, ut plerisque aliis, animo valere, corpore imbecillo uti contigisse. Visus ipsi ut diximus hebes, legentem, nec ideo intermittentem torquebat, hepate adhæc utebatur supra modum calido, stomacho autem infirmo, crurum altero minus valuit aliquando; stranguria illi familiaris, quæ per trædia diuturni morbi ipsum confecit, atque adeo exanimavit. Quæ tamen tantum abest ut ipsius constantiam convellerent, ut firmaverint potius: suspexerimusque nos virum in adversis rebus æquè fortem, ac in secundis temperantem adverteramus. Ad præscriptos enim sibi in victu & curatione medicorum canones, ita se composuit, ut abstinentia, qua ille usus, vix fidem habeat in ægrotante, qui per annum cum morbo luctatus est, de quo medici jam olim desperassent, qui sibi etiam posset in solatium aliquid indulgere. Quo factum, ut contra sententi-

am medicorum vitam in annum protraxerit, accepto ferendam dubio procul. eximie illi, ad quam animum intenderat, medicis obsequendi voluntati. Versatur quippe in hominum ore frequenter, recte se habitura omnia, si ægrotanti cum medico perito conveniat. Viribus se ut quotidie destitui animadverterat, rationem excogitavit qua falleret sese, advocaretque animum à molesta illa cogitatione. Ea fuit, ut crassiores è lecto culcitra amoveri sibi, reponique leviora stragula curaret, æstivas adhæc interulas indueret, quadras etiam, scutellas, cyathos, aliaque è ministerio ad eandem rationem tenuiora sibi apponi juberet. Neque dispari solertia cum erigere se, ut consueverat, in cubitum minimè valeret, adhibuit in eam rem funis vicariam operam, quem de laquearibus suspendi jusserat, apposito in imo paxillo, ad quem se injectis manibus allevaret. Famulos nunquam passus est in cubiculo pernoctare, quod diceret iniquum esse, ut penderent illi poenas vigiliarum quæ domino obtigissent. At nos qui viribus quotidie minus valere, & ad interitum propere videbamus, in eam curam enixè incubueramus, ut ne intestatus discederet, nobilissimæ bibliothecæ distractioni obviamituri, quem Dux fratris filius, animi quodam præfagio, nimium quantum averfabatur. Ille vero ne palam tenderet contra studia nostra, annuenti similis, rem verbis proferre coepit, duabus (ut ego quidem senti.) impulsus rationibus, vel quod corpore æger, animo tamen valeret, consideretque convalesciturum se, & cauturum, ut discitabat, sibi minori negotio rebusque suis, vel quod arduaretur testationem supremæ voluntatis eos tantum decere, quibus hæredes ad manum non essent. Habere se domi lætissimos affines domesticas facultates. Non passurum se, ut minus officiosum quam pater esset, morientem patrum experirentur, qui viventem omni officii genere essent prolecuti. Horum alter *Cosmus* nomine Dux Acheruntinus, & magnus regni Neapolitani, ut diximus, Cancellerius, patruus, supra quam dici possit dilectus est; modestia enim, animi candore, ingenii acumine, discedi studio, patrum adeo referebat, ut ille mihi narraverit aliquoties per jucunde, *Cosmum* à se diligere, quod se non tantum amo, sed & ratione studiorum referret. Noverat quippe librorum optimorum amantem, nobilem bibliothecam sibi comparasse, quam instituerat patri supplementi subinde reddere ampliorem; ut enim librum quempiam rariorem sibi deesse animadverterat, ad *Joh. Vincentium* confugiebat, qui bibliotheca ipsam suppellectili auctum volens, libros optimos, quorum in hunc usum quotquot nancisceretur exemplaria comparabat, in ejus bibliothecam Neapolim transvehi curabat. Huic ille bibliothecam suam, ni fallor, destinavit, optime actum ratus si libros ad eum qui amare nosceretque, tacito judicio sineret pervenire. Huic nos (ut & hoc obiter dictum sit) qui memoriam *Pinelli* colimus, ejusdem iconicam imaginem debemus, quam *Pinellus* nemini non pernegasset. Impetravit hoc à patruo *Cosmo*, cum primum Patavium venit, eo consilio ut Neapolim abduceret. Cum enim *Joh. Vincentius* adolescentem animadvertisset indolis magnæ, maximeque in literis arbitraretur profecturum si vixisset, ipsum amare supra affinitatem coepit; consueque, ut discenditis imaginem penes se detinere deliberaret, absentis utique desiderium lenituras. Non requirit ille, exposuit tamen esse sibi in votis patrum imaginem,

nem, quando patrum non liceret, Neapolim asportare secum, ut patri cognatisque hac saltem ratione obtemperatum iret. His auditis abnuere *Joh. Vincenzium*, haud commissurum se unquam, ut gloriolam captasse eo facto videretur; tum demum à patris constantia meruens petitioni esse *Cosmum*, obstaculi cœpit admonereque, videret quid ageret, certum sibi esse, nisi invicem exoret, non stare promissis. Præbuit ille se difficilem diu, annuit tamen, & adolescentis optimi precibus, iconem suam est elargitus. Pictor huic rei adhibitus *Franciscus Apollodorus* Venetus, Patavii jamdiu habitans, cujus in ea arte studium ad antiquorum artificum laudem proximè accedit. Hic nobis penicilli ductu *Pinellum* Ducem ipsum, & *Alicardum* in tabulis quas ego adsero, suavissimum amicitiae nostræ monumentum, ita expressit, ut nihil ultra desideret qui illos de facie norit. Et hinc studiosis ferè omnibus (quotquot in Italia novimus) oblata nobilis occasio, bibliothecas & Musæa ornandi *Joh. Vincenzii* imagine, quam avidè à plerisque arreptam scimus, qui egregie norant, inter *Pinelli* laudes præcipuam illam serio commemorari, deambulantibus infusæ, & spirantis bibliothecæ. Neque aliunde *Marcus Velserus*, reipublicæ perinde literariæ, atque Augustanæ suæ nobilissimus II. vir, exhibuit nobis incisam in æs artificii plane manu, elegantissimam ejusdem *Pinelli* iconicam effigiem, quam ipse, & in gratiam hominum transalpinorum, & in testationem perjurandæ quæ sibi cum *Pinello* intercesserat amicitiae, vulgandam curavit. Nec mirum, cum ille tanti faceret quam cum *Joh. Vincentio* habebat animi studio-rumque conjunctionem, quippe de ipso jam defuncto scribens ad *Cæsarem Nichefolam, esse demum capite*, inquit, *laudari malle, quod Pinello intimè amicis offeret, quam alio quovis, insigni licet, factoque ad gloriam utrumque comparandam.* His demum aliivæ de causis, ut ad testamentum redeamus, non valuimus nos *Pinellum* de semel arrepto consilii sui statu dimovere. At qui, si à condendo testamento, non tamen à Christianæ pietatis officiis abhorrebat, eleemosynas in pauperes elargiri, Deo se, sanctisque omnibus commendare haud unquam gravatus est. Per annum quo æger in lecto decubuit, expiare animum confessione, eundem sanctissimum Christi corpore non semel pie admodum reficere consuevit. Familiars profectò quotidie decumbenti sibi septem quos penitenciales vocant Psalmos recitantes exaudiebat, neque idè Deum sibi & cœlestes omnes oratione propitiare intermittebat. Me sane ille nunquam dimisit, quia rogaret, ut ipsi Deum, vel quotidianis precationibus, vel sacrosancto Missæ sacrificio conciliarem: gaudebatque cum ex me postridie audiret, facta quæ imperasset, fastus officium meum qualecunque id esset precationibus, & cumulata gratiarum actione prosequi solitus. Ad monasteria Deo devotorum hominum, & virginum sacrarum, non raro familiares destinabat, qui collata in eleemosynam stipe, ægotantem dominum illorum precibus commendarent. Ad Aram D. Antonii Ulyssiponenis, cujus nomen quaque pater Christianus orbis celeberrimum est, sacrum fieri pro se impenso studio expecebat, divinam sibi opem eo, precante affuturam confidens, quem Deus vi miraculorum excellere voluisset. Huic affinia illa, quod cum die festo agriitudine prohiberetur quin sacro interesset, consueverat è domesticis religiosiores dimittere, qui & suam vicem quatenus licebat expleret, certamque inter patres à se penitentiâ divideret, in expiationem ejus delicti, cujus ille tenuem etiam conscientiam

scientiam averfabatur. Et si quando divinis officiis hebdomadæ uti appellant majoris, exaudiendis (quod raro admodum contigit) impediabatur, nihil antiquius habuit, quam ea domi ut recitarentur curare. Beatissimam virginem eximie coluit, ejusdemque festos dies. Quocirca paucis antequam obiret diebus, sub diem Deiparæ virginis assumptioni sacrum; mihi ille tum, adventat inquit tempus persolvendi tributum. Ego qui à morbo p̄jus quotidie se habentem noveram, loqui illum de ægrotationis molestiis existimabam, quarum monitu adfuturam propediem sentiret mortem, quæ naturæ pensum exigeret; at is ut me hærentem vidit, explicuit sese, de animo videlicet intellexisse sacra confessione purgando, eodemque reficiendo sanctissimo Christi Domini corpore, ut quotannis eodie præcipuo cum sensu pietatis consueverat. A mortis ille meditatione haudquaquam alienus fuit, cum optime sciret, naturam morti ostiariæ munus injunxisse, quo amota corporis sera, nostris animis aditum in cælum affectantibus, viam veluti postliminio aperiret. Cavit tamen cogitationem hanc ne plus nimio ostentaret; imo dedit operam, ne ab amicis, & familiaribus in ea deprehenderetur, turpe id sibi, & parum conveniens antea dæ vitæ instituto ratus, quam ita composuerat, ut in omnem eventum citra sollicitudinem aut curam obtemperatum iret legibus, quas Dei Opt. Max. administra natura in genus humanum sanxisset. Hoc ille præstabat, animum in alias curas traducendo, literarias præcipue, quarum suavitati jam tum à puero assueverat. Memini ego cum ipsum semel adhortarentur medicum, ut ab his abstineret, non renuisse quidem pro ea qua ipsos prosequebatur reverentia, at post eorum discessum, convertim ad me in hæc verba, Ego vero in hoc morbo, diutino ut vides & permolesto, tantis premor cruciatibus, ut nisi eorum amaritiam jucundissimorum mihi studiorum dulcedine diluam miserrimus profecto sim. Anatomes professor clarissimus Hieronymus Fabricius ab Aquapendente, qui cum Camillo Frascato ægrotantem quotidie invisebat, amici aliquando miseratus, quem ad exitum vitæ festinantem his cogitationibus distineri permoleste ferebat, admonuit, ut hæc abjiceret, decurrendi sibi vitæ spatii modicum quid superesse, adhortationem hanc esse officii sui, quod in maximo amici discrimine si deserat impius sit: animum se voluisse religionem semel liberare, ne ullus ipsi unquam esset conquerendi locus. Subrisit ille, & perquam facete, ut ut morti proximus, à me sanè inquit si obiero, non est, quod oburgationem metuat quispiam. Mox serio, compositus ad gravitatem subdidit, agere se illi gratias; imminere sibi, nec imprudenti aut inscienti postremum vitæ actum, daturumque operam ut concluderet non indecore. Et quidem multis antequam decumberet diebus, de valetudine ut fit percurstantibus, respondebat, tam diu ferri, se ad metum sagittæ in morem; obrepere sibi festinam præcipientemque senectutem ut eo responso monstraret.

Decessit Prid. Non. Aug. 1601. animo pridie ritè expiato; cum enim animadvertissimus nos, qui ægrotanti assidebamus, adventare jam mortem, monuimus recte facturum si abstergeret sacra confessione antea dæ vitæ labe, præceptoque sanctissimo Domini corpore, ad supremum se iter compararet. Deliberaverat ille, ut diximus, exequi hæc in assumptæ Virginis beatissimæ venerationem, ejusdem festo die. At ex horum frequenti usu vegetiorem fieri.

feri animum probè sciens, eo præsertim tempore, quo sibi erat cum morte colluctandum, gessit nobis morem, adhibitoque Sacerdote, qui tum ipsi erat à confessionibus, Eucharistiam in crastinum sumere distulit, ut ad sacrum convivium paratior accederet; decreverat autem, ut retulit confessorius, tum demum testari, & hæredibus suis eo pacto prospicere, quorum in se benevolentiam postremo hoc elogio fraudare parum officiosum ducebat. Porro Sacerdos consilium laudavit, adjecitque optimum fore si non in crastinum differret. Excepit is, rejicere se consulto testamenti factionem in crastinum diem, ut præsentis Dei ope, rem non ita facilem aggrediretur. Vespere cœnavit hilaris; meque intuens, qui ibi pernoctare desieram ab adventu *Cæsarii Pinelli*, qui patruo ut adestet Neapoli advenerat, monuit, ut domum abire, adventasse jam noctem, viderem ne per tenebras aliquid caperem detrimenti. At ego negavi me discessurum, velle siquidem apud *Cæsarem* cœnare; quod ille subridens probavit. Ego sanè animum induxeram per eam noctem emanere eo consilio, ut sanctissimam Eucharistiam percepturo adessem, at Deus Opt. Max. eam mihi mentem (ni fallor) iniecit, ut vixi in re literaria memoria nostra facile principis, extremum spiritum exciperem, & piis de more precibus prosequeretur abeuntem. A cœna ipsius temporis nescio quid sermonibus extraximus, quousque illi visum instare cœnæ nostræ tempus. Tunc is me discedentem assatus, erupit in hæc postrema verba: Tibi gratias mi *Gualde*, prælagienti similis, & supremum valere pronuncianti. Tum *Cæsarem* enixè intuens salutavit alacriter. Quo factum ut nos in eam spem veniremus, producturum vitam ad aliquod tempus. At veluti in lychno intermoriens flamma erigit se subinde, & cum proximo defectu collectis viribus luctatur: ita *Pinelli* vires collegerant sese adversus impendentem mortem, & in corpulculo illo, quod vis diuturni morbi exederat, suprema munera peragebant. Ad mediam noctem jusculi aliquantulum, ut à medicis imperatum, exhauserat, cum reclinantem se in pulvinar, invalit deliquium ita vehemens, ut non multo post vitam eriperet; accurrimus nos à familiaribus excitati, nec sanè intempestivè, cum ego spiritum è corpore proficiscentem Deo & celestibus omnibus, precationibus solennibus commendarim. Ita ego eodemmet Augusto mense ante quattuor annos *Aicardo* adfui, hoc uno in charissimorum mihi capitum jacturis fortunatus: cetera parum felix; quod causæ luctus ad manum essent, neque mitigaret dolorem absentia, quæ omnes emollit asperos humanarum vicissitudinum eventus. Annos *Pinellus* erat natus VIII. supra LX. nec ideo tamen non deceffit immature; præproperum enim semper illius est funus, mea quidem sententia, qui hominibus potest esse adjumento, ut hic noster insigniter fuit. Cadaver medici exsecuerunt, deprehensique in vesica lapides quatuordecim magnitudine juglandibus pares, & prægrandis unus, cruentus, aspera cute, & aculeata in renibus, in vesica verò arenæ & calculorum subsiderat nimio plus satis. Elatum est funus ad D. *Antonii*, quò frequens *Pinellus* religionis causa conveniebat, ubi condidit *Aicardum* curarat, cui etiam nobilem memoriam destinaverat, posteris indicio futuram illius in seueritorem, & sui in illum amoris. Exequiæ sacrificiorum funebrium frequentia; & larga in egenos divisione nobilitatæ. Laudatus publicè non est, quod excluderentur omnes angustia temporis ab opere aggrediendo, quod sui magnitudine, sublimia quæque

quæque ingenia deterreret. Et vero quis illaudatum dicat, quem in unum conspirantes quotquot aderant Patavii eruditorum voces, in funere non tralaticijs laudibus ornaverunt. Quicquid enim scripsit Corn. Nepos de Attico, ibi de *Pinello* constanti prædicatione inaudisses, per XL. annorum spatium injurium fuisse nemini, juvisse omnes; in jus de sua rei visse nunquam, infimis communem, principibus parem, gratissimum omnibus. Libros illi non otiosè pervolutos, sed ad exemplum instructionemque vitæ, neque majorem operam cognoscendis naturæ arcanis, quam excolendo animo impendisse. Nemo tum Patavii, qui literas & humanitatem haud perfunctorè amaret non accessit ad *Cesarem*, ut clarissimæ domus per eam jacturam extinctum splendorem doleret. At ejus generis officio quamplures mecum perfuncti, quod scirent extare illas gravissimas causas doloris mei, amissum mihi patrem, patronum, amicum, qui me amaret, tueretur, diligeret, cui per XX. & amplius annos fuisset intimè familiaris, quem & Patavii dum essem quotidie non invisere, & abiens non per literas ferme quotidianas salutare, nefas haberem. Constituerat ipse (ut ex ejus perantiquo familiari audiui) etiam apud posteros tuam benevolentiam nostram, insigni aliquo edito amoris monumento contestari, quod ut averterit mors, non idèò minus debere me illi sentio, felicitatis & existimationis meæ (si quid mihi earum contigerit) parenti, & auctori. *Pinello* enim & *Aicardo* adhortantibus, à patria non procul (quod magno quis emptum velit) nactus sum tutissimum asylum fortunarum mearum, domum *Marci Cornelii* Episcopi Patavini, quem uti exemplar ævi prioris, & miratur nostra, & suspiciet posterior ætas. In suam me is familiam illectum, suavitate morum, & animi candore, ea complectitur benevolentia, ut habere videatur justî fratris loco. Probitas nimirum, & humanitas solitaria non sunt, sed amant dare se in conspectum, contrectari, & moderato usu nitescere opes suas. Et vero non alia ratione hominem homini deum fieri contingit. Horum ego mutuo amor, quæ dixi ni accepta seram magna ex parte, ingratus profecto sum. Quid enim optandum magis, quam mihi in patris pene dixerim conspectu, in suavissimi fratris oculis, qui me à semetipso divelli ægerrimè tulisset, patronum optimum obtingere, per quem apud *Pinellum* & *Aicardum*, quos ille propter multas ingenii & humanitatis suavitates amabat, esse quotidie liceret?

Audisti quisquis hæc legis, privatas doloris mei causas, vidisti jacturam: at detrimentum, quod Italia, & universa penè dixerim Europa, in eodem passæ sunt, quo satis digno genere orationis prosequemur? Ejusmodi viros parcè profert natura, opes suas in abdito habere jamdiu docta. Methonis fortasse annus transigendus iis qui alterum *Pinellum* exspectant, cujus studium humaniora studia restituat in pristinum splendorem, cujus opes is nobiles libros colligendos impendantur, cujus dignitas viris doctis patrocinio sit. Ætas sane nostra si quem feret ejusmodi, is (ita me Deus amet) non alius erit à *Niccolao Fabricio* Gallo, domo Aquis Sextiis, clarissimo adolescente, qui Romæ & Patavii vixitum plenam pubertatem egressus, eo ardore *Pinellum* & *Pinelli* studia est complexus, ut omnibus nobis, & doctis viris quotquot his capiuntur literis, miraculo sit.

Post patris obitum *Cesar Pinellus* Patavii substitit per aliquot dies, tum ut

creditores (si qui forte erant) haberent quem adirent, tum ut bibliothecam ad *Cosmum* patruelē transvehendam Neapolim curaret; cuius semissem hæreditario sibi jure obvenientem *Cosmo* dono dederat, cui, ut nos audivimus aliquando, mens fuit *Casari* liberalitatem pari officio compensare. At humana hæc studia quam parvi Deus pendat, & sæpe alias, & tunc in pretiosa illa bibliotheca perspectum satis. Ejus nobis jacturæ historiā pertexere in animo est, ut nimii rei literariæ amatores, excitentur recenti exemplo ad comparanda sibi in ipsis bona illa, quæ nec vis temporis abolere, nec injuria hominum intervertere possint. Et sane ridendum nescio an plorandum sit, congestas bibliothecarum opes miseris modis quotidie dissipari, nec ideo minus deesse homines, qui summa cura in id incumbant, ut hæredes onerosam sibi sarcinam prorsus abjiciant, vel controversam conciant in domesticas latebras, ubi cum blattis & tineis perpetuò pugnet. Patavii animam vix egerat *Pinellus*, cum nescio quis ad Senatum Venetum detulit, è republica non esse, asportari Neapolim, cum *Joh. Vincentii* libris, intima quæque Venetorum consilia. Collegisse illum per XL. annos, quicquid legatis Venetis legatione persuntis adnotare, & in Senatu exponere moris est: opibus & gratiæ illius patuisse tabularia Senatus, rei videlicet Venetæ amator: at defuncto ipso minime ferendum, ut arcana imperii evulgarentur, & in hostium fortasse manus inciderent. Probavit Senatus quæ dicebantur, imperavitque Patavii Prætori, ut capsas librorum centenas & amplius sisteret, obsignaretque. Ex his in XIV. conjeceramus libros manu scriptos, quarum binæ nihil aliud continebant, quam commentarios & acta rerum Italicarum, exterrarumque. Has oportuit ex compaſto deferri in domum Prætoriam, ubi delectus habitus Ccc. ejusmodi commentariorum, qui statim Venetiæ amandati. At nos, qui videramus Prætorē Senatus imperio abusum, suspicionibus æquo plus indulsisse, Venetiæ perreximus, jacturam nimis gravem nobilissimæ bibliothecæ deprecaturi. Et cecidit ad votum res. Delegavit Senatus nobis nonnullos eorum civium quos à Secretis habet, mandavitque ut recensitionem Prætoris inspicerent, dimitterentque nobis omnia, quæ res Venetæ minimè attingerent. Ita factum ut ducentæ solummodo conscriptiones nobis perierint, quæ in arcanum Tabularium conditæ sunt, opposita ibi scheda, in qua notatum, decerpta hæc imperio Senatus è *Pinelliana* bibliotheca. Præcesserat hæc turbas familiaris cujusdam furtum, qui per summum scelus quæstum è domini morbo captans, pleraque ejus generis, non animadvertenti subtraxit, distraxitque. At detrimenta hæc omnia vili æstimanda, præ hoc ipso quod mox enarrabimus. Bibliothecam Venetiæ devehendam curaveramus, ut inde mari Neapolim impendio minori appelleret; at ne qua vis major, ut in navigatione solet, perfunderet universam, placuit in tria navigia capsas concijci, quæ recta Fortortum in Apulia peterent, excipiendæ a cive meo Hieronymo Velo Episcopo Barinate, quem *Pinellus* dilexerat, *Urbano* etiam VII. Pont. Max. charum, & ad summa quæque destinatum, ni mors optimi Pontificis conatibus obviam ivisset. Navium harum altera cum trium & triginta capsarum sarcina in piratas Turcas incidit, qui prædæ opulentæ inhiantes, cum chartas & libros invenissent, gaudio in iracundiam verso, inutiles sibi merces abjicere ceperunt in mare, quousque captivi navarchi monitu delimiti, & tot exhauriendarum

chartarum tædio fatigati, ab impotenti cepto destiterunt. Ita navigium exarmatum, nautæ in vincula coniecti, merces reliquæ in triremem comportatæ, & libri (utile monuerat) relictæ beneficio alicujus, qui cum navigio in litus ejectos colligeret, asportaretque. Ita plane factum: cum enim fluctus maris navim destitutam eiecisset in litus, è regione Firmanæ coloniz, convolarunt ad expositam prædam piscatores, alique, quorum nonnulli libros domum asportare, quidam papyros in frustra dissectas ad rimas navigiorum cum glutino adhibere, non pauci, specularium vice, tugiuriorum fenestris aptare, & profecto memini audire me à quopiam, per tractum sane quam patentem litoris illius, aliud tum omnino haud comparuisse, quam laceras schedas, quæ projectas in litus, quæ in salo fluctuantes. I nunc qui sine modo hæc amas: Reges magnos æmulare, hæredum improbitas, latronum injuria, domesticorum fraus, elementa adeo ipsa perdent delicias tuas. Audi, audi, quisquis incubas librariis illis thesauris; I consultum publicæ utilitati, evulga ingenia magna, lucubrationes non tuas publici juris fac, per mitte ut alii proficiant nullo tuo detrimento, non minima tua cum laude: Quæ tu sponte rei literariæ perennitati commodaveris, ea universa effugient Adrastæ manus. At Firmanus præfes ut primum hæc percepit, edixit deferri ad se quicquid ibi chartarum librorumve ejectum fuerat, collectumque; ea mente ut domino restitueretur, si quem dies obtulisset. Me tunc Venetiis commorantem male perculit hic rumor; ingenuique fatum nobilis bibliothecæ, cujus genius cum *Joh. Vincentio* perisise mihi semper non dubiis argumentis visus. *Cesar* Neapolim versus proficiscebatur, nec mihi certum, ubi literis affecqueret abeuntem, consultius ergo visum *Cosmum* de tota re facere certiore, atque intérim curare, ut *Marcus* Episcopus Pat. *Octavium Cardinalem Bandinum*, qui tum Anconitanæ Marchæ legatus præerat, oraret ut naufragam bibliothecam conquiri, & asservari imperaret. Hac de ré tum ego literas etiam dedi ad *Horatium* Vicetinum, primum Episcopum civitatis sancti Severini, excitatæ annis ab hinc circiter MLIII. in vetustissimæ Septempedanæ coloniz ruinis. Dux, perlectis literis meis, non segniter agendum ratus, certos homines in Picenum allegavit, qui Cardinalis legati opera, præmiis pœnisque propositis, è tribus & triginta capsis, duas & viginti coegerunt. Ita comperit perisise XI. librorum octo, iconicarum imaginum duas, mathematicorum organorum unam: librorum jactura quam gravis, incertum adhuc nobis, ea de causa quam asseremus infra. At si ve impressos si ve manuscriptos attigerit, in utramvis partem deploranda. Et ne ulla bibliothecæ pars à turbis vacaret, libri illi quos à *Joh. Vincentio* diximus Romam missos, ut asfinibus spem faceret profecturum se illò quandoque, diem functo Abbate Ravascherio, cujus illos fidei commiserat, ab Apostolica quam vocant Camera, cum reliqua Abbatis domestica suppellectile obgnati, & penè distraçti sunt. Inhibuit tamen *Card. Pinellus*, profuitque *Joh. Vincentium Clementi* Pont. probe cognitum fuisse. Quare libri redditi, & Neapolim amandati, Patavii non nemo studiosus doluit, sublatum ex ea civitate tantum thesaurum, quem homo talium rerum sciens, exquisita opera, per tot annos, è manubis selectarum ejus regionis bibliothecarum concessisset. Et profecto si quis hæc bonarum litterarum subsidia iterum Patavii videre se non desperet, desipiat necesse

se est. At quamvis suspiciones, furta, piratz, præstantissimam uti narravimus bibliothecam afflissent, tenebatur nos tamen ea cogitatio, quod in Ducis manus pervenisset quicquid reliquum erat. Huic enim communia cum patruo studia, doctos amaro, libros in deliciis habere, bibliothecam inter Europæas non exigui nominis brevi concinnare. Destinatur huic suburbanum æmænißimum Julianum nomine, ubi opes in hoc genere suas exponeret afferaretque, futuras perpetuo, ut cauturum se discedebat, patrui & gentilitii nominis ornamto. Præfectum huic destinatur *Thomam Segetum* domo Scotum, è patrui ut diximus contubernio eruditum adolescentem. Quæ meditantem distraxit profectio Genuensis. Uxor à patria jam diu absens, flagrabat desiderio revisendi affectus suos, quos puella vix nubilis Genuæ reliquerat. Annuit indulgens maritus, filiosque secum deducit, marem alterum *Galeatium* nomine, foeminam alteram nomine *Liviam*, impuberes ambos. Excepere Genuæ cognati & affines magno apparatu, & ut civem decebat, in comitia sua peramanter invitarunt. Ibi cum per aliquot menses moram traxissent, *Cosmo* Genuæ discedere meditati, Mediolano Venetias pergere placuit, tum in gratiam uxoris, quæ Italiæ miraculum perlustrare avehat, tum ut patruo (ut ille non semel ad me scripserat) monumentum Patavii in D. Antonii excitaret, pro gentis splendore, constitueretque annuum pecuniæ viam, erogandam in sacra quotidiana pro ejusdem anima noxii expianda. Et quia non ignorabat *Cosmus* quantopere *Aicardum* cum viveret charum habuisset *Pinellum*, ratus est sui officii esse, ut quorum animos amor mutus conjunxerat, eorundem cineres idem tumulus asservaret, Scipionis gloriam par exemplo æmulatus, qui præconem laudum suarum poetam Ennium, condi secum in eodem monumento præcepit. Quare *Cosmus* Patavii apud Galileum, in Academia res Mathematicas magna cum laude profitemtem, hospitio peramanter exceptus, nihil antiquius habuit, quam locum in eo quod diximus templo maxime conspicuum seligere, intimum videlicet parietem ostii majoris, quem ipse pro dignitate marmoribus, signis æneis, parergis elegantissimis æornasset. Qui tamen haud impetratus, fastidio quorundam, qui (alia permissa intra templum statione) nobilissimæ ædis structuram deformari jactabant novitiis ornamentis. Patavii ille anxie scrutatus est, an patruus quippiam deberet cuiquam, an è domesticorum numero alicui non abunde factum offeratis. Et quamvis obtulisset se nemo, deposuit nihilominus apud me non exiguam auri summam, dividendam arbitrato meo in pauperes quosdam, quibus *Pinellum* patruum, si testari contigisset, legaturum aliquid conjectabat. Patavio Venetias se contulit me comitante, gnaro videlicet civitatis, & rerum earum perito quas peregrinis spectare operæ precium foret. Celsitad votum res, privataque & publica omnia, quæ visu digna, nobis patuerunt. In navali etiam (quod non nisi principibus viris & non passim deferri solet) lautissimo convivio excepti fuimus, commonstratæque omnes quotquot adsunt bellicæ rei instructissimæ officinæ. Quæ omnia *Cosmo* Venetiis hilarè comiterque exhibita, tum in patrui memoriam, quem suspexerant viventem Senatorum & Patriciorum plerique, tum in gratiam ipsius, qui modestia animique magnitudine sibi omnes vixdum in primo congressu demereret, Uxor adhuc ornatissima foemina, omnibus de rebus quæ matronam decerent

ornatæ

ornate & copiose differere solita, viris gravissimis miraculo fuit. De literis illi, de re Poetica, nautica, bellica, de gemmis, tabulis, signis, sermo multiplex; qui varium ingenium proderet, supra sexum ætatemque. Scripsit illa Venetiis Genuam ad Liviam matrem, quem fuisse laudè regieque ad gentis morem excepta, sibi que tum demum contigisse, quod existimasset nunquam, ut scilicet longe majores apud externos sibi honores, quam in patria in affinium sinu deferrentur. Profecturis instructa triremis S. C. decreta est, quæ Lauretum usque vectaret, cum amplissimis mandatis, ut una & altera triremis quatenus opus foret exhiberentur, sarcinis & comitatu comportando; Lautia insuper decreta, & cibaria publico ære. At rerum humanarum quæ vicissitudo est. Vix Venetiis egressos, & adhuc in conspectu littoris, positos, turbavit primum improvisus & subito irruens Ducis morbus, tum venti vis subadversa, quæ comites impulere, ut relegerent iter, & Venetiis commorarentur quousque convalesceret *Cosmus*. At morbo quotidie invalescente, Patavium Dux devehit se imperavit, medicorum operæ, quos ea urbs celeberrimos habet, plurimum fidens. Eo adfectus, me curante divertit in domum *Benedicti Georgii* Patr. Veneti clarissimi viri, qui ad *Joh. Vincentii* exemplar factus, Venetiis æquè suspiciebatur, ac Patavii ille. Eadem studia, iidem mores, mutuis semper excultam officiis amicitiam pepererant. Hic ego dum viveret supra votum charus cujus memoriam non sine lacrymis valeam commemorare, erepti videlicet ab immatura morte tum primum, cum laudatissimi patris honoribus omnibus in patria perfuncti, vestigiis insistens, ad gloriæ metam æquis passibus properaret. Patavii *Cosmo* medici præstantissimi *Hieronymus Fabricius*, *Hercules Saxonia*, & *Emilius Campolonga* frustra manus admovent. Morbi enim vi grassante latius, quam ope medica coerceri posset, post XV. dies acerrimis doloribus capitis, & corporis universi cruciati febrique confectus, & vehementissimo delirio exagitatus; decessit. Adfuimus religiosissimè morienti *Laurentium Pignorum* & ego, qui visum elapso anno supremum hoc officium patruus præstiteram. Obiit *Cosmus* anno MDCII. prid. Kal. Novemb. annos natus III. & XXX. de quo Virgilianum illud legitime pronunciaßes.

*Offendent terris hinc tantum fata, neque ultra
Esse sinent.*

Æneid. lib. 6.

Vitz liquidem innocentia, morum candore, paucos invenisses pares. Avitæ religionis prima illi cura, inter delicias qua urbanas qua domesticas, semper fuit. Quotidie sacro interesse, in hebdomada saltem semel refici pane celesti consueverat. In societatem sodalium D. Francisci, quos Capucinos vocamus, ex privilegio cooptatus, de illis mereri optime nunquam destitit. Cænobium iisdem & Ecclesiam in sua ditione excitaverat, magna in eos sustentandos erogata quotannis pecuniæ vi. Ex eorundem numero impetraverat sibi apud quos animi noxas confessione expiaret, seque sacrosanctæ Eucharistiæ sumpcione intimè recrearet. In pauperes annuatim dividebat duodena & amplius aureorum millia, nobiles puellas honeste collocando, sublevando eos qui non suo vitio ad inopiam redacti essent, senio confectis, debilibus, sanguentibus, opibus suis eximie consultum volens.

Neapoli.

Neapoli ante aliquot annos firmus & valens testatus erat, præterieratque bibliothecam, & *Joh. Vincentii* monumentum, patuo adhuc superstitæ, quorum recordatus fortasse cum ægrotaret, petierat ab *Alphonso Soto*, quo Patavii confessario usus est, ut morbo non remittente admoneret Codicilli, quem decreverat testamento adjicere. Et sanè bibliothecæ statum, & amplificationem, patruique memoriam animo complexum vidimus, quotquot cum illo Patavii familiaris versati sumus. At præclaris cogitationibus invidit improvulum delirium, quod optimum juvenem de statu mentis dejecit miserandum in modum. Maritum optimum, & indulgentissimum, (& has funeres appendices liceat mihi persequi, amoris & benevolentię ergo) uxor infelicissima luctu perpetuo prosecuta est, ereptum sibi à patria & assinibus procul, iniquissimis temporibus, eum virum dolens, cum quo vixerat sine querela, quo sospite vix ullam sibi matronarum Neapoli præferri optime norat: relictos sibi parvulos filios, non qui mærorem levarent, sed quorum conspectus luctum augeret, quorum orbitas matrem cruciaret. Neapoli in more positum est, ut mulieres in charissimorum sibi conjugum funere incidant capillos, cum defuncto efflerendos, testes doloris, & indicio futuros interceptum sibi morte viri capitis si quod erat ornamentum. Consuetudinis memori, huic nostræ forcipes diu pernegatæ à familiaribus, & subtracta ferramenta omnia, quibus propositum exequi posset, donec filiulus matrem angi diutius non ferens, auratam forcipem è loculis puerilibus promens, matri obtulit, admonens capillos recideret sibi, & memoriam patris suprema illa contestatione recoleret. Laudavit illa filii pietatem, & sibi dicto citius obsecuta, spissam & flaventem comam in seretrum conjecit, operuitque caput nigra palla, qua circumfluente contesta, humi cubans in abdito sepositæ cellæ angulo, dolori habenas laxavit. Audivimus nos ibi tum eam conquerentem, sermonisque nitorem admirati sumus, & ingenii alacritatem. Quo factum, ut tragicos poetas minus improbaremus, quos frequenter animadvertas inducere in scenam dolore & mœrore confectas, *Electram* *Hecubamve*, ornatè tamen & copiose differentes. Grave vulnus infixit domesticæ rei præmatura mors Ducis adolescentis. Honos enim summi Cancellarii, in quem uti diximus impenderat ipse LXX. M. aureorum, è familia exiit, neque translatus in filium est, uti pater præfugio fortasse quodam mortis adventantis admonitus, tunc temporis maximopere nitebatur. Venetiis quidem puero factum nobile omen, quod nemo tum animadvertit, brevi obventuram illi Ducis appellationem, quam à morte patris nactus est. Ostentabatur ipsis in ea civitate locus in arde Marciana, ubi copia gemmarum & unionum ad miraculum usque, comque ad mirram-ventum esset, quæ ibi auro, gemmisque distincta asservatur, in usum Dutis inaugurandi, puero spectanti oborta est de repente cupiditas mittæ gestandæ, quod ubi intellexit Præfectus Senator, qui tum aderat, mandavit ministris uti obsequerentur puero, cui ad eum honorem jam tum præsternebat mœrore obstitam viam, importunum patris optini fatum. Ducissa erepto sibi ut narravimus viro, nihil antiquius habuit, quam cadaver Neapolim præmittere, & Patavio discedere domum versus, tum quod eum terrarum tractum odisset, in quo naufragium fecerat deliciarum suarum, tum quod hiems, cuius ibi magna vis, quotidie appropinquaret. Cognites habebas reditus, quos

& adventus; *Casarem Pinellum*, & *Julium Sangrium*, ex primaria Neapoli nobilitate elegantissimum virum, quibus me adungere tum precibus tum obsecrationibus ita enixa est, ut alieno maxime anni in hyemem vergentis tempore, non optimè valentem, pertraxerit in sententiam suam, ejus miserum, quæ cum lacrymis discurreret, neminem præter me tum adesse, quicum casus ludus sui conferre posset, à quo moerorem sibi levare posse confideret. Romæ illam Neapolitanæ aliquot matronæ exceperunt, ubi me dimisit perinvita. Mihi vero, iter protinus remetiri constitutum erat, quod haud passus vir illustrissimus *Ottavium Card. Paravicinum Sacri Rom. Imperii Protectorem*, cui propriæ dotes, probitas, humanitas, solertia, splendoris non minus, quam adventitii amplissimæ dignitatis, & avitæ gloriæ tituli contulerunt. Hic me multos jam annos addictum sibi (absit verbo invidia) unice fovet, exiguum plane conscium meritorum, nec videntem quid ad amandum me ingenium acerrimum allicere possit, nisi perenne studium bene de unoquoque merendi, & ingenua mea apud omnes ejus gratiæ contestatio, quam me præclarissimi viri humanitati debere sentio. Hinc ego hyemem Romæ exegi totam, ubi me cum *Joh. Vincentiis* interitum literati omnes & singuli doctuerunt. Nec defuerunt qui perquirerent an bibliotheca ejusdem esset venalis, elabi sibi quod nollent è manibus tantum thesaurum. Principem inter hos locum obtinuit *Fridericus Borromæus Card.* Archiepiscopus Mediol. qui pietatem Christianam ita cum studio literarum conjunxit, ut præter absolutum *Caroli* patruelis sanctissimi viri exemplar, quod refert ad amissum, habeat Italia in hoc etiam genere quem exteris gentibus ostentare possit. Is Mediolani bibliothecam instruit optimorum librorum refertam, innixam adhuc firmis legibus, quæ ab omni peculatorum injuria tutam diu præstent, conquestis etiam undique eruditissimis viris, qui agmen ducente Gratia Maria Gratio, viro docto & spectatæ fidei, tantas opes custodiant pro dignitate: quò utinam respexisset *Pinellus* noster, cujus delitias, reliquas à piratarum injuria, heredum discordia male perdidit. *Cosmo* filius octannis heres obvenit, de cujus tutela dum inter matrem & testamentarios tutores diutius disceptatur, libri interim penè madentes ut è mari collecti in caplas tumultuariè conjecti, nulli dubium an cum tinea pugnent; ne dicamus, quòd aliqui retulerunt, asportatos plerisque, & divulsos miserandum in modum. Ineptos dicam nos an prorsus amantes, quos peremtum donorum oblitos, fluxa hæc & incerta sollicitant? Hæc causa fuerunt, ut non solum bibliotheca pessum iret, sed etiam & monumentum, quod *Joh. Vincentio* parabatur, evanescat omnino. Supremis tabulis *Cosmus* nihil addere potuit, actus in delirium ut diximus importuna morbi vi: hæredibus quid animi sit ignoramus. Ut ut se res habeat, cessantibus his, quos par erat hæc curare, *Cesar Nicheola*, *Ptolemæus Olivetus*, & ego, cogitabamus & hoc postremo munere *Joh. Vincentii* & *Pauli Aicardi* memoriam commendare posteritati, pendentes nimirum, quam turpe sit eorum prorsus oblivisci, quibuscum suavissimè & conjunctissimè vixerimus.

Mihi verò ad scriptionis meæ calcem de proximo jam recurrenti contestari illud lubet, narrationis meæ fidem oculatam esse, haustamque ex intima viginti & amplius annorum consuetudine, quæ mihi cum *Pinello* intercessit, & præscripsisse me mihi veri rectique lineas,

ultra

ultra quas minime transilirem. Inopiam rerum diffiteri aut excusare consilium non est; cum nemini non pateat quantas immatura *Cosmi* mors offuderit scriptioni nostræ tenebras, quas ego dispellere frustra diu nixus sum. Exoptabat ille perfici propositum hac de re meum, exhibuisset adversaria, schedia, indices librorum, Epistolas ad patrum scriptas à doctissimis viris: instruxisset ille me elegantissima supellectile notarum, observationum, adversariorum; at ille dolendus descendensque nobis abiit, abstulitque secum invidia fati universos amores nostros. Mihi viam tentasse aviam plane, & difficilem satis erit, ipsamque velut digito intendisse alicui, quem juverit Bonus Eventus, ea proferendo, quibus nos destituti, exegimus tamen aliquid non sine fructu, & delectatione studioforum, quibus hæc nostra Damus, Dicamus.

VIRO



V I T A

SCÆVOLÆ SAMMARTHANI,
Gallicè Scripta Per Gabrielem Micha-
elium Rupî-malletum in Senatu Ad-
vocatum,

Latine Reddidit JOANNES VIGILIUS
MAGIRUS.

Viro Doctissimo Integerrimoque GULLI-
ELMO BATESIO LONDINENSI
Parochiæ Sancti Dunstani ad Occidentem Rectori
dignissimo.

S. D.

JOANNES VIGILIUS MAGIRUS.

TRALATITIU M. hoc opus, tuo jussu confectum, quidni ad te
referam, doctissime Batesi? Et quidem ita oportuit, tùm
gratitudinis nomine, quod me dignum censueris cui hoc paux-
illum oneris impertires; tùm necessitatis etiam, ut scripti
mei

mei infantiam deformitatemque tua manus emolliat, exornet, perficiat, adeoque rudibus membris animam nobiliorem infundat. Concionandi labor (in quo nemo vel cum laude vel cum fructu majore versatur) obstitit certe, quod minus omnes illustrium virorum vitas (quos hoc volumine tanquam speculo literario conspiciendos exhibes) calamo tuo conscriberes; nihil tamen vetare debet, quin horis succisvis conatus nostros leviter percurras, & omni scabritie exculpâ faciem atque imaginem tuam universo operi imprimas. Ista clarissimi SAMMARTHANI vita, è Gallico in Latinum versa, à me fidem invenit, à te petit elegantiam. Vale. Frib. Cal. Maji, M. DC. LVIII

VITA

Scævole SAMMARTHANI.

Si gloriam haud mediocrem promerentur ii, qui pulcherrimas occupationes suas & studia eo solum conferunt, ut bono publico quam maxime inserviant; nec minorem illi, qui rerum administratione missâ tranquille vitæ lenociniis allekti, scripta aeternitate digna in lucem edunt: quanto magis laudandi sunt, qui ingenio excellenti & secundo præditi, ita facultates animi commiscere ac temperare norunt, ut in utramque partem facile comparentur? Eximia calidona, quæ mirâ felicitate in Scævola SAMMARTHANO se invicem sunt complexa! Cum enim ad laudabiles hæc & diversas vias æque se præstiterit idoneum, in ambiguo reliquit, utrum fideli erga Reges nostros obsequio, & muneribus eorum maximi momenti defungendis, an vero lucubrationibus suis pari eloquentiâ ac scientiâ conscribendis, magis inclinarerit.

NATUS est initio mensis Februarii, Anno MDXXXVI. Julioduni; quæ urbs in finibus Andium, Turonum, Pictonumque sita, miti aeris temperie gaudet; & agrorum fertilitate (siqua alia in Galliis regio) admirabili: Quæ quidem conditiones ad ingenia melioris notæ producenda maxime conducunt, qualia hic locus protulit innumera; nemo autem eorum (ut opinor) tantum patriæ suæ decus ac SAMMARTHANUS noster attulit. Idem annus eo illustrior exitit, quod alio non minus fausto auspicio, Arnaldum,

Arnaldum Cardinalem Ossatum, & Achillem Harlzum, Senatus Parisien-
sis Principem, duo altera seculi nostri lumina, Galliae dederit.

Prospiciam è nobili familia deducit, quæ plurimos in vario professionum
genere prælucos fortita est, maximè autem in cognitione literarum non vul-
gari; quæ quidem huic genti hæreditaria semper fuisse visa est.

Eveteribus quibusdam titulis constat, Petrum *SAMMARTHA-
NUM* honorificum in Ærario procurando munus obisse regnante Carolo
VII. Et ex historia *M.S.* temporum Caroli VIII. discimus, Nicholam
SAMMARTHANUM, cum in bello adversus Anglos egregium for-
titudinis speciem dedisset, dum Bayona absideretur, Equitem una cum nobi-
libus albis a Legato Regis exercitus Aquitanici creatum esse.

Ludovicus *SAMMARTHANUS* Armiger dominus *de Villedam* in
agro Juliodunensi, regnante Ludovico XII. in Italia militavit. Sub vitæ
finem in Andes recessit, & præcipuas ac gentiles familiæ aedès (à Galero dictas) *du Chapeau*
propè Salmurium extruxit. Hic nostri Scævola proavus fuit.

Avus ejus, Gaucherus *SAMMARTHANUS* dominus *de la Rivere*,
consiliarius erat & medicus ordinarius Regis Francisci I. tantoque in honore
habitus, ut Conradus Lommellus scriptor illius temporis, libro qui inscribi-
tur *De advocati Officio*, eum appellet *unum ex omnibus tam nostris quàm pere-
grinis medicina Oraculum, alterumque adeò Æsculapium*. Leo etiam de Sancto
Mauro ex illustri familia oriundus scribit, *ejus virtutes & doctrinam magno in
pretio fuisse*. Ut concludam, historicus quidam rerum potissime Carolo IX.
editus illum *primarii Regis medici* titulo honestat. Patrimus fuit *SAM-
MARTHANO* nostro nepoti suo, nomenq; suum ei indidit Gaucherum;
quod ipse postea ingeniosè in *SCÆVOLAM* transtulit, eodemque in
scriptis suis usus est: quamvis hæc appellatio dotibus suis minùs congruere,
nec nisi per antiphrasim adaptari posse videretur, cum adeò dextre se gesserit
in iis quæ ad cultum & ornatum patriæ pertinerent. Nonnulli literati suo
tempori æquales hinc ansam arripuerunt varias facetias & allusiones concien-
di de nomine Scævola & de manu *SAMMARTHANI*, etiam & *ambi-
dextrum* ratione musæ Latinæ Gallicæque vocitarunt.

Decesit avus ejus honorum, amorum, & bonorum satur; maximè autem
quinque filiis beatus, quos ut furculos tenellos studiosè colendos pius senex
curavit, optimeque institutos ad scientiarum studia successu non penitendo
incitavit.

Ludovicus *SAMMARTHANUS* dominus *de Nully*, in curia Ju-
liodunensi Procurator Regius, quinque filiorum natu maximus, totum se ju-
risprudentiæ addixit, nihil impensius cupiens quàm Regis ministeria intra pa-
triam suam exequi; eamque prætulit aliis omnibus locis, in quæ tamen voca-
tus est, & in quibus majori nominis incremento conspici potuisset, tum quòd
ex se rebus agendis instructissimus esset, tum quòd stirpe paternâ maternaque
perquam insigni niteretur. Iste & Gaucherus pater celebrati sunt à Salmonio
Macrino, celeberrimo superioris seculi poetâ: nec injuriâ de suis natalibus
gloriatur Juliodunum.

Ludovicus tres filios reliquit: quorum Scævola primus est; Secundus pa-
tris nomen sortitus luculento fuit ingenio, & cum laude gradus omnes Picta-
vicius

viensis fori percurrit. Ubi primùm Regius Advocatus, deinde Assessor, & tandem Prætor Juridicus evasit. Neque parùm decoris huic accessit, quod defunctus Præles Segvierius, cujus sapientia & facundia supra omne quod dici potest eminebant, sæpe testatus sit quanti æstimaverit nonnullas ejus publicas actiones, quas audivit cum supplicum Libellorum Magister delegatione quadam Pictaviiungeretur. Renatus SAMMARTHANUS filiorum tertius juvenilibus annis militiæ operam dedit; postea autem sacrorum quietem amplexus, factus est magnus Ecclesiæ Pictaviensis Archidiaconus, cujus etiamnum subdecanus est.

Parisiis è vita excessit pater: in cujus memoriam inscriptio hæc à filiis posita ad Sancti Severini legitur;

D. O. M.

S.

LUDOVICO SAMMARTHANO J. C. viro nobili, apud Juliod. Procuratori Regio, doctrina, probitatis, eloquentiæ laudibus insigni; qui dum Regis & patriæ negotia sedulè procurat, sui ipsius negligit, non Regi solum & patriæ, sed & suis & sibi prematurè moritur. SCÆVOLA Questor Franciæ, LUDOVICUS apud Pictones Regius Advocatus, RENATUS sub signis Principis Dumbarrum eques, parenti optimo FFF. melissimi posuere.

Obiit Lutetiæ Kal. VII. M. D. LXVI.

Carolus SAMMARTHANUS causarum Capitalium apud Alençonis Præfectus, secundus Gaucheri medici Regii filius, inter literatos sui temporis celebrem locum obtinuit. Gratiâ floruit exquisitissimæ illius Margarætæ Navarra Reginæ Regis Francisci I. sororis, & Franciscæ Alençoniz Vindocinæ Ducissæ; quæ ambæ illius operâ in rebus gravissimis utæ sunt, sicut etiam Navarra Rex Antonius. Harum egregiarum Principum funera singulis orationibus in publicum emissis, nec non carminibus Latinis Gallisque, condecoravit. Paraphrasin quoque Latinam in quosdam Davidis psalmos, cum aliis operibus, edidit. Scævola nepos eum adnumerat in aureo illo fasciculo Elogiorum doctrinâ illustrium Gallorum, juxta cum fratre Jacobo SAMMARTHANO à Candocello, ipso quoque singulari eruditione prædito, & medicinæ, linguæ Græcæ, ac Mathematicos scientissimum. Cum juvenis esset, amicitiam Budæi adeptus, viri clarissimi vitam eleganti stylo descripsit; cujus Conradus Gesnerus in Bibliotheca sua meminit. Græcæ etiam

etiam Oracula Zoroastri Latine reddidit, quæ patri dicavit, sicutque sicut ipse medicus Regius. Major duorum quos genuit filiorum, Ludovicus *SAMMARTHANUS*, Gallicanæ militiæ Juridicus, insigni literaturâ ornatus est; quod ille scriptis suis liquidum fecit: minor autem Franciscus *SAMMARTHANUS* officium Advocati in augustiori Regis Concilio summa cum dignitate exercet. Quod ad Renatum spectat dominum de *Castro-novo de Chateau-neuf* in Pictonibus, & Josephum dominum *dela Gueritiere*, quartum & quintum Gaucherii filios, armorum exercitio studia quoque literarum adjunxerunt. Hi quinque fratres unicam sororem habuere, Isabellam *SAMMARTHANAM* domini *de la Goberie*, viri & animo & patrimonio præstantissimi, uxorem: Barones *Crucis Blerensis* in Turonibus ex hoc conjugio prodierunt. de la Croix de Blerc.

Quin & ex parte materni sanguinis multum enituit Scævola. Nicolaa à *Fabro* mater ejus, Ludovici *SAMMARTHANI* uxor, filia erat perillustri domini *Bizanii* in agro Juliodunensi, & neptis Francisci Fabri domini de *Bello-loco*, Regii in suprema Rationum curia Advocati. Fratrem habuit Renatum Fabrum Senatûs Præsidentem in tertiâ classe inquisitionum. le Febvre. de Bizzy. de Beau-lieu.

Avia materna *SAMMARTHANI* (de quo sermonem instituimus) ex antiqua & prænobili familia Berthelotorum in Turonibus orta est; (unde etiam processit Egidius Berthelotus Rationum Regiarum Præsides.) Amitam habuit Janam Berthelotam, quæ nupta Joanni Briconneto Varennio, regnante Ludovico XI. Regiæ gazæ præfecto (dictus est tunc temporis Regii æris perceptor generalis) tres filios peperit merito & dignitate florentissimos: Gulielmum Briconnetum Senatorem Parisiensem, cujus etiamnum posterii supersunt; Gulielmum Briconnetum juniorem, Cardinalem & Archiepiscopum Narbonensem, postea Rhemensem, quem Carolus VIII. ita carum habuit, ut maximis Reip. negotiis cum imposuerit, & secretioris Consilii Præsidentem elegerit; Robertum deinde Briconnetum, Archiepiscopum item & Ducem Rhemensem, primum inter Pares, & Galliæ Cancellarium. Ratione hujus propinquitatis, & aliarum à gente Berthelota pendentium, *SAMMARTHANA* domus attingit etiam nobilissimas familias de Huralto-chievornio, de Galliard long-jumeau, de Beanne, de Riffuz, Ruzé, Robertet, Spifume, Fume, Prevost S. Cite, & alias inter potissima munera dignitatelq; Ecclesiæ, Regiæ, & senatuum collocatus.

Scævola *SAMMARTHANUS* exemplis hisce domesticis excitatus, quasi face quâdam prælucente, viamque monstrante virtutis & prælustrium actionum, protinus spem sui ingentem & testimonia generosæ indolis non obkura prodidit. Brevi tempore progressum fecit in literis admirabilem, maxime quidem in Universitate Parisiensi, ubi clarissimi viri, qui doctrinam & facundiam omnem Græcæ & Latinæ penitus hausisse videbantur, Adrianus Turnebus, M. Antonius Muretus, & Petrus Ramus, liquidos fontes eloquentiæ & Poeticæ ipsi aperuerunt: addo ut hoc novellum germen istiusmodi manibus irrigatum quotidie cresceret, unde sui tempestate sperandi essent & suavissimi flores, & postea etiam fructus gratissimi, quos non Gallia solum, sed exteræ quoque regiones cum stupore degustarent.

Auspiciato etiam in primo literarum tyrocinio & studiorum socios & amicos habuit

habuit viros scientiæ ac meriti singularis, ad amplissima Reip. munera postea evectos; inter alios Petrum Fabrum Sanjoranum, Claudium Falconem Rezi-um, hunc Rhedonenfis, illum Tolosani senatus primum Præsidentem; Carolum Cantocfarum & Franciscum Viettam, supplicum libellorum in Aula Regia Magistros, Nicolaum Sudorium Inquisitionum curiæ in senatu Parisiensi Præsidentem, & Nicolaum Rapinum supremum causarum Capitalium in Regio Comitatu Præfectum. Sed Rizii benevolentiam præ aliis intimam adeptus est, sicut postea filii ejus primogeniti, Alexandri Falconis, Senatus Neustriani Principis; quos insignis virtus & eruditio in sublimes illas justitiæ sedes evexit.

Dum Scævola in Academia Pistaviensi jurisprudentiæ incubuit, Joannes Perusius (laudatus à Ronsardo & Mureto) sub exitum Henrici II. diem obiit, Medææ tragædiam quam versu Gallico pangebatur imperfectam relinquens. Principium operis ita feliciter contexebatur, ut consummatio ejus magnopere cuperetur; cum illud scribendi genus eo tempore novum apud Gallos esset & inusitatum. *SAMMARTHANUS* primo flore juventutis rem persicere suscepit, eo quidem successu, ut maximum poemati ornamentum, nec laudem sibi minorem comparaverit: adeoque hic conatus animos ipsi dedit, ut majora aggregeretur. Itaque juvenis iste poeta tragicus & infelix, qui vitæ cursum viduum exorsus statim finierat, forte tamen meliore hac in parte usus est quàm olim Timomachus in imagine Medææ, (quam licet imperfectam tanti emerat Julius Cæsar;) mortuo enim hoc inclyto pictore, nemo alius potuit, aut saltem ausus est tabulæ excellenti, non magis quàm Veneri Appelleæ, extremam manum imponere.

A Pidavio ad urbem Biturigum Scævola se transtulit, ut ibi studia inchoata persequeretur, & eloquentem Jurisconsultum Duarenum audiret; qui raras juvenilis animi dotes illico perspexit, eumque amavit & in prætio habuit: prævidit etiam, Galliam olim de illius incunabulis gloriaturam; nempe cui natura ea omnia infuderat, quæ aliis ex arte & industria provenire solent. Præter jurisprudentiam, rei quoque Poetiæ delicias imbiberat, & talem ejus ideam sibi mente efformaverat (sicut quemque sua fert indoles) ut Lutetiam reverteretur, quò hisce studiis, & aliis quibus acria assueverant ingenia, melius vacaret; quò etiam consuetudine doctorum hominum, quibus urbs illa tunc temporis abundabat, magis magisque proficeret. Ibi primum magni illius & incomparabilis scientiarum ac linguarum Genii, Josephi Scalgeri, familiaritatem iniiit; quæ quidem illis ad annos ferme quinquaginta intercessit. Amicitia quoque complexus est Claudium Espencæum clarissimum Theologum, Joannem Auratum, Petrum Ronsardum, Joannem Antonium Baifum, Joannem Passeratium, & Remigium Bellaqueum.

Generosâ & honestâ ambitione permotus ut illustrioribus sui seculi viris innotesceret, Cancellarium Hospitalium visere statuit; qui quidem poema Latinum *De præjudicio ex venalitate Officiorum* ab ipsius manu benignissimè accepit. Quanquam divinus ille antistes, Themidis oraculum, non minori doctrinâ quàm gravitate justitiæ balancem tractavit; tanti tamen fecit poeteten, ut inter occupationes maxime serias austeritatem negotiorum & legum rigorem hujusmodi descriptionis dulcedine lenierit: sicut alii complures gentis togatæ

togatae principes viri nostro tempore fecerunt. Epistolae suae versu Latino scriptae, eo artificio compositae sunt, ut doctorum hominum iudicio cum Horatianis facile comparari posse, etiam nescio quid suavius molliisque spirare videantur.

SCAEVOLA sibi in animum induxerat Carolum IX. longo illo itinere quod provinciis universi regni peragrandis suscepit, comitari, cum paulo ante a civibus Juliodunensibus ad Majestatem suam de rebus gravissimis delegatus esset. Sed parum temporis in aula Regia moratus, consilii ratione interrupti, Burdigalas profectus est, ubi cum Lanceloto Carlesio Episcopo Reienfi, Michaele Montano, Eliâ Vineto, aliisque Aquitaniae doctis viris amicitiam contraxit. *di Riez.* Regi nihilominus in urbe Metensi postea obviam factus est, atque inde transit usque ad fines Germaniae.

Juliodunum reversus, uxorem ibi duxit Renatam Hayam filiam domini de Malapuet, & amplissimae fortunae unicam haeredem, cujus tamen divitias & dotem longè superabant animi ornamenta ac virtutes, inter quas flagrantissima erga pauperes charitas maximè enituit. Multos habuit liberos, postea memorandos, qui à paterna bonitate moribusque laudandis nè minimum quidem deficerent.

Dum Parisiis hæsit, annis *M D. LXIX. & LXX.* benevolentiam adeptus est Ponti Thiardii & Gulielmi Ruzzi, qui postea fuerunt, alter Cabillonensis Episcopus, Andegavensis alter; Germani Valentis Guesliffii Abbatis Primpontii, Consiliarii & postea Episcopi Aurelianensis; Christophori Thuanii, qui Senatus Parisiensis principatum dignissimè gessit; Henrici Memmii domini de Roissy, sanctioris Consilii assessoris & Cancellarii Navarrae, patris domini de Roissy, & avi Praesidis Memmii, qui cum tanta honoris & scientiae laude in Consiliis Regiis & senatu Parisiensi etiamnum versantur. Hunc affectum erga *SAMMARTHANUM* ipsi quoque haud intermissum coluerunt; sicut etiam Guido Faber Pibracius, in supremo Galliae senatu regium patronus & postea Praeses, Philippus Portaeus Abbas Tyronius, Stephanus Paschalius Regius in suprema Rationum curia advocatus, Antonius Oiseilius, Petrus & Franciscus Pithœi, advocati in senatu celeberrimi. Hi omnes viri illustres ejus societate magnopere oblectabantur, quam suavitatem morum ita condebant, ut singulorum animos facile sibi conciliaret; magnatum, famae ac virtutem splendore; æqualium, conversationis dulcedine & doctrinae incantamentis; inferiorum denique, comitate admirabili: qui reciproco quodam studio omnia honoris & venerationis officia ipsi detulerunt, quae viris summæ virtutis præditis, & supra communem hominum sortem egressis, merito debentur.

Nuptiae Caroli IX. cum Elizabetha Austriaca, Maximiliani II. Imperatoris filia, commodam præbuere occasionem quâ se doctissimae pennae volatu in altum eveheret, Epithalamium Gallico versu compositum in lucem emittendo; quod Rex ab autore oblatum animo benigno accipere dignatus est. Ex eo tempore in cognitionem venit præclari illius Politici, Nicolai Novillonii domini de Villeroi Regi à mandatis, apud quem ob egregia sua merita summum honorem habebatur.

SCÆVOLA noster non tantum se vernaculæ Poeticæ addixerat, sed Latinam quoque adjunxit; quò ingenium utrobique felix & fecundum naturali quodam ductu cum inclinavit: Quod etiam cum paucis habuit commune, Joachimo Bellaio, Joanne Passeratio, & Nicolao Rapino. Itaque Gallicè transtulit, vel potius imitatus est opus quamplurimis pulchris & salutaribus documentis refertum, quod *HUMANÆ VITÆ ZODIACUS* inscribitur, ab insigni poeta moralisationis Italicæ, Marcello Palingenio, carmine Latino conditum. Quæ traductio adeo genuina est (sicut omnes aliæ quas postea feliciter elucubravit) ut Remigius Bellaquæus animadvertat, auctorem hunc extraneum *Palingenii* nomen quasi divinitus accepisse, quod bis natus sit; semel suo poemate; & rursus eruditi *SCÆVOLÆ* versione.

Aliquot annis post initum conjugium maxima ex parte *Pictavi* commoratus est, ubi potissimo Quæsturæ munere in illa Jurisdictioneungebatur. Hæc sedes eo ipsi jucundior visa est, quòd duo ejus fratres ibidem quoque degebant; tum quòd eo tempore & Academia satis florebat, urbs & ipsa viris Juris prudentiæ, Medicinæ, ac literarum amœniorum scientiis abundabat. Adde quòd etiam magnus ille Scaliger tunc in *Pictonibus* agebat apud dominum *Ahanii* & *Rupiosæi*, Romæ legatum, & *Præfectum* Marchiæ, qui ad illustrem familiæ nobilitatem, scientiæ & belli gloriam adjecerat. Unde *SAMMARTHANUS* amplissimum campum nactus est illius fidem, & affectum in Regum ministeriis flagrantissimum, sicut etiam filiorum virtutem ac generosam indolem, celebrandi. Epigramma quod Scaliger misit ad Baronem *Chrysæum Pictavi* agentem, ac *SAMMARTHANI* & celeberrimum doctorumque dominarum de *Rupibus* frequenti consortio ibi fruentem, hic omitti non debet, cum ad laudem illius de quo verba facimus haud parum faciat.

de Grasse.

SCÆVOLA scilicet mulcet tibi versibus aures,
Dum tua mens docti pendes ab ore viri;
Si lepida blandis inhiant tibi mille puella
Eloquii, animo qua sitiente bibis:
Cur felix mecum esse cupis, *Chrysæ*? quid ultra,
Quò celi tangas sidera summa, petis?
Ille tenes calum, cui præstant mille puella
Mille Deas, unus *SCÆVOLA* mille Deos.

Ex imitationibus Palingenii, & aliis ejus operibus, præcepta bene vivendi & virtutum incitamenta profluxerant; sicut etiam aculeos ad pietatem dederant perquam multa illius carmina sacra inter quæ præcipuum locum obtinet docta Paraphrasis Latina Canticorum Biblii, aliique versus quibus impietatem prosternt & Atheismum jugulat. Interea casus quidam occurtebat, quo facile persuasus est aliam pulchram quidem sed inusitatam scribendi materiam amplecti. Cum enim unus ex infantulis ejus gravibus morbis laboraret, sicut bonus erat paterfamilias, nulli medicorum etiam optimorum aut experientiarum aut industriz pepercit; quin etiam ipse operam dedit ut infantum naturam &

teneras

teneras lætæ habitudines curiosè exquireret: cumque permultas singularis momenti observationes fecisset, adeoque in abditos Naturæ recessus atque intima Philosophiæ adita penetrasset, poema Latinum *Pædotrophia* dictum aggressus est, sive de modo infantes ex ubere nutriendi, & tenellas ejusmodi plantas conservandi adversus infinitas tempestatum minas, quæ sæpenuerò in ipso nascendi exordio eos enecant; sicut author ipse alicubi in scriptis suis opportunè satis exposuit. Et quamvis hæc scribendi ratio primo quidem aspectu humilis & vulgaris esse videatur, siquis tamen animo perpendit, hominem ad imaginem Dei efformatum, nobilissimam & principem in universæ rerum natura speculationem esse, haud faciliè negabit, tale opus adeò divine contextum, adeò ad incolunitatem humani generis accommodatum, ejusdem pariter dignitatis aliquo modo particeps esse debere: Unde etiam jure inferri potest, hoc quidem nomine magis laudandum esse quàm Georgica Virgilii, cuius Majestatem hoc opere prope affectus est.

Ante *SCÆVOLA* nemo Gallorum ausus erat Epicum poema Latinum longioris contextus suscipere, saltem lectione dignum, aut quale istud, in quo omnes numeri artis Poeticæ, omnes gratiæ elegantiarum, omnes doctæ antiquitatis regulæ conspiciuntur: unde acceptissimum evasit apud omnes cultoris ingenii viros, & præ aliis apud Italos. Quod ad nostrates attinet, cum Baïus ad magnum Ronsardum mitteret, suâ responsione Gallicâ, quæ postea in Latinum versâ est, non simplici operis laudatione contentus, ejus pulchritudinem, dispositionem, ac varietatem admiratur. *Dii boni!* (inquit) 'quem mihi librum misisti à nostro *SAMMARTHANO* conscriptum? non liber est, sed ipsæ musæ; totum nostrum Heliconæ testem appello. Quin & si de eo judicium mihi concessum sit, velim equidem illi omnibus hujus seculi poetis antepone; vel si Bembus, Naugerius, divinusque Fracastorius ægre latui sint. Dum enim perpendo quàm apte suavitatem carminis puræ tersæque dictioni, fabulam historiæ, Philosophiæ am arti medicæ conjunxerit, libet exclamare;

— *Deus, deus ille, Menalca* —

'Seculumque istud felix dicere, quod nobis talem tantumque virum protulerit.

Judicium item Scaligeri admodum illustre est; quod è pluribus ejus literis ad authorem missis colligitur, quarum unâ Lugduno Bat. scripta mense Feb. *M. D. XCVIII* dicit; 'Nihil in carminibus tuis, video, quod omnem nostri temporis Poeticen non longè exsuperet: Etiam Pindarica planè divina sunt. Pædotrophia tua nobilioris quidem telæ quàm Venatîæ Bargei est, quamvis & ille poeta sit non inconcinnus: sed dulcedo illa quam tantopere prosequitur, masculo versuum tuorum robore destituta est. Visuri procul dubio sunt, & ego quoque vitam ab illis hauriam. De meis operibus unum ad te mitto, De emendatione temporum; *Χρόνου Χρησμός*: yerum amicitia nostra faciet, nè tibi sit ingratum. Boni quæso accipias, & mineris (si placet) amici fidelis experientiâ annorum quadraginta, aut certe tædium abest. In alia Epistola ita scribit; sua poemata omnibus nostri seculi palmam præripuisse. Sed religio esset hoc in loco tacere dignum elogiū alterius illius bonarum literarum luminis, Justi Lipsii. Sub finem.

postremò elapsi ad Dominicum Baudium scribens, his verbis utitur, brevis quidem pro more suo, sed magni ponderis; *SAMMARTHANI* poemata & Elogia vidi; illa doctè, hæc & prudenter scripta. Felicem etiam filiis patrem! gaudeat, & fruatur.

Pædotrophicæ liber Henrico *III.* nuncupatus, ab omnibus doctis, & præcipuè à peritissimis medicorum eo in pretio habitus est, eo desiderio questus, ut impressionem ejus tam in Gallia quàm aliàs decies iteratum viderit *SAMMARTHANUS*: Etiam eo vivente usitatus est & pueris expositus in quibusdam Collegiis & Scholis celebrioribus, eo planè ritu quo præfati auctores prælegi solent. Sed quò Gallia penitus propiusque doctissimum utilissimumque hoc opus intelligeret, Gallico versu feliciter reddidere Petrus Lætus Medicus Regius, Carolus Rogerius affessor in Jurisdictione Juliodunensi, & alii scriptores optimi: Quin & author ipse versionem ejus inchoavit, quam in publicum emisit,

Quamvis autem studio Latinæ Poeseos, quàm Gallicæ, magis incubuerit, cum tamen in utraque pari successu versatus sit (ut suprà notavimus;) ideo selectum Gallicorum carminum fasciculum, quæ antea Latinis immiscuerat, seorsim luci dare voluit: Quo in opere alterius etiam pulcherrimi incæpti particulam inseruit, quam *Metamorphoses Christianas*, postea autem *Sævas* appellavit; in octo libros dividendas, si ad finem perduxisset. Ad hoc opus esformandum, diligenter & Bibliis omnia loca collegerat, quo de mutatione sive transformatione rerum multarum ab ipso mundi exordio ad usque Salvatoris nostri adventum passim loquuntur. Conatus quidem poetâ Christiano verè dignus, & tanto magis laudandus quàm lusus illi in simili materia vel Ovidii Latini vel Theodori Græci, quanto veritas mendacio præstat, & Historia Fabulæ. Cum principia tantum divini hujus poematis præbasset, tum bella civilia subindè erumpentia, quæ Galliam universam & maximè Pictonum provinciam infestarunt, tum rei familiaris cura quæ *SAMMARTHANUM* sollicitum habuit, tum etiam ministeria Regis quibus sæpenumero distinebatur, conspiratione quâdam obstabant quò minus huic consilio non minus pio quàm generoso ultimam manum imponderet. Cujus generis & illud erat, quod publici quoque juris facere decreverat, nimirum Historia sanctorum bellorum in regionibus transmarinis à Gallis gestorum. Nam vir iste, cum nihil humile aut plebeium spiraret, pulchriora & aliis intentata argumenta semper elegit, ut scriptor quidam illius temporis animadvertit; quod à magno solidoque ipsius judicio provenisse minime dubitandum est.

Anno *M.D. LXXIX.* quo Gallica Opuscula edidit, Prætor urbicus & Capitaneus Pictavii summo omnium bonorum consensu & suffragio publico electus est. Munus illud (si alias non esset, ut erat certè & natalium splendore nobilis, & virtute propriâ nobilissimus) titulum gradumque nobilitatis ipsi conciliaisset, quam Rex Carolus *V.* Prætori & reliquis Consularis ordinis Magistratibus Pictavii concessit, postquam urbs illa jugum Anglorum fortiter excusserat. More eorum qui ad illam Præfecturam perveniunt, pro symbolo accepit, *Patria non satis una manu*; quo innuere voluit, id quod in scriptis ejus non semel occurrit, boni civis esse Regi & Reip. pace ac bello inservire, & Roma-

& Romanorum exemplo manum industriamque suam dedicare, sive ad scribendum pro publica utilitate & honore patriæ, sive ad defendendum, & cum opus esset ad ferendum suppetias.

Provincia Pictonium, & reliquæ in eo tractu sitæ, crebris motibus tunc temporis agitabantur ab hominibus Religionem professis quam Reformatam appellabant, quæ urbes etiam aliquas indies dolo aut subitâ vi interceptabant; maximè autem Pictavium ipsum lividis oculis intuebantur, Id quod *SAMMARTHANO* animos addidit, effectique ut immodicis laboribus ac vigiliis potissimum illud regionis caput in tranquillitate & Regis obedientiâ continere ruderet.

Dum Prætorum urbis administraret. Conventus Juridici senatus Parisiensis ibi habebantur, quibus præfuit Harlæus ille qui postea cum tanto famæ & probitatis decore in illa suprema Regni curia principem locum obtinuit. Hunc sui seculi alterum Catonem quotidiana familiaritate colebat *SAMMARTHANUS*; sicut etiam doctissimum Brissonium primò advocatum Regium, postea ejusdem senatus Præsidentem: hunc quoque Pictaviensis ager è suo sinu produisse gloriatur.

Ut primum hoc Magistratu exierat, primo quoungebatur Quæsturæ munere deposito, Rex alterum illi contulit quo totius Pictonium Jurisdictionis ærarium publicum procuraret; cui postea quoque Præsidis in eadem Jurisdictione dignitate adjecit. Quæ omnia officia per quadraginta quinque annos illibata quidem integritate gessit, regnantibus quatuor deinceps regibus, quibus summa fide inservivit. Neque dicere erubescimus, istos honores gloriam & ornamentum, quæ cuilibet alteri dare potuissent, ab ipso cumulatus accepisse; quem etiam amplissimis Regni muneribus parem ac dignum præstantissimus quidam illius ævi scriptor judicavit.

Paucis post annis insignis occasio nata est, quâ universo quæstorum Galliarum Collegio (cujus ille socius erat) rem gratissimam faceret, & novum gloriæ augmentum sibi acquireret. Cum enim Henricus *III.* maximam partem id genus Officiorum aboleret, qui exuti erant querelis & rationibus agere decreverant ut iterum restituerentur. Idcirco cum ex omnibus Regni provinciis magnus eorum numerus Parisios confluxisset, *SAMMARTHANUS* obsecravit ut unus omnium nomine verba faceret, quippe qui & excellenti judicio, & eloquentiâ consummatâ, & aliis conditionibus ad perorandum in publico necessariis abunde præditus esset. Cujus opinionis testimonium luculentissimum dedit, cum sermonem politum quidem & sublimem coram illo Monarcha singulari gratiâ pronuntiavit, & tot argumenta solida exposuit, ut Rex, qui talis ingenii viros magni faciebat, & ipse quoque facundissimus erat, maximâ voluptate eum audiret; quod ille statim confessus est, & Quæstores paulò post senserunt, cum fructum quem sperabant Officiorum redintegratione perciperent. Hæc actio, in qua solertiæ & acuminis vim demonstravit, gratiæ, quam postea apud Regem adeptus est, aditum fecit; qui eum tanto honore dignaret, ut benigno oculo aspiceret, donis liberaliter cumularet, & negotiis delegationibusque ad bonum publicum maximè spectantibus eum præberet; quibus semper eâ dignitate persunctus est, ut sæpenumero tam publicè quàm privatim laudes quas optime meruit uberrimè reportaverit: quippe

de Polier.

quippe qui scientiam comparaverat exquisitam & Reipublicæ, & Fiscæ, & particularis civitatum administrationis, cum intelligentia universæ Historiæ, præsertim Galliæ, cujus aliquos etiam Commentarios delineavit.

*de Beaune.
du Pair.*

Cum interim diuturniorem quàm speraverat moram Parisiis fecisset, idoneam nactus est opportunitatem & veteres amicitias cum multis illustribus viris reparandi, & novas adjiciendi; quales fuere, Chevernii Galliæ Cancellarii, Belmii Archiepiscopi Bituricensis (quos etiam cognatione attingebat) Varii, qui postea Senatus Aquis Præles primarius, & tandem Episcopus Lexoviensis ac Galliæ Sigillorum Custos evasit; Perronii & Bertaldi, quos insignia sua merita ad eminentissimas Ecclesiæ & Reip. dignitates evererunt. His annumerandi sunt Jacobus Faius Spessæus, primum patronus Regius in Senatu Parisiensi, & deinde Præles ibidem dignissimus; Claudius Puteanus, & Jacobus Gillotius, Consiliarii; Claudius Mangotius, (Julioduni pariter oriundus) celebris in Senatu patronus, cum duobus filiis suis, quorum alter erat Regius in eadem curia advocatus, (quem mors immatura huic Regno abripuit,) alter item Galliæ Sigillorum Custos. Qui omnes incredibili cum affectu complexi sunt, tum ob propinquitatem generis quâ illis accessit, tum ob incomparabilem scientiam quâ omnibus præstitit.

Sed propiori necessitudinis vinculo conjunctus est cum ingenti illo & Galliæ & bonarum literarum ornameto; Jacobo Augusto Thuano, tunc temporis supplicum libellorum apud Regem Magistro, & postea Præfide Senatus Parisiensis. Hic vir illustris cum præclarum poema Latinum, in quo de Aucupio agit (exercitio Principibus & nobilibus usitatissimo) publicæ voluptati consecraret, his versibus qui in primordio libri conspiciuntur, *SAMMARTHANUM* honorificè alloquitur;

*SAMMARTHANE, duplex cui cingit laurea frontem,
Gallica sive placet, sive Latina chelys;
Ista tui patere auspiciis exire sub auris,
Carmina vix pennis sat bene sulca suis.
Nam quid ego precibus Phæbum, votisque fatigem
Non audisturas vota precesque Deas?
Tu modo concilia musas, tu Scævola Phæbum,
Cui facilisque dens, cui facileque Dea.
Sic semper faciles tibi sint in carmina musæ,
Sic mihi difficilis non sit, ut antè, Deus.*

Neque illud alterum minoris gloriæ loco ducendum est, quòd idem Thuanus cum à stricta oratione ad solutam se contulisset, ut Historiam sui temporis conscriberet, suum ea de re consilium ipsi communicavit, & tres priores libros, ut ex illius arbitrio vel persequeretur opus, vel omnino missum faceret; sicut ferunt literæ quas ea de causa scripsit. Adeoque sententiam sortitus est, quam tanti incæpti utilitas & præstantia merito postulabat, & quam ille quoque alias in scriptis suis sæpius celebravit. Firmissima quæ illis mutuo intercessit

tercessit amicitia studiose utrinque culta est; cujus rei veritas in doctis utriusque lucubrationibus abundè constat.

SAMMARTHANUS etiam Ronfardo familiariter usus est, & cum dolore vidit hunc poetarum solem caligine obduci. Quanti autem ille (sicut alii complures) *SAMMARTHANUM* fecerit, indè liquet, quod in dedicatione poematis, cujus finis hic locum meretur, excellentissimi poetæ laurum ipsi attribuit:

*SCÆVOLE, amy des Muses que je sers,
 Je t'offre icy, en lien de ses beaux vers,
 Un froid discours, larron de ta louange.
 Tu n'es premier qui te trompes au change;
 Glande jadis sy decent comme toy.
 Et toutesfois pren ce present de moy,
 Pour tesmoigner d'une ancre perdarable,
 Que mon vers fut à ton vers redevable.*

Quos insignais poetæ versus ad Lyræ Latinæ, ut potui, modulatus sum;

*SAMMARTHANE, sacris amice Musis,
 Queis indignus ego minister aito,
 Hic pro carminibus tuis politis
 Sermone offero frigidum & senilem,
 Qui laudes tibi largiendo demit.
 Non mutatio te fessellit unum,
 Nec primum; quia damna Glaucus olim
 Expertus paria est. Tamen benigne
 Hoc donum accipias, ut ista charta
 Atramento inarata sempiterno
 Ronfardi tenuem exprimat Camanæ,
 Agnoscatque tue esse debetricem.*

Incomparabilis hujus viri funeribus ingeniosi scriptores haud pauci illacrymarunt; inter quos *SCÆVOLE* noster memoriam ejus consecravimus. Odè Pindaricâ, filio suo natu maximo Abeli *SAMMARTHANO* (qui patris vestigia propè insequitur) dicatâ, & Elegiâ cultissimâ, quam ipsi pro Elogio esse debere existimavit. Quinetiam Claudius Binetus, Prætor Juridicus (quem Profeneschallum vocant) Jurisdictionis Bellovacensis, in vita quam scripsit istius Patris Gallicæ Poetices, *SAMMARTHANUM* inter eos memorat quos propter doctrinam & egregia scripta præ aliis dilexit & æstimavit; in quo opere non tacendum putat, inò ad verbum transcribit illustre illud Ronfardi judicium de Pædotrophia, cujus antea meminimus. Ita

Ita

acus Casaubonus, illud alterum scientiarum miraculum, debitas meritis suis laudes in literis Latinis ad eum scriptis elargitur. Stephanus Paschasius in opere quod *Gallia Investigationes* inscribitur, ejus nomen in album poetarum inserit, qui maxime à temporibus Henrici II. famæ præconio floruerunt. Joannes Auratus, Joannes Antonius Baifius, Ludovicus Alealmus, Germanus Audebertus, Nicolaus Rapinus, Franciscus Juretus, Jacobus Guttarius, Nicolaus Rigaltius, Paulus Thomafius, & alii permulti viri eruditissimi *SAMMARTHANI* gloriæ adstipulantur. Breviter alii cum poetarum sui temporis Principem appellârunt; alii dixerunt, eum fuisse optimum & politissimum sui seculi scriptorem, & Elogium æquè meruisse ac illi quos ipse calamis æternitati consecravit.

Enimvero fama ejus non intra limites hujus Regni conclusa est, sed in exterarum regiones, etiâ ultra mare provolvit. Rex magnæ Britanniae Jacobus ejus nominis primus, qui in teneris annis, cum Rex Scotiae esset, ab eruditissimo Buchananò bonis literis institutus est, lectis nonnullis *SAMMARTHANI* operibus, miram inde voluptatem concepit, ut Jacobo Elphinstono narravit, qui ipsi à mandatis erat, & cum Pictavii Jurisprudentiae operam dedit *SCÆVOLAM* ibi cognoverat. Sed & ejus poemata aliæque scripta jussu prædicatione recepta sunt à clarissimis viris, Musarum delictis, quos Germania & Belgium protulerunt, Jano Douza, Dominico Baudio, Daniele Heinsio, Hugone Grotio, Daniele Tileno, Paulo Melisso, Jano Posthio, & Jano Grutero. Quorum postremus industriad imitatus Matthæi Hetrulci Itali, qui fasciculum poematum à melioribus patris suæ ingeniis factorum in uno volumine complexus est, ipse quoque selecta Gallorum carmina Latine composita in unum contulit; & in Germania sub ficto nomine Ranutii Gheri edidit: & aliorum plerumque poetarum pauca quidem & lectissima desumpsit, *SAMMARTHANI* autem integra opera in suam Collectionem inseruit, cum omnes eorum partes æquè perfectas & eodem filo contextas inveniret. Adeoque multi scripserunt, in Pædотrophia Virgilii Majestatem propè expressam fuisse, in Elegiis Ovidii ac Tibulli suavitatem, in sylvis Statii gravitatem, in Epigrammatis Martialis acumen, in Odis Horatii genium, immò ipsius Pindari, quem nemini imitabilem prædicarunt.

Memoria hujus antiqui poetæ Græci, & fama illius doctrinæ tantum existimationis ac venerationis etiâ sortita est, ut Alexander magnus, cum Thebas cepisset & solo æquasset, hujus posteros atque ædes servaverit, unicam reliquias florentissimæ civitatis inclementi militum furori exposuit. Sed nostris temporibus, dum bella civilia passim sæviebant, casu serè simili vidimus, unus *SCÆVOLÆ* gratiâ non solum domum ejus quam in urbe natali habuit fartam rectam mansisse, sed reliquias etiâ omnium civium ædes ab imminente ruina conservatas esse. Dux Joëta, Galliarum Thalassiarum & exercitus Regii Legatus, cum propè Juliodunum in Aquitaniam iter faceret, incolis illius loci ob injurias quibusdam à suo famulatio illatas gravissimè succensuit. Hæc insolentia ita Ducis animum pupugerat, ut iracundiæ excessuans, & Juliodunum cum exercitu ingressus, vindictam meditaretur, & ad eas extremitates se accingeret, in quas facillimè labuntur, qui vim & legem in manibus gerunt, & omnia possunt in ea loca ubi male haberi videntur, ad quod

etiâ

etiam à nonnullis copiarum ductoribus alias ob causas accendebatur. In hisse angustiiis cives miserè consternati nullos non explorant modos quibus ingruentem tempestatem averterent, & iratum placarent: ille autem adversus preces quorundam haud infimæ fortis hominum tanto acrius induruit. Cum omnia frustra tentassent, præcipui civium tandem memoriâ animadvertunt, tanti mali remedium, quod alias tam sollicitè quærebant, apud ipsos reperiri; nempe ad *SAMMARTHANUM* suum refugiendum esse, ut veniam tantoperè exoptatam à Joësa impetrarent, quem procul dubio meritis illius viri nihil non concessurum credebant. Aberat tunc temporis in Pictonica inferiori negotium honorificum sibi demandatum administrans: ut primùm autem hujus rei certior factus est, propere Juliodunum advolat, operem operamque suam dilectæ patriæ minimè negandam ratus. Statim adit Joësam, apud quem singulari gratiâ pollebat, obnixè orat, hortatur, obsecrat demùm ut peccantibus ignosceret. Inviçtus aliàs imperator tandem se vinci patitur, ceditque non minùs sanctis amicitie legibus, quàm suavi violentiâ & mollibus incantamentis efficacium tanti viri verborum; unde & iram simul, & culpam remisit. Tanti fecerunt hoc beneficium Juliodunenses, ut ea de causa *SAMMARTHANUM* insigni titulo *PATRIÆ PATRIÆ* cohonestarent; quod olim Romanus Orator à civibus suis reportaverat. Ità Laureæ coronæ, quam docta *SCÆVOLÆ* poësis capiti ejus jure circundederat, Civica etiam quernis contexta frondibus adjici potuit, quam hoc tam illustri facinore, & piâ in patriam charitate non minùs justè meruerat. Quo nomine cum Scævola altero fermè comparandus est, non è duobus illis quos tantùm celebrat historia Romana, sed Philosopho Græco & Historico, qui benevolentia Cæsaris Augusti fruebatur: quò enim popularibus suis commendatior esset, Imperator Tarsum urbem ejus natalem vestigalibus & subsidiiis planè liberavit; ubi bonus senex summas dignitates adeptus est, & ultimam diem feliciter obiit, cum annos octoginta duos impleisset, relictâ de se unâ cum operibus quæ in honorem patriæ emiserat, memoriâ adeo gratâ & jucundâ, ut populus Tarsensis ipsi tanquam Heroi solennia quotannis instauraret.

Sed ad reliqua præclara facta nostri *SCÆVOLÆ* Gallici redeamus: Dum bella civilia in visceribus hujus Regni adhuc hærebant, nonnulli fidem ejus magnoperè tentarunt, ut in partes conjurationis, quam *Ligam* appellabant, attraherent; etiam tunc cum Parisios profectus est paulo post funestum & illatibilem diem quo illius urbis plateæ dolis & omne genus obicibus adversus Regias cohortes intercludebantur. Frustrâ tamen; ita enim insculptum infixumque animo gerebat obsequium illud quo subditi erga Principem legitimum naturæ vinculis obstringuntur, (id quod actionibus inclytis per totum vitæ suæ curriculum patefecit) ut nulla unquam tentamenta aut promissâ eum labefactare, nec tantillum quidem ab officio dinovere valuerint. Ideoque Rex Henricus *III.* firmâ ipsius fidelitate fretus, eum ad postrema Regni Comitibus Blesis habita vocavit, ut ibi cum res postularet, boni civis operam & industriam Reip. præstaret. Et insignis quidem occasio data est, quam silentio præterire non possumus absque nefario in illius memoriam sacrilegio.

*Fournée des
Barricades.*

Unus

les Officiers.

Unus è præcipuis Conjuratis perspexerat, nullos è Deputatis urbium suis consiliis magis adversos, aut Regis servitio magis addidos esse, quam qui publica ministeria in provinciis obibant. Unde potestate sua & autoritate quam inter Comitiorum Ordines habuit innixus, effecit ut ad senatum referretur de tollenda maxima parte Officiorum, quasi oneri superfluo, nè verbo quidem facto de reparatione pretii pro iis muneribus antea impensu. Speciosa & Reip. utilis hæc propositio videbatur; prudentiores autem satis intellexerunt, reverà insidias esse positas, & laqueum dolo contextum, in quem Ministri Regii prolapsi interirent. Qui enim eorum abolitionem premebat, duabus maximè de causis id fecisse credebatur: vel ut eos omni autoritate exueret, atque ita vires quas suis incæptis opposituri essent enervaret; vel ut timore percelleret, eoque adigeret ut ad illius auxilium confugere necesse haberent; cujus demum patrocinio conservati, in posterum quasi jure ad illius partes transfirent. Ministri cum in commune consulere, quibus tandem modis hanc suppressionem cum universa ipsorum perniciæ conjunctam impedirent, fortiter obviam ire decreverunt, imò & senaculum tertii Ordinis (hujus mali incunabula) simul ingredi, & coram protestari pro irritò haberi debere quicquid in eorum præjudicium Deputati statuerent, quorum plerisque contra mandatum Regis & bonum publicum præfationibus & emptis suffragiis electos esse contendebant. Protestationem istam ab omnibus Ministris (qui trecenti omnis generis erant) obsignatam, Comitibus expositam reliquit *SAMMARTHANUS*, qui jussus est pro universis verba facere, sicut in simili casu antea quinque circiter annis (ut suo loco meminimus) fecerat.

Eodem die quidam Tertii Ordinis Deputati apud Regem de hoc actu quæsti sunt, & flagitarunt ut jure cum illis ageretur, quos Comitiorum libertati obstrepere aulos esse clamitabant. Cum autem viderent Ministros istiusmodi querelâ minimè concussos esse, verum è contrâ Regem orare, ut causas quibus Protestationem suam fundabant explicari permitteret, nihil ultra turbatum est; satis enim sciebant, si ad probationes ventum esset, de eorum autoritate actum fore, cum plerique conscii essent parum probitatis in agendis electionibus adhiberetur fuisse. Quod cum Regi nunciaretur, non solum bene interpretatus est, sed privatum quoque amicis significavit Protestationem illam sibi placuisse, utpote quæ Regiam dignitatem potissimè tueretur. Et illud erat potius, quam privatum lucellum *SAMMARTHANI* & Ministrorum, quod eum ad rem adeò generosam & arduam cum periculo vitæ aggrediendam incitavit; propter quam ab omnibus bonis laudatorem, qui animi fortitudinem non minus quam ubertatem ingenii aestimabant.

Sub exitum anni *M. D. LXXXVIII.* Pisævium à Rege missus est, ut de motibus jam tùm nascituris Majestatis suæ sensum ac voluntatem civibus aperiret, & quam fixam immotumque ejus animo sederet, Religionem Catholicam Apostolicam & Romanam semper inviolatam servare, & subditorum calamitatibus solatium asserre; nihilominus velle & jubere, ut partium studiis conjurationibusque missis neminem in posterum secundum Deum præter Regem suum agnoscerent, qui autoritatem suam impunè contemni haud amplius pateretur. Cùm *SAMMARTHANUS* hæc mandata singulatim executus

executus esset, Rex voluptatem quam indè conceperat literis ad eum scriptis demonstravit, significans, 'se gratias ipsi propter operam navatam agere: 'verum cum inter cives quidam male animati delitescerent, qui populum divellere, & à mutuo consensu (in quo civitatis incolunitas sita est) alienare studebant; & quòd fideles servos suos invigilare oporteret, quò perniciofa ejusmodi consilia frustrari, & incolas concordia officioque continere possent; ideo se jubere, ut eo curas & labores suos ipse intenderet. Sed cum tumultus interim cresceret, & adversa factio eousque prævaleret, ut urbis portas Regi contumaciter occluderet, *SAMMAKTHANUS* tandem coactus est infanz procellæ cedere, deserere gubernaculum, ædes & familiam relinquere, etiam ex urbe egredi, unà cum Malicornio-Pictonum Præfecto aliisque melioris notæ Ministris Regiis, qui fortunam causamque Principis sui constanter sequi decreverant, cujus obsequium cum amore patriæ conjunctum omnibus aliis privatis affectibus commodisque anteferebant. Honestum istud exilium quinque annis & amplius perduravit. Illorum temporum historici dum Pictavii defectionem enarrant, *SAMMARTHANI* fidem non omittunt; quorum unus in hunc modum scribit; 'Ex eo tempore nemo qui Regi studeret, saltem dignitate aliquà præditus, in urbe remansit; præ aliis autem gens *SAMMARTHANA* indè ejecta est; quasi in Regiis partibus præcipua: Huic multæ familiæ clariores se adjunxerunt, quæ sub ejus auspiciis in unum collectæ semper in posterum tam bello quàm pace maximè inter Pictavienfes Regio nomini adhærere notatæ sunt.

SAMMARTHANUS ad Aulam se recepit; ubi Rex de illius integritate præstantiaque eam opinionem conceperat, ut sibi à mandatis illum habere destinaret, sicut Magnati cuidam innuebat. Sed cum opera ejus alibi necessaria esset in re maximi momenti procuranda, Rex beneficentiam suam aliquantisper differendam censuit. Nam post rebellionem Parisiis ortam, induciæ Tyronibus pactæ sunt cum Henrico Magno gloriosissimæ memoriæ Principe, tunc solum Navarræ Rege, qui plurimas urbes & propugnacula ceperrat, magnosque progressus in agris Santonensi, Inculismensi, & Pictaviensi fecerat. Reges utrique viros illustres deputarunt, quorum esset Induciarum capita exequi, ærarium corrigere, perturbationibus quas insausiti motus invexerant remedium asserre; etiam Catholicos, tam Ecclesiæ quàm Regis Ministros, in bona & Officia unde exturbati erant restituere, unà cum exercitio Religionis Catholicæ (quæ belli injuriâ in desuetudinem abierat) redintegrando in urbibus nuper occupatis ab illis qui Reformatæ nomen suæ professioni adiscunt. His rebus componendis Rex *SAMMARTHANUM* delegavit, Navarræ autem Michaellem Huraltum, Hospitalium Fium Cancellarium suum, Hospitalio Galliæ Cancellario dignum nepotem. Iste quidem doctrinâ singulari, & absolutâ rerum ad Statum Regni spectantium intelligentiâ præditus erat; & cum iisdem animi dotibus Collega ejus (quem hic celebramus) exornatus esset, eo suavius in hac gravissima legatione operam suam contulerunt. Itaque res eo temperamento constitutæ sunt, ut nihil deesse videretur vel ad boni publici restaurationem, vel ad Regum satisfactionem. Præcipuè autem *SAMMARTHANUS* (juxta mandatum quod à proprio Regis ore acceperat) omni ope inixus est ut exercitium

veræ Religionis pristinum locum ac nitorem obtineret; id quod ejus industriâ in multis Pictorum, Sanctorumque & Inculismensium urbibus factum est. Reformati quos vocant, ad leges & jura provocârunt, cum hanc restitutionem viderent; imò postea querelas ea de re ad Henricum Magnum detulerunt, ut constat ex literis VII. die Novembris anni *M. D. LXXXIX.* ad Plessium Mornæum Salmurii Præfectum propriâ Regis manu exaratis, quas ipse Commentariis suis inseruit. Sed irritæ fuerunt hæ querelæ, nisi quod *SAMMARTHANI* gloriam eo sublimius evexerint; siquidem inde conjicere possumus quàm uberes fructus à piis ipsius laboribus Catholici perceperint; neque dubitandum est; quin ipse quoque multò præstantiores sibi in cælis acquisierit, qui tam insignis opus consecravit ad prolatandum Dei honorem & bonum Reipublicæ.

Interea Rege Henrico III. nefariè trucidato, bona ejus voluntas quâ *SAMMARTHANO* honorificum illud munus designaverat, incassum fuit. Adeoque animus ejus extremo dolore confossus est ob ingentem & luctuosam jacturam, quam non Gallia solum, sed ipse quoque privatim fecerat, ut paucis post mensibus Juliodunum se subduxerit, quo liberius hoc infandum parricidium & publicas calamitates ploraret: Id quod lugubri carmine præstitit in lucem edito, quod inscribitur *Lacryme in Memoriam magni Monarchæ*; cujus in Deum pietas, in homines benè meritis gratia & liberalitas æternâ commemoratione renascuntur. Videbatur quidem atrocitas hujus inauditi ac prodigiosi facinoris novum quandam furorem & insolitos aculeos in pectore nostri poetæ excitasse, ut execrandum scelus acriori detestatione persequeretur, quam hoc nobili & eleganti opusculo effulminavit.

Sed insignes victoriæ quas Henricus Magnus sceptri legitimus hæres brevi postea consecutus est, materiam jucundiorē doctæ illius Musæ suppeditarunt. Et sicut gesta Regia humanis agendi modos excedebant, ac miraculis propiora videbantur, ita ad ea celebranda *SAMMARTHANUS* insolitam planè suæque inventionis Poësim adhibuit; Odam scilicet pulcherrimam ad Iyas Pindari & Horatii summâ industriâ accommodatam, quâ memorabile illud trophæum decantavit, ab invictissimo Principe reportatum in pugna Eurienſi adversus ingentes Ligæ copias, & Hispanicas etiam ductore Comite Egmontio, qui eo prælio vitam finivit. Continuo prodit hoc poemata, non solum in diversis hujus Regni locis, sed in exteris quoque regionibus typis impressum. Quo scribendi genere, gravi admodum ac difficili, alias excellentes Odas Pindaricas postea concinnavit; sicut nostris quoque temporibus fecit Illustrissimus Cardinalis Barberinus, qui hodie universæ Ecclesiæ Princeps Urbani VIII. nomine Sancti Petri Cathedram feliciter occupat.

Eodem tempore Elogia virorum doctissimâ illustrium, qui in hoc Regno postremi seculi curriculo floruerunt, sermone soluto Latine descripsit: unde permagnum nominis & famæ augmentum adeptus est; qui verbis quidem concisis, sed materiæ multum complexis, lætissima quæque sive de vita, sive de rebus gestis istorum hominum magnorum (quorum plerisque vidit novitque) sive de scriptis eorum, luculenter & signate animadvertit: quod tantâ elegantia & styli puritate fecit, ut quam proximè accedat, & si ausim dicere, vix cedat quidem eloquentissimis præcorum temporum scriptoribus. Quin &

ingenii:

ingenii vim incredibilem monstravit, rem sæpe eandem tantâ verborum varietate illustrando. Nonnulli mirati sunt, quomodo ille qui à juvenilibus annis solius Poeseos studio (in qua unice præstare videbatur) tam feliciter inhæserat, potuerit nihilominus ita facili ac genuinè ad modum Oratoris & Historici calammum convertere; cum difficillimum sit, & paucis præter eum contigerit, parem utrinque palmam adipisci. Sed prola ætati illius, tunc temporis aliquantulo proveciori, magis conveniebat; quod ipse quoque Elegiâ Thuano inscriptâ non dissimulavit; Elegiâ, quæ foret pulchri illius Palatii, vel ut verius dicam, Templi Musis dicati, & in Galliæ honorem erecti, summo opere exornat.

Cum hæc Elegia inchoasset, partem eorum ad Scaligerum misit, qui carmina illius jamdudum pro merito laudaverat; neque diversam de hoc opere sententiam tulit, quam literis ad SAMMARTHANUM scriptis in hunc modum explicat; *Se Elegia ejus legisset cum infinita quadam voluptate, quod illustres illos viros bis vivere videret, semel quidem suis ipsorum, & rursus SÆVOLE scriptis. Sed hanc voluptatem (ait) non aliam sibi videri, quam qua febricitantibus inter bibendum esse solet: ut enim illi quam maxime velent, poculum in quo bibunt capacius & aquâ plenius esse; ita se optasse, librum fuisse longiorem, nec partim sati utum partim sitibundum reliquisse. Quinetium persuasissimum habere, communem earum amicorum doctissimum Thuanum opus illud calculis suis approbatum esse. Adjecit; Partem esse historia, quam doctus scire oportebat.* Deinde eum hortatus, ut in laudato viro, etiam sermone tam terso ac nitido. Adeoque unus quisque hæc Elegia in pretio habuit, ut ex quo in lucem prodierint, quoties libri doctorum hominum quorum nomina ibi celebrantur, in publicum emitterentur, visum est gloriam quam sibi pepererant, à talibus Elogiis incrementum accepisse; ideoque cura adhibita est, ut iisdem libris evulgatis hæc scripta honoraria in limine præfigerentur. Itaque tam varia & diversi generis opera, quæ ab ipsius manu exibant, non minus versatilem agilitatem, quam copiosam ingenii fecunditatem, pro gustu singulorum omnibus admirandam exhibuerunt.

Neque hæc literarum studia obstiterunt, quò minus Regi interim multis in rebus operam promptè tribueret. Cum enim Principem Contium exercituum suorum in Pictonibus, Lemovicum limitibus, Biturigibus, Andibusque, Legatum constituisset, SAMMARTHANUM huic Regulo *la Marche* adesse jussit, & consiliis suis assistere; quod eximia fide præstitit. Pari officio, sed magis assidue, functus est apud Principem Dumbarem (paulò post Ducem Mompensierum) tunc cum Regio exercitui in Britannia contra rebelles *Ligatos* præficeretur. Nam cum Rex necesse haberet, virum aliquem probitate & experientiâ insignem eligere, qui in illo exercitu Quæsturam ageret, oculos in SAMMARTHANUM conjecit, eumque gravissimo huic muneri imposuit, quod duobus annis fideliter executus est. Mompensierus, princeps omnigenâ virtute ac generositate plenus, cum singulari amore complexus est (sicut antea fecerant avus & pater ejus, Duces Franciscus & Ludovicus) secretioribus suis consiliis adhibuit; & cum publicæ rerum administratione

administratione maximè idoneum sciret, præter castrensis ærarii curam, negotia etiam quæ Provinciæ summam spectabant ipsi commisit.

Jam inde ab anno *M. D. XCIV.* Rex cum jussisset de conditionibus agere quibus urbs Pictavi ad obsequium, civisque præcipui ad bonam frugem reducerentur. In quo ita dextrè commodeque se gessit, ut Rex literis quas ea de re ad illum scripsit, omnia quæ agitaverat sibi cordi esse clarè agnoverit, hortatus insuper ut operi tam benè incepto porro insisteret, & pollicitus se meritis officiisque ejus gratiam habiturum. Deinde Carnutum venit ad Regem visendum, quo tempore sacrâ unctione inauguratus est; ut ibi mandata de negotio tanti momenti efficiendo expressiora acciperet. Ad Pictones reverso Rex iterum literas scripsit, quibus monuit ut pæcta cum Pictavienfibus inchoata denotò resumeret; quæ tantâ prudentiâ & felicitate tractavit, ut post multos sermones habitos, difficultates superatas, & pericula devitata, tandem victricibus illius rationibus permota civitas ad obedientiam se receperit, & Regiam authoritatem in posterum coluerit. Opus sanè Galliz utilissimum, duabus maximè de causis; tum quòd Dux Mercurii Namnetarum urbem & totam serè Britanniam armis adhuc tenebat, Pictonibusque vicinis instabat ut secum contrariis partibus (sicut antea fecerant) adhererent; tum quòd Dux Elbonii Præfectus urbis in castra Regia se pariter retulerit. Pictavienfies Ludovicum *SAMMARTHANUM*, Jurisdictionis illius Prætorem Juridicum, cum aliis civibus delegarunt, qui ad Aulam proficiscerentur; & juramentum fidelitatis Regi præstare; ad quem in Picardiam usque accesserunt, obsidione Laoduni tunc occupatum. Satis constabat ex pro-na benignitate quâ eos magnus Monarcha recepit, quàm gratam acceptamque haberet insignem operam *SAMMARTHANI* (sub cujus auspiciis iter susceperant) in hoc præclaro negotio graviter adhibitam: Cui etiam fortiter incubuerat frater ejus, ideoque munus Prætoris (sive Proseneschalli) liberalitate Regiâ sibi confirmatum habuit.

Paucis post annis quàm Pictavium alixque urbes ad sanam mentem redierant; Rex perturbato rerum ordini, & confusione quam bellum civile intulerat; prospicere cupiens, Convantum virorum dignitate præstantium ex omnibus Regni ordinibus Rotomagum convocavit. Huc *SAMMARTHANUM* literis ad eum scriptis honorificè accessit, qui in hoc celebri consessu ex proceribus Galliz selectisque hominibus constato, magno usui fuit, magnamque judicii vim & gravitatem monstravit, tum sententiam dicendo, tum salutaria consilia de quamplurimis rebus arduis interponendo.

Rotomago abiens Parisios venit, ubi singulari lætitiâ perfructus est; cum filium natu maximum Abelem *SAMMARTHANUM* videret in foro Parisiensi tantâ cum laude & existimatione versari. Et hæc quidem voluptas ingeminata est, cum viros literatos poemata Latina ab eo juvene tunc edita tanti æstimare sentiret; quorum pars maxima in laudibus & victoriis Henrici Magni celebrandis impensâ est; sicut postea gesta Regis Ludovici Justi meritisissimis encomiis tam soluto quam stricto sermone compositis illustravit, quæ benignissimus Princeps reidenti oculo intueri dignatus est, & authorem in consortium ac dignitatem Consilii sui sanctioris adseivit.

Jam *SAMMARTHANUS* adeo ætate propectus erat; ut post tot tantosque

tantisque labores exantlatos jure optimo quietem potius domi suæ quærere deberet, quàm in publicis administrationibus curam & operam porro collocare. Sed cum Pictavienses orarent, ut Prætoris urbici munus iterum acciperet, pro eo quo semper ardebat patriæ inserviendi studio, detestare non sinit. Henricus Magnus huic electioni libentissimè suffragatus est; & cum solenni more mense Majo. *M. DC. XXII.* urbem ingrederetur, id honoris *SAMMARTHANO* datum est ut universæ civitatis nomine Regem alloqueretur & reciperet. Itaque sicut Henricus *III.* virum adeò facundum summa cum voluptate audiverat, ita Magnus ille, qui non minus callebat quàm suus antecessor subditos eorumque merita dijudicare, palam fecit quàm gratum quamque acceptum haberet eximium illum sermonem à *SAMMARTHANO* habitum, in quo civium suorum vota flagrantia, sinceros affectus, & fidem inexpugnabilem luculenter exposuit.

Huic quoque alia felicitas accessit, ut tunc temporis Aulicos maximè conspicuos videret ac salutaret; inter alios magnum & venerabilem Galliæ Cancellarium Pomponium Belleuræum, qui ei benevolentiam suam effulsimè impertivit, sicut etiam dignissimus illius filius, Supremi Senatûs Præfex, ob prudentiam literasque cum insigni probitate conjunctas rarissimum nostri seculi ornamentum.

SCÆVOLA permultos viros eruditione suaque amicitia pariter cultos diem obire subindè viderat; quales erant, Claudius Puteanus, Florens Christianus, Petrus Pithæus, Philippus Portæus, Nicolaus Rapinus, Joannes Passeratius, Nicolaus Faber, Stephanus Paschasius, aliique qui tristem quidem sed nobilem materiam Elogia sua ulterius deducendi suppeditarunt; id quod extremâ etiam ætate faciebat. Quamquam enim plerisque mortalium in eo humanæ vitæ præcipitio vires læpissimè deficiunt, illius tamen ingenium minimè senescebat, sed cum ingenti omnium stopore vestigia sui vigoris haud obscuriora quàm in juvenilibus annis exprimebat. Fratris obitus acutissimo dolore animum ejus confodiebat: tamen in hoc infortunio solatii nonnihil ex eo capiebat, quod permultis officium Prætoris Pictaviensis studiosissimè ambientibus, hujus filium natu maximum Nicolaum *SAMMARTHANUM* Rex prætulerat. (qui tunc Consilarii partibus in Senatu Parisiensiungebatur) virum virtute, & affectu fideque erga Regem inconcussa laudatissimum. Pater illius adeò gratam sui memoriam reliquit, ut & urbs Pictavii & tota Provincia benè meriti civis mortem luctu incredibili complorârunt. Ludovicus iste, & Renatus *SAMMARTHANUS* Pictaviensis Ecclesiæ sub-decanus, qui Theologiæ scientiam literis humanioribus adjunctis, simul cum fratre *SCÆVOLA* avitum familiæ decus dignissimè sustinuerunt.

Interea cum *SAMMARTHANUS* noster dissidia quædam Pictavii exoritura prævideret, se Juliodunum (ubi reliquum ætatis transigeret) recipere cogitavit. Verùm priusquàm sedem ibi defixam poneret, quamquam octogenarius erat, viribus tamen ita vegetis utebatur, ut itineri sufficerent, quod ultimum Parisios anno *M. DC. XV.* ineunte fecit, quò videret tum & amicis qui ibidem supererant, tum ex liberis suis qui in illa civitate, postquam ad Regis obsequium redierat, domicilia collocârunt. Fama ac virtus
ejus

ejus quamplurimos dignitate & doctrinâ præstantes ad eum invisendum excitarunt; quos ipse vicissim salutatum ibat: inter alios ingens illud literarum & Ecclesiæ ornamentum, Cardinalem Perronium, cujus cognitione & familiaritate jampridem in Aula Regis Henrici III. usus fuerat. Amplissimus hic Præsul ambabus ulnis *SAMMARTHANUM* amplexus est; etiam judicium illius tanti fecit, ut non pauca de suis raris operibus tam versu quam prosâ conditis ipsi monstraverit, quò sententiam illius de iis edideret. Dixit præterea, nomen ejus passim in Italia famigeratum esse, & summos ingenii arbitros in illa regione florentes poemata ejus Latina omnibus aliorum Gallorum longè præponere; quin etiam elegantiam & concinnitatem Elogiorum suorum mirifice æstimare: se quoque vidisse divina sua utriusque generis opera in celeberrimis Vaticanæ Bibliothecæ scriniis inserta.

Dum Parisiis moratur, Dominos Varjùm & Vicum Sigillorum Gallicæ Censodes visitavit; & Thuanum sapissimè, qui in sui temporis Historia nobilissimum ipsi locum præbet, frequenti mentione quam de sua fide erga Reges & eruditione singulari facit.

Hoc etiam boni adeptus est, ut quamplurimi Elogia composuerint obstruerintque ipsi dum viveret, qui alios vitâ defunctos tantopere laudaverat. Nec satis erat quòt tot privatorum calamis exornaretur; oportuit etiam ut viva vox publicæ laudis huc accederet: quod memorabili quodam casu advenisse compertum est. Lis agebatur in Senatu Parisiensi inter hæredes Codutis Lavalii, qui in Hungaria diem obiit, & viduam Petri Læti medici, quam supra meminimus. Fœminæ probandum erat, maritum suum non è trivis hominacionem, sed existimatione ac literis notum fuisse: Quod ut palam faceret, inter alia, hujusmodi quoque argumento innixa est, *SAMMARTHANUM* eum dignum judicasse quem suis Elogiis honestaret, & librum illicò in medium attulit; quod tanti fuit, ut non solum viduam eximeret à longis probationum ambagibus per testes, quò res spectare videbatur, sed causæ victoriam ipsi statim obtineret. Unde permulti senatores, qui in hac controversia sententiam tulerant, ansam arripuerunt quò de meritis dotibusque auctoris amplissimè verba facerent; cujus unicum testimonium (contra Juris formulas) tanti ponderis apud Augustum illum senatum habebatur, ut loco plurimum valeret.

Jam dulcis aura soli natalis ità *SAMMARTHANI* animum afflaverat, ut Parisiis Juliodunum reverteretur, ibi reliquum vitæ cum summa tranquillitate peracturus. Cujus gratissimi secessus socios habuit tum è filiis quantum, Iræneum nomine, munus in Quæstura gerentem, tum ejusdem Irænzii filium, qui jam à puerilibus annis provectus in literis spem sui jamdudum ingentem dederat. Interè voluptatem, quam antea de filio natu maximo perceperat, renovatam auctamque sensit, cum audiret quanto cum applausu cæterorum quoque ejus liberorum opera passim acciperentur; etiam Scævola & Ludovici, fratrum geminorum, ità moribus, naturâ, ingenioque similium (sicut etiam lineamenti ac vultu) ut unicam in duobus corporibus animam existisse crederetur. Cum enim singulari & exactâ diligentia Historiam Augustissimæ Galliarum familiæ conjunctis studiis descripsissent (quod inter Scripta Genealogica perfectissimum, celebris quidam hujus temporis Historicus appellavit)

pellavit) primam nobilissimi operis editionem Ludovico Justo inscripserunt, qui librum benevolè accepit, & authores ad honorificum munus suorum Historiographorum evexit.

Sicut singuli *SCÆVOLÆ* filii operam strenuè dederunt, ut varias patris dotes ac virtutes imitarentur; ità eorum unus, Petrus *SAMMARTHANUS* dominus de la Jalletiere, quæsturà Galliæ apud Pictones functus, quasi sortem sibi peculiarem adscivit Genium defuncti in carmine Gallico laudatissimum: quo ille quoque inclitas Majestatis suæ victorias felicissimè illustravit. Quod etiam plerunque huic familiæ proprium & congenitum videremus, ut hæreditario quodam jure heroica Regum nostrorum gesta sibi celebranda assumant.

Illustrissimus historicorum *T. Livius* regionum longissimè diffatarum incolas Romam pertraxit, ut aliquid Romæ quamquam florentissimâ majus admirabiliusque ibi viderent: Ità Scævola noster tantam sibi famam undiquaque comparaverat, ut non solum à quamplurimis, diversæ fortis ac loci Gallis, Episcopis, Senatoribus, Magnatibus, virisque literatis inviseretur, sed etiam ab exteris variarum gentium, quorum aliqui non minori cultu & honore illum conspexerunt, quàm si coràm venerandissimis mortalium capitibus comparuissent. Quinetiam nonnulli Principes & illustres viri ex Italia, Germania, & Anglia, profecti, cum per Galliam iter facerent, laudabili hæc curiositate ducti *SAMMARTHANUM* adibant, cum Pictaviî habitaret. Sed super omnia sibi faustum ac felix existimavit, quod paucis diebus antequàm hanc vitam beatissimâ immortalitate commutavit, serenissimus Walliæ Princeps (brevis postea Magnæ Britanniæ Rex) cum e mentio habitu per hoc Regnum Hispaniam versus transiret, tanto honore cum dignatus est, ut etiam domi suæ Julioduni de industria visitaret, nec exiguam voluptatem ab aspectu tam illustris & spectabilis viri sentiret.

Jam grandævus erat, & aliquoties dicere solebat, se quamvis sub auspiciis septem Regum nostrorum vixisset, hoc tamen præ cæteris insigne ac gloriosum ducere, quod preces & vota (quæ multo antè in opère Pædotrophiciæ ad Deum effuderat) exaudita atque impleta essent, quodque Regiam domum auspiciatissimo Delphini partu adauctam videret; quam singularem felicitatem bono augurio quasi prædixerat in persona magnanimi Regis nostri consummatam, opportune à cælo dari ad deus & nomen Imperii Gallici sublimius quàm unquam aliàs extollendum.

Historicus quidam, qui vitam Regis Henrici *III.* separatim descripsit, etiam *SAMMARTHANO* (quem inter celebres illius Rēgni viros memorat) clarorum quorundam eventuum, quos admirabili perspicacitate judicii passim in suis operibus prælagit animadvertitque; prædictionem attribuit.

Cum igitur per quinquemlii orium Musis & libris vacasset, tandem necesse habuit domicilio hoc terreno exire, ut stabilius aliud in cælis ingrederetur. Itaque febre continuâ per quinque aut sex dies laborans, cum ultimum vitæ terminum sibi propius ingruere, & corporis vires paulatim deficere percipisset, animum & cogitationes omnes eo convertit ut divinæ gratiæ subsidium unice imploraret, & sacramentis Ecclesiæ piè susceptis per manus Urbani

ni Granderii, docti Theologi & suæ sancti Petri parochiæ Pastoris, extremos halitus in illius amplexibus efflavit *XXIX.* die Martii *M. DC. XXIII.* postquam octoginta septem annos cum mense & aliquot diebus vixisset.

Deum coluit magis interno & sincero affectu, quam pietatis ostentatione, probitate morum singulari imbutus, tam adversis rebus quam secundis sibi semper æqualis, ambitionis & avaritiæ expertus, amicis incomparabili studio interserviens, quorum negotia & commoda suis ipsius rebus sapissimè antehabuit. Reverè exultationem, famam, & amicos pluris fecit, quam divitias & bona peritura, satis seipso contentus quod toties judicatus esset dignus qui publicam pecuniam procuraret administraretque, puris illius mundisque manibus quasi in deposito relictam. Perquam affabilis erat, in conversatione suavis & benignus, pauperibus & afflictis promptissimè opem tulit, candore plenus, & ad sensa mentis explicanda (sive sermone, sive scripto) mirà facilitate præditus. Eà sobrietate vixit, ut haud quaquam excederet quod lex temperantiæ præscriperat; vacuus irâ & cæteris perturbati animi affectibus, ut siquid sequius accideret, nunquam tamen eum à statione tranquillitatis dimovere posset. Istiusmodi virtutes ac boni mores ad produendam vitæ longitudinem, quæ cum vidimus incanescente, multum adjuverunt. Hinc est quod optimâ corporis habitudine fuerit, nec unquam gravibus podagræ aut calculi morbis cruciatus, nec aliis quæ senectus asserre solet incommodis; nisi quod interdum modicâ surditate afficeretur, quod malum communi quodammodo fati maximis illius seculi poetis accidisse videbatur, Ronsardo, Bellæo, & Aurato. Ore fuit honesto & liberali, gestu gravi & modesto, oculo resplendente & benigno, naso decorè producto, colore vultus suaviter rubescente, staturâ mediocri & quadratâ, capite calvo, & capillo dum juvenis esset castaneam referente.

Præter Abelem, Scævola, Ludovicum, Irenæum, & Petrum Sammarthanos, filios ejus (quos antea meminimus) reliquit etiam Franciscum & Henricum, quorum alter militiæ, alter Ecclesiæ nomen dedit. Horum soror unica Jana *SAMMARTHANA* nupta est Nicolao Socheto armigero, domino *de la Charoniere & de Villebovin*, antehac Prætori, Capitaneo, & Instruitori militiæ in urbe Piætavensi.

Ut finem faciam, defunctus iste de quo sermonem instituimus, hoc etiam voluptatis incrementum habuit, ut ante summum diem in Petro *SAMMARTHANO* nepote suo quasi renasci se videret; & posterorū seriem integrari ab eo nescito speravit qui filiam, Marchionissæ *de Choisy* ex primis nuptiis natu maximam, uxorem acceperat.

Corpus ejus sepultum est apud magnam Ecclesiam sancti Petri Juliodunensis in sacello sancti Ludovici: Publicè laudatus est orationibus, non tantum in illa Ecclesia, sed etiam in Prætorio Juridico habitis, coram Regiis Ministris, Nobilibus, aliisque dignitate conspicuis viris. Ex eo tempore memoria quoque illius celebrata est honorifico amicorum concentu, quem in collectione Tumuli ejus conficiunt permultæ elegantes Inscriptiones, Poemata, Elogia, & funebria Carmina, ab hominibus auctoritate & doctrinâ inclytis tam Gallicis quam exteris profecta. Et sanè æquum fuit, imò justitia postulavit, ut ipsi redderetur quod aliis præstiterat; ut ille qui præclaræ Regum & Princi-

pum gesta quasi postliminio revocaverat ad vitam, & tot illustres viros ex ob-
scuritate cinerum eripuerat; ut ille (inquam) pariter optimis superstitum in-
geniorum officiis coheretur ornareturque. Verum ausim dicere, cum for-
tasse nunquam pro merito laudatum fore, nec ad modum & mensuram illarum
perfectiorum quæ solidam sibi gloriam pepererunt.

Unde nuper defunctus dominus Rizzius Senatus Rotomagensis princeps dig-
nissimus (cujus antea mentionem fecimus) cum ad mortui filium natu maxi-
mum scriberet, solatium de gravi jactura adhibiturus, ansam arripuit memo-
riam ejus hoc pulchro Elogio condecorandi; *Eum remansisse ultimum doctorem,*
quos bonum illud seculum proxime elapsum viderat; cujus moras aquæ suaves &
limpidos esse ac ejus poemata; quin & videri illum in terris relictum esse post alios
ejusdem subsellii viros insignes (quorum calculus etiam inter primos numeratus est)
ut nobis esset in exemplum. Alius item, nec ille meriti vulgaris, eodem pio
erga **SAMMARTHANI** liberos officio fungens, ita scribit; *Dam-*
nam ex morte hujus clarissimi Herois (ita etiam nuncupat) non illis penitiare ac
proprium esse: quamvis enim arbor illa nobilis & divina truncum & radices in eo-
rum familia fixisset, ramos tamen & fructus jucundos per omnia loca, quibus co-
luntur Musa literaque, protendit; adeoque dolo rem aquæ communem esse, aquæ
in universum spargi debere.

Sicut annus in quo **SCÆVOLA SAMMARTHANUS** in lu-
cem prodit, aliorum quoque magnorum hominum (quos supra meminimus)
tunc temporis nascentium felicitate insignitus est; ita obitus ejus funestior
factus est duobus aliis nominatissimis viris, qui tunc è vivis excefferunt, Ni-
colao Coeffetello Episcopo Massiliensi, & Petro Janinio, in Regiis Consiliis
assessore, Senatus Divionensis Præside, ac supremo Regni Quæstore: quo-
rum pietas & singularis eruditio, conjuncta cum animo ad Regis obsequium
propensissimo (quæ virtutes in nostro **SAMMARTHANO** pari splen-
dore conspiciebantur) pro gradibus erant, quibus ad Honore & Immortali-
tatis Templum conscenderunt: Cui ego etiam hanc imaginem viri verè lau-
dabilis dico confectore. Stylus alter felicior, & penicillum meo præstan-
tius, Tabulam hanc fortasse coloribus ad vivum depictis & lineis audentiori-
bus melius in posterum exornare poterit; hoc tamen quantumcunque est,
fatis monstrabit quid ingenia Gallica postremi hujus seculi in omne genus lite-
raturæ valeant, & speciatim hunc nostrum exterorum nemini cedere, cum se
adeo consummatum perfectumque reddideret (quod initio diximus, & jam
ad finem censuimus repetendum) ut honorificum locum occupaverit in fre-
quentibus Ordinum Galliarum Comitibus, in Consiliis Regiis, in Provinciis, in
publicis muneribus, etiam in sacro Musarum viridario, quas unice amavit, ut
ab illis vicissim amatus est. Atque ita videmus, tot raras & incomparabiles
animi dotes nomini & memoriæ suæ monumento apud posteros esse; quo nul-
lum dignius aut gloriosius præmium expectare possunt, qui generoso gressu
ad magna & sublimia nituntur.



VITA

JULII CÆSARIS SCALIGERI.

*Torellius
Saratius de
principibus
Scaligeris.*

*Benedictus Sca-
liger.*

*Berenica Lo-
dronia.*

*Venetici cum
Scaligeris si-
mulatis exer-
cent. Bruno-
nus Scaliger.*

*Venetici Ripam
castrum Scali-
gerorum oppu-
gunt.*

*Lodronia puer-
peram filio
figit.*

Prolegium

INTER illustres Italiæ familias multis retrò seculis floruit & gens *Scaligera*, multorum regum principumque genitrix: id quod testatur *Torellius Saratinus* Juriconsultus: qui tres libros de principibus *Scaligeris*, & eorum gestis, sermone patrio conscriptos, reliquit. In hac familiâ illustrissimâ, sed è fastigio suo, ut sunt humana, variis cladibus devolutâ, natus est *Julius Cæsar Scaliger*: qui ut primus in gentem illam literas intulit: ita dignus est, ut literis, de quibus præclarè meritis, memoria ejus conservetur. Pater ei fuit *Benedictus Scaliger*, vir & animo & corpore magnus: qui summæ rei militari sub rege *Matthiâ*, gentili suo, septendecim annos præfuit, & à Rhodo Turcici exercitus obsidionem avertit: mater *Berenica Lodronia*, comitis *Paridis Magni* filia. His igitur parentibus anno salutis millesimo quadringentesimo, octogesimo quarto, ante diem IX. Kal. Maji. feriâ sextâ, sex annis ante *Matthiæ* cognomento *Corvini*, Hungarorum regis, interitum: qui ultimus fuit *Scaligerorum Hunniadum*: natus est in castro *Ripâ*, ad caput *Benaci*: qui locus fuerat hætenus ditionis *Scaligerorum*.

Jam *Scaligeri* magno *Venetorum* odio flagrant: ex quo *Martinus Papa Brunorum Scaligerum*, de posteritate *Antonii*, ultimi *Veronensium* principis, in *Venetos* concitavit. Deinde *Nicolaus Pinus*, ejusque filius *Benedictus Scaligeri*, apud *Matthiam* regem *Hungariæ*, & *Cæsarem Fridericum* tertium sæpius egerant: ut avito imperio restituerentur. *Venetici* ergo putantes, quâdiu ullus ex gente *Scaligerâ* superesset, novi belli semina nunquam defutura, præsertim cum *Benedictus* apud *Cæsarem* & regem *Hungariæ* potentissimum plurimum gratiâ valeret: nihil prius habuerunt, quàm eos, quos securitati suæ imminere arbitrabantur, de medio tollere. Biduo itaque post, hoc est ante diem VII. Kal. Maji *Ripam* castrum invadunt: ut & novam puerperam *Berenicam Lodroniam*, & filios, *Titum* quidem bimulum, *Julium* autem adhuc de matre rubentem, tollerent. Ad consernationem rusticorum, qui, propter repentinum hostis adventum, cara sua ex propinquis villis in arcem convaserant, excita puerpera: salutem fugâ sibi, & filiis peperit: atque ad patrem *Paridem*, cognomento *Magnum*, comitem *Lodronii*, profugit: Hostes arce potiuntur. Hanc ultimam de naufragio *Scaligeræ* domus tabulam rapuerunt *Venetici*.

Infanti cum *Paulus à Meddeburgo*, qui postea *Maximiliani* Cæsaris beneficio

cio fuit Episcopus Foro Sempronienſium, omnium ſui temporis Mathematicorum ex nationis præſegatâ, facile princeps; iſ Paulus cum ei ſalutis lavacrum impertiretur, juſſit nomine *Julii Cæsaris* nominari. * *Caenam* imperârat pater; ut majorum ſuorum quaſi inauguratione quadam. Si potentiâ non poſſet, memoriâ renovaret. At *Middeburgu*, qui infantis natalem diem, atque cæli faciem conſideraſſet, hilariore, ut ſerebant, vultu: *Canes*, qua *Windorum* regem ac principem moras.

inquit, *tui ſua fortuna deſuncti ſunt. Hunc dictatorem alterius ſati, novi ſanè, caput oportet eſſe.* Quod ipſi Scaligero adulto poſtea, &, quid innueret, ignorant, ſæpe inculcavit hiſce nempe verbis: *ATE PRINCIPIVM.*

Puer in agris avitis eduçtus unâ cum *Tito* fratre, prima literarum & Grammaticæ elementa didicit, præceptore *Joanne Fucunda* Veronenſi, cliente familiæ Scaligeræ, homine doctiſſimo & probiſſimo: qui poſtea ad monachos Franciſcanos tranſiit. Annorum duodecim minor *Maximiliano* Cæſari à patre Benedicto oblatus, in numero illuſtrium puerorum aulicorum, quos in Gallia pueros honoratos vocant, habitus, & unâ cum illis in liberilibus & animi ſtudiis, & corporis experimentis eruditus eſt, cum illis Latine loqui, arma tractare, equitare, & ludicra pugnâ ſimulacra ciere. Pyrrhicam * commemorat ipſe & ſæpe & diu, coram Divo *Maximiliano*, juſſu *Boniſacii* patruſi, non ſine ſtupore totius Germaniæ ſe repræſentaſſe. Quo tempore aliquando vox illi Imperatoris: *Hic puer aut thoracem pro pelle, aut pro cunis habuit.* Sicut autem ipſe Imperator *Maximilianus* omnes ſui ævi, & ſuperioris memoriæ principes, heroicis virtutibus anteivit: ita & aula ejus omnis honeſti cultus ſchola fuit: unde qui ex eâ prodierunt viri planè heroici, non pædagogos aut campidoctores aulicos; ſed ipſummet *Maximilianum*, morum & diſciplinæ militaris informatorem habuiſſe videbantur.

Sub tanto igitur principe per totos ſeptemdecim, aut amplius, annos; quibus in domeſticis Cæſaris fuit, tantum in militaribus ſtudiis proſecit: ut omnibus aulicis & externis admirationi eſſet. Cauſa huic rei duplex erat: Primum, quod patruus ejus *Boniſacius*, vir vigilantiffimus & accerrimus, acta totius diei ab eo quotidie ſaſtidioſe exigebat: ut ei otioſo aut negligenti eſſe non liceret. Deinde Cæſar ipſe, ubicunque illi à curis gravioribus vacaret, quaſi ſpectator diſciplinæ aulicorum puerorum, eos inter ſe certantes, & ludicra prælia committentes, libentiſſimè ſpectabat. Hæc curioſitas principis æmulationem inter eos accendebat; nec fruſtra. Nam quotidie meliores ſeipſis evadebant. Ita igitur eduçtus, & inſtitutus Cæſarem in omnibus expeditionibus, aut *Benedictum* patrem, qui in Italia partem rei bellicæ ſub Cæſare adminiſtrabat, ſecutus eſt.

Orto deinde graviſſimo inter Cæſarem & Venetos bello nunquam à latere patruſi *Boniſacii* aut patris diſceſſit: in cujus etiam contubernio *Verona* fuit, cum *Benedictum* Veronæ regendæ impoſitum per ſpeciem in avitum imperium reponendi non multo poſt inde Cæſar evocaſſet, pace cum Venetis initâ, & armis in Gallum converſis. Cum *Benedictus* evocari ſe; ſed ejici cenſeret, omnemque ſibi ſpem recuperandi aviti ſceptri hoc ſaſto præcidi: graviſſimè hanc repentinam mutationem tulit, & Regem *Ludovicum* clam ſolicitare cepit, ſpondens ſuam utilem in eo bello operam, ſi eo loco, quo apud Cæſarem tunc eſſet, ſeſe habere vellet. Longo enim uſu rerum in Italia,

Pauli Middleburgi de Julio Scaligero. Ful. Cæs. Scalig. exercit. 266.

* *Quod librum, qua Windorum regem ac principem moras.*

Jo an. Fucunda præceptor Scaligeri. Recipitur in aulam Augustam Scaliger.

* *Lib. 1. Poen 18. Saltat pyrrhicam Scaliger: quod ridet Goropius in Beccossellus Aula Max. I. Cæsari.*

Boniſacius Scaliger.

Deum inter Venetos & Maximilianum Cæsarem.

Germania, & Hungaria gestarum sibi nota esse ea, ad quæ discenda Gallis longiore experientiâ in illis regionibus opus esset. Pollicitationem hominis à vanitate remotissimi Rex, aliqui prudentissimus Princeps, inhumano diâo profecutus est: *se rationem non habere nobilitatis qua pro censu tumultus avarum ostentaret.* Benedictus se ab externo Principe non admitti æquo animo tulit, qui paulo antè ab eo, de quo benè meritus erat, rejectus fuerat.

*Prælium ad
Ravennam, an-
no 1512. d. 11.
April. ipso Pas-
cha. in quo pa-
ter & frater
Scaligeri occu-
buerunt.
Filius Scaligeri
vixit.
Gasto Fuchs.*

Secutum est paulò post funestissimum prælium ad Ravennam: in quo prima coitione cum dubia fortuna & multo utrinque sanguine diu pugnatum esset, *Benedictum, & Titum* filius Cesaræ turnæ vexilliferis, interfecti sunt: quorum cadavera hosti crepta *Julium Cesar* in tuto reponenda, Aquilam etiam receptam, quam Titus gestaverat, Cesarî reddendam curavit. Cum Cesaræ jam victoriam exploratam haberent, id quod ex acclamationibus militum, ut sit, sibi persuadebant: Ecce acerrimus juvenis illustri *Gasto Fuchs*, dux universi exercitus Gallici, collectis viribus, secundo in Cesareos signa movet. Unde majore longè, quàm antea, clade prælio instaurato, *Julius Cesar* equo ab equite cataphrasto Gallo deturbatus, & humi afflictus sexcentis equinis ungulis proculcatus est: ut inde pro mortuo à suis post pugnam elatus sit. Paucis tamen interjectis diebus cum ad se rediisset, licet pessimè acceptus, ad Cesaræ propè depositus, ut deferretur, præcepit. Ibi Cesar laudatum ob patris & fratris corpora servata, & Aquilam receptam, præmiis virtutis efficit: equitem etiam & propinquum dixit, datus, ut solet, manu propriâ calcaribus aureis, & torque equestri cum appendice Aquilæ imperialis aureæ, quàm Aquilam tamen majores ejus gestaverant; tamen eam huic virtutis præmio Cesar accedere voluit, tanquam ab illo tunc primum hoc præmium inciperet, non tanquam à majoribus delatum ad Scaligeros pervenisset. Itaque *Scaligeri* Aquilam imperii à tribus Cesaribus acceperunt: *Althoinus* quidem ab *Henrico* septimo, *Cassius Magnus* & *Massimianus III.* à *Ludovico* Bavaro: *Julius Cesar* pater *Josephi* à *Maximiliano I.* ejus etiam propinquus dupliciter erat, natura & adoptione. *Bartholomæum* Austriacæ *Benedicti* mater, *Julii* Cesaris avia, propinqua Cesaris *Maximiliani* erat. Deinde qui ob virtutem bellicam equites à Principe renunciatur, ii eadem operâ in assinitatem principis recipiuntur, & propinqui ejus declarantur, quasi in familiam ejus adoptati. Plurimum, fateor, *Julius* debebat Cesarî, quod in ejus aula, literis, moribus, & disciplinâ militari informatus esset. Sed quicquid Cesar *Julio* ob navatam strenuè in expeditionibus ejus operam, & vulnerum eo accepta debebat, hæc omnia uno torque, & calcaribus aureis compensavit: licet ipse supra quàm credibile est, benignus & liberalis esset. Sed ejus voluntari res & facultas defuit.

Scaliger Ferrarig patri ac fratris corpora deportat. Mater Scaligeri morore exflavit.

Commeatu à Cesare impetrato, *Julius Cesar Ferrariam*, ubi antea à *Benedicti* uxor *Berenica* relicta erat, patris & fratris corpora detulit. Sed mater *Berenica* paulò post ex morore diem ultimum clausit. Ita tria funera domesticæ uno tempore curavit. Nec verò ullum moveat, quod in *Nymphis indigenis* *Benedicti* pater ab eo inducatur uxorem *Berenicam* sub *Nymphæ* Naxæ nomine defens. Proleptis enim poetica est: cum octavo post cladem Ravennatè die *Berenica*, nuncio de *Benedicti* conjugis, & filii *Titi* eadè accepto paulò post morore extincta sit.

Amisiss

Amisissipatre, matre, atque fratre, nihil aliud supererat, quàm sorditatum in perpetuâ egestate & luctu vivere. Veneti enim *Ripam* & reliquum Benedicti patrimonium jam tertium invalerant. Ea tempestate non Scaligeri cognomine: sed *Comitis à Burden* vulgo notus erat. Atque ita à *Lysio Gyrardo* Ferrariensi familiari suo quamvis depravatè nuncupatur, in libello de Poetis recentioribus. Quod cognomen, quandiu in Italia fuit: illi semper hæsit: ita ut raro *Scaliger* vocaretur, sed *Julius à Burden*, aut *Comitis à Burden*. Cum autem paupertas omni conditioni sit onus grave, tum nobilitati præcipuè senium est, quotidies per angustias rei familiaris hominibus summo loco natis emergere non licet. Sed hoc incommodum ab illo amolita est liberalitas *Alfonsi* Ducis primi, qui ei annuâ opimâ constituit, inque primis amicis & propinquis habuit, memor priscorum Scaligeræ domus in *Estenses Marchionis* meritum, & contractæ bis *Scaligeris* cum *Estensibus* affinitatis. Neque verò Julius tantam optimi Principis liberalitatem tacitam præterivit: sed longo poemate, cui *Eridano* nomen fecerat, celebravit.

Sed cum Julium tæderet inertis vitæ inter aulicos Ferrarienses transigendæ, constituit primum, ut multorum mos est, præsertim nobilium Italorum in desperatione rerum suarum, habitum *Franciscanum* sumere, & sæculo, ut loquuntur, renunciare. Quare cum *Bonomiam* venisset, cepit *Scoto* operam dare. Atque is primus fuit illi philosophiæ gustus. Tamen non multo post tepuit ille monachismi æstus, propter nescio quid æstus: quod tantû apud eum fuit, ut nunquam postea ad ultimum ulque vitæ diem cum *Franciscano* ullo sermonem ultrò ferere voluerit. Ad animi & linguæ dotes, accesserat decor regius corporis, & agilitas tanta, ut armis, saltu, equestri scientiâ omnes æquales anteciret: quibus rebus facile omnium animos sibi devinxerat. Cùm autem in Bononiensi Academiâ, quæ tunc & florentissima, & frequentissima erat, multi nobiles essent, qui literis operam darent, vix ullus fuit, qui non secum malè agi putaret, qui in ejus amicitia aliquem locum non obtineret: inter quos duo fratres ex antiquissima *Placiascorum* in *Liguribus Turinensibus*, unus item ex illustri *Roverorum* familiâ, ad amicitiam ejus lese applicabant; ut nunquam ab ejus latere discèderent. Quamvis jam in Philosophiâ progressus aliquot fecisset: tamen humanitas studiorum ferociam militarem nondum retundere potuerat, cum animus irrequies adhuc Martem spiraret. Itaque quemadmodum in illa frequentissima Academiâ nunquam evitari poterat, quin nationes, ut solet, in diversas factiones & studia discèderent, atque inter sese confisterentur: ita ipse nunquam effugere poterat, quin illi aliquid speciem pugnæ edendi necessitas imponeretur. Non enim tum in ordinem cogeantur Scholastici Bononienses, neque exarmabantur, ut hodie fit. Atque ideo plurimis in ore omnium erat *Tonsus de Burden*. Ita enim eum quod strictim tonderet, vocabat vulgus Italorum. Interea duo fratres *Placiasci*, & post eos *Roverum*, à parentibus domum revocati, triste congressus sui desiderium Julio reliquerunt. Quod dissidium ita impatienter tulit: ut & per multos dies publico abstineret, & consueta corporis experimenta intermitteret: quod illi tamen in bonum vertit: cum interea totus libris hæreret, & nunquam ab illis sine fructu discederet. Et jam non minor eruditionis ejus, quam virtutis militaris opinio erat. Quippe publicè quotidie disputans, eodem

Comes à Burden dicitur Scaliger.

Paupertas omni ducem & grave.

Alfonsi ducis liberalitas in Ful. Scaligerum.

Cucullum induere cogit Scaliger. Scoto das operam. Monachismum exiit.

Placiasci Roveri.

Tonsus de Burden.

Scaliger & manu & ingenio promptus.

eosdem oculos in se convertebat, quos antea in admirationem fortitudinis suæ rapuerat.

Discedit Bononiæ.

Sed duæ curæ illum maximè exercebant, & à literarum studiis cogitationem ejus avertabant; *desiderium Plociascorum*, & armorum quotidie recrudescens amor. Quæ duo cum impatienter ferret; relictâ Bononiâ, mediocriter viaticatus, quantum scilicet patiebantur facultates hominis, qui & sua omnia amiserat, & in alienis modicam spem reposuerat, ad *Castrum Nannum Ligurum Taurinorum*, cujus Plociasci domini erant, sese contulit. Quamvis autem domus in luctu esset, ob recens funus patris Plociascorum; tanti tamen gaudii significatione à dominis exceptus est; ut non domum in luctu deprehendisse, sed lætitiâ domum intulisse videretur. Non diu in *Nanno Plociascorum* castro fuerat, cum in *Vicum novum* patrimonii Roverorum proficiscitur, ab ipsis loci dominis, quibus antea Bononiæ familiariter usus erat, literis accitus.

Vicum novum Roverorum.

Hactenus ejus vita instabilis, & desultoria fuit, multis jactata periculis, nullo coalescens otio. Hæc autem domus, ut corporis fugam sinitere; ita animum vagum atque æstuantem continere valuit: quanquam armorum semper rebellans affectus non sinebant hominem quiescere, præsertim in iis locis, in quibus propter Gallica bella, nulla dies sine aliquo armorum tentamento transibat, sive hostis excipiendus, sive expeditio in hostem instituenda esset. Nam ex quo ejus virtus tam ducibus Gallicis, quam nobilitati *Ligurum Taurinorum* nota esse cepit: ab illis quotidie studiis militariibus provocabatur. Ex eo ipsi etiam *Proregi* notus, & carus, *turram equitum centum* levis armaturæ adeptus, excursions quotidianas summâ cum laude faciebat. Applicantes sese illi multi ex nobilitate regionis, ut *Plociasci*, & *Scalengi*, qui se proavis Scaligeris oriundos prædicabant: alique multi præterea, qui ob locorum & regionis peritiam sæpè illi exploratorum loco erant: eorumque indicio hostium copias & pabulatores repentinis incursionibus oppressos in vadobat.

Ducis turram Scal.

Incursio.

Fortè per eosdem certior fit manipulum hostium cum aliâ equitum, superato iugo, per declivia collis laxo agmine descendere, mandris mulorum pone sequentibus, & *Vercellæ*, quantum ex longinquo colligere licebat, tendentibus. Ex, ut exitus declaravit, pecuniâ Ducis *Sabaudia*, magnam vim & suppellectilem preciosam gestabant. Simul admonetur ab exploratoribus, spem egregiæ victoriæ, & ingentis prædæ obijci, cujus potiundæ vim in solâ diligentia repositam esse. Itaque cum eâ copiâ, quam habebat, magno progressu ad latera collis improvisus pervenit: neque se hosti prius ostendit, quam in planis totum agmen cum impedimentis constitisset. Commisso acriter cum equitibus prælio, diu magnâ contentione ad multum diei pugnarum, donec duce alæ & aliquot aliis interfectis, reliquis sine cæde vivis potitur. Pedites cæde equitatus sui perterriti, traditis armis, deditionem faciunt. Itaque ingenti prædâ potitus, impedimenta omnia, & magnum captivorum numerum abduxit, in quibus erat *Anna Ducis Sabaudiæ* concubina, mulier egregiâ formâ, & *Thomas* ille *Franciscanus*, decantatissimus *Agyria*, quatuor millibus coronatorum instructus, quæ ipse histrionicis concionibus suis, & aliis vernilibus technis in Galliâ per aliquot annos quæsierat. Annam in arce vici novi pudicè à matronis nobilibus habitam Dux paulò post precio redemit.

Fuga cum Sabaudia ducis milite.

Thomæ

Thomas non aliâ redemptione opus fuit, quàm illis, quæ secum gestabat, quatuor millibus aureorum, quibus Galerum Cardinalitum redimere constituerat. Sed cum amissos nummos nulla spes recuperandi, aut reparandi, esset; ænore vitam paulò post finivit. Etiam Josepho puero tritissimum inter homines militares tam in Gallia, quàm in Liguribus Taurinis fuit: Ducem *Sabaudia*, post amissum imperium suum, nihil acerbius tulisse, quàm lectissimorum equitum suorum cædem, ac pecuniæ atque preciosissimæ suppellectilis jacturam. Idque contigisse notabant, cum Thomas Franciscanus, & Anna concubina capti fuerunt, ducis prorsus ignari.

Victor reversus, nemo de suis desiderator, honorificè à *Prorege* laudatus, & postea regi *Francisco*, qui superatis Alpibus, in *Vicum novum* Roverorum diverterat, eo nomine plurimum commendatus: ut justa stipendia turmæ suæ ex regiâ gazâ procederent, impetravit. Extra ordinem enim eam à *Prorege* obtinuerat, & ex nobilibus voluntariis, amicis suis, serè supplerat. Quamvis autem æstus quidam militiæ armorum amore potius, quàm odio quietis transversum ageret: tamen literarum, quibus prima ejus pueritia sub *Maximiliano* Cæsare exulta fuerat, oblivisci non poterat. Itaque ubicunque à militiæ laboribus respiratio daretur; quas *Bonomia* reliquissè videbatur, ad eas furtim dulcedine quadam rapiebatur: quem ardorem accendebat usus & familiaritas medici *Taurinensis* cujusdam, & *Pharmacopolæ*, rei herbariæ peritissimorum: qui ubi eum semel & iterum in montana ad herbariam investigationem deduxissent; accidit, ut eum nihil minus, quàm tale cogitaret, alter disputationibus suis, alter peritia *Sani iarentis* ad medicinæ studium incitarent. Jam *Bonomia* eos in *Aristotele* progressus fecerat; ut & magistris ipsis disputando admirationi esset. Itaque conquisitis *Taurino Hippocratis*, & *Galen* libris, quos quidem tum nancisci per bellum licuit, adhibito in consilium *Aristotele* suo; brevi effecit; ut non solum familiarem suum medicum *Taurinensem*, quem unicum ad medicinam incentivum habuerat; sed & summos medicos sequeretur. Oneris militaris sollicitudo, & literarum amor eo illud perduxerant: ut cum utrique functioni pro dignitate satisfacere vellent, noctes diebus, & munia militaria studiis continuando, rationem valetudinis non haberet. Quare annos natus *triginta quinque*, ex nocturnis laboribus militiæ, & lucubrationibus literariis, item cæli Inalpini inclementia, arthritidem contraxit: cujus prima tentamenta adeo acerbata fuerunt, ut multos menses decubuerit.

Valetudo restituta pristinis eum militiæ & literarum studiis reddidit, adeo præteriti morbi oblitum, ut non solum ab iis, quæ valetudinem vitiantur, non temperaret, sed & nova ultrò morborum irritamenta arcesceret. Nam cum hæcenus Græcas literas ignorasset: eas anno post primum morbum aversissimè prosecutus, incredibili celeritate didicit. Sed pertinacissimum vigiliarum acerbissimas pœnas luit, multo acriore, quàm antea, arthritide reperiis. Itaque intermissa contentione militiæ, & abdicatione turmæ ducatu, statuit literarum studiis reliquum vitæ tempus transmittere, tædio prioris inutiliter actæ; cum jam annum *quadragesimum* excessisset. Quare verè dici potest, unicam domum illustriam Roverorum ei & belli areem, & Athenarum fuisse.

Ab armis ad literas redit.

Ad medicinam animum applicat.

Arthritidem à nimio studio contrahit.

Græcam linguam discit.

Militia valetudinem.

Erat in gente Roverorum Episcopus *Aginnensis*, Præful ditissimus, singulari bonitate & pietate, promotus ad eas opes à *Sixto*, & *Julio* Pontificibus Roverorum propinquis. Cum illi ex officio necessitas incumberet diocesim suam invivendi, valde pigebat hominem præfata simplicitate, & peregrinandi insolentem *Alpes* transgredi, quasi in colonias novi orbis transferberetur. Ad eum metum accedebat ætas ingravescens, & valetudo cuilibet mutationi opportuna. Quia verò aut omnino migrandum erat, aut Episcopatus abdicandus: satis se ad ancipites casus valetudinis munitum credens, si *Julium Cæsarem* sibi comitem viæ adhiberet, eum per amicos tentatum, mox ipse privatim precibus & blanditiis aggreditur, quod crederet ad hoc iter suscipiendum haud facile inductum iri. Neque opinio eum fefellit. Præcisè enim negavit Italianam Transalpinis regionibus mutaturum. Cum diu pertinacia propositi frustra oppugnata esset, tandem manus dat eâ conditione: ut non amplius, quam octo dies *Aginni* detineretur. Quid enim sibi cum eâ gente, cum qua ne unum quidem diem vivere possit? Sed hæc erant verba hominis & amonitatem Aquitanie, & rerum eventa ignorantis. Nam qui octavo die reverti pactus erat, eodem ipso tempore causam consilii mutandî nactus est.

Aginnum cum Episcopo abis.

*Amore puella i-
bi detinetur.*

*Quam ducit
uxorem.*

Ejus clogium.

Educabatur tunc *Aginni* apud Aviam, nobilem matronam, puella lectissima *Andietta de Roca Lobejaca*, annos nata XIII. Eam primum vitam, ita deperire cepit: ut pactam prius cum Episcopo de reddito in Italianam conditionem, amori ejus posthaberet. Cum itaque nuptias ejus petentem propinqui puellæ, causando ejus quidem jam ingravescentem, puellæ autem acerbum iracundiam, sæpe summovissent: non tamen idcirco quicquam de contumaciâ aut amandi aut petendi remittebat: qua tandem effecit; ut triennio post, homo annorum quadraginta quinque puellam sexdecim annorum, uxorem duceret: cum qua annos undetriginta vixit, ab an. clb. lxxix. ad annum clb. lxxviii. relictis de quindécim, septem liberis superstitibus.

Quicquid is sibi, & publicæ utilitati vixit; id omnem uxori acceptum referri debet. Illa defultoriæ vitæ fluctus & errores composuit: animum vagum & ad incerta transvolantem pudicis suis moribus retinuit: cum ipsa totius rei familiaris onera sustineret, & virum omnis molestiæ securum præstans, sic vacuum ad studia literarum remitteret. Illa tumidum & iracundum sæpe morigeratione sua placavit, & solennibus podagrarum invasionibus repeti solitum charitate conjugis, sedulitate ancillæ curavit; certa, spiritum suum in spiritu viri verti, ideoque sibi consulere, cum illi consultum vellet. Formam ejus supra quotidianam uno ore quondam Nitiobriges, ut & dotes animi ac corporis laudaverunt. Origo ejus ex antiquissima & nobilissima gente dominorum de *Roca Lobejaca* in Cadurcis. Avus *Benardus*, homo contumax, & præfracti ingenii sub *Ludovico XII.* causam capitis dicens apud Senatum *Theobalanum* interfecti à se domini de *Lussemburgo* patruelis sui, necessitate supplicii à se depulsi, transactione cum orbis factâ, & omni jure *Roca Lobejace* à se in illos translato. Ita Arcem suam longâ majorum serie ad se transmissam liberis interfecti transcripsit, & avito patrimonio exutus *Aginnus* Nitiobrigum sese cum liberis suis recepit, uxore annis ante aliquot ante. Hujus filius *Alamus Andietta* filioliâ bimulâ relicta, ad modum juvenis decessit. Vetustatem ejus gentis præter alia, quæ in Cadurcis supersunt, argumenta, referret sepulchrum

sepulchrum Episcopi Aginensis ante hos quadringentos annos amplius vitâ functi; quod visitur hodie in Basilicâ *Stephani* cum vetustissimis Dominorum de *Roca Lobejaca* insignibus, in pariete cellæ, quæ Marianæ juncta.

Staturâ fuit procera, & ad decorum erectâ, regio, & augusto ore, colore fusco, artubus torosis, corpore exercitatissimo. Nam ut in aulâ Maximiliani Caesaris, sic in Aquitaniâ, omnes in omni genere palæstræ, equitando & armis dimicando superavit. Ac quamvis jam podagra articulos fregisset: tamen adhuc equos domi alebat: quos in campo viridi domitabat; qui ripam Garumnæ & Agnûm interjectus est, quo campo neque porrectiorem, neque amceniorẽ ulla urbs Gallicena habet. In quo cum *Carbone* illo nobilissimo Aquitano, & acerrimo pugnatore, ludicro certamine hastis configens, hominem equo dejecit: cum tamen hastenus Carbo tam in Aquitaniâ, quam in *Liguribus Taurinis* in Ludicris equestribus primas obtineret; & in illis invictus haberetur. Sarsilla aut subynâ correptâ, ei innitens in templorum culmina erepebat. Apprehensâ utroque pollice tinâ satis altâ, in eam collecto saltu desiliebat, atque in eodem statu compositus corpus in sublime subiectum extra tinam expediebat, frustra idem tentante, quæ tum intererat, Valsconicâ nobilitate. Annos sexaginta duos natus, manibus arthritide debilitatis, trabem ingentem, & prægravem, quam quatuor operæ moliri non potuerant, & ipse solus loco manibus suis labefactavit, & quo destinatum erat, traduxit. Referretur plura & militaris & campestris disciplinæ ab eo edita exempla, nisi lectorum fastidio occurrendum: quorum multi ea tam libenter vituperant, quam inviti legunt. Non solum igitur in Pyrrhicâ, quam in homine nobilissimo irridet non nemo: sed etiam in omni palæstrâ, quam hominem tali ortu, & in aula Caesaris eductum scire oportebat, solers fuit. Quæ ideo retulimus: non ut à vulgaribus meritis ei laudem captemus: sed ut mirentur omnes, cum à duris militiæ studiis, in quibus altus & subactus fuit, ad otium literarum traduci tandem potuisse, præsertim severis *Bonifacii* patris imperiis à primâ usque pueritiâ assuefactum, ad cujus nomen & mentionem etiam adultus totus tremiscebat. Erat enim homo acer, serox, impatiens quietis, rigidus disciplinæ militaris exactor & expensor. Contra frater ejus major natu *Benedictum*, erat homo lenissimus & moderatissimus: ut qui ejus fortitudinem & gnavitatem ignoraret, lenitatem hanc lenitudinem interpretari posset. Itaque ex duobus filiis *Benedicti*, patruus *Julium Cæsarem*, pater *Titum* ex similitudine morum magis diligebat. Ac quemadmodum *Benedictus*, homini placidissimo uxor imperiosa, fastidiosa, elata (quales semper animos producere solet gens *Lodronia*) semper aliquid magnum, ac supra fortunam profugi mariti spirans: ita *Julio* filio iracundo, & ad levia momenta irritabili, contigerat uxor, quæ tum prudentiâ suâ irarum surgentes motus præsequeret: tum patientiâ atque indulgentiâ eluderet.

Igitur & militia & arthritide fracto, Philosophia & literæ manum eandem iniecerunt, & mollibus disciplinarum suarum imperiis contumacem animum subegerunt. Nèque verò obstitit *inquiescentia*: quin quod alii longo tempore, ille pertinaci labore assequeretur, quamvis ante *quadragimum septimum* ætatis annum nihil ediderit, neque ante id tempus totum hominem sibi planè subjecissent literæ. Adhuc enim & corpore & animo inter nobilitatis Valsconicæ

*Prosopographia
Scaligeri.*

*Scaliger in-
quiescentia, sed quæ
assequens.*

conicæ ludicra certamina, & convivia peregrinabatur. Sed postquam morbus jam olim domesticus eum lecto affixit, & quemadmodum corpori facultatem, ita animo voluntatem vagandi ademit: nullum tempus à studiis literarum & lucubrationibus vacuum relinquebat. Quo factum ut eodem tempore nemo eo neque plura, neque meliora ediderit. Quæ omnia bellis civilibus cum domesticâ suppellectile direpta interciderunt ferè. Quoties arthritis ei usum scribendi adimebat, tunc, ut *Ennius* loquitur, poetabatur, & quocunque ver-
sus noctu conceperat, manè si per frequentiam eorum, qui illum consulebant, aut officii causa invisebant, liceret: sin autem, vesperti, postquam omnis turba illa dilapsa esset, dictabat. Ac tanta erat memoris felicitas, etiam in extremâ senectute; ut *ducentos versus* in Vivesiano prædio Josepho filio dictarit; quos die priore conceptos, propter visitorum officium recitare distulerat. Neque verò minor fuit *ivrox*: a ejus in colligendis ex vultu hominum moribus, judicio potius, & vi quadam animi occultâ, quam vanitate Physiognomonica. Neque profecto unquam in eo falebatur.

Quando poetari
solitus Scaliger.

Memoria Scaligeri.

Ejusdem
ivroxia.

Vaticinatio ex
somnia.

Benedictum
Brugnolum.

Prodigiosa etiam ad miraculum usque ex somniis vaticinatio. Unum de multis referemus. Cum *Heroum* suorum *opus* contexens ad multum noctis lucubrasset, absoluto libro, post cœnulam quiete compositus, imaginatus est, in æde Mariæ Antiquæ Veronensis, ubi sunt monumenta gentis Scaligeræ, hominem procerum, ac gravem sibi obviam factum, secum exposulare, quod se inter Heroas suos non collocasset. Orare igitur, ut hoc faceret: se *Benedictum Brugnolum* esse, domo *Leniacâ*, qui Patrem *Benedictum* ac parvos literas primas docuisset: ipsum quoque puerulum aliquando inter ulnas gesserat. *Venetis* se ultimum diem obivisse, ibique sepultum esse. Experrectus somnium *Elegi* elegantissimâ expresit, quæ calci *Heroum* addita est. Ipse verò nunquam scivit, quis esset *Brugnolus* ille, neque quid portenderet somnium. Cognitum tandem à Josepho filio est: *Venetis* inter alia, quæ eâ in urbe visenda, monumentum esse *Benedicti Brugnoli Leniacensis*, excellentissimi avi suo Grammatici, qui ut ejus Epitaphium fert, & principes & proceres avi sui in *Norico* literas docuerit.

Scaliger multarum
linguarum peritus.

Porrò multarum linguarum etiam peritus fuit, *Scelavonica*, *Hungarica*, *Germanica*, *idiotismi Græci*, *Italici*, *Hispanici*, & *Francici*. Sed *Francicum* tribus mensibus, postquam Aginum venisset, perfectissimè loquebatur: cum tamen & *Vasconicum* simul didicisset. Major enim longè differentia linguæ *Francicæ*, & *Vasconicæ*: quàm *Flandricæ* & *Germanicæ*.

Oculis fuit caruleis dilutioribus, quibus interdum noctu videbat; ut in crepusculo solemus: quod & filio Josepho contigit, à pueritiâ ad vicesimum tertium annum. Nam postea hoc in ipso, ut alia multa, mutavit.

Munditiarum & cultus corporis studiosissimus fuit. Quemadmodum in *Italiâ*, quod solus strigam tonderet, *Tonsus* vocatus fuit: ita in *Aquitaniâ* solus barbatus venit.

Os mendacii
Scaliger.

Mendacium ita averfabatur; ut & ad mentionem ipsam excandesceret: & nihil prius veritate ac pietate in Deum liberis commendabat. Nunquam meministi, inquit Josephus, nos pueros coram eo sisti: quin primum illud præceptum inculcasset: Non mentiri. Si aliquem mentitum sibi deprehendisset: nunquam postea cum illo in gratiam redibat. Dicebat enim omnem Christianum, sine

sine ullâ exceptione à mendacio alienum esse debere: nobilem autem hominem etiam si Christianus non esset. Sed & in *Atheos*, quorum illud seculum *dem.* feracissimum erat, inexpressibili odio flagrabat. *Petrus Rufus* consiliarius *Pet. Rufus.* *Aginnensis*, qui illi ob doctrinam charissimus erat; ut qui & summus Peripateticus, & juris civilis Romani consultissimus esset, hoc morbo animi laborabat. Nunquam cessavit, donec amicū sæpè convivio adhibuit, aut disputationibus confectum, aut precibus delinitum, ad meliorem mentem revocasset, tradito illi *Augustini Eugubini de perenni Philosophia* opere: quod illi viam ad veram Dei cognitionem muniret, quandoquidem à Ruso nunquam exprimere posset, ut sacra Biblia consuleret, à quibus Rusi animus abhorreret. Et sanè ea lectio Ruso salivam movit adeò; ut totum se protinus ad Theologiæ studium converteret: in quo tantum profecit: ut nemo acrius aut veram pietatem defenderet, aut Atheismum oppugnaret. Erat enim acerrimus & acutissimus disputator. Neque solum Rsum summum virum, sed & sciolos quosdam hoc morbo levavit. Mira siquidem ejus erat pietas: sed præcipua *Beneficentia* etiam in pauperes charitas. Sub finem Autumni pannos emi curabat, quibus *in pauperes.* pauperes induebat, & à frigore in totam hyemem defendebat. Cum autem eis cibis ministrandus esset, filios puerulos adhibitos monebat, eos fratres esse, ideoque fraternâ charitate amplectendos: & protinus manibus filiorum ad promum condum deduci præcipiebat. Eos etiam ægros recto recipiebat, & industriâ suâ curabat, & sumptibus propriis sublevarat, re Pharmacopœis, & Chirurgis de suo solutâ. Domum eis publicam dixisses. Tot proceres, tot mediæ & infimæ conditionis homines in illam quotidie confluebant: *Felicitas ejus* & sæpe tantum quidem, ut cibum sumere illi non vacaret. Tot homines ab *in medicando.* Orco, ut ita loquamur, revocavit: ut si fricorum illorum Heroum seculo hoc fecisset, supra Æsculapium cultus fuisset.

Cum primum Aginnum venit, neminem deprehendit quocum de literis verba faceret. Tunc enim primum illæ in Gallia nascebantur beneficii Regis *Francisci Magni.* Sed *Burdigala* nunquam caruit doctis viris. Nam & in amplissimo Senatu, non pauci erant docti, ex quibus præcipuo amore dilexit *Arnaldum Ferronem*, & *Vidum Brassacum Golarium*, virum nobilissimum. In *Amici Scaligo-* Gymnasio autem Aquitano Burdigalensi tunc erant *Buchananus Tevius*, alii *ric doctis.* Ii quotannis feriis Vindemialibus Aginnum Julii Caesaris visendi commebant, quos & recto & menâ excipiebat. Negabat enim sibi rem cum podagrâ esse, quoties tales convivas haberet; quibuscum de literis loqui posset.

Anno Christi cl.b.LVIII. qui erat ejus vitæ *septuagesimus quintus*, prop- *Morbus Scall-* ter anni intemperiem valde æstare cæpit. Ad æstum levandum succo Alba- *geri.* tecz, ut Hispanis dicitur, ut Vasconibus Aubiecz, supra vires seniles usus, ex obstructa ob crudelitatem illius fructus vesicâ, languorem nactus est: quo in diem ingravescente, ne stillam quidem urinæ per XIX. dies continuos emisit Balneo, quod ipsi sibi præscripserat, refotus, urinæ quidem obstructos meatus returavit: sed corpus senile inedia & diuturno morbo emaciatum nullo remedio reficere potuit. Quare *quadragesima duos dies* cum illo languore *Morbus Scall-* conficiatus, XII. Kal. Novembris obiit, maximo omnium dolore, & luctu, *ger.* quem in exequiis ejus magnificis testati sunt, quales fieri ipse testamento ve-

tuisset: quo etiam cavit, ne ullum aliud Epitaphium monumento suo incidere-
retur, præter hæc verba:

*Epitaphium
ejus.*

JULII CAESARIS SCALIGERI
quod fuit.

Enimvero.

Hunc finem habuit vir vetustate generis, quæcunque ea est, nisi ad fabulas
recurratur, nemini secundus. Sed non parum fecit, quod hominis privati in-
Nitiobrigibus summum fastigium attigit, qui principis imum in patria tenere
noluisset. Officia principis amisit, hominis exercuit. Imperium amplissi-
mum, & ditionem multarum ac potentissimarum urbium amiserant majores e-
jus. Hæc ille non morabatur; certus, si quid splendoris ex illâ fortunâ re-
dundabat, id totum non ad suam, sed ad majorum suorum virtutem referen-
dum esse. Imò absurdum non est, in majoribus ejus quosdam in tantis opibus
nullâ oris aut corporis dignitate fuisse: quæ tanta in illo erat: ut nemo un-
quam eum viderit, quin protinus dicere jure posset, *id est: æque magnus*. Et
certè omnia ejus, corpus, incessus, gestus, oratio, stilus, libri, nihil vul-
gare redolent. Propterea pauci ejus libros attingunt; nisi qui nihil plebeium
sapiunt.

*Liberi Scaligeri.
Audetum Scal-
ger.*

Liberos ex quinque maribus quatuor: *feminae ex decem; tres* reliquit. Au-
detus quinquennio antè Josephum natus, primus ex maribus orbos parentes
fecit. De quo tam verum est; quod dicemus, quam mirum. Cum ea esset
illius infans indoles, quæ non solum parentes, sed etiam extraneos in amo-
rem sui invitaret, & ut ratio postulat, pater eum impendio amaret; tamen
non poterat sibi temperare, quin quoties in puerum oculos conjiceret, vul-
tum tristitiæ contraheret, & signa animi mœrore depositi, cum gemitu ede-
ret; ita ut mater non difficulter colligeret, patrem salutis filii diffidere. Cum
causam doloris ex viro exquireret, ille caveret à nutrice vinosa, monere:
sibi exploratum esse, puerum suffocatum iri. Cum quotidie hanc curam
matri objiceret, caput & ipsa quòque serio timere. Itaque accidit, ut noctu
surgens nutricem puero indormientem deprehenderet, ore ejus in os pueri
impresso, adeo ut puero exanimando punctum temporis decisset: qui ægrè
ab eâ oppressione refectus est. Cum iterum, & tertium in majore periculo
puerum offenderet, ebriosa mulieris culpa, ante tempus ablatum puellæ
pedissequæ custodiendum & regendum commisit. Miseram parentem nutri-
cis amolitione periculum à capite filii depulisse, sese autem defunctam omni-
metu existimantem, nihilo securiorem pater esse sinebat. Quare cum gerula
puerum insanum in modum amaret; nocte quadam dormiens miscellum inter
arctissimos complexus *exanimavit*. Ita patris vaticinium infelix exitus com-
probavit. *Leonardus*, anno minor Josepho, à duodecim sicariis oppressus,
& obtruncatus est, ad Laudunum oppidum Pictonum bellis civilibus. *Janum*
Constantium, minorem Josepho quatuor annis, facio nobilitatis per æmulati-
onem in Transylvania interfecit, cum castro cuidam regendo à *Stephano Des-*
potæ, qui postea Poloniæ rex fuit, impositus fuisset. Ambobus fortitudo sua,
& rara indoles, exitio fuit. Ex quibus *Leonardus* avo Benedicto, *Constan-*
tius autem propatruo *Bonifacio* simillimus erat. *Silvium* maximum omnium
natum

*vide Ful.
Caes. patri
orzinem in
Julio Audetio.
Leonardus *Scal-*
iger. Janum
Constantium
Scaliger.

Silvium Scal-

natu, annis totis decem majorem Josepho, morbus in dotalibus agris Novem-
populania extinxit, annum agentem ætatis quinquagesimum quintum. Qua-
tuor fratribus solus Josephus superstitis decimus quartus matris suæ: de quo
alibi.

ger, quæ libro
Post-pater in
scripsi. Et de
causis lingua
Latin. Joso-
phus Scaliger:
de quo Forema-
lia ipsi falsa
Lugduni Bata-
vorum.

Julius Cæsar Scaliger animæ suæ profecturus.

Egredere miseris multum defuncta ruinis,
Egredere & servis servilia regna relinque.
Aude, hospes; tenebris horrendi imponere finem
Exilii, & patriæ speratas quarere sedes.
Tristes exuvia, falseque incommoda lucis,
Isthic nunc, fera turba, jace, nos libera cali
Pignora, sperato jam jam potiemur Olympo.
Tu modo, nate Deo, rerum pia victima, Jesu,
Aspice nos, qui cuncta animas: spes unica, mortem
Exue morte novâ, atque novâ vitâ induc vitam.

Julii Cæsaris Epitaphium ab ipso met compositum.

Extulit Italia, eduxit Germania, Juli
Ultima Scaligeri funera Gallus habet.
Hinc Phæbi dotes, hinc duri roboræ Martis.
Reddere non potuit mobiliore loco.

Ejusdem testimonium de se, quod omnibus libris proscribebat.

Βασιλειᾷ ὑπὸ τοῦ αὐτοῦ Ἰω. Σκαλιγέρος ἱδ.
Οὐδ' αὖ ἐμμελεῖται κατὰ Κορινθίαν πᾶσιν
Ἦν Ν Σκαλιγέρος θάνατον γινῶ, ἔρῳ δὲ γινῶ
Φαίλον ἔσαν ὑπὸ τῶν σάββα, πᾶσι καὶ τῷ γένει.

Josephus Scaliger Epistolâ ad Janum Douzam de gente
Scaligera: Julius Cæsar Scaliger in exercitationibus: & oratione in
Inſtū Andeſſi filii.

Opera

Opera Impressa Julii Caesaris Scaligeri.

Exercitationum exotericarum Libri 15 ad Hieronymum Cardanum.
Epistola & Orationes.
De causis Lingue Latina.
Hymni, & Poëmata Sacra.
Epigrammata in Clariores Urbes.
Testimonia de Gente Scaligera.
Poëmata de Ajace Lorario.
Commentarii in Hipocratem de Insomniis.
Oratio in luctum Filioli Audesti.
Commentarii in Aristotelem de Plantis.
Commentarii in Aristotelem Lib: Hist.
Commentarii in Theophrast. de Plantis.
De Poetica.
Doctrina vera Alchimia atque artis metallica.
Oratio pro Cicerone contra Ciceronianum Erasmi.
De sapientia & Beatitudine.
Elysus.
De Numeris Conicis.
Oratio in partu filii habita.
De Ponte Julii Caesaris.
Dne Orationes contra Erasmi. de Optimo dicendi genere.
Vita per Josephum Scaligerum.

EPISTOLA



EPISTOLA

CCCCLIII.

Viro Clarissimo, Isaaco Casaubono, suo S. D.

Daniel Heinfius, in qua de morte Illust. viri

Josephi Scaligeri.

VIR Clarissime, Si ullo modo reus essem criminis illius cujus me superiores tuæ accusabant, hoc est, nisi quater aut quinques de obitu communis amici & parentis nostri *ῥῆν μακροεστῆ* diligentissime ad te scripisssem, & illius commendatione, cui amicitiam tuam debeo, & ea ipsa amicitia, cui omnia merito semper postposui, indignus essem. Nunc cum infelicitate mea factum sit, non culpa, ut de negligentia mea conqueraris, dabo operam, ut quam de me opinionem, ex aliorum culpa concepisti, hanc vicissim meæ diligentiae condones. Et quandoquidem, *ἡ δα μάλιστα ἰδὲν* ē divini ejus viri virtutibus, quem æque ambo coluimus, nihil præter recordationem nobis restat, faciam, ut hoc *παροικῆμα* meum, qui raro quidem quamdiu in hac urbe vixi, nunquam aut rarissime sub mortem, ab eo discessi, magna parva quæque observare & audire ex eo potui, mecum tibi sit commune. Quamvis enim fieri non possit, quinqui talem tantumque amicum, qui parentem, præceptorem, qui nutricium amisit, ad commemorationem singulorum vehementius commoveatur, quod admonitu non parum recrudescat luctus, tamen ubi idem ille aliquantulum remittit, & jam rationi plusculum de se permittit, sive voluptate aliqua meminisse eorum vix possumus, quæ quo magis sunt præclara ac heroica, eo dolorem adhuc crudum ac recentem vehementius accendunt. Cujus generis non pauca ex divini senis ore excepit: qui paulatim morti ac naturæ cessit, & à morbo potius consumptus quam oppressus est. Menses admodum sex sunt, cum de editione Plauti, urgente Raphaelengio nostro, qui non ignoraret, quantum apud eum prope solus possem cum eo cœpi agere. Qua in re, sive amoris meo, sive precibus hoc dedit, ut, quod constantissime omnibus negarat, mea causa & typographi susciperet.

Itaque

Itaque inter nos convenerat, ut uterque hoc ageremus: ego, editionem adornarem, certissima quæque è codicibus, pauca & quæ firmis niterentur rationibus, aut postea à libris confirmata essent, è doctorum emendationibus in textum reciperem, ac deinde singula cum eo communicarem: ille Comicum percurreret, & quæ olim partim adnotarat, partim in memoria, quæ plane incomparabili, ut nosti, utebatur, reposita haberet, partim & legendo revocaret, nobis traderet. Sed heu! paulo post, cum dies aliquot continuos, ut sæpe alias, scribendis ad amicos literis dedisset, de *αυτοῦ* subita & *αδελφῶν* vehementer queri cœpit. Ita ut ab omni prope cibo abstineret. Nec post illud tempus, quod rarissime, nec nisi alicujus morbi gravioris victus vi aut pertinacia, consueverat, musæum ingressus est. Ita sine manifesta aliqua mutatione, meniam integrum ad focum in cubiculo sedebat, ut amicis tantum qui accederent, vacaret, neque minus tamen de literis semper cogitare, & libellum penes se habere, quo & morbi tedium & temporis legendo falleret, & è studiis Musarum, quas feliciore nemo coluit successu, ultimam hanc voluptatem caperet. Porro hoc loco positus cum minus minusque cibum quotidie appeteret, magisque ac magis simul animo & corpore langueret, cœpit, quod res erat, nescio quid mali gravioris suspicari. Est huic aëri familiaris quidam morbus, sive languor, quem scorbutum vulgo vocant. Plinius sceleret yben & stomachacen à Medicis suis temporis dictum fuisse notat. Hunc per se ipse, de Medicorum judiciis securus, præsensit. Neque frustra unquam fuit viri prudentissimi vel spes vel metus. Nam ut hoc malum ex prioribus, ita ex hoc ipso tertium sibi imminere, sæpius dicebat: hydropem nimium, & quod magis admirati sumus, certam ejus speciem, & *πνευματικῆς* nempe. Quæ ut aliis plerisque, ita viro huic maximo fatalis fuit. Sunt in hac urbe Medici aliquot clarissimi, & ut *ἰατροὶ καὶ οὐλοὶ* admodum gnari, ita & *ἰατροὶ εὐαγῆς τὸ κερρὶ ἰατρικῆς*. Inter quos maxime familiariter *Ἄλιο Everardo Voritio*, nunc Magnifico apud nos Rectore, utebatur: viro, præter Medicinam, rerum plurimarum egregie perito: cui è baptismo filiolum, miræ indolis puerum, susceperat. Hic primum, ut amicus, cum adhuc medicos averfaretur, invisere aliquoties cum cœpit, & ut majorem sui rationem habere vellet, partim precibus, partim consilio & rationibus, ab eo postulare. Quod cum ægre impetraret, (vehementer enim omnem Medicorum opem, ac præsertim potiones, respuebat) collegam suum virum præstantissimum Reinerum Bontium, circumspèctissime adjunxit sibi: partim illius memor, *Σὺν δ' ἡγεμόνῳ*: partim, ut si tanto viro præter expectationem, quod futurum omnes jam videbant, gravius quid evenisset, nihil ab uno prætermisum putaretur, quod præstari a duobus posset. Ita simul summi hominis constantiam aggressi sunt, qui vix ulla ratione adduci poterat, ut mortem, quam effugere vix posse videbatur, saltē differrī pateretur. Qui initio, quæ erat in his quoque rebus peritia, oppugnare eorum consilia quam sequi malebat. Neque scio, an quicquam perperam, nihil certe sine ratione dixit. Ut illi quoque quibus commissa salus ejus esset, nihil esse difficilius, quam viro tam multarum rerum gnaro, aliquid præscribere, non semel inter se conquererentur. Nam præterquam quod & nomina herbarum & vires, ex frequenti *τῶν ἰατρῶν* lectione, ad unguem didicerat, optime de morbo suo judicabat, quem talem esse ajebat, ut

humana

humana ope curari non posset. Interim, quantum corporis, quod jam *ἀσθενή* penitus emaciatum erat, infirmitas permetteret, animum, quasi in statione, semper erectum habebat, ac ne tum quidem, ut nihil ageret, à se impetrare potuit. Existimo postremos, quibus ante mortem usus est, autores, Polybium & Lipsii De re Militari libros fuisse, quorum in altero, qui penes me est, infinita emandaverat, ac, inter cætera, paucissimis, antequam penitus lectulo affixus jaceret, diebus, pilum Romanum ex auctoris doctissimi descriptione manu sua accurate delineaverat: quod in eo omnes qui Polybium illustrare conati essent, errasse existimaret; in altero, nonnulla, in quibus dissentiret, annotaverat. Cæterum; cum indies jam malum glisceret, ac constans *ἀσθενή* vires amplius consistere non sineret, tanquam miles jam emeritus, volente ita ac jubente natura, quod ab eo obtinere nec amici potuerant nec Medici, omni abdicare se studio coactus est. Qua de re plerumque apud me conquerebatur. Dolebat enim aliquod perire sibi tempus, neque amplius se vivere, sed superesse sibi, quotidie conquerebatur. Toto morbi tempore, cum de morte nunquam dubitasset, ardentissimas ad Deum preces fundebat, &, sive solus, sive cum amicis esset, magno ardore ac intentione animi delicta sua deplorabat, quæ quidem *ἀσθενή* esse, tamen fiduciam, quam in eo repositam haberet qui peccatum nobis factus esset, longe majorem esse, aiebat. Sæpe repetebat, certo quidem scire se, instare sibi mortem. Abeffe autem tantum, ut communem illum terminum naturæ ac viri sapientis portum, subterfugeret aut detrederet, ut nihil aliud à Deo peteret, nihil aliud jam cogitaret, nisi ut quam minimo dolore & brevissimo his vinclis solveretur. Æternæ vitæ gaudia præcipere se animo ac jam sentire. Non dubitare se quin agnum omnibus mastatum, *τὸν μὲν δὲ τὸν οὐρανόν, τὸν δὲ τὸν γῆν*, cujus desiderio langueret, brevi jam visurus esset. Reliqua sordere sibi, neque quicquam esse, cujus causa, vel ad horam, vitæ hujus usum prorogari sibi vellet. In his vocibus ac cogitationibus non semel eum deprehendi. Nihil humile, aut vulgare, aut abjectum loquebatur, qui & voces tales & solatia averfabatur, quædam & cum indignatione accepit, aiebat enim puerum se ista didicisse. Si quis spem vitæ superesse diceret, petebat, ut hanc spem servaret sibi, non enim senis interesse, quando moreretur: cui semel necessarium, semper tempestivum esset mori, multo minus Christiani, cujus esset bene mori. Quodam tempore, cum omni laudis ac virtutis genere ornatissimus clarissimusque senex Clusius noster, qui jam aliquandiu, partim per ætatem (octuagesimum enim annum & aliquot explevit) partim ex debilitate pedum domi se continuit, famulum ad eum mitteret, peteretque, ut excusatum se haberet, quod in hoc officio dediceret, respondit, non libenter modo se ignorare illi, sed & singularem animi benevolentiam amplecti, neque opus hoc officio nunc esse; futurum enim frustra, cum uterque brevi in eundem locum conventuri essent, ubi alter alterum *ἀσθενή* complecteretur. Nam præcedere se quidem, illum autem sequi. Inter reliquas virtutes ejus, semper prudentiam miratus sum, quam cum alijs in rebus tum in hoc porissimum testatus est, quod fere annis singulis supremam voluntatem consignaret, & in testamenti tabulas referret, si quid vel mutaret, vel prætermisissimum esset, quod post obitum præstari vellet, ne aut testamento veteri aut *ἀσθενή*, decederet. *Idem*

dem sub initium morbi cum in animo haberet. Bibliotheca suæ indicem ad me misit, petiitque, ut ex eo libros seligerem quos vellem, certo enim scire, finem vitæ jam instare: ideoque tempus esse, ut de amicis cogitaret. Hæc amicos & admodum constanter. Quod cum potaret (nam & antea de tota nobis reliquenda mecum egerat, in quo pietatem meam ac modestiam expertus fuerat) non sine lachrymis, quæ coram illo imbibendæ erant, petere me dixi, Pietatis meæ ac pudoris rationem aliquam haberet, nec præcipuas delicias ac voluptates suas, quibus vitam sustineret, ante mortem aliis transcriberet. Frueretur illis diu, quibus maxime delectaretur; & quod vitæ superesset, sine curis ac molestiis non necessariis transigeret. Solum illud scire, quantopere cum semper reveritus fuissim. Funesta esse dona, quæ amissione ac divortio tam venerandi capitis pensanda essent. Superesse alia non pauca, per quæ meminisse illius possem. Vitam præ reliquis, quam emendate & ad exemplum omnium egisset, tum non pauca quæ ex eo didicissem. Ad quæ ille maxima severitate (erat enim *δυσκρίτης καὶ ταπεινός*) recusantem eo perpulit, ut quosdam in schediolo notarem. Idem duo ex præcipuis amicis fecerunt, cæteris nonnullos ipse, quos relinqueret, elegit. Inter eos quorum rationem habuit, ut de utroque nostrum nihil dicam, præcipui fuerunt, Vir Amplissimus Cornelius vander Mylius, Academiae Curator, quem mirifice amarat semper, Clarissimi viri Dominicus Baudius, Johannes Latius, Grotius & Davidus, & Johannes Rutgerius, juventutis nostræ, sive ingenium, sive eruditionem, sive spem quam de se quotidie majorem præbet, videas hodie Princeps, Reliqui (exceptis his quos Academia legavit) venditi sunt, è quibus æs haud sane modicum confectum est, quod œconomo illius, qui fideliter *τῷ πατρὶ* annos plurimos inservivit, ex voluntate ejus cessit. Ipse, quia verecundum nimis ac modestum in eligendo judicabat, quod prætermissem à me fuerat, ex suppellectile argentea supplevit, è qua quod clarissimum habuerat, reliquit. Sed ad mortem redeo. Aliquot diebus ante summum ac fatale tempus (vide heroicam ac summam circa *τὴν γῆν* securitatem) cum ad eum accessissem, de vericulis quibusdam suis, cum antea ne mentionem quidem ejus rei ferret (nemo enim magis sua contemnebat) utrum eos editurus essem, perfunctorie quaesivit. Cum facturum me dixissem; Scazontem, inquit, quendam qui prætermittendus non erit, primæ Manilii editioni præfixum invenies. Memini me tamen alibi memoria lapsum esse. Igitur pro illo

Rex Celsibera Tarraconis Alfonso,
reponendus erit ille,
Castella amant rex vinctum Alfonso.

Hæc oculis languentibus, ac fractis morbo viribus, vicinus, ut tum quidem videbatur, mori, integerrimis tamen sensibus dicebat. Quem, cum domum redidissem, percussus miraculo, in meo codice, ut jussus fueram, notavi. Verum admirandi hujus vel tranquillitatis vel securitatis, nisi *ἀδελφὸς* vocare malis, toto morbi tempore plurima quotidie amicis exempla dedit. E quibus unum quod in mentem nobis nunc venit, apud te dissimulare non possum. Solebam, quoties aliquid carmine aut sermone concepissem, minus occupato

cupato id recitare. Quæ res tantæ voluptati illi erat, ut plerumque quæreret, quid novi attulisset. Est Hagæ Comitibus, vir nobilissimus, neque minus eruditionis, cum sit ipse eruditissimus, mire amans, Principi nostro à Secretis, Johannes Milander Pæderoyæ Dominus, qui cum exquisitæ formæ atque ætatis floridæ uxorem, ipse sibi duxisset, nuptiali carmine amicum prosecutus eram. Uno mense circiter aut paulo amplius ante obitum, cum more solito languentem accessissem, maximo cum gaudio accepit venientem, & cum frigus unice intensum esset, togam promi iussit: quam cum puer attulisset, cruri suo periscelidem diripuit, ac ipse toga me accinxit, petiitque ut in cœna secum essem. In qua, quamvis æger, quamvis conclamatus, quamvis ab initio morbi nunquam de fine ejus dubitasset, sed & sæpius acerrime invecus in amicos esset, qui periculum extenuarent, aut spem vitæ facerent, quamvis denique omni cibo ipse abstineret & spectator cœnæ tantum esset, maxima hilaritate me exceperat. Paulo antequam accubuissem mensæ, quia adlubescente videbam, carmen illi, quod conscripseram, prælegi. Quod cum placuisse sibi, ut solebat, plurimis testatus esset, Brevi, inquit, alterum Epithalamium scribendum erit. Cum tacerem, neque alsequerer quid vellet; iterum, Josepho, inquit, Scaligero, & Aquæ Intercuti, vide ut alterum, Amice, scribas. Ita enim præter expectationem meam in re capitali sua lepidè jocari solebat, ut nonnunquam, novum se Diogenem diceret, nam ut illum, ita se in dolio jam habitare, de ventre autem loquebatur, qui non parum prominere cœperat. Die quodam, cum mœstissimus ad ejus lectulum sederem, quod paulatim Solem istum nobis eripi, nec procul esse occasum ejus ex indiciiis quamplurimis colligerem, postquam de nonnullis mecum libere egisset, aliquandiu me intuitus, Illud affirmare cuivis, inquit, tibi persuadere potes, Josephum Scaligerum neminem æque amasse ac Danielelem Heinsium. Et utinam, quod sæpe dixi, Pater meus Julius te nosset, quam effluam te amasset! Non ita multò post, die alio cum rediissem, & de valetudine interrogassem, Fili, inquit, Daniel, extrema vides. Vix dolori parsum. Corpus, ex assidua hac decumbendi consuetudine & morbi inclementia, exhaustum est. Manet idem vigor animi. Inimici mei si me videant, divinæ iræ hoc acerbant. Nosti quid de aliis jam divulgant. Tu de his testari potes. Perge ut cœpisti. Et hoc age, ut memoriam illius qui tantopere te amat, sanctè tuearis. Sed & Deus sine dubio te amat; Et amabit, quamdiu bona tua illi referes acceptum, quæ quo minus ostentabis, eo pluries erunt. Arrogantiam & fastum vita. Ab ambitione, quantum potes cave, & imprimis, ne adversus animi sententiam, illius causâ quicquam agas. Quicquid in te est, illius totum est. *Τὸ πᾶν φίλῳ οὐχ ὀφείλει.* Fuit tibi tuus Scaliger. Ego, cum ad voces illas aliquid pararem, ita linqui animo me sensi, ut in lacrymas effusus, quæ dissimulandæ coram eo erant, voci vix suppeditarem. Quare aliquantulum in proximum triclinium secessi, donec integer & mei compos, de novo me exhiberem. Paucis post diebus, cum ob causam fonticam, qui diuturniorem quoque morbum fore suspicaret, Lugduno Hagam, Hagæ Diaphos profectus essem, & octavam circa horam domum rediissem, Ecce tibi subito & præter omnem expectationem, amicissimi Baudii privignum, qui jam in extremis versari Scaligerum significaret. Protinus venirem ac me illi sistere.

σείει οὐρανὸν ἔχον καταμυκάσαν. Τὸ δὲ ἰὺν τῆς παλαιᾶς καὶ νέας ἀποκα-
λύψεως εἶναι, ὅτι ὁ ἔχων οὐρανὸν καταμυκάσει, ἀκούει μὲν τὰς ἀποκαλύψεως.
Denique, ut cum politissimo autore loquar, cum quo nemo lubentius quam
ille loquebatur. *Lactantius, quæ posthac futura est vita, cum in mentem venit*
Solisindoque. Nam quæ aliquod solatium adferre nobis poterant & aliis adfer-
re credo, ea maxime nos cruciant, cum non modo manum ejus quem tanto-
pere dilexi, singulis diebus, in legatis ejus video & tracto, sed & nomen me-
um ea manu scriptum invenio. Tanta enim viri illius ingenuitas ac candor
fuit, ut locorum emendationes quas ex tempore suggessi aut cum eo obiter
communicavi, nomine apposito in margine expresserit. Quod in Herodoto,
Helychioque factum. Hæc nunc nobis totidem sunt cruces. Sed hæc hæcte-
nus. Quarto die, sine ulla, ut præceperat, exequiarum pompa, solis præ-
euntibus majorum insignibus, tanto omnium ordinum, omnium ætatum, tan-
to utriusque sexus concursu ac studio elatus est, ut vix incenditibus angustæ,
templum ab effusa multitudine occupatum esset. Ego, quanquam excusari
maluissem, tamen exigentibus id à me Academiæ Curatoribus, ante omnia
officii & pietatis ratione, qua sola excusari quoque potui, oratione publica
à funere defunctum prosecutus sum: cujus conclusio lachrymæ fuerunt, qui-
bus ἡμετέραν quam voce cum præirem ipse, eas auditoribus expressi. Se-
pultus est in templo Gallico, vulgo D. Mariz dicto, juxta locum ac subsellia
e quibus conciones audiebat. Sepulchro suo verba hæc inscribi jussit:

JOSEPHUS. SCALIGER. JULII. CÆSARIS.

A. BURDEN. FILIUS. RESURRECTIONE M.

HIC. EXPECTAT.

Ex quo modestiam divini viri, ex quo pietatem & ἀσπινν quod semper
præ se tulit, facile agnosces. Monumentum illi publicum, aut potius Inscrip-
tio, à Curatoribus decreta est, quam cum Oratione nostra & Epicediis accipie-
es. Hic fuit exitus illius viri, quò majorem aut qui plurà sciret, vix fuisse
unquam, semper judicasti. Certe nonquam ætas ista, nequam Academia
hæc plus amisit: quia Academiā amisit, quod de eo olim Nobilissimus vir
Janus Doula Academiæ Curator publice testatus est. Hoc asfirmare tibi pos-
sum, vos amicos ejus, qui ex scriptis eruditionem ejus aestimastis, vix vicefi-
mam illius partem satis perspexisse. Præter enim omnium ætatum, & loco-
rum, præter omnium temporum ac gentium historiam, præter omnium lin-
guarum ac disciplinarum scientiam, quod maxime in eo semper admirati su-
mus, promptitudo fuit & memoria extemporale: quæ tam bonum illi nomen
erat, ut quæcunque legeret, teneret ac recondere, de iis autem quæ recon-
didisset, quovis loco quovis tempore interrogatus responderet, non inter
eruditos tantum, sed & inter eos, qui in Rebus publicis & aulis toti occu-
pantur. Ut non modo res quæ quotidie geruntur, in Gallico præsertim
regno, sed & singulorum qui aliquo in eo essent loco, instituta, mores, inge-
nium.

nium ac consuetudinem, in numero haberet. Quæ res Præsidem Junium, cum hic esset, in stuporem dedit, qui deceptum se fuisse ab amicis affirmabat. Expectasse enim virum, ex eorum commendatione, eruditum: invenisse hominem qui nihil ignoraret. Nihil enim studiosi hominis, nihil ex umbra habebat. Forma eximia fuit: nisi quod collapsa tempora ac oæva, sæpe matrem jocandi illi darent. Statura non tam alta ac proceræ quam mediocri ac habili: quod non nisi ex astantis alicujus qui procerus esset comparationeprehendebatur. Oculis sagacibus, & qui illum animi vigorem præ se ferrent. Acutis autem adeo, ut vel minimos quosque ductus, minima quæque ac morosissima Orientis puncta atque apices, qui, ut nostri optime, aut offendunt vehementer oculos aut fugiunt, ad mortem usque assequeretur. Mundiciarum in cultu summam semper rationem habuit: ab omni illuvie & squallore ad supremam usque ætatem alienissimus, ut ne sordem quidem ullam aut capillum eminentem ferret. Barbam in Batavia sub senectutem tantum aluit: quæ & reliqua non parum commendabat. Nam in Gallia, quod optime amici ejus meminerunt, strictius tondebat, interim & radebatur. Valetudine haud parum firma etiam hic usus est, nisi quod de duritate alvi ac morositate sæpius conquereretur, ut non aliam mortis sibi causam fore apud me non semel auguratus sit. Interdum catarrho, nonnunquam & dolore colicentabatur. Dentes, cum cætera constarent, raros habuit: aliquandiu ante obitum prope nullos. Ut panem siliginæ, quo solo uti cogebatur, ægre conficeret, interdum vix confectum in stomachum dmitteret. Sobrietatem & abstinentiam in victu (quo cum amicis exquisito, sed frugali, utebatur) solus cum esset, nimiam plerumque adhibuit. Ut in cœna sæpiissime, postquam diem integrum in studiis fuisset, quod inprimis in conficiendo nobilissimo Inscriptionum Indice, evenisse illi sæpius recorder, nihil præter paucas passulas & exiguum diluti gustaret: plerumque Batavorum aqua tenuiter cum frugibus cocta, ex more hujus populi, contentus, quod non dubito, quin stomacho senili, hominis præsertim Galli, plurimum nocuerit. Amicitias ut sancte semper coluit, ita paucos amicorum loco habuit. Pauciores admiratus est, sed eos vehementer. Ut occasione qualibet eorum meminisset: ipse candidissimus, & ab omni adulatione aversus, nisi quod non minus improbos odisset, quam præclaros homines admiraretur. Et neutrum dissimulare potuit. Nam ingenio in vivo & igneo, ita heroico & aperto erat. Ut sæpe cum adesset, de illo Philoctetæ apud Sophoclem (quem æque ambo mirabamur) cogitarem:

Ἐγὼ δὲ εἴμι ἐν τῇδε πεδῶνι κακῆς,
Οὐτ' αὐτὸς, εἴδ' (ὡς φασὶν) ἐν πόρῳ μὲν.

Iræ incontinentior, sed placabilis erat. Injurias non paucas fortiter tulit. Conditionibus ex Gallia honestis huc vocatus fuerat: quibus cum diutissime reluctatus esset, neque tamen contemptum quorundam evaderet, qui non alia de causa eum oderant nisi quod tantus esset, magno animo contempsit. Et cum aliquando quædam ejus generis quæ mihi evenissent, apud eum cum dolore depromerem, adducta fronte, Filii, inquit, Dei sumus: exules sumus: libertatem maximam hic consecuti sumus, quid ulterius deberi nobis putas?

putas? Tantum vellem, ut vel quidam cum irritassent pareius, aut ipse rarius eorum meminisset. Nam contemptu vindicari poterant. Famam enim, eruditionem, mores, ingenium, ut longe supra ceteros exerebat, ita longe ab imperitorum contemptu & laudibus in tutum receperat. Quorum male dicta ægre si feras, finem suum consequuntur: spreta, aut si risu ulciscaris, exolefunt & infamiam auctoribus relinquunt. Adde quod responso serio & gravi magis irritantur. Sane ex omnibus quos eruditionis causa habuit infensos, nemo fuit, qui, non dicam, paria in maximis cum eo fecerit, sed qui tria Publici monofthici, quæ me in stuporem sapius dederunt (neq; ignoro quid tu iudices) aut duo Dionysii Catonis disticha, eadem venustate hætenus representaverit. Probitate, pietate, castitate, vitæ temperantia, contemptu fortunæ, à qua semper generositate animi ac magnitudine se vindicavit parem non habuit. Nobilitatem adversus quam aliquid licere sibi voluit improbitas, non scriptis tantum, sed & vita, quotidiana consuetudine, moribus, gestibus, verbis singulis, præclarissime tutatus est, quæ invicta argumenta sunt. Majestatem enim nemo mutuatur, sed exhibet. Et ut vixit, sic decessit. Amicorum omnium, inter ceteros & tui, ut ex Raphelengianis viris doctissimis probissimisque, quos supremam voluntatem suam exequi voluit, præcepit, rationem habuit. Cæteris, ut *καλῶς ὡς ἀνδρῶν* reliquit. Pædagogica ingenia ad arrogantiam ac ostentationem nata, odio fatali profectui solebat, necesse unquam inter suos habuit, quibusdam domo & familiaritate sensim interdixit. Atheos, & qui de verbo Dei parum reverenter loquerentur aut sentirent, odio inexpressibili prosequeretur, quos severitate vultus & intuitu averfabatur, ut ne mentionem quidem ferret. Et non unum novi quem ex vultu oderat, qui & postea iudicium illius confirmarunt. Plurima denunciavit nobis quæ quam plurimis post obitum illius annis exitus probavit, quod diebus prope singulis in multis experimur. De calamitate Reipublicæ postrema ac recentibus his malis, quorum vix initia videmus, plurima prædixit: quæ quo eventura sint expecto. Versiculos non paucos, senex, admodum invitatus ac quorundam importunitate victus, edidit, quos senium spirare ac languere querebatur. Nos & Græcos vere & Romanos esse scimus, nam hoc proprium habebat. Jambienim, quos edidimus, Morales, sicut sponte scripsit, ita extra aleam ponendi sunt. In quibus *ἡ ἀρετὴ ἐστὶν ἡ δόξα, splendide ἀντιπαραστήσεται*. Græcos, paucos numero quos scripsit, ab antiquitate scriptos dicas. Nam quos vellet ex antiquis, ut volebat, exprimebat. Expedite & prompte, sed indifferenter Latine loquebatur. Quod initio molestum illi erat: quia Galli lingua sua sæpius utuntur. In Epistolis quas concitator aut tanquam editoris scripsit, admirandus splendor *ἡ ἀντιπαραστήσεται*, vere ei propria, resplendet: ut ex magnitudine fortunæ suæ & Scaligerorum dignitate loqui videtur. In cæteris quæ ad amicos & ex tempore scribebat, summa castitas sermonis & simplicitas elucet. Nam & raro circumducit, & nominibus plerunque verba singula subjungit, quod quemadmodum exigam, ut Rhetores loquuntur, compositionis curam arguit, ita nihil minus quam anxietatem testatur, & interdum maxime est inimitabile. Quanquam de idiotismis ejus scio quid inepti homines objecerint, noluisse tamen edi omnia, quæ ita scripsit, cætera evincunt. Autorem nullum Græcum aut Latinum legit, quem non *τοῖς ἀδελφοῖς* & designandam culpam, obelo notavit. Sed & locorum

locorum emendationes, & interdum *ἁπλῶς*, & *καὶ ἄλλοις*, & *νῆς* *συγ-
γραμμάτων*, tam quæ res quam voces spectant, & nos in *ἁπλῶς*, aliaque id genus, se-
dulo in margine aut calce libri quem legebat, semper designabat, quales ha-
beo non paucos. Testamentum bis condidit: semel ante annos aliquot Lati-
ne, semel, ac postremo, Gallice, non paucis immutatis, quo & discessit.
Nam ne veteri discederet periculum non erat, quia voluntatem suam ut non-
nunquam, quod jam dixi, immutabat, sic mutata semper testabatur. Scrip-
ta propria & Patris, quæ adhuc imperfecta erant, aut quæ edi alia de causa
noluit, in publica Bibliotheca, cui præsum, servantur. Quæ vero edi ite-
rum voluit, aut emendata reliquit, fidei meæ credidit. Inter reliqua sunt &
ἡ ἐκδομὴ τοῦ ἔργου illi Julii Scaligeri in libros De Historia Animalium Aristotelis
Commentarii, de quibus ipsa verba hic ponam: *Schedia Patris mei in dolo
condidi, ut cum Commentariis ejus in libros Aristotelis De Historia Animalium,
quos maxime fecerim à Dusselo Heinio accurate recenser, & Prolegomenis præ-
muniri, ut ita in publicum emittantur: quod ut faciat, cum etiam atque etiam ro-
go. Quod si quid obstitit, quo minus Heinio illam editionem præstare possit,
tunc illi Commentarii intra Bibliothecam publicam contineantur: donec idoneus re-
periatur qui editionem illam digne curare possit.* Quæ in utroque testamento sic
leguntur. Atque in hoc opere non minus diligenter quam sollicite versari cœ-
pimus: quantum tamen hætenus colligere potui, plura sunt, vel transposita,
vel mutila, vel alieno loco posita, vel nondum absolutâ, quam ut sit speran-
da editio. Quod non ignorasse & *μακάριον* existimo, qui non semel hoc no-
bis confessus est. Ut vehementer mirer, cur sperare ab alio voluerit, quod
tanto ipse temporis spatio pro deplorato habuit. Non quin edi possit, sed
quod in tanti viri opere, non pauca, vel aliena, vel ab ipso nondum expoli-
ta, ideoque existimatione tanti hominis indigna, sæpius edenda essent. Quod
non temere ipsi committeremus, qui non ignoramus, quantum permiserint si-
bi, quantum maximorum hominum existimationi detraxerint, qui posthuma-
rum scripta divulgaverunt, quod Cujacio & aliis hoc tempore evenit. Ulti-
nam adestem tibi! Multum opera, consilio, eruditione, ac judicio, juvare
nos posses. In hoc opere præsertim, in quo multa sunt *ὑποθήκαι* & plane tali
virodigna, qui nusquam tam libere, ab Aristotele, quem solum semper co-
luit præ reliquis, dissensit. Habes, vir maxime ac amicissimè, non modo nisi
fallor quod optabas, sed & quod fortasse nolle, omnia & *ἁπλῶς*, & *καὶ ἄλλοις* *ὑπο-
θέταις*, ut in mentem quæque veniebant. Restat, ut uterque nostrum firmiora,
partim quidem è memoria virtutis tanti viri, partim ex amore ejus, quo, dum
viveret, nos persecutus est, solatia petamus, ita enim magis nos conjungi pu-
to. Nam ut alterum præ reliquis dum vixit admiratus est, ita alterum te-
nerime dilexit. Vale, & amare me, ut soles, perge, ô maximum ætatis
nostræ decus, & qui omnium judicio, sublato ex humanis rebus illo Sole,
Rex & Princeps rei literariæ relictus es. Lugduni Batavor. XXVIII Martii
1616 c. ix. Iterum Vale. Et ut cum Amplissimo Thuano, hæc communi-
ces, à te peto, qui & quanti fecerit & *μακάριον* & me amet, satis nostri.

Meminit hujus Epistolæ Jacobus Augustus Thuanus libro De Vita sua 11
his verbis: Cum eo erat Silvius Josephi grandior natu frater, ad quem Julius Pa-
ter poeticam scripsit, homo bonus, neque illiteratus, qui Commentariorum Patris in
libros

libros Aristotelis De Historia Animalium mentione injecta, rogatus fuit à Thuanò, ut eos recenseret, nec diutius publico invideret. Quod & ille in parte fecit, libro decimo publicato, quem Jo. Stephano Durantio Senatus Tolosani primario Prasidi dedicavit. Certe, post Silvii obitum in Josephi manus venerunt, qui eos secum in Batavos asportavit, & Danieli Heinsio alumno suo morienti vulgandos reliquit. Sed ita confusos & incastigatos, sicut ipse postea Heinsius ad Casaubonum scripsit, ut de eorum editione desperetur.

JOSEPHI SCALIGERI Opera Impressa.

- A** Nimadversiones seu Nota in Seneca Tragædiis 8°. Lugd. Bat. 1611. & 1621.
Com. & Castigationes in Virgilii Appendicem & Vitam, & veterum Poetarum Fragmenta 8°. Lugd. Bat. 1595.
Conjectanea in Varronem de re Rusticâ, & Note in Librum de Lingua Latinâ 8°. Castigationes in Valerium Flac- cum.
Castigationes in Selt. Pomp. Fest. Elenchus Trithesii Nicol. Serarii. Ejusdem in Scaliger. Animadvers. Conf.
Nota & Castigationes in Eusebii Chronicon Fol. Amstelod. 1658.
Elenchus utrinque Orationis Chronologica Dan. Parei.
Conjectanea in Nom. Dionysiacæ. De Emendatione Temporum, & Veterum Græcorum Fragmenta, cum Notis Fol.
Commentarii in Ausonii Opera 8°. Cyclometria Elementa duo cum Appendice.
Opuscula diversa Græca & Latina cum notis in aliquot veteres Scriptores.
Emendationes ad Theocriti, Moschi, & Bionis Idyllia 8°. Libellus Hippocratis de Officiis cum Notis.
Epigrammata & Sophoclis Ajax Lorarius 8°. De Scaliger. Famil. Discurs.
Jambi Gnomici 8°. Florilegium Epigrammatum Martialis, cum versione Græcâ.
Comment. in Catullum, Tibullum, & Propertium 8°. Dissertatio de re Nummaria 8°. Notitia Galliæ.
Poemata Omnia 8°. Castigationes & Nota in Manilii Astronomicum 8°. Epistola Omnes.
Scholia ad Erpenii Proverbia Arab. Diatriba de Arte Critica.

H h h

VITA



V I T A HUGONIS GROTH.

FUISSE ante secula aliquot plures in agro Delphensi, vulgò Delphandia, illustrium familiarum arces, seu domos gentiles, quæ per injurias bellorum, tam finitimorum, quàm civilium, partim incendiis, partim devastationibus periire, apud eos constat, qui illorum temporum res scriptis suis complexi sunt. Neque dubium illis est, fuisse inter eas & arcem Crayenburgiam, cognomini genti propriam, Delphos inter & Hagam sitam ad orientem illius fossæ, quæ Corbulonis creditur & Lugdunum Batavorum ducit, eodumque vel non longè ab illo loco, ubi hodie ea conspicitur domus, quæ Crayenesta vulgò dicitur, & à viro amplissimo Herberto Beaumontio, Proceribus Hollandiæ & Westfrisiæ à Secretis, possideretur. Ut & hanc domum, Crayenburgicam puta, illam fuisse, ex qua originem suam traxit, vel potius una eademque cum illa fuit ea familia, quæ hodie Grotiana dicitur, ex non obscuris indiciis colligitur, desumpto Grotii nomine ex Belgico *de Groot*, quod propriè Magnum significat, & jam quadringentis abhinc annis illi familiæ inditum fuit ob eximium aliquod, uti credibile est, in patriam meritum; nam fuisse eos jampridem, qui ex eo stemmate nati sunt, ut patriæ suæ amantissimos, ita & juris publici strenuissimos, vel cum periculo suo assertores, ex publicis monumentis satis constat. Hi; destructâ cum pluribus aliis arce Crayenburgiâ, cum tutiores sibi sedes quærent, in proximam tandem urbem, Delphos dictam, se recepere, ibique honorificè excepti, & ad primarias urbis dignitates admissi, perceptos honores, sub eodem Magni cognomento in posteris suis ad ætatem usque nostram continuavere, retentis semper Crayenburgicæ gentis insignibus, quæ etiamnum familiæ Grotianæ, & quidem ei soli propria sunt, tanquam certissimis originis suæ documentis. Ex hac progenie ortus Hugo Grotius, apud Belgas, *de Groot*, natus est in urbe Delphis Batavorum, quæ inter primas est earum civitatum, penes quas esse jus supremæ in Hollandia potestatis, extra controversiam est. Natalis ei fuit dies decimus mensis Aprilis anni millesimi quingentesimi octuagesimi tertii, resurrectioni Dominicæ eo tempore sacer. Patrem habuit Joannem *de Groot*, ejusdem urbis Consulem, & Academiæ Lugduno-Batavæ Curatorem, ad quem exstant Lipsii Epistolæ, illustris Viri Jani Douxæ versus, & non pauca aliorum monumenta ejus nomini inscripta. Matrem habuit Alitam ab Overschie, ex primoribus ejusdem civitatis ortam.

AVVS

Avus ei fuit ille Hugo *de Groot*, qui ex illustri Cornetiorum gente prognatus, primus Grotianum nomen in familiam suam transtulit. Quippe eum circa annum trigésimum seculi decimi quinti in Diderico *de Groot* ejusdem itidem civitatis Consule, & non paucis deputationibus satis claro, defecisset stirps masculina, filia ejus Ermgarda *de Groot*, domus satis opulentæ hæres, viro Nobilissimo Cornelio Cornetio, qui genus suum ex ea Cornetiorum prosapia ducebat, qui sub Ducibus Burgundiæ ex Gallia in Belgium migraverant, nuptura, matrimonium non iniit, nisi factâ conditione, ne, qui ex eo nascerentur masculini sexus liberi, alio quàm Grotiano nomine nuncuparentur; ita natus Hugo *de Groot*, ejus Hugonis, de quo loquimur, avus, vir supra quam ea tempora ferebant, Latinarum, Græcarum & Hebræarum quoque literarum sciens. Utriusque familiæ Grotianæ scilicet & Cornetianæ, nomina, insignia, facultates & honores conjunxit, redintegratisque in eo pristinis Grotianæ domus dignitatibus, quæ jam ante tria secula in ea familia velut hæreditaria fuerant, & in parentem ejus, extra Hollandiam natum, conferri non potuerant, Senatoria & Consularia munia magno cum populi applausu accepit & gessit. Uxorem duxit Elselingam Heemskerckiam, ex ea Heemskerckiorum domo ortam, quæ antiquitus inter nobilissimas Hollandiæ habitæ, præter alios eminentes viros & Jacobum Heemskerckium patriæ dedit, qui rem strenue gerendo ad Calpen occubuit. Per liberorum suorum matrimonia nobilissimis etiam domibus, ut sũnt Almundana, veniens è Toparchis Stridenis in Hollandia, Renessia atque Utenengia apud Trajectinos se innexit. Sed ut ab avo ad nepotem, id est, Hugonem nostrum redeamus; vix credi potest, quàm ingentia à prima infantia sua liberalis indolis, eminentis spiritus, & indefessæ industriæ specimina dederit: neque à parente viro literatissimo in tanta spe neglectus, sed ante septimum ætatis annum præceptoribus erudiendus datus, tantos apud eos profectus fecit, ut ante nonum vitæ suæ annum versus fundere inceperit, ante duodecimum in Academiam Lugduno-Batavam deductus fuerit, ubi non tantum Philosophiæ, Astrologiæ & Matheos, sed & Theologiæ, & Jurisprudentiæ tam fidelem navavit operam, ut tribus annis ibidem transactis, omnibusque, quibus se applicuerat studiis absolutis, vix quindecennis in comitatum Illustrissimi viri Joannis Oldenbarneveldii Reipublicæ Hollandiæ Assessoris, & ad invictissimum tunc Principem Henricum Magnum Legati in Galliam proficiscentis se dedit. Ibi gradum in Jure consecutus, & ab Augustissimo Rege non torque tantum aureâ, sed & effigie regiâ, ob incomparabilem in ista ætate eruditionem donatus, ingentem sui & profuturam aliquando existimationem reliquit; in patriam reversus forensibus se rebus admovit. Ante decimum septimum ætatis annum causas publicè egit, & ante vigésimum quartum ad Fiscî advocationem ab Hollandiæ Zelandiæque Ordinibus vocatus est. Eo in munere tantâ se prudentiâ, curâ atque integritate gessit, ut non tantum auctum ei à Proceribus Hollandiæ salarium, sed & ultro in superiore Judicium confessu locus promissus sit. Sed ad altiora natus, & Majorum uti apparuit exemplo, rebus publicis destinatus, vacantem per obitum Eliæ Oldenbarneveldii, qui fratri Joanni Oldenbarneveldio tunc Procerum Hollandiæ Assessori in hoc munus successerat, adfessuram Civitatis

Rotterodamensis à Reſtoribus ejuſdem urbis, quæ ſecundum Amſtelodamum plurimum in ærarium publicum conſert, oblatam ex amicorum conſilio & aſſentientibus Hollandiæ Proceribus, accepit anno poſt mille ſexcentos decimo tertio, & ætatis ſuæ trigefimo. Diviſerat jam tunc temporis, non plebis tantum, ſed & Magiſtratum, Procerumque animos, orta ante annos aliquot de prædeſtinatione & annexis ei quæſtionibus controverſia, aliis abſolutam ex Joannis Calvini, aliis conditione ſubnixam ex Eraſmi, Caſtalionis, Philippi Melanchthonis & aliorum ſententia amplectentibus. Fovebaturque non Paſtorum tantum, ſed & aliorum hominum res novas molientium artibus ea diſſenſio, adeo ut non obſcurè pateret, magni aliquid per diſcrepantias illas tentari & non minus Reipublicæ quàm Eccleſiæ vim intendi: quibus perpenſis & collatis cum iis, quæ in caſu non abſimili Lyceſtrianis temporibus agitata erant, oblatis ſibi miniſterii functionem exercere recuſavit vir perſpicaciſſimus, niſi ſub conditione, ne in poteſtate Magiſtratus Rotterodamensis foret, eum unquam invitum ab eodem remove. Hac lege inſitam adieſſuram tantâ diligentia tantæque fidelitate exercuit, ut neque legitimi, id eſt, veteres, neque novi Magiſtratus quidquam in miniſterio ejus invenerint, quod carpere aut accuſare poſſent. Per eam functionem non in conventum tantum Ordinum Hollandiæ introductus, ſed & pars factus eſt conſeſſus Curatorum Reipublicæ, qui velut vicariam Ordinum Hollandiæ poteſtatem exercent, eorumque nomine, & Fœderatorum Conventum frequentare ſolent. Cumque jam ante annos aliquot in gratiam navigationis Indiciænæ de jure iſtius commercii libellum ſcripſiſſet, maximæque ſuper ea re contentiones Anglos inter & Batavos mercatores ortæ eſſent, componendis eorum controverſiis, in Britanniam miſſus eſt; ubi & ab ipſo Rege Jacobo ſapientiſſimo ſui ſæculi Principe, & ab eruditis ejus inſulæ viris non exigua benevolentiz ſigna accepit, propioremque amicitiam contraxit cum viro doctiſſimo Iſaaco Caſaubono, quem hæſtenus non niſi per literas ſuas coluerat. Glifcebant interim creſcebantque indies ſuper diverſitate dogmatum diſcrepantiæ. Jam pervenerant factioſæ diſſenſiones à Paſtoribus ad plebem, à plebe ad Magiſtratam, à Magiſtrato ad Ordines Hollandiæ veros & ſummos Reipublicæ Reſtores, ab Ordinibus ad Principem Mauritium, (cujus parens Gulhelmus Arauſionenſium Princeps in eadem præfectura conſtitutus, quoties ad eum ſimiles de Religione quæſtiones delatæ erant, ſemper teſtatus erat, earum cognitionem non ad ſe, ſed ad Ordines cujuſque Provinciæ pertinere;) à Mauritio ad Delegatos fœderatorum, quibus nihil juris eſſe in ſingularum nationum ſubditos, jam sæpe demonſtratum erat, & demonſtratum eſt apertius, nemine poſtea contra nitente. Neque deerant inter ipſos Magiſtratus, ipſosque Reipublicæ Proceres, qui incontestabile in res Eccleſiaſticas Ordinum Hollandiæ arbitrium ad eodem Delegatos deferrent. Illi auctoritate Principis Mauritiû nixi, omnia jura in ſe trahere, Proceres Hollandiæ, qui plus quàm dimidiam partem ſubſidiarum in ærarium publicum conſerebant, quorumque opibus nonnulli eorum ad commune fœdus perducti erant, ſubditorum inſtar habere, optimum & ſidiſſimum quemque è ſede Magiſtratus depellere, Oldenbarneveldium, Hogerbetium & Grotium hunc noſtrum, illum univerſæ Hollandiæ, horum alterum civitatis Lugdunenſis, alterum Rotterodamensis Aſſeſſores.

1613.

29. Aug. 1618.

fores in custodias trahere, delegatos illis iudices dare, illegitimo modo accusare, indefensos damnare; Oldenbarneveldium septuagesimum secundum ætatis annum agentem capitali supplicio plectere, reliquos duos ad perpetuos carceres mittere, & omnia eorum bona publicare: nitentibus contra & vim auctoritati suæ inferri frustra clamantibus ipsis Hollandiæ Ordinibus, donec optimis quibusque à muneribus suis dimotis, novisque in eorum loca contra leges impositis, omnia pro libidine eorum agi cœpere qui istius novitatis auctores erant. Ita captus Hugo Grotius, vir innocentissimus & patriæ suæ, libertatisque publicæ amantissimus, postquam novem per menses detentus Hagæ fuisset, eorumque sex elapsi essent in conquirendo insensibilissimos quosque, quibus iudicum munus tutò committerent, tresque reliqui in formandis accusationum capitibus essent conjuncti, interdicto interim uxori, liberis, parentibus, consanguineis & amicis, ne adire, alloqui, aut ullum operam præstare captivo, quamvis periculose ægotanti, ne quidem coram ipsis iudicibus liceret. Damnatu tandem ad carceres perpetuos, bonaque ejus publicata sunt. 18. Maji. 1619;

Quod cum ostensum iudicibus esset per leges patriæ non licere, nisi in damnatos Majestatis, anno post latam sententiam pronuntiatum ab iis est, sibi, dum ferrent sententiam, nullam aliam mentem fuisse, quàm Grotium, alioque Majestatis fuisse reos. Inde Lupesteynium Hollandiæ ditionis castellum in confinio Geldriæ inter flumina Mosam & Vahalem situm, finiendæ in pedore carceris vitæ transportatur. Ubi postquam ultra sesquiannum sustentatus bonis uxoris, asperantis iudicum largitionem, qui vicanos & quatuor in diem asses alendo captivo, totique ipsius familiæ assignaverant, studiis præcipuè impendisset, plurimasque ab iis, qui custodiæ ejus præerant injurias perpassus fuisset, tandem Dei Opt. Max. indignam viri sortem miserantis beneficio, & uxoris Mariæ Reygersbergiæ, ex primariis Zelandiæ familiis ortæ, Petrique Reygersbergii Veriani Consulis, qui non inutilem Patriæ & Nassaviæ domui navaverat operam, eamque ob causam Lycestrianis temporibus ab inimica factione ejus oppido exulaverat, filia, virilis animi, & supra sexum sapientis Matronæ, operâ pristinæ libertati redditus est; inclusus quippe ciastæ quæ transportandis libris jam aliquoties inservierat, & à custodibus ipsis in navem deductus Gornicheum proximum castello oppidum vectus, & in domum delatus est optimi ibidem civis Davidis Duetzelarii, dignissimi vel ob hoc unum in perditissimis temporibus factum, cujus nomen omnibus bonis innotescat. Ibi sumtis cœmentarii cujusdam vestibus, primum Antuerpiam, inde Lutetiam se recepit, ubi per absentiam Regis ab ipsius Ministris, postea & a Rege ipso benignissimè exceptus, & annuo donativo honestatus, sedem quieti & studiis suis posuit, semper intentus patriæ & popularibus suis, ubi quid negotii illis apud aulam eam esset, consilio, operâ, & quâ pollebat apud nonnullos Ministros regis gratiâ inservire ac prodesse; quamvis non ignoraret, eos, qui ibi res Fœderatorum curabant, nihil intentatum relinquere, quo Regis animum ipsi insectum redderent, sed frustra laborabant apud Principem nihil ignorantem eorum, quæ annis clxxxix & clxxxix in Hollandia acta erant: quin dixisse non semel fertur, mirari se virtutem hominis, qui tam malè in patria habitus, non desineret tamen ei, subditisque ejus bene velle, imò quocunque etiam posset modo benefacere. Primum operum, quod

6. Jun. 1619.

22. Mar. 1621;

quod post receptam libertatem edidit, fuit Apologeticus sive defensio, non tam sua, qui non potuerat peccare in exsequendis iis, quæ sibi à Superioribus suis mandata erant, quam eorum, qui legitimo modo creati, legitimo jure Reip. Hollandicæ annis decimo octavo & nono præfuerant. Quo comperto Fœderatorum Delegati, neque ignorantes suas in eo libro artes, illatamque Hollandiæ vim detegi, cum nihil haberent, quo expressam in eo veritatem redarguere aut refutare possent, usitatâ jam diu violentiâ utentes, proscriptionibus eum persecuti sunt: quod brutum fulmen, cum per Christianissimi Regis tutelam, qui eum in fidem suam receperat, evanisset, nihil aliud eo actum est, quàm quod Grotio vita securior reddita, typographorum eos libros vendentium duplicatum lucrum, & aucta adeo sit legentium curiositas, ut, defæctis multorum regentium oculis, eorum auctoritas non tantum publica, sed & in conventu ipsorum Procerum, imo & contra ipsos Fœderatos postea valuerit. Mansit ibi per annos undecim, amatus universum, consultusque sæpe à Prioribus regni super rebus maximi momenti. Donec pertæsus vitæ nimis otiosæ, postquam plus semel ad ministeria publica, non à Serenissimo tantum Daniæ Rege Christiano Quarto, sed & à Gustavo Magno vocatus esset: certus sedes mutare, primum in patriam redire constituit, ubi mortuo Mauritio Arausionensi Principe, frater ejus Fredericus Henricus ad gubernaculum Reipublicæ admotus, non mitioris tantum regiminis, sed & pristinæ in administranda Republica libertatis spem dederat, ipsique jam pridem Grotio animi sui affectum per literas testatus erat, credebaturque à non paucis, quæsturus sibi gloriam ex tanti viri tam injustè damnati in integrum restitutione; sed ut plerumque apud animos eorum, qui Principum consiliis præfunt, utilia honestis prævalent, neque deessent qui ipsi ante oculos ponerent, quàm periculosum rebus suis foret, hominem, tam pertinaciter libertatis ac patriæ suæ amantem, iterum ad Rempublicam admittere, potentiæ suæ quàm exultationi consulere maluit, & Proceribus super mansione Grotii, in Hollandiam reversi circa finem anni clo 1633: deliberationibus, iis accessit, qui interdicendam illi in patria habitationem opinabantur: ita coactus iterum patriâ suâ excedere illustris exul Hamburgum Hanseaticarum urbium præcipuam se contulit, mansitque ibi, captus amenitate loci, & affluentium undique eruditorum virorum allocutionibus, donec, post multas diversorum Germanici Imperii Principum requisitiones honestis modis excusatas, tandem, sed mortuo jam Gustavo Magno, Regiæ regnoque Sueciæ operam suam sub nomine Consilarii Regis, & ad Christianissimum Galliarum Regem Ludovicum decimum tertium Legati obitinxit. Sic iterum in Galliam reversus est, non tam dignitate legationis, quàm eruditionis & virtutum famâ conspicuus. Invenitis quidem & contra nitentibus, quos in patriâ habebat, adversarii, qui omnes vires apud Regem, ejusque Ministros intendeabant, ne damnati apud se hominis actiones per admissionem in eam dignitatem justificarentur; sed frustra, ut jam dictum est. Laborabant apud aulam, non ignaram eorum, quæ super hac re contra ipsius Regis consilia, toties per Legatos suos patefacta, apud Batavos acta erant. Neque adeo obscure scriptus erat ipsius Grotii Apologeticus, ut quenquam, vel mediocriter humanarum rerum gnarum, latere posset, quàm iniqua in eum sententia lata esset. Et tunc quidem officii sui crede:

1634.

1635.

credidit Rotterodamensis urbis Rectores acceptæ à se Legationis certiores reddere, quò scilicet liberati ab iis, quas cum eo pepigerant conditionibus, vacanti ab eo demum tempore urbis suæ adfessuræ providere possent: uti fecere, eligendo in ejus locum amplissimum ac disertissimum virum Simonem Beaumontium, Herberti Beaumontii, de quo supra locuti sumus, patrem. Mansit itaque ibi, & iis, à quibus, & ad quos missus erat pariter gratus, præcipuum tempus suum impendebat partim ministerio Legationis, partim studiis, partim allocutionibus eorum, qui videndi eum & consilia sua cum eo sociandi gratia ab omnibus Europæ partibus confluebant. Omnibus fores, omnibus mensa, omnibus officia ipsius patebant, ne iis quidem exceptis, quorum parentes, post multas illatas ipsi injurias, & carceris & exilii auctores fuerant. Ibat in annum undecimum ejus Legatio, cum Majorenni jam & ad Regni administrationem vocatæ Christianæ Gustavi Magni filiae ministerii sui rationem redditurus in Suediam proficiscens Grotius per Hollandiam iter carpsit, jamque Rotterodamum veterem habitationis suæ sedem pervenerat, magno ibi civium applausu & favore exceptus, cum inimici non contenti iis, quibus eum tandiu persecuti opprobriis & injuriis erant, obire suarum partium domos, quos poterant ad se trahere, omnem lapidem movere, ne Ordines Hollandiæ, tunc fortè congregati, per terras & urbes suas transire Grotium impunè paterentur: sed mutata erat rerum facies. Plurimi eorum, qui anno c1616 de xviii statum Reip. concusserant, jam è vivis decesserant, nonnulli eorum, qui eodem anno à dignitatibus suis dimoti fuerant, moderatione Principis Frederici Henrici revocati ad pristina ministeria erant, quique novi ad Remp. accesserant, ut factionibus non interfuerant, discernendæ veritati magis capaces erant. Ita factum est, ut referenti in conventu Procerum Hollandiæ Jacobo Cætho, eorum tunc adfessori, quid sibi super ea re dictitatum esset, responsum à Proceribus sit, vano timore liberaret homines, nimium meticulosos, ipsis curæ fore, ne quid Respublica detrimenti caperet. Amstelodamum interea pervenerat Grotius, inde Hamburgum petiturus; neque enim affectabat ullis se civitatibus videndum præbere, nisi quarum transitum evitare non poterat. Consulatum in eacivitate eo tempore obtinebant viri sapientes & moderati Petrus Hasselarius, Andreas Bickerus, Gerbrandus Pancratius, & Guilhelmus Backerus, qui de adventu in urbem suam Grotii certiores facti, neque dissimulare copientes, quanti facerent virum, tam solidè eruditum, tam bene de patria meritum, tamque illustri per totum terrarum orbem famæ celebrem, sine cunctatione eum adiere, optima quæque officia ei obulere, publico convivio exceperere, & navem itineri ipsius aptari curavere: ita rursus patri nuncquam sibi postea videndâ excessit vir excellentissimus. Hamburgum maritimo, terrestri itinere Lubecam petens, honorificè à Magistratibus utriusque civitatis exceptus fuit. Inde Wisnariam Pomerani Ducatus oppidum, Suedicis præfidiis occupatam, pervenit. Erat eo tempore non longè ab ejus portu cum ingenti classe Wrangelius Comes, Regni Suedici Archithlæsus, qui de adventu tendentis in Suediam Grotii certior factus, contrivisse navem bellicam, promovendo ipsius itineri, ad eum misit, eà Calmariam Grotius venit, inde Holmiam petiturus; quo comperito Regina, quæ tunc sorte Upsaliæ erat, magnæque jam diu videndi Grotii desiderio tenebatur,

tur, reditum suum in eandem urbem, Imperii sui sedem, properavit. Postera die ad alloquium Reginae admissus Grotius, postquam multa, rebus ac temporis convenientia, disseruisset, Legationis suae partes exposuit actionum suarum rationem reddidit, pro favore tamdiu percepto gratias egit, dimissionemque à ministerio suo petiit. At Christina, ut erat omnium rerum cognitionem suam merentium, gnara, literarumque & literatorum amantissima, ipsiusque Grotii, editorumque ab eo operum perspicacissima aestimatrix, reliquae orationis ipsius capita benigniter, ad ultimum, ubi de dimissione sua locutus erat, non nisi per ambages respondit. Adeo ut non obscure pateret circumstantibus, mentem Reginae esse, Grotium apud se detinere, propiusque consiliis suis admove: sensit hoc & ipse Grotius, neque dubitavit hoc unum sufficere ad irritandam invidiam illam, quam à principio adventus sui in nonnullis Regni Proceribus animadverterat. Quare, cum nihil minus propositum ei esset, quam in ea terrarum parte habitationis suae sedem figere ubi non minus cum ingeniis hominum tam male sibi volentium, quam cum aeris inclementia luctandum quotidie foret, non destitit coram Regina, quoties ad eam accederet, dimissionem suam & veniam ad suos revertendi efflagitare. Illa, quae neque diversas terrarum regiones, neque discrepantes hominum mores ignorabat, eoque minus dubitare poterat, quam difficile esset, animum non avaritiâ, non ambitione distractum, sed solis studiis & virorum eruditiorum colloquutionibus contentum, ex eo, sub quo tamdiu respiraverat caelo, in eam mundi plagam trahere, quae vix ipsi, ibi natæ, ibi educatæ, ibi regnanti, imo ne vix quidem placeret, statuit tandem desiderio ipsius morem gere, virumque non male de se meritum, laudibus, muneribus, singularisque affectibus demonstrationibus cumulatum dimittere: ita, quamvis ægrè consentiente Regina Holmiâ decessit Grotius, corpore jam minus validus, contrahi, uti credebatur, infirmiore valetudine, partim ex tædio tardati tamdiu itineris, partim ex rigore aeris, minus naturæ suae convenientis: sed sperabant, qui ei aderant, tam validam in eo futuram spem revivensæ propediem conjugis & familiae suae, ut præcipuam partem doloris, quam ex eorum absentia contraxerat, dissipare posset. Cælo sereno, ventisque satis faventibus è portu Dalerensi solvit navis, quæ transvehendum Lubecam Grotium suscepit, sed brevis fuit illa aeris serenitas, sequenti quippe die vehemens tempestas contrahere vela jussit, ingravescentisque magis magisque circa vespem majorem malum disjecit, ejusque pondere submersum penè navigium, adeo contrariis undique ventis concussit, ut fracto & altero malo tandem ad oram Cassubiae lacerum & perfluum littori impeerit. Octavo, postquam è portu solverat, die, descendit in arenam cum comitatu suo Grotius, non longè à vico Lyba dicto, decem & quatuor milliaribus Germanicis à Dantisco sito, non minus animo, quam corpore æger: cumque ne unum quidem diem curando ac reficiendo corpori à festinante ad suos redire animo obtinere posset, rustico, quod ægrè ibi nactus erat, vestibulo, iter per medios imbres & ventos continuavit per aliud octiduum, donec consumptis per nimias agitationes & lassitudinem viribus, tandem Rostochium pervenit, & lecto non resurrecturus incubuit. Postero die accersitus ad eum venit Medicinæ Doctor Stockmanus, qui pulsū venæ observato ejusque debilitatem soli lassitudini imputa-

idem sequenti die rediit, auctamque debilitatem, sudoremque lethalem, & reliqua deficientis naturæ signa agnovit, actum esse de ejus vita, jamque in agone mortis versari pronuntiavit, in eo cum esset statu circa nonam vespertinam vocatus ad eum accessit Theologiæ Doctör ac Professor, nec non Verbi Divini ibidem Minister Joannes Quistorpius, qui post habitos aliquos cum eo sermones super fragilitate humana, multifariis mortalium peccatis, necessarii eorum poenitentia, Deique Opt. Max. in iisdem condonandis propter merita Christi immensa clementia, quæque his similia morientibus proponi solent, ad preces se convertit, quarum verba complicatis manibus, submissa voce fecutus Grotius, paulatim deficere, auditumque primò, mox & visum perdere incepit, nec multo post sub ipso puncto mediæ noctis placidè expiravit. In testina ejus æneo vasi inclusa ibidem in loco honoratissimo Ecclesiæ Cathedralis sepulta sunt. Corpus ipsum balsamo conditum in urbem patriam Delphos Batavorum transportatum, ibique non sine ingenti exsequiarum pompè proavum sepulchro, quod in choro ædis novæ à dexteris celeberrimi Arausionensium Principum monumenti repositum est. Erat formâ corporis vulgarem non multum excedente, facie satis pulchrâ, colore nitido, nato in aquilinum verso, oculis splendidis, vultu sereno, membris compactis, & robustis adeò, ut in ambulando, currendo, saltando, in eâ quâ erat ætate, vix quenquam sibi parem reperiret. In rebus agendis serius, apud amicos hilaris, apud omnes affabilis erat: quâ verò industria, quo ingenio, quo judicio, quâ pietate in Deum, amore in proximum, charitate in patriam præditus fuerit, apertius ex ipsius scriptis, quàm ex aliorum testimoniis colligetur. Liberos discedens reliquit quatuor, filios tres, & filiam unicam, quorum Cornelius ac Didericus, ille natu maximus, hic minimus post obitos in militiâ Tribunatus, aliaque cum laude dignitates ambo jam olim cælibes obiere. Filia Cornelia, etiamnum superstes post obitum patris nupsit Joanni Barthoni Vicecomiti de Mombas, primariæ apud Piætones nobilitatis & illustrissimis Galliæ familiis insito. Hic à primâ adolescentiâ, more Gallicæ nobilitatis, nomen suum militiæ dedit, & post varios gestos in patriâ honores ac dignitates tandem ad Tribunatum equestrem evectus, in gratiam uxoris, aerem Gallicum non ferentis, in Hollandiam migravit. Ubi vir ingenio pollens, manu strenuus, rei militaris longâ experienciâ subactus, inter primos equitum Magiströs adscitus ad majores dignitates assurgebat, sed incertum, suo an ejus, cui se per matrimonium innexerat, familiæ fato, captus, damnatus, vix difficili fugâ capitali se periculo subduxit. Petrus de Groot ejusdem Hugonis filius secundus, patriæ suæ luçuofo funere nuper admodum ereptus apud bonos triste sui desiderium reliquit. Hunc parens à teneris patriæ suæ ac togæ dicaverat, idcirco ut gentis suæ moribus ac genio imbueretur, eum in Hollandiam anno clc xxix. misit; illic sub Theodoro Schrevelio, Scholæ Lugdunensis Rectore, studiorum suorum fundamenta jecit, deinde adultior in Philosophia Casparum Barlæum, in Historiis & Politica Gerardum Vossium, & in Jurisprudencia Joannem Corvinum audivit. Posthæc anno clc lccxxxvii. omnigenâ eruditione instructus in Galliam ad patrem reversus est; ubi non tam annis, quàm præcoci ingenio ac judicio rebus agendis maturior, non inutilem

parenti sæpe præstitit operam, tam in visitandis amicis & expiscandis aulae arcanis, quam componendis legationis literis, cum temporis angustia aut absentia patris id exigèrent. Anno sequenti in patriam reversus, aliquamdiu rebus forensibus animum admovit, publicis tamen commodis quàm privatis inservire propensior. Sed nulla spes erat, ut ad Reipublicæ clavum tantorum stemmatum patritius juvenis admitteretur ab iis, qui parentem virum integerrimum, ad perpetuos carceres Jamnaverant. Idcirco vitam privatam egit, donec pace Monasteriensis restitutus in Palatinum suum Serenissimus & Sapientissimus Princeps Carolus Ludovicus, Sacri Romani Imperii Elector hoc nostro uti voluerit, qui res suas apud Præpotentes Fœderati Belgii Proceres administraret. Cum paulatim in patria verteretur rerum facies, tandem anne clb lxc oblata sibi adfessuram civitatis Amstelodamenfis septem annos summâ fide ac industriâ gessit. Anno lxxviii à Fœderatis Ordinibus Legatus ad Reges Septentrionales missus, primùm Harniam appulit. Postquam Ordinum mandata esset exsecutus, à Daniæ Rege Frederico Tertio, benignissimè exceptus & dimissus, Holmiam pervenit. Hic à Carolo XI, & universo regni Senatu, magno honore habitus, ultra annum permanfit, cum mortuo in Galliâ Legato Guiljelmo Boreel ad Christianissimum Regem ab Ordinibus Delegatus domum evocaretur, ubi Adfessuram Civitatis Rotterodamensis, paternam olim provinciam, à Rectoribus ejus oblatam, suscepit. Legationes omnes, præcipuè Gallicam, summo labore, summâ industriâ, & mirificâ vigilantia, non sine magno Fœderatorum Procerum applausu obivit, quibus utpote spectata erat ejus fides & sedulitas, hostium arcana, & insidias, vimque, quam in patriam molirentur, indagare sagax, ac patriæ Rectoribus significare prompta. Tandem in patriam reversus, & in Conventum Fœderatorum Delegatus, ex eo honorum culmine à fatali illo Bataviæ turbine, quem rabida, & tumultuans plebs conciverat, deturbatus, & cum optimis & sapientissimis patriæ Rectoribus dignitatibus suis est exutus. Nec sic satius est furor; nam vix eluctatus manibus scariorum, qui pugiones in necem ejus acuerant, amicorum consilio, & circumstrepentibus undique periculis, persuasus est tempori cedere; & aliquamdiu, donec istæ consilescerent turbæ, patriam relinquere. Primùm Antuerpiam celeberrimam Brabantiae Civitatem se contulit, & non sine ingenti vitæ discrimine vixit sub præsidio Illustrissimi Comitissæ Montherzi, Regis Hispani Gubernatoris, qui non semel ipsum monebat, ne manendo diutius in urbe, Hollandiæ tam vicinâ, irritaret animos eorum, qui in cædem ejus conjuraverant; itaque ne se diutius adversariorum telis exponeret, primo Leodium, inde Aquisgranum, postremò Coloniâ Agrippinam, urbem non tantùm naturâ, sed & propter Legatos pacis ibi negotia tractantes, tutissimam, profectus est; ubi partium arcana expiscando, & perferendo ad Legatos Fœderatorum, non inutilem patriæ suæ operam præbuit. Post exactum biennium reversus est, cum non pauci paulatim furore dæsecati ac sedatiores, rectæ rationi ac veritati oculos aperirent. Jam innocentia ejus gaudebat vultum erectum & pectus nullius flagitii conscium adversariis offerre; pertæsa etiam more maleficorum diutius extorris à patrio solo, de quo tam præclare meruerat, fugitivam vitam trahere. Primò tranquillè, nemine obstante, in villâ ætatem agebat; sed cùm se Hagam confert,

conferret, à Fiscis procuratore accusatus, quod cum Abrahamo Vicquefortio, Serenissimi Ducis Brunsvicensis ad Fœderatos Proceres publico ministro, literarum commercia habuisset, quodque detecta hostilium Legatorum secreta de pacis negotio ad Legatos Fœderatorum detulisset, solâ judicium integritate, vitam, famam, facultates, quibus simul inhiabant inimici, conservavit. Sic tandem bona causa triumphavit, missante plebe. Posthæc ne adversarios adspæu suo ureret, migravit cum familiâ in villam, quam non procul Harlemonitam habebat; ubi liberos suos educando, auctores bonos terendo & amicos excipiendo Scipionis Africani & illustrium aliquod virorum exemplo, vitam nemini gravem, sibi que nec injurundam nec indecoram coluit. Cum sic privatus quietè ac tranquillè ætatem ageret, morbo correptus, annum agens septuagesimum, mortem constanti ac hilari vultu excepit, utpote, quæ in tutam stationem deduceret à teneris jam plurimis vitæ procellis agitatum. Ubi livor, qui pascitur in vivis, sese consumserit, & partium studia deserbuerint, honoribus intaminatis fulgebit hujus viri decus, ejus virtutes ac gesta, quæ summam attingimus, posterorum annales loquentur, idcirco pauca quædam de corporis habitu, & mentis dotibus delibare animus est. Corpore erat procero & obeso. Papulæ, quas parens ejus ad Benj. Maurerium de nostro scribens, ait fuisse velut abortivum partum effœtæ pestilitatis, faciem ejus deformaverant, & alterum pedem ita contraxerant, ut totam vitam claudicaret. Ulysses ferunt non formosum, sed facundum fuisse, & in Periclis labris Suidæ Deam sessitavisse, quæ verè in nostrum competeabant. Animo autem erat cándido & niveis moribus, in prosperis ejus comitas, in adversis constantia, in omnibus vitæ æstionibus intemerata fides elucebat. Post divinam supremam illi lex erat salus patriæ. De Republica benemereri, amicos colere, inimicos beneficiis sibi devincire, illi summa voluptas & studium fuit.

De Illustissimo viro Hugone Grotio, Petro Grotio filio, & reliqua ejus familia hæc summam attingimus; ut autem, quæ de Hugone Grotio, de quo præcipuus hic sermo, diximus, majorem habeant fidem, adjunximus literas Frederici Henrici Arausionensis, Fœderati Belgii Gubernatoris, ac Reginæ Christianæ, quorum amplissima testimonia effœtæ jam senio & luminæ veritatis præfictæ maledicentiæ prævalebunt.

C O P I E

De la lettre escritte le IV d'Aoust 1622.

par F. Henry Prince d'Orange, au Sr. Hugó de Groot.

M O N S I E U R,

Je vous remercie des bons offices que vous m'avez rendu par delà vers quelques-uns du Conseil du Roy : ce que je vous supplie de continuer tant vers les susdits, que autres que vous jugerez à propos, vous assurant que je recognoistray cette bonne volonté en toutes occasions, où j'auray le moyen de vous servir. Je vous supplie aussi de faire estat de mon affection : & vous assurer, que je vous la continueray tousiours, y estant obligé par celle que vous m'avez tesmoignée de tout temps. J'ay prié vostre beaufrere le Sieur Reigersberg de vous escrire particulièrement sur quelque sujet, sur lequel je seray fort aise d'entendre vostre avis : vous m'obligerez fort de me l'envoyer, comme vous avez desja fait par le memoire que vous m'avez envoyé, dont je vous remercie bien fort. Je souhaiterois de pouvoir estre utile en vos affaires par deca, & m'y employerois de tout mon cœur, mais vous savez la constitution des affaires estre telle, que ny moy, ny vos autres amys, ne pouvons vous y servir, comme nous desirerions bien. Je veux esperer que le temps y pourra apporter du changemint, & que je vous pourray revoir en ce pays estimé & honoré comme vos rares qualitez le meritent : dequoy je ne recevray pas moins de contentement que j'ay fait de vostre liberté. Cependant je vous souhaite en vostre éloignement de vostre patrie tout le contentement, heur & prosperité que vous scauriez desirer. Ce que je prie à Dieu de vous donner, & à moy l'occasion de vous faire paroistre par effect que je suis,

M O N S I E U R,

De la Haye
14 d'Aoust 1622.

Vostre tres-affectionné à vous faire service

FR. HENRY DE NASSAV.

D O M I N E,

DOMINE,

Ago gratias pro bonis iis officiis, quæ mihi apud quosdam præstitisti, qui Regi sunt à consiliis; rogeque ut sic pergas tam apud eosdem, quàm alios, quos non inidoneos judicabis, meam dans fidem, me non immemorem futurum hujus benevolentia, sed qualiscunque se occasio offerat, operam tibi daturum. Oro etiam, ut persuasum habeas meum erga te favorem, quo te semper prosequar, inductus eo affectu, quem mihi omni tempore fecisti testatissimum. Rogavi affinem tuum D. Reygersbergium, ut ad te definitè & distinctè de rebus quibusdam scriberet, ad quas intelligere sententiam tuam gestio, hanc si miseris, magno beneficio me tenebis obligatum, sicut nuper, cum memoriale ad me mitteres, pro quo gratias ago maximas. Utinam hic possem rebus tuis utilem operam afferre, eam sane ex animo impenderem; sed nihil te fallit eum nunc esse rerum statum, ut aut ego aut reliqui amici commodis tuis ex voto inservire nequeamus. Spero tamen, quòd tempus mutationem hisce inferet, quodque te brevi videbo existimatione & honoribus iis florentem, quos eximia doctes tuæ requirant. Unde non minor mihi voluptas suborietur, quàm olim ex tua libertate. Interim dum extorris à patria vis, exopto tibi omnia grata, fausta, prospera, ipsi tibi quæ optare possis. Precor Deum, hoc ut tibi donet, mihi que occasi-
nem, ut tibi queam re ipsa ostendere, quòd sim,

Omni affectu tibi inservire pronus

F. HENRICUS à NASSAV.

Response de la Reyne Christine à feu Madame Grotius.

MADAME,

J'ay appris de vostre lettre du 16 Juillet, comme quoy mon Ambassadeur à executé les ordres, que je luy avois donné touchant les livres de feu Monsieur Grotius vostre Mary; & que nonobstant les offres, que des autres avoyent faictes pour s'en rendre possesseurs, vous avez en plus de consideration pour mes desirs, que pour les avantages, que l'on vous fai soit esperer de ce costé là, J'advoüe, que dans le plaisir, que je prens à la lecture des bons auteurs, je suis tellement amoureuse des escrits de Monsieur Grotius, que je ne m'estimerois pas contente, si je me voyois
deschené.

descheuë de l'esperance de les associer à ma Bibliothèque. Mon Ambassadeur vous peut avoir dict une partie de la haute estime, que je fais de son admirable intelligence, & des bons services qu'il m'a rendu : mais il ne scauroit vous exprimer parfaitement à quel point son souvenir m'est cher, & les effets de ses travaux considérables, Que si l'or & l'argent pouvoient contribuer quelque chose à racheter une si belle vie, il n'y auroit rien en mon pouvoir, que je n'employasse de bon cœur pour cet effet. Jugez de là, quo vous ne scauriez mettre ces beaux monumens & reliques entre des mains, dont ils soyent mieux recueus & traittez, que les miennes : & puisque la vie de leur auteur m'a esté si utile ; ne souffrez pas, que sa mort me prive entièrement des fruits de ses illustres peines. J'entens, qu'avec les livres, que d'autres ont faitz, vous me fassiez tenir tous ses memoires manuscrits & extraicts, suivant la promesse, que vous m'en faites dans vostre lettre. Vous ne me scauriez jamais mieux tosmoigner vostre bonne volonté, qu'en ce rencontre, & j'ay, Dieu mercy, dequoy le reconnoistre, & vous en remercier, ainsi que mon Ambassadeur vous donnera à entendre plus particulièrement, auquel me remettant, je prie Dieu, qu'il vous maintienne en sa sainte grace.

à Stocbolme ce
12^d Aoust, 1648.

CHRISTINE.

Responsio Reginæ Christinæ ad Mariam Reygersbergiam
piæ memoriæ, H. Grotii uxorem.

EX literis tuis decimo septimo Kal. Aug. ad me datis, intellexi quo pacto Legatus meus jussa mea sic executus in conciliandis mihi mariti tui Domini Grotii p. m. libris, quodque neglectis aliorum, qui eorum possessores esse ambiebant, oblati, majorem habueris rationem, meis desideriis ut morem gereres, quam propriis commodis, quorum spes ab altera parte affulgebat. Equidem inter voluptates istas, quas ex bonorum auctorum Iectione capio D. Grotii scripta ita depereo, ut si spe mea frustrata nequeam ista Bibliothecæ meæ adjungere, nunquam me voti compotem arbitratura sim. Legatus meus fortasse tibi retulit partem summæ illius existimationis, qua vigent apud me ejus admirabile ingenium, & egregia, quæ mihi præstitit, officia ; sed perfectè non potuit exprimere, ejus memoria mihi quàm sit cara, & scrip-
torum

torum monumenta quàm suspicienda. Sane si in auro & argento aliquid esset momenti ad redimendam vitam tam claram, quidquid esset in manu mea animo lubenti in hunc finem conferrem. Ex hisce colligas, quòd egregia hæc monumenta & reliquias non possis committere manibus, à quibus meliùs excipiantur, & habeantur, quàm meis. Cùm horum author vivus mihi fuerit adeo utilis, ne patiari, ut ejus morte illustrium ejus laborum fructu planissimè priver. Sic intelligo, ut unà cum aliorum libris mihi omnium memorialium manuscriptorum & breviorum facias copiam, secundùm promissà per literas tuas mihi facta. Nunquam mihi posses testatiorem facere tuam benevolentiam, quàm hac occasione; nec deest mihi, gratia Deo, unde hanc gratiam rependere teque remunerari queam, quorum Legatus meus te certiore faciet, cui acquiescens Deum rogo, ut te sanctissimà suà gratià protegat.

CHRISTINA.

Holmæ prid. Idæ
Augusti 1648.

Hugonis Grotii Opera Impressa.

A Nnotationes ad vetus, & Novum Testamentum.

De veritate Religionis Christianæ.

Pietas Ordinum Hollandiæ.

Ordinum Decretum cum notis.

De satisfactione Christi contra Socinum.

Disquisitio an dogmata sint Pelagianæ.

De Fato.

De Cæna celebrandâ ubi Pastores non sunt.

Notæ ad Cassandrum.

Animadversiones in Animadversiones Riveti.

Votum Pacis.

Discussio Apologetici Rivetiani de Pace.

Notæ ad Decalogum

De fide & Operibus.

De Antichristo.

Appendix adversus Borvoritum.

Tractatus de jure belli ac pacis.

Apologeticus Rectorum Hollandiæ.

De imperio summarum Potestatum circa Sacra.

Oratio super hæc materiâ, Amstelodami habita.

Introductio ad Jurisprudentiam Batavicam.

Horum sparsio ad jus Justinianum.

De Mari libero.

Annales & Historia belli Belgici.

De Antiquitate Reipubl. Bataviæ.

Obsidio Grollæ.

Notæ

Nota ad Procopium.
Disquisitio de Origine Americana.
Nota ad Martianum Capellam.
Nota ad Arati Phenomena.
Nota ad Lucanum.
Nota ad Senecam tragicum.
Nota ad Tacitum.

Anthologia Græcorum Epigramma-
tum.
Excerpta è Stobæo.
Excerpta è Tragediis & Comæ-
diis Græcis.
Tragædia, Phænissa,
Electra, & Supplices.
Pœmata & Epistolæ.

PETRI



PETRI PITHOEI

I. C.

V I T A.

PITHOEORUM origo è Viromensî pago, qui situs ad mare, in ea parte Neustriz, quam inferiorem Normaniam vulgo vocant, indicio est in antiquis monumentis recensio nobilium qui anno Salutis M.CXLXXX. in Hierosolymitanam militiam ultro ierē, in quibus Guilelmus Pithœus secundus Viromensium adscriptus, addito ejus digmare, quod idem in Pithœorum Trecensium scutis etiamnum manet. Post quem longo intervallo Æmilius Pithœus patria & paternis opibus majori natu fratri reliâs, venit in Campaniam, ubi filium Andream genuit, è quo natus Petrus, qui & alterum Petrum reliquit, patrem nostri Pithœi, ad quem festinans, de patre pauca dicam. Natus is in Campaniæ vico, cui nomen Heruicum, non longe à Trecensî oppido, in quod migravit Petrus, simul ab armis ad literas, quibus tum pretium atque honos regnante Francisco primo. In iis excelluit hic Petrus, doctissimus totius provinciæ, nec juris tantum municipalis ac forensis peritissimus, de quo respondere ille quotidie & urbi & provineiæ, adscitusque in consilium primorum, sed civilis etiam juris consultissimus, & veriorum ejus disceptationum, atque omnis antiquitatis quæsitior accuratissimus, quod & filiorum relatione, & testimonio maximi Cujacii scimus esse verum. Uxores duas duxit, è prima geminos tulit Joannem & Nicolaum, qui annum agentes septuagesimum tertium etiamnum vivunt, insignes tam longæva ætate, (quod rarum in geminis, & habitum miraculo, præcipue septimo mense natis:) sed insigniores summa pietate, & maxima inter geminos concordia. Ex altera plures liberos tulit, sed illustres maxime Petrum ac Franciscum; utrumque natum bono literarum & posterorum miraculo, sed de Francisco tantum est, vivit adhuc & precor vivat. De Petro, quem fata nuper ad feliciorē vitam traduxere, dicendum latius. Is natus Kal. Novembris, anno M. D. XXXVIII. ingenio à prima ætate acuto semper & prompto, at corpore diu infirmiore, donec adolescente ætate & procerior sperato evasit, & robustior. Primas literas in urbe Tricassium didicit à solennibus gymnasiis Trecensis doctoribus. Missus inde Lutetiam, ubi florescentes tum literas coluit diligentissime, miratus unice doctissimum illum Turnebum, cui pares paucos sequens

sequens ætas tulit, illa neminem. Demum revocatus à patre, & statim Avaricum Biturigum missus, ut Jus civile addisceret, cum mandatis prudentissimi senis, ne glossas aut commentarios doctorum moraretur, sed ipsa Jurisconsultorum atque Imperatorum verba diligentissime expenderet, æquibus accuratæ pensis vera lux juri Civili, sicuti ex imperitissimorum doctorum dubiis interpretationibus ac vacillantibus responsis, meræ tenebræ. Quæ mandata securus filius summa fide, felicior patre quod in ætatem doctiorem incidit. Nam pater Haloandri editione utebatur, quæ tum optima, eamque ad mangscriptos plerosque contulerat labore summo. Ætus filii Pandectarum Florentinorum emendatissimi codicis editionem nacta est, & post felicem multorum eruditorum operam, antecessorem audivit maximum Cujacium, cui haud scio an pares fuerint antiqui illi I. C. quorum vestibula frequentavit Romanorum clientium turba, aut quorum oracula Imperatorum autoritate munita, post tanta intervalla temporum etiamnum venerantur externi populi. Certe neque illi acriori judicio jus tractare, neque post eorum ætatem quisquam ad hujus viri doctrinam, acumen, judicium accessit. Tantum doctorem nactus Pithæus adhæsit uni, quem & securus Avarico Valentiam, & diligentissimo studio adsecutus, ut Cujacius in arctiorem amicitiam ac familiaritatem juvenem addisceret, & discere doctor à discipulo, ac quæ didicisset publicis monumentis profiteri non dedignaretur. Audivit eum Pithæus usque ad annum M. D. L. X. summa industria Jus civile simul tractans & in omnem antiquitatem enquirens. Quod illi studium duravit usque ad exitum vitæ, vetustissimos optimorum scriptorum codices, undequaque quovis pretio comparans, dein anxio ac fideli labore conferens, non ostentationi aut inani ac curiosæ adlectioni, quod plerisque usû venit, sed literarum ac rei publicæ amore maximo, cognitoque non legi, non intelligi sine hac diligentia optimos quosque scriptorum veterum: Neque ut in iis, emendandis conquiesceret, quod sibi opus hodie adsumunt, nimium vani homines, sed ut ex emendatis, rerum ipsarum cognitionem penitissimam hauriret, quam potius habuit semper verborum scientia, sicut utramque in omni vita parvi à se factam indicavit, nisi ad scientiam accederet pietas morum, integritas vitæ, & in excolendis publicis privatis officiis inculcata industria. His artibus munitus à studio ad forum & rempublicam venit, delecta Parisiorum urbe quo sedem fortunarum conferret, & amplissima Curia quam assidue lectaretur, non insano lucri cupidine, qui fere aliorum finis, neque ut solenni tempore decursu gradum sibi facerent ad emendum magistratum, quod ille detestatus semper: sed ut juris nostri usum in amplissima schola perdisceret, quo cognito & adesse amicis, & prodesse omnibus consilium expectantibus posset, ac præcipue Reipublicæ, si quando usus eveniret. Itaque desatam ad se amici causam egit in sanctissimi ordinis consistorio, atque obtinuit, sed unicam. Vidit enim & ex prima causa perdidit vir acutissimus, alia omnia sequenda esse sibi si forum tenere vellet, fingendos alios mores, alium sermonem, non verum semper constanti judicio tuendum, sed aut probabile versatili ingenio quærendum, aut falsum solerti colore prætexendum, dicendum & pe contra quam sentiret, & in iustissima causa tuenda, tamen nisi ad imperitissimorum sæpius litigantium arbitrium, & ad forensis turbæ gustum orationem componeret, denique nisi omnia ostentui potius quam vero pararet, frustra se futurum,

ac pro.

ac pro laude merita reportaturum indignos imperiti vulgi sibilos. Itaque abstinuit deinceps à dicendis causis, assiduus tamen foro, notandisque quæ illustriora decreta diligentissimus, simul rogantibus defensiones scribens, & consulentibus de scripto respondens, sed nunquam nisi accuratissime perpensis quæ scriberet. Quod idem in iis quæ publice edidit non pauca servavit anxie, ut paucissima de luo eaque certissima scriberet, neque unquam nisi adscriptis veterum auctoritatibus. Atque hoc scribendi studium nunquam sejunxit a forensi, certus prodesse saltem hac parte Reipublicæ. Itaque plura veterum auctorum, sive Theologorum, sive Jurisconsultorum, sive Historicorum, sive Poëtarum etiam ac Philologorum ex ejus bibliotheca videre lucem, quam ex ulla hujus sæculi, eaque selecta omnia, & summi ejus judicii atque ingenii, præcipue vero summi atque infucati candoris indicia certissima, quæ recensere singulatim non est instituti mei. Sed præcipue illustris opera ejus in historia posteriorum sæculorum à Justiniani & paulo antiquiore ævo ad patrum nostrorum memoriam, quæ tenebrosissima, & pæne sepulta incuria scriptorum, quum Jicæ omnes apud monachos imperitos rei publicæ, & huic fini historicos, ut natales ac nuptias Regum narrarent. Eorum temporum historiam, quæ ad regnorum ac provinciarum statum, quæ ad Ecclesiæ administrationem, ex optimis quibusque & fidelissimis antiquitatis monumentis sedulo sibi comparaverat, quorum partem maximam communicavit etiam omnibus, datis in lucem quæ selectissima de duabus geatibus Regum nostrorum, item Caroli magni ac successorum legibus, quæque de Comitum Campanorum serie, sed præcipue restitutis veterum Theologorum scriptis, quæ innumera vel primus vel meliora dedit in vulgus; daturus etiam doctissimum atque utilissimum opus, diligentissimam Synodorum omnium editionem, quam summo studio, impensa, labore collegerat, ni prævenissent acerba fata. Quæ ego una serie præcæpere volui, ut semel dictis quæ ad studia & literas pertinent, de ceteris ejus actionibus dicam liberius. Vixit ergo ab anno M. D. LX. Lutetiz usque ad civilium bellorum primas faeces, quorum importunitatem fugiens, secessit ad literarum orium, gravissimis interea periculis obnoxius, ut sæpe inter metum imminentiæ mortis, solamen tamen è libris peteret, & in maximis discriminibus scriberet optima quæque & doctissima. Quibus tandem post longos furores sedatis, rediit ad forum post annum M. D. LXXII. & morientibus amicis cogitandum de sobole, duxit ex honestissima familia Catharinam Paludellam conjugem, cum qua deinceps vixit inoffensa concordia; mansitque inde in foro, adscitus in consilium à maximis quibusque & sapientissimis, delectusque à multis etiam ignotis controversiarum suarum arbitri. Quo in utroque vir magnus excelluit, ut scires natum discernendo verum à falso, & agnosceres in privata toga perpetuum magistratum. Nec privatis solum controversiis electus arbiter, sed etiam publicis, adscitus in consilium toto vitæ tempore de rebus majoribus, quia verà virtute tantum autoritatis quæfiverat apud maximos quosque & probissimos tam in Senatu quam in aula, ut nec de republica ante sententiam suam dicerent, quam Pitheum ejus auctorem habuissent. Itaque vixit luce sua tenebras infelicissimi sæculi, quo nullus honos nisi emptus pecunia; vocatusque ultro & coactus etiam ad suscipiendos honores: primo adscitus inter substitutos Regiorum cognitorum, quo in honore ita placuit & magistratibus & privatis omnibus, ut

invitus retineretur ultro in eo munere, etiam postquam id ut cetera additum pretio: & paulo post querenti Regi Henrico III. qui cognitoris sui vicem delegatæ in Aquitaniam Cameræ adesset, commendatus ab omnibus bonis Pithæus, lectasque statim, habuerit ubi summæ doctrinæ, ingenii, prudentiæ, probitatis, fidei, documentum in oculis omnium daret. Indicavit virum sapientissimum magistratus amplissimus & Aquitanicæ provinciæ, & universæ Galliæ, quo deposito, repetiit adsueta fori ac literarum munia, donec fatale miserimæ Franciæ malum, conjuratio sacrum nomen mentita, faces subdidit nondum restituto ex pristinis ruinis regno, prodiditque oculis nostris omnium quotquot unquam legimus, audivimus facinorum, exempla tristissima. Ludibrio habita numinis divini majestas, sacramentorum sanctitudo, Principum jurata fœdera: summa illa & sanctissime culta Regia auctoritas lacerata plebis infimæ sordidis contumeliis, Ecclesiasticorum vesanis decretis, nobilium insanis armis, magistratuum ipsorum furiosis edictis ac sententiis, sævitum passum in omnis ordinis sexus, dignitatis homines, & tandem summum atrox, ferum in ipsam Principem. Deprehenderunt hi fluctus Pithæum intra Parisiorum muros, quorum ille furem immanissimum detestatus, mansit tamen in urbe cum uxore ac liberis, & (quæ post carissima pignora proximum locum adfectus tenuit,) bibliotheca; non ut probaret præsentia sua nefandam furentis populi rebellionem profusam in scelera omnia, sed ut magistratuum esse judicabat abire ab urbe, quam retinere in officio non possent, nec auctores fieri scelerum quæ aut inhibere aut punire debebant, ita ratus licere privatis manere apud patrios focos, maxime quibus ætas grandior, familia infirmior: sed præcipue sibi, quem sentiebat nulla vi cogendum ad scelus, & cum spe fore ut ope consilio suo adjuvaret in tempore labentem miseram civitatem, quum præsentium malorum tædium, metus ex imminetibus, & summus consultor temporis sanctis monitis locum daret. Mansit ergo in urbe, tum demum longi illius temporis fructum maximum capiens, quo in privata toga carus omnibus & ab omnibus suspectus viverat. Vidit enim plerisque magistratuum aut furori sceleratæ plebis obnoxios, si in officio esse vellent, aut coactos ad scelus metu præsentis mali, securus ipse interea, qui nullum locum tenebat in Republica, & conscientia vitæ ac sanctitudinis inter furentes tutus, solatia vera è libris sumens, quos maximo in otio diligentius tum conquisivit, perlegit, exscripsit: & interea majori illi curæ semper intentus, ut omnes miserimæ plebis motus studiosè observaret, quam facile mutari norat, & ad officium paucitæntia reduci unice expetebat. Itaque post dirum illud ac funestum miseræ civitatis quinquennium, urgentibus jam fati, & conspirante bonorum omnium consilio, maxima vero Pithæi opera pervicere partes meliores, vocatusque in urbem Princeps & ignovit præteritis, & paucissimorum capitum fortuito exitio, quorundam sceleratorum voluntario exilio firmata quiete, restituit omnia jura pœnitenti civitati. Aberant tum ab urbe Senatus Parisiensis potissimi, & qui resisterant novo auctoramento confirmari debebant: quod nec abscentibus Regis cognitoribus fieri poterat & causa erat cur abstinerent tum ab ea cura, qui paulo ante functi hoc magistratu. Potius visum ut deligerentur tantisper huic muneri, ex iis qui in urbe manserant præcipui fide in principem, integritate vitæ ac rerum usu & peritia. Itaque ipsum ad Pithæum veteremque ejus

amicum.

amicum & studiorum omnium communione conjunctissimum Antonium Olse-
lum, quorum hæc utriusque laus, quod tam facile tantæ turbæ consulerunt; sed
hæc Pitbæi propria, quod constantissimo judicio pervidit quam periculosum
esset nominibus multis, in absentium senatorum reditum differri restitutionem
senatus, & juris dicendi solennia. Qui ubi rediere, rediit ad pristinam vitam
privatus, si infulus quæreres; revera semper de salute publica anxius. Itaque
originem & causam malorum tantorum quærens, & ex religionis discedio veri-
rissime eam ac summo judicio arcessens, collegit sedulo quæ hinc malo remedia
ex antiquis & authenticis monumentis, eaque publicavit, quæ utinam adver-
tissent quis tum cura fluctuantis nostræ ratis. Secuta sunt tempora bonis
omnibus tristissima, Pitbæe vero inter ceteros vel maxime, quem publicis
luctibus addictum tempore tolerare fata, si ipsum spectes, cuijs oculis substracta
tot malorum dira spectacula. Nam ille grassante in urbe Pariensi letali mor-
bo, quamvis constituisset non abire, victus tamen precibus suorum, secessit in
Campaniam: ibique Trecentem urbem antiquam patriam primo, mox adfines,
& prædia sua visitavit. Urgebant ad mortem fata, quamvis & corpore robu-
stum, & satis firma valetudine, ut accedere ad annum quinquagesimum septi-
mum ætatis vix crederes. Præsensit ante, solitusque in tota illa peregrinatione
edicere amicis, venisse ut in patria finiret vitam, itaque evenit: nam attenta-
tus tertiana in prædio suo, ut valetudini consuleret, deportari voluit in oppi-
dum Novigentium, ubi ingravescente morbo, idem ille divinus nescio quis in-
stinctus, quo monente, vitæ finem instare antequam decumberet præsensit, tum
vero diem ipsum mortis ægroto suggessit, Kalendarum scilicet Novembri-
um diem, quem & natalem ei fuisse antea diximus: quod commune illi cum
maximis veterum Platone, Attalo, Mario, Pompeio. Gregorio magno nota-
vit amicorum curiosa sedulitas. Testamentum scribere adortus, viribus defi-
cientibus prescribere non potuit, monuitque aliud ante scriptum sibi, cui stari
vellet. Altera cura bibliothecæ fuit, quam ne dissiparetur, quia filias tantum
relinquebat, alienari vetuit, nisi integram. Postrema humanarum curarum de
Republica fuit, defuncti enim in questus lacerati misere regni, & pessime habiti à
ministris indignis optimo Principe. Dissipata obitus fama, luxit urbs Tricassi-
na, publici funeris honoribus optimi civis memoriam profecuta; luxit Provin-
cia universa, luxere Parisiis ordines omnes, & quicquid ubique Doctorum.
Denique nullus non luxit, cui vel facie notus fuerat virus vel nomine. Imple-
vit annum quinquagesimum septimum, quem nec pater excederat. Ex uxore
filios quatuor habuit, acerbo fato raptos omnes, quorum casus moderatius tul-
lit quam credi promptum, præcipue qui & suos, & cognatos & amicos omnes
tanto adfœu diligeret. Filias reliquit superstites duas, Ludovicam & Mari-
am: & quod in parte maxima felicitatis posuit, optimam conjugem. Res pri-
vata domi satis ampla partim à parte relicta, partim prudentia maxima conser-
vata, potius quam avarè audita. Et in hoc felix, quod in ea constituenda cor-
ruptissimi sæculi morem detestatus, partem pecuniarum in usuris collocantis,
fortunas omnes in prædiis urbanis ac rusticis habuit, è quibus reditus siminor, at
certe innocentior, &, quod sero compertum, longe certior. De vita atque
actionibus viri maximi dixisse hæc sufficiet. Laudes ejus texandas qui institu-
et, virtutes omnes singillatim recenset; sed ea omnia melius habebit ex ipsi-
us scrip-

us scripto postuma ætas, quod ante annos octo quam moreretur scripserat candidissime ac verissime: notus optime ipse sibi ipsi, & nosci aliis non timens. Quod ille verum de se testimonium testamenti vicem reliquit suis, mansurum posteris exemplar vitæ integerrimæ, sanctissimæ, prudentissimæ, quam sequantur quibus cura honesti & recti, pauci adsequantur.

Fossas Mercerus scripsit
M. D. LXXXVII.

In nomine Domini, AMEN.

Moribus valde corruptis ac pravis, seculo infelicissimo, quantum in me fuit, fidem servavi.
Amicos ex animo amavi & colui. Inimicos benefactis vincere, aut contemnere, quam ulcisci malui.

Conjugem ut meipsum habui. Liberis parum indulsî. Famulis ut hominibus usus sum.

Vitia sic odi, etiam in meis, ut virtutes in externis vel hostibus veneratus sim.

Privatæ rei servandæ potius quam augendæ operam dedi.

Quod mihi fieri nolui, alteri vix unquam feci, aut fieri passus sum.

Injustam aut difficilem gratiam ut venalem sprevi.

Sordes & avaritiam in omnibus, præcipue vero in Religionis ac Justitiæ sacerdotibus & ministris execratus sum.

Puer, juvenis, vir, senectuti multum detuli.

Patriam unice dilexi.

Opus potius quam bonores, aut magistratum amavi: ac prodesse quam præesse malui.

Privatus ultro publico studui: Ei nihil prætuli, atque in commune consulere, potius tutusque semper existimavi.

Status publicum laborantem prudenter sanari, emendarique optavi: Perverti, immutari, novari, aut perturbari penitus nunquam cupivi.

Pacem vel injustam, quod bona omnium bonorum venia dixerim, civilibus discordiis belloque potiore putavi.

Pietatis & religionis sacrosancta nomina, ambitioni atque avaritiæ, sceleribusque prætexi & obtendi gravius tuli.

Melioris Antiquitatis non indiligens quasitor, admirator & cultor, novitates facile insuper habui.

Quæstiones vanas disputationesque subtiliores de iis quæ ad Deum pertinent, ut noxias odi ac fugi.

Simplicitatem prudentia aliqua conditam & septam, astutia & calliditate tutiorem felicioremque sapiens expertus sum.

Relle

*Recte de rebus judicandi studium eloquentiæ artibus prætuli.
Procul ambitu atque avaritia, invidiæque, inter amicos plures ac bonos potentesque, fortuna non plane infima, sollicitius aliquanto vixi, quam privatum fortassis decuit: de publicis tamen & amicorum rebus magis quam de propriis cogitans.*

Nullum duxi gratiorem diem, quàm quo publico, aut amicis adesse aut prodesse datum est.

Mala presentia quam metum impendentium fortius tuli: Extremaque facilius quam dubia.

Recta, sincera, æquabili atque constanti inter omnes Justitia administratione, etiam sceleratissimis atque audacissimis os occudi, manus obligari, vidi, expertus sum.

De patrimonio ac bonis meis, quantulacunque illa post mortem meam erant, legibus potius quam mihi iudicium permisi, permittoque.

Unum opto & spero, ut quem in me animum carissima ac probissima conjugis integrum vivus expertus sum, eundem in communibus liberis educandis, tuendis, curandisque gerat.

Sit hæc apud posteros testatio mentis mea, quam ab illis sic candidè accipi velim, ut simpliciter & ingenuè ex animi mei sententia prolata est.

Veni Domine, & miserere.

Petrus Pithæus scripsit Kal. Novembris, Natali quondam meo die, Lutetiæ Paris. anno Christi.

D. N. cl. L. LXXXVII.

Pro titulo, Tumulo inscribi cupio.

PETRI. PITHOEI. PF. IC. BENE. DE. SUA. BENE. DE
POSTERA. ETATE. MERITI. CORPUS. MAJORUM.
SEPULCRO. CONDITUM. RESURRECTIONEM.
ET IMMORTALITATEM HIC EXPECTAT.

R. I. P.

DEPOSITUM EST.

KATHARINA. PALLUDELLA. CONJUX AMAN-
TISS. CONJUGI. AMANTISS. ET. LODOICA.
AC. MARIA. FILIÆ. KARISS. PATRI
OBSERVANDISS.

Pithæus hic jaceo, mecum & karissima conjux,
Sic compar vita, compare morte fruor.
Improbe quid ridēs? casti sacra nescis amoris:
Nil non, vel cineres, hac comite, esse juro.

Ex

Ex alia parte.

Sint inscripta licet titulo duo nomina, duplex

Utque oculis teneat corpora sarcophagus :

*Unum & idem, ac totum tamen est : nam mutua prestant,
Dimidiumque alii, dimidiumque sibi*

PETRO. PITHOEO. P.F. TRICASS. SAVODIÆ. DOMINO. NOBILITATE. ACTIBUSQUE. AD. EXEMPLUM PRÆCIPUO. ADVOCATO. JURISC. UNDE. CUMQ. DOCTISS. EA. ÆQUITATE. ARBITRO. UT. INTER. OMNES. QUI. AD. EUM. ANIMO. LITIGANTIS. INTRASSENT. PARENTEM. SE. MAGIS. HIS. QUAM. JUDICEM. PRÆBUERIT. PETITU. BONORUM. TESTIMONIO. SENATUS. JUDICIO. REGUM. PER. PROVINCIAM. AQUITANIC. ET. ITERUM. LUTETIÆ. PARISIOR. DIFFICILLIMIS. TEMPORIBUS. PERFUNCTO. PROCURATORIS. GENERALIS. OFFICIO. LICET. EGREGIA. EJUS. IN. REM. PUBLICAM. MERITA. ET. IPSIUS. SCRIPTA. VETERUM. VE. AUCTORUM. MONUMENTA. AB. ILLO. IN. LUCEM. PRIMUM. DATA. AUT. RESTITUTA. ATQUE. DOCTORUM. OMNIUM. PERVULGATA. DE. EOD. DEM. TESTIMONIA. AD. MEMORIAM. SEMPLERNAM. SUFFICIENT. ATTAMEN. FIDELISSIMÆ. DEVOTIONIS. GRATIA. ET. PRO. SINGULARI. CIRCA. EUM. AMORE.

FRATRI. PISSIMO. ATQUE
INCOMPARABILI. FRANCISCUS. PITHOEOUS. BONA
PIA. MENTE.

M. P.

VIXIT. ANNOS. LVII. OBIIT.
NATALI. SUO. MAGNORUM. VIRORUM. FATO.
KAL. NOVEMB. MD. LXVI.
R. P. I.

M E M O R I Æ

S A C R A

ILLUSTRISS. POTENTISS. PRINCIPIS

H E N R I C I

Walliæ Principis, Ducis Cornubiæ, &c.

Laudatio Funebris.

FR. N E T H E R S O L E *Oratoris Academia Cantabrig.*
Trin. Coll. *Socij.*

Ad Lectorem.

*Principis occasum verborum flumine nullo
Deflenti, vita laudibus imparibus
Si non ignosces, Lector, miserebere credo,
Lumina si mihi sunt qualia, corq; scias.*

Reverende, Amplissime PROCANCELLARIE; Nobilissimi, Dignissimi, Venerabiles viri.



Um vos universos ingenti attonitos malo tacere videam, subit mihi cogitare quam iniqui in me sitis, quem non minus stupentem, tamen hodie dicere jubetis, luctumq; cui linguæ tot vestræ, tamq; exproptæ non sufficiunt, una hæsitanti, & impedita exprimere. Oris quidem fateor, beneficio vestro, locum in materno Capite obtineo; imperate ergo mihi quæ sunt oris in morore officia, singultus, gemitus, suspiria, lamenta etiam, & ejulatus; pleno de pectore hæc vobis omnia non cyatho, aut urna, sed tota amphora exhauriam. Doloris autem aut mei, aut vestri, aut Reip. verba, quæ esse deceat conari, nec possum, nec vos à me id æquum est postulare. Ad rationis enim conceptus

A a a

conceptus

ceptus pariendos, mentisq; senſa enarranda, attributa humano generi à naturâ oratio eſt: Lætitie verò, & trititiæ, reliquorumq; affectuum, qui nobis communes ſunt cum beſtijs, interpretes etiam optimi ſunt voces illæ, quas ipſa bruta non minus quàm homines edunt. Aut ſi fortè perturbationes aliquæ intelligendo interdum magis, quàm ſentiendo in nobis excitatæ, orationem etiam inveniunt, parvas tamen eſſe oportet, ſi quibus verba circumſpicere, eligere, collocare vacet. Magni autem affectus, gravesq; curæ ſplendoris omnis, & elegantiz in verbis non minus, & ſententijs, quàm in veſtibus, cultuq; negligentes ſunt. Nec poteſt, ut velit maximè, animus morore ſqualens, & ſtupore hebes ornatè quidquam dicere, aut acutè concludere. Nec lingua ſatis ſuum in orando officium facit, dum inter crebra ſuſpiria veri verborum ſoni pereunt, curſumq; orationis medijs ſingultus interrumpunt. Quin & ipſæ manus voci quæ ſubſervire geſtu accommodato debent, plangere cum didicerunt, agere nesciunt. Quapropter noſtra hodiè ſi allucinetur dictio, veniam nec præiatur, nec perorabit Orator veſter, qui perturbato dicendi genere, iſſque omnibus, quæ dixi, vitijs doloris magnitudinem oſtentare exoptat potius, quàm accurate compoſita oratione impiam indolentiam fateri. Eloquens videri, Academici, hodie non ſtudeo, ſiquid forte audiat vſtris haud indignum auribus, id non meæ, quæ nulla eſt, ſacundiz, ſed eximijs, de quo dicturus ſum, Principis virtutibus imputate. Quem pro meritis quidem laudare, Oratori optimo unum eſſet vel impoſſibile, vel difficillimum: ſine omni commendatione id facere, peſſimo quoque omnium non eſt facile. Cujus enim aut ingenium tam humile eſt, quod illius ſummæ virtutes attollere non valeant? aut tam jejuna oratio, quæ tam uberi materia ali non queat? aut quis tam inops orator, qui in ejus laudibus copioſus eſſe non poſſit? Ego vero, qui meæ probe conſcius ſum tenuitatis, accreſcere aliunde vires ſentio; nec vereor, ne de Principe deſuncto bona multa commemorare nequeam, de quo adhuc vivente mali quidquam dicentem nemo unquam quenquam audivit. Nam cum ſit Principum fere virorum iniqua ſors rectè quidem facere, male tamen audire, ſive quod tantæ animorum & voluntatum diverſitati placere ne ipſe quidem poſſit Jupiter: ſive quod miniſtrorum improborum injuriæ in dominos plerumque redeant: ſive adeo ex malignitate humani ingenij, eorum ſemper famæ libenter detrahentis, quorum fortunis invidet; quicquid in cauſa ſit, ea ſemper fuit hujus Principis prope peculiaris felicitas, boni nominis famam apud omnes non mereri ſolum, ſed etiam obtinere. Principem nobis talem alij invidebant, gratulabantur alij; beatos utrique & felices prædicabant. Varijs quidem linguis, uno tamen ore, Principes illum æterni, populiſque omnes laudabant. Domeſtici quoque non minus cujuſcunque ordinis, Religionis, nobilitas, plebs, boni, mali, cæteris in rebus omnibus diſſentientes, in ejus laudibus ſemper conſentiebant. Benedicebant qui amabant, qui non amabant benedicebant. Quam quidem prærogativam quod præter communem Principum fortunam ſortitus ſit, id timori aliorum nemo tribuendum putet. Nam quis eſſe major potuit huic, quàm alijs Principibus maledicendi metus? aut quis uſquam tyrannus ſubditis timendus maxime, in linguas hominum ullum imperium habuit? aut quem unquam poſt hunc Principem maledicentiæ poenas luſſe accepimus? Virtuti ipſius eximie felicitas hæc quantacunque ſit, & conſtanti vitiorum fugæ tota accepta referenda eſt. Eſt enim

illud

illud profecto excellentibus virtutibus datum, ut non solum bonorum laudes, & amorem promereantur, sed impuro quoque obrectatorum ori silentium imponant. Queniamadmodum & qui a vitijis procul, fortiterque recessit, extra contumeliarum regionem longe positus est. Quid enim refert ei nec recte dicere de quo opprobria credi non possint, & qui non agnita ipse rideat? aut quid hoc est aliud quam aut Lunam latrare, aut Solem obsecrum calumniari? His artibus instructus Princeps Optimus, gloriæ suæ confessionem malevolis extorsit: his armis munitus se ab omni, non vero solum probro, sed opprobrio quoque falso pudicum servavit. Nam quod unquam, Deus bone, non dico vitium, sed vitij umbra candidissimum illud pectus infuscavit? manus illas purissimas cujus unquam culpæ labecula inquinavit? quæ deniquæ libido mala ex illo aut ore sanctissimo prodijt? aut castissimis oculis prospexit? Permittite mihi quæso illud etiam adjicere, quod ex animo dicam. Si fas sit hominem sine vitiorum semine nasci, ita satus, & ortus eras (Princeps Henrice:) Sin id mortalius negetur, hoc saltem confidenter affirmaverim, turpem illum Vulcanum, qui semel conceptus aqua non exstinguitur, in nullo unquam pectore aut incendium minus fecisse, aut flammam magis innoxiam, fumumve rariorem emisisse. Quid ego nunc adjiciam quanta sit hæc in juvene, & quam rara laus? ipsi intelligitis, nec mihi est animus in ejus ætatis contumeliā quidquam dicere, ex qua nondum excessi. Fatendum tamen est illud malum cum antiquam, quæ tam altas in nobis radices egit (ut est malorum natura præcox nimis) in ætatis vere proferre fructus uberrimos solere. Sumus enim profecto, invenes, quod pudet dicere, luxuriosa, petulans, mobilis, arrogans, iracunda, superba, verbum dicam, stulta turba. Quibus tamen non contenti, quasi vitiorum inopes effemus, quædam pueritiæ propria retinemus, alia ante tempus à senectute mutuamur, & non amplius pueri, adhuc pueriles; nec dum tēnes, jam ~~quædam~~ sumus. Ille autem contra, quæ defunt ætati nostræ bona, innocentiam, & prudentiam à vicinis petijt: quæ adfunt, magnanimitatem, verecundiam, facilitatem, rerum agendarum studium, & ardorem avidissime tota manu arripuit, ita tamen ut à contactu vitiorum semper abhorreret. O unum perpetua dignum juvenia cuius adolescentiæ flori spinæ agnascabantur nullæ! Nunc, quod aliquis cogitet, laudem esse hanc custodis magis, quam suam, id longe aliter se habet: nisi enim in virtutem flecti cæcus quis à natura sit, irritamen vitiorum fit severior disciplina. Nam & equi contumaces adductis arctius habenis ferociunt magis: & Neroni magister morum optimus hoc tantum profuit, ut immanis illa bestia retenta diu, ruptis dein vinculis sævior exiret. Noster autem subducto jam cortice non minus nabit, sed remoto quoque custode vitam famamque ipse incolumem tuebatur. Quod si alij quoque in privata fortuna faciant, est quidem laude, sed minore dignum. Nos etenim, cum magistri non possunt, magistratus cohibent: & si verum fateri volumus, boni in tantum sumus, in quantum mali esse non audemus. Criminibus, quæ tuto admittuntur, etsi parum honeste, abstinere nemo: si jus nullum contra sit, injustissimus esse quis dubitat? Quod si ita animatus fuisset Princeps innocentissimus, quas ille turbas dare? quæ flagitia committere impune potuisset? Luce clara diripiisset possessori bona. Quis repeteret? virgini vim intulisset. Quis citaret? eadem non unius modo, sed vel mille hominum patrasset. Quis in judicium vocaret?

Ab his tamen ille, cæterisque omnibus, ijs etiam, quibus in adolescente solet esse venia, non metu poenæ, sed turpitudinis odio temperavit. O dignum vita longiore Principem, in quo boni mores plus valebant, quam in nobis bonæ leges! Sed quid his tamdiu immoror? Agrum sterilem nemo unquam laudavit, quod tribulis, carduibque non horreret; sed si qua bonæ frugis ferax terra, herbas nocentes, & inutiles non pariat, ea demum laudari digna est. Videamus ergo ista Principis innocentia quibus porro virtutibus cumuletur, nam & fungi & stipites vitijis carent. Qua quidem in parte illud metuo, ne post Xenophontem, Cyrum aliquem iterum describere videar, non qualis erat, sed esse debuerat. Deum ergo inprimis Opt. Max. sancte juro, me laudes Principi non suas afficturum nulas, & si ob inauditam ejus in hoc ævo, & hac ætate perfectionem orationi meæ defuit fides, veritatem non defuturam. Id unum deprecor, ne quæ à me hodie audietis, aut omnia quæ dici possint, aut optima putetis. Cogit enim me iniqua hora, ac si in hortum sterculis omnigenis confutum venerim exiturus, raptim sine selectu proximos quosque colligere, ex quibus olim, si erit otium, sintentque fata, Principi Illustriss. corollamnectere in animo habeo. Et statim quidem unguis non teneo, quin te, pietas, decerpant, vitiorum omnium expultrix, virtutum mater, quibus tantum superemines quantum homini Deus. Omnibus quidem necessaria, Principibus adeo, ut si religioni non sint, superstitioni saltem esse deditos à Rep. putandum sit. Si enim volumus ex omni ævi historia, exempla domestica, peregrina, omnium gentium, nationumque conferre, inveniemus sub Mezentijis semper & Hostilij, aut dissipatas bello Resp. aut afflictas: sub Numis placida compositas pace floruisse. Non inde adeo, siquid ego judicare possim, quod, sicut amatores Dominarum absentium picturis delectantur, sic hæcæ quoque religionis imagini faveret Deus; sed quod falsa omnia veris immixta sint, ipsaque superstitione tantum de vera religione trahat, quantum ad Remp. continendam satis sit. Solent enim populi, quamvis feroces, regi supersticioso subditi, ad ejus exemplum Deorum metuentes esse: qui autem sic sunt, eos non tam facile aut inter se seditionem aliquam, aut in Principem moturos recte apud Xenophontem reputavit Cyrus. Nec illi nescierunt improbiore Principum, sed astuti doctores, qui vanitatem hanc (sic enim vocant) in plebe fovendam, & augendam putant, ipsunque ideo Principem quem esse religiosum nolunt, videri volunt. Quanto melius Serenissimus, & piissimus Rex, ex vano mendacium Deorum metu, æstimans veri quid valeat reverentia, usuque doctus suo stabilissimum regni fulcrum cælo infigi, filium charissimum in ætate fallendi nescia, non simulare pium, sed vivere infuevit, quem nondum prima verba saris exprimentem orare docuit: nec dum religionis capita recte intelligentem memorizæ mandare jussit. Quod si cui obscurum esset, quam sumus natura tenaces eorum, quæ primis annis imbibimus, hinc esset perspicuum, quod illa duo pietatis officia, quibus à puero imbutus fuit Princeps optimus, non alius adolescens respicit magis. Quis enim eorum qui in hæc tantum vivunt, aut libentius Deum alieno ore loquentem audit? aut suo sapius alloquutus est? Quis in hoc opere submissus? in illo attentius versari solitus? O Princeps sanctissime, sanctissime Princeps, etiam nunc mihi scripti sunt illi in animo, quos vidi postremos vultus tui. Habuit tunc consensionem Præsul Ampliss. is qui potest optime, forte aderam, ambitio me tenebat magna (fatebor enim) à Principe coram

coram præfente etfi indignum aspici, aliqua tamen fpectari. fitebam me ex ad-
 verfo. expectabam quam mox me cum turba intueretur. ille uni dicenti inten-
 tus, ex oculis Epifcopi oculos nufquam dimovit fuos. mirabar. afiantes rogo
 quid effet. respondent morem. gaudebam. fperabam claudente faltem concione
 fore ut circumfpecieret. ibi vero ille prono in terram genu, fublatis manibus,
 oculos in cælum fixit : quales ! Deus bone, quales ! nequeo dicere. hoc tantum:
 ex illis migrantem in cælos animam manifeffe cernebam. Hæc fiquis vera an fint
 ambigat, teftes mihi effe poffunt & vobis fexcenti, qui aut illic, aut alibi tantum
 viderunt. Parva fiquis dicat. fatebor. veruntamen, fiquid ego in alicna Rep. in-
 telligo, animi religiofi funt argumenta maxima. Is autem in tanta rerum om-
 nium abundantia, & tam excelfa fortuna non minus raro occurrit, quam for-
 tuna ipfa. Falfus eft enim in eo Ariftoteles potentes, & fortunatos effe folere
 erga Deum affectos optime, *Πισυμένους δὲ τὰ πρὸς τὰ ἀγαθὰ ὑπὸ τῆς τύχης*, creden-
 tes, inquit, Deos effes ob bona quæ illis à fortuna proveniunt. Præceptoris enim
 verba factis destruit difcipulus Alexander, qui profpero bellorum fuccelfu infla-
 tus, fe Deum potius credi voluit, quam alios credere. Sed ignofcamus divino
 illi in rebus humanis ingenio, in divinis humanum quid patienti : & quo duce in
 terra fua utimur, ei ignota in regione erranti viam comiter monftremus. Sciat
 ergo magnus Philofophus, nature miraculum, quod nos ex altiore fcientia
 hauifimus, pietati nihil æque adverfari. ac fecundas res : quæ cum ex fententia
 fponfe fluunt, legnes ad Dei cultum omnes fumus. Neptuno undis jactati vota
 certatim faciunt plurimi, iidem fervati in litore non omnes folvunt ; tranquillo
 autem æquore, fcreno cælo, ferente vento precibus fatigare maris Deum piffimo
 Principi cum patre, fed paucis alijs commune fuit. Magnum aliquid præftare
 videntur potentes fi ignavum hominem unum aut alterum alant, qui pro fe oret,
 ipsis aut otium aut animus non eft. Ille qui fciret vota Britannorum omnium.
 pro falute fua excubare, rei tamen tantæ fupinus indormire noluit, fed illa genua
 à fupplicibus adorari nata, terram affidue exofculando obterebat. Precibus ra-
 rius aberat, quam adfint alij, toto certe vix femel mense. Solus præterea fecum
 (nihil quidquam mentior) ter fere quotidie Deo fupplicabat. Fauftum & feli-
 cem diem nemo illi prius quam ipfe petebat : bonam noctem, & tranquillam
 quietem poft aliorum vota fempet precabatur. Nec in beneficijs petendis fre-
 quentior, quam in gratijs agendis prolixior erat. Id uno, de multis, exemplo
 difcite, quod in memoriam fatalis ejus diei, quem pæne non effugimus, fuam
 ut erga Deum gratitudinem teftatam faceret, nullis unquam negotijs impediri
 potuit, quo minus die quoque Martis, patris exemplo concionem audiret. Quod
 fi nos item frigida tanti beneficij quotannis commemoratione defuncti non fu-
 iffemus, fortaffe dies omnium nefaftiffimus Nonis Novembribus proximus non
 legeretur :

Trojaque nunc ftares, Priamique arx alta maneres.

Sed quo feror ? video me fuavitate illectum, hanc quali virtutum ejus rofam
 pandiffe pluribus, jamque eam, ut in falciculum, patere fatis, illa tamen adhuc
 queritur nimis fe connivere. Explicabo ergo folium & illud ; Principes, præ-
 fertim noftros, qui in DEFENSORUM FIDEI titulum affurgunt, religionem non
 colere tantum, fed propugnare etiam debere. Quod fecit Sereniffimus doctiffi-
 musque rex libro illo eximio, cui dum dentes quærant illidere Romani mures,
 offendunt.

offendunt folido. Atque cum filij plerique omnes gaudeant in eo potissimum laudis genere excellere, in quo majores claruerunt, tum hoc Principe nemo unquam aut patrem imitatione digniorem habuit, aut majore cum studio imitatus est. Nec tamen recipio, voluisse eum post patrem in hanc verborum arenam descendere, ubi videret obscurum quemvis de fæce Romana Scioppium non pudere se cum Rege omnium Sereniss. componere, cujus Majestati ipsa quoque Sanctitatis suæ purpura conferri erubesceret. Verum nisi me animus fallit Romanam bestiam, à patre jampridem calamo confossam, virus tamen adhuc evomentem, alio longe telo adortus esset, & DEFENSOR FIDEI prius etiam quam jure posset gladio vocari meruisset. Est enim illa calumnia mera ab impijs quibusdam excitata, frangi nimio religionis studio quicquid est in animo generosius, aciemque fortitudinis pietate retundi. Ego contra contendo, Dei timorem animo virili maximum robur addere. Quid enim potest illis timendum in bello videri, quos lethi metus non urget?

————— *inderuendi*

In ferrum mens prona viri, animeque spaces

Mortis —————

Aut si ex victoriæ fiducia crescat pugnandi audacia, unde firmior oriri potest quam ex opis divinæ, auxiliique cœlestis certa persuasione? Lachrymas quidem omnium facillimi emittunt pij viri, sed & sanguinem: non sunt temere ex levi causa pugnaces; ne sint quidem. Ictam autem sæpius patientiam in iras violentas ardescere, & cum fortitudine pietatem optime conspirare, li vitam Principi Opt. longiorem indulgissent fata, documentum orbi ingens dedisset, & in hac quoque tam brevi amplum dedit. Ut enim ab ipso ovo ordiar, in cunis statim ex animo tenebrarum, & terriculorum omnium contemptore scires à Serenissimo, & heu nimio nimis confidente interritoque Rege satum, ab invicta, & bellicosissima Danaorum Regum prosapia oriundum. In prima vero pueritia inanes terrores, *ἡ τὴν κατὰ τὴν μάχην*, ad quæ trepidare solent tyrones, adeo non metuebat, ut nihil majore cum voluptate audiret, quam fractos tubarum, & tympanorum sonos: offensus quoque inter ludendum, grandiores se multo ad pugnam provocabat. Fortis animi, magnique spiritus indicia non minora. Mores etenim cuiusque nullibi simplicius se detegunt quam in ludendo pueri dum sumus, & ex ipso in ætate illa oblectationum genere. Sic ferus ille conigendis, quas in delicijs habebat, coturnicum oculis, crudelitatem innatam statim prodidit: sic qui in gallinaccorum conflictibus dissidebant fratres, discordiam in imperio eandem retinebant: sic & in nostro, ex ejus quam dixi muscæ amore, & stomacho injurias concoquere nescio, bellicus ille animus clare clucebat. Fatebuntur hostes (intelligo quid dico) qui vix dum Astyanacta ingressum, Hectora futurum expavebant. Nec eos fallebat metus, Hector enim erat adultus jam, aut Achilles, aut aliquis antiquorum heroum denique. Quos ego, postquam regna Saturnia rediisse videam, aut renatos jam, aut renascituros ex Pythagoræ disciplina libens credo. Nisi forte anus natura, ut se nondum annis efflorem probaret, unum hunc terris ostendisse tantum satis habet, in quem si non Achillis anima, at certe animus migravit. Nam ut ille olim parmam, hastamque fœnis

neis mercibus immiffas elegit: itidem & nofter pofthabitis muliebribus oblectamentis omnibus, quibus enervamur hodierni adolefcetes, ijs quæ virum deceant, faciantque folis fe exercuit. Pila, inquam & majori illa cui nomen, quod fciam, non eft Latinum, & minori qua ubique luditur: quarum altera glandium in prælijs jactationem fecure pati; altera ad tormentorum quoque globulos non exhorrefcere doceri voluit. Saltabat etiam non more, ut nunc ht, Ionico, tenere molliterque, fed motu corporis virili, modoque prope Laconico; quem ad militarem quoque difciplinam plurimum facere, non dubitant credo qui fciant Phrynicum, quod in fabula Pyrrhicham apte faltaffet, Imperatorem ab Athenienfibus delectum fuiſſe. Sed præter cætera corporis exercitia, in quibus multus erat Princeps fortiffimus, feroci equo gaudebat maxime. Quæ, non meo ſolum, qui ſum unus è multis, fed ſapientiffimi quoque Apollinis iudicio, generoſæ indolis, animique Imperatorij certiffima eſt exploratio. Quis enim veſtrum neſcit oraculum illud Philippo Macedoniæ Regi de ſucceſſore conſulenti Delphis datum? cum demum Macedoniæ imperio, omnique mundo potiturum, quemcunque Bucephalus feſſorem pateretur. Quod in Alexandro evenit, qui ſe orbi ſubigendo parem fore, equo prius domito ſpecimen dedit. Quid ergo noſter? annos natus vix decem, qua ætate alijs arundini inequitare pulchrum eſt, equo acriori imponi poſcebat. reſugientibus qui aderant munus periculi plenum, arduo collocli adjutus ipſe conſcendit, ſubditique calcibus equum ad curſum admiſit, exclamantibus fruſtra adſtantibus, donec tandem ſatiatus leviter flexis habenis reduxit, deſcendenſque *Nam quousque, inquit, opinione veſtra puer futurus ſum?* Quum primum autem adolevit, quæ ejus letitia erat? qui amor? quod deſiderium? niſi equo ſpumanti, & animoſo veſtrum ſpectari, cui nunc erecto, nunc prono, nunc reſultanti, omnia denique agenti adeo arcte inſidebat, adeo decore, ut ego cum aliquoties viderem corperim rudi illi ſeculo ignoſcere, quod errore deceptum Hippocentauros procreavit. Poſtquam autem firmatis tandem viribus cataphractarium egit, ex illo tempore, quæ à Poetis narrantur militum errantium geſta, non amplius mihi fabulæ videntur. Vidi, vidi ipſe, Academici, equo tam incitato alacriter procurrentem, brachio tam valido lanceam tenentem, manu tam doctæ in occurrentis caput dirigentem, impetu tam vaſto eundem impellentem, ut nihil ſupra vel legatur, vel cogitari poſſit. Quod ſiquando haſta contraſta gladium ſtringebat, nulla aut mora, aut requies erat; quæ ibi fulgura oculos ſenebant? quæ tonitrua aures verberabant? primus me docuit quid eſſet *fulmen belli*. Nec mihi nunc dicat quiſpiam, facilem eſſe audaciam, ubi non ſit periculum, fuiſſe autem hæc pugnæ ſimulacra tantum, neque enim ego alioverſum produxi. Verum ut cum taurum videramus arboris obnixum trunco in cornua nuper nata irafci diſcentem, aut ventos tantum iſtibus laceſcentem, intelligimus cum aliam pugnam meditari; ita & hæc bellorum ludia, quibus à puero tantopere deditus erat Princeps fortiffimus, verorum præludia putanda ſunt. Quid enim putatis, Academici? qui ex rei militaris uſu longo peritis, caſtra muniendi, exercitus diſponendi, ordines ducendi, impetum faciendi, militiæ terreſtris, navalis artem univerſam accuratiſſime didicerat, qui bellica tormenta quamplurima fundi curaverat; qui navem ingentem, præ qua Argo cymba fuit, jam exſtruxerat; qui, delectos ex omni Britanniæ nobilitate, juvenes fortiffimos, in aulam collegerat; qui cum heroiſibus utriuſque Germaniæ,

nix, totiusque adeo Europæ, amicitiam contraxerat; quid inquam putatis? nihil cum aggressurum? moliturum nihil? sensum horum omnium fuisse nullum? Ego vtro non dubito, Academici, quin expeditionem in Colchos alteram cogitabat, & Herculeo plane Principe, *Palatino* comite assumpto, Romanæ arietis vellus aureum reportasset. Id pro comperto habeo, ejus jamdiu cogitationes omnes, omnes sermones, cuncta insonnia de bello suscipiendo, & gerendo fuisse;

Et cum frigida mors animam seduceret artus,
tum quoque linguam, mentis impulsum retinentem, arma tantum, & prælia loquutam esse; & in mortui quoque vultu minas relictas apparuisse. O fallacem hominum spem, fragilemque fortunam, & inanes nostros conatus, qui in ipso sæpe limine franguntur, & corruunt! In tribus, quot fere implevit, ætatis gradibus, præclarum aliquod facinus semper minabatur; qui autem primus annus rebus gerendis aptus videbatur, is nostram expectationem omnem, ejusque vitæ cõsilia morte pervertit. O triste fatum, acerbam miseriam, tantæ virtutis spem, tam recte & primo conceptam, & indies per tot annos crescentem, cum ipsa partitudo appeteret, tum extingui! Gaude Regum tyrannæ Romanæ Pontifex, gaude, aures adulationibus patentes præbe, sine te *ὑμάρθρωρις μα ἀνδρα*, Dominumque suum, ac Deum paraliti vocent; excessit miles quite & mortalem esse, & nequam hominem ferro docuisset.

Gaudete prodigionum fabri Jesuitæ, lupæ Romanæ genuini catuli, gaudete, insulam hanc nostram, quæ hoc genus bellij semper caruit, infestare; est nobis, Deo gratias, & sit precor, qui vos odio toto persequitur venator Rex ipse, sunt canes, fuit etiam, qui asylum Romuleum, sylvam in quam refugere soletis excidisset, fabricas vestras à fundamentis omnes dejecisset, & pietatis hæcram fortitudinis lauro maritasset. Atque hic quidem locus postulare mihi viderur, pauca etiam de castimonia ejus adjici. Solent enim esse bellicosi viri, (quod in militiæ opprobrium dictum nolim) amatores mulierum plerumque maximi, ideo, opinor, quod robusta, & valentia corpora utrique militiæ apta sint. Viderunt hoc Poetæ Comici, qui militis personam sine meretrice nunquam inducunt. Vicerunt ante eos fabularum auctores, qui non frustra unum Deorum Martem Veneri illigarunt. Nec tamen passus est Princeps fortissimus virtutis suæ gloriam hujus turpitudinis confinio lædi. Sic enim secum putabat, multorum bonorum gratiam unius virij interventu deformari; hoc autem esse tale, quod inhonestatis nomen *ἡ δόξα* meruerit; proinde ab omnibus, quibus honos curæ, præter cætera evitandum; Principibus maxime, qui (quod est in hoc genere ignominie ultimum) nisi indigna flamma ardere nequeant; qua nullam esse breviorē ad contemptum viam; nec alio ex fonte Regnorum plurium mutationes fluxisse. His adjunxit & illud, minimam libidinem in se foedissimam visuram paternæ pudicitie comparatione, quo nullus mortallum verius Dianam exerceat. Hæc cogitans, simulque verissime æstimans, quam pronum esset in illo ætatis lubrico, turpiter ex improvviso labi, sicut sapiens paterfamilias, materiam hujus ignis rapacem è domo removeri jussit. Dein fugatis etiam otio luxuriaque, corpus Laconum more assidue, ah & immodice, exercens, famem tamen magnam labore multo obsonatam, victu parabili modicoque satians, Cupidinis nervum laxavit, sagittas fregit. Et Achilles quidem erat, sed absque Briseide, verusque Laco, præterquam quod castior. Sed nec corpus deperibat suum, quod

faciunt

faciunt multi, qui alienis abstinent, Narcissi; quibus si ad pulchritudinem opes contingant in se ornandis fere vitamque, remque infumunt; & cum pavones multum splendore vincant, superbia tamen exuperant magis. Quo magis admirabilis videri debet Princeps in his rebus eximia modestia; cui cum forma esset virilis plane, ἡδὴ μὲν ἰδὲν μὲν ποσειδῶνι & Δι, grata quidem aspici, terribilis tamen, noluit feminea cura dotem hanc naturæ tantam corrumpere; sed in affectatam quandam in cultu corporis negligentiam affectavit, & in vestibus Attalicis, & Alexandrinis animum minus elatum retinuit, quam non sub palliolo Diogenis fordido possidemus. Atque, quod est rarissimum exemplum, sic & in gestu gravitatem cum facilitate, & in habitu magnificentiam cum tenuitate temperavit, ut summæ fortunæ magnitudinem sine fastu, inferioris humanitatem sine contemptu retineret. Usus ad hæc miscenda veterum Romanorum arte, quibus vestiri in foro honeste mos erat, domi quod satis esset; sic ergo & ille, diebus solemnioribus processurus in publicum, aut legatos accepturus, ad tuendam imperij Majestatem cum vestimentis splendidis incessum quoque magnificum, vultumque Majestate plenum sumebat; reversus autem ad suos tanta comitate cum ijs versabatur, ut Principis supercilium omne exueret, tantillo etiam sumptu interdum ornatus, ut Dominum servumque vix discerneret. Narrabo etiam vobis ad hanc rem dictum ejus quoddam: cur enim aliorum Principum jocularia libenter in historijs legimus, nostrorum seria cum ipsis interire patimur? Fuit cum panno villosa, cui à Wallia nomen inditum, multos dies amictus incederet, nec defuere luxuriosa ingenia qui distitarent, Celsitudinem suam non decere vestimentum adeo vile, sed nec pretiosissimum tamdiu ferre; quibus ille, *Me vero Patrii panni non pudet, qui utinam immortalis esset.* Responsum sempiterna dignum memoria, quo illos, in minore multo fortuna. Antonino; notare voluit, οἷναις τοῖς ἰδὲν πᾶσαν ἰδὲν μυστικῶς ἐκείνους ἐκράδαινε γυμνασίου, quibus nisi exoticum placere potest nihil, quicquid ex lana fit vile putant; & cum agros sæpe totos in tergo serant, quod tamen in Nerone etiam notabile fuit, eadem veste bis indui crubescunt, pæne dixeram eadem forma. Usque adeo verum semper erit ambiguum illud οἱ Βεβλαιοὶ ἰδὲν & χερσὶν ἐκ λουτροῦ. Britanni usum vestium nesciunt, quas non induimus corpus ut celent, sed illas ut ostentemus; & post transmutata in mille formas corpora, non minus deformes nunc sumus ornati, quam olim nudi. Quem Reip. nostræ morbum, non solum animadvertisse Principem Prudentissimum, (id enim faciunt & stulti) sed, quæ sunt prudentum propria, periculum quoque olim ex eo secuturum longe prævidisse, viamque medendi optimam tenuisse, hinc intelligitis. Jam Te non amplius laudo, admiror potius, juvenutis Britannicæ non magis nobilitate, quam virtute Principem. Quis enim nostrum juvenis, vitæ suæ modum habere novit? ille etiam aliorum habuit, quis nostrum orbi proprio corrigendo sufficit? ille de orbe terrarum emendando cogitabat. quis nostrum peccaturus quenquam veretur? ille jam peccaturus verendus erat. Credite enim, Academici, quod non dicam dolo, Principis hujus reverentiam multos à vitijs abstraxisse, quos dei timor detertere non potuit; hujus enim iram lentam fore credebant, illius in diem differri non sperabant. Igitur cum juvenum circa se numerum permagnum semper haberet, nullibi tamen citrum rarior nascebatur seges, quam in aula Principis, quæ

non vitiorum ludus, sed pietatis, virtutis, doctrinæ schola, veterumque gymnasiorum verissima imago erat; ubi inter discum, & Philosophum, corporis, animique exercitationes otium suum dividebat Princeps temporis parcissimus; nec habeo dicere illis ne, an his studebat magis; & illas certe optime, & has callebat. Quid enim nos jactamus, Academici, quibus studere vita est, si literis abditi, Musæique conclusi, cum Philosophis, historicis solis versantes, Poetis, Oratoribus colloquentes, paulo aut doctiores, aut eloquentiores, evadamus. Ille cui mille quotidie occupationes erant, quæ ejus animum à studijs avocarent, ante primam lanuginem linguam utramque doctam probe intelligebat; Italo autem ore, & Gallico, non minis rotunde loquebatur, quam suo. Artes præterea omnes, & scientias, totamque adeo Philosophiam, si non quantum scholæ superest, at vitæ usuique quod satis esset, de patris abundantia hauriebat. In cujus fide; n, testis sicuti locuples parum videar, argumento sit ejus singularis in doctrinæ candidatus amor. Laus in Principe prope major quam doctrina ipsa; quem, si de duobus adeo conjunctis alterum tantum eligendum esset, Mæcenatem esse multo, quam Maronem mavelim. Quis ergo vestrum nescit, Principem utriusque Minervæ amantissimum armatos, & togatos dubio semper favore amplexum esse? Quis nescit eum eraditos in aula sua habuisse plurimos, quibus & Bibliothecam omni monumentorum genere refertissimam intruxerat? Quis ejus in matrem nostram benevolentiam, in sororem etiam benemerita non audivit? Qua quidem in re prudentiam ejus eximiam, & in ipsa quoque inæqualitate æquabilitatem summam, satis admirari non possum. Nam cum videret Regem Serenissimum Academiam nostram vicinia sua frequenter beatæ, ne illa altera felicitatem hanc nobis tantam invideret, seque despiciatam aut neglectam quereretur, aulam ei suam admovit Princeps æquissimus, ut quam nos ipsi Jovi prope sumus, illi Jovis filio tam propinqui essemus. Hinc vere nobis jam oriri potuit metus, ne post etiam quam fidus nostrum occideret, benigniore illos aspectu, quam nos, intueri pergeret. Quam suspicionem in nobis vix dum surgentem, aureo statim Apophthegmate prudentissime oppressit. Nam cum olim, Cancellarii vacante munere, rogaretur Oxonienses in tutelam recipere, quæ ejus tum fuit oratio? *Se utrisque Academia Cancellarium fore*: O mirum Principis, & dulce ingenium! Mitto verborum elegantiam, annos in quibus hoc protulit. rem putemus. Potuitne aut potentibus mollis denegare? aut non potentibus facilius promittere? aut utrisque æquiores se præbere? Dignare Princeps Magne Academiæ Oxoniensi Cancellarius inscribi. Ignosce Lyceum celebre, tuus non ero privatim, sed tuus ero. Non ausa est Cantabrigia ad tanti voti confessionem aspirare. Fide Musarum alma mater, verecundia tibi non obstat tua, pro altera rogatus sum, tui etiam patrociniū suscipio, *utrisque Academiæ Cancellarius ero*. Intelligebat nimirum divino Princeps ingenio, emulatione maxime accendi doctrinæ studia, eam autem inter pares, dubia adhuc victoria gliscere solere: palma vero semel decreta, & sublata certaminis ulterioris potestate, victorem plerumque jam secutum diligentiam remittere, victumque voluntatem contendendi cum spe superandi sumul abijcere. Igitur & nunc quoque, si Tyrum fortasse quod palatii adfinitatem, Troja propiorum aliquantulum ducebat, ut genu tibia, Treas tamen Tyriosque in aula, atque à sacris nullo discrimine habebat. Utrisque summe favebat, utrisque

utrisque pariter, factisque ostendit verissimum esse illud prudentissimi historici, *Laudatorum Principum usum ex æquo esse quamvis procul agentibus*. Nec enim voluit loca hominibus ob stare, sed pro meritis cuiusque & dignitate, non pro urbe, aut patria gratiam semper & præmium deferrebat. Quid ego nunc his apponam, propensam ejus in omnes, quacunque in arte excellentes beneficentiam? Nullus crit finis omnia si persequar, jamque me vox deficit, non oratio. Tacere tamen non possum unum etiam in eo rarissimum, quod regnorum Britannicæ hereditatis lux, redditus undique provenirent; vim, & in quibus staret; portuum numerum, & quot navium capaces essent, quot caperent; castellorum magnitudinem, situm, firmitatem, in singulis tormenta quot essent, quot milites, qui duces; imperij denique nostri arcana omnia cognitissima habebat. In re autem familiari, nescio an multi nobiles æque sint aut versati, aut providi. Reditum omnem distribuerat in partes tres, quarum unam familiæ alendæ; aliam fervorum stipendijs suisque ornatus, assignaverat; tertiam ad improvisa sumptuum muneraque reservabat. Multa, ut par est Principi, multis donabat, nulli tamen quidquam cujus pretium ante non intelligeret, ne beneficij magnitudinem vel qui rogaret celare, vel qui acceperat, dissimulare possit: quorum alterum quidem pctitores impudentes, alterum debitores ingratos facit. Et cum sciret maximam esse famulis ad fraudandum illecebram, domini in rationibus exigendis negligentiam, nisi gravior aliqua cura vetaret, accepti expensique tabulas præstituto semper die cum servis putabat. Hæc cum mihi olim dicerentur, Deum ex intimo corde Omnipotentem venerabar, ut nobis viri Academici, virique militaribus, Britannicæ, Germanicæ, Ecclesiæ, Reip. Regi, bonis omnibus hoc decus, hoc præsidium, hoc columnen fervarent. Jam tum verbar ne vitalis non esset præmaturus juvenis; prudentia enim tanta, & tanta sanctitas, senectutem si aliquando præveniant, at mortem nunquam diu præcurrunt. Nec aut nos tali diutius digni eramus Principe, aut ille, in tam corruptis sæculi moribus, vitæ longioris cupidus videbatur. Ergo annos nondum viginti natus diem suum obiit. O infelicem rerum humanarum conditionem, iniquam enim religio est dicere. Fatuos à morte defendit ipsa insulitas; sicuti plus cæteris aliquantulum falis insit, (quod miremini) statim putrescit. Tyranni inter odia populi, & execrationes semper canescunt; bonis sæpe Principibus suorum desideria, precesque barbari impetrare non possunt. Marcellus in herba vere novo succisus, spem Romanorum & vota clusit; Tiberius metum Augusti non fecellit, sed messum mali ad maturitatem perduxit. Et quid externa queror? domesticis exemplis, heu miseri abundamus. Nescio, Academici, quod nos fatum premat, aut quod flagitium luamus, aliquid certe subesse oportet, quod annis non multo plus quadringentis, filij Regum nostrorum primogeniti non minus octo immature perierunt. Non est injustum, Summe Deus, ut primo genitos, tibi qui debentur, nobis auferas, tu qui pro nobis dedisti tuum, non est injustum; tot amisisse, tam brevi est misere miserrimum. Longum esset omnes nominare, atque apud vos, uti opinor non necessarium

quis nigri Memnonis arma?

quis decantatum illum *Arthurum*? quis in parvo magnum *Edwardum*? quis

reliquos non audivit? Eorum omnium memoriam, longa annorum successione, & diuturna Principis inopia prope deletam *Magni Henrici* virtutes renovabant. In eo iterum spirabat deimortua jamdudum *Edwardi* pietas: in eo *Arthur*i gravis comitas, facilisque Majestas aulam reviviscbant: in eo *Nigri Principis* clara in bello gloria revictura videbatur: in eo quicquid olim, nunc quoque amisimus. Atque utinam quidem nostræ hic esset miseræ modus, & aliqua saltem ab eo ante mortem suscepta proles fuisset! Nunc autem non illi solum Principes, quos è sepulchris resuscitabat, cum eo simul in terram reverterunt, sed alij etiam, quos geniturus erat, nondum nati, extincti sunt: nec illa modo vulnera jam olim obducta, hujus letho recruderunt, sed alia etiam, quæ necdum sentimus, & majora nobis inflicta sunt. Ah ne hoc funus mille producat funera, nec sit dies ille cum intempestivum hujus Principis fatum, acerbiorè luctu, quam hodierno descebimus, cæcisque in malis depreñli *Principem Henricum* magna voce, *Principem Henricum* nequicquam clamabimus. Inanis forte est hic metus Academici, & si meæ cum vestris quid valeant preces, inanis erat: utinam etiam & stultus esset. Vivit quidem Priamus, & diu vivat & diu precor: firma fiat ejus domus, nec unquam nutet; post fatum tamen Hectoris, ejusque supremum diem cui decem annos spes nostræ inuixæ sunt, Troje timere, cum nolum, reluctante licet animo invitus eger. Qui semper, etiam nunc Pergama tuere forti dextra æternæ Deus. Hectoris tamen in funus omnes undas convocat Britannia. Hectora jam senior Priamus immensum fleat; Hectora secunda Hecuba, sed felicius plangat; Hectora superstes solus Polydorus defleat; Hectora Chorus juvenis, & Cassandra lugeant. Hectora universus populus insolabiliter ploret. Hectoris in funere doleat hujus regni caput. Hectoris in funere ruant ex oculis flumina, utrisque ex oculis, ex nostro non inferius. Alijs in rebus, Academici, cessasse intra fines juris nostri ne pudeat, in certamine vero observantiæ erga Principem, doloris pro defuncto, nec victi unquam fuimus, nec vinci nos patiamur. Suspiciens contentus non sum, non gemitibus, quæcunque siccis genis astare videro, quemcunque intemperanter non illachrymantem aut Ulyssis militem, aut Myrmidone[m] putabo. Nec morendi tempus die, aut mense, aut anno finiamus; quid enim? ejus mortem unum tantum annum lugebimus, quem per omne ævum Britannia desiderabit? Adjuro vos, Academici, ne post hunc diem alia quam pulla veste in perpetuum utamini, donec *Illustrissimo Principi Carolo Magnæ* spei alteræ Britannicæ puer ipsi similis nascetur. Solitum flendi morem, solitum spatium vincite, Hectora flemus. Hectori virtutem parem, infelicitatem etiam superiorem. Illi ante mortem uxor dignissima contigit, illi dulcis natus in collo pendeat; nostro nec Andromache, nec Astyanax fuit. Ille post defensam patriam, afflictos hostes, partem in bello gloriam, Achillis manu impulsus theatro exivit; noster scenam idoneam non reperit ubi se explicaret, sepulta profundo otio virtute sua *arsuens in inferos* *genuos*, tristiore lethi genere, quam ipso letho occubuit. O frustra Britannorum omnium fortissime Hector, tene etiam ignava morte, te morbo occumbere? quid ergo prodest pietas? quid temperantia? quid corporis exercitatio? In faustum palæ ludum, & periculi plenum execremur, demoliamur sphaeristeria quæ ubique sunt omnia, in ijs valetudinem quaesivit Princeps Optimus, invenit morbum, morbum ex quo obiit. O sortem duram! Vivimus telluris pondera,

& ex morbis sæpe gravibus convalescimus; *Principem Illustrissimum* orbis terrarum expectationem prima, quæ afflixit, valetudo confecit. Febre populari multa è plebe millia hoc anno ardebant, vix unus, aut alter absumptus est; unus de tot millibus *Princeps* non effugit.

Τῷ δὲ μέλει δὲ τῷ κλύε ἰσχυρῶς ἀπὸ τῆς
"Ἰλίου ὑπερβύτου πνεύσας ἰσχυρῶς ἀπὸ τῆς."

Huic igni, præter eum quo regnum arsurum erat, alia, nulla flamma comparanda est. O piissime, idem & fortissime *Princeps Henrice*, Pontificiorum terror, Protestantium partis ubique post patrem, maximum propugnaculum! perijisset utinam quotquot hic sumus omnes, salvus ut esses, vel etiam periremus. Quisquamne vestrum recusaret Hectoris vice mori? Ego quidem, Academici, si vilis hujus animæ morte dieculam ei unicam tantum impetrare possem, vitam hic libentissime cum oratione finirem. Et nunc quoque unam amplius horam vivere non sustinerem, nisi illud in his malis solamen esset, quod postquam sacer hic ramus à I. roserpina raptus sit, alter aureus non deficiat. Concedat Deus Omnipotens ut virga simili etiam adhuc metallo frondeat: sin id nimis impudenter petimus, conservet saltem Regem totum Nestora, conservet Principes, quorum si vel alterutrum nobis pro meritis denegetur, beatus post hunc primus qui moritur diem.

Diki.

EPITAPHIUM.

Inscribant alij monumentis ordine longo
Virtutes, titulos, nomina, facta, genus.
Hic jacet Henricus, de quo memoranda recusant
Arctari lapidis finibus exiguis.
Dicere nec tumulum solo plus nomine refert,
Cætera quæ semper fama loquetur eris.

Fr. Netherfole.

In fatum summi, & Beatissimi Principis Henrici.

Quo fugis? ah vita quondam, dum vita manebat,
Terris chare magis, nec tam cito debitus astris.
Nondum annosa dies, nec adhuc tibi frigida membris
Sævit hyems, tumulumque tuis aptaverat umbris.
Siste fugam superis: quid tam cito divus haberi
Incipis, infelix, & felicissime Princeps?
Quid caput auratis properant tibi cingere stellis

Dij

Dij nimium cupidi? quin hic tibi sceptrâ, tuisque
 Seri debentur regnis, Henrice, nepotes.
 Ah tibi regnandi ne sit tam dira cupido,
 Ut miseros mens sola tuos exosa Britannos,
 Aetherijs infusa vijs, jam tecta decorum,
 Et festinatos cœli deponcat honores:
 Hic prius in terris pacato numine regnet,
 Et tandem sceptris cedat satiata duobus.

Quamquam (si liceat nostros optasse dolores)
 O fortunatos, vel post tua fata, Britannos,
 Si patriæ, Princeps, non omni parte perisses!
 Nam siquis tantum nostris Henriculus oris
 Luderet aureolus (nobis solatia luctus
 Exigua ingentis) qui te tantum ore referret:
 Cujus ab aspectu poteras exire sepulchro,
 Atque iterum blandis pueri spirare labellis;
 Nec penitus nos Te, nec tu nos funere tanto
 Perdidderas, nobis sed qui post fata redire
 Heu nunquam poteras, poteras post fata redire.

Sed quid vos, dulces cineres, quid vos fugientes
 In speras sequimur revocanti carmine sedes?

Te nigri Soles (quis Solem dicere salûm
 Audeat) & flentes lachrymis cœlestibus Auræ,
 Undantesque suis flerunt in vallibus Amnes:
 Te Musæ totis luxerunt fontibus; ipsi
 Murmura ducentes imo de pectore Venti
 Cum gemitu spirant, spirantibus adgemit Echo.
 Ah miser! ah miseri non debita præda sepulchri.
 Ecce dies quoties, quotiesque reuatus Apollo
 (Te postquam nostro non amplius invenit orbe)
 Atra nube cadens, heu toto sidere noctem
 Excepit, medioque diem deperdit olympo.

I decus, I nostrum, cœlestibus utere satis.
 Et placide (quando superis adnare necesse est
 Littoribus) roseas Zephyri sublati in alas,
 Dive, triumphales cœlorum illabere currus.
 Non ibi fatorum, properato funere, iussa
 Aurea mansuris abrumpunt otia regnis;
 Sed tibi sceptrâ manent nullo peritura sepulchro.
 Et, quod gaudebis, medici bene nescia vita.

Nos tamen interea tumultum, tibi floribus istis,
 Heu male qui terris, nunc te moriente, supersunt,
 Spargimus, ecce, tuum nec te moriente supersunt.
 Quin ipsi lapides, nostri pia vulnere passi
 Mœroris, gelidæ perfusi sletibus auræ,
 Hos tibi de duro cantabunt marimore sletus,
 Aeternumque dabunt hominum tibi corda sepulchrum.

Carmen Sepulchrale.

Miraris quæ Saxa loqui didicere, Viator ?
Cœli depositum conditur hoc tumulo :
Cujus si famam, tacuissent saxa, putares
Hoc tibi mirandum, non didicisse loqui.
Si sapias, attonitus sacro decede sepulchro,
Nec cineri quæ sint nomina quære novo.
Prudens celavit sculpto ; nam quisque rescivit,
Protinus in lachrymas solvitur, & moritur.

G. F. T. C.

Oratio

Oratio Funebris

Habita in

SCHOLA THEOLOGICA

Ab Oratore Publico, in Obitu Clarissimi Equitis

THOMÆ BODLEII.

AD LECTOREM.

Didici ex Bodleio Orationis meæ fatum, & facile fero post tantam cladem, leve verborum damnum, & iacturam. Habe igitur (Lector) hanc Scripturam devotissimam sepulchro, quæ ideo vixit satis diu, quod mori potuit cum Bodleio. Tu autem, quod in vero funere fieri debet, dolore tuo utere pro iudicio. Si quid in illa forsitan fissum videbitur, & nubilosum, illud omne argumento imputa, quod cum solidum foret, & græve, proferre non debuit Orationem diaphanam. Exemplum in illa, aut Apophthegma non invenies aliud, quam ab Ipso (ita solus vixit Mæcenates omnes, & Historiam ;) & veritatem pro stylo concinno leges, quæ arte omni, & Rhetorica feliciter perorat. Sed brevis est ; si bona, fiet perlegendò longa ; sin mala, laudare debes propter brevitatem. Vale. Tu vero (Lector Academicæ, & Auditor) tacito favore, ne voluptatem illam quam bene audiendo prius ceperas, male legendo præpostere amittas.



Utinam, Auditores, utinam pari virtute, & progenie, quæ homines nati sumus, nasceremur Oratores ! Utinam suadere posset vetus Philosophia, rationem à semine, spiritumque à corpore proficisci ! Ita enim communi elementorum terræ vel plurimum gratulari possem, quod eloquentiam mihi, quam ingenium, natura, usus, data quasi opera impie negassent, illam pulvis, & funus, fatum, & miraculum benigne largirentur. Quod ab eodem principio terræ humanitatis meæ, & orationis exordium peterem ; quod argumento potius quam arte doctus essem, lutoque vilissimo plusquam igni meo, aut animæ deberem. Tali scilicet voto & proœmio dicturo mihi opus est (Auditores,) sive theatrum meæ Causæ, sive patronum me, & defensorem intuear. Cælum enim vobis ex hac Terra invitis Mathematicis, monstrare oportet, & Immortal-

lem

lem Mortalem in hoc Cadavre, major Paracelsus, conservare debeo. Si tamen vitam ipse, & spiritum, gratiam & venustatem ab hoc ipso Mortuo, quod raro contingit, non paterem forte & mutarer, non video quo minus de homine simul, & Oratore actum esset, itaque Sepulchri hodierni gloriam ignava mea, & infami lingua minuerem prorsus, & deturparem. Necque ideo quis vestrum existimet, quod picta aliqua loquendi methodo aut quadrato Mercurio usus sim, — *Ad populum phalaras*: deliciarum enim studium omne, & clenchos aurium ultro deposui, non leni aura, & Zephyro, sed turbine, sed procella rapior, & in hisce nanijs, luctuque non magis harmoniæ studeo, quam Solocismo. Postquam enim Venus ægra Libitina esse coepit, & iratis Parcibus frui pro Cupidine; postquam dissidia nuper inter se, bellumque lathale alucunt terrarum Domini, Natura, & Henricus, Orbemque totum suæ cladis nuncium, & hæredem reliquerunt, perversus ubique rerum ordo, inversa vocabula, eadem sapientis, & infani vox, mens eadem, unum omnibus palatum, nulli suum; nec oculo, nec auri convivium datur, sed solis lachrymis fumus Epicuri. Absit igitur (Auditores) ut benevolentiam vestram implorem, quam demereri impium est, aut attentionem illam precibus extorqueam, quam prudens, sciens, sanusque deprecor. Primam enim mihi gratiam, & benevolentiam reponitis, quod inviti hac omnes, quod reluctantes acceditis, & vel tum maxime esse vos attentos credam, ubi animos vestros alto dolore captos, & sepultos, nullo latere, aut clamore meo excitandos senserim. Quid statis? Abite jam si placet, neglecti, vel si mavultis, irati, & proemij mei consumaciam saltu vestro, & absentia vindicatis, Manes mihi modo *Bodleianos*, nomenque ejus sacrandissimum concedite, parturient (credo) Auditores, invenient Forum, & Populum, & Senatum, aureque hominum ignotas & remotissimas quas vita olim, famæque suæ ambitu latissimo conciliaverat, eas morte sua universa & invicta memoria absentes ferient, & incipient. Quousque mihi, Marce Tull. portenta tua, auri-tos lapides, & parietes *medius fidius* exultantes obtrudes arte tua magna, & Rhetorica, gloriose, si ego hodie majora adhuc monstra, & prodigia recensero, idque sine mendacio, & hyperbole? Lapidum enim, & tectorum conjugium verum, con sanguineas arces, genitumque Bibliothecam prædico, qua nec Orpheus quidquam vidit magis animatum. Vitam mortuorum narro, & genium sepulchri, ut intelligatis tandem penituisse Naturam hujus funeris, diemque se Natalum, & nova incunabula vel Fato *Bodleiano* concessisse. Si tamen Fatum hoc dicendum sit, vel potius victoria, quod famam ejus animamque precario liberavit, vitamque brevem mutavit pro historia. Ad quam texendam, tradendamque temporis, tanquam fabulam recitanti mihi verecundia, & modestia singulari opus est. Obruit enim sensum humanum, tollitque credendi libertatem *Bodlincus* verus, & suspecta veritate laborat virtus, cum exempla omnia humanitatis, studij, benefacti, & pietatis superaverit. Quare mitiori orationi, laudibusque magis temperatis indulgendum est, ne cum de illo singula, præstantissima, excellentissima, laudatissima dicerem, Annales ejus non tam præconio, quam invidia onerarem. Quod ut honestius à me, & liberalius fieri possit, pueritiam ejus, erudamque ætatem revocandam sentio, ut fideni vestram quasi gradibus quibusdam, & elementis dirigam, & instruam, neve saltu & impetu festinarem ad miracula. Quodque (augurio bono) primo in loco illi in honorem

Ccc

cedat,

cedat ; Parentes ejus magis Boni, quam Magni, nec ad proverbium divites, nec de fortuna queruli, tales autem qui liberalis familiæ titulos, & insignia vitæ suæ, morumque nobilitatem magnifice auxerunt. Qui cum in illa tyrannide, & hujus Insulæ calvitie vixerant, in qua fax erat pro religione, & vera flamma pro ardore spiritus (probitate sua freti & conscientia :) legitimo furto, & pientissima conspiratione facta, sese à laniena publica, & perenni foco, non improvidi eripuerunt. Hoc Comite ; Hoc consilio ; His auspicijs. Quasi prædicerent Filio in fuga sua transmarina, puerum Insularem futurum olim Virum universum. Sic tu (*Bodleie*) profectus es ætate minor, ut redire posses virtute maximus ; Patriamque tuam, qua tali exilio honestius carere velles, eo animo deseruisti, quo multo potius haberi malles Christi peregrinus quam indigena Idolorum ; Pergis, oberras, latitas :

— *Sic tu sub Principe dura,
Temporibusque malis ausus es esse bonus.*

Qui cum annum ageres duodecimum, & Genevenses jam primo salutasses, literisque dedisses operam, Græcæ linguæ non tam auditor, quam speculator habitus es, ut qui explorares potius artis angiportus, & insidias, quam qui rudimenta prima, & præcepta disceres. Cumque postea libertati simul, & religioni Augustissimæ *Elizabethæ* auspicijs vacaret Anglia, redditus est nobis exul juvenis ; cujus tantum in conditione & fortuna fuga aliquando honesta dici potest, & liberalis. Neque satis ad *Devoniam* suam rediisse, & Penates, nisi limina Decorum pulsset, & Academias ; adeo facilis cuiquam unius literulæ Metamorphosis videbitur, *Exonij*, & *Oxonij*, qui ingenium maluit colere quam agrum, & sapientiæ imperium libentius patitur, quam pecuniæ. Neque præclaro instituto, quod multi perperam arbitrantur, sufficit *Oxonium*, nisi præceptorem etiam idoneum, & appositum subministraret : quod Tyroni huic adeo feliciter successit, ut conspirasse viderentur inter se Fatum & Consilium, lutoque huic Artificem, & ætati ejus Monitorem destinasse. Cujus ingenij spatium, & torrenti obviis occurrit, Doctissimus, Probatissimus, Reverendissimus *Humphredus* ; (credo) ut experirentur aliquando probitas & cultura, utrum viginti annorum rectius senecta, an juvenus diceretur. Ita solus fecit, solvitque ænigmata egregia ille Oedipus. Postquam vero de mora longiori consilium ceperat, in Societatem Mertonensem eruditissimam se recepit, in qua sic vixit suaviter, & secure, ut omnem illius severitatis famam facile contemneret, suisque legibus viveret, non Collegij. Atque ideo jure optimo (viri Mertonenses) vobis ipsis indulgere & favere debetis, quod cum Filios plurimos ultra attributum, & Epitheton doctos, *Ockhamum*, *Burleium*, *Scotum*, aliosque quos Mater Vestra fecundissima olim pepererit, Natalibus adhuc veltris, justæque gloriæ servati fuerint *Bodleius* & *Savilins* : Hic cum antea actis temporibus, & ingenioso illo seculo facile conferendus, Ille posteritate omni major, & maximi cujusque exempli & historię exemplum adhuc majus & historia. Quod si quid ad laudes ejus, titulosque faciat, potuisse invidiam sustinere, & laborem, (ne quid, deesset Famæ aut oneri) munus primo Procuratorium, mox Oratorium suscepit. Sed (va mihi !) quod tanta cum constantia, facundia, & doctrina moribus hominum

& Rhetoricæ imperaverit. Nam quæ ego cum alijs collatus sperabam saltem me fecisse mediocriter, cum illum respiciam, vertuntur mihi omnia in contumeliam. Itaque quæ sine illo pessime à me gesta sunt, non male, cum illo quæ optime, vix boni consuluntur. Vultis Auditores jam tandem ex umbra Hominem proferre in apicum; vultis à Philosopho civem, & Academiam transferre in Rempublicam? En balnea, & lacrymas suæ Matris, quæ comitantur exiturum, & potuissent forsitan (si non utile foret, & divinum consilium) aut tardasse, aut evertisse. Et jam secundo pius transfuga videri posset, nisi quod *Elizabetha* transfugam nullum fecerit, multos invenerit.

—— *I bone quo virtus tua te vocat*

Perpende Galliam, excute Italiam, utramque Germaniam percurrere, conducet multum splendori domestico ornatus exterus, & supellex transmarina. Quam si quis unquam suæ patriæ gratus attulit, obtulit certe *Bodleius* gratissimam. Qui in rerum potius ruina, quam statu politus, cum annum jam Octogesimum Octavum crocitarent Mathematici, regnumque Angliæ Fato, & figuris vendidissent, Illustres Provinciarum Ordines, unus omnium, sic ordinavit, ut Centonem illum Politicum, & foederatum, texturam brevi unam, & integram reddiderit. Quo quinquennio quasi bellum jam primo silentio indiceret, & Pythagoræ, ita omni occasione literis, colloquijs, nuncijs, excubijs occurrit, ut prudentia illi esset pro injuria, & quinquennalis difficultatis exitus novæ expeditionis dies, & initium. Et veluti Parasito illi Plautino mandatum est,

—— *I, curre, propera, redi, hac, illac, utrinque,*

ita eodem pene vestigio, & intuitu *Fridericum Danie Regem, Ducem Brunsvicensis, Langravium* salutat, suadet, redit; fecitque inertis *Bodleius* sine commentario, quod armatus *Cæsar* multo cum verborum, & militiæ volumine; Venit, Videt, Vincit: multumque se debere credit Fortuna *Bodleio* non ambient, si suscipiat illam, & auctoritatem alias superbam, aut avaram temperantia sua & humanitate moderetur. Hac fide ad Tertium *Henricum Gallie* Regem missus, ad Quartum destinatus, ad Provincias, & Hispaniam designatus, ut innotesceret, hominem compositum ad gratiam, & amicitiam posse in ipsos Reges, & Imperia imperium exercere.

Ardua res hac est opibus non tradere mores.

Scilicet, ambitiosis, ineptis, timidis difficile, *Bodleio* forti, sano, æquali, non solum facile, sed genuinum. Atria enim Regum, domosque superbas, & Imagines paulatim declinat, concursus hominum exiit, & frequentias; seipsum denique & virtutem quærit in solitudine, quasi solus aliquando esse potuit *Bodleius*, qui humani generis pars magna fuit, & per se semper nomen multitudinis. Sed quantum patiebantur Fama, & necessitas, singularis esse incipit, neque amplius negotijs excubat publicis, sed benefactis. Nam licet actio illius nulla, ne dum cogitatio laude sua debita, & beneficio carerent, egerent tamen diuturnitate

nitatē & monumento; præmiū ferebant splendidū, & opportunū, verū mortale illud, & vel memoria hominū, vel tempore extinguendū. Altiora Ille, & nullo cum mortalitatis intervallo, & negotio permiscenda cogitat. Cum jam consiliū novū fœdusque icere Academia Oxoniensis Geniūque *Bodleianus*. Thecam illi subministrat Oxonium, Biblion dictavit Deus. O ingenium æternitatis parens, cerebrumque *Liberperum*, cui vel invidet Jupiter Minervam beatiorem! Ad quam dicendam, (Dicendam autem? tacendam, cogitandam, admirandam!) Libro potius, quam Oratione, & digito magis, quam lingua opus est. Edificia enim ejusmodi, harumque structurarum molem tenuis papyrus, multoque tenuius ingenium non sustinent; marmor marmor obijciendum est, novæque extruendæ ædes in gratiam, & memoriam extructurum. Sed quo *Ærario*? quo *Authore*? nempe *Mortuo Bodleio*: ut exhiberet alijs vitam, & avariciam, dum mortem suam esse artificem, & ingeniosam curaverit. Cujus rei curam, votique novissimi rationem cum Clarissimi Equitis *Johannis Beneti* arduæ virtuti, & labori demandari vellet, factum potius quam propositum, & ædificium quam institutum credamus. Virumque egregium tali oneri, suisque laudibus maturum, & opportunū studio omni, & benevolentia prosequamur. Quod superest Academici (quanquam quid non superest superflite Academia? quid non semper dicenti superesset pro *Bodleio*?) Eugeamus fortiter, non Illius fatum, sed nostrum, misereamur Academia; solemur Matrem, & Hecubam nostram, quæ uno prælio tot Hæctores amiserit. Nec vita potuit *Bodleius*, nec morte indigere, nec Cœlo, nec Sepulchro.

*Ampliat ætatis spacium sibi vir bonus, hoc est
Vivere bis, vita posse priore frui.*

Oratio Funebris,

Habita in Collegio Mertonensi à

JOHANNES HALESIO;

M^{ro} in Artibus, & ejusdem Collegij Socio, Anno 1613 Martij 29.

Quo die Clarissimo Equiti D. THOMÆ BODLEIO funus ducebatur.

Ornatissime PROCANCELLARIE, Clarissimi, Doctissimi, Venerabiles Viri.



Acietis mihi, uti spero, inauspicatæ orationis veniam, si quod intus apud me diu sum commentatus, & tacito tantum præfatio divinabam, illud coram apud vos hodierno die prædicem: videri mihi & artium & cæterarum rerum semper legem esse, idemque, quod reliquis omnibus, Musis etiam literisque senium & interitum imminere. Non refricabo alicujus antiquioris seculi infortunia: ipsum hoc, quod agimus, incusabo ævum, reliquis impendio infelicius. Nam quam tandem ætatem

tem majora literatorum dispendia affligerunt? Aut quod unquam seculum tot tamque continua doctissimorum virorum busta funecularunt? Illam auream ubertatem, illam sylvam hominum in omni artium genere præstantissimorum, quam, non dico majorum ætas, sed pueritia nostra vidit florentissimam, eam pene omnem juvenus nostra vidit extinctam. *Whitakerum, Bezam, Zanchium, Rainoldum, Junium*, addo etiam alterius licet *Musæ, Scaligeros, Lipsiumque* cum nondum per ætatem æstimare potuimus, (proh dolor!) amisimus. Scilicet in autumnum quendam incidimus multo infeliciissimum, in quo necesse fuit tantam literarum & eruditionis segetem infringi, demeti, exarescere. Sed nondum penitus animis fracti concideramus: in medijs bustis, funeribus, & exequijs spem tamen aluimus impudentem. Nimirum subijt animus, nos homunculos, ubi salillum, quod habemus, animæ expiraverit, totos perire: literas vero immortale fas habere, nullius ævi senio intermori, nulla invidia carpi, nulla oblivione sepeliri. Qpippe supererant præstantissimi viri, & in rebus agendis nil nisi immortale cogitare soliti, qui in eo negotium, in eo otium, in eo vigiliæ, in eo etiam somnum reponerent suum, ut mortalitatem, quam literatis depellere non possent, ab ipsis tamen literis pulcherrimis consiliis & operibus propulsarent. Sed dum nobis faciles adblandiremur, & infelicium literarum miseram solitudinem cogitationibus istis solaremur: nescio quæ solatijs nostris insidiata invidia, ut nihil amplius, non spei, non speculæ, heret reliquum, subito nobis subduxit hanc magnum Musarum patronum, & Academiæ nihil præter charissimi capitis

triste.

triste desiderium reliquit. Ergo omnes illi benignissimæ naturæ flores, illi perennes inexhaustæ munificentiae fontes exaruerant? Ergo excellentis animi ornamenta, & vigorem immortalem, tot divinissimarum cogitationum fecundam, tot annorum virtutes dies una, hora, momentum abtulit? Certe. Potuit infirmitas & conditio mortalitatis nostræ, potuit incerta fortuna, certissima natura: ausim immutare verba mea, & sic melius errare: potuit incerta natura, certissima fortuna, quæ nullo cum iudicio in rebus versatur, nullo ordine & examine miscet fata, confundit merita; potuit, inquam, aliorum ignobile & inutile senium improba vivacitate usque & usque fatigare: huic vero brevem exiguui spiritus auræque communis usum invigere, qui si annis *Nesforem* æquasset, nobis tamen fuisset in immaturis. Iis enim qui æternitatem cogitant, & sese amplius in operibus posteritati transmittunt, quæ potest esse non immatura mors? Nam arcti & compressi pectoris mortales, quæ una cura brevem vitam caducis laboribus fatigare, ut vivendi causas quotidie finiunt, ita singulis diebus effertur: at vegeta & expectata indoles, cui is labor, ea quies, meditari amplissima, & magnifice cogitata splendidissimis factis honestare; nulla illi mors non repentina est, ut quæ fundantem arces & castella molientem opprimat, & inceptas turres, & imperfecta mœnia, & semper inchoatum aliquid interrumpat. Erat hoc *Badleii* nostri fatum iniquissimum: quem præclarissimorum operum, aliorum quidem compotem, aliorum vero candidatum, oppressit ultima necessitas, coegitque tot labores in sulco quasi & semine destituere. Nos vero quid aliud Divinam Majestatem votis votisque poposcimus, quam ut ipsius longa pietate munus nutriret suum; quam ut sub ipsius, tanquam saluberrimi lideis aspectu læta beneficij seges in aristas quasi & fructum maturefceret? Sed ita a- verfo numine vota nuncupavimus, ut non modo nihil annorum apponeretur, sed nec, quæ postrema solet esse defunctorum felicitas, accederet in funere laudator disertus. Nolebam equidem, Viri Gravissimi, & certe iniquissimum esse ducebam, illam ex omni bonarum artium ingenio collectam perfectionem, illam munificentiam, quam non modo moribus nostris non expressam, sed vix libris descriptam habemus, illas reliquas virtutes plane divinas, quas integris oportuit magnis & decoris ingenijs reservari, in unius ingeniolei alea periclitari. Sed quoniam qui in hac tristissima rerum facie mœroris partes habent primas, silentij legem, quam luctui suo gravissimo indixerunt, meo non concedunt: solabor me obsequij necessitate, & quum vobis rem ipsam non potero, propensam tamen emetiar voluntatem.

Mihi vero Summi Viri laudum immensum pelagus ingressuro, mirari subij eos, qui quum in præclarissimorum virorum laudibus versentur, atque omnes undique bonæ famæ auras ambiciosius colligant, nullis tamen libentius vela implent, quam quas aut fortunæ, aut patriæ, aut natalium splendor emittit. Equidem ego illum sterilem veræ solidæque laudis semper habui, ad cuius gloriæ cumulum augendum, aut patriæ celebritatem, aut familiæ nobilitatem oportebat accedere. Neque enim præstantissimos viros minus honorifica cogitatione prosequi æquum est, quia Romæ non nascantur, aut Athenis, aut quia familiæ parentisque in honore famæ & monumentis non legantur: ut nec solem & sidera minoris ducimus, quia puros illos coelestesque orbes, qui illa nobis exhibent, oculorum acie non consequamur. Nam ut corpora sana & integri sanguinis ex
ijdem

ijſdem ſpeciem accipiunt, ex quibus vires : ita verus ille virtutum profeſſus non adſcitiſio pigmento, ſed illo ipſo, quo alitur, ſucco nitet. Si quæ tamen ſunt apud cruditos locorum privilegia, is profeſſo locus reliquis longe præluet omnibus, qui votis Academiæ feliciffimo illuſtrium ingeniorum proventu reſponderit. Atque hæc *Bodleii* noſtri patria fuit. Is enim terrarum angulus, cujus feliciffima ubertas celeberrimos literarum triumviros, *Juellum, Rainoldum, Hookerum*, eduxit, *Bodleium* etiam nobis dedit; providentia quadam ſic diſpenſante, ut quæ patria tantos daret Marones, hunc etiam daret *Mæcenatem*. Laudabunt ergo, alias terras amœna pratorum, læta ſegetum, denſa ſylvarum: hanc vero reliquis omnibus literata fertilitas æternum reddet beatiorum. In familiæ *Bodleianæ* præconijs non tam gentilitiam dignitatem numeravimus, (quamquam fuit illa perilluſtris) quam quod fuerit pietatis laude florentiffima. Nam quum agerentur illa funeſtiſſima tempora, quum humanitatem, propriam illam religioſorum Deam, nuſquam magis quam apud religioſos deſideraremus; cum aut ſubcundæ eſſent aut adorandæ cruceſ, & pietati nuſquam eſſet uſiſ in fuga perſugium: linquenda cenſuit pientiffimus vir, huius Noſtri pater, & domum & terras & placencia pignora, maluitque incertam exterorum humanitatem experiri, quam ſe certiſſimæ domeſticorum crudelitati committere. Fugientium-parentum lateri hæſit individuus comes *Iulus* hic; parvus *Iulus*, cui jam tum in literis regnum quoddam ſata deſtinabant. Jam cujus eſt miraculi, religionis, cujus vix per ætatem ſenſum habuit, poenam ſubire? Cui demum animo, non dico molli & tenello, ſed robuſto plane & exercitato, calamitates illæ frangendo non fuiſſent? Ille tamen fruſi miſerijſ & exinde animos viſereſ recipere, & omni illo triſtiſſimi exiliij tædio ad præclariffima incepta abuti. Frequentare nobiliſſima gymnafia, ambire illuſtrium hominum familiaritates, audire celeberrimos artium linguarumque profeſſores, *Beroaldum* in Græcis, *Chevalerium* in Hebræis, etiam in ſanctiore illa & auguſtiore theologia *Calvinum* & *Bezam*, quorum auditoria jam duodecim annorum auditor implebat. Neque vero quiſquam fingi à me *Cyrum* aliquem, potius quam tradi putet, & ad *Bodleii* virtutes exequendas, votum magis quam hitoriam commodari. Nam quid poſt natam injuriam factum eſt iniquius, quam ad ſuam imbecillitatem aliorum vires exigere? Sunt enim magnorum fluminum fontes navigabiles, & generoſioris arboris ſtatim planta cum fructu eſt. Recolligite potius animis omnia illa apud antiquos præmatuſe induſtriæ miracula: *Auguſtum* jam annorum duodecim aviam pro roſtris laudantem: *Tarpanem*, *Pliniumque* jam annorum quatuordecim tragœdias ſcriptitantes: nam aut me fallit divini ingenij admiratio, aut nihil habent hæc, unicæ illi tot linguas percipiendi induſtriæ comparandum. Nam cujus eſt laboris ſermonis illi, quem jam naſcentes hauriebant, aut rhetoricum cultum, aut poeticum niſorem, dare? Imo omnis illa artium exercitatio, quid habet tot linguarum tædio par? *Athenis* una cum loquela artes ipſas arripiebant: *Romæ* cum Latinis Græca conjunxiſſe ſumma votorum erat. Nos, quibus patrij ſermonis paupertas nihil præſtat artium, niſi *Latinis, Græcis, Hebræis, Gallicis, Italianis, Hiſpanicis* addamus in ſuper, nihil egimus. Adeo nobis major exantlandus labor in aperiendis fontibus, quam illis in tranandis fluminibus: illis expeditius, univerſum artium iter abſolvere, quam nobis primas ſemitas adituſque recludere.

Qua-

Horat.

Quamobrem *Anglorum* licet res sæpe fuerint multumque turbatae, *Bodleii* tamen gloriæ & emolumento nunquam magis compolita quietaque iuerunt. Sed quum domi tempestates & procellæ detonuissent, & Serenissimæ Principis divino beneficio, rescriptis animorum incendijs, foro fax, templis sanctitas, iuri integritas, omnibus salus esset restituta: protinus collecta est quæ toto fuerat orbe sparsa ruina, cujus magna pars *Bodleius* noster. Reversus itaque Musarum alumnus & *Centum puer artium*, nihil habuit antiquius, quam beneficium aliquod sidus experiri, cujus influentiæ maturantis ilapso, commissa solo semina in segetem & solidam frugem adolescerent. Sincram itaque & integram adolescentiam suscepit formandam magnus Theologorum Dux, *Hunfredus*: illum inveni eruditus tyro, illum mirari, sub illo toto pectore artes honestas arripere: ut vel hinc satis esset conjecturæ quanta mox cum gloria esset in Musarum castris versaturus, qui sub tantis Imperatoribus prima faceret stipendia, ad tanta exempla tenerum tyrocinium exigeret. Quid infinitum laborem, & quotidianam meditationem, & in omni artium genere exercitationes loquar? Etli enim quod olim *Seneca de Nilo*, *Nilus per septena ostia in mare mittitur, quodcumque ex his elegeris, mare est*: illud ego de septemplici artium Nilo dixerim, *septenis canalibus tanquam ostiis in disciplinarum mare mittitur, quodcumque ex his elegeris mare est*, & solum omnibus tum temporis tum diligentie momentis occupandis sufficit: ille tamen amplius quid divino molimine meditari. Non est visum satis uno artium rivulo tingi, sed universo literarum Oceano imbui: non unam selegit artem, quam sibi tanquam sponfam jungeret, sed commune disciplinarum flumen tentavit, omnium artium pulcherrimo comitatu pectus implevit, & ut in aciem omnibus armis instructus, ita in Scholas omnibus artibus armatus exiit. Hæ magnificæ cogitationes *Bodleio* authores fuerunt, unicis *Mertoni* ædibus reliqua Musarum templa postponendi. Nam quum videret in reliquis amplissimum illud per singula spaciandi desiderium, Augusto unius professionis gyro infringi, hic vero licere tanquam in latissimo æquore implere vela, & toto ingenio vchi: visum est hunc *Mertoni* campum aliorum semitis & convallibus, amputatæ illi disciplinæ & abscissæ, latam hanc & magnificam & excelsum antepone. Fertur enim magni animi torrens, non ut fontes angustis fistulis, sed ut latissimi amnes totis convallibus; Saxa devolvit, pontem indignatur, ripasque, nisi quas ipse sibi facit, agnoscit, nullas. Itis itaque ædibus inferi & ambivit & obtinuit, quarum castigatissimæ disciplinæ debentur totius Europe ingenia celeberrima. Nequeo temperare mihi quo minus matri meæ felicissimam ubertatem gratuler. Cui enim debent literæ, illa in omni disciplinarum genere clarissima lumina? in Theologia, *Wiclesem, Scotum, Oecbarum*? in Opticis *Cantuariensem*? in Physicis *Burleum & Suissetum*? illum tum in humanis tum divinis ætatis suæ facile principem *Bradwardinum*? Excipietis me forsitan aliquo aurium convitio, dicam tamen plane quod sentio. Politissima hæc, quæ fertur, ætas non tam veram literaturæ faciem præstat, quam illa quæ incultior audit & inornata. Illam multarum linguarum scientiam, quod nostri seculi est palmarium, adjunctam licet habeat laudem præclarissimam, ab ipsis tamen doctrinarum aris atque adytis arcendam censeo, nec ultra pronam adinrendam. Quid enim? rerum scientia est, non vocularum. Illi fortibus, nos fulgentibus armis præliamur. Apud illos cultissimum fundum, uberes oleas

video,

video, & verum robur: apud nos lilia & violas, hortorum amœnitates, quincuncem, sterilem platanum, tonsasque myrtos. Immo hæc ipsa ætas, quæ doctissima audire ambit, si quando veritatem remotis inanibus notis rerumque pompa investigandum habet, illos tanquam *Democriti* puteum consulit, apud illos omnem ubertatem & quasi sylvam sentiendi sapiendique libens agnoscit. Ij enim in selectissimis tum theologis tum philosophis arcem tenent, non qui è philologiæ spatijs sed qui è Scholarum officinis instructissimi prodierunt. Sed non est idem semper disciplinarum vultus. Nam ut reliqua omnia, ita & literæ suæ habent momenta, suas periodos, nec eadem omnium seculorum palato sapiunt. Agrestem illum & quasi impexum prioris ævi horrorem, politioris ætatis lima reformavit. Secutum est doctrinarum varietatem Athenarum nostrum, & huic etiam literarum elegantia ornamenda eduxit decora ingenia. Nam ut omittam eos, qui supersunt adhuc, & exornant seculi nostri gloriam, quorum laudibus libera posteritas plenum testimonium prolixè cumulateque reddet: ut omittam eos, quorum ingenijs si dignum theatrum, si scena accessisset, in primis locum habuissent; ut omittam etiam eos, qui magna cum gloria literario pulveri civiles sudores miscuerunt: vel unicus hic, quem lugemus defunctum, solus ædium nostrarum nomen famæ infereret, si in hunc usque diem laudis & honoris luce caruisset. Quam enim ille artium regionem non magnis itineribus peragravit? Quo non penetravit illa ignea vis? Aut quis ita affectavit singula, ut is implevit universa? subtilia Matheseos, obscura Physices, sublimia Metaphysices non illi degustata leviter, sed penitus digesta. O incredibilem industriam, quæ ita singulis inservire potuit, per universa districta, & universa suscipere in singulis occupata! Nec vero ille passus est divinum ingenium quandam quasi in opaco situm ducere. Nam vix exceperant ædes nostræ parturientem rosam, & illa statim in calathum fundi, & tota rubentium foliorum ambitione pandi. Sic enim oportuit consummatissimum juvenem famam ingredi: non differre tyrocinium in senectutem, sed fructum studiorum viridem & adhuc dulcem promere, & prima illa quasi gemmantis indolis ingenijque germina famæ populoque ostendere. Quamobrem in ipsa quasi studiorum incude positus, & primarum tantum artium laurea conspicuus, *ἄντοχεστῶντος* effusilimo totius ædis concursu, Græcarum literarum professorem sese renunciavit. Non enim is est inani scientiæ opinione subnixus, ut hodie nonnemo, qui si tria verba sapiat è Lexico, statim sibi *Suidas* videtur aut *Hesychius*: omnem dialecticorum varietatem, illam incredibilem verborum & compositionum fecunditatem penitus memoria comprehenderat imbiberatque. Statim itaque exploratæ utilitatis res adolevit in exemplum, quod ne in posterum ireretur, prudentissimi viri præmijs & stipendijs caverunt. Sed enim indultrix *Bodleiana* admiratio ita me totum occupavit, ut mihi prope morum & probitatis oblivionem induxerit. Videri solet multis, scio, inter hæc tanta indultrix & ingenij præconia probitatis laus habere frigus quoddam. Mihi vero, etsi in omni vitæ nostræ summa, primum in moribus ponendum calculum existimem, tamen nescio quo modo honestas, in illa sublimi & plena spiritus natura, lumen quoddam habere videtur & nitorem; qui in illis inferioris subscellij ingenijs non lucet. Probitas enim sæpe simplicitate quadam naturæ constiat, improbitas ingenio. In illis enim quibus aut conditionis iniquitas occasiones subduxit, aut tenuis & angusta ingenij

vena facultatem non ministrat, exilis laus est esse moderatos, esse modestos: ij vero, quæ ingenium, facultas, ætas, occasio lenocinantur, si intactos seculi contagio, si illibatos mores præstiterint, quos plausus merentur? quæ præconia? Atque hæc laus *Bodleio* nostro fere peculiaris est. Nam sic profecto est: postquam omnia summorum virorum exempla evolverimus, vix millesimus quique evasit adolescentiæ senectutæque juxta integræ. Illi ipsi, quos non sine stupore legimus, *Themistocles* & *Scipiones*, ætatis suæ integritatem non nisi præcceptam vitij præfloratamque, maximis rebus gerendis tranfmiserunt. Hic vero ætatis suæ lubricum, quum nondum mores in tuto essent, adolescentiam, quæ nulla unquam placuit sine venia, ad maxima obeunda munia illæsam & sacrosanctam conservavit. Quod si quid habeant coelestes cum mortalibus contubernij, si non profus veri vana magnorum effata authorum ferantur, casta illa & nullis contacta vitij pectora Deos ipsos maxime habere familiares: quem præidentes studiis Divæ propius audient? Cui magis artes suas aperiret familiare numen *Minerva*? Nunc tandem mirari desino ita pleno numine Musas ipsi affuisse. Itaque non modo *Athenas*, sed & totum illi Orientem indulservnt. Omnia enim illa seu sacra *Hebræorum*, seu secreta *Chaldeorum*, seu quicquid habet *Syria* reconditi, omnia illi quæsitæ, meditata, evigilataque erant. Quanti vero studia ista etiam in alijs æstimavit, quamque fuerit eorum, qui hisce literis industriam suam consecrarint, sinus, portus, præmium, exemplum: ut alijs claris testimonijs sepe, ita insigni illo palam fecit, quo eruditum *Dnysium* de his studiis notum, & accivit, & familiariter habuit, cujus & fovit studia, & necessitatibus subvenit, quem etiam discedentem amicissime viatico esse profecutus. Rem non eminentem quidem dicturum sum, sed tamen solida veraque cognitione maximam. Erat in Archivis nostris Hebræis conscripta literis syngrapha, negotij olim cum Judæis habiti testimonium. Erant literulæ vacillantes illæ & perversæ Rabbiorum, & characteris morositate accefferat etiam temporis injuria, quæ incertos tantum apices reliquerat, & *Æthiopicæ* literarum capita. Diu itaque neglecta jacuit, ut Sibyllæ folium, cui arbitri & interpretis lumen decisset. Ubi vero hic Noster ingenij quadam face illuxisset, statim patere clausa, lucere tenebrosa, & redire quasi evanescens scriptura, ut quæ vix oculis olim, nunc prope manibus tenerentur. Est hoc fortassis minoris, sed tamen numeri. Quædam enim minima quidem sunt, sed tamen non possunt nisi à maximis proficisci. Non enim illa solum pulcherrima, & omnibus expressa coloribus tabula, sed & minima linea Apellem loquitur: Neque hæc tantum maxima rerum compages, sed nec culices, nec formicæ, nec vermiculi ab alio potuerunt, quam ab infinita illa Majestate proficisci. Ego vobis, Auditores, in illa præclarissima vitæ *Bodleianæ* summa non talenta tantum, aut minas, sed, si liceret, singulos etiam sesterlios numerarem. Equidem nihil dicam temere, ea tantum loquar, quæ viri maximi æternis literarum monumentis consignarunt. In hominibus præclarissimis, non solum, quæ speciosissima sunt, & omnium oculos convertiunt, tenere nos debeant, sed & illa quotidiane necessitatis munia, τὰ ἡμέτερα, καὶ τὰ κοινὰ, τὰ ἀναγκαῖα, καὶ τὰ ἐκείνη; Nam ut in omnibus intenta nervis cythara, ita in magnorum hominum actionibus summa infimis incredibili quodam consensu contentuque respondent: & altæ mentis, quæ in maximis splendet, radius quidam & velut ἀντιγράφον in minimis clucet.

Chrysost. in pro-
m. in Ep. ad
Polilemonem.

Sed quid ego pluvias, ut inquit *Pindarus*, aquas colligo, fesse undique vivo gurgite offerente? Illa *Bodleij* industria plusquam humana, illa tor linguarum artiumque infinita comprehensio, doctos tantum egit in stuporem: at illa incredibilis morum suavitas, ille in congressibus gestuque toto lepos & veluti Artificinus quidam, doctos indoctosque juxta cepit. Sunt quibus lucubrationum intemperies & pertinacia quicquid est in moribus letum carpit, & omnes amœnos ingenij succos ebibit. Tristes evadunt & difficiles, & dum se studiis humanitatis applicant, ipsi prope fiunt inhumani. Noster vero continuata studia, quorum perdis & perniox satagebat, infinita venustate quadam & quasi *parte nectaris* imbuiere; & cum se totum Mulis consecrasset, luci tamen & amicis & congressibus dare nihilo fecius. Unde & illa supervacua literarum & amœna artium diverticula discere, non habuit insuper: inspicere eos, quorum ars in manuum vultusque indicij dijudicandis versatur, scire quicquid oneirocritici somniant de somniis, istis demum in conventibus, tanquam honesta quadam, & festiva, & crudita alea lustrare. Hanc autem utramque quam induerat personam, ita summo egit cum judicio, ut nihil severitati ejus hilaritate, nihil gravitati humanitate detraheretur: In illis vero quasi supremi cœli disciplinis, quantum fuerit, quam anxiositate solliciteque prudentium consulta, *Hippocratis* oracula, divina Theologorum scrutatus fuerit, reverentius erit integrum illibatamque secretis vestris cogitationibus reservari, quam carptim breviterque perfringi. Illud vero intactum præterire non possum, quo & altioris eruditionis gloriam, & amœnigenij laudem reportavit. Nam quum in exteris Academicis ingenij cultum caperet: & incesset desiderium, hominum de se voluntates & judicia explorandi, quantumque ipse posset in Juris scientia experiundi: placuit publice sui specimen exhibere, & in celeberrimo prudentium conventu aliquid controverſi Juridicorum more discutere. Quam rem ita omnibus absolvit numeris; eo judicio Authorem expendit opiniones, eo acumine in intimos recessus penetravit, ea denique auctoritate sententiam tulit, ut qui Scævola & Ulpiani audiebant, *Bodleium* purpura & supremis illius scientiæ titulis & insignibus, pro pensissimis animis & suffragijs cuperent irentque ornatum. Sed non ego illa publici juris faciam, quæ ipsi visum est sur tantum pectoris sacrario committere: Honores illos attingam potius, in quibus libera tum Academicæ tum reip. judicia est expertus. Nam judicij in rebus moderandis satis amplum testimonium dedit Universitas, cum eum incredibili omnium ordinum consensu Procuratorie dignitatis ornamentis honestaret: Literarum vero elegantie multo amplissimum, cum illum Publici Oratoris munere ornaret, quo ille sic est perfunctus, ut sibi ad illam divinam omnium artium *πύρρον* non defuisse ostenderet rhetorum vineas & pluteos, & reliquam eruditam vim & oppugnanturum aurium apparatus. Hæc autem summa licet apud nos sine munera, quorum illa ætas capax, erant tamen pulcherrimis illis cogitationibus inferiora. Nam quum videret, quanta dignitas, quanta majestas, quantum denique nomen ejusset civilis prudentie, noluit ulterius in istis officiorum ludicris & umbra velitari, illosque ad veram pugnam natos lacertos, levitate jaculi aut jactu disci vaneſcere. Protinus ergo *Germaniam, Galiam, Italiam* peragraré, pulcherrimis exemplis imbui, inde prudentie haustus bibere, inde civilium rerum usum sumere, quem mox in negotijs & consilij præstaret. Neque vero illum divinæ spes & cogitationes

sefellerunt. Vix enim reversus est, & statim nobilissimas obire legationes, ad *Fredericum* serenissimum *Daniae* Regem, *Julium* Ducem *Brunsvicensem*, *Guailelmum Hassiae* Lantgravium, *Henricum* Christianissimum Galliarum Regem, sanctissimam illa *Gallicanae* Reip. tempestate, qua *Guifianorum* scelere & furij acta Regia Civitas clementissimum & immeritissimum Regem expulit, & pudendo exemplo ultima impulsit rerum vitæque suæ discrimina experiri. Huc accedat celeberrimum illud apud Foederatarum Provinciarum Ordines actum quinquennium, quo turbatis pacem, dispersis ordinem dedit, quicquid flammarum incensi animi conceperant, extinxit, & si quas tempestates concitaret suspitionibus mentes portendebant, serenavit. Hoc illud tempus est, quo honoratissimo Viro per Serenissimam Principem & reliquam Procerum manum, quæ ipsi assidebat ad gubernacula, amplissimum fidei prudentiæque testimonium factum est. Nam quum illa Legatorum pene lex sit, ex præscripto tantum agere, & velut præformatas infantibus literas persequi, & ut Græci dicere solent, *quem mater amicum dedit, sollicite custodire*: Ille solus nihil fere monitorum accipere, suis tantum niti radicibus, & dominus rerum temporumque, trahere consilij omnia, non sequi. Hæcne vobis levia aut ludicra videntur, induere regum personas, indutaque agere? Voluntates Principum, quas intelligere, immo subodorari sæpe nefas est, divinare & feliciter antecedere? At non est visum sic *Honoratissimo Seni*, qui tum temporum Principis totiusque Reip. gratia est subnixus. Ille unicum mirari *Bodleium*, summis apud Principem laudibus ornare, dignissimum ferre, qui consilij & secretis intersit, immo illud in animo moliri, ut *Bodleium* sibi in officio collegam renunciaret. Sed quum Illustrissimus Vir, qui in ea scena rerum in Principis populiq. favore partes agebat multo maximas, *Bodleium* importunis ubique oneraret laudibus, quas non cessabant nimium ingeniose malevoli magis in aliorum præjudicium, quam in ipsius honorem conceptas interpretari: accendit ea res potentissimos æmulos, quibus obstinatum in posterum *Bodleii* honores infringere, & si quid ipsi decerneretur honorifici, intercedere. Ego vero te, *Bodleie*, non illum magis auspicatum puto egisse dicem, quo *Galliam*, *Daniam*, *Germaniam* nobilissimis legationibus peragres, quam quo libero de dignitate tua hominum maximorum judicio fruerere. Tum enim omnes legationum & honorum titulos supergressus es. Ambire enim & gerere honores summos, p. summi & possunt, & sæpe solent. At frui opinione optimorum, haberi omnibus titulis & honoribus par, is solus potest, quem vera virtus internis hominum conscientijs fecit commendatissimum. Quamobrem cum eo jam cardine prudentissimus vir res suas verti comperisset, linquendas censuit incertas artes, & non semper sinceræ magnatum amicitias, removendum se à sollicitudinibus & curis, & necessitate quotidie aliquid contra animum facienti: statuitque in loca pura atque innocentia, & in aliquod pulcherrimum quietis *Linternum* concedere. Quod divinum *Bodleii* consilium postquam innotuisset, quam ægre? qua contentione? quo nisu obtinuit? quàm ei pene patria manum injecit? Iterum offerre sese celeberrimæ legationes, iterum *Gallia* vocare, iterum *Germania*, nobilissima *Bodleiana* virtutis arena, iterum tituli & honores. Sed obduruerat contemptor ambitionis & infinitæ cupiditatis frenator animus, maluitque secretus & consecratus, liber ab invidia, procul à contentionibus, famam in tuto collocare, verumque honorem in hominum judicijs, quam titulorum splendore

D. *Gulielmo*
Cecilio.

splendore reponere. Quantum vobis hæc divinæ mentis admirationem excitant? Nam post damnum temporis & spes deceptas impetu quodam & instinctu querere secretum, & hominum famam contemnere, cum te prius fama hominesque contempserint, facile est. Sed cum ambit & quasi procurat honor & secundus Magnatum favor, deliberare & causas expendere, uique suaferit ratio, honoris aut secreti consilium capere vel ponere, ingentis animi est. Quamobrem te, *Bodleie*, ut actionis flore, ita & secessionis tuæ opportunitate, divino consilio usum arbitror. Est enim illud sapientis viri & in omni optimi civis officio versari, finem quoque dignum optimo viro & opere sanctissimo facere, & scire quando desinendum. Merito sua riserunt secula *Domitium Afrum*, qui cum olim fori princeps fuisset, tandem vero senectute fractus quotidie aliquid auctoritatis perderet, & versari tamen in orationibus & rostris vellet, opportuni socommatis occasione fecit, *mallo eum deficere, quam desinere*. Nostro ergo curæ fuit, priusquam in has ætatis veniret insidias, receptui canere, & in portum integra nave pervenire, & desinere cum desideraretur. Atqui insita illa coelestis vis nullo potuit secreto, nullo secessu infringi: sed ut nobiliora animam, si caveis includas, effervescent magis; ita ignea menseo magis incaluit, quo angustiore gyro coereretur. Non enim ociosa res est aut quæta magnificus animus, nec quæ importuna quadam modestia, & veluti probitate gaudeat. Inquies est, effrenata, contumax, mutat industriam, non intermittit; pascitur operibus, relicitur curis, & quod alius labor, illi natura est. Rem itaque aggreditur *Bodleius* nec dicendam nec silendam sine cura. Nam cum memoria recoleret Academiam gentemque togatam, curas olim suas & amores; videretque vetustatem, non privatam aliquam partem, sed ipsa insignia atque insulas Academiarum invalisse: & locum illum, quem Musæ tam manifestæ ac præsentis, quam *Parnassius* ac *Helicon* insident, non modo blattas & tineas, sed prope vepres & cautes & avia occupasse: cogitavit non modo de hominibus, sed de tectis ipsis bene mereri, sistere ruinas, pellere solitudines, & ingentia opera, eodem quo extructa sunt animo, ab interitu vindicare, Musisque quas priorum temporum immanitas expulerat, quasi spiritum & sanguinem & patriam refundere. Jam vero quam hoc magni animi, quam augusti, non unum aliquem liberalitate demereri, sed totius literati orbis ambitu munificentiam terminare? Deum ipsum imitari, & beneficia non hominibus, sed humano generi præstare? simul omnia perfundere, utque sol & dies, non parte aliqua, sed statim totum, nec uni aut alteri, sed omnibus in commune proferri? Quinetiam ut Regij tantum muneris erat viam hanc primo disciplinis aperuisse, librosque publice legendos exhibuisse: (sic enim literatis *Pisistratus*, *Xerxes*, *Seleucus*, *Ptolemæus* omnium primi consuluerunt) ita quoscunque accendit imitationis ardor tanta implere vestigia, regis plane munificentia erant & divina. Patimini, obsecro, Academici doctissimi, me *Mertonensibus* meis iterum celeberrima famæ gloriæque nostræ lumina gratulari. Prope modum enim nostra est & peculiaris felicitas Bibliothecas sumptibus excitare, & ingenijs implere. Nobis enim debetis *Kempium* illum magnum Archipræsulem, cujus gratissimam memoriam ad omnes aras & pulvinaria solenni pietate & officijs prosequimini. Ille vobis in excelsa illa pyramidum & elegantissimi operis mole extruenda immensos sumptus exhaustit; nec in extruenda modo celeberrimam posuit operam, sed & quingentis insuper instruxit voluminibus,

&c

& intus argumenti scripturæque precio nobilissimis, & extra argento auroque operose fulgidis. Quæ omnia cum in triumphum barbariæ & inscitæ celsissent, hinc tanquam è *Kempj* cinere exortus *Bodleius*, ita omnia multo præstantioribus reponi curavit, ut ideo cecidisse videantur, ut hic egregius vindex & restitutor accederet. Cogitati operis gloriam celeritatis lenocinium comendavit. Nec enim is erat, apud quem longis & accuratis precibus erat utendum, aut qui promissa gravare præstaret, & imputanti similis. Illum, demerendis hominibus natum, quisquam ut hortetur? quisquam ut admoneat? ut iustiget? eadem opera auras ut vigeant, ignes ut caleant, maria ut effluant, superfluous instigator admoneret. Ille enim statim communicare Academicis consilia, accersere peritos, & ne videretur beneficio pondus quærere, statim aggredi. Memini, semperque meminerò illius dici, cum revertentium à consilio publico majorum meorum sermonibus puer interesset. Quis tum erat omnium ardor? qui sermo? Venisse in consessum honoratissimum virum; orationem habuisse, qualem, Deus bone! quam magnificam? operam Academicæ cumulatissime promississe, & immensos, quos undique infinitis sumptibus comparaverat, librorum thesauros coram Academicæ donasse. Quæ fuit illius dici lætitia? quis totius civitatis concursus? quæ vota pene inferentium cœlo manus? Sic enim affecti fuimus, quasi tum demum veram Academicæ faciem intueremur, & nunquam antea. Nihil dicam ambitiosius augendæ rei causa, utinamque non sum minuendæ. Rei literariæ rationibus nemo unquam melius, nemo opportunius ivit consultum. Nam qui in hæc postrema incidimus tempora atque pessima, ut in rebus civilibus nihil vidimus ulitatus quam inusitata flagitia, ita in disciplinis infandam sentimus tentari crudelitatem, & deterrimis nunquam auditam feculis. Parum scilicet in pœnas notæ crudelitatis fuit: non est satis damnatas esse ferro manus & pedes, terga flagris, cervices laqueo & securibus: in ea quæ ab omni patientia rerum natura subduxit, in hominum ingenia, in disciplinarum monumenta sævire, nostræ ætatis specimen est. Nam qui pietati & sanctioribus literis abolendis sacramento dixerunt, postquam nihil fraudis artiumque infamium reliquerint intentatum, sentiunt tamen sese nihilosecius ita durissimis configere conditionibus atque ultimis, ut rebus non possint succurrere desperatis, nisi in omnia antiquitatis testimonia involent, & præclarissimorum virorum monumentis infandam vim & manus inferant: pristina ingenia alia extinxerunt penitus, alia mutilarunt, alia sæce & scoria infecerunt, omnia immundo contactu polluerunt. *Dij talem terris avertite pestem.* Sedenim labe illa & funesta disciplinarum peste, quæ ubique præla occupaverat, irrepserat in Bibliothecas, nec jam secretis molitionibus, sed palam multitudine & autoritate munita volitabat, nullis potuit, ne Vulcanijs quidem armis penitus confodi, quam est per *Bodleium*, collecta atque trucidata, quum tutissimum illud Scriptoribus asylum consecraret. Quamobrem grassentur qua volunt *Post-vinus* & *Greserus*, qui in corrumpendis libris dominantur: cudant, recudant, inhi-beant, corrigant, corrumpant, corrodant, *Bodleii* tamen immortalis munificentia divinum munus inviolata antiquorum monumenta omni posteritati dabit. Sed dum vobis impensus faveo, quæ ego & quanta prætermitto? Perpetuos illos & opimos redditus, quibus operis sui æternitati prospexit: leges illas & saluberrima instituta, quibus, quantum erat humanæ opis, hominum & temporum injurijs ivit obvi-

am :

am: reliqua illa, quæ singula etiam dispensata iusti voluminis instar exigunt? Facile enim sentio orationis meæ tedium, & longæ attentionis vestræ martyrium. Sed quid faciam? aut quem ega statuam orationi meæ finem, quum hic beneficij statuat nullum? Inflat & onerat priora sequentibus, nec satis actum putat, nisi suis immensis sumptibus futurorum liberalitatem invitet. Nam quum amplissimum prioris seculi opus posterorum munificentia feliciter angustum fecisset, regijs plane impensis amplissimo auxit frontispicio; cui cum ultimam manum imposuisset, Divina Majestas eum cælo vindicavit, ne post illud immortale factum, mortale aliquid faceret. Enimvero, *Bodleie*, fuerit hæc maximo operi tuo debita veneratio, ut novissimum esset: fuerit etiam fortassis felicitatis tuæ pulcherrimo operi immori: At quid Reip. respondebimus, quam tractasti? quid Academiæ, quam instaurasti, quæ in medijs tuis Mausoleis & monumentis & bibliothecis te cogitat, te desiderat: quæ te ut insigne quoddam naturæ monumentum suspexit, te omni artium supellectile instructissimum, ut vivam & spirantem bibliothecam semper habuit. Cui jam nostrum sudabit ingenium? Cui literarum nostrarum placere gestient? quicquid dixerimus, quicquid meditabimur, quia ille non audit, mutum videtur. Monumenta illa quidem atque beneficia manent, æternumque manebunt, nec ulla unquam labascent innumerabili annorum serie & fuga temporum. Sed admirabiles illos & spirantes amores, quibus Academiæ prolixissime est amplexus, fidelibus icti desiderijs quærimus. Nam qui dissimulare possumus, quas ille curas in causis negocijsque Academicis suscepit? Quam illa ultima deficientis spiritus momenta circa solam Academiæ habuerit? Nam cum certus obeundi media jam morte teneretur, & de illa, quam Scholis Publicis imponere statuerat, cominde sermo incidisset: *Ego, inquit, si vixero, ipse præstabo, sin mihi aliquid accedat humanitus, testamento cavebo.* Atque hic cum aliquis ex intimis novas vires & longam salutem voto magis quam spe ominaretur: *Immo vero, ego, inquit, morior.* Nam *quandiu mihi cor vegetum mansu & erectum, vitæ spem fovi: ac nunc mihi ipsum cor labascit, & mors certissima imminet.* Tibi cor ut labascat, *Bodleie*, aut unquam illud pulcherrimorum consiliorum domicilium frigus & torpor ut occupet? Tuumne ô præsidium nostrum & dulce decus, frigidum & exangue corpus tenemus, videmus, & charissimam nobis sanctissimamque memoriam postremis officiis hodierno die prosequimur? Tene, quem deum quendam & parentem statuimus fortunæ, nominisque nostri, intuemur hodie sine nomine cadaver, truncum, cineres, nihil? Atque ille quidem, obijt, plenus annorum *ulterioris ætatis*, plenus honorum, etiam illorum quos recusavit: Candidatus æternitatis & exempli, quod imitabitur nemo, etiam omnes fateantur imitandum. Vos vero, sanctæ reliquæ & quicquid restat *Bodleii*, eruditi cineres, quos hodie postremum videmus, heu postremum videmus, salutamus, salvete æternum, æternumque valete.

*Naz. in funere
Fratrii.*

Laudatio

Laudatio Funebris,
MEMORIÆ AC HONORI
SERENISSIMI PRINCIPIS
ULDERICI
POTENTISS. DAN. REGIS F.

*Hæredis Norvagiæ, summi Copiarum Equestrium
Saxonicarum Præfeti, Duarum Legionum
Ducis,*

DICATA

A MARTINO OPITIO.



Inter hæc bella Germaniæ & calamitates inauditas spectaculum atrox nobis exhibitum est nuper, cædes indignissima, qua Princeps Juventutis Uldericus, Potentissimi Daniæ Regis Filius nihil hostile & cogitans & metuens ex tempore perit, quo imminentes quibuscunque ex causis induciæ securitatem castris, quietem omnibus promittere videbantur. Scilicet hoc unum restabat deploratissimis rebus nostris, ut ad summa genitus & perfidiæ artes ac dolum si excipias, cætera invictus heros, in viridi ætate sua, qua oculos jam omnium & expectationem in se converterat, per fallaciam ac fraudes, è medio ingentium factorum cursu, & opera quidem ultimi mancipij, arriperetur. Quid dicam, fides supremi Numinis! aut quid non dicam? atrocitatemne facti accusem & morte ipsa mortis genus longe acerbius? At quamvis tantum in me esset eloquentiæ quantum mœoris est verissimi, justamque hominis ac qualem adolescentens innocentissimus merebatur ætatem huic soli meditationi impenderem; parricidium tamen hoc publicum, hanc necem tristissimam, capitale hoc facinus nullis verborum coloribus, nullo conatu satis unquam expresserim. An vero momenta vitæ deplem ac incerta mortalium, quorum spes omnis & quicquid uspiam illis charum est, unius horæ fortuna perit multoties ac. evanescit? Et parcius equidem reliqui de fragilitate nostra quereremur, si, quoties tam rarus decor, tam insigne virtutis ac ingenij specimen cælo delabitur, eousque illi rebus humanis interesse contingeret, donec & felicitate tanta ad satietatem, si

qua

qua esse hic debet, frui, & exemplo ejus allekti optima quæque sectari possemus ac discere. Verum cum non ea solum conditio nostra sit, ut voluptatem ex ijs fere quibus maxime oblectamur rebus percipiamus brevissimam; sed & divinas mentes memoriam beneficiorum suorum & laudem magis quam inanem planctum, à quo sibi hostes ipsos etiam post patratum hoc facinus (magnitudine credo ejus sera licet æstimatione perspecta) non temperasse novimus, requirere à nobis credibile sit; relictis hic querimonijs, aut saltem dilatis, nature potius animique dotes eaque juvenis consummatissimi ornamenta contemplerur, quibus ut vitam redimere non potuit, ita fragili vita potiore famam æternam & seculorum omnium præconia jure meritis est optimo. Utinam vero veteris instituti illius, Romanorum imprimis, quo defunctos laudare aut magistratuum ferme aut propinquorum erat, nunc quoque jam ratio haberetur: certe argumento rei, quod splendorem omnem orationis ac copiam intervallo excedit longissimum, ab auctoritate saltem laudatorum atque majestate gravitas accederet illustrior: nunc ego, & nullo neque conditionis neque literarum pretio clarus, & hoc quidem tempore ab instrumentis doctrinæ omnibus ac patria, inter curas ob ruinam illius justissimas, divulsus, & minor tandem longè quam ut dictorum invidiam, grassante tanta inter homines perverse interpretandi quicquid loquimur uspiam aut scribimus licentia, declinare valeam aut elidere; ego, inquam, quid in medium adferam quod aut meritis beatissimæ illius animæ respondeat, aut expectationi de proposito hoc meo satisfaciatur? Cum tamen non vivus modo Princeps Optimus tanta me clementia foverit, tanto amore nullo merito meo profectus fuerit, ut verborum officium, quod solum hinc sublati præstari potest, devotio gratitudinis meæ prorsus à me postulet; verum etiam memoriam mihi suam absenti moriens commendari jussit, obsequio ipso & professione pietatis si non laudari, tamen, ut spero, excusari apud benignos æstimatores merebor. A patria igitur prægloriosissimi Principis, id quod Rhetores jubent, exordium sumere non possumus, nisi simul & sumamus à regno. Cæteri mortales ortum suum uni loco debent aut urbi: Regum ac Principum ea fors est, ut nasci per tot spatia terrarum videantur, per quot vel parentes imperant, vel imperaturi sunt ipsi. Gaudium hoc non privatum est, nec unius cubeculi ambitu concluditur: Soles ejusmodi simul oriuntur, simul omnia late radijs sui splendoris ac serenitate collustrant. Daniam vero ita uti decebat commendare velle, hoc esset idem pelagus volæ manus includere, quod illam perpetua custodia tuetur ac ambit. Quid Zelandia ejusque capite Hafnia opulentiùs? quid fecundius Scania? quid Fionia pulchrius? quid armentorum ac apium copia utilius Chersoneso Cimbrica? Reliquas enim Regiones & Provincias quæ legibus imperij hujus tenentur adducere simul si cuperem, eundem hic limitem invenirem quem antiqui posuerunt magnæ huic quæ nos alit matri. Hæc profecto sinus Codani commoditas, hoc littorum vœtigal, hic oppositus incursum externo Oceanus cui terrarum parti concedat? Ipsum gelu ac bruma, quam gentes aliæ fugiunt, cum hostes sæpe ab incolis arceat, tum hos contra illorum lenius robur fumiunt, animat, indurat. Ex his oris progressa toties olim est patio illa, quæ suas omnes expeditiones victorijs, orbem universum inpetu implevit ac terrore: cujus virtutem verbis extulerunt quos domuit: de qua triumphum aliquando Romani egerunt, sed ipsi pæne victi. Vetustatem vero regum ab

Ecc

inundati-

inundatione mundi, aut originem, quod speciose magis possemus quam vere, ultra istum arcessere quid opus est? Equidem gloriosius duxerim, dare regem, quam accipere. Sed nec cætera illa virtutum potius quam hominum nomina Hiarnos, Frothones, Canutos, aliosque, longo ordine recenseam. Quippe sua qui familia clarus est, cur adoptari in alienam velit causam non habet. Et principis quidem nostri stemma tot domesticis imaginibus, tot belli ac togæ ornamentis enitet, ut qui facta tantorum regum ac monarcharum completi velit, toridem sibi optare secula debeat, quot illi regnaverunt. Si proximos saltem aspiciamus, quid decennio Frederici I. sanctius? qua modestia, quo subditorum amore, tutela tranquillitatis firmissima, regnum sibi munivit? qua devotione, abolitis cultus parum divini delirijs, munimentum suæ majestatis ab illa suprema impe- travit? Pietatem vero an prudentiam Christiani II. magis commendes, haud facile dispicias: his tamen ob domitas rusticorum tumultuantium cohortes, ac provincias recepta per obsidium acerrimam Hafnia pacatas, aliasque magnanimi- tatis palmas, addenda maxime est & fortitudo. Frederici autem II. res terra marique getæ, subacti Dithmars, vicinia hostilis armorum vi ad conditiones vocata, clemens domi ac militiæ severitas, disciplina castrorum, & ingens lau- dum rarissimarum examen iustar omnium esse possent, nisi Filium regno dedis- set, hujus non magis quam virtutum quarumvis hæredem dignissimum: Christiam Quartum dico, magnum Filij ad suprema nati Ulderici parentem, & forte nascendi, & ingentis animi meritis Regem, quem ob fines imperij aut defensos foriter aut iuste dilatatos, ob propagatam navigandi solertiam, exor- natas templis, porticibus, propugnaculis urbes, suscepta benigne conculcata alias ac cætera doctrinæ studia, cives clementer habitos, liberalitatem ac munifi- centiam singularem, aliaque quibus chariorem se suis reddit indies beneficia, Patrem Patriæ vocarem, nisi & foederatorum suorum, belli auxilijs ac Pacis (quantum libertas publica & religio permittit) studio, Pater, tutor, assertor dici jure debeat justissimo. Ad genus tandem maternum Principis Nobilissimi si transeamus, sunt qui magno illud annalium consensu à Columnijs Romanis, horum vero profapiam à veterrimo usque Camillorum sanguine repetunt. Stirps profecto Brandenburgica tot Principum frequens, tot heroum seculum est, ut à multis seculorum voluminibus splendoriorem aliam Germania vix viderit. De septemviratu solum creandis Imperatoribus si querimus, decimus nunc vivit, vivatque diu, ille tranquillitatis publicæ defensor acerrimus, constan- tissimus optimusque Princeps Georgius Guilielmus, ad quem hæreditaria illa dignitas cursu perpetuo devoluta est. Ex tanta ac tam insigni domo matrem cum habuerit noster, Annam Catharinam, ingentis animi prorsus- que heroicam Principem, quis inficias ibit, vel forte nascendi & à parentibus cum regiam indolem illam, illos vigoris divini igniculos, quos cum stupore & admiratione summa suspeximus, traxisse: Est quippe, est magna sanguinis po- tentia, & magister non ex occulto Deus bonorum plerumque parentum semi- nibus insevit id quod in liberis bonam naturam morales vocamus. Itaque rap- pax adeo & ex se fertile ingenium noster nactus, res honestas omnes quibus pu- crilis ætas imperari debet toto statim pectore arripuit. De amore saltem studiorum & charitate quid dicam, quam natura illi in ipsis statim vitæ principijs in- oleverat? Optimo ingenio optime usus adeo diligens literarum fuit, ut satis ostendit,

ostenderit, scivisse se, hominem generis quantumlibet ac fortunæ bonis cumulatissimum, si doctrinam averteret, pecudem auream esse, cuius pretium cutem non excedat. Equidem mirari satis non possum, adeo stolidos quosdam ac vecordes animi esse, ut ad evehendam imaginum suarum auctoritatem, & respondendos originis modicos, diversa duo mortalium genera constitucere audeant, nobiles & eruditos, sive ut nepotes isti vocant, scholasticos. Quasi aut nobiles sit, qui virtutem si excipias, quidvis possidet, aut non nobiles, qui vel generis ornamenta, quæ habet studiis amplificat, vel quæ non habet ipsidem facit primus namque extendit. Conspiraverat porro cum ingenio Principis nostri fusticus supra usum etiam memoria, cuius tanta felicitas erat, ut Themistocli hac etiam parte haud inferior, res quasunque non tam legere quam ipse ex se parere videretur, ac nemo quisquam alius citius aut quæ velit discat, aut quæ didicit retineat. Rectantem ipsum audivi integræ variorum auctorum loca, paginas integras, importurbato prius ac facili ordine, quique ostenderet ipsum non verba minus aliorum promptu habere quam suum ingenium. Accedebat augusta quedam oris commendatio ac in dicendo erecta alacritas, cuius beneficio id efficiebat, ut oculis verba recitantis non auribus solum, dixisset irreperere, quas lenissimo dicendi flumine perfundeat. Persij satyras imprimis, poema tam obsecrum, ut vel doctissimo cuique negotium exhibeat, quam inoffensa lingua ex promptuario illo rerum optimarum memoria divina proferbat? qua loquendi venustate, modesta cum risu, id quod hoc scripti genus requirit, conjuncta, sententiam auctoris & verba reddebatur pariter ac commendabat? Nemo hominum suam mentem adeo discrete explicat, ac ille alienam. Hac consuetudine Poetas legendi & coloris sermonis artemque non mediocriter imbiberat, & scie ad studium hoc positione ipsa fiderum, quæ nascenti illuxissent, astrisque duci aptumabatur, ac vates divini aliquid ex alto trahere, neque tam fieri quam nasci, vel ex suo ingenio credi libenter volebat. Tantum vero abfuit, ut quicquid hujus est dedecori sibi esse crederet, ut etiam Cæsum, Regum & Principum plurimorum exemplo, Neronis ipsius ac Domitiani (adeo virtus & eruditio vel tyrannis huiusmodi sui testimonia exprimunt) commendari ob ejusmodi elegantias huiusmodi sibi ducere non possent. Libellum quoque juris publici fecit, cui Strigili Victorum nomen indidit, numeris quidem solutum, cætera argumento Satyræ proximum, in quo animadvertere est, neque ingenium ei ad disciplinam hanc pulcherrimam, neque scientiam vel exactissimam defuisse. Versus autem Germanicos, ad quos conscribendos animum nunc impetu inajori quam successu plerique applicant, sine cura ulla faciebat nulloque negotio, & tanquam distantibus Mulis excipiebat. Linguam enim hanc ita usu suam fecerat, ut puritate orationis ac nitore illos sæpe in ruborem daret, qui populares non modo hic sunt, verum etiam ornate dicendi facultatem in ipsis asserant. Idem de Gallico sermone, quem domesticæ institutione ac occasione peregrinationis addidicerat (Italicum enim suo Marte ita apprehenderat, ut & quicquid legebat intelligeret, & quantum opus erat loqueretur) affirmare possum, de cuius mandatis controversiam illi movere nemo facile ausus fuisset. Et horum etiam Poetarum præstantiorum (nam multos illos nuperque adeo natos cum timore suo ampullique verborum non morabatur) insigniora loca & quasi gemmas scriptorum cum tenebat optime, tum feliciter imitabatur. Accedebat

rarus ingeniositatis, rarior juvenæ comes, judicium excellens, acie, maturum, cuius norma quid de quoque auctore sentiendum, accurate sane atque ex ipsis litteratorum legibus perspiciebatur. Librorum ut amabat optimos, ita conservare malebat etiam plures malos, ne noceret bonis paucioribus; neque in sententia eorum manebat, qui furere in opera ingeniorum & instrumenta doctrinæ factum illustre ac victoriam putant. Nunquam medius fidius, nunquam posteritati excusabimus hanc barbaricam nostram, hos mores iniquissimos, hoc petulantissimum pervicaciæ genus, quo in tot præcæ Ecclesiæ monumenta, tam eruditas animas, tot annales majorum, & quicquid divitijs nullis, nulla industria restaurari potest, tam inclementer sævimus. Quid enim Góthos veteres, accusamus aut Hunnos, qui rudes artium ac solius gloriæ militaris appetentes aut non æstimantur scripta quorum desiderio adhuc tenemur, aut non intellexerunt? quid Patribus Byzantinis imputamus, quorum perversa pietate Græci pariter ac Romana crudelitio immane quondam naufragium fecit? Nôstra hæc virtus, nostra nunc gloria est; & quoniam delijimus facere laudanda, litteras dælemus, ut nec pudenda describi possint. Nequicquam tamen, ó boni! sudatis: semper suus professioni doctrinæ honos stabit, & vos alter expectat ut dicamini olim: Libertatis publicæ ac humanitatis hostes. Alia mente, alio animo præditus erat Princeps noster Indulgētissimus, Hercules ille Musarum, ille æmulus Ptolemæi Philadelphi, qui, ut fama est, & bibliothecas stupenda liberalitate coemit, auxit, conservavit, & studia doctrinæ eo amore prosecutus est, ut uno tempore ac eodem clarissimos Græciæ Poetas, qui Pleiadum nomen à numero nacti sunt, aleret cômitem ac sustentaret. Eadem aut similia excelsus Ulderici animus subinde meditabatur, ac si quando sibi olim curarumque majorum vacuus vixisset, allecta virorum toto orbe celebrium turba haud dubie effecisset. Placet quippe in alio sua unicuique natura, & doctrinæ fulgor, pulchritudinis instar, in quovis corpore collocatus, amorem ubique sibi vel reperit, vel conciliat. Hæc vero litterarum aviditas inveterata studendi consuetudine adeo Principi optimo in naturam verterat, ut seria quævis ac remissiora pariter lectione pertinaci mutaret ac interfingueret. Nocte multa, in itinere, in castris, Cat quam rarum nunc doctrina sub paludamento!) inter occupationes & officia, inter fremitus militares ac clangorem tubarum contentione summa, studio incredibili legebat, lecta adnotabat, memoriam atque ingenium exercebat, & tanquam lege aliqua ac imperio adactus omne illud tempus literis tribuebat, quod alij crapulæ, lusu, comestationibus, & quicquid bonam mentem vocant qui menti bonæ nunquam litaverunt. Cæterum non me latet, in virtutibus magnorum virorum scientes eos fidibus cantasse, minime commemorari, musicenque nostris moribus à persona fere Principis abesse: sed si quies aliqua negotijs danda, si strenua liberique inertia animis remittendus est, quid restat quo nihil abjectum, nihil humile ac sordidum cogitans ingenium oblectare semagis cum venia possit, quam ea arte, qua & laborum onus transmittitur proclivius, & ardores affectuum humanorum facilius componuntur, & Achilles ac fortissimus ille Græciæ imperator Epaminondas, virique alij maximi doctissime eruditi fuerunt, quam denique ad virtutem ipsam pertinere causis non vanis autumavit divina mens Aristotelis? Quid quod veteres Theologi Deorum etiam manibus instrumenta musica affinxerunt, credentes quippe, nihil cælo magis affine, magis proprium esse.

esse, quam concordiam hanc nervorum disparem & suavissimam harmoniæ consonantiam? Ne quis igitur existimet, juvenem consummatissimum, quod artis hujus apprime sciens erat, fidib. elegantius canere doctum, quam & Regis tanti filio, & regia quæque molienti necesse fuerit. Coelestissimus n. ille animus astris suis propius se beneficio musicæ accedere putabat, quod musica concinnos siderum motus & harmoniam, si Philosophorum quorundam sententia standum esset, exquisitissimam unice æmularur. Ne pictoriam quidem & geminas huic artes liberales, tali unde nomen sortitæ sunt ingenio dignas, sibi indecere existimavit, adeoque in illam sese penetraverat, ut cum eleganter similitudines quas volebat ac ex vero effingeret, tum de aliorum operibus perfecte judicaret. Insignis equidem artifex, ac quidam veluti Parrhalius Germaniæ, imaginem quandam suam, notæ cætera minime protrita, non absque ratione ab æstimatore hoc talium optimo reprehensam fuisse libenter fatebatur. Eundem quoque, cum augustam illam ac serenam faciem suam depingi jussisset, quid emendare, quid exprimere, quo corporis statu, qua lateris obversio facere singula deberet, prævio penicillo scite admodum atque ex legibus artis admonebat. Commendabant illa mores cultissimi & exacta in hoc lubrico juventutis virtutum omnium convenientia. Pietas inprimis, quam qui removendam à Principibus autumant, ab hominum consortio removendi sunt. Summum n. illud & æternum, ille omnia providens & animadversens Deus, res secundas imperiis eorum largiri non potest, quicunque negligunt suum. Hunc votis Princeps piensissimus ac supplicijs toto animo semperque venerabatur, hunc solum timebat, huic momenta negotiorum commendabat ac successus. Adde illam quæ Deo tantopere placet, aulis fere invisæ est, castitatem, cujus rationem adeo habere noster solebat, ut nec querendi de se locum alijs relinqueret, & libertate sua optime dispensata, in maxima fortuna minimam licentiam esse vel exemplo suo satis ostenderet. Pura mens, purus animus, verecundia, probitas hilaris, modestia semper cum illo versari, introductiones muliercularum & ludibria nescire, pudicitia suæ nec prodigus esse, nec invidiator alienæ; cæterum voluptatem nati pabulo pecoris, non hominum, nedum Principis bonum putare, vino citra saturitatem & parcissime uti, alijs ad cibum ebrijs venientibus, ipse sobrius ab eodem recedere, naturam parvo dimittere, neque hirudines illas crumenarum præfectos militares alios sectari, qui in lustris ac gancis stationes suas locant ac vigiliis, qui merum, scorta, aleam, cui lucrandi perdendivè temeritate indulgent immmanissima, inter belli instrumenta habent, denique id quod per scelus adepti sunt, per luxuriam effundunt. Cæterum oculi pudici, sermones ingeniosi, elegantes, urbani magis quam lascivi: nam probra verborum ita averfabatur, ut alijs prandium petulantia linguæ ac joci obscœnissimis, quæ nunc fœculorum condimenta sunt, extendentibus, fronte hæc adducta, vultu demisso, neque tanquam auscultans transmitteret. Vestes illi atque corporis cultus qualis & Principem & militem decebat; mundus magis quam decapulsus totus ac qui digito prætereuntium notaretur. Neque enim encrves illos ac pumicatos imitabatur, qui mollitie corporis ac obtuitu impudico cum puellis sæpius quam virtute cum hostibus certant, qui aut suas comas frangunt aut superbiunt alienis, quidæ barba cum speculo deliberant, nunquam demique viri sunt nisi cum ad foeminas vestum est. Morum cremonias & anxios salutati-

onum honores gravabatur, facillimus longe atque humanissimus. Glorie ut avidus, ita pecunie adeo liberalis erat, ut omnes circa se largissime prosequeretur. Ut enim lucri ergo (id quod magno seculi dedecore apud hostes simul ac fœderatos passim faciunt ii, quibus iustissima prædationis causa est præda ipsa) ut, inquam, privatim ac publice quidvis diriperetur, ut delubra vastarentur ac templa, ut sepulchra, etiam Principum, & exuvie dispicerentur, nullosque adeo discrimine herent quæ miserrima videre indies cogimur ac pati, mandato ejus aut saltem indulgentia nunquam accidit. Ex paterna porro fortuna nihil magis quam clementiam usurpabat, factus ad cam à natura, assuesfactus à studiis literarum, quæ ingenia etiam ferocissima in gyrum rationis ducunt. Culpam quidem benignitatis, honestam tamen illam ac excusandam, ob suos paullo indulgentius interdum habitos, effugere apud nonnullos vix potuit. Præter tot tantasque dotes naturam, quam amicam in largiendis animi virtutibus habuerat, non minus fauicem nactus est in corpore. Vultus dignitatis index, in quo tamen aperta clementie pignora & humanitatis, oculi magni, nobiles, sereni, capillus, niger ille ac densus, eleganter horridus & Gallicæ venustatis imitatione demissus, corpus habile ac procerum, magna pedum, magna manuum agilitas, robur non duces modo sed & militis, valetudo integra, nisi quod supremis vitæ mensibus, sive pulmonum vitio, ut visceribus per medicos post excessum ejus inspectis cognitum fuit, sive ob acres, ut ipse fatebatur, inter hujus belli rancorem curas, maciem plusculum contraxerat, cæterita, ut longæque Principem ostenderent. Sed ea tandem nos vocant, sine quibus nec regum auctoritas, nec quies gentium, nec sacri quippiam aut profani usquam tutum est: usus, inquam, armorum & quæ scire illum oportet in cuius consilio virtus militum posita aliquando erit. Exercitijs istis bellicæ prædijs cam sibi artem, ista arte cum paraverat decorem, ut adolescens admodum inter aequales, si æquales hoc ascendendi saltigium habet, superior semper diceretur. Conventicula sedentur alij & cassopas, pilam ac frutillum inter artes imperandi numerant, veniunt ex suo ingenio, sapiant ex alieno, abutantur otio consueque, ut vigilentne an dormiant alteri credant: Principem nostrum ipse labor, qui alios frangit, nutriebat ac solabatur. Altudius in equum, in palestram à navalibus, ex arena in campum sese transferre, rudimenta castrorum non domi experiri, frigus lacessere ac ælium, conserre docentibus, provocare discentes, sudore perundi, saepe & sanguine, velitationes lusiones moliri, sed veris proximis, irruptiones fingere ac obsidia, jacere hastilia, saltu pedes exerere aut omissis, nihilque adeo facere quod discendum erat jacenti, oblectamenta illius non fuerunt minus quam exercitatio. Iraque juvenis admodum præfesse copijs equestribus, cum cepisset, quem non virtutis statim gressum ac audaciæ hostibus dedii; idem tiro simul & imperator? Vocent hoc remeritationes fauces in castris, in acie pavidi mortales, quos ad verba ubi ventum est plus iam viros sentias, ad aciem minus quam fœminas: ille & militem ducere quam sequi, & querere hostem quam præliolari malebat, vel Trajani exemplo, quem bonitate vel magni, heu! puer Regis, quem animo exprimebat ac fortitudine. Ut vero consilium etiam atque rationem, quæ bona senibus fere in locum virium succedunt, illi non defuisse sciamus, & hostem sine aliquo ejus damno vix unquam aggressus est, & alas suas ac legiones absque eade ac ignominia super-

reduxit. Cæterum speculatum ipse egredi, metari castra, princeps aciem invadere, ultimum exire, gloriam strenuis, imbellibus allevamentum, cunctis sese ipsum prudentia ducem ostendere, æquali labore commilitonem, testis virtuti socionum ac exemplum esse, hostes denique fundere, aut trepidantes in fugam convertere, sæpe manu, multoties & nomine solo ac adventu. Inde timor cohortibus ejus nullus; Uldericum sequebantur: nulla pugne detractatio; sequebantur & patrem. Talis enim ut haberetur, urbanitate, benevolentia, amore prolixo effecrat. O fallaces autem & irritas mortalium cogitationes! O fata spes nostras ex adverso semper turbantia! Quid de tam senili juvenia, de ætate hac quæ nihil cum adolescente commune habebat, de tantis haud conatibus, sed factis, polliceri nobis non poteramus? Princeps divino ingenio, virtute admiranda, fortitudine incomparabili præditus, de cujus sola magnitudine inimici querebantur, scelerato, crudeli, inaudito paricidio trucidatur ac interimitur. At quo tandem tempore? Dum ex castris utrinque convenitur, dum conditiones indiciarum aut scribuntur, aut ventilantur, dum pacem omnia spectant vel pacis imaginem. Inter serias armorum scilicet, ne nihil ageretur, Principem Optimum, proh dolor! interfici oportuit. Romani cujusdam verba sunt, infelici monumento ejus inscripta, uti jusserat: Turba fe medicorum perisise. Hic inducijs inductus perit, quarum se mentione satis tutum arbitrat. Effundit itaque cum paucis se in agrum, equo insidens pridie, ut ajunt, à quodam partis alterius donato, nullo, quod maximum in periculis presidium est, nocendi animo, neque autumans se pro hoste fore, cum hostem id temporis exuisset. Securitati suæ equidem consuluisse melius, si tentorio se suo at laribus continuisset. At acer & invictus laboris, neque otij ullius patiens Juvenis, moram animo suo gerere cur minus deberet, non videbat. Aves quæ in spem gulæ nostræ saginantur, angustijs cavearum includuntur ac tenebris: ita segnitie torpentes morticinam carnem vivi, mentem brutam fovemus ratione præditi. Et quis solitis nos artib. tentari cogitasset? Ubique fraus, ubique dolus: nisi quod tutius domi quam sub dio, magis impune verbis quam armis fallimur. Cæterum querere, factumne sit facinus hoc nefarium gratuito scelere an premijs propolitis, levitate scurrili an architecto aliquo ac machinatore, qui auctori cordis, homini post homines natos vilissimo, vesanam hanc mentem injecerit, haud est meum. Sed & libenter fatebor, non modo me tunc absentem, sed ne illos quidem qui cadenti adfuerunt, exacte omnia prorsus novisse. Solis vtro auditionibus, ac diffeminato disperloque sermoni, temere auctoritatem non tribuerim. Illud vix quisquam dubitat. Principem innocentissimum, cujus fronti nemo impune occurrit, non adverso corpore, sed dum unius comitis menitu respicere seque versare cepit, globo plumbeo, qui & in corpore mansit, hominis hitrionis manu, qua feras transigere solitus erat, ex insidijs trajectory esse. Perhibent etiam, tanto vulnere afflictum arma quidem arripuisse, quæ tamen corporis non amplius potenti exciderint, adeoque ad hostem, præda quantumlibet exilis, pervenerint. Inimici quidem, quos surgentes tanto fulgore spes sine exemplo magni Principis haud dubie urebant, rationem comminisci facile possunt, cur nullam reddant: nam alienationem mentis infami percussit quod affingunt, quis hoc persuaserit illis, qui propudium hominis, quidvis audere quasi per dementiam soliti, satis noverunt? Conscijs certe, si qui sunt, sceleris, quamvis

non

non arma nostra, tortor tamen ingens malus animus & flagitia sua in supplicium vertent. Dabunt nimirum, dabunt poenas ultori Deo qui meruerunt: at perfidiam quod sanguine Principis etiam cumulaverunt, quod postremus flagitiorum omnium neque luce dignus ornamentum seculi, column libertatis luce privavit, quod victima tam nobilis induciarum initium fuit, illud corrigere humana arte nulla, nullis vocibus ac lamentis deplorare satis unquam possumus. Ad Majestatem tuam imprimis, Rex serenissime, hic dolor pertinet. Tu amisso filio charissimo, qui te & ut Regem devote semper veneratus est, & ut Patrem sanctissimum coluit, vulnus accepisti gravissimum, neque cogitatione ulla satis aestimandum. Lugente Germania, Cimbria spem suam ac decus voce lamentabili deplorante, moerentibus bonis, neque malis factum probantibus, ad te tamen tanto magis hic casus pertinet, quanto gravius est filium amisisse quam amicum. Quam ille nunc procul a destinatione tua cecidit! quam non dolenda solum, verum ulciscenda etiam morte sublatu est! quam longe aliter neque sic ad regios lares tuos reverfurum putasti! Novimus equidem, novimus, qua illum mente, Rex idem & Pater indulgentissimus, in militiam abire passus sis: non ut stipendia traheret ulla, aut praeretur pugnantibus; sed ut oculis potius ac animo perciperet, quae manu aliquando ac virtute pericienda essent, momentaque belli ac rationes addisceret, quo & facta tua imitari olim, & populus tuis praesidio, & solatio afflictis esse ac oppressis posset. At ignosce, Rex Clementissime, non illi, qui te, qui sacrosancam potestatem tuam cultu ad supremum usque halitum profecutus est devotissimo; sed invictae, sublimi, augustae naturae tuae, quam exure nisi cum vita non potuit. Filius tuus erat, hoc est, ejus, qui viridi adhuc juventa terrore hostes, regnum quiete, gloria orbem adimplevit universum: ejus, qui pugnam nullam molitus est, nisi & imperator esset ipse & miles: ejus, qui ventis nunquam se credit ac mari, quin gliscenti procella, hiemantibus identidem aquis, ipse malum conscendat, tempestates exploret, vela contrahat aut laxet, eadem denique alacritate in alto gubernaculis navigii affideat, quae regni in regno. Ignorassene Filium putas quod omnes scimus, quibus nempe verbis adolescens adhuc, cum in erranti discitis littoribus nimbi ac turbines periculum minitarentur ac mortem, nautam officia sua spe omni abjecta deserentem, in cujus locum ipse succedebas, Caesaris animo, verbisque æmulus, allocutus sis: Me vehis & meam fortunam: atque hæc quidem nunquam concedet, ut Rex animam fluctibus debeam? Tuus itaque Filius, Princeps Augustissimus, tanti patris soboles & imago, tot heroum ac regum invidiosorum sanguis, sic natus, sic educatus, sic institutus, bellum demissis manibus videre quivit ac sectari? Catulum leonis si spectare jubeas, alijs in arena fomite facientibus, dentes expediet, laxabit ungues, fremet, erumpet. Aquilam hæc ipse generas: imparcisse tui non potuit, nec dissimilis sibi. Si audacie virtutem illi objicimus; objiciamus & indolem. Alexandrum hunc Macedonia, vastum quantumvis ac nobile regnum, plane non capiebat. Summaminandus equidem si erat, cohibendus etiam ignis est, ne flammam suam & lucem sursum spargat. Mite præterea & clemens illud pectus, quoties dirutum jus sacrorum, eversum Silesie statum, fulcra libertatis Principes consanguineos, & perturbatas immane quantum res nostras perpendebat, licet discidium sæpe meditaretur, facere tamen non poterat, quin & illud sibi proponeret subinde, eos injuriam ipsos

ipſos inferre, qui non avertunt eum poſſunt. Itaque non animoſitas illi ſua mortem properavit, cujus in tali quo occidit tempore minus egere videbatur: non adoleſcentia & ætas, cui non modo invidetur alias, verum etiam favetur, ſed ſive caſus, quorum tam multi rebus mortalium de improvifo incidunt; ſive metus hoſtium, dum novus in illo libertatis aſſertor, vindex bonorum, reſtitutor exulum timebatur. Tantam ſpem tuam, Rex Potentiſſime, tot populorum gaudia, delicias ſeculi, caput deſideratiſſimum, cheu! ſecum abſtulit. At tu Fortunæ Reduci votum haud dubie faciebas, quæ illum, proh dolor! aliter quam optabas remittit. Non narrabit Majeſtati Tuæ quæ vidit, quæ audivit, quæ fecit: non commendabit tibi ſuſpiria oppreſſorum, direptiones provinciarum & incendia, timorem publicæ ſervitutis, ſecuram denique Germaniæ quietem aut pace dolofa bellum tranquillius. Merebantur fortia ejus facta virtusque militaris vel ingentem triumphum: nunc funus pro illo duendum, tanto triſtius, quanto majus calamitati huic pondus adiicit novitas mortis & atrocitas. Potuiſſes utinam illum audiſſe valedicentem, quam ſolcite de Majeſtate tua cogita- verit! quanta portio ex illo quem traxerat ſpiritu in ſuum redierit auctorem! Percepſiſſe puto illa Filij optimi verba: Hoc ſolum, Rex & Pater Clementiſſime, excuſo: inſidijs pereo, non virtute ferri. Ut morem tibi gererem, ſemper ſtudi: ut ſato morem non gererem, ſtudere non potui. Ita viſum eſt Deo Immortali, cui animam hanc ſeria converſione, precibus ſerijſis commendo. Ipſe Majeſtati tuæ eos vitæ annos largietur, qui meæ negati ſunt. Ipſi tecum fratres mei, chariſſimi ac deſideratiſſimi, regnumque tuum curæ erunt. Ipſe te conſervet: nam de me, qui Liberatori meo ac Conſervatori generis humani ſpiritum hunc ex animo trado, ſecurus ſum. Exceſſum timere, meum & Chriſtiani hominis, & tanti Regis Filij non fuit. Sed neque ita inter arma verſabar, ut neſcirem mortem mihi in prociñctu habendam. Repetat vitam, excipiat animam hanc qui dedit; Auctor ſalutis meæ, ac indignæ hujus necis indubitatus ultor. Cæterum, lingua cum viribus deſiciente, id ſolum te rogo; ut aman- tiſſimis Manibus meis hoſtium Libertatis ſanguine lites potius quam lacrymis. Qua quidem allocutione, Rex tam conſtans, tam fortis & ſapiens, dolori tuo non parum medeberis: quem dolorem ſi ſperare potuiſti cum ad arma filium dimitteres, debes etiam perferre poſtquam illi accidit quod accidere humanum eſt. Hac lege bella conſtant, ut mortes moribus ſuccedant quotidie ac cumu- lentur. Et neſcio quo ſato infelix hæc & funeſta Germaniæ inflammatio tot Reges, tot Principes abripuerit hætenus, ut ſimile quid ætas nulla, nullæ hiſto- riæ loquantur. Sed compares mœroris habere aliorum ſolatia ſunt: tua Ma- jeſtas cum perpendet quid Patri conveniat, cogitabit etiam quid Regi. Non minus & Filiorum Tibi adhuc ſuperſtitum virtute ac vigore te eriges: quorum alterum Te ad cœleſte illud regnum (ſera ſit dies illa!) ſublato Tui hæredem, alterum ad regia quæque non minus natum, amores tuos, ſpem populorum, Caſtores ævi noſtri & lucida ſidera, cum videas, tantum levationis accipere po- tes de relictis, quantum triſtitia de illo qui vixit. Non in minorem autem & vos, Principes ſereniſſimi, luſtus partem vocati eſtis, quorum, præter acerbita- tem huiusmodi Fratris crepti, qui vos pluſquam fraterno affectu dilexit, ama- vit, unice charos habuit, mœſtitiā augere credibile eſt maxime, quod non ex- cipere haliſum illius extremum, non manus veſtras ad ultimum operiendorum

oculorum officium advocare, non reliquias ejus & transfixa miserè viscera lacrymis & opobalsamo uda sarcophago tradere, non satiari novissimis sermonibus contigit. Nunc amoris ille sui vobis & virtutum maximarum memoriam reliquit, ut quoties lugebitis vos fratrem amisisse, consolatione simul illa sustentimini, talem vos fratrem habuisse. At te, magni Parentis magne impotterum successor, Fratremque tuum, de cujus dotibus ac naturæ excellentia tanta, tamque præclara narrantur, Deus protegat immortalis, lectum geniale tuum, cui Conjux ex familia Germaniæ serenissima incomparabilis destinatur, lætitia omni ambiat ac rebus florentibus, vota denique pro te, pro salute tua, bonorum omnium in felicem exitum provehat. Caterum tuum hoc damnum non minus, Germania, tuus hic luctus est: vix unum excipiam aut alterum; nemo Principum extraneorum tranquillitatem tuam dilexit verius, nemo fortius defendit. Vester est hic dolor, septemviri legendo Imperatori, Duumviri tuende Libertati, Johannes Georgi, Georgi Guilhelme, Potentissimi Optimique Principes: alterius vestrum signa duxit, utrique militavit. Si lapsis rebus, quod facitis, subvenietis, si fines vestros ac sociorum tuebimini, si arma hostium & armis nocentorem fallaciam ab aris arcebitis ac focis, cineribus ejus innocentissimis gratiam, si non quantam meritis est, certe quantam potestis abunde referetis. Vester est hic dolor, Cellisissimi Principes Fratres, Johannes Christiane, Georgi Rudolphe. Vestram ille Bregam, vestrum Lignicium, illos oculos Silesiæ, vestras urbes ac ditiones, desolatas eas & publicis injurijs expolitas, nunquam accedebat, quin maceraretur & ex animo doleret, vos tantorum Regum à tot seculis nepotes, tot Principum, inter quos & ipse erat, consanguineos & affines, tam flagrantia boni publici amore pectora, restitui ope sua ac virtute in statum ac quietem illam non posse, quam fide erga Rempublicam meruissit.

Vester est hic dolor, Principes Germaniæ ac Proceres Illustrissimi, quotquot eodem animo causæ communi patrocinamini. Amisistis in hoc uno capite, amisistis sanguine cognatum, socium armis, fortitudine perfectissimum exemplar. Vester est, milites, crepto oculis castrorum, simile quid forte non visuris, eo duce, quem maximam semper vobiscum partem periculi sustinentem vidistis, qui operum magnitudine sæpe hostem, clementia & beneficijs animos vestros expugnavit sæpius ac affectum, quemque non tam excubie ac peila, quam amoris vestri præsidium tutabatur. Nunc quid agendum, commilitones? Honorario ne illi tumulos & memorias excitabitis? aut divitis aciebus ad simulachrum pugnae decurretis? Hoc facere illi etiam possunt, quos minor quam pro re meor incellit: à vobis, à virtute vestra sanguis hostium potius exigitur, quam vestrae lacrymæ. Decessit, abiit, ô Dani, pro cujus salute hæcenus Deum multa venerati estis, qui in patria, aut si forte pro patria, mori, sed olim, debuisse. Hoc etiam calamitatibus tuis alijs adde, Suidnicium; in oculis tuis, in campo suburbano, non animositate inimicorum, sed perfidia cum cecidisse, qui difficillimo tempore tuo, cum exercitus hostium immensus, excidium tibi ac cladem extremam minatus, quaquaversum agros infederat, & mortarijs fulminibus atque torquentis miræ virtutis ignem testis tuis ferrumque ponderis stupendi immitteret, ipse legionum equestrum ductor inter ceteras copias tempestive advolavit, atque obsidium, nobilissimi præfecti prudentia, constantia militum, ope divina imprinis, strenue aliquandiu toleratum, ut solveretur causa

fuit

fuit non potirema. Quæ vero adversa rerum, quam afflictæ fortunæ taciem tu non vidcras hæcenus, ô Sileſia? Quanto impetu, quo ſevitæ ingenio, quibus artibus leges credendica, quæ exactores legum ipſi non faties credunt, oppidis impoſitæ ſunt plurimis ac urbibus? Et ut ſciat orbis quibus magiſtris præſecerimus; militibus id negotij datum eſt, qui expilationibus ædium, injurijs, verberibus animos cogere, verbis luſtra ac ruſtus olentibus & execrationibus Deorum inſandis rudiores cultum cœleſtem docere conati ſunt. Noctû etiam aliquid ſona adhuc fide dormientes adoriebantur: ut noctem profundam mentibus ac tenebras ſuperfundi facile animadverteres. His accenſe abrogatas leges ac privilegia, immutatam auctoritatem Procerum, procuracionem Republicæ Ordinibus ademptam, bona plurimorum aut data, aut non voto magis tacito quam publica deſtinatione novis hominibus dicta, veſtigal adeo inſolitum, ut neceſſe fuerit etiam ceſſare conſuetum. Aerem excipiam ac umbram; cætera nulum genus rerum, cui non tributi aliquid imponeretur. Adde & bellatum per tot annos, & ne nunc quidem exitum ullum ſpectans lacrymabile bellum, ſtativa caſtra, conſcriptiones militum, hyberna non ad uſum, ſed ad luxuriam ſumpta, ſuppeticarum aut ſegnitiem aut fugam (tamenim remedijs laboramus quam morbis) cohortes ſpecimunitatis, maxima peccandi illecebra, licenter vagas, lixarum ac ſcortorum exercitus, diſſentiones præſectorum æque ac concordiam Provinciæ noxiam, villas expugnatas, pecoris & armentorum prædas certatim actas, conſulcatum petulanter equorum ungulis commeatum dum commeatuſque petitur, in pacato, in hoſtico eandem rapiendi libidinem, extincta ſolis ruinis incendia, vaſtitatem poſtremo, cædes, ſupra, & faciendi quicquid non licet libertinam licentiam. Paganorum vetus formula eſt: Secus qui fecerit, mitem liſidem iratam ſentiat, & ſuorum oſſa eruta atque diſperſa videat. Nos etiam ob culpam noſtram hoc ſupplicij genus & vindictam ſupremi Numinis vere & acriter ſenſimus, ſepulchris adeo violatis, templis adeo expilatis ac irreverenter habitis, ut à foederatis quoque talia fieri (duces ac præpoſitos, quos ſtipendiorum imprimis penuria perpeti multa cogit, libenter & ex animo excuſamus) erubefcendum ſit. Poſt agros frugum, pagos longe lateque colorum vacuos, poſt egclatam ac probra, poſt poſtilentiam nunc eam, ut plurimum paſſim per oppida (te cogito imprimis, ô ſlos urbium) & mater elegantie Uratiſlavia, ſtudioſum meorum deſideratiſſima quies, multa funerum inſtitia in rationem Libitinæ tempore exiguo relata ſint, poſt omnia quæcunque dici aut fieri queunt mala, innocentiffimus Principis Optimi ſanguis tuam, ô Provincia inſecutiſſima, humum inſicit, quæ, ſi votis ejus ac menti reliqua etiam rerum momenta reſpondiſſent, jam diu ex totius beſti ore ac faucibus crepta eſſes. Ubi nunc nobis ille vindex tuus, ô Libertas! quæ ſuſpecto hoc funere efferri ipſa videris ac ſi peliri, quæ rebus omnibus venalibus quaſi non minus publicata gemis, & inter ſpem metumque ſuſpenſa exitum turbinis ac fluctuum Reipublicæ præſtolaris. Nemo dolorem noſtrum gaudet niſi qui te odit; lugent ipſi, aut uncerorem olentant, qui inſidijs elades noſtras duplicant & inſtaurant, qui te, quod capiti illorum ſit, extirpare funditus conantur ac evertre. Ego vero (nam ut mei facere mentionem audeam, Ipſe manſuetudine adverſus me ſua effecit & indulgentia) quantas comploſationis cauſas habeam, quantum ſpei amiſerim ac præſidij, cogitatione aſſequi nulla poſſum; ac ſi aſſequer, verbis

exprimere absque culpa jactantiae non possem. Testes sint literae, Latinae illae ac sine cura elegantes, postremae hujus generis, ut puto, quas tua manu, clementi illa ac erudita, ex castris perscripsit, unoque ante fatalem ejus ac infelicitissimum nobis diem ad me allatae. Illas enim ut adducam, non exemplo solum Graecorum ac Romanorum invitor; verum etiam ad prodendam humanitatem Principis Sacratissimi ac ingenij elegantiam interest. Sic enim loquitur:

Omnes de adventu tuo hic in castris certiores feci, doctissime Opiti. Gaudebant hoc plurimi, plurimi exoptabant. Cognitis summa exinde nascebatur latinitas, incognitis vero talem visendi virum, cujus fama impleverat aures, spes dabatur maxima. Cum autem plerique se tali frustratos spe arbitrabantur, me convenire, rogare, unde divina haec mora proficeretur mirari ceperunt. Quapropter promissum tuum in memoriam tibi revocare volens, paucula haec exaravi, simul & amoris in te mei restandi causa colatum admovi, rogans ne diutius tua nos privari praesentia sinas, quin potius prima ad nos occasione advoles. Vale, & ut haec curentur effice.

T. Additissimus

Uldericus.

Non percurram verba tua, Princeps Piissime, quibus magnitudinem clementissimi affectus erga me tui explicas. Principem de me, lorica tum de toga, inter tubas de literis cogitare, sola divini Genij tui ac dexteritatis insolita res erat. Ego non parere me tibi, non frui serenissimo vultu tuo, non adesse supereminis sermonibus tuis potuisse, cum angor impatienter ac doleo; tum laudibus, quod solum superest, virtutum tuarum indefessis, quantum mihi restabit annorum, quos orbitate, luctu, ærumna, solitudine acerbiores mors tua mihi reddidit, exigam ac sustentabo. Nunc terris omnibus altiore tumultum tuum quod aggestu hoc humili, hac gleba vilissima, cursim neque cum cura veneratus sum, bona beatissimorum Manium tuorum venia factum puto. Te enim ac operum tuorum & naturæ merita satis commendare velle, ut nemo audeat nisi spei de ingenio suo immodicus, virtutum vero tuarum ignarus; ita si tantum doctrinæ ostentare possem ac eloquentiæ, quantum moestitiæ mihi ac ægrotudinis obsedisse animum sentio, vel devotioni meæ studioque aliquatenus satisfacerem. At tu, anima sanctissima, laudum humanarum non indiga, divinas meditans, abunde gloriæ dum nobiscum eras, nunc cælum adeptus es, quod gloriam mortalem respuit, finem æternæ non habet. Vicisti, Princeps, vicisti, non hostem, ut solebas, & agmina instantium ac paullo post fugientium inimicorum; sed fortibus plerumque formidabilem, molestem fortunatis, cui tamen tu paratus semper fuisti, mortem. Nunc, relicto nobis grandi desiderio per memoriam virtutis tuæ, ipse triumphum nactus es trophæis omnibus ac victorijs nobiliorum. Non urbs male aeterna, domina gentium, ancilla libidinum Roma, sed cælum te conspicit, miratur, felicitati tuæ favet, ac applaudit. Quid reges captos, victos ante currum duces, opima provinciarum & instrumentum humanæ luxuriæ aurum requiras? imbecillitatem mortalium, miseriam, vanitatem, inania rerum, errores ac fraudem, & quicquid corpuscula hæc mentesque vel oblectat vel lancinat, beate moriendo evertisti, fregisti, profligasti. Tunicam pictam

pietam indumento innocentie splendidissimo mutasti, lauream corona justitie æternam viridique non Jupiter aliquis, pretium armorum hostilium & dictarum manubiarum, sed capiri tuo Deus Deorum imposuit, munus quod ipse solus dare potest, tu accipere integritate vite ac pietate illi gratissima meruisti: Evectus es ad Capitolium immortalitatis, nec stipatus tribunis & milium agminibus: incolæ coeli spiritus & ascriptæ numero illorum animæ gaudentes te excipiunt, ambiunt, comitantur. Si commercij sodalitijs sancta post hanc vitam pectora fruuntur, si sublato extra mortalitatem mortalium cura tangit, credibile est narrare magno te Regi, patria olim vicino, virtute pari, qui tot orbis ac provincias in libertatem vindicavit dum vixit, qui hostem cecidit dum mortuus est, cujus quoque jam fatum retracta tunc ab interitu Germania sentit ac deplorat, quam lentis seditiosi atque discordiosi sub maxillis edamus, quamque verum sit illud:

Rege incolum mens omnibus una;

& quæ sequuntur. Avete, animæ innocentissimæ: nos, moesti non vestram vicem, quas vera libertas & pax æterna complectitur, ad ultimum dimicationis & sortem asperitatem redacti sumus. Sed respiciet nos tandem misericors ac clemens rerum humanarum Arbiter, & supplicij bonorum fatigatus concordiam nobis, fidem ac animos eos largietur, qui missis sciomachijs ac vanis suspitionum, quæ à callidis clam soventur, privatas causas suas rationesque securitati publicæ frustra postea recuperandæ posthabeant, inflammationem, cruciatus, ignominiam, cædes, proscriptiones à socijs & patria communi propulserint, sacra ab exilio subtrahant, & honestamenta pacis ac præmia belli toto animo quærant, totis viribus meditentur. Cæterum immaturum excessum tuum, Princeps sanctissime, deplorent qui debent, debent autem omnes boni, extenuent qui volunt, non doleant mortuum quem vivum timuerunt, de virtutibus tuis fliceant qui de suis gloriari non possunt: nos, qui felicitatis nostræ partem tecum ac spem amissimus maximam, te sublato, exilia, contemptum, calamitates & quodcumque miseriarum onus irruet, constanter feremus; memoriam vero tui summarumque virtutum tuarum iusto quidem desiderio, magis tamen honore omni ac cultu & grata ad Posteritatem commendatione prosequemur.

Com-

C O M M E N T A R I U S

D E

Rebus Pace Belloque Gestis

Domini FABIANI Senioris,

*Burggravij à DHONA.**Plutarch.
in Apophth.
Lacon.**Cassiodor. lib. 1.
Epist.*

Pud Lacedæmonios, quemadmodum à veteribus & gravissimis scriptoribus accepimus, lege cautum fuit, ut antequam ad manus veniretur, sacra fierent Musis. Cujus rei causam rogatus Imperator ejusce gentis Eudamidas: eodè fieri respondit, ne res bene gestæ debitis laudibus fraudarentur. Nimirum optimo cuique innata est cupido virtutem factis extendendi, ac nomen acquirendi immortale. Sed perpetui nominis gloriam sine cujusquam scriptoris monumentis consequi licet vixim. Eoque Alexander ille, cui gestorum magnitudo Magni cognomen fecit, cum ad Achillis sepulchrum consisteret, beatum eum prædicavit, quod virtutum suarum præconem Homerum nactus foret. Nempe nisi Ilias extitisset, ut verissime à Tullio dictum fuit, ille idem tumulus, qui corpus contexerat, nomen quoque obruisset. Neque defuncti tuius gratia honor ille decernitur: sed partim etiam propter ipsum Deum immortalæ, partim propter humanum genus. Siquidem Dei ipsius munera sunt, quæcunque à nobis recte fiunt, eoque coronari illa præconiis nostris convenit. Superstites autem in eodem stadio certantes cupiditate gloriæ inflammari, plurimum profecto interest. Equos sane, quorum generosior est indoles, magistri suavis poppymus incitat, aut adstitum clamor reddit in cursu alacriores. Plerisque etiam alijs animantibus, si proximi vel insonent voce, vel complodant manibus, animus additur, ut, quo feruntur, alacrius contendant. Quanto igitur magis eos, in quibus ratio dominatur, ad virtutem stimulari posse arbitremur, si alienam virtutem ac gloriam intelligant! Quia qui non moveantur, eos dixerim sensu humano carere propemodum; nec marcere minus, quam qui in taberna fragrantissimis aromatatis repleta odore nullo recreantur. Quomobrem ita censeo, nullum omnino officium esse cum iustitia propius conjunctum, nullum quod homines ad virtutem accendat magis; quam si eos, qui virtute anteverterint ceteros, sermone ac scriptis nostris celebremus, ut hac quasi tuba ex mortuis excitæ, vitæ postliminio restitui, atque iterum inter homines degere videantur; suoque exemplo, præcepta salubria, aut miseriæ nobis solatia insillent. Ecquis igitur ingenij sit adeo horridi, aut tam malignus atque excors, ut sanctam hæc, atque utilem operam nostram, quam laudibus Illustris Burg-

gravij

Gravij Fabiani Dhonani impensum imus, Theoniuo dente arrodere ausit? Quapquam ingenue id agnoscam, quodammodo injuriam fieri optimo Heroi, non eo quidem, quod observantiam illi nostram deferamus, quæ adversus bene meritos permitti omnibus, etiam lmi subsellij hominibus debet: sed quod ex majorum gentium, doctorumque corona nemo surgat, qui hoc sacrum exequiale peragat. Si enim Achilleis factis non nisi Homerica vox est accommodanda: tidignus est Dhonanus, quod ultro largimur,

————— *Quem nemo præter Apellem
Pingeret, aut ne alius Lysippo duceret æra:*

Horat.

equidem, quid plerique pronunciaturi sint de audaci hoc facto meo, non obscure prospicio. Verum videmus etiam in convivio cætera splendido, amœnoque, non optimos semper audiri citharædos; sed ab ijs secundos, tertios, quartos, sæpe etiam infra hos doctos, cum præstantium ac fortasse etiam medicorum hominum, non ita magna sit copia: Itidem nec mihi vitio verti debet, quod ego, qui supra cruditorum vulgus, nec ingenium, nec doctrinam, nec dicendi usum, mihi ausim vindicare, decrerim nihilominus cum virum oratione inæa celebrare, in quo laudando Eloquentia ipsa vires suas periclitari possit. Nimirum, pietati litamus, quæ si careat ornatu, fraudi tamen esse nemini debet. Eadem ijs quoque obsequium præstamus, à quibus hæ partes nobis, neque id invitis, junctæ sunt: cuius nihilominus haut gravatim permitturi, ut conetur

Grande aliquid, quod pulmo animæ prælargus anbelet.

Prof.

Agite ergo, ne in nos etiam quadret vetus verbum, portam itineri longissimam esse; missis cæteris, non minori lubentia, quam fiducia, stadium illud ingrediamur, quod animo præsignavimus: & eorum, quæ de Dhonana omni vita compta ac quasi in numerato sunt nobis, memoria quæque dignissima exponamus, quo ita novo huic cæli honos suus constet: nos vero tamquam in illustri monumento, quæ sequi fas sit, proposita nobis habeamus.

Ut igitur à primis Fabiani incunabilis ordiamur, natale ei solum Prussia obtingit, tellus fundo admodum fertili, dædalis mercibus, qua importandis mari, qua exportandis, aptissima clarissimaque: atque ubi, ut poeta Salmonentis cecinit,

————— *Fluant lacrymæ, stillataque sole rigescant
De ramis electra novis, quæ lucidus amnis
Excipiens, nurius mittat gestanda Latinis.*

Ovid. 2.

Nuam.

Quæ etsi non levia sint: majus tamen illud, quod præclara semper dedit ingenia, quæ cum aliarum omnium capacissima artium fuerint; tum sub utraque Pallade armata, togata, egregia fecerint stipendia. Est in ea, quæ Regalis appellatur, Stuma oppidum, haut infelici naturæ genio excultum, vicina arce exorbatum; in qua Fabianus fecnam hujus mundi, qua personam suam decenter sustineret, cum lacrymis, sorte omnibus communi, ingressus est. Mentis erat totius anni formosissimus, quem Majum dicimus: quasi ipsa universi Natura, ubique sapi-

ens,

ens, ac iusta, alumno elegantis ingenij, eleganti quoque temperate oblectricari vellet. Dies affulgebat sexta & vicefima, altera à festo nobilissimo, quo Spiritus Sancti memoriam celebramus. Fortasse ut indicio nobis foret, non cum Junone Nixia, non Jove Sospitatore, neque ullo cœcarum nationum numine, aut tutela indigere : ut qui auspicijs Sancti Spiritus auram hujus vitæ hauriret. Numerabatur tum à Christo nato annus seculi sextidecimi quinquagesimus : quo ipso in patria Dhonani Prussia ardebat bellum ab Osiandro conflatum : qui *dermelt* *Sax.* *76*, ac propterea, ut fieri solet, *Weyden* & *Audstede*, hominem coram Deo justum fieri contendebat iustitia Dei, ut vocant, essentiali ; quæ profecto non alius, ac ipse Deus, esse potest. Sed hujusmodi, quæ ad natalem, vel locum, vel diem pertinent, decoris quidem aliquid asferre videntur : attamen fere communia sunt deterrimis cum optimis, infimis juxta ac summis. Quare in tanta laudem Dhonani copia, ea potius consecremur, quæ magis propria Fabiano fuerunt : Quale est illud, quod ei præclara adeo stirpe contigerit nasci. Parens enim fuit illustrissimus Petrus Dhonanus, qui ut pietatis, ita prudentiæ & fortitudinis omnes explevit numeros, perque Laboris templum progressus, trophæa percinnaturæ gloriæ in Honore fano feliciter ad Memoriam aram suspendit. Postquam enim ab ultima prope pueritia Laborem, patrem Gloriæ, ut *Æschylus* eum vocabat, animo suo, proposuerat : non jam ille purpura ulterius capî, non sectarij molle Gyneceum, non delectari servulorum comitatu ; sed ipse magnati se affectam præbere haur inglorium arbitrabatur. Ita est profecto, nemo imperat felicius, quam qui parendo illud didicerit prius. Dabat vero se Petrus in familiam viri eo tempore perillustri, Hiobi Dobeneckeri, Episcopi Risenburgi : apud quem paullatim animum confirmabat præceptis optimis ad omnes civilis vitæ partes, ac disciplinam militarem præ cæteris. Ergo, cum per ætatem posset, castra secutus est, non, ut quondam Eretrienfes, quos falsè aiebat Themistocles, similes esse piscium, qui gladioli vocantur : quippe utiensem hi habent, sed corde desituuntur : ita & illos fuisse quidem armatos, sed animatos non item. At Dhonanus, ut versiculum Mætonij vatis in Latiale eloquium transfundam, erat

Plutarch.

Hosti non tergo, sed forti pectore notus.

Nec idem militiæ nomen apud alios dare voluit, quam eos, qui tum suo & optimi cuiusque judicio optimam foverent causam (ne forte pro bello latrocinium sectaretur) tum etiam, qui rei totius militaris supra alios esse intelligentes perhiberentur. Erant illi Mariani Equites, quos ante tricenos trecentosque annos, nomine ordinis Teutonici, in Borussia institutos novimus, ut (quod magna cum laude ab ijs factitatum) subigendo paganos, idolorum simul cultum abolerent, Christianæque religionis pomœria longius proferrent. Sub horum auspicijs ac signis ita meruit stipendia Petrus, ut non modo victrici manu varias reportaret coronas : sed dignitate etiam Equestri ab illustrissimo Ordine, magno omnium studio, & applausu, fuerit ornatus. Cumque Ducatus Prussiæ, abolito Teutonicorum militum ordine, constitueretur : Albertum, Marchionem Brandeburgicum, primum Borussia Ducem, in militia sectatus fuit ; pulchramque & utilissimam eidem operam præbuit in expugnanda Braunsberga : cujus & post-

Lib. Ord. Prus.

postmodo praefecturam per sexennium insigni fide, nec minori auctoritate gessit. Quod si pulchrum ducitur, paternas imitari virtutes; unde Amasim apud Aegyptios legem sanxisse accepimus, ut patris artem faceret filius, ac statum conditionemque vitae ejus sequeretur: nec ab ea laude excludi illustrem hunc virum oportebit. Siquidem egregia Stanislai, fortissimi parentis sui, facinora secutus, imo assecutus fuit. Venerat Stanislaus (ut quolibet ducit Deus, cujus est terra & plenitudo ejus) ex Crachensi domo, quae apud Silesios celebri est loco. Sed generis hanc celebritatem virtute plurimum in Borussia adauxit: ubi Teutonicis equitibus, nisi Christi eos milites dicere malimus, strenuam navans operam, non modo gloriam obtinuit excellentissimi Ducis; sed viri quoque continentissimi immortale adeptus nomen fuit. Veniam mihi dari postulo, si paullum huic rei insititro, ut documento illustri planum fiat, licet sit

Rara avis in terris nigroque simillima cygno,

Journal.

Miles paucio contentus: non tamen ita male agi cum rebus humanis, ut non in eo quoque vitae genere habeat Deus, qui plurimos cujusvis ordinis longissime numinis reverentia post se relinquunt. Quippe incubuerat regioni omni tempestas fatalis, qua sociorum plurimi, timore, an perfidia, pudendis modis à Magistro suo divortium faciebant. Non ita Stanislaus, cui idem animus,

*Rerumque prudens, & secundis
Temporibus, dubiisque relictus.*

*Horat. 4.
Carm. 9.*

Quare non ille à domino, cui sacramentum dederat, deficere. Nec enim illi

Facile & primum superos contemnere testes.

*Journal.
Sat. 13.*

non sanè,

— *Phalaris licet imperet, ut sit
Falsus, & admoto dilict perjurio tauro.*

Idem. Sat. 8.

Nempe scitum illud Socraticum animo inscripserat penitissimo, ut statua semper insitit basi; similiter virum bonum instituto niti honesto, nec inde vel periculis, vel voluptatibus dinoveri unquam. Quocirca in eo collegium erat universum, ut Stanislao, ejusque posteris, ne indonata virtus fideque videretur, hæreditario titulo ac jure conferretur praefectura Morungana, & loci indole nobilis, & reditibus sane quam locuples. Non aspernatus eam fuisset Dhonanus, si quanta facilitate ab Equitibus offerebatur, tanta conscientiae sanctimonia possessurum se suosque vir integerrimus in animum inducere potuisset. Nunc illud identidem occurfabat menti ejus, (quod religionis opinio in populo illi edocto mire exaggerabat) fore, ut virginem Deiparam, cujus honori destinatus esset quali honorarius tutor, iratam haberet, si luculentum adeo donarium transferret domum suam; aut si ad posterum transmitteret, quod sanctis usibus majores consecrassent. Casta profecto, si quæ unquam, in sectante ejusmodi vitam, abstinentia, à qua fere milites nostri quam longis distant spatijs! quippe ijs si Pegasi darentur,

Ggg

tur,

tur, in cœlum adscensuros dixeris, & prædam aduros uncatis manibus ante thronum Dei in Mariæ, Sanctorumque omnium conspectu: utpote quibus

Lucan.

— Ibi fas, ubi maxima merces.

Horat.

Est vero Morunga inter lautiores Borussia præfecturas non postrema. Oppidum binis arcibus, situ loci, lacubus circumstagnantibus, munitum. Pagi adjacent plus minus triginta. Eos & prædia commendant, & piscationes, & molendinæ, & venationes, & aucupia, & saltus, uris olim, alijsque noxijs animantibus. nunc armentis completi. Repudiato igitur nimis splendido, ut quidem caussabatur, dono, viliori, quod ultro offerebatur, contentus Stanislaus fuit: quamquam profecto vile nihil existimari conveniat, modo rationi, secundum quam *Vivitur parvo bene*, suffecerit. Obtinuit vero citra fraudem Ordinis, & rei sacræ, Teutopagum: in quo annos postea exegit multos, idque cum optima ac laudatissima Urlula Greulingia conjugæ; quicum etiam sepultus inibi fuit, compluribus ex ea liberis, foemellis aliquot, filiis vero tribus relictis. Atque ex his quidem Anselmus, & Johannes, cum quasi in herba adhuc latere messis crederetur, extremum ætatis diem obierunt. Petrus autem, Fabiani parens, ad grandem pervenit ætatem. Sed priusquam à Stanislao & Petro Dhonavij manum tollam, illud etiam adiungendum videtur, utriusque, ac majorum etiam spectatam adeo fidem fuisse semper erga superiores, ut ab ea Dhonæi in publicis Borussia privilegij commendentur: imo præclarum hoc retulerint elogium, cum prope omnis hæc regio, vel defecisset, vel in hostium venisset manus, inter paucos tum, qui Principis partes sequerentur, stetisse Stanislauum, Burgravium Dhonensem, & filium ejus pariter cordatum. Paterent jam longe lateque spacia producendi porro in hunc famæ campum Dhonavorum etiam abavum, atavum, tritavum, atque alios, qui longa serie in numerato habentur. Verum non tam gentis Dhonææ historiam, quam Fabiani laudes polliciti sumus. Quare nunc temporis quidem superfluis istis, quæ etsi non minus pulchra sint præclaraque, propteranti tamen lectori fastidij aliquid parere possint, illud unum exponere contentus ero, Dhonanam familiam ab octo retro sæculis originem suæ gentis repetere. Neque jam ab ijs temporibus, quibus Deus Opt. Max. Imperio Romano, quasi cœlo demissum, dedit Carolum, Francorum regem, à rerum gestarum gloria Magnum appellatum, non optimum modo Reipubl. Principem, sed Ecclesiæ etiam vindicem, studiorumque instauratorem ac patronum omni laude majorem. Tantus Rex atque Imperator, ut censor erat virtutis æquissimus, ex ea Gallia Narbonensis parte, quæ & Languedocium, & Occitania dicitur, virum evocavit, & summi nominis, & maximæ dignitatis, Aloysium de Urpach, eique, ut in Germania sedem suam figeret, persuasit. Ac quo promtius illud faceret, simul ut præmium extaret dignum ejus virtutibus, (abique quo esset, verbis tantum insecutus videretur) anonum ei atque frugiferum locum assignavit ad flumen Albis; ubi & oppidum, & castrum, quod Dhonæ nomine insignitur, celebre jam tum erat. Juxta vero postulaverat ab Urpachio Cæsar, ut Dresda ab se contra Bohemos, Naumburgo ad Salam, contra Sorabos munitis, ille tum sua, tum Germania limites, defensusus, Vandalos idololatrias, quorum tetra colluvies se hinc inde in Imperium infuderat Romanum, ulte riores facere pro-

Anno Dcccvi.
Barthol. Pa-
prach, in Chro-
nico Bohem.
cap. 19.
Auctor Psal. ad
vitam B. Esai.
aditans Craco-
viam MDC X.
Anno Dcccvii.

progressus minime pateret. Nec sua sagacissimum Imperatorem spes fefellit. Nam ita Urpachius susceptam administravit provinciam, ut Cæsar Ludovicus cognomento Pius, cujus Pater ipse Carolus corona imperiali caput insigniverat, Aloisij filio Conrado, ejusque hæredibus, non donavit modo territorium Dhonanum, sed titulo quoque illud Burggravij, quasi honestamento gentilitio, exornavit. Sunt autem Burggravij Germanis iidem, qui Italis ac Gallis Vice-Comites: quo modo & Mediolanenses prius Vice-Comites dicebantur, qui nunc Duces audire malunt. Et sane etiam Saxonici ac Brandenburgici Electores, quod inter præcipuos titulos Burggraviorum appellatio compareat, non parum eo decoris accedere suo generi arbitrantur. Nimirum sicuti Comites limitanei, quos Marchiones hodieque dicimus, Cæsarum autoritate & Regum condebantur, ut hinc inde Germaniæ fines contra Hunnorum irruptiones tutarentur: eodem modo per Saxoniam, ac Misniam constituti fuerant, qui à Sclavorum atque Henetorum furijs cavere civibus incolitis possent. Hi Burggravij tum appellati, sacri vero Imperij Romani præfecturis fungebantur: quæ dignitas, perinde atque Marchionum, etsi initio videbatur ambulatoria, meritis tamen eorum, qui primi cum laude honorem eum gesserant, hæreditaria postea ad posteros ac gentiles devoluta fuit. Quanquam autem Dhonani etiam Comitum axiomate, atque honore fuerint decorati, quod tum alijs è documentis, ipsæque plurimis atque evidentissimis, tum etiam Sigismundi Cæsaris libello discimus, quæ regio pari fratri, Nicolao, & Jarislao, Dhonensem Comitatum feudi inuncre concessit: plurimum tamen Burggraviorum titulus ijs magis arrisit. Neque eo minus honoris à posteritate consequuntur. Nunquam enim non prædicabitur in ijs singulare decus, divini gratiæ pignus; quod cum in alijs prope familijs omnibus, certe in Misnia Leifnickentium, Altenburgensium, Starckenburgensium, Lorbicensium, aliorum Burggravia dignitas exspiraverit, Dhonani eam & mascula virtute retinuerint, & pari gloria propagarint,

Anno Dcccxli.
Dresser. Mill.
Hist. sex. part.
II. Georg. Fab.
ric, in Anna-
lib. Misn. lib. 1.

Magistr. in præ-
fat. lib. de Ord.
Equest.

Anno Mccc-
xxiii. Brixie;
die infant. in-
nocti.

Magnanimi heroes, nati melioribus annis.

6. *Æt. id.*

Hæ primitivæ sunt gentis Dhonaviæ, sane vel hac prærogativa ampliores, quod ab illa olim quatuor ac decem familiæ nobiles solennem feudorum collationem exposcere tenebant. Nec est, quod arbitremur, præci hanc dignitatem fuisse ævi: hoc tempore autem, quod omnia mutat, vastat, abolet, in defuetudinem penitus abiisse. Spirantia enim adhuc ante oculos versantur exempla: sunt vestigia in Hexapolitana Lusatia, ubi Grunbergij, Rotenburgij, Zabeltitzij, Schlichtingij aliæ Equestris Ordinis familiæ, Burggravijs Dhonanis, feudi jure, & sacramento, hodieque sunt adstricti: præ cæteris vero, qui in Dynastia Muscaviensium rerum potiuntur. Illic jam nunc Toparcha illustri Carolus Christophorus, quod longa serie ad se devolutum est Regale, quantum in se est, tuetur; sicque animum inducit suum, non minus religiose conservanda esse majorum privilegia, jura, dignitates, regalia; quam illorum imagines, torques aureos, nummos, aliæque thesauri decora; quod illa virtutis sint ornamenta propiora, quæ atatem servit: hæc vero, cum fortuna, quæ vitrea est ac desultoria, commercij plurimum habeant. At quantum etiam illud ad gentis Dhonaviæ laudes facit, quod insigni in ponte illo, quo Imperator Conradus primus, auspex hujus

Albin. in
Chron. Mifn.
Dreſſer. Mill.
biſſ. 6. part. 4.

nomini, utramque Albiſ ripam in littore Miſnenſi ad urbem Dreſdam conjunxit, etiamnum Dhonavie gentis inſignia bicornia opere antiquo conſpicere licet. Atque inde eſt, quod ex juris ac rationis recte præſcripto, & ſummi magiſtratus decreto, conſtitutum fuerit, ut eidem ac hæredibus illius, ex mercibus eo apportatis veſtigialium pars tertia ſolveretur. Licet vero, (ut prope omnia hominiſ bona, alium atque alium accipere dominum ſolent) etiam jus hoc olim à Dhonana familia aliò fuerit tranſlatum; tamen jam à multis retro annis illud Abrahamus Dhonanus, qui apud Sileſios libera potiebarum Dynaſtia Wartenbergica, quaſi poſtliminio recuperavit. Atque ut nunquam hoc jus in eandem rediſſet familiam, nihil priori hoc laudi derogaret. Gloriantur igitur Ægyptij Pyramidibus ſuis, quarum unam proditum eſt mundi miraculo à trecentiſ ſexaginta ſex hominum millibus fuiſſe conſtructam, atque id erogatiſ in raphanos, allium, ac cæpas talentis mille octingentiſ. Oſtendent item alij

Plin. lib.
xxxvi, cap. xii.

— *inſana mole ceſſor*: Qualis etiam eſſingi volebat Nero. Alij ex vetuſtate divitiis ſuas immani jactent apparatu canalium, thermarum, aquæductuum, theatrorum: in quibus omnibus, quo neceſſitati vel uſui conſuleretur, conſtare paucopotrat; reliqua autem ſervierunt pompæ, luxui, ſuperbiæ, & hujus peduſſiquæ vanitati. Burggravij vero Dhonani non paulo magis ad laudem ſuam eſſe reputent, quod non alijs, quam majoribus ſuis, debeatur ejus pontis ſtructura, ex quo tot commoda, ad Principes juxta, ac ſubditos, redundent. Quid autem pontes loquor? Quid terrena tantum vel commoda, vel ornamento? Liberaliſſimi quoque fuere heroes Dhonæi ad conſtituendum, ut ſeculum illud ferebat, cultum divinum, ſacraque peragenda. Reſerunt ij, qui reſ Episcoporum Miſnenſium monumentis ſuis ab oblivione vindicarunt, Ottonem, Henrici Burggravij Dhonenſis filium, haud exigua contuſiſſe donaria in Henricum, virum ſacris deſtinatum, qui ante xc. atque trecentos annos, in Miſnia baculi atque tiaræ Episcopaliſ honore claruſ fuit. Nec obſcura eſſe poteſt, tum pietas, tum munificentia Ottoniſ Dynaſtiæ, eadem familia nati: qui cum in oppido ſuo gentilitio, populo ad Dei cultum deeſſet locus; templum, quod Dhonæ eſt Beatæ Virgini conſecratum, primus extruxit: quod, Friderico II. Romanum moderate imperium, annis ab hinc quadringentiſ, eveniſſe accepi-mus. Nempe uterque Dhonavius, pater cum filio, non provide minus, quam pie, exiſtimabat, ingenti ea ſe fœnore locari, quæ ad reſ facias ac pios uſus, Deo largiſſimo benefactori commodarentur. Nec ulliſ obliſcandum eſt ſculciſ, Ghurij (id Miſſorum oppidum eſt) inde à trecentiſ anniſ jura patronatuſ in templo ſuſſario fuiſſe penes Burggravioſ Dhonanoſ. Uti nec caligine ulla involvi debet, quod jam ab anniſ octingentiſ familia hæc ſe longe lateque diſſudit. Non equidem iniſcias ivero, accidiſſe ei quaſi deliquium quoddam, idque haut exile; cum bello eo, quod inter Wencſlaum, Bohemiæ Regem, & Guiliel-mum Coclitem, Miſniæ Marchionem, getum fuit, arcem Dhonenſem, quæ ſeu-dum ſemper fuerat regni Bohemici, Marchio obſedit, expugnavit, evētit. Cu-jus reſ triſtiſſimam memoriam penitus excidere non ſinunt ruderia illa arcis Dhonenſiſ: quæ hodieque vix altero à Dreſda lapide, ad Dhonenſia mœnia, (prout præſens ejus oppidi fert ſituſ) cernere licet. Ubi & Burggraviatuſ veſtigia conſpiciuntur, haut ſecus ac Noribergæ. Quis vero ſatiſ explicet, quan-tum dolorem caſuſ iſte egregijſ heroib긯 attulerit: ubi viderunt, ſe effreniſ vio-lentiz

Dreſſer. in
Mill. 6.

Dreſſer. Mill. 6.
part. 2.

leniâ furore, de antiquis sedibus ac fortunis deturbari iniquissimè. Nempe filebant leges, inhonora erat iustitia, ut fieri solet,

Cum sonus armorum superat, gemitusque cadentum.

*Ovid. 5.
Metam.*

Verùm calamitas hæc illis nova fuit virtutis feges, unde Dhonani pullularint hinc inde numero plurimi, autoritate spectatissimi. Ex eorum gentilibus habitantur olim eximij viri in Gallie, ac Daniæ regnis. Nec pauci vivunt in Bohemia, in Silesia complures: avitum etiam decus in Misnia, Saxoniaque sustinent. Habent suos quoque ex eadem gente Palatinatus & Marchia Brandenburgica. Habent Borussia, Livonia, Lusatia. Quid opus multis? Fœcunda adeo stirps hæc fuit, ut numerare ex ea sit sex ac xxx. generationes, ubi stemina à patre cuiusque recta per liberos deducatur. Dixerit aliquis, non solum numero, sed virtute etiam, atque adeo hac una imprimis, æstimari familias oportere. Quis sanus hoc in dubium vocet? Sed Dhonæ quoque ad classẽ eorum pertinent, qui ut numerosi, ita virtute dignitateque sint conspicui. Quippe recensere ex ijs possumus duos & viginti, qui superiori omnes sæculo, atque eodem prope tempore, in aulis Cæsarum, Regum, Principum, magna virtutis adorea, pace belloque vixerint, ac provincijs functi sunt oppidò illustribus. Diffiteri equidem haut convenit, migrationes genrium tenebris esse non exiguis involutas, quoniam rari omnino sunt, qui familiarum tabulas consignent, quod in quavis gente phylarchorum foret. Nihilominus annalibus, quibus Borussia res gestæ recluduntur, proditum videmus, jam ante trecentos annos Burggraviorum quandam Dhonanum Falckenberga cum Principe aliquo Silesio venisse in Prussiam, ac copias auxiliares magno adduxisse numero, ad res Equitum Teutonicorum stabiliendas. Ac ille quidem, utcumque honorificentissima persistendi copia daretur, tamen, rebus ita ferentibus, ad Silesios suos postmodo est reversus. Aliter vero Stanislaus, avus Fabiani paternus, qui in Borussia se suaque irastulit, jam annis supra seculum septuaginta. Sed enim adversus tam multa, quæ de prisca Dhonanæ gentis origine, ac tot & tam præclaris Fabiani majoribus diximus, videor nonnullos, præsertim quibus non eadem divinitus felicitas obtigit, jamdudum audire dicentes, è calâ etiam prodijisse sæpe rerum maximarum capaces, & dominos,

*Hieron. Megist.
in præfat. Ord.
Equisit.*

*Caspar. Schut.
in Chron. Præst.*

*Silvestrem montana torum quæ straverat uxor
Fronidibus, & culmo, vicinarumque ferarum
Pellibus:*

*Juvénal.
Sat. vi.*

ut est virtutis genius omnibus amicus, dum ipsi amicas virtuti manus porrigere velint. Quod Romanorum etiam Imperatorum exempla testantur: quippe quæ argumento sint,

*Summos posse viros, & magna exempla daturos
Verecun in patria, crassoque sub ære nasci.*

Id. Sat. x.

Ita traditum est. Maximinum in Thraciæ montibus pavisse oves, Pupienum natum è fabro ferrario, Philippum Arabem fuisse latronum ductorem, Aurelium

num falces manibus ac ligonem versasse, Valentem cum fratre funariam exercuisse, Justinianum subulco editum: quæ si quis nesciat, antiquitatis se totius rudem atque imperitum fateatur, necesse est. Verum enimvero ut hæc singula in confesso sint, tamen illud simul tum ratio arguit, tum omnis ævi memoria, & usus evincit, tum Scripturæ ipsius divinitus inspiratæ firmat autoritas, eximium esse Dei atque naturæ beneficium, si una eademque familia inoffenso dignitatis gradu seculis duret plurimis. Nempe longo tempore observatum, & communi jam præstantissimorum hominum opinione receptum est, familiarum illultrium conversiones incidere solere in abnepotibus, vel trinepotibus: ultra vero quintam generationem si eatur, [Ottomanicos Imperatores excipio] offerre se plurimum tempora, quibus parentum dignitas & gloria, vel omnis sit immutata, atque eversa, vel saltem præ fortuna priori, tum nomine jejuna atque arida, tum viribus mutila ac manca. Imperium Germanicum quas non Cæsarearum familiarum conversiones ac vicissitudines sensit? In Ludovico IV. trinepote Caroli Magni, exspiravit Cæsarea Carolinæ stirpis Majestas. Transiit inde ad Saxones. Ab his ad Francos: sed exitum sortita est in primi ex illis Imperatoris abnepote, Henrico Claudio. Nec dissimilis fuit fortuna Francorum. Nam in primi ex ijs Conradi Saliqui abnepote Henrico quinto, familia Francica, & cum ea Imperium desijt. Delatum inde est ad Suevos: atque excessu Conradi quarti, qui quintus ab origine erat, iterum fuit ablatum. In familia Lucenburgica quartus à prima fuit ultimus. Atque intermedijs horum temporibus hæc etiam inconstantiam experta est domus Austriaca. Quamobrem in clara illud luce positum videtur, siqua familia per tot secula vividam vim conservavit, animique virtutem quasi in posteros transmissit, inter rara illud monumenta divinæ & gratiæ & providentiæ referri oportere. Ad tantum paterni stigmatis decus accessit, quod mater Fabiano coelitus obigenit, non qualis Eteocli & Polynici, sed placida, morata, prudens: in qua vestigia matronalis venustatis quasi exempli instar elucerent. Catharina ei nomen, ac vere erat *ut dicitur*: pura quippe ob morum pudicitiam, ac si reliquis etiam virtutes spectemus, puras assidue in cælum manus sustollens: quo nullum sacrificium Deo, aut preciosius esse, aut odoratius potest. Genus illa suum ducebat à Zemoniorum gente: quæ vel nominis celebritate, vel virtutis præstantia, haut alteri cesserit. Filia erat natu maxima Achatij, viri generosi ac strenui, Senatoris incliti in regno Poloniz, Palatini Mariæburgi: quæ ex familia tribus uno eodemque tempore Senatoribus regnum Poloniz gaudebat. Hæc uxor secunda, vere secunda, Fabiani patri Petro obtigit. Cujus ille amore potissimum exarserat, non oculorum captus aucupio, quibus contemplari licet exterior forme decus, cæci & illud conspicuum, ac laudatissimum heroïne foret: neque dote inescatus, quam manibus involare avide adeo gestiunt multi; licet eadem ab hac etiam parte fuerit felicissima: sed prudenti aurium judicio usus, quibus nihil nisi cælum atque eximium de ea cognoscere erat: quippe paucis ex ijs una,

Lalem. New-
gebaw. in præ-
fat. lib. de
lymb. vir. illust.

desu.

— De quæis mentiri fama verecui.

Felix Fabianus hac matre; felix ejus pater hac conjuge; quæ magnis quidem, ut dixi, in divitijs erat; verum divitias illi peperit longe potiores, sobolem, inquam,

quam, præstantissimam, eamque potissimum masculam. Quæ res eo optatior fuit, quia, quam ex illustri Baronum Eilenburgiorum familia tori sociam adsciverat prius, ea absque liberis decessisset. Nempe Catharina Zemla, quicquid ex priori sterilitate damni foret, id omne largo fecunditatis lucro compensavit. Ita consuevit Deus, non nostro prolubio, sed arbitratu suo, sapientissimus juxta & optimus promus, liberos dare; idem certe quicquid adversum hæc arguentur aut sciloli, aut importuni, idem, inquam, triplicem clavem, regni cœlorum, pluviz, matricis prolificæ, uni sibi reservavit. Hanc ergo postquam resignavit Catharinæ

Gentis humanæ pater atque custos,

Horat.

edidit illa octonos partus, foemellam unam, reliquos mares: quorum Fabianus natu minimus, rebus aliquamdiu etiam interfuit humanis, posteaquam terris excessissent cæteri, immortalis jam nominis sui gloria per omnem prope orbem relicta. Primogenito nomen Achatio erat. Qui emortuali ipso Lutheri anno Itudijs operam navabat Witebergæ. Postea Maximiliani Cæsaris aulam, castraque adversus Turcam secutus est. Legationem quoque ad Stephanum Bathorium, Poloniæ Regem, feudi Prussici gratia, feliciter obiit. Adhæc idem ob prudentiam facundiamque singularem, in gravissimis patriæ causis, nomine Ducis Borussiae, Spiram ad comitia Imperij missus fuit. Atque eo tempore jam auctus erat liberis tredecim, de quibus ipsis inferius quædam honoris ergo adferemus. Proximus natu ab Achatio fuit Henricus: qui pietate insigni, nec sine gloria, annos aliquamultos in aula vixit Sigismundi Augusti, Poloniæ regis. Sub ejusdem auspicijs merens, equites milenos duxit: ac res maximas prudenter feliciterque gessit. Itaque & virtutis summæ ergo, feudo præclaro donatus in Livonia fuit. Tantus vir ductu Ernesti Weyeri ad Pernaviam militans, ut raro magnæ virtuti fortuna semper favet, globo in pede trajectus, pulcrum per vulnera mortem oppetijt. Fuerunt ex eodem satu Fridericus atque Christophorus, viri pace belloque illustres: quorum ille quanto semper in pretio habitus sit, indicio erit, quod & præfectus fuit militiæ Galliarum regis, & Marefchallus Regiæ in Dania aulæ, & in bello contra Suecos, equitum Dux cum summa castrorum potestate. Alter autem, Christophorus Burggravius, literis pariter ac prudentia & amnis summus erat. Unde non decoris minus Academiæ attulit Witebergensi, quam illi Academia dedit, quum, Prorectore magno Melanchthone, supremus ejus rector foret. Idem clolo Lxx Vexillifer erat Rolshusij, Hassiæ Marefchalli, qui equitum turmas Condæo & Collinio auxiliares duxit. Atque idem Regi Daniæ à consilijs: inque expeditione Danica contra Suecos, post Ranzovij mortem, supremus fuit copiarum ductor. Utriusque hujus Dhonavi monumenta videre est in Daniæ regno: ubi tanta cum laude summas gesserant dignitates, ut vere ijs convenerit, quod veteri verbo dici solet, virum potestate atque imperio ostendi. Albertum adhuc impuberem, sed nihil vulgare spirantem, immatura mors sustulit. Ab eo proximus Abrahamus erat, qui memorabili illi prælio interfuit, quod in Gallijs ad Monconturium est commissum: atque, ut manu erat promptus, ac mente alacris, præclare admodum in eo se gessit: sed (heu vanæ spes mortalium!) paullo post maligna lue correptus diem obiit supremum, longæque à patria in urbe Tarraconeusi conditorium.

*Gals. En. in
Hist. Dan.*

rium suum fortitus est. Johannes, quem ad aulicæ vitæ mores, sed cum innocentia conjunctos, ipsius quasi Naturæ digiti formabant, se illustrissimo suo Principi Holfatæ, in cujus etiam terris extremum exhalavit spiritum, maximopere semper comprobavit, cum pietate eximia, tum prudentia rationeque vitæ mirabili ad laudem, ac prope singulari. Sophia filia, præcipuum matris delictum, nupsit Illustri Jacobo, Sacri Romani Imperij Dapifero hæreditario, & Baroni Walpurgensi, supremo Ducatus Prussiæ magistro: viro dignitate quidem maximo, sed natalium splendore longe majori. Siquidem generis originem ab antiquissimis Sueviæ Ducibus trahit, ac antiqua reservat insignia Conradini ejus, qui relictum à patre Conrado IV. Inip. Siciliæ regnum armis repetens, captus, atque impulfore Clemente IV. foedè est interemtus. Huic inclyta adeo profapia fato, Sophia in spem generis atque virtutis parentum, liberos peperit complures: qui ex tam præclaro seminio fecundam omnigenis virtutibus messem pollicentur. Venio nunc ad Fabianum, liberorum natu minimum, qui orbatus caris tot fratribus, superfuit denique solus: ut de eo tum non immerito usurpatori potuerit, quod Regina Latij lacrymans Iulo acclamabat:

Virgil. 10.
Æn.

— In te omnis domus inclinata recumbit.

Quo magis, tacito quasi naturæ imperio, jubebatur avitæ domus, &c

Idem. 4. Georg.

— generis lapsi sarcire ruinas.

Atque ille (ut ab incunabulis ipsi ordiar)

Anson. epist. 3.

Nutricis inter lemmata,
Lalique somniferos modos,

videbatur jam pro ætacula illa edere futuræ expectationis signa. Verum ô infelicem Fabianum! Si enim potiori loco æstimandum est bene educari, quam bene nasci, quod alterum hominem efficit duntaxat, alterum pericit: quis non generosissimi pueri doleat vicem? qui sesquiannum agens, cum vix didicisset, ut ait ille,

Virgil.
Eclog. 4.

— risu cognoscere patrem:

cf. Id. Lii.
cf. Id. Lvii.

parentem amittit, atque ita præclaræ institutionis beneficio misere excidit. Ea grandis adeo jactura aucta est postea, ubi & dulcissima mater in arce Morungia decessit, cum Fabianus jam septennis foret. Nisi forte damnum hoc reparatum putemus succedanea insignium amitarum pietate, Annæ & Barbaræ, quas nemo unquam satis laudaverit: tum fideli etiam tutorum cura, ac cognatorum & propinquorum industria; qui personam patris prope singuli induentes, pupillum, arcte adeo sibi conjunctum, sylvescere neutiquam siverunt. Et magis magisque videbat ipse, quemadmodum in scena pueros ridemus cothurnatos, aliorum exuvijs ornatos, vicini agrum jactantes: ita suum non esse

Juvén. Sat. 10.

alienæ incumbere fame:

sed

sed potius sibi connitendum esse, quo virtute propria dives pulcherque, ac maioribus non dissimilis haberetur : ceteroquin fore,

Ut collapsæ ruant subditiis tellæ columnis.

Idem.

MDLX.

Facillimum ergo se præbuit à primis, quod Græci dicunt, unguiculis, in pietatis, virtutis, doctrinæ tyrocinio. Atque omnem de se expectationem sustinebat approbè, imò subinde nova augebat industria, uti antea inter complexus generosæ matris, ita tum in egregiorum tutorum oculis, sanctoque sororum contubernio. Jamque mediam attigerat pueritiam, cum publicam in scholam mittebatur, quæ erat Torunij, urbe non mercatura tantum florente, sed ob civium quoque optimorum, quorundam etiam doctrina celebrium, tum humanitatem, tum prudentiam, magnum nomen consecuta. Illic cum Catechesi Christiana ad solidam pietatem etiam studia imbibebat literarum. Jamque novennis aliquam sibi Latini sermonis facultatem comparaverat: Polonici vero ea ætula gnarus adeo erat, ut natus in illa gente videretur. Eo ex ludo literario, honorifico ornatus testimonio, Regiomontum in aulam est arcessitus ab Alberto Brandeburgico, primo Borussiae ducè: neque alio id fine, quam ut cum Alberto Friderico filio, & viginti alijs ex nobilitate pueris, inter Musarum congressus adficeret, Ephoro morum Jacobo Suerinio Pythopæo, optimo studiorum moderatore. Nec caruit hoc institutum successu felici. Tantum enim aberrat, ut licentia cum aulica corrumperet (quæ alioqui ejusmodi in locis insidiari juventuti solet) ut potius ad incrementa doctrinæ adjecerit, cum civilitatis in moribus culturam, tum prudentiam annis majorem. Confirmatus in tantum, cum potuisset sine ulteriori mora, vel sagum induere, vel suscipere aliquam in aula provinciam, atque in ea ætatem agere; volebat tamen inter se, sibi que desponsas Musas, divortium fieri; quoniam, neque temere profecto, sic in animum induxerat, equo se, stragulis frenisque aureis exornato, sine literis similem fore: quod scitum Socrates de divite quopiam indocto usurpaverat. Dhonus igitur cum Christophoro Nostitio, Friderico & Alberto Ganscis, Pauloque Crugèrio abijt Argentoratum, eamque sibi deligit nutricem bonæ mentis, Athenarum illustre, quodque inde ab incunabulis suis, ab annis nempe octoginta, & quod excurrit, à magna juventutis parte, eaque ex præcipua nobilitate variarum nationum, quam plurimis videlicet Baronibus, Comitibus, Ducibus; Principibus, hodieque frequentetur. Vix in urbe pedem posuerat, cum de familijs totis peltentis fidere affatus, morboque late indices grassante, cognoscit. Ergo recipere se cogit Francofurtum ad Mœnum. Verum ubi lucus eâ defecerat non parum, revenit Argentoratum; ac quadriennio toto præceptores audiit doctrinæ præcellentis, nec minoris industris. Quos inter duxit familiam duo præstantissimi viri, Conradus Dalypodius, Mathematicus eximius, & Joannes Sturmius, communis ea ætate literarum in Germania parens, ac præclare imprimis meritis de studijs eloquentiæ. Luculentam hic eruditionis suppellectilem sibi peperit: qua instructus Witebergam migravit cum Alberto Friderico, & Wolfgango Werndorffijs. Atque hos reliqua etiam vita habuit conjunctissimos, ut præ cæteris durabiles sunt amicitia, quas scholæ consultius sanxit, Werndorffiorum quoque sororem unicam Barbaram Fabiani frater Achatius

Hhh

uxorqm

uxorem postea duxit. Wolfgangus vero Werndorffius, rara vir pietate & comitate, non modo fidelem, cum occasio posceret, patriæ navavit operam; sed supremam etiam Burgravium in ea dignitatem cum laude obtinuit. Gliscentibus hinc certaminibus Theologorum, quæ Jacobus Andræ Smidlinus infelicitè cuderat, vix ibi annum exegit. Haussit nihilominus tantum ex ore hominum celeberrimorum, quantum necesse haberet scire magna olim gesturus, vitæque, non scholæ, victurus. Attigerat jam annum ætatis secundum ultra vigesimum; nec ingenium tantum liberalissimis expoliverat scientijs; sed iudicium quoque ad delectum rerum, ad actiones moderandas, ad tractandos homines, usu atque experientia firmaverat. Tot invidendæ dotes ne æruginè inficerentur, uti multis evenit adolescentibus, quorum fructus expectatus in flore, imò in lactescente herba, disperit: Dhonanus cum ipsè Werndorffius animum ad peregrinandi studium applicuit. Delecta primo omnium Italia fuit, olim terrarum alumna eadem, & parens. Placere præ cæteris Patavinæ urbis

Georg. Fabric.
in itinere Patavino.

— triplici circumdata muro
Tecta, & Medoacum flumen, notique penates
Euganei, culti loca nobilitata Lycei.

Loca, ubi

Cæs. Scal. in
urb.

Regna vides Veneto Phrygijs majora ruinis,
Atticæque à Patavo pectore terra sapit.

Placuit urbs illa tot Comitibus ac Ducibus inclyta, cui

Silius lib. 12.

Sirenum dedit una suam & memorabile nomen
Parthenope.

Placuit

Georg. Fabric.
in itinere Patavino.

— altis monstrans Florentia turres,
Hetruscis caput in populis, pulcherrima rerum.

Placuit Liguriæ caput, Genua, quæ intra sese palatia nobilissima complectitur, atque adeo ad se pertraxit

Cæs. Scaliger
in urb.

Ditis opes Asiæ, & claros Orientis honores.

Romam quoque visit, non amore novæ hujus, sed reverentia in præcæm illam; cuius vestigia licet aliquot appareant locis, verè tamen Romam in ipsa Roma quaerimus; nostroque sæculo, ut dici solet,

111.

Qui miserranda videt veteris vestigia Romæ,
Ille potest merito dicere, Roma fuit.

Ita vero cadebant sortes Dhonani, quæ coelitus cuivis obtingunt, ut, sesquianno circiter in Italia exacto, redeundum in patriam foret. Ac redijt quidem ille, quemad-

quemadmodum digressos ex convivio, ubi blanda Musicorum modorum titillatio aures aliquamdiu permulserit, haut facile harmoniæ illius oblivio subit: ita grave erat, annis vernantibus, carcere ea regione, cujus genius arridere, semel visus esset. Denuo igitur iter in Italiam fecit, & quos priori professione non ceperat fructus, hos altera illa consecutus est tanto uberiores ac præstantiores. Frequens erat in alloquijs Italorum, non illis è vulgo, sed quibus finxisset

— de meliore Into præcordia Titan.

Journal.

Neque ab ijs Germanorum abhorruit, quos tum temporis eadem Italia hospitio suo accepisset. Præcipue autem usus est contubernio vel familiaritate eorum, qui virtutem maximè complexarentur, quosque ab hac ipsa ad fummos postea honores evectos vidit. Horum in numero fuit Melchior Rhederius, Baro Silesius, inclutus postmodo tot victorijs, quas de Turcis reportavit. Utebatur etiam fraternum in modum Philippo Mornæo, Pleisiaci Domino, arte juxta ac Marte celebrato: cujus de religione tot libros aureos immortale decus consequetur. In delicijs quoque erat Jacobus Monavius, Patricius Uratislaviensis, quem totius itineris Italici comitem habuit, vir præclari nominis, ac natus plane ad amicitias frequenti literarum commercio non conservandas modo, sed etiam augendas. Utebatur multum in eadem Italia Michaelæ Slavata, Barone Bohemo; cujus contubernio & comitatu plurimum capiebatur ob suavissimam ejus indolem, quæ familiæ huic quasi propria est. Percharum quoque habebat, adibat, sectabatur, Georgium Ludovicum Huttenium, Equirum Francorum decus & jubar; qui antiquissimæ familiæ dignitate varijs maximisque virtutibus adæquabat. Nec exiguo apud eum in pretio videre erat Wolfgangum Zundelinum, Principibus Germaniæ carum caput, virum totis tribus lustris in Italia versatum; qui rerum gravissimarum momenta eâ Venere, ijs expromebat Gratijs, ut dubium relinqueret, plusne ornamenti accederet rebus à dictione ejus lectissima, an orationi ponderis foret à rerum gravitate. Hujus quoque contubernio usum quandoque Dhonanum accepimus: quandoque & Baronum Lichtensteiniörum; quos partim Moravia nunc habet, partim Austria. Amicos inibi colebat Philippum Sidnæum, Angliæ sidus præfulgidum, & Hubertum Languetum, virum multiplici cruditione, ac præclara rerum cognitione, & experientia præstantissimum. Exstant epistolæ, amicitiae hujus documenta & indices, quæ jam prodire in vulgus, nihil minus quam vulgari elegantia exarata. Et miramur Dhonaviu indies egregia cepisse sapientiæ incrementa, qui ingenio ipse plurimum polleteret, & his talibus tantisque viris, familiarissime uteretur? Hippocratiden legimus, cum obviam forte veniret adolescentulo, qui propter comitem suum erubesceret, castigasse cum his verbis, Cum illis ambulandum foret, quibuscum conspectus colorem non mutares. Nempe, præterquam quod hominum turpium convictu mores inficiantur, probum etiam atque ignominiam inde referimus. Contra vero sapientum bonorumque commercium honori nobis esse solet: ac familiaritas eorum haut aliter virtutem animis nostris instillat, ac diutius hærentibus in tabernis unguentarijs vestis exterior odore loci imbui solet. Non dum exsatiata Dhonano peregrinandi cupiditas erat: neque enim pauxillo potu magna fallitur sitis. Ergo dum studium

*Platarchus in
Apoph. Lac.*

hoc, & nobilior sanguis, circa cor fervet, per Taurinorum montes ad Gallos abit, atque Allobroges. Geneviam ut venit, urbem vetustissimam juxta, ac rerum omnium uberrimam, unica ei cura fuit proficiendi amplius tum in negotio scissæ adeo misere religionis, tum in iusti & æqui sapientia. Alterum percipere licebat ex V. Cl. Theodoro Beza; alterum consequebatur à Francisco Hotoimanno, ex antiqua & nobili Ottomannorum familia apud Silesios oriundo, Jurispræto eximio, atque undecunque doctissimo. Poterat jam Fabianus cum quovis sui ordinis, atque ætatis, ijs etiam, qui varia sibi doctrina nomen aliquod parassent, in certamen venire de laurea eruditionis. Atque idem, non præclare modo ac graviter de rebus maximis diserebat: sed etiam animi sui sensa sermone promebat eleganti ac facundo; neque id tantum gentis suæ lingua; sed sive Italice, sive Gallice, sive Latine, verba essent facienda. Ude Polonica fileam, quam cum vernacula, ut diximus, prima conjunxerat pueritia. Veniebat tum ei in mentem, patriam sibi non modo ortus nostri, sed vitæ universæ partem vindicare: eoque nihil turpius fore, quam si usque adeo dulcesceret peregrinatio, ut patria videtur amarior. Appropinquante itaque ætatis quarto septenario, quem censoria inter tempora accensere solent, commodum ei accidit, ut comitibus Joanne Jacobo Trucheseo, Joanne Tettavio, Balthasare Gansio, Ludovico Rautero, Bernhardo Ludolpho, Seulenburgo, diversa susceperet itinera, actandem in Germaniam rediret, statum imperij Romani paulo penitus cogniturus. Quam ad rem opportunum erat occasio, quia eodem tempore Ratisbonæ Maximilianus Cæsar, mississimi animi Princeps, ultima celebrans comitia, ad ecclestiæ Dei Sanctorumque societatem, ipso Maximiliani die commigrarat. Interfuit Dhonanus cunctis splendide atque auguste; in quo non modo Rudolphum patrijs virtutibus, regnis atque imperijs succedere vidit, ac publicos actus diligenter observavit: sed privatim quoque conversatus est cum viris præstantissimis, qui omnes credenti Fabiani ingenio, famæque surgenti favebant maxime. Conciliabat sibi amicitiam Ludovici, Comitris Witgenstenij, Archipalatini Legati, pji, docti, fortis, sapientis: per quem primus ei aditus ad Palatinam aulam factus fuit. Compellabat frequenter Lazarum Zwendium, Equitem Suevum, consilio, vigilantia, fortitudine, disciplinaque militari, inclytum, Turcarum in Hungaria terrorem. Hicronymum vero Baumgartnerum, patricium Noricum, ardentem adeo amore prosequeretur, ut ægre avelli posset à viro ejus sapientiæ, tantæ auctoritatis atque eruditionis, nec in rebus modo Reip. patriæ, sed in præcipuis quoque Romani Imperij negotijs longe versatissimo. Neque minore ibidem affectu complectebatur insigne par virorum, Georgium Carlevicum, & Andream Pauli; illum in aula Cæsaris, interque Bohemos, summa ut dignitate, ita prudentia: hunc multis legationibus, Germanicis, Polonicis, Italicis, pietate, ingenio, arte, iudicio clarissimum, Electori Saxonie charissimum. Hubertum, denique Languetum Burgundum dici non potest, quanto loco habuerit: quoniam in eo versissimè, teste magno veracique viro, imo ipso seculo teste, cum pietate doctrina, cum conscientia scientia, cum natura ars, cum disciplina denique rerum usus certabat. Ab hoc viro nunquam se Dhonanus abijisse professus est, quin vel doctior, vel melior rediret. Ex his omnibus cum alia didicist Dhonanus, tum imprimis arcana Reip. pace belloque profutura. Noverat autem

*Camérat, in vlt-
ta Atlancht.
Dhorneus in
præfat. de vltis.
Relig. Christi.*

jam in ætate illa singularem artem, tota deinceps vita ab eo exercitam, qua reconditi sapientiæ thesauri à viris præclaris, quasi carmine ac veneficio eliciuntur. Ea cujuscumque fuerit non defugiam referre: sed prius veniam mihi dari postulo, si cui minus placuerit, dum id ago, virum summum cum mutis animantibus conferri: quod tamen non facio sine magnis exemplis. Tarantus animal Scythicum est, magnitudine bovis, capite simile cervo, unguis bifidis, villis magnitudine ursi, atque ubi sui est coloris, asini simile, cæterum, ut aiunt, omnium arborum, fructum, florum locorumque, in quibus latitat, colorem pilis præsentans: unde capi facile, aut internosci à venatoribus nequit. Dhonanus tarantum nobis, sed laudabili instituto, imitabatur. Etsi enim tot excellentia ingenij dona facile cum cordatiori cuilibet commendarent: tamen aliunde etiam præsidium quærens, summa se animi solertia accommodabat præstantissimi cujuscumque moribus: imo suavi quadam comitate & modestia, velut virtutis condimento, tanto se gratiorem omnibus reddebat; quanto singuli eorum, quos coleret, genium illius suo similiorum putarent. Hoc nempe est philtrum, hoc fascinum; sed liberale, sed honestatis plenum: cui etiam gravissimus quisque longe melius, quam ad leves amores, aptare possit illud Poetæ,

Aristot.
del Scythianon
αὐτοῦ τοῦ.

Theophrastus in
fragmento de
ijs, quæ colo-
rem mutant.
Plin. lib. 8.

6. 34.

— *ut amicus amabilis esto.*

Ovid. lib. 2.
de arte amandi.

Ac postea quoque Fabianus maximum ex artificio hoc fructum cepit, cum in aula Cæsaris versaretur. Quippe hanc quoque (ut incredibili tenebatur amore arcana quæque imperiorum penetrandi,) non adeundam modo, sed pernoscendam sibi judicavit. Iter huc secundo Danubio insituit cum Johanne Brexnerio, Hulderico Ronspergio, & Joanne Kreckwicio. Viennam cum venisset, nihil sibi prius vel antiquius duxit, quam ut penitus perspicere prima Rudolphi Cæsaris auspicia. Quod ut facilius consequeretur, diem clabi nullum patiebatur, quin adiret & audiret præstantissimos gravissimi Cæsaris Consiliarios ac Palatinos. Ex eorum numero etsi familiaris esset præclaro heroi, Wolfgango ab Entzendorf, illustri item Rogendorfio, & Puchainijs non unis: facile tamen principem locum tenebat Baro Harrachius: qui, supra quam dici potest, auctoritate sapientiaque ijs temporibus florebat. Quod si Suada hujus tam fuisset efficax, quam laboriosa, ac sollicita: citra dubium Dhonanus tunc magnificis ornatus donis palatia Otthomannica petijisset ad inducias cum Turcarum Imperatore recens initas novi Cæsaris Rodolphi Augusti nomine faciendas. Sed quantopere cum accendebat cupiditas gratificandi Cæsari, & nihil pene ignorandi ardor: tantum ex adverso deterrebat, partim accisa res domestica, & magnitudo sumtuum in tam longo itinere, atque ea pompa apud populum barbarum, ac tam insolentis fastus: partim occultus quidam ingenij stimulus, qui semper incitabat, ut ne tam externo inter infidèles solo, quam in patria, atque inter Christianos, egregias animi sui dotes, tanquam in mercatu amplissimo explicaret. Nec multo post præclari hujus voti sui factus est compos, libatis quasi præmijis in Palatinatu: ubi, Langueto imprimis auctore suaeorque, in familiam se dedit sapientissimi, & ad religionem pietatemque fortiter tuendam devotissimi Principis, Joannis Casimiri, Comitis Palatini, Bavariae Ducis. Nec distiter, dispendium percepisse non usque adeo lautum: attamen ejuscumodi id erat, ut sufficeret homini aequo, ac præsentis sorte contento. Hæbit hic Fabianus,

fi

si usquam, amplissimam palæstram exserendi mirandas ingenij vires. Nam hisce temporibus, ita postulante tristissimo Ecclesiæ statu, instituerat Casimirus geminam profectionem; priorē in Belgicam, auxilij gratia, eodem anno, quo ab Archiduce Matthia Batavorum atque aliorum fœderatæ Belgicæ populorum patrocinium acceperat: posteriore anno sequenti in Angliam, ad reginam Elizabetham, quo de communi religionis causa consilium caperetur. Ultrobi-que Dhonanus quantum prudentia valeret, luculente comprobavit. Patrono enim suo, cui assidue latus claudebat, nusquam non felicem allucebat consilij faciem, vere

Pauli. Meliss.
in Epigram.

Archipalatini magnus Atlantis Atlas:

ut suavissimus olim Melissus de illo cecinit. Atque idem nihilominus cum Musis Martem, cum Pallade Bellonaque Gratias ipsas rara mixtura temperabat. Multa tum observabat novus consiliarius, quæ si recensere voluisset (ita ipse aiebat, qui nihil minus, quam gloriosulus sui jactator erat) commentariis fuisset opus: quippe talia omnino, ut eorum, qui res illorum temporum consignassent, aut prodita, aut cognita essent nemini. Eveniebat tunc, quod fieri aijunt, tum in pyrite gemma, quæ attritu ignem projectat: tum in aromatibus, quæ frictu odoriferum & suavissimum odorem diffundunt. Similiter enim è Dhonano res herois sui tractante, & ignea ingenij vis facile relucebat: & fragrantissimæ virtutis indicia undique se exercebant. Tanta ejuserat, & in fuscipiendis negotiis dexteritas, & in tractandis fides, & in perficiendis felicitas. Vitio quidem fatui seculi fit, ut nullum pene magnum ingenium pretio suo æstimeretur. Dhonanus tamen maximi semper Casimirus fecit: imo, ne indotata abiret virtus, aule cum suæ Marschallum constituit: oratorem præterea legavit ad præcipuos Romani imperij proceres. Ille vero, ut amore facile omnes sibi devinxit, ita dignam quoque se, suoque principe, gloriam est consecutus. Temporibus hisce in vicino Borussia, patriæ suæ, solo, bellum obortum est Moscoviticum: cum Stephanus Bathorius, Poloniae Rex fortissimus, Wiclocolucam, urbem amplissimam & emporium celeberrimum, atque omnem circumjacentem ditionem, ademisset Magno Duci, Joanni Basilidi. Existimabat tum Dhonanus (ut mentes generosæ intentæ esse solent ad rerum magnarum occasiones) in campo illo Martio sibi etiam relictam esse virtutis suæ segetem, unde non aspernanda gloriæ messis colligi posset. Quare non cessavit, usque dum, occasione captata, ab illustrissimo Principe suo Casimiro, veniam militatum eundi adversus Moscovitas exorasset, vicissim tamen stipulante ab eo Principe, ut simulac locis istis debellatum esset, in Palatinatum reverteretur. Abigitur cum bono Deo Viali Stephano operam sane quam strenuam navat in expeditione Polocensi & Pitichuriana, commilitio usus, perinde atque olim contubernio, egregij Baronum paris, Rhederij, & Ketlerij. In obsidione vero Plefcoviz, urbis in Russia amplissimæ, variarum gentium commercijs florentissimæ, ita se suumque pectus dura inter pericula crebro opposuit hosti, jam ictu lapidis percussus, jam inter tela & incursantium arma hostium medius, ut, absque singulari Dei præsidio fuisset, sæpius nulla fuerit ratio, aut via, præsentanea mortis pericula evitandi. Sed ut à veteri Poeta Furio dictum fuit,

Histor. Huius-
denstiniij
Polon. & Mos-
cov.

Anno
MDLxxxi.

— Virefcit

— *Virescit vulnere virtus.*

Propter hæc gratiam insignem à Rege augustissimo reportavit. Nam & magnopere laudatus ab illo, & in potissima deinceps nobilitatis parte habitus est. Quod si post summi Regis iudicium, & aliorum commendatio requiritur: ut nihil dicam de Heidensteini libro publicitus existente, etiam præclare laudari meruit ore viri Illustrissimi, Joannis Semoscij: quo nescio, ullumne majoris sapientię, eloquentię, & fortitudinis, cælum Sarmaticum dederit. Quare optimo jure sibi gratulabatur Fabianus, quod tani commoda occasione, conciliasset sibi amicitiam tanti viri. Tandem pace inter Stephanum & Moscum sancita arbitrio Antonij Posservini, Legati Pontificij, redit in Palatinatum Dhonanus, lætus etiam hoc nomine, quod priusquam reverteretur, in castris, se præsentē, mandato Regio religionis libertas toti futura Polonia promulgaretur. Redux autem eo sereniori vultu exceptus est à Principe suo Casimiro, quo ille propinquiore bello implicaretur. Postquam enim Gebhardus Truchsesius, Archiepiscopus Colonienſis & Septemvir, uxorem duxisset Hagen Mansfeldiam; ac subditis quoque suis liberum religionis exercitium permisisset: utrumque hoc visum est & Cæsari, & Pontifici Romano, non Capitolino tantum fulmine, sed armis quoque vindicandum. Casimirus igitur Evangelicę veritatis imperterritus defensor, Truchsesium contra milites Papales atque Iberos auxiliari exercitio defendendum sibi putavit. Quod bellum priusquam impetuosi exarsceret, Burggravius Dhonanus primo quidem legatus abiit ad Cæsarem, Saxonem, Brandenburgicum, Anhaltinos Principes, periclitaturus, an pacifice negotium omne transigi posset. Qua spe frustratus, provinciam superioris Mareschalli eodem bello suscepit, majori etiam accessione laudis sustinuit, deposuit denique, cum militem exauctoratum, Casimiri loco in Palatinatum post fratris obitum revocati, honorifice demisisset. Quanquam Dhonanus haud semel deploravit, quod tota illa causa, neque prudenter per nonnullos acta sit, neque pie fatis, paucis adeo exstantibus signis zeli atque timoris divini, unde favor cœlestis exspectari potuisset. Observatum etiam à viro principe, memorięque proditum est, cum imperij proceres Evangelici de juvanda Archiepiscopi causa consultassent, Saxonem Augustum, & Joannem Georgium Brandenburgicum, Septemviros, & una cum ijs procerum alios convenisse: elabi tum diem unum, alterum; accudi inde alium, iterumque alium, nec effici tantillum. Tandem ex conclavi moestum exiisse venerandum senem, Joannem Georgium, genas lacrymis irrigantem. Rogatum, quid tantam animo ægritudinem afferret, causam hanc attulisse, quod videret Augustum, atque alios, hac una de causa auxilia Gebhardo denegare, quia non Augustanam ac Lutheranorum, sed Reformatorum de controversiis religionis capitibus sententiam amplecteretur. Sed tristem illius temporum memoriam refrico pene invitus. Ad Dhonanum redeo: quem deinceps honos undique alius atque alius excipiebat, etſi eum non adfectaret. Nempe is more crocodili non nisi fugientem sequitur. Tanto autem plus oneris in se recipiebat Dhonanus, quanto majori gloria ethoresceret. Veniebat in mentem duorum Imp̃p. Pertinacis & Severi, quorum hic tribuno assignatur symbolum, *Laboremus*: ille ad imperium adſcitus, *Militet* in *Seviro*.

Plutarch.

Ælius Spart.

MIUS

mus dari iusserat. Utrumque Dhonanus conjunxerat, ut dubium fiat, bellone, an pace, plus laboris exantlaverit. Impiger erat ad quævis: ille meditari ea atque exequi, quibus in Palatinatu constitueretur Ecclesiastica disciplina: ille laborare de exigendo fidelitatis juramento à populo: ille dies noctesque cogitare de cæteris, quæ nova Casimiri administratio requirebat: in quibus omnibus ita versabatur, ut salutem Reipubl. supremam sibi legem esse, abunde comprobaret. Nimirum videbat, quemadmodum gubernatori cursus secundus, medico bona valetudo, Imperatori victoria semper propolita est: ita principi cordato ob oculos usque esse debere beatam civium vitam: omniaque ejus consilia eo esse dirigenda, ut Respubl. sit opibus firma, copiis locuples, gloriæ ampla, & quod familiam ducit, virtute honesta, religioneque sancta. Atque in hæc incirco potissimum incubuit pius princeps. Cæterum nobile hoc ac sanctum Casimiri studium in medio quasi curriculo sustaminare multi conabantur. Neque id tam aperta vi, quam maledicentiæ, calumniæque spiculis: quibus subditos clanculum erga optimum Principem concitabant. Ille vero, cum Dei populi que amantissimus foret, obsecratores istos suis permittebat furis ulciscendos: ut in quos redire soleant verborum aculei, perinde atque telum, ubi in parietem densum ac solidum impeerit. Pergebat ergo in propaganda cœlesti veritate, de qua plane in animo persuasus erat. Ac ne frigidius opus Domini curaretur, multum accendebatur exemplis Moyse & Davidis, & Josaphati, & Ezechie, & Josie: quibus nihil æque cordi fuit, quam ut Dei Opt. Max. causam bona fide tutarentur, atque idola & quicquid falorum Deorum cultui inferiret, radicitus evellerent. Nec fraudari tamen laude sua debent, qui præclarum Principem in tantis negotiis consilio atque opera assidue adjutarent. Qualis erat Petrus Beutrichius Muntisbeliardensis, magnanimus militum ductor, jam diu ad sedes beatorum relatus. Abrahamus item Colbingerus, qui adhuc in vivis est: imo victurus est semper pietate, doctrina, beneficiis, quæ totis xxx. annis, & quod excurrit, in Palatinatum contulit. Familiam vero inter consiliarios ducbat Dhonanus: cujus & colloquijs frequenter Casimirus, & subacto judicio recreatus plurimum fuit. Atque hæc sancta Dhonani opera ita nota erat omnibus, ut propterea à Daniele Tossano, præstanti Theologo, & alijs in vincina Domini sedulo operantibus, Ecclesiæ ac totius Reipubl. decus appellaretur. Neque hæc verba viris illis in ore solum natabant: sed eadem, quoties occasio foret, literis consignare non verebantur: uti *avryxepa* indicia sunt, quæ in Dhonani supersunt Bibliotheca. Talibus viris in consilijs capiendis Casimirus utebatur. Principem vere beatum, qui licet per se sapiat, suæ tamen præditi opinioni: verum cogitat id, quod res tantis, quantas ille jamdiu animo conceperat, magnis adminiculis indigere. Quam tumida enim dixerim, an stulta (utrumque vere dixerim) Xerxis est oratio, qui Græciæ bellum inducturus, adhibitis Asiæ Principibus: *Ne videret, inquit, meo tantummodo usus consilio, vos contraxi: Verum mementote, parendum vobis potius, quam suadendum esse.* Quorsum hæc ejus: evalit arrogantia? Nimirum idem ille postmodo amissis prope undecies centenis hominum millibus, solus, omni etiam servorum ministerio carens, cymba piscatoria salutis suæ consulere est coactus. Quanto fuit modestior, addo & felicior, M. Antonius Pius Imperator? qui nihil vel in civibus egit,

Tacit. lib. 3.
& 12. Annal.

Herod. lib. 7.
Valer. lib. 9.
cap. 5.
Justin. lib. 2.

Idem Justinus
& Tribellius
Pollis in vita
Claudij.

egit, vel ad rem militarem pertinentibus, de quo non prius cum Scævola, Volusio, Metiano, Ulpiano, Marcello, alijs summis viris contulisset? Quam ob causam à quopiam opinatore reprehensus, quod nimio plus tribueret familiarium consilijs: *Quanto, inquit, equius est, me tot ac talium amicorum attendere consilia, quam ut tot talesque amici, meam unius sententiam, voluntatemque sequantur!* Ne ultra à Dhonano abeam, ille Casimiro in oculis, in animo, in ore semper erat, eo cumprimis tempore, quo in Gallia Mars intonabat undique, ac Guisantis furor ferrum & ignem adversus Evangelicos spirans, etiam sacratissimo Regis capiti insidias struere non exhorresceret. Hæc rerum facies impellebat Henricum Navarræum, ut ope operaque præstantium aliquot virorum, atque inter eos, Harlæi Monglaffij, ac Jacobi imprimis Pardiliani, Dynastæ Segurini, auxilia posceret à Friderico, Daniæ Rege; item Christiano Saxone, & Joanne Georgio Brandeburgico, Electoribus: quod in conventu factum Lunæburgensi. Nec eo contentus, Casimirum quoque, & Germaniæ Principes alios, suis quemque terris sollicitabat. Neque irritæ hæc Regis Legationes fuere. Quin tanto lætiori cum lubentia auxilia ei decernebantur: quanto in deliberationibus illis, magis magisque perspicere erat, causam Navarreni regis divino esse humanoque jure subnixam: communemque Ecclesiæ causam communibus etiam consilijs, studijs, atque armis, debere vindicari. Colliguntur igitur, abjecta omni cunctatione, octo millia Germanorum equitum: peditum ex iisdem, & viciniis fœderatis Evangelicis, xx. millia. Jamque omnium cogitationes in unum hoc intentæ erant, quem maximo & fortissimo exercitui præfici oporteret. Satis constabat, exigi aliquem, qui & arma tractare, & armorum jura didicisset; qualem Alphonsus Arrago requirebat: quique non solum præsentia intueretur, sed præterita etiam meminisset, futuraque prospiceret, videlicet à tergo juxta, ac à fronte oculos gestans: qui denique non deesset fortunæ præbenti sc, sed oblato casu ad consilium eam flecteret. Illustres adeo animi dotes clare relucebant in Fabiano Dhonano: quem iccirco Casimirus, ut princeps optimus, ita judex ingeniorum longe sagacissimus, toti huic exercitui summo cum imperio præesse jussit. Provincia hæc erat sane per se amplissima, cum tot hominum millia ab unius judicio starent aut caderent: Dhonano vero eo illustrior, quod Robertus Boullionij Dux, & Martianus Comes frater, quos supremos exercitus sui Imperatores Navarrenus dixerat, virtutem & fortitudinem Dhonani in rebus bene gerendis summo sibi præsidio esse non animo modo agnoscerent, sed verbis factisque testarentur. Hic mihi inaudire videor non paucos, qui ut gloriæ Dhonanæ frigidam suffundant, hanc ejus expeditionem vituperent, Baronemque legiones reddere jubeant. Nimirum cantharides, vel tritico maxime læto, vel rolis fragrantissimis insident, non mellificij gratia, quod apiculæ factitant; sed ut malignum exsugant succum, quo se nutrant, alios lædant. Eodem modo homines lividi florentissimo loco positos maxime petunt:

— ante oculos illum esse potentem,
 Illum ad spectari, claro qui incedit honore:
 Ipsi se in tenebris volvi canoque queruntur.

Materan. lib. 5.

Thuanus hist.
lib. 87.Panormit. le
dist. & fact.Libellus Gallicus.
Plin. lib.
11. c. 35.

Lucet. lib. 3.

Nec propterea inficias iero, haudquaquam eadem prosperitate consilia in hoc bello

*Ithuanus lib. 27.**Ibidem.**Dionys. Halicarnass. lib. 9.**Agath. lib. 3.*

bello successisse Dhonano, qua ille prudentia omnia ad stateram rectæ rationis expenderat: vel quanta etiam tide ac magnanimitate rem gerebat. Verum enimvero nihil illud decerpit de summa vel auctoritate ejus, vel fortitudine: ne istud quidem, quod ad Vimorium obscura nocte pugna utrinque haut incruenta cum Meduano, Guilij fratre, congregiens ferro ab eo est sauciatus. Neque enim in milite vulnera, aut cicatrices, dummodo parte appareant antica, pro corporis dehonestamenti duci debent: sed potius pro mutis, ac illultribus signis animi generosi, nullaque vel præsentanea pericula, atque adeo nec mortem ipsam pro bono publico extimescentis. Quamquam Dhonanum quidem multis nominibus Meduano fortiorem liceat æstimare: quoniam noster ille ne galeatus quidem pugnam capeſſebat; hic capite undique munitus probe: ille sclopeti minoris ictum in galeæ ima buccula Meduano infixit, ac tantum non eum humi prostravit; hic ita ense Dhonanum petivit, ut tantummodo frontis cutem strinxerit. Quod ipsum non absque magno certissimoque omine crediderim contigisse. Qua enim nocte, credo etiam, quo temporis puncto, Duces ambo infectis armis concurrerunt, effigies Fabiani in arce Morungiana, quæ illi apud Borussos gentilitia erat, operi intestino affixa eodem frontis loco dehiscerebat, quo leviter ille vulnerabatur, quasi vulnus domini tanta loci intercapedine diffiti manifesta rima indicatum iret. Equidem haut inter ariolos nomen profiteor meum: neque auspicioꝝ vanitatem ex Tagetis disciplina repetere visum: attamen probe intelligo ac scio, etiam in rebus inanibus Deum effereꝝ quandoque signa sua, quibus vel de præsentibus homines, vel futuris, modo attendere non refugiant, reddat certiores. Verum erunt fortasse nonnulli adeo virulenti pectoris, ut cordatissimum virum propterea obscæna non cessent lingua traducere, quod in tumultuaria pugna, hostibus haud incruenta, vigilia Beati Martini ad Almetum bis mille homines, lixis ipsis, & calonibus annumeratis, amiserit. Quasi, pro minus longe alium hæc eventum sortirentur, per Dhonanum steteris, qui profecto unum servare civem, quam mille hostes perdere maluisset. Cujus vero tantus est stupor, cujus animus adeo brutus vel hospes in rebus humanis, ut nesciat, incertum esse Martis aleam, fortunam ancipitem? Aderant Dhonano omnia, quæ virtus ipsa ab duce sapienti ac strenuo postularet: summa in eo fides, invictum animi robur. Aliter si esset, non adeo multi fortitudinem Dhonani in hac ipsa expeditione Gallica prædicarent. Eosque inter Hortomannus in suis ad Casimirum literis, vir omnium eorum, quæ ijs temporibus contigere in Gallijs, scientissimus. Quare nobis satis est, quod boni Ducis munia impleverit Dhonanus. Successum vero ubique felicem præstare, vel etiam polliceri, id vero longissime exuperat fortem mortalium. Nec enim Duces bellici Deum habent sponsoꝝ vite omnium eorum, qui pugnam committunt: quemadmodum nec imperium capeſſituri verbis jurant conceptis, fore, ut hostes universos ad interuiccionem cadant, de suis amittant neminem. Quin contra, ut Spurius Servilius, graviter disſerit, magna facinora magna comitantur pericula. Quamobrem si coelum terræ, divina humanis miscere nolumus, illud profecto fateamur necesse est, quod bella recipiunt in utramque partem momenta repentina vicesque alternas. Quod ideo fieri putamus, quoniam hæc omnium maxima xime à divina quadam & superna necessitate pendent. Atque ut à cœlestibus paulum oculos avertamus, inque ea solum intueamur, quæ sunt ante pedes: sane sic quoque

que à Dhonano repellere tela, quæ contra eum intorquent, facillimum est. Nam quis est tam cæcus, ut non videat, aut quis exigui adeo pudoris, ut negare audeat, frustra esse omnem Imperatoris operam, nihil ejus consilium valere, nihil fidem, prudentiamque, siquando illi, quos rerum gerendarum ex officio & consocios penes se habet & socios, effraetis verecundiæ repagulis perdidit huius; *Thuan. lib. 87. hist.* ac hosti, quæ tacenda erant, scelerosa malitia patefaciunt? Talem in sinu serpentem fovisse creditur Dhonanus. Præcipue autem culpari solet pararius atque interpret ejus Michael Hugueerius: et si nec desint, qui crimine eum liberarint, coque inter Dux ipse copiarum Castilionæus, magni Casparis Castilionæi filius. Nec Dhonanus de eo inclementer loqui solet. Verum longe alia aliorum mens: qui à Carolo Lotharingæ Duce, corruptum prædicabant: ut auctor est illustis atque incomparabilis seculo nostro historicus: qui & Hugueerium hunc olim se puero pædagogicam fecisse ait, hominemque præfractæ vocat impudentiæ. Quæ sancti ita sunt, ut vulgo magnis auctoribus ferebatur, quid abditi adeo atque occulti consilij capere poterat Dhonanus, quod non hosti continuo fieret palam? Virione autem id vertetur innocenti duci, si alius auro bene onustus, quo fortissimæ etiam arces occupantur, ita strabones fecerit Imperatoris adflectas, aut consiliarios, ut colabfactatis animis, omnis ijs pereat fides? Atqui ille, quem aiebam, Hugueerius inter tales creditur tenuisse primas. Quid præterea de Scolari dicam? qui Alnetensem quandam arcem à Buchagij Cornite obtinebat. Hic Dhonano data fide receperat, nihil se hostile contra Germanos milites facturum. At post habitum cum Guilio colloquium, magna ab eo pecuniæ vi pervictus, liberum per arcem ingressum hostibus permittit: atque ita sublesta fide latissimam aperuit portam, unde strages illa Martiniana ingenti Ducis dolore edita fuit. Imprimis autem, quod Dhonanus ipse dictitabat, fons caputque omnium malorum erant dissidentes animi non paucorum, qui vel sub imperio Dhonani militarent, vel sua cum illo arma conjungere debu-erant: cum quorum pervicacia conflictandum ei non minus, quam cum hoste fuit. Quo in loco quoties se constitutum videt Imperator, utcumque difficile putetur canes ad venandum ducere invitos; longe tamen difficilior est ad præliandum immorigeros cogere milites. Sed quid multis opus? cum Dhonani innocentia satis cognoscatur ex ipsa rerum gestarum serie, quam ut copiose, ita sapienter, vir summus Thuanus exposuit. Qui & clarissimis verbis, non Dhonani, sed aliena tum culpa esse peccatum, disertim affirmat. Atque idem alijs etiam indicijs cognoscimus. Illo imprimis, quod Henricus Navarraeus de Fabiano non fuerit conquestus; sed honorifice semper judicium tulerit, ac Alnetensem cladem, pene cuius potius, quam Dhonano imputarit. Quin idem sapientissimus rex, postea etiam literis & gravissime & amicitissime perscriptis, abunde testatus fuit, nihil libi Dhonana virtute amabilius, nihil meritis ejus esse jucundius acceptiusque. Cumque idem militi Germano stipendia persolveret, Fabianum, supra quam dicere possum, honeste ac liberaliter habuit imo usque adeo locupletavit, ut facultates ille suas Henrico potissimum acceptas serens, poculis aliquot argenteis, titulum hunc, *Deo & Regi Gallie*, velut perenne Gratiæ monumentum, inculpi curavit. Neque Rex tantus hæc amoris sui facies in occulto tulit. Quin in conspectu omnium elucere eas voluit, etiam biennio ante, quam patricidiali infandi hominis scelere, tanto bonorum omnium dolore, tolleretur.

anno MDCviii.

leretur. Siquidem in Meaufia ad mensam stipatus virorum Principum corona, simulatque Christophorum Dhonæum, Fabiani fratris filium, conspicatus fuit; proximioribus recedere iussit, manu cum humanissime apprehendit, continuo patrum illius laudibus exivit, posteaque ad Meduanum in horto sermonem convertens, Hem tibi, ait, nepotem Baronis Dhonani, qui patri tuo frontem obvertere masculam Vinorrina in pugna ausus erat. Nimirum ipse Meduanus, quod inter parentalia extare publicus voluere ejus posteris, non aliunde perennem se gloriam æque percepturum putavit, quam quod cum Barone Dhonano, supremo militiæ Duce, de vita sibi dimicare contigisset. Quadriennio etiam post expeditionem priorem, cum ex Germanis auxiliariis Christianus, Anhaltinus Princeps florentissimus, florentissimum exercitum, qui octo millibus equitum, peditum sex millibus constaret, in Galliam contra Hispanos, & fastidiosos deduceret Gallos, idem tum sibi Dhonanum cataphractorum adscivit duces: imo honores, quos olim fuerat consecutus, etiam ampliavit. Gravis erat Casimiro hic Fabiani discessus. Una esse amantes volunt. Itaque cum proxime diribitorio, mense Augusto, mutuo sibi valedicerent: alter cum lacrymis verba utcumque faciebat, uberiori alter fletu sermonem fidebat. Postquam in Gallias venerat Dhonanus, humanissime ab Henrico Rege ad consilia vocabatur, solus nonnunquam, sæpius cum Principe Anhaltino, Hohenloio, Buchioque. Nec minus crebro cum amice Rex compellabat, quam obvium videret: ex quo facile penselit, & quanti à tanto fieret Rege, & quantopere ab eo amaretur. Quæ & ipsa arguunt, nihil in Alnetensi pugna à Dhonano secius fuisse actum, quam oporteret. Peccatum fuisse quis neget? Sed nihil iniquius, quam ut, quod dici solet, Æmilium peccet, plectatur Rutilus. Omnis enim aliena isthæ culpa erat, quemadmodum ante præeunte Thuano diximus. Sed ipsum potius audiamus: *Mille equites, ait, conducebantur à Fabiano Dhonavis Regulo, qui auxiliaris exercitus ante quinquennium adducti Imperator fuerat: neque infra se putabat Tribunus per se emendare, quod summus belli Dux aliena culpa peccaverat.* Sensit tum etiam Dhonanus coram, quam gratus foret magnanimo illi Bironio, quam amicus Duci Bovillionæo, generosissimo heroi. Familiariter quoque utebatur Castilionæo, magni Colignij Admiralij magno filio: qui & ipse olim literis ad Casimirum datis testatus erat, Dhonanum tota expeditione sua fecisse officium prudentissimi fortissimique ducis. Profecto si verum amamus, perpetuus ille tantorum heroum affectus, ac judicium præclarum, clare ostendunt, quid de malevolis quibusdam sit judicandum. Nimirum ita reputo, rem ipsam pro Dhonano loqui, ac evanescere nebulas obtrektorum, quoties nos ad hunc veritatis solem convertimus. Proclive admodum est reprehendere, ac quasi cornibus incurfare in facinora militaria; quæ cum præ alijs omnibus omnem pene in partem trahi possint, facile in argumentum rapiuntur sequioris famæ. Verum enimvero, si res pensetur re, ratio cum ratione decertet, si adfectus ponatur judicij corruptor: non difficulter Veritas, quæ Saturni Temporisque filia perhibetur, in apertum proferri solet. Ut in hujusmodi etiam rebus Poetæ illud habeat locum:

— *Quis enim celaverit ignem,
Lumine qui semper proditur ipse suo ?*

*Ovid. Epist.
Pavidi ad
Hel.*

Gallus igitur ille, qui nomen dissimulans, (etsi ne sic quidem ignoretur) ex-
istimationi Dhonani palam insidias struit, viri sane egregij nomen poterat obti-
nere, nisi alienis insultare laudibus maluisset : nunc cum dente Theonino fa-
mam tanti viri arrodit, sane ex hoc mustacco nec ipse, nec ijs moribus quis-
quam, aliud quam vilem admodum bonisque indignam laureolam referet. Quæ
enim hæc perversa indoles ? quis genius malus ? cum, quicum coram, atque
aperta fronte congregi non ausis, sparsis à tergo probris contaminare velle ?

*Plin. lib. 8.
cap. 15.*

Nempe tales animali bonaso similes videntur : quod cum cornibus inutiliter
implexis lædere non possit, finium fugiens reddit, cujus contactus insequentes,
ut ignis aliquis, comburere solet. Nec impune tulit obrectator, quem Fabia-
nus emissa in publicum apologia, atque id tum Germanico, tum Latino ser-
mone, abunde confutavit. Simul enim, & ad edendum nomen scriptorem
eum provocavit, & famæ suæ decus adversus illum præstitit illasum. Quare
inter elegia Dhonani hoc sane esto, quod, incassum fremente invidia, magni à
maximo quoque fiat. Imo si Fabius olim, qui bello Punico II. restituisse rem
Romanis creditus est, Maximi cognomen jure optimo retulit : non minori jure
Fabianus noster, quem non una in re Maximo illo majorem res esse docet, vel
Maximus, vel Magnus, ob tot inclytas laudes dici meretur. Atque hoc magis
parebit, si cæteram etiam historiam ejus persequamur. Nam cœpit tandem
Dhonianus vitæ reliquæ rationes ad pacem referre : idque imprimis in Curia,
atque Sanctiori Areopago Casimiri : à quo Principe, dum vita mansit, segre-
gari non potuit, heliotropij similis, quod solem suum sequitur. Illo autem
fatis jam functo, ne sic quidem Palatinatu, altera quippe patria, discedendum
putavit : sed Friderico IV. Electori Serenissimo, operas item suas pari fide, nec
dispari dicavit industria. Quanto autem & tum fuerit loco, primum illud ar-
gumento erit, quod in supremo Senatu fuerit primus, qui consilium diceret.
Tum illud sane magnum, quod quoties Serenissimus Septemvir Heidelbergæ
abesset, Fabianus Legati & Proelectoris munere fungi soleat : quemadmodum
& antea, imperante Casimiro, factum erat : præsertim cum ad Christianum,
Saxonæ Electorem, abiisset. At quanta ille tum documenta præclari dedit con-
siliarij : Sanè apertissime ostendit, se non Principis tantum, sed principatus
quoque amicum esse. Atque idem in Cornitijs Imperij Ratisbonæ ter principes
legationis Archipalatina, Electoris locum magna cum auctoritate sustinuit.
Præterea ejus nomine, solemnî ritu summa cum dignitate feudum Electorale de
manu accepit Rudolphi Cæsaris Augusti. Prudentissime etiam consuluit de
pecunijs in usum bellicum parandis, deque ratione tota, ac via, qua quam diu-
tissime ac felicissime bellum inferri Turcis posset. Obviam præterea ivit per-
niciosa eorum machinationi, qui cum aliud agere videri vellent, dolose interea
tendiculas ponerent Evangelicis. Egregijs hæc Fabiani virtutibus impulsus
Fridericus, non modo cum amore prosequabatur incredibili : sed dignum quo-
que æstimavit, qui filium suum Ludovicum Philippum Christiano ritu ex sacro
levaret fonte : quo honore quoque ipsum Casimirus adsecratur, cum in baptismo,
Dorotheæ

*Anno Cl.
1545.*

Dorotheæ, filia suæ unicæ, sanctæ hujusce initiationis arbitrum ac testem advocaret. Nempe uterque illustrissimus Princeps, cum liberos suos Ecclesiæ Dei inferi vellet, non nisi probæ notæ sponsores, ac sub Christi vexillo in iisdem secum castris militantes, adfiscendum sibi putavit. Ad ista accedit, quod vel maxime ab eo nobile illud, ac necessarium consilium promanaret, atque in exsequendo etiam potissime propemodum ejus partes fuerint, quando una cum Christiano Anhaltino, Pro-principe Palatinatus Superioris, & Joanne Nassovio, ac Ottone Solmenli, ratio inita est tuendi adversus hostes Palatinatum universum; decretumque propterea factum fuit, ut subditi omnes ita in pace assuescerent tractare arma, ut ne demum, cum bello omnia arderent, ejus gerendi modum discere cogerentur. Faces hanc ad rem subiciebat metus non obscurus ab Admiralio Aragoniæ, qui cum Hispanico exercitu, gentilitia dominandi libidine, in vicinam irruisset Westphaliæ, nihil non impotens, crudele, dirum, ijs in terris perpetrabat. Brevi vero temporis spatio tantum Dhanonus bellicis hifce exercitijs profecit, ut deinceps, quot in Palatinatu rusticos conspiceres, milites totidem obduci hostibus possent. Et tamen cum hoc negotium primum suscipere, multum aulicorum dictarijs vapulabat: prout fieri auiat in rebus novis, præsertim si consilia vel maxime conducibilia, ab homine extero sint præfecta: longe etiam magis, si eadem cum incommodo aliquo fuerint conjuncta. Rarus enim è vulgo reperias, qui æquò ferant animo, quod vel sumtus, vel labores, pro salute publica fufferre cogantur. Videlicet capitale est Reipubl. malum, Mei, Tui, pertinax studium. Neque in laboribus solum talis erat Dhanonus: sed in laxamento etiam eluxit, quod amares. Quippe siquid à negotijs publicis remittere animum liceret; non ignobili marcescebat otio, non voluptatum colliquecebat illecebris; sed amicis utebatur partim illustrissimi generis, partim alijs eximij viris, ac potissimum literatis, quorum in Palatinatu semper, provida Principum cura, quasi miti Zephyro, proventus fuit uberrimus. Magnopere cum in admirationem sui rapiebat Ludovici, Comitis Witgenstenij, illibata pietas, & comis prudentia. Alliciebat ad se Joannis Alberti, Comitis Solmenlis, primarij aula præfecti, spectata Principi ac Patriæ fides constantiaque cum eximio Dei timore conjuncta. Maximum etiam amorem sui concitabat Ottonis Gunradij in rebus Ecclesiasticis; Joannis Christophori à Grun in Politicis, accurata atque indefessa sedulitas: Cancellarij Ehemij perspicax literis usque doctrina: Volradi à Plessen, ingenio, disciplinis liberalibus, & multijuga rerum scientia, qua pace, qua bello utilium, penitus firmata dextertitas: Hippolyti à Collibus undecumque docta sapientia, & facilitas incomparabilis: Marquardi Freheri recondita antiqui juris, morisque scientia: Lingelhemij amoenissima doctrinarum ubertas: Ludovicieriam Camerarij multijuga eruditio, & multis adeo legationibus perpolitia in cunctis, quæ ad Remp. spectant, copia & facultas. Grati acceptique Neostadij, & Heidelbergi erant, Hieronymus Zanchius, Zacharias Ursinus, Franciscus Junius, Daniel Tossanus, David Paræus, Bartholomæus Pitiscus, Joannes Salmutus, Abrahamus Scultetus, Theologi omnes doctrina & vitæ sanctimonia celebres. Conversabatur ibidem cum viris alijs doctrina excellentibus, Dionysio Gothofredo, Joanne Posthio, Julio Pacio, Jano Grutero, Paulo Melisso: ac quos locorum intercapedine distitos coram oculis usurpare non poterat, literis adibat, considebat,

con-

compellabat familiariter: uti Christophorum Herdesianum Noribergæ, Witebergæ, Lipliæ: itidem Noribergæ Casparum Peucerum, & Camerarios patrem, filios, nepotes: Jacobum Grynæum Basileæ: Dominicum Lanovium in Gallia, uti & Sadeelm, & reliquos ejus terræ Theologos. Quique præterea literis, quocunque caelo, incluauissent, eos impense amabat, honorabat, beneficijs ornabat. Nobile facinus, nobilitas literis ab homine militari rite æstimari. Nam quod ille de bonis principibus, sed meo quidem judicio non sine veritatis excessu, aiebat, id nos de bellatoribus dicere verius poterimus: Omnes eos belli duces uni annulo inscribi posse, qui & bello valeant, & literis addicti literatos autem: plerosque austeros esse, &, ut de milite Ennius loquitur, horridos: quippe à mitissimis Musis, earumque cultoribus, alienos. At non in Dhonano fulgentissimam illam sapientiam, atque humanissimam comitatem, vel studia Martia, vel militum mores, extinguere potuerunt. Vicissim nec tantus erga eruditos amor ejus, impedire, vel imminuere etiam potuit præclarum, quod eum magnatibus, ac veluti majorum gentium dijs, literarum commercium erat. Quale ei assiduum pene intercessit cum Casimiro Bavaro, Guiljelmo Landgravio Hassiæ, Christiano Anhaltino Principe, Bovillonæo Duce, cum Coliguo Admirali filio, cum Leschinio Palatino Breslensi in Polonia, viro ut stemmata antiquo, ita prudentia ac bellica gloria florentissimo: addo etiam cum Fridrico Palatino Septemviro, à quo toties ex Borussia intima per Electoralis aulæ curforem literis excitus fuit, quoties arduis in rebus, quod sæpius eveniebat, tanti viri consilio atque opera indigeret. Sed quid sunt res mortalium? Inter tot curas aulæ, bellorum molestias, totiusque adeo variabilis vitæ fluctus decumanos, quemadmodum herbas crescere non sentimus, sed crevisse: ita illi non intellecta obrepit senectus. Cogitabat ergo aulæ se subducere; non laboribus, non publico bono. Diogenes cuidam monenti, ut jam senex de diligentia non nihil remitteret: Quid, inquit, si in studio currerem, utrum oporteret jam metæ vicinum inhibere cursum, an eum magis intendere? Scita sane, &, ut cum poetis ita dicam, cedro digna oratio. Sane judicium etiam suum ex Philosophi hujus mente formare visus est Dhonanus, qui Palatinatui quidem valedixit, anno ætatis quarto supra quinquagesimum, atque ad Borussos in possessiones avitas se contulit: attamen, ut dixi, non mollis otij causa, quemadmodum fieri solet: verum ut, quemadmodum sperabat, suus magis factus, sic quoque, sed via alia, publico & amicis utilis, transigeret reliquum vitæ: quod annorum septendecim divina benignitate postea superfluit. Ac non paucis quidem in Borussia Dhonani adventus erat instar benigni sideris amicum atque exoptatum lumen supra terras recens efferentis. Sed erant ex adverso, qui quemvis potius videre exoptarent, quam heroem illum, de quo nunc omnis sermo est nobis. Amabat nempe eum cordatissimus quisque, ac nemo non, qui studeret

*Diag. Latr.
lib. 6.*

— *Sanctus haberi
Justitiæque tenax sacris dictisque.*

Juvenal.

Atque ex spectatissimo eorum numero primum facile locum vindicat sibi Joachimus Fridericus, Elector Brandenburgicus, Princeps Borussiae. Movebat eum, quod videret esse in hoc viro summa omnia, quæ in egregrum cadere consiliarium possint;

Tacit. Annal.
lib. 1.

Manut. in vita
Cosmi mag. Duc.
Electi.

possint; eaque jam corroborata non mediocriter senectute ipsa; quæ non adeo in canitie venerandi capitis, quam in mente sapientissima relucebat. Quamobrem utebatur eo, cum alias, tum domi imprimis in rebus sanctioribus: in quibus ille non cum fortuna Principis tantopere, quam cum Principe ipso loquebatur. Hæc cum cum magis & magis commendarent; primum quidem, nihil tale cogitans, præfectus est Insterburgo; inde autem Tapiaviæ: & quasi nulla dignitas foret, quæ non summis ejus virtutibus ac meritis deberetur; supremus non multo post in consilio Borussiae Burgravius constitutus fuit. Nimirum idem ei obtigit, ac Joanni Medico, parenti Cosmi, qui patris patriæ cognomen meruit. Quemadmodum enim magnopere illi datum est laudi, quod nullas quidem dignitates appetierit; sed consecutus fuerit maximas: ita longe ab herois hujus pectore exulabat ambitiosa munerum sitis: honores tamen sponte oblatos, ne peccaret in Deum vocantem, & Principem eos conferentem, minime repudiabat. In hoc autem supremo patriæ munere, quoties ingrediebatur curiam, ipso in limine exuebat odium in adversarios, gratiam erga amicos, pervicaciam animi, quæ ex amore proprio originem trahit: ac verbo, ut dicam, privatos affectus omnes, vere fascinatores justitiæ, deponebat: avaritiam etiam, bonas artes subvertentem, procul habebat; ad ea vero se, suaque referebat consilia, quæ Dei cultum spectarent, & commoda Reip. imprimis quæ facerent ad impediendos conatus seditiosorum civium. Incidebat enim hæc jam ingravescens Dhonani ætas in tempora Reip. turbulenta: dum homines fastidiosi, nec æquis oculis statum adspicientes præsentem, noctem offundere rebus cogitant, ut facilius omnia miscerent. Sed consilia eorum disturbavit ipse Regum Rex: qui primum potentissimo Poloniæ Regi, ac deinde Electori Brandenburgico, prudentiam summam & animos maximos inspiravit. Eo factum, ut Dhonanus non mentem modo bene consciam servaret: sed etiam gratiam Principis, & honorum incrementa, pro præmio referret. Nam ab eo tempore magis & magis Dhonanum amplexus est Elector Joachimus Fridericus Brandenburgicus. Nec alia mens fuit filio Joanni Sigismundo. Denique eandem insitere viam nepos Georgius Guilhelmus, qui nunc (atque id multis feliciter duret annis) rerum potitur. Et profecto tribus heroibus illis, quod præ alijs consilia hujusce Nestoris in causa Borussiae secuti sint, non jucundum minus, quam utile postmodo fuit. Imo extant hodieque literæ ejus, qui intimus Secretissimo Poloniæ Regi cubicularius fuit. Iis disertum continetur, præclaris Dhonani consilij maxime acceptum ferri oportere, quod feudum Ducatus Borussiae anno 1610. obtigerit Electori Joanni Sigismundo; uti etiam, quod quinquennio ante penes laudatissimæ memoriæ parentem honor fuerit administrandæ ejusce provinciae. Ut nequiquam sit mirandum, si ea res Dhonano tantum & favoris pepererit, & fructus. Quantum præterea gloriæ attulit eidem, quod cum in domo sua Karwindana, cui ab tanto domino semper decus erit, etiam viri Principes, quasi consulturi oraculum, visere dignarentur. Ab novatoribus vero quid ei repositum fuerit, nequiquam est in obscuro. Nimirum haud aliter, ac quando quis ignobilis canem sed mordacem, lapide petere, tutelæ gratia, necesse habet ille projecta involat ac mordet, jacentem adoriri minime ausit: similiter isti, cum adversus Principem recta insurgere haut sustinerent, magno impetu aggrediebantur Dhonanum: cujus virtutem angue

gue pejus odissent. Atque ab eo fonte erat, quod assiduo conquirerent tela, quæ in eum mitterent. Sed quoniam illa fortiter clidebantur Dhonana virtute, & innocentia, itum est ad invidiosum illud convitium, ut religionis corruptæ insimularetur, qui tota eam vita ab Romanæ Ecclesiæ erroribus puram ilibatamque fuerat professus. Nempe ita hominum mos est. Semper in ore ijs natat præclarum religionis nomen: navigant quippe (largiatur hoc mihi de suo Alcibius) in mari verborum; & hoc lenocinio, partim magna Reipublicæ mala arcessunt, partim in odium adducunt viros probos, de quibus mutato nomine dicere vetus illud solent, *Bonus vir Caius Scius: sed malus tantum, quod Christianus.* Atque hæc jacula, magna felicitate ab se dispulit Dhonanus. Quid mirum? Stabat aperte pro eo causæ bonitas. Unde & Sere- nissimo Poloniæ Regi gravissimæ ac iustissimæ causæ erant, cur eum benigne adeo tueretur. Tum temporis etiam confessionem Fidei suæ scripto comprehensam, & in lucem editam, non amicis tantum, sed magistratui quoque, & Regi ipsi, offerendam curavit. Tantum vero abfuit, ut dignitate pristina spoliaretur, ut illi Rex eam decreto publico firmarit: atque adeo manu propria decreti verba aliquot in Dhonani gratiam partim correxerit, partim liquidius exposuerit. Sed adversarii sic quoque

*Æschin. Orat.
cont. Ctesiph.*

*Apud Terentium,
in Apolog.
cap. 4.*

———— *Fervescere sanguis & ira,
Scintillare oculi.*

Perfius Sat. 3.

Itaque ne tanto quidem patrocínio nixum accusare destiterunt. Et quanta sane eorum fuerit cupiditas & malitia; argumento illud erit, quod postea quoque magno clamore eadem contenderent, ac sese à postulatis, & ut vocabant, gravaminibus discedere velle penitus recipere, imo nihil non in Principis se gratiam facturos sponderent: dummodo Dhonanum Burggravij dignitate, ad quam evectus erat, dejiceret. Magna, ac pene incredibilis est vehementia, atque inhumanitas ærugini rancidique pectoris. Sed quanto illi ferocius insaniebant, tanto plus laudis merebatur sapiens ac mansuetus Principis animus. Quasi æmulus fuisset Lescl Albi, Poloniæ Principis, cuius præclarum nomen nulla secula conticescent. Erat illi Palatinus Sandominiensis, Gonoricij Ravitus. Ejus & prudentia eximia, & summa in Prinipem fides, prope miraculi loco habebatur. Et tamen pravo quorundam impulsu nobilis ille Poloniæ populus, cum de Republica constituenda sollicitus regnum offerret Lesco, hanc pacificèbat conditionem, ut Gonoricus prius longe à contubernio ac consilij suis ablegaret. Tantum vero abfuit, ut impudenti huic postulato suam aggregaret Lesco sententiam, ut regnum, quàm fidum amicum, & consiliarium, repudiare mallet. Dixerim prope, idem facturum fuisse Joachimum Fredericum, si perinde principatus aliquis electione oblatus foret, non ipse jure successione in Ducatu Prussie legitimus Princeps fuisset. Quid enim ille Dhonanum destitueret, qui sciret consiliarios, quorum integritas cognita perspectaque foret, esse ad instar fidorum ac vigilum canum, qui præsidio ovibus contra luporum insidias præsto essent: his vero per imprudentiam submotis, in incerto Principes vagari, quod usque adeo multorum fraudibus & imposturis vita ipsorum, salus, majestas, atque una etiam Reipublicæ dignitas, exposita sit. Dum

Kkk ardent

ardent hæc facies livoris atque odij, Dhonanus, generosæ feræ similis, latratibus catulorum contentis, in omanda, quam nactus erat, Sparta nulli parcebat curæ aut labori; plane securus calumniarum, quas ne ulcisci quidem cogitaret: unde quotidie eum videre erat comiter & benigne versantem cum omnibus etiam pessime erga se affectis. Cogitabat nimirum, pusilli esse hominis ac miselli, ut optime Romanus sapiens monet, repetere mordentem, veluti muros & formicæ solent; ad cuiusmodi animalcula si manum admoveris, ira convertunt imbecilla, se lædi credentia, digito si attigeris. Noster vero, ut dixi, ita hæc infuper habuit, ut nihil de privata remitteret industria; sed consilio, quantum posset, labore penè magis quam posset, excubaret ac vigilaret pro Reipub. commedis. Magnam hæc voluptatem afferebant angustæ ac felices memoria Principi Joanni Sigisfundo: neque eum fugiebat, quousque

Claudian.

— Egregios invicti præmia moris.

Itaque crebro collaudabat fidem atque dexteritatem Dhonani; atque ut monificus admodum erat, dona etiam obtulit haud contemnenda: quæ ille, ut præclarus viri animus erat, quam modestissime respuit. Displicebat Principi, quod non liceret sibi grato esse, atque benefico, in hominem meritis florentem: monebat, respiciendum esse fratris filios, quos complures haberet: eorum rebus non lautissimis consulendum esse. Assentit tandem Dhonanus, quamquam invitus: nec opinor, obsecutus fuisset, nisi cum animo cogitasset suo, probro à principibus duci, & in argumentum rapi contemptus sui, si præmia, à seculo ultro oblata clientes civisque sui aspernerentur.

Dum in hoc studio Fabianus impigre decurrit, totumque adeo consumit decennium, ad eandem ætatem paulatim devenit, qua dicuntur olim

Ovid. in Fast.

— Ut juvenes ferrent suffragia soli,
Pontibus infirmos præcipitasse, senes.

Schreb. Comm.
in Polit.

Et tamen viribus animi tum quoque valebat usque adeo, ut si par ei vitæ spatium divinitus contigisset, ac Georgio Pontano, Venetorum Duci; paria cum illo, & ingenij alacritate, & acumine judicij, uti fecerat hæctenus, porro etiam fuerit facturus. Erat autem Pontanus xcvl. annorum, prudentia adeo per ætatem non collapsa, ut legatos semper ipsemet audiret, ipse responderet, nec mentis acies unquam, nisi semeltri ante obitum, sit visa hebefecere. Sed erant longe gravissima, quæ Dhonano suaderent, ut potius, jam quartum & sexagesimum ætatis annum supergressus, patria tranquillata, negotio investituræ Borussiae prope confectæ, missionem à munere publico, & aule peteret contubernio, quam ipsam à Principe, sed prope invito, impetravit. Aiebat autem Dhonanus, suas esse homini stationes, vitæque periodos: nec satis convenire, ut, qui annum vitæ lx. excessisset, diutius vel aulæ compedibus contineretur, vel Principum concluderetur ergastulis: potius pauxillum ei temporis concedi oportere, quo sarcinas colligere tandem, atque migrationem in alterum seculum parare possit. Insuper monebat, dandum esse alijs locum, quo negotia ejus quoque traherent,

Quibus

*Quibus integer avi**Sanguis inest, solidaeque suosant robore vires.**Virgil. 2. Aen.*

Quales perinde conducit senum inter subsellia ad prudentiam informari, quemadinodum juxta annosas arbores inferere novas expedit plantas, quæ in locum intereuntium succedere aliquando valeant. Rudiarius ita factus est Dhonanus: verum sic quoque in otio illo negotiosus, quoad potuit, in salutem Patriæ semper fuit, consulenti cuilibet promptus ac facilis, Principi suo maxime, tum autem Electori Palatino, erga quem animum fidelem ad extremum usque spiritum gessit. In hæc quasi solitudine frequenter Dhonano in mentem veniebat vitæ totius actus, cum primis tot legationum: quas quatuor & triginta maxima cum laude obierat. Nempe quatuor quidem ad Imperatores & consilia Imperij; tres ad reges Daniæ, atque Poloniæ; reliquas autem ad Electores, Principesque, ac magnates orbis Christiani. Consignatum illud literis habemus ad æternum Julij Cæsaris decus, collatis cum signis quinquagies cum hostibus conflixisse. Magnum & memorabile, fateor. Attamen non minus honoris tibi facundia vindicat: si vere olim Tullius,

*Platarch. in vita.**Cic. in offic.**Cedant arma togæ, concedat laurea linguæ.*

Sed Tullij versiculum hunc accipiat quisque, ut velit: dummodo fateatur, causam satis gravem afferri nullam posse, cur non ex tot legationibus Dhonani etiam nomini gloria accedat immortalis. Siquidem earissime stetit generi humano honoris ille Cæsaris: ut à quo undecies centena & nonaginta duo millia præliis consistet interemta. At Fabianus incruenta Suada ingens sibi decus paravit. Pyrrhus profecto plus Cynæ linguæ tribuebat, quam sago proprio, pluresque illum urbes oratione sua, quam se armis subegisse prædicabat. Monlucius etiam, necque immerito, tantopere prædicatur à rerum Gallicarum scriptoribus, quod decies quinquies legatus regia expedierit negotia: atque unus maxime idoneus visus sit, qui in Henrici Valelij electione apud Polonos studium atque operam omnem poneret. Quanti igitur pretij Dhonanum deputare oportebit, qui legationum numero Monlucium tanto post se reliquit intervallo? Miretur fortasse aliquis, & tacitus cum animo suo eogitet, quæ fuerint Dhonano tam raræ virtutes, quibus toties legatus multorum adeo Principum animos in suam pertraxerit sententiam. Dicam equidem, quod res est. Et à corpore, & ab animo, ei has ad res fuere dotes admirandæ. Ac primum observetur menti, quam spectabilis fuerit colore faciei ex albo purpurascens & amæno, vultu quam maxime hilari benigno serenoque, at in quo tanien gravitas ac majestas relucerent, fronte decore assurgenti, exporrecta, & supra modum liberali, carne non flaccida, & undique diffuenti, sed torosa, & solida; proceræ quoque totius corporis, erecta, nec peccante uspiam statura. Omnia videlicet membra, apta compage, cum lepore quodam quasi conspirabant. Quod si quis præclarum adeo corporis habitum, nihil magnopere ad flexanimitatem illam Suadam, conferre arbitretur: næ ille parum intelligit hominum mores. Quanto sane aliter judicabat olim M. Cato; cujus tanta fuit auctoritas, ut quæ ab eo

Kkk 2

pro-

Platarch. in
vita Catonis.

perfecta essent, pene oraculi instar haberentur. Vir tantus, cum Romani ad discordiam inter Prusiam patrem & Nicomedem filium componendam, tres in Bithyniam legassent, quorum unus caput haberet multis cicatricibus deformis; alter pedibus laboraret; quique reliquus erat, ingenio & pectoris bonis destitueretur: haud insulse in eos cavillatus, legationem istam capite, pedibus, & corde carere, aiebat. Usque adeo aliorum contemptum & ludibria incurrunt proceres, quoties oratores mittunt alios, quam ut animi dotibus, ita corporis dignitate commendabiles. Quis enim hominem foeda, distortaque forma contemplans, non mētūre incipiat, ne & in eo locum habeat poetæ illud,

Pallad. in Epi-
gram. Græc.

—— ἀληθὺς
Εἴκοσα τ' ἱστῆς σὺ φῶς ἔκτο' ἔχει.

—— Verè interioris
Extera membra animi sunt simulacra tui.

Ad hanc corporis dignitatem, potiora etiam subsidia accessere Dyonano, imprimis à moribus & facundia singulari. Præterquam enim, quod ea erat ingenij sagacitate, ut tempora captare, & arte quadam tractare animos Principum sciret: aderat eidem grata morum lenitas, aderat incredibilis in convictu sermoneque humanitas, aderant etiam in convivando non cum paribus modo, sed magnatibus quoque, ingenui sales, ac joci liberales. Quis vero nescit, crebro usu venire, ut festivo atque arguto dicto facile à viris principibus impetres, quod oratione sollicita atque anxia vix, aut nunquam, consequaris? At quanti nunc fieri debet illa

Laërtius.

Viri excellentis mente clemente edita
Submissa placide blandiloquens oratio!

Sic enim Principis sui causas tractabat, ut in oratione undique relaceret verborum splendor, & sententiarum gravitas atque ubertas: nuspiam autem migraret dignitatis vel etiam elegantiae leges: nec quicquam sese, nedum Principe suo, indignum diceret, aut faceret: gnarus videlicet ex legatorum moribus Principes plurimum æstimari. Quantum etiam praesidij inde nactum putabimus, quod octo linguis, quibus utitur Europa, pure terseque loqueretur! Inde enim illud consequabatur, ut sua ubique, non collegæ lingua, orator foret. Cæteroquin fieri videmus, ut senibus, inter cætera ætatis onera, hoc quoque ægre sit, quod externum ad sermonem, quem forte olim didicerint juvenes, sententia reddantur incepti: sive id ætatis morbo fiat, quandoquidem,

Seneca in
Oedip.

—— Prima languescit senum
Memoria, longo lassâ sublabens sinu:

sive id contingat vitio linguæ, ob ætatem fatiscentem minus jam volubilis, ac fuerat quondam. Non ita comparatum cum Dyonano erat: qui exterorum sermone, quæcunque res incidisset, de ea ut venisset, ita expedite, quamdiu vita transisset, disserere poterat ac solebat. Idem in hoc secessu, nunc hujus, nunc illius gentis

gentis oratione capiebatur: eaque etiam epistolae exarabat ad amicos alio atque alio caelo dispersas: quod ipsum ad homines eruditos Latine faciebat elegantissime. Sæpe enim per literas colloquebatur cum ijs, ut ita affectum melius recoleret, ac singularem amoris constantiam, etiam ingravescente hac ætate, testaretur. Nam nunquam ei placere, qui multas instituunt amicitias, sed mox saturati alias quarunt, virgunculis illis similes, quæ in pratis alium post alium studiorum decerpunt, semperque aridentibus novis, negligunt priores. Multum etiam Dhonanus cum amicis mortuis versabatur: quippe se in bibliothecam abdebat, quam Karwindæ domi suæ instruxerat non contemnendam. Ibi Latinus, Græcus, Gallus, Italus, Hispanus, Anglus, Polonus, Germanus, suas etiam alij delicias reperissent. Hic, quæ olim cum molestia in juventute didicerat, lætus cum fructu ruminabat; suoque exemplo fidem faciebat dicto Democriti, qui adolescentem confpicuas gnæviter libris deditum, *Euge, inquit, fili, optimum* *Maximus condidit obsonium senectuti.* Et quid profecto dulcius, quam veterum studiorum, atque adeo laboris omnis cum virtute transacti, animo tranquillo recordari? Sed utcumque Fabianum meminisse horum omnium juvaret: major tamen alia ei erat, & quasi palmaria voluptas. Quam ille universa quidem vita jam à. *Pig. 1. c. 5.* puero magnam perceperat; maximam vero ætate jam exacta capiebat; partim compellendo Deum, partim loquentem Deum audiendo: illud precibus, consequabatur, hoc sacra volumina versando. Nihil enim aliud est oratio nostra, ut præclara Hipponensis ille antistes aiebat, nisi locutio ad Deum. Eoque ut, legentibus nobis sacras literas, Deus loquitur nobiscum: ita orantes Deum, eundem alloquimur. Præclara hæc cogitatio ei obversabatur assidue: tantoque religiosius in oratorium suum se recipiebat, non illud modo, quod parietum latebris concluditur; sed longe augustius pectoris sacellum, in quo Spiritus Sanctus hoc ipsum divini cultus peragere opus solet. Quod ingressus, ut facilius precibus, seu clavi, Dei thesauros aperiret, carnis propriæ fores occludebat. Atque ut olim sacerdotes procul esse jubeant profanum vulgus: ita ille segregabat à se oscitantiam, languorem, dubitationem. Attendebat sedulo, quid Deo præsepte loqueretur: nec sua modo ei, sed etiam salutem, & laborantis patriæ, & ubique terrarum militantis Ecclesiæ, commendabat. Interea cœlestis gratia in corde, penitissimo varios excitabat motus: præcipue dolorem, ob delicta, amorum Dei, ob tot beneficia; contentum mundi, in tanta ejus vanitate; patientiam quoque in adversis, animum gratum in secundis, celestis denique patriæ desiderium, ac consequendæ ejus fiduciam. Preces hæc etiam literis commisit. Vocabat ipse Suspiria, inque morbo, atque adeo extremis ipsis, etiam prælegi jussit, ut ad ultimum usque spiritum eas meditaretur. Cumque supplicibus hisce postulatis sociabat quoque gratiarum actiones; quas & ipsas animo maxime devoto promittebat, ita ut eas manu sua consignatas reliquit. Gratias quippe agebat miseratori Deo, quod ejusmodi, ut familiæ, ita pietatis parentibus nasci dedisset: quod corpus tribuisset salubre ac firmum: quod animum esset largitus divinarum humanarumque rerum capacitatem. Singula sui membra, si singulæ essent lingue, non satis fore aiebat, ad perreversenda erga se divinx gratiæ munera. Agnoscebat etiam eximium esse Dei beneficium, quod ipse esset versatus locis, quibus sanam de D. o doctrinam, verumque ejus cultum didicisset. In felicitatis etiam parte ponebat, quod ani-

Augustin. in Psal. lxxxv.

Chrysostom. lib. 1. de orat. D. 6.

rum.

mum suum liberalibus studiis excoli contigisset: quod etiam notitia sibi ac familiaritas intercessisset cum tot præclaris viris Italiae, Galliae, Belgicae, Angliae, Helvetiae, Danicae, Poloniae, ac partis Moscoviae: quorum alij armis, alij doctrina, magnum tibi nominis decus parassent. Laudi etiam summae, ac ornamento sibi ducebat, quod in notitiam venisset Cæsarem duorum, Maximilianum & Rudolphum, quodque innotuisset tot regibus, Henrico Borbonio Galliae, Friderico secundo Danicae, Elisabethae reginae Angliae, tribus Poloniae regibus Sigismundo Augusto, Stephano Bathorio, Sigismundo tertio hodieque superstiti: ac denique Jacobo, magno magnae Britanniae monarchae, qui & per literas cum illo colloqui non gravabatur: uti nec Sigismundus Rex Poloniae: quorum autographa in bibliotheca Morungana sedulo adservantur. Prædicabat adhuc beneficia erga se tot maximorum Principum, item amicitias plurimorum genere atque dignitate aequalium. Referebat inter argumenta summae prosperitatis suae, quod adversarios suos, præcipue Gallicanae expeditionis, atque aliarum laudum obrectatores, veritate vindice, innocentia teste, applausu maximorum hominum superasset. Neque hæc in ore fuere nata, sed ex corde imo profecta: uti etiam suspiria faciebant fidem. Præterea, quo devotum Deo animum vehementius excitaret, ad harmoniam illam, qua Claudius Gaudimelus odas Davidis concinnavit, nunc Gallicam Maroti Bezæque paraphrasin, nunc Teutonicam Lobwasseri, modulari gaudebat: quod antea quoque, etiam inter medios armorum strepitum, facere consuevit. Hæc illa est solida pietatis indoles, quæ suum ubique agit sabbatum, nulloque non loco pectus pro Ecclesia sollicitum habet. Sancto huic excremento Fabianus præmittebat subinde velut promullidem, semperque quasi opiparum condimentum subjungebat, lectionem S. Scripturæ: cujus sensum, divina inspiratione adjutus, conferendo loca similia accurate simabatur. Adhibebat una sanioris mentis interpretes: alios etiam præstantium Theologorum libellos assidueolvebat. Quo studio usque adeo locupletaverat capacissimum illud ingenium suum, ut non modo prudentissime disserteret de omnibus, quæ vel ad capita fidei, vel ad vitam ac mores pertinerent: sed arduas quasque religionis controversias enodare dilucide sapienterque posset. Quanquam hoc solitariae vitæ, & senectutis studio non tam disputationibus vacabat, quam iis legendis, & meditando, quæ incentivum aliquod adderent ad virtutes Christiano homine dignas. Atque hoc nomine in pretio illi erat, quem de beata morte libellum Germanico sermone in lucem protulit Toffianus. Cui sociabat scripta Melancthonis ac Calvinii; aliorum item lucubrationes, ut Joannis Arnicaei: quibus impense delectabatur, propterea quod feliciter viam ducerent ad veram pietatem & sanctimoniam, sine qua nemo videbit Deum. Abrahamiciam Sculteti labores, & quæ publica sibi, & necepsibus, nuncupatione dicata forent, quæque alia probæ ejusmodi monetæ haberet, ea & in manus sumebat sæpe, & occasione oblata magnopere extollebat: nec laus ea magis ex amore, quam judicio proficiscebatur: quippe qui illis signatè paulatim in succum & sanguinem convertisset. Quemadmodum vero in tempestate gubernator dignoscitur, in acie probatur miles: in foro aut suggellu palam sit, quid in umbra inter privatos quisque parietes didicerit: ita Dionanius ostendebat, quousque progressus esset exercitijs pietatis, cum fors sæva grassaretur, aut quoties periclitaretur valetudo. Quam sæpe in senectute adversum

Danielis Toffiani
ad eam.

habuit,

habuit, cum alijs, tum podagræ & calculi doloribus, oppido quam acerbis ac gravibus: quod morbi genus militiam secutis pene solenne ac proprium esse comperimus. Ita videlicet Deo visum erat præparare eum sensim ad ultimum illum vitæ actum. Quem priusquam exponam, aliquid dicendum de eo, in quo uno, vel providentia Dhonani, vel felicitas, requiri posse videatur. Neque enim prolem in spem generis propagavit: ac nec persuaderi unquam potuit, ut ullam in matrimonium duceret. Ego vero, quod fortasse vitio alius verteret, laudi potius dandum puto. Profecto enim cælo ille à nobis adscribi meretur, cui beato adeo esse licet, ut edomitis libidinum furij triumphum agat cælibatus. Imo inter omnia Christianorum certamina, quanto duriora sunt prælia castitatis, in quibus continuâ esse pugna solet, tanto pulchrior lætiorque victoria duci debet. Atque id cum in omni vitæ genere: tum præcipue in vita tamanlica, quam militari, verissimum est: quippe quarum utraque tot undique illecebris abundet, ut difficile admodum sit, satis vel oculis cautum, vel castum sese animo præstare. Quantopere igitur prædicare convenit Dhonanum: qui talem se utrobique gessit, quales honestas esse matronas oportere, aiebat Livia. Clarissima hæc Augulli conjux, cum forte ei obviam fierent nonnulli, qui nudato omni corpore ad supplicium raperentur; tale spectaculum aiebat perinde esse pudicæ femine, ac si statuas conspiceret. Nimirum ita judicabat, ubi pudor ac verecundia regnant, ibi animum hominis rerum impudicarum conspectu nequaquam ad pravas cogitationes abripi. Similiter animatus erat Dhonanus. Qui cum vivendum sibi cerneret in fece populi, unde occurrerent quandoque proritamenta invrecundia; ille vel ex Democriti consilio, tempestive clauderebat oculos, fenestras corporis, per quas mortem ipsam ascendere Propheta monuit: vel si non liceret vultum habere aversum, mentem tamen ita obfirmarat, ut illecebræ istæ minime animum labefactarent ac deicerent de statu honestatis. Mihi vero in hunc ejus cælibatum propius intranti causas habuisse graves videtur, ob quas à vita hac socia, quam cæteroquin in nullo damnare mortalium, imo maximopere commendare solebat, ipse foret alienior. Siquidem uni quasi glebæ affixis conducibile est conjugium, quales necessariam domi familiæ operam dare possunt. At dispar eorum ratio est, qui more corporum cœlestium, crebro mutant stationem: quoniam hi propria negligere, uxoris etiam amplexui, qui quodammodo est anima & vita conjugij, subducere se necesse habent. Atqui Fabiano optima vitæ pars, ac soboli procreandæ aptissima, partim peregrinationibus, legationibus partim, ipsque & multis & diurnis, effluerat. Plurimum etiam sibi vindicant assidua Principum negotia. Adhæc inter arma nunc menses, nunc annos totos consumserat: certantque interca vix uspiam fortitus erat sedem. Senio vero jam proximis, vitæque paullo tranquilliori deditus, matrimonio abstinerebat, quod non modo ætas illa aliquanto sit iardior, & iniquior proli procreandæ; sed utcumque etiam liberis augeatur, tamen diu superesse nequeat educationi; in qua plus momenti quam generatione ipsa, situm est. Hunc vero naturæ qualemcunque defectum, beneficio legis supplere voluit, adoptando filios septem, quos Achatius, frater primogenitus, jam grandiores reliquerat. Nec potest sane teneriori amore pater completti ex se natos, quam patruus hic suos amabat adoptivos: vite bene vivendi adminiculis, sive monitis, alijsve officijs paterni affectus, hoc totum metiamur.

Atque

*August. in serm.
sup. Matth.*

Dion. lib. 58.

Atque vicissim hi tanto affectu dignos se præstabant. Nam ad nuntum ac voluntatem ejus totos se componebant, curis cum levabant præsentibus; magna etiam solatia atque oblectamenta absentes adferebant. Quid etiam recreare tum magis ac reficere potuisset, quam ubi tantum Dei favorem erga fratris, imo suos jam filios, quotidie videt? Ingenium nulli non eorum obtigerat acutum atque elegans, & rerum omnium capax: judicium illis acre ac circumspectum: memoria firma. Ad ista cœli dona accesserat, quod universi non segni otio, sed pace belloque pariter, gerundæ nati forent Reipublicæ; imo eam ad rem subsidia omnia comparassent: quippe qui diu multumque egissent in regionibus exteris; qui exoticarum sibi linguarum complurium notitiam peperissent exactam; qui que in nullo non liberalis doctrinæ genere animum penitus imbuissent. Hisce dotibus magnum ornamentum ac decus additum est à summa corporis dignitate. Utpote quibus valetudo esset firma, color vividus, membra concinna, nec ulpiam mendosa. Verum etiam vero cuncta hæc albis, ut dici solet, quadrigis prævertit, quod iisdem aureo sociassent vinculo, tum pietatem, sanioioremque de Deo doctrinam, tum vitæ gravitatem, & mores supra quam dici potest amabiles. Quante hæc omnia voluptati fuisse patris credemus! Præsertim postquam singulos eorum pro meritis præclaris ad summam dignitatum fastigia vidit evectos? Nobilis ille Thebanorum Imperator Epaminondas gratulabatur sibi præ cunctis, quæ in vita dulcia contigissent, quod parentes gloriæ suæ spectatores habuisset. Gratulabatur & sibi Fabianus, quod fratris filios non spectatores solum nactus esset, verum imitatores quoque virtutis suæ; nec virtutis tantum æmulos, sed honorum etiam atque auctoritatis, quæ Virtutis filia merito perhibetur. Ac tanto magis ei circa cor gliscebatur voluntas, quanto magis animo atque oculis singulos ex hoc numero percurreret. Primum in Frederico, natu omnium maximo, non pauca se offerebant virtutis eximia argumenta. Ut qui legatus fuisset sæpius ad Poloniæ Regem: qui summum in patria magistratum (vocat Curie Provincialis & Senatus Principem) cum laude maxima gessisset: qui pari quoque felicitate, difficillimum investituræ Poloniæ negotium confecerat. Cum enim anno MDCXI. Joanni Sigismundo, Brandeburgico Electori, à Rege Poloniæ Sigismundo feudum Ducatus Prussiæ, (misso tum ad negotium illud conficiendum Abrahamo Dohnano, Friderici fratre) collatum fuisset: Fredericus hic postea anno MDCXXII. pro Joannis Sigismundi filio Georgio Wilhelmo, eandem investituram in Comitibus regni Poloniæ magno quidem labore, at nec minori gloria obtinuit. Proximus natu erat Henricus: sed voluptas ex eo percepta, diuturna non fuit. Nam cum Italiam ac Germaniam maximo cum fustu peragrasset; ac spei jam multum in eo quoque poneretur, insigni suorum dolore decessit Heidelbergæ, anno ætatis duodetrigesimo. Sed ut obitus ejus dolori diu patris fuit: ita solatio ac voluptati ei semper erat, quod qui Henricum sequebatur cognominis sibi Fabianus experientia rei militaris tantopere inclaruisset: ut qui in Hungaricis castris contra Turcas cohortem lectissimam duxisset, inque expugnatione Albæ Regalis inter primos superasset murum: qui etiam in Belgica adversus Hispanos, sub Principe Mauritio Auriaco, equitum ductor, in capienda urbe Gravia, præclaram fortitudinis laudem retulisset: præterea pacis artibus insignis in summa patria curia Principem inter Senatores locum obtineret: quique Brandeburgi,

Plutarch. in vii.

Alia Comit. Regni.

deburgi, quæ præfecturarum in Prussia omnium est præcipua, summus audiret præfectus : denique qui legationibus præclare etiam functus foret ad Regem atque Rempubicam Poloniæ, ac postmodo Sueciæ, atque opera semper strenue navata tantopere sibi amore junxisset Electores Brandeburgicos. Summa etiam lætitia perfunde batur Fabianus, quoties oculos converterisset in Abrahamum, valde acceptum caput Mauritio Auriaco, Principi fortissimo; uti & Guilhelmo Nassovio, Frisiæ gubernatori, alijsque heroibus. Et sane multa erant, quæ cum magnopere ijs commendarent. Vir erat scientia rei militaris, universæ Matheseos, cum primis Architectonicæ peritia, Historiarum quoque, & Politicæ cognitione, nemini, cujuscumque ordinis, secundus. Atque idem in electionibus Cæsarem, in comitijs Imperij, alijsque negotijs ad Reges Principesque Legatus, nec non militum, tum ad Juliacum, tum in Silesia tribunus, gloriam longe maximam reportarat. Juvabat quoque Fabianum mirum in modum, cum utrumque status clauderent præsentis; vel, absentibus etiam, medium se animo conciperet, inter perillustre fratrum par Achatium & Christophorum, utrumque Friderici Palatini, & in ditione ejus patria, & in regno Bohemiæ, ab interioribus consilijs. Nam si ex his Achatium respiceret, summa delectatione afficiebatur, quoties animo observeretur, quanta cum laude quondam tum præfectus fuisset Walefassenfis, tum augustissimum Friderici studiorum & morum Ephorus, & Consiliarius intimus. Exosculabatur ingenium candidum ac mite: amabat orationem prudentem ac disertam: mirabatur illam in rebus expediendis seu dextram gravitatem, seu gravem dexteritatem; quorum omnium egregia edidit documenta in legationibus ad Matthiam Bohemiæ Regem, ad Regem Angliæ, Daniæque, item ad Principes alios. Nec graves minus causæ erant, cur Christophorum in oculis gestaret. Eodem quippe hic apud Fridericum, ac Achatium, loco erat. Philosophiæ erat callentissimus, nec minus scientiæ militaris. Galliam Belgicam utramque accesserat non semel, quater Britanniam, Galliam oßies, ad Reges Principesque, qua Germanos, qua externos, fuerat Legatus. Apud Maximilianum Archiducem, patri cognominem, Cæsaris filium, Cæsaris fratrem, inque Romano Imperio alios, sic Germanice perorarat, ut majore eloquentia, vel gravitate, vel studio, potuerit nemo: nec minori ingenij summe, vel dicendi vi, idem Gallice fecerat apud Henricum IV. & Ludovicum XIII. Galliæ Reges: parique orationis facultate idem Italice præstiterat apud Venetorum Ducem: denique apud Reges Principesque Magnæ Britanniæ, Hungariæ, alios, Latino sermone disertissimus & fuerat, & habitus erat. In voluptate tanta, quam ex præclaris adeo fratris liberis caperet Fabianus, illud ei extrema senectute haud exiguum vulnus infixit, quod ex ijs septimum, septem ante obitum mensibus, lugere cogebatur. Theodericus is fuit, qui prope Renovicium in Bohemia pulchre functus officio fortissimi Ducis, in ipsa pugna trajectus sclopeto, anno ætatis suæ quadragesimo, vivendi finem fecit, atque omnibus pertriste sui desiderium reliquit. In cuius si gesta diffundere me vellem, spirantia masculæ virtutis documenta longa serie referrem. Sed vitam ejus delibare, fastigiaque rerum attingere, nunc contentus ero. Puer literas didicit, quantum sufficeret viro, non scholis, sed Reipub. victuro, & ipsi adeo, ut sic dixerim, Bellonæ se suæque consecraturus: ut est in diverso hominum genere

*Metiser. in
delit. ord.
Equestr.*

Horat.

Hic satus del pacem, hic castrensibus utilis armis.

Enrip.

Οὐ γὰρ αὐτῆς παντ' ἐπιστάδῃ βροτῶν
 Πέρουαν, ἄλλῃ δ' ἄλλο πείσεται χρεῖ.

*Ut cunctis norit, nemini mortalium**Datum est : at alia dote plus alius valet.*

Utinam vero ad illustri genere editos nunquam potestas, ac jus imperij deferretur; nisi militiæ jura, ac rationem arma tractandi, prius didicissent. Nunc quasi præclare nasci sufficeret, plurimum illos, qui hoc solo Dei munere gaudent, summi etiam manent honores. Atqui eos, à quibus cæterorum vita & incolumitas dependet, non pacis tantum tempore, sed etiam cum belli insonuit tempestas, pernoctasse conveniebat modum tuendæ publicæ salutis. Quem quomodo sciant, qui inter muliercularum amplexus, nutricum suavia, in ipso quasi gremio Veneris educantur? Quippe à pueris delicijs assueti, ac postea turpi tantum voluptate capti, malunt, ut

— *Bella gerant alij :*

Ovid. epist.

Hel.

ipſi Phrygiæ, non Phryges: non viri Principes, sed scemina barbatæ: imò minus quam scemina pleræque: quia non ita male agitur cum rebus humanis, ut non omni ætate ex sequiori sexu, obducere talibus aliquam possis, quæ istis, quos sane Veneros heroes nuncupemus, non fortitudine antistit. Ut adversus ejusmodi occurrere liceat illud veteris Poetæ:

nam. apud Cic.
 in Offic.

*Vos etenim juvenes animos geritis muliebres,
 Illa virago viri.*

et b xvi.

Ab horum moribus per omnem vitam mirifice abhorruit Theodericus. Itaque ad modum veteris Germanorum disciplinæ, militiæ se dedit, omniaque stipendia complens, per omnes gradus pari animi præsentia, ac solertia, ad summa est fastigia enixus. Ac primo quidem, quasi ad prævium fortitudinis exercitium, in aulam missus Principum Anhaltinorum, Bernhardum Principem in Hungariam contra Turcarum castra comitabatur. Quo tempore arx Wacia intra Novigradum copijs Cæsarianis est occupata; Agria vero, propugnaculum superioris Hungariæ fortissimum, episcopali sede nobile, Mahumeti deditum fuit. Ac Princeps quidem magnanimus hac ipsa in expeditione satis concessit. Theodericus vero etiam sequenti anno obsidionem Budensem vidit: imo tyrocinium in eadem, etsi peradolefcens, haud pudendum deposuit. Nec longe post ad Belgas militatum abiit; obsidioni Ratzij, Cliviæ oppidi, interfuit; ea tempestate, qua Franciscus Mendoza, Aragoniæ Admiralius, gentilitio concitus fastu, ne Romano quidem imperio parcens, Westphaliā vexabat crudeliter, inque hibernis apud Clivientes, magno eorum, nec facile obliterando malo, exercituum suum collocabat. Sed enim Theoderico per jucundum postea spectaculum fuit,

fuit, cum, qui insolenter adeo se jactarat, fugatum, castris exutum, atque adeo captivum sili Mauritio Nassovio, Principi Arausionensium fortissimo. Quo sub heroe Dhananus in juventute decennium integrum, & quod excurreret, meruit : longe profecto felicissimus, cui Imperator obtigisset, in quo, miraculi instar, virtus militaris signis adeo illustribus se extulisset. Nimirum exoptare quidem erat prudentis ; sed fortunati fuit, eum consequi ducem, ad cujus normam fingere omnes actiones suas imitando posset. Sub hujus etiam ductu pralio ad Mulheimium interfuit : idque magnis animis, ut vel hoc argumentum erit, quod signiferi munus obiens, ne tum quidem deseruerit stationem, cum se jam desertum à fortuna videret : quippe in facie sclopeti ictu sauciatus, equo etiam, qui veheret, vulntrato. Strenue item signum in hostem intulit prope Santenium, plenus ejus cogitationis, ut, quantum in se foret, Adolphi Nassovij, herois impeterriti, ulcisceretur mortem. Hinc quietiora aliquanto tempora eum sibi vindicarunt : nec illa tamen admodum diuturna. Tricennio enim post in obsidione Juliacensi sub Electore Brandenburgico turmam equitum duxit, Quod bellum Theoderico omnino visum est memorabile, non modo copiarum splendore, & miro actorum cuniculorum artificio ; sed etiam quod toto illo tempore, non cœli injuria, non morborum contagis, non penuria annonæ, affligerit obidentes. Quibus & hoc accessit, quod, utcumque diversæ gentes, Galli, Angli, Scoti, Belgæ, Germani, atque alij, sub uno Imperatore convenissent : nulla tamen in milite tam vario coorta unquam sint dissidia, nullæ abalienationes aut contentiones inter diversarum gentium Duces. Theodericus vero jam multis exercitatus casibus, magis magisque non umbratili, sed solidæ litatæ gloriæ, qua absens etiam per ora hominum volitabat ; futurumque erat, ut mortuus etiam in præstantissimi cujusque animo viv. ret. Itaque, quo tempore Condæus, Galliæ Princeps, difficili sane bello implicaretur, atque alij etiam procerum asserebant patriæ libertatem : Bernardus, Witgenstenij Comes, Legato usus Theoderico, equites auxiliares ex Germanis ducebat. Sed cum in morbum Comes incidisset, qui & lecto plane affixit, pro eo Dhananus quadringentos equites per universam Galliam, perque media hostium agmina, & duxit salvos, & incolumes reduxit. Nec salutem solum suis, sed exitum etiam hostibus attulit. Imprimis pralio, quod cum Marchione Renellio commisit. Nam Gallorum legionem obviam factam, ac copiis Witgenstenij dira minitantem, non modo fortiter vicit, sed etiam delevit ; eaque victoria militibus in Galliam patefecit viam. Hac pugna, cui non interfuit modo, sed etiam præfuit Dhananus, quasi nova virtutis face accensa, penitus in Honoris templum penetravit, ac trophæum Gloriæ luculentius fixit, quam ante. Itaque, postquam Witgenstenius oppetivisset mortem, præ cæteris à Condæo Principe, magno cum favore atque applausu exercitus, in locum defuncti esse surrogatus. Dhananus vero Legatum sibi atque optionem allegit Lippæ Comitum, juvenem sanguinis, an animi generosioris, haud facile dixerim. In hoc suprenio munere ita se gessit Theodericus, ut si Roma florente vixisset, triumphali corona & statua fuerit ornandus. Quod si exitum vitæ imprimis spectare oporteat, quantum veræ gloriæ Theodericus meruit, non eo solum, quod fortiter pugnaret, usque dum vultum hostis sui petens, pene in conspectu Imperatoris, intimo gutture tenus læsus, occubuit : sed etiam, quod antea sese, ut Christianum militem de-

Grh. in Chronol.

MDCXIV.

cebat, adeo pie ad mortem præpararit. Qui à cane rabido morfi sunt, non modo rabidi fiunt ipsi, verum alios etiam in furorē rapiunt. Perinde cum animorum contagio comparatum est; in militia maxime, ubi non multa tantum

— Corporibus transiione nocent :

Ovid.

sed ad penitissima quoque mentis, serpit pestilens morum malorum spiritus. At non corruptela hæc penetravit ad Theodericum : vere beatum, ex Phophetæ regij præscripto. Nec enim illum

Psal. I. v. 2.

— de tramite recto

*Impia sacrilega flexit contagio turbæ :
Sed vitæ rimatus iter melioris, & alta
Mente Dei leges noctesque diesque revolvit.*

Nempe exteriori quidem vita cum severitate vultus miscuerat comitatem sermonis, (quæ & relucebat in sermone exotico, Latino, Hispanico, Polonico, Gallico) verum interiore animo inter medios armorum strepitus clamoresque, pietatem & religionem verbis, gestibus, operibus, præclare tuebatur. Morte vero terribilium omnium, ut aiunt, maxime terribili Theodericum haut exteritum fuisse, apertissimis indicijis constat. Imo inde etiam erat, quod inter milites rubro, candido, aliove lætiori colore gaudentes, ille atra usurpare soleat ornamenta, etiam vexilla ac balteum. In ipso bello Bohemico, ubi fortiter pugnans occubuit, nigro utebatur signo, in quo laureæ pictæ hæc voces binæ lingua forent Celtica adscriptæ : *O Meurio*. Innuebat autem, aut laureæ coronam sibi acquirendam, aut morte occumbendum. Nec spes cum sua frustrata fuit : quæ utrumque implevit. Nam & hosti intrepide occurrens lauream laudis adeptus est, & mortem gloriosam, quam appetijt, etiam oppetijt. Singularis quoque pietas ejus, & quàm propterea carus fuerit Deo, argumento hoc memorabili eluxit. Binis ante obitum mensibus, corpore plane animoque sospes, mortem non cogitabat tantum, sed etiam prædicebat. Crebris enim sermonibus, quos cum Christophoro fratre, atque alijs habuit, aperte illud ac minime hæsitabundus dictitabat, magni aliquid impendere, quod eventum suum pridie Kal. Novembris foreturer. Sibi vero deliberatum constitutumque esse, ad illud tempus militiæ pessimis moribus imbutæ valedicere. Valedixit vir animi heroici eadem mensis die, qua liquido expresserat, manifesto numinis instinctu, ut solent pie mentes : quæ ad præfagiendum tanto sunt aptiores, quanto sunt propiores metæ. Nempe decurso quasi vitæ spacio animus, quem cœlitus accepimus, terrenas sordes exofus, atque ad originem sui anhelans, perfundi incipit nova luce cœlesti, cujus claritudine tenebræ, quæ obsidere nos solent, magis & magis dispelluntur. Ac Theodericus quidem superatis humanæ vitæ miserijs nunc triumphum agit in cœlis. Nos quoque ab eo, quasi à diverticulo, revertamur tandem ad patrum hujus Fabianum : cui maximam voluptatem attulisse diximus, primum quidem quod patris sui filij calcarent strenue virtutis viam, quam ipse hortando atque exemplo commonstrasset : deinde autem, quod nemo non eorum, cum senî numero forent, pro meritis summis, honoribus quoque

quoque summis floreret. Antiquis illud annalibus proditum est, cum pater aliquando filios duos ludis Olympicis coronari cerneret; populoque flores conijiciente, ipse inter victores procederet medius; adeo honorifico hoc spectaculo permotum fuisse optimum senem, ut in ipso liberorum amplexu, præ diffusa lætitia expiraret. Hoc illi inter binos duntaxat contigit, atque in ejusmodi victoriæ genere, ubi non tam animi virtus, quàm corporis athletica constitutio, atque agilitas palmam obtineret. At quanto justius Fabiani gaudium fuit, qui sex hosce, doctrina, sapientia, auctoritate, quæ longe omne corporis robur exsuperant, tot lemniscatis ornatos palmis conspexit: neque id in breve tempus, quandoquidem, quod miraculi instar est, è tam multis degeneravit nemo: in id universi conjunctis studiis, quasi mutua fatorum & virtutum conspiratione, nomina sua æternis meritorum tabulis ad Memoriam aram suspenderunt. Quod si quis inficari ausit, raro hoc in vita humana evenire: illum ego vel graviter impudentem dixerim, vel certe in ijs, quæ vitam hanc spectant, hospitem, planeque peregrinum. Quis enim non quotidie experitur, quam insolens sit, ut fratres terni, imo duo, atque adeo vel filius unicus, eximie virtutis parentibus satus, Honestatis & ipse grassetur via? non divertat ad laxam Voluptatis semitam? non ad Suburram, locaque Vacuam, & Murciæ dicata? Veterum monumenta Romanorum ac Græcorum si replicare visum sit; ac pensiculus paullo examinare, quam pauci ex una eademque familia supra cæteros mortales, vel eruditione clari, vel virtute conspicui prodierint: unum comperimus Publicolum, unum & Camillum, & Fabritium, & Papyrium, & Marium, & Luculum, & Cæsarem. Unus quoque occurrit Lycurgus, unus Solon, Themistocles, Aristides, Epaminondas, Thrasylbulus, Agésilas, Phocion unus: itidem unus Virgilius, Horatiusque unus Varro, Cicero, Sallustius, Livius, Tacitus unus. Postquam vero duos Catones, Decios duos, tres Metellos, Fabios, Scipiones, tres quoque Curijs continua serie oratores seculum olim dedit, ad prodigiosum magis, quàm consuetum naturæ morem, referri hoc cœpit. Quid igitur existimassent ejusce tempestatis homines, si sex fratrum parem virtutem & gloriam comperissent? Exurgam altius, meque ipsum, & Rempublicam, in hoc solatium erigam, ut augurer, ipsos quoque Dhonanos fratres eximiam de se prolem, quaque præclare in patrias, & patrui avique virtutes cat, daturus esse. Fridericus sanc, & Fabianus, & Abrahamus, jamdudum terris ostendunt lætissima coniubij ac tantæ spei pignora, eaque pŕognata heroinis, quibus par familiæ decor, par pro sexu suo esset virtus. Nec frustratus est Christophorus hanc de se expectationem. Qui secundo sibi thalamo junxit magnum sui sexus ornamentum, Ursulam, heroinam undecumque ornatissimam, vivum exemplar patris generosissimi Joannis Alberti, Solmenſis Comitſ, in quo sanctissima pietas, cum vitæ integritate atque prudentia inter se certant. Ex præclara adeo radice quid nisi eximios nobis polliceamur fructus? Quippe Solmenſis familia antiquitatis laude ad nubes usque caput exulit: ut quæ jam ante annos cccc. in Henrico, celebri cordatoque heroe, amoenissime floruerit; ex ejus satu, sed longa propagine, nostra tempeſtate xxx. annorum spatio, Georgius Ebertus, duo Philippi, Ebertus, Wilhelmus, Otto, Fridericus, Albxrtus Otto, Reinhardus, Henricus Wilhelmus, Joannes Georgius, Joannes Albertus, alij sub Cæſaribus, Regibus, Principibus, summa militiæ imperia, pari fortitudi-

dine ac felicitate gesserint. Imo hodieque eadem familia propinquitatem attingit Principes, Electores, Reges. Scientiam enim neminis fugit, quinque heroicas Solmenfes temporibus nostris, paucorum annorum decursu, nupsisse totidem illustrissimis Romani Imperij Principibus: quod decus equidem nescio, an seculo hoc alteri Comitum familiarum obtigerit. Agnes quippe in matrimonio collocata est Mauritio, Hassiæ Landgravio: Dorothea Guilhelmo, Principi Palatino, ex prosapia Birkfeldensi: Sophia Joachimo Ernesto Onolbacensi, Marchioni Brandeburgico: Sibylla Augusto, Principi Anhaltino: omnes plurimum liberorum matres adhuc superstitis, Agnete excepta, matre Guilhelmi, Landgravij Hassiæ. Sabinæ vero his nunc connubium accessit, cum Frederico, Marchione Badensi, ex prosapia Durlacensi. Quod si extra Germaniam imus, quantum etiam attulisse putemus ad splendorem ejusce domus lætum Ameliæ, hercine cordatissimæ, connubium cum illustrissimo Arauionensium Principe Frederico Henrico Nassovio? qui post fata magni parentis sui Guilhelmi, nec minoris fratris Mauritiij, prudentissime & fortissime fœderatam tuetur Belgicam: ac cujus (ita auguror) liberis, & posteris, multa per secula libertatem eadem ac salutem suam debitura est. Sed ab inclyta Solmenfi familia, in quam incideramus occasione conjugis Christophori Dhonani, iterum nostra se oratio ad Fabianum convertat. Cujus ad laudem æque, ac felicitatem, referimus, quod, quos carissimus frater ejus filios reliquisset, invidia etiam teste, magni & nunc sint, ac posteris sint futuri. Ut quos fere omnes ex patrijs penatibus ipse eduxerit ad urbes, moresque exteros videndos: quorum etiam generosis ingenij faces prætulit, tum in Apollinis & Musarum, tum Martis ac Bellonæ studiis atque artibus: cujus denique salutaribus monitis ac consilijs honores, quos sustinent, sint consecuti: quorum singula ingenue ipsi confitentur, ac prædicare etiam non cessant. Nihil vero minus cogitandum, quam cœco erga eos amore ductum fuisse. Cum enim manum pene omnibus porrigeret auxilium: suos tamen, licet offerretur occasio, neque ad dignitates ipse evehebat, neque eo sine alijs commendatum ibat; nisi virtute ac meritis, honore sête dignissimos præstitissent. Nempe quid faciendum sibi foret, non suo unius, sed constanti bonorum omnium judicio metiebatur. Bonorum autem amorem hi facile sibi conciliabant præclaris animi dotibus. Quas ipsas ornabat dulcissima rerum concordia, & mirus amor fraternus. Siquidem, quod de Tiberonibus narrat Plutarchus, eos una in domo, eodem sub tecto, magno cum animorum consensu vixisse; id Dhonanis non minus convenit. Vixerunt enim quinque propemodum lustris unis in ædibus: quamvis domos complures in bonis communibus & indivisis possiderent. Ac quemadmodum Tiberones custodiebant aureum illud poculum, quod ex dono Pauli Æmilij unicum habebant: sic concordiam fraternam, velut omni auro potiorum thesaurum, in familia sua conservandam fratres Dhonani arbitrabantur. Neque dubitandum, quin, cum tantam in his animorum conjunctionem Fabianus quotidie videret; eo hilarius lubentiusque fortunatissimus senex, pertulerit labefcentis ætatis fastidia, seque ad calcandum mortis iter accinxerit. Ad quam vitæ ejus catastrophæ, & morbos pariter, quibus Deus ad meditationem mortis præparare homines solet, extremus jam noster sermo decurrit. Vixerat Dhonanus toros L. annos, valitudine commoda satis atque integra. Primum, quod ægitudine cum periculo aliquo

aliquo conjuncta affectus fuit, in Italia contigit, partim Florentiæ, partim Patavij: ubi Hieronymi Capivaccij, celeberrimi ac præstantissimi medici opera, pristina est sanitati restitutus. Præterea in Gallica cum expeditione lues invalit pestilens. Cum enim alienis malis vix aliter commoveretur, ac suis; præsertim eorum, quibus familiaris usus esset: impetrare ab animo non potuit, quo minus suos in morbo cubantes inviseret, nobiles, ignobiles, viliores etiam servulos & aurigas. Ut minime mirandum sit, si ex contagione ipse quoque virulentos halitus intra viscera attraxerit. Quæ res fecit, ut asperissima hyeme, cum ultro citroque commeandum esset, curru pone vexillum vehi cogeretur. Reliquum autem vitæ tempus produxit vita frugali & temperantia insigni. Aiebat enim, non temere Diogenem stomachari in eos solere, qui, cum luxuriose vitam degerent, nihilominus pro valetudine bona, sacra Dijs facerent. Quippe singulos quodammodo in se habere facultatem, abstinentia & sobrietate conservandi corporis valetudinem. Sed nullius tanta est ingenij vis, nulli illud corporis robur, ut evitare omnia valeat mala, quæ naturæ imbecillitas ac fragilitas secum trahit. Postquam igitur Fabiano quoque

— *Felicior ætas*

Terga dedit, tremuloque gradu venit ægra senectus:

jam infesti, tetri, atque caliginosi vapores petebant officinam cordis; utque crebra affligeretur palpitacione nobilissimum viscus efficiebant: jam in articulos pedum manuumque defluebat tenue serum; ex quo tristis podagræ sensus concitabatur: jam in renibus collectum sabulum lapidescebat; unde atroces calculi dolores corriebantur. Atque isti ubi radices semel egerant, ex imo erui fundamento minime potuerunt. Postremo autem quadrimeltri ferociore etiam reddebantur. Neque tamen existimandum, Dhonanum de morte demum cogitasse, postquam molesta esse cœpisset

— *Tarda senectus,*

Debilis vires animi, mutansque vigorem:

*Virgil. Æn.
id. 9.*

aut ubi morbi præcipites atque impetuosus irruere cœpissent,

— *velut agmine facto.*

1. Æn. id.

Quin vero tota ejus vita, quod Philosophiæ proprium esse aiebat Plato, nihil aliud, quam mortis meditatio fuit. Quæ propterea mortis contentum animo ejus induxerat. Mature itaque in lubrica adhuc vitæ statione constitutus, ad Prophetæ monitum, de domo sua disposuit, ac priusquam morbus ingravesceret, testamentum condidit. Eo hæredes ex asse nominavit fratris liberos: uti non modo dictabat amor; sed natura etiam, rectaque ratio flagitabat. Quamquam autem parili omnes affectu complecteretur: pridie tamen quam vita excederet, Christophoro, è fratris filijs natu minimo, quod clade Prageni anni c1510xx. majorem pene, quam ferendo foret, jacturam fecisset, liberalius aliquanto, ac cæteris, consulendum sibi codicillis putavit. Cumque prospiceret hunc

Esai. 38.

hunc in modum sanguine proximis : alterum tamen, quo præscripto religionis tenemur omnes, minime neglexit. Ex reliquis enim bonorum, quibus carere hæredes suos posse animadvertat, ita derivabat beneficentiam suam, ut inde partem haurirent famuli & affectæ, ne minime quidem ex domesticis atque familiaribus indonato abeunte : partem caperent invalidi senes, hominesque miserabiles in Nosocomijs, Xenodochijs, aut domi suæ paupertatem inuiti pudore regentes : partem denique cari auferrent consanguinei, propinqui, amici.

*Ambros. lib. 3.
de Offic.*

Gregor. par. 3.

Past. admonit.

21.

In qua dispensatione ei, ex mente B. Ambrosij, quasi norma quædam & velut amulsis erat, fides sincera, & providentia perspicax : dabatque operam sedulo, ut, quod B. Gregorius requirebat, charitas cum prudentia, prudentia cum charitate jungeretur. Quippe nisi in legendo hac fuisset cautione usus, potuisset, opinor, idem ei obijci, quod Diogenes cuidam sine judicio quidvis cuivis largienti : *Male sit tibi, qui Gratias, quæ virginis sunt, fecisti meretrices.* Vere enim prostituimus beneficia, non conferimus, nili accipiant ij, qui vel egeant, vel opibus honeste uti ficiant. Atque ut hic prudentia, ita in morbo fortitudo ejus eluxit : etiam cum pertinaces illi ex calculo dolores ac cruciatus indies invalescerent ; imò vim omnem spirituum ac corporis magis & magis resolverent ac labefactarent. Hic opinor, mollicellus aliquis, ac suo quondam judicio beatus, nunc deserturus quicquid carum habuerat, vix lacrymas tenuisset. Dionani vero

patientia cunctos

Sall. Ital. lib. 6.

Hos superat casus.

Epict.

Nempe in illis acerbissimis doloribus innitebatur divini numinis providentia, & paterna ejus misericordia. Animo quoque abversabatur dictum illud aureum, ex Stoa profectum : Dolor omnis levis est, si ferre possim ; brevis est, si ferre non possim. Nec tum demum hæc discere coactus est : sed de celesti migratione, Deoque, æterno Spiritui, spiritum suum reddendo, à multis retro annis cogitationem crebro suscipere solitus erat. Atque hoc animo etiam olim in Gallijs balsamum ad pollincturam, & cadaveri involvendo linteum, pretio sibi compararat. Ergo ut recuperandæ valetudinis spes supererat exigua, vel potius nulla : vocavit ad se Danielem Spießium, consulem Morungensem : cujus opera in re domestica, tum ipse usus fuerat diu, tum etiam fratres, ac horum liberi. Indicavit ei, ut recondita essent in cista balsamum, quod dixi, ac fridon : simul, quid ijs fieri velit, edocuit. Nam post obitum inungi jussit exanimem corpus, ac linteo velari : at ne à pollinctoribus secaretur, interdixit. Atque hæc ille promere animo ita firmo, sermone adeo constante, ut prope dixerim mortem potius in timorem conjecturus videretur, quam ut eam ipse exhorresceret. Etiam addebat, gaudere se plurimum, quod brevi mors factura esset dolorum omnium finem. Ad cogitationem, vel mentionem mortis, nec tantillum moveri visus est. Nimirum hilari etiam vultu fatalem illum exitum excipere solent, qui ad eum se composuere jamdiu. Quanto autem magis videret, haur ita longam spem vitæ superesse, tanto ardentius ab rerum mundanarum cura cogitationes omnes ad Deum convertebat. Imò nihil jam vel adeo volupe erat, vel tanti ponderis, ut ultra adlubefceret, imò fastidio potius rerum caducarum ducebatur. Ut qui tantummodo meditaretur coelestes illas lauticias, quarum

quarum gustum animo præcipiebat. Nimirum mentem extra morbosum corpus raptam, jam stricturis suis irradiabat, non gratiæ modo, sed gloriæ quoque divini lumen: cuius fruitio quanta voluptate animos perfundat, nec lingua eloqui, nec cogitatione assequi possumus. Cæterum ita affecto Fabiano, superque solam cogitanti, unum tamen, quod ad vitam hanc pertineret, jucunditatem & letitiam attulit non exiguam, non multo ante diem, qua excessit. Is nuntius fuit, de administratione Ducatus Prussiæ autoritate Regis tandem commissa Serenissimo Electori Georgio Wilhelmo: cui quidem jure nullo denegari is honos poterat: verumtamen multorum & vota & studia longe alio tendebant. Itaque Electori, cum ipsius, tum publico nomine gratulabatur, quod non modo in ruborem dati essent ingrati patriæ cives, pacis turbatores, qui hæcenus adversati essent Principi optimo: sed etiam, quod luculenta affulgeret spes, fore omnino, ut res Patriæ, Ecclesiæ, Principis, in melius deinceps vertèrent. Jamque vires quotidie ita collabi Fabiano, ut indicio ea res esset, extremam imminere diem, ad quam piissimus vir tantopere anhelabat. Quare priusquam animæ illud, corporisque divortium fieret; liberorum fratris tres natu majores, Fridericum, Fabianum, Abrahamum, humanissime arcessit: venientes posttridie Pentecostes lætus excipit: gratias ijs pro parendi istoc obsequio agit, blandèque alloquens. Hic, inquit, dies mihi natalis est: quem bis & septuagies divino indultu, hac corporis animique compage celebravi, hodie extremum perago. Vos vero coram adesse mihi volui, non tam ut dextras jungere nobis liceret invicem; grataque in his terris, & postremas cum gaudio

— audire & reddere voces :

Virgil.

quam ut mutuo etiam hoc nostro colloquio præludamus conversationi meliori longiorique, quæ in cælis consequetur. Eo jam nunc præibo, sed lætissima vos fiducia præstolabor, eluctatos aliquando ex furiali hujus vitæ Oceano, ut ante divini majestatis thronum in sinu Christi Sospitatoris, in Angelorum contubernio, in societate Ecclesiæ triumphantis, in conspectu tot majorum nostrorum, non desituri unquam; neque reniisuris delicijs una perfruamur. Accedebant amplexus mutui & ætissimi; addebantur oscula, quæ gemitus jam intercipiebant, jam ingeminabant: lacrymis denique ultro citroque obortis dubium reddebant singula, utrum majori ab se molestia divellerentur, an cupidius expectarent conjunctionem illam in cælis futuram. Tandem abitum parant Fridericus & Fabianus, ut publicis comitijs, quæ Regiononti agebantur, ex officio interessent: cum patruus, ductis ex imo pectore suspirijs: Ite, inquit, suavissimi nepotes. Deo vos, vestro publicoque bono, commendo. Nulla equidem visendi vos amplius in hoc terrarum orbe facultas dabitur: at dabitur in altero, meliorique mundo palatium amenissimum; ubi congrèdi sine lassitudine, colloqui sine fæditate, vivere sine tædio, tempore, modo, possumus. Præ illa vita hæc vita mors est, cuius me verè tædet: illam spiro, speroque: hoc uno lætus maxime, quod fiducia certissima, nec ulla dubitatione convulsa, vitam æternam animo jam degusto, carumque jam nunc adituro. Postquam hi digressi, nulli, ut ante, patere ad se accessum voluit; nec quenquam sustinuit audire, qui de rebus hujus sæculi quicquam referret. Tunc nempe credibile est, veterem hominem

Augustin. in
Psal. 118.

elb L cxxi.

Joan. 1.

Apocal. 3.

Matth. 24.

1. Corinthe. 15.

Juvenal.
Sat. 10.

zai. 46.

minem in toto corde domari, quando aliunde, ut pulcre Augustinus monet, minime aliud cogitatur. Unus, isque assiduus ei, propeque accubans, præter clinicos, aderat præco verbi divini, qui, nunc sacris verbis, præire ægro, nunc ijs interfari. Quibus Dhonanus perinde ex pectore suo elicibat preces, atque ex chalybis, silicisque attritu, micantes flammæ resillire advertimus. Precationes antea à se compositas, de fonte sacri codicis hausit, ex legentis ore inferiebat cordi, & Suspiria sua suspirijs sibi applicabat. Usque adco in oratione non deficiebat, quamdiu vitæ ullus superesset spiritus: quem ille pridie Nonas Junij extremum commendavit Deo, placideque adeo reddidit, ut somnum capienti similior videretur. Dhonanum vere jam undique felicem! imo nunquam futurum felicem, nisi ad hunc beatitatis portum vela remosque convertisset. In terris cum beare videbatur, prudentia, virtus, honor, potestas, divitiæ, delicie. Quanto nunc illa omnia sunt preciosa in cœlis! In terris magnum erat, doctrina atque usu consecutum fuisse, quicquid prope in hominem cadere possit. Sed per nebulam sese offerebant universa. Cœlum omnia sine errore exhibet speculo purissimo juxta & amplissimo. In terris ad amorem Dei, & proximi dilectionem, ita consilia sua referebat, ut gratus Deo, gratus hominibus esset; ijs etiam, qui instituta ejus non undiqueque comprobarent. Sed deficiebat sæpe conatus in communi imbecillitate, quam longanimus Deus tolerare solet. In cœlis omnem omnis virtutis apicem tangit: quippe ubi Christi perfectio nostra sit; ex cujus plenitudine accipimus, quotquot jus filiorum consecuti sumus. In terris proxime assidebat magnatibus: crebro etiam Principibus, quandoque Regibus, vel etiam Cæsaribus. Sed illa dignitas erat desultoria. In cœlis, postquam vicat, dedit ei Christus assidere sibi in throno suo, quemadmodum ipse vicit, sedetque in throno Patris sui, Principis regum terræ; Regis regum, ac Domini dominantium. In terris potestatem exercebat non tantum territorio suo in subditos proprios: sed etiam in milites, vel cives illos, quos principalis ei commiserat auctoritas. Verum potestas illa etsi humano judicio videretur esse in multos, paucorum tamen erat mortalium, pauciorumque annorum, sicum novo hoc imperio conferatur. Illic enim constitutus est cum servo fideli super omnia bona cœlestis patrisfamilias: illic possidet paratum sibi regnum à constitutione mundi, quod sæclis durabit innumerabilibus. In terris, etsi non Cæsi alicujus, luculentis tamen opibus affluerebat: unde magnificus ei apparatus erat, & vitæ cultus cum elegantia ac splendore, uti genus ac fortunam decebat. Sed opes istæ varijs calibus obnoxie erant. In cœlis divitiæ illi sunt orbis universi, auro longe potiores: quippe ubi Deus omnia sit in omnibus. In terris lætitiæ afferebant fama bona, quæ longè lateque vagabatur, principum gratia, qua præ alijs florebat; consuetudo familiaris, quæ cum præstantissimis viris intercessit; filiorum fratris virtus, cui & honores summi deferabantur. Verum hæc cunctis tantum aloes admittum erat, quantum mellis: nimirum

— prospera tantis,
Ut rebus latis par sit fortuna malorum.

In cœlis autem Dhonanus ejusmodi perfunditur gaudio, quale nec conspexit ullus, nec fando accepit, nec capacissima etiam mens comprehendit. Sic locum quæramus,

queramus, altissimus est, tutissimus est. Nullum enim malum accedere potest, *1. Corinth. 2.*
 nec flagellum appropinquare tam securo tabernaculo, cujus portarum feras ipse
 Sionis dominus corroboravit. Hæc sola sunt, quæ hominem post obitum vere *Psalm. 91.*
 reddunt beatum: non exequiarum luxus pompaticus: non si ostendantur
 picti vultus

Majorum, & stantes in curribus Aemiliani.

*Justin.,
Sat. 8.*

non Mausolea infani sumus. Cujus generis omnia Dhonanus, cum super-
 stes de funere statueret, penitus refugit. Atque idem nec epigrammata Cam-
 pana dignum superbia, uti Nævius olim, sepulchro voluit insculpi: sed illis *Gell. lib. 1.
c. 24.*
 orbis ineptijs longe segregatis, ipse sibi lemma delegit plenum simplicis gra-
 vitatis: quæ Germanos neutiquam deficit. Sic enim sibi parentat Dhona-
 nus: sicuti Morungiz inscriptio habet in templo, ubi terræ mandatus est:

*Niemand mein todt beweinen soll,
Ich leb in Gods, undt mir ist wol.*

O felix funeris sui cantator Dhonanus! Nec diffiteor, Ennium quodammodo
 præiisse videri, ut qui versiculos hosce, quos ipse fecerat, sepulchro suo
 jussit incidere:

*Nemo me lacrymis decoret, nec funera fleum
 Faxit. cur & volito vivam per ora virum.*

*Cic. 1. Tusc.
Quæst.*

At, pro Deum immortalem, quam dispar, quam iniqua est comparatio ambo-
 rum! Quantillum enim juvet, si non alio beati simus; quam quod labor noster
 ad existimationem posteritatis dimanet! Verum enimvero illa amplissima
 laus, illa felicitas suprema, quiescere in sinu Dei, atque ejus intuitu frui. Ille
 Dei intuitus, nunc incredibili Dhonanum gaudio perfundit: fruitio illa innu-
 merabiles et voluptates parit. Siquidem creatura ipse ætissime nunc sociatur
 cum creatore suo: liberatus omni malo, conjungitur cum summo bono: pe-
 riculi ac doloris expers, diem agit semper securam, semper letam. Verum
 mihi in hac infantili tantarum rerum consideratione, solum balbutire datum
 est, adeoque

— vox faucibus hæret:

Virgil.

ut si maxime nolim, orationis filium abrumperè necesse habeam. Facio hoc
 tanto æquius, quia Dhonanus non amplius indigus est laudis humanæ: imo
 omni terrarum præconio longe est major, postquam coram sacra Triade, &
 immenso Beatorum cœtu, palma decoratur, labru redimitus, Deum & cœlites
 assidue laudat, simulque cœlites ipsos sui laudatores accepit.

Gaude igitur, Dbonæ, tua novus incola sede,
 Quæ datur astriferi super aurea mœnia templi.
 Nempe tua hic verum nebulis mens libera cernens,
 Est potis abstrusas rerum cognoscere causas.
 Cimærias inter tenebras nos error opacat.
 Vanaque pro vero se ostentat opinio menti.
 Clara tibi facies in aperta luce Tonantis
 Unde tuis oculis mytheria cuncta patefunt.
 Nos quasi sub velo lumen cœlestè videmus.
 In sacris mutila est humana scientia rebus.
 Jam tua supremo virtus se culmine librat,
 Et dudum perfecta gradus supereminet omnes.
 At nos cum vilij turpi luclamur arena:
 Imperfecta suo luget se nomine virtus.
 Pax tibi, pax semper placidis adremigat alis,
 Afferaque excluso mitescunt secula Marte.
 At nos persequitur flagro furialis Enyo:
 Incitat ardentem in nos Bellona quadrigas.
 Undique te satiat dulcis sine frande voluptas:
 Exultat ingratus leto Vertumnus Olympo.
 Nunquam pura manet nobis sine felle voluptas,
 Sollicitumque aliquid letis intervenit ausis.
 Dulce sodalitiū quovis te cingit euntem,
 Aligeri fratres, atque agmina densa piorum.
 Nobis obscæni res est cum sece popelli,
 Cui sublesta fides, & frons sine frontis bonore.
 Gaude igitur, Dbonæ, tua novus incola sede,

FRIDERICI SPANHEMI,
Acad. Lugd. Bat. p. t. Rectoris
LAUDATIO FUNEBRIS
CELSISSIMI HEROIS
FREDERICI HENRICI
Invictissimi ARAUSIONENSII

Principis, Nassovæ Comitis, &c. *Excellse Memoriae*

Dicta Leidæ iv. Eid. Mai. cl^o Id^o cxlvii.

CELSISSIMO PRINCIPI
G U L I E L M O.

De *gratia Principi Aurisaco, Comiti Nassovæ, Cattimeliboci, Viande, Dietziæ, Linge, Meurſe, Bure, Lerdami, Vere, Uliffingæque, Marchioni Bredæ, Græve-Diſionis Cukiane, Dieſtæ, Grimberge, Herſtalli, Cranendonck, Varnestoni, Arleſi, Noſeroci, S. Viti, Daſborchi, Polani, Wilhelmoſtadii, Nirvarti, Iſelſteini, S. Martinodici, Montis Gertrudis, Caſtellorenardi ſuperioris atque inferioris, Swaluwe, Domino Baronique Antuerpiæ, Biſontij, Burgravio Hereditario Hollandiæ, Hereditario Marſchbalco, Geldriæ, Hollandiæ, Zelandiæ, Weſtfrifiæ, Zutphaniæ, Ultrajecti ac Tranſſulaniæ Gubernatori, Fæderati Belgij terra marique Imperatori, paternæ & avitæ virtutis ac gloriæ Heredi Unico, Genero Regio,*

Laudationem funebrem invictiſſimi parentis excellſe memoriæ

D. D. C.

Fridericus Spanhemius.



Pud erectas Gentes in more olim positum, Heroum suorum funera delubris clausis, indicto iustitio, fordidato vultu, scissis vestibus, publico planctu, repetita sui doloris ac virtutis sibi ademptæ commemoratione, immo extenuatis propemodum animis efferre. Nec id abs re factum videri debet. Ut enim Luminum, quæ diem distinguunt & noctem, defectiones cum horrore in corlo observantur, sive quia Natura vim pati videtur, sive quia in publicas calamitates, mortalium generi exitiosas, exire

solent: Sic Optimorum Maximorumque in terris Principum, mortes non minori animorum

animorum consternatione excipi debent, quippe quæ fatalem rerum publicarum conversionem, ne dicam occasum, portendere videntur. Haudquaquam itaque mirum, subducto Nobis & Orbi Christiano Incomparabili Heroe, *Fredrico Henrico Nassovio*, Belgicæ rei, post Deum immortalem, retro Statores, Patres, Aulam, Nobilitatem, Curiam, Militem, Plebem, omnem Ordinem, atatem omnem, immo totam ferme Federatam Belgicam in unam Bataviæ Urbem effusam, ad splendidum *Nassovicæ* Gentis, vel Virtutis potius & Gloriæ Tumulum, publicum totius Patriæ luctum, ferali pompa, & omnibus per quæ sceleris moeror se exonerare solet, officijs heri deposuisse. Nec mirum, tanti Principis clientem Academiam maximum hoc funus hodieque insolempni panegyri moestissimis animis commovere, & alta suum dolorem voce apud omnes, immo & duraturis aliquando, quod vovemus, monumentis ad omnem posteritatem testari. Minus adhuc mirum, Auditores, me tanti luctus interpretem apud vos publica auctoritate constitutum, animum de gradu dejectum, & velut à seipso desertum in hanc Cathedram, hodierna die, in qua pietas potius quam dicendi vis commendari debet, adferre. Sive enim Principem nobis ereptum, & cæco transcriptum, sive communem afflictæ Reipublicæ cladem, sive lugubrem moerentis Patriæ habitum, sive vultus vestros, moestos, dejectos, attonitos, sive inusitatam hujus loci faciem, hos parietes insolita veste horridos, hanc Cathedram funesto, apparatu instructam, & atratam intueor, ea doloris irritamenta ubique reperio, quæ vel constantissimam mentem percellere possunt & perturbare. Si quis in iustissimo isto omnium luctu, ubi nihil nisi moeror, squalor, & publica velut orbitas se omnium oculis ingerunt, exquisitam in dicendo curam adhiberi posse censet, ille nec magnitudinem mali nostri intelligit, nec animi cum gravi calamitate luctantis æstus perspectum habet. Enigvero, quam magnis olim Oratoribus Centuriones, Cohortes, armata Comitia, & perturbata judiciorum forma pro rostris incussere trepidationem, illam omnia que nos circumstant, immo vel solius, quod hunc diem propemodum nefasum tacet, argumenti funesta cogitatio nobis injiciunt. Colligendus tamen est animus, cum bono Deo, nec iusta tibi, Invictissime Heros, trepido vultu, qualem nunquam nisi in hoste vidisti, sed erecto & sibi constante animo, qualem per medios hostium globos ubique victor circumtulisti, facienda sunt, & quod à nostra imbecillitate expectari non potest, ab animi tui magnitudine, & à maximum tuarum virtutum recordatione nobis petendum est. Quia vero de tanto Heroe dicendum, qui rerum gestarum multitudine Annalès, gloria orbem impetit, quem nec virtutibus ejus modum statuere possumus, nec laudibus debemus, eum Orationi nostræ statuere cogemur, illorum morem sequuti, qui amplissimos terrarum tractus, quibus cum paria facere tabellæ magnitudo non potest, designant potius quam representant. Ne de Panegyricorum quidem legibus anxie nobis cogitandum existimamus, quas ut nec ignoramus, nec alijs imitemur, sic nobis hic non figimus. De Principe loquimur non obnoxio imperijs, cujus Majestatem liberius nobis vel sequi licebit, vel lugere. Eum sane & adolescentem, & juvenem, & virum, & privatum, & Imperatorem, à castris, in acie, in aula, & in eo ipsam virtutis imaginem vobis exhibere, vestra & nostra potius interesse censemus, quam inani verborum apparatu, ad oratorias leges composito, illustrissimum hoc Auditorium circumducere.

Quemadmodum vero alii, quod diem facit, quando è nocte emergit, ortus non sine admiratione spectatur, sic ipsa Heroum origo dignissimum sui spectaculum præbet. Hanc ab augusta *Nassoviorum* Gente nosse habet, quæ nec taceri ob summum splendorem debet, nec pro dignitate hic commendari potest. Historiæ ea argumentum est, non Orationis. Antiquitatum vis, supra mille sexcentorum retro annorum vetustatem multis assurgere videtur, qui *Nasum* antiquissimæ Suevorum gentis Duem in Julij Cæsaris Commentarijs legunt. Ad Equitem quendam Romanum ejusdem Cæsaris militiam amplexum *Nassoviorum* stirpem referunt alij. Sed ut maximorum etiam fluminum ortus latent: sic & illustrissimarum, quod & ipsum ad Majestatem facit, familiarum origines in abditio sunt, sive quia priscorum simplicitas de sua potius virtute quam de Majorum imaginibus sollicita fuit, sive quia monumenta id genus temporum iniquitate nobis interversa fuere. Quamvis vero haudquaquam ad nomina vel sublesta, vel ambigua saltem fidei ascendamus, nec Severi Imperatoris tempora putemus, quibus in Theodosio quodam *Nassovius* vel virtute alij vel quærent, nec Didierios, Wahnvios, & Oeroldos *Nassovios* è sexti septimive Sæculi caligine erutos reperamus, majori fiducia ad Henrici Aucupis Imperatoris Romani tempora, adeoque ad seculum à Christo novum, itur, quo Illustrissimam *Nassoviorum* gentem jam claruisse, & Othonis *Nassovij* bello Pannonico præfecti expeditio, & Hattildiorum indices, & instrumentorum aliorum documenta probant. Dignitatem queris & splendorem, plures Gens ista maximorum exercituum Imperatores, Geldrix & Zurphausse per trecentos triginta & amplius annos Dominos, Belgio universo in Diethericum præfectum, quinque Moguntinæ & Trevirensi Sedibus Electores, Diethericum, Gerlacum, Joannem, & Adolphos duos; Immo & ante quatuor propemodum seculorum decursum in *Adolpho Nassovio* Cæsarem Imperio Romano editi, & quod ominosum Nepotibus, Principem jam tum cum Austriacorum odijs & æmulatione commissum, nec humana, sed fatali ultione vindicatum. Nec parum decoris ad splendidissimæ Gentis dignitatem accedit, quod præter Austriacas, Bavaricas, Sabaudicas, Lotharingicas, Hassiacas, aliasque, Electorij etiam, immò Regijs affinitatibus jam pridem clarissima fuit. Potentiam spectas, amplissimas *Nassoviorum* Gens in Norico, ad Rhenum, Lanumque, in Menapijs, Sicambrijs, Advaticis, Batavis, Mattiacis, Eduis & Sequanis ditiones retro tenuit, Avarionensem etiam Principatum in Renato *Nassovio* à Philiberto Cabilono, sub quo Roma tremuit, cum supremo jure Anno cło lxxx. accepit. Amplitudinem ætlimas, Illustrissimas magno numero Familias deprehendes, Wisbadenensem, Wilburgensem, Dilleburgensem, Sarpontanam, Solmenensem, Idensteiniam, Beilsteniam, Dietziam, aliasque, quæ *Nassoviorum* stirpem suæ originem gratis animis fatentur. Decora Gentis desideras, non Principes tantum, sed Heroas etiam dedit, nec rara quadam, ut in alijs familijs, futura, sed velut hereditaria inclytæ stirpis felicitate. Quicumque Otthones, Robertos, Engelbertos, Philibertos, Adolphos, Renatos, Gulielmos, Ludovicos, Philippos, Mauricios, Ernestos, Calimiros, aliosque, totidem belli fulmina ignorat, qui suam Saracenis in Syria, Turcis in Pannonia, Christianis in varijs Europæ regnis, immo & Indis alio Sole talentibus, fortitudinem, extra Europam probaverunt, per quos etiam Austriacorum tituli, Principatus, Regna crevere, illarum

parum cum rerum & temporum notitia, minus cum Faſtorum & Annalium monumentis comenſarij eſt.

Quamvis vero vel à ſolo *Gulielmo* Arauſionenſi, Herois noſtri Parente, Naſſovici generis ſeries arceſſenda foret, ſatis ille decoris in Gentem ſuam inulitara animi magnitudine intulit, ut vel ſplendidiffima cenſeri poſſit. Nemo ſane de tanti Principis virtutibus ſine ſtupore cogitare poteſt, qui maximos ex toſa antiquitate Heroas vel expreſſit, vel ſuperavit. Cujus juventus Auſam inter & Caſtra exercita, arcanorum & negotiorum capaciffima indole ſe ſagaciſſimi ingeniorum arbitri Imperatoris amori judicioque ita commendavit, ut in majorine gratia an exiſtimatione apud ipſum fuerit, inter incerta haberi poſſit. Enimvero non interioris admiſſionis, ſed primæ apud ipſum fuit, & juvenis etiam, ſive conſilij admotus & legationibus, ſive militanibus imperijs, & maximis Ducibus oppoſitus, omnes admirationis implevit. Immo in tam flagrantij apud *Carolum* gratia fuit, ut nec tranſlationis Imperij in Ferdinandum fratrem, nec Belgij in Filium Hiſpaniarum Monarcham aliſus præter ipſum vel arbitrer eſſet, vel interpres. Nec *Philippus* quicquam unquam gravius luit, quam quod plus aliorum odijs tantam virtutem minus comiter habendo, quam Patris commendationi eam demerendo tribuit. Cui, per Granvellani artes, Albani inhumanitate, afflictique Belgarum populi calamitates irritata, nequicquam multorum regnorum potentiam, immo omnem ſui Tagi & Indorum gazam oppoſuit, donec qui virtute vinci non poterat, ſubornato percuffore, flagitio ad omnem poſteritatem inſami, tolleretur. Inviſto iſti Principi Gens veſtra, Auditores, vitam debet & ſpiritus, poſt *Decum* immortalẽ, & quicquid vel magni pro Libertate geſſit, vel cum ea hoſti extorſit. Quæ quanta ſint, hodie demum intelligere videtur. Nec alium noſtro Heroi Patrem eſſe decebat, quam qui & libertatis veſtræ Patris eſſet. Majorem ſane ea ætate habere non potuit. Ne Matrem quidem, qui tantus eſſe debebat, habere debuit, quæ non Heroum ſanguis eſſet. Fuit ea *Aloſia Colina*, Illuſtriſſima & Magni animi ſcœmina, *Gaſparis Colini*, Maris in Franciæ Regno Præſecti filia, quo majorem conſilio, magnanimitate, rei militaris ſcientia, & quod caput eſt, pietate ac integritate Gallia ſæculo ſuperiore non vidit. Quippe qui, rebus maximis pro ſuo Rege geſſis, potentiſſimi Regni vires, quorundam artibus non ſemel in ſe converſas, exigua manu ſuſtinuit, retudit, fregit, ac tandem intrepida, qua ſuum fatum & latronis ferrum exceperat, conſtantia hoſtibus ipſis ingentem ſui admirationem reliquit. Tantis Parentibus nihil naſci potuit niſi magnum & inſolitum. Nec Germani Gallicique ſanguinis miſtura Hero noſtro ſine divino munere obtigit, ut, qui maximus eſſe deberet, utriuſque Gentis toto Orbe clariffimæ decora temperamento ſingulari unus reſerret. Et ut Natura, antequam deficiat, defectionem ſui niſu extraordinario vel ulciſcitur, vel compenſat; ſic & in ultima *Gulielmi* prole totum illum Heroem Orbis reſ præſentatum voluit, paucis menſibus antequam milleſimo quingentelimo octogelimo quarto, qui & Noſtro natalis fuit, Anno, conducto illo parriadio, quæ ſeculorum noſtrorum regias etiam mortes licitantium inſamia eſt, periret. Ita cunas Herois noſtri ſanguine paterno propemodum conſperſas habuit, ut & in ultionem Summi Parentis natus videretur, & ad Belgicæ libertatis vindicias ſuprema Patris voce vocari. Ipſa vero *Delfboeckum* Urbs, quæ piaculari flagitio

Gulielmus

Gulielmum sibi & bonis omnibus creptum vidit, *Fredericum Henricum*, velut alterum Libertatis vindicem, prima nascentem excepit. Et quamvis præclaris se ornamentis commendet, majus tamen non habet, quam quod ei ex tanti Principis natalibus accedit, & quod fidissima magnorum cinerum cultos illos Heroas condit, quos Orbis univversus stupet.

Pueritiam *Heros* noster sub *Heroïna* Matre, adolescentiæ partem aliquam, sub *Jani Douze* inspectione, in nostra Academia, quæ de tanti alumni manu Albo suo Kal. Jan. Anno cło 16 xciv. inserta merito sibi gratulatur, majorem sub *Mauritio* fratre in castris & actu rerum exegit. Quem simul & Ducem habuit, & Patrem, & in eo omnia reperit, quæ excelsam indolem ad omnem virtutem formarent. Enimvero ea *Mauritij*, juvenis etiam, initia fuere, quæ non modo omnium expectationem, sed & admirationem anteverterent. Usque adeo nullum unquam è scelere compendium expectari debet, ut poenitentiam parricidij in *Gulielmo* admissi, admiranda *Mauritij* virtus, & par ei felicitas hostibus sine mora expresserint. Et sane tanta victoriarum ejus ferme fuit præcipitatio, ut, quamvis maturo consilio omnia ageret, non annos tamen, nec menses, sed dies propemodum victorijs distingueret, *Alexandri Farnesij* Ducis veterani adultam virtutem adhuc imberbis sisceret, & *Fœderatæ Belgicæ* ad extrema consilia tristissimis temporibus conversæ paucis annis non securitatem solum pareret, sed & splendorem, immo Gentem ad dominatum Europæ magnis passibus gradientem, velut mole aliqua objecta, intra crepidinem suam se cohibere, & sua tueri doceret. Sub tanto Duce, cui *Fœderatus* Belgarum populus suum robur, Orbis Europæus disciplinæ castrensis instaurationem, omnes potentiz Hispanicæ suffaminatæ fructum, Duces bellandi artem, Mathematici suæ in castris usum, Mechanici ignotas etiam retro machinas debent, adolevit *Heros* noster, & magna exenipla vidit, expressitque. Est equidem in generoso sanguine occulta quædam spirituum velut cognatio, & vis latens, quæ capacem omnium indolem ad honesti æmulationem è præpinqno potentius accendit. Hinc *Noster* fraternas victorias suæ virtutis cõtem, ejusdem gloriam suæ anteaambulõnem censere, arma tractare, castrensem disciplinam discere, hostem lacessere, cominus pugnare, stanti instare, modo militem, modo Ducem agere, corpus ad laborem & tempestates durare, regionum, urbium, munimentorum, vallorum, castrorum situm, fluminum ostia, alveos, flexus, maris, littorum, ventorum rationem & viccs explorare, *Mauritij* instituta, consilia, imperia excipere, & in uno ejus exemplo omnia militis, omnia Ducis officia observare. Studebat in ista etiam ætate generosa indoles se dignum Patre, dignum Heroica Nassoviorum Gente fingere, & sua virtute pijs *Gulielmi* manibus parentare. Nec stimulanda ista indoles erat, sed retinenda tantum. Ducem Patriæ debebat, Fratri successorem, & servandus erat, ut servaretur *Reipublica*. Et ut *Mauritius* illi nec affectum decesse patiebatur nec curam, sic *Noster* eum non ut fratrem ætate majorem, sed ut Parentem alterum, ad extremam usque ætatem, constantissima observatione coluit, ad quidem, ut nullam unquam delibatz potestatis vel dignitatis suspiciõnem, ne adultus quidem, illi moveret, quod quam rarum sit in lubrico ætatis & gloriæ, talium docti norunt. Una utrique ad summam virtutem enitendi erat æmulatio, liberam quam à Patre accepissent *Rempublicam* tuendi, & in majus quoti-

die provehendi. Nec prudentiæ civilis, & Reipublicæ gubernandæ præcepta minus, quam belli artes à *Mauritio* Noster habebat, quæ ita alter docuit, alter excepit, ut hoc unum egisse viderentur. Ita nihil attingebat lectissimum hoc Fratrum par, in quo non capacissimum omnium animum ad stuporem ubique omnibus probarent. Incidebat in ea tempora Montis-Gertrudis obsidium, quem *Mauritius* inusitata corona cinctum se victori permittere coegit. Illi Nostrium licet adolescentem præfectum voluit, Duyvenvordio Satrapa Optionis vicem juventuti ejus admoto, ut ad maxima quæque surgentem indolem mature ejusmodi imperijs exerceret, quæ præter fortitudinem prudentiam exigèrent & formarent. Mox Heros noster iter Gallicum cum Heroïna Matre. deducendæ *Carolottæ Brabantinæ* sorori ad Illustrissimum in Armoricis & Pictonibus Regulum *Claudium Tremolium* Franciæ Parem, ingressus suam *Henrico Magno* indolem probavit, & tanti Regis applausum in ista etiam ætate meruit. Redux in supremum Status Consilium allectus, incunte hoc seculo inter Patres, quoties per armorum vices licebat, sedere cœpit, arcana Reipublicæ, & ardua negotiorum domi forisque observare, ut nonnisi omnibus curis par, & gubernandi vetus ad Rempublicam regendam aliquando accederet. Nunquam equidem felicis cum rebus publicis agitur, quam ubi illi, qui ad clavum admoventur, eorum usum habent, quorum potestatem habere debent. Heros noster animo omnibus negotijs pari ita fortitudinem Fratri probabat in castris, ita arcanorum ac consiliorum capacissimam mentem domi probabat Patribus, ut *Mauritij* colibus viduitatem solus Patriæ excusaret. Nulla enim videbatur metuenda orbitas, dum ille superesset, qui & Patris prudentiam, & Fratris fortitudinem unus conjungeret, & æquaret. Mox maximam de se expectationem Noster excitavit, quum in dubio illo ad arenaceos Flandrorum colles prælio hullis vel monitis vel precibus vix à sedecim annorum adolescente impetrari potuit, ut se Patriæ servaret. Omnia non tantum in ancipiti, sed desperata propemodum erant. Exercitus fœderatus nonnisi ad prædæ opportunus videbatur in hostico, mari interclusus & potentissimo hoste, eoque recens victore, & sub oculis suorum Principum, quod ad victoriam valere solet, pugnatiuro. Vel mare epotandum erat, vel perrumpendi hostium cunei. *Mauritius* instare, noster reculare, nihilque imperiorum deprecari, nisi quæ unam communis periculi subeundi gloriam sibi interverterent. Crescebat illi animus cum periculi magnitudine, nec Nassovicum nomen decere censébat, hosti tergum vertere, vel de sua salute in consilium ire, ubi de Reipublicæ salute ageretur. Ita periculi particeps, gloriæ quoque fuit. Nassovicus sanguis integer de hoste triumphare debuit. Sole etiam in societatem pugnæ vocato, & vento inter instrumenta victoriæ adhibito. Illi etiam & toti quidem ultionis *Adolphi ac Gulielmi*, & servatæ Reipublicæ gloria constare debuit. Imperterritum Herois nostri animum spectabat cum gaudio in ista ætate *Mauritius*, suspiciebat Hostis, jam tum præfagiens, fatalem sibi virtutem fore, quæ in adolescente triumpharet. Major jam videbatur Patribus, quam qui vel ætatis imbecillitatem minoribus imperijs lucret, vel eandem infra dignitatem exigeret. Anglicarum itaque copiarum, quibus potissimum exercitus Belgici robur constabat, Francisco Veerio missionem petente, præfectura illi in castris ante Graviam demandata fuit, mox totius Equitatus, quam utramque ita admi-

ministravit, ut & fidem Reipublicæ, & prudentiam Fratri, & militi auctoritatem singulari animi moderatione temperatam commendaret. Ea quæ cum imperio illo gessit, quamvis per se magna, hic dicere superfedeo, quia majora dicenda sunt. Taceo generosum facinus, quo omnem Mendosæ veterani Ducis calliditatem elisit, & sibi Gallicæque Nobilitatis flori viam fecit, ex insidijs in quas præcipitaverant eluctandi. Eodem animi robore ad Roram armis cunctis hostium undiquaque cinctus, & densa scloporum grandine ac flammis obrutus Ludovici Velasci equitatum, & media agmina perrupit, & exemplo suo ostendit, magnæ virtuti, & in periculis ipsis crescenti callem semper ad gloriam & salutem patere. Ipsa cæteroquin Graviæ expugnatio, fani Georgij & aliorum circa Brugas munimentorum occupatio, Brevordæ recuperatio, Verdugi clades, præsidia Rhenobergæ & Meursiæ, terror Venloæ, potentissimo exercitu nequicquam obstante, illata, vix viginti annorum juveni ingentem gloriam peperere, quarum sub *Mauritio* victoriarum instrumentum potissimum fuit. Quid posset in castris, ne Hostis quidem dissimulabat, & quanvis felicitati ejus invideret, virtutem tamen odisse non poterat. E pulvere militari ad splendidam legationem à Patribus traductus, ei etiam se parem in ista ætate præstitit. Non negotia tantum, sed & Majestas Reipublicæ Potentissimo Magnæ Britannię Regi representanda erant. Ei rei Noster delectus. Et quamvis nihil vel ad splendorem, vel ad affectum in eo excipiendo maximus Rex prætermitteret, hoc tamen deerat, ut sciret, si per fatorum leges licuisset, quam sanguini Nassovico sponfam debiturus esset aliquando regius Britannorum sanguis. Legationis prodigitate & ex usu Reipublicæ gessit præmium redux à Patribus tulic, Flandriæ totius, qua patebat Ordinum imperio, Slusa à Mauritio occupata, præfecturam, sed majus à sua virtute & propiori hoste, crebras victorias, & ex ijs gloriam, verum generosarum mentium pabulum. Ob id unum bello interdum minus æquus videbatur, quod multo sanguine vincendum esset, quem tota vita servare malebat quam fundere, quotiens humanitati locus esse poterat inter ardua bellorum. Nec sane vel *Eickelij* incensi dirutique, vel perusti populatique Limburgensis agri alia præter hostis pertinaciam causa fuit. Una nostro cura, armorum potius terrore quam vi reluctantes cogere, ut felices esse vellent. Habet hoc generosa indoles, ut tantum ablit à crudelitate, quantum abest ab ejus causis. Succedere mox mitiora tempora, & ferrum quod vi Gentii vestræ excuti non poterat, Caduceatorum regionum interventu, pararijs etiam Regibus, ad tempus conditum fuit. Nec tamen Herois nostri virtuti area deesse debebat. Exhibuit illam *Juliacus* ager, in quo Anholtij equitatum pediatumque magno animo fudit, & hostilia arma *Juliao* avertit, præsidio audaci facinore in urbem immisso. Sequutum non ita multo post bellum ad vetus Brunonis oppidum, sua magnitudine & virtute clarum. Venit eo noster, vidit, vicit, & solo adventus sui terrore, libertate urbi, gloria sibi, suæque genti parta famam victoriæ propemodum redux antevertit. Præterquam vero quod expeditio ista ingloria non fuit, ne sterilis quidem fuit, sed *Herefordiam* Patrum imperio adjecit, & *Marcano* Comitatu securitatem peperit. Aliorum vindex suus etiam esse debuit, & aviti Principatus, quum moles *Arausionensi* rupi superstructa, *Philippo Auriaco* extincto, cuniculos admittere videretur, qui sine dolabra & ligone aguntur. Consilio opus erat & Majestate. Utrumque Arau-

tionem

sionensibus Heros noster exhibuit, & Principatum sub Fratris imperium accepit, firmavitque, ac Regio Lutetiæ Pariliorum, Pontificio Avenione apparatu exceptus, utroque admirationem sui reliquit. Nec infelicius cessisset Nostro animosa illa in Nemetes & Vangiones excursio, si quantum in hostem potuit, tantum potuisset in focios, & fatales illas consiliorum, ut molissimè loquar, moras, minus graves, si solis earum auctoribus tales fuissent. Autumno itaque jam adulto, quod unum poterat, Anglicano quem adduxerat pedite in hyberna per Palatinatum, cujus ruina Imperium & libertatem oppressit, distributo, equitatum per invidia viarum saluum reduxit, & insidijs callidissimi hostis alicubi, artibus ubique prævertit.

Sed ista præludia duntaxat fuere majorum quæ Imperator gerere debuit. Nihil tam grave est excelsis mentibus quam torpor. Congenes illæ suo coelo sunt, unde ortum habent, & à quiete ingloria abhorrent. Eius tamen necessitatem iniiciebant quandoque Heroi nostro solennes illæ induciæ, quibus sibi hostis pacem foris, Fœderatæ Belgicæ bellum domi peperit. Quanvis enim cessare videretur, non cessabat. Et licet catapultæ non pugnaret, pugnabat tamen, sed occultioribus machinis, actor simul & spectator tragœdiarum vestrarum. Nec ille unquam plus Reipublicæ vestræ nocuit, quam quum non nocere videretur. Nocere vero tum demum desijt, quando se nociturum instauro bello professus fuit. Vix cessatio illa quovis bello nocentior exspiraverat, quum novus Herois nostri gloriæ campus se aperire cepit. Christianus Brunsvicensis, magni quidem animi Princeps, & bonæ causæ vindex, sed ab hoste in Isthmionibus circumventus, expediendus erat. Id negotij *Frederico Henrico* datum. Submotum oportebat subsidiarium militem ab Hispaniarum Infante submissum, qui & ipse Christianus imminerebat. Hunc Noster stitit, castris ad vetus Batavorum oppidum promotis. Mox mutata velificatione in Brabantiam ex inopinato incurSIONem fecit, & Herentala tentata, Demara amne trajecto, ferro ac terrore in ipsa Lovaniensium & Bruxellensium suburbana illatis, victor non sine optimo victoriæ fructu, hoste vim ulcisci non auso, ad suos Bredam redijt. A Scaldi ad Rhenum regressus, Bergium Comitum, magnæ famæ bellatorem, Rhenobergæ imminentem, castris ad Refam positus, avertit, ejusdemque equitatum, in suos ultro ruentem, ea fortitudine exceptit, ut præclari sanguinis & animi ductor Joannes Baptista Doria, Ambrosij Spinolæ Nepos, temerarium illum impetum sua & suorum strage lueret, & gloriæ Herois nostri accederet. Accessit illi mox Dux ipse imperandi vetus, Ligurum decus, quando ad *Frederici Henrici*, qui primum agmen ducebat, adventum Bergas ad Somam flumen, trimeltri ferme indagine, quanvis ne gleba quidem occupata, cinctas, deseruit, rumores non ante salutem, & quidem ex usu suo, ponendos ratus. Doluit promodum Nostri virtus successum, cui prospera ipsa rerum sine arduis minus pulchra videbantur, & qui non nisi totius Ducis triumphati gloriam animo destinarat. Ipsa sane Antuerpia, Orbis ocellus, novum tunc decus Heroi nostro peperisset, si cum hoste tantum pugnandum fuisset, & non cum ventis ac tempestate, quibus solis *Mauritij* molitio, extra casum cætroquin & dubitationem ferme tanti Ducis prudentia posita, arceri potuit & averti. Quæ vero virtus tunc elementis solis cessit, hosti nunquam cessit, sed famoso bello Germanico Duci Tzerclasio Tillio, cum victore exercitu Rheno imminenti obicem objecit,

& castris ad Emmericam promotis novas Brunſuicenſi Duci inducias, limitibus vero Belgico ſecuritatē peperit. Nec febrili etiam ſomite in totum corpus exaſtuante Anno cſb lxxxiv. impediri potuit, quominus Rheni, Vahalis, & Moſæ ripam nobis conterminam à Bergij deſtinationibus tutam præſtaret, & præſidio Graviæ ac Raſſenſio, comæatu vero Gennepenſi munimento illatis, callidiſſimi hoſtis artibus ubique cum ſucceſſu præverteret. Friſia etiam Orientalis Heroi noſtro laurum debebat, & illi Reſpublica Emdanæ, cujus libertati Tillij & Corduæ arma imminebant, liberationem, & non exiguam ad ſecuritatē limitis noſtri ex illa parte acceſſionem. Tot clades ulturus ſagaciſſimus Ligur, *Mauritio* recuperata Clivia & Gennepenſi urbe munimentis aliquot ad Rhenum Vahalimque occupandis intento, ut proſperis adverſa, illis etiam commendandis, alternante vices ſingulari Numinis providentia, intercurrere quandoque ſolent, Bredam urbem invadere, *Mauritium* fatalis languor occupare, arcis Antuerpiænæ interceptæ ſpes interverti, multæ Bataviæ urb. ſ. factionibus turbari, hoſtis in novas ſpes erigi, omnia in pejus labi. Nihil deficienti *Mauritio*, nihil Patribus, niſi in Herois noſtri virtute, poſt Deum immortalem, ſpei, quem ille ultimis tabulis Principatus, & ampliſſimæ gazæ, illi militaris imperij & omnium Fratrſ Dignitatum hæredem ex aſſe ſcripſere. Id vero etiam prudentiæ & amoris *Mauritij* in Reſpublicam imputatum, quod Patriæ orbitati, ſuæ memor, prævertendum ratus, feliciffimum Fratrſ cum Illuſtriſſima & maximarum virtutum Heroiſia *Amelia Solmenſi* connubium urgeret, antequam ſuprema componeret, quod ex utriuſque voto & dignitate, quanvis pompa ob *Mauritij* morbum contracta, ineunte vere Anno cſb lxxxv. celebratur, Fœderatæ Belgium gaudiij & ſpei implevit. Sic quos idem ſanguis junxerat naſcentes, idem & conſtantiffimus quidem ſociavit affectus conjunctos. Enimvero Illuſtriſſima *Solmenſium* Comitum Gens Naſſovicæ originis eſt, & nomen iſtud habet à *Philippo Naſſavio*, Everardi Filio, Everardi Nepote, qui id, exiſtenti ſplendida non ita procul à Lano arce *Solmenſi* circa finem ſeculi quarti & decimi, eaque ad *Oththonem* Filium tranſmiſſa, primus Naſſovicæ iſti propagini dedit: Quæ ab eo tempore ſepties per diverſa conjugia denuo cum cætera gente Naſſovica coaliuit, & ſplendidiſſimis toto Imperio familijs Palatinæ, Brandeburgicæ, Megapolitanæ, Badenſi, Anhaltinæ, alijsque, crebris affinitatibus jam olim innexa fuit. Nullis vero illicijs *Fredericus Heericus* à virtutis ſuæ & publicæ rei recordatione avocari potuit, quin ipſis nuptiarum ſolemnibus adhuc caſentibus de Breda liberanda cogitaret. Caſtris itaque in Brabantia poſitis, hoſtem ille laceſſere, comæatu, pabulatione intercludere, obſidionem trahere, obſeſſis animum addere, in ſtationem Caroli Romæ impreſſionem magno animo & pertinaci impetu facere, Ducis exercitusque robur crebris incurſionibus fatigare, Neptunum in hoſtem laxatis obicibus effundere, & nihil inauſum relinquere, ut urbem, propiori etiam nomine ſibi commendatam, Patriæ ſervaret: Sed quanvis obſtaret vis major, & totius Imperij vires in belli iſtius ſocietatem accitæ, id tamen Heros noſter ſua virtute effecit, ut victoria iſta nonniſi magnis impendijs victori conſtaret, & vix biennij mora ætarij ſimul ac exercitus ruina ſarciri poſſet. Nec vel virtus vel felicitas Heroi noſtro deſuere ſive compenſandæ, ſive ulciſcendæ cladi. Et ſane pignus deſtinatæ per eum Belgarum populo felicitatis maximum brevi Fœderata Belgica habuit in feliciffima *Gulielmi*

ex tanto contubernio nativitate, cujus natales, patriæ spes & gaudium, in xxvii. Maij Anni c1o 1o cxxvi. incidere. Accessit primum non Ducis sed Imperitoris virtuti præmium, (post Oldensaliam obiter Ernesti Nassovij ductu, Nostro interea hostem circa Vefaliam distinnente, occupatam,) *Grolla* è præcipuis Zutphanæ munimentis, natura, arte, milite, machinis validissima. Quæ primis metatis ab eo tentata, cincta, subacta, potentissimo etiam hoste vim castris admoliri non auso, valiturus ad famam auspicijs gloriæ ejus sequenturæ prætulit. Ipsa obfessorum virtus victoriæ pretium non leve addidit, una Gulielmi Nassovij, Maris in Batavia Præfecti, sirage corruptum. Hostis Bredana obsidione, milite, cæteroque instrumento bellico exhaustus, fossam Marianam, Rhenobergam, Geldriam & Venloam inter, Rheni Mosæque conjunctioni destinatam, & viginti quatuor stationibus infessam, ducere, Sanctietum etiam Bergas inter & Antuerpiam munire. Cui instituto Imperator crebris velitationibus intercessit, munimentis etiam varijs in Tergoesa Insula, & Bergas inter ac Stenbergam excitatis, & limite Mattiaco firmato. De qua quidem expeditione Fœderatus Belgarum populus cogitare non potest, quin Deo Sospiratori debeat servati Principis gloriam, pila tormentali a capite nostri Herois in Blaugariano æstuario averfa, quæ Arianum Ordinum Ductorem, cum è scapha egredientem, & dextra prehensa sustinentem ad latus ejus stravit. Sive vero terror ex tanti capis periculo, sive æriæ cura, sive alia vel Patrum consilia, vel Reipublicæ commoda intercesserint, annus sequens totus inter velitationes & fossorum operas extractus, & virtuti Imperitoris ferme subductus fuit. Sed cessationem istam magnis animabus invifam compensavit abunde Annus c1o 1o cxxix. sequens, quo, aucta Republica Indorum gaza & spolio opimo, Petro Heinio Ductore, Heros noster opus aggressus omni ævo memorandum, & Regibus propemodum desperandum, *Sylvæ Ducis* oblidium. Quæ Toxandrorum Veterum colonia, tribus Provincijs gravis, ita natura fluminibus interclusa, ita paludibus inaccessa, ita arte & munimentis vallata, ita præsidio, comæatu, & machinis instructa videbatur, ut sola se fama tueri posset, & vetus illibatæ virginittatis nomen servare. Cui etiam præerat Dux acer animi, per omnia militiæ stipendia ad prima enixus. Obsidium sane istud contemptu & dictarijs ab hoste primo exceptum, desiderari potius videbatur quam metui. Plus animi quam consilij Heroi nostro tributum, & coeptum sera poenitentia, nec nisi integri exercitus ruina luendum. Ea quin etiam in obsidentium damnum verfa, quæ inter obsidionis causas fuerat. Cæsarea sane arma ad Balthicum mare, Hispanorum ad Padum conversa, & cum Gallorum potentia in Montis-ferrati agro commissâ plus audendi fiduciam dabant. Sed & bellum in Septentrionè, & motus in Trans-alpina regione ortos mature componi oportebat, ut plus virium hosti, plus gloriæ Imperatori accederet. Cum natura equidem & arte, & totis Austriacæ Gentis viribus committi videbatur Heros noster, & ne receptum quidem tutum sperare posse. Ille vero animo invictus, hoste circa Lingam & Vefaliam aliquandiu circumducto, præsidio ad Rhenum & Vahalim, Patriæ tuendæ, & hostium incurfionibus ar-cendis, relicto, ex inopinato Sylvæ Ducis imminere, castra locare, dolabram & ligonem expedire, ingenti & supra fidem propemodum quinquaginta millium passuum corona, & gemina quidem, hosti undique ar-cendo, urbem cingere, viginti quatuor horarum spatio fossam ducere, trium septimanarum absolvere,

&

& tot è cespite lineas, aggeres, vallos, stationes, munimenta, moles, turres, suggestus, loricas, forpices, lunata & cornuta opera excitare, ut admirationem omnem excederent. Urbs urbe obsideri videbatur, & castra castris. Nec flumina tantum pontibus instrata, & tabulatis, siccatae paludes, complete voragines, sed & hosti faventes amnes alveis suis exciti, & commodo obsidentibus loco fluere iussi, immo tota naturæ facies immutata. Inusitati istius operis gloria debebatur quidem scientiæ militari Imperatoris, imputanda tamen etiam erat curæ ejusdem incredibili, dies noctesque inter fossores & milites partientis, æmulas gentes gloriæ cupiditate accendentis, labores & pericula cum milite inter strages & flammam miscantis, nec nisi in tubo æneo naturam ferme deficientem parciissimo somno sustentantis, donec miles & castra in tuto essent. Meruit revera Heroico isto coepto, & indefesso labore, ut & potentissimorum Regum esset admiratio, & totius propemodum Europæ stupor. Correxere brevi contemptum Hispani, obsessi jocos, Bergius etiam, cum valido xxxvi. millium exercitu obsessis laturus suppetias, dicerium, ex tubicine querens; An Auriacus discessum suum in exercitus sui adventum differret? Distulit sane, sed castris ita munitis, ut ne audaciæ quidem potentissimi exercitus locum relinqueret. Bergius, desperata liberatione urbis urbe vallatæ ad nova consilia conversus, milite foederato ad Patriæ tutelam relicto, vel cluso, vel segni, Isalam flumen, veterem Drusi fossam, ex improvviso trajicere, in Velaviam excensionem facere, Betaviæ imminere, Cæsareas copias ad se evocare, ferrum & terrorem in viscera Patriæ inferre, isto potius quam illo Amersfurto potiri, consternationis Geldricum, Batavum, Ultrajectinum & Transfulanum limitem implere. Necessitati Reipublicæ danda videbatur castrorum Sylvæducentium desertio, & tutiora consilia plerisque visa potiora honestioribus. Heros noster animi & propositi invictus regeret, optionem sibi nullam nisi vel victoriæ vel mortis esse: Decretum sibi dignitatem Reipublicæ cum Marcello Romano ad obsessam urbem tueri. Nec minus interea ab eo periclitanti Patriæ prospectum. Immo ut eorum neglectui, quæ à providissimum omnium Duce imperata fuerant, calamitas ista publica imputanda erat: Sic ejusdem curæ debita fuit Patriæ ab hoste liberatio. Ernestum ille Nassovium spectatissimæ virtutis Ducem laborantibus submittere, limitem patrium milite munire, irruptioni in Betaviam prævertere, Ultrajectum, Dufiburgum, Hardervicum, Zutphaniam, Daventriam, Swollam, & alias hosti obnoxias urbes, ad defensionem suæ libertatis præsidio necessario firmare, & cataracta Muydana laxata agrum interjectum ab hostili incursione immunem præliare. Ipse interea immotus, & velut omnium securus, quum nihil minus effect, obsidium ad Sylvam Ducis urgere, urbem vineis, accessibus, & industria se ipsam superantē, vita quotidie ad omnem telorum impetum projecta, urgere. Accessit inusitata Patrum fortitudo, & memorandum in omne ævum exemplum, qui rebus admodum creperis, suo Collegio, & velut Sacris Reipublicæ Ultrajectum translati, generoso isto facinore nutantes omniuni animos ad meliores de patria spes erexere. Tanta & tam pertinax virtus successu carere non debuit, quæ tam invicto animo inter aspera rerum cum adversa fortuna totis viribus in se incumbente luctaretur. Prosperrimum brevi Deus & causa dedere. Et ut una calamitas alteram, sic victoria una aliam excipere videbatur. *Vesalia* fortissimi tribuni Ottonis Didij Gentij ductu, Herois nostri consilio, Patrum auspicijs

spicijs miraculo intercepta, Hostis Velavia pulsus, vestram in se ipsum cladem ultus, Isfelburgum & Ringelberga per Hauterivium, Burica per Stakenbrouquium expugnata, & quod caput est, Advaticorum Sicambrorumque flagellum, *Sylva Ducis*, Brabantiae securitatis obses, magna totius Europae, sponsonibus & votis varijs distractae, expectatione, Reipublicae adjecta, & hostis ubique triumphatus. Rebus tantis ex voto, immo supra vota propemodum confectis, Heros noster omnium, quae maximae etiam virtuti intercedere possunt, victor, humeris ferme civium Hagam investus non de hoste modo, sed & de ambitione, & victoriae ostentatione, morbo Heroibus etiam quandoque familiari, triumphavit. Alexandro Farnetio, Belgij Hispanis obnoxij retro Imperatori, jam olim suatum, ut Antuerpia capta, ensen conderet ac baltheum. Idem videbatur nostro Heroi suadendum post Sylvam Ducis expugnatam. Nihil minus vero virtuti ad maxima quaeque se erigenti persuaderi potuit. Imperator de novis victorijs cogitare, hyemem consilij, aestatem rebus gerendis impendere, occasionum nusquam segnis, tuendae Patriae aequae providus ac amplificandae. Isti curae, & aliquot in Flandria ac Zelandia munimentis designandis firmandisque annum clō 16 cxxx. integrum imputavit. Minus favere videbatur felicitati Foederatae Belgicae Annus clō 16 cxxxi. quum insignem Herois nostri destinationem, qua altera virtutis nostrae Carthago non dubijs indicijs peti videbatur, immanis tempestas eluderet, & in partes ire videretur. Integer tamen labi non debuit, quin cum eo in gratiam rediret, & decoribus retro quaesitis novum adderet. Nihil equidem intercedere potuit, quo minus Imperator de Joanne Nassovio, cognati quidem sanguinis, sed aliarum partium Duce, triumpharet. Imminebat is periculosa incursione litoribus vestris, & valida militum manu cum multo instrumento bellico in fluminum vestrorum flexus & angustias, majoribus navibus inaccessas, immissa, Tolam insulam, aliasque, velificationis illius incertas, varia formidine implebat. Improvido rerum, nec orae vestrae gnaro Imperatori imponi poterat, non Nostro, qui, priusquam classis ista Antuerpia solvisset, consilia hostis explorata habebat, nullo tamen nili sagacitatis suae indicio. Quum enim, quo hoc apparatu navigari posset, non ignoraret, quo vellet hostis, vix hærere poterat. Circumacta itaque & cincta ista classi, provida Imperatoris cura, submisso etiam cum lecto milite Morganio & Domo novano poenas illa audaciae dedit, & hostis scapharum maxima parte & omni instrumento exutus, ipseque praeda, vix Duce subducto, sacrus victori, adeo quidem ut captivorum numerus Commentarienses lassaret, & vix ergastula sufficerent. Exin Insulis, incursionibus id genus obnoxij, prospectum, & nova Gocrae, Clunderae, ac Briela, & cæterae ad excursions opportunae ripae munimenta accessere. Splendidius tamen adhuc vincendum erat, & laureae veteres cumulandae novis. Mox *Venloam, Ruremondam, Stralenam* Herois nostri virtute Reipublicae Numinis favor adjecit, integri quidem anni spem, sed paucorum dierum fructum, quem una Ernesti Nassovij, fortissimi Ducis, strages functavit. Invitare videbatur Imperatorem ad novas victorias ipsa felicitas, & vires hostis in Germaniam sistendis Gallorum armis, Austricae potentiae suspectis, accitae. Munimentis itaque alijs ad Mosam occupatis, aditu complanato, & magno instrumento Herois nostri singulari dexteritate Patriae conciliato, *Trajectum* itum, & flumen exercitui tramittendo ponte instratum. Mox

urbs

urbs ipsa, natura, situ, arte, praesidio, commeatu, machinis, & apparatu omni mirum quantum instructa, ex improvise, in quo praecipuum belli momentum, cincta, liationes designatae, paucarum horarum spatio ad sustinendum impetum erectae, moles maxima excitata, dies noctesque continuatae, & corona omne genus munimentis intexta incredibili celeritate absoluta. Nec vel validum à Joanne Nassovio praesidium urbi illatum, vel exercitus hostilis ad Mosam appropinquans, vel Corduae è Germania maturissime revocati accessus, vel ipsa obfessorum virtus maxime Imperatoris ardori, sive operarum festinationi intercedere potuere. Vincis quoque nova, sed tuta via tunc primum reperta, nec telis tantum & armis, sed etiam notitiæ, immo & conjecturae hostis inaccessa. Infra fossarum ipsarum profunditatem è fundo puteorum itum, admirando Herois nostri invento, nunquam ante viso, nunquam audito, & miro quidem successu. Grassabatur fossor tutus sub milite, & illudebat securitati illius, qui hærebat in mobili celsipite, & ordinario opere, inusitati improvidus. Validiori sane exercitu opus videbatur frangendae hostis pertinaciae, qui ne glebam quidem nisi multo sanguine tinctam cedebat victori. Ne integrum tamen in opere isto, utut sui temporis maximo, Imperator detinendum Reipublicae & famae suae interesse censuit. Submisso itaque in Flandriam Gulielmo Nassovio, cum lecta militum manu munimenta *Crucis* & *Anne* nominibus clara adortus ad Scaldim vicin, dum ad Mosam pugnaret, & eo ipso hostem de urbe liberanda desperare iussit, cui expugnandae vel pars exercitus sufficere videretur. Incredibile dictum, quot & quibus ibi periculis caput suum obiecerit Imperator, fossori dies noctesque praesens ac militi, quibus curis, vigilijs, laboribus generosum animum maceravit. Et quanvis alternam quietem omnibus indulgeret, sibi tamen nullam indulgebat, documento dato, parum excelsis mentibus cum ista parte, quæ somni indiga est & pabuli, commercij esse. Gloriosum videri poterat de obfessa urbe triumphare, ipsa tamen Herois nostri virtus majoris adhuc periculi magnitudine aliunde commendari debuit. Potentissimi Regis vires minus sufficere visæ liberandis obfessis, Cæsars in partem operis & gloriae conduciplacuit, Pappenhemio ductore, imperterriti animi, & praecipuae in Germania famæ bellatore. Venit ille cum duratis bello legionibus, magnis itineribus, per faciles aditus, vicini Praesulis opera, non tam ad ambiguam quam ad certam victoriam. Ne opperienda quidem videbatur vis tanta in hostico, nisi decretum esset, vel collatis signis cadere, vel lentis maxillis intra vallorum angustias, intercluso commeatu, confici. Et ne Imperator forte desperationem verteret in virtutem, honesto in speciem consilio animum illius, Magno etiam instrumento adhibito, in antecessum tentari placuit, hoc armorum ipsius gloriae dandum, ut educto praesidio Hispanico, neutraui partium heret Trajectum. Immotus ille, se venisse ut vinceret, respondit, nec ut leges acciperet, sed ut ferret. His machinis nequicquam adhibitjs, vis caltris adnotata fuit, Pappenhemio ipsa meridie, quod ad gloriam suam pertinere censebat in stationem *Mauritij* sanguine & virtute vere Nassovij invadente, nec voce tantum & exemplo, sed enibus etiam & crucibus militem ad fortitudinem stimulante. Acriter diu pugnatum. Imperator inter primos, sed acerbos articularis morbi dolores de pedibus haudquaquam sibi cogitandum ratus, ubi de summa rerum ageretur, nullo dolore retineri potuit, quin ad stationem ab hoste impetitam, reliquis ad excipiendum Hispanorum

impetum instructis, sed cum læta, ut solebat, pube & fistulis aliquot æneis, quæ in parato nutum ejus semper præstolabantur, advolaret. Mauritij ille hostem triumphantis virtutem agnoscere, commendare, accendere, machinas à se advectas opportuno loco disponere, phalanges hostiles impetere, & desperatam propemodum Ducis gloriæ sitientissimi obstinationem mille quingentorum cadaverum jactura ad receptum cogere. Exin hostis nequequam flumen insidere, commeatu castra intercludere. Provida vero Imperatoris cura intercludi non potuit, congesta ante maturo consilio, quanta sufficeret trahendæ obsidioni, annona. Sic omnium victori Trajectum se permisit, & Urbs, si ulla, turbandis hostium rebus, conciliandis Eburonibus, invadendis Grudijs & Tungris, aperiendæ Germaniæ, & Luxenburgenſi ac Namurcenſi agro invadendo opportuna, Reipublicæ cum immortalis Imperatoris gloria accessit. Nec quicquam præter Hanovij Comitissæ juvenis ad magna quæque surgentis, glande in castris trajecti, cædem, tantam victoriam cruentavit. Usque adeo vero suas ista clade vires attritas sensit potentissimus hostis, ut inducias in castris Principi, Patribus Hagæ per Arescotanum Ducem & Mechlinienſem Præfulem mitissimis conditionibus offerret. Nec vero hoc sine hujus anni fructus stetit. Plus ultra progrediendum erat, & fortuna utendum. Provincia integra cæteris accedere debuit, *Limburgo* arce, quamvis præruptæ & inaccessæ rupi imposita, cum cognomine illi Ducatu solo terrore subacta. Anni & victoriarum finem *Orfœum* fecit, Gulielmi Nassovij ductu Patrum imperio & Herois nostri gloriæ adjuncta, & ipse ab Ubio Præfule magnifice post victoriam habitus, gratantes omnium voces ea modestia redux excepit, quæ victoris virtutem supra ipsas victorias efferrent. Nequequam vero tempore per induciarum negotiatores vel pacis sequestros extracto, *Rhenoberga* Trajecto adjicienda fuit, ultimum ad Rhenum munimentum Hispanis reliquum, quod ea celeritate confectum, ut ne hosti quidem spatium deliberandi de suppetijs relinqueretur. Nec per Imperatorem stetit, quominus Geldria, grassatorum opportuno ad insidias loco nidulantium excursionibus famosa, cæteris victorijs accederet, & Suediciæ copiæ, Stalhanſio ductore, Annum cIo cxxxiii. insigni victoria nobilitarent. Sed & senior earum adventus, & fatales remora alie tantis conatibus obstitere. Venoræ interea & Ruremondæ servatæ gloria Nostri providentiæ debebatur, cui utrique immincebat Aytetonæ Marchio, magni & animi & judicii Dux. Cui tamen nihil per Imperatoris virtutem licuit, præter liberas fossorum in Stevenſwerta (quam Mosæ flumen ambit) insula operas, ubi munimentum moliri cœpit. Nec ab eo impetrari potuit, ut de reliqua Hispanorum in Belgio majestate, quamvis ab Heroe nostro se ad prælium prolici aliquoties videret, incipiti eventum cum maximo seculi Duce decerneret. Illius sanè sive virtuti sive felicitati imputandum, quod Hispaniarum Infantis, optimæ retro Principis, tumulo *Gentis istius* in Belgio imperium haudquaquam illatum fuerit. Cum tanto *Belgiæ Hispanis* obnoxie rectore commissa Nostri virtus in Trajecti ad Mosam ab hoste valari ceptæ liberatione enituit, quam sola Bredanæ obsidionis simulatione, tanta de ejus virtute & felicitate erat exultatio, procuravit. Ista decora sequutorum auctoramenta fuere. Cum regio Hispaniarum Principe recens in Germania victore committi debuit, & Regio exercitui ipse præfici. Datum hoc non tam foederi inter potentissimum Regem & Patres isto, quam virtuti Imperatoris

peratoris & existimationi, cui nec hostis nec socius reperiebat parem. Sed qui imperare noverat alijs, sibi non segnius imperabat. Nec vel dignitatem illam admisit vel exercuit, nisi diu cum Patrum hortatibus, & sua modestia luctatus. Præfagire videbatur providissimus futurorum animus, tantos conatus, integro bello conficiendo pares, plus valituros ad terrorem quam ad victoriam, live quod lenta vasti corporis prævideret molimina, live quod plus suæ disciplinæ tribueret, quam numero, live quod tot victoriæ instrumentis victoriam ipsam corrumpi putaret. Et sane, quanvis nec socijs Ducibus virtus, nec ad arma nate Gallorum genti ardor deesset, omnia summa sub Heroe nostro tentandi, obitare tamen videbatur vis major tantis ausis. Non raro equidem maximis etiam conatibus occulta quædam Dei providentia intercedit, ne vel humanis consilijs, vel victoriarum instrumentis id tribuatur, quod earum auctori debetur, & uni quidem. Illi uni imputandum, quod ingens iste in hosticum impetus, qui ad plenam victoriam sufficere videbatur, minus cessit ex voto. Sic omnia humana pila sunt in manu illius, qui omnia versat pro arbitrio, & fritillus, in quo varia tesserarum facies momento apparet. Herois tamen nostri providentiam finisior etiam successus commendavit, quippe cui salutaribus consilijs, nisi minus læva quibusdam fuisset, in tempore præversum volebat. Et ut calamitas calamitati socia esse solet, sic Imperatori non tantum minus prospera Fœderatorum, sed & Patriæ clades exercere debueret, ut eo illustrior illa virtus esset, quo magis urgeretur inter adversa rerum. Dum sociorum commodis Noster se totum impendit, Hostis successu audacior redditus, *Schenckianum* munimentum, quod inter præcipuas Bataviæ claves, & non unius fluminis repagulum est, ex improvise occupat, Regius Princeps Bataviæ imminet, *Cliviam* & *Genuepam* subigit, Imperij etiam aquilis in cruces Burgundicas versis multis legionibus ex Germania auctus, arma & terrorem undique circumfuit. Sed qui ab hostili agmine stetisse videbatur Cœli favor, mox Reipublicæ partibus, & Herois nostri gloriæ denuo accessit. Compertum brevi, *Schenckianum* munimentum interceptum non fuisse, nisi ut gloriolius recuperaretur, nec Patriam turbatam, nisi ut novo experimento disceret, cui post Deum salutem suam deberet. Qua celeritate Imperator invidendam istam glebam Patriæ creptam per *Gulielmum Nassovium* cinxerit, qua industria excursioni omni in Bataviam præverterit, qua arte *Bylandiam* & *Griethusam* subegerit, qua constantia hycem & hostem submoverit, qua felicitate munimentum ad securitatem Reipublicæ necessarium Regio Principi, tutiora tamen ubique consilia potius quam fervidiora sequutus, extorserit, cum stupore ab omnibus observatum. Hostium armis frustra in Heroem nostrum intentatis, ea in socios versa, & in Galliam ipsam incursum. Scilicet & illi Imperatoris virtus spectata esse debebat, & fœderatis opportuna. Sua equidem in *Advaticum* agrum, iniquo etiam tempore, irruptione, vigorem exercitum late in *Picardia* grassantem, & latius adhuc sui terrorem dissidentem, avertit, unus propemodum victoriæ eo tempore inter potentissimos Reges arbitrer. Vix eo moverat Noster, quum Hostis tergum vertere, proprios locos, velut *Hannibale* ad portas, respicere, & de suo in Fœderatos impetu, viribus in diversa distractis, remittere cepit. Gravem sane sibi Heroem nostrum sensit Hispaniarum Infans, quum ejus consilijs, armis, conatibus, cælum, elementa & ipsa felicitas famulari viderentur. Si quicquam,

nihil tantæ virtuti impervium esse, id *Bredæ* Urbis expugnatio ostendit, quam non unum miraculum commendat. Enimvero quid mirum magis, quam arma alio destinata præter spem, adversa tempestate, in hanc operam conversa, urbem supra Euræ præserme omnes septendecim propugnaculis, creberrimis molibus, latissimis fossis, aggeribus, loriceis, sepibus, præsidio, machinis ad pertinacem defensionem instructam, obsessam fuisse prius quam obsideri creditam, tridui spatio hosti interclusam, Regio exercitui inaccessam redditam, flumina adversa, obstructa, nostra, aperta inter potentissimi exercitus impetus & insidias, servata, & tanti momenti, tantæ famæ munimentum vix totidem septimanarum spoliū fuisse, quot Maximus Dux menses in ea vallanda, quum magis ad viū pateret, ipse tamen eam desperaret, consumsit? Prodigium istum propemodum coeli in virtutem & gloriam Herois nostri favorem Fœderata Belgica vel uno isto experimento discere debuit. Non invidit ille interea Regio Principi Venloæ & Ruremondæ, sive terrore, sive aureis hastis expugnatæ spolia, vix tanto hoste digna, contentus trium Provinciarum, Vahalis etiam & Mosæ, securitate, quam sola unius urbis recuperatione cum immortalis nominis sui gloria Reipublicæ comparavit. Id vero admirationem omnem excedit, nunquam Herois nostri gloriam magis enituisse, quam quando solita rerum humanarum inconstantia conatibus ipsius quam maxime intercessisse videbatur. Testis funesta illa ad *Calloam* aggerem clades, & res minus ex voto tum in *Flandria* tum in *Sicambria* gesta, ubi conficius consiliorum Miles sua etiam strage luere coactus fuit non observata imperia, & segne obsequium. Nunquam sane infelicitè pugnatum, nisi quando imperata ab Heroe nostro vel incuriosius excepta, vel segnius impleta fuere. Dum vero dicto audiens fuit Dux & Miles, utrique suis honores, Reipublicæ vero gloria constitit illibata. Nec exiguæ cladis ultio diu dilata fuit, sed pro myoparonibus aliquot, & paucis cohortibus littus Britannicum multo Hispanorum sanguine rubuit, & immanis ista navium sylva mari innatas non ventorum, ut Anno cl. Io lxxxviii. sed virtutis vestræ spoliū fuit. Enimvero ut classis ista, Regnis etiam formidabilis, Nostrum non latuit, antequam navigaret, sic ex quo in freti Britannici angustias se induit, Heroi nostro opportuna ad victoriam visa fuit. Ejus auspicii sequuta decretoria illa de Oceani Imperio & Reipublicæ salute pugna, submisso Martino Trompio, Maris Præfecto vicario, Cive vestro, homine in mari inter rudentes & tempestates propemodum nato atque, qui inusitata audacia, rostratis duodecim & una liburnica regiam septuaginta turrium potius quam navium classem à milite, classarijs, & omni apparatu instructissimam, aplitria nostra ex alto despectantem, & sola mole valentem ad terrorem, adortus, una illa audendi fiducia fastum Hostis in terrorem vertit. Extracta nonnihil pugna, Patrum sollicitudine, & Herois nostri cura effectum, ut paucorum dierum spatio Batavis velis sternere mare, & centum navium, præter xii. incendiarias, classis à maritimis Collegijs pube nautica, & cætero instrumento, milite etiam lecto ab Imperatore instructa, & isti Oceani Filio æque ac Præfecto submissa, integram illi victoriam, Reipublicæ ejus fructum, hosti vero desperationem pepererit, præteritis aliquot vel exustis vel submersis, alijs in brevità & vada compulsis, reliquis Antonij Occuendi industria, dissimulata maiestate, ocyus ruinæ & incendio partim ad Britannicum littus, partim alio in tutum subductis. Et quod victoria ferre majus fuit,

fuit, ea occasione hosti & socijs compertum, quid Respublica vestra mari posset, quæ paucis diebus classem paravit, cui instruendæ regia etiam potentia vix multorum mensium apparatu sufficeret. Ne quid etiam ad summam Herois nostrigloriam reliquum videretur, domestica accedere debuit ex Regia affinitate, quæ non modo sanguinem Nassovicum insigni decore honestaret, verum etiam singulare Reipublicæ firmamentum, ex arctiori cum Magno Rege, coque vicino & maris potente, colligatione, adderet. Et ne quid ad summum splendorem desiderari posset, Regia affinitas Regio ore proponi, & solemnium Patrum legatione, Splendidissimis Patriæ Proceribus adhibitis, conscribi debuit, postquam ei fidissimum ministerium opportune prolusisset. Sequutus sine mora publicus Regis assensus, Regiæ Principis, & primogenitæ quidem, desponsatio, surgentis ad omnem gloriam *Gulielmi* in Magnam Britanniam, cum apparatu, qui Regium deceret Generum, iter, & Nuptiarum solennia Regibus digna. Nec tamen inter domestica gaudia & sui sanguinis triumphos Imperator de Republica cogitare desuit, sed tempore Patriæ, Fœderatorumque rebus opportuno, modo Flandricum, modo Advaticum, modo Geldricum limitem insidere, hostem distingere, & potentissimo Regi in Atrebatibus moventi faciliores aditus facere, bene de Regno socio, bene de Republica mereri. Nec ipsa etiam Geldria, Rheno Mosæque gravis, virtuti Imperatoris subducta fuisset, si humana providentia vel æternas fatorum leges rehigere, vel elementorum & tempestatum vim moderari, vel eventum æque ac consilium præstare potuisset. Nec tamen vel Sicambrorum paludes tentasse, vel arma in Hultiam & Brugas convertisse nocuit. Nec sperni debuere destinationum id genus fructus, quanvis ijs plena non accederet victoria. Quam graves Hosti fuerint crebre illæ modo in Sicambros, modo in Flandriam excursiones, quanta fatigati attritique hostilis exercitus ruina inde sequuta fuerit, nemo præter hostem melius novit. Nec ea ratione arma solum hostium à patria averla, sed & Fœderatorum rebus, post infelix ad Theodonis villam, prælium, incertis castrorum vestrorum stationibus consilia & arma hostis in diversa raptantibus, mirum in modum consultum, quibus Hedini & aliarum urbium occupandarum subministrata opportunitas. Plus etiam profectum fuisset, nili fatali quadam vel infelicitate vel incuria, iterata Principis mandata suaverius excepta, & cœlum minus favens aliquas hosti inducias, exigua inter tot clades solatia, fecissent. Continuas illas pro Patria Imperatoris curas *Groningana* Respublica sua præfectura, *Henrico* Nassovio inaususta glande ad Lifam amhem in Flandria rebus humanis subducto, compendandas censuit. Ille toti Patriæ honores sibi delatos nova victoria, *Gennepa* munitissimo ad Mosam in Menapijs castris, terrestri piraticæ, & aliquot Provincijs vexandis opportuno, postquam id solita sibi arte & cura cinxisset, Patrum imperio, Anno cl^o 13 ccli. adjecta, superatis varijs Regij Principis per Fontanum molitionibus, & omni Preston, militiæ veteris, obfessis præfecti, contumacia, apparatu etiam in multos annos ibidem in amplissimi tractus exitium ab hoste congesto, in Reipublicæ utilitatem converso. Quum etiam varia Sociorum circa Ariam fortuna Reipublicæ fidem & operam postularet, Imperator *Henrico* Nassovio ad Mosam, alijs ad Rhenum relictis, in Flandriam opportunam Fœderatis excursionem fecit, & Fontano in se converso utilem eorum rebus operam impendit. Nec hoc tantum facinore Sociorum

ciorum fides Potentissimo Regi probata, sed & alio, minus quidem in vulgus, obvijs ut plurimum hærens, noto, non minus tamen Fœderatorum omnium commodis necessario. Illustrissimus Galliarum Tribunus Guebriantius Rheno cum suis & Sociorum copijs, itineribus varijs, & ipsa victoria Lamboio extorta attritis, vicinus, & ab hoste, victoriæ non ambiguo, sed certo, circumfessus, de exercitu & fama simul periclitabatur. Hatzfeldio Fontanus accesserat, utrique Franciscus Melos recens in Artelia victor, magnis itineribus velut ad certam prædam gradicens, accedere debebat, & Casarcas Regiasque vires in medio ocreni exercitum experiri. Heros noster sagacissimo omnium animo destinationem Hostis præcipere, nec Fœderatum exercitum solum de periculo mature monere, sed & castra ad Rhenum sine mora transferre, ibique in speciem sine Reipublicæ comodo, revera magno ejus compendio, socij exercitus internectioni summa & industria & fide prævertere. Licet multi, ut vulgus alienorum fatagium, & occultioribus sæpe consilij iniquum esset solet, id, cujus causam igni rabat, culparet potius quam intelligeret. Mora etiam in ista statione, quæ ignaris rerum nulli rei videbatur, opus erat, donec sociorum res in tuto essent. Et illam Fœderatis Imperator indulsit & discedentibus commeatum, nec quicquam Hostii vel in illos vel in se permisit. Ob tanta de Socijs merita, merito etiam Regio suffragio servati exercitus gloriam reportavit, eoque majorem, quod, sub ipsum ferme regiarum Principum ex magna Britannia adventum, pompæ & aule se subduxisset, & Reipublicæ ac sociorum commodis curas suas imputasset. Idem Theodonis-villam, Franci sanguinis ream, urgentibus, Imperator Andrea Capitelmo in se converso, & fida iterum opera Socijs commodata, illis, quibus tactum voluit, victoriam, sibi victurum ejus fructum, gloriam, vindicavit. Accessit novum Heroi nostro gaudium à crescente *Gulielmi* fortitudine, quem ab equitatu hostili in insidias prolecto, & undique circa Bergas ad Somam flumen circumvento, ac virtute & felicitate suæ æmula fuso victorem in castra redeuntem conspexit. Victoria ista & à magna hostium strage, & à Ducis virtute, & à Ducorum aliquot, Johannis Borgiz vel imprimis, viri genere clari, & militiæ acris clade commendationem ingentem meruit. Nullus abibat annus quin præclara eum victoria, vel beneficium aliud victoria patriæ haud multo minus opportunum signaret. Perire Imperatori tempus videbatur, quod non Reipublicæ commodis destinaret. Quum paulo post Sicambri arbitro opus esset, alius præter Heroem nostrum quærendus non erat. Nec major prudentia alibi reperiri poterat, nec auctoritas utilior. Incidit in ea tempora Gravelinæ obsidium, in quo & suæ Herois nostri partes esse debuerunt. Classe opus erat Regio Aurlianensium Principi, claudendæ ea parte urbi, qua maxime patebat. Hanc noster submisit, cum multo instrumento nautico, aliisque ad tantum conatum necessarijs. Ipse interea de Hoste alio trahendo sibi cogitandum duxit, & denuo, belli sede in Flandriam translata, de *Sassr* vel Cataractis Gandavensibus Regiæ Urbi objectis, veris Neptuni æconomis, oppugnandis consilium suscepit. Quantum in eo munimento Hosti & Flandris situm sit, tot alia tanta cura ei objecta docent, quibus omnem Fœderatis aditum præclusum hostilis industria voluit. Patere tamen debuit Imperatoris virtuti. Ille omnibus maturo consilio provisus, istas cataractarum cataractas perumpere, circumducto insigni arte *Isenburgico*, alio frontem, animum

alio

alio vertere, præmissis audaci natatorum satellitio, flumen ponte scirpeo infernere, exercitum in hosticum trajecto amni exponere, ipsas cataractas invadere, cingere, arcuare; Franciscus Melo, Lotharingo, Henburgico, Meganio nequicquam annitentibus, ne tanti momenti moles suo Regi periret. Et quamvis obsessi laxatis obicibus illo elemento, quod unum difficillime omnium arcetur, pugnarent, Imperator artem ijs opponere & constantiam, aquas, nimbos, tempestates cum milite dividere, voce & exemplo in omnium animis fortitudinem & honesti ardorem accendere. Sic elementorum & tempestatum propemodum victori intra mensem cessere cataractæ illæ, præclara Flandriæ Brabantique ulterioris clavis. Quod Dei munus, quamvis per se magnum, majus tamen ex eo censi debebat, quod, durante obsidio, funestum plumbum, quo militaris Architectus, cujus humeris ferme Imperator incumbebat, vix palmo ab eo aversum, velut tanti Principis Majestatem veritum, declinavit ad latus. Cataractis istis perruptis, penitiora Flandriæ Brabantique armis vestris patere videbantur. Eo destinationes suas convertit Noster, & curas. Vix denuo annus se aperire cepit, quum grande quid, & quod non ad utilitatem tantum Reipublicæ, sed etiam ad splendorem & gloriam ejus faceret, animo voluit. Sed miles novus serius impetratus, auctoratusque, apparatus ad Balthicum mare destinati, provida Hostis in observando qui nostris trajiendus erat, amne, cura, & maturior quam pro voto Sociorum, à quibus ad sua festinavit mora aliqua ad magnum conatum necessaria impetrari non potuit, discessus, & alia id genus felicitati potius quam virtuti Imperatoris intercessere. Cunctari videbatur Fabius nollet ignavis rerum, immo hosti & civi, prout multi sæpe castrenses operas ad suum ingenium in umbra exigunt, domi Imperatores, sed sine sudore & sanguine. Sapienter vero ab Heroe nostro tempus extractum hostis civisque didicere. Castra ille ex inopinato relinquere, hostem submovere, Lifam, Scaldim, & amnes alios trajicere, adventus sui famam celebritate antevertere, in Wafiam ipsam, armis vestris antehac inaccessam, Flandriæ uber, exercitum effundere, *Hullam* regionis caput, Antuerpiæ clavem, & latissimi tractus frænum cingere, paucissimarumque hebdomadam spatio munitissimam cespite, milite, commeatu urbem, operæ dies noctesque sedulus, ad dedicationem cogere, virtute *Gulielmi Nassovij* Moersburgi & munimentorum aliorum potiri, Hosti id unum relinquere, ut victoriarum vestrarum è propinquo spectator esset, & testis. Quem simul ad Mardiccam & Borborgum eo tempore triumphabat *Ludovici Bourbonij* ad ingentem gloriam surgens virtus, & exercita simul ac probata arduis Illustrissimi Galliarum Tribunus *Gassioij* fortitudo.

Nemo, Auditores, tot Herois nostri expeditiones cum animo expendet suo, quin mirari desinat, præcipitatum illi tot curis & negotijs senectutem, & molem ex elementis conflata vitium tandem pati cepisse, cujus commodis intercedebat iniquus animus, nusquam non vigil, & perpetuis pro Republica laboribus in seipsum sine intermissione grassans. Animadversum facile, mortale corpus cum immortalis anima paria tacere non posse, & satiscere debere istam partem, quæ tam multa imperantis animi socia esset & instrumentum. Hinc varius languor Heroem nostrum invadere, atterere, orbitatem & luctum Reipublicæ minari. Nihil inausum intentatumque relictum avertendæ tantæ calamitati.

calamitati. Patres preces, vota miscere, ut quod reliquum vitæ esset, suæ quieti imputaret, qui totam ferme publicis commodis imputasset. Satis publicam rem salvam fore in tanti capitis salute. Sed ne hoc quidem impetratum ab invicto animo, dolorum, mortis, & sui victore, qui nonnisi in Reipublicæ gloriam se cum materia in istam societatem descendisse censeret. Intercedi itaque non potuit, quominus quum annus superior exiret in ætatem, languidum, & variorum morborum mole vexatum corpusculum in castra & hostem transferret, & quanvis vincere amplius non posset, se tamen nec ab hoste, nec à morbis, immo ne à natura quidem deficiente vinci pateretur. Extracta in castris inter languores varios ætate, limite nostro defenso, hoste hac illac circumducto, sociorum rebus in Flandria promotis, reducem vidimus Heroem nostrum, invicto quidem animo, sed divortium meditante ab illa parte, quæ non instrumentum amplius gloriæ, sed sarcina tantum esset & vehiculum imbecillitatis. Ex eo lenta febri corpus tabescere, vitæ cominatus paulatim intercludi, pectus premi, vires dejici, sanguinis officina vim pati, aquosus languor corpus invadere, floridus ille vultus concidere, ipsa rationis arx vaporibus quandoque peti, noctes inquietæ sequi, omnia ruinam spectare. Lachrymas id multis, gemitus, vota omnibus exprimere, omnes gloriam, salutem Reipublicæ in hoc capite verti censere. Quicquid natura ingenij, quicquid ars industris, quicquid humana providentia consilij conferre poterat, ad tantam curationem evocatum, incumbente vel inprimis in hanc curam sine intermissione sola tanti animi victrice Heroïna, quam ista ruina propius etiam spectabat. Præstantissimorum certatim Medicorum experientia in consilium adhibita, templa precibus fatigata, & quoad mortalibus datum, isti hosti accessus obstructus, quem nullum satellitum penitus arceat, & qui omnibus spatiis diffusum exercet jurisdictionem. Haud minus vero cum Herois nostri, quam cum morborum pertinacia Medicorum filijs negotij fuit, qui eorum leges nihil ad se pertinere putabat, nec sua interesse, quando inferior ista pars suas sibi res habere vellet, illius ulro contentus, quæ supra morborum & mortalitatis Leges est. Huic ille soli propemodum ab eo tempore operari, cum cælo rationes inire, ultimum vitæ sanctissimis curis transmittere, & cui in castris quotidie inter strages & ignes ulro occurrerat morti, illi in ipsa Aula occurrere, animo ubique victore & sati & sui. Divisis adhuc inter pietatis officia & Reipublicæ negotia, in extrema etiam tegula, curis, exacta illi ultima ætatis & vitæ hyems. Observatum, quum, recurrente natali die, xxix. Januarij clb Id cxdvii. multorum gratulationes exciperet, quod magnum illum vitæ climactericum, fatalem multis periodum creditam, ex omnium voto, supergressus esset, Heroem nostrum, Omnes sibi dies climactericos esse, respondisse, nec se vitæ spatium annis amplius vel mensibus metiri, sed diebus & horis, paratum tamen ad excipiendam ea constantia ultimam necessitatem, quæ animum sui compotem deceret. Nec vero ea vel ferrea bellatoris fuit, vel Stoica hominis hominem exuentis, sed Christiana fuit, & Christiano Heroe digna, quæ cælestes ei voces expressit. Monitus natalitio illo die à Reverendo Viro, Joanne Goethals, cujus fidem castrensi opera sibi perspectam interiori compensarat admissione, vitæ Natalem mortis etiam esse, respondit Imperator

mafcule:

maſcule: De iſto potius quam de illo ſibi in poſterum cogitandum eſſe, & diſcendam arduam illam bene moriendi artem. Id ſibi curæ fore. Verborum cæteroquin, ut tota vita, ſic in ejus occaſu parvus fuit. Illa tamen loquela liberalis, quæ ſine voce uſurpatur, & cor ſolum interpretem, Numen ſolum conſcium habet. Iſta Deo arcana peſtoris nudavit, vitæ rationes ſubduxit, & animum cœlo intulit, antequam animam inferret. Sancta quinciam Hagienſium Dei Servorum alloquia cum gaudio admiſit. Nec piæ tantum voces excepit, ſed & reddidit, ne ijs quidem diſſimularis, quæ ſoli Deo fateri poterat. Non raro etiam teſtatus, Nullam ſibi niſi in Servatoris ſui merito fiduciam eſſe, illi ſe totum dicare, certum, ſe propitium in Chriſto Deum habiturum. Animadverſum pridie Nonas Martias, Morbi, nulla arte mitigandi, vim ultima moliri. Hoc nuntium eo animo excepit, eo vultu, quo proſperriſſima ſolebat, compoſito, tranquillo, exporrecto. Monitus inter alia à Dei Servo, Dei beneficium eſſe, quod non in caſtris inter ferri & ſulphuris graſſationes ſatâi celo periſſet, ſed lento, & meliori vitæ meditandæ opportuno morbo conficeretur, reſpondit: Se id inter prima Dei beneficia referre. Nec ſi cui Herois noſtri dolores dolorem, & ejus nuntias voces exprimerent, quicquam reponere ſolebat, niſi ſe Deo gratias debere quod adeo benigne ſecum ageret. Rogatus annon in ipſo morbi æſtu Dei ſe evocantis virtutem perſentiſceret, reſpondit: Se revera ſentire, omnes terrenorum fibras ſibi evelli, & cor ſuum è terra ad Deum ac cœleſtia ſubvehi. Ultimam horam non amplius ſibi in expectatione, ſed etiam in deſiderio eſſe. Nullum ferme momentum ſubduccbat cœleſtibus curis, niſi quod ſavior ſibi morbi vis vindicaret. Qua ſollicitudine, quo animi ardore, quanvis interprete Dei ſervo, qui lectulo jacentis adſtabat, ob difficiliorem reſpirandi commeatum, ultimis diebus uſus, Rempublicam commendavit Patribus, commendavit Eccleſiam, commendavit concordiam, vix pro dignitate dici poteſt. Primis illis nominibus, quæ ſibi ſemper commendatiſſima oſtendit, chariſſimorum etiam capitum, & gentis ſuæ decus adjecit, & utrumque Patrum affectui commiſit, nec illos ſine ſuis votis & eorum lacrymis à ſe diſmiſit. Heroinæ Principis ſingularem ſemper rationem habuit, eique conſtantiſſimum affectum ad extremum ulque probavit. Illius etiam dignitatem ſuis, ſed id ipſum ultro volentibus, commendavit, pietatem, amorem, concordiam omnibus. Quas ſurgenti Patris ſpei *Gulielmo*, quas *Eleſtorie Principi*, charitatibus ſuis, voces reliquerit, privato ore nec efferri debent, nec poſſunt. Quam impenſe quoque Scenſiſſimi *Eleſtoris Brandeburgici*, quem ſupremo officio ultro ſibi adeſſe cum gaudio vidit, præſentia adheeretur, ex oculis & vultu etiam deficientis legi petuit. Et quanvis invaleſcens morbi impetus, fatâli duodecim horarum ſopore, ultimi anteambulone, omnes Herois noſtri vires deſceſſiſſe videretur, tandem tamen ex iſta caligine, ſingulari Dei munere, natura ſciptam adhuc ulciſcente, eluctatus, & ſcipto major viſus, ultimas horas, ſui compos, ea animi præſentia inter ſanctiſſimas voces, quas avidiſſime excepiat, clauſit, ut deſtinatam ſibi beatitatem non expectare amplius, ſed jam Dei plenus, pleno modio excipere, immo ulcupare videretur. Tameſſi

vero vox ei multa pituita intercludi potuerit, & omnium terrenorum sensus, constans tamen in Deum fiducia ei intercludi non potuit, nec celestium vocum recordatio, quam oris, capitis, & pectoris motu quavis lingua efficacius loquebatur: Adeo quidem, ut paucis, antequam Heroica anima divortium faceret à corpore, moventis, rogatus à Dei Servo, an ejus vitæ primitias sentiret, quæ terrenorum omnium diadematum desiderium, & amorem, ei expectoraret, magno pectoris nisu, & exserta adhuc voce annuerit. Ita triumphantem inter sancta suspiria animam xiv. Martij, quæ dies inter funestas & tori Reipublicæ graves merito referri debet, intra quartam & quintam matutinam Heros noster emisit, nec eam Servatori suo impegit, sed reddidit, ætatis Lxiii. Præfecturæ Belgicæ & Principatus Arausionensis xxii. propemodum annos, supremam vero omnis gloriæ, ad quam humana virtus ambire posse videtur, metam supergressus.

Habuit Oriens Heroas suos, habuit Occidens. Magna posteritatis memoriæ nomina commendavit antiquitas. Nondum tamen in effectum virtutum seculum incidimus. Quod præcæ virtuti opponere possit ætas nostra, in hoc Heroe habuit. Invenit sane in eo Fœderata Belgica & Themistoclem & Camillum, & Periclem & Fabium, & Epaminondam & Scipionem, & Timoleonem & Æmylium, & Iphicratem & Chabriam, & Lysandrum & Miltiadem, & quicquid in maximis Ducibus suspexit retro præcæ ætas. Natura in hoc Heroe sibi vim fecisse videbatur, & in eo absolvisse quod alibi inchoavit. Quæ divisim alibi laribus habitant virtutes, in uno hoc capite conjunctam sedem fixisse videbantur. Pietatem, virtutum omnium matrem, sine qua larva honesti dari potest, honestum dari non potest, non ambitiosam habuit, nec affectuam, sed sinceram, & mitem, qualis purissima est. Hanc expressit opere, non schemate, ab Hiltrionia omni tota vita alienissimus. Quot & quibus illicijs tentatus fuerit, ut partibus super religione accederet, rerum usus multos ex vobis ignorare non patitur, ille tamen nullas nisi veritatis partes sibi adoptandas putavit. Quam reverenter Dei Servos habuerit, omnes testari possumus, quoties vel publicis vel privatis officijs apud hunc Heroem functi fuimus, illi maxime, quos ordinarij muneris ratio propius illi admovit. Omnium instar esse potest, quod suum & Patriæ gaudium *Gulielmum*, in magni Imperij spem natum Principem, non nisi sub Theologi, ab Orthodoxia præter decora alia commendatissimi, & quod ad Academiæ nostræ gloriam pertinet ex ordine nostro evocati, disciplina adolefcere voluit, ut voce ac exemplo ad omnem pietatem mature formaretur. Vidimus ipsi Novi Fœderis, & Hymnorum Davidicorum Codicem manu Herois nostri tritum, & notis varijs interlinctum, nec hoc modo, sed & quod sine singulari admiratione & gaudio non vidimus, vidimus plurima S. Scripturæ testimonia eadem Herois nostri manu exscripta, quæ ad peccati notitiam, fugam & remedium maxime pertinerent. Quæ quidem tanto judicio selecta compingimus, ut hoc in bellatore, qui nihil minus assentiri esse debere censerit, quam pietati, non parum miraremur. Hanc etiam virtutem inusitatæ suæ fortitudinis balin habuit, qua sulphur & ferrum igne hostile tota vita constantissime sprevit. Eundem umbonem sæpe querulis suorum vocibus opponere solebat, quod vitam & spiritum Patriæ toties periclitaretur: Dei providentiam suam fiduciam esse, illi soli se stare & cadere. Decretum sibi, nihil eorum

eorum prætermittere, quæ ad munus suum pertinerent. Quam
 piæ sæpe voces in castris emisit! Victorias suas nunquam sibi, sed Deo impu-
 tari volebat, & uni quidem: Ejus favorem exorari debere. Sine illo omnes
 hominum conatus, quantumvis maximos, inanes esse. Quum Anno cbs Is-
 cxlv. trajectis quinque annibus, cingendæ Hulsæ, exercitum in Wasiam mi-
 ra felicitate traduxisset, candide Dei Servo fassus fuit: Hoc Dei opus esse,
 non suum: Dei manu supra spes suas eo usque se deductum.
 Magnas accepti à Deo, parvas redditi sibi rationes esse. Immo
 malum se nomen esse, omissorum & commissorum reum. Sæpe ani-
 madversum à fido Dei Servo, in ipsis castris Heroem nostrum Dei verbo mi-
 rum quantum affici, & sacra velut repotia secum instituire, de dictis pro
 concione agere, scrupulos conscientiæ movere, super fide anquirere, suam expone-
 re, de sua ad preces & pietatis officia lentitudine, de carnis etiam ad peccatum
 pronitate queri. Quæ qui in Principe, & bellatore non miratur, ille nec aula-
 rum lubrica, nec castrorum comperta habet. Qui etiam luculentiore quam
 sanctissimæ mortis exemplo probari potest illa virtus, quæ in vitæ casu po-
 tissimum sui fidem facere solet? Quæ illa in Herois nostri tota vita aula, castris,
 negotijs innutriti excessu regnum exerceverit, in recenti memoria est, nec in-
 dictum abibit fido Dei Servo, qui id publicæ utilitati debet. An mirum, om-
 nium aliarum virtutum in Heroe nostro choragium fuisse, illa præeunte, quæ
 reliquas omnes post se trahit? Magnanimitas vere Principum virtus est. Hanc
 noster habuit sine pari. Quam excelsò animo maxima, & summi etiam Fra-
 tris felicitati inaccessa tentavit, absolvit? Quam invicta virtute ad *Sylvam-
 Ducis*, præter potentissimum Hostiam, totius sempe Patriæ nutantis & sibi in-
 cumbentis pondus immotus fuit. ut! Quam inulsiata fortitudine in castris ad
Trajectum sexaginta millium capitum vim, sub maximis Ducibus in se destina-
 tam, mediocri exercitu opperiri ausus, quod numero deerat, solo animo sup-
 plevit! Utrobique vero cum fortuna, vita, fama, & ijs omnibus ingenti fidu-
 cia decidit, quæ humanam mentem, si ulla, commovere possunt, & de gradu
 deturbare. Revera in Heroe nostro compertum, plebejos animos crescentis pe-
 riculi magnitudine dejici, magnos attolli & accendi. Quam magno etiam
 animo, iuter maxima de Republica merita, popularia quandoque judicia
 una suæ virtutis conscientia subnixus, exceptit! Contentus obiter dicere;
 Regentium actiones à rumoribus non pendere. Eorum consilia
 differri potius, quam intelligi. Rationem à multitudine exigen-
 dam non esse. Se tamen semper habebat, & servabat sibi, popularis qui-
 dem plausus non sitior, sed nec contemptor etiam. Sibi equidem, si ullus mor-
 talium, noverat imperare. Quam ille iram in potestate habuerit: admirandis
 sæpe indicijs compertum. Et quanvis irasci interdum deberet, irasci noluit,
 ne à se abire videretur. Nunquam se projicere solbat, vel iras suas infra dig-
 nitatem demittere. Aliorum impetum spumam etiam, ferre poterat, sed ea
 oris majestate, quæ pudorem exprimeret & poenitentiam ferocissimis. Qua
 animi moderatione prospera, adversa exceperit, propioris admissionis ministri
 norunt. Ut illis ingens animus attolli non potuit, sic nec istis frangi. Quæ
 extra se, & ab alijs fierent, aliena, quæ à se, sola sua censebat. Nihil tam ar-
 duum

duum esse poterat, quod non sereno vultu admitteret, omnibus major, & qui Deum ubique, sed ducentem potius quam trahentem, sequendum censeret. Idem illi vultus in castris & aula, in serijs & ludicris, serenus & sibi constans. Munificentia etiam Principum virtus est. Hanc & ipsam eximiam habuit: eoque majorem, quo eam occultiorem esse voluit, ne famæ dare videretur, quod dabat suæ virtuti. Neminem qui egeret à se submotum volebat. Multorum vota largitionibus munificis implevit, multorum anteverit, de pudore eorum æque ac de egestate sollicitus. Immo ita ad liberalitatem & munificentiam omnem factus videbatur, ut beneficium in beneficij largitione sibi dari existimaret, à fordido illo articulari morbo, qui Reges etiam tenuit, tota vita alienissimus, ut qui non aurum solum, sed & plebejas cupiditates infra Principem esse debere censeret. Quoties ille rerum suarum procuratores submovit, ubi de Republica agendum erat, cujus minima commoda maximis suis proponenda existimavit. Non sine admiratione animadversum, quum foederatum aliquando exercitum incredibili cura servasset, nec aliam à multis ex servatis gratiam præter grassationes in obnoxio sibi Comitatu Mursensi referret, Herodem nostrum ne vocem quidem in querelam laxasse, tantum abest ut de-coercendis illis grassatoribus, quod facillimum erat, sibi cogitandum existimaret. Integrum beneficium, & nulla sui parte diminutum à se præstari debere, gloriæ suæ interesse censuit, & magni Regis Majestatem etiam in lixis quandoque & mediastinis venerandam. Ut vero Heroi nostro commodorum suorum contemptor animus fuit, sic de publica re mire sollicitus. Sua salus ipsi invisa propemodum videbatur, nisi cum Republicæ salutæ conjuncta foret. Nihil pro se ferme optari patiebatur, nisi in commune prodesse. Ista una cura revera illi curæ fuit. Hanc sibi procurationem hæreditaria sortitione obtigisse censebat; & unam quidem. Illi dies noctesque imputandos, & accurandum, quicquid ad Republicæ exultationem & salutem pertineret. Quid in castris tota Europa spectante pro ejus gloria gesserit, Orbi notum. Non unum Demetrium Poliorceten jactavit antiquitas. Quem tamen Nostro opponere possit, non video. Ita omnia & Carthaginis, & Numantiae, & Alcibiæ, & Nysæ, & A. rni, & Platæarum, & Syracusarum, & Tyri obsidionum admiranda una Ducis Sylva habet, Trajectum una, Breda una. Naturæ ipsi vim facere videbatur Heros noster, non Hosti tantum, nec hominum dumtaxat victor esse, sed & elementorum & tempestatum. Non mirum, Regios totius Europæ oculos in hunc Nostrium converfos fuisse, qui non nisi Regia moliretur. Quot illi disciplina castrensis leges debet! Quot Architectonica militaris machinæ! Quot civis & miles capita! Quot Respublica urbes & munimenta! Quot publica tranquillitas dies & noctes, immo menses & annos quietos! Quantum felicitatis & gloriæ res Batava! Ingenue dicendum quod res est; Rempublicam vestram non splendidam reddidit, sed formidabilem, sed invidendam, sed Europæ stuporem. Illi ipsi etiam imputare debet Orbis Christianus, quod nondum serviat, & quod Orientis simul ac Occidentis gaza impendi non potuerit, ad parandam ei servitutem. Nec tamen, quæ splendidissima videntur, maxima tuere Herois nostri in Rempublicam merita. Plus ejus consilio debuit, quam armis, plus prudentiæ quam fortitudini. Hæc beneficia Patres testes habent, & rerum publicarum rectores. Nec minora sunt, quia sine buccina

& cornicine edita. Non minoribus sane machinis in expugnandis animis quam in subigendis urbibus opus. Quantum in permovendis tot Provinciarum, tot urbium rectoribus industriz, quantum operæ exigatur, quot impedimenta submovenda sint, illi demum intelligunt, qui Reipublicæ vestræ compagem, & libramenta penitus norunt. Hanc artem calluit sine pari. Quoties ille sive suis consilijs, sive sua suada vel nutantes erexit, vel collisos conciliavit, vel relictantes permovit, vel suæ quosque rei satagentes, alienæ æmulos, publicæ segnes, ad temperamentum salutare, & publicas cogitationes traduxit! Quoties similitates in nervum & exitium Patriæ erupturas ea sapientia & modératione composuit, quæ pertinacissimis etiam ne dissentienti quidem voluntatem relinqueret! Quoties ab ejus ore publica salus in arduis Reipublicæ negotijs pependit! Quoties isti ori, isti Majestati, & venerationi Principis datum, quod negatum omnibus! Quoties unus vidit, monuit, quod supra privatam perspicaciam erat! Quoties sibi delatum gravissimorum negotiorum arbitrium ita juri & æquo accommodavit, ut ne illi quidem, quorum causam minus probaret, judicium ejus improbare possent! Omnium partium videbatur, quia extra omnes erat. Quoties ille utriusque Collegij, quod totius, quæ patet Oceanus, potens est, & Orientem ac Occidentem vobis vectigalem facit, commoda salutaribus consilijs promovit, & ostendit, Gades, Calpen, Moluccas, Javam, Cubam, Mexicam, Brasiliam, aliasque multo Sole tollas regiones, æque sibi notas esse ac Bataviam, nec Rhenum magis vel Mosam, quam Paraybam vel Gangem. Nec vel Bahiam, vel Pernambucam Batavi miles calcaisset victor, sine Herois nostri, Belgas in Hispanum, in utroque orbe armantis, auspicijs. Civica sane corona supra omnes militares censeretur debet, quam sapientissimis viginti & amplius annorum curis meruit. Cujus fructum licet maximi semper Reipublica fecerit, pluri tamen quotidie facit, quoties tantam sibi virtutem adeptam cogitabit. Quoties etiam privata privatorum commoda propensissimo animo juvit & promovit, quando illa sine publico incommodo juri vari potuere & promoveri! Quot ipsi Duces, quot Tribuni, quot Centuriones, quot milites, quot cives fortunas suas debent! Quis fidem ex illis vel operam Reipublicæ probavit, quem non in oculis & animo circumferret! Quot hominum vota implevit, quot occupavit! Quot molitiones à Republica avertit, quot molitionibus prævertit! Quoties in ipsum hostem beneficus fuit & comis, quando id sine Reipublicæ dispendio licuit. Crebro sane comitatus suæ confessionem sive libero expressit, sive obsecro. Quis hoc Heroe juris & æqui, quis fidei observantior fuit? Sacrum erat & inviolatum, quod promiserat, nec ullis compendijs redimendum. Plura tamen facere quam promittere Principis esse censebat, & solidæ virtutis, virtutem præstare potius quam præ se ferre. Quæ cura fœdera & Fœderatorum res ad dignitatem & gloriam Reipublicæ pertinentes curavit! Quo ardore ejus tranquillitatem, sed quæ cum salute Patriæ conjuncta esset, extremis etiam consilijs promotam voluit! Ne amicissimæ quidem sibi tota vita Gentis, nec sui sanguinis decorum, nullis privatis commodis compensandum, præ salute Reipublicæ memor, quæ revera ei suprema lex fuit. His curis immori voluit, nec speciosis vel splendidis consilijs unquam locum esse posse censuit, ubi salutaribus esse deberet. Autoritatem habere malebat quam exercere, crudorum

impe-

inferiorum ignarus, iustorum etiam modicus, & qui rogando ut plurimum imperare soleret. Certamen illi semper honoris cum Patribus, & tanta in magna potestate moderatio, ut quod fieri deberet in gravissimis negotiis, ab alijs quam à se dici mallet, ipse etiam Patrum consilij summa lubentia accederet. Nemo hoc Heroe potentior erat occupandis alijs. In animos invadebat aequè ac in urbes. Ferreus erat, quem non flecteret, cui non venerationem exprimeret & obsequium. Quales ille & quantos, & quanta per eos Reipublicæ conciliarit, inter arcana ejus est, quæ plus profunt quamdiu ignorantur. Nemo ab ostentatione, & fastu eo erat alienior. Adulationem ne ferre quidem poterat, qui ferebat omnia. Honores ea modestia excipere solebat, quæ enim plus mereri ostenderet, quam accipere. Regiam perisclidicam, à Magno Rege ultro sibi oblatam, in animum admisit, non in vestem, non quod gestanda non videretur, sed ne quid in affecta ætate vel in cultu mutaret. Verborum licet parvus promus fuerit, talium tamen fuit, quæ decerent imperantem, & sapientiæ omnis consultum. Eloquentiæ interea in alijs non contemptor fuit, sed præco. Ipse plus semper à se taceri debere censuit, quam dici. Regentium etiam esse, plus dicere posse, quam velle, aut velle debere. Eruditionem omnem habuit Imperatori necessariam; In Geometricis, Geographicis, Nauticis, Mechanicis, Poliorcticis, & Architectonica militari regnabat. Artificum in talibus peccata non observabat solum, sed & emendabat. Historiam veterem & recentem tenebat, si quisquam. Nec id tantum quod in ea vident alijs, sed quod pervidebat unus. Politices tantum in hoc Heroe erat, quantum frustra in bellatore alibi quæras. Id unum tota vita egisse videri poterat. Hoc cives, exteri, Oratores, Principes, Patres sæpe cum stupore suspexere. Sagacitate, judicio, futuri prospicientia pariter admirandus erat. Id in affecta ætate quandoque queri videbatur, linguæ, quæ eruditionis instrumentum est, usum sibi desisse, nec adolescentiæ suæ hoc decus quæsitum, ut cum priscis sine interprete agere posset. Eruditioni tamen cæteræ multimodis favit. Id Academia nostra testari potest, cujus egregio propensissimo semper animo studuit. Quantum totum eruditorem tibi obstrinxerit, illustre virtutis & bonarum literarum seminarium, & in eo Collegium Auriacum, in *Breda* urbe non ita pridem erectum, ad omnem posteritatem testabitur. In cujus gloriæ partem Heroïna nostra non uno nomine venit. Nec in castris solum regnabat, & in Republica, sed & in aulica comitate, qua & ipsa Regijs capitibus sui admirationem expressit, ubique ex æquo magnus. In aliorum arcanis proliciendis mirus erat artifex, suorum condus ad stuporem usque. Eorum quæ decreverat dispensator admirandus, ut multi imperata tum demum intelligerent, postquam facienda facta essent. Sic enim alijs dividebat opus, ut ipse solum totum intelligeret. Hac arte maxima perfecit, non hosti tantum tectus, sed & ijs quibus totus parere videbatur. Nec privatæ virtutes Heroi nostro defuere, præter imperatorias. Singulas summas habere debuit. Magnus revera esse poterat sine principatu, & voluntarium sibi in omnium animis erigere. Nemo illo mitior erat, supra vindictam omnem videbatur. Ab officio devotio ratione potius & beneficijs quam minis vel pœnis revocatus volebat. Si quem segnem & tardum ad debita imperia sua pertinacia sustulisset, dolebat desisse, quem servaret, cui ignosceret. Quæ clementia ad divinam accedit. Inter tot

inuitatas virtutes nemo de se abjectius sentire solebat, de alijs præclarior, ubi incorrupto iudicio locus esset, quod nonnisi summorum mentium est. Nulla tamen illi larva, nullo mangelio imponi poterat. Totum hominem pervidebat ex facie & oratione. Magna illi morum gravitas. Excellarum animarum, ut superiorum orbium, motus tardiores esse debere censibat. Calorem, præcipationem, impetum, ut impotentis animi signa, infra se ducebat, dignitatis suæ in periculis, in acie, inter glandes & pilas memor. Nullo apparatu vel Mors, vel Hostis Fabricium nostrum unquam terrere potuit, vel efficere, ut vultum aut gradum mutaret. Monitus à Tribunorum & Centurionum fidelibus inter tonitruum hostilium iras, inter flammam & strages, inter suorum mortes & cadavera, ut sui & Reipublicæ rationem haberet, respondebat: **Licere Hosti irasci & terrere: Sibi licere debere, non terri.**

Quum multos, & fidelissimos quidem suorum, queri intelligeret, quod non Imperatorem tantum ageret, sed & fossorem & militem, nec in vineas & cuniculos iret, sed reperet, & furi inclementiam in caput suum ultro cum totius Reipublicæ exitio concitaret, composito & vultu & animo, dicebat: Imperatoris munia non melius quam ab Imperatore intelligi: Omnibus præsentem esse debere, cui Respublica omnia imputaret: Imperatoris etiam fimbriam ad omnia se extendere: Alienis oculis parum, aliena fide minus profici. Et revera ista Ducis inter tela & ignes præsentia, è potissimis tantarum, quas reportavit, victoriarum instrumentis fuit. Nec quicquam illi valebat ad disciplinam & exemplum Herois nostri vultu. Fortitudinem ille adspirabat ignavis, addebat fortibus, laborum patientiam imperabat omnibus: Nihil vel periculorum vel mollium detrectare licebat in tanto commilitio. Maximum illum & inusitatum animum commendabat ingens corporis decus, in quo ipsa habitabat Majestas, non austera, nec ferox, sed placida, & tanta comitate condita, ut plus ne venerationis, quam amoris inspiraret: Vividi illi oculi, & vultus Principe dignus, dubitare posses. Dixisses facile hanc domum à magno hospite habitari. Statua decentior quam sublimior erat. Mundiciei ad extremum usque in cultu observans fuit, decori ubique, ne illam etiam partem minus reverenter habere videretur, quæ in tanto contubernio esset. Ut vero corpus torosum habebat, & bene compactum: Sic ætatem transiegit sine notabili valetudinis vitio, nisi quod canifex ille morbus, qui satellites corporis pedes invadit, & instar callidi hostis è longinquo cuniculos agit, sæpe recurreret. Augebant morbi vim & vita in castris inter labores & vigilas, & domi inter curas continuas pro Republica acta. Sæpe observatum, inde à Trajecti obsidio, tortorem illum morbum conspirare cum hoste, & obsidere obsessorem. Ille tamen & morbi, & doloris victor de utroque constantissime triumphabat, donec alijs in subsidium vocatis languoribus, velut inspiratione facta, in jacentem, & omnem simul Medicorum experientiam inhumani contumacia grassarentur. Intra fines tamen suos stetit mali vis. Corticem Herois nostri sternere potuit, Heroem nostrum non potuit, nec vel meliori parti vim facere, vel inusitata illi fortitudinis gloriam intervertere, quam consentiente generis humani suffragio supra mortalium propemodum sortem consequutus fuit. Quum tantus esset, non mirum cæcis virtutibus gemi-

nam accessisse felicitatem, qualem nullus unquam inter Nassovios habuit. Non inania titulorum moror, quorum seculum nostrum, rebus parcum, scire esse solet. Nec Celsum illud Nomen tango, quod à Maximo Rege Orbis Christiani consensu obtinuit. Nec enim id tunc tam datum augustæ illi Genti videtur, quam redditum, vel postliminio vel restitutum. Altiora sunt quæ ad gloriam Herois nostri pertinent. Quam admiranda Dei providentia, circa tanti capitis curam enituit! Quoties id subductum Sicarij, quoties tempestatibus, quoties morti! Toties sane hic Heros servatus dici debet, quot dies, immo quot horas ferme inter ferri & æris strages in calidis exegit, & adeo quidem intactus, ut in medijs flammis & cadaveribus ne minimam quidem vulneris stricturam, ne dum vulnus, corpore unquam exceperit, quamvis mortem circa se omnibus telis suis grassantem videret. Quod vix sine miraculo factum; sine singulari sane Numinis cura non factum. Quis majorem nominis claritudinem, Heroe nostro inter maximos etiam duces consequutus fuit? Quis civi & militi, fœderato & hosti, majorem sui venerationem inusitata virtute & felicitate exprimit? Nec ad Rhenum tantum & Mosam notus fuit, sed ad Tagum & Tiberim, ad Bosporum & Borysthenem, ad Tigrim & Hydaspem, immo ad ipsos Platæ & Amazonum amnes. Nec inter Europæos modo, sed Orientis etiam Occidentisque reges Herois nostri virtutes, arma, victoriæ publicarum laudum materia erant. Ex toto propemodum orbe Europæo Nobilitas, Miles ad signa ejus confluebant. Sub eo militasse pars gloriæ videbatur, vicisse ingens felicitas. Immo ne alia quidem Hosti solatia erant nisi ab Herois nostri virtute. Id unum sane ad sui defensionem pertinere putabant captivum urbium Præfetti, quod ab eo victi essent, cui vincendi felicitas hereditaria esset, & cui ad tempus etiam resistere, gloriosum foret. Accessere consensum Patrum observantia, authoritas una Majestate minor, communis totius Fœderatæ Belgicæ amor, consentiens Orbis universi admiratio, maxime victoriæ, successus stupendi, domesticæ gaudia, augustæ stirpis in tanto Patri gemina prole successio, splendidissima sui sanguinis fœdera, Regium in *Gulielmo*, Electoralis in *Alfonsa*, magnarum virtutum Principibus, quorum illud metutorum etiam regnorum Hæredem Nassovicæ Familix, istud illi inseruit Serenissimam Gentem, quæ tot Imperio Romano Septemviros, tot Heroas dedit, & dat, hodieque *Fridricum Gulielmum*, vastissimarum Provinciarum supra omnes Imperij Principes, majoris tamen adhuc animi & spiritus Principem. Et quod ingentis felicitatis est, ad tantam Majestatem Heros noster victricibus armis, singulari Dei munere, Rempublicam vestram evexit, ut Fœderatæ Belgicæ Regionum consiliorum moderatrix, Regionum armorum arbitra, Oceanî Domina, Austriacæ potentix obex, Ottomannicæ Terror, Orientis Occidentisque stupor, Chinarum & Japonis admiratio, & totius Europæ propemodum statéra censei possit, ad quam maximorum motuum momenta exiguntur. Rarissimum illud Dei munus est, Auditores, & decus singulare, nec id aliquot seculorum decursu, sed paucis annis, idque ex modicis initijs, indulgentissimi Numinis benignitate, Patrum cura, & *Nassoviorum* fortitudine Rempublicæ vestræ acquisitum. Consulite Annales vestros. Multum diuque hoc sanguine vicistis, Batavi. Illi curas suas, consilia, arma,

victis

vitam etiam vobis impenderunt, hodieque per *Gulielmum, Mauritium, Fridericum Henricum*, aliosque impendunt.

Quid mirum magis, quam inde à quadragésimo post seculum decimum & quintum anno quatuor cognatorum capitum, *Renati, Gulielmi, Mauritiij & Friderici Henrici* præfecturam seculum absolvisse, excessisse! Si Reipublicæ & Libertatis vestræ incunabula *Gulielmo*, si *Mauritio* utriusque firmamenta, ornamenta certe & colophonem debetis *Friderico Henrico*. Qui non prius defecit, donec tantum opus à Patre inchoatum, à Fratres aliquosque productum, solus consummaret.

Sit nobis fas hodie, Auditores, mortalem vocem ad Heroem cælo receptum efferre, & hos oculos, hos vultus, quos sæpe suspeximus, hanc dextram, quam toties oculis, hunc animum, quem tanta reverentia venerati fuimus, immo totum hunc Heroem, non pugnantem, non sudantem, non algentem, sed paludatum & triumphantem nobis sistere, ultimo alloquio excipere, dolorem nostrum solari, & quas nobis voces dicat mæror & veneratio, effari:

Frederice Henrice, ingens cæli olim inter nos depositum, noster Amor, Orbis admiratio: Tibi supra caduca rerum jam evecto Fœderata Belgica, mœsta, squalida, dejecta, non paludamentum imperatorium, non trophæa, non aquilas, non signa, vana doloris solatia, & inania pompæ instrumenta suspendit, sed animos tuæ virtutis, tuæ gloriæ, tui desiderij plenos effundit, & supremum Tibi Vale vix sui amplius compos, quanvis non flebili voce, quia de te loquitur, dicit. Tuus ille Heroum tradux animus, Dei instrumentum, incolumitatem nobis, tranquillitatem, felicitatem, immo splendorem & gloriam peperit. Hoc tuum & Majorum tuorum, post Deum immortalem, munus est. Vestris consilijs, armis, sanguine quoque vestro res Batava surrexit, crevit, stat, immo vix quo progrediatur habet. Tua illa illibata felicitatis consors anima, inter sulphureos olim nimbos inquires, jam mole sua soluta, cœlestes illos fornices quietam habitat, quorum nec sublimitas hostem, nec serenitas nubem, nec puritas labem admittit. Ibi Dei serenum intueris sine caligine, Dei gaudium excipis sine felle, Dei gloriam possides sine satietate. Infra te esse vides moles & molitiones humanas, & quicquid grande vel duraturum vocamus, immo totum infirmitatum humanarum spoliarium. Non alios jam exercitus habes nisi cœlestes, nec alias tubas audis, nisi angelicas, nec alia castra vides, nisi Seraphica, nec aliud commilitium, nisi triumphale, nec alium hostem, nisi qui eo pertingere non potest, ubi tu jam vivis, & regnas, vere victor, vere invictus. Jam palmam habes, jam coronam tenes, nulli hyemi, nulli tem-

Q q q

pestati,

pestati, immo nulli mutationi obnoxiam. Non te poscimus, cœlestis anima, preces, nec vota. Nec tuum ordinem id decet, nec nostrum. Non tuis gaudijs invidemus. Nostra damna querimur. Rempubicam, Academiam, Ecclesiam orbam, viduam, desertam lugemus. Divortium dolemus, quod passi sumus: Gemitus miscemus: Tua beneficia agnoscimus, commendamus, & constantem virtutis tuæ & tuorum meritum recordationem anctè pollicemur.

Si quis beatis animabus esset rerum humanarum sensus, Auditores, quid quæso triumphalis ista anima nobis reponeret, præter verba quæ fortissimò Viro, quanvis in alia causa, commodat Romanæ Suadæ medulla?

Valeant, valeant, Cives mei: Sint incolumes, sint florentes, sint beati. Stet hæc Respublica præclara, mihiq; Patria charissima. Tranquilla Republica cives mei sine me, per me tamen perfruantur. Servent Patres, servent cives Rempubicam ipsam artibus, quibus illa crevit, & stetit retro. Sit illa Deo sacra, sit Socijs fida. Sit pietatis, sit concordia, sit publicorum commodorum, sit amicorum, sit à Deo immortalis acceptorum memor. *Guilielmus, Mauritius, Fredericus Henricus*, unus vobis repræsentet *Guilielmus*. Sit ille Amor vester, sit Hostium terror, sit Patriæ præsidium, sit Orbis Christiani Decus, sit delictum generis humani.

Referes, referes, Heros Magne, ultimum hoc à Patribus & Civibus meritum tuorum præmium. Quicquid ex te amavimus, quicquid mirati sumus, manet, mansurumque est in animis hominum, in æternitate temporum, & fama rerum. Nos te inter triumphales cœlestium Quiritium choros relicto, tuos in *Guilielmo* spirante tui imagine vultus, tuum animum, tuam virtutem, & tuam, quod vovemus & auguramur, felicitatem in charissimo nobis capite, duratura veneratione prosequemur.

Maestè interea, Heroum sanguis & tradux, *Guiljelme*, magno & animo & gradu in paternas virtutes & gloriam ito. Magna exempla domestica habes. Nec majora habere potes, nec propiora. Fac ut quas nos Tibi vernaculas Augustæ Genti tuæ precamur virtutes, quam Tui fiduciam habemus, quæ obsequia spondemus, ea omnia tuæ, & per Te nostræ felicitati accedant. Nihil majus vel expectare à Te possumus, vel Tibi nobisque à Deo Opt. Max. precari, quam ut summi Parentis Tui *Virtutem ac Felicitatem* nobis

bis Orbique Christiano quam diutissime repræsentantes, & serus in
cælum ad cognata tibi sidera redeas. Magnam spem sustines,
Princeps Magne. Ipsa Majorum tuorum virtus tibi adversaria
est. Illa tibi vel superanda est, vel sustinenda saltem. Ne ejus
recordatio in desiderium abeat, serio cavebis, & nos, ne vel in-
gloria tibi turba videamur, vel sterilis, quod per Te servamur,
gratia, id operam serio dabimus, ut quemadmodum nos Tibi de-
bebimus salutem, sic Tu nobis, vere Academicum munus debeas,
Famæ & Gloriæ Tuæ Æternitatem. *Dixi.*

E P I T A P H I U M
CELSISSIMI PRINCIPIS
FREDERICI HENRICI
ARAUSIONENSII PRINCIPIS, &c.

SUm Genus Heroum, sum fultæ Cæsare Gentis,
Es bellatrix gloria summa Domus:
Quem creperis Batavum Cæli indulgentia rebus,
Et magno ultorem jussit adesse Patri:
Quem Patris exemplum, quem Magni gloria Fratris,
In cunis Patriæ quem pius ussit amor:
Quem puerum præcox in magnos fibra Philippos,
Flandricaque in Morinum vertit arena tubas:
Quem Chauci tremuere Ducem, tremuere Cherusci,
Quem stupuit Tungro Rora cruore satur:
Cui vetus Arragonum sanguis, Mendoza, Velaschi
Cui juveni quondam cecit adultæ phalanx:
Cimbria cui pubes vacua Brunonis ab Urbe
Splendida victorem signa referre dedit:
Cui placidam infelixque Nicæ Nemetesque quietem,
Deberetque suos Vangio tutus agros:
Ni sua cunctator traxisset prælia Miles,
Et socium chalybem fraude hebetasset Iber:
Cujus Arausiacam servavit dextera rupem,
Et fidei memorem jussit habere fidem:
Quo Vahalis Rhenusque Pater, quo vindice Mosa
Securo tutas margine volvit aquas:
Quem Tenera & Scaldis, quem sensit cognitis Aa,
Et Rupela, & multa compede Lisa gravis:

Cui famulos Domino prima Oldenzalia fasces,
 Submissique apices hispida Grolla suos :
 Cujus in Advaticis sensit Toxandria campis,
 Fulmina, & artifices Virgo Brabanta tubos :
 Quam natura suos migraret subdita fines,
 Mutarentque vices gleba palusque sitas :
 Atque Dacas Drusi veclaret fossa phalangas,
 Et Trajectinis Sarmata staret agris.
 Me Duce multa gemens subducta Vesalia Mauro,
 Suspendit medijs barbarasigna iholis :
 Me Duce Cantabricas elusit Tola carinas,
 Et pinus spoliūm Bætica grande dedit :
 Me Duce congesto vallatos cespitè Tungros
 In Batavas egit nostra dolabra plagas :
 Vindice me Getico rubuit gens effera tabo,
 Et stupuit proprijs Mosa cruentus aquas :
 Me Duce regales jusserunt Lilia turmas
 Regia sub nostris signa movere tubis :
 Vindice me Vahali, Rhenoque obnoxia Moles
 Annuit, & Batavum clausit amica latus :
 Armis Aa meis, multoque borrentia vallo
 Mania, & innumero cespitè Breda ferrox
 Victori cessere Duci, Bortimque perosus
 Marca suus Vahali jungere gaudet aquas :
 Me Duce grassantem cobibet Gennepa Sicambrum,
 Et Mosæ dorsum tuta carina fecat :
 Me Duce regali Cataracta obnoxia Gandæ,
 Obex Neptuni desijt esse sui :
 Uber me Walia, me crebris abdita sensit
 Hüllta seris, nostro sulphure tacta, Ducem :
 Me Pernambuci, me divitis incola Javæ,
 Me Goa, me fato panda Sumatra sinu,
 Me luteus stupuit bis cotinus Sole Tapujas,
 Et gemino nobis Astur in orbe minor.
 Nec nos sola feri cælo effert arca Martis,
 Plus nobis decoris civica palma parit.
 Consilij servata meis res Belgica, debet
 Junctâ pharetratus mi sua tela Leo.
 Me Miles, Civisque Patrem, me dædala Leidæ
 Pulpita Patrono splendida micant,
 Auspice me medijs inter fulgere sarissis
 Cernit Athenæum Martia Breda suum.
 Regalemque Nurum, nec dispar Regibus ostrum,
 Optato nobis fædere junxit Hymen.
 Quodque utroque tumens mitescat Cantaber Indo,
 Virtuti debet Belgica leta mea :

Quodque

*Quodque suis iras Regum, quod temperet arma
Consilij, nostro munere Belga facit.
Quod patrijs Gulielmus ovans virtutibus, orbi
Vestro Nassovicos exhibet unus Avos,
Hoc etiam nostrum est: Ætas vix postera credet,
Circa unum lauros tot coisse caput.
Illa tamen nostras prima inter laurea lauros,
Quod capit Auctorem gloria nostra suum.
Scribite felicem, quem cælo proxima virtus
Et probat ante homines, & probat ante Deum.*

A L I U D.

*Naturæ spatium vincendo excessimus, ultra
Naturæ fines palma petenda fuit:
Hanc cælum exhibuit. Satis est, nil cætera curo,
Non genio minor est arca digna meo,
Nec nostris quicquam subducunt fasa triumphis,
Omnia, si cælum qui tenet, ille tenet.*

Æternæ Memoriz Gloriosissimi Herois

Posuit L. M. Q.

Fridericus Spanhemius.

P A N E

PA NEGYRICVS
 JAN: GRUTERO
 S C R I P T U S

A

BALTHASARE VENATORE.



Ulla acerbior dies à longo tempore inclytum litterarum nomen invasit, quam cum nuper ingentibus meritis clarissimus vir *Janus Gruterus*, varijs studiorum ac cæteris vitæ laboribus exhaustus ultimam nature legem, ea parte, qua mori potuit, omnes autem elegantiores homines perpetuo sui desiderio implevit. Pro certo enim mihi persuadeo quibuscunque in Europæ locis, ubi consummata eruditio æstimationem sui retinet, hic summi viri occasus nunciabitur (quid enim magnum diu filetur, cum cœpit aliquando cessare?) tamdiu verba lugubria super nostro hoc funere longe lateque auditum iri, quamdiu fama ullos inveniet, quibus hanc sæculi jacturam recenti nuncio ad aures admovebit. Qui potentia & magnitudine Imperij censentur, eorum quidem proprium hoc esse fateor, ut fortunæ suæ splendorem, dum vivunt, plurimorum oculis impingant, & ubi mortui fuerint, eundem splendorem in funere, in ipso mortalitatis & vanitatis spectaculo non sentientes usurpare soleant: omnibus præterea veredis celeritas crescat, ne quod pauci, quos dies ejusmodi atratus fecit, domi sciunt, foris cæteri in quamcunque affectus speciem ignorare possint, cum hac ratione supremæ majestati consuli videatur. Verum ea res apud externos ferme ad delicias tantum facit, dum in cœtibus, in convivijs, in circularis, in constrictis etiam, nova tali & adventitia narratione silentium redimendum, & per aliorum tristes casus ac nuncios delectationi serviendum est. Tolerabilis tamen etiam in hoc fructus esset, si non & optimi sæpe Principis finis tantos apud alios plausus excitaret, quantum domi & apud suos mæroris. Raro enim aliquis ingens de hoc genere hominum vitam reliquit, quin aliena cupiditas, cui hætenus Defuncti virtus obstitit, illa occasione improbius speret, aut æmulantis odium gratuito lætetur. Sed aliam longe & multo securiorem felicitatem sibi in his terris pignorant Heroes nostri, qui salutis rei literariæ præfederunt, qui nullius avaritiam suis bonis accendunt, cum propria eorum possessio non in hæreditatem veniat, nec in naturam prædæ, qui nullius odium merentur, cum prodesse

prodesse studeant universis, & studeant hoc unum. Ipsam adeo invidiam, virtutis perduellum eorum excessus, sicut olim vita, torquebit, & dolore interius confesso uret; olim, quia omnia ex eorum scriptis discere oportuit; deinceps, quod his quidem publice scribendi, ipsis clam & ingrate discendi consuetudo interemta est. Jam & illud haberetur discrimen, quod moror hic judicium est, illic impetus, & admiratio rei non admirandæ, potentes etiam posse mori: pauci de virtute cogitant, aut detrimento posteritatis. Hic nemo-luget, nisi qui doctrinam, sapientiam, virtutem aut amat aut sequitur, aut habet, quorum numerus etiam nec in Aulis nimis magnus, & in vulgo satis parvus, tamen ita magnus est, ita latus, ut porrigatur in omnes oras, ubi homines vivunt ulli ulla bona disciplina instituti. Vellem equidem, quam vetera exempla hujus orationis non desunt, ita recentia non superessent; vellem de memoria sinul omnium quibus ingenij divina, mensura ævi humana contigit, liceret in præsentia loqui, nec ad rem præsentem & ad solum nomen illud oporteret redire, quod quam olim libenter ac jucunde auribus & lingua usurpavi, tam nunc invitum attingo, non quia illud minus colam aut amem, sed quia dolorem nimis facile irritum, & cum irritavi, ne dissimulem vitium meum, nimis molliter fero. Sed dolebo potius, Mi Pater, quam nullum officium tibi denegem, & cum ubique admirabilis eruditio tua, *Jane Grutere*, notior fieri non possit, cum ubique jam lugeris, saltem illa per me notiora fiant, quæ vel non omnes contendebant, dum tantum maxima aspectabant, vel scire non poterant, cum tu non proderes, vel videre ipsi aut coram audire, cum longe locorum abessent, vel præclaras laudes tuas cunctas tenere, cum tu laudanda patrare non ante desieris, quam vivere. Gratum habuisti, Beate senex, hoc leve tributum vocis meæ antequam hinc exires, gratum habuisti, si recte accipio illam prælagam epistolam tuam ad Amicorum, ut fide, ita cæteris virtutibus seculo majorem, Amplissimum Lingelsheimium. *Venatorem*, inquis, *saluto & nunc vel singulariter alloquor impetraturus Epitaphium si quid mihi humanitus contigerit*. Nihil interit, sermonem ego Epitaphium, an illud, quod proprie dicitur, an utrumque intelligam; nec amplius me examino, an idoneus ad tanti viri laudationem accedam, cum ad me accessisse videri possit, qui scripsit hæc verba, *Epitaphium impetraturus*, haud quidem ille fiducia ingenij mei, sed obsequij secutus. Philosophus è Socratis disciplina apud convivium regale infimum locum premere jussus, non ignominiam sibi, sed loco dixit honoris accessisse; similem responcionem paratam habeo contra illos, qui forte inglorium *Grutero* duxerint aut dixerint, quod non majori eloquentia suæ posteritati offendatur. Sicut enim Aristippus ille humili loco dignitatem sceneravit, ita amplissimum nomen Gruteri hanc commendationem sui ultro satis superque poterit commendare. Hæc igitur era nunc quidem procul habita, ut tardius ad superna illa, ad importuosum illum portum & ætuum doloris nostri perveniamur, dicendi principium cum ipso principio nascendi connectamus, & ut tristem illam necessitatem rectius consolemur, repetito ordine cum *Grutero* prius vivamus. Eodem enim in hoc cursu proficiscor, quo superioribus annis cum è patria in navim ejectionis, sociata exulum turba, alterius terræ humanitatem suspirarem, & adverso flumine jam sugredientibus nuntiarent riparum accole, edoctos de nostra adventatione Austrolycos à Savo, & direptionem navi nostræ decretam, si venissemus ad eorum

Læbras.

latebras. Ibi remedium nobis à simulata fluminis contumacia : hæsimusque non retenti, ne prædonibus iter nostrum succederet, diuque abscissus ab eo loco, ubi pro nostro brevi cursu, non nostra vota fiebant. Nemo enim ad periculum suum nisi alienata mente properat. Nemo non ad tristitia serus accedit, si locus & jus est differendi.

Inter ornamenta hominis, ad homines & hanc communem lucem emergentis primum Patriam esse sine impietate dixerò, quoniam parentes quidem heros generant, sed parentes nostros, avos atavosque Patria ante generavit, è cuius velut sanguine geniti, cuius succo & uberibus nutriti, cuius sollicitudine educati sunt, qui nos gignunt, nutriunt, educant : quam si quis exilem nactus est, jam eo ipsa major sit, quod tantus ex tantilla prodierit ; sin augustiorem ; his magnus est, si ve quod illustrem ante patriam sua virtute magis illustrat, si ve quod seipsum patriæ suæ parem fecit. Hoc altero modo etiam *Gruterus* tibi patriam, patria *Gruterum* obligavit. Sunt enim hæc mutua ; tenentur & tenent, dando & accipiendi utramque paginam comparant. Civis meretur civitatem, & civem meretur civitas.

Flos urbiū Antverpia, tibi hunc acceptum ferimus, tibi hunc gratulamur, tibi decus tuum, si necis, tuum beneficium, quo partem orbis meliorem obstrinxisti, asserimus. Quoties aliquis de laudatoribus tuis hanc Urbem amplissimam, opulentissimam, pulcherrimam dicit, quoties agros, moenia, arcem cælo, & arcibus æmulas domos, quoties Scaldim tuæ magnitudinis negotiatorum prædicabit, quoties & leges, & jura, & horum custodem ac vindicem Senatū extollet, *Gruteri* quoque gloriam, si sapit, patriæ lucrifacere non obliviscetur. Profecto ut ingenui est animi, nemini suum intervertere, aut per invidiam alio raptare, aut per eandem dissimulare ; ita qui Patriæ bonum & eximium virum asserit, talem se ipse probat, sapientemque Rempublicam testatur, ad cuius fontem alterius sapientiam refert. Nam sæpe ipsum ingenium, ipsos mores, ipsam bonam mentem tam à patria, quam à parentibus haurimus, & quantum virtus in gloriam progreditur, tantum gloria ad originem sanguinis, aut soli regredi videtur.

In hac igitur urbe *Gruterus* non modo vitalem spiritum, sed etiam litterarum amorem imbibit, in hac, inquam, urbe, quæ fecunditate, cultu & honore quamvis ingeniorum matrem provocabit. Non enim, quomodo alibi sæpe fit, commercia & divitiarum studia (quibus in Republica suis quidem locus, sed & modus est) sic tractantur, ut illæ artes vilescant, quæ ob id ingenuæ dicuntur, quod divitias si non contemnunt, saltem minime querant. Ita diversissimæ res uno in loco citra pugnam sociantur, labor circa opes maximus, & nullus ; cum in utroque necessitas insit ; sed ut illa magis in oculos incurrat, hæc non nisi à sapientibus intelligatur, tam quidem ad firmamentum Reipublicæ valida, quam ad decus immentia. Infelices contra populi & obnoxij, apud quos illa res, quæ, præmonente oraculo, Spartæ quoque caprivitati & exitio fuit, velut rerum salus & quasi numen quoddam placere cepit. Non libera curia, non plebs ; & dum omnes avaritiam, & avaritiæ instrumenta usuras fatigant, dum passim artes male adoptantur, abdicantur bonæ, supervacaneum habent, quicquid lucro vacuum, quicquid imperitia non vacuum. Ubi prope periculum est sana scire, sana loqui : ubi habendi cura prope omnia facit, quæ infestæ pœna est,

cum

cum ad rationes venit, miseris illis satageis omnia defunt, inferioribus, quod tandem etiam liberalis fama, liberales cives, liberales animi, literæ ac literari deficiunt, nisi pridem defecerunt. Frustra in tali Repub. tu Ægidios, Graphæos, Masios, Wesenbecios, Scotos, Ortelios, Gorkæos, Gevartios, & alia nomina æternitati genita, vestigabis. At hi omnes (quod in honorem & urbis, & talium virorum summa voce & ingentibus literis dicere scribere liceat) fuerunt aut sunt Antverpiani, Antverpiani & cives Gruteri. Qui cum doctissimi nominantur, tantum videtur nostro honoris accedere, quantum quisque ad ignominiam suam traheret, si patriæ gentem inertæ aut stuporis, aut alia vilitatis nota audiret infamari, meliorem ipse conscientiam sui in suorum rubore confessus. Non enim majus existimandum est decus optimum esse inter deteriores, quam inter optimos non deteriorem. Haud scio an aliud intellexerit Brasidæ mater, cui oratores ex Thracia cum dicerent, *Filius tuus victor occubuit in prælio, pari non relicto apud Lacedæmonios: Vos vero hospites, inquit, nondum recte, ut video, nostis Lacedæmonios.* Dubites an temperavit magis laudes filij cæteros collaudando, an magis auxerit temperando. Sed quid ego de Gruteri Patria tam multa? Cuine gratiam quidem habendam alij forsitan putarent, qui scirent Gruterum non longo intervallo hanc & adspexisse & respexisse, cum eum Natura in Patriam, Patria mox in exilium misisset, quasi qui nondum culpam mereri poterat propterea puniretur, quod natus esset. Verum nec ipse necessitatem hanc querulus objurgavit nunquam, aut cum tempore præterito expostulavit, ne cum inhumaniter esset exturbatus, inhumanius faceret, si nutriti, quamvis brevissimæ irasceretur. Potius hoc illi se debere agnoscebat, quod mature humanis casibus traditus familiaritatem cum æumnis vitæ statim puer contraxit, & quanto citius ad eum calamitates, tanto citius ille ad consuetudinem pervenit. Cum enim nihil magis torqueat mortales, quam malorum novitas, bene cum illo agitur, qui tunc incipit, cum & cæterarum rerum, & hujus novitatis nullum est judicium, ut tunc, cum judicio cæterarum rerum contigerit, hujus nullum esse possit, quia diu incepit, & quando inceperit, vix recordatur, & quando recordatur, laboribus suis fruitur. Felices multorum essent liberi, si non essent felicius; si non intra cubilia nati,educti, instituti, solam copiam, beatum victum, cultum mollem, verba blanda, vultus indulgentes, sine famis, sine nuditatis, sine interdicti, sine potestatis alienæ notitia discedent apicere, amare, habere: qui dum lanceis fortunæ manibus sic tractantur, non aliorum miserijs indolescent, neque suas, dum Felicitas in malam syllabam crescit, nisi cum maximo tormento animi tolerare possunt, aut ipsi propter querelas tolerari. Longe aliam vitæ rationem expertus est Gruterus, & Gruterum longe aliâ experta est vita, in quam quidem sic venit, ut exilium brevi, certe prius ferret, quam intelligeret, quali non aliter vita constaret. Juxta ipsi & poena & culpa ignota erat. Non sentiebat, patrem nihil meriti esse, nihil matrem, nihil se: sed tamen quasi sentiret, puerili securitate, quæ viros etiam innocentes decet, parentes comitabatur. Fuit tunc illud tempus, cum *Margaretha Parmensis* nomine Regis Hispaniæ-Belgi præflect, & varie Provinciales fremerent, quod alios religio separata faceret invisos, alios Sua, & Regis feroces; eaque res diu certata, donec à parte potentiori successus in iram, ira in vindictam, hæc cum in alios, tum in Antverpienses tam diro proscriptio-

nis carmine prorumperet, ut certa salutis & fortunarum pestis omnibus immineret, quicumque aut dicto aut facto aliquo displicuissent. In damnatorum numero inventus erat *Gualterus Gruteri* Pater, ne matre quidem, quod paucis foeminarum contigit, aut in Nomenclaturam funestam & ipsæ referrentur, exempta. Cæterorum causam prætereo, cuique sua relicta fiducia, *Gualtherus* jam ad nos pertinet, quem licet à sententia liberare jam serum, ab infamia tamen sententiæ liberare non est serum, nobis autem hoc loco tempestivum. Nec deceret, eum, qui ad damnationis memoriam venit, non etiam venire ad compertam defensionem. Eset enim hoc magis filio patrem laudare. Crimen univerforum celebrabatur *Societas*. At *Gualtherus* abstulit ab ipsis scopulis, & turbulentum hunc campum omnem de industria fugit.

Expers nec quicquam belli, neutra arma secutus.

Sed ne quid dissimulare velle videar, prodam quod objectum est facinus, & prodam paucis. Ausus est precari. Subscripsit Nobilium libello, & hoc accusatur quali Majestati preces offerre sit majestatem violare. At Matris etiam crimen dicendum est. Imo dicemus, & id ipsum spero, dum nominabitur, faciet innocentem. Venerat absente marito in ejus ædes Homo suspectus, & venerat hospitij causa, venerat illa invita propter suspicaces, venerat illa reluctante, & ad mariti absentiam provocante. Sed cum homo parum de alterius periculo cogitans non parceret solitudini matronæ, statim Calumnia, quæ centum oculis habet, centum aures, centum linguas, omnibus suis instrumentis usa, quis advenit cognoscit, & quare advenit cognoscit, & quare advenit interpretatur, & quare illa receperit comminiscitur, omnia vero in eam partem, tanquam receptus ille, vel potius receptor ille sui, & matrona receptrix, quod & ipsum falsum nomen, ad divina celebranda, sive, ut illi vocabant ad turbas meditandas, domum operamque sibi mutuo locassent. Ob has igitur causas *Gualtherus* & Uxor inter proscriptos, *Gruterus* cum proscriptis, inter proscribendos, quippe innocentes, nunquam fuerunt; quod ideo relatum est, non ut veterum gestorum rationes è situ excitem, sed ut multis alijs exemplis & hoc contribuam, non semper culpa non carere, qui patria carent. Cœpit tum *Gruterus* ab urbe deduci in orbem, in orbem & rerum humanarum theatrum, ut multorum spectator fieret, & spectaculum sui. Nondum bene patriam noverat, tanto facilius poterat oblivisci, sed tamen cum illa relinquenda esset, adversitatis ita capax jam erat, ut intelligeret, commodius non relinqui. Sentiebat enim invitos parentes abstrahi, dum illorum æquum animum aliquando fuscipirum corrumpēbat. Cur non ei in mentem venisset, eos, qui tam gravia fusciperent, gravioribus haud dubie cessisse? Cœpit igitur *Gruterus* in contemplationem & conspectum vitæ humanæ propius adduci, cepit communi fortî domesticus fieri, & cum paternam domum relinqueret, nullam certiori spe præcipiebat, quam magnam hanc domum, in qua omnes degimus, aut illam parvam, & navigationi textam, in quam se charasque farcinas parentes conjecerant. Imponnebatur enim elemento instabili & ventoso, cujus naturam velut fortunæ suæ germanam aspiceret. Vidit pericula in periculorum effugio, vidit aquas & auras.

auras initio sibi; post non multo Proscriptori velle, & quasi fidei poenituisse, prodicionem moliri. Apud Valachiorum enim insulam ventus quali cum adversario conspiraret, ita contra spirabat, redditurus eos, opinor, in ea loca; quorum se potestati & iracundiæ abtulissent. Itaque tum conatus ventorum sustendus erat anchoris, & in proxima deinde terra exponendum totius navis exilium. Ita mox terris aquæ, mox aquis terræ mutabantur, sed non perinde fortitudinem animi & constantiam esse mutandam didicit *Gruterus* exemplo parentum. Mater quidem (præponam enim hunc sexum debiliorem, ut de firmiori crescat exilimatio) qua mentis altitudine, qua negligentia suæ fortunæ inter illas angustias locuta est? Summovit, inquit, jam vespera diem (summovcrat enim) *Repetamus domum*. Navem autem dicere voluit, & voluisse hanc dicere, postea marito indicavit, qui simplicius hoc verbis, & revera de domo sua Antverpiensi acceperat. Quod alius miseriæ suæ specum, latebram, stabulum, carcerem, ludibrium ventorum appellasset, hoc formina generoso spiritu *domum suam* vocavit, sive jam dicemus errorem fuisse, mirum est in malis verbum tamen Felicitatis prævertisse, cum alioqui fortunæ suæ titulos quilibet nimis etiam memoriter teneat; nec videatur calamitatem suam magni tacere, qui alienis vocabulis uteretur, sicut nemo putatur ejus rationem habere, cujus nomen ignorat: sive studio loqui sic voluit, *O tantam nequam muliebrem!* Dolum aliquis è sapientibus olim pro domo habuit & habitavit, sed haud scio, an sordium merita fuggilatione. Nec enim qui præter necessitatem migrant in haras & squalori vitam mancipant, eosdem sapientia præstare dixeris, sed illos profecto potius, qui medicoria diligunt, quam mendica, qui culcitram somno, carinum cibo, poculum potui, tectum & textum corpori non negant, sed & his omnibus quoties carendum est, æquò animo carent, vilissimis utuntur tanquam quotidianis; qui denique cum matre *Gruteri*, quando naviculam intrant, dicere possunt, *Eamus domum*. Nemo vero dicere hoc poterit, nisi qui aliquando domum coluerit, ut naviculam. Quandoque in terris quoque mare est, & fluctus & naufragia, quæ cum tumultuari bona fide ceperint, tam necesse sit & consultum è terris ad mare, quam ex hoc ad terras confugere, simul ac periculum certa signa miserit. Quantum hæc formina abest ab eo, qui se, *Mundanum* dixit? aut quid eam responsurum fuisse credimus, quæ *domum* vocavit, quicquid pro domo coluit, Amphibion animal professi, sive quod idem est, *mundanum*. Hoc igitur matris exemplo teneras *Gruterus* aures, patris vero discrimine præsens spectator oculos etiam erudit. Cum enim hic sciret, illic nondum exilium esse, quibus partis exilij regnaret authores, & posse pro malis reperire pessima, qui non omnibus modis machinisque copiam sui longe portaret, cumque comperta res esset, odium delectum habere præcipui sexus, illumque ceu *victimam eximiam*, ut veteres loquebantur, deposcere solere, suis quidem dissimilitudine periculi fretis, & navem repetere jussis; operosioris protectionis artem sibi accersendam credebat. Flacuit igitur, quod multis sæpe consilis saluti, suspectam locorum fidem frustrare, & mendacitatis habitu notitiam sui excæcare, quibus ornamentis absconditus & humeros Agrestium mercede pactus, paludes, quæ sunt inter Caletum & Insulam, transmeavit lætus illo portu quasi tranquillitatis. Sed in ipsa Caletio iniecit ei manus alia favitia nullis velligijs præscienda. Cum enim apud

hospitem publicum ventos utiles expectaret, atque interim simul peregrino alio amoenitatis causa muros circumgrederetur, illiciti tam ignarus, quam suus Comes; illico milites adfuerunt, qui reprehenderent, ducerent, & jam tenebatur uterque certa carceris destinatione, ac jam conditus erat, nisi captivitati tam repentina non nemo de Magistratu, qui per eandem civitatis viam occedebat, intervenisset, *Gualthero* dimitti jussu, quippe sibi (ita agebat) noto. Quod absque numinis cura singulari factum esse nemo existimabit, si & illud adspexerit hominem illum beneficium *Gualthero* nunquam vel prius visum, vel in ipso facto agnitus, vel ab ipsius vindictis ad supremum usque finem alio nomine cognitus, quam *ignoti liberatoris*. Non didicerat *Gualtherus* alienæ civitatis leges, ignorabat alibi muros hæcenus sanctos haberi, ut ambulare juxta nefas esset. Nondum nocens, jam reuserat, nondum delatus, jam absolutus. Nondum judicem, jam è judiciis amicum habebat. Vix distinguere poterat injuriæ & beneficii tempus. Cuncta mira, sed hoc magis mirum, quod qui dimitti jussit, nullo pronunciavit argumento nisi quod hunc novisset, eamque causam cum probasset custodiæ militum, nondum probaverat ei, cui voluit prodesse, utpote salutaris, quam familiaris magis oculis ejus oblatu: maxime vero mirum quod qui præclari beneficii authorem tota vita memorabat, semper tamen cui gratias ageret, ignorabat. Nihilominus & ille se novisse recte dixit, cum in vultu liberali quasi quandam boni viri inscriptionem prælegisset; & Hic non novisse, cum, quem quis non nisi per beneficium novit, hoc magis ignorare sibi videatur, quo flagrantius nomen ac cætera illius pernovisse desiderat. Hac vicissitudine perfunctus *Gualtherus* in Britanniani trajecit, sede capta Norwichi, quo in loco comitatem partim ipso civium ingenio natam, partim suo ipsius nutritam sentit argumentis, ut Calcti, quod in uno expertus fuerat, id hic tulerit ab universis, non quidem carceris illic injurijs subductus, sed post capitalem hostium malevolentiam benignissimis horum animis & studiis relictus.

Non opus fuit dubijs precibus Magistratuum fastidia mollire, vel hospitalitatem expugnare blanditijs, nec audire perfugij causas malefica interpretatione corrumpi, & multis repullis tristiores pati assensus. Receptus est, ut, in parentum, fratrum, agratorum fidem, nulla locationis formula, ut pro communitate cœli vel aeris pensionibus responderet, facultates inter amicos & inimicos partiturus, dum quæ migrari non possent prædæ relinqueret, quæque migrasset alibi filicidijs annuis vel trimetribus (scio enim ubi hoc moris sit) ad hunc transferret. Sed major illis apimus, quam ut cauponarias mercedes poscerent hospitem, & mitior, quam ut vestigalem facerent exulem, omnino vero sic affectus, ut hunc per omnia civis loco haberent, nisi quod gratuitus & immunis esset, humanitate illa à populo quoque vehementer approbata, quod nemo per invidiam questus esset, his aliquot capitibus angustias fieri civitati vel annonæ, nemo proquiratset, urbi, propter paucos alienigenas velut mole nimia laboranti tanguinem mittendum videri. Usque adeo nullum fuit peregrinitatis odium, tota detestatione conversa in eos, per quos non licuit non peregrinari. Honor autem sic communicatus ut intelligeret universos, ad oblivionem retro malorum ipsi medicinæ, quantum fieri posset, efficacissimæ veluti symbolas conscribere. Non sciremus supra alijs dilectum fuisse, nisi, quod cæteris Belgis

id loci factum non est, huic soli fecissent. Unus enim hic de popularibus symphoniam subluccanam, quæ Norwichi per tempus æstivum præcipuorum civium domos obibat, horis consuetis participavit, cum Civitas optima reliquis peregrinis humanitatem quidem omnibus, huic & amoenitates suas nuncuparet, tanquam parum esset, si civis, nisi & inter præcipuos foret, parum, si inter præcipuos, nisi & quoridiana prærogativa ei ostenderetur, sed parum & hoc, nisi post nocturnam statim quietem cantiones velut suasorias ad ædes auresq. mitterent, ut diem quoque curas tristiores, quæ extorribus nunquam defunt, exuere, neque pejus vigilare, quam dormire, sed utrumque tempus ita peragere vellet, ut solent ij qui se inter amicissimos cives versari noverint. Pacis enim & concordie nomen Musica est: nunquam per hanc odij nuncius expeditur, aut damni aut injuriæ, sed amor hanc invenit, amor hanc celebravit, amor absolvit, nisi quod honor quoque dignis reddendus, qui tamen ab isto fonte manat, humanam vocem sollicitavit. Quorum & hoc illud *Gualiberus* tam bona fide, tam bona copia inter Norwichios accepit, ut dignum putaverit, quod repetitis narrationibus memorie suorum penitus imprimeret, quod filius præcipue ediceret, quod ille nobis dictaret, nos auribus vestris & posteritati traderemus. Et fortasse alijs nimis multa videor dixisse de Norwichiorum comitate, mihi vero nondum satis, quippe summas delicias in facti tam benigni reputatione invenio, neque invenirem tantas, nisi comparata quorundam in exules crudelitas, inestimabilem redderet hanc, de qua loquor, virtutem. Fit enim ingens ingentius bonum, si discas à contrario ingente malo. Et profecto paucissimis in locis tam faulta cantilena, qualis hæc apud Norwichios fuit, exulibus & peregrinis indulgetur. Multas inauspicatas, inimicas & arcentes aves mortales illi ubique fere nanciscuntur, nullas tamen infestiores hodie, quam quæ de suggestu diris omnibus regnant, & populares animos odij asperant, quos vetus Augurum disciplina ignoravit, nisi, quia de summo vocem mittunt, *Supervaganeas* cum antiquis appelles, aut picarum generi adscribas quodam collegio naturæ, quoniam utrisque par insolentia, quam illis fabulæ tribuunt, par conviciandi & obrectandi libido,

Baucaque garrulitas, studiumque immane loquendi.

Dicam clarius. Sunt nonnulli (absit enim ut omnes eadem censura vexem) & in ipsa matre nostra Germania de sacro ordine homines facerrimi, qui velut divinarum & humanarum rerum judices atque arbitri, tanta confidentia partem illam, quam nescio quis optimam & pessimam dixit, exercent, ut quidvis in quovis nulla cura, verum, au falsum intemperanter effundant, auresq. & fidem Vulgi ignobilissima captivitate damnant & servitute. Aliquis ipsis non dedit? Avaritia: non scrupulose satis honoravit? arrogantia: non laudavit? ambitio: non rudis est? invidia: non assentitur? Inimicitia: malum morem tangit, tum vero capitale odium eos facit disertos. Omnes virtutes unius virtutis compendio possidebit, quisquis illos omni ratione placare studuerit; turpissimus etiam pretium merebitur, si noverit modos gratiæ apud ipsos querendæ tuendæ. Bonis quorum nec mens, nec lingua, nec vita servit ostentationi, sed veritati, qui non Plausum pietatis, sed pietatem sectantur, nulli

difficiliæ.

difficilior res est, quam se talibus probare. Hi contra bonos omni telorum commento pugnant, maxime tamen illo, cujus aciem Thearidas in suo gladio laudavit. Caritatem mutuam commendant, & nihil carius habent odio, odium damnant, & nihil exosius habent caritate, quippe qui sibi non constant, & quod recte præcipiunt, male ipsi temerant, tantoque pejus, quod hic quoque sæpe principatum petunt, ut quibus solis licet publicare officia vitæ, solis etiam liceat vivere præter officia vitæ. Dei præceptum est, & præceptum sapius, Peregrinum ne quis male tractet, ne quis affligat: *In cælum enim meare gemitus eorum, & à Domino demere vindictam.* Scio tamen, ubi peregrinos nemo magis infestet, nemo magis furca expellendos clamitet, quam quidam de cælestium illis consultis, de sanctitatis illis Satoribus & statoribus, qui cum jussionibus divinas non ignorent (etsi multi ne hæc quidem profecerunt) nihilominus sic effertantur contra hospites inculpato & præterpropter speciem pios, ut si per illos stare, haud scio an Taurica sacra facturi sint, & qui hoc una cum ipsis quam vehementissime voluerit, ille demum divinus habetur, & sua dignitate dignus.

*Prob superi! quantum mortalia pectora cæce
Noctis habent! Ipso scelere molimine Tereus
Creditur esse pius, laudemque à crimine sumit.*

Sed ego Norwichio longius sine Grutero discessi, & quidem ad hos, *Athenienses fratres cælo capiti alta fidentes*, ubi sentire quæ velis, & quæ sentias dicere non est, *relegens errata retrosum littora* ad Icenos nostros denuo me vētam. Eo loco *Gualtherus* agens tales amicos nactus erat, ut facile, quam à Fortuna acceperat plagam, falleret, talem vero animum ipse inter adversa custodiret, ut tantum à vilitate sui abesset, quantum aberat à vanitate. Per illud enim tempus Legatos à fortissimo Principe Auriaco tunc ad eam civitatem missos (inter quos erant *Levinus, Calvarinus & Gerdeus*) è diversorijs publicis domum suam traduxit, volentesque volens recepit, ut palam esset nihil degenerasse egregium pectus, quod hospites tantos in aliena civitate sibi vindicaret, nec fuisse aliquando sine autoritate, in cujus domum autoritas publica migraret, nec ipsam domum sine splendore, quam vir tam generosus habitaret, legati non spernerent, Senator (is fuit *Sutertonijs*, Christophori frater) habitandam præberet. Post non multum annorum tamen relicta Britannia Middelburgi consedit. Middelburgum deinde rursus Antuerpia mutavit sub illud tempus, quo successus voluit Ordinibus, ut arcem suis præsidij occuparent, prius tamen à Senatu publicorum munerum vacationem impetravit, non odio quidem laboris, aut ignobilitate mentis, sed ambitionis fuga; non quod officium Reipublicæ negaret, sed quod inter æmulationes temporum calumnijs innocentiam præbere nollet. Deinde vero cum *Alenconius* in spes vanas, & parem eventum ruisset, immunitas illi continuari non potuit, sed quia Magistratum imprimis Religio, nec alium magis dexteritas tunc commendabat, *Gualtherus* vici sui magister delectus est; cui muneri minus gravi successit deinde gravius, cum *Parmentis* oblationem fecisset. Rei namque frumentariæ quatuorvir, collegis *Aldegondin, Lesdale & Rosa*, adscitus in partem gloriæ illius mittendus est, quod annonæ con-

conscientiam sic inter paucos sepiam tenuissent, ut citra deditionem nec civi, nec hosti constare posset, tantum tridui frumentum superfuisse. Quod secretum in oblationibus adeo necessarium est, ut saepe maximum momentum belli consistat in artificio tegendi, ne vel domi civis, vel obfessor foris intelligat, quid urat obfessos. Nunquam statuit trophæum in bello, qui necessitates omnes foras vertit. Quanquam me non piger Filio, cujus causa totum hoc agitur, prætexuisse patrem, quandoquidem hoc etiam *Grutero* gloriæ ducetur, quod patris virtutes primo secutus, deinde additis varijs ornamentis easdem fuerit supergressus: tamen unicum tantum, quod animo hunc suggeritur, ut agmen claudat, subijciam.

Pater cum post pacificationem Gandavensem Middelbergam concessisset, Valono milite Flandriam depopulante, dum annus ille cuncta sursum versat ac deorsum, civis quidam lautus, fortunis in compendium auri contractis, eodem profugit, & Gualtheri domo, quæ tunc contra Civicam erat, perrogando repta, proutinus ad eum ingressus, salvere te jubeo, inquit, Patrone, & nunquid Gualtherum Gruterum, qui nuper in Anglia? Ajente nostro; licet, inquit ille, hoc quicquid est Hippocæ custodiæ tuæ mandare, annuente nostro iterum, dat, abit, nullo teste proviso, nullo syngrapho. Gualtherus, qui hominum reditum putabat, si vespere mercatui supervenisset, depositum in priore parte ædium proximo paxillo suspendit: sed cum hospes nec illo die, nec postero, nec posterum sequente reviseret, & pondus depositi interim animadversum alium locum suaderet, transulit illud Gualtherus in arcanum studiorum. Alter post anni quasi sextantem demum ad conveniendam peram suam reversus, cum alveum illum aperiret, viginti quatuor *duplones*, ut vocant, Isabella-Ferdinandicos *Gualtheri* præmij vicem offert, quod, dum ipse per Brabantiam Arthesiamque nominibus suis appellandis abfuisse, non molestum habuerit peculium relictum custodire. Sed mercedem *Gualtheri* recusavit, satis sua sibi conscientiam muneratus. Utramque partem aspicio, virum bonum adspicio; Dant reddunt invicem; nec ille fidem hujus scripto vel teste munit, nec obsequio hic mercedem captat. Alter credit simpliciter famæ, alter præstat simpliciter virtuti. Non tanti fuisset fortassis hanc quoque rem per se non nimis magnam referre, nisi bonus mos semper produceret infamiam mali. Audivi sapius & grandævioribus, olim qui pecunias invicem & contractus exercebant, nuda verborum sanctitate convenisse, nec minus ideo securos fuisse, aut magis fefellisse: finetiam voluntates aliquando mutuas stylo conderent, factum id non tam ut necessitatem servandi sibi, quam posteris memorie diuturnitatem stabiliarent. At præsens ætas quantum in pactionibus fudit? quantis anxietatibus non credit, cui credit? quanto molimine syngraphas struit & obligationes? quoties interpolantur verba, refinguntur, limantur & limitantur? Hoc addendum, illud detrahendum, hoc captiosum, hoc obscurum est, hoc nimis laxum, nimis angustum est. Tum vero, cum in clausula an desinendum est, basilicas edictiones adscribunt, ipsi juri, quasi illud quoque fraudibus advocet, contra se ne jus sit volunt, jubent. Quod profecto non aliter fit, quam si virum bonum negent, cujus fidem tot indaginis & laqueis & nodis includendum putant. Nunc ad *Janum* ipsum *Gruterum* paulo propius gradum tollamus. Is licet rebus duris Constantiæ doctores utrumque parentem, ita

Matrem

Matrem præcipue studiorum magistram, votum simul Agaficlis consecutus est, ut eorum discipulus diceretur, quorum & filius esset. Mater enim præter Gallicam, Italicam, Britannicam linguam, Latinas literas optime, Græcas ita callebat, ut & Galenum, quod milleimus Medicorum vix solet, lingua Galeni legerit. Utilitatem nempe fuit illo tempore, generosiores ut familiariter literas cum quoque sexum docerent, quem disciplinis antiquissimæ mortalium vel præcipue videntur consecrasse, cum undantaxat juveni laureato, nempe Apollini, novies vero totidem poëllis Eruditionis nomen & majestatem detulissent. Nec, opinor, sapientiæ partes antiquitas mulieri in tanta Decorum abundantia tradidisset, si quemadmodum viris olim Bonæ Dæ, sic mulieribus studiorum sacra adiri nefas haberetur. Adierunt olim & obierunt hæc sacra *Cornelia Græchorum Mater*, *Hortensia Quinti*, *Lælia Cæii filia*, sed & aliæ complures, quæ literas olim exacte calluerunt, quæque nunc à literis coluntur & æternantur, nullo magis immortalitatis collegio dignæ, quam hujus nostræ *Catharine Tisbemie* (Matrem Gruteri dicimus) quæ licet ingenij partum nullum, nec traditionis pignus reliquerit, ut memoriam sparsiores nunc haberet, sicut veteri ævo nonnullæ incluserunt, nihilo tamen minus famam libi doctamque posteritatem meritis tantis obligavit, quanti ipsam Gruteri gloriam taxamus. Non enim tantum, quod cæteris matribus commune est, suramis naturæ dotibus filium genuit; sed ipsa quoque, postquam puer capacitatem promissit, suæ materiæ adfuit, & indolem blanditijs salutaribus adulata, *Discere*, recte pulcherrimam, *Scire*, jucundissimam vocavit; ex literis sapientiam, ex sapientiæ virtutes, ex virtute vitam beatam & vitam quandam post vitam comparari crebro illi discitavit: deinde cum libro admovit, literarum formas & nomina docuit, legendi, scribendi, memorandi rationes tradidit & exegit, primum balbutiæ Latina Græcæque consuetudine imbuivit, quibus ex fundamentis hæc virtutis & honoris templum *Janus Gruterus* surrexit,

Quod non Imber edax;

Nec inficiandi tamen sunt illi, quibus in operis hujus nobilissimi architectura proximus à fundamentis locus & labor fuit, quique merentur, si quid mei iudicii est, ut non minus quam cæteri artifices suum illud *Feit* specimini tam excellenti subscriptum habeant: atque mihi profecto imprimis honestum videretur, si *Isbrandus* aliquis *Tralus* Frius, aliquis *Petrus Everhardus*, aliquis *Mathæus Ryquius*, aliquis *Richardus Sualius*, pædagogi & præceptores Gruteri legantur, quos quidem an satis exteris oculis, & ut nulla litera fallat è quadam charta cariola non nisi bonis conjectoribus legenda produxerim, præstare non possum. Forte una litera pro altera capta nomen paulo alius factum *fecit*. Quid tum? Malui nolens hanc levem, quam volens illam insignem Grutero facere injuniam, ut quos ille vel ad memoriam suam privatam, vel ad hanc publicam per summam pietatem consignaverat, ego per impietatem alteram tantam silentio obliterarem, simul tacito Gruteri mandato, simul illorum premio defuturus. Ac sane maximum Poetam non pilo minorem factum credimus, postquam Grammaticis *Penitus mætas excedit cura medullas*, *Virgilius* an *Vergilius* dicendus esset, quod damnum si fuerit in his quoque nominibus ali-

quod

quod simile, tale tamen futurum est, ut plus sit integri, quodque cognosci possit, relinquendum. Sed officium meum videtis. Hos igitur adolescentie suæ *Gruterus* Informatores, studiorum vero quendam vel campum Martium natus est *Britanniam*, in Britannia *Cantabrigiam*; Cantabrigiæ *Guntewelli*, quod vocant Collegium, & *Caji*. Nam & in hoc aliquando migravit nulla alia magis causa introductus, quam quod *Georgium Theum Shendum*, juvenem moribus summe rectum, nec ulla procacitate pluribus similem, modestia vero paucis æqualem, familiaritatis voto consecraretur. Is enim talis jam prius erat in familia *Cowelli*, nec tunc primum in amicitia *Gruteri*, nec solus etiam vel unus, quamvis unicus. Reperio enim *Christophorum* & *Guilielmum Heydonios*, *Philippum Wodbaum*, fratres *Strangers Collegiorum*, quæ *Trinitatis* & *Christi* vocantur, ibidem familiares, qui *Grutero* permutuam notitiam & charitatem non obiter respondebant, tantum diligentes & dilecti vicissim, quantum virtus & honestas animorum possunt mereri. In hac officina literarum, inter hos studiorum amantissimos rivalet cum *Gruterus* ita adolevisset, ut jam non annis, quam doctrina major esset, satis sibi visus est vidisse Britanniam, totoque animo, quod Insulam & Germaniam interest, navigabat, ut Lugdunum in Batavis, literarum & armorum celeberrimam palestram, visendi, discendi, salutandi causa transiret, si tamen prius *Hospitis* majestatem scriptis aliquot Epigrammatis ad maximam, post natum Regin. nomen, Reginam veneratus esset: sed offerendi cum non daretur occasio, fecisse satis habebat, gratitudinis suo sibi proprio testimonio contentus, quod cum in alijs rebus nihil agere credatur, apud conscientiam maximas causas deciderit, & sæpe piæ voluntati acceptæ solutionis apocham reddit. Postquam deinde line studiorum Automedonte *Leidam* pervenit, ad diligentia quidem nunquam deflexit, sed à vero fructu tantum, quantum ab auspicijs boni Ducis. Temporis illi ratio constabat, operæ pretij ratio non admodum constabat. Usque adeo multum nocet ante sui juris, quam sui judicii fieri. Sicut enim puero si rummos, & potestatem tractandi dones, non has ille quidem suas opes abjiciet, aut objiciet gratis alteri poterit etiam impensas nominibus mercium indicare, sed ut præcipua capta sint, aut dulcicula saccari grando, aut nuces in foro, aut (quæ ludentium suppellex est) à marmore volubiles, aut è tormento missiles pilæ, aut quicquid hæc ætas præ magno Græciæ mercatu æstimabit: ita *Gruterus* postquam tempus in potestatem accepit, de diebus & horis non quidem largitiones populares ocio & ociofis fecit, quod simplicius tempus perdere vocamus, sed illos aliquot annos ita consumpsit, ut inter nobilissimos, fugacissimi tamen boni vel æra quædam numeraret, imprimis quod Poetis, quod Poetarum fabulis, quod fabuleosis historiis dedisset. Quicquid hujus aut Gallus Gallica, aut Italus Italica, aut Britannus Britannica lingua meditatus erat, *Gruterus* ita totum legit, ut nihil in hoc genere esset, quod non legisset, nihil autem legisset, unde non elegisset. Artificiose inventa, prudenter monita, acute dicta, suaviter ornata, statim animo, moribus, stylo impressit, cum & ipse jam tum invenire, monere, dicere, ornare similia similiter didicisset. In quo genere quantum istis monumentis amonitatum debuerit, quantum deinde sibi, restantur carminum felices proventus, quibus nullæ omnino venustates defunt, nisi quod nullæ defunt, & copia fortassis elegantiarum (si modo aliquid bonum nimium est) laborant. Non

specto jam illud præcipue, quicquid in Latinis poetatus est, nusquam ille quidem se minor; sed speciem quandam Epigrammatum intelligo, quæ in versuum certum numerum jurata plures non admittunt, & in horum fine quatuor imaginibus respondent, intersonantibus iterum diversis alijs, quæ se longius invicem jubentur exaudire, Gallorum, ut arbitror, inventum, quorum & vox est à Latinorum *sono*, quia in illis aliquid *sonet sonorum*, corrupta, idque factum postea initamentum Belgarum, & nuper Germanorum, per *Opitium* nostrum magnum illum talium deliciarum *Apitium*. Hujusmodi Epigrammata *Gruterus* patrio sermone quingenta amplius sub illud tempus scripsit, & ea *Philippo Mornixio*, *Jano Douſæ*, *Jano Hauteno*, qui nasum & aures & dextram dexterrimam in hac arte scribendi tunc habebant, miris modis approbavit, approbabant etiam nobis hunc genium *Gruteri* & ingenuitatem suam, qui manuscriptum hoc ejus, quod adhuc superesse debet, in tenebris coercent, si nobis factum illum sub diurn producent, atque resellent eos, qui opinantur nostram linguam Germanicam, & sorores ejus tam esse rudes & crudas intractabiles, & infubidas, & inficetas, & ruris plenas, ut ex hoc ligno nunquam possit Mercurius dolari, aut sub incudem poeticam mitti ea lingua, quam propter difficultatem ipsi desperant, aut propter imperitiam infamant; cum contra constet nobis neque copiam, neque venustatem, neque suavitatem, neque majestatem deesse, quæ si sapere possent, aut vellent, qui vellunt, confitendum haberent, hunc tardipodem, & fuliginosum, & austerum & asperum, & ferricrepum Vulcanum (talem enim ipsi sibi fingunt sermonem nostrum) præ reliquis Dijs cum Gratijs & Venere in matrimonium convenisse. Sicut enim marmor, antequam politum fuerit, nihil nisi marmor est, & tamen marmor splendorem non monstrans, sed habens, ac totum intra ruditatem suam sepulturn: postea vero quam artificis asperitati lævorem substituit, tum demum materia suo luminis vestita fit exterior, & patet in admirationem. Ita & lingua nostra olim quidem incultu suorum inculta, sed culturæ tamen capax, sero, sed aliquando simplicitati suæ successit in eam formam, ut quasi *Pygmalionis* animatum ebur, quod in fabulis celebratur, non solum suo fictori, sed etiam contemptori, qui peritis oculis uteretur, pro sponsa possit placere. Certe etiam antiquissimos Germanos legimus carminibus delectatos, & ipsum *Ovidium* equitem & Poetam Romanam *Geticam* sive *Gothicam* linguam, quæ nobis popularis est, adeo non sprevisse, ut alicubi scribebat, se styllum nonnunquam in exilij sui linguam & carmen Geticum misisse peregrinatum, quæ si adhuc extarent, haberemus cur Augusti inhumanitati faveremus. Quid ni vero & de *Gruteri* nobis gratulemur damnis, qui *Langdunum*, ut Juri maxime attenderet, profectus ipse

Custode remoto.

apud *Amadeum*; aut alios, qui suis historijs nunquam crediderunt, gaudebat velut Centauros in nubibus & mira plurima mirari, quæ gesta scilicet fuerunt in illo regno, ex quo pater Anchises curiosum filium per portam eburnam ad superos remisit. Vtrum noster tamen in illo amœnitatis secessu non tantum hoc egit ut illo dulci suo ipse abundaret, sed etiam ut *Apis* instar dulce daret & dulce quidem cum aculeo, quæ boni Epigrammatis lux est, & in his *Gruterianis* quædam

Quædam peculiaris virtus. Vixit autem, dum Lugduni vixit, cum bonis bene, utpote bonus. Venerat enim in urbem illam, cum *Petrus Tiaræ* ibi rectorum & in illius anno *Jacobus Arminius, Job. Eschius, Bertius* item & *Hogerbetius* cum nonnullis alijs ibidem & in *Gruteri* animo ac contubernio agerent, amici germanitus, germanissime vero *Arminius & Hogerbetius* facientes cum *Grutero* trium pectorum viridissimum trifolium. Et quia non modo numerum ac nexum, sed & gratiarum gratiam, sed & Charitum charitatem repræsentabant, *Charitarum* vocabulo mutuo fuerunt cognominati, mutuo salutati, mutuo literis præscripti. Cum his noster vivere, his se communem facere, cum his joca, cum his seria fabulari, pulcherrimam factionem arbitratas, cum bonis in amorem, contra nullum in odium conjurare. Minime vero jussum censebat aut pium superioribus recalcitrare, & quorum nos imperio submissimus, ab illis exigere imperij rationem. Hoc decretum animi magnam illi tunc temporis invidiam conflavit, cum Lugduni studiorum globus pro nescio quibus privilegijs suis fermento animi juvenili contra Professores tumesceret, ac veluti Academicus quidam Pompeius omnes pro hostibus haberet, qui Reipublicæ, hoc est, partibus eorum deesset. Solus enim *Gruterus* nulla ratione impelli potuit, ut aut in turbis illis locum, aut in suffragatoribus nomen haberet. Solus cum duobus *Rosendalms* fratribus, *Æmilio & Jacobo*, quorum Parens ex Ordinibus erat, pacem prætulit, hoc tibi privilegio vindicato, ut contra multitudinem, quæ argumentum pessimi est, non timeret melius sentire. Amicis familiariter, fortuitis aperte, paribus constanter, summis intrepide respondebat, nec si convicium faciendum esset vitio, cum fortuna loquebatur peccantis, sed cum peccante, palam objurgans quicquid silendo crederetur virtus. Haud illud dico, Boni viri, quod stulti libertatem vocant, sapientes libidinem & temeritatem sine judicio, sine obsequio, sine moderatione; sed ingenuitatem intelligo eorum ac verecundam sine arrogantia, sine furo, sine assentatione, non tamen sine velo. Nam apud summates quoque eandem personam illam agebat, verum pudenter & prudenter, malis bona exempla, bonis mala proponendo, ut hos & illos vel mala deterreret, vel bona gloria accenderet, historijs nonnumquam, interdum fabulis, quandoque emblematis utens, & ut ita loquar, *sibicinem verberans pro coquo*. Juratum aliquem consiliarium dixisses non eorum à quibus stipendium, sed cum quibus argumentum & sermonem haberet. Non invenisses cum inter histrionales fautores & aurium Sirenes, qui tantum rosas loquuntur Domini, & dulcia crusta semper suggerunt, licet pueris solernus

Elementa velint ut discere prima,

nimis hercule obsequiosi Syri, nimis in consilijs propinandis solertes coqui, memores perpetuo Epigrammatarii, secundum cujus institutionem,

Servus Domini debet habere gulam.

At noster ita credebat, non debere Principum amicos semper, quod idem Poeta ait

Servire Palato,

Sed imprimis id operam dare, ut salutaria ministrarent, audia neque potius aliquid ex Veteribus monentem, *Bellaria ea esse maxime melita, quæ melita non sunt.* Quicquid autem per indulgentiam stomacho publico immittitur, id ipsum haud multo post per omnia membra membrarum suppliciis incedit. Et erat omnino *Gruterus* longe alius disciplinæ civilis arbiter, quam ut putaret in Republica vel gerenda vel tractanda magis requiri versutos, quam cordatos; perplexos, quam simplices; tenebricosos, quam apertos. Quid enim fari sperandum est ab illis anxii, qui nihil candide agunt, loquuntur, intelligunt, alienam mentem semper scrutantes, semper occultantes suam, suspicaces & profecto suspecti, non tidentes, & profecto non fidi, cauti & profecto cavendi, humani denique & officiosi & amici, cumque res exigisset, totam pigmentorum & figmentorum suorum pergulam prodiituri. Multo enim facilius seculum hoc vulpes gignit, quam leones. Nam lepores dicere nihil attinet, ubi calliditas major & par fugacitas in compendium coierunt. *Gruterus* liber erat, ingenuus erat, detectus erat, eamque libertatem in animo, in vita, in ore, in oculis, in stylo jam tum ferebat, sed omnino modestia ac reverentia quadam dulcissima. Superiores nemo magis observabat, nemo magis parentes; atque hos quidem an unquam offendisset, negabat se recordari, negabat præceptis eorum quicquam apud se sanctius fuisse, hac una sibi contumacia concessa, ut virtutem ad parendum enixissime obstinaret. Tantum aberat, ut ipsos more seculi falleret, aut absentiam illorum in occasionem profundendi verteret, aut in rationibus, quod aliquibus non rarum est, pro luxuria necessitates quasi servam pro virgine supponeres, & Alconem in Librarium, aut cauponem in Medicum, aut alios impensarum rubores in candida nomina mutaret. Artes enim tales & tabernam vinariam & huiusmodi officinas corruptionum nomine tantum noverat, non usu, crebro confessus postea, se vitam suam satis tranquillam & longævam quam vixisset ad pietatem suam erga parentes, & hanc fiducia ad promissiones divinas, quemadmodum promissiones ipsas ad bonitatem Dei liberam referre. Quid jam sentiendum habent ij, qui parentum præcepta pro araucarum telis, pecuniam pro vitreis fractis, tempus pro cyathis nebulæ, pietatem ipsam pro inani nomine alibi rumpunt, alibi effundunt, alibi contemnunt, quando præsertim inter ipsas suas pravitates interdum strepitum venientis aut impetum jam præmentis animadvertunt potius. Verum hoc dicere ipsorum est. Nos *Gruterum* adspicimus, qui laudem eam quoque meruit, quam in militia si quis mereri studuerit, jam fugit antequam militat, & ignominiam apud gloriam quaerit. At nostro suum hoc decus constat, idque in pace quisquis non optat, infans est. Illud nempe dicere volui, *Gruterum* in toto corpore cicatricem non habuisse, nec proinde cicatricis aliquando causam vulnus, & causam vulneris pugnam, & pugnae causam pugnacitatem. Ut autem careret itis caulis omnibus effecit contraria *Manfuctudo*, & *Manfuctudinis* foror *Verspandus*, & quæ se cum utraque libenter tertiam facit, *Prudentia*. Diem studiis dabat, noctem quieti, comitatem notis, facilitatem ignotis, sibi pacem, nulli bellum; nulli belli occasionem. Vagationes nocturnas, & quicquid sine lucerna

lucerna audetur, relegabat ad Neronem, sive certe Neronem, quibus minime invidebat suas cicatrices, sive illas corpori, sive famæ, sive quod valde fieri amat, utrique impressas. Nunc etsi melior longe conditio eorum est, qui capite, pede, brachio offendunt, quippe Zeno quoque Philosophus, ille qui lupinorum instar machinebat in dulcedinem, non tanti esse putavit, si quis etiam per invitationiculum hilariorum pedibus laboretur, id modo ne lingua fixetur; affirmo tamen vobis, nullum ne tale quidem vestigium corpus *Gruteri* deintegrasse. Nam ut cadere quidem humanum est; ita quam rarissime cadere est humanius, & officium hominis hominem dextre agentis. Nemo maximi fecit eorum qui cespitat, aut sæpius procumbit, & cum virtutes omnes complectitur, tamen dominus in eo æstimando semper excipit cespitationem. Certe quod ab equo exigat dominus, id sapiens à semet exigere magis vult, utpote frenum corporis habens in manu rationis. Festinare vero, currere, incurrere, quod ante pedes est non videre, lapides obvios nunc hunc nunc alium labefactare, nunc rignum posternive capite oppugnare, talum torquere, & subinde aliquid vulnere prius quam oculis videre, hominis est qui vel reliquit animum in negotiis, vel inter libros oblitus est, vel pignoris loco deposuit in disputatione de *Modalibus*, aut de numero remigum *Ulyssæ*, aut omnino nunciatum præmisit amicis, qui se conventuri erant, se hodie non esse apud se. Procul ab hoc vitio *Gruterus* à communi opprobrio Philosophiæ, quam in cæteris omnibus inconsiderantiam plusquam *Claudianus* suis convictoribus putant asserre. Ostendit ille, vere sapientem esse, qui non solum domi meditetur Reipublicæ optimam gubernationem? sed & foris & ubique corporis sui optimus sit Dux & Imperator; imo fieri posse, ut non nimis sit *Poeta*, qui esset optimus, & pedes non minus in versu quam inter ambulandum sollicitè ponat, ne forte *Jambicus* incessus declinat in *Scæzon-*
tem.

Parem rationem habuit *Gruterus* linguæ. Etsi enim servitutem in ore minime gestavit, tamen linguam nunquam manumittit ad impietatem. Verbis utebatur, quæ nec severam *Catonis*, nec teneram *Hippolyti* frontem offenderent, nec matronam averterent. Non ad fidem per juramenta loquebatur, sed aiebat simpliciter, quod esset, negabat simpliciter, quod non esset. Nunquam Joves nostros, qui per Inferos, & Inferorum Patrem; nunquam Plutonis nostros, qui per Superos, & Superorum Regem in omni sermone jurant, imitatus; neque sane eos qui per execrationes, si falsum dixerint, se cælo exheredant, orco mancipant, & maximo animarum plagario suam resignant. Notter primum sibi credebat, quia nunquam ipsi verba dederat sua consuetudo, deinde aliorum de se opinioni credebat, quia non nisi bonam opinionem sibi fecerat bene vivendo. Denique ita vivebat, ut juramento nunquam egeret, vel ut simplicissimum juramentum ipse esset injuratus *Gruterus*. Veritatem enim primis ab annis religiose coluit, & ad extremam ætatem à se scrupulose exegit, ut si comparatio fuisset, facile *Æmilius Scæurus* agere potuisset contra *Verium Sacronensem*, ac dicere, *Utri creditis?*

Hæc habemus de adoleſcentiâ *Gruteri*, quam Lugdunum usque proximus. Post curriculum Lugdunenſe medium tempus nobis efugit, quia memoria nobis hic deficit, & familiares longe sunt, & à consuevis repetere serum est, & in adversariis nihil reperitur. Quemadmodum igitur nubecula interdum non tam
sola,

solem, quam oculos nostros tegit, quo minus fontem illum luminis adspiciamus, lumine ipso quasi cominus illustrati: Ita nobis *Gruterus* aliquantillum spatij transcurreret in obscuro, non ipse tamen obscurus. Aliquamdiu nusquam est, & tamen ubique, aliquando nullis in locis, idem tamen eodem tempore in omnibus. Dubitatis ubi fuerit? in antiqua Græcia fuit, in antiqua Persia, in antiqua Palæstina, vel ut brevius dicam in antiquo universo fuit, & adhuc brevius iterum, ubique. Quomodo enim ubique non sit, qui quicquid gestum est ubique non ignoravit. Non bellum decretum fuit, quin ille quasi posthumus consiliarius consultaverit, non gestum, quin ille fortiter, vel ignaviter patrata animadverterit, non urbs obsessa, non oppugnata, non capta, quin ille copias numeraverit, machinas intellexcrit, tormenta tractarit, non triumphus actus, quin ille ritus & solennitates omnes perdidicerit.

Quicquid in aulis ex humili altum, ex alto humile factum, quicquid ibidem simulatum, aut dissimulatum, quicquid luxuriæ, ambitioni, invidiæ, adulationi datum, quicquid in foro disceptatum, in judicijs judicatum, in templis adoratum, in arena pugnatum, in theatris spectatum, in circo certatum, quicquid denique uspiam fuit, id omne *Gruterus* quasi retro sæculorum coætaneus vidit & audivit. Sed & versabatur frequenter inter eos, qui sapientiam non tantum animo, sed auribus etiam commendabant, & aut affectus ludendi, aut artes docendi causa modulabantur: cum *Attridis* ad Trojam profectus est, cum *Ulyssæ* in Ithacam redijt, cum *Æneas* in Italiam venit, cum *Afræo* ruri, cum *Scialo* inter oves, cum alijs in cothurno fuit aut in focco. Præcipue virtutis Magistros in Academiam ad Porticum sequebatur, & quicquid apud illos reperiebat rectum & pium vitæ dabat, ut errores sceltæ: nec ullus ei satis magnus author habebatur cui sacramentum diceret ad falsam opinionem. Cynicos minime probabat, quia ipse verecundus erat, & placidus & comis & mundus, alloquens nec Melitæus, nec Molossus, vestitu non incompos, sed compositus, non sumtuosus, sed frugalis, non splendidus, sed nec contemptus, non nimis antiqui, non nimis novi moris, neutiquam certe affectatus. Pudor illi in sumendis, pudor in ponendis indumentis. Ipse vestiebat se, ipse devestiebat, nullius sexus ministerio juvandus, forte *Læonica* virgine exaudita, quæ cum videret hospitem quandam à servo calceari, *num hospes hic*, dicebat, *non habet manus?* aut *Palamedem* intuitus, qui miranti Achilli, cur sine servo, sine ancilla proficeretur ad bellum Trojanum, respondit; *quid ergo hæc dextra? quid hæc ius soror?* quasi diceret, neminem sine servo esse, nisi qui mutilus esset, neminem sine satellitio, nisi cui manus, & pedes causarij essent, & inutiles morbo. Arbitrabatur noster tempellivum fore famuli pedes aut manus advocare, quoties sui suæve non sufficerent, aut multiplex opus multiplicem operam postulariet, ne pallio quidem gerulum in ambulatione, nec gladio basulum, si accinctus esset, daturus, potius abjecturus, si quod onus suum alios oneraret. Vultis exemplum, & promittitis operam memoranti? Proficiscebatur aliquando noster, cum Heidelbergæ degeret, ad Mercatum Francofurtensem, & proficiscebatur curru meritorio, qui differtus erat & vectoribus alijs eodem portandis negotiorum aut negotiationum causa; noster ut libros coemeret aut sibi aut Bibliothecæ Palatinæ. Sedes ipsi contigerat, ut ensẽ oporteret demere cingulo, & juxta collocare. Succussabat autem currus, ut fieri solet, cum tubera habet via,

aut

aut scrobes, aut saxa, & ensis faciebat *artem ludicram*, lascivebat, subsultabat, tandemque ex saltatore desultor factus ad terram ibat. Sustulit auriga & relocavit, nulla poenitentia primi laboris, post aliquantum itineris rursus ensis ad terram: sustulit auriga rursus, & relocavit rursus, sed vultuosior & morosior. Tertium facinus ausus est ensis; vidit *Gruterus*, Auriga non vidit, & ille hunc non vidisse plane letus dissimulavit exoptatissimam jacturam, tantum apud se gratulans, *Vale ensis, Vale molestia*. Cum enim ferrum non nisi contra hostem sibi vellet adesse, permolestie ferebat, si dum neminem habebat ferrum, cui irasceret, putaret se nactum esse cui illuderet, neque dignum censebat, cum properarent omnes, ut gladius unus tergiverfator tot comitum & amicorum votis obstaret.

Expressit ille quidem in his animum Diogenis; sed eundem sapienter temperavit; non poculum, non catinum, non argentum abjecit, sed quicquid etiam non nisi abjiciendo bonum fieri poterat, quasi malum damnavit negligendo: Pauperem non dixisses, quia facultates ipsi erant privatae, animus regalis; non avarum, quia fruebatur eo quod habebat, non habere studebat, quo non frueretur, non profusum, quia sic vivebat, ut vivere, sic dabat, ut dare posset, & tamen utrumque faciebat ita, ut magis benignus, quam medius esset, omnibus impensis facilius ignoturus, quam temporis, quod tum pessime locari putabat, quoties non optimis locaretur. Ideo convivia non faciebat imperitis, sed copiam sui apud doctos saepe, si quid & illis proficere posset: ocium nullum sibi indulgebat, nisi cum valetudini serviaretur. Jus didicit, ut sciret, non ut litibus commodaret, sat Advocatorum ratus, si minus esset, satis etiam interpretationum, si minus Interpretum esset. Ipse enim quietem malebat, & vitam à certaminibus, ab invidia & avaritia remotam, ubi doctrina esset infinita, cupiditatum modus finitus. Ei cum aliquando non nemo ex eo genere hominum, qui Principum quaesturas exercent, & nonnunquam suum quaestum, inter conviviales sermones diceret; *Satius mihi ducere mori, quam Gruteri libri literis & syllabis*, studium Criticum saggillans, *immori*; respondit Gruterus; *& ego mallem sublimis mori, quam ad felicitatem tuam damnari, ut quotidie argentum & vitam teram, ut ad calculum sedeam, & colligendis, numerandis, scribendis, condendis, promendis, locandis, fœnerandis pecunijs ævum impendam*. Sapientibus enim & Gruteris res illiberalis habetur in divitijs suas curas, in curis vigilias, in vigilijs noctes, in noctibus vero dies vexare. Vix autem è millibus unum reperias, cui divitiæ sint sive suæ, sive alienæ, quin ille sit divitiarum, quin ille amicum potius sit perditurus, quam nummum, nusquam liber à metu, vel Gallicanum suum suspectans, si curiosius fodiat, quasi & ille scrutaretur, ubi dominus condidisset aurum. Quæ miseria, si hæc talis non est miseria, totum amittere fructum vitæ, ut quæras vel augeas rem nunquam tibi certam, filijs incertior, filiorum filijs incertissimam, qua sæpe non tam locupletas, quam facis Nepotes, dives in arca, pauper animo, mortuus ante mortem, post mortem derelictus? *Gualtherus* non tam iratus erat suo genio, ut apud superos inferorum pœnas amaret. Hinc cum iterum magni Principis Consiliarius eum interrogaret, cur literas tam adverso Mercurio natas tanto studio præ cæteris coleret, quin operam potius daret illis artibus, quibus filiabus dotem pararet & generos? *Cue auriferis gis artibus*, inquit, *abstineam, mea mihi causæ, filiabus vero maternæ* sunt.

sunt dotes, nec viri illis deerunt, si non deerunt virtutes: quippe iisdem ornamentis matres earum nuptum iverunt. Bonis satis opum erit, quia bona sponso facile merebuntur bonos; malis iterum satis, quia plus opum non merentur, & si plures ipsi contigisset, frustra male sperarent bonos, utpote qui dotes prius spectare solent, quam dotem. Certa igitur stabat sententia, nunquam artes quæluosas moliri, multo minus preces pretio mutare apud Potentes. Et si enim stipendium tale habuerat, ut facile invidiam non haberet, ipsa vero exiguitas suo augmento faveret, nunquam aliorum consuetudini assuevit, ut tenuitatem stipendij precariis adminiculis corrigeret, tesseras frumentarias, vinarias, sportulas aut donativa peteret, & adorandas quercus excuteret, sed Consiliariis ipsis morientibus verecundi hominis crumenam semper inanem esse, respondit, ob drachmas pauculas ego mendicus non sum, nec munus id est regium; mille vero aureos Princeps non dabit, quia munus id negabit esse Philosophicum: ita illi Fortuna obstat, mihi professio, & alioquin officium qui facit, beneficij admonet, qui petit, non datum exprobrat & de dando gloriatur, pene addidisset, quod mihi datis, o amici, Principi potius dandum fuit consilium, siqua re me putatis dignum. Nam frustra merita nostra scimus, nisi ad conscientiam quoque ejus referantur, ad quem & devotiones studiorum, & spes premiorum, & gratia beneficiorum, & interdum minimarum rerum notitia solet referri. At tanto magis laudanda Constantia ejus, quod nec oblaris quidem vinci potuit, ut mediocritati suæ speciosa præferret; ut contemptum quidam verteret in amorem, & amorem temperantiæ in ejus contemptum. Nam illud quidem non vehementer cupere, quod non vehementer speres, aut quod tibi labor, mora, difficultas reddat aspernabile & invisum, aut quod ita parum sit, ut cum habeas, haud multo plus habeas, quam si non habeas, facilis continentia potest videri. Sed nos ter & illud recusavit, quod sponte veniebat, & ad contemnendum id contemptum sui non afferbat, nisi forte mille ducenti ducati annui leves videntur nummi, aut stipēs mendicorum, nam totidem tales illi promittebantur, si decus suum, & vocem publicam *Academia Patavina* voluisset impertiri, postquam *Ricobonus* illic & vivere, & docere desiisset. Invitabat *Penellus*, sollicitabat *Vesferus*, negabat utrique *Gruterus*. Erat ei religioni Religio, sed & erat religioni ipsa pecuniæ summa, quæ cæteroqui paucis nimia est, & multis opportuna ad impietatem merces. Nefas primum ducere ob eire, ubi & plus inveniret & minus; sed ut minus hoc plus damni, quam plus illud commodi haberet. Cultus enim divini libertatem publicam (quamvis privatam recepturus) pro quibuscunque divitiis sibi negabat esse venalem; præterea tam humanum sciebat esse invidere alienæ felicitati, quam alienæ virtuti, & hanc quidem propter invidiam non esse deferendam, illum vero feliciter esse, qui non sit infelix, quam qui cum invidia felicissimus. Quippe Felicitatis quidem filiam naturalem esse invidiam, Calumniam ejus nepotem, Calumniæ vero sobolem & Felicitatis quasi pronepotes, noxias Innocentum. Quod utinam, *Grutere*, è tua potius disciplina didicissem, quam nea fortuna! Queror hoc apud manes tuos, me post sordidissimos carceres, post capitales hostium minas, post necem paulo distantem, post urbis nostræ obliuionem, post cruentam ejus expugnationem, post latronum, insidias, post primi exilij mei mala, post militiæ incommoda nihil reperisse crudelius, quam meam non dico felicitatem, sed aliquam laboriosam quietem. Non erat, quod nocturnes invidiam tantum in

magnis

magnis, quam ego in parvis expertus sum. Non me fides Principibus, non amicitia magnis & doctis, non integritas omnibus bonis probata, non sacra exilij causa, quæ sæpe alioquin ignotos & pessimos commendat, potuerunt tueri. Id genus quo magis telo ulciscar, quam tuo, *Grutere*, animo, vel, quod idem est, magno? Veniat tamen hic mihi fructus opto, ut aliquis culpam hic suam invenitus respondendo me faciat meæ hystoriae commentatorem, quod nunc sane fecissem, nisi fuisset parum iratus. Ego à *Grutero* ad *Gruterum* redeo, contemtor malevolorum ad contemtorem divitiarum. Accersitus est in *Italia*.

Quam hoc jam honorificum erat, quod ad eam gentem, quæ & literis, & hominibus doctissimis & sui judicio, & exterorum neglectu abundat. Delectus est unus ex media Germania, quod iterum gloriosum est, sive quod ipse potissimum, sive quod potissimum inde. Major enim quodammodo invidia est, qui deligitur ex ea gente, cui tam raro aliæ meritas laudes concedunt, quam nunquam eripiunt. Expetitus est ab Academia tali, ubi non ut in Italia, sed ut in ipsa Germania, in Polonia, in Bohemia, in Gallia, in Britannia, in compendio orbis habitaret; quandoquidem quicquid illustre est, quicquid discendi cupidum, quicquid Reipublicæ, quicquid foro, quicquid Medicinæ crescit, id omne tyrocinium suum apud *Patavinos* plerumque aut sumit, aut facit, aut ponit. Vocatus est denique ad liberalitatem tantam, ut *Gruterum* repulsas opibus dantem laudare non possem, quin eundem apud animos nonnullorum reprehendendum exponam; Academia vero *Patavina* nutrior publica voce, publico literarum, & private *Gruteri* nomine proprie celebrem, utinam in exemplum magnis literarum Educatoribus, ut saltem aliquam *Patavinitatem* talem, si non omnino talem sæculis ostendant, nec semper paupertate dignos putent, qui paupertatem non indigne ferunt. Nam ut divitias magnas anxie querere non est sapientum: ita sapientibus necessarias opes subministrare eorum est, qui sine opera sapientum, nec sapientes habent, nec sapienter opes aut regna, cum nullum genus hominum inveniatur, quod minus suis emolumentis advigilare aut possit aut soleat, dum discendi & docendi cupiditati omnes cupiditates alias pollicetur, & vectigal suum tantum à mortuis exigens; honestissimam avaritiam exercet in libris, interim multorum iniquitati obnoxium. Quia enim tales nec de sua, nec de aliena fraude cogitant, & suam innocentiam inspicunt, quasi obsidem alienæ, multo opportuniores sunt pessimis lucrorum milvijs. Quoties illis Institor, quoties Cerdus, quoties Vestiarius, quoties aliæ Feles nummarie pro bono & nimio argento malam mercem, & pro tenuitate nuditatem reddunt?

Nemo magis juvenandus à magnis, quam quem minores prædæ habent. At quamvis hæc ita sint, Liberalitati tamen maximi Principis, qui semper beneficijs, quam penis largior fuit, & nunc optimus, postquam malis temporibus antiquior habetur, *Grutero* intercessit. Cum enim *Inscriptiones* suas Romanas Romanorum Imperatori *Kudolpho* inscripisset, Princeps ita munus hoc acceptum habuit, ut & laudationis & largitionis suæ munere vicissim dignum putaret, alterius quidem honorem statim præmittens, alterius optionem ad arbitrium auctoris differens, interim per *Wakerum* & *Barvium* responso dato, *Gruterum* & præteritum & præsens & sæculum futurum demeruisse, peteret ille à *Cæsare* minus quod vellet, repulsam ne timeret. Certe qui petere jubet, & laudat, ille

T t t

quantum

quantum laudat, quod damus, tantum nos invitat, ut petamus. Nam qui nollet nos petere, nollet laudare; quia laudatio meritum intelligit, & meritum representationem: Silentium quod nec laudat, nec vituperat, magis vituperat quam laudat, & quidem ita vituperat, ut nos vetet sperare. Verum cum illud additur *Pete munus*, & laudatio pramittitur, illud dei videtur, Pete munus mea liberalitate, & tuis meritis dignum. Sed Gruterus tanti Principis judicio gavisus de cæteris ita respondit, *Midam aliquando à Libero patre similem opionem consecutum, quia stulte elegerit, in præmio penam accepisse, dum auri quidem copiam fructum non haberet; majorem esse sibi reverentiam Majestatum, quam ut ipsis dona sua nominet.*

Facile itaque constabat, aurum non petere, qui auri petitozem in occasione commodi sui reprehenderet. Alius ita respondisset, ut *Cæsari labor meus non displiceret, votum fuit, ut & placeret, non ultra votum, sed supra spem fuit. Atque in eo judiciumne Cæsaris admirer, an in tanta dignitate tantam dignationem, ut cæpius erat tantum ignoscere suum putaveris & studia nostra cognoscere, & in illis præter meritum publicum aliquod suum debitum agnoscere, cum denique explicasset quid sentiret de nostro libro, explorare etiam quid nos sentiremus, de ejus liberalitate. Difficile certamen mihi constitutum est cum Cæsaris munificentia, & mea modestia. Si liberius peto, periculum est, ne decolor mei pudoris videar, & avarus, si verecunde, ne magnitudinis Cæsarea detrectator videar, & superbus, & mihi malevolus. Hoc unum exprimo, Cæsari, opes mihi opus esse, præter libros & liberos parum esse. Quam multum ille dare velit, non desinio, sed quam multis. Unus enim non sum, nisi quod ab uno me tam multi alumni petunt, ut non aiantur, nisi multis. Vos, o Viri Consiliarii, agite meam causam, quam jam Cæsar probavit, & ita tamen credite, mihi egenti satis fore ad accipiendum propter Virtutem, quicquid abundantissimi Cæsari satis erit ad dandum propter fortunam. Alia oratio fuit Gruteri, qui quidem muneris arbitrium Cæsari remisit, sed excepit aurum. Putabat Wakkerus forte Grutero gratum fore, si quid splendoris Insignibus ejus Gentilitijs à Cæsare adjiceretur. Possè enim veterem Nobilitatem ejus novo tanti Principis favore multum ornari; sed Gruterus & huic sententiæ intercessit. Tantum enim abesse dixit, ut honoratior esse cupiat Insignibus, ut sit his ipsis, quæ habeat à majoribus, oneratior quam velit. Haud enim rem magnam, ut decoram sibi videri, Equitem se jactare Brabantiae aut Flandriae, cui neutrum vel locus sit, vel fundus, vel certe fructus, aut foris census, aut equus, aut omnino cantherius, vel quod brevius dicitur, qui sit Exul.*

Videte cum quali homine Cæsari fuerit negotium! Non desiderat aurum, quia non egebat: non egebat, quia sine pompa, erat autem sine pompa, quia nobilitatem intus non extra ferebat, & hæc omnia faciebat ideo, ut aurum non desideraret. Proximus enim est gradus ad avaritiam, magnum esse velle, aut se majorem. Nobilitas quippe quæ vult ostendi, vult ostentari, ostentatio vult apparatus, apparatus sumtum, sumtus, unde sumat. Hinc itur ad lucra, ad avaritiam, & avaritiæ ministras artes, raro bonas: Itur inderunt ad ruinam, ad miseras tanto miseres, quanto nobiliores sunt, qui sunt miseri. Operæpretium erat posteris suis rem difficillimam ostendere, ut discant nobiles esse, & tacere. Cum igitur Gruterus & hujus beneficii veniam petijset, Tobias Schultetus, qui Gruterum interiorem interius noverat, ita censuit, non posse contingere illi munus acceptius, quam si omnes libros ac lucubrationes ejus Cæsar

per Privilegium tutas præstaret ab injurijs illorum, qui, si quid alibi excusum est bonilibus, protinus idem recudunt, manum non versuri, quicquid alijs obest, dummodo sibi prosint, aliena vineta cædentes, ut sua conserant. Contigerat enim hæc illi fraus in *Seneca*, quem cum suis Animadversionibus Heidelbergæ ediderat, sed eundem, nescio ubi; quidam bisgenitum fecerunt, ac veluti Jupiter Semeles filium, quamquam bene editum suo femori inferuerunt, ut iterum ederet, clanculum authorata proditione, ut midentem adhuc à prælo Heidelbergensi paginæ quot-septimanis eo accelerarent, ubi contraheretur *Seneca Gruterianus* in minorem formam, & distraheretur in majorem injuriam. Annuit igitur Cæsar de privilegio, & in ipso privilegio de Privilegijs ultro cogitavit. Non tantum illis quæ *Grutero*, sed & quæ concederet *Gruterus*. *Comitem* enim *S. Palatii* designavit, ut ea dignitas aliquando doctissimum nostra satisficeret Inventori, & quæ nonnunquam bonitati Principum debetur, nunc deberetur judicio. Decreta res erat apud Principem, approbata in Senatu Augusto, relata ad Principem iterum, ut subscribendo firmaret, quod præscripserat communicando. Sed Cæsarem occupavit morbus, deinde fatum, quod bonas actiones plerumque cum authoribus finit. Literæ itaque quibus superiora Privilegia continebantur, sicut ejus generis mille alia, more quodam discedendi, relicta sunt absque manu Imperatoris, absque signatione, nec postea unquam productæ, quia nova Potestas facilius sua beneficia orditur, quam aliena absolvit, & novis curis occupata raro succedit in obligationem veteris promissi. Ita *Gruterus* luculentissimum munus nunquam accepit, & laudes Cæsaris optimi sic celebravit, quasi integrum accepisset. Quod tamen non accepit, generosissimo vitio contigisse arbitror *Gruteri*, qui nihil minus à se impetrare poterat, quam ut frontem suam ad expugnandam muneris tarditatem roboraret; Principem vero appellando obtundere plaue pudendum habebat. Noverat ille quidem consuetudinem Aulæ, ubi impetrata sæpe impetranda sunt, & à multitudine negotiorum cuique eruendum suum, neque sumenda verendum; quod ea faciat tantum ad nostri oblivionem. Quia enim hæc virtus tacet, nunquam exauditur, præsertim inter strepitus Magnatum, ubi magis opus contentione vocis, quam perseveratione decori. Sed non gerebat ille personam histrionalem, quam ex arbitrio *Ædilis* deponeret, & in alia fabula rex esset, in alia servus, suæ magis constantiæ tenax, quam flagitans alienæ, perditurus potius cito, quam diu petiturus, deserturus etiam nonnunquam jus suum, quam asserturus, ubi vidisset sibi triças nodari, dispendiorum haud inexpectus. Wittenbergæ cum esset sua virtute sibi damnosus fuit. Evocaverat eum *Septemvir Christianus primus*, & evocaverat nuncio ob id propriè misso, ut Professionem Historiarum susciperet. Retinuit *Gruterus* nuncium in Borussia (in illis enim tunc oris degebat) donec in Rheda uterque proficiscerentur cum sarcinis. Satis multum argenti quatuor equorum Auriga, tot milliarium iter, tot dierum prandia & coenæ; menses autem, quibus illic morabatur, vix annum & suprema *Christiano* consiciebant. Quo defuncto placuit successoribus, ut in libro quodam, velut templo *Concordiæ* convenirent omnes, & nomina subscriberent, quibus totum argumentum libri illius sine exceptione probaretur: abire quo vellent iussis quibus aliter videretur *Gruterus* cum *Libro Concordiæ* nec vidisset nec legisset unquam abstinuit à subscriptione, quod temerarium esset &

fatuum judicare de re, quam non videris, approbare librum, quem non legeris, firmare sententiam quam non consideraveris, subscribere divinis quæ cum divinis nondum contuleris. Missionem igitur prætulit, & prætulerunt hanc alij duo Viri Clarissimi, sed majori suo commodo quam *Gruterus*. Illis enim semestrem stipendium, quod honestæ Missionis illic commeatus est, subvenit; *Grutero* nec hoc evenit, nec quod in itinere Borussico expenderat revocit, causa superius indicata, quod purpuras Aulicas adorare nescierat, Principi vero tormentum, aut supplicationis continuæ fiduculas adhibere sibi interdixerat. Minus enim molestiæ inesse videbatur dispendio expedito, quam stipendio aut præmio intricato. Sic boni viri plerumque longe absunt à gloria divitiarum, quia tantumdem absunt ab ingenio divitum, dum nec alienis inhiant, nec sua clamose reposcunt, nec præmia cum meruerunt, persequuntur, & cum nemo dat, à se petunt, & cum parum habent, satis putant, quodque valde magnificum est, etiam divitibus donant, quoties illi vel morose fatentur, vel invito reddunt, vel libenter obliviscuntur. Semper enim facillime ignoscunt, & raro se debere putant, quorum creditores sunt viri boni. Quia bonitatem patientiæ, patientiam onus comitatur. *Gruterus* noster plane admirabilis erat, qui cum sine beneficio missionem acciperet, beneficijs missionem dedit.

Diogenem audire videor, cui cum servus unicus aufugisset, *turpe est, inquit, Manen* (nam id nomen servo) *sine Diogene posse vivere, Diogenem sine Mane non posse.* Ita *Gruterus* turpe duxit divitias se carere posse, se non posse carere divitijs. Est enim & aurum & argentum quoddam mancipium, nisi quoties mancipia facit ex dominis, & quanquam custoditur centum clavibus, tamen aliquando fugit. Sapienter igitur *Gruterus* cum mancipium hoc retrahere sine labore non posset, cum contemptu omisit, & cum unius fugitivi iudolem cognovisset, reliqua non desideravit. Quid usitatus est in Academicis nostris, quam Convictorum frequentia apud Professores, quorum in familia alantur, qui vicissitudine iustissima eorum familiam alunt? Quis inculpator modus, quamdiu modus est, cum commodo suo alijs gratificandi? Nunquam tamen *Gruterus* hunc morem domum suam introduxit, quia rem tam necessariam, quam per se humanissimam culpa avaritiæ pridem, & in alios suspicio contaminavit. Nam postquam non commodi, sed quæstus causa locupletum liberos captare placuit, postquam favor olim hospitij factus est ambitus; postquam molestia meruit emulationem, nec æmulatio timuit molestiam, quia speravit lucrum, inde factum est, ut vitium maneat apud malos, convitium veniat etiam ad bonos. Jam quod aliqui juvenes frugalitati nondum maturos, & luxuriæ præcoces domi suæ virtuti magis corrumpunt, & pravitati magis exerceant, aliud jam est facinus. Reperiuntur enim non pauci, qui totas annonas sub tecta congerunt, non ut necessitati parata sit copia, sed ut alumnis non desit, quod post satietatem esuriant, & post potum sitiant, cœnantes usque ad prændia, & prandentes usque ad cœnas. Sic fiunt contubernia tabernæ, convictores compotiores, impense offensus, opes inopiæ, luxus tactus, hospites hostes, & ut verissima cavillatione obsequem, receptores nimis sæpe deceptores. Isti hæc *Gruterus* eadem faceret, minime prætimebat, sed magis illud, ne cum noller, laboraret invidia Tutoris, tamque iniquis oculis aspiceretur Cato, qui domi suæ Liberalia non ferret, quam olim alter, quem foris non ferebat Floralia.

Idcirco

Idcirco cum aliquo officia sua patefaceret omnibus, in hoc eum nullus exoravit, ut mensam aperiret victori, aut colligeret pensiones, Illustrium quoque constantissimas preces pari constantia deprecatus, ne rem non sui moris, non sui consilij à se contenderent. Quod apud ipsum esse mallent, id sibi gratissimum testimonium charitatis, & hanc diuturniorem fore, si coleretur sine contractu. Fieri enim posse, ut, qui præfecturam gerant Culinariam, aut reliquas curas domesticas expendant, minus sententijs eorum respondeant; tum protinus Amicitiam vitium, etsi non valde, tamen vitium facturam, quia casus ejusmodi pro Consilij soleant accipi, & quicquid male præstent familiares, quia pro Domino videatur, à Domino videri. Rectius illos habitare posse, ubi minus amicitiae labes curetur. Tantum abesse sibi voluntatem minuendi amicos, quantum numerus eorum absit adhuc à perfectione. Difficile præterea in alendis alijs nimium temperare, & parum; ex illo querelas, ex hoc malum domesticum venire. Raro autem dedisse alijs æquum, qui non sibi dedit iniquum, æque raro iniquum alijs non dedisse, qui sibi dedit æquum. Esse enim proximos inter se fines proprij & alieni, facilemque ad aliud transgressum. Melius abstinere à toto, qui pretium ponat famæ, quam sapientem tam integram esse velle, quam Cæsarem olim suam uxorem. Tum neminem injulteriori videri, quam qui detrimentis suis præsit, & cum labore rem faciat deteriori. Hac excusatione *Gruterus* plurimum desiderijs occurrit, & lucro blando decessit, & amicitiam non offendit, vir aliqui juventutis emolumentis semper paratus, præsertim quoties commendationis stimulus vel levissimus accedebat. Nam in omnibus prope terris, in omnibus prope magnis aut parvis civitatibus tot amici, tot faventes erant, ut aliquam parvam terram, aut aliquam magnam civitatem talibus potuisset implere. Vidi literas, quas optimus senex peregrinaturis aliquoties apertas dederat, totis aliquot paginis nihil, quam nomina, quam salutes, quam breves laudes amicorum continentes. Ut enim quidam, cum terrarum litus in tabulis adumbrant, interdum longissimam punctulorum sementem tractu tereti sinuant, ut noscamus, quibus itineribus Alexander orbem peregerit, quibus *Aeneas* in Italiam venerit, quibus flexibus alius Orientem, alius Occidentem invenerit. Ita *Gruterus* peregrinantium itinera Amicis conscribebat, & charissimorum nominum quasi hilo aureo nunc huc nunc illuc proficiscentes comitabatur, alium longe salutans, alium eminus complexens, alium procul exosculans, alij manum, alij collum premens, omnibus advenam suum commendans. Et ab illis quidem vicissim reddebantur paria, commendantibus perpetuo literis, quæ cum cæteras familiaritates, tum creberrime commendationes advehabant, & novos amicos. Hos noster facillimo congressu recipiebat, lautioribus officia cujuscunque generis, cæteris, & quorum tenuitas tamen bonæ mentis soror esset, etiam beneficia diffundens. Etenim *Gruteri* imaginem, qualem salutantibus aut clientibus ostendit, quoties comitas exercenda fuit, aut beneficentia, si quis cupiet intueri, hujus ego votum in autumnum distulerim. Illic videbit arborum felices copias, verecundos pomorum vultus, mustulentas vincarum gratitudines, totam spem anni in effectu, & in eadem facie *Gruterum*. Erat illi prompta humanitas, sed cum fructu magis, quam cum flore: non nimium vernabat luxurie promissorum, nec fecunditatem mentiebatur speciosis dictis, nec bonus illi Aprilis finiebatur in malum Octobrem. Sicut enim arbores quædam,

Curt.

Cum Sol egelidos refert seiores,

effulsiſſime florent, ſed nimis caducis; Ita quidam homines ſine modo blandiuntur, & totum officium conſumunt in verbis. Nondum bene dixerim, qualis in hac parte fuerit *Gruterus*, niſi pinxero aliquem, qualis *Gruterus* non fuiſſet. Introducam hominem ornamentis non *Gruterianis*; Atque ecce, incedens ardet è longinquo, & illecebroſiſſima vultus ſuavitate gratioſus jam dextra capiti ablaturi pileum ſiniſtræ commendat; jam vacuam manum oĩ ſuo, mox calceo noſtro admovet, & toto vertice deſcendit ad alienum genus, non reſurteſciturus; niſi ſcitiffima pedum inquietudine, & ſalutatione prodigioſa, nullo conſenſu animi peracta, *Domine*, inquit, nihil ſuperest fortunæ, aut ad bonorem, aut ad felicitatem meam augendam, poſtquam me dignata eſt tanta benevolentia, ut hic adſpectus tuus in meum conſpectum, ego in alloquium & complexum, vel potius in poſſeſſionem tuam, ſi tanti ſum, venirem. Gratulor tibi de valetudine tua, qua mea geminatur, & preces devotiſſimas precor, ut proprium hoc tibi munus eſſe velit, qui tibi ſemel tribuit, quod ſemper mereris. Eſt cum juſtum ſit omnes illi ſervire, quem *Deus* amat, obſecro te, ne deſiderium meum flagrantiſſimum repudiet, ut eſſe poſſim inter illos, qui à te mandata accipiunt. Odi enim meam libertatem, poſtquam ſcio, quam glorioſum mihi ſit futurum tibi ſervire. Sin prohibes, & hanc mihi felicitatem imperij tui negas, juro tibi, me non ceſſaturum obſervare Occaſiones aureas illas caproneas, ut quam ſæpiſſime meis officiis me tibi fateri & facere poſſim debitorem, velut proprie loquar, tuum mancipium. Tum frugi iſte ſervus, iteratis obſequijs ſuis, iteratis oſculis pedum manuumque, ſumto iterum ore *Ignatii Caſtelliani*, blandoque riſu, corpore rurfus arcuato, flexis iterum genibus, & alternata lumborum laſcivia diſcedit; ſed ut honeſtiſſimè videatur ſe genere, nunquam diſcedet averſus, niſi decem amplius paſſuum intervallis, ne partes illas obvertat amico, quæ commodius occultantur ſedendo.

Crederes te non ſervum, ſed patronum naſtum eſſe optimum maximum, & præſidium fortunæ, cum ſi quid illum poſtea ores iſſdem precibus, ſi pari ſuperſtitione adores, nihil minus ſis repturus, quam cum qui tibi tam bella verba fecit, aut tam belle petit. Dicit, ſibi obſtare partim ſuas neceſſitates, partim ſuas neceſſitudines; vix operam proprijs, vix illorum rebus ſufficere, quos aut natura ſibi, aut antegreſſum magnum officium fecerit proximiores, ſe tibi non poſſe vacare, cumque rationes omnes explicaverit, hæcenus illas probabis, ut firmiter credere poſſis, cum non velle. O cupreſſus pulchraſquidem, ſed tantum pulchras, exclamavit aliquando *Phocion* Athenis, cum audiret quendam ſplendidis promiſſis ſtimulantem cives ad bellum, ad victoriam, ad libertatem, ad decus, ad alia præmia, quæ non rarius afferuntur hoſti, quam auferuntur. Scilicet non omne magnum par habet pretium, & ut ſæpe virtuti nitor. Sæpe multa verba nulla ſunt, ſunt & peſſima ſæpe, quæ ſunt optima; ſunt arbores, quarum opes deſinunt in forma, in cortice, in folijs; ſunt cupreſſus denique *Phocionis* quæ nec eſui ſunt, nec magno ului, niſi quod olim ſeralibus miſcebantur officijs, ut teſtes funerum eſſent, comites luctuum & ſodales lacrymarum. Nam & folia iſta verborum plerumque ſuccedunt in hæc vices, & ubi nimium blandus.

blandus sermo, & blando sermoni credula fides, ibi poenitentia & tuarum rerum funus. Quid enim novi nunc est, in mimo tragicædias meditari, & per imaginem benevolentiae non tantum vanitati ludos; sed etiam malignitati sævitiam dare. Injuria esset, si *Gruterum* ita laudare vellem, ut cum eximierem pessimis, cum nec malis fuerit vicinus, & inter optimos vel propterea sit habendus, quod bene semper maluerit facere, dum parum delicate loqueretur, quam delicate loqui, dum parum faceret. Brevis illi oratio tum, & simplex, & secunda credenti, *Volo, inquit, quod vis, si vis, quod possum. Libri mihi sunt, illis utere, studia sunt, illa consule, amicitia est, illa frui.* Hæc sunt, quæ nosse offerebat amicis, quia talia plurimi aestimabat, nihil libentius accepturus, si quid ipsi foret accipendum, quam quod promittebat, nec daturus lentius, quam promissurus, quia promittebat ea, quæ dare poterat, & frustra sciebat promitti, quæ vel præstare, si velis, non possis, aut si possis, non velis, dum utrumque scires, cum promitteres, quasi tantum promittendi causa promitteres. Hinc libri ejus nullo prope ocio fruebantur, quasi castrensi disciplinæ assuefacti, ut perpetuo labore exercitati nunquam haberentur inutiles. Aut enim dominus illos terebat domi, aut aliquis occupabat foris. Et ut boni militis signa non sunt, nitor in cultu, aut in vultu, sed potius squalor, callus, cicatrix, & totæ frigoribus æstus, pluviarum, vigiliarum, itinerum, pugnarum, ac reliquæ patientiæ militaris Ephemerides in ore, in manibus, in veste: Ita *Gruteri* libros magis honestos vidisses navis & attritu, quam novitate vetusta, aut integritate ignava, aut in gloria decore. Quia tot illis utebantur pro suis, quot *Gruterus* habebat pro amicis. Sæpe libros aliquis ab ipso & veniam petiit, quot tam sæpe peteret: libros ille dedit, veniam non dedit, quia, inquit, nihil peccas, dum libros petis; sed incipis opus habere veniam, dum veniam petis. Nam hoc adversus *Gruterum* peccatum est, non habere *Gruteri* audacter fiduciam. Salutantium præterea desiderijs quam facillime occurrebat, nec majestatis nimius, nec familiaritatis parvus. Potuisses statim vereri, statim amare, statim fidere, statim audire aliquid ex antiquitate, ex bonis literis, ex historia, ex legibus. Inproximis autem hoc agebat, ut apud minorem ætatem oraculæ sapientiæ misceret, ut sermones suos condiret salibus, & per eosdem sales infunderet valetudinem morum. Disserbat de ratione vivendi, quid in hoc ævo optimum, quid pessimum, quid pulchrum, quid turpe, quid solidum, quid vanum esset. Conciliabat virtuti studium, vitij odium, literis amorem. Veteres Cupidinem, aliquem commentum sunt alatum, cæcum, pharetratum, incendiarium, sagittarium; & his instrumentis omnibus nihil faciebat, quam amare. Quam ego vim in *Grutero* potius fuisse nimis certo scio. Nam quod illic fictum, hic factum fuit.

Vidimus, accepit sapula prius fidem.

Alatus erat, quia supra sordes volabat humanas: alatus erat quia per liquidum æra ferebatur pennis gloriæ: alatus erat, quia celerrimo cursu totum orbem, totam antiquitatem, tota sapientiæ latifundia peragrabat. Erat & cæcus, sed ita, ut iustitia pingitur, dum fortunam non spectabat oculis, sed animo virtutem; cæcus iterum, quia pauperi æque amicus ac diviti, amicior semper illis, quorum opes essent in animo, ut ipsi lumen. Hoc enim est in cæcitæ-

citate esse perspicacem, & in perspicacitate esse cæcum, dum non tam utimur judicio oculi, quam oculo judicii. Erat & pharetratus, sed illa pharetra, unde sapientes, non ut ille apud Diogenem puer, ex vagina eburnea gladium plumbeum, sed sententiarum spicula aurea depromunt. Erat sagittarius, sed longe melior & iustior, quam Cambyfes, qui patre spectante filij pectus, trajecit: noster tigeat, cum non læderet, sanabat cum fauciaret, vulnus faciebat, sed qua solus intraret. Incendiarius denique, sed ad honestatem, ad gloriam, ad laudem. - Huc ille fomites, huc malleolos, huc stupam, huc picem adicebat, vel ut brevius dicam, quicquid dictum est, solertissime ubique inflammabat amorem, sed virtutis, sed bonæ mentis, sed literarum. Ne miremini, quod partem hanc ambiciosius exequor. Nolite putare nos in comparatione fabulari, fabulas loqui, aut in oratione agere Poetam, ut res per se tenuis crescat auxilio verborum. Revera enim tantum pollebat eximius vir, stimulus suis, inter quos maximus fuit ejus exemplum, ut qui discedebant ab ipso, semper auferrent in animo quendam incredibilem discendi ardorem, domumque reversi, non jam libros amarent; sed deperirent. Et quia tales ignes per diuturnitatem interdum silent languere (nam ne Vestalis quidem focus olim vivebat sine custode) selectiora illa ingenia, quæ Gruteri amicitia semel incaluerant, subinde revertebantur, vivacius arsiuri post auditum Gruterum.

Lenonem generis humani *Socrates* Socratem appellavit, quod artificio quodam peculiari homines induceret in contubernium virtutis. Ut Socrates igitur imitatus est Lenovem; ita Gruterus imitatus est Socratem, vel potius eundem naturæ quodam arbitrio expressit, & cum amorem suscitaret singulis, omnes rivales fecit virtutis, hanc tamen facile, inquebat, dari posse cunctis. *Si unusquisque* illorum dominæ captaret ancillas, & per illarum pectus quasi per vestibulum intraret in pectus Domine. Ancillas autem istas cognominavit Artes, cognominavit Scientias, Disciplinas, Humanitates, Historias, Leges, Antiquitates; quæ singulæ dum sciunt quid faciendum sit, ancillæ sunt; dum faciunt quod sciunt, dominæ sunt, & ipsæ per se Virtutes. Alioquin enim sæpe etiam is, qui sapientiæ operam dat, obsequium non dat; qui juri studet, iustitiæ non studet, qui valetudines curat, valetudines non spectat, qui Rempublicam gerit, suam magis gerit, qui sacris consecratur, sacra desecrat, qui se pietati tradit, sibi pietatem non tradit. Illud autem tunc maxime fieri discebat Gruterus, quando ad summa studiorum nimia sit properatio, quando spinosæ definitiones virtutum pro virtutibus discantur, quando prudentes simus, antequam sapientes, quando lucrum prius ametur, quam honestas, quando interrogati cur sacra, cur humana discamus, respondeamus, peni, nummi, nostra causa. Hinc reperiri tot semiliteratos, tot indoctos doctos, tot barbare disertos; quia tales dum ad summam disciplinam tanquam ad prædam festinant, cæteras tanquam avaritiæ parum opportunas relinquunt. Hæc & id genus alia Gruterus apud aures juventutis perpetuo ferebat, diligenter cavens, ne periret adollescentibus etiam illud tempus, quod ipsi quoque perituum erat, nisi dixisset aliquid quod alteri prodesset. Non tamen inter ista verba censoriam severitatem suspendebat in fronte, nec consilium confundebat cum imperio. Amemus illi vultus veluti inter ludos, sermo illi jucundus veluti inter pares, mos illi suadendi, non præcipiendi veluti inter liberos; utque omnem tristitiæ opi-

nionem removeret, nonnunquam eyathis etiam adventores suos aspergebat, si tamen bona illorum venia dicere licet, qui lætitiā quasi scelus fugiunt, & in alijs notant ut impietatem, quibus omnis

Risus abest, visi nisi quem fecere dolores.

Qui caliginem supercilij sanctitatem vocant, & quia ebrietas merito suo male audit, vinum quoque reum faciunt, superstitione Thracum imbuti, qui olim nimium fas habebant vino abuti, nunc eodem uti fas hodie non habent, tanquam nihil medijs sit inter bibentem, & inter nimium bibentem; tanquam vinum nullum sit gustandum, nisi quoties

Caret os humore loquentis

Et fauces ardent, vixque est via vocis in illis.

Atqui enim vinum ebrietatem gignit: scilicet immodicum. Atqui vinum valetudini obest; scilicet nimium, atqui vinum flagitia parat, scilicet suntum intemperanter. Nam & aquam hac ratione proscribendam dicit, quia multi perierunt in aqua, multi per aquam; neque quisquam potu hoc ranarum exinctus est, nisi qui nimium bibit; & alioquin Leandrum illum, cum ad Asiā nataret, nulla alia causa putant mortuum esse, quam quod in aquis non servavit modum bibendi. Verum hoc sine joco dicam, interest aliquid inter Virtutem, & virtutis simiam Affectationem. Virtus simplex est, affectatio cum fucō, virtus propter seipsam honesta est, affectatio ostentat, virtus vult esse, affectatio videri. Cum vitatur potatio, sobrietas est, cum potus, siccitas, cum lepor, rusticitas; cum vero, quod malo exemplo non sit, reprehenditur, morositas est, livor est, vanitas est, arrogantia est. Erare enim mihi longe videntur, qui nos in hac vita collocatos putant velut in domo lugubri, aut antro Trophonij, ubi nunquam liceat explicare frontem, nec diluere quāvis diem aliqua hora du'ci. Dignus omnium risu censeri potest Democritus, dum semper rixit: at Hercules toto Democrito dignus is, qui semper flevit. Nulli affectui soli servire oportet, quia dum servitur uni, servitur toti, omnis autem affectus cum totus est, malus est, nunquam integrior quam cum integer non est, pater, risum ille, qui solitudine gaudet & suspirijs, qui lacrymas suas liberer bibit, & morosorem libentius, quam merum, qui sua tristitia lætatur, & aliorum lætitia fit tristis, qui subum morem tantum probat, & omnes illos improbat, qui non sequuntur sum: maxime tamen ille nullius fel est, qui gravem austeritatem fingit, & subpersona mentitur faciem virtutis. Non enim conscientia fronte menda est, nec cuiusquam fama luere debet innocentem hilaritatem, non illam certe, quam in *Græco* landanius, doctam, tempestivam, moderatam, & quamvis interdum cum rare vini, non tamen cum luxuria. Scienbat ille nimium, sed aliquando, & instar solis matutini, qui frigidum discipulum elementer stringit,

Uuu

Dum

*Dum nitido patefecit ab ortu
Purpureas aurora fores, & plena rosarum
Atria.*

Irrigabat animum & amicos, sed magis hos, & utroque tamen verecunde, tantum illud genus propinationis expertus,

Gleba quod, ætvo leviter cum spargitur imbri.

Alias enim nec è convivijs, in quibus interdum plurimum est licentiæ, referebat incertiorum pedem, aut marcidum intemperantia caput, nec quisquam cum coegisset, ut excederet craterem sobrietatis, aut tertium illum Anacharidis attingeret, biberet tamen donec animus floreret, & in vultum aliquam emitteret lubentiam genialem, non inimicus etiam consuetudini, cum per conviviarum seriem solet exaudiri, *Bene Principem, bene amicos, bene hunc, bene illum!* Sed hilaritatis ita servabat perpetuo modum, quemadmodum illius rei, per quam hilaritas excitatur, vultu prope semper eodem, & quia quotidiana frons illi nunquam erat contracta, sed summæ tranquillitatis plena, non nimis evidens illius esse poterat mutatio, quando extraordinarie vigebar. Utrumque affectum mire temperabat, ut nec in læticia lætissimus esset, nec in tristicia tristissimus. Nam juveniliter exultantem nemo vidit, nemo muliebriter fientem. Unde quadam ex nostris Matronis cum illam constantiam oris aliquando notasset, maritum suum rogavit, nunquid ipsi quoque Gruterus visus esset in funere uxoris vultum illum habuisse, quem habuerit antea in nuptijs. Humanitatem igitur Gruterus ac Venustatem cunctis approbavit, quorum fortuna non desiderabat Benignitatem, hæc vero pro copijs suis haud etiam omnia adversus illos, quibus ingenium erat patrimonium, & nullum vitæ auxilium, nisi alienum, quique plus animi, quam viatici habebant ad virtutem, aut patria patrijsque bonis per odium Religionis expulsi, misericordiam sui circumferrebant invicem. Liberaliterat inprimis erga Doctores Ecclesiæ & Scholarum, quoties illos bona causa male potentia invisis, & ipso munere vivendi fecerat miseros, dum foras exclusi publicæ humanitatis fiebant alumni, & sui supplicij educatores. Minimum erat beneficiorum stipēs, quātovis creberrima. Nam hæc, ut fruendi causa petitur, ita fruendo tandem perit: maximum illud, quod commendationibus suis plurimorum exilia mutavit in certam sedem, & stipēs in stipendia. Quia enim Grutero summa ubique erat amicitia, precibus & clientibus suis facile impetrabat locum. Argumento sunt centum amplius epistolæ, quarum auctores salutem & dignitatem suam confitebantur opus esse Gruteri. Ita nimirum comparatum est in vita humana, ut calamitosis nemo facilius succurrat, quam ille, qui vel adversa sua remittit, vel aliena mala sic insuetur, ut eadem credat fieri posse aliquando sua. Contra nihil durius est homine, qui secundis rebus semper usus fortunam sibi mancipio datam putat, nec genituram suam aliter voluisse, quam ut ab infelicibus semper longissime differret. Exules igitur cum videt, errores & profugos vocat, egenos mendicabula, calamitosos mala omina, oppressos orbis plaga, cunctos vero infel-

infelices naturæ purgamenta, omnium denique talium adspectus, sua solatia, quod dignus fuerit visus, qui nihil pateretur simile, opem autem ferre alteri tam timet, quam alteram ferre sortem.

Atqui nescit hoc genus, quam omnis felicitas sit lubrica, quam sæpe domos & dominos mutet infidissima hæc possessio, dum ad hæredes transit nec genitos, nec scriptos, & quod gravissimum est, transit ante mortem, aut quod gravissimo illo adhuc gravius est adversariam suam relinquit, ut non tantum amissione boni, sed etiam accessione mali reddat miseriores, quem reddidit alium. Pacem domi iactas; at illam tam diu habebis, donec vicinus aliquis volet, qui potest aliquando non velle. In patria es: at illi nondum omnes mortui sunt, qui multis patriam eripiunt, ut sibi faciant patriam ex pluribus unam. Divitijs abundas? cave, ne aliquando dicas, te abundasse. Bella, exilia, paupertas tam tibi communia sunt, quam alijs tecum communia fuerunt gaudia pacis, patriæ, opum; quos tu nunc contemnīs velut exutos, quasi nunquam exuendus. Gruterus afflictis succurrit, quia vices noverat rerum & primum se sibi suggererat, utpote cui ultima ætatis memoria erat Proscriptio parentum, & suum exilium: suggererat deinde alios, quorum felicitas retro lapsa tam non invenit quo amplius eaderet, quam antea non invenit quo amplius affungeret: suggererat post alios sese iterum sibi, utpote cuius forsitan seræ ætati posset contingere, quod contigisset primæ. In his autem potissimum obtemperavit suæ naturæ, quæ non sola rerum movebatur inconstantia, sed ipsa sponte congruebat officijs, & miserationi. Id si non inhaeret mortalium animis, haud quisquam facile præceptis pareat, aut teneatur exemplis, ut amet aut juvet sui similes in dissimili fortuna. Nam & inhumanus, & avarus, & superbus sensibus præditi sunt illis, in quos hæc vicissitudines humanæ incurrunt: manent tamen inhumani, & avari, & superbi, quam diu illis superest morbi talium argumentum, Incolumitas. Syncerior enim bonitas est, quæ ducem animum sequitur, quam quæ licetorem metum, illam agnoscimus in Grutero, qui & egenis benigne dedit & indigis prompte credidit; utrumque virtute indolis, cum tam crudele putaret, non dare esurienti, quam inhumanum negare mutuantem. Et quamquam ipsius argumentum non semel in mala nomina inciderat, & obliuiosam fidem, facientibus ex commutato donum, quibus dignum erat ultra sortem etiam usuræ loco reddere gratias. Non tamen desisibat ille, quoties rogaretur, pecunias promere auxiliares, cum interim publice constiteret damnosam felicitatem suam, dicere per jocum solitus; *Bene secum actum, quod puerum non esset natus, haud dubie enim nemini se fuisse negaturum.* In se itaque potius facete ludit, quam ingratos asperere perstrinxit, aut propter hos inhumaniter alios reiecit, aut eisdem sponforibus, testibus, aut scriptis publicis stipavit, ut & ipsi in ære essent, & fides in custodia. Quem morem vulgo receptum nosse ne tunc quidem adhibuit, cum maioris etiam momenti pacta forent condenda, cum filiabus generos daret & dotem, nulla testium conscientia, nulla Formulariorum curiositate, nulla cera, quam focerique opus esse censebat. Viros, inquit, filiabus non do, nisi quos certo mihi persuadam esse viros bonos: quos si vere nactus sum tales, frustra cumque injuria illorum, caveo injuriam. Nemo enim fraudem facit, nisi malus, focerum vero nemo tallit, nisi possimus, & ne patri quidem parsurus: sin improbos, iniquos & perditos, quid mirum

quid custoditum, quid sanctum satis erit, quod non hi tales perturbant, violent, invadant? Quæ dos erit satis clausa, quam non tales aut attrahunt in suam rapinam, aut consumant in suam gulam? Nam nec avarus quid iustum sit cogitat, nec luxuriosus quid suum: ille habere vult, quod habeat, hic quod non habeat, uterque utcumque habeat. Nihil obstat utrique Charybdi. Si quid deinde secus accidisset, & minus ex voto tam in ijs, quæ modo dicta sunt, quam in alijs vitæ negotijs, illud omne tali excipiebat animo, quali susceperat, aut ordinaverat: susceperat autem sic, ut existimaret aliter evenire posse, quam vellet. Eventus enim omnes expectare, hominis est, sinistros tolerare, viri. Eâ fortitudo in Grutero plane fuit singularis. Damna, morbos, exilia, calamitates expertus est, quantum quisquam: toleravit, ut pauci. Certe credidisses cum non admodum sentire quoscunque casus, quia dum sentiebat, abstinuit à querelis: Ubique esset, in quibuscunque malis versaretur, omisit ille literas suas, non fortia verba, non urbanitates, non jocos, non animum subnixum, non libertatem, non denique Gruterum. Nullus affectus tenerior est, quam ille, qui inter conjuges coalescit, qui duas animas jungit, & junctas habet pro una. Hæc cum post duæ sunt iterum, & dies ille fatalis toto cœli ac terræ medio molitur divortium, magnitudini flagrantissimi affectus. Lacerat enim vehementer animum, quicquid in illum descendit chari, cum illud ipsum, post actas penitissime radices, editosque dulcissimos fructus, qui sunt amoris itabilimenta, non eximitur, sed evellitur. Hoc opinor intelligi voluerunt Poetæ, qui famosum illum Thraciæ Lyricinæ vivum adiiisse mortuos continerunt, ut posthumus feret proci uxoris suæ, eamque vel assereret vitæ secunde, vel si conjux reddi sibi non posset vivendo, ipse se redderet conjugi commoriendo. Si causam adspiciamus luctus, Gruterus habuit eandem cum maritis afflictissimis, sed quater eandem, & bis altero tanto graviorem. Toties enim citata mortalitas illi conjugium rupit, toties uxores extulit, toties viduum egit, & ut semper alioquin fortis, ita nunc fuit quater fortissimus, cum illi multiplex, & potens hæc calamitas injiceret manus, toteque impetu grassaretur ad triumphum. Nec tamén ita contra mala sua stetit, ut statua, nec illi pectus ex ferro, sed ferrum fuit circa pectus; non sine dolore animus, sed nec sine animo dolor; meminerat se maritum esse, sed non obliviscabatur se esse virum. Lugebat uxores, sed in earum luctu non transibat in earum sexum. Cum etiam ex illis una, dum nescio quid linteorum, siccandi causa, in pertica transversa, pedesque in extremos digitos, & totum corpus sine libramento pronum suspendit in fenestra, præcepse superiore parte domus delapsa animum exhalasset: doluit ille quidem magnopere morte uxoris, doluit ipsa specie mortis, doluit inopina viduitate, sed post amissionem tamen uxoris multum absuit ab amissione sui, multum ab impatientia vulgari, quæ plerumque cum corrigere non possit mala sua, corrigere vult Deum. Noster calamitates suas nunquam magis comparavit cum suis votis, quam cum beneficijs divinis, semper gratus ob præterita bona, gratus etiam ob præsentia mala, quoniam illa fuerint tanta, quanta ipse nunquam meruisset, hæc autem ne tanta quidem, quanta meruisset. Nullam igitur sibi relictam dicebat causam querendi, dum semper major superesset causa gratulandi: si quidem benignitate cœlesti cum bis frui, cui illa faverit indigno, nec desierit favere, cum coepisset irasci.

Nullum enim tantum malum sibi obvenisse, in quo non insumerit tantantundem boni, ipsamque magnitudinem gratiæ divinæ, sive quæ suum opus totum egit, sive quæ ponæ opus temperavit, malis prope delivisse suum nomen, multum denique restare, ut Deus clementiæ & justitiæ rationes faciat æquales. Summi solatij loco apud se stare illud, quod noverit manum percutientis, quod sciat se vapulare à Deo. Nam & probos liberos humaniter ferre, si cædantur à parentibus; semper minorem videri dolorem, quem faciat bonus & nobis profuturus animus. Mortem ipsam non formidabat ignaviter, nec trepide circumspiciebat, quæ venire posset illud, quod omnibus venit, & per omnia venit itigera. Quicquid enim adspicimus supra, infra, circa nos, aut mortale est, aut mortiferum, neque mors tela sua anxie disponit, sed ubique invenit. Extra mundum nempe fugiendum est, si velis hanc effugere, & tamen extra mundum non itur, nisi per hanc portam. Pertinet huc illa *Gruteri* responsio, quam super habitariæ suæ percontatori cuidam dederat Heidelbergæ. Cum enim principio, nondum proprium larem nactus, domum incoletet annosam, multa carie ac specie mutantis, vitiosiora quidem postea cortexit, immixtis nobis cignis, sed nondum desierant cum interrogare quidam curiosi, æquid tam putridis ædibus vitam recederet, nec timeret ruinam ab illa trabium senectâ? Quibus ille tandem respondit, *Nullam videri mortem magis extra sensum doloris, quam illam, quæ contingeret ædificij lapsu.* Atque hoc est illud dictum quod nonnullorum sermonibus in Aulam, & ad aures Principis relatum, cum risu exceptum est, quia faceti illi rem ita narraverant, quasi *Gruterus* dixisset, *ideo se delegisse domum hanc male affectam, ut esset, ubi commodius moreretur.* Sed bene *Grutero* vertit, quod optimus Princeps noluit hanc fabulæ prius fidem adhibere, quam *Gruterus* epulis. Ad quas cum vocatu Principis accessisset, jussus est præcipuus ex Aule præfectis elicere ex *Grutero*, an illud de domo sua mirum dictum agnosceret, negavit *Gruterus* suum esse illo intellectu ridiculo, quo Principi fuerit recitatum, negavit tamen ita, ut simul alios absolveret mendacio, simul genuinum dictum suum vindicaret à falsa interpretatione. Nam responsi ipsius, inquebat, se non fugere autoritatem, sed illos fugere rationem, qui de verbis sanis excuderint haud sanum sensum. Id quod in aulis fieri solere nimis frequenter, & more pernicioso, dum illi, qui circa Principes sunt abscentium verba & facta corrumpan in occasione jocis, & ut domino delicias faciant, alios faciant Cercopithétos. Experiuntur autem hanc injuriam multo maximam partem viri docti, quos imperiti Maufyæ, & apud Potentes gratiosi indignis adeo modis deformant, ut & literati & literæ, sapientes & sapientia, honesti & honestas nullo fere loco habeantur, nisi ludibrio, jurante calumnia, nemiæm quicquam sapere, nisi qui doctrinam nunquam attigerint. Hinc non solum totum cruditionis nomen inter illos sordet, sed & convicium est immanissimum, appellari doctum. Unde statim ab infantia, quicquid imagine aliquas habet majorum, liberos suos diligenter ab isto vocabulo removet, neque vult, ut sui quicquam proficiant ultra illum modum, ubi virtus incipit. Pingere litteram facit citi, salutationem figuratæ loquentiæ, & gestu necessarium, palam vero, tripudia, gladium, nummum discere, dignissimi illorum studij habetur quo se memantur natalibus. Itaque coram his, ubi aliquid insignitur, sapienter, graviterque respondetur, nihil eorum capiunt

miseri

miseri illi mortales, & ob hanc ipsam causam sana loquentes adscribunt delirantibus. Propterea tam pauci sunt, qui vitam, Rempublicam & in cæteris rectam rationem intelligant. Nec mirum est, quod nos inciderimus in tam singulos homines. Gruterus hoc dicere voluit, nimiam esse solitudinem illorum, qui sub omni tecto vetusto suspectant mortem, cum & domus novæ & firmissime Regum turres sua efferant & ipsæ funera, cum tam metuentium habeas, ne periculose cadas in aliquo angulo domus securæ, quam ne tota supra te incumbat domus effricta: cum hoc ipsum habitaculum, quo nos Natura includit, sit omnibus malis ædibus corruptius, neque quicquam nos sæpius elidat, quam hoc quod metuimus, ne elidatur, cum miseri formidemus magnas moles, & tamen sæpius nos opprimat, quod negligitur, ut innoxium, quam quod cavetur, ut infestum. Nemo autem tranquillior potest esse in tot casuum varietate, quam is, qui vitam hanc ita possidet, ut rem arbitrij alieni, & desitum in principium vite melioris, ubi beatitas omnem sensum mali excludit, & omnem hinc excludit boni. Eo noster aspirabat. Si tamen & vitam hanc in terris tanti putamus, eam quoque Gruterus sibi restare defuncto certo præsciebat, ausurus tunc mendacio dicere

*Non omnis moriar, multiæque pars mei
Vitabit Libitinam.*

Nam gloriam ingenij felicitate partam tam nemo illi detractum ibit, quam ei qui hoc vaticinium sibi dixit prior.

Extant monumenta plurima, quæ pro nobis loquuntur, & mortalitatem defendunt Grutero. Leguntur illius carmina varietatis, varij generis, sed quæ venustate quadam peculiari ac propria semper uni respondent authori. Ubique enim elegantiarum & sapientie tantum miscuit, quantum Poetæ antiquo & Romano esset satis, & cuius Philosophorum non parum. Et hæc tamen pleraque per ludum tantum in jocum codicillis intererat. Ut cætera quibus amicis gratulatus est, non attingam, sola *Bibliotheca exulum*, non multo prius luci data, quam luci author excerptus, plane talis est, ut non hominis, sed ipsius Virtutis manibus videatur perscripta. Singuli versus singula sunt oracula. Quod si secundum Neoptolemum Newanum, paucis est philosophandum, ex hoc libro est philosophandum, quippe molis tam exiguae, ut vix manum, sapientie vero tantæ, ut titulum suum non impleat modo, sed etiam superet. Jam *Inscriptiones veteres*, cum etiam in faxis & marmoribus consensescerent, nec in illa durissima materia durabiles essent, æternitatem, si qua potest esse in rebus humanis, à Grutero acceperunt. Non illum sunt, non labor absterruit aut fatigavit, quin omnes monumentorum talium reliquias conquereret; ad quas cognoscendas non opus est tam vagor Europam discursu, non difficultate itinerum, non viatico. Unus Liber Romanus orbis est. Sublata sunt intervalla, sublata tot mensium & annorum milliaria: lapis lapidem contingit, & ex eorum tam longe distitis quavis perpetuus veluti paries factus totum illud simul exhibet legendum, quod omnis peregrinatio quamvis & diligens, & diuturna & non vita brevior potuisset despicere. Nihil deinceps peribit, quod superest. Antea semper aliqua injuria potentior erat faxis & are: semper

per aliqua pars interibat, erat strages literarum multa: nunc omnibus saxis, omni ære firmius est, quod omnibus laetereculis est infirmius: nunc lapidea fides reperitur in papyro, cum papyracea fides ante fuerit in lapidibus. Ipse vero totus *Inscriptionum* Liber una quædam magna est *Inscriptio Gruteri*, quæ memoriam ipsius cum Consulum, cum Imperatorum memoria iudicibilem præstat. Nec jam respondeo illis, qui laborem hunc tantummodo laborem vocant, unaque fructum desiderant, & voluptatem. Magnorum enim virorum iudicij hæc iudicia refutare facile esset, si tamen esset necessarium. Manifesta certe res est, alterius fastidium non fieri deterius, quod per se bonum est. Nec vinum sine honore erit, quamvis aliqui sint, quorum natura cum vino inimicitiam gerit; neque Zoroaster satius fuit, qui viginti annis caseo victitavit, etiam si multi plus abhorrent ab hoc obsonio, quam *Pythagoras* à faba. Sic *Inscriptionibus* etiam istis confabit sua laus, & utilitas, & delectamentum, etiam si quidam non attingant, quidam tantum attingant, sed nec animo, nec scientia fruendi. Utilitatem si spectamus & intelligamus illam, quam *Institores* aut *Proceres* avariciæ definiunt, fatendum est, nullum hic latere cadaver proejuncti Vulturibus. Sin illam quæ iudicatur ab Eruditis, & temporum, sive rerum antiquitas gestarum curiosis, emolumenta maxima sentiunt hinc sibi nasci, qui talium sunt studiorum. Jucunditatem vero satis etiam intelligimus illo argumento, quod qui lapides hujusmodi nonnunquam effodiunt, paucissimis licet literis Romanis insignes, publicis muris eos includendos tradunt, partim ne rursus aliquando pereant, partim ut ornamento sint, & negandæ imperitiæ. Quid multis? maximo præjudicio debet esse, quod opus hoc *Inscriptionum*, ut supra diximus, *Cæsar* approbavit. Jam Medicinam librorum quantæ felicitate noster tractavit, quanta solertia? Cum enim & libri morbos suos habeant, Medicos habere nihil absurdi est. Morbos autem appellamus omnis generis injurias, quibus valetudo literaria attrahitur. Videtis me non libenter artem suo nominare vocabulo, quia simul *Criticam* dixero paratos mihi video vel imperitos quoddam adolescentes, vel imperiosos nonnullos senes, qui fastuose succulant, *Cui bono?* Nam utilium illi sive discipuli, sive doctores fere opinionem hanc imbiberunt, *Criticam* nihil aliud esse, quam libidinem ponendi, aut tollendi in bonis scriptoribus, quicquid aut libro veteri placuit, aut nostro arbitratui. Nec intelligunt, eos qui laborem hunc tractant, legitime, in omni genere literarum oportere esse versatos. Nihil in divinis & humanis exareare debet, quod non illi legerint. Ex ista deinde varietate doctrinæ nascitur illa vis de scriptis antiquis recte judicandi, aut divinandi, quæ paucis ideo contingit, quia paucis contingit quod hanc efficit. Sed tamen quaeritur, *Cui bono?* Ut barbaries, & insulitas & fallitas, & caligo, & aliæ mille pestes tubeantur è libris facessere, & locum cedere puris, sinceris, proprijs, apertis, & sanis. *Cui bono?* ut bonæ quæ sunt, possint legi, quæ recondita, penetrari, quæ subtilia, capi. A *Criticis* enim (sic appellamus sane hominem omnis conditionis secundum) nisi didiceris, quicquid usquam reperitur difficile aut obscurum, ab aliis frustra expectes. Sed tamen *Cui bono hoc?* ut legas quod legis. Nam hoc non est legere, millefariam partem eorum quæ legis, non intelligere? Sumamus in manum *Senecam*: quoties in luto, quoties in tenebris, in erroribus hærebimus, nisi viam quandam *Appian* sternat, lumen commodet, verum promat, quis? *Gruteris* aliquis na-

tura.

tura acutus, usu exercitatus, veteri doctrina inexhaustus. Est enim infinitum quod ipsi debet hic author, sicut infinitum fuit, quod ipsi nocuit Librariorum ruditas & stupor.

Contentur id viri in hoc studio Principes, quorum testimonia cum sine invidia perhibeantur, sine invidia vix leguntur. Fuit tamen ipsi confidus quidam cum eximio Juris Antistite, dum uterque *Seneca* agrotanti manum commodans sui meriti gloriam præferebat. Quod certamen inter ipsos certatum vix possis nolle, quin velis, vix velle, quin nolis. Adeo multum excidebat inter disceptandum humanioris doctrinæ, adeo multum rursus inhumanioris censure. *Gruterus* ipse calorem illum juventutis sæpe postea detestatus est. Cum enim optimus & doctissimus Ille, quem *Gruterus* paulo vehementius antea tetigerat, Heidelbergam ipse quoque docendi causa venisset, reconciliatio primum inter ipsos facta est, deinde secuta propior notitia, & tandem apud *Gruterum* poenitentia scriptio, ut ita loquar, piperatæ. Nam si mihi constitisset, inquebat noster, *Dionysium* virum esse tam bonum, nunquam quicquam mihi tanti fuisset, ut contra illum manum tam serbo misissem. Audimus hæc ex ipso non semel, & ideo non omittendum duximus, ut quos prius offendit impetus, nunc deleat iudicium. Quid enim gloriosius est, quam quem in literis censorem habueris, eundem habere approbatorem in vita? Quid etiam magis ingenuum, quam à quo dissideas propter diversas opiniones, eundem amare propter virtutem? Contumaces sunt & superbi, quos nullius fasti poenitet, aut quos cum poenitet faceri pudet. Nam istud nonnulli constantiam vocant, nunquam sententiam mutare, & in inimicitijs præsertim, semper ultimum consentire in pacem ac charitatem. Iustus & candidus interdum à suis factis dissentit, quoties rectius geri potuisse agnoscit. Morbus humanus est, nunquam cedere, nec interdum sibi dicere, *Hoc non debebas, hoc non ita debebas, illud potius debebas*. Et tamen quidam hæc morbum vincunt, ut sibi quidem dicant, ut alijs etiam confiteantur, id huius facile impetrant. *Gruterus* apertissime negavit sibi placere, quicquid placuisset aliquando cum alterius dolore, quasi diceret, est inter dissentientes duos; tantum unus sit, qui recte sentiat, utrumque tamen posse & debere in hoc consentire, ut sine odio, sine ira, sine injuria causam suam tueantur, & utrumque bonam faciant, humaniter agendo. Hæc mens, hic animus *Gruteri* fuit: testis illius amici vox ipsius propria; testis ejus vocis Ego, qui præteris audivi, notavi, & tibi, quicquid aliquando Jactus es, hic publicavi. Illud plane certum est, nihil verius dici posse, quam illud, quod in ore doctorum est, & in tabernis Librariorum passim legitur, *Seneca Gruteri, Livius Gruteri, Cicero Gruteri, Plautus Gruteri, Salsinius, Florus, Paternallus, Martialis, Panegyrici, Historia Augustæ* omnes omnes *Gruteri*. Vere, quia *Gruterus* illos suos fecit demerendo: nisi forte adhuc rectius *Seneca, Seneca, Livius Livij, Cicero Ciceronis*, & ita de reliquis dicendum putamus, sed addito semper altero titulo, *Vindicta Gruteri*. Multi enim bonos auctores ita præbucunt in lucem, ut illorum esse incipiant, qui male produxerunt, non qui bene genuerunt. *Gruterus* ita produxit, ut singuli extarent in singulis, & quicquid corruerat, mutaverat, expulserat, ætas librariis, Salsarius, restitueretur in integrum, in pristinum, in verum locum. Nempe sicut *Lucius* ille *Madaurensis* nunquam potuisset perire in Thessalia indatam

(nomen

(nomen boni omnis causa fileo) rursus deponere, nisi gustatis salutiferis Rosis: ita plurimi scriptores, postquam pristinam formam mentemque amiserunt nialis artibus, non poterant ad sese reverti, nisi *Gruterus* illis opem tulisset. Ideo *Lipsius* nostrum *Perfekte* in hoc genere versatum, *Scaliger* quidvis potuisse, *Hinsius* Rei literariæ columnam, *Rutgersius*, virum de omni literarum genere *supra capum seculi virtutibus infestis*, meritum esse scripserunt. Quales laudes si quis ex cæteris aut ex his ipsis excerpere omnes vellet, injustam Panegyrici mensuram excresceret collecta moles. Nondum dixi de *Suspicionum libris*, in quibus, quod alibi vitium habetur; virtus est. Suspiciatur enim, sed non ita, ut temere conceptis opinionibus de quoquam male sentiat, quæ suspicionis natura est: (pinguibus hæc interfamur.) Suspiciatur, sed ut sapientes solent de rebus obscuris, dum mentis quadam sagacitate non communi latentia scrutantur, & in ipsis velut cubilibus deprehendunt. Alius artem vocaret divinandi, quippe quod non est & fuit, quid fuerit exsculpere, & ut iterum sit efficere ad divinatorum pertinet, aut alioquin hominem cæteris diviniorem. Atqui hoc illud est, quod *Gruterus* suspiciatur. In titulo igitur modestia, in libro interiore perspicacissimi ingenij pariter, & judicij perpetuum exemplar. Omnes capit, quibus aliquis captus est, omnibus probat, quod dicit, quibus modo candor est, ut probent. Varius, elegans, disertus, argutus, doctus, facetus, serius. Nullius equidem *Antiquas*, aut *Electas*, *Conjectaneas*, *Præcædentes*, aut quicquid callidarum inscriptionum est, contemserim: absit flagitium! Sed bona cussusque venia dixerim, *Gruterum* in suis *Suspicionibus* non inferioriæ gloriæ cæteris esse consecutum. Eam vero partem gloriæ, quis dubitat, quin multo sibi auctiorem fecisset, si nobis reliquos *libros triginta* qui præparati magis, quam parati erant obitum foras dedisset. At illi quibus nunc in lathris latent? quo pulvererant? quo in situ sita sunt? Illic scilicet, ubi *Aranea* (scriptum est *Gruteri* civile nondum editum) araneis prætexta sordescit; ubi *Commentarius* in *P. Syrum* damnatas agit noctes; ubi *nova Inscriptionum Vetrarum Collectanea* jacent in deserto oblivionis; ubi cæteri libri qui publico destinati erant, privatis angustijs strangulantur: ubi tot Historici, tot Poetae, per margines, per vacua linearum intervalla doctissimis Annotationibus, Observationibus, Locis Communibus oppleti, quasi maculari spernuntur: ubi tot *Adversaria*, tot alia scripta seria aut ludicra carent usu & honore.

Multa enim talia vir studiosissimus concinnaverat in ocio Palatino, quæ deinde perfici non poterant, postquam exitiosissimum Germaniæ bellum illas quoque terras, in quibus *Gruterus* aliquamultos annos confederat, apprehendit: terras, ubi simplicissima Pietas, ubi optima studia, ubi iustitia sanctissima devotione colebatur; terras, ubi Exules propter Religionem ex avitis sedibus fugati, & Patriam, & Religionem sibi redditam gaudebant: terras, ubi Fides & Candor commercijs humanis securitatem summam muniebant; ubi Viri Illustres, Viri Docti, Viri Prudentes numero densissimo, vel crescebant, vel increbantur, ubi fertilitas immensa facile longinqua propinqua superabat omnia: ubi vinum, ubi fruges, ubi flumina, montes, sylvæ, ignobilitatem faciebant alijs provincijs domi nobilissimis: ubi denique longa serie Principes potentissimos, fortissimos, optimos. Regia *Palatinorum* stirps educabat. Sed quod hæc omnia non sunt, ut fuerint, nulla major causa est, quam quod ita

fuerunt. Nihil enim intuitus est, quam quod à pluribus laudatur. Cum igitur incommoda nostra occasio essent odij, & bellum prædæ, & successus cupiditatis, ab Occidente primum validus Hostis emissus, itineri suo propiora in conspectu nostrorum *Confederatorum* subegit, neque pinguislimus Exercitus, qui tunc adventantibus objacebat, quicquam contra conatus est. Idemque non multo post totius Patriæ nostræ pretio pacem terribilissimam, & nisi fama suo more mentitur, præmium redemit, nescio quod aut quale. Vulgus enim quicquid verisimile est, pro vero libere loquitur. Copijs itaque *Confederatorum* statim dimissis, compl. xus est hostis quicquid potuit, antequam gentilis. noster *Bajr*, & *Trebocorum Antistes* ex Alfaticis advolarent, & heret, quod Græcorum proverbio fertur, *communis Mercurius*. Nesciebamus illo tempore, quibus consilij res gereretur, omnia suspecta erant prodicionis, eaque de causa sensus & quibus aut plus periculi. aut minus animi, in finitimas ditiones arbesque recesserunt. Inter illos fuit noster *Gruterus*. Discessit bonus senex cum paucorum librorum sarcina *Brettam* ad Genetum, & cum hostis indies longe lateque grassaretur, *Tubingam*. Quam urbem quoties cogito totus in amorem, in laudes, in gratias uberrimas effundor. Quantum enim colui & dilexi *Gruterum* (colui autem & dilexi in patris loco) tantum colere & diligere debeo illos, qui *Grutero* suam urbem, suas domos, suos animos, & cæteras humanitatis fores tam comiter aperuerunt. Nunquam satis explicare potuit gratissimus mortalium; quibus officijs illum Academia tota, & quicquid illic est clarissimorum virorum cohonestaverit. Nihil publice, nihil privatim cessatum est, aut omisum, eamque laudem luxuriantissimè comitatis ipse *Gruterus* pridem promulgavit una cum *Bibliotheca Exulium*, in cujus limine, pulcherrimam charissimorum nominum tabellam memoriæ causa suspendit. Et cur meam quoque felicitatem dissimulem? quem in eadem urbe hospitali apud eodem hospites quidam fluctus horum temporum exposuit, & earum laudum testem fecit, quas *Gruterus* tantopere probavit. Itaque quemadmodum prius illi, sic tunc mihi credidi. Coniteor enim illorum humanitate factum esse, ut me postea haud paulo delicatorem senserim, quoties alijs in locis aliorum superbia sunt devoranda. Quippe contemnere, dedignari, fastidire, tam frequens plerosque inter homines, quos aliqua dignitas attulit, quam utilitatem illic bonos amplecti. Nullum autem officium magis hæret animo, quam quod non ubique præstatur, neque quicquam accuratius meminit benefactum aut injuriam, quam exul aut miser, siquidem illud calamitatis sensum hebetat, hæc acuit, & inflammat. Utrique facilius solemus terre maximum onus, quod nobis primum imponitur, quam aliud minimum, quod maximo adjicimus. Contra bonus vultus, bona oratio, bonus animus solatio sunt opprellis, etiam præsentia nihil accedit, quod magnopere mala emendet. Cum talibus dum *Gruterus* vivit & amicitia vices suaviter alternat, quatuor hostes iu totidem pradas Palatinatum distrahunt. Infestior *Heidelbergam* obidet, tunet, spoliat, privat, publicas opes raptat, tantum non domos, arces, & quicquid invideatur, transportat. *Bibliothecam*, quæ per totam Europam vix parcam habebat trans Alpes usque *Pontifici* dono mittit, & irreparabile decus non tantum Palatinatui, sed & sibi & toti Germaniæ creptum in montem Vaticanum relegat. Varijs exercitijs vexatæ & reliquæ *Bibliothecæ*, quas multitudo gregalis aut laceravit

aut

aut disiecit; aut vilissimo pretio divendidit; pauca relicta sunt Dominis, nulla sine damno. *Gruterianus* licet non tota perierit, passa tamen est eadem insignem. Quaedam enim dispersa, quaedam fœdata, quaedam conculcata, quaedam mutilata jacebant. Alia volumina supererant, alia, sine quibus relicta non erant integra, sæpe desiderabantur; quærebat liber librum. Miserabilis in illo facies, quod libros, præsertim nondum ligatos, & reliquam chartarum turbam, in qua nihil erat quod non merebatur clementiam, alij subternebant equis, alij fovendi, aut coquendi causa terebant in ignem. Focus & furnus ardebat libris; equile ca. idebat paginis: obfoenitibus jumentorum conspurcabatur innocentiissima doctrinarum supellex, nebat papyraceus fumus & hmus. Dolet recordari tot summorum virorum epistolas, quas ex toto orbe nostro *Gruterus* receperat prope innumeras, sic tot de conflasse, aut turpibus aquis maceratas vilitate tabuisse: quam solam pæcturam equidem pluris taxo, quam ullam opulentissimam rapinam aut per dies illos tormentis & sevitia repertam. Satis mature nuncius hujus rei ad Cencrum *Gruteri Britanniam* delatus est. Is continuo ad illutrem quandam ex Ducibus literas dare, rem aperire, cum precibus obtestari, ut tantam perniciem imperio silleret. Sed nihil effectum est, quia contra torrentem illum militarem nullus valebat obex, & Ducum jussa quanquam tunc audiebant milites, non auscultabant. Post dies paucos interjectos *Gener* ipse profectus Heidelbergam, invenit domum inversam, Bibliothecam per pavimenta dissipatam, aut in fortuitos cumulos hinc inde collapsam. In stabulo & circa focum tristes conspiciebat reliquias barbaricæ immanitatis.

Et quia de perditis laborare perditâ cura videbatur superstiti gregi, quantum potuit, consuluit, simul obsecratum ivit *Romani Præfulus Legatus*, qui occupandæ Archibibliothecæ causa missus erat, ut ex illa *Gruterianos* libros liceret excenturiare. Amanuentis enim *Gruteri* non paucos, eosque *Grutero* in usu familiares suo judicio in armarium illud publicum transportaverat. Annuit precibus *Legatus*, sed instar *Jovis Homerici*, partem dedit, partem negavit. Nam de libris quidem editis assensit, ea tamen conditione, si *Tilius* rem approbaret Chirographo; *Tilius*, qui tunc temporis nunquam certus erat in certo loco, proinde frustra querendus. Et hoc ipsum annuere animum prodebat abnuentis. De Codicibus autem manu *Gruteri* scriptis simpliciter à Pontifice sibi injunctum dicebat, ut omnes conquireret, eosque vel ex Museo *Gruteri*, vel ex Bibliothecæ Palatinæ contubernio cum cura erueret. Cum *Tilius* hinc inde volitaret, & universum iter flagraret latrocinij, cum libros scriptos disertim sibi vindicaret Romanus, totum depositum hoc remansit apud prædam capitalem. Poterant hæc animum quamvis firmissimum conterere, sed non æquæmentem *Gruteri*. Nihil ad nostrum ista nisi quod more generosorum pectorum stomachatus est aliquantulum, aliquantulum jurgavit cum iniquitate, cum cupiditate, cum bello. Non gemitus, non lamentationes, non humile quicquam edidit, nec descendit ad pedes fortunæ, cum ipsa supra caput assurgeret, sed vultu scopulo levitatem illi, vanitatem, furacitatem, infamiam exprobravit. Posthæc iterum se composuit, & intra quietem suam recessit: Iterum studijs oculum dedit, & injurias oblivioni. Quod si tamen aliquis casus aut sermo cum amicis memoriam talium illi renovaverat, læto vultu de suis damnis diserebat, spector jam præteritorum, nec minus gravibus dictis, quam liberali risu admittendus.

randus. Detumentibus interea nonnihil in Palatinatu rebus. *Tubinga Brettam* reversus apud Generum vixit, donec is, quod in religione non congrueret cum dominantibus, præfectura sua decedere iussus est. Sub illud enim tempus atrox mandatum de recipiendis cæremoniis Romanis, & abijcienda veritate sincera fremebat, cum paulo prius civibus *Brettanis* arma fuissent ademta, nequid in illis fiduciæ restaret, si premoerentur inelementius. Solent enim haud raro metui, qui laceffuntur obsequiis extremis.

Ibant per urbem Inquisitionis ejus ministri, domos scrutantes, & cubilia, & arcas, & quicquid clave custoditur. Ventum erat in ædes etiam, ubi *Gruterus* tunc, absente Genere, cum filia solus agebat: petebantur arma; *Gruterus* qui jam tum cum suis alio, & inter istas postulationes absentiam Generi cogitabat, diffitebatur æquum esse, ut domino nescio & longinquo, res ulla tractaretur. At manipulus ille Martius, mandata, minas, vim loqui: noster jus, fas, fidem respondere: hæc ne violent, monere. Effractor contra tempestatem militarem intonare, vultuque & verbis ignescere; noster nihil terri, sed nefas illi constanter oggerere, donec Decurionum unus, protervus latro, hastam bipennem contra senem incermem misit, & vano successu pro *Grutera* parietem lauciavit. Dei beneficium fuit, quod ferrum scelerato carnifici non obsecundavit: impium vero animum non illic concepit, sed attulit, qui tantum scelus, fuit ausus sperare.

*Illum & Parentis crediderim sui
Fregisse cervicem, & penetralia
Sparsisse nocturno cruore
Hospiti;*

Illum ego, si nomine illo notus aut dignus esset, detestabilem atque execrabilem posteris facerem, & in vulnere parietis aliquando, cum libertas rediisset, ignominiosum hoc inscriberem.

IVVENIS THRASO;
INFAMIS PARRICIDA,
GRUTERO SENI
INNOCENTISSIMO VIRO
QUOD FACERE VOLUIT,
PARIETI FECIT.

Nam & *Crates* olim à quodam *Nicodromo* in faciem percussus, satis ad infamiam cædentis arbitratus est, si chartam in fronte circumferret cum inscriptione *Nicodromus Fecit*. Virum autem doctum & justum, senem & incermem. occidendi causa ferro petere, plus multo infamius est, quam idcirco *Cratetem* pugno. Barbare, si virtuti non pepercisti, quam oderas, pepercisses saltem senectuti: vel si quis adhuc respectus in te boni fuit, saltem civis meos audivisses, qui crudelitatem tuam laudibus *Gruteri*, nisi bellus es, mitigassent. Horum nemini bonus senex gravis fuit unquam, nemo illius injuriam, nemo superbiam, nemo vocem cuiquam molestiam allegavit. Vivebat domi sine strepitu,

litre pitu, foris sine offensa; obvis humanus & affabilis, benignus egenis, Plebejo & Senatori diversa similitudine gratus, dum in utriusque descendit argumentum, aut descendit, & secundum iudicium sapuit auribus. Audeo referre quod per idem tempus evenit, non speciosum quidem ad narrandum, sed hoc loco opportunum. Hiberno quodam die, cum terra splenderet nivibus, & coelum Sole, *Gruterus*, somnolentiani cubicularem deterfus ambulatione suburbana, processit ab urbe Bretrâ paulo longius, & in ipso descensu, qua collis modicus difficiliter admittebat sursum nitentes *vesturas*, puerulum conspicitur rustice braccatum, & toto corpore contra frigus *defusa canabina* munition; collegat autem in proxima silva satis gravem lignorum fascem, quem humi pergelatum nivis dorsum alligato fune non incommode trahebat, nisi quod jam scissus & anhelus, in vix perpetuis ulibus lubrica, fascinam contra collem provehere frustra laborabat. *Gruterus* cum jam propius venisset, intellecta difficultate lignatoris, interrogat, *cujus & cuius?* Respondit ille: Domine civis sum Brethanus, *Cæsaris* vita patrem nominabant) filius. Ergo profecto, inquit *Gruterus* placuit mihi sit, tibi negare auxilium. Nam & ego *Cæsari* & *Cæsaris* filio obsequium prebere debeo; & cum ioco deripit pallium, lignis imponit, & apprehenso mox fune, senex pæto, & puer seni vires sociat, donec in planum subvecta materia iterum cedebat uni. Gratiis actis puer domum pergit, & ad patrem ingressus *Gruteri* deprecatur festivum alloquium, & quam tulisset ille suis laboribus tempestivam opem letus exponit. Hæc qui velut minuta, & memoriam non merentis contemnit, is forsan apud animum suum non reputat, quantum adhuc sibi desit ad facti tantilli pietatem. Puerum expedire cum frigore luctantem & onere, nihil magni est. At tu fortassis prateriisses. Ito per reliquum charitatis ordinem, reperies semper aliquid non magnam. Ac hoc & illud & rursus aliud non magnum, tu fortassis nunquam in animum inducis præstare. Quæ si magna non sunt, cur negliguntur? Minuta res est homini opulento denarios interdum egenis porrigere. Minuta res est iustam mercedem operariis pendere: minuta res est obvios civili salutatione afficere: at tu fortassis ita durus es, ut nullius paupertate molliaris; ita sordidus, ut alienas operas ter circumciso pretio redimas; ita fastidiosus, ut patriciam vocem nunquam minori indulgeas. Quæ si tu facere, per ingenium tuum posses, protinus magna tibi viderentur, nec meministi, talia minora minimis fieri, cum qui facit, magni putat. In aliorum animis laus nostra nasci debet, in nostris virtus. Nec *Gruterus* unquam per hæc gloriam captavit: Nobis permissum est in illius virtutes ambiciosus inquirere, nec earum quicquam, si per copiam liceret, obliterare. Cum jam *Bretrâ* novus cultus, novi homines, nova impotentia civitatem urgerent, alio migrandi consilium certo sedit. Nam ipsum quoque *Juvenes* quidam ex familia *Jesuitarum* disputando sollicitabant, quibus ille primum placide respondit, & semel etiam sententiam *Augustini*, quam non satis memoriter ipsi meminerant, ex libro præsentem ostendit, docuitque aliis verbis, & alio loco extare, quod ab illis & pro illis fuerat allatum. Deinde cum nec dum desisterent, quin ipsum talibus obtunderent, libertate resumpta, mirari se dixit, ubi frontem reliquissent semibarbatulis *Juvenes*, ut sperent docere senem sexagenarium, qui plures Patres in vita legerit, quam ipsi saltem vidissent. *Jesuitas* Senes

& *primarios* (*Sebottum* nominabat & *Sirmondum*) sibi *mutuo* bonore *litterarumq;* *commercii* coli: nullam tamen *abigit* de Religione sibi *molestiam* exhiberi. Erat enim *notiter* alienus ab istis *velitationibus*, quas nec in aliis probavit. Nam certamina talia semper fere istis eventibus finiuntur, ut acerbius fiat odium inter partes, & nemo per illa melior. Mira res est, quod *commissionibus* *facti-* *onum*, *argumentorum* *versutiis*, *clamoribus*, *convitiis*, *mutuis* *execrationibus* Deo nos *gratioris* fieri putamus, cum amor, & pax, & mansuetudo, & *præ-* *cedentium* mater *Fides* nobis rem *conferat*, quorum tamen *politema* cura habetur, & inter *disceptandum* nulla. Hæc scis *odisti*? Dicam quæ maxima sit, *Hypocrisis*. Hanc prius *exuamus*. Quoties enim quisque de gloria Dei prius *cogitat*, quam de sua? Quotus quisque melius *vivit*, quam *disputat*? Quicquid dicas aut *excipias*, hanc hodie *pietatem* habemus. Ita *viuitur*. Non *disqui-* *re* volumus, sed *vincere*, non in *cælum* nos *mutuo* *promovere*, sed *detra-* *here*. Amare vero Deum & Proximum, quod *Pietatis* est *compendium*, tam *procul* à *rixosis* *factionibus* abest, quam nos à *mutua* pace. Hinc in *Christi-* *ano* orbe bella, *cædes*, *exilia*, *egestas*, *fames*, *exitium*. Sic *amatur* Deus, sic *amatur* proximus, sic *denique* *disputatur*. Huc *accedit* quædam *alia* *demen-* *tia*, quæ *frigere* eos dicit in Religione, quos in *contentiones* non *vident* *ar-* *descere*. *Ponti* cio non *oblocutus* es? *Pontificius* habetis. *Lutherano* non *re-* *luctatus*? *Lutheranus* audis. *Calvinista* non *insultali*, *Calvinista* es. Istis enim *nominibus* *invicem* *discedimus*. Novi qui de *Grutero* propter hanc ipsam cau- *sam* *Transitionem* *spargerant*. Sicut & *David Chytraeus*, quod in *Academia* *Ros-* *toebiana* *Grutero*, qui tunc ibidem *Suetonium* legebat, *conjunctior* erat, & *stu-* *dium* *rixandi* *aversabatur*, *Calviniani* *nominis* *invidiam* *sustinuit*. Itaque

Effugere non est hosce Disputatores
Instant, morantur, persequuntur, occurrunt
Et hinc & illinc, usquequaque, quæcumque.

Quos ut *Gruterus* nunquam *videret*, & simul ab aliis sæculi malis *remotior* ef- *flet*, in *occipitio* *montis* *illius*, qui *Metropolim* *Palatinam* *prætexit* ab *Austro*, *prædium* *emittit* & *secessum*. Id inter *silvas* *positum* *proximas* *cultura* *spaciosi* *fundi* *solum* *illam* *partem* *montis* *nudat*, *frugum* & *fructuum* *capax*, *pecori* & *pecudi* *benignum*,

Non hic lac æstate notum, non frigore desit.

Nihil hic *strepitus*, nisi quas *æstate* *silvicolæ* *volucres*, aut *avitia* *domestica*, aut *rugientes* *balantesque* *divitiæ*, aut *sibilantes* *ventorum* *lascivie* *reddunt*. Ad hoc *secretum* *Gruterus* omnibus *desideriis* *festinat*, quamvis ipsa *Bretta* non *mediocriter* etiam suo quodam *genio* cum *retinere* videbatur. Situm enim *commendabat* *humilis* & *porrectus* *clivus*; circa *muros* *gratiam* *habebant* *horti*, *prata*, *vineæ*. Sedes ipsa *nobilitatem* *auxerat* *partu* *Philippi Melancthonis*, & *notabili* *constantia*, quam non solum contra *vicinum* *quendam* *Principem* *olim*, sed & *nuper* *offendit* contra *hostem* *novissimum*, dum *prope* *postrema* *deditionis* *necessitatem* *accepit*, diuque *nihil* *horruit* *exempla* *vicinorum*, quos *hædes* *sua*

ina peffundedit, jugulante *Barro* milite quicquid, relifcendo docuerat fe non poffe prodere Domino, fuo facramentum. Et hoc quidem tempore fpectata fuit præcipue prudentia, & vigilans cura *Ofpaldi Smendi*, qui folus præfectus urbis tunc, & ipſe *Gener Gruteri*, vir nunquam civibus ob merita pulcherri- ma, nec vobis ob inſignes virtutes, inter huius Socræ obliſcendus. Tan- dem igitur noſter *Bretta* diſcedit charus, à charis, ſed tamen cum charitatibus. Ventum erat *Heidelhemium*, quod oppidum eſt vetus nuper dimidia ſui parte cinſactum, & paucis milliariſibus *Bretta* diſuiſum. In eo Senatores, cum de *Grutero* intellexiſſent, ilico venerunt, hoſpitem tantæ famæ ſalutaturi, relictis interim domi mandatis, ut prandium quàm optimum inſtrueretur. Rogabant deinde *Gruterum*, ipſorum frugalitatem ne ſperneret, veniret præſum. Id ho- nori ſibi futurum & gaudiũ. Obſecutus eſt *Gruterus*, & in illo prandio frontem explicavit hilariter. Vehementer enim delectavit illum comitas inexpectata, nec in oppido nuper exuſto & diſcepto, quodq; vix trivialium litteraturarum nove- rat, ſuum nomen vel auditum eſſe unquam, vel amari credere potuiſſet. Hactenus felix huius loci memoria, ſed non longe poſt ſane quam triſtis & luſtuofa. Nam cum *Gruterus*, poſtquam *Heidelbergam* venerat, deſſe ſibi quædam in- telligeret ad maturandam editionem *Livii* poſtremam, à *Genero* petiit, ut *Bret- tam* recurreret, ubi lucubrationum ſuarum inſtrumenta ſervabantur. Nec quicquid ille cunctatus, ut eſt homo promptus, ivit, & plauſtro neceſſariis re- bus onerato relegere cœpit ad Socrum iter. Vix aliquot milliaria promove- rat, cum ipſis prope ante portas *Heidelhemii*, qua jam tranſſeverat, tres equi- tes Galli aggrediuntur venientem, ex improviſo: nec mora, ſelopeta pro- munt, ignem & ſtuni edunt, capiti vulnus deſtinatum pilco & pilis adi- gunt, interfecturi niſi oculus ex equo deſiliſſet. Protinus inde aſſultant. Amanenſem & quia hic plauſtri obtentu videbatur moliturus ſelopetum, quod tenebat ſimul ne prædam argentariam fuga fruſtraretur, binis glandibus miſeri adoleſcentis pectus trajiciunt, quod volunt, rapiunt, avolant, impune ſunt. Nam etſi poſtea reſcitum ſub quibus ſignis mererent, etſi ductori ſcelus indicatum, nihil tamen aut latrocinium, aut homicidium meruit animadver- ſionis. Hæc hodie diſciplina gaudet militia. Commovit hic caſus *Gruterum*, non mediocriter. Nam & *Generi* periculum, & nefaria cædes pariter con- ſternabant. Erat enim interfectus ille juvenis admodum dexter in omnibus, quæ mandabatur. *Gruteri* manu expedite, quod inexercitatus hæd facile præliſſet, exprimebat literis optimis, cætera ſtudioſum & militiæ non in- expertus, nec *Grutero* indictus in præſatione *Liviana*. Sic hæc quoque cala- mitate deſcungiendum fuit.

At *Heidelbergæ* magni reſtabant ſtimuli, qui publicas & privatas illi miſerías reſodiebant. Totus habitus urbis mutatus erat. Bibliotheca Principis nuſ- quam, amici nuſquam: ubique violentia; nulla fides: quædæ quædæ diſtur- na ſedes inter tot adventicias leges, præſertim illas, quæ quoniam ſervat melior eſt, quam qui ſervat, & in quibus conſcientia juſ habet verandi. Nam Reli- gionem ſuam qui *hæc nuſſam* laceret, nemo tolerabatur. *Vienneſes* quidem aliquot amici, quos *Gruterus* oſpiter, promittebat noſtro libertatem, ſi *Cæſari* per litteras ſup- plicaret. Sed verebatur *Gruterus*, ne *Rei* palatium uſurpatores, quibus *Heidelbergæ* ſubſtitit, iniquos ſibi laceret, liſſatam *Cæſaris* indulgentiam imple-

imploraret, præterita gratia propinquare. Stabit igitur prius hanc tentare si quid forte posset obtineri sine molestia Imperatoris. Sed dum *Cancellarium* eo nomine compellatum venit, admissio negatur per scrvulum. Jubetur alium nescio quem adire Vicarium, cui quid venerit exponat. *Grutero* hæc dedignatio non placuit, & villitas habebatur in limine rejici, nec omninari bene principium permittebat, quod fieret per repulsam. Redit igitur domum suam, redit in consilium cum animo qua ratione moderari posset fortunam cavillatricem.

Dum hæc aguntur, domus montana, quam in recessu suo curiverat ædificandam, facta fuit habitabilis. Illam igitur *Heidelbergensem*, quæ totius civitatis loco amœnissimo, si quid iudicio, sita fuit, omittit, & cum Genero cæterisque pignoribus in solitudine migrat, relicto tantum veteri custode, & militum annorum famulo *Caspere Schedio*, cujus nomen in aliqua lacinia memoriæ *Gruterianæ* merito videtur apponi. Per tria namque decennia, haud multo minus in Bibliotheca Principis, primum *Melisso* propinquo suo, deinde *Grutero* liberalem operam navavit. Homo non multum infra ætatem *Gruteri*, notandi peritus, cætera numerandus inter rudes, sed profecto quem censeas cum *Varrone* suo domesticco de literis certare posse. Cum in Bibliothecam ventum erat, totum illum Senatam Populumque librorum, Sicut *Cyncas* *Pyræhi* legatus, patres & cives Romanos suis nominibus perfolatabat. Statim illi locus & loculamentum in præmiu. Jam patriam insigniorum codicum, unde advenissent, pretia, quibus constitisset, dignitatem, qua venerabiles essent, mire callebat. Vultus illi serius, quasi cum avo *Crassi* de vitando risu sponsonem fecisset, sermo gravis, & qualis deceat imperantes. In his tamen nihil affectabat, suos sibi dederat mores ab ingenio. Si quid igitur videbatur, id valde videbatur, ne domino quidem dissimulaturus, si quid minus probaret. Anxius in officio & superstitiosus, fidelis ad unguem, compositus & ordinis amicus, præcipue frugalis. Per aliquot annos sibi solus familiaris, sibi dominus, sibi contubernalis, sibi coquus, nisi cum malebat jejunare, aut cenare sine fumo. Stotus non institutus, sed natus. Nec quisquam illum videbatur dimovere potuisse ab illa consuetudine vivendi. Rogaverat illum *Smecadius*, ut emigraret in suam villam, & illius commoditatibus secura frueretur, utpote jam vetulus. Respondit, non esse suam tam commodam, quam alterius commodo vivere. Ergo offerebat ipsi legumina, fructus, & alia, quæ ruri nascuntur, respondit, ea esse morbis efficiosa, sibi habendam rationem valens, nec agrotare sibi libere, quod insalubre sit, nec licere, quia summi sui sit. *Medici* enim non sufficere loculos *Schedii*. Semper advocacionem inveniebat, ne viveret alieno. Cum juberetur ad aliam Religionem transire, aut exire foras, hoc mala, inquit, quamlibet. Si non licebit vivere in urbe, licebit in agris aut in silvis. Aliquando semper Deus suppeditabit radices aut herbas, quod spiritum hunc aliat, non diu moraturum. Aliquando cum lues *Heidelbergæ* civitatem venerat, & ipse febriculam vesperti nactus plane crederet, se publico morbo lethaliter infectum, clausis diligenter cubiculi foribus per fenestram aliquem ex notis monuit, se postulentia correptum nunc cubitum hîre, si quis se conventum vellet eras, hic inveniturum mortuum. Hoc voluisse, ne nesciret. Invenerat cum *Smecadius* aliquando mane, cum dies nondum emigisset totus è nocte, obsoleto

bardocucullo velut vagina rectum, ut empusam aut larvam nocturnam posses suspicari, rogat itaque *Smendius* in quod spectrum se transformasset. Sic, inquit, munio domi bonas vestes. Vobis ditibus, qui talia ridetis, facile est vetera novis mutare, nostrum est nova veteribus tueri.

Profitetur etiam nonnunquam ingenium, cum *Smendio* rus eundum esset, ubi dicebantur milites vagari, qui graviore solebant discedere, quam venire, paratos aliquot viginti nummos aereos, quibus hodie pro calculis utimur, clara *Smendio* condidit in manum, & hoc, inquit, cum in fures istos incideris, pro veteris nummis, rapacissimis illis nebulonibus in terram objice. Interim, dum ipsi ruunt in prædam, tu subditis calcaribus volucrem equum in fugam age, salvis nummis. Adeo sollicitus erat pro salute herili, nescius quanto versatior sit in his artibus, qui vivunt sub signis, quam qui sub umbra.

Sed revocat nos *Gruterus* in suos fundos. Illic optimus pater totis conatibus agricolam induit, ocreas rusticas contra lutum emit & aquam, cucullum contra sævitiam aeris & ventorum comparat, hortos plantis, agros frugibus dividit, rusticatur, villicatur. Assuerat enim à multis jam annis huic voluptati, ut hortos coleret, herbas nosceret, plantas, olera, flores ferret. Sæpe invenimus illum manus habentem nudas ad cubitum, fordidas ab humo, sæpe pala, sæpe rastros graves. Non enim sic in hortis versabatur, ut solent delicati, qui lumina tantum pascunt, & naribus blandiuntur, quos fructus juvat, labor non juvat, qui sub vino nascente vinum bibunt, & epulandi causa sub umbras adducunt suas umbras, qui nunquam terra inquinant candidas & illas

— Cuniculi capillo
Vel asperis medulla vel imula oricilla

molliores manus ac vestes; quibus ad minimas molestias in ore est, lassus sum, morior calore, sudor me necat, pulvis suffocat, occidit frigus. Nostrum delectabat in labore fructus, & in fructu postea labor. Ille manibus suis infodiebat, quod debuit nasci, extrahere, quod nocuit nascendo. Jucundum illi non tantum terram tractare, sed etiam lætamen. Risimus aliquando cum in stabulo retrimentum equinum tolleret, & odore laudato, malle se dicere hoc olere quam *pyxides* è vomica peregrina caprea pretiosas. Adeo honestius ducebat agricolam aut pecuarium esse, quam voluptuarium.

Sed in villula morbus illi cito talibus exercitiis interdixit. Repetebat enim illum vetus malum, quod vivente adhuc *Henrico Smetio*, cujus *Gruterus* Gener erat, primum offensis apparuerat. Fuit autem vertigo capitis è siccitate cerebri, sicut *Smetius* cum *Postio* judicavit, orta. Et quia *Smetius* aliquid Apoplectici metuebat, sanguinem tum primum misit in pede nunquam prius id facere, nec deinceps iterare solitus. Nam & è medicinis non libenter reparabat valeatadinem. Abhorrebat imprimis ab illis tot missionibus, simplici curationi amicior. In morborum principis non illico consulebat Medicos. Sed inter ambulandum obviam aliquam herbam aut radicem notæ salubritatis ita crudam, haud uno restitutionis experimento manducabat. Idque sic evenisse quodam gratiæ divinæ interventu testatur reliquit in Adversariis suis breviter ac velut

Y y y

per

per indicem notatis. At morbus ille vetus & princeps subinde ad ingenium redibat, manifestis etiam crescendo gradibus deprehensus. Nam ultimis annis prope perpetuus fuit, & exquisitè molestus, nec somnum interdum capere passus, nec laborem. Hunc tamen plerumque vindicavit, & studiis, etiam morbo rixante, tempus indulgit, sed majori patientia, quam fructu, nec sic tamen sine fructu. Semper enim aliquid medirabatur, quod publico profecisset. Nam per illos ipsos morbos annos præter *Bibliothecam exulum*, duo *Florilegii Magni volumina* procudit, & *Livium cum quinquaginta aliquot Dissertationibus ad Tacitum* feliciter exire jussit. Ne tunc quidem curis rusticanis abstinuit, cum cum *Hepaticis* ille morbus & *Vertigo*, totiusque comitatus maiorum insectissimis machinis oppugnaret. De ferendo locutus est, de plantando. Loca, terram, coelum consideravit. Senem ægrum, vicinum morti, ac animam tantum non in ore gerentem quis vidit ambulantiem, prandentem, discerentem? Sic visus est *Gruterus*. Quid mirum si communi more non ægrotavit, non mortuus est, qui communi more non valuit, non vixit? Lectum enim non delegit, nisi postquam sensit illud appropinquare. quod jacentem aut invenit, aut facit: cumque jam tempestivum esset, monstrato lectulo, *hic, inquit, moriar*. Incubuit itaque, secum iter suum meditatus est, per fidem nihil timuit, per Christum nihil habuit timendum. His enim duobus firmamentis (sive placet unum vocare) nitebatur. Neque tum demum deprehensus est à morte, sed ipse multo prius deprehendit mortem non occultis vestigiis venientem. Itaque mundum dixit non amplius pertinere ad suas curas, cuncta se resignasse Deo, *cujus ad infinitam misericordiam se nihil asserre, quam animam humilem in agnitione sui, exultantem in merito Christi*. Ita sensit, ita locutus est, ita scripsit. Inter hæc obdormivit, expiravit. Durum verbum, durum hercule, quodque solum vocem meam hic sustinere posset, quod solum efficere, ut orationis naufragium in portu facerem, & repentino silentio exiguum illud quod restat ad perorandum per funum dolore sepelirem. Sed confirmandus est animus vel ideo, quod qui constantiam præcipue laudavit in vivente, haud dignum facinus admitteret, si parum constanter honorem exqueretur defuncto.

Narro tibi, *Sidus nostrum Palatinum*, è densis conjurationum nubibus aliquando rursus emersurum, cui *Grænicus* ita charus habebatur, ut in mediis adversitatibus illi suggereret spem meliorem. Narro tibi *Grouinga*, quæ *Gruterum* paulo ante obitum, & mox sub extremam ejus horam ad protectionem Historicarum & linguae Græcæ benevolentissimis literis evocasti. Narro tibi *Dania*, quæ vobis paribus illum, & conditionibus invidendis, non ut doceret in Academia, sed ut splenderet exoptasti. Narro vobis Magni illius *Francisci Bonae Digvieri* amicis & consiliorum consociis, qui sicut *Digvicius* antea *Gruterum* humanissima scriptione tentaverat, ut auspicia tanti Herois sequeretur in Galliam, sic ipsi propriis desideris eundem ad obsequendum hortabamini. Narro tibi, Amplissime *Claudi Expilli*, magni Regis magnum decus, qui Nostrum in illas partes tuo quoque suffragio vel præcipue trahebas. Narro tibi Nobilissime *Carale Pericette Mangarniaci Domine*, qui *Gruterum* *Gratianopolim* invitasti, ut extra Germaniæ turbas in vestris oculis, in ulnis, in prædiis, in communibus ligitunis vestris viveret.

Narro

Narro vobis, Eximii per Europam viri, qui amore cum *Grutero* certastis & literis. Narro vobis, inquam, tritissimam veritatem, *Gruterum* frustra nunc sperari, frustra optari, frustra vocari. Abiit, abiit illuc, ubi multe dicuntur esse habitationes, ubi magnus *Anticus* & Frater noster vivit & regnat, ubi Sapientia non docetur, nec discitur, sed cernitur & scitur. Ubi Professio communis est & æterna, laudare; ubi stipendium sempiternum, vivere; ubi nec Proscribens, nec Proscriptor; ubi nulla librorum cura, sed supra Bibliothecas omnes, supra cunctas humanas æstimationes, unus, optimus, maximus, sanctus Liber, in quo nomina nostra scripta sunt inter hæredes vitæ Coelestis. Ubi non horti nostri, non rura nos delectant aut exercent: sed ubi nos ipsi fructus sumus, & arbores satæ ad ripas aquarum, quæ fructum suum suo tempore ferunt, & foliis comant semper virentibus. Eo, eo concessit ille tot expertus egregiis factionibus, quam litteram Deus sapienter decedit, & quod invidia solum carere poterat, suum bonum contulit. Id quamvis à Justo juste factum est, quamvis dolere quasi exposulare est: tamen sine querela, sine gemitu nobis tam chari capitis jactura non abibit.

Ignosce nobis, rerum humanarum summa & liberrima potestas, quod tui tibi redere nunquam possumus, quin affligamur. Ignosce, si quid & mihi deinceps redibit in præcordia. Quoties enim liberos *Gruteri*, quoties interiores Amicos ejus, quoties Me, quem non postremo loco dilexit, insepexero, nihil profecto obtinuit, quin ipsa solatia vulnus utcumque obductum rescindant. Nunquam patriam nostram, nunquam tuam in illa, *Grutere*, domum, nunquam montem illum agellis tuis suppositum, nunquam monumenta tua meis oculis objiciet Fortuna, quin me obiciat simul acerbissimo dolori. Quoties enim sæculum hoc infidum, intutum, fucatum, bilingue, superbum, rapax, avarum, & quicquid nimis verum est, cogitavero; toties in mentem mihi revocabitur tua fides, tua sinceritas, tuus candor, tuum illud verum os, tuus ille modestus animus, tuum illud justum, benignum, aureum pectus. Quicquid autem idem sæculum istud totidem suis malis artibus instructum adversus me, sicut pridem cepit, molietur, tuam ego patientiam, tuam tranquillitatem, tuum contemtum animose opponam. Superi velint, *Grutere*, ut rectius in his imitatore tuum agam, quam laudatorem.

D I X I.

Aliam insuper Orationem de Vita, Morte & Libris Gruteri edidit Fridericus Hermannus Flayderus Tubingæ, anno 1628. in 12. Obiit autem An. MDLXXXVII. die XX. Septembris, annos natus sexaginta sex, menses novem, dies septemdecim, in Bernheldiano suo proxime Heidelbergam, & III. Octobr. in Templo Petri Heidelbergæ sepultus.

JANUS GRUTERUS

Per Anagram.

GRATUS IN VERSU.

GRatus es In Versu, Grutere diserte, sonoro,
Ut te vix alter gratior esse queat.
 De locuplete penu tu cuncta recondita promiss,
Ore susurranteis ac imitatis apes.
Quæ veluti Nectar delibant nobile florum,
Et stipant liquidis cerea regna favis.
Sic tu, quicquid habes Latium, vel Græcia quicquid,
Congeris in genii fertilioris opus.
Hujus opes quoties summis degusto labellis,
Illico me saturnum lectio prima facit.
Causam quæris? habe: Quo dapn est dulcior, ejus
Gignit eo citius copia dividiam.

Sam. Rosenbomius.

IN EJUSDEM OBITUM.

PArve nec in longum spatio diffuse, sed idem
Tentonis imperit gloria magna, Nicer.
Multa quidem lete quondam spectata requiris,
Et cur indoleas plurima causa tibi est.
Cæcæ ferias plantæ ripas miserabilis unda,
Cur lacrymæ mixto flumine mæstus eas.
Mi neque tot privata vacat, neque publica flere
Damna: tot in causas ne ferar, una facit:
Eana situ manus, & veteris momenta papyri,
Premia quæ belli maxima Tybris habet.
Sed Solamen erat nobis Gruterus abunde,
Et pro mille libris optimus ipse liber.
Ille quod ante oculis, fido mox pectore servans,
Innumera memorimente tenebat opus.
Hunc quoque perdidimus, ne quis jam possit ab orbe
Germano, fadæ pællere barbariem:

Ten

Tene ego, tene meis ausim lugere Camænis ?
 Et sperem post te verba Latina loqui ?
 Non faciam, tantos deceant quæ sola dolores,
 Sunt vasti gemitus, & sine voce soni.

Hugo Grotius.

Muta Palatini quod Bibliotheca recessit,
 Illa fere innumeris clara Voluminibus,
 Illaque Niliacæ poterat quæ vincere palmas,
 Et Vaticanæ obfistere luminibus;
 Quæque Heidelbergæ Romam captiva migravit;
 Jactura hæc equidem vix reparabilis est.
 Mutam at vocalis quod Bibliotheca secuta est,
 Illa tot aureolis facta Voluminibus.
 Quæ poterat Romæ præcepta, & condere Athenis,
 Flexanimoque artes quaslibet ore loqui;
 Nempe quod è terris magnus Grütærus abivit;
 Jactura omnino hæc irreparabilis est.

Thomas Lanfius.

S C R I P T A.

- Suspicionum libri IX. in quibus varia scriptorum loca, præcipue vero Plauti, Apuleii & Senecæ Philosophi emendantur & illustrantur: *Wissb.* 1591. in 8.
 Confirmatio suspicionum extraordinariorum, contra Dionysii Godofredi conjecturas & varias lectiones in Senecam Philosophum: *Francof.* 1591. in 8.
 Animadversiones in L. Annæum Senecam: *Genevæ* 1594. in 8. *Francof.* 1596. in fol. *Heidelb.* 1600. in 8.
 Publ. Papinii Statii Opera, ex recensione Gruteriana: *Heidelbergæ* 1600. Martialis: *Francof.* 1602. in 16. cum notis: *Lugd.* 1619. in 8.
 Pericula Poetica: *Heidelb.* 1587. in 8.
 Commentarii ad insigniora loca Taciti atque Onofandri: *Francofurti* 1604. in 4. 1607. in 8. *Amsterod.* 1673. in 8.
 Inscriptiones totius orbis Romani antiquæ: Accessit Appendix plurium Epigrammatum: *Francof.* 1601. in 4. 1602. 1616. in Fol.
 C. Salustii Opera omnia cum notis. *Francof.* 1607. in 8.
 Panegyrici Veteres ad antiquam, qua editionem, qua scripturam infinitis locis emendati & aucti: *ibid.* 1607. in 16.
 Comment. in Onofandri Strategicum, sive de Imperatoris Institutione: *ibid.* 1604. *Helmstadii* 1619. in 4.

C. Velleji.

- C. Velleji Paterculi Historiæ Romanæ, ex ejus recensione: *Francosf.* 1607. *Pavii* 1600 in 12.
- Lampas, sive fax Artium liberalium, hoc est, Thesaurus Criticus, in quo infinitis locis Theologorum, Jurisconsultorum, Medicorum, Philosophorum, Oratorum, Historicorum & Poetarum, Grammaticorum, &c. scripta supplentur, corriguntur & illustrantur, Volum. VII. *Franc.* 1602. 1605. 1607. in 8.
- Notæ Tullii Tyronis & Annæi Senecæ, sive Characteres, quibus utebantur Romani Veteres in scriptura compendiaria, ubi litera verbum facit. Opus mirabile & quod præterea optimi Glossarii vicem præstare possit: *ibid.* 1603. in fol.
- Florilegium Ethico-Politicum, cum Gnomis, Paræmisiisque Græcorum, Proverbiis Germanicis, Belgicis, Britannicis, Italicis, Gallicis & Hispanicis: *Francosf.* 1611. in 8.
- Polyantheæ, sive Florilegii Magni pars secunda: *Argent.* 1624. 1645. in fol.
- Historiæ Augustæ Scriptores Latini Minores cum notis Politicis: *Francosf.* 1609. 1611. in fol.
- Titii Livii libri omnes superscriptes castigati ad fidem vetustissimorum MSS. Codicum: *Francosf.* 1609. 1612. 1634. in 8. 1628. in fol.
- M. Tullii Ciceronis Opera omnia cum notis Jani Guilielmi & Jani Gruteri: *Hamburgi* 1619. in fol. *Lugd. Batav.* 1661. in 4.
- Bibliotheca Exulum, seu Enchiridion divinæ humanæque prudentiæ: *Argent.* 1624. in 12. *Francosf.* 1625. in 8.
- Christophori Pflugii (id est, Jani Gruteri, Vid. de scriptis & Scriptioribus Anonymis Syntagma Vincentii Placcii nuperrime editum p. 238.) Epistola monitoria, sive ad Lectorem novæ editioni Plauti, quæ modo adornatur, præfigenda, in qua fatuitas Apologiæ Joannis Philippi Parei, contra Janum Gruterum detegitur: *Witteb.* 1620. in 8.
- Eustathi Su. P. (id est ejusdem Gruteri, ut ipse Pareus indicat in Provocatione ad Senatum Criticum) contra Pareum: *Francosf.* 1620. in 8.
- Plinii Panegyricus cum Annotationibus Gruteri & aliorum: *Lugd. Batav.* 1675. in 8.

JULII CÆSARIS LAGALLÆ

PHILOSOPHI ROMANI

V I T A,

A LEONE ALLATIO Conscripta.

*Clarissimo Doctissimoque Viro Guidoni Patino Bel-
lovacensi, Doctori Medico Parisino & Schola-
rum Censori meritisimo,*

GABRIEL NAUDÆUS S.P.D.



L L U D mibi ex voto, si quidquam aliud omnino contigit, eruditissime Patine, quod querenti mibi occasionem eodem Te officiorum genere demerendi; quo amicorum meorum benevolentiam, & præclara in me voluntatis testimonia posteritati consignare soleo: Tu velut ex condito, hoc nunc à me postulares, ut summi Philosophi Julii Cæsaris Lagallæ vitam, quam ab eximia doctrina titulis commendatissimo Leone Allatio conscriptam, & in supellectile mea chartacea repositam dudum intellexeras, Tibi in aliquot dies commodare vellem. Hanc igitur, nulla interposita mora, velut si mibi Deus occasionem illam votis meis satisfaciendi ex machina quadam obtulisset, sub tuis præclaris & felicibus auspiciis, in publicam hominum lucem emittere constitui. Sic enim præterquam molestissimis laboribus consultam, quos afferre Tibi in ea ex Manuscripto meo eruenda Anagnostæ cujusdam ineptissimi quo Romæ sum usus, negligentia potuisset; illud insuper fecisse mibi videbor, quod utriusque nostrum rationes postulabant, dum publicæ commoditatis studium, quo vel à

teneris.

tēneris annis raptum Te miro modo atque in censum fuisse nemini non perspectum est, hoc veluti pretiosæ cujusdam & peregrinæ mercis fragmento locupletare, Te uno potissimum annuente, cujus exquisitum ut in ceteris rebus, sic in literaria judicium est, contendō: Meæ vero singulari in Te observantiæ puto etiam hoc exiguo licet munusculo satisfactum iri, si non omnino, saltem eo modo, quem præstare mei similes & in literis innutriti homines solent, dum acceptorum beneficiorum memoriam hoc uno, velut ad eorum perpetuitatem erecto monumento non interciderere patiuntur. Et sanè quantum ad me attinet, palam hac in Præfatione testari non verebor, Te unum esse, cujus eximiam doctrinam, miram probitatem, fidem in amicos, diligentiam in Arte, studium instruendæ Bibliothecæ, voluntatem de bonis omnibus bene merendi, conatum egregias aliorum actiones promovendi; animum denique præclaris de rebus informatum, Posteritas ipsa in exemplum ducere possit. Quid plura? In tuorum etiam meritorum partem aliquam veniet, quod istius libelli editione, & expressa in eo Cæsaris Lagallæ vitæ ac studiorum ratione, quæ neglecta hucusque à Gallis nostris fuerunt, aut ab unico dumtaxat Carpentario cum aliqua felicis progressus laude diligenter exculta sanioris, operosiorisque Philosophiæ documenta, velut excusso postea negligentia veterno, incrementum sumant, non minus imperii nostri magnitudini, quam Academiæ Parisiensi convenientissimum. Hunc igitur, consultissime Patine, Tibi veteris amicitia, necessitudinisque lege conjunctissimo libenter oblatum, lubens etiam, volensque ut accipias, oro Te majorem in modum atque obsecror. Neque enim aliud est, quod vel pro morum tuorum singulari candore, qui bonis omnibus apud Te difficiles aditus esse non permittit: vel pro doctrinæ tuæ fama longe lateque per orbem disseminata; vel denique pro mea in Te & doctissimi viri Leonis Allatii propensione, cum æquius, tum etiam honestius facere possis. Vale. Datum Lutetia pridie Non. Maji. M DC XLIV.

JULII

JULII CÆSARIS LAGALLÆ

V I T A.



JULIUS CÆSAR LAGALLA in oppido Padula Lucaniæ Provinciæ, non despiciendo loco, patre Roberto, matre Victoria, ingenuis parentibus, anno MDLXXI. ortus est. Robertus eodem oppido, Bernardino patre natus, Jurisconsultus totius Provinciæ celeberrimus, gravissimis negotiis sub Philippo II. Hispaniarum Rege decernendis curandis præponitur. Victoria mater in Buxento, ejusdem Provinciæ civitate, splendore natalium nobilis, familia Rosa, patrem habuit Joannem, Jurisprudentiæ scientiâ illustrem, cum summo imperio Bituniani Reguli totius ditionis Præsidem, avunculum Petrum Antonium Panfam, ab eodem Hispaniarum Rege, toti Siciliæ Regno citra Phæarum, & à Pio V. Pont. Max. Latrunculatoris potestate, universæ jurisdictioni Ecclesiasticæ adversus facinorosos homines præfectum. Duos habuit germanos fratres, ætate majores, Joannem Baptistam primum, & Joannem Vincentium alterum, quorum uterque in Salernitano primum gymnasio, sub Pyrrho Altanio, & Angelo Spannocchio; deinde sub eodem Pyrrho, & Jacobo Gallo, in Neapolitano, Jurisprudentiæ studuit, ubi & Doctoratus laurea fuit insignitus. Ipse Julius omnium natu minimus, cum in patria, Grammaticæ, & humanioribus literis vivaci ingenio, tenacissimaque memoria feliciter operam dedisset, undecimo ætatis anno, ad majorum nobiliorumque disciplinarum studia capeßenda, invito patruo Hieronymo Lagalla, sacerdote frugi, in cuius tutela tum ipse, tum fratres, post parentum obitum erant, Neapolim profectus est. Maximis inde conatibus vehementissimoque animi ardore à Julio Stillaborda Augustinianæ Familiæ, ex eodem oppido Padule tyrocinia Logices excepit: à quo postmodum, veluti ad majora subsidia transiens, sub Francisci Antonii Vivoli Neapolitani disciplina Aristotelicæ Logices præcepta hausit, & Peripateticæ Philosophiæ rudimenta decerpit; post quæ apud Bernardinum Longum in Philosophiæ arcanis delibandis percipiendis, multis annis assiduam curam atque operam collocavit; ita ut quantumvis adolescens adhuc esset, ægratius inter omnes condiscipulos haberetur, judicareturque apud eundem præceptorem, & vegeto & maturo ingenio præditus, non fundaliorum livore atque invidentiâ. Consequutus Philosophiæ peritiam, Medicinæ sub clarissimis præceptoribus in eodem Gymnasio vacavit & consecutus jam senio, quique paulo post profuturi munus deseruit Joannem Antonium Pisanum, Neapolitanum Medicum & Philosophum eruditissimum atque elegantissimum audivit, & paulo post Hieronymum Pulverinum Neapolitanum pariter in medicinæ praxi summopere

pere laudatum, cujus doctissima ac saluberrima extant monumenta, de mendendis humani corporis morbis, à quo primum eam Medicinæ partem percepit. Suprema denum documenta haurit à Cæsare Scanapeco, viro incomparabilis doctrinæ, probitatis judicii, & singularis in re Medica experimenti; cujus tanta fuit apud Neapolitanos auctoritas, ut ejus monita, & prædictiones tanquam oracula haberentur, ac tantæ in eum congestæ sint opes, ut centum milia aureorum in duobus tantum Nosocomiis, propriis in medendo stipendiis comparata, testamento legarit. Post perfectâ Philosophiæ, ac Medicinæ studij, initiatus (quod in urbe Neapolitana frequens est) laureæ gradu, in xplicandis tum ex Philosophia tum ex Medicina particulis, & morbi lateralis curatione coram Hieronymo Provenzalio, qui postea fuit Clementis VIII. Medicus, & Archiepiscopus Surrentinus, & Hieronymo Caro, ad id ab Archiattrorum Collegio deputatis, tantum doctrinæ, eruditionis, ac vegeti ingenii specimen dedit, ut habita ejus rei in Collegio commemoratione, decretum ilico fuerit, Doctoratus lauream, & referatis januis, & nulla pecuniarum solutione, quæ dupla ad id deponi solet, illi tribuendam. Præcitur mox, suadente ad id & hortante Bernardino Longo, qui de eo miram spera conceperat, toti Pontificiæ classi medicus, penultimo Sixti V. anno, cum decimum octavum vix suæ ætatis attingeret: & eo quidem consilio, hoc illi persuasum à Bernardino fuerat, quo haud diutius illo in munere permaneret, sed eo tanquam transitu ad urbem Romam, totius orbis emporium uteretur. Multis interea rationibus id Scanapecus, alter Medicinæ præceptor, illi dissuadere, suam operam in Neapolitana urbe polliceri, ubi illustram, & magis fructuosam posset medendi artem experiri. Sed quis currentem jam animum impediret, magnis cogitationibus adactum? Quis elatum ingenium, veræque laudis incitamentis excitatum deprimeret? quis præceps retro ageret? Consilium protulit sibi à Bernardino Longo datum, tentandi sui cupidus in Urbe omnium prima. Scanapecus ipse cum non posset illum à sententia dimovere, literas, quæ illi propter auctoritatem scribentis magno usui fuere, ad Antonium Cardinalem Saulium, Ducem totius Pontificiæ Classis, dedit, quibus testabatur se optimum misisse inter suos discipulos alumnum, ac proinde commendatum haberet, & carum. Ergo, soluta ex Neapolitano portu Classe, cum Horatio Lexario Joannis Andræ Aurisæ sororis filio, qui tunc Cardinalis vices in Classe exercebat, Centum cellas appulit: è quibus postmodum, peractis hibernis, quam nondum prius viderat, Romam venit pridie profecti Ascensionis Domini: ibi salutato Saulio, de accipienda laurea in Romano Gymnasio cogitavit. Quapropter statim ad Antonium Rigum Pontificium Medicum, & Archiattrorum principem, se contulit, & aperto consilio, soluta pecunia, quæ ad id opus necessaria erat, acceptis (ut vocant) punctis ordinariis, die infrequenti, quod Ascensionis profectum fuit, Doctoratus insignibus in Philosophia, & Medicina decoratus est: admirantibus Archiattris in adolescente adhuc, qui nondum decimum nonum egressus esset ætatis annum, tantam esse & rerum varietatem, & soliditatem doctrinæ. Paulo post à Donato Antonio Sanctorio, singularis eruditionis atque probitatis viro, curandæ valetudini Julii Antonii fratris, Cardinalis Sanctæ Severinæ non doctrina solum, & usu xerum, verumetiam Ecclesiastica disciplina, & sanctitate eminentissimum, designatus

finatus est; cui perfecta adeo ejus ingenii vis est, ut non erubuerit, pro re nata, ipsum Medicum Clementi VIII. proponere; quem sola viri nimium recens ætas detinuit. Interim cum in publico Romano Gymnasio subsellium vacaret Logicæ facultatis docendæ, munus hoc pro illo à Clemente Pontif. Cardinalis idem impetravit; in quo novem continentibus annis se exercuit. Accessit intra id tempus auctoritate Francisci Piccolomini, post obitum Petrellæ, ad Gymnasium Patavinum: quo, Cardinale ipso repugnante, cui operam etiam in medendo navabat, non accessit. Interea variis in disputationibus, ac publicis conversationibus, sui ingenii specimen præbuit. Potissimum vero enituit in sacris orationibus, quæ ante summum Pontificem recitari consuevere; quarum quatuor ad Clementem habuit; unam die Cinerum in Templo S. Sabinæ: alteram in seculari anno Jubilæi, primo anni die, quod dictus Pontifex Portam Sanctam aperuit: tertiam de Ascensione, in Templo Vaticano: quartam de Sanctissima Triade in Sacello Pontificio, Clemente, gravissimo, & exactissimo judicio, semper probante. Paulo post, cum Philosophiam qui prælegeret in eodem Gymnasio defecisset, duobus jam exactis annis, nullo ex iis, qui proponebantur Clementi, probato, cum nulla ipsius intercessissent servitutis obsequia, nullus ambitus, nulla Principum gratia, quin cum nihil tale ipse cogitaret expectaretve, corporis & animi augoribus male fractus, singulari beneficentiæ exemplo, sponte, & motu proprio, ut dici solet, tali provinciæ obcundæ aptissimus judicatus à prudentissimo Principe, muneris diu à pluribus expectato præficitur; in quo postmodum constanti labore, & pertinaci studio usque ad annum quinquagesimum tertium suæ ætatis perseveravit. Perspectum deinde est, Clementem diu versantem animo cui defendendum esset negotium tam arduum, qui & ejus dignitatem sustineret, & munera persolveret, à Bernardino Biscia Aulæ, Consistorialis, ut vocant, Advocato, atque eo tempore Collegii Præfecto, viro, & majorum gloria, & doctrinarum laude, & eruditionis præstantia in Romana aula, nemini secundo, ut illud Cæsari, adhuc infcio præter spem omnem, & expectationem committeret, nolentem, lubentemque deductum fuisse. Sane Historiarum monumentis compertum est, Bernardini majores ruentis Italiæ cardines exstitisse. Cum enim ad Trani, Trajanopolim olim dictam, à Trajano Imperatore conditam, miles Italus ab hoste multis contumeliis affectus pro patrio decore, æquo in campo libenter se pugnaturum obtulisset, de communis consilii sententia à Nemursio, & Consalvo Ducibus, fide atque obsequiis utrinque datis, & pactis jurejurando constitutis, campo inter Barolum, Andriam, & Quaratam, modicis spatiis, ne pugna diutius traheretur, circumscripto, ex Gallico genere tredecim equites undique delecti sunt; rotidemque Itali præstantiores illustrioresque, poscebat convenire, qui alacri postea certamine victoriam, æternumque nomen sibi & Italiæ compararunt. Ipter illos, Romani Joannes Capocia, Hector Juvenalis, & Joannes Bracalon qui Bisciam Familiam, ac ipsum Bernardinum (Laudonia namque Bracalonis filia honestissima omniumque virtutum genere conspicua muliere Bernardinus erat prognatus) præcipuo virtutis militaris exemplo, triumphalique ex integra nationum gloria illustravit. Et profecto dignus erat, qui iusti exercitus animos gerebat, iustis exercitus honoribus, de iusto exercitu triumpharet. Neque

Bernardini fama humilior in pacis concordiaque studiis exstitit. Multa is acri, solertique ingenio in administranda Republica laudabiliter inventa, efficacis prudentiæ impetu, non sine maximo civium commodo peregit: multa scripsit felicitis ingenii monumenta; quæ cum edi publice interfit, ejus humanissimum filium Lagium, virum, præter rarum in rebus sacris & Juris præfici ac recentioris scientia eruditionem, vera pietate, prudentia, animi magnitudine, candore, in Rempubicam charitate, benevolentia, & æquitate præditum, & virtutis paternæ, sicut & rerum hæredem, assiduis crebrisque precibus rogatum, à me adductum iri spero, ut præclaros illos prudentiæ lætus in vulgus edat, publicique juris ut fiant, pro suo in literatos studio patiat. Bernardinus itaque Cæsaris ingenium viresque cum haberet exploratas, ne Rempubicam fraudaret, Pontifici consilium suum de eligendo Cæsare, reique rationem omnem exposuit. Hoc laboris onere suscepto toto pectore, atque indefesso labore nec vulgari eloquio etiam ipsis quandoque adversis Musis, Peripateticam Philosophiam exhibuit auditoribus, non difficultatum ambagibus, & sententiarum tenebris involutam, sed claram jam & patentem ab auctoris, quem declarandum susceperat, doctrina, nisi Christiana pietas aliud moneret, nusquam recedens. Quæ enim aspera jam & inaccessa, vel interpretum injuria, vel malignitate temporis, vel quod sæculi hujus vitium est, delicatioris stomachi, & à quovis alieni labore inertia videbantur, apertis verborum luminibus, ex veterum Peripateticorum declarationibus, quibus uti & rationi magis, & veritati consentaneis, enixe insistebat, plana, & levia, ideoque grata & tempestiva proponebat. Diutius studioforum hominum animi dubitarent, vis-ne & acumen ingenii, & sententiarum sublimitas, an eloquentia ipsa, modusque rerum tradendarum facilis, sed non vulgaris; elegans, sed non obscuro; gravis, sed non tumens, in Cæsare præstiterint. Quare omnes uno ore in hoc convenere, ut omnia admirarentur, ac veluti quid divinum & natura humana superius laudarent ac colerent. Aristotelis & Platonis dogmata, sententiasque omnes ita in promptu habebat, ut sæpe sæpius, parva occasione paginas integras & capita sine ullo librorum adminiculo fideliter, nec uno verbo inverso ex memoria recitaret: idque & non multis antequam excederet diebus, in Socratis Apologia & Euthyphrone, Platonicis Dialogis, contigit: quos paucis exceptis, quæ Dialogi potius introductio, quam Dialogus sunt, nulla immutata serie, nec sententiarum, neque verborum, integros per intervalla memoriter habuit. Quod & in aliis auctoribus, quos semel legerat, usu venisse illi compertum est. Ita ut nunquam ad Syllabos, aut rerum catalogos cum libris expressos recurreret; ridebatque eos, qui tam labili, nec veraci fundamento, ita fidunt, ut ingenio vel lucem, vel opem addi posse præsumerent. Hinc factum est, in tam varia atque continua librorum lectione, nihil ut ille exciperet, scripseritque alieni laboris. Ea tamen firmatus rerum memoria, nunquam ex aliis, aut publica enuntiavit, aut scriptis tradidit, quod in proprio auctore, tanquam in fonte oculatus ipse prius non viderit. Nec Cathedram ascendit imparatus, sed præviis labore, studio, lectione, ac consideratione summa. Itaque nemo in laudandis fidem, nemo in exponendis diligentiam, nemo in tradendis auctorum sententiis solertiam accusavit. Hoc ingenii acumine ac dexteritate, multa molitus est, multa aliis intentata

aggreſſ-

aggressus, felici exitu affectus, promptus ad inveniendum, ad disponendum
 scrius, facilis ad eloquendum, atque opportunus; ad scribendum tamen in-
 ceptus, & segnis, ideoque et si multa ingenio superavit, & collegit, tadio ta-
 men scribendi, ac segnitie, ut amissa, ruerent, non parvo studiorum dam-
 no, passus est. Sudentibus amicis, ut ad scribendum induceret animum,
 neque vinci se à simili labore permetteret, pollicebatur ille quidem, & cum
 unum, vel alterum caput scripserat, abjecto longius calamo, morbum corpo-
 ris, oculorum aciem, dolorem capitis, vel quid simile causabat. Et profe-
 cto characteres ejus ineptissimos, scriptionis lineæ distortæ excipiebant, ut di-
 ficile esset, cum in finem unius pervenisset in parto dextera, principium alte-
 rius in læva, nisi digito retrogrado ducente, invenire; & ipse etiam, qui
 scriperat, id habere negotiis ita ut dum is ea legeret, in risum effundit coge-
 remur, & ille etiam ridens, mirum id esse diceret. Cum enim ipse varios scri-
 bendi modos compertos haberet, primum à summo dextro ad lævum latus de-
 ductum, qui erat vetus Hebræorum: Secundum à lævo summo ad dextrum,
 qui est jam fere omnium præterquam Hebræorum & Sinesium: Tertium ex
 utroque mixtum, sed à læva incipiens, qui fuit recentior Hebræorum, & an-
 tiqus Græcorum, & Latinorum: Quartum Sinesium, & aliorum, qui à su-
 periori parte lineæ recta ad inferiorem feruntur; neminem se vidisse dicebat,
 qui à summo sinistro ad inum dextrum, lineas duxerit, sed se primum illius
 inventorem esse scriptionis: & eo magis, cum illius scriptio, figuris hierogly-
 phicis constaret, quidvis aliud præ literis, notantibus. Quare & paucissi-
 ma scripsit, & quæ scriperat, ab eo solo, difficulter tamen legi potuerunt.
 Quod si scriptio ingenii facultatem & alacritatem secuta fuisset, multa jam
 extarent ejus monumenta, quæ ejusdem lævi perierunt. Ut tamen fuit,
 scripsit libros tres De immortalitate animarum, ex opinione Aristotelis, annum
 agens quinquagesimum. De Phænomenis in orbe Lunæ Physicam disputatio-
 nem. Et De Luce, & Lumine, Aloysio Caponio cardinali celeberrimo con-
 secratum. De Sympathia, & Antipathia rerum, ad defendendum unguen-
 tum, quod vocant Armarium, sive magneticam curationem, à multis temere
 oppugnatum, & tanquam superstitiosum damnatum. Quod ipse sine ulla su-
 perstitione expertus, verum & legitimum esse compererat, & hoc vi, facultate
 que rerum naturalium, quarum nobis virtutes ignotæ. Paraphrasi in Ar-
 istotelis libros de somniis & Divinatione per somnum. Tractatum de Co-
 metis, occasione cujusdam Phænomeni, Romæ visi supra montem Pincium,
 diei nono Novembris, 1613. Disputationem de Cælo animato, nostra opera
 publice utilitati editam Typis Voegellianis, anno 1622. Heidelbergæ; dum
 palatinam Bibliothecam, à Srenissimo utriusque Bavarie Duce Maximiliano
 S. R. Imperii Archidapifero, & Principe Electore, Heidelbergæ capta, spoli-
 um factam, ultra Trophæum Gregorio XV. Pont. Max. donatam, Romam
 advehendam, summis laboribus, & periculis curabamus. Plurimas oratio-
 nes, inter eas præcipue, de sanctissima Triade, De laudibus Leonis X. De
 laudibus Philosophiæ. Hieronymi item Pontani Philosophi insignis, cui in
 Cathedra successerat, disputationem De Immortalitate animi humani, jussu
 Cardinalis Sanctæ Severinæ edendam curavit. Alios tractatus & opuscula,
 videlicet De Philosophia naturali, supernaturali & ethica, juxta dogmata

Aristo-

Aristotelis, & Antiquorum. De Incantationibus, fato, libero arbitrio, & prædeterminatione, contra Pomponatium. De nutritione, & augmentatione. De speciebus intelligibilibus. De Anima commentarios, morte præventus, partim non absolvit, partim scidit; quod non arriderent, nec ultimam posuisset manum, Vulcano commisit. Fragmentum De speciebus intelligibilibus. à fato, incendioque saluum, ne studiosos fraudare videamur, cum aliis edemus. Unus est in omnibus dicendi modus, eadem methodus, non dissimilis exponendi ratio, & ut uno verbo omnia complectar, universa parentis effigiem præ se ferunt. Purioris sermonis sectator, semper orationem variis figuratam luminibus, moderate tamen, & graviter, cum per res ipsas licet, exornat. Ratiocinationibus, & argumentis, quibus adversarium pellit, prostermitque, densus; nec ab eruditione tanquam severus Philosophus abstinere; ludicra ac puerilia aspernat, veritatis amator, ipsa nature adyta penetrat, indeq. veritatem extractam solidis rationibus aperit. Non defuerunt qui illum in referendis aliorum opinionibus ac sententiis tanquam prolixum: at ubi verbis opus erat ad rem subjectam enarrandam, nimis arctum accusarent, vitioque illi verterent, quod multa difficilia & ardua, non ex propria sententia, sed ad offendendum ingenii acumen, aliter ac res forent, protulerit.

Fuit habitu corporis succulento & sanguineo, ita ut sæpius, infra eundem annum, magnam sanguinis copiam mittere cogeretur, in gravissima pericula ab ejus redundantia conjectus ventre protuberanti colore semper floride, oculis prominentioribus, auribus mediocribus & decore efformatis: fronte nec nimis arcta, nec nimis ampla, dentibus minutoribus, solidis, ac nitidis. Vini aliquantulum avidior fuit, tum ob bilis copiam, qua abundabat: tum ob animi agitationem, qua facile æstuabat: Ita tamen vina appetebat, ut à generosis & dulcibus quam maxime abhorreret; tantum enim acidioribus, adstringentibus, & oligophoris delectabatur. Nec propterea unquam ob quemlibet vini potum, negotiis vel studiis impediabatur; quinimo, & à prædio, & a cœna lectitare semper pro veteri instituto, jam inde à pueritia, cum primis literis operam daret, solitus, morbosam juventam & præproperam libi mortem paravit. In victu mirum est dicere, quantum sobrius fuerit, pane ac vino apprime contentus, carnum minimum avidus, ita ut vix bis, aut ter in hebdomade ipsis vesceretur: ovis non multum tribuebat; casco magis delectabatur; intensissimus multitudini ferculorum, raro, ut alterum degustaret, adduci poterat. Multis ante obitum annis, acetarii aliquid, & parum casci tantummodo, vel fructum aliquem in deliciis, & pro lautissimis edulis habuit. Sæpissime una tantum, aut duabus, ad summum, panis buccellis, & vino contentus erat. Brevis somni, & laborum patientissimus, quousque per gravissimos morbos illi denegatum non fuit. Ingenio acuti, elatiori, & injuriæ impatienti, ceterum Latinis disciplinis maxime accommodato, ac Philosophiæ potissimum naturali, cui semper studuit, ut ejus monumenta testantur. Eloquio fuit vehementi, ita ut etiam pacate loqueretur, & cum viris magnis, imperiorum quodammodo præ se ferret; libriori dicendi audacia, nulla habita ratione, vel personæ, vel temporis, vel eventus, dum se læsum existimaret, & vera loqueretur; quibus rebus magnam sibi injuriam concitavit. Pecuniarum nullum

nullum ei fuit studium, quod enim habebat hilariter inter Amicos impendebat, acerrimus avaritiæ hostis, quam homine libero indignam dictabat. Addebat etiam nescio quæ ex severioris austeræque Philosophiæ arcanis; Paupertatem Philosophiæ vernaculam esse. Omnia flagitia, & culpas divitiarum alumnas, virtutes paupertatis: ab eaque enutritos esse quoscunque laude aliqua insignes miramur. Civitates ab ea, Respublicas, Imperia fundata. Tandem, neminem pauperem esse, qui quantum vult, habet: idque hominis animo æstimari. Cupidinem multa acquirendi, inopiam esse; Divites aliis visos, sibi ipsis non fuisse: Pauper enim homo sit appetendi egestate; dives, querendi satietate. Tenacissimus amicitiae, quam neque ex gravissima occasione scidit, ad iram vehementius incitatus, quæ tamen brevi interposita mora, vel levi ab lædente satisfactione accepta, statim deservesceret. Constantissimus veritatis assertor, & capitalis hominum mendacium hostis, quos destruere civilem vitam, ac mendacium esse vitium servo, & pessimo dignum, inter differendum affirmare consueverat, ac propterea nunquam didicerat assentari. Antequam Cardinalis Sanctæ Severinæ à vita discederet, ipse in penates privatos secessit, ac primum multis annis in Exquilino Colle, deinceps in Quirinali, ubi & vita functus est, & hæc, quæ extant ipsius monumenta, conscripserat in *Ædibus* familiæ Grimanæ, vixit; acris claritudine, & subtilitate admodum celestus. Ibi dum degeret à Sigismundo III. Polonorum & Suecorum Rege, accersitus, ut ei operam suam Medicam in Polonia præstaret, datis literis ad Abbatem Bartholomæum Prædicum, tum Neapoli Regis negotia agentem, ut quancunque vellet illi pecuniam Romæ persolveret; Obsequi Regi invictissimo non potuit, morbo, quo ægre conflictabatur, impeditus, & ulcere in vesica tunc primum enato, ex quo Amici certissimam illi mortem ob ingens fœgus, quod ulceribus maxime est inimicum, antequam co perveniret, comminabantur. Posthac à Petro Aldobrandino Clementis VIII. fratris filio, literariis exercitationibus, quibus ipse, erudita hominum corona, inter prandendum summo opere delectabatur, præfectus fuit. Adhuc continuo Joannes Mattheus Caryophilus, Marcus Antonius de Properiis, alique, sed hi potissimum Julio, primus propter arrogantem de se opinionem, & alios contempdi libidinem odiosus: alter ob tacundiam, placidam, & plane urbanam facetamque consuetudinem summo opere gratus. Cum aliquando de questione Philosophica disceretur, nec Antonium cum Caryophilo conveniret, Caryophilus, subruenta facie, namque eam bile accenderat, e amoribus domum implere, mirari viri ignorantiam, qui quo magis literis incumbere, eo magis intellectu ac cerebro indueretur, se omnia optime callere, & uno die plura percurrere, quam Antonius vel alii pluribus diebus. Tum Julius, verum Caryophilus ait. An non vides Antonium dum tantum unam paginam percurris, uno eodemque tempore Caryophilum ambas (erat enim luscus, & utroque oculo, hac atque illac videre videbatur) percurrere? Alias dum nimis vocem in disputationibus efferret, atque nulla causa altantium aures contunderet: Quid id est, ait Caryophile? Si jejunis es, stolidus es; si præfusus, jam ebrius obgannis. Sic etiam cum quidam inter convivandum, uxoris flagitiis famosus, arguaretur, & distinctione partium urgere videretur: nam dicebat, est vel hoc, vel hoc: si hoc id erit; si hoc aliud erit: & Antonius

nus argutiola implicaretur; Julius dixit: Quiesce Antoni, argumento huic responderi non potest, comutum est. Cum eodem Aldobrandino aliquandiu etiam Taurini fuit, dum Cardinalis apud Serenissimum Sabaudie ducem, sibi amicitia conjunctissimum, degeret.

Obnoxius fuit difficillimis morbis à capite, hepate, renibus, & vesica, antequam tricesimum sue ætatis annum egrederetur: molestissima tamen accedit falsa & aeris distillatio, à capite, per occipitium, & spinam, ad renes, vesicam, & os sacrum descendens; ex qua excitatum ulcus acerbissimum, quo summum patientia, multis annis exagitatus, tandem maximis doloribus stranguriz, & dysuriz inchoatis, mox in alios atque alios morbos prolapsus est. Morbus etiam inde aggravatus. Nam ut diximus, Taurini degeris, cum cæca fistula impeditum liburinz cursum procuraret, fistula media rupta in vesicam delituit. Cum id communicasset amicis, & periculum sibi imminens ex ea, si non extraheretur, audisset, statim ad fabrum ferrarium, eratq; is Horologiorum artifex, profectus, postulat, si posset ita instrumentum conficere, quod introiens partium extremarum hiatus, quidquid obvium fuerit, apprehenderet, apprehensumque ita teneret, ut nunquam dimitteret. Faber ubi se id facere posse, juratus etiam asseruit, rem illi totam indicat; ille quam diligentissime, quod promiserat, effectu etiam comprobat. Tum Cæsar ferro per foramen, unde urina exit, in vesicam intromisso, fistulam arripit, arreptamque inde evellere, vel si una cum ipsa animus evellendus esset, conatur. Sed cum non extrema sui parte, sed media esset apprehensa, ideoque circumvoluta, & in molem aucta, quam nec foramen caperet, etiam si duplo largius esset, difficulter extrahitur. Ille nihilominus strictis dentibus etiam, quanta poterat vi, evellit, unaque cum ferro, non sine dolore atrocissimo, & inconsolebili vulnere fistulam, quod magis ac magis indies auctum, majores quoque excitabat dolores: hinc humorum fluxio molestissime hominem pertractabat, De qua cum Romæ inter medicos consulcretur, omnes in ea lenitiam abierunt, alio humorem, idque cauterio, quod carnem perforaret, citandum. Dum Chirurghi moluntur, & unciis ferreis carnem abscerre sistant, ut ignito ferro aditus patenter, ac securior fiat, Julius eorum studium irridens, ex solutis forcipibus, digitis carnem comprimens sumensque, ad id ferro ignito ipse sibi vulnus inflixit: indeque ferro elato, adhuc digitiscarnem sensuulani tenentibus, funiculum cera illitum foramini infigit, sique manu adaptatum ita composuit, ut Chirurgis opus non esset. Exhorraverunt omnes facti, ipseque qui aderat, aspectum ita crucem non sustinens, fors proripui me. Postmodum rogatus, an doluisset, hominem fortem dolorem non capere, dixit. Tum ipse: At hominem fortem insensibilem esse non potest. Homo, respondit, voluntate insensibilis est: dum modo velit, puncturas exterarum rerum non sentit. Alterum postquam addiderit de hisce, dicendi finem factam. Sanguis ob imbecillitatem valetudinis mittendus est: adest Chirurgus, nudatum brachium ligat, adversis digitis conficit, dum venæ tument, lanceolam sumit. Verumtamen cum ob succulentum corporis habitum venæ non ita per se agnoscerentur, ad inferendum vulnus dubie se conferebat. Id ut vidit Cæsar: An tremis? ait, & hæres? A mittendo sanguine longe, timor arcendus est, & Chirurgus hac se ratione, ut recte id

faciat, componere debet. Simulque è Chirurgi manu lanceolam capit, & sine alia cunctatione venam secat, & dum altero digito os venæ comprimit, ut habeat suam lanceolam Chirurgo innuit & poculum admovcri jubet. Admotum est, excepit, quantum æquum erat excipere. Obligato tandem vulnere, è sede se movet, & ambulat. Multo plura referre possem, sed hæc ad pacatum, sui que potentem animum comprobandum sint satis. Suam ipse corporis constitutionem, ægramque valetudinem *lib. 3. de Immortalit. anim. cap. 5.* his verbis ita persequitur. Nihil magis, quam litterarum studium & potissimum speculatio calorem vitalem dissipat, morbos accersit, vitam breviorē reddit. Quod ipsemet malo meo edoctus fateor, qui naturæ beneficio, validissimis donatus membris, habitu totius corporis vegeto, firmo, ac pene athletico, cum temporis injuriis diutius luctari, usque ad ultimam senectam, & facile superare, aut eludere potuissim; nisi his studiis distentus, quibus tamen vacasse non piget; quamvis ab illis adeo attritus fuerim, ut viginti jam abhinc annis, variis ac difficillimis morbis implicitus sim, crebris potissimum febribus; sed perenni à capite ad subjectam spinam, ac renes distillatione, qua incessanter. & sine spe salutis affligor, ob intemperiem in cerebro jam contractam, ex evaporationibus, intempestiva, sed necessaria speculandi assuetudine excitatis, & quinquagesimum viræ vix attingens annum, adeo effœtis sum viribus, ut semel in die cibos sumere cogar, & eam in cæteris senectutem experiar, quam vix septuagenarii consueverunt. Paucis antequam è vivis excederet mensibus (quod tam verum est, quam mirum) quadam animi rerum futurarum prælagitione ita ferebatur, ut imminentem mortem præviderit, aliisque prædixit, & omnibus clarissimo testatam argumentis confirmavit. Locum enim sibi ad sepulturam aptum munificentia Patrum Carthusianorum concessum, elegit & marmoreo lapide erecto, quid de rebus humanis sentiret, quosque profectus ex pertinaci, continuaque veræ Philosophiæ lectione habuerit, exculptis literis patefecit. Quid inde? Rebus compositis, pacatoque animo, ingenti desiderio exposcebat, ut solutus corpore, Deo viveret. Et ne quid ageret inconsulto, quod & illi vitio verti posset, totum se Deo dederat, & Michaeli Gislario, quem semper magni fecerat, pietatis, doctrinæ, singularique probitatis ergo, commiserat. Quare ad illius dicta, quasi oracula, præceptaque divina se informabat; præque illius monitis, cætera omnia flocci pendebat: quod & paulo ante quam moreretur notum omnibus opere ipso effecit. Cum enim in gravissimis illis, atque atrocissimis doloribus à Gislario inviseretur forteque inter loquendum de cubili, in quo ægrotabat, sermo incidisset, Gislarius, libero ut est ingenio, placidis verbis significavit, se illud minime probare, quod obscurum nimis, nec acri obvium, ideo halitus in eo interceptos, ac pressos in perniciem ducere, minarique exitium; quamobrem consuleret ipse, ut in alium locum patentem magis, & lucidum transferri se curaret. Obmutuit, imperiumque corde servatum, postquam Gislarius discessit, implere qua ratione posset, diu animo cogitavit; cum aliter non liceret per morbum, quo distentus, omni motu, veluti cada-ver, privabatur, vocatis iis, quorum opera utebatur, ut omnino se in vicinum cubile ad adherent, hortatur. Illis repugnantibus, morbique impedimenta proponentibus, sic, ait, peragi debet, etiam adversa valetudine, &

deficientibus viribus. Gislerius sic adhortatus est, in ejus adhortatione vis latet imperii. Dabit Deus vires; quo jussit, promptus accedam. Ne in novissima hac hora, ita Deus à vobis malum omne avertat, deferatis gravi morbo exhaustam. Sinite vestra ope, qui mea non possum, Gislerii præceptis obtemperem: frustra que lassum corpus erigere tentabat. Familiares non sine ingenti labore, tristitia, lacrymarumque effusione, humeris, manibus, brachiis, toto denique corpore dulce onus, omni motu destitutum, in aliud cubile transferunt, & declinatum fovendo, si quid exposceret, interrogant. Sat bene, ait, necum in omnibus actum est: paululum post, sicuti accepi, videbo. Vere Deus magnus, ac potens est in misericordiis suis. Sed unde egressa est, revertatur oratio. Loco jam humando corpori preparato, animum ad ipsam mortem assuefaciens, continua ejus meditatione, non alio distractum, neque invitum, ad Deum ipsum referebat. Cujus amore jam iuventus ardebat, memoria expergefactus festinabat ad exitum, beneficiis erigebatur, ac moræ impatiens, omnibus votis id exorabat, ut liceret sibi humanis hisce indumentis abjectis ad divinam gloriam, sempiternæque lucis majestatem traduci. Itaque jam illi voluptates, deliciae, dignitates, fastus, & quicquid aliud apud homines in pretio est, omnino fordebant. Tandem, quo voti compos heret, vehementius morbus familiaris invasit. Accersit Franciscum Carum, ob elegans ingenium, velut musarum & gratiarum alumnus, plurimis annis arcto amoris vinculo sibi dilectum: neque unum, quo cum rationes omnes studiorum, nec non & adversæ fortunæ temeritatem, rerumque angustias, magno suo solatio, atque oblectamento, sedulo communicabat. Postquam vero convenimus, non contraxit frontem tristitia, sed dulce ridentibus oculis, manuque utrique arrepta, En, inquit, Deus propitius, quæ sua est benignitas, vota concessit. Aegritudo hæc sine dubio vitæ meæ finem imponet: jam ducor ad corporis hujusce, quod mihi tandiu ne Deum viderem, ne illo fruerer, obstitit, solutionem. Lætus expecto vocem Domini, quæ ut felix, faustique auribus insonat, omni qua possum reverentia Deum exoro, vosque pro me preces effundere. Satis diu mundo vivimus, vivamus Deo. Dum hæc diceret contremuit totus, distortisque brachiis, digitos in pugnum contraxit, acriusque morfu adstrinxit labia. Quid esset querimus. Dolorum, ait, qui per totum corpus vagantes, interiora dilacerant, omnesque partes excruciant, effectus hic est. Næ hujus vitæ constitutio summa calamitas est, sexcentisque infirmitatibus obnoxia. Quid in se homo habeat, pro quo in Deum arrogans insulse sit nondum capio. Sicque de rerum omnium opinione, mundi structura, hominisque creatione multas, variasque difficultates solvendo, & loca divinæ Scripturæ explicando, ita more suo diligenter, & erudite exposuit, quemadmodum à sano, & omni dolorum cruciatu libero exponi possent. Caduca hæc esse, nulliusque dignationis, quæ præterierant, æterna, Deo ipsi cœva, quæ futura speraret. Interim nocte sequente dolor atrocior cor occupat: pedes distenti difficile contrahuntur, motuque corpus destitutum, in unam tantum partem quieverat. Sicque identidem magis ac magis aegritudine grassante, doloribusque crescentibus, vacillare vires, facultates minui, ruere omnia in pejus percipiebantur. Sana tamen inentis acie, animoque inconcusso, quæ tibi & usui esse & utilitati, quasi non de proprio, fed

fed alieno morbo tractaret, præcipiebat femper hilaris. Quare & inter loquendum fi joco tum aliquid, ut ejus animùm quodammodo fublevarent, Amici protulerunt, neque rifui pepercit, neque cachinnis temperavit. Quæ ego dum nimis attente confiderarem, exciderunt invito lacrymæ quas diu fponfe effluentes continebam, ne ægro moleftiam exhiberem. Ubi ipfe iftud animadvertit, folutus in rifum, Quid id eft? ait, quæ perturbatio? Itane dulce ac gratum tibi erit in meis deliciis, ac felicitatibus lacrymas fundere? Cave, mea folatia tua mœftitia confundas. Jam iter confecimus, jam ad metam pervenimus. Nunc lætitiæ exultare, nunc gellire gaudio, nunc voluptatibus indulgere debemus. Adfis Deus, difrumpe moras: animum, quem tuo fanguine expiaſti, promptum fufcipito. Pridie antequam de vita decederet, nigram, atramque bilem veluti fuliginem evomebat: tum mihi accerſito dixit, Quod fauſtum fit, imminentis figna mortis conſpice; ſtatim enim ac ceſſarit vomitus, animam efflavit (hicque Hippocratis textum recitavit.) Obſerva tamen, raro enim ſimili ratione atra bilis cernitur; & mihi ſemel, aut bis eam ſic aſpicere contigit toto illo ſpatio, quo Medicinam exercui. Indeque digitis arreptam, ſpiſſatamque in globum contrectabat; quæ illico diſſolvebatur in pulverem, & deinde in globum reducebatur: eamque aiebat ſaporis eſſe acidiffimi, ita ut difficillime illam evomeret. Ita magnus vir, integris ſenſibus, ac mente ad extremum uſque ſpiritum (nunquam enim cum loquela deſtituit) & ratiocinabatur, & exponebat eruditiffime, & expoſita ſuaviſſimis verbis confirmabat. Anno itaque Chriſti MDCXXIV. qui ejus vitæ fuerat quinquageſimus tertius, per viginti quatuor dies cum ejuſmodi doloribus conſtitatus, 16. Cal. Martii, ſub auroram, veluti in ſomnum converſus, maximo Amicorum omnium dolore, & luctu obiit: cum antea caviffet, ne aliud ſuo monumento Epiraphium incideretur, præter id quod ipſe vivens exſculpendum mandaverat. Illud vero tale eſt.

D. O. M.

JULIUS CÆSAR LAGALLA,

Lucanus, Comes Palatinus, & Protonotarius Apostolicus totos annos
triginta duos doctrinam Aristotelis

PUBLICE IN URBE PROFESSUS

Intelligens

PHILOSOPHIAM ESSE MEDITATIONEM MORTIS,

Hic locum humando corpori

Ut animus piorum precibus juvetur

Vivens elegit,

Anno suæ ætatis LII. MDCXXIII.

OBIIT XVI. KAL. MART. CIO. IDC. XXIIII.

ΓΕΙΤΟΝΑ ΚΥΚΝΟΣ ΑΒΙΣΣΕ ΜΟΡΟΝ ΠΕΛΕ ΔΕΡΤΟΝ ΑΟΙΔΗ.

Carmen Græcum, quod in Inscriptione ultimo loco positum est, nos ipsi
post mortem Lagallæ insculpendum curavimus, Platonis verba respicientes,
quæ in Phædone, morte jam imminente, Socrates de Cynorum natura dis-
seruerat.

De Docto Quadrumviratu hic occurrente,

EPIGRAMMA.

*Lagallam, Allatium, Naudæum, teque Patinum
Sorte coisse videns quis putet absque Deo?
Nempe volens solida doctrinæ fingere cubum,
Quadratum toto publicat orbe decus.*

G. SAWAGEON, Nivernensis, Lagallæ
discipulus, ex Academia Romana Medicinæ
Doctor, & Lugduni Aggregatus.

PAREN-

PARENTATIO HISTORICA:

S I V E

*Commemoratio Vitæ & Mortis, V. C. Guilielmi
Camdeni Clarentii, facta Oxoniæ in Schola
Historica per Degoreum Whear Historiarum
Prælectorem, ab eodem Camdeno ibidem
constitutum.*



Tane comparatum est in ætate hominum? ita Diis placitum, voluptatem ut moeror conies semper consequatur? *Plant. Ampho.*
ut incommodi aliquid, malique illico assit, boni si quid obtigerit, ut

* *Luctus lacrymæque sequantur
Vota, nec in cunctis servet Fortuna tenorem?*

* *Manil.*

Ita hercle (spectatissimi Acad.) nos omnes quotquot huc convenimus hodierno die, vero, serio, docti sumus: nos (inquam) omnes, de nobismet ipsis liquido & experienter scimus. Unus vix adhuc factus est mensis, quod lætam, exultantem, triumphantem vidimus Academiam; quod totum Musarum chorum solennes canentem Pæanas auribus vacivis excepimus; quod omnia templa, suggesta omnia, hæc ipsa denique artium, scientiarumque domicilia, par gaudium, pares acclamationes personantia * lubentes audivimus. Verum **Gratulationes in reditu principis facta. prædixit Kel. Novemb.*
(cheu !) dum nos hic gaudii illius nostri quandam patimur cruditatem, dum suavissimus ille Musarum ovantium concentus auribus nostris adhuc insonat, ecce! foelicitas Academica lugubri mordetur fascino, & communis literatorum lubentia amaritudine gravi temeratur. Adeo

* *Nu. 1 fors fors longa est, dolor & voluptas
Invicem cedunt*

Sme. Tryst...

Eam voluptatem, id gaudium, effusam illam animorum nostrorum lætiti-
am pæsti-

præstitit nobis, & toti fere Christiano Orbi, felicissimus augustissimi Principis reditus; hanc vero tristitiam, hunc moerorem, largam hanc dolendi materiam nobis ante alios oggessit nuperus viri, in Repub. literaria principis obitus. Occidit, occidit (Acad.) præfæ omnis literaturæ, ac veræ Historiæ sol lucidissimus; splendens & fulgidum rei antiquariæ vetustatisque jubar, imis & nimum festinis tenebris obducitur. Ille, ille optimus senex *G. Camdenus* triseclis senis Homericæ ævo dignissimus, confecto jam ætatis curriculo, ad plures abiit, nobisque ingens sui desiderium reliquit. Terra Britannia lumen & decus eximium, Mater Academia Ornamentum & Benefactorem egregium, miser ego patronum & parentem charissimum, amisimus. Quod dum attentius mecum recolo, vobisque omnibus satis jam notum recordor, neminem esse vestrum opinor (Acad.) qui mîretur amplius, quod per aliquot septimanas Historia muta & elinguis fuerit, quod hæc cathedra prorsus vacua, hi parietes vocem nostram prius resonare soliti, nuper funesta taciturnitate luctum suum meumque aliquandiu fuerint testati: Imo quam maxime velle subigor, ut mihi sicut vestrum cuilibet porro adhuc silentio indulgere concessum foret, aut saltem fecedere, quæ vel tempore & mora dolorem parentis amissidecoquerem, vel migratione aliqua (quod morientibus est familiare) curas animi discerem, Quotus enim quisque filius est, cui vox in parentis funere loquendo suppetat? cui lingua animi ægritudinem enunciando satis esse possit? quin stupet citius moerore primo oppressus, aut fixus hæret; adeo ut neque lingua, neque ingenium, neque animus ipse, suo prompte defungi officio valet. Lætitia quidem loquax res est, atque ostentatrix sui, doloris autem prærogativa præcipua est silentium. Præterea mihi cor molle est, & ad sensum iusti doloris in lacrymas & fletus diffundi mirum quam proclive: nec quenquam vestrum latere potest, quantum dolori accedat incrementi, dum id quod dolemus, prædicamus. Verumenimvero, mihi necessitas quædam incumbit, cui neque pauperitini ingenij conscientia, neque gravati pectoris vulnera, immo nec ipsum fortassis decorum, sine dedecore & ignominia, facere possunt, ut secure me subtraham. Erigite itaque ac juvate (obsecro vos Acad.) benevolentie Vestræ atque attentionis favore, anxium, infœlicem, miserabilem, sive Oratorem, sive Prælectorem vestrum, nec difficiles sitis ad veniam roganti concedendam, si qua per lacrymas, si qua per suspicia & singultus inturbetur Oratio, verborumque ordo percat aut deficiat: dum liqueat vobis me pium esse, parum refert haberi ipticandum. Dicendum mihi est de clarissimo *Gnil. Camdeno*, viro,

Quem manibus propriis finxit cordata Minerva,

Ὁ γὰρ αὐτὰ
πολύμυτος
ἀνθρώπων
ἄριστος Ἀθήναι
3 Ut Orat.

viro in tantum laudando, in quantum virtus & multijuga doctrina intelligi aut laudari possunt. Quod igitur *M. Cicero de Platonis Socrate* affirmat, & de *L. Crasso* à legentibus postulat, ut *majus quiddam de ijs quam quæ scripta sunt suspicarentur*; illud ipsum de nostro *Camd. τὴν μακροτέρω* dicturus à vobis (Acad.) possumo, petoque, ut quæ & quantacunque à me dicta fuerint, majus adhuc quiddam superesse arbitremini: imprimis scitote divinas illas virtutes ejus, quarum insignibus ad miraculum usque clarus fuit; puta fidem, pietatem, charitatem; tum humilitatem, modestiam, continentiam, temperantiam; has (in-

(inquam) scitote illibatas à me prætereundas, idque ex religione quadam & reverentia, ne culpa deteram ingenij, aut impari prædicatione, meam ipsius operam deveniſſem: publico potius Oratori, qui ornatus, copioſius, & pro dignitate magis eas celebrare poteſt, * relinquo. Ego Hiſtoricæ Epitomatoris * *Sciat Laſlor*
partes tantum agam, ſummulam nimirum vitæ ejus, ab ortu incipiens, & veſti- *banc commem-*
gia aliqua rerum legens, piſtorij quaſi umbris brevi tabella delineabo. Quod *rationem ſalla*
ſi intereſſe putemus, quo celo, ſoloque quis naſcatur, quave ſit ortus proſapia *aliſque bis ſep-*
(& ſane intereſſe plurimum ad res magnas ubique autumant docti) nos *tem dios ante*
quoque id primo loco de noſtro *Camdeno* libenter adnotabimus. Lucis uſuram *publicam Ora-*
primam ei totius regni metropolis Londinium præbuit, ab utroque elemento *tionem.*
urbis foeliciffima, *Urbs per amena ſitu, caloque, ſaloque beata;* Per orbem latè *Connab. Tum. &*
clara, ob civium humanitatem, ædium nitorem, foeliciffimorum ingeniorum *iſt.*
proventum, omnem denique quæ ad humanæ vitæ cultum, neceſſitatemque *Camden Mid-*
ſpectant, redundantem copiam. In hac (inquam) urbe natus eſt clariffimus *diſceſ.*
noſter *Gnil. Camdenus* Anno 1550. in vico quem *veterem Ballivum* nuncu-
pant, Patrem habuit *Sampſonem Camdenum* civem Londinenſem, ex ſocietate
ſive Collegio Piſtorum, ipſum *Lichfeldiæ*, urbi ſatis ample ac nitidæ in agro
Staffordienſi, honeſtis etiam parentibus oriundum. Sed minutula ſunt iſthæc
& externa, quæ noſtra vix putamus vocanda; ſed nec adeo gloria vacuus
hic noſter, ei ut honos ex locorum, generiſve ſplendore adſciſcendus ſit:
longe majora prædicaturi ſumus, intra ipſum nata, & quæ fecerit ipſe. Eum
pater à primis inſcunabulis rei literariæ deſtinavit, cujus prima ſemina ſub
magiſtro neſcio quo, in paidotrophio illo ampliffimo quod *Ædis Chriſti* Lon-
dini appellatur, imbibit; inde Scholam *Coſſetianam* ad *Dro Pauli* ſitam petijt,
ubi præclaræ indolis puer, tantos in literatura brevi fecit progreſſus, ut ipſa pa-
rentum vota facillime præverteret, omnes, quibuſcunque notus, in amor. ſui
invitaret, plerique etiam admirationi eſſet; poſtea adoleſcens factus quindecim
annorum, *Athenas* noſtras, *Oxonium*, ad uberiores ingenij cultum, &
humaniores diſciplinâ perſcendendas venit; ubi tirocinium primum exegit, &
Logices rudimenta celerrime depoſuit inter *Magdalenenſes*; nec diu apud hos
ultra moratus eſt (neſcio an ſpes adoptionis in illud ſodalitium, quam forte
nonnullam conceperat, protinus decollaverat) quin mox tranſit ad antiquiſſi-
mam Aularum *Latepoſienſem*, ubi per duos annos & dimidium conſtanter hæſit,
quo temporis ſpacio oppido quam feſtinavit indoles, & ad maturitatem pro-
peravit ingenium! Optimi ſeſe ſtudijs totus addixit, meliorem literaturam
calide hauit; ſub ductu & diſciplinatu viri etiam tunc temporis præclari no-
minis, nunc admodum reverendi *Tho. Thorntoni S. Th. Doct.* & multa jam
annorum luſtra, cathedrali, illius Eccleſiæ *Vigornienſis*, Regaliſque hujus noſtræ
Ædis Chriſti Præbendarij. Nec minus pietati ſtudit hic noſter quam liberio-
ribus ſcientijs, cujus luculenta quædam adhuc extant veſtigia apud *Latepoſienſem*,
nempe bene diſtinctiones ſive precatiuncule menſales, quas ipſe juvenis Latine
primum meditatus eſt, & ad hunc uſque diem à ſervientibus quotidie ſolenni-
ter recitantur. Eodem tempore aderant, una ejuſdem Aulæ *Commenſales*,
Camdenoque noſtro perquam amici & familiares, (ex ipſiſmet ore accepi quod
reſero) honoratiſſimus nunc Dominus *Baro Carewus*, ſereniſſimo noſtro Regi
Jacobo ab interioribus Conſilijs: prænobiles etiam *Johannes Packingtonus*,
Stephanus

An. 1565.

Stephanus Powllus, Edwardus Luccius, omnes postea Equites aurati, alijque plures netæ præstantioris viri, quos omnes me audiente haud longe ante mortem prompta commemoravit memoria; quod ego in honorem charissimæ nutriticis meæ lubens repeto, adeoque gratulor tibi veneranda Aula *Lateportensis*, de hoc tuo Alumno præ multis alijs; mihimetipsi quoque haud parum gratulor, quod iisdem tuis uberibus quibus ille (ô si pari effectu & profectu dedisset Deus!) cum ad hanc Academiam recens accederem, lactari contigit. Sed non diu apud *Lateportenses* latere potuit virtus ejus & doctrina, ita passim claruit & erupit flammæ surgentis instar, quod amicitias & familiaritates ei contraxit magnas & multiplices, quarum nonnullæ usque ad extremum vitæ decursum perpetim viguere: unam hic inter nostras Oxonienses, quia antiquissimam & religiosissimam ab eo semper cultam noverim, indicam præterire nequeo: illam scilicet quæ ei tecum doctissime noster *Thoma Allene Glocest.* in ipsa juventute intercessit, nec in extrema canitie intermisit. Tuum nomen quanto cum adfectu semper audijt? de te quoties & quam amanter, ubicunque ei aderam, meisum percontatus est? ab Aula *Lateportensi*, ad Regale *Ædis Christi* Collegium transijt dicam? an raptus est? planeita. Nam venerabilis *Thornius* ductor ejus & doctor, tanto cum amore prosecutus est, ejusque virtutes tam chare habuit, ut suum esse totum & magis peculiari modo voluerit. Sed nec intra cancellos amplissimi licet hujus Collegij, uti fama nostri *Camdeni*, sic neque ipse continere potuit; per totam *Britanniam* illa brevi diffunditur, ipse quoque mox partem ejus longe maximam oculis perlustrat: siquidem antiquitatis studiosus & impensius amans, † præsertim suæ patriæ, nihil quod ad ejus veritatem cruemdam momenti aliquid habere videretur omisit, *Britannorum* antiquissimorum linguam subsidio sibi jam consuluerat, † glossaria omnia, & peritissimum quemque circa eam sedulo consulerat, in Græcis, Latinis, Patrijs scriptoribus diu multumque versatus fuerat, nunc etiam Regionum *Britannicarum* situs & limites, terræ dotes & ingenium, incolarum mores & vivendi rationem inquirere, contemplari, observitare desiderati atque hinc iter ejus per *Britanniam*, ut penitus ea perdisceret, quæ totum literatorum orbem aliquando doctæ secum animo statuerat: ita pertinaci studio pergit hic noster *Camdenus* rectum virtutis & honoris iter insistere, rebus pulcherrimis cruentis incumbere, omne ævum suo demereri. Inde magna de eo fama ad Magnates viros pervenit, in primis ad honoratissimum *Guil. Cecilium, Baronem Burghleam*, summum *Angliæ* tunc Quæstorem, necnon ad reverendum & integerrimum *Westmonast.* Ecclesiæ Decanum, Doctorem *Goodmannum*, virum, ira ut nomen ejus cluit, reapse bonum: accersunt, noscunt, amant, cumque sibi humanitatis ac liberalitatis officijs devincire conantur. Non longa est mora; præter alias dignationes, † aperit nobilissimus ille Quæstor Bibliothecam instructissimam; optimus hic Decanus Scholam Regalem *Westmonasteriensem*; Promagister constituitur, quod munus haud inexpectate obit, aut indiligenter colit, sed adeo naviter, adeo industrie curat per aliquam multos annos, ut venerabili decedente *Granta*, ipse sine ambitu summus Moderator audiret. Adsumt nisi fallor, in hoc splendido consensu, nonnulli quondam ab ejus disciplina, qui meis dictis fidem facere possunt. Dum laboriosam hanc sustinuit provinciam, Deus bone! quæ & quanta clucubavit? Græce, Latine,

† *V. Resp. ad Antipbilam* sum quendam in calet *Britannia*, 5. editionis.
† *V. in Evit. in Pref.*

V. Epistolam ded. 1. Edit. B.

† *V. Pref. ad Annal.*

Latine, Anglice, eaque per horas subsecivas! unicum illud & incomparabile opus suum mihi videre, quo *Britanniæ* nostræ Antiquitatem, & suæ antiquitati *Britanniam* restituit, quo pulcherrimam terram (à toto Orbe divisam) toti terrarum Orbi conspicuam & illustrem reddidit: hoc uno opere quid luculentius? quid limatius? quid accuratius, vel *Pausanias*, vel *Strabo*, vel quivis alius veterum Geographorum dare potuit? vetustis induit novitatem, obscuris lucem accendit, dubijs fidem conciliavit. Jamque ultra maria etiam (quacun- que bonarum literarum penetrasset amor & noticia) innotescere & celebre fieri nomen ejus cœpit, nec quisquam fere peregrinus & exterus (modo doctior, & disciplinis cultioribus instructior) hæc nostras appulit oras; quin ilico de *Camdeno* inquireret, videre gestiret, salutare, ejus ambire notitiam, & amorem: quoties eum per Epistolas humaniter & amice compellarunt *Ortelius*, *Lipsius*, *Douza*, *Scaliger*, *Thuanus*, *Gruterus*, alij plurimi, in Repub. literaria viri, haud ita pridem summates habiti? quoties reconditam ejus eruditionem, alij scriptis ad cuius paginis, alij præsentibus colloquiis explorare atque eruere faterentur? quasi bonarum artium & literarum veterum ipse condus promus solus fuisset; ne longum faciam; exquisitam ejus doctrinam, multiplicem & variam ejus cognitionem ex unius *Pauli Merulae* Historiarum olim Professoris apud *Leidenenses* testimonio promptum est conjicere. Is in præliminari quadam Epistola ad *Q. Ennii* fragmenta, album satis prolixum doctissimorum plus quam 70 virorum, qui amicitiae fores sibi benigne aperuissent in itinere suo per *Italiam*, *Galliam*, *Germaniam*, &c. recensens, in fine Catalogi addit, *Ex Germania domum reversus, per Gallias & Angliam, ubi inquit omnium mihi fuit Guilielmus Camdenus*. Et nunc Divæ *Elizabethæ* Reginae felicissimæ memoriæ percharus sit; insinuatione primum magni illius *Baronis Burghlei* Quaestoris, quem antea nominavi; sed magis postea suffragio atque adtulatione, nobilissimi *Fulconis Grevilli* nunc *Baronis Broke*, cujus maxima in se merita summo gratissimæ mentis candore agnovit noster, æternasque loquens tacens- que gratias & egit & habuit. Sereuissima Regina præclaras hominis dotes, æquiori æstimans judicio (erat enim mirifica innocentiae ac virtutum spectatrix) censet ibi debuisse præmia honorum longe majora esse, ubi tanta & tam clara fuissent virtutum merita, à negotioso igitur Scholarchæ negotio eum revocat, & (quod ne quidem somniavit ipse, nec vel precibus emit) in *Fecialium* Collegium adsciscit: hoc est, inter ministris Regios, quos *Heraldos* nostros vocitant, *Clarentiumque* (secundum scilicet è tribus illis Herorum Regibus dictis) constituit. Quantæ dignitatis eorum fuerit ordo, ex ipso titulo conjecturam haud obscuram facere licet: certe constat magnæ olim apud Romanos, nec minoris fortassis apud nos. Hoc officio fungendo quam laudabilem navarit operam, gratia, & æstimatio, & dignatio, quam hoc nomine etiam obtinuit longe maximam, cum apud serenissimos Principes Divam *Elizabetham*, Regemque nostrum *Jacobum*, tum apud Proceres, & universam regni nobilitatem, satis argumento esse potest; quod etiam abunde confirmant illa, sive collectanea, sive adversaria, sive alia lucubrationum atque observationum genera dicamus, quæ ipse multo labore & studio collegit, scripsit, aut concinnavit, & in usum *Heraldorum*, successori suo testamento legavit. Nimirum angusti semper animi esse putabat, sibipsum solum & Musis suis canere;

sibiipſi ſolum ſtudere, ſudare, vigilare: Publice prodeſſe avebat, & poſteritati relinquare quod imputaret. Paucis demum exactis annis, Annales rerum Anglicarum & Hibernicarum, regnante *Elizabetha*, aggreditur, ſuo tempore abſolvit, ejuſque primam partem edidit, in quo opere, perfectæ Hiſtoriz numeros omnes reperiri, haud credo quenkum eſſe qui diſſitebitur, niſi iudicium præjudicio obnoxium nimis habeat & occæcatum. Continuo poſt ejus admiſſionem in Collegium Feccialium, tum ut novo huic muneri conſtantius inſerviret, tum ut ſtudiis etiam ſolitis liberius vacaret, rem familiarem & modestas illas facultates, quibus Deus eum ditaverat, amico cuidam ſpectato & probato concedidit, qui eas tanta fide & cura adminiſtravit, ut quotannis aliqua eaque non contemnenda fieri deprehenſa eſt opum acceſſio & incrementum. Adeo ut jam ingreſſente ætate, & una cum ætate divitiis, ſubiit mentem divini ſenis voti illius cuius ſcîpſum multos ante annos reum fecerat, ita dico, voti, quod in ipſo *Britannie* ſuz epilogo ſcu concluſione hiſce verbis conceperat; Nihil aliud nunc reſtat, cum è tot cæcis *Oceani vadis*. & aſſeris antiquitatis cantibus eluſata tandem enavigariſ Oratio, quam ut nante olim *Neptuno* vela la-cera, aut tabulam votivam; ſic ego etiam aliquod Deo Opt. Max. & veneranda An-tiquitati anathema conſecrarem, quod libens merito nunc voto, & ſuo tempore Deo volente ſolvam. Solvit Acad.) idque liberali manu, cum benefactionem iſtam longe munificentiſſimam qua ego nunc utor fruor, almæ huic Univerſitati donavit; cum Hiſtoriarum atque Antiquitatis Spartam illuſtratricem inſtituit, & quo perennis foret proſpexit. Hoc ejus anathema, hoc votum ejus eſſe ego haud timide interpretor. Nam cum totum illud negotium *Heaberi* ſui diligenti induſtria & fideli miniſterio, rite atque ex animi ſui ſententia tranſactum vididiſſet optimus ſenex, cumque literas à matre Academia gratas gratias agentes legiſſet, & quam lætabatur ei animus! quanto exultabat cor gaudio! & mox, divinum illud *Simonis* Canticum, ex ejus ore audires, Nunc dimittis Domine, &c. Proſecto (Acad.) mens ejus præſcia futuri augurata eſt, non procul abeſſe ultimum ævi terminum, ideoque rem familiarem conſeſſum diſponit, ſupremæ voluntatis curas ordinat, rurique aliſſidue poſtea ſe continet, ubi ab urbis ſtrepiru remotus, & aulæ procul moleſtiis, ſecure ac tranquille ſacris huius pietatiſque exercitiis animam præparat, inque horas & momenta de ſtatione ſua ab Imperatore ſummo evocationem alacer & conſans miles expectat; nec diu expectat; vix enim ſcſquicennium voti interjunxit ſolutionem & vitæ, ne quid forte, poſt illud divinum & immortale factum, faceret mortale. Ita ſanctiſſimus & beatiſſimus ſenex, annum ſeptuageſimum-tertium paululum ſupergreſſus, multis laboribus & vigilijs corpore exhauſtus, mortalitati ceſſit, & jam immortalis animus cælo adſertus puriſſimæ ſeſe immiſcet luci; jam *Hauricis* noſtris & *Humphredis*, regibus ducibuſque *Bodleijs*, *Savijs*, *Sydleijs*, reliquiſq; huius Academiæ munificentiſſimis Benefactoribus, adiungitur *Camdenus*; jam cum ſuo *Chriſto*, cuius ſolius meritis & ſatiſfactione, ſpem omnem ſuæ ſalutis ſemper niſi profeſſus eſt, commercium habet, illumque diem quem nos hic qualicunque parentatione, ut vitæ mortalis novitiſſimum deploramus, hunc æternæ ſelicitatis natalem glorioſaque immortalitatis auſpicem ſibi fuiſſe, exultum triumphat.

Magnus commemorabam poſtred. Kal. Decemb. 1623.

Nuncius

Nuncius Chronogrammaticus, de obitu V. C. Guil. Camdeni Clarentii, ad Th. Cl. Reg. Prof. in Med. Aula Lat. P.

L *Atarum* Præses *Forium* dignissime, quali
 Me nuper arbitraris ægritudine
 Maçtum, dum propero *Camdenum* visere, (alumnum
 Vestræ inclytum *Aulæ* olim, meum clarissimum
 Seu Benefactorem appellem, charumve Patronum,)
 Dicturus illud *HAVE* ac *V A L E* forte ultimum ?
 Namque via in media occurrit mihi nuncius iste,
CaMDen Vs *hIstorlæ* patron Vs, *heV* ! fVlt.
 Obstupui primo attonitus, mox flebile carmen
 Erupit, atque his anxiis luxi modis.

CaMDen Vs fVlt? *heV* ! patron Vs ille
 Noster, *HIstorlæ*que *Lux Britannæ*
Camdenus fuit ? ô sinistra, scæva,
 O vox auribus execranda nostris !
 Mendax nuncius ut fuisset iste,
 Antiquum obtinuisse utque fama,
 Nostras nec male vulnerasset aures !
 Sed verax nimis est, nimisque vere
 Nostras (heu mala !) vulneravit aures.
 O Parca, (immerito vocata Parca
 Crudelis, fera, trux, scelestâ, Parca
 Ne-Parca es meritissimo vocanda,)
 Quanto cordolio me homuncionem
 Enecas miserum ? ilicet, liquefcit
 Pectus ; ilicet, intime liquefcit
 Imum pectoris, ingemitque acerbum.
 Verum sic decet ; atque sic liquefcit
 Imum pectoris, ingematque porro
 Imo pectore ab-ulque & ulque acerbum.
 Nec sat illud erit, fluat cerebrî
 Uberrim humida vis, rigetque ocellos
 Mœltarum assiduo imbre lacrymarum.
 Nec sic unus ero fatîs dolendo
 Tantis Manibus : ergo quotquot estis
 Vos qui literulas vetustiores,
 Priscasve *Historias* amatis, omnes
 Qui *Musas* colitis positiores,
 Artesque ingenuas docetis, omnes
 Vos mecum in lacrymas eatis, omnes
 Vos (inquam) hoc decus elegantioris

B b b b 2

Doctrinæ,

Doctrinæ, Historiæque lumen ingens,
 Lugeatis ademptum : (& eruditi
 Collegæ mihi plurimum colendi)
 Dux *Lapworthæ* chori pcrite nostri,
 Naturæ Sophiæque magne Mythes;
Bainbridgicæ cate, alliccos meatus
 Qui calles ad amussim cosque pandis;
 Et tu quæ sapis *Archimediæ* artcm
 Virtus *Brigsiæ*, vosque qui iuventæ
 Vel linguas Academicæ politis,
 Moresve, obsecro, adeste, adeste prompti
 Mecum plangere, naniisque mecum
 Funus exequitur mei Patroni.
 Huc tristes elegos, graves Iambos,
 Et modos quibus usæ sæpe Sappho est,
 Seu lugubre aliud genus modorum
 Nostiris, aut numeros severiores;
 Assatim huc cumulate, ferte dignas.
Camdeno, Historiæ meoque dignas
 Patrono inferias. Sed heu ! dolemus
 Incassum, querimurque, plangimusque.
 Lex olim rata, stat : mori necesse est
 Quicquid nascitur hoc sub orbe Lunæ.
 Terra hæc hospitium est, homo viator,
 Superne est patria, & beatus illuc
 Quisquis appulit ocyore cursu.
 Hac tu jam frueris beatitate
Clarenti venerande, definamus
 Ergo jam lacrymarum & ejulatus :
 Et dehinc tibi, quod novus colonus
 Cœli factus es, usque gratulemur.

*Aliud Chronosticon, diem indicans & annum
 quo obiit Camdenus, viz. IX. No-
 vember. ClO D CXXIII.*

433. Historiæ cCCe IVbar LVX & præCLara Britannæ
 172. CLarentIVs, Vita seneX
 1018. Nono NoVeMbrIs eXIIIt.

1623.

D. W. Histor. Prel.

CAMDENIANUS.

Oratio

ORATIO IN MEMORIAM
CLARISSIMI VIRI
GULIELMI CAMDENI,

Lecturæ Historicæ apud *Oxonienſes* Fundatoris;

Prolata per ZOUCHEUM TOWNLEY ex Æde Chriſti,
Oratorem publicum tunc temporis deputatum.



Ultimam ſolennitatis veſtræ panegyrim, redux occupavit
Carolus; cum rarum illud profundum deſcriptum, cum
ſalutem noſtrum omnium, erudita ſuſcepimus lætitia.
Inexpectato tamen ſatorum ordine, vix limen patriæ,
ſama reditus ſalutavit, quin *Camdenus* veſter expiratu-
rus eſt. Reſtitutam ſcilicet adventu Principis Britan-
niam ſentit, & ſœlicitatem publicam ſuo funere auſpi-
catur. Quo properas *Camdene*? ſiſte tam celerem
gradum; *Carolus* te jubet, ſiſte. Neſcis adhuc certòs Britannię limites;
Neſcis ſpem, victoriasque *Caroli*; ſiſte. Forſan trophæis numeroſior, quam
fuerat periculis, æquor revolveſcit, & peregrinas ſedes iterum, triumphans, ambit.
Forſan interminus vigor Europæ deſporet anguſtiam, & in ipſis Aſiæ ſinibus,
tuam, quam quærat ætas proxima, colloceſt Britanniam: Nunquam deerit,
ſalvo Principe, ampla ſœlicitatis materies, quæ ſcriptores provocet. Deerit-
que ſemper, te mortuo *Camdene*, qui ſcribat. Et utinam non deeſſet hodie,
Auditores, qui veſtrum vobis promeretur *Camdenum*; Rerum certe magnitudini
longe imparẽ verborum fidem, noſter agnoſcit metus, & trepidantis animæ
inſœlicior oratio; Erigit tamẽ labantem ſpiritum candor Academicus, me-
que pene invicium, & velleſſem *Camdeni* Genio pleniorẽ, vobis obtrudit. Non
eſt autem ea argumenti ſterilitas, ut longa parentum ſerie *Camdeni* nomen de-
ducerem: Quid derivatum poſcimus familiæ decus? Quid altiora ſicimma-
rum inſignia, illo tantum accipiendâ nomine, quia *Camdenus* contulit? Neque
hodierni inſtituti eſt, devia verborum levitate, *Camdeni* patriam vobis propo-
nere: *Camdenus* ſibi ipſe Patria eſt. Agnoſcit tellus Britannica mira induſtriæ
& gratitudinis pignora, agnoſcit auræ tenuis æternum ſœnus; & illum ſe ge-
nuiffiſſe gloriatur, per quem ipſa viveret. Quin video attentiores Auditorum
animos, & *Camdeni* à me acrius poſcentes; dum ipſe æqua viciffitudine vos à
Camdeno poſtulo. Elaboratam Britannię paginam ſagax peragravit calamus,
& intra libri limites conventum prævidit Academicum; illic prius unum-
quemque veſtrum inter legendum ſalutaviſſus. Hinc occurrit antiquioris
nominis

nominis nobilior sedes; illinc non admodum ignoti bene culta possessio: Hæ parte talis floret, & talis altera; Ita provido communioris operis artificio, vos & argumentum fecit & Judices. Chartam non inveniet consciam nepos profusior, dum hic pie historicus, tamam vendi non admittit: Augustiora devoret patrimonia rapacior senex, & oppressione sola cognitus, novo gloriæ privilegio, æternitati temporum possessor audiet, qui perdidit. Silebitur emptor inglorius, & hodiernus *Camdeno* hæres est, qui primus incoluit. Eodem etiam potentes ingenij radio, vobis pariter, totique mundo, vestram gloriam denudari voluit. Quid plus *Columbus* potuit? Imo quid plane potuit? Quid susceptum tot annorum exilium, dum perverso navigandi studio, nativam patriæ suæ amittit dulcedinem, ut sterilitate potiatur aliena? *Camdenus* terram ipsius incolis incognitam, domi suæ patefecit. Testor vestræ Angliæ terminos, vix prius vestros; Testor illud ignorantie patriæ *Ænigma*, solumque quod eisdem antea & peregrinos habuit, & suos. Iterumque testor tenebras immortales, & vos vobis hodie obscuros, nisi *Camdenus* illustrasset. Placuit limitibus Britannico diutius inhæsisse, sed dum devolvitur hujus Insulæ narratio, incidimus in descriptionem Wallingfordiæ, ubi Author, *Ædis Christi*, nutricis suæ, memor est. Patiatur corona Academica *Ædem Christi* sibi gratulari, nec ultimis annumerare laudibus *Camdenum*: Patiatur, si fieri possit, illo sine invidia frui, quem suum omnes desiderant. Nihil tamen honoris mutui diminuet plausus ille domesticus; literas hic haurit *Camdenus*, literasque reddidit; omnia soliditatis fundamenta illic accepit, illuc contulit. Ecce ut festinat diffundere quod imbiberat, neque hic se diutius immorari patitur activa virtus, & tunc semper prodiga. Excepit dotes imperio dignas dominatus scholasticus, & onerola crudiendæ juventutis cura; Excepit, inquam, non ignotus angulus, ubi secura delitesceret ignorantia, sed schola Westmonasteriensis, & *Camdenum* habuit Protodidascalum. Ita dextro sydere, vir in omnium bonum destinatus, benignitate non vulgari, thesauros animæ tunc impertit, utramque Academiam, literato nobilitavit germine, ut invita fortuna, scientiarum vel sic Fundator existeret;

— Hic pandere doctus

*Carmine Battiade, latebrasque Lycophronis atri,
Sophroneaque implicitum, tenuisque arcana Corinna.*

Quot illustres rerum Anglicarum Præfides, curiosa excoluit indulgentia? Quot intellectu, quot anima donavit? Mirantur omnes, eloquuntur omnes, & adhuc *Camdeni* numen sentiunt. Felix & in perpetuum duraturus labor, fundamenta jecit Ecclesiæ, fundamenta posuit Reipublicæ, & ex illo Grammaticali ordine, desumptum utraque proficitur lumen. Neque tamen pubes tantum apud suos tenerior, inhavit *Camdeni* studia, habuit alios ille inter Gentes exteras, avidiores sui, & prope dixeram, discipulos. Hæret *Opopœus*, *Thuanus*, *Lipsius*, à Scaligero dubitatur. Quid hiet? Ubi tandem cognitionis spes resideat, si *Scaliger* hæsitet, si *Lipsius* ignoret? Transmittuntur literæ, & humili sciendi confidentia, Europæ consulunt oraculum; Velata lugent Musarum capita; *Camdenus* velum detrahit. Oculosa stupent Artium mysteria; *Camdenus* aperit.

aperit. Dignus unice, qui cœlo à consiliis adoptetur, & sacer fiat scientiarum Arbitr.

— sic ad opœa Sibyllæ
Antra rogatura veniebant undique gentes.

O siliceret perfrui Musæi penetralibus & arcana diviniore anitæ miracula secure perferutari: Quam omnia uno conspicerentur intuitu, cum observasse contigerit, quantum laboris seculo priori addidit, quantum imposuit suo? Demitte me *Camdene*; tenuitatem nostram tot virtutum gravamen longe deprimis; Demitte, & humeros inefficaces desce. Frequens *Historiæ* Tux lectura fias, & vivo meritum encomio clariora turgant subfœllia. Neque post *Florum* & *Paterculum* nuda facultatis tuæ irrepit recordatio: Recensefete *Salustium*, *Livium*, *Tacitum*, iterumque *Tacitum*; aut si vobis placuerit, nova effingite fœlicioris Genij nomina, qualia *Camdenus* veller transcendisse dignatus est; Adeo præpotenti acumine, dum imitatur, supervolat, & expedita fruitur, in ipso conamine, victoria. Nec diu vacavit, quin perfectiorem hanc artis *Historiæ* fidem ipsa postularet scribendi religio; Postulbrunt, inquam, *Elizabethæ*, (quam nominasse pietatis est) *Annales*: Quos suscipit *Tux* *Camdenus*, perficitque stylo tam plene regio, tam undequaque & rei, & sibi consono, quasi *Virginalem* tantæ Majestatis splendorem, libro suo maritare statuisse; ut pari famæ consortio posteris semper audiant, *Elizabethæ* & *Camdenus*. Dum supererint, *Academici*, dicata Musis mœnia, dum stent immoti patriæ statufque termini, dum virtutum Artiumque velligia licuerit sperasse, *Eliza* recensebitur, & recensebit *Camdenus*. Ascende cœlos fœlix *Camdeni* anima, ad latus tui numinis *Elizabethæ* asside: illic aspicias nudata pectoris consilia, & innocentem conscientie candorem; Intuere propius *Reginam*, folio insidentem, & ecce quam similis *Tux* est. Confer, revise, quam vere eadem. Castam aspicias, & intactæ sanctitatis Idæam; talis *Tua* est: Cernis vera Majestate conspicuam, cæterisque fulgore cœlico prænitentem, talis *Tua* est. Vides, denique, prudentiæ, pietatis, gloriæ, compendiosam in una mixturam, & *Tua* certe *Talis* est. Decore plena, atque onusta *Gratijs*, *Tuo* præluxit opere, nec minor illic emicuit *Dea*. Fructu cœlorum sedibus,

Consilia Heroum juxta Manesque beator,

dum nos benignitatis memores, unum hoc memoriæ tuæ tributum solvimus, Albo inscriberis *Academico*, neque illic *Elizabetham* deseres. Et nunc gestit animus quotidiana repetere bonitatis exempla; *Savilium*, *Sidleium*, *Camdenum*. Subtilis *Mathæos* Pater, *Savilius*: Naturæ prope altera *Natura*, *Sidleius*: At quid tandem aut *Savilius* ille, aut alter *Sidleius*, nisi famam propagasset *Tessis* temporum, & vita æternitatis, *Historia*? Ita *Camdenus* unicus eodem munere, & perpetuitati suæ consuluit, & universæ. Sed quid vos ulterius morabimur? Benevolos *Pausanias* hic *Britannicus* non postulat; abunde est, si non invenerit inhumanos: Nihil *Camdeno* nostro addi petimus, satis superque in gloriam fuerit, si *Camdenum* sibi nos denegatis.

V I T A

V I T A

ANTONII WALÆI.



ANTONIUS WALÆUS originem debet Gandaverſi familiæ de Wale. Hæc jam ab anno milleſimo tercentefimo quadageſimo quinto Gandavi clara & potens fuit: plurimis inſignis Decanis, Quæſtoribus, Magiſtratus Electoribus: innumeris honorata Scabinis: non paucis illuſtris Conſulibus: Nobiliſſimisſque Brakeliorum, Meſtdachiorum, Hansbekiorum ſimilibusſque Familiis matrimonio connexa. Cujus publica edidit documenta Philip-
pus Spinæus Therovanæ Vicecomes, libro ſuo de Antiquitatibus & Nobilitate Flandriæ.

Noſtri autem Walæi Proavus Johannes fuit de Wale, qui fratres habuit Henricum, Guilicelmum, ac uxoris nomine Jacobum de Suttere. Hi muneribus ampli, autoritate potentes inclytam Gandenſium Rempublicam regebant. Sed orta inter Principem Philippum Bonum & Gandenſem plebem diſcordia, dum hi æquiores & Principis partes foverent, à plebe, ut Principis. ita dominantium pertæſa, Henricus & Jacobus in carcerem conjeſti, Guilicelmus in exilium actus eſt. Verum Johannes furori populari ſe ſubtraxit, ac Gerhardi-
montium conceſſit: ibique guſtata ſemel tranquillitatis & otii dulcedine, nunquam poſtea induci potuit ut in civitatem Gandenſem diſcordiis exulceratam reverteretur: fruſtra cum frequenter revocantibus Henrico & Jacobo, non ita multo poſt à Principe in integrum reſtitutis.

Johannes ſex liberos habuit, & filium natu maximum ejuſdem nominis. Qui ducta in uxorem Elizabetha de Glas, ſore Regentis Collegii Sottege-
menſis, Comiti Egmondano à Sacris, ſex filios duasque filias genuit.

Hic Johannes, noſtri Walæi avus, animadvertens illecebras otii rerum præcipuarum ſecum ignorantiam trahere, & familiæ oncratæ multa prole exitio eſſe, ad ſtudia viræque negotia denuo liberos traduxit. Johannem filium natu majorem Theologiæ addixit: qui poſtea Præpoſitus Fratrum Minio-
rum Brugis fuit, & Poemata quædam, ſub nomine Johannis Galli, in lucem dedit.

Secundus filius Adrianus, ſedulo Jurisprudentiæ operam navavit: quam ob cauſam Comiti Egmondano gratus, ad ejus conſilia adhibitus, & mox toti aulæ Gerhardi Lalnii, aurei Velleris Equitis, Gubernatoris Hannoniæ, præpoſitus eſt.

Tertius

Tertius filius fuit Jacobus, nostri Walæi pater : hic puer Latinam Græcamque linguam didicit ; sed quod se expedire è tricus Philosophiæ Scholasticæ, & ejus non posset tædia devorare, in aulam Læmoralii Comitis Egmondani, decimo nono ætatis anno, traductus est. Ubi facile manu promptus, ad labores impiger, animo hilaris, ingenio excitatus, præ reliquis etiam Nobilibus in gratiam Comitis admiffus, illi quoque secretiffima, & quæ tumultus Belgicos spectabant, commisit : Comiti addictus & fidus ad mortem usque ; testis fuit crudelitatis Hispanicæ, apud quam ne umbra quidem peccati ullis potest meritis expiari.

Hæc Egmondani mors, totum Jacobi Walæi vitæ institutum perturbavit. Qui enim statuerat militia inclarescere, præcipuo suo se promotore sensit orbaturum : imo se de propria vita securum non esse, qui Egmondani domesticus, & notitiam Albani incurerat & odium. Quare mox Gandavum concessit : quo in populosa civitate lateret magis, & urbis potentia, consanguineorumque præsidio, minus expositus externæ violentiæ foret. Hic cessante mox metu in Juvene viginti sex annorum, animum ad matrimonium adjecit ; electa in uxorem Margareta Wagenaers, virgine annorum viginti & duo : quam illi probabant forma elegans, mores probi, judicium acre, familia illustis & consanguineorum potentia.

Margaretæ enim abavus fuit Mauritius de Vleeschouwere, qui antiqua prospia nobilis, Equestri dignitate conspicuus, Tribunus militum, nomen famamque præclaris facinoribus extulit : quam ob causam Principi Philippo Bono percharus ; ejus in bello comes, prælio Schaldensi Anno Mccccxxv. dum Philippi vitam tutaretur, occubuit. Mauritius filium habuit Guilielmum, Guilielmus Laurentium, Laurentius Jodocum habuit & Josinam, elocatum Guilielmum Bogardo ; omnes civitatis Rectores : tertiam habuit Johannam, quæ Ægidio Wagenaers, Walæi avo, feliciter nupsit. Hic enim familia oriundus quæ lanarum mercatura spectata esset & opulenta, dum insuper dignitatem sibi quæreret, hanc Johannam in uxorem elegit : & ex ea duas filias suscepit, Margaretam & Johannam.

Cum Margarcia hac, Jacobus Walæus triginta tres annos tranquille & amice profusus vixit, licet natura genioque dissimiles. Jacobus natura erat hilaris, audax, præsentium curam habens, de futuro non sollicitus, ac de paupertate securus. Margareta prudens plane formina, circumspecta, in futurum provida : sed hujus sollicitudinem facile ferebat & temperabat illius facilitas ; & illius facilitatem hujus modestia.

Jacobus mox à matrimonio Reipublicæ administrationi adhibitus est, præfectusque Ætario Aloftano, sub Jodoco Vleeschouwere consobirino suo, Ætarii illius Tribuno : electus quoque in civium Gandensium Ducem, atque ad alias civitatis curas.

Margareta primo partu Ægidium enixa est, non ita diu vivalem. Et tertio matrimonii anno, hunc de quo agimus Antonium, III. die Octobris Anni MDLXXIII. in platea Brugenli. Eo ipso tempore, quo discessum pararet Ferdinandus Alvarez de Toledo, Albæ Dux, qui superbia & crudelitate, Belgarum in Hispanos Vatinianum odium provocavit.

Margareta puerum sedulo primis morum pietatisque rudimentis imbuat,
Cccc Jacobus

Jacobus pater genio libertatis: quare & voluit quoque puerum nondum sexennem, demoliendo Castello Gandavenſi eas quas poſſet manus admovere.

Oſtēſſis puer legēdi ſcribēdiq; mediocriter peritus, linguam Latinam addiſcēdo hūc conceditur Titi ab Edingē, Verbi Divini Miniſtri ad Fagum Sancti Nicolai in Waſia, viri Nobilis, eruditi, & qui Johannam Margarete ſororem duxerat in uxorem. Puer forma elegans & roſeus, ſuavis moribus ſanguine nexus, præ reliquis condiscipulis ſuis ibi gratus fuit, plura illi adhibita blandimenta, præbitæ delicia. Cumque aliquando Matertera placentulam illi præbuiſſet, ſupervenientibus fortuito aliis pueris, voluit eam cito ab illo devorari, & quo id perſiceretur citius, manu intruſionem placentulæ in os promovit; quam cum totam ſubito deglutire non poſſet, corpit ſe male habere, angere, deficere; & pane ſuffocatus eſt: ita amore ſimæ periſſet in herba, qui in arborem deſtinabatur, umbram aliis facturam.

Non ita, multo poſt Edingius ad Verbi Divini miniſterium evocatus eſt in Hollandiam, ad Fanum Sanctæ Hildegondis, prope Harlemum: quare Gandavum redire Antonius Walæus coactus eſt, quem maluiſſet Pater procul remotum à turbis & diſſidiis, placide & pie inſtitui & educari. Itaque quod unicum reliquum erat, traditus eſt in diſciplinam domeſticam Samuelis Lanſbergii Paſſoris Gandavenſis, ut jacta antea linguæ Latinæ fundamenta retineret & excoleret.

Conſtabat enim Belgium hiſce annis civilibus diſcordiis, dum potentie Hiſpanorum imparces, externum auxilium & Dominum quærunt, cui ſe & ſupremam potēſtatem tradant. Plerique in Matthiam Auriacum, mox & Alenzonium Ducem inclinatis: Hollandi & Zelandi Auriaco ſavebant. Gandavenſes & vicini Flandriæ populi averſabantur Matthiam, Pontifici addiſtum: odio proſequebantur Gallum Alenzonium: alienati ab Auriaco, quod eum Gubernatoris ſui Egmontii amulum meminerant, crederentque viciniæ Zelandiæ Gubernatori huic magis ſauturum, nec ſerebant eum connubio Gallis annexum. Maluiſſent Calimirum Palatinum, religionis conſortem; verum cum eum non obtinerent, diſtrahebatur Civitas in partes: & prout hæc illave numero & potentia accreſceret, ita regimen mutabatur.

Inter hæc Jacobus Walæus, quod in aula Egmontii didicerat, moderata conſilia ſequebatur: unice intentus ne diſſidium in tumultum & mutuam interneſionem erumperet. Verum cum animadverteret multitudinem in Hiſpanum tandem inclinare, ejus etiamdum exhorreſcens crudelitatem, in Auriacum coepit propendere, & cum conſanguineis ſuis Walæis, Vleefchouweris, Bogardis, Meeris hoc agere apud Magiſtratum, hoc apud civilis militiæ Præſectum, ut Civitas in clientelam Principis Auriaci traderetur; imo cum Rihovio hæc in re Auriaci conſilium petierat & auxilium. Cujus moliminis cum Embiſſo, jurato Auriaci hoſte, ſuſpicio ſuboriretur, apprehendi Jacobum Walæum juſſit, & in carcerem detrudi; una cum Nicolao Heinſio, celeberrimi viri Danielis Heinſii patre, & denis aliis, plerisque militiæ Præſectis: ubi per complures ſeptimanas tam arcte cuſtodiuntur, ut nec amicis, nec liberis, nec uxori, ad eos aditus daretur.

Quare Antonius à Lanſbergii ædibus ad paternas rediit, matri ſolatio futurus:

turus : quæ præter eum tum Josinam, Joannam, Walburgim filias habuit. Et obsequii promptitudine, morum gratia, puerilibus blanditiis, non parum dolorem matris imminuit & lenivit : usque dum ea pertæsa carceris, & gnara maritum nullius facinoris esse sibi conscium, cum reliquis captivorum uxori-
bus Embitium adiit, rogans & obtestans, ne illis, ne maritis iustitia denegetur, luerent si crimen commisissent, si innoxii ne carceris poena afficerentur. Ita ægritudo animum excitat, & perducit ad temeritatem.

Hoc matronarum planctu commotis amplius civibus, promittit Embitius se in sequentem diem jus dicturum : Petrum Dathenum in carcerem mittit, qui concionem de præparatione ad mortem coram captivis habet; singulos adit, consolatur, monet ne silentio, ne dissimulatione conscientiam suam peccato onerent, quæ cras nuda debeat in Dei conspectum venire, ita se immiscebat omnibus negotiis ille Theologus, ita erat Embitio addictus. Sed cum nec sic quidem eliceret quicquam, sequenti die pleno & solemnî judicio absolvuntur captivi, & restituntur in integrum.

Jacobus Walæus veritus ne fortuna, quem sæpe præteriret, inveniret tandem, mobilia quæcunque habuit pretiosa Delphos in Hollandiam ablegavit. Et belli artium gnarus, cum sciret civitatem externo auxilio destitutam, hostilibus civitatibus circumdatam, brevi arctius occludendam esse, familiæ suæ in futurum de victu aliisque necessariis prospexit : equo quem domi alebat vaccam substituit, & famulum suum Levinum vander Poorten pro strigilli tractare mulctram docuit. Ita secure & suaviter cum suis tempus obsidionis Gandavenfis transiegit : & honorate quoque, quod qui ex Egmontii familia prodierat, præ reliquis civium Ducibus militarium artium peritus haberetur ; & fidus, qui communem ob causam captivitatem esset perpeffus.

Tandem civitas obsidionis pertæsa, cum Principe Parmensi transiegit : inter alias iis conditionibus, ut civium sex Principi traderentur, de quibus pro voluntate sua decerneret, reliqui spoli loco ducenta Coronatorum millia persolverent. Jacobus Walæus veritus ne scenarium illum complere numerum deberet, aut ne à parte oppressa antea, nunc victrice ludibrio exponeretur, paucis ante deditionem diebus, quæsito prætextu extra urbem & in Walachriam concessit. Et certe eventus docuit, vanum eum metum non fuisse. Jodocus enim Vleschouwerus consobrinus ejus, cum quo omnia communicaverat egeratque, inter sex illos in carcerem detruditur.

Et Margareta Gandavi relicta, ut de bonis disponderet, ita à concivibus suis vexata, ita minis exterrita fuit, ut partem bonorum maluerit desistere. Quodque publico edicto prohiberetur, ne quis discessum moliretur, de nocte cum Antonio decenni, filiabus duabus, Josina enim obierat, & non paucis aliis civibus Philippinam usque pedes fugit, atque inde ad maritum in Walachriam trajecit.

Ea familiarum fortuna est, is fatalis orbis, modo crescunt, florent, occidunt. Sed quod huic quam maximum decrementum attulit, id ipsum novi exortus exitit causa.

Non enim Gandavenfes Walæum, paucosque cives vexavere, sed alios innumeros ; & Gandensium exemplum secutæ vicinæ civitates, jam à Reformatorum metu liberatæ : ut Pontificii in eos crudeles sunt, quos putant à

se defciviffe. Hi cum in Patria securam vitam non invenire, alibi eam quærere coacti fuerunt : plerique Zelandos adivere, qui humanitate, benignitate, hospitalitate vicinis nationibus præcellunt.

Sed ne malitiosi exulibus permiffi Zelandiam penetrarent, aut hostis ea occasione ufus, aliquid in Zelandiæ infulas moliretur, Zelandi naves armatas Philippinam mittere : & illis Jacobum Walæum voluerunt effe præfectum, cum fpeciali mandato ne quifquam è Flandria in Zelandiam nifi ejus confenfu transmitteretur ; transmitteret autem quingentas familias : fed affluente multitudine, monitis Zelandiæ Ordinibus, paucis repudiatis, aliquot millenas tranfmifit.

Interea Margareta & Antonius Delphos Batavorum petivere, reducturi bona quæ co miferant antea ; verum non fine cordolio invenerunt, non parvam eorum partem intervorfam effe, negante amico eam ad manus fuas perveniffe, cujus tamen non pauca indicia profabant : fed perferenda erant damna quæ vindicari non poterant. Quare Margareta convafatis iis quæ reliqua erant, & in tranfitu falutata forore prope Harlemum, Middelburgum cum Antonio rediit.

Ubi Jacobus Walæus ediderat jam fidelitatis promptitudinisque specimen, & favorem meruerat Zelandiæ Præfidis de Rijcke, qui eo Gandavi familiariter erat ufus : unde Annona, refque bellica publica per Zelandiam, Flandriæ Brabantiaque ora, ejus fidei, ejus difpenfationi conceditur. Ingens peregrino favor, nec parvus honor exhibitus, quo magis annitendum illi erat, ut hoc munus initio præferret pro dignitate, cum cura gereret, tueretur : quare noluit integrum famulis committere, fed Antonium, jam undecennem, magis quam pro ætate fedatum prudentemque, curarum voluit partem habere. Hic quæ pater mercatus erat, in publicum horreum Armamentariumque transferre, quæ lingulis civitatibus deftinaverat, ea comitari, deferre, dividere ; aliarumque penuriam ad patrem referre : ita nulli loco addictus, modo in mari, modo in hibernis militum, modo in aliis civitatibus biennium tranfegit.

Et jam fatis fibi in munere confirmatus Jacobus Walæus videbatur : veritas autem ne milites, verbis fæpe & moribus rudes, aliquid afperitatis Antonio affricarent, Middelburgi apud matrem eum manere voluit, & ad honeftum aliquod vitæ munus præparari. Accifis autem exilio rebus, mox & aucta familia gemina prole mafcula, quem dudum animo nondum aufi funt reipsa ftudiis dicare, rerum viciffitudinem aliquoties experti : quare ut in omnem eventum, ad quævis vitæ munia obeunda aptior evaderet, traditur formandus Jodoco Larenò, multæ experientiæ, magni judicii, fpectatæ probitatis Notario publico : apud quem exercitatione continua fcitiffime fcribere didicit, ut pauci omnino illi pares haberentur. Res quæ offerrentur animo concipere ordine, verbis efferre, litteris confignare & in inftrumentum publicum redigere : idque tanta promptitudine dexteritateque præftitit, ut certatim à magnis Mercatoribus, præferunt à Gualthero Bufio, lucri oblata portione, ambiretur, quo in eorum familiam concederet. Sed Antonius de futuro vitæ genere dubius, integrum triennium apud Larenum permanfit. Nifi quod ubi hoftis immineret, & certo fubitoque civitatibus propiciendum effet, patri deberet in auxilium venire. Ita illi præfto fuit Tholæ, Bergis ad Zomam, quibus Dux Parmenfis

anno

anno MD LXXXVII. minabatur: præto fuit in Walachria anno sequenti, cum Parmensis instructa Dunquerkæ classe, collectis triginta millibus militum, in vicinas oras invasionem pararet: quam cum ignorarent Zelandi Angliæ destinatum, prope Fanum beatæ Virginis Walachriæ angulum muniverunt, ubi ingens classis potuisset appellere; & collecto levi exercitu, eum statuerant tutari.

Hic Antonius, stramine cum patre de nocte in tentorio incubans, sacro quodam instinctu se ad Ministerium Ecclesiæ Dei vocari percepit. Illius autem instinctus tanta vis fuit atque efficacia, ut nulla dies, nullæ occupationes ejus unquam potuerint memoriam delere. Quod eo magis mirandum est, quod alienus à servili Dei metu, à superstitione semper exitit; & inspirationibus illis di vinis, quas sæpe prædicant alii, minimum tribuit. Adeo ut aliquando quiescendum sibi non arbitraretur, priusquam quendam Collegarum suorum, illis plus satis addictum, in contrariam opinionem delectaret. Sed qui plerumque aut nefarie efficti, aut vane imaginati inveniuntur, possunt aliquando veri existere.

Ita commotus Antonius statuit omnem operam suam studiis dicare; & impetrata parentum venia, Middelburgensem Trivalem scholam adiit. Hujus regimini præerat Jacobus Gruterus, vir sedulus, & in Græca Latinaque litteratura ita versatus, ut eo tempore nulli Belgarum cedere crederetur. Qui coadjutorem tantum unicum habuit Johannem Murdisonium, Philosophum acutum & solidum, non ita multo post Philosophiæ in Academia Leydensi Professore: ut ea schola perpetuo egregiis exornata præfectis fuit, quæ & postea Jacobum Meivartium, Academiæ Groninganz, Justum Lyzrum, Ultrajectinæ. & qui merebatur primo nominari, Adrianum Heereboord, Leydensi Professores dedit.

Cohabitabat Grutero Murdisonus, quare ut ejus genii penitiorum notitiam haberent, iisque familiariter uteretur, Gruteri mensæ Antonius adhibitus est. Ne tamen quorundam puerorum indecoris moribus, aliquid ei de morum suavitate decederet, parentes eum domi coenare voluerunt: ut si quid vitii contraxisset, id animadvertere possent & emendare.

His præceptoribus sexennio usus est, & ab iis Latinam Linguam eo usque didicit, ut jam elegans pingeret Latinum carmen; Orationes publice haberet disertas adeo, ut sui discipulique honori interesse Gruterus crederet, ea in publicum edi, divulgari. Nec minus in Græca lingua profecit, ac tum, eos omnes Græcos versus composuit, qui etiamnum inter ejus Poemata leguntur. In Philosophia solida fundamenta jecit, ut Gruterus & Murdisonus cum eo publicas Disputationes instituerint; de Syllogismo, de Ordine librorum Ethicorum Aristotel. de Mundo, aliisque in Philosophia controversiis: quod ante & post illud tempus, in schola Middelburgenfi nunquam fuit institutum.

Credidit autem semper Wakeus id præcipue ad suum profectum fecisse, quod edoceret tantum à Grutero & Murdisono; nec mutare præceptores aut transire classes cogere: ita enim facilius concipi quæ à consuetis traduntur, ita melius proponi in quibus sciunt discipulos dehere. Sed & juvit amor quo cum præceptores prosequerentur: qui tantus erat, ut postea Gruterus, præteritis omnibus consanguineis suis, cum liberorum suorum constitutus

rit

rit tutorem. Juvit diligentia, ne de ingenio dicam: ut quam relaxationem animi alii ludis quærent, ille varietate studiorum assequeretur. Ubi tamen liberet de studiis cogitationes penitus feriatis diebus exuere, res obumbrare, & penicillo exprimere didicit, mediocri profectu.

His studiis in butum Walæum monuerunt præceptores, jam tempus esse Academiam accedere: ibi melius quam in Schola Triviali ulterius informandum. Placuit autem præ cæteris Batava: quod & Middelburgo: vicinior foret, & pluribus in quavis facultate Professoribus, ac celebrioribus quam Fræquerana ornaretur.

Quare in Aprili Anni millesimi quingentesimi nonagesimi sexti Lugdunum adiit, cum cum matre deducente Johanne Ytsenbachio, Ecclesiæ Middelburgensi: ac hospitium apud Thomam Spranckhusium, Ecclesiæ Leydenis Ministrum, elegit; una cum Gersone Pannelio & Enocho Sterthemio, commilitonibus. Quibus omnibus, ut & liberis suis Theologiæ studiosis, Spranckhusius placidis moribus, ut & liberis suis Theologiæ studiosis, Spranckhusius placidis moribus, vera pietate prævit.

Ingressus Academiam Walæus, animadvertit statim maximum sibi ad promovenda studia adjumentum Latinam Græcamque linguam, & Philosophiæ fundamenta conferre; earum enim cognitionem difficillime acquiri posse, ubi constringi juvenus non solet ut quædam memoriæ mander, quædam repetat: & rarissime ad ea se Professores dimittere, qui promovere studia etiam doctiorum Auditorum cogantur. Quare primum annum, quo alii circumspicere tantum solent, quæ studia aggredi debeant & quomodo, seriis doctrinæ curis potuit impendere.

Hac autem ratione studia instituit: primum linguarum cognitionem perfecit: inde Philosophiæ: quibus absolutis Theologiam demum aggressus est. Verba enim debent prius quam res addisci. Ubi rerum cognitionem acquirimus, parvi solemus verba æstimare. Ubi cogitationes nostras rebus gravioribus impendimus, eas non possumus ad exiguas dimittere.

Ad penitiorem Græcæ linguæ cognitionem acquirendam præcipue lectioni se Poetarum dedit, qui fingendi libertate & necessitate metri coacti, omne linguæ genus melius expriment. Præ cæteris illi placuit Homeras, quod omni Dialecto loquatur, gratissime ejus profuait oratio, & lectorem suum faciat prudentiorem. Quo tamen in illam linguam penetraret magis, de singulis Josephum Scaligerum consuluit, maximi animi, stupendæ eruditionis virum: cui Walæus carus exstitit, & ejus fuit ingenio delectatus.

A Græca ad Hebræam linguam transivit, manucente cum Francisco Raphelengio, viro humanissimo; cujus ductu prima linguæ rudimenta & Grammatica Martini hausit: sed eo mox demortuo, ei Professioni Franciscus Junius ad tempus vacavit: sub quo tantum in Hebraicis profecit, ut Veteris Testamenti libros sine interprete posset intelligere. Rabbinos non adiit, quod existimaret eos qui nimium studii, nimium operæ linguis impendant, raro solere severiores disciplinas capere solide, & in eas profunde penetrare. Animus humanus omnia non tenet: & verbis, rebus minutis, assuetus delectari, in superioribus disciplinis, minutis & superficiali notitia sibi potest satisfacere.

Linguæ superbæ sunt, solæ coli volunt, nec aliarum scientiarum servitio discens animus patiuntur occupari: tantum in memoria consistunt, nec ullam

ullam cum rebus similitudinem habent, qua eam in sui notitiam deducant, aut initiata cognitio possit promoveri. Quam ob causam Noster dum Græcam Hebræamque linguam didicit, nequaquam aliis studiis animum fatigavit; nisi quod relaxandi animi gratia, ad veteres autores Latinos, Historicos, Poetas, Oratores non raro divertit.

His instructus ad Philosophiam accessit, cujus studio in Academia Batava parum erat hoc tempore prospectum. Petrus Molinaeus, vir postea celeberrimus Philosophus recens trat. Jacobus Trutius, prorsus impeditus. Solus Rodolphus Snellius in Mathesi eminebat: hujus itaque disciplinæ se dedit, & ab eo Geometriam, Astronomiam, Opticam edoctus est: non parvo ad reliqua studia promovenda emolumento. Mirum enim in modum Mathematica disciplinæ ingenium acunt, dum continuo in indagazione quæsitæ occupantur: & assuescunt cogitationes in una re ligi, quod ubi à Propositionis indagazione demonstrationeve mens aberrat, totum frustra sit, elabatur, & de novo sit inchoandum.

In Logicis Keckermanno assuevit, cui Zabarellam, Monlorium, aliosque adjunxit: in Physicis Toletio, Zabarellæ, Piccolhominæo: maxime delectatus est in Ethicis Acciaio; legit tamen quoque Piccolhominæum, Magirum, Muræum. Zuarcii Metaphysicam maxima parte pervolvit, Thomam quoque & Scotum. A quibus ad ipsos fontes Platonem & Aristotelem transiit: quos sua lingua legit, hoc est integros; quum qui ex interpretibus sapiunt, vix dimidium afficiantur. His enarratores adjunxit Plotinum, Ficinum, Simpliciū, Aphrodisæum, Averrhoem. Judicavitque Peripateticos hodie Aphrodisæi aut Averrhois Philosophiam potius, quam Aristotelis sectari.

Potuit autem sine manu ductore pergere, quod singularum partium Philosophiæ solida à Murdisono hausisset fundamenta. Sedulaque auctorum lectione creditus est tantum in Philosophia profecisse, ut inter commilitones suos emineret: frequenterque opponendo ea Disputationum Præsidibus objiceret, è quibus se decore satis nequirent extricare. Erat enim in inveniendis subtilis, in excogitando promptus, in explicando planus, in urgendo acris: quæ quo magis cum respectu proponebat, eo à majori judicio proficisci videbantur.

Philosophiam præcipue voluit ad Theologiam dirigere: & quo id meliori judicio heret, perpetuo magni Theologi consilio arbitratus est se indigere. Quare cum bona Spranckhuylî venia hospitium mutavit, & ad Francisci Gomari mensam accubuit; cubiculum in proxima domo conduxit, in Gomari ædes migraturus, ubi contingeret aliquod vacare: quod post aliquot demum menses evenit.

Ornabant hoc tempore facultatem Theologicam, Franciscus Junius, Theologus profundæ eruditionis, gravis, & judicii plenus: Lucas Trelocatius pater, solidus & excitatus: Franciscus Gomarus, vir multijugæ eruditionis, ferventi zelo & vehementi. Animavit autem Walæus præ cæteris Junium, & ad illius se exemplar conatus est conformare.

Sed Gomari consilio usus, Theologiæ studium non est à lectione Locorum Communium auspicatus: ne ullius opinione imbutus, ne ullo præjudicio ab ipsa veritate abduceretur. Verum initio perfectis aliquoties Ecclesiæ

Rev.

Reformatarum Concordiæ formulis, Catechæi Heydelbergenſi, & Confefſione Belgica, totum ſe lectioni Sacræ Scripturæ dedit. Eam legit attente, legiſſe aſſidue; imo & præcipuæ Doctrinæ capita memoriæ mandavit. Adeo ut etiam fenex Epiſtolam ad Romanos, ſecundam ad Corinthios, ad Galatas, Ephēſios, Philippenſes memoriæ poſſet recitare. Legit autem lingua vernacula, quo in concionibus poſtea habendis, Scripturæ verba promptius memoriæ obverſarentur.

Cum autem ſola Scripturæ Sacræ lectione, totum Doctrinæ corpus difficulter animo comprehenderet, jam Scripturæ inquilinus, tandem ad Inſtitutiones Theologicas Bucani acceſſit: quo Theologiam integram è compendio, uno quaſi obtutu poſſet intueri. Compendio autem diu immoratus non eſt, quod delineationis picturæ ſimile, lineas tantum quaſdam & doctrinæ circumductus contineat, nativum autem Diſciplinæ colorem, umbras, ſplendorem nequeat exprimere. Verum ſtatim ſeſe Inſtitutionibus Calvinæ & Petri Martyris Locis Communibus dedit. Non ſuppeteſbat hoc tempore Eccleſiis Reformatis ea Locorum Communium copia, ut anxie diſpiciendum eſſet quinam reliquis deberent præferri. Perplacuit tamen Martyr, quod totam Doctrinam pertractaret plane, deduceret uſe ſtatim controverſiæ, & cum ſolide decideret. Putavit tamen adjungendum Calvinum, quod cum Reformati ut Ducem & merito ſequerentur; quod præteritis levioribus, ea ſectaretur quæ uſum haberent: eaque proferret cum gratia & majeltate, in quibus viſ & robur ſententiæ Reformatorum conſiſteret. Qualibus authoribus non ſatis aſſueſcere Juvenes poſſunt, qui rerum pondus nondum ex æquo norunt æſtimare.

Dum his occupatur Walzæus, Lucas Treſcatiùs & poſtea Franciſcus Gomarùs, Locos Communes privatim explicare aggreſſi ſunt; quos audire inſtituit, quia privatim omnia familiarius & brevius, quam publice ſolent pertractari. Præcipue tamen Lectionibus publicis vacavit. Qui authorum lectione, privato ſtudio, Theologiam aſſequi conantur, eos videmus in alienas, in ridiculas, imo pernicioſas opiniones incidere; dum doctrinæ connexum non ſatis animo aſſequentur. Publicis autem magis quam privatim vacavit, quod illæ accuratiores doctioresque ſint, & majori gratia auditorum animis inſiſtentur. Vacavit autem omnibus, quia nullo labore, nulla animi fatigatione aliquid auribus admittitur, quod non raro in animo radices agit. Sed quo ordine Lectiones Junius, eo præcipue ſtudia inſtituit, quo ſolido fructu audiret eas: ſiquè aliquid poſt Lectionem etiamnum ſuperreſcit ſcrupuli, id privato colloquio eximè batur.

In Locis Communibus cum plurimum profeciſſet, Commentaria in Sacram Scripturam adiit: & primum Piſcatoris Analyſin, quo totum ſcripti contextum animo complecteretur; ſed Scripturæ ſenſum è Calvino hauſit, quem divinum ſolebat Interpretem appellare. Cui in Novo Teſtamento junxit Beza, in Veteri Mercerus, Ariam Montanum: quo regiminis rituumque Judaicorum notiſſimam adipiſceretur: qua qui inſtructus non eſt, intruendo Scripturæ ſenſu fruſtra ſolet animum fatigare.

Plurimum tamen propriæ diligentię tribuit. Qui eundem authorem frequenter legit, optime ejus genium, orationis decurſum, connecſtendi, probandi, concludendique rationem animo aſſequitur. Singulis Deus Opt. Max. ingenium

nium aliud, diversum judicium dedit, quod non melius quam ex cujusque stilo expisceres, quæ eorum quasi expressa quadam est imago.

Ubi jam Walæus legisset audivissetque diu, ad actionem se corpit præparare; & opponendo publice ea quæ conceperat exprimere. Disputavit quoque ter publice; de Vera Theologia, de Myſterio Trinitatis, de Christi Mediatoris Officio: quibus Disputationibus non exiguam sui admirationem excitavit. In Philosophia enim versatissimus, apposite ad terminos respondit: & cum Sacram Scripturam haberet in promptu, responſionem suam loco Sacre Scripturæ, auditu suave, semper obſignavit.

Conciones quoque privatas habuit, dirigente eas Luca Trelcatio, concionatore facundo: & primam publice Voorſchotæ, magno auditorum confluxu, qui nihil mediocre ab eruditione ejus expectabant.

Jam Walæus aptissimus à præceptoribus judicabatur, qui Divino Ministerio operam impenderet; sed qui aliis abunde, nondum sibi potuit satisfacere. Quare antequam doceret alios, Ecclesiam regeret, putavit quoque alibi consulendos doctos, perluſtrandas Academiæ, regimen aliarum sibi Ecclesiarum inspicendum: præsertim Genevæ & in Helvetia, unde Reformatio processerat, & Ecclesiæ decore magis regi credebantur.

Itaque oblato itineris comite Apollonio Schotte Jurisconsulto, Consulis Middelburgensis filio, postea Supremæ Curiæ Hollandiæ & Zelandiæ Senatore, vigesimo tertio Maii, Annick 1616. Flissinga solvit, navi prætoria, qua contra prædones à parente illi prospiciebatur. Ac xxv ad Sequanæ ostium bene appulit: indeque perluſtrato Rhotomago, vicinisque urbiculis, xxix Lutetiam Parisiorum ingressus est. In hoc Galliæ, imo orbis, quodammodo compendio, Walæus subsistit. Nullæ nationes sunt quæ hic non conſuunt: nullum vitæ genus quod non exercetur: nullibi virtutum vitiorumque materia uberius exurgit: nullibi omnes eruditionis partes plenius traduntur. Inquisivit hic Walæus in Galliæ regimen: & miratus est Regem supremam potestatem adeo pro libitu exercere, & tamen populum incredibili cum amore prosequi. Perspexit multorum hominum mores, & agnovit maximum ad virtutem incitamentum esse, vitiorum sordiditatem nudam contueri. Sed præsertim ad Philosophiam & Theologiam attendit: ea quæ apud Pontificios vigeat summe difficult, quod mere Scholastica esset; nec Sacre Scripturæ, nec sanæ rationi, nec sensui subnixæ: ast animi tantum quibusdam conceptibus, aut argutis distinctionibus, quo doctrinæ monstra quadam stabilirentur. Reformatos nec Theologiam hic, nec Philosophiam profiteri: & in habendis concionibus, in regenda Ecclesia plena libertate non frui: adeo ut actiones, imo verba publice habita, quæ ambiguitatem aliquam queunt admittere, in deteriorem partem & penam trahantur.

Quare hic sibi nimium commorandum non esse arbitrabatur, & per Auriacenses, Bituriges, Lugdunenses, Araudionenses, Viennenses, in Maris Mediterranei oras concedendum: in quibus & liberiores Reformati, & magis vigere credebantur. Ubi Viennæ venit, animadvertit pecuniam peregrinationis nervum deficiaturam, quæ in demum Genevæ novam procuraverat sibi numerandam. Qui nunquam propria vixerunt, credere non possunt se in vitæ necessaria aut commoda tantum expensuros.

Dddd

Dum

Dum Viennæ hæret, & vicinarum Ecclesiarum Pastores invisit, animadvertit se amplius in illis oris: Junii laudibus, quam credebat, innotuisse. Invi-
tabant enim cum vicinæ Ecclesiæ, amplis conditionibus, ut privatim docere
Philosophiam, docere Theologiam aggrediretur, oblato ad laboris decrémentum
coadjutore. Sed qui necessitatem talis Scholæ percipere non poterat,
cum non nimis remotæ essent Genevensis, Lausannensis, quique non despera-
bat similem studiorum fructum in Patria carpere; recusavit talem provinciam
inter peregrinos suscipere, ubi facile exponi aliorum invidia posset, nec con-
sanguineorum tutela protegi. Verum ab Appollonio Schotte Gratianopoli-
lim usque deductus, inde mense Augusto Genevam accessit.

Genevæ hospitium quaesivit, ubi quam maxime studia posset promovere:
& id apud Carolum Perrottum elegit, Verbi Divini Ministrum, ac Sacræ
Theologiæ Professore.

Prima Genevæ cura fuit linguam Gallicam bene addiscere, quam sedula
lectione Gallicorum Scriptorum, & frequenti conversatione cum civibus ac-
quisivit: satis enim accurate honorati hic cives Gallicam linguam loquuntur.
Et in ea tantum profecit, ut non raro Gallicas habuerit conciones.

In Theologia Professores erant Theodorus Beza, Antonius Fayus, Carolus
Perrottus. Beza octuagesimum supergressus annum, lectionibus publicis
abstinebat. Fayus elegantis erat eruditionis, sed explicator parum pressus,
disputator parum acris. Perrottus vir plane doctus, minus in fronte, plus in
recessu habebat. Et singuli horum unica septimana vix semel prælegebant.
Quare audiendis se concionibus sedulum præstitit, quæ nullibi frequentiores
quam Genevæ habentur. In iis autem maxime admiratus est Bezam, in quo,
jam octuagenario, eminebat adhuc vigor ille animi, eruditio illa profunda,
judicium illud acre, eloquentia illa mascula, ad quam totus orbis merito ob-
stupuit. Plurimum autem profecit in ea quam diebus Vénicris habent Con-
gregatione, in qua Ministrorum aliquis, locum Sacræ Scripturæ familiaris
explicat, quam reliqui qui adsunt Ministri vel limitant, vel extendunt, vel
emendant: nisi quod ubi ad Bezam explicandi pervenisset ordo, reliqui inter-
pretationem ejus silentio venerantur. Profecit quoque plurimum Beza
colloquiis, qui omnia ad sui notitiam, ad Dei venerationem dirigebat: unde
frequenter illi in ore erat illud Gregorii, ut dicere solebat, *non nique cæcueritis.*
Aegrotus est eo insanabilior, qui sibi sanus videtur.

Occupabatur hoc tempore Beza in Novi Testamenti editione ultima, quam
maluisset Walæus non ita e consilio & ad mentem Piscatoris institui. Inci-
piat enim in Beza languere ingenii perspicacia; nec eminebat in Piscatore,
sublime illud ingenium, maturum illud judicium, quod florente ætate in Beza
eluxit, & hic requirebatur.

Conversatio cum Perrotto quo diuturnior & familiarior, eo gratior extitit:
nec præsentia famam imminuit, aut familiaritas attulit contemptum. Non
enim videri pius, non videri doctus, sed esse conabatur. Famam ut inanem
non neglegebat tantum, sed ut gravem aspernabatur. Literarum cum viris
eruditis commercia fugiebat, putabatque magis ad ostentationem quam ad
usum institui. Semper dictitans; *Paucis in Dativo & Ablativo scribendum*
esse. Propterea hoc agebat, ut sibi tantum & suæ gregi suaviter viveret. Et

fane.

fane ea conversatione aliquid Walæo affricuit, quod tota vita ad-
hæsit.

Regimen Ecclesiæ Genevensis illi perplacuit: ubi nec sponsæ nec viduæ
domo includerentur, sed de more quotidie publicas adire preces, publicas adire
conciones deberent; nullibi vel monenda rectius, vel suavius consolanda.
Ubi quoque non punirentur tantum vitia, quod serum nimis esse solet; sed
etiam vitiis occasiones, luxus & protervia, præscinderentur. Non puta-
vit tamen ea austeritate facile alibi procedendum: plebem enim hic non tan-
tum ad vitia, sed ad scelera pronam. Frequentiam quoque concionum ardo-
rem aliquem extinguere, quod evilesceret consuetudine, & differrentur facile
quæ semper possent haberi.

Dum in hæc inquirat, & ea expendit, non negligit reliqua, quæ illi sponte
offerrentur.

Degebat hoc tempore Genevæ Theologus, qui Hebrææ linguæ peritia reli-
quis eminebat. Hic persuasit Walæo se eam notitiam arte memorie brevi
temporis spatio acquisivisse: quare ei se dedit, & sex septimanis, Sanctis Pa-
gini Epitomen integram memorie mandavit: eo initio successu, ut omnes
Scripturæ locos bene interpretari posset, & interpretationis suæ commodam
rationem dare. Verum cum Hebraica illa vocabula non potuisset nisi per
imagines retinere, imagines autem essent aut frequentia, aut elegantia, aut ab-
surditate illustres; evenit ut quidquid ageret cogitaretque, semper ille ima-
gines animo obversarentur: & sibi visus est instar melancholici delirare. Qui
autem sedatas cogitationes, stabile iudicium majus quid omni cruditione æsti-
mabat; quiete, divitiis, omni conatu quindenis diebus hoc egit, ut ite-
rum imagines illæ memoria deleterentur: & eas tantum reservavit, quæ vel vo-
cabula quedam abstrusiora, vel majoris usus exhiberent.

Obicrat Henricus Stephanus Typographorum eruditissimus, qui communi
Typographorum fato majora viribus erat aggressus, Unde cum vendere im-
pressa, & precipue Thesaurum linguæ Græcæ, non satis cito posset, non potue-
runt ejus Hæredes creditoribus satisfacere; publice itaque exili pretio divendi-
ti sunt: è quibus integram Bibliothecam Græcorum authorum Walæus coe-
mit. Quibus, dum à severioribus studiis vacare vellet, animam laxavit.

Imminet Genevæ Jura, & Jura cornu mons, qui bicornis altissimas nubes
transcendit. Hunc ascendere, & videre quid in aliâ aeris regione agatur,
Walæum ardor cepit. Itaque cum Carolo Perrotto, cum urbis Secretario,
tertioque amico, mense Mayo longissimis diebus ad pedem montis permorastavit.
Unde primo diluculo, mapud centibus duobus pastoribus, montem ascendere
aggressi, circa meridiem mediam aeris regionem intravere: in qua omnia fri-
gore sæva, & mons ciliis glacialibus asper deprehendebatur; nisi ubi me-
ridiei obversus ascensus semita patebat. Hac pomeridianis horis in cacumen
montis eluctati, ibidem aliquot horis quievire. Cacumen erat viginti iuge-
rum, & tamen altitudo insulentes terrebat, ut non auderent declivorem ter-
ram nisi jacentes intueri: pagi vicini non majores muris magnitudine con-
spiciebantur, montes tumulorum. Nulle in cacumine nives, nulla glaciés, ac
frigidissimus, majori tamen tenuitate puritateque, quam ullis ætatis diebus
potest deprehendi. Hi Mulicæ omnes periti concentum hic instituebant, qui

ea lenitate suavitatemque aures percellerat, quam nullus unquam in terris è longinquo potuit assequi.

Interea dum hinc Galliam inde Italiam intuentur, viderunt è lacu Lemano vapores exurgere, moveri, sisti à Jura monte, circa eum colligi, & infra se cumulari in nubem; ea tandem spissitudine, ut omnem prospectum in terram præcluderet. Cum tamen nox appropinquaret, descendere aggressi sunt, nubem intrare, morari in ea, ac in ea manus lavare: non alia autem nubes erat facies, quam spississimæ nebulae, qualis non raro terram obtegit. Hanc simulac transgressi sunt, nubes se in pluviam dissolvit: à qua permadentes, in vicinis pastorum tuguriis pernoctare, & insequenti nocte ad montis pedem: multo enim facilius genibus ascensus, quam descensus existit.

Evenit iisdem propemodum diebus, ut cum Adriano Mammakero, Zelandiæ postea Præfide, in lacu Lemano iverit natatum. Natans autem animadvertit, quendam satis remotum, ignotum sibi, seorsim natare, submergi & suffocationis incurrere periculum. Ut autem erat tenebrarum affectus & ad opitulandum pronus, statim natando affluxit, hominem ex undis, ex orci faucibus eripuit ac in terram saluum detulit: quem, ubi ad se rediisset, intellexit factorem Belgam esse, qui reverentia impeditus propius accedere non ausus; ex sono tamen vocum Belgicarum contreraneos agnoscens, in vicina voluit morari. Charitas enim patriæ apud exteros demum clucescit, ut omnes contreranei, quasi consanguinei habeantur.

Viderat jam Walæus, audierat, didiceratque ea quæ Theologiæ studio moram injicere Genævæ possunt. Et etiam si nulla satietas suboriretur urbis, abundantis annonæ, lacubus fluminibusque irriguæ, hortis amœnæ, conversatione civium suavissimæ; voluit tamen, ad majorem ingenii cultum, locum mutare.

Kalendis itaque Junii Seculidecimisexti, à non paucis Belgarum Laufannam usqueeductus. Cum ibi nihil inveniret, quod morari Theologiæ candidatum posset, Bernam festinavit: ubi fortuitus cum per duos menses sitit casus.

Equus meritorius Laufannam Berna venerat, quo Laufanna Bernam vehabatur; Bernæ autem demum animadversum fuit, illi sub sella costas diffraetas esse: quare equarius pretium sibi equi à Walæo solvi voluit, etiam si non levia judicia extarent, jam ante id equo obvenisse. Cum autem ad æquas conditiones adigi equarius non posset, cogebatur Walæus lites sequi.

Dum ea lis pendet, in reliquam Helvetiam excurrit; ad Tigurinos, Schaphusianos. Schaphusii Cataractas Rheni vidit, Nili æmulas: & observavit, falsum esse quod Veteres asserunt, accolæ sonum ruentis aquæ non exaudire; quanvis non ita, ut inasueti, perturbentur. Imo & circa Catadubas, quod Veteres negant, non paucos commode habitare. Ita non raro aliquid falsi de manu in manum inexpertis traditur, quod tandem locum veri tenet.

Magistratus Tigurinus, à Pastoribus eruditionem Walæi prædicari audit: & quæ gentis illius in exteros, in eruditos est humanitas, magnifice eum publico convivio excepit.

Bernæ maximam familiaritatem cum Zeenderero contraxit, Collegii ibidem primo Præfecto; qui insignis promotionis illi spem fecit, si Bernæ vellet sedem

sedem collocare. Sed à Magistratu decisa lite, & equario quinque Coronatis assignatis, Basilicam contendit.

Basilæa Urbium Helvetiæ amplissima est, ædificiis superba, quibus picturatis passim vestibulis multum accedit deceris. In hac Æneas Sylvius, postea Pontifex Romanus, tempore Concilii Basileensis, commoratus est, & delectatus amœnitate loci, aeris salubritate, ubertate annonæ: quod nulla in vicinia Universitas foret, dignam judicavit quæ ea condecoraretur.

In hac Academia jam Theologiæ Professores erant Jacobus Grynæus, & Amandus Polanus à Polansdorf. Grynæus vir erat catus, prudens, eruditionis solidæ; sed regimini civitatis vehementer intentus, adeo ut ad ejus nutum regi Basileæ crederetur. Quales eminere eruditione non solent, qui præcipuum tempus ambitu, serias magis cogitationes, stabilientiæ authoritati impendunt. Prælegebat universalem Historiam, quam ad sua usque tempora deduxerat: quare plures auditores habuit, qui intelligerent quid novi in orbe evenisset, quam qui aliquid solidi conarentur addiscere.

Pulanus vir doctus, multæ & assiduæ lectionis: qui non satis polleere iudicio solent, nec profundissime in Disciplinarum intima penetrare: multa delibant, parum nutriti cibi in succum & sanguinem convertunt. Tradebat auditoribus, Locum de Prædestinatione: quæ materia, si ulla, ingenium acre, iudicium solidum exposcit.

Quare maxime Johanni Buxtorfio, Literarum Hebraicarum Professori, se dedit. Buxtorhus erat docendo aptus, genii ipsius linguæ antiquitatumque Judaicarum peritissimus: unde in ea lingua haud æque celebre nomen inter Reformatos invenias. Explicabat Rabbiorum commentaria in duodecim Prophetas minores: quibus successivis tantum horis Walæus vacavit; quod Rabbiorum minera plus operæ requireret, minus auri largiretur.

Animadvertens Walæus se sua spe sæpe frustrari, & pleraque expectatione minora invenire: comparatis quoque inter se Leydensibus, Genevensibus, Lausannensibus, Bernensibus, Basiliensibus Professoribus, cum judicaret aliquos, non obtinere nullum nomen, quibus diffusa eruditio aut profunda non esset: in animum induxit ipsi: quæque aliquid publice audire: quod apud externos quam domi maluit, ut quidquid asperum, quidquid rude, nondum plene efformato superesset, ibi poliretur ubi obesse futuræ promotioni non posset. Debit autem id Basileæ, quod vix alibi studiosis Professoris occupare locum liceat. Itaque ut eruditionis aliquid ederet specimen, Carmina oblatiis occasionibus composuit & evulgavit.

Theses constituit de Providentia Dei, solis Sacræ Scripturæ verbis contextas: de quibus publice sub Polano disputavit. In ea autem ita repetiit ordinatæ, respondit apposite, probavit solide, ut facile ex ungue Leonis vim possent animadvertere,

Quare illi concessa est Professoris cathedra, ex ea disputare publice, aliorum disputatiioni præsidio adesse: quod & frequentissime præstitit; & Disputationibus Alumnorum ordinario præfuit: adeo ut ubi Polano hospiti suo, aut Grynæo ejus genero, aliquid impedimenti obveniret, statim ad Walæum iretur, qui disputando eorum vices suppleret. Unde nomen illi apud studiosos, apud Professores ætimum: quæd & Belgicis Ecclesiis, publico Diplomate voluerunt testari.

In

In tota Peregrinatione id Walæi institutum fuit, æstivis mensibus peragrarè Regiones, lustrare urbes, agros, flumina, montes: & in id inquirere, quod in iis natura aut ars admirandum fecit, aut dignum notatu. Hyemis tempore in ea civitate sedem ponere, ubi maxime promoverè Theologiæ studia posset, & regimen Provinciæ perspicere. In quo ubi Basileæ satisfecisset sibi, Vere novo Argentoratum, Spiram, Heidelbergam profectus est.

Heidelbergæ dubitavit aliquamdiu, ibine æstivos transigere menses deberet, an potius perlustrare Germaniam; & circa hyemem Lugdunum Batavorum accedere. Movebatur celebritate Academiæ, quæ inter Reformatas sola cum Leydensi posset contendere: sed parum in animo illius speciosa poterant, qui sibi proposuerat tantum solida scitari. Maximi æstimabat Bibliothecam Manuscriptorum authorum, ad quam illi liber aditus per virum Clarissimum Janum Gruterum, Conterraneum suum, patuit: verum ad collationem Manuscriptorum cum impressis, plane animus non inclinavit. Nimia varietate lectionum, alioquin sæpe sensus authoribus affingitur: & nisi in locis tantum sit maximi momenti, inglorius profus est labor, nec pluris æstimandus quam eorum qui indices conficiunt.

Theologiæ Professores erant, merito suo celeberrimi, Daniel Tossanus & David Pareus. Tossanus Novum Testamentum interpretabatur; sed senio confectus, paucos tantum menses supervixit. Pareus explicabat Prophetam Hoseam, quem recenter adinodum cum Rabbinorum commentariis Buxtorfium audierat explicantem. Et nescio quomodo varietate animus allici debet; etiam ut iis immoretur, quæ alias magni solet æstimare.

Gubernatio Ecclesiæ Palatinæ, plane non erat Belgicis imitanda. Octo Politici, octo Ecclesiastici Senatui constituebant, cui sub Principe summa erat in rebus Ecclesiasticis potestas. Hic ministros eligebat, præciebat civitatibus, pagis: transferebat de loco in locum, & Theologicis controversiis imponebat modum: sæpe invitis, semper ignavis illius Ecclesiæ membris. Ita optime auctoritati Principis, bene tranquillitati publicæ, parum animarum solatio consulitur.

Quare Walæus invitatus tempestate anni, statuit potius Germaniam peragrandò pervidere.

Peragravit itaque totum Palatinatum, & aliquamdiu Francofurti ad Mœnum quievit. Percurrit Hassiam, & Marpurgi in Academia, Casselii in aula substitit. Aliquoties à Mauritio, Hassiæ Lantgravio, cum honore ad alloquium admittus. Principes enim qui ut potentia ita eruditione præditi sunt, non tantum potentes, sed & eruditos quodammodo ut familiares habent. Inde in Ducatum Brunsvicensem, Episcopatum Bremensem profectus, Bremæ commoratus est. Qui ita regiones pervolitant, multum jucunditatis habent, dum quotidie aliam agri faciem, aliam culturam vident, alium urbium situm, aliam ædium structuram: dum alium hominum genium, diversos mores, contraria studia intuentur. Verum id demum ex utilitate fit, ubi in primariis civitatibus commorantur, naturam populi, rationem regiminis à peritis inquirent, quam inquisitionem mox percurrendo regionem absolvant.

Ne autem Walæus, qui hæcenus aliena & externa curaverat, domus suæ ignatus esset, Brema in Frisiâ profectus est: inde in Transisalaniam, Geldri-

am. Ultrajectum, atque ita Autumno in antiquas sedes Lugdunum Batavorum, & Gomari ædes, concessit.

Certe qui triennium propemodum peregrinando impenderat, reditum in patriam poterat parare. In patria ferendi fructus sunt, sed quo eos melius proferat arbor, luxuriantes rami amputandi sunt, meliores talæ inferendæ: in alio autem solo, sub alio cælo radices agere non debet, melius in suo cretus.

Antequam autem se Walæus Lugduni ad studia componeret, suo affectui, parentum desiderio satisfecit, ac Middelburgum excurrit. Nihil æque volupe obtingere liberis potest, quam ex temporis intervallo, parentes sanos & salvos contueri. Nullum cardiacum æque parentum animum excitat, quam familiæ columnam, filium natu majorem, annis maturum, peregrinatione expolitum, incolumem tenere.

Middelburgo statim, non salutatis amicis aliis, Lugdunum redit; ac nonnihil immutatam Academiæ faciem agnoscit. Josephus Scaliger, post Rectorem Magnificum, cæteris præponi Professoribus volebat. Sed opponebant se Professores omnes, & id Junius ordine primus debebat exequi: nec id faciebat invitus, cum ipse familia oriundus nobili, meminisset in Galliis sobolem illam Vicentinorum Comitum rideri.

Eodem tempore id agebat Junius, ut sua Hebraicæ Linguae Professio, in Juvenem aptissimum transferretur, qui fulcrum aliquod suæ posset familiæ adferre; verum id secreto ambitu præripuit Coddæus. Quæ res ægre virum habuit, imo & ipsos Præpotentes Hollandiæ Ordines. Nolebant in Scaligeri gratiam, viri alias raræ ac profundæ eruditionis, poni & offendi Junium aliosque eruditionis solidioris ac majoris usus. Quare nec quem petebat locum Scaliger possedit, & idem stipendium Junio fuit assignatum, mutato titulo; ut loco Professionis Hebraicæ, contra B. Iarminum scriberet. Ea tamen contentio videbatur nonnihil Junium fregisse: ut maturior ætas ac fama celebrior, addidisse Gomaro animum ac iudicium.

In studiis Walæus non jam majorem aliquam Theologiæ persequitur partem, non Lectionibus quibusdam continuo vacat; sed apud animum suum Theologiam percurrit ac ruminat. Expendit singulas Theologiæ partes, ac seipsum examinat quousque in eorum intima penetraret. Ubi evidentem aliquem sentit defectum, scriptos libros consulit, meditando quod deest, conatur reparare, conferendo cum Junio & Gomaro perficit. Incredibile dictum est, quantum id institutum eruditionem ejus brevi temporis spatio reddiderit uberiorem. Ita non addiscitur tantum aliquid, sed ab ipsis fundamentis investigatur: quorum fundamentorum inventio majoris momenti, quam diffusa eruditio est. Pertæsus autem scriptorum recentium quorum quidam mediocres, quidam inepti essent, nulli pondus ab autoritate haberent: Maxime se lectioni patrum, & præsertim Augustini, dedit: quod præ cæteris nervosus & in disputando acer esset.

Interea in civitate Leydensi, in vicinis pagis se concionando exercuit: quod ea gratia peregit, ut ad ordinarium verbi Divini Ministerium in Civitate Leydensi vocaretur. Quæ res quo inopina magis obvenit, eo magis Walæum sollicitum habuit. Honorificum erat in amplam civitatem suam vocari, com-

commodum in eam ubi Academia esset, per quam continuo melius incrementum eruditio posset. Sed grave erat onus amplam Ecclesiam gubernare, qui nunquam vidisset parvam dirigi. Quare post arduas ad Deum preces, non alia ratione potuit animum componere, quam si vocationem hanc parentum voluntati submitteret. Hi per Gomarum gratias egerunt Synedrio, & quominus vocationem filius acciperet voluerunt excusari, vario quæsito prætextu; sed revera desiderarunt senectutis baculum sibi propius apponi. Quam ob causam nec quieverunt prius quam filius valedicta Academia, verno tempore Anni millesimi sexcentissimi secundi, domum reverteretur.

Vita illius in Academia, in peregrinatione & totis pubertatis & adolescentiæ annis inculcata prorsus fuit: in qua ne ipsa quidem malignitas habuit quod posset vellicare, aliena ab omni luxu & lascivia, pia, modesta: adeo ut non paucis ab aliorum parentibus pro exemplo fuerit assignata. Hoc bonum curabat semper quod vetustate fieret melius, nugis, ridiculis nunquam immorabatur, non erat tamen conversatio illius austera aut terrena, sed facilis, blanda: quam libenter ingenii quodam sale, non acri tamen, condiebat.

In studiis fuit indefessus, quibus non dies tantum integros sed & dimidiatas noctes impendit, ut frequentius frigidus etiamnum è lecto quam calefactus exurgeret. Unde cum primum habitaret Leidæ in quartanam incidit, quæ per quatuordecim menses illum fatigavit: cum secundo in continuam febriculam cum tussi, quæ phthisin minabatur, spretis tamen omnibus nihil de consueto studio remisit. Quæ intemperies quædam erat, eo magis admiranda, quod in tota vita hoc ageret, ut ne quid minis: sed ita potest sciendi desiderium homines quasi effascinare. Ab illa continua intentione animi, debilitatem ventriculi, crudelitatemque incurrit, & repletum caput Asthma dedit: quæ duo facile, quod hæreditaria essent, exinde cum tota vita vexavere. Nimis care eruditio emitur, quæ cum continuo sanitatis dispendio obtingit: & obtingit minor, quam quæ integra sanitate pedetentim acquiritur.

Middelburgi se statim examini, ut vocant, præparatorio subiecit: & examinatore nactus est Jacobum Cornelii, Verbi Divini in Ecclesia Middelburgensi Ministrum. Virum pium, nec indoctum; sed cum eruditione Walæo cederet, non Walæus, sed Jacobus Cornelii examinatus esse dicebatur. Non levi eruditione præditus esse debet, qui apposite vult eruditum rogare.

Ita examinatis incumbit coram Ministris singulis mensibus conciones habere, quo in concionando promptiores evadant. Et integrum illis est singulis septimanis, eorum Concilio interesse qui Ecclesiam gubernant. Optima consuetudine, ut legitimo ulitatoque regimine prius imbuantur, quam Ecclesiæ habenis manus admoveant.

Illis autem exercitiis, illis in Concilio colloquiis animadvertunt facile acutum juvenis ingenium, sedatum iudicium, eruditionem profundam, meritoque eum à civitate Leydensi fuisse vocatum. Unde, cum homines difficulter affectus exuamus, ceperunt Ministri vereri ne amicis suis in promotione præponeretur: imo ne suis luminibus officeret.

Classis Walachra præ cæteris sedula est ut amicitiam cum Ecclesiis vicinis foveat: quare & præ cæteris à vicinis Ecclesiis consultit. Vacabat Caleri Concionatoris cathedra: eam occasionem arripuerunt Middelburgenses, & Walæum

Walæum conati sunt Caletum ablegare: quæ res male prorsus ejus parentes habuit, qui impediverant antea ut Leydæ maneret, in Provinciarum Fœderatarum medietullo, nunc perpeti debere ut Caleti Gallorum Hispanorumque injuriis exponeretur: quare sese opposuerunt acrius parentes, & ipse avertabatur Walæus, quod nulla vocatio, quid dicerem legitima, unquam præcederet; cum tamen id agerent impetuosius quidam Ministri, in gratiam parentum Magistratus offendit eam rem sibi displicere. Sed litem diremit Koukerka, pagus Middelburgo vicinus, qui interea Pastore orbatus, statim in Ministerium suum Walæum elegit.

Koukerkæ idibus Novemb. Anni millesimi sexcentessimi secundi, Verbi Divini Ministerium aggressus est. Eo munere honoratum se sensit, quod dignus judicaretur qui servus Dei esset; sed simul grave onus admisisse Dei honorem promovere, & animarum procurare salutem: in quibus minimum peccatum aut negligentia, crimen esset læsæ majestatis Divinæ. Quare in eo munere, non hic tantum, sed tota vita, nihil unquam incepit, quam implorato prius Divini Numinis auxilio, ut illi prudentiam, ut animum, ut vires largiretur.

Koukerkæ concionandi promptitudinem & habitum acquisivit, didicit Ecclesiæ regere, consolari afflictos, pertinacibus & sectariis se opponere: quorum rudimenta audiendo & videndo jaci possunt, sed non discuntur plene nisi operi manus admoveantur. Præstitit id tam bene Walæus, ut pauci qui superessent sectarii Ecclesiæ se jungerent, Ecclesiæ autem membra cum ut patrem revererentur.

Conciones vero ejus adeo emicuerunt, ut cum Anno illius sæculi quarto, Mauritius Fœderati Belgii Imperator Slusas obsideret, præ cæteris à classe Walachra dignus fuerit judicatus, qui in obsidione Johanni Vytenbogardo aulico Concionatori jungeretur: hic potitiam cum Vytenbogardo non amicitiam contraxit.

Vytenbogardus Concionator prorsus eloquens, magnatum gratiam ambibat quo inter suos emereret. Walæus hoc agebat, ut Deo potius quam hominibus placeret: quare & primus obtinuit, precibus, monitis, ne pejoratio inter militiæ duces audiretur.

Vytenbogardus nimis æstimabat Socinum: inde & Novum Testamentum habuit, manu Socini ubivis annotatum, quo quotidie ut manuali utebatur: à cujus dogmatibus abhorrebat Walæus.

Devicta civitate domum redux omnia sua composuit, quasi perpetuo Koukerkæ mansurus: præditus mediocribus & honestis divitiis, non necesse habebat majus stipendium appetere: & antea à Leidensibus petitus, cæteris paulo lautius obtinuit. Munere suo par videbatur, imo superior. Ecclesiæ frequens, non oneroso tamen erat. Et a munere satis supererat temporis, quod perhiciendæ eruditioni posset impendere. Amabatur à suis; & plerique Seniorum, Diaconorum præter externum habitum, parum rustici habebant. Pagus ipse non horæ itinere Middelburgo & Flissinga distitus, facile vitæ commoda admittebat. Amœnus prorsus pascuis viridis, frumenti serax, pomariis conspicuus, arenosis collibus propinquus, non tamen oppressus. Itinere horæ quadrantis ab eo mari distans, per quod majores naves in Zelandiæ portus debent appel-

Eccc

lcro.

lere. Domum amplam habebat, hortum spatiosum, in quibus ea fovebat alebatque, quæ elegans divertere ingenium poterant.

Sed raro iis plene frui possumus quæ studiose elegimus, quæ cum cura præparavimus nobis, quasi in iis quieturi. Civitas Middelburgensis si ulla religioni dedita, eo numero frequentabat Conciones qui à tribus majusculis templis capi non posset : quam ob causam Magistratus rogatus est templum quartum & octavo Minilro stipendium concedere. Templum assignatum est, prope forum piscarium, & in octavum Miniltrum ab Ecclesiastico Concilio Walæus vocatur.

Equidem Walæus maluisset Koukerkæ manere, & non immixtus turbis & dissidiis Deo, suæ Ecclesiæ ac sibi vivere. Non debuit tamen Deo resistere cum vocanti, ubi plures adferre fructus Ecclesiæ posset : non debuit deesse futuræ familiæ, ubi ei melius posset prospicere. Middelburgum enim Zelandiæ Metropolis est, nulli præter Amstelodamum federati Belgii civitatum cedens amplitudine, mercatura, civium numero. Magistratus profusus eruditus, præ cæteris Pastores veneratur. Cives multi modicis divitiis, sedatis moribus, Theologiæ curiosi, eam quoque student opere exprimere.

Id biennium quo Ministerio Koukerkæ functus est Walæus, non parum ejus vitæ rationem immutavit. Primo enim anno, peracto illo labore qui anniversariis concionibus debebat impendi, Catecheticis, festorum, plus otii nactus, incipit de eligenda vitæ sociâ cogitare. Nec, ut vulgo fieri solet, inconsiderate ei rei incubuit, cum tota vita vix aliquid majus aggrediamur, sed re serio iteratque perpenſa, de parentum voluntate ambivit Paschaliam ab Iſenhout, virginem piam, piudentem, compositis moribus : qualem qui non eligit, tota vita cogitur stolidæ inservire. Non neglexit tamen reliqua corporis fortunæ dona, quæ beatitudinem in terris reddunt suaviorem. Erat enim forma decora, præ plerisque Middelburgensibus dotata, oriunda è Nobilibus familiis Curtiorum, Gryphiorum : & avia frater fuerat Petrus Curtius, celebris Episcopus Brugenſis. Grave quidem est olim magnum fuisse, sed eximium antiqua profapia conspicuum, etiamnum potentem esse. Hujus autem pater Nicolaus ab Iſenhout, anno ætatis quadragesimo nominatus obiit Consul. Avus Maternus Johannes Bontridder, etiamnum in vivis Scabinus. Matris fratres uterini, Henricus Welles Consul, Christianus Scabinus. Amistarum mariti, Ferdinandus Vischerus Scabinus, Aylva Militiæ Dux. Et per hos potentissimis Middelburgensibus familiis affinitate innexa. Hanc obitum Walæus, paravo Jacobo Vischero Ferdinandi Filio, commilitone suo, postea Maris Mediterranci Architalasso Gallico : & eam undecimo Augusti, Anno Clodc III. in uxorem duxit.

Sed nemo continua in terris felicitate gaudet ; uxore ducta parentes amittit. Mater tota vita Asthmate vexata, ex continua tussi tandem Peripneumoniam incurrit, quæ illam quarto Novembris ejusdem Anni vita exemit. Hæc calamitas mire patrem senem affecit, eam se amisisset sine quâ nihil unquam in vita habuit jucundum, quæ in se suscepserat onus prospiciendæ domui, regundæ familiæ, quomelius vacare muneris posset & honestis oblectamentis ferere : unde piimum in ærore correptus, mox lenta febricula & tandem acuta, undecima Octobris Anni millesimi sexcentissimi quarti expiravit.

Toto

Toto morbi decursu Walæus perpetuis officiis, piis consolationibus parentibus adfuit, quare uterque mortis hora illi benedixit, & hoc elogium dedit, cum nunquam eos tota vita offendisse: elogium quod optant omnes boni, paucissimi merentur.

Ea morte parum amisisse Walæus videbatur, qui trigessimum supergressus annum, ipse paterfamilias, Pastoris munere jam Middelburgi erat functurus. Nec multum curarum parentes reliquerant, cum Johanna soror esset annorum vixinti & sex: quæ mox nupsit Jacobo Lenssen Cervisiario Middelburgensi, viro diviti, suavi, honesto, proboque. Et Jacobus frater annorum esset septendecim, studiis quoque deditus, ita Antonio similis, ut facile germanos esse posses agnoscere: nisi quod natura videretur magis in Melancholiam inclinare, quales non solent moribus exorbitare.

Eæ tamen mortes vehementer Walæum conturbavere, ut toto anno nulla diestranfiret, quæ non de parentibus anxie cogitaret, nulla nox, quæ non de parentibus somnia largiretur. Certe exile quid non est favorem illum parentum amittere, conversationis illam dulcedinem: carere optimis exemplis, ad quæ vitam, ad quæ mores instituamus: destitui consilio quibus in rebus gravibus, in rebus anxii dirigamur: non muniri illa auctoritate, non stabiliri illo tulcro, quo juvenes & in novo munere consistamus.

Lenivit nonnihil dolorem natus illi filius vigesimo septimo Decembris ejusdem Anni, quem in memoriam avi avique suæ, in gratiam avi uxoris & fororis suæ Johannem appellavit. Vita cum pueris multas alienas cogitationes infringit. Exhilarat animum quod hæredem videamus divitiarum, auctoritatis, boni nominis, quæ nonnihil cum fatigatione corporis & animi ægritudine parantur: sed maxime in filio exultat animus, quasi diutius cum nomine in illo victuri.

Etiani si autem jam dudum urfissent Middelburgenses, ut domicilium in eorum civitatem transferret, & jam prospectum Koukerckenfibus esset; noluit tamen eo prius concedere quam Koukerkæ natus infans esset: ne videretur eos contemnere quos honestissimos & sui amantes erat expertus. Sed vigesimo octavo à partu die, uxorem cum tota familia Middelburgum traduxit.

Middelburgi cum maximo populi applausu, summo honore à Magistratu, imo & præ cæteris favore, acceptus est: quæ res facile quorundam Ministrorum Middelburgensium denvo invidiam excitavit: cum qui novissimè collegio adfiscuntur, semper aliquid debeant perpeti. Idque egerunt, ut Walæus quarto Templo jam cæteris adjuncto, exili prorsus, & in civitatis extrema remoto, adstringeretur; sed id à synedrio Ecclesiastico non obtinuerunt. Imo in gloriam Walæo cessit, veteranos vereri ne eorum Auditorum frequentiam imminueret. Ut nulli majorem occasionem profectus generosis quam invidi præbent: dum distimulare non possunt fecos æstimare, eos diligentes, eos circumspectos reddunt: illi amicos conciliant, quos mereri creduntur, & ob invidorum molimen indigere. Sed Walæus facile horum animos mitigavit, modestia, humanitate, officiis: ut postea cum omnibus conjunctissime vixerit.

Post Walæum accessit quoque Pastor nonus. Horum plerique omnes valde erant eximii: inter eos tamen eminebant, noster Walæus, Ægidius Burlius,

Hermannus Faulkelius, Guilielmus Telingius. Quorum singuli crediti fuissent vix parem habere, nisi hic fuissent conjuncti. Burio vox erat vere mascula, Faulkelio & Walzæ gravis, sed illi amissione dentium parum impedita: Walzæ sonora magis, Telingio acuta & penetrans. Sermo Faulkelii & Walzæ erat planus, profluens Burfii, Telingii intercisus. Pöllebant in monendo Walzæ & Faulkelius: & Walzæ insuper in consolando. Egregius erat in excitando Burfius; sed in reprehendendo excellebat Telingius. Quantum autem in aliis omnibus reliquis eminebant, tantum in docendo cedeabant Walzæ: tradebat plene, explicabat plane & apposite, probabat solide, efferebat nervose; ut Telingius in reprehendendo, Walzæ in docendo regnare crederentur, & integrum seculum vix illis parem ferre: unde reliquos omnes auditorum frequentia superabant. Gratia apud cordatos Walzæ Telingium superavit, quod merito suo eruditionem æstimarent, quod libenter doceri, moneri, consolari vellent; illibenter reprehendi. Quare & solus Walzæ tories ab aliis Ecclesiis petitus est ut cathedram vacuum ad tempus suppleret, quoties reliqui omnes ejus collegæ simul Neufæ, Slusæ, Flissingæ, Hagæ Comitibus alibique.

Præcipue enim Concionatoris partes sunt bene instituere, & plane suis exponere, penitus inculcare ea quæ credenda, quæ agenda sunt. Frustra Religionis ignaro pietatem persuadeas. Optime monet qui simul instituit, non enim imperare videtur, sed ex æquo & bono loqui: qui si simul transgressorem, intellicere consuevit, non doctor, sed amicus creditur. Quod autem in reprehendendo minus acer esset, credo à natura ejus provenisse; erat enim benignus & plenus commiseratione. Et quamvis judicium affectus mitiget, difficulter tamen in eo excellimus à quo natura abhorremus: erat enim satis vehemens ubi negotium misericordiæ ageretur. Et habitus est præ reliquis optime penuriam pauperum ob oculos ponere, & ad illorum subsidium auditores ad liberalitatem excitare.

In Regimine Ecclesiæ Burfius & Telingius oppositas acies instruebant. Burfius omnes demerendo, inserviando in ambitu matrimoniorum dignitatum amicos conciliabat, quales anxii esse in conscientie scrupulis non possunt. Telingius pietatem vehementer urgebat, sub qualatere nostra causa posset quando Dei causam maxime videmur agere. Faulkelius & Walzæ neutri erant addicti: parum inclinabat in Burfium Faulkelius, in Telingium Walzæ; ipsi amicissimi inter partes discordiam præcavebant, ac eorum molimina ex æquo & iusto moderabantur, sine tamen ullo prerogative aut authoritatis ambitu in Collegas: quam ob causam honos fugientes sequebatur. Unde ipsi frequenter Classium directores. Rarissimæ quippe in Zelandia Synodi, seniores, Pastores, è cuiusque merito eligebant. Vocatus minister quo obtrineri posset Walzæ mittebatur, optime id negotium vigilantia, prudentia, suadela peracturus. Ita vocationem ipsius Telingii Haemsteda, Enochii Sterthemii Zirizæ, Francisci Gomari Leyda Middelburgum procuravit: quæ res veterem Burfii in Walzæ æmulationem commovit. Et quod favorem Magistratus quem omnibus officiis consequi conabatur Burfius, Walzæ merito suo & plerisque affinitate junctus possideret. Neque cognitum est, præter hunc ex parte tantum æmulum, Walzæ ullum inimicum aut invidum habuisse.

buisse, ita modeste se gessit, ex æquo semper actiones suas instituit, ipsi æmulo animitus favens quando id merebatur.

Non putavit autem se satisfacere muneri suo, si in concionando diligens, in regendo providus esset. Sed præterea singulis diebus Dominicis in novo Templo hora quinta, vacavit institutioni membrorum Ecclesiæ aut eorum qui se Ecclesiæ vellent adjungere, quam Catechizationem solent appellare. Hæc interrogando, explicando omnes Theologiæ locos Communes percurrit, atque eo exercitio ita suos habiles reddidit, ut non pauci paria facere cum Theologiæ Candidatis possent; imo & quidam ad Ministerium, præsertim in India, promoverentur: optimo instituto, non enim omnes satis doceri è cathedra possunt, nec omnia singulorum captui accommodari.

Quæ edocuerat voluit singulis applicare, & quando tempus exposceret in usum ducere. Quare continuus & sedulus fuit in visitandis suæ Diœceseos incolis. Ita inhibuit non paucos qui ferre impetum viriorum tam magno comitatu venientium non possunt; tum præbuit consilia quibus ea peccata evitarentur, ad quæ natura magis inclinarent. Enodavit conscientię scrupulos, expeditit subtilitatum tricas, quibus non raro optimus quisque irretitur. Exiit qui Justum Deum metuentes ob peccata nimium erant abjecti: quos qui expectat ut se domi suæ consulant, sentit plerisque nimis sero advenire; ferme omnes negotiis, pudore, metu impeditos ne accedere quidem. In illis visitationibus viduæ, orphanæ, omni humano auxilio destituti, solamen inveniebant: & cui possent consilia communicare. Languidi, ægri animabantur ad fidei constantiam, præparabantur ad mortem. Agonizantibus mortis terror excutiebat, accendebatur desiderium esse cum Christo, atque ita quasi manu ad salutem ducebantur. Hæc vera dæmum Theologiæ praxis est: in qua qui negligentes sunt, capere nequeo quomodo conscientię suæ, quomodo Deo possint satisfacere: & amore suorum in terris delinquant. Quæ omnibus dicuntur quasi ex penso dicta putantur, quæ singulis ea dæmum unum quemque obligant.

Verum ea solius Walæi laus non erat, debebatur & ea plerisque Pastoribus Middelburgensibus, imo Zelandiæ; qui in hac parte non raro præ cæteris diligentes inveniuntur. Ut & quod iis visitationibus Lutherani, Anabaptistæ, Pontificii informarentur de Religione Reformata, & suæ religionis deformitatem addicerent. Non enim minus Sæctarios Walæus quam suos invisit, ea comitate ut nequaquam id ægre ferrent: ea æquitate ut frequenter quando in causis matrimonialibus scrupuli orirentur ad Walæum iretur, optime eos decisurus. Libenter enim Clerus Pontificius scrupulos movet, quibus pecuniam corradat qua ii redimuntur. Hæc res Curionem pontificium vehementer conturbavit, & cum Walæus præ cæteris in redarguendo efficax esset, ne qui colloquia ejus æstimarent ad ejus quoque accederent Conciones, disperlit inter suos, Diabolum evidenter Walæi humeris insidere, ac inter concionandum continuo suggerere, quomodo optime populum posset seducere. Ita solent, qui ad congressum impares sunt, contumeliis adversarium, præcipue in religionis negotio, laceffere: plerumque suo damno, cum in illis falsi convicti, alibi quoque non veritatis sed suam causam egisse creduntur: quod & hio evenit. Non pauci enim Pontificii, aut curiositate aut fama allecti, aut oc-

calione

calione Baptismatis templum ingressi, cum nihil Diabolici ex Walæi ore procedere audirent, ceperunt Curionem suum calumniatorem æstimare: dubitare de veritate eorum quæ diceret, animadvertere se Walæi concionibus amplius quam illius doceri, consilari; atque ita in Religionem Reformatam inclinare sensim, & tandem ad eam aperte accedere.

Relinquebant Collegæ Walæo, ut doctiori, imo mandabant, ut provideret ne quid Religio Reformata publice detrimenti caperet, & eam contra adversantes tutaretur. Ea in re Herculem se præstitit, & non pauca monstra subegit.

Fatigaverat aliquamdiu Ecclesiam Middelburgensem Abrahamus Beekmans: vir acris ingenii, conspicuæ probitatis; reprehenderatque continuo Ministros, illos immerentibus Baptisma largiri, & signum foederis illis infantibus communicare, quorum parentes Ecclesiæ sacramentum non dixissent. Centenaque aliquot Ecclesiæ membra traxerat in partes suas. His statim initio ministerii totam doctrinam explicavit planius, conferendo, disputando pertinaces confudit, scribendo plerisque convicit, & ad erroris adegit agnitionem. Nulla enim in conferendo Baptismate accuratior Ecclesia Reformata, quam Middelburgensis invenitur: quæ ad Baptisma infantes non admittit, nisi delegato Ministro aliquot diebus antea probaverint Amici, Christiani fidei forum, aut in ejus legitima potestate esse. Juxta Dei institutum Geneseos xvii. v. 12. *Natus dies octio vobis circumcidetur omnis mas, per ætates vestras: natus domi & emptus pecunia de quibuscunque alienigenis, qui non erit ex semine tuo.*

Sed non contentus Walæus devicisse, dissipasse turbidos, voluit quoque eos servare Ecclesiæ, aut lucrari: quod perfecit, procurando ut Beekmans ejusque socius in Seniores Ecclesiæ eligerentur. Ita pacata quasi seditio fuit, & ipsi utilem poltea operam Ecclesiæ præstitere. Non melius demulcentur sectarii qui divina semper crepant, quam si humana illis largiamur.

Haud ita multo post Gerleon vanden Bogarde, Nobilis Flander, neutrum antea partium, cum vexillo inelcatus, sequi partes regis Hispaniæ decrevisset, Religionem quoque debuit mutare, quaesito prætextu Religionem Pontificiam Reformatam vericrem esse. Et id in negotio Transubstantiationis, per patrem Gaudam Jesuitam Antwerpensem, publicatis scriptis conatus est demonstrare. Subactus in religione Pontificia esse debuit, qui ausus non fuit aliis quam patris Gaudæ verbis loqui; penetravit ad minimum in illam religionem, qui præteritis speciosis, eam conversionis suæ prætextum elegit, ubi religio Pontificia quam maxime est monstruosa: quid enim horrendum magis quam panem adorare? Quare facile contemni potuisset, nisi sub Bogardi nomine lulisset Gauda Jesuita impudens: qui eo temeritatis devenerat, ut immemor fragilitatis humanæ, horret animus cloqui, Deo animam suam offerret expiatrix errorum qui in Ecclesia Pontificia invenirentur. Egregius certe vades, qui ipse plura debuit, quam posset perolvere. Huic statim se opposuit ac respondit Walæus, ostenditque verba institutionis Cœnæ ipsis Pontificiis nonnisi figurate intelligi posse; nec consecratione corpus Christi in infinitis locis eodem esse momento, quia ita corpus non esset, quod suis terminis semper est circumscriptum. Gauda ad secundam responsum contuit. Sine dubio
valde

valde imparem se sentiens, omnibus enim sectariis, Pontificiis præsertim, constitutum est semper ultimo scribere, ut multitudini superiores videantur, saltem ratione non destitui.

Præcis his errorum capitibus, novum subortum est. Quidam peregre adveniens, Zelandia enim talia monstra non edit, prædicabat Christum omnium optime Dei reverentiam, amorem proximi docuisse. Sed quo dogmata majus pondus haberent, dixisse se Dei Filium, pia quadam fraude, finxisse se Deum, qui tamen revera non esset: privatique ea effutire non contentus, coetus congregavit, probitatem, non fidem ursum.

Hunc eo perniciosiorem æstimavit Walæus, quod pietatem simularet, quod non sine laude Christi loqueretur, quem revera conabatur annihilare. Quare hunc pleno coetu aggressus, demonstravit, in Christi nativitate, vita, morte omnia concurrissse: quæ de Messia in Veteri Testamento prædicebantur: itaque non posse non Deum esse, quod in Messia ibidem requirebatur. Christum quem fatabatur pietatem docuisse, expressisse vita, non potuisse à mendacio incipere, cum illi constitutum esset nihil mali facere, ut bonum eveniret. Nec operæ pretium futurum fuisse ob mendacium persecutiones, verbera, crucem perpeti. Apostolos continuos ejus comites, noluisse in idem mendacium conspirare, & ob id sufferre exilia, tormenta, lanienam. Deum non perpeffurum fuisse ut evenirent ea quæ prædixerat is de morte, resurrectione sua, destructione Hierosolymæ, si conatus fuisset alienum Deum obtrudere. Non concessurum illi fuisse sanationis donum, quo claudis gressum restitueret, cæcis visum, mortui in vitam revocarentur. Religionem ipsam, annis non ita multis à piscatoribus, nulla vi humana, per magnam orbis partem propagatam, à Deo se profectam clamitare: quam Deus non permisisset inundasse totum mundum, si alienum Deum & idololatriam secum attulisset. His similibusque perstricto nebulone, auditores dilapsi sunt, & cum affectas amplius non haberet, denuo in latibula se recepit.

Levis his impensa opera fuit, præschismate Remonstrantium & Contraremonstrantium, quod Walæum tota vita occupavit. Quare præter rem non erit illud ab ovo ordiri.

Elucescente Belgis Reformatione, qui sese opponebant Pontificiis, non omnes ejusdem opinionis fuere, & nihil eos æque ac in Pontificios odium univit. Ne tamen ægorum somnia plerisque & sanis adscriberentur, hi Anno clō 16 Lxvi. Religionis suæ Confessionem ediderunt, quam postea Belgicam appellaverunt: ne quoque ægorum contagio sani afficerentur, plera Synodo Embdiana Anno clō 16 Lxxi. constitutum fuit neminem ad Ministerium Verbi Divini admittere, qui examen non subiisset, ac subscriptione hujus Confessionis & Catechismi Heidelbergensis, testatus fuisset cum reliquis consensum. Quod decretum insequentibus omnibus Synodis confirmatum fuit: approbatumque 1576. 1586. à Præpotentibus Ordinibus Hollandiæ, & continuo traductum in usum.

Non potuit tamen initio, in magna Pastorum penuria, examen valde rigidum institui: & facile in Ministerium irrepserunt aliqui, qui aliena clandestine foverent. Casparus Coolhauius Leydæ, Hermannus Heiberti Gaudæ, Gerhardus Blockhoven Ultrajecti, Cornelius Wiggecius Hornæ, qui in multis à se invicem,

in vicem, plerique de Prædestinatione à reliquis diffidebant: sed cum horum molimina suarum Ecclesiarum ambitu continerentur, facile sopita aut vindicata sunt.

Solus Theodorus Cornhertius Ecclesiis Reformatis se in univcrsum opposuit, qui antea Ordinibus Hollandiæ à secretis, metu periculi munus deseruerat. Verum facile apparebat Theologum non ita magnum, rebus securioribus exulcerati animi bilem, quam in Ordines expromere non audebat, in Ecclesias ejicere. Unde publica autoritate Ordinum cohibitus est.

Non ita tamen componi dissidia potuere, ut non relinquerent in multorum animis scrupulum, an omnia æque certa essent quæ Reformati profiterentur: ut non multorum disponderent animos ad novum quid, præsertim de Prædestinatione, suscipiendum.

Ita præparatos invenit Jacobus Arminius, quando Anno cId Id cIII. ad professionem Theologicam in Academia Batava Leidenli vocaretur. Hic famulus primum diversorii publici Veteraquinatis, cum promptitudine ingenii multorum hospitum admirationem incurrisset, quorundamque eliciisset liberalitatem, studiis adnotus, ære Magistratus Amstelodamensis ea absolvit. Unde eorum favore ad Ministerium illius civitatis promotus, iis animi dotibus emicuit, ut ab omnibus mereri Professionem Theologicam crederetur. Erat enim ingenio subtilis, eruditione solidus, moribus compositus.

Vocationi huic opposuit se Gomarus, quod alia de Prædestinatione ad Franciscum Junium scripssisset, quam Ecclesia Reformata profiteretur: imo & aliqua à Cathedra tradidisset Amstelodami. Verum cum quædam negaret, quædam extenuaret Arminius, visus est Gomarus vereri ne illi Collega major adjungeretur; quod vocationem Arminii promovit, & initium facilioris dissensionis jecit.

In Professionibus id vitii est ut ii pluris æstimentur, qui præ reliquis multos auditores habent, qui facillime dogmatum novitate parantur: quare libenter aliqui novi Lectionibus suis Arminius etiam initio admiscuit, de Prædestinatione præsertim, quæ jam dudum meditata habebat. Sed publice non nisi parce & tenuiter, ne Ecclesias offenderet, quorum autoritate meminerat Coolhaasium, Wiggerum aliosque Ministerio ejectos; privatim vero omnia apertius auditoribus instillavit, quo affectas pararet. Et ne ubi id efflueret ad Ecclesiasticis haberet metuendum, per Johannem Vytenbogardum Concionato rem Hagiensem, patronum sibi paravit Johannem ab Oldenbarnevelt, universæ Hollandiæ Syndicum, præcipuæ autoritatis Virum. Cujus & in gratiam, Autoritatem Magistratus in rebus Ecclesiasticis extulit.

Nimirum id agebat Barneveldus ut Belgæ Reformati propius ad Lutheranos accederent, quo sperare plus auxilii è Germania possent, potentissimoque Hispaniarum Regi resistere melius, aut facilius conciliari. Cumque initio Belli Belgici ope multitudinis Magistratus indignisset, quæ non melius quam per Ecclesiæ Ministros concitatur: & ideo multum autoritatis Pastoribus Ecclesiæ esset concessum. Hanc ut enervaret, incipiebat quæ in Ecclesia suboriebantur dissensiones fovere, & censura Ecclesiasticorum contra immorigeros Magistratus potentia impedire. Autoritatem insuper Principis Auriaci suspectam reddebat. Et cum ea illi potissimum gravis esset, conabatur Proceribus pericu-

periculosam persuadere. Quare qui ab offensis Ecclesiasticis præsidium non expectabat, libenter Arminii patrocinium suscepit, & in ejus affectis auctoritatis suæ quæsitit fulcimentum.

Verum id initio non nisi clanculum fecit, dum factio tenella esset, & in herba posset conculcari. Unde & Arminius novitatem dogmatum suorum diutius obtexit, usque dum Anno clb lbc VIII. à Francisco Gomaro apud Hollandiæ Ordines accusatus & detectus est: cum de Justificatione, Prædestinatione, Gratia, Libero Arbitrio, Perseverantia Sanctorum ab Ecclesia dissentire.

Non latuit tamen tamdiu Arminius Walæum: qui cognitis omnibus sectariorum latibulis, ex semita quam inibat facile potuit quo tenderet perspicere: quare jam à nono Kalendarum Junii Anno clb lbc VI. conatus est Arminium in viam consuetam & regiam reducere, idque insequenti toto Anno continuis literis egit, ad quæ Arminius aliquoties, tandem tamen non amplius respondit; eademque Arminio tum proposuit, ad quæ viginti Annis postea Johannes Arnoldi Corvinus quoque conticuit. Etenim Walæus in Sacra Scriptura versatissimus, edocere quemvis poterat, quisnam in iis controversiis Scripturæ esset sensus. Sed hoc agebat Arminius, ut rationationem non S. Scripturam ducem sequeretur, quod volebat profiteri.

Detectus Arminius incepit vereri ne ab Ecclesiasticis perderetur, nondum enim audebat Barneveldus ejus causam aperte suscipere. Nec Arminius mutationem religionis animo Heroico erat aggressus, qui in primis Reformatoribus excelluit: ut gloriæ Divinæ tantum intenti, securi essent quidquid illis posset humanitus obvenire. Unde evidenter metu, inefficacia morbum contraxit, qui illum xix Octobris Anni clb lbc cix. vita exemit.

Mortuo Arminio inter ejus affectas Coryphæum se gessit Johannes Vytenbogardus, qui ingenio, eruditione Arminio multum inferior, in regimine tamen Ecclesiæ & Reipublicæ perspicax & versatus, prudenti directione plus nocuementi Ecclesiis quam Arminius disputando attulit. Hic statim, quo plures Hollandiæ Magistratus, Ecclesiasticis offensos, sibi addictos redderet, disseruit aliquoties, & librum edidit de Autoritate Magistratus in rebus Ecclesiasticis: in quo non tantum externum Ecclesiæ regimen; sed & controversiarum religionis decisionem Magistratibus asseruit: quo non parum favoris sociis suis confirmavit.

Inter hæc Ecclesiastici harum turbarum remedium quærere, nec melius quam in Synodo Nationali omnium Ecclesiarum Reformatarum invenire, eam continuo magno studio à Fœderati Belgii Ordinibus petere. In hanc propendebant Ordines Geldriæ, Zelandiæ, Friisiæ, Groningæ, sex civitates Hollandiæ: qui consueva potius, quam nova etiam si speciosa mallebant, nec cum Lutheranis concordiæ ullam spem arbitrabantur, Antilitum quam ambitio, & singulorum præconcepta opinio perpetuo impedirent: Ecclesiasticorum auctoritatem gravem non esse, & aliquod Oligarchiæ remedium. Providis potentiam Principis Auriaci nequaquam metuendam; sed potius fœderis & unionis vinculum esse. Contra Nobiles Hollandiæ & reliquæ duodecim Civitates, Ordines Ultrajectini, Transisalani non negare quidem Synodum aperte, sed variis tergiversationibus, iteratis procrastinationibus eludere, nec ea consueva confirmarentur.

Non negligere tamen Ecclesiastici eam medelam, quæ in illorum potestate sita videbatur, detegere nimirum errores populo, & contra eas concionibus scriptis munire. Eos qui ad Ministerium admittendi essent, severius examinare, ne plures furtim in Ecclesiam irrepent: quos irrepsisse deprehendebant, censuris notare, Ministerio interdicere.

His sese strenue opponere Vytenbogardus ejusque socii, & voce, scriptis, molimine cum adversariis contendere, & ad Ministerium suæ opinionis candidatos promovere. Impar tamen congressus apparebat, quod illi numero plures, populum sibi magis addictum haberent. Hi itaque veriti ne superarentur, remonstrantiâ ut vocant, unde deinde *Remonstrantium* illis nomen adhesit, Hollandiæ Ordinibus obtulere, petiveruntque in illorum tutelam suscipi: ad quam non tantum admissi sunt, sed prohibitum insuper omnibus, ne voce, ne scriptis de controversiis ad populum referrent: neve in Candidatorum examine controversiis insisterent, aut illum dissidentem notarent censura. Quod vere erat partes statuere, cum Pastores Remonstrantes, vix quadraginta essent, Contra-Remonstrantium quingenti.

Nondum tamen duraturi Remonstrantes videbantur, nisi in locum defectorum novi continuo possent substitui, qui in Academia erant formandi: quare ad Professionem Theologicam in locum Arminii non Walæus aliquis, qui à viris doctis bonisque commendabantur, sed Vytenbogardus petebatur: qui cum Academiæ se non parasset, id oneris admittere non ausus, per Curatores illarum tum partium, & Barneveldo sanguine nexi, id egit, ut Steinfurto Conradus Vorstius Leydam vocaretur. Qui Theologiæ Professor Anno cdo 1610. ab Academia Heydelbergensi convictus erat, Socino ejusque dogmatibus nimium favere, cujus & publica extabant monumenta.

Hujus vocationi opposuerunt sese statim Ecclesiastici, quique iis favebant Magistratus: & eam non aut difficillime potuissent impedire, ira constitutum erat Remonstrantium fovere partes, nisi Jacobus Magnæ Britanniæ Rex continuo monuisset, uruisset Ordines; imo eum condemnasset hæreseos, & libros ejus publice jussisset comburi.

Tandem Ecclesiis leges quædam obtrudebantur, quas viginti annis antea accurante Barneveldo conscriptas, nunquam voluerant ferri Ordines, multo minus in usum duci: quibus vocatio Diaconorum, Seniorum, Pastorum fere tota Magistratui tribuebatur. Eripiebatur Pastoribus censura membrorum Ecclesiæ aut Pastorum, qui peccavisse in Ecclesiam convincerentur.

Decretum de inhibendis Controversiarum libris, Curatores Academiæ Magistratusque Leydenfis cæteris severius exequabantur: hoc sui religionis: que defensionem Gomaro impediabant. Unde is offensus discessum paravit: hoc discessu cum Theologiæ studiosi, purioris doctrinæ Professore essent destituendi, Ecclesiæ Geldriæ, Curatoresque Illustris Scholæ, Antonium Thytium Theologiæ Professorem Hardervicenum, Ecclesiæ, Zelandiæ Magistratusque Middelburgensis, Walæum Leydam misere, omni conatu persuasuri, ne stationem defereret. Verum constitutum Gomaro erat discedere, quare uterque eum invitavit apud illos potius domicilium figere: quod obtinuit Walæus, & Middelburgum Anno cdo 1611. commigravit.

Id dudum egerant Zelandiæ Ordines, & hac Academiæ Leydenfis calamitate

tate magis instigabantur in Zelandia illustrem Scholam erigere, verum nondum poterant de loco convenire: quem ut sibi præoccuparent Middelburgenses, Triviale Scholam suam reddere illustriorem conabantur. Mortuo enim Grutero, Scholæ Trivialis Rectore anno cdo 10 cvii. alium quærebant, qui cum honore illustris Scholæ posset præfecturam gerere, & ad eam Walæum vocare: quod pleraque eruditionis intelligeret partes, & animo, prudentia, autoritate, regendo par aut superior videretur. Sed eam Provinciarum noluit Walæus admittere, tædiosam in puerorum regimine, in eorum nutritione calumniis obnoxiam: utrumque eruditionis remoram, & studiorum promotionis grande impedimentum. Quare collato regiminis, nutritionisque onere in Ægidium Bursum Pastorem Middelburgensem, regendo aptum, institutionis munus in Justum Liræum virum doctum, Academiæ postea Ultrajectinæ Professore. Quod reliquum & illustre erat, Walæus suscepit Scholæ Curatellam, & de Græca lingua de Philosophia lectiones Honorarias habere.

His lectionibus explicavit Walæus Homerum, Hesiodum aliosque: & nuda interpretatione non contentus, genium linguæ auditoribus aperuit Græciæ Antiquitates. In Philosophia tradidit Ethicam, Physicam, Astronomiam, Opticam: quas explicavit plane ut ab auditoribus perciperentur, & resectis inanibus persectus est ea quæ usum haberent.

Adveniente Gomaro omnia ad plenam Scholam Illustrem apparabantur, locus præparabatur in choro novi templi. Et Gomarus publicis lectionibus S. Scripturæ interpretationem instituebat. Excutebat locos Communes Theologiæ publicis disputationibus. Jacobus Meivartius Scholæ Trivialis Corrector, Philosophiam publice docebat, disputabatque. Et jam horum diligentia, Gomari celebritate surrectura Schola videbatur: cum Magistratus Middelburgensis, cum quem Walæus servaverat locum, illi offerret, ac eligeret in Professore locorum Communium S. Theologiæ. Ea vocatione commoveri Gomarus, vir affectibus suis nimium indulgens, & illi scilicet aperte opponere, inculcare Walæum hæreseos: quod dum in Academia Batava studioperam daret, pro tribus in homine animabus aliquando opposuisset acrius, & Trucium tum Præsidem redigisset ad metam non loqui.

Eam Gomari oppositionem ægrius Magistratus quam Walæus accepit; statim enim Walæus vocationi illi renunciavit: quod qui nihil unquam in vita ambivisset, jam magis putabat se sua forte posse esse contentum, & eam se gratitudinem præceptori debere, ne eo invito illi Collega obtruderetur. Nullæ injuriæ Walæum unquam conturbaverat, ut non animos illi æquis esset & sui semper similis. Sed populus indignari dilectum sibi Ministrum calumniis peti, ab eo qui dudum publicatis testimoniis ejus doctrinæ puritatem voluerat commendatam: cujus & alia de animabus opinio, in lectionibus Ethicis Physicisque omnium ibi manibus terebatur. Quare is ut & Magistratus Gomarus minus æstimare, quod frenum non posset affectibus injicere: quod ea se eruditione præditum non crederet, cujus lumini officere Walæus non posset. Quam ob causam à Philippo Marnæo Pleissiaci Domino Salmuriam vocatus, statim Anno cdo 10 c xv. dimissus est.

Ea occasione, simul & quod Goeſani, ab Hugone Grotio excitati, illustrem

Scholam nollent Middelburgensibus concedere, Middelburgense illustre Gymnasium ipsa in herba collapsum est. Nam & Meivartius ad Triviale scholam rediit. Solum à Walæo petiit & obtinuit Magistratus, quo Illustris scholæ spem & faciem retincret, ut quandoque loco lectionum Græcarum & Philosophicarum, Theologicas locorum Communium persequeretur. Quæ etiamnum, nomine *Enchiridii Religionis Reformatæ* publice leguntur. Ita commoveri non solent prudentes calumniis, quas boni ab æmulis coguntur perpeti. Imo eos pluris solent æstimare, si in iis se prudenter gessisse inveniant.

Hanc spartam continuavit Walæus, usque dum in Academiam Leydensensem traduceretur, & illi hora semidecima matutina, quandoque hora semiquarta pomeridiana vacavit: ejus autem institutione qui ad Academiam mittebantur, cæteris paratior apparebant. Nec unquam Zelandi eruditiores ex Academia quam tum revertebantur: tantum est bene eruditionis initia posuisse, & ejus mature intellexisse fundamenta.

Nequiquam tamen de Ministerii munere interca neglexit. Ita tempus homini bene disponenti potest sufficere. Sed ex mandato petitioneque Ecclesiarum Zelandiæ, & instigatione præcipuorum Hollandiæ ministrorum, Scriptum Vytenbogardo opposuit, quo ostendit Authoritatem quam Ecclesiæ Belgicæ Magistratui largiuntur, & eam S. Scripturæ, consuetudineque Ecclesiæ primitivæ consentire. Eo libro eruditionis ubivis famam acquisivit Walæus, meruit gratiam Ecclesiæ, quod eam à Remonstrantium calumniis quasi Magistratui idmorigeram, liberasset. Meruit gratiam plerorumque Politicorum, quod collegis quibusdam suis prætextum admississet, quo solebant Ecclesiæ premere. Ipse Vytenbogardus, non potuit de eo scripto nisi ut erudito & modesto loqui, viderique voluit statim satisfacturus: quam ob causam rescribendi veniam ab Ordinum Deputatis petiit. Et quamvis obtinuerit statim, nunquam tamen respondit: nisi quod quadraginta & pluribus annis postea, septennio post Walæi obitum, videri voluerit etiamnum respondisse, edito libro in quo multis præloquiis, variis ambagibus, magno apparatu, nihil aliud tandem quam inermem & nudam negationem opposuit: ut parturisse mons, sed murem hic tantum edidisse, queat videri.

Hoc præcipuum fulcimentum dissentioni subtraxisse non contentus Walæus, sedare populum, mitigare Hollandiæ Magistratum intendit. Populo tractatum proposuit quomodo is se gerere debeat, quando in Ecclesia, quando in Religione inter Pastores oritur dissensus. Magistratum conciliare Ecclesiasticis per Hugonem Grotium conatus est, virum ob eruditionem jam dudum illi familiarem: qui spe successionis in Barneveldi dignitatem, credebatur altera ejus manus exilire. Huic persuasit extorritque aliquoties illas voces, *se Hugonem Grotium suosque videre, non aliud hujus dissentionis remedium quam in Synodo Nationali consistere: eam se suosque nolle concedere: Deum se suosque velle punire.*

Flagrabat enim continuo magis Hollandia internis dissidiis, & in unius aut utriusque partis perniciem præparabatur. Opponebant se aperte sex Hollandiæ civitates decretis de Pastorum vocatione, de tolerandis utrimque Religionis Controversiis. Iis quoque non obediebant Ecclesiastici, ne Remonstrantes quidem, præsertim iis quæ consulto præcipue Vytenbogardo, ab Hugone Grotio concepta, limites Ecclesiasticis ponebant. E quibus in tractandis Controversiis

non

non liceret iis evagari. Certe mirari subit, eos in libera Republica qui voces suppressere nunquam potuere, quæ summam suam majestatem lederent : eos, inquam, voluisse Ecclesiasticorum populique sermones inhibere, à quibus salutem animæ suæ proximique dependere credebant. Quas leges ideo minus servabant Ecclesiastici, quod eas in suam perniciem editas arbitrarentur. Vello tamen Magistratus iis obediri, qui non parebant Pastores ministerii usu interdiceret : ejicere à civitatibus quos pertinaciores inveniebant : qui illis nimium favebant cives in exilium relegare. Et quamvis illi à justitiæ Præsidibus restituerentur in integrum, qui eam non correctionem sed factionem judicabant, Magistratus tamen in civitatem suam denuo eos non admittere. Unde utrinque vehementer exacerbat animi. Et Magistratus tandem, civibus suis non fidens, milites legit.

Sed ea nullibi magis in conspicuo, nullibi fervidius, quam Hagæ Comitum acta fuere. Vytenbogardus, qui alibi suos ad extrema instigabat, hic ubi rerum in Ecclesia potiebatur, volebat moderatus videri, & mitigando sua, alia concedendo Contra-Remonstr. hoc quod possidebat integrum tenere. Sed cum appareret sagacibus ita falli Pastores, populum seduci : animatus Henricus Rosæus, vir eloquens & magni animi, populo detegere fucum incepit, & quod sub melle latebat venenum indicare. Quam ob causam Magistratus excoercere illi ministerii functiones prohibuit ; detecto tamen errore noluit populus Vytenbogardum audire, & maluit in vicino pagò Rijswici conciones frequentare. Id impedire Magistratus conatus est. Contra Populus urgere ut aut Henricus Rosæus aut alius Concionator religionis Reformator, pro qua tot sumptus suppeditari, tot bella gesta essent, illi concederetur. His sese objicere Vytenbogardus, exuere simulatum moderamen, & omni molimine id agere ne quod petereat possent obtinere.

Mauritius Celsissimus Princeps Auriacus, animadvertens non Ecclesiasticos tantum, sed se præcipue peti, & conniventia sua Barneveldi adversariorumque suorum potentiam crescere, incepit aperte Contra-Remonstrantibus favere : intercedere apud Hollandiæ Ordines, quo illis templum quo minister concederetur. Sed Nobiles & duodecim Civitates admodum reluctari : urgere Princeps. Et cum tantum æqua petere Contra-Remonstrantes viderentur, impetrare Hagæ Anglicum templum : quod cum recipiendis Auditoribus non sufficeret, quod illis præparabatur Claustrum templum præoccupare, Henricum Rosæum in ejus Cathedram introducere, ipsius conciones frequentare. Ea re vehementer conturbati Barneveldus ejusque affectuæ, quasi vis illorum auctoritati inferretur : ast cum æqua tantum destinataque Contra-Remonstrantes obtinerent, quod emendare non poterant permisisse. Eo quasi classico excitati contra-Remonstrantes, ubi vis animos sumserunt. Populus in illorum ruce partes in quas Principem, amatum sibi estimatumque transire vident.

Non autem satis erat Contra-Remonstrantes Hagienfes, & concionatores & templum habere, apparere insuper illustri illo loco debebat, Contra-Remonstrantium religionem Remonstrantium opinioni præpollere. Cum autem Vytenbogardus eruditione Rosæum superaret, & cum continuo ad disputandum invitaret, lacerasset : aliunde arcessendus erat qui ejus jactantiam inhiberet, confunderet. Eam in rem non alius aptior habitus est quam Walæ-

us,

us, qui idcirco Anno cld lxxvii. ab Ecclesia Hagienſi, à Principe Auriaco, conſenſu Magiſtratus per Deputatos Middelburgo vocatus eſt, ut ad tempus Eccleſiæ Hagienſis Paſtoremageret.

Hagæ mox Walæus ſtatum controverſiæ perſpicue in concionibus proponere. Argumentorum utriuſque parti pondus quaſi ad ſtateram examinare. Reſpondere exceptionibus Remonſtrantium, vindicare Reformatorum. Atque ita plene in controverſiis populum inſtruere. Tacere tum de diſputationibus Vytenbogardus, qui jam ſuſſe à quindenis annis eruditionem Walæi perfectam habebat. Affecit tamen ejus quibus non ita cognitus Walæus eſſet, aliquoties eum aggreſſi fuere. Et primo la Haye Remonſtrantium Concionator, poſt concionem nondum dilapſis auditoribus de Perſeverantia Sanctorum illi litem movit. Hunc autem ea modeſtia excepit Walæus, ea æquitate illius argumenta amiſit, ea ſoliditate & perſpicuitate illi reſpondit, eo acumine eo judicio nova regeſſit, ut cum non haberet quod reſponderet amplius, pudore confuſus dilapſus ſit.

Hoc dedecus reparaturi Remonſtrantes, ad novum colloquium Walæum vocare, in quo Juriſconſultus ſacundus & acutus, la Haye in adjutorem erat adjungendus. Ipſum autem colloquium, aſſumptis utrinque duobus Senioribus in teſtes, in privatis adibus erat inſtituendum. Nec hoc quoque detrectavit Walæus. Ubi conventum eſſet, Juriſconſultus de Prædeſtinatione ſua contentioſe proponere, Walæus ſedate cordateque reſpondere, & conſtanti reſponſique ſoliditate domare ferocientem. Cum autem præcedentis collationis fama excitati, aliquot centeni utriuſque partis in illas aëdes conſiſſerent, Remonſtrantes veriti ſimilem præcedenti colloquii exitum, conferre ulterius non voluere, diſtantes privatum hoc colloquium, non in tanta auditorum corona eſſe debuiſſe.

Sed eo non contentus Walæus, ipſum Vytenbogardum frequentiffime ad conferendum invitavit, præſertim per Sereniſſimam Principem Aloyſiam Coliniæ, Guilielmi Auriaci viduam, quod per eam Vytenbogardus Roſkum ad publicum quaſi certamen antea provocafſet: verum ab ea collatione ſemper ſe Vytenbogardus excuſavit. Ita quoque vigere incepit Hagæ Contra-Remonſtrantium opinio, & denuo quaſi reſtereſcere. Nunquam melius diſputatur; quam quando æquanimitate & judicio controverſiæ expenduntur. Et veritas ipſa, diſſectis aliquoties errorum nubibus, facile lumen ſuum denuo ſpargit.

Contra-Remonſtrantium cauſam præ cæteris Paſtoribus in Hollandia agebant Johannes Becius Dordracenus, Henricus vander Linden Delphenſis, Feſtus Hommius Leydenſis, & Amſtelodamenſes Petrus Plancius, Jacobus Triguſlandius: viri eruditi, prudentes, animoſi, quique animum populi poſſidebant. Hi raro antea aliquid majoris momenti inconſulto Walæo: nunc pleraque ex ejus conſilio exequabantur. Magiſtratus Amſtelodamenſis, caput eorum qui Contra-Remonſtrantes totabantur, indeſinenter cum Walæo per Deputatos conferebant. Et ubi quid majoris negotii obveniret, quod in ſe nollent Deputati recipere, obnixè rogabant Walæum ut Syndrio ſuo Eccleſiaſtico, Conſulari ſuo collegio, præſens conſilium mentemque ſuam vellet exponere. Mauritius Princeps Auriacus, de quo non vane dictum fuit, quando equo inſideret,

omnes

omnes illius consiliarios illi affedisse, intimum tamen Consiliarium Walæum habuit, in iis omnibus quæ aut religionem aut hoc diffidium spectarent. Adeo ut nulla dies transiret, qua non ejus exquireret consilium, frequenter integras noctes deliberando cum illo consumeret, quo paratus esse ad concludendum in iis quæ de die erant exequenda. Ab eo tempore continuo Walæus interioris fuit admissionis. Nimirum Walæus etiam prudenter nuncquam simulabat, & omnia illius consilia à vafritie à calliditate prorsus erant aliena. Mauritius animo erat vere Heroico, & quæ moliebatur intendebatque aperte solebat profiteri.

Ob quem candorem ne Remonstrantibus quidem Walæus invisus erat: simul & quod scirent Walæi consilia eo tendere, ut stabilirentur quidem Contra-Remonstrantes; Remonstrantes tamen penitus ne perderentur: quod putaret multos redituros ad saniolem mentem, si illis occasio secundæ sedatæque cogitationis concederetur: & minus de vindicta cogituros, quibus vivere & aliquo modo bene liceret. Quare eandem familiaritatem cum Grotio aliisque contrariæ partis quam unquam coluit, avulsissetque eos à Barneveldi parte; nisi, ut ipsi loquebantur, vis humana major obtulisset.

Per hos omnes Walæus una è præcipuis causis fuit quare harum controversiarum decisio ad synodum Nationalem delata, & omnia ad eam convocandam præparata directaque fuerint. Quæ omnia cum peregisset obtinissetque Walæus Haga discessum paravit. Conabatur quidem abire impedire Princeps Auriacus, & cum in Concionatorem suum Aulicum elegit; sed id non erat nisi ejus discessum promovere. Ab eo munere Walæus abhorrebat, in quo minus quam alibi proficias: cum hodie nimium sibi soleant Principes indulgere, & si munus bene continuoque excquaris, tandem non potest nisi offensam parare: cum etiam quæ optimo animo peracta sunt, facile soleant ab Aulicis in deteriolem partem torqueri. Principis autem offensa nimium secundum poenarum trahit.

Middelburgi Anno c1o 1o cxviii. redux Walæus, animadvertit demum quantum amaretur: ita populus illi obviis, ita Collegæ, ita Politici ad salutandum admitti affectum suum expressere. Nunquam ut decet bona nostra æstimamus, nisi quando in periculo sumus aut fuimus ea amittendi.

Controversiæ Remonstrantium & Contra-Remonstrantium jam intra Hollandiæ limites non concludebantur, extendebant se in vicinum Ultrajectum, Transilulaniam, Geldriam, imo Sedanum usque: ubi Daniel Tilenus, vir variorum & elegantis eruditionis, qui tamen parum in intima disciplinarum penetraret, & libenter omnibus domesticis suis adversaretur, pedetentim incepit Remonstrantium doctrinam instillare; & Auratum verbi divini Ministrum, meliorem illo sed indoctiorem, traxerat in suas partes: quare detectus à Rambourlio Concionatore Aulico, partim sponte, partim à Duce Bouillonæo coactus, Theologiæ Professionem deseruit. Hic locus ut suppleretur, ut id quod destructum erat edificaretur, iterum Walæus Middelburgo vocatur: & ut obtineri posset omnes adhibentur Machinæ, quæ cum possent loco movere. Pararius erat Franciscus Arsenius, vir à legationibus clarissimus, Walæo amicus, cui majorem eruditione, ingenio, judicio, rerum usu ætas illius non habuit. Conditiones erant amplæ & meliores quam ceteri Professores possidebant.

possidebant. Invitatio Ducis seris erat, iterata, amicissima. Non potuit tamen Walaeus migrationem ab uxore, ab amicis dimissionem impetrare: cum ad lautiores conditiones quæ offerrentur, facile posset duplex quod habebat Middelburgi stipendium extendi. Et grave illi videbatur ætatis jam quadraginta quinque annorum, debere regionem, debere mores mutare & ad ignotos accedere, diu amicis intimis versisque constituendus: quare maximas gratias Duci egit, sedem ut putabat perpetuo Middelburgi fixurus.

Interea foederatarum Belgii Provinciarum Ordines, cum animadverterent Hollandiæ factiones in foederis dissolutionem & omnium Provinciarum perniciem redundaturas, coeperunt componendis Religionis controversiis manus admovere, consilio Reinerii Pavii Consulis apud Amstelodamenses magnæ autoritatis, instigatione Mauritii Celsissimi Principis Auriaci; & Nationalem synodum decreverunt, convocarunt. Dederuntque in mandatis Auriaco Principi, exauctorare subiectum ab Ultrajectino Magistratu militem: Magistratum nimis contrarium submovere loco, novum restituere.

His sese aperte opposuit Barneveldus, per Nobiles & duodecim Civitates Hollandiæ. Et omni molimine, etiam mittendo ad externos Reges, Principes, synodi conventum conatus est impedire. Nutantes Ultrajectinos instigando, auxilium illis offrendo, Emendationem Magistratus, dimissionem militis prohibere. Unde à Foederatis Principi Auriaco injunctum adversantis partis capita in carcerem detrudere, Johannem ab Olden-Barneveldt, Rombertum Hogerbertium, Hugonem Grotium, Ægidium Ledenbergium. Dimittere reliquum ita in Hollandia collectum militem. Cribrare in illis Civitatibus Magistratum, & contumacibus meliores surrogare. Quæ omnia sine ulla sanguinis effusione, sine ullo tumultu peracta sunt: ita eo Magistratui ciues intensius inveniebantur. Ubi de omnium salute agitur, non raro adhibetur remedium, quod non ita ex ordine singulorum usurpari consuevit: quamvis & huic facto obtendebatur, quod & ipsi Hollandiæ Ordines publico decreto auctoritatem Principi Auriaco dedissent, dissidia ea quocumque posset modo componendi. Remotis contumacioribus reliquis Magistratus approbare ea quæ acta erant, & in Synodum Nationalem Dordraci convocatam consentire.

In ea Synodo flos Reformatorum Theologorum, & inter eos Walaeus, convenit: & apud Theologiæ Professores Belgas illi locus est assignatus, destinatusque unus è directoribus Synodi plurium iudicio; sed præviis colloquiis inter se consenserunt Pastores, neminem ex ordine Professorum eligere.

Remonstrantium hic infelicitas fuit Prælidem habuisse Simonem Episcopium, virum cruditum, sed fervidum, imprudentem contumacemque: quo auctore creditur præcipue factum fuisse, ut sese nollent Remonstrantes Synodi legibus subijcere. Quare hujus Synodi partes erant, eruere è Remonstrantium scriptis statum controversiæ, & cum ex ipsis fundamentis accurate proponere. Expendere ea ad verbi divini tractationem, & singulorum pondus attestare.

In Regimine totius Synodi cinxit Johannes Bogermannus, Synodi Præses, & apparuit aptiorem eligi non potuisse. In proponendo controversiæ statu Festus Homini, jam antea illis sapiens agitatus: qui tamen frequenter de his cum Walæo conferebant. Sed in expendendis controversiis, stabilendis aut solvendis

solvendis argumentis, vindicandis exceptionibus Walæus excelluit : quare si quid difficile occurreret enodandum, ut epistolæ ad Romanos explicatio, Walæo injungebatur : si quid accurate prudenterque definiendum esset, Walæi judicio submittebatur. Unde eorum unus electus est, qui canones Synodi constituerent, qui rationes adderent quare Remonstrantium doctrina rejiceretur. Habebaturque Walæi prudentia non parum factum fuisse, ut tota Synodus in eos consentiret. Quam ob causam à Politicis, ab exteris, qui causam æmulationis non habebant, nemo magis æstimatus alleclususque fuit. Et res ipsa æmulo suo Ægidio Burfio elicit has voces, Walæum in Synodo omnes superare : dum à Classe Walachra extra ordinem ad Synodum delegatus Burfius, quæ egisset audivissetque deberet referre. Tantum est ingenio, judicio pollere, ituduisse bene, omnia æquanimirate quadam perpendere, certa audere asserere, de incertis prudenter dubitare.

Omnium autem, & nominatim horum laboribus, Deus opt. Max. ita benedixit : ut ne Remonstrantes quidem unquam fuerint conquesti, Controversiæ cardinem præteritum fuisse. Ita decisæ controversiæ, expeditæ difficultates, ut omnibus piis, doctis, cordatisque fuerit satisfactum, & ab eo tempore præcisæ radicibus Remonstrantium cœperit opinio exarescere. Omnia autem ea modestia acta, eo omnium consensu absoluta, ut nesciam an post primum sæculorum Concilia parem quas invenire.

Decisæ jam controversiæ, judicata Remonstrantium causa, condemnati Criminis læsæ Majestatis, à delegatis Fœderati Belgii Ordinum, præcipui Remonstrantium patroni fuere : Barneveldus, Hogerbetius, Grotius & Ledenbergius. Ledenbergius supplicium spontanea morte prævenerat. Jacobus Schotte Consul Middelburgensis, delegatorum judicum unus, à Fœderati Belgii Ordinibus Dordracum ablegatur, Walæum à Synodo Hagam ducturus. Is Dordracum Walæum per Rotterodamum, Shiedamum, aliasque ambages, XII Maii Hagam ducit, ne ulla populo futuri supplicii suspicio suboriretur : & in via Walæo aperit, Fœderati Belgii Ordines illum vocasse ut ad mortem componeret condemnatos, putare illos ejus prudentia & suadela oprime id perficiendum. Walæus, quod videbat se evitare non posse, id conatus est limitare. Et rogavit, ne indicere mortem condemnatis deberet, ne adesse Grotio cogeretur, ipse solatio, ob contrariam cum eo familiaritatem, opus habiturus : ne præsens supplicio esset, quod sine commotione animi non posset spectare.

Hora quinta vespertina Hagam delati, Schotus Deputatos Ordinum & congregatos Judices adit, indicatque Walæum advenisse, ac postulare jam dicta sibi concedi. Quare Advocati Fisci ad Barneveldum mittuntur, annuntiantque eum sequenti die judicandum, & mortis subitum supplicium. Schotus vero ad Walæum redit, & refert ea quæ petierat illi concessa. Hogerbetium enim Grotiumque licet condemnati non morituros, sed perpetuo carceri addicendos : Advocatos Fisci Barneveldo mortem annunciasse : urgere Fœderatos Ordines, urgere Delegatos Judices ut Barneveldum quam primum accedat, ac ab eo Walæus sub horam sextam ad Barneveldi usque carcerem deducitur.

Barneveldi cubiculum ingressus Walæus, non ingratum enim erit illius ex-

trema audire, quæ Walæi ore habeo & ejus manu invenio fuisse annotata, invenit perturbatum vehementer Barneveldum, ac ad uxorem liberisque litteras conscribit. n. m. illius nuntii indices: cum salutavit Walæus ac dixit, dolere se cum tam tili tempore debere accedere. Respondit commotus Barneveldus, se verbi divini Ministro non indigere, se senem & Christianum esse, & scire quomodo se jam debeat gerere, occupatum esse in disponendis rebus domesticis. Regulit Walæus, ea se credere; sed etiam veterano Christi militi in extrenis excitandam illam cognitionem esse, applicanda monita, solaria. Nolle tamen i li impedimento esse in componendis rebus familie, tamdiu expectaturum: ac in remotiori sedili confedit.

Per scriptis literis & ad uxorem delatis, Barneveldus primus Walæum allocutus est. Rogavit quis esset: & responsum accepit se Antonium Walæum esse, ex Synodo Dordracena venisse, ac rogatum esse ut extremis his vitæ horis illi adlitteret, paratum se esse quæ posset adferre, modo commodas illi veller aures præbere. Ad ea Barneveldus se excusare, quod quem bene de nomine, de facie non novisset: quærere quid in Synodo Dordracena esset actum. Ad ea Walæus; condemnatam Remonstrantium doctrinam esse tam ab exteris, quam ab indigenis, constitutos Canones in quos omnes plene consentirent. Id non mirari Barneveldus de indigenis, cum à Contra-Remonstrantibus submissi essent, præter expectationem ejus id de exteris evenisse. Et inquit, quomodo ergo loca quædam S. Scripturæ exponerent, quæ favere Remonstrantibus videbantur: quæ cum explicasset Walæus & utrimque ventilata factis videbantur, insinnavit Walæus tempus esse ut de propria potius salute dispiceret, peccata sua confiteretur, & eorum à Deo veniam peteret.

De peccatis illibenter audire Barneveldus, quasi eorum confusione, confiteretur quoque, se suo merito supplicium capitis subiturum. Oggerere se examinatum, sed, ab inimicis esse, multa eos in deteriorem partem accepisse: quædam quoque quæ Caronio Legato Anglico scripisset, ut amico intimo, ad peccatum tracta: quæcunque gessisset, iis libertatem & privilegia Hollandiæ voluisse tutari: supplicium jam præmium futurum, pro quadraginta trium annorum indefectis curis, exantlatis laboribus. Quæ cum non sine gemitu & lachrymalis efferret, illachrymavit quoque Walæus. Quis enim non misereatur sortis humane, qua paulo ante rerum domini, mox viliores fucis hunc, & probro se à carnice mactantur. His Walæi lachrymas cum animadvertisset Barneveldus, *Es tu quoque*, inquit, *Walæe meo infor. uno commoveris*: ac ab eo tempore se illi plene ut amico dedit. Walæus vero respondit se actorum non eam notitiam habere qua de singulis ferre judicium posset, neque se eam in rem eo venisse: unum se scire, Delegatos Judices novisse, late hujus sententie aliquando illis rationem coram Dei throno reddendam esse. Assentiebatur illi Barneveldus, sed opponebat eos non secundum receptas leges præcedentis ævi sed præsentis judicasse. Urli tamen Walæus Dum iis qui sibi innocentes viderentur non condonare peccata: quare saltem cum Propheta Davide, peccatorum occultorum à Deo veniam peteret. Id pollicitus est Barneveldus, & se jam incepisse. Quæsit porro Walæus, quam spem ergo veniæ haberet, & quomodo crederet se apud Deum salvandum esse. Ad ea Barneveldus: salvandos qui crederent in Christum, quique fidem suam bonis operibus exornarent.

narent. Id verum dicere Walæus, sed requiri in super, ut crederet eam talem, ea bona opera non à se habere, nec meliore usu liberi arbitrii acquisivisse; sed à Deo in solidum ex mera gratia, juxta decretum suum ab æterno, accepisse. Respondit Barneveldus, id se credere, eam Doctrinam se juvenem didicisse Heidelbergæ, ac in ea se perpetuo perstitisse. Intulit Walæus, eum itaque non partium Remonstrantium sed Contra-Remonstrantium fuisse. Id fateri Barneveldus, solummodo se difficultatem aliquam in Prædestinatione absolute condemnante invenisse. Ei difficultati Walæus satisfieri potuisset, cum damnandi non præstant, quæ naturæ viribus potuissent; & eos scopolos non urfisse tantum non Contra-Remonstrantes, sed & studiose præcavisse: eum itaque debuisse non Remonstrantium patrocinium suscipere, sed Contra-Remonstrantes tutari. Quibus respondit Barneveldus, ejus rei aliam rationem subfuisse, propositum sibi Contra-Remonstrantibus publica tantum exercitia permitti, Remonstrantes non opprimi. Sed obijcere Walæus, contrarium tamen evenisse; Contra-Remonstrantes è cathedra ejectos, Remonstrantes substitutos: unde maxime populus incepisset commoveri. Ad ea Barneveldus, reliquos non satis propositum suum subsecutos. Rescribere Walæus, eum videri subterfugia querere, cum non facilius à Deo venia impetretur, quam peccatorum quæ candide contemnit. Quid sanctum habere ambiciosus potest, qui eam religionem, à qua salutem animæ suæ populique sui dependere credit, opprimit, ut dominetur.

His sermonibus tem; us usque in cœnam transivit, quam ubi paratam esse annuntiabatur, ad eam Barneveldus Walæum invitavit: voluit ab eo preces dici, cibum illi præbuit, adhibuit, & plane quasi in propria domo exceperit, quod non potuit nili à composita mente profecti, & animo qui superius esset. Ipse vero comedit pluvium, ut solent illi qui distrahuntur cogitationibus, non tamen opprimuntur. Noluit autem vinum bibere, ne mens, cogitationibus agitata, turbaretur.

Pocracta cœna rogavit Walæum, ut pro eo Auriacum Principem vellet adire, petiturus I. ut condonaret illi quod potuisset in eum peccavisse. II. ut favore prosequeretur liberos suos, matrimonio connexos procerum primatibus, perpetuo religioni Reformatæ addictis. Ad ea Walæus: an non inclius foret, eum sine conditione condonationem rogare; & an ea quoque eo usque se extenderet, ut inhiberi lata sententia possit. Subticens aliquandiu Barneveldus, respondit eo usque se non extendere: & rogavit, ut prædixisset illi, ita vellet Principi proponere. Hæc sub horam decimam detulit Auriaco Principi Walæus: qui Responsum dedit, se dudum Barneveldum benevolentia prosecutum fuisse; verum eum ab aliquo tempore aliam regiminis formam conatus fuisset introducere, quæ Ecclesiam & Rempublicam perdidisset, eise debuisse opponere. Condonare autem se libenter ea quæ contra illam commisit, potuisse tamen id sine conditione rogare, cum distinxisset militem à juramento quod illi ut Imperatori debebatur: conatus esset impedire, ne Ultrajectum Gubernaminis sui sedem ingrederetur: calumniatum esse eum supremam potestatem tæderati Belgii appetere; ejus tamen prudentiæ committere, aut celare ea, aut aperire, se tantum viri salutem desiderare: petiisse quoque à Judicibus, ne quod in eum peccasset id illi in crimen imputaretur, liberis vero

ejus fauturum, quamdiu bene facerent. Quæsit in super, an non de inhibendo supplicio loqueretur. Quæ omnia cum relata Barneveldo essent, dixit se pro liberis suis nihil amplius desiderare : quod inhibitionem supplicii spectaret, aberrare Principem. Argumenta sua de supremæ potestatis ambitu antea dictavisse, alias se ita amavisse semper Principem, ut si in manu sua fuisset Suprema Belgii potestas, & potuisset id fieri ex ordine, eam se illi fuisse daturum. Fateri tamen, se contra eum nonnihil exacerbatum fuisse, quando Hagæ Contra-Remonstrantium separatorum templum ingrederetur. Quæ circa milites, quæ Ultrajecti acta essent, ea se agenda putavisse quo seditio præcaveretur.

Interea dum Auriacum Principem adiit Walæus, Ecclesiæ Hagienfis Pastores Lamotius & Beyerus, de more Ecclesiarum Hollandiæ circa condemnatos, Barneveldum accessere: qui conjunctim iterum & peccatorum confessionem, & fiduciam in Christum urserunt: acceperuntque idem sermo, quod antea Walæus responsum. Sed quæsit ab omnibus Barneveldus *meus ne Grotius quæque morietur, ut quoque Hogerbetius, juniores sunt, multum adhuc possent officii Republicæ prestare?* Rogavit vero Walæum à Delegatis Judicibus peteret, famulo suo liceret usque ad ultimum vitæ momentum illi adesse: quod Walæus facile impetravit. Monuit pastores ne graves Remonstrantibus essent, quo quæta esse Respubl. posset.

Sed cum his sermonibus, mentis agitatione, commotione corporis lassaretur, petiit sibi quietem concedi: & ut Pastores ipsi somnum caperent. Alit dixit Walæus, injunctum illi esse tota nocte apud illum manere. Respondit Barneveldus, eo nequaquam opus esse. Itaque in vicino cubiculo somnum admiserunt. Interea Barneveldus quietem quærere, sed eam non invenire: famulus ejus ea prælegere, quæ pro solatio agonisantium Psalterio Belgico subjunguntur: ad quam lectionem, cum non satis attenta illi cogitatio esset, ipse in Psalterio suo Gallico legit. Quod cum Pastoribus annuntiaret unus trium custodum, qui Barneveldo additi dicebantur, ne spontanea morte supplicium præveniret: Pastores Beyerum cæteris juniorem misere, qui & lectione Sacræ Scripturæ, & inde ducta consolatione, quod reliquum erat noctis transegit. Circa matutinam quartam denuo Walæus & Lamotius ad Barneveldum redire, & Walæus matutinas preces fudit, ac è colloquio animadverterunt facile, eum plane ad mortem compositum.

Non ita multo post Walæus à Judicibus evocatur, petuntque, an non desideraret Barneveldus ultimum vale & uxori, & liberis, & nepotibus dicere. Quod cum quæxivisset Walæus, Barneveldus respondit, id illi consultum non videri, se jam ad mortem compositum, id non posse nisi cum denuo amicis que turbare. Ignorabat autem Walæus, quare necid potuit Barneveldo indicare, uxorem liberosque id à Judicibus petivisse.

Cum citaretur Barneveldus ut sententiam audiret, Walæus illi valedixit, quæ potuit obtulit officia; ac magnas illi gratias Barneveldus pro præstitis egit.

Audita sententia Barneveldus respondit, Judices quædam condemnationis indidisse, quæ in confessione non haberentur: putavisse quoque susceptorum Fœderati Belgii Ordinibus, vitam & sanguinem, bona uxori & liberis relicturos fuisse: id præmium esse pro quadraginta annorum præstitis officiis. Mox ad pegma deductus, in eo ad populum conversus, dixit: *cives mei, non proditor*

sed.

sed parviora morior. Unde cum ad arenam locumque supplicii duceretur, quæ-
sivit à famulo, *Joannes, an nemo venit*, quasi spem aliquam adhuc veniæ conce-
pisset: quod cum negavisset famulus, aggeniculavit & statim illi caput ampu-
tatum est. Ita qui perpetuo Reipublicæ regimini admoventur, dum ingenio,
judicio, eloquio valent, ac omnia ex æquo & bono moderantur, multum apud
Collegas autoritatis acquirunt: qua dum amicos promovent, & iis se satis
putant stabilivisse, non jam ex utilitate Reipublicæ omnia, sed pro libitu
agunt, quo & æmulis & superioribus materiam præbent, qua iterum perantur.
Insequenti à supplicio die Walæus Dordracum reversus est, ac Synodi ne-
gotiis usque ad Maii finem vacavit: quando argenteo donatus nummo, pub-
lico convivio cum omnibus, privato cum præcipuis à Delegatis Ordinum ex-
ceptus, honorifice dimissus est.

His rite peractis providendum Hollandiæ Ordines arbitrabatur, ne suppres-
sa dissidia denuo suborirentur: quare prima illis cura fuit Academiam, Rei-
publicæ & Ecclesiæ seminarium, in tuto locare. Itaque statim Johanni Poly-
andro à Kerckhove S. Theologiæ Professori, adjungere decreverunt, Andre-
am Rivetum, Antonium Walæum, Antonium Thylium. Vocando Riveto,
Thomas Erpenius Arabicæ linguæ Professor, in Gallias transmittitur. Thyfio,
Adrianus Pavius Civitatis Amstelodamensis Syndicus, Academiæ Curator,
& Amelius ab Hoogeveen Consul Leidensis Medio Julii, Rochus Honartius,
supremæ Curiæ Senator, Curator Academiæ Primarius, & Petrus Deimannus
Primarius civitatis Leidensis Consul Middelburgum venerunt, vocationem
Walæo annuntiavere, urserunt ut illi adstipularetur. Litterasque adjunx-
erunt Mauriti Principis Auriaci, quibus idem petebat. Verum Walæus
ad deliberandum sibi tempus concedi postulavit, se precibus apud Deum, con-
silio cum amicis, Ecclesia, Magistratu collaturum. Interea delegati Curator &
Consul Ecclesiasticos, Magistratum ambire, sollicitare Walæi dimissionem,
quam & impetrarunt tandem, quamvis ægre, quod non Hollandis tantum,
sed & suis bene Leydæ, præparandis vocaretur. Hæreere amici, quod majus
stipendium Leydæ quam Middelburgi non esset habiturus, quodque filios in
Academia bene educare posset, non posset tamen tam bene remotos à Con-
sanguineis ad honesta munia promovere: quibus ut satisficeret, Pastoris munus
in civitate Leydeni simul illi fuit oblatum. Credidit vero Walæus ei vocati-
oni resistere se non posse, qua non Ecclesiæ tantum membra sed eorum Pastores
erat formaturus, nec recturus unam Ecclesiam, sed Belgicis omnibus consiliis
præfuturus.

Itaque publica concione x. Septembris Ecclesiæ membris discessum annun-
tiavit & valedixit, quam audiebant illibenter, excipiebant non sine suspiriis &
gemitu, & jacturam suam ac in eum affectum effusus lachrymis testabantur:
ut credidisses potius liberos à moriente parente, quam Ecclesiæ membra à Pa-
store abitum parante venisse. Illud est à Deo Opt. Max. dona accepisse, adhi-
buisse diligentiam quibus te reddere ælimatum possis, prævisse exemplo,
consilio, officiis plerisque demeruisse.

Dum Middelburgi hæsit Walæus, vix prospera valetudine usus est, semper
Asthmate, sæpe colico dolore & diarrhœis vexatus, aliquando quoque febribus
continuis, quibus debilitatus, emaciatus sæpe elanguit, & aliquot annis inter-
mit-

mittentem habuit pulsum. Origo malorum erat ab hæreditate materna, & quod in studiis nimius, ea statim a prandio adiret, vixque animo quietem, corpori refectiorem largiretur. Sed ea multum lenivit uxor sana, & in inserviendo sedula.

Liberos Middelburgi habuit Margaretam, Jacobam, Antonium primum, Catharinam, Estherem, Antonium secundum & Susannam: quorum Jacoba & Antonius primus infantes mortui, reliqui integris sensibus vegeto corpore superstites mansere. In solis liberis exultavit Walæi animus, & cum benedictionem in terris promissam æstimavit. Quid enim majus fieri ab homine potest quam liberis sanos moratosque habere, secundæ fortunæ participes, adversæ levamenta, morborum senectutisque sustentacula.

Amisit vero Middelburgi, unicam suam sororem Joannam, uxoris avum, sororem, & avunculos omnes; sed Joannem, uxoris fratrem unicum, ad Civillibus Militiæ Præfecturam vigesimo ætatis anno promovit. Ejus vero sororem Jacobam, Jacobo Walæo unico fratri suo collocavit. qui primo Pastor Ecclesiæ Meliskerkæ, mox veteris Civitatis Domburgentis, cum jam Ecclesia Middelburgi Antonio Walæo substituit, quo & affectum & æstimium nominis Walæi quoque testaretur.

Decimo nono Septembris Walæus cum tota familia Middelburgo Leydam commigravit. Ubi honorifice & publico convivio à Magistratu, gratulabunde ab Academia, suavissime à veteribus amicis exceptus est.

Leydæ statim illi à Senatu Academico collatus est Titulus Theologiæ Doctoris, nullo prævio examine, ut solet illis qui eximia publica que eruditionis suæ dederunt documenta.

Ipse vero vigesimo primo Octobris Professionem suam auspicaturus, Orationem de Studiis Theologicis recta institutione habuit. Quæ magna frequentia, omnium applausu excepta; mox tamen Walæo displicuit: quod animadverteret, multa egregie concipi, quæ in usum duci nequeunt; in multis à Discipulis peccari. quæ cogitando non possumus assequi.

Cum Walæo quoque accessit Antonius Thysius, & paulo post è Galliis Andreas Rivetus Facultatem Theologicam condecoraturi. Et certe singuli insignem nominis claritudinem paraverunt, omnes facultatem reddiderunt longe celebriorem. Quisque tamen, ut assolet, præ cæteris quibusdam animi dotibus eminuit. Memoria præpollebat Thysius, ingenio Walæus & Rivetus, qui & judicio ad concludendum excellere; sed dexteritate ad exequendum Polyander. In agendo fervidus erat Thysius, vigore plenus Walæus, quo remissior Rivetus. sed sedatus erat Polyander. In exprimendis animi conceptibus elegans Polyander, voce tamen & loquio Rivetus & Walæus præcellabant. In Philosophicis exercitatus magis Walæus. In linguis Thysius, Hebræa præsertim, nam & Græcæ peritior Walæus. In Theologia diffusam magis eruditionem habebant Thysius & Rivetus, solidam Walæus & Polyander. Peritior in Historia Ecclesiastica Thysius, in Lectione Patrum Rivetus, in Theologia Scholastica Walæus. Versatior in controversiis Socinianorum, Anabaptistarum & Remonstrantium Walæus, Pontificiorum Rivetus, Prælegebat Thysius diffuse, Rivetus plene; solide & breviter Walæus; ad praxin accommodate Polyander. Quodque his majus æstimo, ea singuli æquanimi-

tate

tate præditi, ut quæ in Collegiis excellent dona æstimarent, venerarentur, imo ubi opus esset advocarent in auxilium. Quod ut cordatorum tantum, ita magnarum quoque animarum est, quæ sibi concilia sunt, etiam si in aliquibus cedant aliis, satis se tamen magnitudinem suam posse tutari.

Horum omnium prima sollicitudo fuit præcavere, ne denuo in facultate Theologica dissidia suborirentur. Quare subscriptione catechismi Heidelbergensis, & Confessionis Belgicæ, testati inter se consensum. Deceverunt & observarunt continuo, neminem judicium de Religionis controversiis, Ecclesiæ regimine, casu conscientiæ scilicet; sed non nisi una cum Collegiis suis daturum. Nullas theses publice disputandas esse, nisi omnes Collegæ eas viderint approbaverintque. Nullum librum edendum, quem non examinauerint omnes Collegæ, & ostenderint sibi placere. Quæ tractu temporis negligenda, utinam sit falsus Vates, aliquando dissidia & turbas dabunt.

Ad eandem religionis paritatem præparare & studiosos voluere, quare & iis prospiciendum esse arbitrabantur de Cynosura, secundum quam studia sua possent instituere: quod exortis Remonstrantium Controversiis, multa in Theologia accuratius explenda essent, de multis circumspiciendus loquendum. Itaque publicis disputationibus totam Theologiam pertractare aggressi, ex iis *Synopsi purioris Theologiæ* publicaverunt: ad quam singuli ea contulere, quæ ap-
positis nominibus adscribuntur.

Constituta bene interius facultate, defendenda ea ab exteris hostibus erat: ab iis præsertim qui in partem in eam moliebantur. Respondendum erat *Johanni Arnol'do Corvino* qui contra *Petrum Molinæum* ingens exaraverat volumen. Respondendum erat Remonstrantibus, qui *Actis Synodalibus Remonstrantium* ea insinuerant, quæ stabiliendæ sive opiniioni, infringendæ Contraremonstrantium poterant adferre. Id oneris Collegæ in Walæum contulere, ad conflegendum cæteris promptiorem paratioremque: qui edita *Responsione ad Censuram Joannis Arnol'di Corvini in Petri Molinæi Anatomem Arminianismi, & ad scripta Remonstrantium qui ad Synodum Dordracenam citati sunt* Maximum nomen acquisivit, non apud suos tantum, sed & apud Gallos, Anglos, Scotos, & diu Remonstrantibus silentium imposuit. Nimirum in Controversiis dudum agitatæ, qui lætione diligens qui mediocri judicio præditus est, aliquod pretium operæ potest præstare: sed Controversiæ majoris momenti, recens exortæ, non nisi solida eruditione, acri ingenio, maturo judicio ex dignitate tractantur: quare nulli vii magni majori celebritate, vix majori tractu cogitationes suas impendit.

Interea & præcipue firmata jam facultate, munus suum omnes reddere illustre conabantur. Verus Testamentum explicabat Rivetus & Thyrius, Novum Polyander. Sed quod reliquæ gratius, quare & dignius habetur, Locos Communes tradebat Walæus. Eos Locos non hinc inde carptim, sed ab ovo omnes & totam Theologiam persequabatur. Singulos autem explicabat integre, scire per principia, per species aut partes; per affectiones non per quaestiones, ut loci ejus editi non raro exhibent, quasi ad disputandum non ad cognoscendum comparata Theologia foret. Inmorabatur autem præcipue majoris momenti Controversiis aut difficultatibus, quæ in regimine Ecclesiæ obvenissent. Neque quævis utriusque opinionis examinabat argumenta, sed in
quibus

quibus pondus sententiæ confisteret, aut quibus solutis reliqua facile diffilarentur. In Controversiis tamen recens exortis operosior exiltebat, de Deo contra Vortium, de Prædestinatione, de Sabbatho, de Authoritate Magistratus in rebus Ecclesiasticis, similibusque, quia agitantur continuo, & paucioribus bene essent perspecta. Concludebat autem semper, non ita humanæ rationi, sed verbo Dei perspicuo subnixus. Ob quæ omnia præ cæteris major fuit Auditorum ad Walæum confluxus. Id demum est Theologiam tradere, quæ ex Sacra Scriptura eruitur: cum quæ rationi nimium innitur, Ethica potius Christiana sit, & ubivis vacillet. Id est Doctrinam agere, fundamenta Doctrinæ ostendere, rebus majoris momenti applicare, clare proponere, breviter deungi. Cum autem nonnemo Collegarum aliquando dubitaret an non ea Auditorum frequentia esset, quod Locos Communes profiteretur, ipse quoque arrepta occasione, locos quosdam tradere aggressus est, sed, cum irritò successu, brevi destitit.

Verum enimvero non sufficiebat sacræ Theologiæ cognitione Auditores imbui, præparandi & Theologiæ candidati erant, ut recta defendere contra adversantes possent & falsa possent redarguere: id disputationibus peragebatur, in quibus omnes seduli, nulli tamen frequentiores quam Walæus & Polyander apparebant. Non permittebat Walæus ea ad disputandum proponi, in quibus Reformatis inter se libere liceret dissentire. Non enim ansam ulteriorem præbendam divisionis Ecclesiæ, sed amice potius alienatos ad unionem invitandos. Non permittebat futilia ab opponentibus objici, in quibus frustra tempus tereretur. Non permittebat proterve opponi, aut ea quæ cum offensa Auditorum effutiantur: in quo cum peccarent sæpe Lutherani, Pontificii, Sociniani qui ad disputandum advolaverant, tum splendebat Walæi promptitudo, subtilitas, animi magnitudo, quibus admirationem incutiebat Auditorio, obturabat os Adversantibus, & eos redigebat in Ordinem. Sed volebat Walæus à Defendente, clare vim argumenti opponentis repeti, volebat non responderi tantum, sed Responsum solide demonstrari. Ne viderentur effugia quæri, sed doceri ignaros, pertinaces convinci. Equidem Walæum in Lectionibus egregiam laudem, in Disputationibus videbatur Triumphum mereri.

At cum non satis instrui, exerceri publice Theologiæ candidati possent, in privatis ædibus continuo bis in septimana, Enchiridium suum Religionis Reformatæ explicavit, examinavit & proposuit ad disputandum. Cui non nunquam bina ternave, ut vocant, Privata collegia contra Anapabistas, Socinianos, Pontificios adjunxit: in quibus omnia familiarius explicavit, brevis absolvit.

Privatim quoque Theologiæ Candidatos ad habendas conciones indies. Manuduxit præ cæteris ea eligenda S. Scripturæ effata, quæ Spiritus Sanctus sæpe repetendo esse ponderosiora indicavit: non de capillis, de vestimentis in quibus errantes Deus Opt. Max. & minus & rarius objurgavit. Sacræ Scripturæ textum non semper explicandum fufius, nec ubique elicienda dogmata. Sæpe Propositionem esse, demonstrandam ulterius, & auditorum animis infigendam: infigi optime quando docetur simul, quomodo removeri obstacula possunt, quomodo id ipsum possit in usum deduci.

Nec

Nec passus est unquam ob privatos labores, aliquod sibi honorarii offerri: quod ab illo primum introductum, mox usurpatum à Collegis, hodie in consuetudinem traductum est.

Continuavit hunc instituendi morem viginti annis, quamdiu vita perduravit. Et ex ejus ludo innumeri Ecclesiæ Pastores, non pauca Ecclesiæ lumina prodire: maximo Walæi solatio, imo gaudio. Quippe nil majus aut Deo gratius obvenire homini potest, quam ejus curis Antistites exurgere, qui per universum mundum colligere Deo Ecclesiam possent, aut collectam conservare.

In Regimine Academiæ nec partes fecit, nec fovit, imo quæ laborarentur, eas semper conatus est componere. Ita coagulum fuit inter Johannem Polyandrum & Antonium Thylium, inter Petrum Cunæum & Franconem Burgerfdicum: inter quos diversæ, & familiæ felicitates aliquod dissidioli aliquando movere. Odia inter Vorstium Heurniumque Adversarios Medicos lenivit: omnibus tamen mansit amicus: quod non tam reconciliationem, quam singulorum querere emolumentum conaretur. Unde simul & Vorstii filium Adolphum ad Professionem Medicam commendavit efficacissime, & Heurnium primus ad nominationem Rectoris Magnifici promovit.

Ipsæ Walæus nullum inimicum habuit. Nisi quod æmulari illi non nihil videbatur Daniel Heinſius, ipse Gandavenſis quoque: hic in literarum Professione ille in Theologica crediti eminere. Adeo inter æquales facilius æmulatio succellit. Nunquam tamen officere Heinſio Walæus conatus est: imo ne inmiscuit quidem se, de principatu contentionibus Salmatii Heinſique, quæ in publicum crupere. Estimabat ambos viros summos, immense eruditionis: sed elegantioris ingenio Heinſium Poetam & oratorem meliorem, Salmatium judicio maturiorem, reliqua eruditione diffusum magis & magis solidum. Optabat autem literatores majori circumspectione, minori licentia in Theologicis versari. Majorum facultatum lumina, qui linguas negligunt sæpe rerum studiosiores inveniuntur, qui peregrinantur minus; minusque antiqua inquirunt, ea quæ Regionis suæ sunt melius solent habere comperta. Sed cum Antonio Thyſio fundamenta jecit ejus reconciliationis, quæ post Walæi obitum subsecuta est.

Walæus vero hoc egit ut Honores Academici, quantum permittere Academiæ utilitas posset, inter Collegas ex æquo dividerentur: ita convicturos suavius & meliori consensu in suæ facultatis decus laboraturos. Unde cum nominari ipse in Rectorem Magnificum posset, pro Collega ambivit: & cum eo nominatis se quæſtione cessit. Non minus tamen honores fugientem sequebantur: unde frequenter Academiæ deputatus, ter Academiæ Rectorem Magnificum egit, illique munici immortalis est.

In cæteris Professionis suæ partibus æque se Walæus cordatum præstitit.

Testimonia de vita & studiis Theologiæ Candidatorum non nisi ex merito dedit. Satiatus rarus hos eorumque amicos offendere, quam Ecclesias fallere: magna errorum scaturigine, qua indigni ad cathedram Pastorum promovebantur. Quæ fidelitas Walæi cum tractu temporis innotuisset pluribus Ecclesiis, non pauca semper voluerunt Testimonia quoque Walæi habere.

Gradum Doctoris nullis nisi pietate conspicuis, judicio maturis, eruditione

H h h

eminent-

eminentibus Theologiæ Professores contulere: idque præparce, & vix nisi rogatu ejus Ecclesiæ in qua Pastorem agerent. Cum facile Doctores aliquid prærogativæ inter Pastores arripiant, quod non semper ex utilitate, non semper cum Ecclesiæ pacē contingit.

Libri edendi eo numero judicio facultatis Theologiæ oblati fuere, ut iis legendis omne tempus non posset sufficere: quare quibusdam ad Pastorum classes remisissis, eos ipsi tantum censendo sumit, qui controversias majoris momenti persequerentur. Censuram autem, honestatis habita ratione, instigante Walæo, exercuit liberrime. Ita editionem inhibuit Analysis ix. capitulis ad Romanos Naggii Elburgensis. Effecit ut immutarentur Tractatus Willii in Prophetas minores, & in novum caput ad Romanos. Aut ubi se non posset à censura excusare, tenui judicio, ut Tractatum Vedelii de Episcopatu Constantinensi, dimiseret. Magno Ecclesiarum commodo: è denis enim vix unus totam Doctrinam, quomodoque inter se conspectatur, animo capit. Unde facile seducuntur.

Consilia scripta privatis nulla Theologiæ Professores nisi quæ Matrimonium spectarent, dedere. In cæteris remiserunt eos ad suæ Ecclesiæ Ministros: quo se exonerarent molestia, nec Ecclesiæ membris ullam occasionem præberent Pastores suos minus æstimandi. Matrimonialia autem eo judicio dederunt, ut, quamdiu vixit Walæus, non sit animadversum ullam Ecclesiam, ullum Magistratum diversum ab iis sensisse. Eo subnixus Magistratus Middelburgensis, dissolvit Matrimonium Jacobi Lansbergii Philippi filii, Pharmacopœi, quod omnibus solennibus peractis inierat, confirmaveratque gemina prole: aliamque illi uxorem dedit, cui desponsatus erat, etiam si clanculum, prius, & ex qua spe futuri matrimonii filium susceperat.

Indies autem de Conscientiæ casibus. Religiois controversiis, Ecclesiæ regimine, ab Ecclesiis, Classibus, Synodis, Civitatibus, Ordinibus, Principibus consulebantur: quibus & consilia sua libere communicabant. Ita pacarunt Ecclesiam Medenblicensem, ubi quidam Seniorum novum de Prædeterminatione Schisma moliebatur. Ita pacarunt Ecclesiam Rotterodamensem, ubi faber quidam ferrarius, nimis de Reprobatione subtilis, membrorum Ecclesiæ conscientias turbabat. Ipsa Synodus Ultrajectina petiit, & secuta est eorum consilium: de Fœneratoribus, quos Lombardos Belgæ appellamus, ad Sacram Cœnam admittendis. Ordines Hollandiæ & Fœderati Belgii nullum librum Theologicum dedicatum admiserunt prius ab illis non approbatum: nullos libellos petitorios de componendis religionis controversiis, de corrigendis incolarum moribus, qui tempore Walæi innumeri offerbantur, de quibus non habuissent earundam judicium. Fredericus Bohemiæ Rex de auxilio sibi à Turca oblato prius nihil statuit, quam horum audivisset Responsum. Princeps Ariuricus in dandis legibus devictis civitatibus, sæpe hos Theologos consuluit. In componendo dissidio inter Magistratum Rotterodamensem & Pastores, quod quindecim classes, tres Synodos tangerebat, Polyandrium & Walæum evocavit. At Walæus in via procidens Pleuriti incurrat de singulis tamen per literas, indies ejus consilium exquisivit: nec concludere voluit antequam convalescisset Walæus, & esse præsens posset. Quando & Walæus conceptum judicium à quatuor Politici & tribus Theologis etiam duci inhibuit: & effecit,

ut suis Pastoribus constaret honores, & certum permaneret stipendium, usque dum in alias commodas civitates, de Pastorum voluntate, transferrentur.

Adeo omnia ea peregerunt, quæ Theologis Reipublicæ demandari aut ab illis peti ullibi consueverat.

Moris autem est consilia à facultatis Decano conscribi; plerumque tamen voluere Collegæ ut à Walæo scripto consignarentur, quod ut in dicendo ita & in scribendo quam maxime nervosus esset. Omnia autem cordata maximum facultati decus pararunt & æstimum: quare dolendum est non satis à Decanis eorum Apographa asservata fuisse: nam quæ Operibus Walæi subiunguntur, lineamenta tantum sunt eorum quæ consulentibus data fuere.

Unum fuit, quod rumores excitavit in Belgio, & Magistratum Amstelodamensem offendit. Amstelodamenses Consules Pavius & Hoying. inhibitis Remonstrantibus, sublato communi metu, ut ambitionum inter se invida societas est: inceptum inter se de principatu contendere, partes facere & suos quique amicos in Magistratum legere. Hi electi non jam promotores suos respicere, sed inter se convenire. Gravior minusque dominanti ordini conjungi, & veteres in Consulatu præferre. Horum cum non pauci suspecti Arminianismi essent, veteres quibusdam Ecclesiæ Ministris persuaserunt non regiminis, sed Religionis negotium agi, à quibus excitatus populus est. Novi cum non satis populo fiderent, quos debebant civilis militiæ duces legere, elegerunt eo qui manifeste Contra-Remonstrantibus non favebat, novumque juramentum satis involutum à militibus civicis exegere. Unde amplius populus offensus est, quæ occasione usi Veteres per populum conati sunt Novos denuo loco turbare. Sed quo iniquitate juramenti ageretur magis populus, excitantur Ecclesiæ Pastores, & hi Synodi deputatos, ut à facultate Theologica consilium peterent. An tale ab Ecclesiæ membris præstari juramentum posset, & si præstari non deberet, quid Ecclesiæ membris esset faciendum. Ignorabant autem illi Pastores & Synodi deputati, quare nec id potuit Theologiæ Professoribus innotescere, hoc agi ut Magistratum aliqui loco moverentur. Noluit tamen Walæus consilium dare, veritus ne quæ in thesi assererent, negotio Amstelodamensi applicarentur: & sibi non satis constare, an talis esset rerum facies, quali illis depingeretur. Volebant id autem Walæi Collegæ, & vehementer Ecclesiastici urgebant: cumque agerentur ab Ecclesiasticis, secretorum conficiis, vim quasi Walæo inferebant: quod metu offensionis Magistratus, Ecclesias desereret. Unde Walæus in consilium consensit. Juramentum involutum præstari non debere, nec cuius vi cogi possent Ecclesiæ Reformatæ noxam adterre. Sin ob negatum juramentum poena illis à Magistratu infligeretur, non ideo turbandam civitatem, sed poenam patienter ferendam esse. Hoc consilio quoque subnixi, tanta erat hujus facultatis auctoritas, & diem tumultus & signum constituunt. Quod signum live casu, live Novorum prudentia non potuerunt Veteres ostentare: Novi autem sibi à Veteribus & plerumque metuentes Principem Auriacum advocarunt in auxilium, qui inducti militibus omnia composuit. Magistratus vero aliquod sui membrum, & duos Ecclesiæ Ministros loco movit. Turbones vero aliquot relegavit in exilium, non obscure in illorum judicio consilii facultatis Theologiæ perstrictis.

Walæus etiam si præter voluntatem in illud consilium attractus esset. puta-

H h h h a

vit

vit tamen id facultati Theologicæ non esse perferendum : quare de consilio Collegarum, & apud Præpotentes Hollandiæ Ordines & publico scripto consultandi libertatem, & consiliorum suorum æquitatem defendit. Magistratus jam rerum potitus, cum non sine periculo eam denuo commovere Camarinam posset, facile iram erga Theologiæ Professores secreti ignaros deposuit. Ita Politici suo ambitui intricare Theologos solent, cumque id quod intendunt obtinent, levior plura gratia est : dum causa cadunt, deserunt Theologos & adversariorum vindictæ relinquunt.

Defensio Religionis Reformatæ in Belgio, facultati quoque Theologicæ, & in ea maxima ex parte Walæo incubuit. Prima fuit Acta Synodi Nationalis Dordracenæ in publicum dare. Intererat Ecclesiis Reformatis per Belgium, imo totum orbem dispersis, novisse qua via quoque ordine causa Arminii & Remonstrantium examinata fuisset, quid singulis patrum visum, quid ab omnibus effect conclusum. Ad eam editionem à Fœderati Belgii ordinibus delegati fuere Johannes Polyander, Antonius Walæus, Antonius Thyfius, Daniel Heinſius, Festus Hommius, Daniel Colonius, Joannes Latus. Sed maxima editionis laus Festo Hommio debetur, qui in scriptura promptus & elegans, Synodi quoque Scriba, reliquis diligentius annotaverat, quæ in Synodo acta fuissent. Illustrium actorum non minimus perit fructus, si eorum percat memoria.

Editioni huic Actorum Synodi aliam statim Remonstrantes opposuere : in qua non nisi in paucis elevare fidem actorum, sed suam præcipue sententiam Argumentis confirmare conantur. Hæc refutandi cura Walæo relicta est : qui mox his Actis & Corvino ut diximus respondit. Corvinus vindicias apparare : & jam aliquam earum partem chartæ committere inceperat, cum destitit & scriptionem plane intermisit : Incertum qua de causa : nam Corvinus reliquique Remonstrantes jam otio abundabant. Ferebatur vulgo rei difficultate absterritos fuisse, quam ab eo tempore nunquam voluerunt aggredi. Sed & inter Remonstrantes ipsos novus exortus est dissensus. Vytenbogardus, Corvinus, maximaque Remonstrantium pars plane Arminii insisterant vestigiis, nec ulterius volebant à Reformatis recedere. Episcopus, & qui cum sequebantur, ad Socinianos desectebant : Suspicio est, ideo de Responsi modo non potuisse convenire. Fœcunda est falsa opinio, ubi cepit non persistit, sed continuo generat deteriore.

Hoc prælio cum Remonstrantibus à Walæo depugnato, minus impetita Ecclesia à Remonstrantibus, magisque quæra fuit. Ulque dum, Remonstrantium Confessio aliquid de novo turbarum dedit.

Inter hoc quasi Armistitium, de tollendo schismate, uniendis Remonstrantibus & Contra-Remonstrantibus actum est : non autoritate ulla publica, sed pio quorundam motu & desiderio. E Contra-Remonstrantibus id egit Cornelius Dunganus Ultrajectinus, Godschalcus Altius Arnhemensis, Jacobus Testardus Bleſensis Pastores. E Remonstrantibus unus Antonius Homhovi-
us, qui tamen inter Pastores Contra-Remonstrantes latebat. Sed fieri nequit ut ad consensum adigantur qui inter se contraria sentiunt. Et consensus limites signare, impedire autem ne ulterius in rei veritatem inquiratur, id nec hominis ingenium nec voluntas permittit, quo ex parte quali bruta recederentur.

Majoris

Majoris spei erat quod inter Walæum ipsum & Vytenbogardum agitata-
tur, internuncio Jodoco Brasserto, fratre Tribuni ærarii Fœderati Belgii : quo-
modo iterum Remonstrantes admitti ad Reformatorum Ecclesiam possent, &
quomodo possent in ea tolerari. De Ecclesiæ membris res expedita erat, eos
ad communionem Ecclesiæ recipiendos, qui Socini erroribus non addicti, soli
Divinæ gratiæ per Christum partæ omnia bona Spiritualia & salutaria ferrent
accepta : modo pollicerentur, se in cæteris Ecclesiam non turbaturos. Major
difficultas erat de Remonstrantium Pastoribus admittendis : nolebant extra
ministerium quiescere, & stipendium habere : nolebant ministerio cum Reform-
matis fungi, de controversiis tacere. Qui enim assueti sunt dominari, nolunt
se aliis postea subdicere : qui ullibi primas partes egerunt, nolunt postea secun-
das agere.

Verum id institutum editio Confessionis Remonstrantium abruptit : ea enim
clarius apparuit, non in quinque tantum articulis, sed Remonstrantes in alia
omnia à Reformatis abire.

Mctuebat autem semper Walæus Vytenbogardum hanc reconciliationem
querere, quo initius cum Remonstrantibus ageretur : quod ita quoque obti-
nuit ; non pauci enim Remonstrantium Magistratibus immorigeri, in carce-
rem coniecti : hoc tempore, vel neglecti, vel occasione oblata è carcere erupere.
Sperabat autem eum id sincere agere, cui sciebat cum Episcopo non conveni-
re : quod & tanto firmius credidit, cum virulento libello perstringeret Epif-
copius theses, quas sub Walæi præsidio defenderat Altii filius, quibus ut Alius
titulum fecerat Remonstrantes ad communionem invitabantur : ægre ferens,
Remonstrantium aliquos Reformatorum Ecclesiam etiamnum respicere.

Abrupto hoc colloquio denuo ad arma itum est. Indignate præsertim
utraq; Hollandiæ Synodo : & Theologiæ Professores detexerunt statim late-
bras Confessionis Remonstrantium, edito libello prodromo per Walæum, quo
periculosa eorum dogmata indicabantur : quæ adversario libello conati sunt
Remonstrantes extenuare : ad quem iterum nomine facultatis Theologicæ
Walæus rescripsit, & quem velare conabantur, Socinianismum, occipit dete-
gere. Mox Confessionem ipsam in partes æquas dividere, Primam Polyander,
Secundam Rivetus, Terriam Walæus, Quartam Thyfius sumpsere sibi excuti-
endam refutandamque : Secundam partem absolvit Rivetus, Tertiam Walæ-
us, sed ad primam quartamque plurimum quoque Walæus contribuit, id pe-
tentibus ab eo Collegis, quem maxime in iis Controversiis versatum crede-
bant. Cumque & Delegati Ordinum Hollandiæ & Synodus utraq; peterent
ut ea censura à Theologiæ Professoribus in linguam Belgicam ediceretur,
qua edita quoque Confessio esset, obtinuerunt à Walæo ejus Collegæ, ut in se
id oneris admitteret, permiseruntque simul quibus vellet locis eam interpo-
lare.

In censendo autem hoc præcipue egerunt Professores, ut obiter refutata
Confessione, præcipue elicerent, quod novarum opinionum etiamnum latere
suspiciantur. Qui novas opiniones cudunt, quædam tantum majoris mo-
menti propalant, quæ arctius opinionum suarum fundamentis connectuntur :
in reliquis & generalius & lenius loqui consuevere, ne vel adversarios irritent
nimium, vel sequaces absterceant. Qui vero novatoribus se opponunt, ut ce-
lari

lari connexa vident, ita & principia alia tegi arbitrantur, quare omnia in deteriore partem trahunt. Solebat autem semper Walæus conqueri, nihil se unquam majori tædio quam eam versionem perficisse, qua nec doctior fieri nec excitare ingenium, aut excercere judicium poterat: alteri tamen non fidebant Ecclesiæ, cum in talibus controversiis etiam in loquendi modo possit error committi.

Ad hanc Censuram Episcopus Apologiam pro confessione edidit: in qua etiamnum, credebat Walæus præcipua sua dogmata conatum esse incrustare; quare ad Censuræ vindicias Refutationemque Apologiæ iterum se accinxit: annotaveratque in eam non pauca, quæ inter Walzei manuscripta asservantur. Verum injecta illi Novi Testamenti, librorumque Apocryphorum in linguam Belgicam versio Commentatioque, id institutum interrupit. Suscepit ejus Apologiæ refutationem Franciscus Junius Sylvæ-Ducensis Pastor doctissimus, qui plene Walæo non satisfecit. Cumulate vero Jacobus Triglandius, in locum Riveti successor. Walzei collega. Minus exercitati in controversiis non præcaveat primum quæ illi postea possunt obesse, nec facile extendunt cogitationes ad ea, quæ decisa controversia per totam scientiam consequuntur.

Hæc similiaque sunt quæ ab Antonio Walæo, membro facultatis Theologicæ facta fuer. Nec minoris momenti sunt quæ solus & seorsum egit.

In Schola Middelburgensi Walæus prælegerat Ethicam, & ejus compendium inceptorat discipulis dictare: verum in Academiam Leidensem evocatus, id non absolvit. Quare illius Scholæ Curatores petiverunt, illi operi colophonum imponeret & in usum illius Scholæ cederet in publicum: quod breve & perspicuum esset. ad normam veritatis Christianæ revocatum. Non potuit horum judicio nec voluit. Walæus retragari, quod prudentia insignes, eruditione conspicui, præcipuis in Republica muneribus essent perfuncti. Hanc ob causam id publico dedit, ita gratum ut multoties fuerit impressum, æstimatum ita ut Theodorus Schrevelius, celebris Leidensis Scholæ Rector, in Iambicum compegerit Carmen. Certe interest Reipublicæ juventutem moribus imbui, qui non Ethnicos sed Christianos sapiunt.

Magistratus autem Leidensis Walæum in illorum civitatem primum delatum, Scholæ Trivialis Curatorem elegit. Dimisso alio viro maximo: non ulla culpa, sed tantum quod frui Walzei consilio desiderarent. In eo munere Walæus tota vita continuavit, & plane in alium ordinem Schola redacta est, nec parum illi celebritatis accessit.

Ipsi Præpotentes Hollandiæ Ordines, cum animadverterent non omnium civitatum Scholæ Rectores, imo ne Curatores quidem, satis aptos esse qui dispiciant quid pueris docendum, & quomodo. Non enim in omnibus civitatibus eruditi, vel abundant, vel dominantur. Aut ea libertate quosdam abutentes, pueris sua somnia inculcare. Delegarunt Antonium Walæum, Antonium Thysium, Petrum Cunnæum, Danielem Heinsium, Gerardum Vossium, Franconem Burgesdicium in Academia Leydensi Professores: qui leges conciperent, ad quarum normam, in docendis linguis, liberalibusque artibus, gerere se per totam Hollandiam præceptores cogercntur.

Hi evocatis omnium Scholarum Rectoribus, singulorum judicia exquisiverunt, qui ea & voce & scripto Walæo communicavere. Eminuerunt autem Salignaci

Salignaci Amstelodamensis, & Villerfii Brielenfis Rectorum judicia. Perpenfius autem omnibus eas pofuerunt leges, quæ nomine Præpotentum Ordinum Hollandiæ & Weftfrifiæ eodem Anno cło Ic cxxv. promulgatæ fuere.

Sed & non pauca judicabant in libris deficere qui prælegi deberent: quare Voffius Grammaticam & Syntaxin latinam Lithocorni, Grammaticam Græcam Glenardi interpolavit, Cunæus Syntaxin Græcam Poffellii, Walzæ tractatum de Græcorum Dialectis adjecit. Voffius Rhetoricam dedit, Burgerfidiæ Logicam, Walzæ Ethicam. Recenfuit Aphthonium Cunæus, Theonem Henfius, Sulpicium Severum Thyfius. Catecheſi Heidelbergenti loca S. Scripturæ Walzæ & Thyfius adjecere. Volebant quoque delegati quam conſcripferat Phyſicam Walzæ ederet, quæ loco Magiri in ſcholis doceretur, quod Magirus ſkeleton tantum exhiberet definitionum diviſionumque plerumque ineptarum. Sed id à Walzæ non obtinere, qui putabat Phyſicæ regulas non inanibus ratiunculis, ſed experimentis fulciendas eſſe, quibus faciendis, nec voluntas illi eſſet, nec tempus ſuppeteret. Hæc quibuſdam exilia videbuntur, ſed parva æſtimari non debent, quibus bene non conſtitutis, pauci eruditione magni evadunt.

Verum enimvero non puerorum tantum, ſed & regimini virorum juvenum præſuit. Præpotentibus Zelandiæ Ordinibus compertum erat, in Academiis non pſum carni. cſqui, cujus viſi habeatur ratio facile ſpumam reſpere: Walzæ in omnes Zelandos inſpector. m conſtituere, volueruntque alumnos nihil ni ſi de Walzæ conſilio in ſtudiis inchoare. Novo muſere, de quo tamen Walzæ cura tibi gratulati fuere. Equidem è centenis ſtudiſis vix unus natura ſceletis invenitur, à cujus conſortio ſi magni viri cura & autoritate reliqui areantur, facile viam incunt quæ ad eorum emolumentum & decus ducit.

Societas quoque Indiæ orientalis, d. ſalute ſuorum Indorumque ſollicita, cum animadverteret vix alius t. E. cſclæ Miniſtros accipere, quam qui in Eelgio. b. inere locum non poſſent, q. i ſæpe vel dotibus animi inferiores eſſent, vel nota aliqua inſigniti. S'arecui tibi ſeminarium facere, è quo ubi opus eſſet tibi poſſent Patrore. depromere. Eam in rem Præſecti conſilium à facultate Theologica petiver. t, quod Walzæ ſcripto conſignavit. Abſoluto Conſilio, cum animadvertiſſet t in id negotium præ cæteris invidius Walzæ incubuiſſe, rogarunt in xpectato Walzæ ipſe vellet ejus ſeminarii curam ſuſcipere. Verum is id recuſavit, quod ſi omnibus o. eribus impari arbitrareretur. Urgentibus vero aliquamdiu illuſtribus Academiæ Leidenſis Curatoribus. amantibus quæque collegis Theologiæ Profeſſoribus, ne ſeminarium illud periret in herba tandem cſdant.

Itaque in domo cuſtodia Indiæ deſtinati nutriti & directi fuere, modo pauciores, modo plures, nunquam tamen ſeparatim numerum exceſſere. Recti autem rara ſclicitate. ut nunquam nec de victu, nec de regimine fuerint conqueſti. Solent enim juvenes facile aſtimare nutritionis onus, & rerum pretia ignorare; ſed honoris appetentior erat Walzæ, lucri negligentior. Reliqua vero miniſteria obibant famuli, eam in rem à Societate cſclcti.

Studia autem præterea ordinavit, quos libros legere, quas audire lectiones deberent, & lectorum auditorumque ab illis rationem exegit. Ipi vero præter pietatis exercitia, quotidie caput è Novo Teſtamento Græce, è Veteri Hebraice

Hebraice explicare cogeantur, & explicationis suæ rationem dare. Ita acquirerebant linguarum earum peritiam, & S. Scripturam sibi reddebant facilem & familiarem. Singulis autem septimanis bis, Enchiridion suum religionis Reformatæ examinando disputando excussit: ac ad habendas conciones manuduxit, eadem opera qua Zelandos aliosque studiosos instituit: quod non parum ejus laborem imminuit.

Sed privatim profectionibus inculcavit, quomodo Religionem Christianam Reformatam, Rationibus æstura petitis Ethnicis possent infillare, docere, comprobare: quomodo, quoque ordinē colligere ecclesiam possent & collectam gubernare. Etiam vulgares animæ constitutam Ecclesiam conservare queunt, sed aliquam de novo erigere, ut Rempublicam, tantum Heroum est.

Ex hoc seminario ab anno c1515 cxxii. toto decennio duodecim Ecclesiæ Magistri prodire, omnes eruditione insignes, pietate conspicui, quibus India cognitionem Religionis Reformatæ ferme totam debet: Ecclesia, quodeunque per totam Indiam boni ibi ordinis invenitur. Magna Walæi læticia. Non possunt enim dignius cogitationes impendī, quam ut in magna orbis parte Deo Ecclesia erigatur, ubi ne ejus quidem spes unquam exitit.

Provisā jam de Pastoribus India, Walæus se muneri abdicavit, & seminarium esse desiit. Quando Magistratus Leidensis per Gerardum Lantschoot Consulem petit, pateretur Walæus se cum Collega suo Jacobo Triglandio ad ministerium Verbi Divini Ecclesiastico Synedio commendari. Sed dissuasit Uxor librique, videbant enim cum sub oneribus fatiscere. Et maluit Walæus, non uni Ecclesiæ sed omnibus prospicere.

Agitabantur enim circa hoc tempus Ecclesiæ Zelandiæ Telingii Burliique contentionibus. Telingius pietatem studebat promovere, quare quo vitia emendaret, in adversam partem arctius strinxit: ut solent illi qui curva ligna ad rectitudinem agunt. Ita Sabbathi profanationem edito tractatu conatus est emendare. Hanc occasionem arripuit Burlii filius, Threnumque edidit Plangentis Ecclesiæ, quasi vis ejus libertati inferretur. Conatusque est Telingium de observatione diei Septrimi, Institutioneque diei Dominicæ refutare. Et cum in rem Gomarus, Burliis satis addictus, suppeditaverat argumenta. Hoc ægrius qui Telingio favebant tulere, periculumque erat ne in adversaria scripta erumperent, & Ecclesia in partes secaretur. Voetius juvenile opposuerat scriptum, lachrymas Crocodili, quo adversarium magis pungere, minus Ecclesiam videbatur aditcare.

Quare Walæus quæ alias publice prælegerat resumit, & in furiorem de Sabbato extendit tractatum, ac in publicum edidit. Magno Ecclesiarum gaudio: qui ut eruditionem Walæi æstimabant, ita & hic prudentiam admirabantur: unde & in linguam Vernaculam à Silvio Pastore Amstelodamensi est translatus. Ita sedati hi Ecclesiæ fluctus sunt, & quali objecta rupe diffracti fucere: desissentque penitus, nisi Gomarus sua interesse credidisset, ea tam cito non evilesce, quæ cognita erant ab eo profecta fuisse. Itaque libellum edidit de investigatione Sabbathi. Cui Rivetus respondit. Vindicavit sua Gomarus, rescripsit Rivetus. Et quamvis sequaces aut paucissimos aut nullos invenerit Gomarus, ne tamen quidam irreciti hærent, publicis lectionibus excussit

excussit Walæus, quæcunque de novo fuisse prolata poterant videri: annotavitque quædam scripto suo in memoriæ subsidium, quibus alteram tractatus sui editionem plenius extendere, & uberiores decreverat edere: quod versione Novi testamenti ninium impeditus, & morte præventus non potuit præstare. Editioni tamen alteræ dissertationis de Sabbatho post Walæi obitum adjecta fuit. Ita de rebus obscurioribus dissidia non melius, quam magni viri prudentia & Autoritate componuntur.

Quæ hoc pluraque ut diximus Walæi instituta interrupt Bibliorum in linguam Belgicam versio, ea anno c1515 cxxviii. incepit. Vetus Belgica Versio à Lovanienfibus profecta exhibuerat Bibliorum libros, immutatos, mutilatos, adauctos. Cujus specimen, si bene memini, extat in eo Exemplari, quod Bibliothecæ Middelburgenfi donaverat Walæus Textui insertum. Cum Cain Abelem occideret in vicino pago Encænna fuisse, eo profectos in jurgia exarsisse. Quare reformationis initio necessarium quoque videbatur aliam populo versionem Belgicam dare. Eam exhibuit vir quidam pius, Ecclesiæ Embdenfis Senior, è versione Germanica Lutheri translatus. Sed cum ignarus esset Græcæ Hebræque linguæ, imo ne Germanicæ quidem peritissimus, non potuit ea nisi imperfecta & rudis esse.

Quare confirmata utcunque Belgii libertate, hoc egerunt Ecclesiastici, ut de novo ex ipsis fontibus, Bibliorum libri in linguam Belgicam transferrentur. Arripueruntque occasionem Fœderati Ordines, & Philippum Marnixium Sanctæ Aldegundis dominum, dedita urbe Antwerpiensi, in reconciliationem cum Hispaniæ Rege priorem, honesta à regimine missione delegarunt, qui Leydam commigraret & totus Bibliorum Versioni vacaret, incumbere: quod munus ipse aptissimus lubentissime accepit, moliminis jam honorisque satur. Illique usque ad annum c1515 c11. vitæ finem vacavit, & varios libros transferre incepit: sed absolvit Jobum, Proverbia Salomonis, Psalmosque: hosque translatos edidit. Suffecti in Marnixii locum fuit Arnoldus Cornelii Pastor Delphenfis, & Warnerus Helmichius Pastor Amstelodamensis qui reliqua Marnixii persequerentur. Hi in Veteri Testamento progressi ulterius, impediri vero suo Pastoris munere, & morte præventi, non potuerunt perficere.

Mortes horum Remonstrantium & Contra-Remonstrantium excepit dissidium, quando Ecclesia neglecto ornamento de sui conservatione esse sollicita debuit: quare Versionis negotium penitus intermissum est.

Conveniente vero Dordraci Nationali Synodo, ad diem constitutum Citati Remonstrantes non adfuerunt. Non ideo tamen inauditum aut condemnari debuerunt aut negligi, nec Synodus interea debuit dissolvi: quare dum Præses circumspicit quidnam Synodo agendum offerret, consultationem de versione Belgica elegit. Ita non raro aliquid leve & fortuitum, rei maxime occasio exiit.

Synodus Versionem Belgicam unanimi consensu decrevit, positæque interpres leges quas sequerentur. Electi quoque veriores, & ne quorundam morte totum institutum dissolveretur, substituituri qui in morientium succederent locum. Quæ omnia in Actis Synodalibus leguntur. Sed accuratæ non conduntur leges quam in ipso opere: multa definienda sunt quæ extrinsecus.

nequeunt considerari, multa limitanda quæ universalia externe intuentibus videbantur.

Dissoluta Synodo in tuto ponenda Ecclesia erat, nec de ejus ornamento cogitari potuit, antequam satis firmata videretur. Quod demum anno c16 cxxvii. evenit. Quando plerumque Provincialium Synodorum deputati petierunt à Fœderatis Ordinibus, novæ Versionis denuo rationem habere, & id haud difficile obtinere: injunctumque deputatis Verforum nominatorum præparare dimissionem. Sed Delegati sunt Walæus & Festus Hommius à Fœderatis Ordinibus, qui impetrarent à Magistratu, ab Ecclesiis, ut Verfores Pastoris levarentur onere, alique in eorum locum substituerentur, qui persequerentur id negotium & deducerent ad finem.

Horum suadela & auctoritate effectum est, ut Verfores citissime dimitterentur. Et anno c16 cxxviii. Leydam Veteris Testamenti interpretes commigrare: *Johannes Bogermannus*, Pastor Ecclesiæ Leovardianis, Synodi Dordracenæ Præses, & postea S. Theologiæ in Academia Franequerana Professor. *Wilhelmus Baudartius*, Pastor Ecclesiæ Zutphanienfis. *Gerson Bucerus*, Pastor Ecclesiæ Verianæ, ad eandem quoque Synodum delegati. Emicuit autem inter eos Hebrææ linguæ peritia Bucerus, judicio & dexteritate Bogermannus, diligentia in conferendis aliis versionibus Baudartius.

Insequenti anno convenire Novi Testamenti librorumque Apocryphorum Verfores. *Antonius Walæus* noster. *Festus Hommius*, Pastor Ecclesiæ Leydensis, & Regens Collegii Theologici Ordinum Hollandiæ, Synodi Dordracenæ Scriba. *Jacobus Rolandus*, Pastor Ecclesiæ Amstelodamensis, Synodi Nationalis Assessor. De judicio Walæus & Rolandus contendeabant, ille promptior, hic tardior; sed Græcæ linguæ & Theologiæ peritior Walæus apparebat. At Hommius insignis quoque, in scribendo, distinguendoque accuratior erat.

Hi magno animo, indefesso studio, Bibliorum versionem aggressi fuerunt. Egerunt autem hoc ut ex ipsis fontibus novam plane versionem darent, accuratam, & quantum permittit linguæ genius posset de verbo ad verbum. Imo ubi in fonte vox aliqua variam admittere significationem videretur, Belgicam illi similitam conati sunt substituere. Ne ulli parti addicti viderentur, aut ullis veritatibus præjudicium adferre. Si quid vero obscurum occurreret, marginalibus Notis conati sunt elucidare: si quid dubium, ibidem dissolvere: in quibus non raro quoque versionis suæ rationem dedere. Notas autem scripserunt præcipuè in gratiam rudiorum, quibus ejusmodi pauca scripta Belgica supplerent. Non ita tamen se potuerunt inhibere, ut non eorum passim emicet eruditio. Prudentis est non alium cibum debili ventriculo inde, quam qui ab eo potest confici.

Ea peracturi omnes, non eandem prorsus viam ingressi fuerunt. Veteris Testamenti Verfores Mosis libros, Historicos, Agiographos, Prophetas in partes æquas dividere: Primam cujusque partem Bogermannus, Alteram Baudartius, Tertiam Bucerus vertit, commentatus est, & loca adjecit Parallela.

Verum Verfores Novi Testamenti, versionem commentationemque totius Novi Testamenti, domi privato studio omnes conscripserunt.

Quod versum explicatumque esset, id singulis diebus veteris Testamenti inter-

interpretes examinavere. Novi vero contulerunt primum, inde expendunt omnia: ab hora nona in duodecimam, ab hora tertia in sextam.

Quod placeret omnibus id demum receptum est. Rarissime plurium suffragio rem decidere. Quod approbatum erat, id quisque in assignata sibi parte in Veteri Testamento, Hommius in Novo chartæ consignavit. Atque ita continuo & quotidie prefferunt opus Novi Testamenti interpretes ad Acta usque Apostolorum, quando Jacobus Rolandus supremum diem obiit. Presserunt quoque Veteris ad prima capita Ezechielis, & Gerson Bucerus fati cessit.

Mortuo Rolando Præpotentes Fœderati Belgii Ordines sunt rogati, illi vellent alium substituere: quod & paulo post Veteris Testamenti interpretes de Bucero fecere. Qui succederet Bucero, jam à Nationali Synodo nominatus erat, Antonius Thytius: sed qui subsequi Rolandum debuerat Jodocus Hoingius, illustris Scholæ Hardervicenæ Rector, esse desierat. Cumque non ita ex ordine alius illi posset substitui, iusserunt Præpotentes Ordines, qui aggressi opus essent, persequerentur id & absolverent.

Itaque Veteris Testamenti interpretes, quod Buceri reliquum erat, itidem partiti fuere: Primam maximamque partem Bogermannus, Alteram Baudartius absolvit: Sed Walæus Hommiusque, urgentibus continuo Ordinibus & Ecclesiis ut opus procederet, solam Commentationem Novi Testamenti in partes divisere. Notas conscripsit Walæus ab octavo in decimum quintum caput Actorum, & à vigesimo secundo ad finem usque, in Epistolas ad Romanos, Corinthios, Ephesios, Colossenses, utramque ad Thessalonicenses, Primam ad Timotheum, ad Hebræos, Primam Petri, in Apocalypsin Johannis. Hommius à decimo quinto usque ad vigesimum secundum Actorum caput, & in Reliquas non nominatas Epistolas. Diviserunt quoque Versionem librorum Apocryphorum. Vertit Walæus librum tertium & quartum Esdræ, Tobiam, Judith, librum Sapientiæ, dimidiam & postremam partem Jesu S, rach, Baruch, Eithæ, & librum primum ac secundum Machabæorum. Reliqua Apocrypha Hommius in linguam Belgicam transtulit. Sed quo compensaretur labor, Loca Parallela Novo Testamento adjecit Hommius: Et in novum Testamentum indicem confecit. Omnia tamen Walæus recensuit. Et sua quoque Hommius exhibuit censenda: sed is non raro ne ea quidem inspexit.

Verum enimvero Novi Testamenti versionem, majoris momenti opus, prorsus ut antea sociato labore quotidie persecuti fuere, & perduxerunt ad finem. In qua tam faciles ad concedendum erga Walæum Collegæ fuere, ut sciam illi eam facilitatem sæpius dispendisse, qui maluisset aliorum dissensu vigorem animi sui amplius excitatum. Tantum collegæ, Hommiusque præsertim, eruditioni Walæi & judicio fidebant. Ut vere dici possit versionem Commentationemque Veteris Testamenti maxima ex parte Bogermanni: Novi Testamenti fere Walæi esse. Evenire enim in communi opere consuevit, multos nomen habere, paucos rem effectum dare.

Absoluto aliquo Veteris Testamenti libro quisque suam partem: Novi vero Testamenti libros ipse Hommius descripsit: descripti Typographo imprimendi dati fuere. Impressi ad Revisores in omnes Provincias transmissi, ut examinarent ea & se ad revidendum concludendumque præpararent in tempore.

Peracta omni versione commentationeque statim & ad primum Julii Annicko lco xxxiv. Veteris Testamenti Revisores à federatis Belgii ordinibus Leydam ex omnibus Provinciis convocati fuere. Convenire è Geldria, *Antonius Thysius*. Ex Hollandia, *Johannes Polyander*. Jani septius nominati, *Abdias Winnarius*, Pastor Ecclesiæ in Uytgeest, mox Goudanæ, & ex ea ad Professionem Theologicam in Illustri Schola Hardervicensi, inde in Academiam Groningensem vocatus. Ex Zelandia, *Jodocus Lareus*, Pastor Ecclesiæ Ulstinganæ. Ultrajecto, *Arnoldus Teckmannus*, Pastor Ecclesiæ Ultrajectinæ. Ex Frisia, *Bernhardus Fullenius*, Pastor Ecclesiæ Lcovardienfis. E Transilvania, *Jacobus Revius*, Pastor Ecclesiæ Daventrienfis, nunc Regens Collegii Theologici Ordinum Hollandiæ. Groninga, *Franciscus Gomarus*, tum Academiæ Groninganæ Professor.

Ubi convenissent omnes, Collegii sui Præsidem elegerunt, Johannem Bogermannum. Adfessorem, Antonium Thysium. Scribam, Jacobum Revium. Emicuit autem in dirigendo Bogerimanni prudentia, in examinando Witmarii & Teckmanni sedulitas, in concludendo Polyandri, Thysii & Gomari peritia, & subactum judicium.

Sequenti trimestri Leydam quoque commigrare Novi Testamenti Revisores. E Geldria, *Sebastianus Dammanus*, Pastor Ecclesiæ Zutphanienfis, Synodi Dordracenæ Scriba. Ex Hollandia, *Johannes Arnoldi Lindanus*, Pastor Ecclesiæ Delphenfis. *Guilhelmus Nieuwsius*, Rector Scholæ Harlemensis. Ex Zelandia, *Carolus Demaësius*, Pastor Ecclesiæ Middelburgensis: nunc S. Theologiæ in Academia Ultrajectina Professor. Ultrajecto, *Lodovicus Gerhardus à Renesse*, Pastor Ecclesiæ in Maerssen, nunc Ecclesiæ Bredanæ & S. Theologiæ ibidem Professor. E Frisia, *Bernhardus Fullenius*, inter V. Testamenti Revisores nominatus. E Transilvania, *Casparus Sibelius*, Pastor Ecclesiæ Daventrienfis. Groninga, *Hemius Altingius*, antea S. Theologiæ in Academia Heidelbergensi, tunc Groningana Professor.

Hi Collegii sui constituerunt Præsidem Antonium Walæum. Adfessorem, Henricum Arnoldi Lindanum. Scribam, Festum Hommum. Excellens fuit in dirigendo Walæi prudentia & dexteritas. In examinando Demaësii & Sibelii diligentia. In concludendo Walæi & Altingii peritia, & solidius judicium. Sed Fullenius ad utramque revisionem nominatus, paucis tantum septimanis N. Testamento vacavit: quando in suum Ecclesiæque commodum, domum revocatus est.

In domo Præsidi convenerunt hi quotidie, ab hora nona in duodecimam, & ab hora tertia in sextam. Imploratoque semper prius Divini numinis auxilio, rogati sunt ad singulos versus Revisores, eo ordine quo jam nominati fuere, an aliquid in versione putarent immutandum. Quod pluribus Verboribus Revisoribusque placuisset, id receptum est ut in publicum ederet.

Dicebantur autem faciliores ad immutandum Novi Testamenti Verbores quam Veteris Testamenti fuisse: æquitate potissimum Walæi, qui cum honorem putabat maximum, veritatem querere. Multo minus tamen in Versione Novi Testamenti, quam in Versione Veteris mutatum invenitur. Et vix ad singula Capita duo tria vocabula: quorum multo major pars erat ut communi

communi lingua Belgica versio ederetur, & hæc nisi ex omnibus Provinciis deputati non æque potuerant pervidere. Adeo ut nullum librum æque communi lingua ac Biblia crediderim extare. Re quidem levi, necessaria tamen ut ab omnibus Belgis æque intelligantur. Mutationis quoque non parva pars fuit, quod eandem Poralin, eodem sensu prolatam, ubi vis iisdem verbis voluerunt exprimere. Adeo in examinando diligentes, ad editionem accurati fuere. Verum Notæ Marginales sunt adauctæ plusculum, & nonnihil immutatae. Facile Verbi Divini ubertas permisit, ut pluribus Revisoribus posset satisfieri. Loca vero Parallela in Novo Testamento, reviderunt tantum Demaersius & Renesse. Qui iudicium suum conventui retulere: & Collegium horum fere sententiæ stetit. Non debebat enim res levicula, omnium Belgarum expectationem morari.

Ita ingens hoc absolverunt opus Veteris Testamenti Versores Revisoresque, ad decimum Octavum Septembris Anni clb Idc xxxv. Novi vero Testamenti Versores Revisoresque, ad ejusdem Anni Octobris finem. Memoratu dignum est eo tempore revisionem peractam, quo sæva pestis & nunquam Batavia crudelior, Bataviam sed præcipue Leydam vastavit. Adeo ut in hac una civitate viginti hominum absorpsit millia. Nemo tamen Versorum Revisorumque mortuus est, imo ne ægrotavit quidem. Ut videatur Deus Optimus Maximus in mediis flammis illæsos conservasse, qui Divinum promoverent opus, ne intermitteretur amplius aut interromperetur.

Absoluto opere Revisores domum & ad consuetam munia regressi fuere, Versores vero prælo submiserunt Pauli Ravesteinii, Typographorum Belgarum accuratissimi: qui ob id opus Amstelodamo Leydam commigravit. Impressionis specimina, quas probas appellant, priores Baudarii & Hommii, ultimas Boggermannus in Veteri Testamento, Walæus in Novo revidit. Excuderunt autem simul duplici forma in folio, cum & sine notis. Et Novum Testamentum quoque in octavo, ut loquuntur, cum omnibus commentariis. Peractum id fuit ad mensem Junium Anni clb Idc xxxvii. Quando id Præpotentibus fœderati Belgii Ordinibus omnes Versores obtulere: quibus inire perplacuit, decreveruntque statim ut ea versio in omnibus Ecclesiis, in omnibus Scholis reciperetur, nec alia amplius vii liceret: quod nullo repugante statim quoque in usum traductum est.

Remonstrantes veriti, ne contentionis æstu nondum satis sedato, aliquod ea versione illis præjudicium fieret, delegaverant antea quatuor, quorum eruditioni fidebant maxime, qui ad eam versionem attenderent continuo. Hi edito opere Arnhemum convenere, excusserunt id undique: & cum invenire non possent versionem ulli parti magis addictam, non potuerunt eam quoque non admittere.

Equidem se efferre hæc inter reliquas versiones audent. Non ea in Lutheri versione linguae peritia conspicua est, non id in Piscatoris iudicium. Gallica non satis verbis se adstringit, sensum sequitur. Anglica partibus & præsertim ninium Episcopis favet. Nec facile in Belgica insignem defectum, qui eam penitus excutit, inveniet. Certe in eam omnem sanitatem, omni animi vigorem Versores impenderunt, & in ea perdidit quoque. Hominius etiam viridi senectæ silicernium factus est, reliqui defecere mox, & intra

tra triennium omnes obiere : nimis intento studio, nimis continuato labore per novem annos confecti.

Edito Bibliorum opere Professioni tantum Theologiæ Walæus vacavit, quo laxaret animum, & vires resumeret. Sed generosus & assuetus animus semper ultra tendere, vix bimensem sibi quietem concessit. Quando ducere cepit lineamenta tractatus de Calibus Conscientiæ. Putabat enim Pontificios indicare sæpe peccandi modum, dum ita, ut solent, eam student redarguere. Reformatorum non paucos, lectores suos nimis anxios reddere & sollicitos. Id tantum persequendum in quo ordinario peccari consuevit. Id tantum condemnandum, quod Sacra Scriptura peccatum agnoscit. Sed & illis subjiciendum præcautionis modum : nam non omnino malos non tam reprehendi debere, quam debere emendari.

Institutum vero id interrupt inunctum illi denuo Munus Rectoris Magnifici Academiæ Lugduno Batavæ, quod ut dignitate in Civitate Leidensi primum est, ita cura nulli est secundum. Non enim Regiminis tantum, sed & justitiæ Præsidem largitur.

Inter eas occupationes animadvertit præcipue memoriam labi, naturam fatiscere. Et cum illud scriptum ex quo lectiones haberet subito exaratum esset, breviter & in memoriæ tantum subsidium, ne & ibi tandem deficeret, nec pro more, ex dignitate tandem Locos Theologiæ tradere Communes posset, furtivo tempore incepit omnia plenius signare, & id usque ad locum de Spiritu Sancto peregit, paucis ante mortem diebus. Ita non raro ultimo agimus, dum extendimus spem nostram, quod malleamus primum præstitisse.

Hæc Walæi vita publica fuit. Privata illi similis extitit. Non foris splendidus, domi fordidus : sed ubique sibi fuit æqualis. Homines fere lucro inhiamus, voluptatibus abripimur : gloriæ studemus, vel animi securitati acquiescimus. Walæus deliciis non studuit, & alienissimus fuit à lascivia. Divericulum & unicum à muneribus laxamentum fuit hortum colere : quo ita delectabatur, ut vel hortulani, de horti constitutione, eum afficeret narratio.

Bonorum suorum minorem rationem habuit, sæpe integro sexennio eorum computum non iniit, sæpe trium quatuorve annorum fructum non exegit : tandem totam eorum curam in Johannem filium natu majorem deposuit. Amplius muneribus insignitus, egregia quoque Honoraria à Magistratibus accepit : unde minus esse sollicitus potuit, nec aquila voluit muscas capere.

De gloria admodum quoque erat securus, in vestitu prorsus non splendidus, negligens potius quam fordidus. Domum habuit semper amplam, commodam potius, quam magnificam. In conversatione nec eruditionis, nec ingenii, nec judicii ostentator. Nunquam nec se extulit, nec alios depressit, ne adversarios quidem : quod in conversatione communi multi quidem observant, qui ingratum id animadvertunt : & impotentis animi indicium æstimari. Sed in scriptis publicis sibi plus eruditi indulgent : quasi vero non præset publice quam privatim cordatum haberi, & prudens ideo aliquem furem æstimer, quia canis allatrat : aut cordatus terreatur, qui scit in eo se superiorem appariturum, quod honestior & majoris judicii. Quare nec editis

editis libris convitia unquam Walæus intersperfit, Imo ne scribendi materias quidem elegit ad ostentationem, omnes quia necessitudo Ecclesiæ eas exegit. Titulos ambivit nunquam nec usurpavit. Omnis ea Walæi gloria fuit, esse potius, quam videri.

Animi securitatem non affectavit, quod sæpe ignavorum est. Et vehementer ob Ecclesiæ detrimenta, Liberorum Adversa commovebatur. Unice studuit bonam & conscientiam integram habere. Nullis amicorum precibus aliud quam decuit consilium dedit, Ecclesiæ aut Magistratui offerendum. Nec consanguineis, nec liberis aliquid petiit quo digni non essent: aut quod cum aliorum deberent detrimento obtinere. Domum Civitatis Leydenfis, in qua Arminius ejusque vidua habitaverant, sibi à Magistratu iterato oblatam inhabitare non voluit, priusquam & vidua & Arminii liberi Walæo significarent, quando nulla amplius spes manendi superesset, libenter se Walæo domum concedere, gratiasque agerent, quod tandiu distulisset acceptionem.

Adulando multi magnatum gratiam & quæstum aucupantur. Walæus hoc tantum apud illos egit quod sibi honorificum, Ecclesiæ utile foret. Et certe ille ambitus fere eorum est, qui cum propria virtute emergere non possint, alieno id favore conantur. Si quidem præsentem in præjudicium Ecclesiæ fieret, diceretur; ei se & aperte & animose opposuit: nec veritus est eam ob causam Magnatum quoque offensam incurere: imo in ipsa aula apud ipsos Principes Auriacos non sustinuit, nomen Dei temere usurpari. Quærebat primum regnum Dei, credebat cætera illi facile esse adjicienda.

In Conversatione omnibus fuit affabilis, singulis libenter consilia communicavit, nec vel ambitu vel officiis privatorum unquam gratiam captavit: unico Ecclesiarum commodo semper intentus, quibus solebat indicare quæ cernuissent ingenia in Academia comperisset, iis inficis qui commendabantur.

In amicitiam admisit paucissimos. Ratus id in nihilum ferme abire, quod in partes nimis multas secaretur. Primi fuerunt collegæ ejus S. Theologiæ Professores, quos ut fratres dilexit. Consanguineos multos, dum Leydæ degit, amisit, fratrem unicum, nurum, uxorisque fratrem & sororem. Reliquos sibi sanguine junctos secundo loco complexus est. Non minimè felicitatis est, cum quibus semper vivere debes, cum iis posse vivere suavissime. Tercio loco fuerunt commilitones, cum quibus vel studuisset in Academia vel esset peregrinatus, paucissimis additis quos vel commune à Remonstrantibus periculum, vel Ecclesiæ cura illi conjunxit. Volebat Walæus simulare nunquam: imo ne apud amicos quidem dissimulare, quod animi oculum æstimabat. Nesci autem non melius cujusque animum quam in juventute, quæ fingere non possit: nec nobis melius contendi, quam ab iis qui nos noscent penitus. His amicis non animus tantum Walæi, sed domus & mensa semper patuit: quam liberalitatem cum animadvertent noti quoque, non raro ea abusi fuerunt.

Amicos autem semper tenacissime retinuit, nec repudiavit etiam si comperisset eos aliquando in eum peccavisse, arbitratus neminem omnibus horis sapere. Quare cum Rivetus in Aulam Principis Auriaci traduceretur, Gomarum ei successorem Curatoribus commendavit, obtulitque ei, præceptori quandam.

quondam suo, priorem locum concedere. unde & Gomarus ad revisionem Versionis Belgicæ Leydam delegatus, multis præsentibus fassus est, se à Walæo beneficiis superatum, petiit condonaret illi quod contra Professionem ejus Theologicam Middelburgi esset molitus: id se præcipue intigatione Ægidii Bursii fecisse. Non enim Gomarus tetricus erat aut malignus, sed iracundus & in re subita haud facile moderator sui.

Cum uxore vixit conjunctissime, nunquam nec in iram nec in rixas exarsere: unicum studium fuit placere mutuo, & mutua desideria factis prævertere. Nec majus quid in vita Walæus metuit, quam ne mors illi uxorem præriperet. Eam enim non ut familiæ præfectam, sed vitæ sociam habuit: quidquid illi in Republica, Ecclesia, civili conversatione accidit id ei aperuit penitissime: exquisivit ejus consilium, sæpe secutus: erat enim & modesta simul & cordata.

Leydæ natus Walæo adhuc filius est Balduinus, de nata filia Esther. In liberorum autem educatione ambo diligentes fuerunt. Prima cura fuit pietatem, modestiam infillare, quam ob causam nullus dies transiit quo non aliquot S. Scripturæ capita liberis prælegeret applicaretque. Altera, multifaria eos scientia imbueret: nec id præceptoribus tantum relinquere, ipsi videre an bene instituerentur, bene liberi proficerent; non tamen id anxie præscriperunt, aut exegerunt severe: permiseruntque addiscere, quod allubesceret animo, & quo id vellent modo. Ita generosi equi & plus itineris absolvunt & minus fatigantur. Quando exorbitarent non nihillenter eos in regiam viam direxerunt. Non voluerunt autem eos tam scientes quam prudentes reddere. Quidquid in communi conversatione, Ecclesia, Republica contigit, liberis pueritiam egressis communicare, & eorum quæsierunt de singulis judicium. Id vere est bonus civis Reipublicæ educare, communis vitæ gnarus, honestatis decorique non omnino rudes.

Non studuerunt autem liberos ad summa perducere, ut nimis periculis exposita: sed moderata tantum, in quibus non minus honeste, suavius quam in reliquis vivitur. Cumulate tamen Deus illis benedixit. Johannem Doctorem Medicinæ vidit: & in Gallias ab illustribus Academiæ Curatoribus delegatum, qui Claudium Salmasium, orbis Eruditi miraculum, vocaret in Academiam Leydensensem & adduceret. Mox Medicinæ Professore, & Ordinarium: in uxorem duxisse Catharinam Vockestaert, lætam dotatamque Filiam Gerhardi Vockestaert, Senatoris Delfensis honorati, perpetui Societatis Indiæ occidentalis Præfecti. Margaretam, nuptam Johanni à Breda Juris utriusque Doctori, Civitati imperiali Campensi à Secretis, splendidis natalibus, excitati animi, rerum usu insigni, unde magnæ apud suos autoritatis, ut Rutgersium filium dignitatis suæ designatum viderit successorem. Filio Rutgersii à Breda amplissimi Consulis Campensis. Catharinam nuptam Antonio Clement, Theologo diffusa & solida eruditionis, Ecclesiæ Gallo-belgicæ Zirzeensis Concionatori sacundo, pio, prudenti, & si ullus unquam apud suos amato: Filio Nicolai Clement, Mercatoris apud Middelburgensis maximi, ditissimi, Ecclesiæ Gallo-belgicæ senioris honorati. Secundus Walæi filius Antonius fuit, Juris peritus, Quæstor agri Walachrici spectatissimus: Susanna matris consenscentis præsidium mansisse maluit. Balduinus Theo-
logia

logiz operam suam impendit, magnæ spei juvenis. Et eorum nullus ulli probro obnoxius, omnes probitate pietate insigniti.

Valetudo Walzei Leydæ melior quam Middelburgi fuit, semel tantum febri tertiana correptus, nunquam Diarrhœis : & Asthma quod à causa calida esset, cum ætatis quoque calore imminutum est, unde Walæus habitior evasit. Sed accessit illi jam statim Leydæ cruditorum fere Carnifex, Renum calculus : qui vehementer quidem illum torfit, sed rarius, & singulis quatuor aut quinque demum annis : Nunquam autem cum deseruit ventriculi & intestinorum à flatu tensio & dolor, quod statim à prandio studia iniret, & ventriculi semper turbaret concoctionem : quodque ubi afficeretur mœrore omnis commotus humor in ventriculum laberetur. Hoc emendare non potuit : illud noluit : quod tum temporis se sentiret ad studia alacriorem, ut debiles solent, parum curans corpus modo animo bene esset. Unde nulla septimana transiit qua non colico dolore vehementius affligeretur, quam statim assumpta sequejunctia manna sedavit & abegit : non ita tamen quin singulis propemodum trienniis vehementer urgeret malum, ut quidquid ventriculo inderet in cruditatem nidorulentam, ut Medici vocant, & status verteretur : quæ plures continuabat septimanas, & vires immanes prostrabat, usque dum vehementi purgatione abigeretur.

Similis Paroxysmus vitæ tandem finem attulit, vacillante nonnihil valetudine xxix Junii Anno cId Id cxxxix. ab aliquibus, quibus tantum contulerat beneficii ut eum loco parentis colere debuerant, & ingrate & male exceptus, in eum mœrore correptus incidit. Prosterni tum appetitus, nihil cibi ventriculus perferre, dolore Walæum torquere, ultima minari. Non destitit tamen Walæus, Professioni, Regimini Academiæ, imo Synodi Zuldthollandicæ negotiis, tum Leydæ congregatæ, vacare.

Tertio Julii, die Dominico Ecclesiam adiit, in ea gratias Deo egit pro colatis in eum, in ejus familiam, & ejus cura in Ecclesiam beneficiis, & pro eorum imposterum incolumitate precatus est, ut qui statulisset ab eo tempore publico abstinere. Consuetæ non proficiebant remedia, morbus crescebat, & vires prosternebantur : quare & Johannes ejus filius Collegam suam Ewaldum Screvelium, Medicum expertissimum, vocavit in auxilium. Sed non destitit Johannes Bocardus Synodi Præses, primarii quidam Pastores ad Synodum deputati Walæum, rogare, precari die Lunæ interesse Synodo vellet, magno beneficio Ecclesias affecturus.

Hoc egerant aliquot annis primarii quidam Pastores, ut denuo controversia de autoritate Magistratus in Rebus Ecclesiasticis suscitaretur. Suspicio erat non tam Ecclesiæ bono, quam ut emergentes quosdam Pastores illis adversantes sentientesque diversum, irretirent & supprimerent : quare conceperunt scriptum ab omnibus Ecclesiis à Synodo approbandum ; non poterant autem aliud sentientes afficere, ob authoris Authoritatem, ut à Synodo rejiceretur : quare aliud scriptum Synodo obtulere. Cumque non concederent primi utrumque scriptum rejici, reliquum erat ut permitteret Synodus, eam controversiam ab adversis partibus ventilari. A qua velitatione expectandum erat, Synodum in partes dividi, & in se partes animari.

Illius velitationis hic dies constitutus erat Lunæ : quam vel inhibiturus, vel

Kkk

III

illi impositurus modum ad Synodum Walæus accessit. Ad ejus autem conspectum omnes continuere, rejectum est utrumque scriptum, & partes à Synodo consuetis stare jussæ sunt. Persuasit enim Synodi membris Walæus ea quæ ex Sacris Literis accurate definiri non possunt, si tolerabili modo constituta sunt, movenda non esse, & de iis periculose cum iis disputari, qui possent condemnare. Hic postremus Walæi publicus actus fuit: qui si multorum insculpi animis posset, & pacatior Ecclesia foret, & amplius à supremo Magistratu foveretur.

Insequenti Martis die certatim Pastores advenerunt, gratias egere quod ipsos à molestia, Ecclesiam à periculo liberasset: quos monuit Walæus mutuo dissentientes ferrent, imo diligerent, ambos Ecclesiæ æque necessarios. Moderatos enim situros omnia collabi, nisi à fervidioribus excitentur; fervidiores turbaturos omnia, nisi eos leniores inhibeat.

Toto illo, ut & Mercurii & Jovis die, dolor tolerabilis exitit, quando nihil ventriculo inderetur. Unde & suavissime cum uxore, liberis, ac plurimis qui cum invisebant collegis confabulatus est. Consilia Synodi Præfidi suggessit, Academicæ regimini vacavit. Imo perseveravit privatim Theologiæ candidatos instituere ad dici Mercurii vesperam, quando & monitis & precibus filii sui Joannis demum victus, destitit. Ratus, Imperatorem stantem mori oportere. Sensim tamen defecere vires, & ad dici Jovis vesperam in soporem incidit, quod catarrhis obnoxius, repletum caput humoribus haberet, iique ab halitibus è ventriculo turmatim assurgentibus adaugerentur, spiritusque ex inedia deficerent.

Ab illo sopore excitari non potuit, nisi Veneris die circa vesperam, apposita collo cucurbitula, qua ad se rediit. Quando Johannes filius Matrem, & qui abessent fratres & sorores advocavit, veritus ne statim iterum in soporem laboreretur. Indicavit Patri videri jam illi extrema imminere, quæsit ut ali-quid esset de quo illos vellet commonitos. Monuit Walæus Deum timerent, Matrem venerarentur, ita Deum illis benedicturum, cæteraque curaturum: singuli omnium curam haberent, nemo tamen aliorum curæ acquiesceret, sed quisque invigilaret sibi. Et ad Johannem filium conversus: Tu, inquit, Matris curam habe, quod & scio te facturum. Inde singulis valedixit, eosque osculatus est, ejulantibus omnibus, nihil commotus ipse. Plura non effatus, avertit ab illis faciem & dormivit, nec iterum potuit excitari, nisi quod recru-descent quandoque dolor, aliquem ejus sensum ostenderet, & ad preces invitatus eos illi gratissimas fore subobscurò nutu visus sit indicare: quibus absolutis, paulo post ad dici Sabbathi horam undecimam, expiravit.

Ea mors vera emigratio est, qua vitæ quis & honorum satur de suis non sollicitus, non anxietate obruitur, non doloribus divellitur, sed fatiscens dissolvitur: dissolutio plena Divinæ gratiæ omnibus morientibus optanda.

Sepultus est in choro Templi divi Petri, ad partem ejus orientem, appposito sepulchro gentilitio ejus insigni. Sepultura ejus hoc peculiare habuit, quod præter maximum in funus prodeuntium numerum, sua præsentia id cohonestare voluerint, Deputati Ordinum Hollandiæ, & tota Zuyt Hollandiæ Synodus. Theologiæ vero Candidati contenderint inter se æcerime supponere corpus feretro, ut admitti trigiinta deberint, innumeris id sibi onus poscentibus.

Comp.

Commovebatur Walæi morte Reformatus orbis, prædicabat integræ virtutis virum, nullis finitris artibus, nullo ambitu ad Theologiæ culmen grafatum esse & pervenisse. Lugebat Ecclesia cum sibi creptum, quem timerent hostes, cujus Doctrinæ acquiesceret, & cui confideret plenissime. Illacrymabat Academia, imo illustres ejus Curatores, decus se Professionis Theologiæ amisisse, qui Theologiæ abdita erueret, exponeret apertissime: qui liberrime jus Ecclesiæ defenderet, præcaveret simul consilio ne ea turbaretur. Mœrebant S. Theologiæ Professores: quo & mœnore Thylius confectus, obiit. Amisisse se Collegam suavissimum, sine furo, sine saltu, destitui se solida ejus in asserenda veritate eruditione, maturo in dandis consiliis judicio, quo facultas quoque solebat eminere. Quod Amplissimus Academiæ Lugduno-Batavæ Senatus, publica Oratione omnibus, per Johannem Polyandrum à Kerckhove Professore Primarium, voluit testatum.

Kkkk a

VIRI

VIRI EXIMII
 PETRI PUTEANI,
 REGI CHRISTIANISSIMO
 A
 CONSILIIS
 ET
 BIBLIOTHECIS
 VITA.

Cura Nicolai Rigaltii.

Ad Illustrissimum amplissimumque *Matthæum Molæum*, Senatus Principem,
 Franciæ Procancellarium.



Enit, ecce, Molæ præstantissime, Puteanus. Adest manibus tractandus tuis & conspiciendus oculis ille nuper intimæ admissionis & omnium horarum amicus. Sic visum tibi est adferri posse tuo simul & publico dolori solatium. Omnesque adeo boni maximo consensu decrevere publicam viro eximio laudationem. Et hæc laudatio Vita est, quam mortuis tribuunt benemerentibus literæ. Sed vita hæc Puteanum vixisse narrabit, & verius dicetur Historia viventis inter mortales Puteani. Quale beneficium, nasci mortalem! quem sic vivere oporteat, ut mortem in horas expectet! Magnum sane beneficium Christiano, cui sic datum est inter mortales vivere, ut mortuus æternum vivat. Talem accipe, sapientissime Molæ, Puteanum huncce meum; in quo tuum sic agnoscas, ut jam meus dici constanter haud queat, nisi me prius per adoptionis alicujus imaginem tuum esse jusseris Puteani Rigaltium.

Henrici

Henrici tertii principatu, rebus in Aquitania, factioſo per ſpeciem religionis diſſidio turbatis, animi gentis illius, Belgis noſtratibus acriores, ita ſe ſtudiis invicem contrariis exaſperaverant, ut etiam apud iudices illic bipertita claſſe ex utroque Catholicorum, & Proteſtantium dogmate leſſos ſententiis jure dicundo diviſis, litigantes crebris ampliacionibus incerti ac dubii vexarentur. Cui malo tollendo, Flexana Collatione convenerat, ut ex Senatu Pariſienſi mitterentur ab Rege pacis amantes viri, qui de Proteſtantium cauſis cognocerent, & gratia procul, procul odio, nullo partium reſpectu, ſuum cuique tribuerent, ſive Proteſtanti, ſive Catholico. Itaque, delegatis in eam provinciam ex ordine ampliſſimo Pariſienſi viris quatuordecim, praefes impoſitus à rege Petrus Seguierus, adſumptique ad procuracionem publicam ſive regiam Petrus Pithœus & Antonius Loſſellus. Inter illos quatuordecim le-ctiſſimos Senatores Claudius Puteanus tantum collegas ſuos demonſtrabat, quantum ipſe collegio ſuo demonſtrabatur. Summam viri prudentiam, doctrinam, ſolertiam, ſupraque omnia probitatis integerrimæ conſtantiam, Scævola Sammarthanus, & ipſe inter delegatos ſpectatiſſimus Jacobus Auguſtus Thuanus, laudavere, teſtimoniis proteſto magnis, haud tamen ſupra veri fidem faventibus. Certe, cum primum ego ad rem literariam acceſſi, ad quocumque me conſerebam dicendi ſcribendique peritiſſimos, apud omnes vigeat Claudii Puteani nomen & gloria, neque ullum attingebam altioris cothumi volumen, quod non plurima mihi de Puteano ſignificaret valde proba. Quinetiam, ſimulatque innotuit deſuncti manus, obſervabam codices omne genus auctorum vetuſtiſſimorum ab ipſo notatos, tanto iudicio, tanta peritia curaque, ut jam ſubiret querela, tam felicitis ingeni virum, tam multa, tamque præclara, quæ mente conceperat, non protuliſſe; etenim tantum ſerebantur in Velleium Paterculum & Panegyricos notæ, quæ noſtræ ſitis ardorem vehementer augebant. adeo quidem ſibi; adeo vero poſteris deſuiſſe videbatur. neque indignando deſtitiſſem, niſi me repreſiſſent qui gravibus & aſſiduis in Senatu curis occupatum fuiſſe norant; prætereaque diſſicillimis motuum civilium vorticibus natali ſolo & ſtudiis amœnioribus abreptum avuſumque; ac tandem obſtructis calculoſa congerie renibus, ægrotudinis dritate eo ſæpe redactum ac percitum, ut ipſe ſibi mortem propinaturus videretur, niſi legis Chriſtianæ fuiſſet obſervantiſſimus. Patrem habuerat Claudius Clementem Puteanum, quem inter nobiles eo ſeculo cauſarum in Senatu Pariſienſi patronos celeberrimum fuiſſe Juriconſultum teſtatur elegans & crudita Dionyſii Lambini ad Joannem Maludanum epiſtola, & in ſamoſa illa Merindoliorum cognitione, expetitur ab Oppeda Mænerio ſub graviſſimis criminationibus laborante, Clementis Puteani, & Petri Roberti conſilium patrociniūque. Clemens igitur, ut erat juris peritiſſimus, eodem ſtudio Claudium ſuum apprime curaverat excolendum. & alterum quidem filium de patris nomine Clementem, qui poſtea in Jeſuitarum ſodalitio concionator, ſumma doctrinæ, pietatis, & eloquentiæ gloria clauit. Sed & Claudius ipſe ſub Hadriano Tremebo, mox etiam ſub Cujacio tantopere profeccrat, ut paterna fraternaque luce ſimul & proprio fulgore ſplendeſceret, accuſque in Senatum Pariſienſem, mox inter illos quatuordecim, quos in Aquitaniam delegatos fuiſſe diſtinus, ſpectaretur. Conſedere autem illi primo Burdigale,

in .i.

in sano Dominicanorum, aperto Senatu, postea vero Aginni Nitiobrigum; dein Vefunæ Petrocoriorum; postremo, Mediolani Santonum. Sic per triennium pacata provincia præpotens, sapientissimorum iudicum æquanimitatem experta, didicit, suis illis utrimque pro religione factionibus totam religionis substantiam mutuo sacrilegio profligari; & in proximo fuisse perniciem. Confidentibus igitur Aginni delegatis, quinto Cal. Decembr. anni supra millesimum Christianum quingentesimi octogefimi secundi, natus est Claudio Puteano tertius ex Claudia Sanguina filius. Sanguinæ pater erat Jacobus Sanguinus Libriaci dominus, mater Barbara Thuana Christophori Thuani Senatus Principis foror. & Sanguinorum quidam familiam vetustissimæ Parisiorum chartæ inter suas præclaræ nobilitatis origines ostendunt. Infantem in Senatoria purpura genitum ad sacramenta baptismi Christiani suscipere delegatorum præcipui, Sequierus præfes & Joannes Tumerius Bosfilius, ac de nomine Præsidis appellavere Petrum. Atque hic fuit Petrus Puteanus, cujus viram constitui tradere postcris; rarum quietæ ac privatæ, sed nihilominus honoratæ, pessimo ac turbulentissimo seculo, virtutis exemplum. Summa curarum fuit optimis conjugibus educatio liberorum, quos habuere complures. Etenim Petrum huncce nostrum, jam ut diximus tertium, secuti sunt quinque; tres fratres & sorores duæ, onus illis temporibus grave, in sanctissima præsertim familiæ Senatoriæ frugalitate, magis attenta damnis evitandis ac saltem levandis, quam lucro captando. Adhibuit Claudius liberorum institutioni Paulum Renealmum Blesensem, literaturæ Græcæ simul & Latine bene peritum, quod editæ ab ipso variarum stirpium considerationes firmant. atque hunc domesticum quidem doctorem. Nam & Christophorus & Augustinus, & noster Petrus, publicas præterea exercitationes habuere Theodori Marcilii, & ipsius etiam Casauboni. Satis erat illis domi pater, si non eum penatibus suis quotidianæ Senatorii muneris occupationes abstraxissent. Hunc igitur in modum institutam octo liberorum curam Claudius, acerba morte, petrofo illo renum cruciatu raptus, anno ætatis quadragésimo nono nondum exacto, uxoris diligentia commisit. Parens octo liberorum vidua marito, desideratissimi memoriam & pignora illa matrimonii sanctissime concepti transactique, per annos prope quadraginta singulari semper fovit affectu: pulchro certamine amoris utrimque & reverentiæ perpetua concordia, felici successu. nam & filii frugi: filiae honestissime collocatæ; omnes originis suæ decus integrum servavere. Filiorum maximus natus Christophorus ab exordio juventutis Ecclesiasticam in Regia dignitatem obtinuerat, & ad majores viam sternebant amici. Sed jam aulæ ac seculi molestiarum pertasus, ad religiosæ vitæ studia se recipere decreverat. neque ultra moratus, Cartusie Burgofontanæ sacra suscepit. unde aliquanto post, in Francisci Cardinalis Barberini favorem & gratiam adnuente Ordinis Cartusiorum præposito generali, Romam migravit ad ejusdem disciplinæ Cartusiam, ubi est in hunc usque diem, ob eximiam cum singulari pietate prudentiam, ad officia Prioris & Procuratoris generalis electus, ac per annos jam duos ultra viginti summa cum religiosorum omnium laude ac veneratione continuatus. Secundus à Christophoro Claudii filius Augustinus, vitæ genus Ordini etiam sacro devotum, sed disciplinæ mitioris legibus adstrictum amplexus,

us, sedit inter Canonicos Ecclesiæ Carnutenfis, ubi & Ingreane præfecturæ dignitate gaudebat, literaturæ politioris elegantia clarus. Is vitam sæctatus æquabilem magis quam negotiosam, facta cum Petro & Jacobo societate paternæ bibliothecæ communi cura sumptuque servandæ atque amplificandæ, annum agens sexagesimum febri letali correptus, partem suam sociis, uti pactum conventumque fuerat, transcripsit. Alii duo, Clemens & Nicolaus, bellicis artibus dediti. Clemens, militia variis expeditionibus tolerata, prælio ad Avinam in Belgis commisso, pro Rege fortiter occubuit, relicto ex Catharina Longovalla hlio. Nicolaus, eques Hierosolymitanus, in atroci trirremium Melitensium adversus Bisertanas conflictu, quo præfectus trirremium Christianarum, Equitesque amplius centum, perire, desideratus est. De Petro jam dicenda sunt digna scitu quamplurima. & in iis frequens erit nobis Jacobus, qui vita, quam vulgari vocabulo secularem nuncupamus, de Claudii filii solus est hodie superstes, Petri studiorum comes assiduus, princeps consiliorum & adiutor laboris. huius nomen, etsi modestiæ ac pudori viventis obsecutus reticeam, semper intelligi tamen deinceps cum fratre velim, quando nec absque illo quicquam frater aggressus est unquam. Petrus igitur Puteanus, per adolescentiæ gradus omni literarum ac scientiarum genere diligenter imbutus, primo juventutis adhuc flore forensibus admotus negotiis, causam pro suo præceptore Paulo Rencalmo, jam doctore medico, adversus Blesenses pharmacopolas, sub Achille Harleto primario præside docte ac diserte peroravit, & vicit. Satis eloquio, satis memoria; iudicio longe supra annos pollebat: valetudo non sufficiebat. immo, quantum in ea roboris esse videbatur, inter athletica illa fori iurgia firmari aut servari posse melius negabant. sed & ingeniâ juveni gravitas, & verecunda prudentia, mores suggerebat ab illa grandium caudicorum ferocia valde alienos. Itaque ad munia tranquilliora conversus, in illa se potissimum juris parte exercuit, quæ ad rempublicam spectat; cuius ope regna sive imperia unus aut plurium legitime tenentur & conservantur. Partes implere poterat optimi Senatoris dignissimus hæres Claudii, sed jam constabat ea dignitas pretio, numerosæ familiæ difficili tunc atque damnofo. Illa rerum notitia publicarum, ab ipso pendebat: Omnia domi tranquilla, honestatis & modestiæ plena: matris liberorum amantissimæ pia sedulitas: fratrum consensus in studia fratris, otium illi beatum faciebant. Sic in otio neutiquam ignavo vires idoneæ suppetebant fatigenti: sic omnes omnium imperiorum historias evolvit, unde; quæ ad proposita facerent exciperet. erant ad manum libri, & prælio veterum chartarum supellex, unde arcana temporis anteausti paterent: summa sagacitas indagandis veltigandisque, summa discernendis peritis, examinandis pensitandisque iudicium circumspèctissimum. Tam clare indolis juveni latere diu non licuit. ilico fama propinquos & adfines, quos habuit è præcipuis Lutetiæ magistratibus complures, excivit, inde ad alios passim pervagata, conflavit amicorum: copiam tanto paratu spectabilem, ut nemo jam in urbe virtutis aut eruditionis gloria censeretur, qui Puteano illa jam ætate florentissimo non faveret, Scalligeri Lipsique & cæterorum paternæ memoriæ cultorum commendatione observantique notissimo. Inter cæteros ego tunc Francisci Pithæi benivolentiæ fruebar, qui Petro Pithæo fratri jam novennio superstes.

superstes maximi viri nomen peculiari sua laude sustinebat. Is mihi fores ad Jacobum Augustum Thuanum aperuit, & gloriari liceat tanto ductore, mox & ad Putcanos. Ac Thuanum quidem jam in amplissimo Senatu praesidem de prima illa suarum historiarum editione cogitantem reperi: Putcanos, trina germanitatis suae concordia paternae bibliothecae amplificandae curam concipientes: Petrum ipsum quotidianae forensium exercitationum auscultationi studia illa, quae regnorum atque populorum jura temperant, superinducentem. Ab eo tempore, quod semiseculum prope decurrit, nobiscum intercessit amicitia tam bonis orta principiis, ut etiam nunc Petri obitu, media parte apud Deum translata, non interrupta nec intermissa, sed immortalitati tradita continuare sentiat. Illius vero semiseculi annos octodecim sibi vindicat Jacobus Augustus Thuanus. etenim tamdiu ego & Puteanus cum ipso perpetua familiaritate conjunctissimi proximus. Summa illic opinandi, interrogandi ac discendi libertas, sic tamen ut honoris & modestiae magistra severitas ubique praefect: summa fides, summus candor, summa sinceritas. Atque hoc ipso temporis spatio suavissime ac diligentissime, qua litteris, qua consuetudine, officiis & obsequio, colimus è magistratibus Achillem Harlaeum Senatus principem, Thuani sororium, Jacobum Gillotum, Ludovicum Servinum, Jacobum Gueslam, summos in Senatu viros: Nicolaum Fabrum, Justum Lipsium, Josephum Scaligerum, Josiam Mercerum, Isaacum Casaubonum, Bonaventuram Vulcanium, Scævolam Sammarthanum omni doctrinarum genere excellentes, qui suometipsi desiderio compulsi, Claudii Puteani amicitiam sive memoriam in Petro nostro revirescentem jucundissime conspicebant & amplexabantur. In isto certe amicorum commercio Petrus, quod sibi proprium esse poterat, maluit necum esse commune. Itaque uberrimam nobis amicorum copiam praestabant frequentes apud Thuanum coitiones, ad quem ex omnibus Urbis ordinibus & regni provinciis, atque etiam de nationibus exteris honestissimi ac studiosissimi confluxebant. Magna illic seges & materia noscendi, quid in Urbe, quid in Senatu, quid in provinciis notabile contigerat, & quid novi de transmarinis aut transmontanis vela, remiges, cursores attulerant. Et mira inibi fuit singulis dijudicandis ac distinguendis prudentia Petri: mira comparandis quae probata fuerant industria; subnotandis acre judicium, describendis labor indefessus. Atque hinc primordia divitis illius memorabilium gazae, qualem nostratum haecenus possederat nemo: quam tanti plurimi facio, quanti aestimare par est exemplorum acervum ingentem, praestantissimi dispensatoris manu liberaliter administratum. Certe, suppetias isthinc aduisse sibi non inficiantur viri optime de litteris & rebus nostris meriti, Jacobus Sirmondus, Ludovicus Chantoræus Faber, Claudius Salmasius, Andreas Duchesnius, Petrus Gassendus, Claud. Menagius, Theodorus Gothofredus, Christophorus Justellus, Joannes Beslius, Lucas Holstenius, & gemella Scævole proles, Sammarthani, alii plerique. Adeo, si Petrum, unde amicis tanta tam multis adjumenta praebat, inde sibi metipsi maxima comparasse dixerō, fidem facturus videar, toties ab ejus litteraria suppellectile quæsitissimis opibus certior & locupletior factus. Adhuc nostra, Petre, micabat in herba milis, & jam pridem carissimus esse cæperas amplissimo Procuratori regio, Molæ. Huic te ab adolescentia sodalem,

dalem, posthæc amicum assiduissimum vidimus: & mox in ipsius benevolentiam per te sumus adsumpti. quem subinde maximi Senatus principem, hodie vero simul & in aula regia Procancelarium Gallia suspicit: perque hæc miserrima tempora, rebus intricatissimis, Aulam inter & Senatum, reipublice pariter & monarchiæ frena summo labore, summo periculo, summa constantia moderantem, admiratur. Interea, Petre, civis optimi partes agis; & ades amico laboranti, fatigatum excipis, alloquio foves, & consilio solaris. digna fortunatiore seculo cura tam amice pro rege, pro patria, proque salute publica conspirantium, tot millibus in mutuum perniciem cœco furore consuetantibus. Petrum itaque nostrum, agens adhuc regiam procuratorem Molæus, in eam muneri illius publici partem, quæ circa regni tabularia versatur, addidit. Ea vero tabularia, quæ visa quidem prius & inspecta Joanni Tilio, Senatus Parisiensis actuario, nec certe perperam, fuerant, Puteanus adeo curiose ac diligenter post Tiliū vidit, collegit, descripsit, adnotavit, indicibus laboriose contextis digessit, explicavit, ut jam in aperto sint innumera, quæ mersa tenebris ignorabantur, haud minimo rerum nostrarum atque etiam exterarum detrimento. Testis opere sive industriæ tanto processu navata Molæus, amico benemerenti non defuit apud primarios regni ministros, quibus jam erat ipse Puteanus per se notissimus, & facile obtinuit, ut in consilium Regis allectus honoraria pensione sub Sillero cancellario, dein etiam ampliore sub Seguiero frueretur. Hoc vitæ suavisimæ honestissimæque instituto Puteanus sorte sua contentus studia sic dividebat, ut otii partem veterum scriptorum commentariis evolvendis, partem chartis negotiorum publicorum dispendiendis; interea vero amicorum officiis ultro citroque colendis, horas in dies singulos impenderet. Hanc sibi disciplinam formaverat ad exemplum Thuanī, quem imprimis observabat; & vicissim Thuanus cognati sui moribus & consuetudine oblectabatur. Ego quidem certe in utriusque amicitia sic eram, ut quanto magis me Puteanus diligebat, quantoque magis ego Puteanum redantabam, tanto nos Thuanus ambos amabiliore vinculo constringeret. Sic annos egimus aliquamultos, notitrique Thuanī catibus consiliisque sive lætis sive tristibus individui, sæpenumero etiam bonis & liquidis cœli tempestatibus in Villabonio suo rusticanti adhaerimus, semper invicem adoptatissimi comites. Historias Thuanus horis ab Senatu subsecivis, & nonnunquam poemata; Puteanus observationes ad regni rei que publicæ regiorum pertinentes condebat: ego, quæ veterum scriptorum, sed præsertim Christianorum scitis illustrandis ac restituendis olim profutura videbantur, componebam. Magna vero semper & prompta nobiscum fuit communitas omnium quæ notabilia quisque legendo, scribendo, maxime autem audiendo perceperat. Et quamplurimum certe Thuanus, qua dignitate sive auctoritate pollebat, multis quotidie procerum frequentatus, in communitatem conferebat, nec ab eo discerimus unquam nisi doctiores aut meliores. sic omnia castigabat examine sapientissimo. Etenim tempora surrexerant feracia trutinum in bono æque atque in malo stultissime vel improbiissime judicantium. Quæ res viro malitiarum & calumniarum intolerantissimo, etiam vixdum ingredienti senectam, adeo displicuit, ut corporis & animi viribus adhuc integer, nemini quicquam, sed sibi incipit gravis; accedente, sub initium ægritudinis

clade domestica, conjugis amatissimæ obitu, post menses inde novem stomachico scirrhus in gangrænam efferato decesserit. Hæc vidimus oculis deploranda nostris. nec fuit nobis aliud luctus ingentis solatium, quam perpetua moestitiæ præsentia, quæ dolorem continuum boni præteriti recordatione nutrirer. Patientes optimi liberos reliquerant, spem nobilissimæ familiæ continuandæ, sed ætatis adhuc tenellæ. His testamento suo pater tutores dignitate ac probitate lectissimos providerat. extraque ordinem amica compellatione nobis ambo- bus filiorum per doctores valde probatos erudiendorum curam, ac præterea suarum lucubrationum edendarum arbitrium mandaverat. Cognatis suis per utriusque parentis desiderium luctu geminato moestissimis tanto studio, tamque assidua diligentia sive cura Puteanus adfuit, ut orbitatis mala senserint multo leviora. Nam & ipsorum institutioni optimos adhibuit præceptores sive custodes. splendorem domus servavit, auxit bibliothecam. Mox denique, conductis magni illius habitatoris ædibus hospes ita successit, ut quasi Thuano suffectus, exhiberet sese amicis, eodem illo conclavi, quo Thuanum adire solebant, convenientibus & beatos manes officiose colentibus. Eo se libentissime conferebat Tumerius ille Bossius, præcipuus Thuanorum pupillorum tutor, qui Puteano ab infantia prima, uti supra memoravimus, adstiterat, & juvenem magnis virtutibus clarum paterno more diligebat. ambo igitur, communicatis ordinandæ tutelæ consiliis expectandum dum natu major Thuanus adolescentiæ studia concluderet. Interea missus ab Rege ad Ordines Hollandiæ foderatos Bossius, populus amicis, aliquid in religionis suæ statu rei que publicæ regimine turbantibus, concordiam suafurus, obeundæ legationi protectionem adornabat; & factis super ea re sermonibus senserat haud insuave fore Puteano perlustrare oculis regiones amplitudine commerciorum & militari disciplina, sed & Scaligeri nuper hospitio tumultoque nobiles. Itaque comitem abduxit sibi, perspectaque amici prudentia, quamdiu legationis ordo processit, consiliorum & secreti participem habuit. Hujusce autem peregrinationis occasione Puteanus Hugonem Grotium, Danielem Heinsium, & alios eruditionis gloria celebres amicitie foedere sibi devinxit; notitia nominis & fama sui conciliatrice. Grotium quidem, merito jam suo commentatissimum, quem dissidia quarundam è Batavis civitatum traxerant in partes Barneveldii, Bossius secundum mandata regia salvo Barneveldio partium duce, salvum & incolumem cupiebat. Verum, Barneveldio criminationibus oppresso, Grotio Barneveldianæ causæ nexibus intricato, factio præpotens utrumque damnavit; ac paulo post reditum Bossii Barneveldio caput abstulit, Grotio libertatem. Puteanum reducem amici excepere confertim gratulantes præcantesque omnia fausta felicia fortunata. Bienneio post, mortuo Francisco Pithoeo, Augustobonam Tricassium regio diplomate missus est, repetitum & recognitum chartas ad jura regia pertinentes, quæ penes Pithoeum illum Petri fratrem, etiam rerum nostrarum externarumque bene peritum, depositæ fuerant pro finibus regundis constituendisque limitibus agrorum, de quibus erant inter Regem & suavitimos Principes haud levis momenti controversiæ. Amico ad amici heredes intranti patuit tablinum, & exhibita omnis chartæ supellex. bona fide cuncta perscrutatus, confecit repertorum indices, & quicquid erat regii sive publici, permittentibus

defuncti.

defuncti cognatis absportari Lutetiam iussit ad Regium Procuratorem, ab eo-
que sibi & heredibus Pithœi cautiones dari curavit. Anno sequenti exortis
super Arverniz comitatu, superque Turris baronatu quæstionibus, ad regia
jura pertinenda visum est negotia publica ministrantibus inspicere veteres ta-
bularum, quas in arce Mercurolina servari sciebant. eo missus à Rege Puteanus,
quia solebat industria diligentique cuncta pervidit, collegit, & in Regium
tabularium retulit, explicatis, quæ pro Rege Regnoque justissima & firmissima
comprobat, instrumentis, testimoniis, argumentis. Vix elapsis posthæc trien-
nio, majus obtigit negotium, finitimis ad Mosam & Mosellam populis adver-
sus Franciæ jura contra veterum tabularum fidem, contraque longissimi tem-
poris possessionem nova molientibus, multa etiam indies circa conditiones
agrorum, sive communium sive ambiguum, invecundis tentantibus. Ea
res Belgii principatum, Burgundiæ, Barri, Bullionii ducatus pertingebat, nec
erat mediocriter examinanda. Itaque delegati ab Rege tres viri, Cardinus
Lebretus, Joannes Delonius Lorma, Petrus Puteanus. Huic, etsi per delega-
tionis ordinem postremo, primas tamen industriæ sive laboris partes collegæ
concesserant. Adeo, cuncta quæ ad rem facere videbantur suis ipse librata
ponderibus expendit atque digessit, ut quid fundorum, quidve agrorum;
quid oppidorum, quidve civitatum de Lotaringia regali, ætatibus antea-
ctis vel ambitiose extortum, vel callide subtractum, vel negligenter omis-
sum, sive per se confusum fuerat, id quo jure quibus indiciis aut argumentis recupera-
ri, defendi, retineri quiret ac deberet, manifestissimum fecerit. Recuperato-
ribus ad Regem reversis dato consilio, Lebretus orationem habuit plenam
solidi ac generosi spiritus, suamque & collegarum operam regiarum curarum
ministris approbavit. Ab eo tempore Puteanus in Urbe mansit, nisi quod
brevibus interdum excursionibus in Campitrosium Molæ sui prætorium
rebus prolatis rullicandi gratia secedebat, unde mox recurreret ad nota vitæ
officia privatæ; per quæ nihilominus publicis utilitatibus ita serviebat, ut penes
eum perpetuus esse videretur in privati persona magistratus. Hæc vero tunc
fuit ævi conditio. Excusso de regni gubernaculis Concilio nebulone, obtri-
tissimo nimio Consuetudinis pondere Luinaris, subrepsit inusitata audacia
genius, qui Rege non improbante, aut non sentiente, despecto pegmate sug-
gestus episcopalis, non regis quidem, sed infinitæ potentis clavum arripuit,
tenuitque imperiosissime, usque dum per annos amplius viginti orbe Chri-
stiano furoribus internecinis quassato, Gallia partim disrupta luxu, partim em-
aciata tributis, ipse curis ingentibus excusus, cadaverosa rabe dilaberetur. Magna
præstitit, sed quicquid erat in omni Gallia roboris prodegit, & propositum
facinus, quamvis inmane, admittance virtutis adumbrari, summam credidit
esse virtutem. Gallis procures aut cohibuit carcere, aut bellicis adversus fi-
nitimos expeditionibus distulit, ut aula vacua solus Regem haberet. Haud
ignoravit Puteani nomen, nec parum tibi fore ad gloriam ratus si laudatissimo
viro uteretur, studiorum ejus fautor haberi, & honoraria quotannis præstari
voluit, admisit ad colloquium, consuluit per epistolas, perque suos, super ne-
gotiorum casibus plerumque veris, aliquando etiam quasitis in speciem figu-
ris; nunquam tamen frivolis aut vanis, sed regimini populorum ad cæcos &
subitos eventus exempla sive præcepta daturis. Fecit huic genio Puteanus

quod optimi viri fuit. respondit, sive consuluit quod rectum honestumque esse exultavit. nihil adulatus est unquam, nihil ementitus. Sciebat, vim illam, sati alicujus fuisse necessitatem. ea vero quæ auderet facere ve, non fuisse ausuram neque facturam, si Christiani principes, quæ suarum erant partium, scissent sive fecissent. Hujusce igitur ævi curriculo Puteanus quamplurima condidit pro negotiis à primario ministro propositis, plurima etiam quæ per se ipse arbitrato suo tractanda susceperat. Quæ quoniam de rebus nostris, pro Gallia scilicet, conscribebat, ut facilius & promptius ab nostris hominibus perciperentur, sermone Gallico cudi & concipi oportere censuit, Latine linguæ, jamdiu sepultæ, ac de veteribus monumentis excitandæ, vocabulis peregrinis segnitè ferientibus aures minus assuetas. Atque hoc, de publico sive communi omnium gentium sensu. Et meminì me, cum inter nos hac de re sermones haberemus, amici consilium valde probantem, adjecisse, male de ingenio suo meritis mihi videri, qui doctrinæ adfectione res hodiernas & vernaculas prisco ritu, aut Romano sermone tractarent. etenim facere se sibi metipsis & aliis gratuito molestos atque difficiles. pravam invasisse tam in Ecclesia quam in Senatu morem. patronos & concionatores adductis idiomate Græco Latinove sententiis orationes suas corrumpere. refellati operis lenocinio eloquentiæ legitime gratiam frangi, vires debilitari; auditorum, sive judicum attentionem docilitatemque apud ignaros plerumque linguarum vaneſcere: denique, maximos oratores, quorum scripta legendo non satiamur, Græcos sive Latinos, actionibus suis nihil unquam sermonis exotici miscuisse. hoc tantum epistolis induxisse Latinos. at Græcos, ne quidem epistolis. Plutarchum, facta mentione versum Horatianorum de magnificentiâ Luculli, mentem edidisse poetæ fideliter; Latina verba diligentissime suppressisse. Una forteam Romanensibus hodie nobis excusatio proſit, quod linguam usurpantes de Græca simul & Latina prognatam, nostrorum scilicet auctorum recordatione verba etiam ipsissima citantes, non videmur ingrati. Quantula pars exercitationum, quæ vehemens animis incurſant Puteani, desiderium nostris! Jure optimo tanti viri laboribus Gallia gloriabitur, & erit quod maximas nobis gratias habeant exteri, quibus est humanæ vitæ sapienter instituendæ cura. Puteani prudentiam, æquitatem, constantiam declarant Considerationes, Commentarii, Consilia varia, sive Responsa magnis de rebus elaborata. quantæque apud probos & graves esse debeant expectationis, ostendunt edita nuper de Libertatibus Ecclesiæ Gallicanæ volumina, quæ jam veritatis hostibus tantum attulere fastidii nausæque. Horum calumnias ipse Puteanus proprio volumine confutavit. quod suo quidem ordine apparebit, cum ceteris, quorum editionem fratri præstantissimo commisit. Penes cum sunt etiam diplomata, declarationes, edicta, super arduis lucubrata negotiis; quibuscum una servantur autographa pittacia, epistole variz, quas ad Puteanum scriptitabant proceres manus Richelii, Seguieri, Bulionis & Josephi, illius nimirum Capucini. Earum vero nonnullis superscribitur & Gorchosrodi nomen, talium etiam rerum scientissimi, quem noster sibi socium adhibuerat eruderandis illis occiduae senectutis chartis, optimum & spectatæ fidei virum, etsi minime itilo pollentem. Hoc præstabat Puteanus; proptereaque omnia quæ labore ac studio communi conquisita & conge-
luerant,

fuant, solus digerebat & mandabat literis. Porro, dicendi scribendique genere utebatur prompto & facili; hoc præsertim accurans, significanter & dilucide proferre quæ sentiret. neque alium certe amat characterem monita sive responsa prudentium. docent, explicant, ostendunt; rationibus, exemplis, ipsarumque adeo rerum momentis, aut negotiorum instrumentis: rhetorum tropos & schemata non admittunt. ceterum, idiomatis Gallici nitorem minime respuebat: & esse partem seculi nostri non ingloriam censebat hominum illud genus elegans facetum disertumque. Mirifice autem capiebatur eruditus urbanitatum salibus & aculeis, si non impiis, neque ad calumnias aut maledicta probrosis. Amicos fide perpetua conservavit, neque est ab ullo divulsus unquam, nisi morte. ac mortui quidem cineres & reliquias, puta liberos, agnatos, adfines, benigno prosecutus est adfectu. Gratiarum magnatum nunquam ambitiose aut importune est adfectatus; oblatam studiose ac reverenter coluit, qua nimirum prodesset quamplurimis opem suam poscentibus, magis quam sibi. Nullis unquam se partibus addixit; tantæ compos æquilibratis, ut constantia sua, venientes ad se quandoque partium ferventissimos, tacito intra sinum ipsorum pudore aut frigore feriret. legitime semper majestatis ac publicæ tranquillitatis amantissimus. Oderat rixas & jurgia, præsertimque inter eruditos, ac turpe esse dicebat, viros indubitate doctos canina rabie famam vicissim suam rodere ac lacerare scriptis trucibus, tanquam vilissimos de plebe cerdones in angiporis sese luto ac stercore conspurcantes. Aiebat, rem esse omnium pessimam, hominis improbi literaturam, sententiæ prout semel rationibus stabilitæ, si quis factiosa contumacia contradiceret, bonis esse non altercari, sed posteritatis arbitrio rem integram permittere. Vir attentissimus operi, etiam cum otiosi modica relaxatione videbatur, aliquid animo providebat quod ad publicam faceret utilitatem. adeoque laboribus etiam alienis affavebat, ut quemque, qua dote valere judicaret, ea prodesse aliis ne pigeret, hortaretur: aut si quid ad studia literarum, sive ad rerum gerendarum peritiam, gestarumve notitiam, boni commatis apud heredes imperitos premi sentiret, id pretio vel precibus cruebat, ut fieret olim publici juris. Ea cura servavit epistolas Foxii, itemque Ossati, de quibus certe scriptionibus hoc verissime prædicabitur, post illam Pauli Sarpii Tridentinam, nihil existare, unde queant aulæ Romanæ artes pernoscii clarius aut certius. Servavit etiam Cambedeni partem alteram Elizabethæ Britannorum reginæ, quam auctor se vivo edere non ausus, penes Puteanum deponi mandaverat. Collegit & Josephi Scaligeri Epistolas, multiplici eruditione locupletissimas, ejusdemque Opuscula insigni præfatione Casauboni maximo Thuano nuncupata. Præterea servavit Nicolai Fabri Perescii Senatoris Aquensis Epistolarum ad se atque ad Jacobum fratrem, volumina duo grandia, quibus continentur ad Naturalis historię, totiusque literaturę notitiarum observationes elegantissimæ. Eademque opera Puteanus ipsum Perescium, atque de Justinum regiarum quatuor viris Antonium Lomenium Villocarium, aristissimo secum invicem amicitie nexu conjunctos, fecit ut enixe conspirarent, qua pollebant gratia, requirendis undique arcane memorię chartis, curiosæ rerum nostrarum externarumque studia valde juvantibus. Habentur illi Principum & Legatorum, vicissimque ad Principes & Legatos literę, Instruc-

ones,

ones, Mandata, & hujusmodi alia innumera: quibus odorandis vestigandisque mira fuit Lomenii Peresciique sagacitas, magna felicitas sive auctoritas obtinendis; maxima vero Puteani sedulitas & industria singulis ordine ac tempore distinguendis & componendis. Exinde autem vidimus instauratam bibliothecam voluminum amplius quadringentorum, quæ Lomenius noster sumptu liberali, multo labore transcripta, magnificoque opere compacta, suis ædibus officiosissime habuit ad varios amicorum usus. Eo decedente, ex ærario regio librarum millibus quadraginta persolutis, regiam plane suppellectilem Luparanis armariis custodiri placuit, donec accederet bibliothecæ omnium toto orbe bibliothecarum copiosissimæ, unde est tandem in Regiarum Chartarum thesaurum comportata. Hocetiam vero Puteanus permultis beatiorum fuisse existimo, quod sero se permisit typographis, quorum opera præfinita penitentiam nonnullis induxit, & conservavit ridenda senibus cucubula. Jam in limine senectutis erat, cum editioni Libertatum Ecclesiæ Gallicanæ manus primas admovit. Opus antea tentatum pluribus, nulli felicius cesserat, quam Petro Pithæo. Is tantum capita quædam tribus & octoginta constituerat articulis, summo judicio formatis. Ad ea igitur capita Puteanus collinavit, conjecitque probationes, ex amplissimis undique tribunalibus & variis Ecclesiarum chartulariis, atque ipso Chartarum regni Thefauro collectas, unde, communi gentium sensu, continuatoque usu, decreta manaverant, quæ Pithæanas positiones constabillirent. Hoc una quidem & altera editione præstitit. ac subinde repetita lectioe adjecit ad omnes singulatos articulos commentaria, doctissimas observationes, quæ citatis variorum scriptorum testimoniis Gallicani juris æquitatem confirmant. Adversus hæc tanti momenti studia, quæ pro Regis & Cleri dignitate certabant, Clerus ipse Gallicanus, instigantibus aulæ transalpinae mancipiis, jam commotior accendi atque inflammarî coeperat. & atrocia fulgurasset, si non ipsa vitæ sanctissime transactæ quasi majestas texisset auctorem. Durat operi fama, geminata jam editione discurrens, durabitque olim venientibus seculis ubicumque sapientia vigebit. Sed nihilominus ægre Puteanus attentatum facinus dissimulavit. Tam neminem senserat injuriæ regni legibus illatæ vindicem. Ergo hic incipiunt perpetuo tristitia. Francisci Thuani exitium indignissime tulit, atque inter tristissima sua duxit. Juvenis minime fontis memoriam, cognitione dispuncta, purgari ac redintegrari debere: rem æquissimam non abique injuria differri, magnis rationibus peculiari volumine demonstravit. Interdum erumpebant imo depectore viri cordatissimi graves querelæ. Multiplicibus triumphis amplissimas Gallicanæ majestatis facultates decoqui. Sub triumphali conturbatore aunos aliquando censerî, forsitan viginti, beatos & locupletes: posthæc vero, sequente pessimo necessariae fraudationis consilio, facile extirpasse publicos prædatores; & subinde concursum populorum reposcentium ablata, rapta, extorta. Plus auri argentique fuisse corrasum postremo vicennio tributis, quam seculis antecedentibus universum cunctis; nec impensum militaribus stipendiis, nisi tantillum; milites ad omne nefas auctores: ducentas plus minus in Urbe grypotigres, nuper omnium egenas, hodie regitico luxu dissolutas, monstruosa rapacitate sanctam alias Regii nominis potestatem ceteris urbibus, oppidis, agris horribilem fecisse passim. Sic

Urbem

Urbem ipsam, sic provincias, in apertam rabiem converfas. Et miramur annosissimam orbe toto monarchiam delirare, desipere, ineptire? aut tale quid pati, quod passam fuisse Romanam legimus? An misericordius toties ac tandiu repuerascentis! Nimirum, continuante fraudatorum impunitate atque licentia, gaza regia repente exaruit, & fides publica collabi visa; & abrupta sive negata subsidiorum etiam tolerabilium præstatione, rerum gerendarum nervi omnes ubique succissi. Quartus nunc agitur annus cum hæc deplorare & lamentari videbam Lutetie Puteanum, jam ægredientem. Aderam amico: & præciperamus animo quæ subinde acciderunt tristiora. Vir optimus, communis amici nostri sortem miseratus, quod, rebus adeo turbatis afflicisque, teneret in Senatu locum tot sententiarum conversionibus ac difficultatibus obnoxium, felices affirmabat, quibus latebras Deus honestas concesserat. grates Numini maximas habebat, quod eo se vitæ genere continuisset. Atque hoc impresserat cordi suo tantopere, ut adjungi consilio Legatis ad pacem publicam ab Rege missis, quod poterat etiam ab modestissimis ambitiose expeti, oblatum sibi repetitis magnatum obtestationibus munus, defugerit, ipsique etiam Legatis amice atque enixe sibi hoc ab ipso officium postulantis resistit pertinaciter, atque in Gothofredum suum transmiserit. Annuit tamen, & fideliter præstitit, ut super accidentibus negotiorum quaestionibus consultus, ex animi sui sententia responderet; instrumenta, testimonia, exempla subministraret. Mentis argutissima senex, præfagebat frustra illos ire, quum exirent domo, nec obscure per literas ante significaverat amicis. Etenim satis intelligebat, illa Regis adhuc ætacula, novis regni ministris, æque ac decessoribus suis necessarias esse pacis differendæ moras, aut evitandæ, rationes. Inter hæc Puteanus noster consensuit. fatigatum nimia scribendi, legendi, meditandi contentione corpus, impar animi viribus, hospitem admonuit migrationis. Hanc sibi tota vita sua prospexerat. quare, nihil quicquam monitu confusus; placide cuncta disposuit. fratrem à teneris annis optime semper absque ulla offensa dilectum instituit rerum omnium suarum heredem, & amicis intime commendatum hortatus est, ne solitudine tristiore maceraretur, adhiberet sibi Ismaelem Bullialdum astronomiæ simul & literaturæ exquisitioris apprime gnarum, jam longa satis assuetudine perspectum, cujus familiaritate suaviter uteretur. Eodem testamento paucula, quæ petitu ejus delineaveram, adscribi tumulo mandavit. Ab sesquianno priusquam abiret, literas ad me dabat frequentes, mentis indices Deo Christoque domino devotissimæ. Interque officia rescribendi, sic adiciebar amici pietate, ut agi mecum inclementius arbitrarer, si provectior ætate non anteciret, aut non saltem consequeretur abeuntem, ne superstes animæ quæ me totum animabat, iners ego hic præ tædio mœstitiaque ignavus jacerem, & continuo tanquam ad roe reversus, memetipsum redarguebam erroris, qui divina respexissem sicut humana: cum illa sint ab istis omnino diversa. etenim facile concipi divinis humana. contra, non item. sed caritate Christiana, cujus æterna est utilitas, receptum cœlo Puteanum sic apud Deum in Christo vivere, ut Christianus ego, tantisper adhuc agens in terris, vivam nihilo secius cum Puteano apud Deum in Christo. Hac vero nos invicem sapientia solabamur, & Cypriani ad Cornelium suum scribentis admonitu, pacificebar ab amico, semicircularis amicitiæ.

amicitiæ jure, caritate mutua, reciprocas ad Domini nostri misericordiam preces. Hoc agebat epistolæ meæ ad Puteanum supremæ stili; & quo momento cursori perferendæ literæ tradebantur, vir immortalis gloria dignissimam animam Domino Salvatori mandabat, sacris Catholicis procuratam per sacerdotem optimum, Curatorem Ecclesiæ Sancti Cosmæ nomini sacratæ. Ea scilicet Urbis regione habitabat in ædibus Regiæ Bibliothecæ servandæ comparatis, quas ego vicennio plus habitaveram, cum Senatorii muneris hoc Mediomatricum Parlamento studiosius obeundi consilium cepi, simul & Bibliothecæ regię Curam tradidi viris amicissimis possidendam licet à me fuerat decedente Casaubono possessa. Huic vero maximum ornamentum contulere investa sua ipsorum bibliotheca sumptu elegantissimo splendida, æmula Thuanæ. Etenim capit voluminum typis editorum millia novem, omnes auctorum cujusque linguæ, cujuscumque disciplinæ, non ævi illius duntaxat veteris, sed etiam descendendum in hæc usque tempora seculorum selectissimas editiones. Præterea vetustissimos codices manuscriptos CCC. Memorialium septingenta & sexaginta quinque volumina, scripta manu plerumque ipsius Puteani. Juvat hæc etiam minuta persequi. Quanto videlicet honestius, quam condere annalibus cædes & bella, urbes everfas, oppida capta, provincias desolatas. Et quam putidum Christiano tantorum scelcrum duces honoribus adfici, per eosque gesta posteris tradi, ut nobiles & generosi & magnanimi prædicentur qui tantis maculant innocentissimos malis. Abeant illi cum suis illuc, quo nemo pius ire non exhorrebit. At recta nobis & pia mente liceat de nostro Puteano bene sperantibus, bene de bonis omnibus merito, bene adprecari. Vitam ejus me scripturum pollicebar, & sum ego polliciti reus, si non præstiterim hætenus, qui menses & annos ejus ab infante ad nonum & sexagesimum perduxerim. Superest tamen, quas posteritati reliquias dicavit, adnumerare cumulatus. hoc itaque deinceps catalogo citabuntur, & universa defuncti vita, per ipsum scilicet, perque res ab ipso gestas replicabitur. Occurrit ecce inprimis, Historia damnationis Templariorum. Sequitur, Historia schismatis ecclesiastici ab anno 1378, ad 1428.

III. Historia pragmaticæ sanctionis Biturigibus condita, an. 1439. quemadmodum stabilita, observata: quibus à Rom. Pontifice artibus oppugnata.

IV. De Concordatis Bononiæ inter Leonem X. & Franciscum I. quo pacto stabilita & usitata.

V. Ordinationes Antistitum Ecclesiæ.

VI. Controversia inter Pontificem & Imperatorem super Investituris.

VII. Quas ob causas Concilium Tridentinum Gallia non receperit. & quare sit repudianda Cleri Gallicani super hac re sententia promulgata anno 1615.

VIII. Programma sub nomine Episcopi Carnutensis in causa Censuræ per eum propositæ sub nomine Cleri Gallicani, anno 1626.

IX. Historia personarum sex & viginti, Regio sive Principali favore potentium. Volu m. iv.

X. De regis Franciæ jure ad regnum Navarræ adversus Hisp.

XI. De regis Franciæ jure ad regnum Arrag.

XII. De

- XII. De regis Franciæ jure in Rempubicam Genuensem.
- XIII. Pro regno Franciæ & quibufdam provinciis adverfus Anglos.
- XIV. De Lege Salica.
- XV. De jure confiscandi in crimine Majeftatis.
- XVI. De regis Franciæ jure ad regnum Angliæ.
- XVII. De jure regis Franciæ ad regnum Castellæ.
- XVIII. De regis Franciæ jure adverfus Sabaudum, circa Foffiniacum, Nicæam, & Coniacum.
- XIX. De regis Franciæ jure in Comitatu Flandriæ, & de pactis Madriti, Cameraci & Crepiaci.
- XX. Regis Franciæ dominium alienari non poffe.
- XXI. De regis Franciæ jure in Comitatu Artefiano.
- XXII. De regis Franciæ jure ad Infulam Flandr. Duacum & Orchias.
- XXIII. De regis Franciæ jure ad Tornacum, Santamandum & Mortani-am.
- XXIV. De Comitatu Sancti Pauli. Unde moveat.
- XXV. De regis Franciæ jure ad regnum Burgundiæ adverfus Imp. Germ. & Legitimo titulo poffideri agrum Lugdunenfem, Delphinatum, Provinci-am, Brefciam, &c.
- XXVI. An fit præfcriptioni locus inter supremæ poteftatis Principes.
- XXVII. Pro rege Franciæ, adverfus Lotaringiæ Ducem, fuper Ducatu Andegavenfis.
- XXVIII. De controverfia inter Franciæ regem, & Lotaringiæ Ducem fuper Comitatu Provinciæ, Forcalqueri & agris adjacentibus.
- XXIX. De regis Franciæ jure fuper Avenione, & Comitatu Venafcenenfi.
- XXX. Unde moveat Principatus Aurangæ.
- XXXI. Confutatio quarundam objectionum in caufa Ducatus Britannæ.
- XXXII. Pro Rege Franciæ adverfus Hifpanum, in caufa Ducatus Burgundiæ.
- XXXIII. De Infantium Franciæ Apanagiis.
- XXXIV. Jura Regis Franciæ ad Comitatum Altiſiodorenſem, Matifconenſem, & Barrenſem Seq.
- XXXV. Confideratio pactorum Atrebat, ann. 1435. & Peronæ, an. 1468.
- XXXVI. De Regis Franciæ jure in Comitatu Auxonenſi, & Sanlaurentii dominio.
- XXXVII. De Ducatu Guifæ.
- XXXVIII. Instrumenta probationum in caufa Regis Franciæ pro regionibus Epifcopatum Mediomatricum, Tulli & Veroduni.
- XXXIX. Beneficentiæ, ſive donationes regum Franciæ Pontificibus Romanis.
- XL. Apologia pro libris Hiftoriarum Jacobi Auguſti Thuanii.
- XLI. De Regentibus Franciæ, & quando Reges Franciæ cenſeantur annis majores.

XLII. De quaestione habenda super vita, & moribus eorum qui ab Regibus proponuntur ad Episcopatus & Abbat.

XLIII. De contributionibus Ecclesiasticis ad subsidia regia rebus urgentibus.

XLIV. Pacis incundæ rationes inter Franciæ Regem, & Principes vicinos in conventu Colonienfi.

XLV. Argumenta, sive rationes, purgandæ memoriæ Francisci Aug. Thuani.

XLVI. De regis Franciæ jure ad Principatum Mediolanensem.

XLVII. Commentaria in Petri Pithœi librum de Libertatibus Ecclesiæ Gallicanæ.

XLVIII. De Interdictis Ecclesiasticis.

XLIX. De Parlamento Parisienfi.

L. Observationes & Exempla jurisdictionis regionum magistratum in Episcopos, & alios clericos criminis postulatos.

LI. Documenta varia pro jure dominico Franciæ in varias Urbes & Provincias.

LII. De jure Advenatus in Franc. An locum habeat adversus Principes extraneos, quibus est jurisdictio suprema. & An Francigenis parentibus competat portio hereditatis adversus parentes non Francigenas excluso rege.

LIII. Historia cognitionum criminalium adversus Joannem Alenconii Ducem, & Borbonium Conestabilem, & Marefchallum Biezium.

LIV. Historia controversiæ inter Bonifacium Pontif. VIII. & Regem Philippum Pulcrum. ex ipsissimis Actis ab ann. 1296. ad an. 1305. & sub Pontificatu Clementis V. volum. II.

LV. Consultationes, Epistolæ, & hujusmodi alia ad Concilium Tridentinum spectantia, quorum pleraque hæcenus non edita.

Indicavi titulos tantum & lemmata; qui volumina conspexerit, mirabitur, talia tanta scripsisse hominem tot amicis quotidie vacantem. Hemeranicam valetudinem, vitæ cœlibis æquabilitate ac lenitate abstemius toleravit usque, donec alvi profluvio, septimestris languor, asthma cum febre, mensis unus, anni novem supra sexaginta, corpus exanimum tradidere sepulcro. Exsequias funeris ad ædem Sancti Cosmæ profecti sunt parentes, amici, conventu luctuque maximo. Excessit omnem doloris modum etiam cognationis necessitudini datum, Jacobi Augusti Thuani, primæ post amplissimam in Senatu Parisienfi curiæ Prædis, pietas & animus erga Puteani memoriam gratissimus. adeo quem à pupillo patris vice habuit & coluit, hunc ædemtum tanquam filius parentem suspirat atque desiderat. Habet doloris in solidum participes illustrissimos, adhinitatis sive cognationis prærogativa commemorandos, Jacobum Danesium, quondam in Rationum regiarum curia Præsidem, nunc episcopum Tolonenfem, & Arnaldum Pontacum in Senatu Burdigalensi Præsidem, sororios suos. Et Danesius quidem, Puteanum biduo prius quam decederet, Christianis adjutans consolansque alloquii, perspexerat in amico spem optimam, fidem rectissimam, mentem ad Dominum toto corde

corde gestientem. Luxere Puteanum præstantissimi Regiæ procurationis Advocati Audomarus Talonius & Hieronymus Bignonius. Atque ut uno tandem verbo cuncta complectar; optimum virum, optimum civem, optimum Regis consiliarium, quotquot ubique sunt optimates luxere. Tumulo frater titulum posuit mortuissimus. Tituli autem verba sunt hæc. *Petrus Puteanus Claudii Puteani Senatoris Amplissimi Filius ex Claudia Sanguina Filia Barbara Thwana, Quæ Fuit Christophori Thwani Senatus Principis Soror, Clementis Puteani Juris Avo Svo Peritissimi Nepos. Optimis Parentibus Optime Respondit: Doctrina Pietate Prudentia Fide Gravitate Constantia Probatissimus: Regi à Consiliis & Bibliothecis: Imperii Gallicani Jura, Exemplis Summo Labore Prævisis, Rempublicam Ministrantibus Consultissime Suggestis: Procernere & Clarissimorum ubique Virorum Officiis, Observantia, Frequenti Conventu Celebratissimus. Vixit Annos Sexaginta Novem, Menses Unum. Hic Situs XIX. Cal. Jan. An. Cbr. M. DCLII. Immortalis per Christum Vitæ Gratiâ Expectat. Jacobus Puteanus Fraternali Gloria Consors, Orbitatis Suae Mæstitiam, Nicolai Rigaltii Verbis Amicitie Veteris Honorem Testantibus, Quanto per Christiane Modestie Præcepta Fas est Solatio, Consolatur. Calentibus adhuc exsequiarum lacrimis epicedia scripsere, amica simul & vera, fratres omnifariam doctissimi, Henricus & Hadrianus Valesii. Et adventare audio Lud. Guézii Balzacii, Nicolai Heinlii Dan. F. Caroli Feramulii, Petri Hallcii, Caroli Ogerii, & aliorum, digna tanti viri meritis, dignissima famæ clarissimæ scriptoribus officia: quibus ego spectandis legendisque locum cedo libens quærenti efficaciora in luctu, quo nemini cedam, consilia. Scrib. Tulli Leucor. Calend. Martiis Anni M. DC. LII.*

HENRICI VALESII O R A T I O

In Obitum

PETRI PUTEANI VIRI CLARISSIMI.



Ræclare à veteribus institutum accepimus (Auditores ornatissimi) ut quæ quisque in vita maxime adamasset, iisdem etiam post mortem ornamentis funeris donaretur. Quod etiam à principibus Poetarum in Patrocli & Pallantis exequiis observatum videmus, quos exuviis militaribus, armisque instructos, à suis in rogum inferri sinxerunt. Itaque cum *Petrus Puteanus* quandiu in vivis fuit, singulari semper amore literas profectus sit, nec solum hereditario quodam, sed proprio ac peculiari affectu studiosos omnes fuerit amplexus, non dolore nec lacrimis, quæ cassa sunt & inania, sed literarum quas coluit, immortalibus monumentis ac titulis post obitum decorandus videtur. Ac cæteris quidem, quibus major eloquentiæ copia, aut facultas carminum suppetit, curæ erit laudes ejus Viri partim vincita, partim soluta numeris oratione prædicare. Neque enim fas est nomen tanti Viri, & de literis ac de patria optime meriti, absque ullo Musarum præconio inhonoratum transmittere. Me vero non ambitio laudis, nec fiducia facundiæ, à qua me adhuc remotissimum esse & profiteor & sentio, sed sola beneficiorum illius recordatio ad dicendum impellit. Juvat optimo Viro, & de me privatim bene merito has laudis inferias mittere, & hanc seram licet ac tristem, piam tamen nobisque honestam imprimis, nec ipsi, ut arbitror, ingratam mortuo gratiam referre. Itaque hoc à vobis postulo (Auditores ornatissimi) ut hoc grati animi nostri obsequium æqui bonique consulere, & quantum nobis deest aut ingenii, aut eloquentiæ, tantum favore vestro, ac benevolentia supplere velitis.

Ac principio quidem cogitanti mihi, & universas simul Petri Puteani virtutes animo perlustranti, & quandam velut imaginem vite ipsius ob oculos proponere instituenti, non mediocris occurrit difficultas ac perturbatio, undenam potissimum orationis nostre ducamus exordium. Hinc se prudentia ingerit atque sapientia, quibus ille Vir tantum præstitit, ut omnium consensu summis quibusque muneribus, Regisque ipsius consiliis dignissimus habere-

tur.

tur. Illinc morum integritas, ac vitæ innocentia non dicam sine noxa, sed sine ullius querela transactæ. hinc singularis temperantia nos ad se vocat: illinc animi magnitudo atque constantia, qua veritatem atque intimos animi sui sensus de Rep. coram Magnatibus semper libere est prolocutus. Nec se præteriri patitur beneficentia, quæ in illo Viro tam proluxa incrat, ut in hac tanta honestissimorum hominum multitudine vix ullus possit reperiri, qui non aliquo beneficio eis devinctum esse fateatur. Tot igitur tantæque virtutes, scorsim singulæ & cum cura dicendæ, onerant potius dicentem quam juvant. Atque ut in opiparo convivio exquisitis dapibus referto singula prope fercula singulorum instar sunt convivorum, sic in hoc argumento singulæ Petri Puteani virtutes iustarum nobis orationum materiam subministrant. Sed nescio quomodo me quidem minime invitum ad se allicit beata tranquillitas, quam cum ille tantopere adamaverit, ac perpetuo quodam nexu sibi mancipaverit, propriam ac familiarem ipsius virtutem merito possumus appellare. Itaque cum ipse hanc totius vitæ suæ quali fundamentum esse voluerit, non aliud nos sermonis nostri fundamentum ponere debemus, sed hanc tanquam tabulam subternentes, reliquarum deinde virtutum colores ad exprimendam vitæ illius imaginem illinere.

Magnum profecto & illustre exemplum tranquillioris vitæ his perturbatissimis temporibus extrixisse mihi videtur Petrus Puteanus. Multi quidem antea Philosophi multa in suis libris de tranquillitate animi præclare scripserunt, & ad eam omnibus votis, omnique animorum contentione aspirarunt. Verum unus propemodum hac ætate eam & optime intellexisse, & feliciter assecutus esse Puteanus videtur. In quo tamen utrum prudentior fuerit an felicior, equidem affirmare non possum. Nam quod à prima statim adolescentia ad tranquillitatis amorem vehementer incitatus, eademque per totum deinceps vitæ tempus positus est, felicitati adscribendum puto. Neque enim sine divino quodam instinctu, & auxilio id aut cogitare aut consequi unquam potuisset. Quod vero id vitæ genus omnibus rebus anteponendum esse judicavit, summæ profecto prudentiæ est. An esse ulla major prudentia unquam potest, quam vindicare se sibi, nec alienis negotiis distentum se duntaxat ac sua curare, sese in arcum cogere, & minimam sui partem nudatam præbere fortunæ? Sed quibus gradibus ad hoc beatæ tranquillitatis culmen Puteanus pervenerit, videmus. Duas res potissimum in vita tranquillitati obstat nemo est qui nesciat, ambitionem & avaritiam: geminas quasdam pestes ac furias generis humani. Quarum utra tetrior sit ac violentior, difficile est dicere: sed ubi ambæ simul junctæ animum ejuspiam occuparunt, tum vero incredibiles excitant æstus ac tempestates. Ceterum quicunque ad ipsam tranquillitatis portum cupit appellare, sic clavum prudentiæ moderari illum oportet, ut inter hos duos scopulos rectum semper navigationis cursum teneat, nec se Sirenium cantu deliniri patiatur: sed ut quondam Ulysses prætervehi debet, non quidem auribus cæca oblitis, sed animo adversus cupiditatum illecebras obfirmato atque invicto. Id vero à Puteano egregie prælitum esse testes mihi estis. Qui cum ad summos honores merito aspirare posset, utpote clarissimi Senatoris Claudii Puteani filius, cujus vivit adhuc immortalis memoria.

memoria atque fama; nec materno genere minus nobilis: cumque esset ipse eximia indole præditus, & liberalibus disciplinis non vulgariter institutus, quæ omnia ambitionem juventutis stimulis quibusdam incitare solent, tamen spretis honoribus, nobile quoddam ac liberale otium præoptavit. Ac principio quidem foro nomen dederat, morem secutus nobilium adolescentum, qui in hoc stadium laudis & gloriæ, atque honorum vestibulum ingredi consueverunt. Sed eo hæcenus adspecto & salutato, ut morem atque ordinem iudiciorum cognosceret, utque gravissimum illum cœtum videret, in quo & pater ipsius, & ex materna stirpe quamplurimi summa cum laude confederant, recta se in domum, atque in ipsum tranquillitatis contulit sinum, à quo tota deinceps vita divelli non potuit unquam, nec voluit. Eodem animi impetu quo honores contempserat, conjugaliibus etiam vinculis repudiatis, utraque simul cupiditate superiorem se præstitit.

Sed erit fortasse quispiam qui non magnopere mirandum esse dicet honores à Puteano spretos fuisse, ad quos in numerosa præsertim & frugi familia adspirare vix posset. Quid tu mihi labem atque infamiam temporum nostrorum commemoras, quam ego de industria tacitus dissimulare volueram? An si jus & ratio in legendis magistratibus valeret, non existimas P. Puteanum, & alios ejus similes ultro ad tribunalia invitandos fuisse? Ego vero ob id ipsum maxime honores à Puteano spretos dico, quod venales esse eos videbat. Vile enim profecto sit necesse est, quicquid pecunia comparatur. Neque enim merx ulla quæ venum exponitur, pecunia ipsa multo pretiosior potest esse. Quod si pecuniam, qua res omnes ipsique adeo honores parantur, non solum fastidium, sed etiam contemptu dignam sapientes viri semper judicaverunt, certe nec magistratus ipsi qui tanquam in auctione pretio addicuntur, eo quidem nomine magni faciendi sunt. Verum concedamus, si placet, arctiorem censum fuisse Puteano, quam ut ad Senatoriam dignitatem comparandam sufficere valeret. Quæ interim non minima laus est patris ipsius Claudii Puteani, qui in summo magistratu summa cum integritate versatus, plus gloriæ liberis suis quam pecuniæ reliquit. At si minus sua pecunia, gratia certe, atque amicorum subsidio potuit facile Petrus Puteanus ad honores pervenire. Potuit suffragantibus viris potentissimis, quibus aut notus erat aut affinis, honores saltem ecclesiasticos adipisci. Quos tamen ille nunquam concupivit, sed aliis potius quam sibi mandari voluit, ut sui semper juris tranquillo otio frueretur. Atque ut scias non ex æris inopia, sed certo ac fixo proposito, & constanti animi inductione honores à Puteano contemptos fuisse, unico eoque illustrissimo argumento rem evincam. Meministis, ut opinor, cum ejus ante hos decem circiter annos ob egregia ipsius in rem. merita, Comitativa sacri consistorii à Rege delata fuisset, quanta cum animi magnitudine oblatum sibi in illo Regis consistorio confectum, solo Cornigivæ titulo contentus repudiavit: idque non fastu aut arrogantia, à qua vir ille maxime semper alienus fuit, sed amore otii ac tranquillitatis, à cujus complexu & contubernio ut discederet, nulla unquam conditione poterat adduci.

Otium porro cum dico, ne quis mihi molle quoddam ac delicatum otium suspicetur, cujusmodi est hominum luxu ac deliciis diffuentium; nec languidum

guidum pigrumque, quale servulorum esse, ac nullius pretii hominum solet. Longe aliud est otium sapientum virorum, quos nunquam minus otiosos videas, quam dum sunt otiosi, quippe qui probe intelligunt non solum negotii sui, sed etiam otii reddendam esse rationem. Itaque illorum otium aliorum negotiis longe antepono. Nec sine causa Socrates dicere solebat non cuiusvis esse hominis in otio agere, sed solius sapientis, qui cum omnia rectissime faciat, tum belle inprimis otio uti novit. Huiusmodi igitur otium Petri Puteani fuisse dico, quod ille totum in literis, & pulcherrimarum rerum cognitione consumpsit. Et cum in quacunque disciplina ad quam animum applicare voluisset, primas posset sine controversia obtinere, tamen promissæ cruditionis gloriæ aliis concessit: ipse ad historiæ, rerumque Gallicanarum notitiam conversus, otium suum patriæ utilitatibus & gloriæ consecravit. Nec contentus vulgarium librorum lætione, ingentem præterea numerum Epitolarum, Actorum, Legationum, Chartarum, atque huiusmodi monumentorum publicorum undique conquisivit. Quæ omnia, ut erat elegantia ac nitoris studiosissimus, pulcherrimo ordine digesta, non sine maximis sumptibus in libros redigi ac compingi curaverat. Diceres novam quandam bibliothecam ab illo esse compositam, paternæ illi atque hereditariæ nihilo postponendam, quam tamen ille non ad privatum duntaxat usum sibi retinendam paravit sed ut erat bono publico natus, omnium usus & commodis publicavit. Itaque nemò fere erat in civitate, qui non ejusdem libentissime frequentaret. Conveniebatur quotidie à Senatoribus, à Legatis, à Principibus, ab omnibus omnium ordinum viris, partim ut eum consulere, quem unum rerum nostrarum peritissimum esse cognoverant: partim ut libros illos, quibus tot recondita monumenta continebantur, ab illo commodatos acciperent. Nec quicquam gratius accidere poterat Puteano, quam cum cuiuspiam hominis eruditi laborem suis illis monumentis adjuvari posse intellexerat: quippe qui hunc unum fructum esse censebat tot sumptuum ac laborum suorum, ut historiam patriæ aliqua ex parte illustrare posset.

Atque hoc primum mihi videtur fundamentum fuisse Musei illius toto orbe celeberrimi: de quo siquid impræsentiarum dicere aggressus fuero, vereor ne infra ejus dignitatem mea esse videatur oratio. Sed tamen cum quemadmodum olim M. Cicero quicquid in eloquentiæ studio profecerat, id totum Academiæ spatiis acceptum referre solitus erat, sic ego Academiæ illi fratrum Puteanorum studia nostra plurimum debere profitear, nefas mihi esse arbitror de ejus institutione nunc silere. Malo enim ut de ejus gloria aliquandò oratione nostra imminutum esse videatur, quam ut silentium nostrum ingrati animi reprehensione non careat. Igitur cum apud alias nationes, ac præsertim in Italia plerasque Academias ridiculis quibusdam atque absurdis nuncupatis nominibus Puteanus videret, eisque certas leges descriptas esse intelligeret, certa que argumenta de quibus illis esset colloquendum, definita, nec in eas præter homines ingenuis disciplinis excultos quemquam admitti, plane diversum iter in Academia sua instituenda sequi maluit. Neque enim ullum ei nomen imposuit, nec sermones qui in ea essent habendi, ullis legum vinculis astrinxit, nec ab ejus aditu quemquam subinovit, nisi qui sua ipse infamiam

aditum

aditum sibi ad eandem interclusisset. Quod cuidam notissimo ætatis nostræ parafito non semel evenisse meminimus; cui Musarum illud sacrarium ingrediti in ipso statim limine occurrens Puteanus, nunquam hominem ulterius progredi passus est, nec in ornatissimo cœtu illo confidere. Omnes igitur omnium ordinum viri non solum togati, sed etiam militares eo conveniebant: nec tantum Senatus, sed etiam ecclesiæ Proceres hoc Muscum frequentabant. Vix in tota civitate domus erat ulla, cujus limen tot honestissimorum virorum vestigiis terretur; ad cujus vestibulum tot equi, tot currus, tot famuli quotidie præstolarentur. Tanta porro hujus Musei fama non modo per universam Galliam, sed per omnem fere Europam longe lateque diffusa est, ut quicunque ex Italia, Germania, & ab ultimis usque Septentrionis nationibus huc advenerunt, nequaquam existiment omnia hujus civitatis ornamenta ac decora ab se esse visa, nisi in hoc præstantissimum Museum ingressi sint. Quod quidem vocare soleo asylum ac perfugium literarum. Nec fallitur meo quidem iudicio, quisquis illud appellare voluerit commune quoddam vinculum omnium eruditorum. Etenim homines in omni genere doctrinæ præstantissimi, Philosophi, ac Mathematici, Theologi quoque, & Philologi, historicique & antiquitatis peritissimi ibi quotidie conspiciuntur. Nec ad formanda hominum ingenia quidquam excogitari posse utilius hoc confesso puto. Quid enim aptius ad iudicii vim exacuendam, quam multiplices de qualibet re proposita audire sententias hominum doctissimorum, & qua quisque via ac ratione ad veritatem investigandam feratur, inspicere, & ubi aliorum sermones ac sententias cum tua ipsius ratiocinatione contuleris, quantum tibi adhuc ad perfectam intelligentiam desit, videre? Olim à Ptolemæis Ægypti Regibus Museum cum locupletissima bibliotheca Alexandriæ exstructum esse legimus, in quo homines eruditi Regiis stipendiis alerentur. Itaque hanc Musarum caveam non inscite Timon Philosophus appellavit, quod in eo loco doctissimi viri tanquam alules aves in cavea saginarentur. Sed hoc Puteanorum Museum Alexandrino illo longe præstantius mihi videtur, tum quod multo majore doctorum hominum frequentia celebretur, tum præcipue quod non modo omnis eruditionis copia, sed etiam rerum civilium non vulgaris notitia ex hoc nostro percipi possit.

Quod igitur otium (Auditores ornatissimi) hoc Petri Puteani otio amoenius unquam fuit, quæ tranquillitas beatior, quis secessus felicior? Mihi certe ne ipsæ quidem si usquam sunt, fortunatorum insulæ fortunatiores videntur. Conferat nunc qui volet aliorum, atque imprimis Senatorum inquietissimas occupationes cum hoc otio Petri Puteani, & quantum intersit inter utrumque vivendi genus, intelligat. Illi totos pane dics in curia sedent audiendis litigantium clamoribus occupati: Hic doctorum hominum sermonibus quotidie fruebatur. Illi contractuum, testamentorum, & hujusmodi instrumentorum exemplaria, & tædiosissima causidicorum scripta assidue in manibus habent: Hic vetera historię nostræ monumenta cum summa voluptate lætitabat. Illi litigantium jurgia disceptant: Hic de libris & operibus eruditorum virorum sincere atque integerrime judicabat. Illi ex aliorum controversiis privatum sibi quæstum comparant: Hic ex studiis suis nihil præter decus & gloriæ patriæ captabat. Illorum domus procuratorum, & litigantium turba: hujus lætissimi.

lectissimorum hominum frequentia redundabat. Quod si fortasse penes illos gratiam, auctoritatem, potentiam residere quis dixerit, ne hæc quidem omnia Petro Puteano defuerunt. Vixit enim tanta auctoritate privatus, quanta vix unquam ullis in summo magistratu constitutis fuit. Itaque qui honores initio refugerat, ab honore ultro ambiri videbatur. Cujus commendatio apud Judices, & tam Senatus quam ecclesiæ Proceres plus valuit, quam suffragatio Petri Puteani? Quis ex ipsis aulæ Proceribus ejus notitiam non appetivit? amicitiam summo honori non duxit? Verum ille tanta gratia atque auctoritate nunquam ad ullius noxam atque injuriam, sed ad aliorum commodum atque utilitatem semper est usus. Possem plurima hic exempla proluxæ illius erga amicos beneficentiæ vobis commemorare, nisi hoc factò plurimorum qui hic adsunt onerare verecundiam viderer. Præstat igitur ut privata unicuique beneficia narranda relinquamus, maxime cum in referenda gratia nihil sit grato animo eloquentius. Illud autem insigne beneficium, quo me privatim ei obstrictum esse in ipso orationis exordio sum professus, à me si lubet, accipite. Meninistis adhuc temporis illius acerbissimi, cum Publicani genus hominum rapacissimum, & alienis opibus inhiare solitum, novum atque inauditum quoddam exactionis genus excogitarunt, quod collationem divitum appellabant. In hunc divitum numerum relatus est inter ceteros Carolus Valelius pater meus, vir qui suo semper patrimonio contentus vixerat, nec nummum ullum Regiæ pecuniæ contrectaverat. Imperata est ei non modica vis pecuniæ, quam intra paucissimos dies solvere jubebatur. Ea res non mediocriter animos nostros conturbabat. Itaque ego & Hadrianus Valelius frater meus quod unum poteramus, querelas nostras ad amicos detulimus, inter quos Puteani fratres principem locum obtinebant. Ægre inprimis hunc casum tulit Petrus Puteanus, & tum quidem nihil dixit. Sed crastino Illustrissimum Senatus Principem Matthæum Molæum adiit, quocum ipsi summa familiaritas intercedebat; virum in tantum prudentiæ, reliquarumque virtutum fastigium evectum, in quantum sese efferre humana mens potest. Causam ei sui adventus aperit, tacitus indignum esse inquit, nos, quos literarum merito tutos esse atque immunes decuerat, hoc calumniæ genere vexari: depellendam esse à nobis hanc injuriam. Tum Molæus, ut est ad bene de literis merendum promptissimus, id se effecturum pollicetur. Nec mora Puteanus famulum cum epistola ad nos mittit, monens ut statim à prandio ego, & frater ad Prætorium Illustrissimi Præsidis pergeremus. Excepti à Molæo cum summa humanitate, indictionis nostræ libellum, cujus exemplar ab apparitore nobis editum fuerat, ipsi obtulimus, patrocinium ejus implorantes. Ille accepto libello non bono animo jubet esse, se id quod poscebamus, à Præfecto Regalis ærarii facile impetraturum. Vix biduum intercesserat, cum Puteanus libellum illum ad nos remittit, Præfecti ærarii manu subnotatum, roandantis uni è iudicibus, quibus ea jurisdictio à Rege commissæ fuerat, ut nos hac indictione liberaret. Idque intra paucos dies incredibili celeritate completum est: tantum pondus habuit commendatio Petri Puteani. Et magnam quidem eo nomine gratiam Illustrissimo Molæo, non minorem tamen Puteano debemus, qui nobis præsentissimum illud ac potentissimum Molæi patrocini-um conciliavit.

Quemnam igitur Puteano nostro parem unquam extitisse censetis, quem tot tantisque animi dotibus ornatum? Nisi fortè Pomponium Atticum conferre lubet. Hic enim perinde nobili loco natus, cum nullos non magistratus Romæ assequi posset, tamen ab honoribus constanter abstinuit, & otium suum in literis, & in historiæ Romanæ, nobiliumque familiarum cognitione traduxit. Par etiam in utroque beneficentia, nisi quod Atticus plures pecunia sublevavit, Puteanus vero tantum gratia. Est autem tanto majus gratia quemquam adjuvare, quanto plus plerumque gratia efficitur quam pecunia. Et pecunia quidem adjuvare inferioriorem potest: gratia nisi superior non potest. Ceterum neuter beneficia sua venditare solitus: malebantque præstare operam amicis, quam polliceri. Verumtamen hoc mihi superior Attico Puteanus videtur, quod nec conjugalibus vinculis, nec tanta rei familiaris cura districtus fuit, nec pristinam vitæ tranquillitatem violento, ut ille, exitu maculavit: sed cum in summa innocentia vixisset, tandem perceptis omnibus religionis nostræ sacramentis, spem æternæ tranquillitatis jam animo præcipiens, placidissimam morte decessit. Vir profecto immortalis memoria, & hoc, quem ci nunc habemus, honore dignissimus: optimus civis, patriæque amantissimus, qui semper utilissima Reipublicæ & sensit & dixit: Amicus fidelissimus: fautor & propugnator acerrimus literarum: summis juxta ac mediis carus: sui semper similis & constans, nec tenuitate rei familiaris infractus, nec affluentibus postmodum opibus clatus, eodem semper tenore æquabilem cursum à carceribus usque ad metam peregit. Habetis imaginem vite Petri Puteani (Auditores) eamque non fucatis adumbratam coloribus, sed veritatis ipsius penicillo delineatam. In quam quoties oculos conjeceritis, non mediocre levamentum doloris vestri percipietis: & quam deinde, si placet, ad posteros transmittentes, immortalē, quantum in vobis erit, memoriam nominis Puteani conservabitis. Superest vobis etiam altera ejus imago, atque utinam diu supersit: fratrem intelligo, veram effigiem oris illius, modestiæ, probitatis. Quo quidem superstitē tantam hanc jacturam moderatius ferre debetis. Tibi vero Jacobe Puteane, jam enim ad te nostra se convertit oratio, cujusmodi consolationis fomentum ad molliendum solitudinis tuæ dolorem adhibebimus? Amisisti quidem fratrem optimum, atque amantissimum tui, cum quo sexaginta fere annos sine ulla offensione vixisti. Sed habes amicos fratris tuique communes, ut omnia semper vobis fuerē communia, qui sicut clarissimi viri fratris tui exitum acerbissime lugent, ita omnem cultum ac benevolentiam, quam nuper in duos particabantur, nunc in te unum conferunt atque convertunt. Noli igitur horum mœrorem tuo mœrore exaggerare. Tot tibi fratres adesse existima, quot hic amicos circumstantes vides. Quamquam si fratrem adhuc desideras, habes Christophorum Puteanum, virum summa doctrina, prudentia, sanctitate. Qui tamen locorum spatii longissime abest, adest animo, adest creberrimis literis & nuntiis. Quare absterge doloris nubilo animum erige; & ad majora te negotia accinge. An non sentis majus nunc tibi esse onus impositum morte fratris tui? Suscipias oportet patrocinium literarum. Non potes hanc hereditatem repudiare, quam Vir clarissimus pater, quam frater tuus tibi reliquerat. Et quemadmodum

modum quoties ad unum quempiam nomen atque hereditas splendidissimæ familiæ pervenit, totum gentis decus in illo uno periclitatur, sic tibi elaborandum est, ne ab illa paterna, fraternaquæ gloria degenerasse videare. Omnes in te oculos nunc defixos habent, & abs te contendunt, ut quam personam vivo fratre in secundis partibus constitutus gerebas, eam nunc mortuo solus velis sustinere. Quod si feceris, ut facturum te omnes confidimus, & pulcherrimum pietatis tuæ monumentum fratri statues, & tibi ipsi immortalē gloriam comparabis.

Nunn •

Henrici

HENRICI VALESII

O R A T I O

In Obitu

DIONYSII PETAVII

SOCIETATIS JESU

Theologi.

Um primum doctissimorum hominum exequias oratione funebri decorare institui, Auditores ornatissimi, incredibile dictu est quo quantoque animi ardore ad hoc munus obcundum accesserim. Sic enim apud me reputabam, cum hoc munus plenum esse officiosissimæ pietatis, quam nullus in me jure merito posset reprehendere: tum id ipsum mihi quandoque laudi fore, qui viros doctrina ac virtute præstantes ejusmodi honore affecissem, meoque exemplo cunctos nostri temporis eruditos ad hoc genus dicendi excitassem, ut summorum virorum laudes justis potius orationibus & ad veterum formam elaboratis, quam nudis & aridis elogiis deinceps prædicarent. Verum nunc pristinus ille impetus paulatim in me progressu temporis interpefcit, sive hoc tot illustrium funerum crebritas facit, sive operis ipsius difficultas. Neque enim ignoro quam hoc dicendi genus arduum sit atque impeditum, præcipue cum idem argumentum in quo jam antea versatus sis, iterum ac sæpius tractandum offeratur, de privati hominis moribus atque doctrina: qui profecto locus parum illustris ad exaggerandum, parum copiosus ad ornandum, nec satis amplus ad exspatiandum videtur. Simul etiam intelligo quantis molestiis ac discriminibus totum hoc laudandi munus sit obnoxium. Nam qui de orationibus nostris judicant, si quidem amici sunt ejus qui laudatur, eorum desiderio ac cupiditati quantacumque laudum magnitudine nunquam satisfactorius sis. Sin ignoti, nullaque cum eo necessitudine ac familiaritate conjuncti, iis vel mediocris laudatio fines veritatis excessisse videbitur. Sic enim fere fit, ut aliorum laudes suo quisque captu ac modulo metiatur, nec plus de altero facile homines sibi persuadcant, quam quantum se ipsi præstare possent arbitrantur. Nam de malevolis atque invidis nihil dico, quorum nunquam

quam rationem adeo habendam esse duxi, ut eorum causa aut intermittendum officium nostrum aut omnino deferendum putarem. Ad hæc cum omnis fere laudatio ex aliorum comparatione ducatur, aliter fieri, meo quidem iudicio, vix potest, quin is qui aliquem laudando ceteris omnibus præfert, in cuiuspiam odium atque offensionem incurrat. Hæc sunt quæ dum animo meo obversarentur, non modo impetum nostrum retardare & ardorem imminuere, sed me penitus à dicendo detertere merito videbantur. Verumtamen his omnibus positis, pristini officij mei rationem duas potissimum ob causas etiamnum mihi retinendam esse existimavi. Primum quod hoc meum institutum vestro suffragio ac iudicio comprobari intelligo: Cuius apud me tantum valet auctoritas, ut quidquid vestro calculo probatum fuerit, id bonorum omnium consensu facile confirmatum iri confidam. Deinde ejusmodi sunt Dionysii Petavii erga me privatim beneficia, ut, si nullum antea laudatione funebri commendare instituissem, hunc certe eo genere officij prosequi omnino debuerim. Nam cum sub ejus disciplina prima quondam eloquentiæ rudimenta perceperim, rationi consentaneum est, ut ea facultate quæ illius præceptis institutisque primum in me informata est, funus ejus decorate, & memoria nominis, quantum in me situm est, illustre ac propagare contendam. Quamobrem peto à vobis, Auditores ornatissimi, ut eadem humanitate ac benevolentia, qua me de aliorum laudibus antea dicentem prosecuti estis, nunc de Dionysio Petavio perorantem audire ac prosequi velitis.

Et Homerus quidem cum omnium animos ad audiendum allicere vellet, in ipso carminis vestibulo pollicetur dicturum se de homine multiformi morum varietate prædito, qui multas urbes regionesque peragrasset, qui plurimarum hominum mores atque instituta penitus cognovisset. Quippe ille vatum prudentissimus optime norat, cunctos mortales plurimarum rerum notitia imprimis delectari: eamque ob causam aut ipsos peregrinari maxime velle, aut certe eorum qui peregrinati sunt casus varios atque eventus libenter audire. Ego vero non minori cum favore ac studio, ut opinor, omnium vestrum, hodie dicturus sum de viro, non quidem multiformi morum varietate, id enim Ulyssi relinquimus, sed multiplici doctrina prædito, qui non terras & maria, sed disciplinas omnes felicissimo cursu pervagatus, non mores tantum & ingenia plurimorum hominum introspectit, sed omnium humanarum divinarumque rerum cumulatissimam sibi notitiam comparavit. Quæ enim inter homines est ars ac disciplina liberalis, quam Petavius noster, non dico non attigerit ac delibaverit, sed non penitus animo imbibere atque hausere? Aut quis tantum in uno genere doctrinæ, quantum ille in omnibus simul excelluit? Neque enim Grammaticam & Criticam probe calluit, artem vero dicendi ignoravit. Nec rursus in hac quidem arte exercitatissimus, in poetica vero haud parum gloriam adeptus est. Non ille Latine quidem doctissimus, Græce autem & Hebraice nescivit. Nec rerum quidem Græcarum & Romanarum historiam omnem evolverat: Ecclesiasticam vero antiquitatem & Christianæ religionis historiam neglexerat. Non denique hæc quidem universa quæ dixi, diuturno studio ac meditatione perceperat: Mathematicas autem disciplinas cum plerisque doctis hominibus ignorabat: Sed omnes omnino liberales artes capacissimo mentis sinu complexus, ita singulas excoluit, ut dubium

vobis

nobis reliquerit in qua potissimum excelleret. Ac difficile quidem est dicere quid ille nesciverit. Quid vero & quantum sciverit, multo difficilius est exponere. Ceteri fere mortales, quorum ingenia certis iisque angustis finibus circumscripta sunt, ad unum genus doctrinae sese applicare solent: In quo postquam diutissime elaboraverint, omnesque ingenii nervos intenderint, pauci tamen ex omnibus ad summum ejus fastigium valent pervenire. Nemoque adhuc repertus est, qui cum plures disciplinas animo percepisset, simul in omnibus principatum citra controversiam obtineret. Idem etiam in *sellulariis* artibus usu venire videmus, ut si quis multas simul artes exercere voluerit, in nulla unquam summus artifex evadat. Adeo in multis excellere natura nobis negavit: sed suam cuique nascenti veluti sortem ac provinciam attribuit, quam excolere deinceps opera nostra atque ornare possemus. Hic inter Grammaticos palmam tulit: sed in eloquentia haudquaquam parem gloriam est consecutus. Illum sacundia Latini sermonis ornavit; sed *Græcæ* linguae peritiam destituit. Quotusquisque ab omni hominum memoria, idem summus orator ac poeta unquam extitit? Itaque Marci Tullii versus multorum iudicio exploduntur. Quinetiam in una eademque disciplina alius hanc, alius illam partem sibi vendicat. Alius in Geometricis eminet: alium Astronomiae notitia commendat. Multiplici doctrina olim præditus fuisse dicitur Eratosthenes, quem in temporum ratione secutum se esse testatur Diodorus, & quem Strabo in Geographicis auctorem sæpius laudat, & virum haudquaquam spernendum appellat. Idem tamen cum in omni genere literarum infra primos semper subsistisset, *Σωκράτης* cognominatus est. Democritum Abernitem illum philosophum quinquentionem dictum esse perhibent, quod quinque partes Philosophiæ, naturalium scilicet rerum, & morum scientiam, & Mathematicas ac liberales disciplinas, omnium denique artium rationes apprime calleret. Verum Petavius & hunc, & si qui alii promiscuæ eruditionis causa celebres extiterunt, non æquavit modo, verumetiam longissimo intervallo superavit. Quod quidem ex iis, quæ proxime dicturus sum, manifestissimum fiet.

Quæret hic à me fortasse quispiam, qua tandem via ac ratione potuerit Petavius ad tantæ eruditionis culmen pervenire. Enimvero homines incredibili quodam acumine ingenii & excellenti natura præditos, cujusmodi Petavius fuisse constat, supra alios eminere, & ad summa quæque eniti, nemini mirum videri debet. Accessit ad tantam vim ingenii, vehemens studium, & assidua contentio laboris. His enim duabus, ut ita dicam, alis subvectæ magnorum hominum mentes ceteros mortales longe prætervolant, & aureum Jovis currum, ut ait divinus Plato, indefesso volatu comitantur. * His igitur prædiis succinctus Petavius, ea præstitit in omni genere literarum, quæ omnis nobiscum posteritas admiratura est. Sed est aliud præterea quiddam, quo maxime adjutus & difficultates omnes oppositas facile superavit, & palmam veræ solidæque doctrinae celeriter est consecutus. Quidnam vero illud est? Ordo scilicet, & certa ratio instituendorum studiorum, quam *Γραμμάτιστος* appellat. Quod cum leve quiddam & exiguum prima fronte appareat, est tamen ejusmodi, ut omnis fructus eventusque studiorum ex eo propemodum uno pendere videatur. Ut enim abique acus nauticæ præsidio longinquam

quam navigationem suscipere, nihil aliud est quam ad certissimum naufragium properare: sic qui ordine ac methodo destituti vastissimum illum disciplinarum oceanum ingrediuntur, ii nunquam sperare debent se ad desideratum sapientiae portum nave esse appulsuros. Unde enim, quæso, fieri existimatis, ut cum multi reperiantur & ingenio præstantes & laboris patientissimi, pauci tamen magnos progressus in literis faciant, nisi ex eo quod studia nostra temere ac fortuito, non certa ratione disponimus, & desultoria quadam levitate per omnes disciplinas volitamus potius quam decurrimus. Itaque inordinate properantes id tantum assequimur, ut à proposito itinere longius aberremus. Non ita Petavius: qui studia sua certo semper ordine dimensis est; quippe qui intelligeret, ea quæ ordine instituuntur, minore laboris ac temporis impendio perfici, nec solum citius & commodius absolvi solere, verum etiam rectius. Primum itaque à Grammatica, tanquam à Vesta, quod aiunt, exorsus, linguae Græcæ ac Latine singularem sibi peritiam comparavit. Idque ex plurimis veterum scriptorum libris, quos partim ex Græco in Latinum, partim ex Latino in Græcum sermonem transtulit, perspicue apparet. Græcæ quidem adeo expedite loquebatur, ut Athenis natum esse diceret. Latine vero loquentem & in schola publice docentem quisquis audivit, fateatur necesse est nihil audiri potuisse jucundius. Nam præter illum Romani eloquii nitorem aderat distincta pronuntiatio, & gratissimus quidam vocis sonus. A Grammatica prout cursu ad Rhetoricam se contulit. Quam quidem artem ad omnia maxime utilem, nec iis solum qui in foro & in Republica versantur, sed omnibus literatis prorsus necessariam, à cunctis tamen, ac præcipue à Philologis nostris, maximo ipsorum damno ac dedecore, negligi videbat. Itaque illi in epistolis quibus libros suos alicui nuncupant, in præfationibus, in quovis denique argumento quod tractandum susceperint, rudes fere atque infantes deprehenduntur. Porro quantus dicendi artifex fuerit Petavius, tum ex plurimis orationibus, quas nobis scriptas reliquit, tum ex aliis ejus libris liquido perspicui potest. Neque enim in oratoriis duntaxat declamationibus, sed in omni fere genere descriptionis eloquentiæ vis ac splendor clucet. Hinc ad poetecen transgressus, pari quoque successu in hac se exercuit: earumque deinceps ad extremum usque spatium vitæ, velut oblectamentum graviorum studiorum, & piorum animi sensuum fidam interpretem, Gregorii Nazianzeni exemplum secutus, retinuit. Extrat denique pulcherrimum ejus carmen, quod diuturno pene consumptus morbo, integris tamen adhuc ingenii viribus paulo ante obitum effudit: in quo publicas temporis nostri calamitates quibus rempublicam simul & Ecclesiam conflictari cernimus, cygneo quodam cantu deplorat. Nec ullum fere est carminis genus in quo non feliciter lusit: quippe qui tragœdias etiam scriptarit, nec Latinos modo, verum etiam Græcos atque Hebræos versus scripsisse proceriderit. Certe Hugo Grotius, hujusmodi operum judex simul atque artifex peritissimus, Dionysii Petavii carmina magnopere probare & laudare consueverat. Quod quidem non tam Petavii causa, cujus opera extra omnem judicii aleam posita sunt, quam in gratiam ipsius Grotii velim à me dictum puteris. Jam vero cum verborum delectum, & sermonis ornatum, quem earum, quas dixi, artium beneficio paraverat, absque iterum & sententiarum copia rem cassam atque inane esse intelligeret, ad

Poi-

Philosophiam animum applicuit. Non eam dico barbaram atque horridam, quæ vulgo in scholis traditur: sed illam ingenuam atque liberalem, quæ ex Aristotelis ac Platonis limpidissimis fontibus hauritur. Huic deinde comitem adiunxit historiarum rerum gestarum. Cumque duo ejus quasi lumina esse sciret, Geographiam scilicet quæ urbium ac regionum situm; & Chronologiam quæ temporum seriem exponit; sine quarum præsidio quisquis ad universalis historię lectionem accesserit, in densissimis tenebris versetur necesse est; utriusque non vulgarem notitiam studuit adipisci. Ac Geographiam quidem ex Strabonis, & Ptolemæi veterumque Geographorum libris percepisse minime contentus, recentium quoque scriptorum tabulas adjecit, à quibus hæc ars non illustrata modo, verumetiam consummata est. Chronologiam vero aggressus, arduum opus & multis maximisque difficultatibus implicatum, ante omnia Astronomiæ subsidium sibi comparavit, sine qua parum firmas esse demonstrationes Chronologicas percipiebat. Maximam laudem & gloriam in omni fere genere literarum patrum memoria retulit Josephus Scaliger. Sed in Chronologia solus quodammodo regnare omnibus videbatur: adeo ut Scaliger in hac parte refragari, idem fere esse crederetur quod cum Hercule lucta certare. Veruntamen tanta ejus viri auctoritas omnium prope præjudicio roborata Petavium nostrum à scribendo minime deterruit. Immo vero ipsum eo magis impulit, ut quæ ab illo emendatore temporum peccata fuerant, ipse in suis de doctrina temporum libris emendaret. Non quod illius viri gloriæ obtestaretur; sed ne plerique forte auctoritate Scaligeri inducti, minime discussa rei veritate, in errorem præcipientes laberentur. Quocirca si Scaliger laudi fuit, quod sacræ ac profanæ historię chronologiam multis in locis (quod profecto fatendum est) illustravit: Petavius quoque qui & errores Scaligeri correxit plurimos, & præterea multa ad historię illustrationem suo labore atque industria contulit, non minorem, meo quidem judicio, gloriam meretur.

Hacigitur via progressus Petavius, vastissimum illum disciplinarum orbem feliciter emensus est. Et in singulis quidem disciplinis sic excelluit, quasi ceteras omnes neglexisset: in omnibus vero perinde eminuit, ac si unam quandam ex pluribus constatam partibus disciplinam, non plures argumenta ac toto docendi genere inter se distantes animo percepisset. Quæ laus quasi eximia & propria Petavii, aut certe cum paucis admodum ei communis, sola ad summam gloriam sufficere potuisset. Nunc vero ea laus in illo non sola, sed prima est. Nam cum vir sanctissimus tantam humanioris doctrinæ suppellectilem collegisset, ea non ad oblectationem animi, aut ad pompam, & inanem ostentationem voluit abuti, sed totam ad divini numinis gloriam, & Ecclesiæ utilitatem consecravit. Idque tum ex instituto religiosissimæ Sodalitatis, in quam se nondum virilem ætatem ingressus dicaverat; tum exemplo Origenis, Clementis, Basilii atque Gregorii, aliorumque sanctissimorum Ecclesiæ scriptorum videtur præstitisse: qui cum omnibus Gentilium disciplinis ingenium suum instruxissent, postmodum suis ipsos telis Gentiles aggredi, eorumque spoliis Ecclesiam Dei ornare studuerunt. Itaque omni virium nisu, omnique animi contentione ad Theologiam conversus, peragratis jam cæteris, eo quem diximus ordine, disciplinis, in ea deinceps, tanquam in portu tranquillissimo ac beatissimo, sibi conquefiscendum putavit. In hoc vero excellen-

cellentissimo genere doctrinæ quantopere excelluerit, quidve & quantum præstiterit, paucis, si lubet, expendamus.

Dux sunt Theologiæ partes, quarum prior in sacrorum librorum expositione versatur, quæ Græco vocabulo *exegetice* dici potest. Altera est dogmaticæ, tota fere in disputatione posita, ad adituendam maxime adversus hæreticos Ecclesiasticorum dogmatum veritatem. Et ad priorem quidem partem maxima sibi adjumenta atque adminicula Petavius comparaverat, linguæ scilicet Græcæ, Latinæque, & Hebraici sermonis peritiam non vulgarem: quibus præsidii munitus, in intimos & abditissimos quosque sacrorum voluminum læsus facile penetravit. Nihil quidem in eo genere doctrinæ ab illo in lucem editum est. Quo magis laudanda est hominis modestia, qui cum hac etiam in parte multa commode posset asferre, tamen veterum Patrum expositione contentus, quos solos veros ac sinceros sacrarum literarum interpretes esse norat, sua premere maluit, quam aut illorum scrinia compilare, aut cum illis ambitiosius contendere. Ceterum quanta cum laude, & quam frequenti hominum concursu sacros utriusque instrumenti libros in Claromontano auditorio viva voce diutissime exposuerit, omnes necum meminisse potestis. Quod vero ad posteriorem attinet Theologiæ partem, quid opus est rem per se notam pluribus verbis ac testimoniis confirmare? Cum versentur in omnium manibus Theologicorum dogmatum libri ab illo conscripti. Quibus in libris quid prius miseris nescias: an copiam diffusæ lectionis, an sermonis nitorem & elegantiam, an ordinem rerum ac distinctionem, an in excubendis Patrum testimoniis fidem ac diligentiam, an denique adversus hæreticos Chriftiani spiritus ardorem. Nam quis non miretur ab uno homine, eoque piis profectus suæ exercitationibus dedido, tot volumina perlegi, tot versuum millia perscribi potuisse? Neque enim sicut Origenes ac Hieronymus, usus est opera notariorum qui verba distantia exciperent; sed omnia sua ipsius manu exarata ad Typographorum præla mittebat. Quis non obstupescat, cum inter legendum vederit res tam arduas & obscuras & à communi hominum intelligentia remotas, tanta verborum luce ornari, tamque distincto ordine explicari. Hæc enim vel maxima Petavii laus est, quod Theologiam quæ antehac rude quiddam & barbarum tinniebat, totamque Dialecticæ faciem & colluviem ex philosophorum scholis traxerat, ipse sua cura atque industria perpulvit. Itaque hi libri, ut equidem auguror, magis magisque splendent indicies: & quantum iis nunc detrudere conatur obrectatorum quorundam invidia, tanto plus laudis iudicio incorruptæ posteritatis iisdem accedet. Porro ardor adversus hæreticos, quem vulgo zelum vocamus, in eo fuit incredibilis, ut ex iisdem libris perspicui potest. Etenim tanquam in sublimi specula constitutus, si quem nostræ ætatis hæreticum commovisse se, atque in religionem nostram impetum fecisse prospexerat, ilico velut silvestrem feram prosequabatur, telisque responsionis suæ confossum redire ocius ad latibula sua cogeat. Et quem admodum apud Homerum Achilles imperat Græcis, ne quis præter se Hectorem feriat, hanc sibi uni lauream deberi existimans: sic fere Petavius noster, non ambitione quadam, & cupiditate laudis, sed divino quodam mentis æstu, & pietatis ardore incitatus, hanc sibi pugnam cum hæreticis quicumque insur-

gerent depofcebat. Nec his contentus, humaniorum quoque literarum gloriam, quam illi præ noſtræ communionis hominibus ſibi vindicare conantur, eripere ipsis omni curâ ac ſtudio ſatagebat. Quocirca ſi quæ è noſtris ingenio & doctrina præditum animadverterat, eum quaſi admotis ſtimulis urgere & ad ſcribendum incitare non deſinebat, ut haberet quos adverſariis noſtris etiam in hoc genere ſtudiorum opponeret. Quod quidem ejus ſtudium atque inſtitutum erant fortasſe qui improbabant : adeo extraneis potius quam noſtris præpoſtero quodam judicio ſavere aſſuevimus. Verum quoties penitus introſpicio, qua mente, quove conſilio id Petavius ageret, equidem mihi videoor ſatis cum laudare ac mirari non poſſe. Ceterum hunc animi ardorem adverſus hæreticos ita temperabat, ut non homines ipſos inſeſto proſequeretur odio, ſed errorem dogmatum averſaretur : quo liberari illos, & Eccleſiæ corpori tandem adjuvâ vobis omnibus expetebat. Quid non præſtitit, ut clariffimum virum Haghehem Grotium ad Catholicam communionem adduceret ? Erat ille quidem minime à nobis alienus, ac pæne noſter : quippe qui doctrinam Tridentini Concilii in omnibus ſeſe amplecti palam profiteretur. Id unum ſupererat, ut Eccleſiæ ſacrarium ingreſſus communioni noſtræ ſociaretur. Quod ille neſcio quas ob cauſas, dum ad Catholicæ fidei unitatem plurimos ſecum ſperat adducere, conſulto differebat. Poſſem hoc loco ſermones illos vobis commemorare, quibus Petavius eum adortus eſt, tunc cum ille Lutetia excedens poſt legationis Suecicæ munus expletum, Petavium valedicturus inviſit. Verum in aliud tempus hæc ſeponere ſatius fuerit, ne tædium vobis longior fortasſe faceſſat oratio. Hujusmodi ergo adverſus hæreticos affectus animo fuit Petavius. Quonam autem modo ſe geſſerit erga quosdam noſtræ communionis homines, qui novam quandam doctrinam invehere conabantur, nequaquam ſilentio prætereundum eſſe arbitror. Tulit ætas noſtra viros graves & ſeveros atque eruditos, qui non contenti diſciplina ſæculi ſui, dum penitentiæ regulas aut antiquas revocare, aut novas condere conantur, graviffimos ubique motus & tempeſtates excitarunt. Qui proſecto longe conſultius feciſſent, ſi propoſito veteris Eccleſiæ ritu ac vigore, in danda & accipienda penitentiâ ; ad id tantum nos cohortari voluiſſent, ut ſeverioribus deinceps legibus penitentes aſtringerentur, ne forte ex nimia indulgentia ac veniæ facilitate naſci peccandi licentia videretur. Nunc vero ſtudio artioris diſciplinæ, cui ſe deditos eſſe profitentur, in tranſverſum abrepti, vulgatum in omnibus Eccleſiis abſolutionis ritum improbare, damnare, & contumelioſe traducere peſſimo exemplo inſtituerunt. Porro librum ſuum, quo hujusmodi doctrina continebatur, multorum Antiſtitum ſubſcriptionibus callide munierunt ; eo ſcilicet conſilio, ut auctoritate Sacerdotalis nominis oculos omnium præſtinguerent atque ora obturarent. Exiit tamen Petavius noſter, qui ne hac occasione id malum latius ſerperet veritus, ſalva Pontificalis gradus reverentia, eorum errorem atque audaciam doctiſſima reſponſione coarguit, adeo ut ipſos diſtinctius poſthac & modeſtius loqui cogeret. Hic liber eſt ab illo Gallicè conſcriptus ; eo tamen nitore atque ornatu ſermonis, ut mirum merito videatur, hominem Græcâ, Latinâ, Hebraicâque linguæ tanta peritia inſtructum, vernacula etiam lingua tam diſerte ac commodè ſcribere potuiſſe. Poſt hæc excepit eum gravior & difficilior pugna, de gratia ſcilicet, adverſus eodem

eosdem homines, qui Augustino, aut potius Janfenio nimium additi, non minorem ejus scriptis quam authenticis Evangeliorum libris fidem atque auctoritatem adstruere nituntur. Primus enim hujus novæ opinionis auctor & signifer nostra ætate fuit Janfenius, qui variis Augustini sententiis hinc inde excerptis, & quo voluit ordine digestis, ingratiſſimam quandam de gratia opinionem in Theologiæ ſcholas inſinxit. Quo quidem factò longe plus Galliæ nocuit, quam famoſo illo libello qui Mars Gallicus inſcribitur, quo belli hujus diuturni tot jam annorum ſpatio in Europa ſævientis auctores fuiſſe Gallos criminatoſus eſt: ipſe auctor peſtiferi belli, quo nunc Gallicana ardet Eccleſia. Atque utinam intra hos fines viſtanti mali ſuſſitit, nec reliquas Eccleſias quadam contagione corripiat. Hunc Belgam Gallici neminiſt holiem acerrimum Theologi iſti ducem habent, & pro Hipponenſi Epifcopo Ipreſem ſequuntur. Nec intelligunt ſe de Auguſtino male mereri, qui prætermiſſis tot egregiis ejus verbis, atque ſententiis, quibus mores hominum ad virtutem informari poſſunt, ea ſola rimantur in illius libris, quæ Auguſtino ipſi invidiam faciant, & quæ Calvino potius quam Catholicis favere videantur. Cum ſi Auguſtino, ſi libimet ipſis, ſi Eccleſiæ denique conſulcrent, hæc aut benigna interpretatione mollire, aut in ſuis, ut ſacent, locis relinquere, & ſilentio præterire debuiffent. Itaque Auguſtinus, ſi viveret, his eos verbis allocutus videtur. Quid agitis viri boni, qui tenditis, quodnam conſilium, quis eſt ſcopus alterationum veſtrarum? quid meum nomen diſcidiis veſtris præterdatis, meque Calvino adſtipulatorem & patronum paratis? Calviniani certe idem vos ſecum de gratia ſentire gloriantur. Ipſi illi qui à Calvinianis ad Eccleſiam tranſeunt, hanc ipſam eſſe Calvini ſententiam quam vos defenditis, aſſeverant. Atqui ego non ea mente ſcripti ut hæreticos patrocinio meo adjuvarem, ſed potius ut eos retunderem. Fruſtra ſub umbra nominis mei latere cupitis, & doctrinæ veſtræ novitatem auctoritate mea firmare contenditis. Ego me in Janfenio non agnoſco; nec ex Afro Belgam factum iri credideram. Sime amatis eam potius ſententiam ſequimini, quam totius Eccleſiæ probat aſſenſus, quam ante Janſenium in ſcholis veſtris omnes Theologi docuerunt. Nolite pacem Eccleſiæ violare, tunicam Chriſti diſcindere, ignem denique mutux caritatis extinguere. Certe plus odiis quam rationum copia certatis. Hæc diſcordia ex odio partium nata ſunt, quæ coitionibus fovetis, dum multos partim pollicitationibus, partim blanditiis in veſtram ſententiam traducere tentatis. Hæc exprobranti Auguſtino quid habent quod respondeant? Quod ſi forte hæc oratorio more à me ſingi dicent, eorum conſcientiam appello: Ipſos in ſua cauſa teſtes, ipſos judices ſero, annon ea quæ dixi certiffima ſint atque veriſſima. Igitur adverſus illos Petavius pro recepta opinione, quam ante Janſenium omnes vulgo Theologi docuerant, & quam ipſe Petavius olim in Sorbonenſibus ſcholis, cum Duvaſſil auditor eſſet, acceperat, fortiffime propugnavit. Hoc illi poſt tot Herculeos labores certamen ultimum fuit. Cui licet immortuus, nihilominus ut ille quondam apud Olympiam pugil, victor poſt obitum, Dei ipſius, ut opinamur, dextra coronatus eſt. Vir certe Hieronymo, Baſilio atque Gregorio, & ſummis quibuſque Eccleſiæ ſcriptoribus merito conferendus: Quippe qui eximiam eruditionem cum pari vitæ ſanctitate conjunxerit. Vixit enim ſumma innocentia in illo Claramontani

montani Collegii vertice, ſtudiis duntaxat literarum, & celeſtium rerum meditationi deditus. Adeo ab omni ambitione, & inanis gloriæ cupiditate alienus, ut cum hinc ab Urbano Summo Pontifice, inde à Philippo Hiſpaniarum Rege expetitus atque evocatus fuiſſet, tamen in nidulo illo Claromontani Collegii conſeſcere maluerit, quam Regalis & Pontificalis alloquii honore decorari.

Hunc ergo talem ac tantum virum, vindicem ac columnen literarum, quamvis matura morte nobis ereptum, merito lugemus: & poſt tot doctiſſimorum virorum continua prope funera, hanc acerbiffimam literarum cladem non injuria exiſtimamus. Etenim hoc ſublato, qui ſtudia noſtra inclinata jam ac poene labentia ſolus fulcire adhuc videbatur, quis deinceps in ejus locum ſufficiendus eſt? Sed fortasſe ego imprudens, qui de ingeniis hominum noſtrorum male ſentiam ac deſperem. Superſunt enim ſatis multi, atque utinam diu ſuperſint, qui pro virili parte literarum gloriam ſuſtinere, eamque Gallis afferere poſſint. Maximum tamen ac ſplendidiffimum inter omnes ſemper habebitur Dionyſii Petavii nomen; ejusque excellens ingenium, & ſingularem doctrinam tot illuſtribus cognitani lucubrationibus omnes poſteri amoto livore invidia mirabuntur. Simulque nos recte atque ordine feciſſe judicabunt, qui maximum virum, de literis, de patria, deque Eccleſia optime meritum, hac qualicumque laudatione, & grati animi teſtificatione mortuum proſecuti ſumus.

HENRICI

HENRICI VALESII

O R A T I O

In Obitum

JACOBI SIRMONDI

Societ. Jesu Presbyteri.

Uicunque magnorum Virorum laudes oratione funebri prædicare instituerunt, *Audiores Ornatiſſimi*, hoc po-
tiſſimum conſilio id præſtitiffe mihi videntur, ut vel
mortuorum nomen ad æternam poſteritatis memoriam
conſecrarent, vel præſtantibus hominũ meritis hanc
velut honoris & gloriæ mercedem perſolverent, vel
certe ut privatum aut publicum dolorem hujusmodi
ſolatio mitigarent. Nobis vero in præſentia quidem
non magnopere laborandum eſſe video, ut ejus viri,
cujus exequias honoramus, nomen à ſitu & tenebris vindicatum æternitati
commendemus. Id enim ipſe dum vixit, publicatis ingenii ſui monumentis
adeo cumulate præſtitit, ut jam nos hoc labore prorsus levati ac liberati eſſe
videamur. Nec dubium eſt quin quandiu ſuus honor literis ſtabit, quandiu
hiſtoriæ, quandiu antiquitatis & humaniorum artium ſtudioſi ſupererunt,
tandiu Jacobi Sirmondi nomen celebre atque illuſtre inter eruditos futurum
ſit. Quod igitur reſtat, ut memoriæ hominis præſtantiſſimi, ac de literis op-
time meriti honos habeatur, utque morem veſtrum, qui tanto lumine orba-
ti eſtis, oratione noſtra mollire ac lenire ſtudeamus, id conſcis ut equidem ſpero
ſeventibus aggrediemur. Hoc enim & illius viri amplitudo, & amicitie vin-
culum quæ mihi cum ſuperſtite interceſſit, & veſtra omnium vota poſtulare
mihi videntur, ut homini quoad vixit, optimo, humaniſſimo, atque amicitiiſ-
ſimo, debita laudis, humanitatis, atque amicitie officia impendamus. Neque
vero committendum eſt, ut cum Regum, Principum, & Magnatum funera
ejuſmodi orationibus celebrari conſueverint, viris doctrina, atque eruditione
excellentibus idem honos à nobis denegetur. Quippe abſurdiſſimum meo
judicio fuerit, illiteratis quidem hominibus honorem ex literis haberi: eos
vero qui totam ætatem literis juvandis ac promovendis impenderunt, qui dum
viverent reipublicæ literariæ decus atque ornamentum fuerunt, hoc. literarum
munere atque officio minime exornari.

Act:

Ac principium quidem ejusmodi orationum fere ex majoribus ducitur, ut & is, cujus exequiæ celebrantur, majorum suorum illustratur laudibus, & vicissim ex nepotis laudatione non mediocris gloriæ pars ad majores redundet. Nobis vero qui religiosi propositi hominem prædicare suscepimus, hic nobilitatis locus parum necessarius videtur. Non quod ejusmodi ornamentum nobis desit, quippe qui vetustissimam ac nobilissimam apud Arvernos Simondorum familiam fuisse non ignoramus. Sed quoniam ipse ejusmodi natalium ornamenta contempsit, nos quoque æquum est, iis neglectis ac prætermisissis, ad alia longe potiora orationis cursum *promovere*. Licet illis qui in seipsis nihil laude dignum habent, ex majorum laude ac nobilitate gloriam captare. Quos equidem Lunæ comparare soleo, quæ cum propria luce careat, lumen suum à Sole mutuatur. Sic isti cum proprio splendore destituti sint, ad majorum virtutem confugiunt, qua vitia sua contegi, ac seipsum illustrari posse arbitrantur. Hi vero qui sua ipsi virtute nituntur, & qui suo labore famam sibi decessus pepererunt, nullum extrinsecus adinicum, nullum adscititium splendorem desiderant. Porro cum omnes homines animo conslemus & corpore, quorum alterum commune cum brutis, alterum spiritualis cujusdam, divinæque naturæ particeps habemus, duplicem quoque nobilitatem in singulis hominibus spectare debemus. Quarum altera, quæ ex corpore ducitur, deterior ac vilior sit necesse est, quippe quæ ex deteriore atque ignobiliore hominis parte descendat. Itaque plurimi sapientia ac virtute excellentes viri hanc nobilitatem utpote nocti ac tenebris addictam, & sanguini tanquam luto penitus affixam atque immerfam merito spreverunt. Nec qui, aut unde essent, quibusve parentibus prognati, familiaribus suis commemorare voluerunt. Altera nobilitatis species ex animo petitur, quæ sola non dicam meo, sed omnium prudentum judicio nobilitatis nomen meretur. Nam illa quidem caduca ac mortalis, in terram abjecta ac depressa, fluxa atque instabilis, quippe quæ dari adimique possit. Ad hæc incerta ac dubia, testibus & tabulis plerumque confectis ac suppositis comprobatur. Hæc vero perinde ac animus ipse immortalis est, nec morti, nec Principum violentiæ obnoxia, ipsa per se sine alterius testimonio elucescit. Hanc ergo mihi præcipue nobilitatem in Jacobo Sirmondo considera, quam ille solam concupivit, quæ sola digna est homine, digna christiano, digna religiose professionis viro. Quænam vero sunt hujus nobilitatis insignia, dicet aliquis, ex quibus nobilem ab obscuro & ignobili dignoscere valeamus? Non alia certe quam quibus solertem à stupido, doctum ab imperito, virum bonum ab improbo discernere solemus. Etenim si rem ipsam attentius perpendere voluerimus, tribus maxime rebus homines aliis hominibus præcellere, & supra ceteros eminere reperimus; ingenio scilicet, doctrina atque virtute. Hæc sunt quæ viros claros & spectabiles & illustres efficiunt, potius quam Principum codicilli aut insule dignitatum. Nam hujusmodi codicilli & insignia, umbram tantum honoris circumdant hominibus, idque modico temporis spatio, quandiu aut in vivis agunt, aut magistratu sibi delato funguntur. Hæc vero animi insignia solidam gloriam non modo superstitibus, sed etiam mortuis omnium judicio ac consensu præstant. Quæ quidem omnia in Jacobo Sirmondo non vulgaria, sed eximia ac singularia fuisse, omnes ut opinor, mihi facile assensuri estis. Nam qui id negare voluerit,

rit, tot ilico argumentis ac testimoniis obruetur, ut aut imperitiam suam, aut quod turpius est, malevolentiam fateri cogatur.

Atque ut primo loco de ejus ingenio dicam, idem certe de illo, quod de Hortensio dici potest: Sirmondi ingenium simul agnitum, simul probatum fuisse. Ingenium autem appello lumen quoddam mentibus à natura inditum: seu potius vividum quendam impetum, atque igneam vigorem ad summa quæque tendentem: aut si mavis, generosam indolem & sagacitatem, qua qui præditus est ad abditissimarum rerum atque rationum cubilia penetrat, & veritatem facile odoratur ac vestigat, nec absistit priusquam illam tanquam prædam suam comprehenderit. Hæc porro vis quam dixi, emicat atque elacet plerumque in adolescentibus, corroboratur in viris, languescit in senibus. Sed in Jacobo Sirmondo eadem quæ in adolescentia fuerat, in ultima etiam senectute vis ingenii permansit. Adeo ut quæ corporis animique vires infringere consuevit ætas, robur ingenii non fregisse in eo, sed potius confirmasse videretur. Tanto igitur tamque felici præditus ingenio Sirmondus, non quemadmodum plerique adolescentum solent, illud aut desidia deteri, aut voluptatibus corrupti passus est: Sed velut opimum ac ferax solum assiduo labore sibi excolendum putavit. Et quo quidem pacto adolescens inter æquales in scholis eminuerit, atque ipsa magistrorum præcepta pæne priusquam essent tradita, comprehenderit, nihil hic attinet dicere, cum alia longe majora, ac plus admirationis habitura nobis ad dicendum supersint. Cum vero ex ephebis excessisset, nec minore virtutis quam disciplinarum amore flagraret, in eam se sodalitatem dicare constituit, in qua utriusque, tam doctrinæ scilicet quam virtutis studia ex æquo vigere ac florere animadverterat. Sic enim existimabat doctrinam quidem absque virtute, rem cassam atque umbratilem esse, & quæ plus interdum noxæ afferat quam utilitatis: virtutem vero doctrinæ consortio destitutam, prorsus imperfectam ac mancram videri, quippe quæ aliis prodesse vix possit: ceterum ambas simul junctas plus ponderis atque auctoritatis habere. Hæc ille animo perpendens, illud etiam sodalitorium commodum cogitabat, quod homines eodem sacramento adstricti, abdicatis rerum humanarum curis perfectæ sapientiæ studiis vacantes, mutuis se hortationibus atque exemplis vicissim adjuvare possunt. Proinde ex omnibus sodalitiis, illud maxime expetivit, quod ab S. Ignatio primum institutum, & virtutis gymnasium, & disciplinarum quoddam quasi domicilium esse norat.

Tali collegio adscriptus Sirmondus, primum quidem linguarum & antiquitatis tam Græcæ quam Latine tantam sibi peritiam comparavit; quantam ex ejus scriptis perspicere potestis. His deinde quasi fundamentis politis cum doctrinæ vastos esse limites & in immensum diffusos intelligeret, iis maxime studiis sese includere statuit, quæ & professionis religiosæ viro convenire, & plurimum utilitatis allatura esse censebat. Itaque ad historiam & antiquitatis Ecclesiasticæ notitiam totum se penitus applicuit atque addixit, ut non sibi solum, sed etiam patriæ, atque universæ Ecclesiæ prodesset. Quo quidem in genere studiorum tantopere profecit, ut pares admodum paucos, superiorem vero ætate sua neminem habuerit. Cum vero partim felicitate ingenii, partim laboris assiduitate ingentes doctrinæ messes, ac thesauros collegisset, primum

num quidem patriam suam, ac deinde totum orbem Christianum pretiosis ingenii sui monumentis illustravit. In quo singularem ejus prudentiam ac modestiam mirari subit, qui cum eximiam doctrinam citissime esset adeptus, sero tamen opera ingenii sui publicare in animum induxit. Quod quidem tanti viri consilium atque exemplum, utinam tam nostri quam exteri sequerentur, qui vixdum è scholis egressi indigesta adhuc studia in publicum extrudunt, & præmaturæ editionis famam potius quam solidam consummatamque doctrinam concupiscunt. Longum esset hic percerere, quot ille libros partim vetustiorum scriptorum in lucem primus ediderit, partim Latino sermone interpretatus sit, partim etiam suo Marte compositos nobis reliquerit. Neque enim piget inter Sirmondi opera numerare libros optimorum scriptorum, quos ille à situ & tenebris vindicatos publica tandem luce donavit. Nam & ejus diligentia atque industria laudanda est, qui tot antiquitatis monumenta undique conquisivit, & benignitas prædicanda est, quod publico eos libros minime invidit, sed exscribendi edendique laborem ultro suscepit. Quod vero summa fide eosdem edidit, notasque omnibus, aut Præfationes adjecit eruditissimas, eo etiam nomine maximas illi gratias universi habere debemus. Ceterum inter hujus generis libros primas sibi merito vindicat editio Conciliorum Gallicanæ Ecclesiæ. Quæ non sine ingenti quodam labore à se collecta & pulcherrimo ordine digesta atque illustrata cum felicis memoriæ Ludovico Regi Christianissimo offerret, Eminentissimi Cardinalis Armandi Richelii honorificentissimo testimonio est exornatus. Quod quidem testimonium non tam ipsius Cardinalis Richelii, ut sentio, quam totius Galliæ commune suffragium debet videri. Ex alterius vero generis libris, primum occurrunt Commentarii, quos in varios auctores ille tanta elegantia, tantoque cum judicio conscripsit, ut nihil in eo genere perfectius esse possit. Atque ut vel una ab Apelle ducta linea, manum præstantissimi artificis olim indicasse dicitur, sic unica Jacobi Sirmondi quantumvis brevis nota, ad doctrinam ejus declarandam abunde suffecerit. Sed celeberrimi & præstantissimi omnium judicio sunt ii libri, qui in contentioso & pugnaci scribendi genere versantur. Fuerunt enim illi non semel discidia ac certamina cum viris doctissimis, de literariis quibusdam quæstionibus, ex quibus ille semper superior victorque omnium eruditorum consensu discessit. Sentio me in ancipitem ac difficillimum locum incidisse, ut verendum mihi sit, ne dum Jacobi Sirmondi laudes persequor, de eruditissimorum hominum fama aliquid videar detraxisse. Sed tamen obsequendum est veritati, parendumque iussibus vestris, Auditores, qui me ad pergendum cum attentione vestra, tum benevolis nutibus invitatis. Neque enim vereor, ne hanc obtrectandi viris clarissimis occasionem de industria arripuisse videar, cum præsertim in hunc sermonem pene invitus descenderim, quo non mea me voluntas, sed ipsa laudationis series necessitasque conjecit. Huc accedit, quod hæc oratio nullam contumeliam, nullam ignominiam labem aspergere potest viris, & omnium sermone & merito suo celeberrimis. Qui si in hoc stadio ac pulvere literarum victi sunt semel à Jacobo Sirmondo, non id illis inhonestum ac probrosum debet videri. Neque enim ut in acie aut in lucta, sic in his studiorum concertationibus aut victor efferre se debet jactantius, aut victus præ pudore erubescere. Sed utrumque hieran, ut veteres

veteres aiebant, facere convenit, & palmam ac coronam veritati utpote victrici consecrare. Quippe fieri potest, sitque sapillime, ut is qui modo victor fuit, statim in alio opere cadat & corruat: is vero qui inferior prius fuerat, in aliis postea confictibus superior evadat. Denique non ex unius certaminis eventu, sed ex omnium scriptorum atque operum comparatione, hominum laus famaque æstimanda est. Igitur ut ad Sirmondum redeamus, primum illi certamen fuit de regionibus suburbicariis, cum viro ætatis nostræ longe doctissimo, qui ex loco Rutini tanquam ex arce quadam auctoritatem Romani Pontificis impugnabat. Consecta res omnibus videbatur. Tam validis quippe argumentis ac rationibus sententiam suam vir ille firmaverat, ut non dicam vulgus imperitorum, sed Cardinalis ipse Perronius, vir omnium consensu rerum Ecclesiasticarum peritissimus, neminem crederet posse reperiri, qui tantæ machinæ impetum retunderet. Sed continuo extitit Jacobus Sirmondus, qui pro Rom. Pontificis auctoritate, id est pro veritate ipsa propugnans, tribus libellis, quasi totidem præliis sic adversarium superavit, ut jam nemo sit inter eruditos, qui non Sirmondi sententiam ambabus, quod aiant, ulnis amplectatur.

Secundum illi certamen fuit cum Petro Aurelio magni nominis Theologo, de Canone quodam, ut vocant, Arausici Concilii. Quæ quidem contentio longe gravior ac periculosior extitit quam prima. Nam in priore quidem conflictu omnes Catholicæ professionis homines à suis stantes partibus Sirmondus habuerat. Sed in hoc posteriore res erat cum homine versuto & callido, qui Episcoporum causam defendendam susceperat, totamque Theologiæ scholam opinioni suæ subscribentem velut auxiliares copias secum trahebat. Accusabatur falsitatis ab homine, qui nomen sibi ipse falsum adscripserat; & falsitatis illius, non quæ levis momenti esset, sed in re sacrosancta commissæ: neque in uno duntaxat Canone, sed in tota mole, ipso enim verbo utar Aurelii Gallicanorum Conciliorum. Quid ageret Sirmondus? An accusationem illam silentio dissimularet? Id vero erat crimen fateri, & existimationem suam prodere. Causam-ne suam defenderet? Illico omnes prope Episcopos ac Theologos, & nonnullos ex sodalibus suis adversos erat habiturus. In hac difficultate positus ita causam suam defendere statuit, ut nec Episcoporum jurisdictionem, nec receptam in scholis opinionem læderet, & negativam particulam, de qua sola erat controversia, ex fide manuscriptorum Codicum, & cum ratione ab se adpositam esse monstraret. Quod certe tam luculente præstitit primum in Epistola, deinde duobus Antirrheticis libris, quorum ultimum factione Aureliana diu suppressum esse meminimus, ut quicumque eos absque ullo partium studio legerit, Sirmondo victoriam adjudicare cogatur. Pudet me profecto interpretationis Aurélianæ: adeo ab omni sensu ac ratione, & ab ipsis verbis Arausici Canonis abhorret. Itaque fremant licet atque obstrepant Aurelianae partium sectatores, semper vera habeatur Canonis illius editio & interpretatio, quæ à Sirmondo prolata est. Aurelii autem lectio & explicatio ab omnibus doctis bonisque repudiabitur.

Omitto reliquas ejus velitationes, cujusmodi fuit illa de duobus Dionysii, & aliæ quedam, quas consulto prætereo, ex quibus omnibus eandem, quam ex prioribus, gloriam reportavit. Quod equidem non tam illius doctrinæ quam

acerrimo iudicio adscribendum puto. Etenim in illo viro tanta iudicii vis, quanta vix unquam in alio fuit: hancque propriam & præcipuam ejus dotem esse omnes sentiebamus. Itaque cum ad maximum ingenium par iudicii robor adjunxisset, illudque longo usu ac diuturna meditatione confirmasset, non mirum videri debet, si invictus hoc tandem modo luctator evaserit. Etenim in nulla operis parte aberrare, supra humanam sortem positum profusque divinum est. Sed quicumque iudicio præ ceteris pollent, id saltem assequuntur, ut aut quam rarissime, aut quam levissime peccent. Cum enim ad scribendum non levitate sed consilio ferantur, hinc fit ut minimam reprehendendi arisam adversariis suis præbeant. Sed erit fortasse quispiam, qui Jacobum Sirmondum contentiosum ac rixosum hominem fuisse ex eo colliget, quod de re literaria tot controversiis, ad extremam usque senectutem, tot jurgis distinctus atque exercitus fuit. Eos vero qui ita sentiunt, animadvertere oportet, Sirmondum, utpote quietis & otii amantissimum, semper invitum ac nolentem ad hæc certamina descendisse. Certe si rem attentius inquirere velimus, eum aut depellendæ calumniæ, aut propugnandæ veritatis religionisque causa in hanc arenam prodixisse deprehendemus. Verum quando casu quodam, aut potius tractu ipso progressuque orationis ad locum de moribus devenimus, pauca etiam de virtutibus illius dicenda sunt, ut totius orationis continuus cursus ad metam usque tandem perducatur.

Ac ceteras quidem virtutes, quibus interior ejus vita ornata est, sodalibus illius commemorandas relinquo, eas dumtaxat hic relaturus, quæ in omnium conspectu ac publica luce fulserunt. Mira in illo comitas & humanitas, quæ omnes adeuntis complectebatur. Ad hæc modesta gravitas, & ingenius quidam pudor in ore senis emicabat, prorsus ut Proculum illum, quem virginis senectutis Tertullianus appellat, referre mihi videretur. Nunquam ille obscenorum aliquod verbum aut turpiorem sensum ne inter legendum quidem ferre poterat. Mulierum colloquia, quæ alii appetere solent, studiose vitabat. Neque vero illum senectus morosum reddiderat. Juvénilis quædam hilaritas in senis ore perpetuo residebat, adeo ut ex illius sermonibus non doctiores modo, verum etiam latiores rediremus. Animi æquabilitas & tranquillitas erat admirabilis, quippe qui nihil præter virtutem atque doctrinam ac celestia concupisceret: ab omni ambitione & inanis gloriæ cupiditate penitus alienus. Itaque in quibusdam libris nomen suum minime inscripsit. Et cum inter sodales suos maxima quæque officia summa cum laude gessisset, cum in aula Regis Christianissimi versatus fuisset, tamen privatum orium cum literis semper honoribus anteposuit. Evocatus Romam olim fuit ab Urbano beatorum memoriæ Pontifice Maximo suffragatione Eminentissimi Cardinalis Barberini, qui eximias Sirmondi dotes optime cognoverat. Sed, Rex Christianissimus Ludovicus suavis quorundam virorum cum Gallia excedere vetuit, ne tantus vir ad illustrandam Galliçanæ Ecclesiæ antiquitatem natus, Galliæ eriperetur. Renuntiatum est illi non multo postea ab hominibus fide dignissimis eo consilio ipsum Romam accitum fuisse, ut in sacrum Purpuratorum ordinem adscriberetur. Memoria teneo id ab illo, cum hæc mihi narraret, additum fuisse, se si in ipso Romane urbis introitu hoc summi Pontificis consilium recepisset, statim eadem viâ in patriam fuisse rediturum. Quod equidem

dem tanti viri de seipso testimonio facile credo. Idem multis post annis cum in aulam Regiam ad audiendas Principis Confessiones adscitus fuisset, & in eo munere prudentissime ac religiosissime se gessit, & tandem factione quorundam diniussus ex Palatio, tanta animi moderatione & constantia id factum tulit, ut cum in aula nunquam omnino vixisseliceret. Adeo omnem aulicæ illius pompæ memoriam penitus ex animo deleverat. Quid dicam de eximia illius frugalitate ac temperantia, cui acceptum referre solebat, quod integros corporis sensus firmamque valetudinem ad extremam usque ætatem retinuerat. Quid de singulari prudentia, de amore in patriam, de studio in Regem, de eximia erga Deum pietate? Quicum difficillimis Reipublicæ nostræ temporibus Romæ esset, quæ urbs tunc temporis ob religionis dissensionem Regis Henrici partibus minime savebat, nihilominus Regiæ Majestati semper ad dictus devotusque pertransit, solam in Henrico religionis Catholicæ professionem requirens. Quam tamen non armorum vi extorquendam, sed votis ac precibus tum à Deo tum à Rege ipso expolcendam putabat. Dies ne deficiet, si universalis ejus virtutes oratione velim percipere: His tot tantisque animi dotibus summorum virorum amicitiam sibi conciliavit. Ulis est primum familiaritate Petri Pichæi, & Nicolai Fabii, ex quorum colloquiis, quam se nisi doctiorem disculisse sæpè numero mihi testatus est. Baronio quoque, Bellarmino, Ossato, & Barberino Cardinalibus Eminentiissimis imprimis acceptus fuit. Brulartij etiam & Marilliaci, qui apud nos summa auctoritate & dignitate conspicui fuerunt, amicitiam ipse, ut memini, præ se ferebat. Denique ab omnibus, quotquot in Europa ejus ætate vixerunt, eruditissimis hominibus & cultus est & amatus. Quid igitur ei viro ad summam felicitatem defuisse dicemus? Quæ & ingenium liberrimum sortitus fuerat, cunctis, ad quæ cum vocasses, negotiis idoneum: & multiplicem rerum divinarum humanarumque notitiam, ac postremo omnium virtutum præceptorum cultus. Cui vita longissima, cum firma corporis valetudine, nullis unquam morborum molestiis interrupta, cui otium & quies non sine honore ac dignitate, cui summorum virorum amicitia laudisque assatum contigerunt: qui Regum, & Principum, qui tot Eminentiissimorum Cardinalium judicia promeruit. Hunc ergo talem ac tantum virum, inter præcipua Galliæ nostræ ornamenta numerandum, ex cujus uberrimis scriptis ac sermonibus tantam doctrinam divitissime haurimus, ingrati profecto fuerimus, nisi mortuum omni officio & exequiarum honore celebremus. Nec nostra ipsi bona & decora satis nosse dicemur, si, quem exteri mirati sunt, nos vulgari ac tacito funere efferrî patiamur. Itaque hoc à nobis, Jacobe Sirmonde, extremi honoris officium habeto. Quod tum meo, tum patriæ nomine libens quid mihi, sed non sine acerbissimo doloris sensu persolvo. Intellego enim quantam literarum nostrarum peritiam interitu tuo fecerint. Te quidem tuæ virtutes, vitæque sanctissime acta, divina favente clementia, ut speramus, cælo adscribent: & libri singulari eruditione repleti famam tibi nullis intermortuorum sæculis comparabunt. Nos vero ex obitu tuo conceptum dolorem, tum sermonum, tum virtutum tuarum assidua recordatione solabimur.

IN TUMULUM
JACOBI SIRMONDI
EPIGRAMMA.

*S*itibi quis dignum vellet, Sirmonde, sepulcrum:
Condere, vix operi marmora sufficerent:
Sunt scripti potiora tibi monumenta libelli,
Quos nec livor edax rodere dente queat.
Saxa quidem, & tumulos consumit longa vetustas:
Nil tamen in libros tempora juris habent.

ΕΙΣ ΤΟΝ ΙΑΚΩΒΟΥ ΤΟΥ ΣΙΡΜΩΝΙΔΟΥ ΤΑΦΟΝ

ΕΠΙΓΡΑΜΜΑ.

*Π*ολλὰ βίους, & πολλὰ μαδῶν, & πολλὰ διδάξας,
Καὶ σοφίης κ' ἀρετῆς ἔξοχ' ὀνερχάμενος
Εν τούτῳ κῆται τῷ μνήματι πύονμα δ' αὐτῷ
Μὴ γνοῦς μηδ' ἔγνω τις Εὐκωνιάδας.

HENRICUS VALESIIUS.

Catalogus

Catalogus Operum P. Jacobi Sirmondi, digestus in ordinem temporum, quo sunt excusa sumptibus Sebastiani Cramoisy.

G offridi Abbatis Vindocinensis Facundus Hermianensis	1629
Opera, edita anno	1610. Opuscula dogmatica quinque
Ennodii Episcopi Ticinensis Opera	1630
1611	Appendix Codicis Theodosiani
Flodoardi Presbyteri Remensis	1631
Ecclesie Historia	1611 S. Augustini Sermo quadragesimalis
Fulgentii Episcopi Opuscula quaedam	1631
1612	Antirrheticus I. de Canone Aram-
Valeriani Episcopi Homilia viginti	1633
1612	Antirrheticus II. de eodem Canone
Petri Cellensis Epistola, & Alexandri III. Papa	1634
1613	De duobus Dionysii Dissertatio
Sidonii Apollinaris Opera primum excusa anno 1614, tum majori	1641
forma recusa	1652
Vita. S. Caroli Comitis Flandriae	1642
1615	Quaestio triplex. De Lege Celestis. De Paragrapho Duorum fratrum. De Codice
Vita Leonis IX. Papae	1615
1618	Alarici Regis
Paschasis Rastberti Opera	1642
1618	Aviti Viennensis Opera
Censura de Suburbicariis	1643
1619	Eusebii Caesariensis Opuscula
Eugenii Toletani Opuscula	1643
1619	Fulgentii excerpta ex libris contra Julianum
Idatii Episcopi Chronicon	1643
1619	Prædestinatus
Marcellini Comitis Chronicon	1643
1619	Prædestinatus
Adventoria Causidico Divionensi Hincmari Remensis Archiepiscopi de Suburbicariis	1645
1620	Opera, duobus tomis
Anastasi Bibliothecarii Collecta Theodulphi Episcopi Aurelianensis	1646
1620	Opuscula
Propempticum Claudio Salmasio de Rhabani Archiepiscopi Moguntini de Suburbicariis	1647
1622	adversus Godescalcum
Caroli Calvi Capitula	1649
1623	Historia Prædestinatio
Conciliorum Galliae tomus tres Amoloni Archiepisc. Lugdunensis	1649
1629	Epist.
	S. An-

<i>S. Augustini Sententia</i>	1649	<i>Triplex nummus</i>	1650
<i>Servati Lupi de tribus</i>	<i>Questio-</i>	<i>Anti-Tristani duo</i>	1650
<i>nibus liber</i>	1650	<i>Historia publica Pœnitentia, &</i>	
<i>Rufini Palastini de Fide</i>	1650	<i>de Azymo</i>	1651
<i>Marcellini & Faustini Libellus</i>			
<i>precum</i>	1650		

Inscriptiones tam multas publici juris fecit, ut ex iis justum volumen excudi possit; quas tamen aliis Scriptoribus edendas dedit, quibus præcellit,

Antiquæ inscriptionis, qua L. Scipionis Barbati F. expressum est elogium, Explanatio.

P E T R I

PETRI MOLINÆI V I T A.



ENS Molinæ à Dionysio de Molendino originem traxit, Denys du Moulin.
qui à Rege Caroli vi. maximis regni negotiis admotus,
ex uxore Maria Courtchaya Regii sanguinis femina
filium Johannem suscepit, & ea defuncta ad Ecclesiasti-
cas dignitates promotus, factus est Archiepiscopus To-
losanus, mox Episcopus Parisiensis, Cardinalis etiam,
& nomine tenus Patriarcha Antiochenus: mortem obiit
Lutetiæ an. 1447. & ad dextrum latus Altaris, Ca-
thedralis Ecclesiæ sepultus jacet.

Ex ejus stirpe cum multæ illustres familiæ, tum duo insignia literarum lumi-
na prodierunt, Carolus Molinæus, magnus illè Jurisconsultus, qui jura Regum
contra Paparum usurpationes singulari ingenio & eruditione vindicavit.

Circa ejus obitus tempus, ex eadem familia successit alter Paparum malleus,
Petrus Molinæus, natus anno 1568. Oct. 18. in agro Vexinati in cubiculo
quod magni illius Philippi Mornayi ortu nobilitatum fuerat. Cum enim
Petri nostri Pater cum uxore pregnante sanctæ Religionis hostes insensibilissimos
fugeret, à fratre Philippi Mornayi maximo natu comiter excepti fuerunt, &
in ejus castello *Bubi* Petrus Molinæus primam lucem aspexit.

Parentes habuit Joachimum Molinæum, virum magis etiam virtute quam
genere nobilem. Matrem Franciscam Innocentii Gabeti Primarii Judicis
Viennæ Delphinatus filiam, Illustris Viri qui strage Bartholomæana an. 1572.
per univerfam Galliam sevientem, pro Christi testimonio animam constanter
profudit.

Pontificii quidam fabulantur Joachimum Petri nostri Patrem fuisse Monachum,
deinde Monastici voti desertorem: Quod commentum noster sic con-
futat in libro cui titulus est *Novitas Papismi. Si pater meus Monachus fuisset, &*
mox Reformatam Religionem amplexus, uxorem duxisset. nullam inde sanguini meo
maculam aspergi putaverim. At id falsum esse populares ejus Aurelianenses norunt.
Tum erectus ejus in adversis animus, affabilis conviciis, morumque gravis & amena
facilitas, tantum à claustrali genio distabant, quantum Cælum à Terra, & Missa ab
Evangelio.

Pac. ut videbatur constituta anno 1570. Joachimo int gram fuit domum
redire & familiam suam recolligere, Sed breviter fuerunt illa Halcionia. Nam
anno 1572. cum Carolus IX. Protestantem Proceres nuptiis sororis suæ Mar-
garetæ cum Henrico Navarre Principe delinatos convocasset, & convocatos
trucidasset, confectum famota illa Bartholomæana interfectio Galliam Univer-
sam

sam pervasit. Joachimo interfectores fugienti vix licuit liberos suos quatuor, infantes Ruffinæ cuidam è vicinia Romanæ Religionis mulieri, quæ famula ejus quondam fuerat, servandos committere Ruffina infantes sub lecti lodice occultavit. Petrus nondum quadrimulus loci incommoda ægre ferens, ejulavit, Statimque percussores iusti neque sexui neque ætati parcere infantes perquisitum venerunt. Ruffina ne pueruli ejulatus audiretur stanneam & æream supellestem, quasi aliud adiecit, strepitum clamorosa vociferatione augens, & vasa collita ita recolligens ut magis collideret, donec sicarii abscederent. Vix pedem domo extrulerant quum ad infantes Ruffina accurreret, Petrumque seminecem à certissima morte liberavit. Quippe Hæstera septennis, periculi ab istis hominibus gnara, Petri ejulantis os manu occludens paulum absuit quin sedulitate sua præfocasset. Atque hanc Hæstera servabat Providentia Divina ex qua uxore Nobilissimus Vir Renatus Bochartus illustrem Samuelem Bochartum susceperet.

Parentes Muretum confugerunt, Principis Condæi tunc Protestantis oppidum. Inde Sedanum; ubi Petrus Molinæus literarum rudimenta auspicatus est. Condiscipulum habuit Jacobum Capellum, virum cui literæ plurimum debent. Ambo simul cum laude Collegio egressi. Molinæus primo præmio donatus, Capellus secundo.

Anno æræ Christianæ 1588. Petrus Molinæus annos natus viginti à Patre ad Academiæ Angliæ missus fuit. Post aliquam Londini moram, Cantabrigiam petiit, & in Collegio Corporis Christi substitit; Professorum, Whitakeri potissimum, sedulus auditor. Feriis æstivis quam longam Vacationem appellant Londini concionandi progymnasmata inter Gallo-londinenses pastores exercebat. Quibus cum interfuisset Reverendus Vir Fayus Ecclesiæ Parisiensis tunc dissolutæ Pastor, admiratus adolescentis ingenium, & maturos progressus, ab eo poposcit an Ecclesiæ Parisiensis Pastor esse vellet. Respondit Molinæus non posse se de pascendo grege qui nusquam erat cogitare. At citi brevi, inquit Fayus. Quin mihi in mandatis ab Ecclesia datum est ut virum ejus Ministerio idoneum deligam. Ego igitur te deligo, omnium quos novi ad id muneris aptissimum. Gratiæ Fayus egit Molinæus; & Fayus propositi sui memor, non ante destitit Molinæum Ecclesiæ Parisiensi commendare quam Ecclesia illum postulasset & accessivisset. Sed id demum post septem annos factum est.

Non abs re erit hic honesti & generosi ejus ingenii exemplum apponere. Londini agens cum in difficillimis temporibus consuetum subsidium à parentibus non acceperat, & superius cubiculi sui tabulatum cogitabundus suspiceret, observavit in angulo obscuro inter duo tigna extans linteolum: eo cum laboriose descendisset extraxit sudarium summam non contemnendam aurorum nummorum continens. Id an ad hospitem aut aliquem contubernaliū suorum pertineret sedulo inquisivit. Cumque in iis ædibus nemo id suum esse agnosceret, quaesivit cui ante conductum fuisset cubiculum quam ipse in eo hospitaretur. Audivit Italum hominem in eo cubiculo diem obisse. Quaesivit ulterius an defuncti consanguineus aliquis Londini habitaret. Tum certior factus Italum quendam mortui agnatum ab eo hæredem scriptum fuisse

fuisse nunquam desit quin homine indagato illi totum ærum numeravisset, quanquam incertus erat an ad defunctum aurum illud pertinuisset.

At tanta ingenuitas, & in Deo fiducia, non frustra fuit. Brevi enim pecuniam à suis accepit. Nec postea desierunt sui tempestive mittere, donec eos literis monuit ne amplius mitterent.

Post quatuor annorum in Anglia moram, audiens Franciscum Junium Lugdunum Batavorum eo venisse ut Theologiæ Professionem susceperet, eo proficisci statuit; & à Duce Wirtenbergeni in Zelandiam navigante comes ascitus fuit; ea navigatio fuit plenissima periculi. Coegit enim tempestas nautas tormenta & navis onus in mare projicere. Ibi Molinæi libri & sarcinæ perierunt, nave circa Rammekin castellum Zelandiæ fracta.

Hinc data fuit Molinæo occasio carmen condendi cui titulus est *Votiva tabella*, Poema ditissimæ venæ, quod famam ipsi & amicos peperit.

In Batavia amicorum coryphæum habuit Buzenvallium, Franciæ Legatum; tunc enim Henricus IV. Protestantibus Legatis ad Protestantem Principes & Provincias utebatur. Is semper Molinæum familiariter habuit, eique Gulielmi Auriaci viduæ, Henrici Matris, benevolentiam conciliavit.

Hæc in re sane Principis matronæ favor ei profuit quod, Philosophicæ professionis cathedra vacante, licuit illi pro cathedra cum æmulis disputare, eamque disputatione adeptus est, hoc tantum eo favore consecutus ut merito suo posset ad id quo dignus erat assurgere.

Jamque Doctor in Cathedra, annos natus viginti quatuor, prælegebat Organum Græcum Aristotelis, mox libros Physicorum, De Cælo De Generatione & Corruptione, De Anima, De Meteoris, frequentibus disputationibus Discipulos exercebat, in magna semper Auditorum frequentia. Plerique autem eorum qui Leydæ in Cathedras successerunt, aut insignes in ea Schola literis claruerunt, ejus fuerunt discipuli: inter cæteros Hugo Grotius, & sane in isto Philosophico, tanquam gladiatorio Ludo rudibus battendo per quinque aut sex annos didicit arma decretoria tractare in totius Europæ Theatro eminentissimo, & sacram veritatem feliciter propugnare innumeris prope congressibus cum hostibus Pontificiis. Molinæus quidem multis artibus pollebat: Sed omnium eminentissima fuit disputandi peritia, multo usu confirmata, mirum Ingenii acumen, serenum judicium non unquam ira aut impatentia obturbatum, quæ disputationis gravissime institutas solent abruptere.

Leydæ magni Scaligeri mensa utebatur qui cum faciebat maximi. Quando Molinæus Logicam suam Leydæ edidit anno 1596. Scaliger, perlecta ejus præfatione ad Juventutem studiosam, de ea pronuntiavit, hæc *Epistola non est hujus ævi*. Fuitque Logica ista tredecies intra paucos annos prelo commissa, & in plurimis Academiis publice prælecta; utpote intimam rationalis Philosophiæ medullam, in Topicis præsertim aperiens.

Scaliger plurimos convictores præcipuè nobilitatis habebat, cum Pontificios tum Protestantem. Unde Molinæo oblata fuit occasio multos insignioris notæ amicos comparandi. Ex hoc numero fuit Castanæus Rupissolæus, scriptis suis notus, & ad Episcopatum Pictaviensem demum promotus, Gourguelius preses Burdegalcensis, & tertius, cujus nomen nostugit, illustis Abbas. Hi cum eo consuetudinem in Gallia cupide renovaverunt. Quæ libenter usus est,

summa tamen cautione adjuncta. Nam Fidei suæ insidias strui ab iis expertus est quo honoribus atque divitis oblatiis ad Reformatas partes deferendum pelliceretur.

Præter Philosophicam Professionem Græcam linguam in Collegio Theologico docuit; cujus linguæ erat apprime peritus. In libro cui titulus est *Novitas Papismi* suam in Græcis literis peritiam simul & Perronii ignorantiam fati ostendit.

Propter ejus Græcæ scribendi & loquendi peritiam, & Italicæ linguæ usum, invitatus fuit à Legato quem Henricus IV. ad Turcicum Imperatorem mittebat, ut cum Græca natione & mercatoribus qui plurimum Italica lingua utuntur, haberet commercium. Suadebat Buzenvallius ut paupertate Ministerii Evangelici valere jussa ad Seculi negotia transiret. Ejus tum ingenii tum corporis elegantiam, in convictu suavitatem, ad res gerendas industriam id plurimum suadere: cogitaret Ministerii in amplissima civitate laborem gravissimum, superbiam Cleri, proterviam Monachorum, ronos vulgi, omnia quæ veritas parit odia: ne sciens & volens tot mala capiti atque existimationi suæ accerferet. Hæc incassum, quamquam ab amicissimo viro profecta. Omnia hæc præceperat atque animo ante peregrinat Molinæus. Potior apud eum voluntas Deo semet consecrandi, & pro Deo nullos labores reculandi, omnia pericula adeundi fuit.

Magna cum jucunditate & existimatione in Batavia vixit, quam alteram suam patriam solebat appellare. Tandem ab Ecclesia Parisiensi diu efflagitatus, ab Academiæ Curatoribus missionem obtinuit. Abiens Bataviæ in signi Poemate valedixit, cui titulus est *Panegyricus Batavia*. At Batavia dimissum ita dilexit, ut post annos duodecim omni opera & studio ad Theologiæ cathedram Leyda vocaverit, mox etiam Groninga. Sed irritò conatu; citius enim oculos suos à Parisiensibus quam Molinæum suum impetrassent.

In Galliam profecturus in animo habuit trans Hispanicæ ditionis Belgium iter facere ut Antwerpiam & Bruxellas videret. Huic consilio favens Buzenvallius procuravit ei literas ad Petrum Mexiam Antuerpiæ Præfectum ab mercatore cui Mexias plurimum debebat. Hæ literæ erant illi pro comæatu, quo instructus per hostile solum tutus iter faceret. Navem igitur conscendit consuetam cum Antuerpia, negotiari. Ea anchoram juxta Ordam pro more fixit, dum milites Antwerpiani expectabantur lingulorum comæatus inspecturi. Jam accedebat scapha militaris Antuerpiana quum Navarchus vectores suos monuit ut quisque comæatum suum promeretur. Molinæus dixit se pro comæatu habere literas ad Petrum Mexiam. Illic periisti, inquit Navarchus; Nam antequam anchoram hic figeremus, ab Antuerpiana nave præternavigante audivimus milites arcis custodes tumultuantes Mexiam in vincula compegisse. Proculdubio milites qui ad nos properant ejus gratia te male mulctabunt, præsertim cum te qui sis cognoverint.

At in tam præsentī periculo præsentius fuit Molinæo Dei Opt. Max. auxilium. Statim enim accessit navis Zelandica in qua Molinæus amicum agnovit, eique periculum suum exposuit. Nihil periculi est (inquit amicus) si concessim ad nos transferis. Hic enim Germanus nobilis duos habet comæatus, libinet unum, alterum pro famulo suo quem ægrum hodie in Zelandia reliquit.

quit Tu famuli sago indutus (quod herus penes se habet) famuli commensatu frueris. Dictum factum. Molinæus in Zelandicam navem transiit, famuli sagum variegatum induit, & sub servili veste libertatem tuitus est. Hanc liberationem quandiu vixit Molinæus grato in Deum animo recoluit.

Lutetiam venit Molinæus Feb. 28. 1599. Sed antequam tanti oneris & periculi munus aggrediretur, Patrem suum in oppido Jargeo adiit, & tres menses orationi & studio assiduo dedit. Circa id tempus Catharina Regis Henrici soror eo jubente Duci Barriæ Ducis Lotharingiæ filio nupta fuit. Ea in Reformata Religione invito fratre constanter perseverabat, eique ministrabant per vices Ecclesiæ Parisiensis Pastores, in Regiis ædibus, ibique coram ea Dominicis diebus concionabantur, profecturæ Regis sorori cum viro in Lotharingiam assignaverunt Pastores Montignium seniores Pastorem Ecclesiæ, qui Principi foemine in eo itinere ministraret. Recusabat provinciam Montignius senio fractus & emeritus, rogabatque ut sibi substitueretur Molinæus juvenis, & ad itinera obunda expeditus. Hoc consilium adjuvabat Regia soror quæ Molinæo præcipue favebat.

Paruit jubenti Molinæus, cumque in itinere Princeps exciperetur in Episcoporum & Abbatum Palatiis, Molinæus in Meldensis Episcopi Palatio concionatus est; mox in Catalaunensis, & in Jovarenfi Abbatia.

Vitriaci in Campania cum Regii Hospitiorum designatores expectarentur, Vidua forma bona atque ætate integra agnatum suum primarium civitatis Magistratum adiit, rogavitque ut Regis sororis Pastorem hospitem haberet, verita nempe ne quis importunus hospes sibi assignaretur. Quippe audiverat senem Montignium ad id Officii ab Ecclesiâ Parisiensi fuisse designatum. Melius quam rogaverat obtinuit vidua, egregium juvenem Molinæum, quicum post mensem unum aut alterum felici conjugio copulata fuit.

Quandiu Regia soror vixit (nempe quinque annis post nuptias suas) quotannis è Gallia vere novo iter in Lotharingiam faciebat, & cum ea Molinæus. Cum enim quatuor Pastores ita annum inter se divitissent ut per vices singuli quarta anni parte Regiæ sorori ministrarent, fors Molinæi semper in itinerans illud Ministerium, incidebat. Quinimo extra Molinæi sortem quotidie ferme Regia soror cum secum habebat, ejusque filiolum sinu fovebat. Atque eo favore vir sanctus non ad rei domesticæ incrementum sed ad Principis seminæ in sacra Religione confirmationem utebatur. Quod sane erat summe necessarium. Urgebat enim Regem Papa ut sororem suam ad Ecclesiâ Romanam perduceret. Idque Rex sedulo adnitebatur; doctissimos & vasserrimos totius Cleri immittens Perronium & Cottonum. Isti quidem Molinæum acriter adoriebantur antequam eum bene nossent. Sed cito subsedit illa pugnacitas. Nam sacre veritatis robore & vivido Molinæi ingenio cum pari cruditione conjuncto, ab eo postea lacerando caute abstinuerunt & aliis minus cautis arduum illud tentamentum reliquerunt. Nec fere unus abibat dies quin ab hostibus impetretur, quos Deo adjuvante ita retundeat ut cum expertis consultiusimum videretur Molinæum intactum à turba remitti.

At semel quoddam utriusque religionis præces lapido incessit Perronium & Molinæum disputantes audiendi. Quod quoniam Perronio maxime displicebat, non fuit eum pudor idcirco convenire ergo à turba remitti.

Q. 2

moti. Is fuit disputationis exitus ut Perronio rogante tota res gesta utrinque silentio premeretur.

Exinde Perronius cum Iude de Molinæo loquebatur. Semel cum Perronius in prædio suo Nobiles vicinos invitasset, tum Romanæ tum Reformatæ Confessionis, & sermo de Molinæo incidisset; quidam *Præfident Chevelier* dixit eum esse alinum. Commotus Perronius, Minime (inquit) censendus est inter afinos Molinæus; nullus sese illi afino affricuit qui non ab eo calce percussus abierit. Molinæus quoque de Perronio loquens agnoscebat eum omnium Adversariorum longe subtilissimum.

Rex Henricus IV. ut Papæ & Clero Gallico de cura sua circa sororis suæ conversionem constaret, sæpenumero eam obsecravit ut Sacellarorum suorum conciones audiret. Illa tandem cogitans quantum Regis interesset ut semel saltem eos audiret, promisit se Patrem Cottonum audituram; qui idecirco iussus fuit ut coram Rege & Regis sorore concionaretur, statim post Molinæi concionem eodem in loco. Nam eodem in loco duo illi cultus oppositi singulis diebus Dominicis continuo celebrabantur, dum Regis soror vixit, nisi quum ipsa domo abisset.

Illi ut se contra oppugnationem istam muniaret post Molinæi concionem ipsum in secretum conclave deduxit, ubi delitescens posset Jesuitæ fatundia trui.

Cottoni concionis argumentum fuit de Spiritu Sancti in hominum mentibus inhabitatione. Eam ille ita exorsus est :

‘Semel me cupido incescit Nosocomium infanorum visendi. Ingressum me comiter excepit multæ gravitatis senex; Me deduxit ad omnes infantes, & singulorum diversas insanias mihi exposuit. Ille, inquit, sese exilimat totum esse nivem concretam & ad ignem timet accedere ne dissolvatur. Ille se putat in urnam fictilem transformatum; quare parietes vitat, nec quemquam patitur ad se accedere ne allisione frangatur. Quatuor isti graviore insania laborant; enimvero se putant spiritu prophetiæ affatos. Hic se putat esse Eliam, Alter ille se esse Jeremiam, Tertius Danielem, Quartus S. Paulum: Ego vero qui sum Spiritus Sanctus novi eos omnes esse infanos aut impostores, nam nunquam à me missi fuerunt. Sic Reverendus Senex postquam mihi aliorum insanorum morbos exposuisset, tandem & suum explicuit. Neque micam unam insanie in eo observavi, adeo sobrie loquebatur multa cum gravitate & fide, donec se professus est esse Spiritum Sanctum.

‘Consimilem desipientiam videre est in Reformatam (scilicet) Religionem profitentibus. Inter eos videas sapientes & religiosas Principes scæminas, [innuebat Cottonus Regis sororem] sapientes & fideles Quæstiores Fisci [innuebat Sullivanum Ducem] fortes & prudentes exercituum Duces [innuebat Bullionium Ducem] Sapientes & eruditos Senatores Regios [innuebat Plessæum Morinayum], omnes omnibus in rebus sapientes, nisi quod se putant habere Spiritum sanctum quem non habent. Concionis materia suppar præmio, supparem effectum in audientium animis edidit. Omnes hilares effecit, neminem in fide aut moribus meliorem.

Anno 1602. celebris disputatio habita fuit, juxta Regiæ Sororis ædes, inter Cayerum & Molinæum, Cayero provocante, quondam Evangelii Ministro, tunc

tunc Sorbonensi Doctore. Quæstiones agitatæ fuerunt de Missæ sacrificio, de Adoratione Papæ, & de Imaginum cultu. Cayerus duos comites Carmelitas Doctores, Molinæus sibi nullum adjunxit. Scribæ utrinque assignati, Auditorium ingens. Disputandi non interruptus ordo per dies quindecim. Quamquam post primum octiduum Sorbona Cayerum graviter objurgavit, ut Catholicam causam male defendentem & Adversario indulgentem, ut profundius quam conducebat in quæstiones descenderet. Et Episcopus Parisiensis Cayerum vetuit Acta Disputationis subscriptione sua confirmare. Hinc factum ut Cayerus exinde timide disputaret, & sæpius profiteretur se nulla auctoritate munitum ad hanc disputationem venisse. At totum Sorbonæ corpus Regium Advocatum adivit, conquerens illam disputationem plenissimam esse periculæ, & non sine seditione delicturam, nisi publica auctoritate dissolveretur. Quid magistratus auctoritate constitutum fuerit silentio premissum fuit. Sane Molinæo ad aedes confectas venienti fores occlusæ fuerant, sed mox Cayero apertæ. Molinæo tandem cum turba ingressio, literæ sine scribentis nomine ad dominum ædium exhibitæ fuerint, suadentes ut disputationi aulas suas ulterius non commodaret, & carceris periculum commodatè interninantes. Hinc spes adempta aliam donum pro disputatione nanciscendi. Cayerus rogatus Actis disputationis subscribere abnuvit, & tergum obvertens dixit, *Tu de me alius audies*: sed nihil ab eo de iteranda disputatione auditum fuit. Sed de eo post aliquot annos audita fuit infamis & nimis vera historia: cum à Diabolo necatum, & membranas inventas quibus cum Damone Terrier secus percussisset.

Hæc cum Cayero collatio in clarissimo Franciæ lumine, sub ipsa Aula limina, & cum accurato ordine per octo dies acta, merito illustris fuit. Inde enim plurimi ad Reformatam Ecclesiam adducti sunt. Ejus narrationem venerandus vir Archibaldus Adaire Episcopus Scotus, omnium ultro citroque ætorem oculatus testis, multa, cum gravitate & fide conscripsit & publicam fecit.

Exitum hujus Collationis Reformatis commodum Sorbonicis non ferentes, secundam Collationem instituerunt, camque tota Parisiæ Academia & universus Clerus promoverant, quippe quorum imprimis res agebatur. Conventum fuit ut Sorbonenses continuo triduo super quæstionibus quas ipsis deligere liberet opponerent, Molinæus responderet; Mox alio triduo Molinæus, eadem cum libertate, opponeret, Sorbonenses responderent.

Triduo igitur Molinæus respondens expertus est in eo certamine Dei Opt. Max. auxilium, quod ipsi nunquam in causa Dei defuit. Post tridui laborem exantlatum cum solus sero vespere in museo suo sederet Molinæus, Ecce quidam in sacrificuli habitu musei ostium pulsavit. Cum Molinæus ostium adaperuisset homo magno impetu ingredi adnixus est. Molinæus totis viribus nitentem repulit. Dum uterque robore contendit, ille in pestendo hic depellendo, homo accentuum strepitu territus, quos alta voce ad auxilium Molinæus vocabat, sese celerissime foras proripuit. Nempe cum ex disputationis pacto posttridie Molinæus opponentes partes agere debuisset non temere nostri existimaverant percussorem à Sorbonensibus immissum fuisse qui formidandum opponentem de medio tolleret. Sane eos noluisse ut Molinæus ex Collationis

lationis pacto opponeret, patuit proxima die. Cum enim Molinæus ad constitutum disputationis locum venisset opponens futurus, exceptus fuit Regis mandato disputationem prohibente.

Ex his adversariorum strophis detectis sacra veritas plurimum confirmata fuit, & sacre veritatis assertoris Molinæi fama percrebuit.

Subidem tempus diversi generis occasio aliam laudem Molinæo conciliavit. Cum uxor ejus gravissimo morbo laboraret, Medicos Regios quibuscum magnæ ei intercedebat necessitudo, rogavit ut eam inviserent & super ea consulta- rent. Tunc florebant in Aula maximi nominis medici, Duretus, Quercetanus, Gerhæus, Laurentius. Moris est in Gallia consultantibus Medicis ut Latine de morbo ægri verba faciant. Consultaverunt igitur de more Medici quatuor super matronæ morbo. Rogavit Molinæus ut sibi liceret ægræ marito, cui ægrota valetudo imprimis cognita erat quid de ea sentiret edisserere. Tunc ille Latina sua facilitate usus ex intima Anatomica Philosophice de indicationibus & cura morbi disseruit. Medici admirati juvenis Theologi tantam in re medica peritiam, ejus sententiæ accesserunt, & ejus laudes in Aula & passim in civitate disseminaverunt.

Huic affine est quod Jacobum Primirosum insignem Medicum memorantem audivi sibi Lutetiam ad Scholas Medicinæ misso, anno 1615. Molinæum prælegisse Aphorismos Hippocratis multa cum eruditione. Hæc temporibus longe disjuncta simul posui propter argumenti cognationem. Sed eo unde digressus sum redeo.

Postremus Regiæ sororis morbus multum & diu exercitam Molinæi pietatem & industriam tenuit. Enimvero ejus hîdei perpetuus firme confirmator, nec minis, nec vi quidem, potuit ab officio dimoveri. Moribundæ adstantem Perronius violenter depellere semel aggressus est, dicens se ab Rege missum, & ejus esse dignitatis cui loco cedere Molinæus nîbique deberet. Molinæus vim vi depellens & læsi columnamprehendens, respondit sibi primum locum ad Regiæ sororis læctum deberi: Sibi non verisimile videri Regem velle sororis suæ conscientiæ vim inferre. Denique velle se ægrotantis sententia parere; edicat Regia soror suam de ea re voluntatem: Nec desuit sibi pia Princeps, sed aperte & sine circuitione locuta est, Velle se in Reformatâ Religione mori, & Molinæum usque ad mortem sibi adesse. Adfuit igitur sedulus & assiduus, donec à Christo redemptam animam in manus Redemptoris sui reddidisset. Rex sane Papæ & Clero Romano placere cupiens, quantum sine aperta vi potuit adnixus est ut in Romana professione moreretur: Regemque sibi eo nomine infensum fuisse Molinæus opinatus est.

Præter disputationes quibus sæpissime à doctis & indoctis coram in os obtundebatur, adversariorum quintiam scriptis indefinenter laceffebatur. Unde perpetua illa scribendi necessitas, & libros edendi. Quos ob Gallicam puritatem, & amoeni styli ingeniosam facilitatem, amici juxta & inimici avide petlebant, unde aliud agentibus veritatis lux affluit, & plurimos nec opinantes in viam reduxit.

Quid memorem Cleri Romani iras, Monachorum petulantiam, Jesuitarum technas? Quicquid apud eos erat eruditionis & ingenui præpositorum auctoritate conquiebat, & sale nigro conditum in Molinæi linum effundebatur.

Ipsæ

Ipse vix ullam sibi requiem indulgebat ab confutando si quid à malis mentibus malis animis in sacram veritatem confutatione dignum prodiret. Nam atrocita in se maledicta insuper habebat; satis beatum se existimans si Dei veritas facta testis maneret.

Cum unum ex suis controversiarum libris Patri suo venerando seni tali filio digno dedicasset, Amicus quidam apposite in calce Epistolæ ascriptis hos Virgilianos versus :

*Et nos tela pater, ferrumque hand debile dextra
Spargimus, & nostro sequitur de vulnere sanguis.*

Quomodo inter tot avocamenta, tot conciones consuetas elaborare poterit, quæ totum hominem postulant, easque facundas & eruditas, nemo satis mirabitur : Idque omnem fidem superaret, nisi quis apud animum suum reputet quantum Dei Opt. max. interfit ut causam suam tuentibus addat animos, viresque suppeditet.

Cum vir ingenio & eloquentia insignis Cussetellus librum edidisset contra Serenissimi Regis Jacobi fidei Confessionem, Molinæus Regiæ Confessionis Defensionem libro singulari suscepit. Liber Regi & Clero Anglicano fuit acceptissimus; Rexque super hac occasione cœpit ad Molinæum scribere, & cum postea literis suis sapius dignatus est, mutuas ab eo literas postulans. Asservatur in Regis scriniis, quem ego me vidisse memini, Molinæi ad Regem Epistolarum Codex.

Quamquam Rex Henricus IV. insensus erat Molinæo quod in sororis suæ religione tuenda suis conatibus obstitisset, tamen cum faciebat maximi, quod sic Molinæo innouit. Cum expeditionem in Flandriam pararet, Nobilem Protestantem Chescneum cui maxime confidebat his mandatis instruxit. Cum diutius sum domo abfuturus, id magnopere mihi curæ est ut dum abfuero in regno meo quæta sint omnia. Timeo autem ab duobus inquietis hominum ordinibus ne turbas ciant, Jesuitis & Ministris junioribus. Idoneos homines mihi delegi qui cum Jesuitis agant. Te qui cum Ministris agas deligo. Tu quum abiero Molinæum venito. Dico meminiisse me quacum cura & fide forori meæ in vivis agenti ministraverit. Rogare me ut pro incolunitate mea & expeditionis meæ felici successu precetur. Me absente ad quietem se componat, neminem provocet, nemini provocanti respondeat. Interim à me hanc crumenam accipiat.

Rege post paucos dies interempto, Chescneus Molinæum venit, eique hæc Regis tulit mandata, crumenam quoque obtulit. Quid pecuniæ crumena continerit non rogavit Molinæus, nec eam accipere voluit; Nimia forsan religione.

Post nefariam magni Regis cædem Molinæus librum edidit cui titulus est *Antistion*, in quo probat Cottonum & totum adeo Jesuitarum ordinem Regiæ cædis reos teneri. Libro nomen suum non apposuit Molinæus. Eum tamen libri Authorem fuisse nemo dubitavit. In eo Anagramma Cottoni

PIERRE

PIERRE COTTON

PERCE TON ROY.

adversarios provocavit ut sic in Molinzi nomine luderent

P E T R U S D U M O U L I N

E R I T M U N D O L U P U S.

Cum hoc Epigrammate.

Petri hostis Petrus Christi insidiatur ovili,
 Quo deglubere, quo dilaniare qucat,
 More lupi, & vere lupo est cui nomen & omen
 Et mores insunt ingeniumque lupi.

Quem lusum hoc lusu ultus est Molinæus
 Quisquis es insulso qui fundis acumine versus,
 Hellepontiaci victima digna Deo.
 Quam frustra vacuum scalpsisti sinciput? O quos
 Rifus hybrida vox scimitarina movet.
 Dum tua mens varie turbata elementa pererrat,
 Et spargis virus nomen in innocuum.
 Quin & in hoc casu quædam est industria, dum tu
 In laudem imprudens nomina nostra trahis.
 Namque *lupo* cohibemus equos; agitator equorum
 Improbioris equi comprimit ora *lupo*.
 Qui in gyrum cogit, faciliq; peritus habena
 Compositos gressus agglomerare docet.
 Ergo *lupus* mundo est qui trænans ora lupato
 Dura, per errorum devia monstrat iter.
 Nec mirum si nos Papalis verna culinæ
 Si cinislo Satana; dixerit esse lupos.
 Cum Christum Satanam Phariseus dicat apella
 Nemo bonus secum mitius optet agi.
 Ergo Dei servum vanis latratibus urgens
 Meque *lupum* appellans desinat esse *canis*.

Cum Serenissimi Jacobi Regis amor erga Molinæum indies augetetur, cum videre bonus Rex voluit; & anno 1615. ut ad se veniret serio iuvitavit. Intercessit Parisiensis Ecclesia, nec ante permisit Pastorem suum in Angliam proficisci, quam coram universo Ecclesiæ conventu sancte promississet se post tres menses rediturum. Transfretavit igitur cum inclyto Theodoro Mayernio Regi Jacobi Medico, & fratrem suum Johannem Molinæum comitem assumpsit.

Duobus

Duobus mensibus ante Molinæi protectionem acta fuerant Blæfis totius Franciæ Comitibus. In quibus Perronius Cardinalis orationem habuerat qua Papæ potestatem attribuerat Reges regnis suis exuendi. Eamque orationem ad Regem Jacobum miserat. Commodum advenerat ad Regem Molinæus qui Regis ad illam Orationem animadversiones Gallice verteret. Titulus Regii libri fuit *Vindiciæ Juris Regum*; fuitque Gallice primum editus Londini, an. 1615. mox Anglice.

Accerlitum ergo Molinæum, & opportune advenientem, Rex summa cum benevolentia excepit: Prandens solebat cum Molinæo sermones habere: Præfusus eum adstantium Magnatum alicui commendare, quicum pranderet. Quandoque etiam cum Molinæo & Mayernio remotis arbitris animum curis gravem colloquio suavi relaxabat: Nec sane potuisset in orbe terrarum duos amoenioris ingenii viros quibuscum familiarius versaretur sibi deligere.

Ad Comitibus Cantabrigienfibus Rex proficiscens Molinæum eo deduxit. Qui ab Academia oblatum Doctoratus gradum gratissimo animo accepit. Inde cum Rege reverfurus Rex voluit Gallice concionantem audire. Paruit Molinæus, & in Sacello Palatii Grenovicensis coram Rege concionatus est; Textus fuit R. m. 1. 16. *Non me pudet Evangelii Christi*.

Post trimestrem in Angliam moram, ab optimo Rege dimitti obsecravit, & ad gregem suum remitti cui reditum suum pollicitus erat: Rex summa opera adnixus est cum perpetuo secum habere.

Nec defuerunt honorum & opum pollicitationes, quibus cum obfirmatum animum & promissi tenacem non posset expugnare, subiratus dimisit, cum indignum Regis amicitia pronuntians. Abeuntem tamen muneratus est Præbendam Cantuariensis, fratrem ejus torque aureo. Post aliquot annos Præbendæ addidit Rectoriam sine Cura. Proventus utriusque ducentæ libræ.

Relicta Angliam Molinæus Bononiam appulit. Appulso Campaniolus Bononæ Præfectus milites duos custodes assignavit, dum ipse ejus scrinia scrutabatur. Enimvero id quod jussus erat facere faciebat. Cum enim Condæus Princeps Protestantium Gallorum tunc temporis gratiam ambiret ut ab iis adjutus Mariæ Regis Matri arma inferret, suspicabantur Regii Molinæum in Angliam à Protestantibus missum fuisse, ut auxiliares copias à Rege Jacobo impetraret. Postquam vero Præfectus in Molinæi schedis nullum ejus rei indicium invenit, liberum eum cum suis impedimentis dimisit, rogatum ut nemini de hac injuria conquereretur. Quam indignus fuerit ea suspitione Molinæus, mox patebit.

Domum reversus Molinæus multo cum dolore vidit Protestantem partes Condæi adversus Regis Matrem amplecti; quod quidem erat adversus Regem ipsum bellum movere quippe quem Parlamentum sui esse juris & tutela egressum pridem agnoverat. Illos igitur tum concionibus tum Epistolis à tam illicito studio dimovere conabatur; Deo non tempori serviens. Ipsique debebant Regiæ partes, quod ne unum quidem Protestantium oppidum cis Ligerim sese Principum partibus adjunxerit.

Hujus bonæ operæ ut bonam gratiam referret Regina misit eundem Chefneum, (quem ante Rex Henricus, ad Molinæum miserat) qui cum gratiis actis, & pecunia data rogaret ut se Regi fidelem & benevolum prætare pergeret.

R r r r .

Manus

Munus recusavit Molinæus dicens se non eum esse qui pecunia emendus sit ut Regi suo fidem fervet. Infinitis Mheineus non posse eum sine contemptus nota Regiam liberalitatem recusare. Si mihi vis (inquit noster) pecuniam istam coram Consistorio nostro dare, accipiam. Negavit Mheineus id sibi in mandatis datum esse.

Fuit sane publica illa Conventus nostri Politici cum Conædo contra Regem conjunctio, maxima coram Deo & hominibus Protestantium labes. Illa erat quæ sequentibus annis eorum partes & infelices Ecclesias pessumdedit. Idque fore Molinæus prædixerat quamprimum Rex adoleverit.

Longum fuerit innumeratas disputationes quibus Molinæus vexatus fuit numerare. Hæc ulcitata fuit Jesuitarum stropba, ut postquam nobilem aliquem virum, in Reformata Religione educatum ignarum sed indoctum, & opibus inhiantem pollicitationibus corruperant, cum eo paciscerentur ne Reformatorum partes aperte deferret, nisi post disputationem ipsius rogatu habitam ut inde major ipsis & Catholicæ Religioni gloria accederet.

Sed sapissime hæc decipula decipientes fecellit. Nam vel ille quem corruperant ex rationum Conflictatione veritatem edoctus resipuit, aut etiam ex iis suarum partium hominibus quos victoriæ testes futuros adduxerant aliquos cum ignominia amiserunt.

Hujus rei exemplum illustre præbuit Liemburnus à Gontiero Jesuita corruptus, iussus ab eo disputationem postulare ut conscientie suæ dubitanti satisficeret. Pollulavit ; & ut voti compos fieret hospitium in Molinæi vicinia conduxit, seque consuevit in ejus consuetudinem insinuavit ut eum ad cubiculum suum perduceret, ubi multos ad disputationem audiendam convocaverat. Ibi mulier à Gontiero prius edocta Molinæum rogavit ut vocationis suæ rationem ederet ; Vix sermonem ea de re occeperant quum Gontierus vehiculo advectus libris onusto ingressus est, dicens. Qua de re hic agitur ? Obsecra-veram Molinæum (inquit mulier) ut me de Vocatione sua certam faceret. Ego quoque (inquit Jesuita) idem ab eo postulo. Ego vero (inquit Molinæus) aio hominem tui ordinis qui quæstionem de alicujus vocatione movet, certum esse debere de sua. Cum ergo sacerdotis in Ecclesia Romana vocatio sit ad corpus Christi conficiendum, rogo te ut mihi commonstres in quo Scripturæ loco Deus jubeat corpus illi sui sacrificari. Id vero perscibile est, inquit Jesuita, jussuque Biblia & Concordantiam afferri. Allati sunt libri quos Jesuita diu volvit & revolvit. Tandem id invenire impos quod nullibi erat, secessit silens & anxius in angulum cubiculi. Liemburnus ira percitus Gontiero dixit, Tunc is es Pater qui Ministros omnes te tuo haliu distaturum aiebas ? At ecce tute coram Ministro uno stas mutus. Hæc Jesuitæ tergiversatio Liemburnum ad veram Religionem retraxit.

In alio congressu cum Jesuita minime muto, postquam de religionis negotio diu actum fuit, Monginotus Pontificius, medicus celebris, veritatis lumine & rationem pondere eo adductus fuit ut veritati non modo manus daret, sed & eam insigni libro propugnaret.

Ægrotabat ultimum Nobilissima femina Fervacii Franciæ Marefcalli vidua ditissima Principi Joinville Pontificio desponsata. Ille morituræ adfuit cum Salleo, Genève nomine tenus Episcopo, & plurimis præcipue Nobilitatis vi-

ris

viris & feminis. Omnium una opera erat ut moribunda Romanam fidem amplecteretur. Aderat ægrota Molinæus quem dignitate sua protelare, & ab ejus lecto summovere frustra tentavit Episcopus.

Hanc litem diremit Vir gravis & ingenuus Boissisius, qui morituram utrique comem, & nimis ambiguum, sic compellavit, Non est nunc tempus dissimulandi Domina, aperte loquere, elige utrum mavelis in novissimo hoc agone tibi adesse, Episcopum an Molinæum? Molinæum, inquit illa. Abscessit ergo Episcopus & cum eo omnes melioris notæ. Pauci maleferiati manserunt, Molinæum interturbaturi; quibus invitis Molinæus ægrota præcando, consolando, hortando, confirmavit.

Post horæ dimidiæ moram, Tres Optimates qui prius egressi fuerant, regressi Molinæum sic affati sunt: Infra præstolantur Illustrissimæ Principum uxores & viduæ percipientes audire te cum Episcopo super Religione conferentem. Ad eam rem (inquit Molinæus) in me mora non erit ulla. Vereor tamen, Domini mei, ne ista arte ab ægrota divellar & postea ad eam redire prohibear. At illi, Nos vtro tibi liberum fore ad eam post disputationem reditum sancte pollicemur. Secutus eos Molinæus illustres feminas rogavit super quo Religionis capite vellent disputari. Super verbis Christi *Hoc est corpus meum*, inquit Longavillæ Princeps.

Molinæus dixit genuinum sensum harum vocum dari à S. Paulo 1 Cor. 10. 16. *Panis quem frangimus est Participatio corporis Domini.*

At (inquit Episcopus) idem Apostolus affirmat verum corpus Christi in illa participatione edi, & allegavit 1 Cor. 11. 24. Christus discipulis suis dixit *Accipite & manducate, hoc est corpus meum.*

Miror (inquit Molinæus) te textum istum allegare quem Ecclesia tua turpiter corruptis Nam cum Paulus narret Christum dixisse *Accipite, manducate, hoc est corpus meum quod pro vobis frangitur*; Romana Ecclesia vertit *quod pro vobis traditur*. Nempe ne intelligant legentes Christum ibi loqui de eo corpore quod potest in Sacramento frangi, quod non potest de vero Christi corpore dici.

Hic Episcopus Molinæum calumniæ accerlivit, asserens in vulgata Romanæ Ecclesiæ versione legi *quod pro vobis frangitur*. Conquisita igitur & prolata fuerunt vulgatæ versionis Romana Biblia, & ex inspectione paruit Molinæum verum dixisse, Episcopum hallucinatum fuisse. Hinc silentium Episcopo impositum, & disputationi finis.

Longavillæ Princeps Molinæum sevocavit & multa (inquit) Molinæ bona de te ante fama acceperam. Nunc postquam te ipsum vidi & audiui, mirum in modum cupio te Catholicum verum videre. Molinæus se id quoque cupere professus est, & secundum ejus sensum, si aliquod ex Scriptura mandatum sibi exhiberetur ut sacerdos corpus Christi sacrificet. Statinque illustri cœtui valedicens ad ægrota regressus est quæ paulo post Spiritum Deo reddidit.

Paucos ex innumeris ejus cum hostibus sacræ veritatis congressus, vel ipse vel familiares ejus descripserunt. Omnes simul magna volumina conficerent. Vix enim dum Lutetiæ vixit una hebdomas sine disputatione abiit. Quædam disputationes longissimæ fuerunt. Nos tantum brevissimas delegimus. Molinæus erat Romanensibus publice exosus: Maledictis in eum personabant Cathedralæ, Schola, Fora, Compita, catuli qui huic clonem comminus adoriri

non audebant eminus allatrabant. Nemo magis expertus est quantum *Veritas odium parit*. Cum cum disputando superare inimici non possent duas alias vias tentaverunt.

Una ut cum divitiis & honoribus ad Papicolarum partes pellicerent. Curia Romana & Aula Gallica huic operæ non defuerunt. Unum ab civibus Parisiensibus tentamentum notabo. Eum vir plebeius hujusmodi verbis aggressus est. Mihi nomen est N. N. quod nomen ignorare non potes esse inter cives Parisienses præcipuum. Te nosse volui, Molinæ, quam me tui misereat; *Tene* sublimis ingenii & eruditionis virum in Hugonotorum luto hætere! Inter quos post multos labores pro iis exantlatos non potes expectare paria virtutis præmia. At tu si Catholicam causam amplecteris; (Quid alii pro te prestituri sint prætereo) ego tibi & familiæ tuæ prospiciam. Ego inquam qui te alloquor octo millium librarum proventum annum tibi & liberis tuis perpetuum præstabo. Molinæus paucis contemptim respondit; Tu me homo vili æstimas. Si in me ista quam suades perdidisti cadere posse plus vices quam offers alia defectione mihi compararem. Cum hæc non succederet, Romanenses alia cum aggressi sunt via; Eum de medio tollere sæpius tentaverunt. Quod tentaverint quando in publica disputatione opposens expectabatur ante dixi. Alio etiam tempore duo homines longis & nigris vestibus amicti post cenam domum ejus ingressi sunt. Altero ad ostium stante, ut egressus ingresso pateret; Alter in coenaculum ingressus ad Molinæum recta perrexit, quiddam veste occultans. Molinæus malam ejus mentem gestu & oris asperitate conjiciens, celerius accedenti cathedram opposuit. Dum homo circum cathedram & mensam viam sibi facit Molinæum persequens, in coenaculum intravit Molinæi famulus juvenis robustus & strenuus qui percussorem extrusit foras.

Alius prandente Molinæo ad eum accessit brachia pallio obvolvens. Famulus pugionis vaginam quæ homini exciderat collegit & ei tradidit, & Abi, dixit, si quid moliebaris, hodie perdidisti operam.

Alius item cum eadem mente sero vespere in Molinæi coenaculum irrupit. Rogatus quid ei negotii esset, cum palleret, sileret, tremere; Molinæi uxor, Abi hinc, dixit, in malam rem, cum mala tua mente. Abiit homo & verbum unum non reposuit.

Melius animatus alius quidam intempesta nocte Molinæi fores multo cum impetu pulsavit. Rogatus de fenestra quid vellet, Volo inquit Molinæum alloqui. Audiens Molinæum & totam familiam dormire & rogatus mane redire. Volo inquit dormientem excitare, & jamjam alloqui & acrius fores pulsavit, jussit Molinæus homini fores aperiri, cumque ad lectum suum adducti. Adductus, Ego ad te, inquit, Vir Clarissime, tempestive licet intempesta nocte accedo, ut te adversus inimicorum tuorum insidias præmuniam. Hac nocte in Menterensi cymba Lutetiam decessus sum. In cymba comitem habui monoculum nebulonem notum plus satis; nam ille mihi, quem oculis suis nunquam viderat, suum horribile dictu consilium revelavit, te nempe de mediocritate pyxibus prunorum venenatorum quas ad te eras deferet quasi ab amico tibi noto ad te missus. Tu monitus à prunis abstine. Vive & Vale. Postidie pyxides attulit monoculus latro, quas Molinæus nec accipere voluit, nec asserentem videre.

A sæpe plebis sclopis & vestibus armatæ Molinæi domus bis obfessa fuit, & fores tantum non effractæ.

His periculis permoti amici Molinæo ut sibi & domui suæ custodes validos apponeret authores fuerunt, nec foras incomitatus prodiret. Paruit consilio, & duos *custodes* viribus integros & militiæ peritos domi & foris habuit. Quod tamen tam diu sospes inter atrocissimas belluas vitam traxit, *factum est à Domino, & est mirabile in oculis nostris.*

Anno 1617. cum Fœderatarum Belgii provinciarum Ordines Ecclesias Reformatas Angliæ, Franciæ & Germaniæ obsecrassent, ut suorum Theologorum aliquos ad Synodum Dordracenam mitterent, Galliæ Ecclesiæ quatuor ad Synodum mittendos designaverunt; Molinæum, Rivetum, Chamicum, & Calvum. At hi ne eo irent à Rege prohibiti sunt necem euntibus interminante. Quam quidem prohibitionem Molinæus ægerime tulit: At ejus benevolentia permoti Ordines idem ei præmium tribuerunt quod iis qui in Synodo fœderant.

Anno 1618. Ordines Molinæum iterum ut Professionem Theologicam Leydæ suscipere ambaerunt. Ut cum à Gallicis Ecclesiis impetrarent bis Clarissimum virum erpenium ad eas miserunt. Et cum Molinæum obtinere non possent, Rivetum petierunt, & obtinuerunt.

At tempus appetebat quum Parisiensis Ecclesia quantumcunque invita dilecto suo Molinæo erat caritura; Eratque ingruens Ecclesiarum clades in caput ejus primum ruptura. Anno 1620. cum Nationalis Galliæ Synodus Alelii apud Tectofages indicta fuisset, Molinæus ad eam ab Ecclesia sua delegatus fuit. Eo igitur ire constituit, & inde rediens Rupellam videre.

Antequam ad Synodum iter institueret, rogaverat eum D. Herbertus Baro Cherburienfis Regis Britanniæ in Aula Gallica Legatus, ut Regem suum literis ad Generi sui Bohemiæ Regis defensionem suscipiendam hortaretur.

Molinæus illud negotium ut homini suæ sortis minime congruens & quidem frustra futurum detrectavit. Legatus vero contra, ejus literas semper fuisse Regi acceptissimas & plurimum apud eum valituras instabat. Adductus Legati autoritate Molinæus literas postulas scripsit, & Legati Tabellario tradidit.

Literæ autem quas ad Regem Jacobum scripserat ad Regis Galliæ consilium quod vocat privatum delatæ fuerunt. Quomodo, aut à quo, aut an ad Regem Jacobum unquam pervenerint Molinæo nunquam compertum fuit. Quocunque modo id factum fuerit, vix Molinæus Alelium pervenerat, quum in Regio Franciæ Senatu statutum fuit, ut Molinæus comprehenderetur & in carcerem conjiceretur, quod Regem extraneum sollicitasset ad arma pro Reformatis Ecclesiis sumenda. Quia vero post solutam Synodum Molinæum Rupellam iturum esse Senatus Regius audiverat, noluerunt eum comprehendere priusquam Rupella exivisset, ut ejus Rupellam profectio cum magis reum faceret. Rupellæ enim conventus Protestantium Politicus quem Rex Edicto dissolverat, contra voluntatem Regis etiamnum sedebat. Post solutam Alelianam Synodum, Molinæus quanquam periculi sui inscius, facie tamen rerum perspecta, consilium Rupellam eundi mutavit, & Lugdunum profectus est, Lugduni à Drelincurtio Ecclesiæ Parisiensis Pastore literas accepit: Quibus periculi

periculi sui certior factus à via Regia deflexit, Lutetiam tamen noctu venit, statimque ad Legatum Herbertum se contulit. Ille cum vitæ suæ fuga, quamprimum consulere jussit, ex ejus literarum ad Regem Jacobum interceptione periclitanti.

Paruit Molinæ & eadem nocte cum fratre Joanne Molinæo Luminium profectus est Comitibus Suzes palatium, à civitate decem milliariibus distans: Ibi postridie convenerunt cum Ecclesiæ Parisiensis Seniores, adhortantes ut ab eorum ditione abscederet qui vitæ ejus insidiabantur. Igitur nocte proxima Sedanum versus iter fecit, oppidum quod Ducem Bullonium Protestantem supremum Principem agnoscebat. Quo Dei Opt. Max. ope incolumis pervenit, & à Duce domo & mensa benigne exceptus est.

Postquam Molinæum ab Ecclesiæ Parisiensi divulsam & ad eam non unquam reditum vidimus, libet hic aliquantisper morari, & in ejus per annos 21 transactam Lutetiæ vitam oculos obvertere. Vitam quam omnibus gloriæ lumbus quæ ejus sortis & officii virum ornare poterant Deus Opt. Max. illustravit. (In maximo Galliæ & totius Europæ theatro præcipuum illum honorem adeptus est quod Deum præcipue honoravit; per sacræ veritatis ejus ore & calamo victorias, bonorum amore, & adversariorum odio quotidie magis magisque in eum exultantibus.) Quot hostes debellavi! (Quot fratres vacillantes confirmavi! Quot errantes Christo lucrî fecit! Quot ejus facundia & ingenio delinicti ad sacræ doctrinæ medullam penitus imbibendam adducti fuerunt! His adde insignem ejus erga Regem suum fidem, qua immorigeros in obsequio continuit, Regisque & Regina, si non amorem, sane gratias & demeruit & obtinuit. Quid memorem à Curia Romana & Clero Gallicano invitationes cum maximis præmiis ad partes suas pellicentibus, quicquid habebat Nobilitatis Reformata Galliæ, quicquid eximium ex Protestante Germania, Britannia, Polonia, Dania & Suecia Lutetiæ peregrinabatur, ad Molinæum confluebat. Raro pomeridianis horis carebant Molinæi fores nobilium vehiculis. Ab magni nominis mercatoribus peregrinis, & ab remotissimis Reformatæ religionis Principibus literas & munera accepit. Inter quos eminebat Cellissimus Princeps Radzeullus. Vivebatque in re utuncque laute, quandiu Lutetiæ manere permissum est. Inde digressum, per ejus absentiam, multa cum in re familiari incommoda exciperent.

Sedani Professionem Theologicam & sacrum Ecclesiæ Ministerium exercuit.

Sedani prima ejus cura fuit literas ad Conventum Politicum Rupellæ sedentem scribere, quarum hic exemplum apposui, quæ quantum abhorruit ab eorum sententia qui Religionem contra legitimum Principem armata manu tuendam existimant, fati ostendunt.

Non ideo (Domini) vos scribo ut dolorem meum in sinum vestrum effundam; & querelis meis aures vestras obtundam. In quibus Consolatore non requiro, mihi non parvo honori ducens quod tempestatis in Ecclesiâ ingruentis primi ictus in meum caput detonerint. Neque beatum existimaverim si tota in me solum procella rueret & Dei Ecclesiâ quieta & incolumis staret. Sed me acrior cura urit, & ad vos coegit scribere, quantumvis abhorrentem à publicis negotiis & iis quæ ad sacrum munus meum minus pertinent. Cum enim Ecclesiâ periclitantem & in præcipiis stantem aspiciam filere non potui,

potui, imo nec debui, ne sciens ac volens in re omnium gravissima negligentia, imo & in Ecclesiam impietatis crimen incurram. Speo quoque dum meum sensum circa publica negotia vobis expono, fore ut domestica meæ ærumna me omni suspitione liberabit & hoc saltem periclit, ut si sententiam meam minus probetis, benevolentiam tamen agnoscatis. Non me quidem decet virorum conventui ex toto regno delectorum quibus in tam difficili tempore publici negotii onus incumbat, consilium dare. Est tamen vobis utile quis sit nostrarum Ecclesiarum sensus ab iis qui cum intime norunt edoceri.

Cum queratur utrum conventus vester dissolvi rege iubente debeat, an eo nolente simul manere, Ego mei officii esse duxi ut per me cognoscatis omnes nostras Ecclesias id unice in votis habere ut Regi obsequentes pace qua nunc fruuntur semper frui possint. Cumque videant Regi constitutum esse sui in nos Imperii Majestatem armis asserere, vos pro sapientia vestra procellam tantam capicibus nostris imminentem declinatuuros confidunt, & necessitati potius celsuros quam nos bello implicituuros, quod certo certius maximam Ecclesiarum nostrarum partem pessumdabit, nosque in eas turbas præcipites dabit quarum initium quidem omnes jam perentissimus, sed finem nemo potest videre. Regi obsequentes, ab iis qui ei authores sunt ut nos opprimat omnem prætextum auferetis. At si nos extrema perpeti oportet, omnes qui Deum timeant non alia de causa quam Evangelii professione perpeti volunt & ut persecutio nostra sit genuina crux Christi. Optima certe & potissima nostrarum Ecclesiarum pars vestri discessionem ex animo optat. Imo partium Pontificiarum plurimi pacis publicæ studiosi nos sollicitant, orant, obsecrant, ne dum nosmetipsos perditum imus, illos etiam eadem ruina involvamus.

Non opus est, Domini, ut vobis ob oculos ponam incertam illam & longævum gregum nostrorum omnium faciem, in vos oculos conspiciantiam vos inquam in quorum manu est necessitati cedendo ingruentem tempestatem prævertere. Plurimi jam solum verterunt, Plures religionem suam abiecerunt. Hinc æstimate quanta dissipatio futura sit si animum Regis adversus nos exacerbare perrexeritis.

Vos non eos esse autumo quos hostari necesse sit ut miserarum Ecclesiarum cura tangamini, nec dubito quin vobis moti sit opprobrius quam hoc opprobrium nominis & memorie vestræ inuisse, per vos persecutionem Ecclesie fuisse accersitam, per vos patriam vestram turbis dilaceratam, & id quod patrum nostrorum zelus plantaverat eradicatum.

Non me fugit multas rationes prætexi quibus ad vestram scissionem continuandam adducamini. Aiunt Regem eam concessisse; Sed istius concationis nullum exhibere potestis exemplar, sine quo promissa sunt voces in ærem evanescentes. Reges enim potestatem se habere credunt id quod: permiserunt deo prohibendi, & id quod concesserunt revocandi, quoties id sibi conducere & publicam utilitatem id postulare existimaverint. Neque quisquam est vestrum qui cum famulum suum miserit, aut aliquo ire jusserit, non putet sui esse arbitrii eum revocare. Summi Principes præsertim promissis suis tenetari non amant quando ab ipsis extorta fuerint.

Plurimæ quoque Libertatis vestræ Oppressiones & Regiorum edictorum violationes in aures vestras quotidie ingeruntur, quæ nimium vera esse tunc vobiscum.

vobiscum conquerimur. Præterea quod istis injuriis ipsi nos causam sepe præbuiamus. At hoc tempore non ea res agitur, non est in eo sita difficultas, ut gravaminum fontes ostendantur, sed ut eorum adhibeantur remedia. Expedit igitur an vestri conventus sessio possit istis malis medelam afferre; An considerando possitis Ecclesiis perfugium præbere, tam impari conditione exequitus conferbere, ærarium ad stipendia copiarum instruere, & omnia ad bellum necessaria comparare. Æstimate num id boni quod sedentes conficere speratis, tot Ecclesiarum furori hostili expositarum, devastationem compensare queat. Cogitate an everfas possitis erigere? An in manifesta dissensione qua partes nostræ laborant possitis dispersas, distractas male coherentis corporis partes coagmentare; quæ vel maxime unitæ immensum quantum infirmiores forent quam ut possent sese bello & armis tueri.

Liceat mihi dicere omnes nostræ Religionis homines non futuros vestris decretis audientes; & vos in belli incendio fore imbelles spectatores stragium quas ipsi concitaveritis.

Nec vos nescire potestis nostrorum Optimatum plures, & il in quibus vires nostræ sitæ sunt palam vestras agendi rationes condemnare, dicere eos pro Dei causa non pati qui pro hac causa patiuntur. His non resistentibus, sed oppidorum suorum portas Regi aperientibus, & arma sua cum Regiis armis conjungentibus quantum inde vestræ partes debilitabuntur? Quam multi vos præcipui viri deserent? Alii ex infidelitate, plures ex timore & debilitate. Quin in vestro conventu præservidi homines qui ut gratiam aucupentur violentiam maxime probent, ii sunt sæpenumero qui fratres suos prodituri sunt. Miseras Ecclesias in summa discrimina adducunt, ut eas mox in periculo deferant; instar hominum facinorosorum qui ex ædibus profugiant postquam eas ipsi incenderint & compilarint.

Si res eo deveniret ut prælium committatur aut oppida obsideantur, qualiscunque prælii aut obsidionis exitus fuerit, vulgus insensum plerisque in locis contineri non poterit quin Ecclesias nostras, nullis propugnaculis munitas credibus & direptionibus impleant. Neque id Magistratus quantumvis cupientes, prohibere poterunt.

Possim vobis ob oculos ponere Reformatarum Ecclesiarum conditionem tum intra tum extra hoc regnum, unde luce meridiana clarius pateret vestram istam molitionem prorsus esse intempestivam, & vos adverso vento & æstu navigationem instituire. Circumspecte quo in statu vicinorum nostrorum res sitæ sint, & unde possitis auxilium sperare. Notate an apud nos virtus, concordia, & Ducum nostrorum præstantia creverint aut diminutæ sint. Profecto hoc non est tempus quo ex piscinæ hujus commotione medicina nostris morbis possit sperari.

Si quidquam in hac debilitate vires nobis posset addere, à Zelo Religionis expectandum foret, qui Patrum nostrorum tempore nos sustinuit, quando minus etiam virium, plus virtutis habebamus. Sed zelum istum in hac causa fringere comperistis. Nam nostrorum plurimi opinantur hoc quodcunque est mali, salva conscientia vitari potuisse. Proculdubio nos discordia laborabimus quoties de civilibus causis lis erit & non unice de causa Evangelii.

Contra obijctis inimicos nostros exitium nostrum meditari; Eos euneculis
sensim

ſenſim rem gerere. Melius eſſe initiis reſiſtere quam expectare dum res minus ſit integra. Sane amens fuerit qui de eorum odio dubitaverit. Tamen dum damna noſtra recognoſco circa Lectoram Privatum & Benearmenſes, invenio noſmet magna ex parte malum nobis accerſiſſe. Nec mirum eſt inimicos noſtros eo operam ſuam non adhibuiſſe ut erroribus noſtris mederentur; quodque eos & qui ſemet perdebant ut funditus perirent adjuverunt. At non ideo oportet nos id quod nobis reſtat ſponte perdere; domum noſtram incendere quia inimici tam incendere ſtatuērunt, & ad damna privata reſarcienda iis remediis uti quæ non ſolum nequicquam iis proſutura ſunt, ſed etiam Reipublicæ certiffimum exitium allatura. Deus qui toties conſilia ad noſtram perniciem inſtituta divertit, nec poteſtatem ſuam perdidit nec mutavit voluntatem. Deum ſemper eundem experiemur, ejus opem, expectare velimus, non præ impatientia præcipites acti, ut noſmet ipſos perdamus, aut animum circa impoſſibilia obſtememus.

Id vos certiffimum tenete. Quanquam inimici noſtri nobis exitium ſmeditantur, id nunquam Religionis cauſa inferre palam proſitebuntur. Aliam cauſam aliquam magis ſpecioſam habebunt aut invenient aut commiſcentur; quam ne nos ipſis præbecamus ſumma opera nobis eſt cavendum. Si in obſequio quod ſubditi ſupremo magiſtratui debent noſmet ſedulo contineamus, fiet ut dum nos inimici ſub obtentu perduellionis inimici fruſtra perdere ſperant, Deus ipſis alia exhibebit negotia, nobiſque occaſionem miniſtrabit noſmet utiles regno ſubditos approbandi, Regique in memoriâ revocabit inſignia noſtra erga Henricum glorioſæ memoriæ parentem ſuum officia. Sin autem tam grave eſt noſtrum infortunium, ut dum quieti & morigeri ſumus, calumniis adverſariorum opprimamur, teſtes Deum & homines innocentie noſtræ & erga patriæ noſtræ pacem ſtudii habebimus.

Neque hæc conſilia obſtiterint quin veſtræ ſingulorum ſaluti proſpiciatis. Cum enim Rex in Regio ſuo Senatu ſæpe dixerit ſi vos conventum veſtrum ſolveritis Eccleſias veſtras pace & edictorum ſuorum beneficio fruituras, non æquum eſt ut veſtro periculo alii hoc beneficio ſuantur. Nec dubitandum eſt quin Rex ſubmiſſe rogatus ut vobis abſque periculo veſtro diſcedere liceat Incolunitati veſtræ edicto proſpiciat, modo ea quæ fieri poſſunt quæque præſens rerum neceſſitas fert, poſtuletis.

Antequam diſceſſeritis operæ pretium fuerit cogitare quid conſilii capientium ſit ſi diſſeſſione veſtra non obſtante ſimus perſecutionem paſſuri. Quod quidem conſilium veſtræ prudentiæ relinquo: Nec meum eſt id vobis ſuggerere.

Si iſta vobis exponens modetiæ limites tranſgreſſus ſum, id vos pro veſtra æquitate, meo pro Eccleſia Zelo tribuetis. At ſi hoc conſilium quaſi veſtra conſideratione indignum repudiabitur, hoc ego ſolatio fruar, me id quod conſcientia mea à me exigebat præſtituiſſe; Et alicubi in exteris regionibus paucis qui huic ætati etiamnum ſuperſunt vitam degam Eccleſiæ deſolationem lugens & Templi ruinis illachrymans, ad cujus ædificationem majore cum zelo & fide quam ſucceſſu laboravi. Deus iram ſuam à nobis avertat, veſtra conſilia dirigat, & vos ſingulos tueatur. Valete.

Hiſ literis in Conventu perlectis ingens ſuper eis orta eſt contentio. Tandem

ſſſſ

dem

dem *violenta* parte superante decretum fuit ut Millerius ad Molinærum Conventus nomine scriberet, diceret sententiam ejus minime probatam fuisse, rogaret ut nemini Epistolam istam impertiret.

Tantopere tamen aliquibus Conventus membris placuit hæc sententia, ut statim surrexerint & Conventu valere jussu nunquam redituri discesserint.

Verisimile aliquibus visum fuit hanc Molinæ Epistolam ad Rupellensem Conventum pacem & obsequium erga Regem suadentem præcipui futuram apud Regium Senatum momenti ut eum à crimine confecto abolverent. At contra existimavit Molinæus, inde Regium Senatum magis adversus eum obfirmatum iri. Nam in Rupellensi Conventu violenti homines per istam ferociam suam commodis Aulæ serviebant; erantque Aulæ stipendiarii, ut fratres suos in permiciem præcipientes darent, procurarentque Regi operam occasionem privilegia quæ ipsis à Regis Patre concessa fuerant adimendi. Horum primipilus fuit Millerius, qui postmodum Reformatorum partes deseruit, & Religionem, (si unquam habebat) ejuravit, & versatili suo & improbo ingenio multis Ecclesiis molestias faciebat.

Neque vero potiore de causa Jesuitæ Molinæi expulsionem obtinuerunt, quam quod obsequium erga Regem in concionibus suis commendando, longa Jesuitarum machinamenta demoliebatur. Gallicis Ecclesiis violentæ consilia quibus perderentur, per subornatos & pecunia corruptos Zelotas insinuantium. Quorum Zelotarum nonnulli præfecturas oppidorum adepti ea mox vendebant, & defectione sua illis tandem aperte quibus prius clanculum serviebant.

Sedani oblatam sibi S. Theologiæ Cathedram & Ecclesiæ Ministerium Molinæus suscepit, ibi mansurus donec sibi ad Parisiensem Ecclesiam reditus aperiretur. At reditus ille nunquam ei datus est. Quanquam enim post multos demum annos sibi per Regem licuit in Galliam venire, cautum tamen fuit ne Lutetiam rediret; Patuitque litem illam quæ illi à Senatu Regio intendebatur fictitiam fuisse & ideo tantum motam ut ab Ecclesia Parisiensi removeretur.

Circa annum 1623. prodiiit Cardinalis Perronii liber contra Serenissimum Regem Jacobum. Liber quem Pontificii immensum quantum laudibus extollunt. Et est sane omnium qui Romanam hanc Gallie propugnaverunt eruditissimus & subtilissimus. Regis multum intererat ut libro tam insigni maturaretur Responsio, cum Regis de jure Regum liber huic Responsioni occasionem præbuisset. Quem vero Rex in rebus regni occupatissimus sibi Defensorem deligeret alium ab eo cuius felicem operam in simili negotio non semel expertus fuerat?

Id vero animo præcipiens Perronius librum quem contra Regem paraverat non ante voluit in lucem prodire quam ipse ex vita migrasset. Nam sibi, si eum vivus edidisset cum Molinæo (cujus ingenium expertus formidabat) de eo litem fore minime dubitabat. Quare postquam desit vivere Perronius, fortis quem multis annis parturiverat, in parentis funere, quasi *καταφρα*, lucem aspexit.

Advocatus igitur fuit Molinæus qui Dei & Regis defensionem susceperet, & ut orium tanto operi necessarium haberet, à Rege invitatus iterum in Angliam. transit.

A Rege summa cum benevolentia exceptus, operi ad quod accersitus fuerat se totum applicuit; Bibliotheca Regia usque, quam Doctissimus Patricius Junius ci aperiebat, ad omnes ejus usus promptissimus.

Optimus Rex adversorum Molinæi misertus Hospitio quod Sabaudie nomen præferebat, munus apprimè opimum, & Rege donante dignum. Jam sigilla parabantur quum Regii Sacellani Scoti Regi supplicaverunt ut Hospitium cum esset Aule vicinum Regiis Sacellanis tribueretur; Molinæo Rectoriam quamdam sine Cura Rex daret quam ipsi affirmabant non minoris esse quam Hospitium proventus. Rex hac ratione inductus Hospitium Balcumquello dedit, Rectoriam autem Molinæus accipere noluit, utpote & dante & accipiente minorem; mox tamen filio suo Dunkerkeo carcere & Jesuitarum manibus per Dei insignem miraculum elapso eam Rectoriam à Rege obtinuit.

Interim Molinæus hypochondriorum oppressione & atrabilis inflammatione laborare cœpit, & multas noctes insonnis agere, privatis & publicis Ecclesiæ malis exercitiis, quibus ita colluctabatur ut opus inceptum non intermitteret, imo in labore ægritudinis levamentum experiretur.

Vix annum unum Londini vixerat quum magnum Molinæi patronum Regem Jacobum orbi ademisset, sibi assumpsit Deus. Nec multo post Molinæus ad reditum Sedanum se composuit. Cum duobus comitibus Dieppam appulisset in veste cineracei coloris ne noscetur. Agnitus tamen in nave Rhotomagi jussu Ducis Longavillæ Normanniæ Præfetti ab Accensis Præfidis Rhotomagensis conquisitus fuit. At Præfides ita eum quasivit ut qui noluerit invenire. Cum enim Molinæus neptim Rhotomagi haberet Langleo inclyto Ecclesiæ Rhotomagensis Pastori nuptam, in cujus domo eum diversari erat verisimilius, eo non milit sed ad unum aut alterum diversorium. Moxipus Molinæus se perquiri in villa suburbana pernoctavit, & vias privatas edoctus Sedanum incolu-mis venit.

Biduo post ejus abscessum Langlæum Præfides convenit dixitque se cupidum fuisse Molinæum Rhotomagi videndi, si id sine ejus periculo fieri potuisset. Hic divina illa veritas affulsi. *Quam placuerint Domino viæ hominis, inimicos quoque ejus convertit ad pacem. Domine Deus virtutum, beatus homo qui sperat in te.*

Sedanum reversus Molinæus ad munera consueta se contulit, Ecclesiæ Ministerium & Theologicam Professionem quæ munera 33 annos abreditu suo exercevit, quamquam ager & invalidus. Multos Theologos feliciter erudit, qui postea conspicua fuerunt Ecclesiæ lumina. Libros Theologicos quamplurimos edidit, quorum primus ab ejus reditu fuit *Novitas Papiismi*, live Perronii confutatio, Regisque Jacobi, sed magis sacræ veritatis Defensio.

Erat Sedanum afflictorum Religionis ergo Asylum, per Molinæi famam factum incolis & studiosis frequentius, & Reformato Principi gaudebat quem incolæ ut Patrem patriæ colebant. Nec deerant divitiæ à persecutionem fugientibus eo congestæ. At hæc leta rerum facies luctu obnubilata fuit, Principis à Reformata Religione defectione, qua semetipsum potissimum perdidit. Sed non meum est negotium historiam ejus texere. Duo tantum quæ Molinæum spectant notabo. Unum quod in Principis apostasia Molinæus alloquio, precibus, scriptis eruditionis & facundie plenissimis, opportune, importune, ut

Princeps in Dei viam rediret fideli operam adhibuit, Heu frustra ! Alterum quod cum Rex Gallie Sedanum sui juris fecisset pulso Principe qui ad Hispanicas partes transierat ; Molinæus sub Gallico regimine quietus vixit. Nec ulla ultra inquisitio veteris conficti criminis, & factus est absque absolutione insons.

Cum zelo, eruditione & industria tantas res ad Dei gloriam & hominum salutem patrasset, sæpenumero hominum duritiei & imperii Satanæ progressibus ingemiscebat. Memini me audire eum acri cum iudicio sic loquentem.

Considerantem me temporum istorum faciem timor ingens percellit, mortiferum vulnus Bestia sanatum iri, aut saltem ulceris labra coalitura. At certe in inimicæ illæ nos tam alte ferrum adegimus, ut serius cœtus sit ex vulnere interitura. Hæc lateri lethalis arundo.

Ad annum ætatis nonagesimum vitam protraxit, Ecclesiæ & Scholæ Theologiæ pro more ministrans, nili quod uno vel altero ante obitum anno propterea vocis debilitatem non die Dominica sed tertia hebdomadis feria concionabatur, & quod Theologiam discipulis domi prælegebat.

Feb. 20. 1658. ultimam concionem ad populum habuit. Textus Ps. 16. v. 7. *Caro mea requiescet in spe*, argumentum fidei & spei suæ accommodum, quas ex intimo sensu suo religiosas animas docuit, & sibi met funebri oratione parentavit.

Domum reversus decubuit, non amplius in hoc ævo surrecturus. Ex lecto semet & aditantes docebat & solabatur, Scripturam in ore perpetuo habens, & preces ardentissimas fundens. Psalmos identidem recitabat ; in his verbis potissimum hærens ; *Deus, docuisti me à pueritia mea, & hucusque indicavi mirabilia tua. Quare etiam transi, dum senex & canus sum, Deus ne derelinquas me.*

Perpetuas viri sancti ad cœlum aspirationes diebus octodecim quibus ultimum ægrotavit longum fuerit enumerare. Ista cœlum fide & amore præcipitantis inlitar omnium esto. *Ad Deum & Patrem meum festino — Deum meum video — O quam forma speciosus est !* Hæc dicebat acres intendens oculos & brachia tendens, quasi Dilectum illum forma speciosum jamjam amplexaturus. Nec multo post anhelantem & abiturientem ad Christum animam in ejus sinum fide firmus & amore ardens exhalavit.

Obiit Mart. 10. 1658. anno ætatis sue nonagesimo.

HADRIANI VALESII

HISTORIOGRAPHI REGII

DE VITA

HENRICI VALESII

HISTORIOGRAPHI REGII

LIBER.



Electis quæ de libris Henrici Valesii nomine Petiti Typographi scripseram paucis; hortatus es me, clarissime Nublæ, ut de vita ejus librum componerem. Et tum quidem quid tibi responderim non recorder. Verum posteaquam à te digressus sum, dicta mecum volvens erubescere, ac sic increpare meipsum corpi. An oblivisci me posse Henrici Valesii, artificis sanguinis vinctus, amore literarum, & tam diuturna vel potius fere perpetua vitæ ac victus communitate conjuncti? An

illaudatum & tacitum relinquere me posse clarissimum virum, qui amicos aut vivos epistolis librorum fronti præfixis, aut mortuos laudationibus celebravit? An denique me fraudaturum vero testimonio fratrem meum, quod plerique scriptores ultro etiam alienis honorificum reddiderunt? Si Suetonius Tranquillus de illustribus Grammaticis librum, de claris quoque Rhetoribus volumen composuit: quanto magis dicendus est mihi Valsius, qui scholasticos istos mercenariisq; professores longo intervallo superavit, & omnes Grammatici partes, omnes Rhetoris vel potius oratoris numeros dum vixit implevit? Certe quum Latinos Historicos doctis & laboriosis commentariis exposuit; quum Græcorum scripta convertit, & commentando notiora studiosis reddidit; quum variorum auctorum volumina contractis præcis exemplaribus diligenter emendavit, distinxit & adnotavit; quum epigrammata & poemata scripsit ipse, aut vetera interpretatus est: quid aliud fecit, quam quod illustres olim Grammatici factitaverunt? Jam vero orationes ejus elegantes, copiose atque perspicue, laudationesque clarissimorum virorum nonne satis indicant, omnibus artis Rhetoricæ præceptis instructum, atque etiam claris oratoribus adnumerandum fuisse? Sed vir summus summos Grammaticos & Rhetoras atque adeo oratores ipsos plurimum supergressus est: quippe qui Græcas, Romanas & barbaras notas habebat antiquitates, cui erat Historia sacra profanaque comperta, qui Græcum Latinumque sermonem tanquam patrium

novat,

rat, qui denique ad magnitudinem ingenii, vimque & acrimoniam judicii, assidua lectione, ac meditatione variam & interminatam in omni literarum genere doctrinam adjunxerat. Dicam igitur de Valesio quæ vidi : quæ ex ipso per tot annos in cotidianis colloquiis & familiari consuetudine cognovi, quæ de ipso sæpe ex communibus amicis andivi. Dicam, quæ observavi; quæ notata in ætate animo : (Omnipium enim meminisse non possum) nec committam ut mihi valeat imputare posteritas fratrem debito testimonio privatum.

Natus est Lutetiæ Parisiorum Henricus Valesius anno Christi MDCIII. iv. Idus Septembris, die Mercurii. Patrem habuit Carolum Valesium, qui patrimonio suo contentus, honestum otium negotiosæ vitæ præposuit; & anno ætatis septimo & septuagesimo decessit : avum Johannem Valesium, qui Maria Uræa genitus, Contios de Monte Glandifero, Marcscotos, Macaltos, Pafartos, & Robinellos materno genere contingebat : quorum filii & nepotes plerique ad splendidas dignitates pervenire, & pars in supremis curiis Parisiacis, pars etiam in sacro Consistorio floruerunt. Johannes Valesius mercaturam instituit : in quo se à nobilitate majorum degenerasse, ingenue fatebatur. Patrem enim suum coactum lege patria, potiorem patrimonii partem ad majorem natu deferente, ex inferiore Normannia migravisse Lutetiam, ibique subsedisse, sæpe narrabat. Certe est hodieque in pago Bajocassino atque in Lexoviis vetus & nobilis Gens Valesia. Sed nobilitate sanguinis censeri non debet Valesius noster : quem sua virtus, quæ sola & unica est nobilitas, & eximia doctrina, ac tot libri editi & edendi satis superque clarant ac illustant. Mater Valesio fuit Claudia Morleria, Claudii Morlerii Consiliarii Regii ac Notarii filia, viri dum vixit Lutetiæ non obscuri; Hadriani Morlerii soror, speciosissimi hominis, qui sub Comite Stabuli splendidum Præpositi officium gessit : mulier nasuta, macilentis genis, vultu ruboris pleno. Matrem Valesius ore moribusque referebat : quæ anno Domini MDCLXXI. ætatis xiv. mense ix. xii. Kalendas Decembris maturam mortem obiit in villa sua apud Calveriacum, cujus usum fructum ante annos fere vi. sibi retinuerat, cum filiis bona relinqueret. Est autem Gens Morleria vetus & honorata, in plures familias divisa. Morleriorum alii in municipio Ambianorum Monte Desiderii dicto etiamnum habitant : alii in castro pagi Vadenis Crispiaco confedere ; quidam in Atrebatibus sedes habent. Ex his nonnulli in Schola Parisiaca Magisterio Theologiæ; aliqui etiam libris compositis inclaruerunt. Nemo enim nescit, Morlerium ante annos circiter quadraginta de antiquitatibus Ambianorum scripisse.

Puer admodum cum fratre Carolo natu majore missus est Henricus Valesius Verodunum, ut liberalibus disciplinis erudiretur. Ea in urbe celebres Scholæ & Parisiacis adolescentibus tritas habebant Jesuitæ : quibus tum Lutetiæ ex Senatusconsulto docere non licebat. Ibi Valesius tanto ardore, tanta cum animi voluptate in libros incubuit, ut jam tum quantus in literis evasurus esset appareret. Mira in eo docilitas ingenii; indoles supra ætatem singularis. Facile ac celeriter cuncta quæ tradebantur accipiebat, sæpeque alte inungebat memoriæ : sic dicta reddebat; sic quæ dicuntur themata componere, ut præceptoribus ac præfectis amori simul admirationique, æqualibus esset exemplo.

plo. Nec incitandus puer erat, ſed reprimendus, ne in morbum incideret. Quare unam ei horam pluſquam reliquis condifcipulis Præfectus cubiculi indulgebat ad ſomnum. Equum quippe erat, cum qui citius meliusque ceteris Scholaſticum penſum abſolveret, qui pluſ ceteris laboraret atque proficeret, ad reticendas corporis animique vires pluſ etiam dormire quam ceteros. Erant Veroduni plura auditoria humaniorum artium, ſuo ſingula profeſſore inſtructa. (vulgo claſſes vocitant.) In ſingulis auditoriis, ſicut heri ſolet, quædam dignitatum civilium Imperii Romani in Orientem Occidentemque diviſi imago cernebatur : utrumque Imperium optime meritis & qui elegantiffime omnium, aliquid compoſuiſſent, deſcribebatur ad tempus. Ibidem quotannis adoleſcentulis præmia Græci Latiniſque ſermonis ex more proponebantur. Valeſius ſcholaſticas dignitates, ſed primas & maximas ſemper conſequebatur, ſemper Imperator, aut Conſul, aut Prætor : nec unquam infra Præturam deſcendebat : libros inauratos, claſſica præmia ſolutæ orationis & carminum quotannis pleraque victor auſerebat. Ejus in ſchola Rhetoricæ amplificationes & declarationes, ac carmina præceptor laudabat, condifcipuli mirabantur. Præceptor ille Ruſſellus vocabatur, homo minime malus, ſed admodum imperitus, & artis, quam proſitebatur plane auſis ac ignarus : qui in proſa eloquentia verba grandia & bene ſonantia, orationem in re vel leviffima numeroſam, plenam pompæ & majestatis, deſcriptioneſque in carmine quidem tolerabiles affectabat : qualis eſt hæc primæ lucis deſcriptio, quam Valeſius à ludo recens nobis ſæpe recitantiſ more graviter pronuntiabat. *Diluceſcebat : & emiſſa jam ſubioris aſſuſura lucis quali præcone Aurora, ſolveſcentem auro caſaricæ pullulantibus in alum radiis Sol matutinus depetiebat.* Actum erat de Valeſio, ſi talem præceptorem eſſet imitatus : ſed exemplis Magiſtri malis atque vicioſis judicium diſcipuli prævaluit, quicunq̃ta ludi Verodunenfis auditoria intra quinquen-
nium feliciter emenſus eſt.

Interea anno MDCXVIII. Jeſuitæ Ludovici Regis beneficio Lutetiæ ſuas ſcholas aperiunt, quas pridem claudere juſſi erant. Revocatus igitur à patre, Valeſius, redit cum fratre Lutetiam, & ad ſcholas eorum Pariſiacaſ, quas Claramontanaſ appellant, ſe conſert. Ibi florebant eminebantque Jacobus Sirmundus Ricomagenſis, & Dionyſius Petavius Aurelianenſis, duo Societatis Jeſu lumina ac ornamenta : ex quibus Petavium Rhetoricæ profeſſorem uno, anno audivit ; Sirmundum ſæpe quoque convenit : quos ambos poſtea conſtanter coluit ſimul & amavit. Eodem in ludo ſub Bruano Lotharienſi, doctiſſimo profeſſore, in philoſophiæ ſtudia triennium impendit, ita ut Græcos ac Latinos poetas, oratores, hiſtoricos avidius quam philoſophos toto eo tempore lectitaret. Cum nihilominus de philoſophia publicè diſputaturus eſſet, quæ triennio exceperat, Bruani dictata curſum ac brevi tranſcripſit pæne ad verbum : ratus memoriæ tenacius in hæſura, quæ paulo ante legiſſet ac ſcripſiſſet. Nec ſp.ſ cum ſua ſefeſſit. Nam theſes ex univerſa philoſophia depromptas egregie & magna cum ingenii laude judiciique defendit. Mirabar minutiffimas literas, pedum muſcarum ſimiles, manu ejus ſcriptas, quæ à nemine legi poſſe videbantur : & pagellas ſemipedales centenum verſuum capaces, totam denique philoſophiam tam celeriter tantas in anguſtiis contractam.

Egreſſus Claramontano ludo Valeſius anno ætatis undeviceſimo, Chriſti.
DCXXII.

DCXXII. jus civile Avarici Biturigum biennio didicit, ac post reditum, in summa Curia Parisiaca numero Advocatorum adscriptus est. Forum per annos amplius septem togatus frequentavit, magis ut patri satisficeret, quam ut sibi. Tædebat enim hominem jacturæ temporis, & operæ perditæ. Oneri erat, pudori erat toga tamdiu frustra gestata. Videbat enim cum qui à nemine advocaretur, patrocinaretur nemini, causam nullam ageret aut diceret, Advocati, Patroni, ac Causidici nominibus jure gloriari non posse. Interea quantum ei erat otii, (plurimum autem erat otii) literis imperiebat. Ab Advocatis Græce doctissimus habebatur. At ipse intelligens quantum sibi deesset ad plenam linguæ Græcæ notitiam, ita Græca legit ac didicit, ut famæ de se sparsæ abunde responderet. Habebat tum præter ceteros collegam Michaelem Anglum, à condiscipulatu notissimum sibi ac carissimum : quem cum pressatis à patre suo Procuratoribus nris, eaque ratione causas agere ac litigantium jura voce scriptisque defendere animadverteret; dolens se tali auxilio destitutum algere, togam cum spe deposuit, renuntiavit foro, multum dissuadente patre, ac frustra ut perseveraret hortante, ac liberalibus studiis, quæ nec sponte unquam nec ex toto reliquerat, totum sponte se dedidit.

Memoriæ prodit Marcus Tullius, se cum venisset in villam pueri Luculli, M. Catonem vidisse in bibliotheca ejus sedentem, multis circumfusum libris : fuisse enim in eo inexhaustam aviditatem legendi, nec satiari potuisse : & tum in summo otii maximæque copia quasi beluenum librorum visum esse. Hæc imago Valesii. Quod à Tullio de Marco Catone dictum est; mutato nomine id à me de Valesio narratum puta. Veteres scriptores Græcos & Latinos quotidie evoluebat; nec recentiores Criticos, Turnebum, Lipsium, Lambinum, ac similes alios aspernabatur. E bibliothecis amicorum libris utebatur : notas habebat bibliothecas, unde promeret quos vellet, & quos filius familias minime pecuniosus emere non posset. Solebat dicere Valesius, nullis se melius libris, usum unquam esse quam commodatis : hos enim se exactissime legere, adnotare, atque excerptare semper consuevisse, tamquam qui in manus suas numquam essent redituri. Die Dominico conveniebat in Ecclesiam : die Saturni pomeridianis horis amicos visitabat; reliquos cujusque hebdomadis dies plerumque studiis impertiebat, ac sedebat domi. Amici tum Valesii erant Sirmundus, Petavius, Hieronymus Bignonius, Patronus fisci, vel ut vulgari utar appellatione, Advocatus Generalis, Puteani, Nicolaus Rigaltius, Michael Angelus, Franciscus Florens Jurisconsultus, Bosquetus Narbonensis, Johannes Tristanus Sanctamantius, qui in veteribus nominatis præsertim Græcis legendis commentandisque ab ipso non mediocriter est adjutus. Ex his Sirmundus callidus & altus senex, cum observavisset, certo semper hebdomadis die ac eadem patre hora se ac Petavium à Valesio conveniri, ejus rei causam ex ipso quaesivit : & sereno ut erat vultu, Quid tu (inquit) Valesi constanter ad nos sabbatis ventitas? Heic subridens Valesius, Vin' dicam, mi Pater? Ne à studiis avocer, plursquam semel quæque hebdomade cubiculum meum verri, & suppellectilem mundari non patior. Itaque septimo quoque die mihi Judæorum more otinandum est atque cessandum : eo die, quod possum, amicos meos viso. Tum Sirmundus exclamavit. Magnæ plane ancillæ tuæ habendæ sunt gratiæ, per quam nobis Valesio nostro aliquando frui contingit. Utinam te sapius pater-

nis

nis ædibus extruderet, atque Clarummontem versus everteret. Nam in omnibus, ut tute nosſi, ſervandus eſt modus; nec minus etiam in iſta ætate valetudinis tuæ quam ſtudioſum debes habere rationem. Sirmundi, Petavii, Rigaltii, doctōrum hominū apud Puteanos toti plerumque ſermones de literis erant: his Valeſius ſummopere delectabatur: inde ſero, ac ſolito lætior domum reverti conſueverat, præſertim ſi magnum & præclarum aliquid aut dixiſſet ipſe, aut dicentes audiſſet.

Jam in notitia Græcarum ac Latinarum antiquitatum tantum profecerat Valeſius, ut edere doctrinæ ſuæ publicum ſpecimen poſſet. Ejus rei nec opinanti data eſt occaſio. Nicolaus Fabricius Peireſcius, in ſuprema Curia Aquileſiensi Conſiliarius Regius, vir doctus ſautorque doctōrum, ac locuples, veteres libros à Monachis Græcis qui vulgo Calogeri vocitantur, nonnumquam emendos curabat. Hos inter à mercatore Maſſilienſi adveſtus erat ex inſula Cypro Aquas Sextias codex priſcus, Conſtantini Porphyrogenetti nomen ſerens. Nimirum Imperator Conſtantineus, Leonis Aug. filius, Baſilii Macedonis nepos, collectanea hiſtorica ex variis auctōribus, tribus & quinquaginta titulis incluſerat, ac ſingulos titulos vel tractatus in 11. libros diviſerat. Ex hiſce titulis jam pridem unus de legationibus extabat: alius tractatus περὶ ἀφῆτης καὶ κακίας inſcribebatur: quem Peireſcius emtum, ut dixi, Luteciam Pariſiorum ad amicos miſerat. Ibi cum diu neglectus jaciuiſſet, hortante Petro Puteano Regiæ Bibliothecæ cuſtode, laborioſum opus & à cunctis reſcuſatum Valeſius audacter ſuſcepit. Ex Polybio igitur, è Diodoro Siculo, è Nicolao Damasceno, & Appiano Alexandrino, ex Dione Cocceiano & Johanne Antiochenſi excerpta præclara quotquot nondum publicata erant, in linguam Latinam eleganter tranſtulit, adnotationibusque multiplici ac varia eruditione reſertis illuſtravit, dicavitque Peireſcio anno Domini MDCXXXIV. ætatis xxxi. nondum impleto: quem *primum ſtudioſum ſuorum ſatum* ipſemet in epiſtola appellat. Circa idem tempus cum apud veterem auctōrem de portu Smyrnæ clariſſimæ urbis Ioniæ legiſſet aliqua, quæ non facile poſſent intelligi niſi ab eo qui locum viſiſſet; ac ea de re Fabricio Peireſcio ſcripſiſſet: Peireſcius una cum negotiatore Maſſilienſi pictorem ex Provincia Smyrnam proſciſci juſſit, qui de ipſa navi portum Smyrnæum diligentiffime perſpiceret ac delinearet, portumque penicillo expreſſum in membrana ad Valeſium miſit. Ex quo apparet hinc Valeſii in commentandis auctōribus cura atque diligentia; inde Peireſcii in juvandis ac promovendis ejus ſtudiis benignitas ſingularis. Egit gratias Peireſcio Valeſius, ſic tamen ut ingenue fateretur aliqua ſuſceſſe, de quibus dubitandi cauſas haberet. At Peireſcius graviter ſerens nihil actum tanta impenſa miſſi in Aſiam pictoris, reſcripſit Valeſio, omnia ſe facienda feciſſe, quibus deberet eſſe contentus: quod ſi exactiſſimæ delineationi portus non acquieſceret, non pictoris, non ſuam, ſed ipſius plane culpam eſſe, cui nihil ſatisfacere poſſet. Ad opera Valeſii revertor. Græcis hiſtoricis Latinus ſuccceſſit Ammianus Marcellinus. Latinum hiſtoricum appello Marcellinum, hominem natione Græcum & domo Antiochenſem; propterea quod latine ſcripſit hiſtoriam, & res Romanas ab exortu Nervæ ad Valentis Aug. mortem xxxi. libris expoſuit. Igitur Valeſius ſeptem & amplius veterarum editiones Marcellini, & codicem Bibliothecæ Regiæ, ac varias lectiones, ex quatuor

MSS. membranis excerptas, inter se diligentissime contulit; atque hisce instructus auxiliis historicum celebrem, à mendis quamplurimis vindicatum, in suum nitorem ac velut in integrum restituit: addidit & uberes adnotationes, quibus emendationum suarum rationem redderet, & difficiles quosque auctoris locos, antiquitates Romanas, dignitates Palatinas, civiles ac militares explicaret. Anno Christi nati M. DC. XXXVI. ætatis tertio ac tricesimo Ammianum Marcellinum Henrico Memmio, supremæ Curie Parisiæ majori Præsidi nuncupavit: quem nobilissimum virum, dignitate & hereditario amore literarum ex æquo clarissimum, plurimum colebat. Mirabantur multi, tam laboriosum ac scrupulosum opus tam feliciter ac bene ab uno homine intra biennium absolvi potuisse: quod artum temporis spatium vix perlegendis adnotandisque præficus Ammiani libris cum editis tum scriptis, nedum componendis notis suffecturum videbatur.

Sed assidua lectio librorum ac præcipue veterum membranarum oculis Val. si quorum aciem à prima infantia hebetiorem habebat, plurimum nocuit. Ex eo quippe minus quam antea utroque oculo videre cepit; dextrum etiam non multo post ex suffusione amisit. Quamobrem cum nec legere commode posset, nec scribere, rarius studere coactus est, & tædia molestissimi otii iucunda amicorum consuetudine & crebra allocutione levare. Observabat autem Memmium Præsidem inprimis, qui ipsum secum habere frustra concupivit, præterea Amelotum primum Curie vectigalium Præsidentem, Petrum de Marca Archiepiscopum Tolosanum, Hieronymum Bignonium Advocatum Generalem, Claudium Sarrauium Consiliarium regium, Hugonem Grotium, qui postea Serenissimæ Reginæ Christianæ legatus fuit, Galminum libellorum supplicum Magistrum. Amicos habebat præter eos quorum supra memini, Johannem Launolium Theologum, Ludovicum Nublæum Advocatum in Curia Parisiaca, Ægidium Menagium, Carolum & Franciscum Ogerios, Ludovicum Cantarellum Fabrum, Rollandum Marefium, & quotquot Luteciæ liberalibus studiis doctrinæ eminebant: è quibus Nublæo suam de populis fundis sententiam exposuit Epistola, quæ una cum Bullialdi aliorumque de eadem re libellis Divisione edita est. Amicorum numero postea accesserunt externi, ex urbe Roma Franciscus Barberinus Ecclesiæ Romanæ Presbyter Cardinalis, Lucas Holstenius Hammaburgensis, & Leo Allatius: è Batavia, Claudius Salmasius Divionensis, Fredericus Gronovius, Isaacius Vossius, ac Nicolaus Heinsius: ex insula Britannia, Jacobus Usserius Armachanus: è nostris Lucas Acherius, Cantalupus, Johannes Mabillonius, Sanctigermanenses Monachi piissimi atque eruditissimi.

Ita transacto septennio, deficientibus indies oculis, intellexit Valefius necessario sibi aut renuntiandum studiis; aut habendum esse lectorem: quem à patre præparco nec petere audebat, nec etiam si maxime petisset, impetraturus videbatur. Cum ea de re sæpe apud amicos sermonem habuisset, sæpe questus esset: Michael Anglus celeberrimus Caussidicus, cujus intima familiaritate utebatur, obtulit ipsi nomine Henrici Memmii bina librarum millia annua, si studia sua, suasque observationes cum eo communicare vellet: hoc si fecisset, amplissimi Præsidis gratiam maxime initurum, & agnoscere opera paternis in ædibus libere studiis vacaturum. Valefius qui semper antea ejusmodi studia

ad.

ad alienos uſus accommodata averſatus erat, ac grave ſervitutis genus appellaverat; amici verbis & rationibus, ſed multo magis conditionis æquitate victus, dedit manus, ac tandem expugnari ſe paſſus eſt. Annorum tum erat circiter quadraginta. Nactus igitur lectorem eundemque ſcriptorem ſive librarium, præter ceteros quorum non memini, Euſebium, Socratem, Sozomenum, Theodoritum, ac Evagrium legit, adnotavit, excerptiſit. Quo facilius ei fuit, poſtea novæ translationi veterum hiſtoriæ Eccleſiaſticæ ſcriptorum vacare, quos jam antea exactiſſime perlegiſſet. Sæpe miratus ſum ejus animi præſentiam, ſemper his ſolis quæ legerentur intenti; ab anagnoſte indocto perperam pronuntiata græca & latina cito ac facile intelligentis; nunc ſedendo, nunc ambulando dictantis ex tempore, & cuncta quæ dictaret, recte atque emendate ſcribenda curantis, denique inter monitus ac reprehenſiones neque lecta obliſcentis neque dictanda, ut apte prioribus poſteriora jungerentur. Tum libros emit Valeſius & multos, & bonos, ſed eos maxime, quos ſibi præcipuo uſui fore judicabat, ne ſæpe ad amicos decurrere cogeretur. Tum quoque multas & varias variis ſiſtisque de rebus orationes, velut ad Regem aut in curia habendas, patrio ſermone compoſuit, & manu ſua utcumque ſcriptitavit: quæ ipſum magno opere fatigaverunt, cum propter laborem ſcripti inis ægro oculo intolerabilem, tum vel maxime propter exactiorem celeritatis. Aliæ enim ſuper alias ei orationes injungebantur, bene, ſecreto, ac cito elucubranda.

Anno MDCL. poſt Chriſtum natum xlii. Kalendas Auguſtus patrem amiſit: & interjectis paucis menſibus Memmius ampliſſimus Præſes deceſſit. Eodem anno Chriſtina Sereniſſima Suedorum Regina unanimi omnium Regni ordinum conſenſu conſecrata eſt & coronata: cujus de laudibus ita orationem ſcripſit Valeſius, ut ab ipſo in Suedia ad Reginam habitam putes. Ob id nomine Reginæ & torques aureus ei promiſſus eſt, & ipſe cum viro doctiſſimo Samuele Bocharo Cadomendi, commendatione Iſaacii Voſſii amici ſui in Suediam invitatus. Neutra tamen res bonum ac felicem eventum habuit; neutra Valeſio utiliter ceſſit. Nam nec torquem umquam iſtum, qui ipſum diu multumque torſerat, nec Suediam umquam vidit, plane quaſi honore contentus, impenſam remiſiſſet. Jaſtaverat non ſemel Valeſius, qui alioquin paucorum verborum erat, daturum ſe operam in Suedia, ne Chriſtina in Regnum ſuum pro doctis indoctos & aretalogos invitaret. Quæ ventroſa comminatio occultam & magnam ei conciliavit invidiam. Nam qui ſe deſignari ſentiebant, clam miſſis trans mare literis obſtreſtationis & maledictorum plenis effecere, ut vice verſa eo domi remanente, ipſi Holmiam navigarent. Sic dum alios excludere vult Suedia, ſemet excluſit. Sed hanc injuriam ſibi malis falſorum amicorum & invidorum artibus factam ſorti animo tulit. Profuit certe ei, à navigatione Suedica avocari, ne à ſtudiis avocaretur.

Carolus Montchallus Archiepiſcopus Toſolanus, vir doctus, cui veteris hiſtoriæ Eccleſiaſticæ editio mandata fuerat à Clero Gallicano, Socratem & Philoſorgium cum duobus præcis codicibus Romæ à Luca Holſtenio conferendos curaverat, & Valeſium ſecum Toſam abducere fruſtra tentaverat, ut magna in re magno adjutore tacitus uteretur. Sed cum poſtea propter nimias occupationes ſuas huic ſe editioni vacare non poſſe animadvertiſſet; Petri Puteani

litteris incitatus, rogavit absens per epistolam Antistites Galliarum, ut Henricum Valesium ultro se ipso offerentem ac humeros tanto oneri supponentem, suum in locum substituerent: quo doctior & magis idoneus suscipiendo operi non posset inveniri. Episcopi Regni Francorum, qui anno MDCL. Luteciæ Parisiorum erant congregati, lectis Montchalli litteris, ejus consilium secuti sunt, & Valesio curam atque onus novæ editionis præfæ historiæ Ecclesiasticæ ad unum omnes una voce delegavere. Assignatæ sunt ei in annos singulos libræ sexcentæ: cui summa ducentas libras anno MDCLXX. addidere. Secutum est triennium, Valesio infelix ac infortunatum: intra quod temporis spatium tribus veterimis & maximis optimisque amicis privatus est. Quippe anno MDCLI. Jacobus Sirmundus, insequenti anno Petrus Puteanus cultus Bibliothecæ Regiæ, anno demum MDCLIII. Dionysius Petavius, virtute & doctrina clarissimi ac eminentissimi viri decessere: quos Valesius sua quemque oratione laudavit, & eorum memoriæ extremum hoc & quasi debitum munus exsolvit. Extant laudationes, ad quas lectorem remitto. De Sirmundo & Petavio in transiitu dicam, cum ut solet diædis accidere, nonnumquam alter ab altero dissentirent, alter etiam adversus alterum scribere parati essent; Valesium communem amicum amborum, hominem ab adulatione ac dissimulatione alienum, libere quæ sentiret dixisse; & licet utrinque traheretur, alterius probavisse sententiam, alterius nequidquam repugnantis palam damnavisse: tam sapienter denique, tam modeste ac sincere juvenem inter consummatos senes de re controversa, videlicet de Synodo Sirmienti judicavisse, ut nihilominus utriusque usum amicitiamque retinuerit. Eadem ratione se gessit in contentione Sirmundi atque Tristani de nummo Hanniballiani Regis, de Anastasi, aliisque. Cum in quibusdam ab utroque dissentiret; neutrum tamen libertate sua læsit, neutrum offendit. Existimabas tum tamen, mi Nublæ, non bene fecisse Valesium, quod suam de Anastasi dissertationem Tristano adversus Sirmundum scribenti publicandam dedisset: quasi Tristani partes quam Sirmundi sequi mallet, hrmioresque duceret.

Interea Valesii opus procedebat: qui Eusebii Cæsariensis Episcopi Ecclesiasticam historiam, ejusdem de vita Imperatoris Constantini libros iv. ac Panegyricum, atque orationem Constantini ad Sanctos cum iv. veteribus codicibus exacte contulit emendavitque, in linguam Latinam pari fide elegantiaque convertit, ac doctissimis commentariis ad præfatos Ecclesiæ mores ac ritus explicandis illustravit. His subjunxit iv. dissertationes: primam de origine & progressu Donatorum, quos non servata lege analogiæ vulgo Donatistas vocant: alteram de Anastasi, in qua Sirmundum & Tristanum reprehendit: tertiam de translatione septuaginta interpretum: ultimam de Martyrologio quod Romanum cognominavit atque edidit Rosweidus. Dum sub prælo gemit Eusebius, Valesius Julii Mazarini Cardinalis liberalitate auctus est, allatis ipsi inopinanti sub tantem anni MDCLVIII. libris mille quingentis: quod congiarium postea quotannis ad firem vitæ, tam vivo Mazarino quam mortuo ex ejus testamento percepit. Publicata est Eusebii historia anno MDC LIX. mense Julio: quam Valesius Archiepiscopis & Episcopis Ecclesiæ Francicæ, quorum auspiciis in lucem prodibat, Epistola ac Præfatione nuncupavit. Accepit postea

stea ex nonnullis, melius atque adeo utilius se facturum fuisse, si Eusebium Julio Mazarino dicavisset; quod grati animi testimonium ab ipso Cardinalis expectarat.

Anno MDC LX. rex optimus ac munificentissimus Henricum Valesium, meque una in numerum Historiographorum suorum retulit. Utrique separatim literis seorsum attributæ annuæ libræ mille ducentæ. Datum id (quantum ad fratrem attinet) novæ Eusebii emendatæque editioni; quantum ad me, Historiæ Francicæ xxv. libris plurimisque observationibus illustratæ.

Anno Domini MDC LXII. ætatis LIX. Valesius sinistrum oculum amisit, sicut pridem amiserat dextrum; & circiter tres menses in cæcitate quantum fieri potuit dissimulata permansit: donec quidam genere Lingon, medicus ocularius, cataractam ab utroque oculo ejus amovit. Sed cataracta iterum pupillam dextram obtegente, cogitur ut prius uno oculo qualicumque esset contentus: cujus auxilio, quoties opus erat, subscribere solebat, agnoscebat etiam circumstantes, & adnotabat ora, vestes gestusque singulorum. Præcipue cum domi, tum etiam foris per vicos urbis, equis & carrucis ac bajulis onera transversa ferentibus plenos, celeri pede, recto vultu ac toto corpore, confidentissime incedebat, sine duce, sine baculo: plane quasi bene oculatus haberi vellet. Quinetiam cum antea foris famulum nunc lateri suo adjunctum, nunc prævium habere consuevisset: postea tale auxilium fastidivit, nec aut præire cum aut lateri suo adherere passus est: tamquam oculorum aciem recuperavisset, ac nullo amplius egeret auxilio. Quosdam ex amicis vidi, tam firmo & tam audaci hominis incessu deceptos, mirabundos, & quod de ipsius oculis audiverant, verum esse non credentes.

Anno Domini MDC LXIII. Ludovicus Rex, virtute, animo, fortunaque maximus, pro solita magnitudine cogitationum suarum, & pro innatâ ipsi bonitate atque cura litterarum, doctis cum popularibus tum etiam externis late per Europam sparsis liberalitatem exhibuit: quos inter Valesius, curante amplissimo Colberto regii ærarii præfecto, iiii. Nonas Junii mille ducentas libras accepit: parem summam ad exitum vitæ singulis annis percepturus. Accidit tum mihi, ut quamquam minor majori adæquarer fratri, & pari præmio donarer.

Tot prosperis supra vota confluentibus, uxorem ducere constituit. Amabat pridem puellam formosam ac ingenuam Margaritam Casnellam. Igitur anno MDC LXIV. pridie Kalendas Novembreis relicta domo paterna, in qua cum matre & fratribus habitabat, ædes conductas festinanter intravit, ac ibi virginem xiv. Kalendas Decembris in matrimonium accepit. Annum primum & sexagesimum transgressus tum erat. Fuere multi, etiam amici & noti, (quibus autem notus non erat Valesius?) qui cum reprehenderent: fuere & qui veluti parum suum iriderent. Hos inter epigrammaticarius senex, qui valde acutus sibi videbatur, distichon triviale compoluit, de cæco sene uxorem ducente, ut ab ipsâ duceretur. Quod ne in Valsium dictum crederetur, idem poetica licentia mihi & communibus amicis confidenter asserēbat, epigramma multo ante has nuptias à se scriptum ac editum fuisse. Nimirum sunt homines ad vituperandum atque damnandum quam ad laudandum multo natura.

natura proniores. Equidem Valeſium, ſi ſexaginta annis maior ſibi neceſſarium credidit uxoris ſolatium, ſi conſidere & ſe ac ſua committere conjugii quam famulis maluit; ſi menſæ ac lecti, vitæ atque fortunæ fidelem ſociam habere, ſi ſolitudinis tædia finire voluit; Valeſium inquam nihil inuſitatum feciſſe, nec propterea carpendum, aut traducendum iudico. Factum multis maximorum & ſapientiſſimorum virorum, veterum ac recentiorum exemplis deſendi poteſt. Solet fieri: fieri licet. Habuit Valeſius, quos ſequeretur: habebit qui imitabuntur. Vulgare proverbium eſt, ejus qui valeat annos numerari non oportere. Senex quidem erat Valeſius, quum uxorem duxit: ſed erat vegetæ ac viridis & incipientis ſenectutis; ſupra ætatem robuſtus erat, proſperima valetudine utebatur; intra annos undecim ac menſes fere ſex, ex conjuge ſeptem liberos tulit, quatuor mares, tres ſexus ſceminini; maritus ſtudiis vacavit ut cælebs, diſtavit ut cælebs, mutua cum amicis officia exercuit ut cælebs; magnum lienis dolorem quo tandem conſumtus eſt, diu fortiter tulit. Quid amplius juvenis ſacere potuiſſet? At male oculatus puellam formoſam duxit! Oculis Valeſii nil jam metuendum erat, cum altero pridem captus eſſet, altero tam maritus viderit quam cælebs. Puellam venuſtam duxit! An melius & prudentius facturus fuit, ſi anum deformem duxiſſet? formoſam ſibi conjunxit, ut eam magis & perſeverantius amaret; puellam, ut ex ea generaret heredes, quos ab anu expectare non potuit. Nam matrimonium liberum quærendorum cauſa contrahitur. Puellam inquam accepit, ut ea obſequentiore uteretur, ut quaſi tenellam arbuſculam fleſteret qua vellet, vel quaſi mollem ceram pro libitu duceret atque formaret. Vetulis quippe virginibus nihil durius & intractabilius, nihil pervicacius, nihil morum plerumque peſſimum tenacius, nihil ridicula prudentiæ affectatione putidius poteſt reperiri. Quare non Valeſius, ſed ipſi cenſores qui eum damnaverunt, riſu digni fuerunt atque dammandi.

Post ductam uxorem nihilo ſegnus ſtudebat Valeſius, librosque componebat. Socrates & Hermias Sozomenus Scholaſtici ſeu Advocati à Conſtantini Maximi profeſſione Chriſtianæ religionis ad ſeptimum decimum Conſulatum Theodoſii junioris Aug. centum & viginti octo annorum hitoriam perduxere. Hoſce ambos ope priſcorum codicum emendatos, in ſermonem Latinum tranſtulit, & deſtis adnotationibus expoſuit. Adjecit & tres libros obſervationum; unum de rebus magni Athanaſii Antiſtitis Alexandrini, alterum de Pauli Conſtantinopolitani Epilcopi exiliis ac reſtitionibus, tertium ultimoque de ſexto Canone Concilii Nicenſis. Hunc ſcundum hitoriz Ecclēſiaſticæ totum Ludovico Francorum & Navarron Regi maximo ac Chriſtianiſſimo dedicavit anno MDCLXXVIII. obtulitque. Tertio obſervationum libello Johannes Launoſius Theologus, adverſus quem ſcriptus erat, utcumque cavillando reſpondit: quam deſenſionem Valeſius ſibi legi voluit, affirmans conſumtam eſſe materiam, & perſuaſiſſimum habens, ſua ſcripta ab Launoſio nulla ratione reſelli poſſe atque convelli. Supererat corrigendi, tranſferendi, exponendique Theodoritus Epilcopus Cyri, & Evagrius Scholaſticus, ut totum veteris Ecclēſiaſticæ hitoriz corpus, uſque ad annum natalis Domini DXCIV. Mauricii Tiberii principatus duodecimum, uno ſtilo, pari

hde

fide elegantiaque converfum haberemus. Quod anno demum MDC LXXIII. factum est: quum Theodoritus & Evagrius, unaque excerpta à Philostorgio & Theodoro Byzantio Lectore prodierunt in lucem, cum accuratis adnotationibus. & duobus observationum Ecclesiasticarum libris: quod opus Valefius J. B. Colberto illustrissimo literarum fautori nuncupavit, ut esset suæ erga ipsum auctoritatis gratiæ animi perenne monumentum. Sacræ historiæ Græcis auctoribus Latinos, Sulpicium Severum, Turanium Rufinum, Cassiodori Senatoris historiam tripartitam, Liberatam Diaconum, nonnullosque alios cum præfatis membranæ collatos, & opera sua emendatos commentariisq; expositos adjungere constituerat, si ei diutius vivere contigisset. Præterea carmina, quæ ex occasione composuit: qualia sunt, Soteria pro Ludovico Magno Rege Christianissimo, versibus hexametris stilo Horatiano anno MDC-LXIII. condita: item insequenti anno lucubrata, ad Regem de victoria ejus Maurica & Turcica ode elegantissima.

Hi sunt libri quos scripsit atque publicavit. Sed multa in scriniis volumina moriens reliquit, partim absoluta, partim imperfecta: quæ cum in manus meas non venerint, à me indicari commemorariq; non possunt. Nota potestis faciam ea, quæ recorder. Inprimis suis ad Annianum Marcellinum, & ad totam historiam Ecclesiasticam adnotationibus multas observationes addidit, nova editione dignissimas. Quod ad Annianum attingit, Blavius Batavus typographus cum historicum editurus erat, & de numero exemplarium cum Valefio convenerat: sed bellum repente superveniens omnia editionis in hostico consilia discessit. De *legibus Atticis* scripsit Valefius: & jam opus suum edere parabat, quum est à Samuele Petito Nemausensi præventus, qui de eadem materia opus ingens Luteciæ typis imprimendum curavit. De Critica, quæ pars est Grammaticæ utilissima, volumen composuit, sed non absolvit: in quo enumerat, qui sunt à veteribus Critici appellati. Aristotlem etiam, philosophorum facile primum atque doctissimum, Criticum esse cognominatum docet. Hic notetur, quod non semel observavi, ab his qui patria lingua versiculos facitant, aut soluta oratione aliquid scribunt, viros doctos & antiquitatis ac linguarum peritos contumeliæ causa *criticos* appellari: quos nimium ineptiarum suarum censores, & insectiæ suæ judices metuunt ac averfantur. Valefius ipse cum jaceret in lecto, & intra paucos dies moriturus falso crederetur: mihi opera sua commendans, asserbat se Libanii sophistæ orationes quindecim, ad historiam pertinentes, ex præfatis membranæ cruisse, ac in linguam Latinam convertisse, commentariisq; exposuisse. At ipso mortuo, Græcas orationes Libanii quatuor tantum aut quinque, ac ne eas quidem historicas, in Latinum sermonem translatas, ejus in scriniis reperi: ceteras, si quæ sunt, haudquaquam vidi. Multa in veteres auctores, classicos vulgo dictos: eximia Valefium observavisse, communes amici, Aimericus Bigotius, Hieronymus à S. Bova, & Joannes Cotelerius, viri clarissimi doctissimiq; asserunt: quæ digerenda in ordinem, & Miscellanea vel Collectanea inscribenda esse, mihi suavisimus Bigotius post fratris obitum scripsit. Sed hæc mihi videre, & scribia ejus excutere ac evolvere quæ ibi latent non licuit. Ista omnia magno Reipublicæ literariæ damno haud dubie sunt peritura, aut saude intercipienda vel

vel supprimenda : nisi à viro aliquo non minus probo quam docto secernantur quæ jam sunt edita, & quæ supervacanea ac inutilia videbuntur ; reliqua autem quæ sunt inedita, diligenter emendentur digeranturque, ac bene ordinata auctoris nomine vulgentur. Alioquin scripta Valesii in manus indoctorum hominum venient : qui nec etiam maxime voluerint, eis uti ipsi poterunt, nec alios etiam uti patientur. Et hæcenus de libris Valesii.

Post editam totam Ecclesiasticam historiam vix novem menses *effluxerant*, quum circa mensem Martium Valesius in morbum incidit : quem ipsemet initio contempsit, & celeriter ac facile sanari posse credidit, propterea quod eum variantem, & nunc graviolem, nunc leviolem, interdum etiam velut ex toto decedentem videbat. Sed postea cum indies dolores accrescerent, animadvertit totam vim morbi in lienem proximæque partes corporis prorupisse. Tum fere quotidie, interdum etiam intra unum diem non semel magnis & acutis doloribus cruciabatur, ita ut sæpiissime ejulare & clamare cogeretur. Sublato ad tempus dolore, statim redibat ad sese : alium crederes, cum suis, cum amicis colloquebatur ; ambulabat modo domi, modo etiam foris ; studebat quoque ac dictabat ; petebat Ecclesias, & omnes Christiani partes implebat. Sic biennium ac duos menses consumpsit. Jamque melius se habere, & veris beneficio convaliturus putabatur, quum subito ingravescente vi morbi tandem succubuit, & peractis quæ virum pium atque Christianum facere oportebat, Nonis Maii anno Christi MDC LXXVI. exspiravit, cum sæpius intra horas quatuordecim ore cruorem effudisset. Tanta quidem ei fuit ad extremum spiritum animi præsentia, ut circumstantes alloqueretur, responderet interrogantibus, & cum Presbyteris Deum precantibus preces suas jungeret. Vixit annis duobus & septuaginta, mensibus octo, biduo minus. Elatus est modica pompa funeris, maxima doctorum frequentia : sepultus est in Campanensi Basilica S. Nicolai, in monumento avito. Ex septem liberis quos sustulerat, moriens tres filios superstites reliquit, maximum natu Hadrianum, quem rogatus à patre infantis, de sacro fonte excepi, & cui meum Hadriani nomen dedi ; Henricum, & Carolum : è quibus Hadrianus duodecimum annum agit, Henricus xi.

Hæc referenda sunt aliqua, suis locis præterita, quoniam quibus singula annis contigerint, meminisse non potui. Choræ Abbas, re & nomine Amabilis Burzæus cum viris doctis de sacra scriptura & de veteri Ecclesiæ disciplina statim cujusque hebdomadis die domi sermones habere concupivit, favente votis ejus Colberto ; & primum, aut unum de primis Valesium invitavit, uti his collationibus quæ tamen paucis mensibus duraverunt, interesset. Interfuit igitur unus pæne inter Presbyteros ac Theologos laicus, inter rogatos palliolatus, & interrogatus, doctæ ac graviter sententiam dixit. Ipse mihi narrabat, ibi se aliquando longo sermone docuisse, viros bonos ac pios, *filios Dei* ; malos atque impios *filios hominum* in sacris libris appellari. Idem Abbas, inter tres de una juris Canonici cathedra Parisiaca contententes, propter dissensionem Professorum judex ab amplissimo Colberto, Mæcenate suo electus, assessorem sibi præ ceteris Valesium nostrum adjunxit, & post auditas singulorum competitorum orationes ac disputationes publicas, de consilii sententia digniori vacantem

cantem cathedram adjudicavit. Emendandis amicorum scriptis non parum temporis Valefius rogatus impendit. Inprimis, ut leviora omittam, quoddam rerum Byzantinorum scriptores Græcos à Combethio Dominicano repertos, & in linguam Latinam convertos, curante Carcavio sedulo relegit, correxitque ac illustravit notis: quos historicos diligentissimos & maximi faciendos, ac dignissimos esse qui cderent, non semel mihi affirmavit. Præterea Græcos auctores Mechanicos, è bibliotheca Regia à viro clarissimo doctissimoque Carcavio, ejus custode erutos, in Latinum sermonem transtulit, ut essent cui tum parari dicebantur editioni maturi. Diebus Lunæ post meridiem huic interpretationi vacabat, legente codicem ac dictata excipiente Cotelerio.

Nunc de moribus ac de interiere vita hominis pauca dicenda sunt. Quod ad pietatem pertinet, Valefius solennes dies festos, Pascha, Pentecosten, Assumptionem S. Mariæ, festum omnium Sanctorum, & Natalem Domini, raro elabi passus est, quin à Presbytero poenitentiam & sacram communionem acciperet. Dominicis ac festis diebus, quoties ei per oculos & per valetudinem licuit, una cum populo Basilicas frequentavit. Ante annos tres vel quatuor quam decederet, quoties festis diebus morbo vexatus, domi se tenere cogebatur; Bernardi Claravallensis Abbatis Sermones ab anagnoste suo sibi legi jubebat, attenteque eos audiebat, & avidis auribus hauriebat. Quippe existimabat, & amicis etiam dicere consueverat, dies Dominicos ac festos Dei laudibus, non studiis literarum imperdi oportere: Sermones autem Bernardi quibuscumque veterum Patrum cum Græcorum tum Latinorum homiliis ac Sermionibus multo esse ad excitandam in animis nostris accendendamque pietatem aptiores. Id notandum duxi, propterea quod religio & exacta dierum festorum observatio raro creditur in cruditis reperiri: de quibus joci causa dictitant, *studere, Deo servire est*. Presbyteris magnum semper honorem habuit. Hoc nonnumquam amicis sanus, hoc Presbyteris ipsis adstantibus moriens afferebat, Presbyteros summæ sibi semper fuisse venerationi. Adeo verum est, quod ait Symmachus, *qui bona fide Deum colit, hunc amare & Sacerdotes*.

Erat somni plerumque alti atque diuturni, ac ne inter tonitrua quidem tempestatesque descendentis, matutinum tempus studiis impertiebat: post meridiem & prandium audiebat aliquid & dictabat aliquando, sed non diu. Nox studiis eximebatur. Vigiliis enim pati non poterat, nec unquam nisi extraordinaria aliqua necessitate coactus lucubrabat. Plerumque solitudine ac secreto delectabatur, ut quæ legerat aut scripserat, scripturusque erat, secum tacitus meditaretur ac veluti ruminaret. Negabat enim sine meditatione utilem esse lectionem. Quare & amicis ipsum quærentibus haud raro dici jubebat, se domi non esse. Hac contentione animi tot ista ac tanta volumina peregit. Cum esset igitur, ita ut docui, studiosus ac laboriosus, nihilominus tamen dictabat parum se ac pauculis horis studere. Tantopere libris evolvendis ac componendis intentus, nihilo segnius rei familiaris curam agebat: quam non servare solum parcimonia, verumetiam omni bono modo augere conabatur. Libros suos non libenter amicis commodabat, præsertim indoctis, quibus nulli usui futuros sciebat, cum his ipse carere non posset. Plagiarios, quales inter cruditos sunt plurimi, plurimum oderat: & si qui observationes suas fraude aliqua, aut se inconsulto nec permittente, sibi vindicassent, librisque suis inseruissent, plane

U u u u

irasciebatur,

irafcebatur, & querebatur palam. Quinetiam ſi vel leve aliquid ad literas pertinens cuiquam dixiſſet; in voluminibus editis aut rem totam ſupprimi atque præteriri, aut gratam ſui mentionem fieri volebat, & ſe inhonoratum tranſmitti, ac honore qualiſcumque obſervationis fraudari indignabatur. Suum quidem eſſe, quod ſibi al. quando viſum eſſet ac veniſſet in mentem; res autem ſuas ubicumque aut à quocumque interceptæ eſſent, jure ab ſe repeti poſſe arbitrabatur. In quo ſane accidit aliquando, ut amicos & quoviſ alios eruditos ſcriptores falſo ac ſine cauſa ſuſpectos habeamus, accuſumque plagii. Quis enim quantumvis doctus negare auſit, id quod obſervavit, aut à nemine antea obſervatum fuiſſe, aut ab aliquo alio ſibi incognito eodem tempore obſervari potuiſſe? Ita de ſui ſimilibus judicare, eſt hominis aut nimium ingenio ſuo confidentis, aut nimium diffidentis alieno. Parcus erat ſermonis, parcus & laudum; & niſi li quid amicitix d. bat, (quod rarum erat) pauca ætatis ſux probabat ſcripta, pauca laudabat: quod non multa laude digna aut multi æt. imanda edi videret; laudari autem ac magni fieri nefas duceret, quæ laudem & gloriam minime merebantur. Cum de alienis operibus tam libere judicium ferret, ipſe in libris ſuis aliqua reprehendi haud æquo animo pariebatur: non tam quod quæquam contemneret, ut ingenio inferiore atque doctrina, aut ſe unum ceteris omni. bus anteferret; quam quod intolerabile judicaret, indoctos de rebus ſibi ignotis audacter & impudenter ferre ſententiam, & palam ea improbare ac maligne, damnare, quæ non intelligerent. In re ſeria, in luſu etiam (nam juvenis non raro nec male aut infelicit. er luſit) ſiqua eſſet orta contentio, omnes ſibi, nemini ipſe cedere volebat: volebat vincere, vinci n. lebat, quæ perviciacia paulatim proveſta ætate deſeruit. Nimirum, ut ait Tullius in libro de officiis, *in elatione & magnitudine animi facillime pertinacia & nimia cupiditas principatus innaiſcitur.* Quum proſpera valetudine utebatur, fratres & propinquos ſuos, ſi forte ægrotarent, morbis obnoxios, inſirmos, lecto gaudentes appellabat, ac ſui diſt. imiles eſſe dicebat. At ſi ipſe in morbum incidiſſet, claſſo undique cubiculo nec lumen, nec amicos, ac ne proximos quidem admittebat, ſed in ſolitudine & ſilentio permanebat, ac modo dolores ſuos ejulatu ac clamoribus, modo febri. m crebro atque ſubl. imi anhelitu teli. abatur, ita dolorem levare, febrilem ardorem minui ratus. Poſtquam autem convaleſceret, velut præteritorum oblitus, leve ac contemnendum fuiſſe quiddid. tul. liſſet, aiebat: vix ac ne vix quidem ægrotaviſſe videri volebat: moleſtus ei erat, qui mentionem morbi faciebat; gratiſſimus contra, qui de proſpera ejus ac juvenili valetudine, de viribus mirabundus loquebatur. Natus annis ſep. tuaginta, nec ſibi ipſe videbatur ſenex, nec aliis videri volebat, qui mala & in. commoda ſenectutis nulla ſentiret. In literis quas ad eum miſerat Gronovius Gronovii filius, longam & ſelicem ſenectutem ei precat. us erat. Senectutis nomine offe. ſus eſt Valeſius, epistolamque ceu à juvene juvenilit. er & incepte ſcriptam projecit, tamquam ſibi dedecus aliquod falſo exprobraretur. Id mihi poſt, ſed ridens referebat: ita ut appareret ipſum in ſe poſtea deſcendiſſe, & annorum ſuorum magis quam firmæ valetudinis & virium habita. ratione, dictum Gronovii probaviſſe. Adjiciebat inſuper, ante acceptas hæc à Grono. vio literas, ſe de ſenectute ſua nunquam cogitaviſſe.

Hæc

Hæc sunt quæ de Henrico Valesio fratre meo scribenda duxi : non ut libello meo quidquam gloriæ ejus adderem, quem abunde sua scripta commendant ; sed ut in ipso reperiant eruditi atque studiosi, quod imitentur.

At tu, mi frater, (extremum te alloquor,) si qua etiamnum tibi superest memoria rerum humanarum ; si qua te adhuc tangit cura operum & scriptorum tuorum ; hoc à me habe supremum munus : hoc elogio, qualecumque & quantulumcumque est, hoc honorifico testimonio contentus esto. Hoc à me accipe, quod forsitan ne expectaveras quidem, religiosum fraterni amoris monumentum. Tu me ut nascendo, sic & moriendo præcessisti : nunc expecta, simul ac Deus jusserit, secuturum ; ut qua in terris potiri non possum, felicitate fruam tecum in cælo.

Hoc à me, Valesi, supremum munus habeto :

Quo bene te meritum frater honoro libens.

Accipe sinceri monumentum & pignus amoris :

Quod tibi me præter nemo daturus erat.

Regibus exstruere alii sua Mausolea :

Clarius est, mea nunc quod tibi dextra facit.

Marmora Pyramidum consumpsit tempus : in illum

Quem statuo tumulum nil sibi juris habet.

Uuuu 2

DE

DE VITA JACOBI USSERII

Archiepiscopi Armachani

E V. V.

NICOLAI BERNARDI,

Aliorumque scriptis Collectanea.



Primum certe interest Ecclesiae Dei, cum ad præconium
 virtutis tum ad exemplar morum, ut, qui pietate cons-
 piciui, doctrina illustres, rebusque gestis insignes suis ali-
 quando temporibus extiterunt, horum nomen & viver-
 di ratio ad seros usque nepotes transferantur. Quo-
 circa operæ pretium me facturum esse arbitrabar, si
 Jacobi Usserii, Reverendissimi illius Archiepiscopi Ar-
 machani totiusque Hiberniae Primatis vitam literis con-
 signarem; & quidem quantumvis ab aliis viris doctis-
 simis integerrimisque hoc idem jam antea factum esse non ignorarem: non
 quod eorum fidei aut diligentiae quicquam ego detractum velim, aut quæ ab
 illis jam scripta sunt, hæc eadem à me aut copiosius aut luculentius exponi
 posse putem: verum ut magnum illud instar pietatis & literarum, cujus nomen
 & fama apud exteros omnes, quam late patet orbis literarius, dum viveret ad-
 huc increbuerat, ne nostrorum solum hominum conscientia & memoria con-
 tineretur. Enimvero indignum mihi videbatur, qui tot linguarum peritiam
 complexus est, ejus historiam intra unius sermonis Anglicani cancellos coerceri.
 Neque sane ullus dubito quin Ecclesiae Christi universæ gratum inprimis fu-
 turum sit, viri summi, ac de se optime meriti effigiem contueri, hæere in vultu,
 vitam contemplari, ac præsentī, quoad ejus fieri potest, cogitatione complecti.
 Quod quidem ego ut aliqua saltem ex parte præstare possim, quoniam mihi non
 contigerit tanti viri tam eximiae virtutis testem & ut optime admoveri, in eam mihi
 curam maxime incumbendum esse sentio ut ejusmodi huc afferam quæ viri
 docti, summaque fidei, longaque Reverendissimi viri consuetudine uli aut vide-
 runt ipsi, aut hauserunt ab ipsius narrantis ore, aut ab aliis denique fide dignis
 acceperunt & in scripta sua contulerunt.

Inter quos quidem facile primas tenet vir inprimis doctus & reverendus
 Nicolaus Bernardus S. T. P. & Ecclesiae Dredenſis in Hibernia Decanus, qui
 quum

quum Reverendissimo viro à Sacris fuerit, ac triginta deinceps annorum consuetudine probe cognitus & perspectus, multa subinde illum audivit de vitæ suæ antea ratione differentem. Hujus ergo præcipue vestigia premens ac temporis filum legens aliorum spicilegia suis quæque locis intertexam, quæ incerti sunt temporis cum aliis nonnullis ad calcem rejiciens.

Jacobus Usserius editus in lucem est Dublinii (quæ Hiberniæ urbs est principalis) anno post natam salutem octogesimo supra quingentesimum, pridie notarum, sive triduo post Calendas Januarii, quasi strenæ loco in orbem missus; magnum certe quidem futurus, cum Patriæ suæ decus, tum Ecclesiæ Dei beneficium.

Ex utroque parente familia ortus est haud ignobili; siquidem pater ei fuit *Arnoldus Usserius V. C.* qui solerti ingenio præditus, ac legum studiis educatus, in Cancellariæ curia munus obiit non obscurum. Patrum autem habuit *Henricum Usserium*, virum doctum & prudentem Cantabrigiæ quidem in Anglia bonarum literarum studiis institutum, ad Archiepiscopatum Armachanum deinceps provectum; qui dum adhuc Dublinii esset Archidiaconus legationes in Angliam ad Elizabetham Reginam obivit duas; alteram ut Ecclesiam Sancti Patricii (quæ est Dublinii Cathedralis) è Sacriligii faucibus, adeoque ab interitu vindicaret; alteram quo Collegii & Academiæ Dublinensis fundationem ab Regina impetraret, quibus utrisque successus non defuit luculentus. Ita scilicet providentia divina procurante, ut *Usserio* nostro (cui solícite visa est invigilare) necdesset Academia patria, quæ insitueret juvenem, nec Ecclesia, quæ ornaret virum. Mater huic erat *Margareta V. C. Jacobi Stanburstii* filia; qui, quum esset civitati Dublinii à memoria, & è Cancellariæ (ut vocantur) Magistris unus, ita prudentia, integritate, ac rerum usu inclaruit, ut in supremo totius Hiberniæ Senatu secundi ordinis senatores oratorem illum, atque adeo moderatorem suum collatis suffragiis semel, iterum, ac tertia demum vice, multis annis interjectis, perquam honorifice renuntiarent. Hujus filius erat *Richardus Stanburstius*, *Usserii* nostri avunculus, vir sane haud vulgariter doctus (uti è scriptis ejus poeticis, historicis, Philosophicis constare potest à Camdeno, Campiano, & Ferrario laudatis) cui cum nepote hoc suo epistolare commercium aliquandiu intercessit.

Quid autem attinet huic asserre amitas *Usserii* duas, cæcas illas quidem ab incunabulis, at in scripturis Sacris supra fidem perspicaces; nisi ut intelligamus eas primum literarum usum huic nepoti suo indicasse, & quas ipsæ nunquam conspexerant ille ut videret ac legeret effecisse. Fratrem denique habuit *Ambrósium Usserium*, vitæ quidem brevioris, at præstantis ingenii juvenem, & Hebrææ linguæ peritissimum; uti satis arguit V. T. ad Jobum usque ab illò Angliæ redditum ex Hebræo. Cujus exemplar ipsius manu descriptum etiamnum extare dicitur, quod quo minus absolveret in causa suæ novæ illius versionis Anglicanæ publicatio, quæ Jacobi Regis auspiciis est adornata.

Hactenus *Usserii* nostri genus vidimus. Et quamvis lubricum admodum ac incertum sit à Majoribus ductum argumentum virtutis, plus tamen gratiæ ac auctoritatis habere solet, quæ in sobole conspicitur, avita, hæreditaria, & quasi à Majoribus traducta virtus. Verum ad ipsum aliquando veniamus, Qui octo, jam tum annorum puer præceptoribus traditus est viris eximii & ap-

primea

prime doctis *Jacoborum* pari; *Fullertono* nempe & *Hamiltono*, qui è Scotia sua Dublinium missi *Jacobi Regis* sui consilia & negotia sub hujusmodi professionis larva dissimulabant. A quo & magnis honoribus auctos, & rebus magnis in Republica gerendis postmodum ad motos legimus. Præclare interim, & non sine singulari Dei providentia comparatum est, ut in Hibernia, tunc temporis ab ejusmodi viris satis inopi, opportune existerent, qui Usserii mores ac studia formarent, idonei artifices, in quo sane solebat ipse divinæ providentiæ manum sæpius agnoscere & excolari. Horum opera jacta sunt illa literaturæ fundamenta quibus postea superstructum est tam magnificum totique orbi stupendum ædificium; quod quo splendidius esset ac utilius, voluit Deus ut una cum eruditione co-æva pietas adolesceret. Siquidem decimum ætatis annum vix attigerat cum Deus illi serium religionis sensum indidit, dum audiret quendam de verbis Sancti Pauli ad Romanos, initio capitis duodecimi concionantem. Quin & hæserunt animo quædam è Perkinii concionantis ore calamo excepta, illique lecta, de die dominico sanctificando. O præclaram illam vivendi methodum, qua quis à teneris unguiculis pietate imbutus & obsequio Dei ita addictus est, ut constanti proposito ac pertinaci studio gloriæ Dei promovendæ omnia vitæ suæ munia deinceps administrat.

At sensit Diabolus quam regno suo periculosa forent tam festinæ pietatis primordia, ac metuens quorsum tandem evaderent minæ illæ, ni tempestive reprimerentur, terroribus illum suis die noctuque exagitabat, ut eum à pietatis studio ac officiis deturbaret: verum adfuit Deus invocanti servulo, & à fatanæ illum terroribus liberavit. Illa consilia cum videret satanas parum è sententia & voto suo successisse, aliam sibi rationem ineundam esse statuebat. Chartarum pictarum lusu à pietatis & literarum studiis avocare illum fatagebat; ut, quem non vi à proposito dimovere poterat, eum saltem dulci voluptatis escâ illectum irretiret. Verum ut primum sensit *Usserius* quantis præstigiis ludendi amor illius animum occuparat, diaboli versutia subolsacta, ab eo ludendi genere de cætero penitus abstinuit.

Exacto jam tyrocinii sui quinquennio, in quo Grammaticæ, Rhetoricæ & Poeticæ (quam amabat unice) Chronologiæ insuper studium adjunxerat, annos jam natus tredecim subdixit manum servile, ac in Collegium Dublinensæ, (salciomine) primus omnium scholaris inscriptus est, & *Jacobi Hamiltoni*, supra laudati, hîci ac tutelæ concreditus; qui è ludi literarii hypodidactalo nunc in Collegii socium est adoptatus. Quem sæpius audiavi (inquit Bernardus) stupendum Usserii cum ingenii acumen, tum in studiis profectum, non sine admiratione multa, commemorantem.

Biennium inde effluxit, in quo non solum Artibus liberalibus adjunxit animum, verum & Græcæ Linguae ac Hebrææ peritiam adeptus est, Chronologiam vero ita excoluit, ut coniceret S. Scripturæ Chronicon, quod usque ad Regum libros pertinebat, Annalium idem postea suorum non contemnendum rudimentum. Crevit interim ejus ex parallelo pietas; accidit enim ut dum se ad sacræ Synaxeos participationem accommodaret, hoc inter alia profusus desisteret lacrymis, quod studiorum tempora recursura, quam diem dominicum ardentiore desiderio expectaret. Neque parum angebant pium animum de paterno Dei in se amore scrupulus, quod nondum ejus castigantem manum fuisset expertus

expertus, de quo certe in ætate provectiore non habebat quod queretur.

Nondum in Artibus evaserat Baccalaureus cum jam percurrerat Stapiltoni *Fortalium fidei*; ubi cum vidisset immanem hominis confidentiam Ecclesiæ nostræ doctrinam novitatis insimulantem, suam autem antiquitate venditantem, commotus animo continuo secum statuebat (Deo vitæ usuram concedente) omnia veterum Patrum monumenta evolvere, ac penitus excutere, quo tantæ confidentiæ quid subesset veri exploraret. Quod quidem ille pensum annorum octodecim curriculo, intra vicissimum nempe ac tricesimum octavum ætatis suæ annum, postmodum absolvit. Cujus tam singularis industriæ ac diligentiae fructum non parvum hodie capit Ecclesia Dei, uberiorem certe percipitura cum Bibliotheca ejus Theologica & veterum Scriptorum Ecclesiasticorum criticum, quos ardentibus votis exoptamus, obitriciis doctorum manibus in lucem publicam proferentur.

Baccalaureatum adeptus adeo diligenter Artium studiis insudabat, ut coram Effexia comite, eodemque Prorege Hiberniæ, ac Dublinensis Academiæ Cancellario, in Philosophia publice cum summa sua laude disputaret. Verum inter ea studia non continuit se, sed multos veterum Patrum libros, quin & polemica Pontificiorum simul & nostrorum scripta interim percurrerebat, atque ita quidem ut cum sacerdotum Romanensium principibus disputationem deinceps nunquam detrectaret. Imo cum Henrico Simondio Jesuita, poscente sibi dari adversarios in castro Dublinensi de arce causæ suæ (scil. Antichristo) sæpius ita conflixit, imberbis juvenis cum veterano milite, ut & provocationis eum suæ peniteret, & satis antagonistarum in uno hoc octodenario tyrone experiretur. Ipsum audite Jesuitam in præfatione libri sui quem de *Britannomachia* miniatorum placuit inscribere. *Prodiit quidem semel, (inquit) octodenarius præcoci sapientiæ juvenis, de abstrusissimis rebus Theologicis, cum adhuc Philosophica studia non esset emensus, nec ephebis egressus, disputandi avidus, &c.* Quem postea cum adoleverat *Acatolicorum doctissimum* idem ille pronunciabat, at plura sane & insolitum ex id genus adversarii ore testimonium.

Sed dum *Ufferius* noster adeo avide instaret Theologiæ studiis, ecce remora, quæ tam festinantem ejus cursum sufflaminaret. Siquidem illud tempus jam supervenerat quo Pater illum voluit ad juris Anglicani studium, uti olim constituerat, applicare, qua in re, vincente animum reluctanter pietate, morem parenti gerere paratus erat, nisi Patris mors intervenisset ac debitum Theologiæ ingenium tam ardenti suo desiderio restituisset. Veruntamen nova illi exinde difficultas & sollicitudo exorta est; ne scilicet ampla illa quæ Pater reliquerat latifundia curis illum & spinosis controversiis, literarum studiis quam maxime inimicis, implicarent, has ille quo facilius devitaret, exuebat se patrimonio suo; illudque fratribus ac sororibus suis herciscundum permisit, seipsum interim Dei providentiæ resignans, cujus ministerio se jam devoverat. Verum ne vel temere vel ex animi imbecillitate potius quam prudenti ac deliberato consilio celsisse forte putaretur, patrimonii sui statum ipse prius accurate descripsit, tum vero quibus illud applicari voluit usibus, prudenter quidem, indicabat. Hac ille ratione ex impedimentis illis veluti extricatus, acriore jam animo urgebat institutum suum; atque annum ætatis vicissimum assecutus, magister Artium

remun-

renunciatus, ac disputatione Philosophica in publicis Comitibus defunctus est.

Non ita multo post electus est Collegii Catechista; quod ille munus adeo diligenter administavit, ut magnam totius Theologiæ partem tractaret & ab-solveret; atque hoc quidem didactice, ac intra Collegii sacellum peragebatur, postmodum vero idem delectus est, qui in publico urbis templo ea religionis capita pro concione tractaret, de quibus inter nos & Pontificios intercesserat controversia, eo nempe consilio, ut firmaret nostrorum animos in fide ac professione veritatis, illos autem ab errore, si fieri posset, revocaret. In illo opere postquam aliquandiu feliciter, & cum summa omnium utilitate processerat (quantum scilicet experimento sui videbatur illi sufficere posse) non ulterius sibi in eo stadii perendum esse statuebat, donec sacris ordinibus esset initiatus, quod brevi postea (anno scilicet 1601.) effectum est, patruo ipsius *Henrico Usserio* Archiepiscopo Armachano ordinante, licet nondum iustam ætatem consecutum neque enim æquum, aut è re Ecclesiæ videbatur; ut qui doctrina, prudentia, ac pietate annos prævererat, cunctantis ætatis legibus obstringeretur. Neque cum à sacerdotali munere suscipiendo deterrere potuit præsens periculum, quod verbi præcipue ministris tunc temporis imminerebat; si nempe Hispanorum arma, quæ de summa rerum Hibernicarum, ac Potestantium jugulis decernebant, ex voris suis successissent. Quia eo potius capebundum sibi esse illud munus existimabat, quoniam, si strage illa, quam designantur papistæ, involveretur; propius ad martyrium hac ratione accessum se arbitrabatur. Verum percussio eo prælio Kinsalensi, suisque Hispanorum copiis, spe itidem sua sanguinolenta ista papistæ exciderunt; quapropter dissimulatis odiis, ac meditata stragem in tempus opportunum differentes, coeperunt exinde tractari posse, statuto regni morem gerere, sacra Protestantium frequentare, & spes haud exigua gliscebatur fore ut in veritatis castra transirent eorum plurimi, & in puræ religionis professione cum nostris aliquando coalescerent. Verum, legis illius vi & efficacia de subito per suspensionem sublata, & rescissa, omnia deinceps in pejus ruere, ac retro sublapsa referri; tum Papismus, veluti repetito ad saltum spatio, & quasi diluvio quodam, omnes ripas superante, totam illam Gentem inundabat. Quo sane tacto adeo graviter commotus est *Usserius* noster, ut publice coram Optimatibus concione habita illud Propheta Ezekielis quarto sexto ad rem Hibernicam accommodaret; atque inde tibi eliceret Patriæ suæ ruinam post quadraginta annos imminere. Quod quidem ejus seu pronuntiatum, seu vaticinium, utinam eventus rerum non ita nimium comprobasset; certe quod eo tempore illi præfigiebat animus adeo sollicitè ac intente deinceps expectabat, ut quo magis tempus illud propinquaret, eo majorem indies haberet de re futura confidentiam; prout ipse per annos plus sedecim testari possum (inquit Bernardus) ut qui sæpius illum (nec sine summa admiratione mea) audivim expectantem hanc suam profitentem.

Illa autem quam modo memoravimus Papistarum instructio occasionem illi præbuit totum doctrinæ corpus in illum Catechismum reducendi, qui nuper sub ejus nomine aliquoties excusus est, quanquam ipse pro suo opere non agnovit eo quod cinnus tantum esset è Cartwrighto, Crookio, aliisque Theologis Anglicanis verbatim excerptus & confarcinatus, isque dimidia jam parte man-

cus,

cus, nec ipsius sententiæ ubique concors, uti ipse literis ad Downhamum scriptis aperte testatus est.

Paulo post victoriam illam Kinsalensem, qui in exercitu nostro cum imperio erant, spectabiles viri, quo palam fieret quanta esset inter arma & artes necessitudo, quamque in promptu esset viris de patria sua optime meritis de republica etiam literaria bene mereri, mille octingentas libras Bibliothecæ publicæ Collegii Dublinensis Instruendæ magnifice contulerunt. Libros igitur commendæ provinciæ Usserio nostro cum Challonero communis est delegata; Qui eo consilio continuo in Angliam trajecit; ubi Thomam Bodleum militem reperit idem prorsus volentem saxum in gratiam Bibliothecæ suæ Oxoniensis. Quamobrem in fœdus coeuntes in negotio non absimili mutuas operas quam amicissime præbuerunt. Ex illo tempore factum est ut Usserius quovis triennio Angliam inviseret; ubi mensẽ unum Cantabrigiæ, alterum Oxoniis, utriusque Academiæ libris, manuscriptis imprimis, excutiendis infumebat; in quibus, iis qui in Collegio Corporis Christi Cantabrigiæ asservantur, facile primas tribuebat. Tertium vero mensẽ Londino assignavit, ut Bibliothecam Cottonianam scrutaretur, & doctorum quorundam virorum consuetudine uteretur.

Primus illum dignitate Ecclesiastica ornavit Lothufius Archiepiscopus Armachanus, Sancti nempe Patricii Dublinii Cancellariatu, quo honore jam tum indutum Wilhelmus Camdenus cum commemorat quam honorifice.

Anno hujus seculi septimo gradum suscepit Baccalauri in S. Theologia, & modico spatio intersecto Theologiæ Professor publicus Dublinii electus est, quo ille munere dum per annos tredecim, aut eo amplius exequeretur, magnam controversiarum Bellarmini partem ad examen revocabat; quarum prælectionum volumina tria, ipsius descripta manu, se vidisse refert ac perlegisse Bernardus, quæ si quis in lucem publicam edenda procuraverit, rem proculdubio facturum est non minus Ecclesiæ Dei gratam & proficuum, quam Usserio debitam, & Academiæ illi honorificam. Biennium inde effluxerat, cum de fundis quibusdam Ecclesiasticis controversia quædam exorta est; qua de re librum scripsit Usserius eruditum, eoque magis liberum à studii partium suspitione, quod nulla ei exinde messis succrescere posse videtur. Cujus quidem scripti res præcipuas Glossario suo inseruit Henricus Spelmanus Eques, ac doctissimi idem antiquarius, easque auctori sibi acceptas.

Post exiguum inde temporis intervallum natos jam annos præter-propter triginta Collegii Dublinensis Præpositus unanimi sociorum consensu eligebatur, quod ille munus, utut satis in se honorificum, & si emolumentum spectes, non contemnendum; cum tamen facile prævideret quanta sibi studiorum impedimenta exinde essent nascitura, continuo detrectabat, quo expeditior foret ad institutum sibi cursum peragendum. Tantilla res pecunia videbatur animo ad sublimiora aspiranti! Altero biennio hinc elapsu Doctoris laurea ab Hamp-ton Archiepiscopo factus est; cujus dum esset candidatus de 70 hebdomadis Daniels, ac de millennio Apocalyptico doctissime prælegebat.

Anno proximo librum illum in lucem edidit, quem *De Ecclesiæ Christianarum successione & statu* indigavit. Anno vero seculi hujus decimo quinto prodierunt Articuli illi Ecclesiæ Hibernicæ, quos publicus Episcoporum totiusque

X x x

cleri

cleri conventus, quæ Convocatio dicitur, tamquam religionis ac doctrinæ quam profitebantur summulam, extare voluit, in quibus quidem describendis digerendisque Synodus Usserii operam adhibebat.

Verum non potuit diutius tanta viri virtus invidia & detractatione carere, quæ, velut umbra quædam maligna, solent eminentiorem virtutem comitari. Non defuerunt ergo qui illum apud Jacobum Regem veluti Puritanum calumniabantur quasi Episcoporum regimini iniquiorem; quod nonnulli *amabant* ea voce significare; quamvis apud presanam plebem nihil solennius quam eam fabam cudere in omnes serio & sine ludo pios; verum ad Regis prudentissimi colloquium admissus Usserius ita à se accusationem illam depulit, ut & se, & pietatem suam deinde haberet apud Regem probatissimum, quod quidem suum de illo iudicium quo Rex omnibus testatur, sponte sua, & ex mero (quod dicitur) motu illum Midentis Episcopatu jam tum vacante condecoravit. Ita nempe bonus & sapientissimus Deus adversariorum malitia & petulantia ad servorum suorum prosperitatem sæpe abutitur.

Electus jam Episcopus, postquam ad Parlamentum Anglicani inferioris ordinis senatores concionem habuerat cruditam, (quæ postea ipsis tradita est ex illorum mandato) ac in Hiberniam erat reversus ab Hamptono Primatè, duobus Episcopis Suffraganeis, pro more & præscripto illius Ecclesiæ, assensibus, Episcopus Midentis consecratus est. Neque porro desistit à vetere sua concionandi diligentia, verum quo arctius se ad eam obstringeret Episcopali suo sigillo inscribi voluit illud Pauli effatum, *Va mihi si non Evangelizavero*; ut vere de illo dici possit quod de Augustino in ejus vita Potidonius. *Atque Episcopatu suscepto, multo instantius ac ferventius majore autoritate, non in una tantum regione, sed ubique rogatus, verbum salutis æternæ alacriter & suaviter, pululante atque crescente Domini Ecclesia, predicabat.* Quocirca cum multos haberet in Diocesi sua pontificios, primo certè colloquiis privatis cum eis egit, quibus profecto tantum effectum est ut concionantem illum audire deinceps non recusarent, modo ne in templo tamen quod ipsum iis condonandum putavit, ac proinde in foro juridicali concionem habuit; qua sane nonnullorum animos ita flectebat, ut nunquam in posterum à sacrificiis suis ullibi cum concionantem audire permitterentur; nihilominus postea multos, qua concione, qua colloquio, ad agnitionem perduxit Evangelicæ veritatis.

Circa idem tempus cum in Papistas nonnullos sententia in camera stellata ferenda esset, quod juramentum de suprematu Regis agnoscendo recusarent, ei partes datæ sunt eos prius instruendi, ac de juramento illo commonefaciendi quod ansam præbuit crudità illi quam de ea re habuit orationi, quæ in operibus ejus Anglicanis hodie conspicitur. Ecclesiæ adhuc Midentis Episcopus Malonei Jesuitæ provocationi scripto respondit, quod dum edendic causa in Angliâ commoraretur de Ecclesiæ Christi universalitate coram Jacobo Rege cruditam habuit concionem, quæ etiam publici juris facta est. Sed ecce dum vindicandæ veritati sedulo incumberet ad Armachanam sedem, Hamptono demortuo, evehctus est, centesimus à Patricio illius Cathedræ Episcopus, qui Augustini coævus, prius ibidem sedisse perhibetur; & eandem ibi doctrinam quam nos hodie profiteamur prædicasse, prout Usserius alicubi de verisimili saltèm commonstravit.

Summum

Sunimum jam Ecclesiastici honoris apicem, in eo quidem regno, consecutus de solita tamen sua in concionando diligentia nihil quicquam remittebat. Ita summus honos, qui nonnullorum animos corrumpere solet, & vel elevare superbia, vel otio discingere, huic certe quidem & humilitatem auxit & acuit industriam, verum dum supra quam quod vires ferrent concionando incumbere, accidit ut febris quartana correptus per novem menses detineretur, qua tamen (favente Deo) feliciter tandem defunctus est.

Vix à morbo illo convaluerat cum Mordantius Baro (qui idem postea Petropolitanus comes) Fide ac professione pontificius uxorem suam ad easdem partes traducendi cupidus, id non alia ratione commodius aut certius fieri posse putabat, quam si duos doctos & priuatos viros, alterum ex altera parte, audiret disputantes, quo circa causæ suæ pugilem delegit Beaumontium Jesuitam, cui verum nomen suberat Rookwoodus, utpote illius Rookwoodi frater qui ob conspirationem sulfuream capite poenas dedit. Hunc contra antagonistam elegit pia Domina Primatem hunc nostrum, qui reformatæ fidei partes disputando tueretur. Is, quamvis effet haud satis adhuc confirmatæ valetudinis, aut tanto itineri viribus idoneis, pro eo tamen quo semper fuerat veritatis propaganda & animas lucrificandi studio, rogatus id munus non detrectabat. Locus disputationi assignatus erant ipsius Baronis ædes, quæ hodie Draitioniæ conspiciuntur in agro Northamptonienli, eo certe huic negotio magis accommodæ, quod Bibliothecam continerent veterum Patrum scriptis instructissimam, quæ ibi in promptu erant, si ad ea forte (quod fere fit) inter disputandum fieret provocatio. Disputationi capita proponebantur *De transubstantione*; *De Sanctorum invocatione*, *De imaginibus*, atque de *perpetua Ecclesiæ visibilitate*; Postquam triduum fuisset disputationi datum (singulis nempe diebus horæ quinque) in quibus Reverendissimus Primas respondentis partes sustinuerat, die quarto Jesuitæ idem munus ex optione propria incumberebat; qui ad horam conductam non comparuit, verum scriptis ad Baronem literis se excusavit, quod omnia quæ excogitarat argumenta è memoria prorsus excidissent, nec revocanda; cujus infortunii causam in iustum Dei iudicium rejiciebat, quod sponte sua, absque licentia superiorum, cum viro tantæ eminentiæ ac eruditionis ausus fuisset in arenam descendere; quæ tam turpis ejus tergiversatio tantum sane valuit apud Baronis animum, ut postquam sermones cum Primatè ulterius conscruerat, Pontificiorum partibus nuncium remitteret, & in Evangelicæ veritatis professione ad finem usque vitæ perseveraret. Atque hæc quidem accepi (inquit Bernardus) ab oculato & aurito teste, quibus & fidem aliquam afferre possit illa Chaloneri, sacerdotis secularis, exprobratio, qua in libro contra Beaumontium edito, cum ut caveat porro monet ab ædibus illis Draitionenianis, ne forte in Usserium alium incidat, qui illum denuo in fugam agat, non sine sui ipsius & professionis suæ ignominia. Quæ omnia si quis diligenter animo secum perpenderit, non mirabitur quod Pia Domina tam insigni pietate ac reverentia Reverendissimum hunc Primatem, quoad viveret, prosequeretur. Qui in Hiberniam reversus incredibili omnium gaudio exceptus est; ac in autumno ejusdem auri, (qui erat 1626.) cum in publico Gentis illius confluxu id à Falklandio ageretur (summus is erat sub Jacobo Rege Hiberniæ moderator) ut si modo milites alerent suis sumptibus Pontifici,

X x x x 2

religionis

religionis suæ publice exercendæ ampliorem facultatem consequerentur; Reverendissimus Primas facile perspicuens eâ res quam fatalis Hiberniæ futura esset, omnes ditionis suæ Episcopos convocavit, qui ejusmodi indulgentiæ impietatem, subscriptis nominibus, unanimi consensu in hanc fere sententiam testati sunt. Quod quum Papistarum religio superstitiosa esset ac idololatrica, fides erronea ac hæretica, Ecclesia utriusque respectu Apostolica, liberum iis religionis suæ exercitium liberamque fideli suæ ac doctrinæ profissionem indulgere grave peccatum foret; tum quod hac ratione omnium Papismi superstitionum, idololatriarum, hæresium, ac uno verbo abominationum ejus omnium, quin & perditionis omnium, quotquot in illius apostatiæ diluvio perirent, culpa & reatu nos (aiunt) involveret, tum vero etiam quoniam hoc facere pecuniæ gratia nil aliud foret quam religionem venum exponere, imo & animas pretio prodere quas salvator noster Jesus Christus precioso suo sanguine redimere non dubitavit. Deum propterea veritatis comprecantes, ut vellet omnes, qui cum imperio erant, zelo Dei gloriæ & veræ religionis propagandæ studio imbueri & contra Papismum, Superstitionem, ac Idololatriam omnem fortes eos reddere, zelo affectos, & animo quam maxime obfirmatos. Episcopi duodecim omnino erant qui huic protestationi subscripserunt; quam Downhamus Derriensis Episcopus, cum postea coram Falklandio & concilio prædicaret, media concione publice recitavit; quin & Reverendissimus Primas eandem proximo die Dominico coram eisdem inter concionandum comprobavit; una innuens quam gravis ira Dei ob talem animorum propensionem ei genti impenderet. Unde tandem effectum est ut ad alia consilia desisterent, nec ita multo post Falklandius in Angliam rediturus, dimissis primum cæteris, qui illum honoris causa fuissent ad litus comitati, tandem in genua procidens ac Reverendissimi Primatis complexus genua benedictionem ejus humillime petiit & accepit.

Paulo antequam conveniret Hiberniæ Parlamentum Anno 1634. transmissæ sunt ex Angliâ à Regiâ Majestate ad Dominum ejus vices gerentem & concilium literæ, ut sententiam scrirent judicalem, utrum sedi Archiepiscopali Dubliniensi, an vero Armachanæ, prioritas & præcedentia de jure deberetur; qua de re nuper exorta fuerat controversia. Annachanus pro summa sua modestia ac humilitate agere tandem induci potuit ut in eam arenam descenderet, verum jussus causam dicere, id tanta cum eruditione fecit, tamque loculenta adduxit ex ultima antiquitate testimonia, ut secundum illum à judicibus causa data sit. Non ablimiles postea literæ (clam Usserio) allatæ sunt, quæ Primatem priore ante Dominum Cancellarium loco habendum esse, decernebant. Qui sane honores ita ejus animum minime efferebant, ut oncris potius apud ipsum, & gravaminis loco haberentur. Postquam autem jam coierant senatores, Usserius concionem doctam & piam apud eos habuit: quin & simili concione post quinquennium inde alud Parlamentum auspicatus est.

Anno vero 1640. ex Hibernia in Angliam, principum quorundam viro- rum hortatu, evocatus est, ut consiliis suis pacificis, si fieri potuisset, illorum temporum dissidia conciliaret, ac animos hominum conciliaret; obtulit quidem ille tunc temporis suum de Episcopali regimine retinendo ac ad primitivum statum reducendo consilium: at — *quem tum vater Cassandra movebat!*

verum

verum ita certe providentia divina effectum est, ut ille interim à patriæ suæ conflagratione ac fœvissima laniena ciperetur, hanc ille cladem ante quadraginta annos circa hoc tempus eventuram denunciaverat, ac sæpius exinde habentibus annis præmonuerat (ut superius dictum est) & probe memini (inquit Bernardus) cum in Angliam proficiscenti valedicerem, quam solenniter monuerit de imminentibus jam tum ærumnis, & tristissima illa calamitate, quorum me dixit testem futurum esse priusquam denuo ad illius conspectum devenirem, brevi post tempore ille malorum Illas miserè illius Gentis viscera invasit, enimvero Jesuitarum & Sacrificulorum rabies in Protestantibus eoque exarserat, ut plebem pontificiam in immanem levitiam ac feritatem inflammarent, quales haud scio an ulla unquam ætas post homines natos experta sit. Siquidem ad dictum diem Protestantium jugulificas suas intenderunt ac intra paucos menses ducenta hominum millia infanda strage, nulla vel sexus vel ætatis ratione habita, nihil quicquam tale vel somniantes interfecerunt, nec alia de causa quam quod religionem reformatam profiterentur.

Ex hoc patriæ suæ naufragio, & quasi *παυσανδρὸς* lx, Usserius quidem ipse vivus, ac sane nudus, emerxit, non sine rerum omnium iactura & dispendio; neque quidquam habebat reliqui quod victum illi suppeditaret. Sola supererat libraria supellex, quam, undecunque locorum conquistam, selectissimam habuit, & quantivis pretii. Hoc studiorum solatium erat & adminiculum, nec sine publico rei literariæ damno perire potuit; verum postquam quatuor jam menses in urbe Drogheda obfessa fuerat à rebellibus pontificiis, tam optimæ prædæ imminentibus ac inhiantibus, tandem Dei beneficio & misericordia effectum est, ut, urbe ipsa ab obsidione liberata, Bibliotheca una cum Bernardo, (cuius tutelæ fuerat à Primatè commissa) è Jesuitarum & Sacrificulorum faucibus erepta fuerit & conservata, ac integre demum, una cum codicibus omnibus Manuscriptis, ad Cestriam in Angliam ejusdem anni ætate transmissa; non sine magno illius gaudio, & Ecclesiæ Dei emolumento.

In hisce tantis rei familiaris angustiiis, & rebus suis tam alienis constitutus, concionatoris munus obcundo vitam aliquandiu tolerabat. Accidit autem circa id tempus ut Wentworthius Straffordix comes, tanquam Majestatis reus, in judicium capitis vocaretur, in quem sententiam ferre Rex ferecissimus magnis de causis cum dubitaret, Reverendissimum hunc Primatem ac alios Episcopos nonnullos in consilium adhibuit. Exinde nonnullorum hominum seu temeritas sive malitia ansum arripuit Primatem calumniandi, acti suae Regi fuisset illius sententiæ ferendo cuius cum postea poenitebat latæ, verum hujus calumniæ falsitas abunde satis arguitur ex Usserii narratione à Bernardo publicata, qua rem totam prout gesta est exposuit; tum vero præcipue ex omni exceptione majore ipsius Regis testimonio, qui cum Oxoniis tallum de Usserii morte tumorem accepisset, doloremque suum de tanto tum Ecclesiæ tum suo damno, conceptum testaretur, cuidam pravum illud consilium memoriæ viri objectanti, falsitate ac indignitate rei commotus Primatis in eo negotio innocentiam, addito juramento, vindicavit, uti retulerunt viri summi & notæ & iudici, qui tunc intererant auri testes.

Biennio vero post ejus in Angliam adventum, scintillante jam tum civili bello, ac mox (uti videbatur) sevituro, impetrata prius à Parlamento venia,

studendi

studendi gratia Oxonium se contulit, florentissimæ ibidem Bibliothecæ usus beneficio. Quo cum post biennium alterum Rex advenisset, coram eo concionem habuit Reverendissimus Primas piam sane ac eruditam, ab illo scripturæ loco Nehemiæ quarto undecimo auspicatus, quem dum tractaret auditores movit, quam periculosa res foret, ac alæ plena, Papistis fidem ullam adhibere, ut qui primam quamque opportunitatem arrepturi essent eodem plane modo nobiscum agendi, quo jam nuper tractaverant in Hibernia Protestantes, quo ille dicto ut nonnullorum animos lassisse dicitur, ita suam ipsius animam liberasse.

Martio proxime insequente Oxonio valedicens in Cambriam fecisset, apud filiam, quam habebat unicam, aliquandiu commoraturus, quæ Timotheo Tyrello antea nupserrat, equestri dignitatis viro, ac tunc temporis Cardifæ cum marito suo, (qui eam urbem sub Rege Carolo præsidio tenebat) habitabat. Quem cum Rex alio secum abduxisset, Usserius, neque castra sequi valens, nec locum habens in quo consisteret, à Selectissima Domina Stradlinga ad castellum suum quod Sancti Donati dicitur ad lapidem exinde duodecimum humanissime invitatus est. Verum dum itineri se accingeret, planitiem illam, qua eundem erat, ab armato milite de subito confluyente occupatam esse intellexit, quocirca, conductis peritis viæ ducibus, occulto itinere præterlabi militem conatus est; neque sic tamen evitare potuit, quo minus ipse cum filia & Bibliotheca portatili (quam sex ille citius inclusam habebat selectissimam, studiorum ac peregrinationis suæ dulcem comitem) in milites seu palantes live exploratores incidere, qui continuo illum cum filia & modico suo famulatio equis detractos ad exercitum rapiebant, libros autem atque chartas, maximam partem ipsius manu exaratas, in centum manus momento temporis non sine ludibrio quodam disseminabant. Ipse interim, pro ea qua erat mirabili animi humilitate & patientia, stabat pedes, ac taciturnus, neque ullum commoti animi indicium aut verbo aut vultu spectantibus exhibebat. Suppedit autem nonnullos melioris commaris viros tam rudis ac plane barbaræ viri tam sancti tractationis; quocirca illum ad Johannis Auberii Equitis auras non longe distantes deduxerunt; à quo humanissime ea nocte acceptus est.

Proximo die cum omnes librorum & scriptorum damnorum inestimabile juxta ac irreparabile inpatienter satis deplorarent; Ipse interim, quiescite inquit, providentiæ divinæ manum exosculamur, quæ quid nobis apportet nondum satis fortasse intelligimus: Ego autem hoc unum dico, quæcunque ego longo studio & labore meo in usum ac bonum publicum congesteram, iis omnibus nos rudem militem dispoliasse, neque aliud quidquam habeo quod Chronologiam meam (jam quidem prope consummatam) expectantibus deinceps possum reponere, nisi operis materiam ac apparatus omnem interiisse: Verum ecce *beos ætæ nostræ*! Siquidem cura & industria Generosorum illius regionis hominum, ac verbi Dei ministrorum, tam irreparabili Ecclesiæ damno indolentium effectum est, ut intra trimestre spatium omnes illi libri chartæque hinc inde comportati sint ac restituti; neque ullum deesse compertum est præter Cicerois opera, & duos de Waldensibus codices calamo descriptos, quantavis certe pretii, ac operi de ecclesiarum Christianarum successione & statu perficiendo utiles ac necessarios: quos Romanensium certe intererat non comparere.

Dum autem ageret Sancti Donati gravi morbo correptus est, qui medicis Dyfuria

Dysuria videbatur. Hic illum quam seueris torminibus exercebat, in quibus mediis patientissime se gessit, Deum laudans ac ejusdem voluntati se totum resignans; piis consiliis circumstantes hortatus resipiscentiam ne differrent, ac piā vitam ad extrema rejicerent. Sed huic morbo, accesserat per nares fluxus sanguinis, qui durabat horas quadraginta continuas nulla quidem arte sistendus, adeo ut nulla spes vitæ superesset. Cum autem jaceret jam expiranti similis, sponte sua subsistente sanguine, aliquantisper mentis excessum passus est; quem astantes quidem mortem interpretati sunt. Verum respexit Deus languentem servum, cumque velut ex umbra mortis resuscitavit, qui sensim vires, & quasi è postliminio recipiens pergebat deinceps in tela ordita pectenda.

Rebus autem Regiis ubique jam prostratis & conclamatis, cum nullus ei locus superesse videbatur, ubi tuto posset conquirere; consilium cepit de partēs aliquas transmarinas adundo, ubi nec Pelopidarum. Verum cum transitum omnem sibi interclusum esse intelligeret eam cogitationem deposuit. Neque multum inde temporis intercefferat cum Petriburgensis Comitissa, jam tum vidua, instanter eum ac humanissime invitavit, ut suarum ædium hospitio uteretur, præstans interim ac in se recipiens eum tutum apud se receptum ac conditionem ipso non indignam consecuturum. Cupiebat liquidem pia & grata forma acceptum olim beneficium officio aliquo suo in tam opportuno ac necessario ejus tempore compensare. Quocirca Ulserius postquam super ea re aliquandiu deliberaverat, Rege imprimis annuente, oblatum beneficium in se admisit.

In eo recessu deflebat nefandum illud ac infame Regicidium, quod post aliquot menses patrum est; de quo nunquam potuit sine summo dolore meminisse. Non multum inde temporis elapsum est, cum publicis Hospicii Lincolnienfis suffragiis invitatus concionatoris apud eos munus capessere, quod quidem ille, summa auditorum benevolentia ac honore acceptus, complures annos exquebatur; donec tandem, viribus simul & oculis deficientibus, amici illum hortati sunt, ut quod reliquum erat spirituum Scriptis suis (quæ jamdudum à multis expectabantur) perficiendis reservaret. Quorum ille precibus auscultandum esse ratus munere illo concionatorio cessit. A quo tamen in posterum se vix abstinuit, siquidem de illo etiam per infirmitia cogitabat (uti Bernardo dixit) ac de eo in privato aliquo sacello proxima ætate resumendo apud se statuerat, si mors consilia ejus non ampetasset. Nullum interim tempus à studiis & laboribus suis vacuum effluere unquam passus est: Cumque nullum ei subsidium amplius asserre potuit specillorum usus, splendorem solis undecunque captans insequeretur, eoque modo hanc modo illam fenestram subintrante ad legendum scribendumque utebatur, verum aliud ei lumen paraverat coelestis pater, cujus brevi post tempore particeps factus est.

Sex ante obitum septimanis (aut præterpropter) accidit ut concionantem audiret virum pium ac eruditum, qui illi tum temporis a sacris erat, sacræque per multos annos ejus in adversis comēs & consiliorum particeps (quique nos omnes hic munus habet debendi reos) Huic Primas, cum de verbis Paulinis initio Capitis tertii ad Colossenses concionem (uti dicere coeperam) habuisset, “ Me, inquit, imprimis spectat hæc tua concio, qui modò sum è mundo
“ abiturus,

“abiturus. O, quam cupiam mihi cor in coelis esse, animæ meæ rationes
 “nunc excutio, si omnia in vado atque tuto sint. Deinde cum intimos ani-
 mi sui sensus eidem sermone aperuisset, ecquid inquit obsecro de me judicas?
 Cumque is nullum esse dubitandi locum respondisset, ah! (inquebat) tu qui-
 dem pro charitate tua pronuncias, Deus autem scrutatur cor. Non absimile
 quid postea, in ultimo suo à Londino decessu Bernardo valedicens, habuit, de
 sciplo loquens tanquam de sanctorum minimo, nec sine lacrynarum utrobique
 profusione; circa idem tempus, uti antea sæpius, inquit Bernardus, ingentem
 animi sui sensum aperuit de impendente Ecclesiis reformatis à papistis sævissima
 persecutione.

Dies vicissimus supervenerat mensis Martii Anno 1655. cujus luce cum
 Chronologiæ suæ sacrae prope totam impendisset, ac deinde foeminam quan-
 dam morti tum proximam consiliis suis & consolationibus communivisset, ipse
 dolore coxendicis correptus est, qui ischiadis post triginta quinque annos re-
 cursus aliquis videbatur; verum is, quicumque fuerit urguentorum usu est pro-
 ligatus, adeo ut ipse eam noctem quieti daret, aurora autem subsequente de
 gravi latæris dolore coqueustus est, qui cum nullis medicamentis cederet, viri-
 bus etiam flaccescens, continuo ille ad preces se recepit; & quidem quoties
 tormina se remitterent aliquantulum, subinde astantes monuit, ut dum adhuc
 valetudine fruerentur morti se paratos redderent, ut ea tandem superveniens,
 nec imparatos eos nec aliis rebus impeditos deprehenderet. Cujus ille ad-
 ventum (compositis brevi rebus suis) lubens jam lætusque expectabat. Die
 autem procedente cum verbi Dei ministri, qui tunc ei adfuit, subsidium in pre-
 cibus aliquandiu adhibuisset, de cætero privatis suis ac solitariis permitti voluit;
 adeoque circiter horam à meridie illius diei primam, dum à Deo peccatorum
 suorum remissionem enixe petcret, insolita vocis intentione hæc ultima ejus
 verba pronunciabat; tum vero *præcipue, Domine, condones mihi peccata mea omis-
 sionia*, itaque optionem suam est consecutus (quam ego sæpius (inquit Bernar-
 dus) illum ante audiveram conceptis verbis significantem) ut cum Perkinsio
 nostro misericordiam Dei ac veniam implorans expiraret.

Hunc in morem vir sanctissimus diem supremum clausit in ædibus nobilissi-
 mæ Petriburgensis Comitissæ, quæ Rigatæ in agro Surriensi conspiciuntur,
 postquam præsentia sua annos jam amplius septuaginta quinque bearat
 orbem, Evangelium Christi per annos quinquaginta quinque prædicaverat,
 ac unum supra triginta annos Armachanam sedem exornaverat, iusta vero ex-
 equiarum splendide satis in sacello Henrici septimi Westmonasterii peracta sunt;
 ubi mortales ejus exuviae non procul à cineribus Jacobi Fullertoni, Præceptoris
 sui, repositæ sunt. Fuit ergo Hiberniæ decus, fuit Episcoporum gloria, fuit
 pietas, fuit Usserius. De quo pari jure meritoque dici possunt quæ Erasmus
 sparsum de Augustino.

“Insignis erat Sanctissimi Præfulis mansuetudo, miranda quædam animi
 “lenitas. Linguam habebat ab omni petulantia & convitiis puram. Inge-
 “nii felicitas prorsus erat incomparabilis, sive spectes acumen, vel obscurissi-
 “ma facile penetrans, sive capacis memoriæ fidem, sive vim quandam mentis
 “indefatigabilem. Difficultatibus questionum alcabatur. Amabat perfectam
 “pietatem; ad docendum semper erat paratus, non aliter quam avidus nego-
 “tior

"tiator ad lucrum. En aliud in hoc Episcopo miraculum! in tam multis, tam
 "eximiis virtutibus, quam nullum supercilium! O virum ad totius Ecclesie
 "publicam utilitatem natum, factum, datumque divinitus!

Et quidem, si vellem *πρῶτον* *εὐαγγελίου*, erat ei corporis forma iusta &
 recta, statura modice procera, vultus serenus & amabilis, gestus qualis omnium
 reverentiam invitaret, habitudo corporis firma satis & fida fuit, morborum in-
 sultibus rarissime obnoxia. Cibo neque multo neque lauto alebatur; unde
 nec stomachus ei nec cerebrum crapulae unquam aut temulentiae incommodis
 affligebatur. Exercitationibus gaudebat modicis ac innocuis, quaeque corpus
 simul & animum reficerent.

Indolem habebat optimam à natura inditam, nihil in eo tetricum aut moro-
 sum (etiam fene) fuit, nil imperiosum aut fastidium spirans, faciles semper
 motus atque lenes habuit, irasci novit; at, præter peccatum, res sane paucissimas
 ira sua dignas iudicavit.

Ingenium habuit ad omnia studia idoneum, sed non desultorium, iudicium
 serenum ac stabile; memoriam usque adeo fidam promptamque ut omnia fere
 quae legerat retineret, & saepe quae Anglice vel Latine publice dicenda habuit,
 tantum aberat ut è scriptis recitaret, ut ne in scripta quidem conjiceret, con-
 tentus rerum tantum capita leviter calamo perstrinxisse.

Hoc ille gazophylacium omnigena eruditione locupletavit. Cuius ope tot
 libros scripsit, quot præter illum pauci, & quidem cum omni acuratione ac
 iudicio, deque rebus fere arduis ac utilissimis. Huius armarii ope toties ille
 cum hoste confixit, toties idem de hoste triumphavit.

At diligentiam ejus & industriam quis non mirabitur? ego certe quoties
 eam cogito non possum quin exclamem (quod de Cæsare Cicero) ô horribi-
 lem diligentiam!

Pectus ejus pietatis sacrarium erat; humilitas & mansuetudo erant in illo
 plane *αὐτοχθόνες*, mirabilis ejus in prosperis rebus moderatio, in adversis pati-
 entia, in omnibus constantia & æquanimitas. Paci studuit, ut qui maxime,
 fratrum dissidiis vehementer indoluit: tantum aberat ab injuria cuiquam in-
 ferenda, ut ne sibi quidem illatam ulcisceretur, verum ex Evangelicæ legis præ-
 scripto etiam inimicos diligeret ac amoris officiis prosequeretur.

Rem familiarem cum prudentia & pietate administravit, ab omni avaritia
 alienissimus, pauperes liberaliter sublevavit. Theologus erat, si quis alius, pro-
 fundissimus, concionator facilis, facundus, diligens, ac plane Apostolicus, Epif-
 copus vigilantissimus. At frustra essem si vellem pergere; si omnia comple-
 cti, vanus. Conscia est Hibernia, intelligit Anglia, novit Orbis Christianus
 universus qui & quanti fuerint ejus pro Ecclesia, Dei suscepti labores, quantæ
 curæ & sollicitudines. Nota sunt Regum Jacobi Carolique de eo judicia.
 Quid memorem eximium illud totius Hiberniæ Senatus testimonium, non mi-
 nus sibi ipsis quam Ulserio honorificum? qui publico senatusconsulto prospex-
 erunt, ut quoniam vir Reverendissimus ob incorruptam fidem Regi præstitam,
 & sinceræ religionis professionem inconcussam, ac defensionem incomparabi-
 lem, bonis suis omnibus exutus fuerat, quingentarum librarum redditus annuus
 & perpetuus filiae ejus & heredi unice decerneretur.

Prætereo illum Senatus Anglicani, ipsiusque deinde Cromwelli munificentia
 fuisse

fuisse sublevatum (quod testatur Bernardus) tantum valebat ejus summa pietas & eruditio etiam apud eos, à quorum factis toto animo abhorrebat.

Ambibant illum Batavi professorem suum honorarium; Card. Richelieu suum hospitem; at neutrum conditionem ille in se admisit. Taceo hic eruditorum hominum elogia, quibus certatim eum laudibus suis cumularunt. Fred. Spanhemii, Ger. Voßii, Alex. Mori; Bocharti, Bootii, quin & nostratium Seldenii, Twissdenii, Camdenii, Spelmanii, antiquitatis peritissimorum; Davenantii, Prideauxii, Gaudenii, Episcoporum. Quorum calculos fere congescit Bernardus, aliique. Academiæ Oxoniensis de eo judicium libet hic apponere, quæ hoc ejus effigiei in ære cælo adscribendum curavit.

Jacobus Usserius, Archiepiscopus Armachanus, totius Hiberniæ Primas, Antiquitatis primæ peritissimus, Orthodoxæ religionis vindex & vertissimus, errorum nullus, in concionando frequens, facundus, præpotens, vive inculcata exemplar spectabile.

Huic unicum subjungam Reverendissimi Chappelli, Corcagiæ Episcopi testimonium; qui has rationes alicubi reddidit, quamobrem Usserium nostrum in toto Orbe Christiano doctissimum reputaret.

“Primo quidem quod adeo mirifice esset à natura comparatus, ut & ingenium haberet promptum, inventionem subitariam, memoriam firmam, intellectum serenum, judicium perspicax, elocutionem autem expeditam, raro (inquit) hæc omnia in eodem viro summa comperies; in illo autem ita horum singula ad perfectionem aspirabant, ac inter se de victoria decertabant, ut cui potissimum palma tribuenda esset haud facile potuerit æquus arbiter dijudicare. Deinde vero, quoniam pauci (tot licet naturæ dotibus imbuti) aut valuerunt, aut certe voluerunt, eas in tantum provehere, conquirendo undique tot veterum monumenta, scrutando tot insignes bibliothecas, studio denique adeo jugi & pertinaci, cui paucorum sane vel corpus vel cerebrum sufficere unquam potuisset.

Postremo quod ab Academiis, cum nostris tum transmarinis, pro doctissimo haberetur, & omnibus, quotquot illius consuetudine uti sunt, linguarum peritissimus, in disputando subtilis, orator facundus, profundissimus Theologus, magnus Antiquarius, & Chronologus accuratus, viva denique ambulanque bibliotheca compertus sit. Unde profecto effectum est, ut maximi quique literarum professores, non sine stupore quodam, mirati fuerint tantam ac tam variam literaturam in uno aliquo viro coire unquam potuisse.

Verbo Usserium (utut malevolorum linguas non effugerit) id tamen prope singulare dicam apud bonos omnes & cordatos viros esse consecutum, sine exceptione laudari.

Jacobi Usserii Archiepiscopi Armachani opera edita,

LATINA.

- | | |
|--|----------------------|
| 1. De Ecclesiarum Christianarum successione & statu, | <i>Londini</i> 1613 |
| 2. Historia Gottschalci | <i>Dublinii</i> 1631 |
| 3. Epistolarum Hibernicarum Sylloge | <i>Dublinii</i> 1632 |
| 4. De primordiis Ecclesiarum Britannicarum | <i>Dublinii</i> 1639 |
| 5. Ignatii Epistolæ cum annotationibus | <i>Oxonie</i> 1645 |
| 6. Appendix Ignatiana | 1647 |
| 7. De Romana Ecclesiæ Symbolo Apostolico vetere & aliis fidei formulis | 1647 |
| 8. De Anno Solari Macedonum | <i>Londini</i> 1648 |
| 9. Annales veteris Testamenti | <i>Londini</i> 1650 |
| 10. Epistola ad Capellum de variantibus textus Hebraici lecti-
onibus | <i>Londini</i> 1652 |
| 11. Annales Novi Testamenti, &c. | <i>Londini</i> 1654 |
| 12. De Græca Septuaginta interpretum versione Syntagma | <i>Londini</i> 1655 |
| 13. De Cainane superaddito dissertatio | |
| 14. Chronologia Sacra, editore Barlovio | <i>Oxonie</i> 1660 |

ANGLICANA.

- | | |
|---|----------------------|
| 1. Concio habita coram Domo Communium in Anglia, | <i>Feb. 18</i> 1618 |
| 2. Oratio habita in castro Dublinensi, <i>Novemb. 22</i> | 1622 |
| 3. Concio de Universalitate Ecclesiæ coram Rege Jacobo, | <i>Jun. 20</i> 1624 |
| 4. Responso ad provocationem Malonei Jesuitæ, | <i>Londini</i> 1631 |
| 5. De Religione ab Hibernicis & Britannis antiquitus professæ tractatus | 1631 |
| 6. Immanuel, sive incarnatione filii Dei | 1639 |
| 7. Rainoldi judicium de munere Episcopali ex antiquitate confirmatum | 1641 |
| 8. Asiæ minoris descriptio Geographica | <i>Oxonie</i> 1643 |
| 9. De Origine Episcoporum & Metropolitanorum | 1644 |
| 10. Catechismus parvus | <i>Londini</i> 1654 |
| { Reductio muneris Episcopalis, &c. | |
| { De extensione mortis Christi, &c. | |
| { De Sabbato, &c. | <i>Londini</i> 1658. |
| { De ordinatione ministrorum in alijs Ecclesijs reformatis | |
| 12. De potestate Principis, &c. | 1661 |

Nondum Edita.

Censura Patrum, & aliorum Scriptorum Ecclesiasticorum.
Prælectionum in Bellarminum volumina Duo.
Epistolæ ad viros doctos.
Bibliotheca Theologica (fortassis eadem cum Censura)
Præter conciones, & alia quædam scripta Anglicana.

FINIS.

202

